

SC. 21. Pl. 6.



200 1498




200  
1498









PRÆLECTIONUM  
THEOLOGICARUM  
HONORATI  
TOURNELLY

Continuatio, sive Tractatus  
DE UNIVERSA  
THEOLOGIA MORALI.  
TOMUS TERTIUS

UBI AGITUR

- I. De Præcipuis Præcipuorum Statuum Obligationibus.
- II. De Fide, Spe, & Charitate.
- III. De Præceptis secundæ Tabulæ Decalogi.
- IV. De Præceptis Ecclesiæ.

*Accessit Appendix de Propositionibus ad Moralem disciplinam spectantibus,  
ab Apostolica Sede, & Clero Gallicano proscriptis.*



V E N E T I I S,  
Apud NICOLAUM PEZZANA.

M D C C L V.  
SUPERIORUM PERMISSU, AC PRIVILEGIO.



# PRÆFATIO.



UI tot annos silentium tenui, æquum est, ut loquar aliquando, & paucis te compellem, Lector Benevole, Scilicet id a me flagitant, tum sensus animi bene memoris, tum hujus quantulumque Operis ratio, & institutum.

Et in primis quidem, quod, quæcumque in lucem emisi, Opuscula tanta cum benignitate susceperis, gratias & habeo, & semper habebo singulares. Invita pene Minerva Scriptor, ut esse solent complures, sentiebam, indulgentia mihi opus esse non mediocri; sed non mei assentator non semeram, quanta iudigerem. Ab eo mentis errore levavit me experientia. Ea duce plenius intellexi illam partem Theologiæ, cui ab instituendis moribus, Moralis disciplinæ nomen inditum est, campum esse tam patentem, ut vix peragrari, tam obsitum vepribus, ut vix inoffenso pede decurri, tam hirsutum lapidibus omnimodæ molis, ut vix, ac vix quidem recto tramite fulcari possit. Sed, & id inter cetera dolendum maxime, quod unaquæque ejusdem campi portio suis obnoxia sit difficultatibus, quarum dum aliæ aliis succedunt, posteriores prioribus arduitatibus palmam præripere videntur.

Effer tamen hoc tolerabile, si uno quodam mentis intuitu deprehendi possent calculi omnes, qui moram injicere nati sunt. Sed heu! cui tandem memoriæ tot casuum myriades simul obversari possunt? Sane, ut clavus clavum trudit, sic idea ideam propulsat. Hinc, qui plura scribunt, principiorum, quæ alibi posuere, male tenaces, contradictoria identidem loquuntur, adeo ut non unum eundemque auctorem, sibi similem, sed duos, qui contra se invicem dimicent, pervolvere tibi videaris. Accedit, quod ut diversi homines non æque iisdem moventur argumentis, sed, quod hunc convincit, ab isto quasi frivolum exploditur; sic nec semper Theologo eidem paris videatur momenti ratio, quæ olim quacumque exceptione major apparuerat. Sensit hoc cæcus ille oculatissimus Prosper Fagnan, cum in hæc post Socinum erupit \* verba; *Quasi*

Flebile hoc malum, ut ab operibus meis, quantum liceret, averterem, nullam publici juris editionem feci, quin ei sedulam admoverim manum, & singulas cujusque voluminis partes secum invicem conferre conatus sim. Quia in re quam operosum præ ceteris mihi negotium fecerit Tractatus de Justitia, facile conjectare poterunt, qui norunt, in eo legibus leges, decisiones decisionibus tam agre conciliari, ut nisi, quod

\* Fagnan  
in c. Ne  
initia-  
ris, De  
Consis.  
nu. 138.  
Socin.  
Consil.  
150.

periculofæ plenum eft alex, attrito fapientum tramite recedere velis, pugnancia loqui videre.

\* De  
Arte  
Poet.

Ubi tantum incommodum pro virili amotum putavi, aliud erat, quod torquebat animum, meo quippe munere non omnino functus, nec omnibus numeris abfolutum, fed mancum opus, & mutilum exhibuiſſe videbar. Hæſi diu meruens, ne meo labori jure ac merito illud Horatianum objiceretur; \* *Infelix operis ſumma, quia ponere totum nescit.* Sane quomodo non aliorum obſtrectationes, & murmura pertimeſcat, qui honeſta lektorum ſiti non depulſa, fed laceſſita, quot præbuit, tot fere deſideranda reliquit? Nec ſpernenda quidem, aut inutilia deerant. Enimvero quis eum conſulentium, ſeu pœnitentium crimina dignoſcat, niſi peculiarium cujuſque ſtatus obligationum inſtructus norit quis charitatem, quis juſtitiam peccando læſerit, ſic ut alteri non, alteri reſtitutionis onus incumbat, ne id ſibi ponderis imponat, quo alios inſcienſer, ſed non impune levavit? Decalogi præcepta, quæ totius Religionis compendium, & cujuſvis Chriſti fidelis munera, & officia continent, de quibus, qui hanc provinciam ſuſceperunt, tam late diſlerunt, & quæ miram quæſtionum, & caſuum praxi inſervientium ſegetem pariunt, num æquum erat, ne ſummis quidem labiis deguſtare? Præterea, quæ Eccleſiæ vel traditione edoctæ, vel ſancto Spiritu aſſilæ, vel locis, temporibus, & perſonis conſulenti, ſuis mandare peropportunum viſum eſt, omnino prætermitti non decebat. Dein ut luxuriantes etiam in gravi hac diſciplina animi compeſcerentur, neve, ut multi autumant, liberum cuique eſſet undequaque percurrere, ſed in ſcopuloſa difficiliſque ſcientia ſe verſari intelligerent. Propositionum erronearum ſeriem cum earum cenſura ſubnectere non abs re erat; unde, ſyrtribus, in quas præclara quidem, ſed liberiora ingenia ſuo Marte ducta impegnarunt detectis nos cauti alienis periculis efficeremur. Hæc ſunt, amice Lector, quæ in prioribus voluminibus omiſſa, in hoc tertio adjecta invenies. Interim vale, & virum in tui gratiam jam dudum fatiſcentem ſub onere prius redama.



# I N D E X

## Capitum, Articulorum, & Quæstionum.

<b>TRACTATUS</b> De præcipuis præcipuorum Statuum obligationibus.	Pag. 1.
<b>PARS PRIMA.</b> De obligationibus Clericorum.	2
<b>CAPUT I.</b> De obligationibus Clericorum in genere.	3
<b>ARTICULUS I.</b> De dotibus ad Clericalem statum prærequiritis.	ibid.
<b>CONCLUSIO I.</b> Ad Clericatum prærequiritur innocentia vitæ, vel eustodita diligenter, vel congrue reparata.	ibid.
<b>CONCLUSIO II.</b> Ad Clericalem statum prærequiritur scientia.	5
<b>CONCLUSIO III.</b> Ad Clericalem statum requiritur imprimis vocatio.	7
<b>ARTICULUS II.</b> De his, quæ ab homine jam Clerico fugienda sunt, aut præstanda.	11
<b>SECTIO I.</b> De his, quæ a Clerico vitanda sunt.	ibid.
<b>CONCLUSIO I.</b> generalis. Clerici ab omni vitio purissimi esse debent.	12
<b>CONCLUSIO II.</b> Clerici a multis, quæ in secularibus non culpantur, aut minus arguuntur, abstinere debent; qualia sunt venatio, alea &c.	ibid.
<b>SECTIO II.</b> De iis, quæ a Clerico præstanda sunt.	19
<b>CONCLUSIO I.</b> Clerici simplices tonsuram, & habitum clericalem; qui vero sunt in Sacris, vel Beneficarii vestem talarem gerere debent.	ibid.
<b>CONCL. II.</b> Clerici etiam simplices divinis Officiis, Festis, & Dominicis diebus interesse tenentur.	22
<b>CONCLUSIO III.</b> Clerici omnes, præsertim in Sacris, Ecclesiæ ceremonias, & scire, & adamussim observare tenentur.	ibid.
<b>CONCL. IV.</b> Et Beneficarii, & quicumque Clerici in Sacris ad Officii recitationem tenentur.	23
<b>CONCLUSIO V.</b> Clerici omnes ad castitatem tenentur, sed multo strictius, qui sunt in Sacris.	ib.
<b>ARTICULUS III.</b> De obligationibus Beneficiorum.	28
<b>SECTIO I.</b> De Residentia.	ibid.
<b>CONCLUSIO I.</b> Beneficia quacunque, etiam simplicia, & tenuia, de jure communi residentiam exigunt.	ibid.
<b>CONCLUSIO II.</b> Beneficia, quibus annexa est animarum cura, ut Episcopatus, Parochia, Vicariatus perpetuus, Abbatis, & Prioratus Regulares, &c. residentiam exigunt jure naturali, divino, ecclesiastico, & civili.	29
<b>SECTIO II.</b> De pluralitate Beneficiorum.	35
<b>CONCLUSIO.</b> Peccat mortaliter, qui plura habet Beneficia, tametsi simplicia, quando unum ad honestam sustentationem sufficit.	ibid.
<b>SECTIO III.</b> De dispositione fructuum Beneficii.	37
<b>CONCLUSIO I.</b> Beneficarii reddituum mere ecclesiasticorum domini non sunt, sed dispensatores, unde ex iustitia tenentur, quidquid ex iisdem redditibus superflui habent, pauperibus erogare, vel pios in usus expendere.	39
<b>CONCLUSIO II.</b> Qui sufficientes habent patrimonium, possunt eo ad victum non nisi, & vivere ex bonis ecclesiasticis.	44
<b>APPENDIX.</b> De obligationibus Confessariorum.	48
<b>CONCLUSIO I.</b> In Confessario sufficit potestas Ordinis, sed requiritur insuper potestas jurisdictionis, quæ conferitur, vel approbatione Ordinarii, vel certorum Beneficiorum collatione.	ib.
<b>CONCLUSIO II.</b> In Confessariis requiritur scientia, eaque ratione objecti multiplex.	49
<b>CONCLUSIO III.</b> Confessarius singulari eget prudentia.	51
<b>CONCLUSIO IV.</b> Prohibet Confessario cuilibet est summe necessaria.	56
<b>PARS SECUNDA.</b> De Statu, & Obligationibus Religiosorum.	63
<b>CAPUT I.</b> Expenduntur qualitates, & æra Novitiorum.	64
<b>CAPUT II.</b> Discutuntur primaria Religiosi Precepti obligationes.	71
<b>TRACTATUS I.</b> De voto Castitatis.	76
<b>ARTICULUS II.</b> De voto Paupertatis.	78
<b>CONCLUSIO I.</b> Religiosi in communi, & bona possidere possunt, & eorum, quæ possident.	eodem

# INDEX CAPITULI.

eadem modo domini sunt, ac Beneficarii saculares.	
CONCLUSIO II. Nemo Religiosus in particulari capax est proprietatis.	ibid.
ARTICULUS III. De voto Obsequii.	ibid.
CAPUT III. De aliis quibusdam Status Religiosi obligationibus.	83
ARTICULUS I. An Regulares Professores ad Officium, & Missam teneantur.	90
CONCLUSIO. Religiosi ad Chorum professores, & nunciam in Sacris constituti, oriam extra Chorum tenentur sub mortali ad Officiū recitationem, nisi cum illis dispensatum sit a Papa, aut aliud fecerit speciale Ordinis institutum.	ibid.
ARTICULUS II. De Studiis Regularium.	ibid.
CONCLUSIO I. Monachi studiis & vacare possunt, & vacare debent.	93
CONCLUSIO II. In Monachorum studiis praecautio multiplici opus est.	94
ARTICULUS III. An Regulares Episcopis subiacent.	96
CONCLUSIO I. Regulares Episcopis, quoad Ordines subiacent.	97
CONCLUSIO II. Pendens Regularis ab Episcopo in eo, quod ad Sacramentorum, praesertim vero Pœnitentia, administrationem spectat; pendens & in officio concionandi.	ibid.
CONCLUSIO III. Regularis Episcopis multipliciter subiacent, quoad censuras.	98
CONCLUSIO IV. Regularis, quoad Efferam celebrationem Episcopi moram gerere tenentur.	100
APPENDIX. De obligationibus Religiosorum.	101
CONCLUSIO I. Superior vitam puram, continentem, & exemplarem agere debet.	105
CONCLUSIO II. Superiorum regimen omni virtutum apparatu, sed scientia potissimum, Eruditione, & charitate informari debet.	ibid.
PARS TERTIA. De obligationibus Iudicum.	106
CAPUT I. De obligationibus Iudicum in ordine ad se.	108
CONCLUSIO. Iudex vigere debet ingenio, intelligentia, seu, ut loquimur, bono sensu, scientia, constantia, & animi firmitudine, gravitate morum; debet, & a sacri, commodorumque suorum studio aversus esse.	109
CAPUT II. De obligatione Iudicum in ordine ad leges.	110
CONCLUSIO. Iudex secundum legem, & ordinem legibus praescriptum sententiam ferre tenetur.	112
CONCLUSIO II. In casibus a lege obscuris talis, aut etiam pratermissis Iudex habet semper fixum aliquod, quod sequatur, & a quo recedere non potest pro nimis, & arbitrio.	114
CONCLUSIO III. Iudex potius debet duritia quaque, & ipsam mortem pati, quam insentem, ex allegatis, & falso probatis morti addicere.	116
CAPUT III. De obligatione Iudicum in ordine ad eos, quibus ius dicendum est.	119
CONCLUSIO I. Iudex iis solum ius dicere potest, in quos iurisdictionem habet.	ibid.
CONCL. II. Iudex dona, munera, & pensiones, ab iis, quibus ius dicit, accipere non potest sine gravi peccato. Unde stipendio suo, & quidominus limites sibi permisso contentus esse debet.	121
CONCLUSIO III. Iudex in dicendo iure nullam debet habere nationem personarum.	123
CONCLUSIO IV. Iudex debet in examinandis, ac terminandis litibus diligentiam tenetur adhibere.	124
PARS QUARTA. De obligationibus verum, qui ad Iudicia concurrunt.	ibid.
CAPUT I. De obligationibus Advocatorum.	125
CONCLUSIO. Advocati, scientia plurima, sollicitudo, diligentia, iustitia, charitate, & probitate, conspicui esse debent.	ibid.
CAPUT II. De obligationibus Procuratorum, &c.	129
PARS QUINTA. De obligationibus Dominorum temporalium.	133
CONCLUSIO I. Domini, seu, ut ajunt, Dynastia, Ecclesiam, ejusdem Ministros, verbo, & facto tueri debent.	ibid.
CONCL. II. Dynastia Vasallis iustitiam, & immunitatem ab oneribus indebitis procurare tenentur.	ibid.
PARS SEXTA. De obligationibus eorum, qui publice docent, aut publice audiunt.	138
CAPUT I. De Magistris.	ibid.
CONCLUSIO I. Qui alios erudit, remora in Deum pietate referti esse debent.	ibid.
CONCLUSIO II. Qui alios erudit, praeceptorum spiritualia auxilia, debent alumnis suis potentem doctrinam, viginti, & quicquid ad ferri studii amorem allicere potest.	139
CAPUT II. De Discipulis.	141
CONCL. I. Juvenes, qui studiis vacant, pietatem, & virtutem impensis sectari debent.	ib.



# ARTICUL. ET QUÆSTIONUM.

CONCLUSIO II. <i>Adolescentes, qui Scholas frequentant, debent Professoribus assiduam, docilitatem, reverentiam, &amp; animum bene memorem.</i>	142
CONCLUSIO III. <i>Qui Scholas adeunt, serium sibi metipsis laborem, ac studium debent; &amp; si amiserint graviter peccant.</i>	143
PARS SEPTIMA. <i>De obligationibus Medicorum, Pharmacopolarum, &amp; Chirurgorum.</i>	145
CONCLUSIO I. <i>Medici singulari peritia, diligentia, charitate, pietate, propria utilitatibus neglectis, ac demum fidelitate praditi esse debent.</i>	ibid.
CONCLUSIO II. <i>Pharmacopola, quorum est parare medicamina; Chirurghi item, quibus competit, ut medeantur, urendo, incidendo, calvariam teretra perforando, iisdem qualitatibus praditi esse debent, qua in Medicis requiruntur.</i>	148
PARS OCTAVA. <i>De Moderatoribus, &amp; Collectoribus tributorum.</i>	149
CAPUT I. <i>De Collectoribus.</i>	150
CAPUT II. <i>De Moderatoribus, &amp; aliis, qui in negotiis tributorum inigne agunt.</i>	155
TRACTATUS De præceptis Decalogi.	159
CAPUT I. <i>Da primo Decalogi præcepto.</i>	163
ARTICULUS I. <i>De Fide.</i>	ibid.
SECTIO I. <i>De essentia, &amp; divisione Fidei.</i>	ibid.
SECTIO II. <i>De necessitate actus Fidei.</i>	165
PUNCTUM I. <i>De necessitate actus interioris Fidei.</i>	166
§. I. CONCLUSIO. <i>Interior Fidei actus ad obtinendam salutem necessarius est, necessitate tum mediæ, tum præcepti.</i>	ibid.
<i>Solvuntur Objectiones.</i>	167
§. II. <i>Antequam examinetur quodnam sit Fidei ad salutem necessaria obiectum, &amp;c. quædam sunt præsupponenda.</i>	169
CONCLUSIO I. <i>Post Evangelii promulgationem necessaria est necessitate mediæ fidei explicita, non solum Dei, sed remuneratoris, sed etiam Trinitatis, &amp; Incarnationis.</i>	170
<i>Solvuntur Objectiones.</i>	171
CONCLUSIO II. <i>Ad salutem necessaria est insuper necessitate præcepti divini 1. Fides eorum omnium (quoad substantiam scilicet) qua in Symbolo Apostolorum continentur; 2. Fides Sacramentorum, qua vel necessaria necessitate mediæ, vel licet non sint stricte necessaria, aliquando tamen recipienda sunt. His addenda est notitia, tum Orationis Dominicæ, ejusque necessitatis, tum præceptorum Decalogi.</i>	173
§. III. CONCL. <i>Fidei præceptum sapius urget in vita, tum ratione sui, tum per accidens.</i>	180
PUNCTUM II. <i>De exteriori Fidei actu.</i>	183
CONCL. I. <i>Præceptum confitendi exterius fidem, non semper, neque in quolibet loco est de necessitate salutis, sed in aliquo tempore, quando scilicet per omissionem hujus confessionis, aut subtraheretur honor Deo debitus, aut etiam utilitas proximo impendenda, ita S. Th. ib.</i>	ib.
CONCLUSIO II. <i>Datur præceptum negativum, quo prohibetur negatio fidei, quodque semper, &amp; pro semper obligat, &amp; multis modis violari possit.</i>	187
PUNCTUM III. <i>Quis negativum fidei præceptum violare consensur.</i>	190
SECTIO III. <i>De peccatis Fidei oppositis.</i>	202
PUNCTUM I. <i>Quid, &amp; quod duplex sit Hæresis.</i>	203
PUNCTUM II. <i>De Hæreticorum panis.</i>	206
PUNCTUM III. <i>De commercio cum Hæreticis.</i>	212
§. I. <i>De Matrimonio cum Hæreticis, &amp;c.</i>	ibid.
CONCLUSIO I. <i>Matrimonia Fidelium cum Hæreticis jure Ecclesiastico prohibita sunt: non sunt tamen nulla, imo accedente Romani Pontificis dispensatione contrahi aliquando possunt.</i>	ibid.
CONCLUSIO II. <i>Matrimonium inter baptizatos contractum non dissolvitur quoad vinculum per hæresim alterius, bene vero, quoad cibum, &amp; habitationem.</i>	214
§. II. <i>De dispensatione cum Hæreticis, &amp; librorum hæreticorum lectione.</i>	217
CONCL. I. <i>Dispensatio cum Hæreticis, sicut cum debitis conditionibus, licita est, sed non omnibus.</i>	ib.
CONCLUSIO II. <i>Lectio hæreticorum librorum multis prohibita est jure naturali, &amp; multis pluribus jure ecclesiastico.</i>	220
ARTICULUS II. <i>De Spe.</i>	221
CTIO I. <i>De natura, &amp; divisione Spei.</i>	225

# INDEX CAPITULUM.

SECTION II. De obiecto Spei.	225
CONCLUSIO I. Arduitas obiecti sperati, non est ratio formalis spei.	ibid.
CONCLUSIO II. Bonitas Dei relativa non est adequatum spei obiectum formale.	226
CONCL. III. Obiectum formale spei, prout spes, est desiderium efficax beatitudinis, est bonitas Dei respectiva: obiectum vero formale eiusdem spei prout est tendentia, nixus, & ut ita loquar, mentis erectio adversus difficultates, quae a consequenda beatitudine retardant, est virtus Dei auxiliaris: non quidem simpliciter, sed prout per divinam promissionem nobis quodammodo obligata. ibid.	
SECTION III. De subiecto Spei.	228
SECTION IV. De proprietatibus Spei.	231
PUNCTUM I. De certitudine Spei.	ibid.
CONCLUSIO. Spes est certa ex parte Dei, incerta vero ex parte nostri: seu ut loquimur alii, spes est certa certitudine conditionata, non autem certitudine absoluta; potest tamen, & debet dici spes simpliciter, & in se certa.	ibid.
PUNCTUM II. De necessitate Spei.	234
CONCL. I. Spes est necessaria necessitate mediæ, & præcepti, tum naturalis, tum divini. ibid.	
CONCLUSIO II. Præceptum negativum spei, semper, & pro semper obligat; præceptum vero affirmativum eiusdem spei, aliquando obligat per se, aliquando per accidens. ibid.	
CONCLUSIO III. Non datur in presenti vita status, in quo mens Deum tam pure diligit, ut iam, nec parvarum metum, nec verecundæ desiderio moveatur; & multo minus in quo imperfectum sit, & periculosum elicere actus spei, & virtutum, quæ ad utilitatem nostram, nostrumque interesse relativa fiat.	237
PUNCTUM III. De bonitate, seu honestate Spei.	239
CONCL. I. Amor eueniensentia, quæ Deum prosequimur, ut summum nostri bonum, honestus est, & supernaturalis; unde licitum est, ac virtuosum sperari intuitu beatitudinis felicius. 240	
CONCLUSIO II. Amor, quæ Deum diligimus, ut summum nostrum bonum, non charitatis, quæ proinde pro obiecto habet Deum præter se dilectum, & ita dilectum præter se, ut adhuc diligetur, si futurum non esset summum hominis bonum.	243
SECTION V. De effectibus Spei.	246
SECTION VI. De peccatis Spei oppositis.	248
CONCLUSIO I. Prasumptio, & desperatio semper devotant modicam, & infirmam fidem; non tamen semper infidelitati connexa sunt in Catholicis. ibid.	
CONCL. II. Desperatio, & Prasumptio si sufficiens ad se consensus sunt peccata ex genere suo lethalia; non tamen omnium maxima, nisi hoc sensu, quod omnium sint maxime perniciose. 249	
CONCLUSIO III. Dux sunt desperationis causa, luxuria scilicet, & præcipue accidia. Dux item causa presumptionis, superbia nimirum, & inanis gloria. 251	
ARTICULUS III. De Charitate.	253
SECTION I. Quid Charitas, & quatuorplex.	ibid.
SECTION II. De obiecto Charitatis.	256
CONCL. Obiectum Charitatis, est bonum velimus, est primo Deus secundum ipsi, tertio proximum. ib.	
CONCLUSIO. II. Obiectum materiale Charitatis, quod diligitur tanquam res amici, est illud omne, quod aliis velle possumus in ordine ad beatitudinem. 257	
CONCLUSIO III. Obiectum formale Charitatis, quæ Deum, & proximum diligimus, est bonitas eius absoluta; seu est infinita perfectio, quæ Deo redditur summe amabilis. 258	
SECTION III. De necessitate, & conditionibus Charitatis.	259
CONCLUSIO I. Præceptum charitatis Deo debita, prout affirmativum, non obligat semper, & pro semper; obligat tamen sæpius. ibid.	
CONCL. II. Tenetur proximum diligere actu formali seu interno; & hoc præceptum sæpius obligat. 262	
CONCLUSIO III. Præceptum charitatis fraterna prohibet sub mortali odium inimicis: & internum eius amorem, idque multis in occasionibus, præcipit etiam sub mortali. 264	
SECTION IV. De ordine Charitatis.	270
PUNCTUM I. An nos rebus extra nos positis præferre teneamur.	ibid.
CONCLUSIO I. Tenetur homo, Deum magis, quam se, & proximum diligere, tum obiective, tum appetitive, tum etiam intensive, saltem aliquo sensu. ibid.	
CONCLUSIO II. Unusquisque præcepti charitatis, tenetur se magis, quam proximum assistere diligere quoad bona spiritualia necessaria, imo & communiter loquendo, quoad bona	eterna

# ARTICUL ET QUÆSTIONUM.

- bona etiam temporalia, quæ necessaria sunt, seu quæ homini præcipiuntur, ut vita propria conservatio. Aliud est si agatur de iisdem bonis temporalibus comparate ad spiritalia proximi bona, eidem proximo necessaria.* 274
- PUNCTUM II.** *An Charitas et rebus extra nos positis, alias aliis præferri jubeat.* 284
- CONCLUSIO I.** *Oporet magis unum proximorum, quam alium diligere.* *ibid.*
- CONCLUSIO II.** *In eodem bonorum, & necessitatum genere, qui nobis conjuncti sunt, seu sanguine, seu amicitia, officio, Religione, aut convictu, extraneis præferri debent.* *ibid.*
- CONCLUSIO III.** *Et conjunctis, si per se loquendo in eodem bonorum, & necessitatum genere aliis præferri debent, qui nobis propinquiores sunt, & ex aquæ propinquis, qui sunt digniores.* 285
- CONCLUSIO IV.** *Inter conjunctos, ii, qui nobis secundum carnis originem propinquiores sunt, debent præferri aliis, quæ ad naturam pertinent.* 286
- SECTIO V.** *De actibus Charitatis, & primo de Eleemosyna.* 288
- PUNCTUM I.** *An sit aliquod præceptum Eleemosynæ.* *ibid.*
- PUNCTUM II.** *Quando obliget præceptum Eleemosynæ.* 289
- CONCLUSIO I.** *Proximo in extrema necessitate posito tenemur eleemosynam erogare ex iis, quæ vita superflua sunt, licet sint necessaria ad decentiam status; et eadem in necessitate gravi constituto succurrere tenemur ex iis etiam, quæ ad aliquam statum decentiam necessaria sunt; eidem demum communem necessitatem patienti succurrere debemus ex iis, quæ statui superflua sunt. Et hæc triplex obligatio urget sub mortali.* 293
- PUNCTUM III.** *Quanta, & quibus a bonis fieri debeat Eleemosyna.* 299
- CONCLUSIO I.** *Regulariter loquendo non licet dare eleemosynam ex alienis bonis.* 300
- CONCLUSIO II.** *Licet dare eleemosynam ex bonis, quæ possidentur collegialiter, non ex iis, quæ possidenda sunt particulariter.* *ibid.*
- CONCLUSIO III.** *Eleemosyna fieri non potest ex bonis illicitis simul, & injuste acquisitis; sed fieri potest ex iis, quæ licet illicitè comparata sint, iuste tamen retinentur.* 301
- PUNCTUM IV.** *A quibus dari possit eleemosyna.* *ibid.*
- CONCLUSIO I.** *Servi nihil ex dominorum bonis denare possunt, nisi legitime consensum eorum, aut ratificationem præsumant.* *ibid.*
- CONCLUSIO II.** *Superiores Religionum possunt, & debent eleemosynas facere.* 302
- CONCLUSIO III.** *Potest filius-familias ex bonis castrensibus, aut quasi castrensis eleemosynam in iuribus parentibus facere; non potest vero communiter ex bonis parentum.* *ibid.*
- CONCLUSIO IV.** *Uxor ex bonis viri dispositi subiectis eleemosynas dare non debet sine consensu viri, vel expresso, vel præsumpto, nisi in articulo necessitatis, ... Sed si habeat alias res præter dotem... vel ex proprio lucro, vel quocumque alio licito modo, potest dare eleemosynas etiam irrequisito assensu viri, moderatas tamen &c.* *ibid.*
- PUNCTUM V.** *Quibus facienda sit eleemosyna.* 304
- CONCLUSIO I.** *Hominibus etiam facinorosis eroganda est eleemosyna.* 305
- CONCLUSIO II.** *Pauperibus, qui voluntarie tales sunt voluntate virtutis, potest, & debet erogari eleemosyna; secus si tales sint voluntate otii, & ignavia.* *ibid.*
- PUNCTUM VI.** *Eleemosyna effectus, & conditiones.* 307
- SECTIO VI.** *De Correctione fraterna.* 310
- PUNCTUM I.** *An, & quibus præcepta sit Correctio fraterna.* 311
- CONCLUSIO I.** *Datur præceptum correctionis fraterna.* *ibid.*
- CONCLUSIO II.** *Præceptum correctionis non in seculum Superiores, sed in omnes etiam aquales, & inferiores cadit.* 312
- PUNCTUM II.** *De objecto Correctionis fraterna.* 314
- CONCLUSIO I.** *Peccatum, tum mortale, tum etiam veniale correctioni fraterna est obnoxium; mortale tamen præcipue, & principaliter.* 315
- CONCLUSIO II.** *Peccata commissa, & non emendata, sunt propria materia correctionis ad quam etiam aliquatenus pertinent peccata proximo committenda.* *ibid.*
- CONCLUSIO III.** *Qui ex culpabili, siue facti, siue juris, vel divini, vel humani ignorantia male operatur, corrigi debet, si fructuose corrigi potest. Qui vero ex inculpata juris divini, vel humani ignorantia jus idem transgreditur, corrigi aliquando debet, aliquando non.* 316
- PUNCT. III.** *Quot tempore, & quibus sub conditionibus obliget præceptum correctionis fraterna.* 318
- CONCL. I.** *Præceptum correctionis fraterna negative sumptum obligat semper, & præsempit.* *ibid.*

CON-

# INDEX CAPITUM,

CONCLUSIO II. Præceptum correctionis fraterna hoc ultimo sensu acceptum, non obligat, nisi sub certis conditionibus.	ibid.
PUNCTUM IV. Quis servandus ordo in correctione fraterna.	322
CONCLUSIO. Ordo a Christo Matth. 18. prescriptus obligat sub gravi culpa, nisi aliud prudentia dixerit.	ibid.
SECTIO VII. De peccatis Charitatis oppositis.	323
PUNCTUM I. De Scandalo.	ibid.
§. I. Quid, & quod duplex Scandalum.	ibid.
§. II. An Scandalum sit peccatum, & quale.	327
CONCLUSIO. Scandalum, etiam sine intentione expressa alium inducendi ad peccatum, est peccatum ex natura sua mortale, & speciale Charitati oppositum; unde ad Scandalum proprie dictum sufficit intentio interpretativa.	328
§. III. An, & qua bona ad vitandum Scandalum omitti debeant.	331
CONCL. I. Ad vitandum Scandalum nihil unquam facere licet, quod iuri naturali adversetur. ib.	
CONCLUSIO II. Bona opera, quæ sunt consilia, nec omitti, nec deferri debent propter Scandalum pharisaicum, quando subest rationabilis causa non differendi. Eadem vere opera, vel omitti, vel differri debent propter Scandalum pusillorum, donec tollatur occasio Scandali.	332
PUNCTUM II. De aliis peccatis Charitati oppositis.	337
CAPUT II. De secundo Decalogi præcepto.	342
CAPUT III. De tertio Decalogi præcepto.	344
ARTICULUS I. Qua Christianis Dominica die prohibita sint.	345
CONCLUSIO I. Peccans graviter, qui Dominicis, Festisque diebus exercens opera servilia, aliæque divino, vel humano jure prohibita, nisi excuset pietas, necessitas, aut levitas materia.	346
CONCLUSIO II. Opera liberalia, vel communia Festis diebus prohibita non sunt; illi tamen non nisi intra justos limites vacandum.	350
ARTICULUS II. Quid a Christianis die Dominica præstandum.	351
SECTIO I. De Missa.	ibid.
CONCLUSIO I. Fideles omnes rationis usum adepti, sub gravi peccato Missam Festis, ac Ecclesiasticis diebus audire tenentur.	ibid.
CONCLUSIO II. Ad legitimam Missæ auditionem requiritur præsentia moralis, integra, & religiosa.	ibid.
SECTIO II. De aliis Pietatis operibus, quibus Fideles uncarere oportet.	361
CONCLUSIO I. Convenit, & necessarium est, ut existens in peccato mortali altum elicias contritionis, aut aliquid simile.	ibid.
CONCLUSIO II. Et si mathematico definiri nequeat, quando præcise elicendi sint Virtutum Theologicarum actus, hortandi tamen sunt Fideles, ut explicitos eorumdem Virtutum actus Dominicis, Festisque diebus exercent.	ibid.
CONCL. III. Ad sanctificationem diu Dominica necessaria non est sacra Scriptura Lectio.	362
CONCLUSIO IV. Diebus Dominicis Fideles, tum Concioni, tum vespertinis Officiis interesse debent.	364
TRACTATUS De Præceptis Secundæ Tabulæ Decalogi.	366
CAPUT I. De quarto Decalogi Præcepto.	ibid.
ARTICULUS I. De mutuis patrum, ac filiorum obligationibus.	367
SECTIO I. De obligationibus parentum erga liberos.	ibid.
CONCLUSIO I. Parentes temporalem filiis suis curam exhibere tenentur.	ibid.
CONCLUSIO II. Parentes sedulam Christianam filiorum suorum institutionem manum admodum tenentur.	369
SECTIO II. De officiis liberorum erga parentes.	373
CONCLUSIO I. Filii sincerum amorem, & exteriora ejus signa debent parentibus.	ibid.
CONCLUSIO II. Filii parentibus reverentiam omnimodam debent.	374
CONCLUSIO III. Filii tenentur parentibus obedire in iis, in quibus iisdem subsunt.	375
CONCL. IV. Filii parentibus subvenire tenentur, tum in spiritualibus, tum in corporalibus.	377
ARTICULUS II. De mutuis patrum, filiorumque spiritualium officiis.	382
CONCLUSIO I. Pastores concessitum sibi gregem pascere debent, exemplo conversationis, verbo prædicationis, fructu orationis.	383

CON.

# ARTICULUS ET QUÆSTIONUM.

CONCLUSIO II. Debent fideles Pastoribus suis amorem sincerum, obedientiam in iis, quæ ad salutem pertinent, reverentiam singularem, & vita subsidium.	385
CONCL. III. Patres filios suos ad virtutem, bonosque mores informarentur sub gravi.	386
CONCLUSIO IV. Filii spirituales patribus suis debent amorem reciprocum, reverentiam filialem, & obedientiam obligationi patrum commensurata.	387
ARTICULUS III. Quid debeant alii quasi patres suis respectivo, & e contra.	ibid.
CONCLUSIO I. Principes subditis suis prælucere debent exemplo, eorumdem salutem providendo tollendo peccandi occasiones, ipsos ab hoste, & iniquis vexationibus tueri.	388
CONCLUSIO II. Subditi Principibus debent honorem, obsequium, fidem, & subsidia.	ibid.
CONCLUSIO III. Debent domini famulos amare, instruere, corrigere, eorumque operam iusto stipendio remunerare.	389
CONCL. IV. Servi dominis suis obedientiam debent, reverentiam, obsequium, & fidelitatem.	390
CONCLUSIO V. Tutores temporaneam, & spirituales curam debent pupillis suis.	391
CONCLUSIO VI. Pupilli tutoribus id forme debent, quod patribus filii, amorem scilicet, honorem, & obedientiam in iis, quæ ad tutelam spectant.	392
ARTICULUS IV. Quid sibi debeant conjuges.	ibid.
SECTIO I. De obligationibus a debito conjugali distinctis.	ibid.
CONCLUSIO I. Conjuges ad mutuum, sanctum, & speciale amorem obligantur.	ibid.
CONCLUSIO II. Conjuges ad conjugalem societatem tenentur, & ideo secum cohabitare debent quoad domum, & thorum, nisi legitima causa excuset.	393
CONCLUSIO III. Conjugum alter alteri alimenta debet.	401
SECTIO II. De debito conjugali.	402
CONCLUSIO. Conjuges in eo, quod ad debitum conjugale spectat, sibi invicem obsequi tenentur, nisi excuset ratio legitima.	ibid.
SECTIO III. De conjugum peccatis extra, vel intra usum matrimonii.	414
CAPUT II. De quinto Decalogi Præcepto.	421
ARTICULUS I. An licita sit ipsi ipsius occisio.	422
CONCLUSIO I. Non licet homini semetipsum dirigere, & proprio motu occidere.	ibid.
CONCLUSIO II. Licet homini se indirekte, & negativo occidere.	425
CONCLUSIO III. Nemini licet mutilare se extra casum necessitatis.	427
ARTICULUS II. De Homicidio publica auctoritate facto.	428
SECTIO I. De Reorum occisione.	429
CONCLUSIO. Licetum est malefactores occidere, & eos etiam, qui in Scripturis non exprimentur.	ibid.
SECTIO II. De occisione, quæ fit in bello.	436
PUNCTUM I. An licitum sit bellum, & quibus conditionibus.	ibid.
CONCLUSIO I. Licetum est etiam Christianis belligerare, postea ponendis.	ibid.
CONCLUSIO II. Ut bellum sit omnimodo iustum, & licitum, quatuor requiruntur, neminem ut fiat 1. auctoritate publica; 2. iusta de causa; 3. recta intentione; 4. cum iure moderamine.	438
PUNCTUM II. De peccatis eorum, qui bello inserviunt.	442
CONCLUSIO I. Multipliciter peccant Duces exercituum, seu primarii seu subordinati.	ibid.
CONCLUSIO II. Multipliciter quoque peccant milites gregarii.	443
CONCLUSIO III. Multipliciter quoque peccati reos se faciunt castronites, annona, tum venditores, seu rivendarii, tum provisores, quos aliqui Anonistarii vocant.	444
CONCLUSIO IV. Multipliciter etiam peccant ararii bellorum Tribunalium, seu Theaurarii.	ibid.
PUNCTUM III. Expenduntur varia, quæ huic spectant, difficultates.	445
ARTICULUS III. De homicidio privata auctoritate facto.	447
SECTIO I. An licet abortum procurare.	448
CONCLUSIO I. Abortum procurare in primo casu, mortale est peccatum.	449
CONCLUSIO II. Quando factus est, aut esse putatur animatus, imo cum de hoc dubitatur, non licet matri etiamque aliquem versari in certo mortis periculo, probre medicina de se tendentem ad occisionem factus.	450
SECTIO II. An occidere licet invasorem vita, bonorum, &c.	454
PUNCTUM I. An iniquum vita invasorem occidere liceat.	ibid.

# INDEX CAPITULUM,

<i>Momenta eorum, qui putant eum peccare contra charitatem, qui iniustum aggressorem occidit.</i>	456
<i>Momenta alterius opinio.</i>	457
<b>PUNCTUM II.</b> <i>An liceat occidere ad defensionem boni temporalis, honoris, &amp; pudicitia.</i>	464
<b>CONCLUSIO I.</b> <i>Non licet propter bona fortuna, ea etiam, qua magni sunt momenti, &amp; aliter recuperari non possunt, iniustum eorum invasorem occidere.</i>	ibid.
<b>CONCLUSIO II.</b> <i>Iniquum fama, aut honoris nostri invasorem occidere illicitum est, non solum Clericis, ut multi fatentur, sed etiam secularibus, ut quidam male negant.</i>	465
<b>CONCLUSIO III.</b> <i>Non licet iniustum pudicitia invasorem occidere.</i>	467
<b>SECTIO III. De Duello.</b>	468
<b>CONCLUSIO I.</b> <i>Duellum privata auctoritate initum, peccatum est mortale; unde illud, nec offerre licitum est, nec oblatum acceptare.</i>	ibid.
<b>CONCLUSIO II.</b> <i>Duellum publica auctoritate iuste aliquando iniiri potest; rarissimo tamen.</i>	470
<b>CONCLUSIO III.</b> <i>Graves duellatoribus, iisue, qui ad duellum quoquomodo concurrunt, pena sacris Canonibus inflicta sunt.</i>	471
<b>CAPUT III. De sexte Decalogi Præcepto.</b>	474
<b>ARTICULUS I. De Fornicatione.</b>	ibid.
<b>CONCLUSIO I.</b> <i>Fornicatio qualibet est peccatum mortale, jure, tam divino, tum naturali gra:iter prohibitum.</i>	475
<b>CONCLUSIO II.</b> <i>Fornicatio desponsatorum peculiarem habet malitiam, qua in confessione aperiri debet.</i>	478
<b>CONCLUSIO III.</b> <i>Graves sacris Canonibus decernuntur pena adversus concubinarior, præsertim Clericos.</i>	479
<b>ARTICULUS II. De Strupro, &amp; Rapto.</b>	481
<b>CONCLUSIO I.</b> <i>Struprum est luxuria specie distincta a fornicatione. 1. si puella opprimatur invita. 2. etiamsi volens cadat stupratori.</i>	482
<b>CONCLUSIO II.</b> <i>Probabilius est puellam virginem, qua turpo coitus illiciti desiderium habet, aut in ejus cogitatione morose oblectatur, virginis suæ circumstantiam confiteri debere: idem dicendum de eo, qui virginis copulam appetiit.</i>	484
<b>ARTICULUS III. De Adulterio.</b>	485
<b>CONCLUSIO I.</b> <i>Adultterium est gravissimum luxuria crimen a cæteris speciebus distinctum.</i>	486
<b>CONCLUSIO II.</b> <i>Datur adultterium aliud alio gravius.</i>	ibid.
<b>CONCLUSIO III.</b> <i>Adultterium etiam consentiente marito commissum, non desinit vel adultterii rationem habere.</i>	486
<b>ARTICULUS IV. De Incestu.</b>	488
<b>CONCLUSIO I.</b> <i>Incestus gravissimum est crimen.</i>	490
<b>CONCLUSIO II.</b> <i>Datur incestus alio gravius; unde in confessione exprimendum est, quo in gradu peccatum fuerit.</i>	ibid.
<b>ARTICULUS V. De Sacrilegio.</b>	491
<b>CONCL.</b> <i>Sacrilegium ratione personæ, est peccatum grave, &amp; eo gravius, quo magis Deo dicata est persona, qua castitatem ladi, &amp; inhonestior actio, qua se inquinat.</i>	492
<b>ARTICULUS VI. De peccatis contra naturam.</b>	494
<b>SECTIO I. De Mollitie.</b>	ibid.
<b>CONCLUSIO I.</b> <i>Mollitias est peccatum mortale ex natura rei.</i>	ibid.
<b>CONCL. II.</b> <i>Mollitias, quam quis patitur etiam invitus, teries, &amp; tunc dumtaxat est peccatum, quoties procedit ex causa, qua vitari potuit, &amp; debuit, tanquam hujus effectus productiva.</i>	497
<b>CONCL. III.</b> <i>Nec ob prædictos fines mollitiem appetere licet, nec de ea pari inritu gaudere.</i>	500
<b>SECTIO II. De cæteris contra naturam peccatis.</b>	501
<b>CONCLUSIO.</b> <i>Immania sunt sodomia, &amp; bestialitatis crimina, pojus tamen bestialitatis.</i>	502
<b>ARTICULUS VII. De peccatis Luxuria non consummata.</b>	503
<b>SECTIO I. De Osculis.</b>	ibid.
<b>CONCLUSIO I.</b> <i>Oscula honesta secundum patriæ consuetudinem facta, causa amicitia, urbanitatis, &amp; pacis, non sunt peccata.</i>	504
<b>CONCLUSIO II.</b> <i>Oscula, &amp; tactus de se honesti, si ex mera levitate, joco, allave simili causa fiant, juxta plures non excedunt peccatum veniale.</i>	505
<b>CONCLUSIO III.</b> <i>Oscula propter delectationem organicam data obiter, &amp; more solito,</i>	abf.

# ARTICUL. ET QUÆSTIONUM.

- absque ulteriori consensu periculo, ejusdem sunt conditionis ac de ea, quibus in præ-  
cedenti conclusione actum est. 506
- CONCLUSIO IV.** Oscula libidinosa, quocumque etiam charitatis, & amicitie præ-  
textu data, vel recepta, inter personas ejusdem, vel diversi sexus sunt peccata mor-  
talia. 508
- SECTIO II. De Tactibus, Aspectibus, & Picturis.** 509
- CONCLUSIO I.** Qui ex levitate, joco, aut intuitu delectationis mere organicæ,  
alterum cujuscumque sexus tangit in parte corporis honesta, potest esse reus peccati sim-  
pliciter venialis. ibid.
- CONCLUSIO II.** Aspectus libidinosi, seu nostri, seu personarum utriusque sexus,  
semper sunt mortales. 510
- SECTIO III. De Ornatu muliebri.** 514
- SECTIO IV. De turpibus Verbis, Cantibus, Descriptionibus, &c.** 517
- CONCLUSIO I.** Qui turpia loquuntur, audiunt vel legunt sine justa necessitate,  
communiter rei sunt peccati mortalis. ibid.
- CONCLUSIO II.** Qui turpia componunt, puta comedias, posset, canitibus, aut  
circa necessitatem, vel utilitatem tractatus edunt de rebus obscenis, peccant gravissimè;  
etiamque, quod vix suspicari potest, mentem habentis a turpi cogitatione liberam. 518
- SECTIO V. De Saltationibus, & Spectaculis.** 520
- CONCLUSIO I.** Saltatio non est de se mala. ibid.
- CONCLUSIO II.** Choreæ inter personas ejusdem sexus, absque turpi gestu, aut ef-  
fectu permitti possunt. ibid.
- CONCLUSIO III.** Choreæ inter personas diversi sexus, possunt vacare a peccato,  
vix tamen unquam permitti possunt a Confessoribus; quia vix unquam habent conditio-  
nes, quæ ab omni peccato excusent. ibid.
- CONCLUSIO IV.** Spectaculorum, & Comædiarum frequentatio periculosa est ca-  
stitati, & multimodis animæ noxia. Unde vix absque peccato interesse spectaculis, &  
comædiis Christianis potest. 522
- ARTICULUS VIII. An datur parvitas in materia impuritatis.** 525
- CONCLUSIO I.** Datur materia parvitas in sensualitate castitati opposita. ibid.
- CONCLUSIO II.** Non datur parvitas materia in re venerea in se voluta. 526
- CONCLUSIO III.** Si res venerea sit tantum voluta in causa, datur in ea parvi-  
tas materia, id est, si quis faciat actionem, ex qua ordinario non sequatur, nisi levis  
spirituum generationis subservientium commotio, absque periculo consensus, venialiter  
tantum peccabit. 527
- ARTICULUS IX. Qui gerere se debeat homo circa motus in inferiori parte exor-  
tos.** 529
- CONCLUSIO I.** Qui motus naturaliter, aut etiam invito se subortos approbat po-  
sitivè, peccat mortaliter. ibid.
- CONCLUSIO II.** Quoties ex perseverantia motus carnalis imminet periculum con-  
sensus, tenetur voluntas sub peccato lethali eidem positivè, & efficaciter resistere; ac  
proinde peccat mortaliter, si se solum negativè habeat. ibid.
- CONCLUSIO III.** Sæculo etiam periculo consensus tenetur voluntas motibus, qui  
vel sua culpa, vel naturaliter exurgunt, positivè refragari, quando eos satis advertit;  
unde peccat si se habeat negativè, nisi iusta excuset causa. 530
- CONCLUSIO IV.** Quando causa motuum, vel delectationum turpium non est bo-  
na, & rationalis; si tamen secundum se non sit mortalis, neque sit magna, & ve-  
lus propinqua dispositio ad aliquid mortale; & positivè displiceant motus, aut delecta-  
tiones inde exurgentes; non est mortale talem causam non amovere: est tamen sine du-  
bio aliquod peccatum. 532
- ARTICULUS X. De officio Confessoriorum in materia Luxuriæ.** ibid.
- ARTICULUS XI. De Fibribus luxuriæ.** 539
- ARTICULUS XII. De remediis contra Luxuriam.** 541
- CAPUT IV. De septimo Decalogi præcepto. Remissive.** 543
- CAPUT V. De octavo Decalogi præcepto.** 544
- ARTICULUS I. De Mendaciis.** ibid.
- CONCLUSIO I.** Mendacium omne est peccatum. 545
- CONCLUSIO II.** Mendacium periculosum est peccatum ex natura sua mortale; re-  
colum autem, & officiosum sunt tantum venialia. 546

Corollaria.

ARTI-

# INDEX CAPITUM,

ARTICULUS II. De interna proximi diffamatione.	554
SECTIO I. De Judio temerario.	556
CONCLUSIO I. Judio temerarium est peccatum mortale, idque contra justitiam, quous est notabiliter temerarium, vere voluntarium, & in materia gravi.	ibid.
CONCLUSIO II. Qui temerario de proximo oporatur in malum, licet minus peccet, quam, qui temerario iudicat, mortaliter delinquit.	558
SECTIO II. De Suspicionibus, &c.	559
CONCLUSIO I. Suspiciari de proximo mali quidpiam, quando sunt causa ad hoc sufficientes, nullum est peccatum.	560
CONCLUSIO II. Qui ex malo erga proximum affectu grava de eo malum delibere suspiciatur ex levis causis, peccat mortaliter.	ibid.
CONCLUSIO III. Qui ex errore intellectus grave, quid ex levi causa de proximo sciens, & volens suspiciatur, aut dubians, reus videtur mortalis ad minus dubii.	561
SECTIO III. De Dubio.	564
ARTICULUS III. De externa Diffamatione proximi.	568
SECTIO I. De Accusatore, & Denunciatore.	569
CONCLUSIO I. Regulariter potest, & tenetur quilibet accusare de delicto publico: secus de privato.	570
CONCLUSIO II. Regulariter loquendo necesse non est, ut denuntiationem iudicalem precedat monitio privata.	571
CONCLUSIO III. Quae sufficientem criminis probationem adhibere non potest, non tenetur ad intentandum accusationem.	572
CONCLUSIO IV. Potest, & aliquando debet accusator ab accusatione inchoata desistere.	573
CONCLUSIO V. Qui inique accusavit, damnum quodcumque iniuste accusato, refundere tenetur.	ibid.
SECTIO II. De Testibus.	ibid.
CONCLUSIO I. Testis legitime citatus, aut interrogatus testimonium ferre tenetur; imo seipsum aliquando in testimonium offerre debet, etiam non vocatus.	ibid.
CONCLUSIO II. Qui a Judice ad testimonium ferendum citatus, non comparuit, vel comparuit quidem, sed dolose officio se non interfertur; tenetur ad refectandum quidquid ex silencio suo evenit damni.	575
CONCLUSIO III. Falsi testimonii graviter reus est, non is tantum, qui falsum pro vero, sed, & qui incertum pro certo asserit.	577
CONCLUSIO IV. Peccat mortaliter, qui falsum quodcumque testimonium iuramento confirmat, qui autem seculo iuramento falsum deponit, reus est peccati ex genere suo lethalis, indeque obnoxius restitutioni.	578
SECTIO III. De Reo.	581
CONCLUSIO I. Reus respondere debet, cum interrogatur iudicialiter; secus contra ordinem juris interrogatur.	ibid.
CONCLUSIO II. Mortaliter peccat reus, qui iudicialiter interrogatus, diffidetur crimen suum, etiam ut mortem evadat.	582
CONCLUSIO III. Reus complices, seu sceleris socios quandoque patefacere tenetur, quandoque non.	584
CONCLUSIO IV. Non licet reo falsum accusatori, aut testi crimen imponere, quo testimonium eius infirmat.	586
CONCLUSIO V. Reo, vel inique, vel contra juris ordinem condemnato licentia est ab inferiori Judice ad superiorem appellare, secus non licet.	587
CONCLUSIO VI. Potest reus ad mortem condemnatus, fugere, non tamen ad id tenetur.	589
CAPUT VI. De nono Decalogi precepto.	592
CONCLUSIO I. Mortaliter peccat quisquis turpibus concupiscentiis desiderijs consensit.	594
CONCLUSIO II. Peccat lethaliter, cum is, qui concupiscit alterius uxorem, ut pellendam ad adulterio, cum, & is, qui eam legitimo intercedente matrimonio fruentem accipiat.	ibid.
CONCLUSIO III. Et is, quoque mortaliter in nonum preceptum delinquit, qui mulieres, aut alios viris desponsatas, aut desponsatas virginum sponso, seu susceptione	Rali-



# ARTICUL ET QUESTIONUM.

- Religiosi vult, seu omissione simplicis voti continentia in uxores expetunt;* 595  
**CONCLUSIO IV.** Non modo desiderium rei lethaliter male, sed, & voluntaria  
*de eadem rei delectatio est peccatum mortale.* ibid.  
**CONCLUSIO V.** Delectatio morosa speciem sumit, cum ab objecto proximo, circa  
*quod versatur, cum ab eiusdem objecti conditionibus.* ibid.  
**CONCLUSIO VI.** Peccat etiam mortaliter, cum in genere, cum in specie, qui  
*delectatur de opere malo in se, sed inculpabiliter admissio.* 598  
**CONCLUSIO VII.** Peccans lethaliter solus, qui de copula post matrimonium ha-  
*bruda libidinoso delectatur.* 600  
**CONCLUSIO VIII.** Coniugatur, qui in comparis absentia venores delectatur de  
*copula habita, aut habenda, moraliter loquendo, peccat mortaliter.* 601  
**CAPUT VII.** De ultimo Decalogi precepto. 602  
**CONCLUSIO I.** Votat decimum preceptum, ne alienum bonum appetatur, seu ne  
*iniuste possidendum, seu ut possidendum cum damno, & incommodo proximi.* ibid.  
**CONCLUSIO II.** Principis eodem mandato Deus, ut esse velimus non quales esse  
*suadet conscientia, sed quales nos esse vult Deus.* 603  
**CONCLUSIO III.** Quisquis etiam transitorio, modo deliberato, aliquod Decalogi  
*preceptum in materia gravi transgreditur, vel eorum quidpiam agit, de quibus dictum*  
*est, quod Qui talia agunt, regnum Dei non consequentur, peccat mortaliter.* 605  
**TRACTATUS De Preceptis Ecclesie.**  
**CAPUT I.** De primo Ecclesie precepto. 607  
**ARTICULUS I.** An Ecclesia Festa institueri possit. ibid.  
**CONCLUSIO I.** Potest Ecclesia dies Festos instituire. ibid.  
**CONCLUSIO II.** Potest Ecclesia solemnem viris sanctitate eximia celebribus  
*sum decernere; neque unquam eandem hoc in puncto errare permittit Deus.* 609  
**ARTICULUS II.** De precipuis Christianorum Festivitatibus. 611  
**SECTIO I.** De Festis in honorem Dei directe institutis. 612  
**SECTIO II.** De Festis in honorem Virginis Marię. 612  
**SECTIO III.** De Festis Sanctorum. 614  
**ARTICULUS III.** An Officia Ecclesie peregrina lingua fieri possit. 616  
**CONCLUSIO.** Officiorum celebratio lingua minime vulgari, Ecclesia Romana in  
*vitium verri non potest.* ibid.  
**ARTICULUS IV.** An expediat Festorum numerum augeri. 617  
**CONCLUSIO I.** Major fuit olim, quam su hodie festorum dierum numerus. ibid.  
**CONCLUSIO II.** Festorum numerus augeri non debet, sed forte potius immi-  
*nui.* ibid.  
**CONCLUSIO III.** Possunt Episcopi Festa quadam per se soles tollere; non raro  
*ramen in signum concordie, & unitatis, Apostolicam Sedem ea de causa consulunt.* 614  
**CAPUT II.** De secundo Ecclesie precepto. 615  
**ARTICULUS I.** An Ecclesia possit Jejunia instituire. ibid.  
**CONCLUSIO.** Paucis Ecclesia jejunia instituire, qualia servantur a fidelibus. ibid.  
**ARTICULUS II.** De precipuis Ecclesie Jeuniis. 611  
**ARTICULUS III.** De conditionibus, & utilitate Jejunii. 610  
**CAPUT III.** De precepto Abstinentie a carnibus. 614  
**CAPUT IV.** De precepto annue Confessionis. 615  
**CAPUT V.** De precepto annue Communionis. 613  
**CAPUT VI.** De precepto solvendi Decimas. 611  
**ARTICULUS I.** Quid sint Decima, & quomodo dividantur. 612  
**ARTICULUS II.** An, quibus, quo iure, & ritu debentur Decima. 614  
**CONCLUSIO I.** Decima quoad substantiam sumpta debentur iure naturali, divino,  
*canonico, & civili.* ibid.  
**CONCLUSIO II.** Decima omnes olim Episcopo loci solvabantur, ab eo ceteris Mi-  
*nistris pro merito, & exigentia distribuenda; verum hodierno iure decima Parochis sol-  
vuntur, nisi obset contraria consuetudo.* 616  
**CONCLUSIO III.** Decima pensitari debent titulo religionis, & iustitia. 618  
**ARTICULUS III.** Qua ex re Decima solvi debeant. 619  
**ARTICULUS IV.** Qui ad Decimas teneantur. 625  
**ARTICULUS V.** Quo tempore, & modo Decima prestari debeant. 627  
**ARTICULUS VI.** De Prescriptione Decimali. 620

# INDEX CAPITULI M, &c.

SECTIO I. De Praescriptione activa.	ibid.
SECTIO II. De Praescriptione passiva.	693
ARTICULUS VII. De Decimis infundatis.	696
APPENDIX De Propositionibus ad Moralem disciplinam spectantibus ab Apostolica Sede, & Clero Gallicano condemnatis.	698
Propositiones quadraginta quinque ab Alexandro VII. damnatae, die 24. Septembris, anni 1665. ut minimum tamquam scandalosa.	700
Propositiones 65. ab Innocentio XI. die 2. Martii 1679. damnatae, ut minimum tamquam scandalosa, & in praxi perniciosa.	708
Propositiones duae de omnipotentia donata, & subiecta creatura; quae die 23. Novembris an. 1679 ab Innocentio XI. damnatae sunt, ut temerariae ad minimum, & novae.	710
Propositiones duae de Confessione, diversis temporibus praescriptae.	712
Propositiones duae ab Alexandro VIII. damnatae 24. Augusti 1690.	ibid.
Propositiones 31. ab Alexandro VIII. 7. Decembris 1690. damnatae tamquam temerariae, scandalosae, male sonantes, injuriosae, &c.	712
Propositiones 68. Michaelis de Molinos damnatae ab Innocentio XI. an. 1687. tamquam haereticae, suspectae, erroneae, &c.	716
Propositiones tres, & viginti, desumptae ex Libro, cui titulus: Explication des Maximes des Saints. .... par Messire François de Salignac de Fenelon Archeveque Duc de Cambrai: & ab Innocentio XII. die 12. Martii an. 1699. praescriptae, ut temerariae, scandalosae, male sonantes, &c.	722
Decreta de Indulgentiis.	724

FINIS INDICIS.



# TRACTATUS

## DE

### PRÆCIPUIS PRÆCIPUORUM STATUUM OBLIGATIONIBUS.



Uem nunc aggredimur Tractatum ; is profecto nec cæteris , quos hæcenus publici fecimus juris , Tractatibus difficultate cedit , nec iisdem vincitur utilitate . Arduum est , fateor , varia variorum Statuum munia indagare , & animo complecti , sed multo magis arduum est , eos , quorum leges & onera non intellexeris , tuta manu in via salutis dirigere . Sunt equidem ex iis , qui ad sacrum Pœnitentiæ tribunal confugiunt , sunt , inquam , etiamnum , qui Confessariis , & status sui obligationes , & quo usque iisdem defuerint , plene & sincere exponant : sed , proh Deus ! quoti eorum etiam , qui potissimas in Republica partes agunt , altum & exitiale habent ea de re silentium ? Quoti nesciunt , aut nescire videntur eos unos ad vitam ingredi , qui non hanc aut illam , sed *omnem* prorsus *justitiam* implent ? Quoti , sic hominis , aut saltem Christiani peccata deponunt , ut nisi sedulo interrogentur , vix unquam peccatorum Cæsaris meminerint ? neque vero infanda hæc lues Sæcularium dumtaxat animos infecit : eadem pene est hoc in genere ratio Sacerdotum , quæ populi ; si proximi famam læserint , si ultra justos temperantiæ limites indulserint epulis , ingement , & confitebuntur , atque utinam semper . Si vero vitam duxerint in otio , si proprium status sui habitum quasi erubuerint , si commissum sibi gregem vel lacte , vel prout serebat tempus , solidiori cibo non paverint , si parvulis non frugerint petitem panem , silebunt in tribunali , quasi videlicet a mero consilii , & *supererogationis* opere abstinerint .

Hæc , pauca licet , quisquis , ut par est , ponderaverit , præsentis argumenti necessitatem sentiet ; susceptumque opus gratulabitur , nedum

vituperet. Superest igitur ut, cui in operis executione servierim methodo, paucis aperiam.

Omnes humanæ vitæ status sigillatim indagare, ne cogitavi quidem; erat id supra vires positum, nec uno aut altero volumine potuisset absolvi. Præcipuas ergo earum præsertim conditionum, a quibus cæteræ pendent, & diriguntur; obligationes recensere satis fuit; quas si semel impleverint, qui multitudinî præfunt cum in spiritualibus, tum & in politicis, jam multitudinem ipsam, quæ a natura habet ut præpositorum suorum imitatrix sit, totum id, quod sibi, suisque concivibus debet, implere & adamussum exequi necessum erit. Hinc potior nobis sermo de Clericis, seu Sæculares sint, seu Religionem professi; de Magistratibus, iisve, qui populorum jura defendunt, de Villarum Dominis, &c. Agendum quidem etiam fuisset de legibus negotiatorum, atque in primis de murua Patrum, ac filiorum obligatione: sed quæ ad mercatores attinent, fuisse expendimus in primo hujusce Operis volumine: quæ autem ad Parentes spectant, prosequimur Deo dante, ubi ad quartum Decalogi præceptum devenerimus.

Quoniam vero multa jam a nobis de Clericali statu disputata fuere, præsertim cum de Horarum recitatione egimus, idcirco hæc missa faciemus in præsentî, sic tamen ut in eorum gratiam, qui cum junioribus Clericis spirituales de Ecclesiasticis rebus collationes habent, rerum alibi dictarum apices delibemus, ut inde quoddam doctrinæ corpus efflorescat: quæ vero obiter, & quasi extra locum, ne exciderent, dicta fuerant, huc non pigebit revocare.

## P A R S P R I M A .

### *De obligationibus Clericorum.*

**C**Lerici nomen desumptum est a voce Græca *κλῆρος*, quæ idem est, ac fors latine; seu quia quicumque divino ministerio mancipantur, non a se ipsis eo assurgere, sed a Domino vocari, & quasi per sortem eligi debent; seu quia Deum uti nobilissimam sortis seu hæreditatis suæ partem amplectuntur: utrumque paucis his vocibus complexus est Hieronymus Episk. 2. ad Nepotian. *Propterea vocantur Clerici, vel quia de sorte sunt Domini, vel quia ipse Dominus fors, id est, pars Clericorum est: qui autem vel ipse pars Domini est, vel Dominum partem habet, talem se exhibere debet, ut & ipse possideat Dominum, & possideatur a Domino.*

Multiplex est Clericorum genus. Alii vel Tonsura sola, vel iis solum Ordinibus, qui Minores dicuntur, insigniti sunt; alii sunt in sacris. Utrique vel habent beneficia, vel non; beneficiis porro, quandoque annexa est animarum cura, quandoque non. His omnibus quædam onera conveniunt, quædam vero non sunt uniuscujusque classis propria, quæ ut intelligantur, & intellecta teneantur in praxi, sit

CAPUT PRIMUM.

*De obligationibus Clericorum in genere.*

**O**uemadmodum unicuique fideli, quo ad æternam vitam ingreditur, duo curanda sunt, ut nimirum declinet a malo, & faciat bonum, sic & unicuique Clericorum duo prorsus sunt necessaria, ut nempe dotes quasdam aut virtutes possideat, & a certis abstineat vitiis.

Porro ex dotibus ad Clericatum necessariis, aliæ se habent, ut dispositiones prærequisitæ; aliæ ut Clericalis status perpetuæ appendices. De utrisque dicam, sed paucis; ut qui nec repetere anam millies repetita, nec me ab iis lectum iri confidam, qui tot elegantes & veterum, & recentium doctorum libros, vernacula etiam conscriptos lingua evolvere fastidiant.

ARTICULUS PRIMUS.

*De dotibus ad Clericalem statum prærequisitis.*

**C**ertas, qui ad Clericatum promoventur, ex parte corporis dotes habere debent, quas cum in Tractatu de irregularitatibus pro modulo expenderim, omittam in præsentî; unde & eas hic solum tangam, quæ mentem respiciunt; nec omnes, alioqui irem in immentum, sed præcipuas. Sit

CONCLUSIO I. Ad Clericatum prærequiritur innocentia vitæ, vel custodita diligenter, quod rarum est, vel congrue reparata, quod rarius est, teste Ambrosio. Hæc thesis intellecta de statu Clericali generatim, & prout majores Ordines comprehendit, est certissima. Si vero de simplici etiam Tonsura intelligatur, videtur probabilior.

Probatur ex Patribus. Augustinus Tract. 41. in Joan. num. 10. hæc habet: *Apostolus Paulus quando elegit Ordinandus, vel Presbyteros, vel Diaconos, & quicumque ordinandus est ad præposituram Ecclesiæ, non ait: Si quis sine peccato est; hoc enim si diceret, omnis homo reprobareretur, nullus ordinaretur: sed ait: Si quis sine crimine est, sicuti est homicidium, adulterium, aliqua immunditia fornicationis, furtum, fraus, sacrilegium, & cætera hujusmodi. Cum cæperit ea non habere homo, (debet autem non habere omnis Christianus homo,) incipit caput erigere ad libertatem, &c. ergo ut quis ordinetur, necesse est, non quidem ut ab omni hæcenus abstinerit peccato, alioqui omnis homo reprobareretur, cum sine speciali privilegio venialia quæcumque peccata vitari non possunt, sed ut vel gravia evaserit peccata, vel ab iis per poenitentiam resiliendo, incæperit caput erigere ad libertatem filiorum Dei.*

S. Isidorus Hispalensis L. 2. de offic. Ecclesiasti. c. 5. *Quod is, inquit, qui post Baptismum aliquo mortali peccato corruptus ad Sacerdotium non promoveatur, Lex ipsa testatur, &c.*

S. Martinus I. Papa & Martyr in Epist. ad Amandum: *Si, inquit, tales quærimus ad sacros Ordines promovendos, quibus nullarum, nullumque vitæ contagium sit, quanto magis si post ordinationem suam quisquam in lapsum ce-*

*iderit . . . omnino prohibendus est cum manibus lutulentis atque pollutis  
Mysterium nostræ salutis tractare ?*

Sanctus Bernardus Tractat. de conversione ad Clericos, capit. 19. quod oculis, & corde sæpius perlegi oporteat, hæc habet : *Væ Ministris infidelibus, qui necdum reconciliati, reconciliationis alienæ negotia, quasi homines, qui iustitiam fecerint, apprehendunt . Væ filiis iræ, qui se Ministros gratiæ profitentur . . . Væ filiis iræ, qui pacificorum sibi usurpare gradus non verentur . . . Væ, qui ambulantes in carne, Deo placere non possunt, & placere velle presumunt ; ubi Sanctus Doctor non modo thesim nostram tradit, sed & invictè probat . Scilicet enim ad Clericalem statum illud prorsus necessarium est, quo sublato subvertuntur primariæ Dei, & naturæ ipsius leges : atqui, sublata morum innocentia, quæ vel caute servata fuerit, vel seriis congruæ pœnitentiæ laboribus reparata, subvertuntur primariæ Dei, & ipsius naturæ leges. Eæ enim exigunt, ut alienæ reconciliationis negotia tractare non præsumat, qui ipse reconciliari eget ; ut se ingratæ ministrum non erigat, qui filius est iræ, &c. atqui sanctissimas eas leges subvertit, quisquis adhuc sub peccati, & diaboli iugo constitutus, inter Dei ministros, & populorum mediatores censeri ambit : ergo.*

Hinc 1. *Cum in quolibet Ordine aliquis constituatur Dux aliis in rebus divinis, in quolibet quasi præsumptuosus mortaliter peccat, qui cum conscientia peccati mortalis ad Ordines accedit ; & ideo sanctissimæ vitæ requiritur ad Ordinem de necessitate præcepti, sed non de necessitate Sacramenti .* Ita S. Thomas in 4. dist. 24. q. 1. art. 3. quæstionc. 1.

Hinc 2. probabilius videtur nobis, quod docent Hallerius in Tract. de sacris electionib. sect. 4. §. 1. pag. 183. Nat. Alexander art. 5. Reg. 21. de Sacramento Ordinis, Navarrus de orat. cap. 7. num. 15. *mortalis peccati reatum indigne suscipienti tonsuram adscribendum esse, unde quisquis in hoc statu positum se animadvertit, vel ad Confessionem recurrere debet, ut præscribunt Synodus Carnotensis ann. 1526. & Constitutiones Harduini de Perefixe, a Ludovico Card. Noalio renovatæ ; vel sincero contritionis actu conscientiam maculas eluere, ut ibidem docet Hallerius . Ratio est 1. quia, si usquam alias, tunc præcipue hominem a peccato respicere oportet, cum maxima Dei beneficia, præsertim spiritualia, recipere cogitat, cum novam init vitæ rationem, cum perfectionis etiam in alios diffundendæ statum ingreditur : atqui sic se habet, qui suscepta tonsura Ordini Clericali inscribitur : ergo . 2. Quia graviter peccat, qui & Deo injuriam, & Ecclesiastico statui contumeliam facit in materia, quæ pro levi haberi non potest : sed qui indigne tonsuram recipit, utriusque mali reum se facit . Est quidem in Deum injurius, quia publice protestatur se Deum, cui actu capitaliter insensus est, ut totam hæreditatis suæ partem complecti . Est etiam contumeliosus in Ecclesiam, tum quia multum eidem imminet mali ab iis, qui ipsissima sui in Sanctuarium ingressus die contaminati sunt ; tum quia, ait Hallerius, cum Clericalis status finis sit ad Deum adducere, ut loquitur Gregorius Nysenus Orat. 1. non potest sine ejus opprobrio, quisquam eum statum ingredi aversus a Deo & alio dolore indigens, a quo ad Deum reducat . Jam vero Tonsuram pro re levi nequitiam haberi posse, demonstrant ipsa ejus definitio, & annexa eidem præ-*

privilegia. Legatur ea de re Opusculum, cui titulus : *Eclaircissement de quelques difficultés proposées à Mgr. l'Archeveque de Rouen sur la morale de J. C. vel secunda Nat. Alexandri Epist. Append. 1. ad calcem tom. 2. Theolog. dogmat.*

Hinc 3. colliges, quid sentiendum de questione in Belgio non sine animorum æstu olim ventilata: *An scilicet possit quis æquo jure ad Sacerdotium sicut ad Monachatum pœnæ loco detrudi.* Absit enim ut propter peccatum præcedens conferatur, aut recipi jubeatur eminens ille status, qui propter peccatum denegari debet. Absit ut peccati vindicta dicatur ea conditio, quæ est oneris multum, plus tamen honoris habet; plusque dignitatis, quam molestiæ. De quibus adi, si potes: *Traitéum de Hierarchie Ecclesiastica, Collectore Guilielmo Beyer, Antwerpæ 1666. qu. 10; per totum.*

Hinc 4. non remissam, sed acrem eorum oportet esse pœnitentiam; qui postquam a Justitia excidere, Clero adscribi volunt. Si enim de iis, qui lapsi sunt, generaliter dixerit S. Cyprianus: *Quam magna deliquimus, tam granditer desicemus; alio vulnere diligens, & longa medicina non desit; Pœnitentia crimine minor non sit;* quid non exigendum a futuris Christi Ministris, quibus, ut loquar cum Synodo Burdigalensi ann. 1624. eas virtutes attribuit Apostolus, quæ ad Angelicam penè accedunt puritatem? Certe, ait eleganter S. Hieronymus, *ignorat momentaneus Sacerdos humilitatem, & mansuetudinem; ignorat blandities Christi, nescit seipsum contemnere, non jejunavit, non flevit, non mores suos sæpe reprehendit, & assidua meditatione correxit, heri Catechumenus, hodie Sacerdos, heri in Circo, mane in Altari.* Jure ergo sanxit Concilium Aurelianense III. *ne ullus ex laicis ante annualem conversionem ordinetur.* Hoc tamen tempus ut protrahi, sic & aliquando imminui debet, prout in simili dictum est agendo de Neophytis, part. 2. cap. 1. de irregularitate.

CONCLUSIO II. Ad Clericalem statum prærequiritur scientia.

Prob. 1. ex Scriptura. Osee 4. *Quia tu scientiam repulisti, repellam te, ne Sacerdotio fungaris mihi.* Malach. 2. *Labia Sacerdotis custodient scientiam, & Legem requirunt ex ore ejus, quia Angelus Domini exercituum est.* Aggei 2. *Interroga Sacerdotes legem;* atqui hæc verba a fortiori concludunt pro novæ legis Ministris, quibus idcirco millies a Conciliis, & Patribus applicata fuere; merito, cum præ cæteris parati semper esse debeant ad reddendam satisfactionem omni poscenti rationem de ea, quæ in ipsis est, spe: 1. Petri c. 3. v. 15. ergo.

Probatur 2. ex Patribus, & Conciliis. *Illiteratos,* ait Gelasius Papa, *aut aliqua parte corporis vitiatos, nullus præsumat ad Clericatum Ordinem promovere; quia literis carens, sacris non potest esse aptus officiis,* quo ex textu alibi intulimus defectum scientiæ competentis, non secus ac vitium corporis, veram parere irregularitatem. Concilium Lateranense IV. *Duo, ait, sunt nobis necessaria. vita scilicet, & doctrina: alterum propter nos, alterum propter proximos.* Synodus Toletana IV. *Ignorantia mater cunctorum errorum, maxime in Sacerdotibus Dei vitanda est, qui docendi Officium in populo Dei susceperunt.* Synodus Toletana VIII. *Nullus ad Sacra veniat indoctus. Aliter ordinaturis, & ordinandis imminet Dei, & Ecclesiæ ejus vindicta.* Concilium Aquigranense anno 816. *Tam doctrina quam vita clarere debet Ecclesiasticis Doctor.*

Tournely Theol. Moral. Tom. III.

A 3

Nam

Dist. 3.  
Caus. 10

*Nam doctrina sine vita arroganter reddit, vita sine doctrina inutilem facit. Plura non congero in re, ne ab ipsis quidem impenitis in controverſiam vocanda.*

Prob. 3. ex gravibus, quæ parit Clericorum ignorantia, malis. Hinc enim fit, ut cæci cæcis ducatum præſtantes, ambo lapſu communi in foveam cadant; ut populi male eruditi vias erroris ingrediantur; ut hæretici abſurdiora quaque perſuadeant, prout Lutheri, Calvinique temporibus miſere innouit; ut paſtores ſuæ ſibi imbecillitatis conſcii, ſine canes muti, non valentes latrare, quin & ſæpius tranſmigrent in caſtra luporum, quos præ imperitia non ſecernunt ab ovibus; ut Sacramenta illicite, & ſæpius invalide conferantur; ut derideantur Eccleſiæ Sabbata, & cœremonię, quia nulla probabilis earum ratio reddi poteſt; ut approbentur vitioſi contractus; a reſtitutione eximantur, qui reſtituere debeuerant; in irregularitate miniſtrent, qui nullam irregularitatis adepti notionem, neſciunt an, & quando contrahatur, &c.

Nec dicas ſtudium, & ſcientiam iis quidem e Clero neceſſaria eſſe, quia Beneficia curam animarum habentia intendunt, non aliis, quibus Beneficium ſimplex, ſatis fuerit.

Nam 1. docet experientia eos, qui ſe Beneficiis duplicibus renuntiäſſe profitebantur, eadem & crebro urgente vel cupiditate, vel familia, vel utraque ſimul, non acceptaſſe tantum, ſed & amiſſe. 2. Scriptura, & traditio fidei, & morum regulæ, nullibi quod ſciam, Clericos duas in claſſes diſtinxere, quarum altera poſtquam ſcientiæ, & ſtudiis diu ſolideque vacaverit, vel nulla, vel minuriore Beneficia obtinebit, & portabit tamen pondus dei, & æſtus: altera quidquid in Sanctuario pinguius eſt, nulla ſaltem oneroſa conditione percipiet. 3. Novit ſane Eccleſia, quid ſibi debeant Sacerdotes, quid ab iis expectet: porro ad omnes indiſtincte per Episcopos dicit: *Sacerdotem oportet offerre, benedicere, præſſe, prædicare, & baptizare*; ad omnes: *Sit doctrina veſtra populo Dei ſpiritualis medicina*. Non ergo contra regulam generalem allegari debent inertes Præſbyteri, ſed contra inertes Præſbyteros allegari debet generalis Eccleſiæ regula. 4. Sacerdos quilibet in-caſu neceſſitatis Sacramentum Pœnitentiæ adminiſtrare tenetur. Qua vero hinc ſe expediet via vir plane rudis? 5. Demum Sacerdoti ad ſolum etiam Miſſæ Sacrificium conſecrato, quod aliquando fieri poſſe ob eximiam ſubjecti pietatem definiſſe dicuntur Theologi quidam Pariſienſes, id ſaltem neceſſarium foret ut Canones ad ſtatum ſuum pertinentes, ut Miſſæ cœremoniarum ſignificationem, ut denique Officii ſenſum, & alia id genus non pauca, comperta haberet.

Hinc colliges 1. quam graviter peccent tot nobilis aut plebejæ conditionis adoleſcentes, qui in Univerſitatibus, & in ipsis quandoque Seminariis tempus molli otio conſecrant, nec alio ad ſtudium accedunt paſſu, quam quo ſervi ad compedes. Ii nempe injurii ſunt. 1. in Deum, cujus Sacerdotium temere, & ſacrilege ſunt uſurpaturi. 2. in Eccleſiam, quam ſcæde inhonorant. 3. in populos, quibus nec quoad gradum; nec ſæpe quoad ſubſtantiam, debita præſtant aut præſtituri ſunt obſequia. 4. in parentes, quorum bona, ipſo ſæpius vultus ſudore parta, in uſus plane alienos impendunt, & detorquent. 5. in ſemetipſos, tum in præſenti vita, ubi proborum, & improborum ludibrio ſe ſe obſectant; tum in futura, ubi certe, qui ignorat, ignorabitur. 1. Cor. 14: 38.

Col.



Colliges 2. Clericum , qui multa norit , esse posse sacerdotaliter imperitum , ut si Poetas veteres , historias prophanas , mythologiam , singulas Matheos partes sedulo pervolverit , vixque ea saluaverit , quæ ad statum suum spectant . Discat ergo quisquis Clericalem scientiam habere volet . 1. scientiam Sanctorum , quæ in spiritualibus libris , in oratione vero potissimum comparatur . 2. Sacram Scripturam , quæ ut arma militi , sic Clerico familiaris , & obvia esse debet . 3. id quod ad dogma , & fidem pertinet , ne verba incaute proferendo , hæreses proferat , ut multis contingit . 4. Theologiam Moralem , quam in auctoribus probatis & ab utroque distantibus excessu , sollicitè , & quasi jugiter , ob summam omnia retinendi difficultatem , indagabit . 5. scientiam , ut ajunt , temporis ; ne vel hæreat coram mulierculis , quibus hodie de prædestinatione , & gratiâ loqui familiare est ; vel errore , qui molles sub melle , & floribus infidias parat , imprudens circumveniat .

Colliges 3. quod cum , qui vult finem , & media velle debeat , enixe satagendum sit Ecclesiæ Ministris , ut omni , qua poterunt , arte necessariam sibi scientiam expiscentur : & ad id imprimis opus est litteraria suppellectili , ad quam , nisi aliud exigant personæ , situs , conditio , & talenta , ferme sufficiant tres quatuorve Scriptores , in quintuplici , quem modo assignabamus , rerum sciendarum ordine , ut enim bene Quintilianus : *Onerat descendente multitudo , non instruit* . Si regerant Clerici complures , se tenuioris esse fortunæ , quam ut tot libros comparent : quæram ego , cur igitur tam laute amicos excipiant , &c. 2. pensari debet id , quod docet Augustinus Epist. 147. homines : *plus cogitando , & orando proficere , quam legendo , & audiendo* ; quod de se confessus est Doctor Angelicus . Quisquis ergo indiget sapientiâ , postulet a Deo , qui dat omnibus affluenter : & dabitur ei . Sed orationi studium arrectum jungat , cum Apostolus ipse discipulo suo mandet , ut attendat lectioni . 1. Timoth. 4. 3. in id enitendum est ut purificetur oculus cordis , & ebulliens e scientia plerumque imaginaria tumor comprimatur . Qui se , ait post Apostolum S. Bernardus Serm. 36. in Cant. num. 3. *putas aliquid scire , nondum scit quomodo eum oporteat scire* . quid ergo dicit modum sciendi ? quid ? nisi ut scias , quo ordine , quo studio , quo fine quæque nosse oporteat ? quo ordine ut id prius , quod maturius ad salutem : quo studio ; ut id ardentius , quod vehementius ad amorem : quo fine ; ut non ad inanem gloriam , aut curiositatem aut aliquid simile , sed tantum ad edificationem tuam , vel proximi . Sunt namque , qui scire volunt eo fine tantum ut sciant ; & turpis curiositas est . Et sunt , qui scire volunt , ut sciatur ipsi ; & turpis vanitas est . Et sunt item , qui scire volunt , ut scientiam suam vendant , verbi causa pro pecunia , pro honoribus ; & turpis quæstus est . Sed sunt quoque , qui scire volunt , ut edificent ; & charitas est . Et item , qui scire volunt , ut edificentur : & prudentia est .

CONCLUSIO III. Ad Clericalem statum requiritur in primis vocatio .

Prob. 1. ex Scripturis Osee 8. *Ipsi regnaverunt , & non ex me : Principes extiterunt , & non cognovi* . iratus est furor meus in eos . Usquequo non poterunt emundari ? atqui ex se , & non ex arbitrio Summi Reſtoris regnant , qui nullis fultis virtutibus , nequaquam divinitus vocati , sed sua cupidine accenſi , culmen regiminis rapiunt potius , quam asssequuntur ,

ut solide ait S. Greg. Pastor. part. 1. cap. 1. ergo in eos irascitur furor Domini; ac proinde gravissime peccant.

Joan. 10. *Amen, amen dico vobis, qui non intrat per ostium in ovile ovium, sed ascendit aliunde, ille fur est, & latro: & infra: Amen, amen dico vobis, quia ego sum ostium ovium: per me si quis introjerit, salvabitur. Fur non venit, nisi ut furetur, & mactet, & perdat.* Unde sic: immaniter peccat fur, Domini gregem dilanians, mactans, disperdens: sed quisquis non inirat per ostium, seu per Christi vocationem, fur est, & latro, isque vel jam facit, vel faciet, ad quod venit, ut mactet utique, & disperdat, ait S. Bernardus, vel quivis Auctor Tract. de vita, & morib. Clericor. c. 7. ergo.

Hebr. 5. *Nec quisquam sumit sibi honorem, sed qui vocatur a Deo tanquam Aaron.* Sic & Christus non semetipsum clarificavit, ut Pontifex fieret; sed qui locutus est ad eum: *Filius meus es tu.* Atqui propositio hæc: *nec quisquam sumit*, &c. utpote universaliter negans, nullam patitur exceptionem. Et vero respectu cujus pateretur, quæ non passa est respectu Christi? Ergo quanta quis vel scientia fulgeat, vel emineat pietate, se ipso tamen solo Sacerdotium ingredi non potest, ut qui forte ad illud vocatus non sit, sicut nec ad Apostolaturn vocatus erat Barsabas, etsi ab eximia sua sanctitate Justus cognominaretur.

Prob. 2. ex selectis Patrum textibus, qui si omnes colligerentur, in æquum volumen exurgerent. Cyprianus Epist. 55. ad Cornel. *Ita est, inquit, aliquis sacrilegæ temeritatis ac perditæ mentis, ut putes sine Dei judicio fieri Sacerdotem.* S. Cyrillus Lib. de ador. in Spirit. & verit. *Sponte se ingerere absurdum ac turpe est.* S. Chrysologus Serm. 25. *Regnum velle servum, crimen est, adire periculum, temeritas non timere.* S. Bernardus de vita Cleric. cap. 5. *Quid istud temeritatis est, imo quid insanitiæ est? ubi timor Dei? ubi mortis memoria? sponsa nec cubiculum, nec cellam ingredi nisi Rege introducente præsumit; tu irreverenter intruis nec vocatus, nec introductus.* Hæc quam tetrum sit scelus eorum, qui ad Ordines accedunt non vocati, tam graphice, tam vivide describunt, ut soli lumen addere velit, qui ea discurrendo voluerit illustrare.

Prob. 3. exemplo Sanctorum, quibus usque adeo persuasum erat, & præviam ad Ordines requiri Dei vocationem, & eam ad salutem haud sufficere, quod in Juda proditore nimium innouit, ut alii accepta fuga sibi consulere tentaverint, prout testantur Historiæ de Cypriano, Athanasio, Martino, Gregorio Nazianz. Gregorio Magno, Chrysostomo, Fulgentio; alii reluctantes, & quasi vim passi, consecrati fuerint, ut Nicolaus Myrensis, Alexander, Anatolius, Augustinus, cujus notum id ex Epist. 21. alias 148. *Vix mihi facta est merito peccatorum meorum;* alii in dedecoram suspicionem venire moliti sint, ut Ephrem Syrus, qui infamiam, & Ambrosius, qui impuritatem ac crudelitatem simulavit; alii violentas sibi manus intulerint ut Ammonius Monachus, qui ne Sacerdos consecraretur, aures sibi præcidit, minatus se eam, qua egregie loquendo placebat, linguam præcisurum esse, nisi populus instare desineret; alii demum, ut Franciscus Assisius, Diaconatu jam inaugurati, ulterius progredi ausi non sunt. Merito igitur dixit S. Cyrillus Alexandr. Hom. 1. de fest. Pasch. *Omnes Sanctos reperio divini ministerii ingentem veluti molem formidantes.*

Prob.

Phil. Hal.  
ter. supra  
sect. 5. c. 1.  
§ 2. & seq.

Prob. 4. ratione. Vocatio est supernaturalis providentiæ actus, quo Deus aliquos præ aliis eligit, & congruis ad sacra ministeria digne, & ut par est obeunda, dotibus instruit, atque præparat: atqui hæc Dei electio & præparatio prorsus necessariæ sunt: 1. quia iis seclusis læditur suprema Dei auctoritas, multo plus quam læderetur auctoritas Regis, si quis eodem invito publicam rem administrare, populis jura dicere, exercitibus præesse, fontes vel addicere pœnis, vel iisdem subtrahere pro nutu & arbitrio præsumeret.

2. quia ex eodem defectu contingit ut male gerantur ministerii munia. *Unusquisque* enim, ait Apostolus 1. Cor. 7. *proprium donum habet ex Deo, alius quidem sic, alius vero sic*; donum, inquam, in eos ordinatum fines, ad quos is & hic homo a Deo conditi suere; ergo, qui non ut gregi præesset, factus est, haud felicius in ejus regimine se geret, quam in corpore pes, si oculi locum tenere velit. Unde, qui in inferiori conditione debitas veræ sapientiæ laudes meruerat, expectiebatur id Proverb. 30. *Postquam elevatus est in sublime, stultus apparuit*, quin etsi, (ut quandoque fit permittente Deo, qui etiam malis bene utitur) quædam exercere possit homo non vocatus, quæ & Ecclesiam Christi illustrent, & populorum salutem plurimum infervant, non eo melior, sed forte hinc lugenda magis erit conditio ejus, ut, qui quasi ex cœcatus splendore bonorum, quæ parit, seu sacras habendo conciones, seu peccatorum corda in Pœnitentiæ tribunali fortiter & suaviter flectendo; vix unquam concepturus sit, quam sæpe vel a primo itineris passu erraverit, prohibitum sibi tramitem ineundo. Dicit *Matt. 7.* ergo, quod *multi dicent in illa judicii die: Domine, nonne in nomine tuo prophetavimus, sanctas Evangelii veritates nerveose exponendo, & in nomine tuo demonia ejecimus*, præsertim per Sacramentum Pœnitentiæ, & *virtutes multas fecimus*, obstruendo os loquentium iniqua, hæreticos reducendo ad viam veritatis, plebem veteribus odiis discissam ad pacem non sine sudore revocando? & *tunc confitebor illis, quia nunquam novi vos, discedite a me, operarii iniquitatis*, cucurristis in vanum, quia non miseram vos; gratuitæ erant, non graum facientes gratiæ vestræ, nec in vestram, sed in aliorum utilitatem in ira mea vobis concessæ.

3. Et hæc probatio nova est confirmatio præcedentis; eatenus quis certi status functiones sancte & legitime implet, quatenus sic eas exercet ut placeat Deo; alioqui enim opus omne licet de se præstantissimum, aurum quidem est, sed reprobum: sed, qui contra Dei vocationem Clericalia munia exercet, Deo placere nequit. Deo enim placere non potest, qui facit, quod Deus non ab eo, sed ad alio fieri vult: sed, qui contra Dei voluntatem Clericalia munia exercet, facit id, quod non Deus ab eo, sed ab alio fieri vult: ergo se habet sicut famulus, cui præceptum est ut domi laboret, &, qui tamen vineam, reluctante hero, imo & iis plerumque exclusis, qui ab hero conducti fuerunt, colere præsumit; ergo pœnam Numer. 1. latam his verbis: *Quisquis externorum ad Tabernaculum accesserit, occidetur*, sibi meretur, non mercedem. Hæc multo fusius tum innumeris, qui de vocatione Clericali conscripti sunt Libris, tum apud Habertum in Tract. de Ordine, pie sed paulo magis concionatorie expolita reperies.

Quod

Quod si hinc inferas, id ergo unum superesse Sacerdoti non vocatō, ut vel desperationi se dedat, vel abjecto, quem male amplexus est, statu, ad sæcularia regrediatur: duo reponit idem Theologus. 1. nec licere ad sæculum reverti, quia indelebilis sit Sacerdotii caracter; nec omnino spem esse abiciendam. 2. iis tamen Clericis, qui non vocati ad sacra devenerunt, summopere timendum esse, ne in æternum pereant.

1. Quidem non omnino desperandum est, quia Deus, qui primaria intentione singulos ad certam vitæ speciem destinavit, vult secundaria intentione, ut qui vocationi suæ defuerint, suam hanc culpam seriæ Pœnitentiæ lachrymis diluant, & diluendo in Ordinem, a quo temere discesserunt, regrediantur. Unde tunc ex misericordia, ea homini largitur auxilia, quæ legitime vocatis ex qualicumque iustitia debet. Et vero cum Deus hominem Sacerdotio semel inauguratum, castum, & cœlibem perpetuo manere velit, nihil impossibile jubeat, exigit misericordia ejus, ut *jubendo moneat, & facere, quod possis, & petere, quod non possis, & adjuvet ut possis*.

Trident  
sess. 6. c. 11.

2. Quia tamen vocatio Dei certas communiter dotes præsupponit, ut prudentiam ad regendum, facundiam ad docendum, &c. eæque non necessario a pœnitentia dimanant, necessum est ut Sacerdos, qui officia quædam eisdem dotes præexigentia usurpavit, iisdem quam primum se exuat: id autem haud profecto facile est iis, qui ut plurimum non alio intuitu Sacerdotium ingressi sunt, quam ut hæc eadem officia consequerentur, qui quam iisdem obeundis impares sint non sentiunt, qui vix unquam coram Deo expendant, an in ovile per ostium ingressi sint; qui etiam cum de vocatione sua dubitant, non id curant ut seriæ pœnitentiæ vacent, sed ut molestos importunæ conscientie remorsus excutiant: ergo merito dictum est reparari quidem posse, raro tamen, & vix reparari genuinæ vocationis defectum. Unde Auctor operis imperfecti Hom. 40. *Quis vidit aliquando Clericum pœnitentem?* Certe, ait S. Leo Epist. 85. *difficile est ut bono peragantur exitu, quæ male sunt inchoata principio*. Nostræ hujus doctrinæ Summam passim exhibet, qui insigne fuit Cleri exemplar Ludovicus Tronson in *forma Cleri*, consule part. 1. cap. 3. art. 7. & alibi.

Hinc colliges 1. ei, qui de amplectendo Clericali statu cogitat, serio perpendendum esse, vocatusne sit, an secus. Hic porro triplicis generis occurrunt signa, alia, quæ vocationem abesse probant; alia, quæ ipsam adesse convincunt; alia demum, ex quibus utpote ambiguis nihil certi definiri potest.

Signa non vocationis, si ita loqui licebit, paucis his expressit Hallerius part. 1. sect. 3. c. 2. §. 4. *Impurus es, & ad obeunda ministeria ineptus ex corporis aut animi defectu; mala arte Sacerdotium præcipere tentas; ambitione ducis vel avaritia; inbias onori, non oneri, non operis aut cupidus, aut saltem patiens, non te vocat Deus, sed diabolus tentat*. Impuritas tamen seu morum corruptio, cum, ut debet, fuerit absterisa, vocationem non impedit.

Signa vocationis moraliter certa, sunt judicium directoris periti, discretionem spirituum habentis, & in Ecclesiam bene affecti; congeries qualitatium seu animi seu corporis, quæ ad obeunda sancti ministerii officia requiruntur, puta gloriam Dei, suamque, & proximi salutem, omni,  
qua

qua licebit, via, procurandi intentio; Ecclesiasticæ disciplinæ, & a fortiori Ecclesiæ ipsius amor ingens, & studium; nativa aut diu comprobata in Clericalem statum propensio, summa ejus excellentiæ, & functionum æstimatio.

Dubia vocationis indicia, sunt corporis ingeniique talenta, ipsa vitæ puritas, ardens Ordines recipiendi desiderium, quod sæpe non a charitate, sed a charitatis adversaria cupiditate profluit. Puritatem morum, & naturæ talenta inter æquivocas vocationis probationes recenseo, quia priori ornatos esse oportet Christianos omnes; posterioribus vero eos, qui ad certos Reipublicæ gradus evehuntur. Et vero quot sæculares in laica professione sancti, & oculati, quos, quia sæculares permanserunt, nemo vocationi Ecclesiasticæ defuisse suspicatur?

Colliges 2. ei, qui in tanti momenti materia errare nolit, explorandam sedulo esse Dei voluntatem. 1. oratione, in qua exclamandum cum Psalmista: *Notam fac mihi Domine viam, in qua ambulem, quia ad te levavi animam meam.* Psalm. 142. Si enim, ait hic Augustinus, *non me docueris, faciam voluntatem meam, & deseret me Deus meus.* 3. Sapientiorum consilio, & interrogatione, juxta id Ecclesiæ 32. *Fili, sine consilio nihil facias, & post factum non pernitebis.* Certe si generaliter verum sit id S. Basilii Orat. de felicit. *qui nemine consultore utitur, similis est navigio rectore carenti*, quanto magis in præsentī materia. 3. plena totalique indifferentia, sic ut pendeat inter utrumque voluntas nostra, aut saltem neutri parti nimis inbareat, cogitans semper ne forte altera pars magis Deo placeat, prout solide docet S. Bernardus.

## ARTICULUS SECUNDUS.

*De his, quæ ab homine jam Clerico fugienda sunt aut præstanda.*

**P**Ræfens Articulus suam secum partitionem præfert, unde. 1. de vitiis a Clerico fugiendis. 2. de virtutibus, quas præsertim exercere debet, differemus.

### SECTIO PRIMA.

*De his, quæ a Clerico vitanda sunt.*

**S**ingula a Clericis omnibus vitia sedulo devitanda esse, nemo est, qui possit inficiari: neque vero minus cettum est ex iis esse non pauca, quæ Clericalem statum magis dedeçant, & furorem Dei potentius inflammant, qualia sunt præsertim incontinentia, intemperantia, & præcipue ebrietas; ferale avaritiæ crimen; ambitio, simoniæ, pluriumque scelerum parens; hypocrisis, quæ etiam virtutes vertit in peccatum, & alia id genus, quæ speciali calamo perstrinxere quicumque de Ecclesiastico statu scripserunt. Quoniam vero hæc sigillatim insequi non possumus, duo nobis probasse sufficiet. 1. generaliter nullum esse peccatum, quod horrere non debeat vir Ecclesiasticus. 2. multa esse, quæ tametsi permixta Laicis, Clericis autem imputentur in vitium, qualia sunt venatio, ludus aleæ, negotiatio, & similia. Sic igitur

CON-

CONCLUSIO I. generalis. Clerici ab omni vitio purissimi esse debent.

Prob. Si Clerici vel ab ipsa mali specie abstinere debent, si quæ levia sunt in Laicis, hæc in Ecclesiasticis sint graviora, si demum quæ tolerantur in secularibus, hæc in militibus sacris redargui mereantur, utique certum est Clericos ab omni vitio purissimos esse debere: atqui hæc omnia constant. 1. quidem *Clerici non solum debent abstinere ab his, quæ sunt secundum se mala, sed etiam ab his, quæ habent speciem mali*. Ita expresse S. Thomas 2. 2. q. 77. art. 4. ad 3. Præverat S. Bernardus Lib. 3. de Confid. cap. 4. his verbis: *Interroga majores tuos, & dicent tibi: Ab omni specie mala abstinete vos*. Idem habet Concilium Remense an. 1583. a Gregorio XIII. confirmatum. Et vero si id generaliter Christianis omnibus dictum sit ab Apostolo 1. Thessal. 5. quanto plus ad Clericos dictum censi debet? 2. quæ levia sunt in Laicis, multo sunt in Clericis graviora, unde Tridentinum Sess. 22. cap. 1. de Reform. *Sic decet omnium Clericos in sortem Domini vocatos, vitam moresque suos omnes componere, ut habitu, gestu, incessu, sermone, aliisque omnibus rebus, nil nisi grave, moderatum, ac religione plenum præ se ferant: levia etiam delicta, quæ in ipsi maxima essent, effugiant*. 3. demum redarguuntur in Clericis, quæ in aliis tolerantur, aut etiam permittuntur. Plerumque, ait S. Gregorius Lib. 8. Epist. 5. *quod in Laicis culpa non est, hoc crimen est in sacro Ordine constitutis*. Consonat tritum id S. Bernardi Lib. 2. de Considerat. cap. 13. *Inter seculares nugæ, nugæ sunt, in ore Sacerdotis blasphemia*. .: . *consecrasti os tuum Evangelio, talibus jam aperire illicitum est, assuescere sacrilegium*. Hinc incunctanter Petrus Blefensis Serm. in Psalm. 2. *Quod veniale est plebi, criminale est Sacerdoti. Quod erroneum est ovi, peremptorium est Pastori*.

Jam vero ut hæc emphatice, & per exaggerationem dicta non esse pateat, sufficiet perpendisse in Clericorum peccatis concurrere id omne, quo graviora effici possint. Ubi enim, qui peccat, eum offendit, cui charior est, a quo & beneficia plura, & plura vitandæ offensæ media recepit, ubi denique per peccatum efficacius subvertuntur consilia & intentiones illius, contra quem peccatur, hic necessarium est gravius peccari. Atqui hæc omnia in Clericorum peccatis concurrunt. 1. eum offendunt, cui sunt chariores, juxta id Zachariæ 13. *His plagatus sum in domo eorum, qui diligebant me*, id est diligere debuerant: ergo cum profundius lædatur cor amantis, gravius lædendo delinquant, juxta id Psalm. 54. *Si inimicus meus maledixisset mihi, sustinuissem utique: tu vero homo unanimitis, &c.* 2. eum ex consequenti offendunt, a quo plus recipere boni & plura proinde vitandi peccati media; cum Deus pro modo amoris sui gratias conferre soleat, & Sacerdotium vel unum, sit gratiam, quam nobis invident Angeli. 3. efficacius Dei consilia & intentionem subvertunt, cum eo instituti sint sine ut essent sal terræ, lux mundi, magistri insipientium, dæmonis imperii destructores, &c. Verum ut ex iis, quæ mox dicta sunt, quædam magis firmentur, sit

CONCLUSIO II. Clerici a multis, quæ in secularibus non culpantur, aut minus arguuntur, abstinere debent, qualia sunt 1. venatio. 2. militia. 3. ludus aleæ. 4. negotiatio. 5. gestio negotiorum secularium. 6. exercitium chirurgiæ. 7. popinarum ingressus. 8. luxus omnis, spectacula, comestiones, & similia,

Prob

Prob. 1. pars de venatione, ex Ecclesiæ decretis. *Episcopum*, ait c. 1. de Clerico venat. *Præbyterum*, aut *Diaconum*, canes, aut accipitres, aut hujusmodi ad venandum habere non licet: quod si quis talium personarum in his sæpius detentus fuerit, si *Episcopus* est, tribus mensibus, si *Præbyter* duobus, si *Diaconus*, ab omni officio suspendatur. Idem sanxere tum Innocentius III. in Concilio Lateranensi IV. Can. 15. his verbis: *Venationem & aucupationem universis Clericis interdiximus; unde nec canes, nec aves habere præsumant*; tum Synodus Nannetensis an. 1264. ubi sic: *Quia nullum venatorem invenimus sanctum, \* præcipimus, ut Prælati solliciti sint & intenti in puniendo Clericos venatores, & præcipue Præbiteros & Religiosos, de quibus major scandalum generatur*. Consonat Aqueense Concilium an. 1585. ubi prohibetur, ne Clerici ullum venationis genus exercent... armare ferant; atque id etiam Regum nostrorum Capitularibus vetitum est. Et vero si Concilium Trecentense vel ipsis Templi militibus, eo quod Religiosi essent, interdixit ne in bosco cum arcu & balista jaculari, imo ne cum illo, qui hoc fecisset gradi auderent, quanto plus ceneri debet id prohibitum Clericis, qui armorum usum & consuetudinem non habent ut Templarii?

Nec dicas obsolevisse prædictos Canones, & usu contrario fuisse revocatos. Id enim, quidquid clament & reclamant Clerici venatores, falsum esse constat: 1. quia doctrina, quæ Clericos venari prohibet, in omnibus Regni Seminariis docetur; 2. quia Episcopi pene omnes vetera Conciliorum Decreta in præsentī materia renovant, eaque, cum se offert occasio, servari præcipiunt; 3. quia etiamnum subsistunt motiva, quæ Patres ad prohibendam Clericis venationem impulerunt. Hæc enim sunt juxta Synodum Aquilejensem an. 1596. tit. 9. quod Clerici nec arma deferre, nec sine Clericali habitu prodire in publicum, nec tempus, quod studio & orationi consecrare tenentur, inter canum latus, & incompas obstreptantium voces, consumere & terere debeant: atqui hæc omnia, aliaque, quæ ab expertis facile intelliguntur, non minus tunc urgent, quam olim: ergo.

Hinc colliges Clericum venationi deditum, esse in statu peccati mortalis; gravitas enim peccati colligitur, tum ex gravitate pœnæ, quam lex infligit, aut minatur infligendam; tum ex inconvenientibus, quæ legis violationem comitantur; tum ex modo, quo præcepti executionem urget legislator: atqui citati textus gravem minantur pœnam transgressoribus: aliunde sua sunt pericula & inconvenientia venationi quæ fit cum armis, &c.

Hæc, ut patet, de clamosa venatione intelligenda sunt, non de quietâ, quæ fieret cum rete aut laqueo. Non enim, ait S. Raymundus, prohibetur Clericis ponere laqueum vel rete in silentio, dummodo tamen divinum officium, Scripturæ sacræ lectio, Theologiæ studium, meditatio, & similia non negligentur. Idem docet N. Alexander cap. 5. de Ordine, ubi notat, quod Tridentinum dum Sess. 24. c. 12. jubet Canonicos ab illicitis venationibus abstinere, tacite innuat quasdam esse venationes, Clericis minime prohibitas, eas nimirum, quæ, quia sive canibus & avibus sunt, quietæ dicuntur.

Addit

\* Verba hæc de homine venationi nimis addicto interpretatur Decoq. Traët. de Jure, &c. pag. 43. Cæterum, inquit, S. Hubertum, S. Eustachium, & alios quosdam sanctos venatores veneramus.

Addit Sylvius in 2. 2. q. 66. art. 2. Clericum, qui raro & absque scandalo venaretur, nonnisi venialiter esse peccaturum. Haud equidem graviter arguerim Parochum, qui eunculum vel leporem suis insidiantem caulibus occiderit: sed nec diffiteri possum venationem prorsus omnem, quæ sit cum strepitu & armis, plerisque Canonibus proscripti, unde satis dubia mihi videtur Sylvii decisio. Cæterum Clericus, qui in proprio fundo venaretur, non iustitiam, sed solam Religionem, & debitam Ecclesiæ legibus obedientiam læderet.

Prob. 2. pars de militia, ex Can. 6. xxxii. q. 8. ubi sic: *Quicumque ex Clero esse videntur, arma militaria non sumant, nec armati incedant: sed professionis suæ vocabulum religiosi moribus, & religioso habitu præbeant: quod si contempserint, tanquam sacrorum Canonum contemptores, & Ecclesiastica sanctitatis profanatores proprii gradus amissione multentur, quia non possunt simul Deo & saculo militare.* Idem docet & solide probat S. Thomas 2. 2. q. 40. art. 2. 1. quia bellica exercitia maximas inquietudines habent: unde multum impediunt animum a contemplatione divinarum, & laude Dei, & oratione pro populo, quæ ad officium pertinent Clericorum; 2. quia non competit Clericis occidere, vel effundere sanguinem; sed magis esse paratos ad propriam sanguinis effusionem pro Christo. An autem & quando contrahatur irregularitas occasione belli, expendi, ubi de Irregularit. part. 2. c. 8. art. 4.

Prob. 3. pars de ludi aleæ: 1. ex Conciliis. Lateranense IV. Can. 16. sic habet: *Clerici ad aleas & taxillos non ludant, nec huiusmodi ludis intersint*, quod salubre Decretum cum aliis ad Clericorum mores spectantibus renovatum est a Tridentino Sess. 22. c. 1. de Reform. Concilium Senonense an. 1528. *A ludo alearum, aliisque, qui a sorte pendent, abstineant Clerici: neque ludentium fautores, spectatores, aut testes existant.* Mediolanense I. *Nec solum*, ajunt Patres part. 2. *Clericos ludere vetamus, sed eos ludorum spectatores esse nolumus.* Idem docent plures aliæ Synodi, quas congerit Nat. Alexander ibid. Reg. 4.

Prob. 2. ex Patribus. *Si vos dimiseris*, ait S. Basiliius Homil. 8. in Hexamer. *sunt, qui protinus ad tesseras, aleasque se se conferunt: juramenta sunt illis, contentionesque pergraves, ac avaritiæ partus. Spiritus malignus affluit, furor punctis ossibus illis ludentium, insaniamque accendens.* S. Antoninus 2. part. Summæ, tit. 23. §. 6. *Quot*, inquit, *in taxillis sunt puncta, tot scelera ex eo procedunt. Primum est amissio temporis; 2. blasphemia; 3. contumelia; 4. dissipatio substantiæ temporalis; 5. Ecclesiæ contemptus, seu inobedientia (1) 6. est furtum; 7. est gula; 8. homicidium (2) 9. invidia; 10. rerum in familia necessariorum penuria, unde uxoris, puerorum, ac familiæ totius murmuraciones & maledicta; 11. insantia; 12. mendacium, 13. neglectus divinarum, dierumque sanctorum profanatio major, quam si terram colerent, quod est festa violare; &c.*

Hinc colliges 1. cum P. Antoine Tom. 2. cap. 274. mortaliter peccasse Clericos, qui sæpe alea ludunt cum jactura notabili temporis, vel etiam

(1) Jam observavi in Tract. de Contract. part. 2. cap. 10. aleam saltem paulo frequentiore ipsi etiam Laicis prohibitam fuisse per Ecclesiæ Canones.

(2) Vidimus & Laicum & Sacerdotem, quorum alter crucifragio, suspendio alter vitam abolverit ob crimina, quæ ludi amor pepexit.



etiam semel cum scandalo, vel magna pecuniæ summa; (vel *ex cupiditate lucri notabilis*, ait N. Alexander) 2. ludum in Clericis adeo indecorum longe magis indecentem esse in Religiosis, eoque plus, quo arctiorem sanctioremque vitam profitentur. Unde Lugo disp. 31. de Justit. sect. 1. n. 12. a viro gravi dictum refert, quod si *hominem Societatis Jesu vidisset semel chartis ludentem, judicaret eum mortalis peccati reum. Quod ego etiam*, ait idem Cardinalis, *de Patribus Capucinis, Carmelitis disceat is, & similibus dico.*

Colliges 2. cum Haberto part. 3. de Contract. cap. ult. eos etiam Clericos, qui modice, & moderate alea ludunt, vix immunes esse a peccato saltem veniali: *Quod, inquit, magis indubitatum esse debet in illis Diocesibus, in quibus statuta bujusrudi ludos Clericis absolute prohibent.* Et vero chartarum illecebræ sensim rapiunt, illaqueant, & ludendi consuetudinem pariunt. Quin & penes semper hominem ad pietatis officia segniorem efficiunt. Idem docet Pontas v. *Jeu* cas. 2. & 4. ut, quid ergo aleæ ludus quærent, qui honestis aliis lusus animum innocentem possunt recreare?

Colliges 3. non raro evenire ut Clerici ac ipsi Laici eos inspiciendo, qui ludunt, mortaliter peccent: atque id præsertim contingit, cum, ut ait Angelus de Glavasio, v. *Ludus*, §. 6. qui ludendo mortaliter peccant sive ob blasphemias, sive ob notabiliorem, quam exponunt summam, &c. ex eorum, qui circumstant aspectu *inducuntur efficaciter* ad continuandum. Idem docet Pontas ibid. cas. 10. idipsum nec plus docere voluit Nat. Alexander, ut patet ex cap. 2. citatæ ejusdem Doctoris Apologiæ, cui titulus: *Eclaircissement de quelques difficultés*, &c. pag. 16.

Prob. 4. pars de negotiatione. Scilicet enim negotiatio est contractus, quo quis rem eo animo comparat, ut integram & non mutatam vendendo, aut permutando lucretur: atqui ea contractus species, & Clericis, & Religiosis strictè interdicta est. Commertium enim periculi plenum, quod hominem implicat negotiis sæcularibus, eumque a Deo avocat, non potest licitum esse iis, qui, se suasque Evangelio consecraverunt, cum vix permittum sit Laicis, ut diximus part. 2. de Contract. cap. 1. art. 8. sect. 2. atqui, ut etiam ibidem ostensum est, negotiatio quoddam est commercii genus plenum periculi, &c.

Prob. 2. ex Jure Canonico, quod Clericorum norma præcipua esse debet: *Negotiari*, ait Canon 10. dist. 88. *aliquando licet, aliquando non licet: antequam enim Ecclesiasticus quis sit, licet ei negotiari; factò jam non licet.* Concinit Alexander III. cap. 6. *Ne Clerici vel Monachi*, &c. ubi sic: *Secundum instituta prædecessorum nostrorum sub interminatione anathematis prohibemus, ne Monachi, vel Clerici causa lucri negotientur.* Idem sanxit Concilium Mediolan. l. c. 26. his verbis: *Negotiationem omnis generis omnino Clericis prohibemus:* ergo mortaliter peccant Clerici aut Religiosi negotiatores; cum gravissima anathematis censura nec decernatur, nec præparetur iis, qui venialiter solum delinquant, prout dixi, ubi de Censuris. Hanc porro & similes pœnas nuper renovavit, qui nunc tanta cum laude toti Ecclesiæ præest Benedictus XIV. in Bulla *Apostolicæ servitutis* data an. 1740. contra *Clericos sæcularibus negotiis se*, sub suo vel alieni nominis velamine, *immiscentes.*

Hic quædam notanda. 1. citatos Canones ab Haberto, & aliis passim restringi ad Clericos, qui vel in sacris sint, vel Beneficarii. Idem docet

*Lugo ibid.* docet Lugo disp. 26. sect. 4. num. 25. quia, inquit, negotiatio non tam videtur indecens minoribus Clericis, ut qui ad nuptias vel statum pure laicum transire possint. Hoc & ego olim admisi, quia a *communi Deo-rum sententia* recedere non amo. Multo tamen satius est, ut, qui Clerici manere volunt, ab iis omnibus abstineant, ut quæ periculum habeant, & non nihil indecentiæ. Certe citati Canones non solum indistincte loquuntur, sed & negotiationem prohibent, statim ac quis *Ecclesiasticus factus est*. Et vero ut quid Clericus esse pergit, qui mercatorem agere vult? Consonat Sylvius 2. 2. q. 77. art. 4.

Ut ut est, negotiationem iis etiam Religiosis, qui Clericalem gradum non habent, vetitam esse, pro certo habet idem Lugo; & *in hoc*, inquit, *omnes conveniunt*, idque Turrianus ad ipsos etiam Novitios extendit. Posset tamen hic alibi excusare gravis & urgens Clerici ac Religiosi necessitas. Unde excusat Lugo n. 37. eos, qui in Brasilia regione gentilium salutem allaborantes, non alia, quam negotiationis, via, habere possunt id, quo ad sui sustentationem indigent.

2. Non constat, an Clericus etiam in sacris constitutus, qui semel aut iterum negotiatur, puta libros, cruces, & similia ad revendendum emendo, mortalis peccati reatum incurrat. Negant cum aliis pluribus Salmaticenses, nec improbat Lugo *ibid.* n. 24. nisi tamen inter sit scandalum, & negotiatio fiat in maxima summa, quia id non videtur aliqui gravi indecentia; & aliunde Canones, qui negotiatorem Clericum gravibus subjiciunt pœnis, non actum transeuntem, sed consuetudinem & habitum insinuare videntur. Idem sentit Sylvius, nisi ultra progreditur, cum ait: *Si clam & absque scandalo negotietur Clericus, non liquet esse mortale, antequam admoneatur de abstinendo*. Absit tamen ut quis licitum sibi credat, quod non liquet esse mortale. Unde in his omnibus, sicut & in quocumque casu dubio, pars tutior tenenda est.

3. Ambigitur an Clericis liceat negotiari per alios, qui totam præstent industriam, puta pecuniam mercatoribus in societatem conferendo. Negat P. Antoine id extra necessitatis casum fieri posse absque Rom. Pontificis consensu saltem tacito. Tum quia, inquit, est illud Ecclesiastico statui indecorum; tum quia ita sancitum est consuetudine, quæ vim legis habet; unde & reprehenderentur, qui secus facerent. Mitior hic Antonio Sylvius, fatetur tamen *hujusmodi mercimonium, & statum Ecclesiasticum dedecere, & vix absque aliquo Clerici peccato fieri posse*. Et id præcipue verum est, cum Clericus totam laico negotiationem non committit, sed aliquam ejus partem exercet sollicitando, dirigendo, instruendo, & quasi *superintendendo*, ut loquuntur Salmaticenses. Addit Lugo & bene, tantam esse posse hanc superintendentiam, ut ad culpam mortalem deveniat; quod sæpius evenire non diffitebuntur, qui noverint, quam inquiete temporalia inhiant bona, qui postquam Deum ut hæreditatis suæ partem elegerunt, retro convertuntur.

4. Etsi vetet Concilium Calcedonenſe cap. 3. ne Clerici ulli vel Monachi, *conductores alienarum possessionum fiant*, possunt tamen & proprios agros colere, ut fructus vendant, & greges suis in prædiis alere, ut vel saginatos venumdant, vel ex lana & lacte lucrum honestum, & pie impendendum percipiant. Si *Apostoli*, ait Hieronymus relatus cap. 33. de *Consecr.* dist. 5. *habentes potestatem de Evangelio vivere, laborabant manibus*

*Lugo ibid.*  
n. 36.

nibus suis .. cur tu in usus tuos cessura non præpares ? vel fiscellam tene junco, vel canistrum lentis pleste viminibus .... texantur & lina capiendis piscibus. Idem sanxit Concilium Carthaginense IV. an. 398. relatum dist. 91. c. 3. his verbis: *Clericus videri & vestimentum sibi artificioso, vel agricultura, absque officii sui dumtaxat detrimento parat, & c.* 4. ibid. *Clericus, quantumlibet verbo Dei eruditus, artificioso videri quærat.* Porro necessum est, ut, quas exercebit artes Clericus, non dedecent Clericalem statum; unde nec chartas luforias, taxillos, arma bellica conficere potest, nec macellarium aut tabernarium agere, quod & eisdem Canonibus interdictum est, nec frequentare nundinas.

Perperam monuerim eos, qui vinum, cum abundat, vili pretio emunt, eodem pretio amicis revendendum, non esse negotiatores. Imo nec tales dici possent, si bona fide plus emissent, quia plus necessarium sibi vel Communitati crederent, & majori reverenter pretio. Licet enim id, quo non indiges, vendere pretio currenti, solumque peccas, si emeris ea intentione ut majori pretio revenderes.

Ex dictis paulo ante colliges errasse Massalianos, qui manualia opera interdcebant Monachis. Sed nec minus errarunt Vviclefitæ, qui in oppositum lapsi, nulli Religioso voluntariæ paupertatis statum, sed solum manuum laborem permittebant. Adi Lugo disp. 26. n. 27.

Prob. 5. pars de secularium negotiorum gestione: 1. ex Apostolo 2. Timoth. 2. ubi & assertio nostra, & efficax ejusdem probatio traditur: *Nemo militans Deo implicat se negotiis secularibus, ut ei placeat, cui se probavit*; 2. ex Concilio Calcedon. cit. Can. 3. ubi sic: *Decrevit sanctum hoc Concilium, nullum deinceps non Episcopum, non Clericum vel Monachum, aut possessiones conducere, aut negotiis secularibus se miscere, præter pupillorum, si forte leges imponant, inexcusabilem curam*; ex tot. tit. *Ne Clerici vel Monachi secularibus negotiis se immisceant.*

Quæ vero secularia negotia Clericis interdicta sint, fuse evolvit Concilium Mediolanense L. c. 26. *Qui Deo militat, ait, implicare se negotiis secularibus prohibetur; idcirco edicimus: Ne Clericus sacris initiatus, aut Ecclesiastico Beneficio præditus, coram judice seculari Advocati aut procuratoris nomine causas agat, nisi ab aliis in judicium vocatus, suam vel Ecclesiæ suæ, propinquorum etiam, si necesse erit, & miserabilium personarum causas, facultate ab Episcopo prius scripto concessa, tueatur. Ne in profanis negotiis Officium Tabellionatus exerceat. Ne artem medendi faciat. Ne in negotiationibus & mercaturis se interpretem & medium interponat. Ne aliena prædia lucri causa conducat. Ne aliorum tutelam aut curam libere suscipiat. Ne pro illis fidejubeat, nisi id exigant pietas & misericordia, quo etiam in calu opus est Episcopi dispensatione. Ne alienus Principis, aut alterius, negotiorum procurator sit, sine facultate ab Episcopo prius per litteras impetrata, & singulis annis renovanda, &c.* Vide Augustinum De Lamet v. *Advocat*, ubi Advocati professionem a Beneficiario exerceri non posse ostendit.

Iis insistendum est statuis, nisi quibusdam derogaverit sana consuetudo, ut in Galliis, ubi, cum de civilibus agitur, Clerici Consiliariorum & Judicum officiis in Reipublicæ bonum defunguntur.

Prob. 6. pars de exercitio Chirurgiæ, ex cap. 9. *Ne Clerici vel Monachi*, ubi prohibet Concilium Lateran. IV. *Ne ullam Chirurgiæ artem*  
*Tournely Theol. Moral. Tom. III. B Subdia.*

*Subdiaconus, Diaconus, vel Sacerdos exerceat, quæ aduersionem vel incisionem inducit. Verum de his, quæ fufiori indigent expositione videris, quæ dixi, ubi de Irregular. 2. p. c. 8. p. 151.*

Prob. 7. pars de popinarum ingressu. *Non oportet, ait Concilium Laodicenum an. 320. relatum c. 2. dist. 44. non oportet Clericos etiam Ostiarios aut Psalmistas, tabernas intrare. Lateranense IV. Can. 15. & 16. Acrapula & ebrietate omnes Clerici diligenter abstineant ... nec ad bibendum quippiam incitetur ... Tabernas prorsus evitent, nisi forte causa necessitatis itinere consiliati. Mediolanense l. c. 26. Clerici minus honestis conviviis ne intersint ... cauponarum aditum & usum omnino eis interdiximus, nisi in itinere necessitatis causa.*

Idem præcipiunt Concilia Agathense, Aquisgranense, Herbipolense, Suesionense, Londinense, Remense, & innumera Episcoporum statuta. Quam ergo scæde, quam periculose illudunt sibi tot Sacerdotes, qui tabernas sub pœna suspensionis, peculiari locorum lege prohibitas sibi, palam & temere frequentant, quasi, qui eas prohibent, Episcopi potestate sua abutantur; & id vetare non possint, imo non omnino debeant, quod omnibus pene sæculis vetere. Concilia? quasi Ministros Christi ea deceat invisere loca, quæ vix permittunt sibi homines mundanæ frugis? aliud sane iudicabat Hieronymus in Epist. ad Nepotian. *Convivia, ajebat, tibi detestanda sunt maxime secularium ... Nunquam petentes, raro accipiamus rogati. Facile contemnitur Clericus, qui sepe vocatus ad prandium, non recusat. Aliud & sentiebat immanis ille Christianæ fidei hostis Julianus Apostata, qui falsorum numinum Pontifices Clericalis modestiæ æmulos esse volens sic ad Arsacium ethuicum Pontificem scribebat Epistol. 49. Sacerdotem quemque bortare, ne accedat ad spectacula, neve in taberna bibat ... Et qui tibi in his rebus ... resistunt, expellito.*

Prob. 8. pars de luxu, spectaculis & similibus. De Luxu patet ex Can. 15. Concilii IV. Carthaginensis, ubi sic: *Episcopus, & a sortiori Clerici inferiores, vilem suppellectilem, & mensam, ac vilius pauperem habeat, & dignitatis suæ auctoritatem fide & vitæ meritis quærat. Concilium Nicænum II. Omnis luxur & ornatus corporum, est a sacerdotali statu alienus. Episcopus ergo vel Clericus, qui se splendidis & insignibus vestibus exornant, se corrigere oportet: fin autem permaneant, supplicio tradi ... a superioribus enim usque temporibus omnis vir sacerdotalis cum modesto & honesto indumento versabatur.* Et vero Cleri luxum, non Ecclesiæ modestiæ æmulos esse volens sic ad Arsacium ethuicum Pontificem scribebat Epistol. 49. *Sacerdotem quemque bortare, ne accedat ad spectacula, neve in taberna bibat ... Et qui tibi in his rebus ... resistunt, expellito.*

De Spectaculis idipsum docent plura Concilia, quæ pro more adduxit Nat. Alexander Reg. 5. e multis unum adducemus. Narbonense an. 1609. ubi sic cap. 41. *Ut monemus populum, ita Clericos districte choreas quacumque ex causa ducere, aut illis interesse prohibemus: vident tripudia, ludos publicos ... ad bisitationes non accedant: ne puritas Sacerdotis rerum inanium aut etiam obscœnarum aspectu polluantur ... Contra agentes pœna carceris, & alia ad arbitrium Ordinarii comprimantur.*

Cætera non prosequimur ut quæ e prima Conclusionem sponte fluant & deriventur. Unum hic monebimus plurimos esse, qui vel in ipso sacrorum

crorum Ordinum ingressu reos se faciunt gravissimæ fraudis, dum Episcopo quasi verum exhibent titulum collutorum, hypotheçis realibus gravatum, multo minorem summa per diocesanam legem constituta: & ii omnes jure communi, Parisiis & alibi vigenie, suspensionem incurrunt ipso facto, nec ab ea a quoquam absolvi possunt, donec titulum legitimum affectui sint, aut ab eo dispensati. Vide Tractatum Gallicum de Dispensationibus L. 2. part. 6. c. 3.

## SECTIONES SECUNDA.

*De iis, quæ a Clerico præstanda sunt.*

**U**T vitia omnia a Clericis vitari, sic & ab iis virtutes omnes constanter exerceri debent. Eos vero præcipue decent fides intensa, spes firma, charitas ardens, zelus seu studium & suæ & alienæ salutis, religionis & orationis spiritus, hospitalitas, castimonia, mansuetudo, & aliæ ejusdem generis dotes, quas sigillatim indagare non finit angustior voluminis textura. Sed quia quædam sunt, quæ an etiam Clericis necessaria sint, ambigi videtur saltem in praxi, ea paucis expendenda credimus, ut quo gradi debeant pede intelligere possint & cujuscumque gradus Ecclesiastici, & eorum directores. Rem totam ad præcipua quædam capita revocabimus, an scilicet: primo, Clericus Tonfuram & habitum Clericalem gerere debeat; secundo, an non aliquod Ecclesiæ obsequium præstare teneantur Clerici juniores; tertio, an teneantur ad scientiam & praxim cæremoniary; quarto, an ad officii Ecclesiastici recitationem, &c.

**CONCLUSIO I.** Clerici simplices Tonfuram & habitum Clericalem, qui vero sunt in sacris vel Beneficarii vestem salarem gerere debent.

Prob. 1. pars, Eam in Tonfura & habitu Clericali formam sequi debent Clerici quicumque, quam serio & graviter præscribere sacri Canones, quam urgent & urgere debent omnes Episcopi, quam constanter secuti sunt, qui bonum in Ecclesia nomen obtinuerunt: atqui quod Clerici Tonfuram, habitum statui suo convenientem gesserint, serio & graviter præscribere sancti Canones; id ipsum urgent omnes Episcopi, &c.

Et quidem, quod id præcipiant Canones, res est manifesta. *Præcipiunt*, ait Concilium Lateranense II. cui, præside Innocentio II. intererant mille circiter Episcopi, *ut tam Episcopi, quam Clerici, in statu mentis, in habitu corporis, Deo & hominibus placere studeant; & nec in superstitate, scissura, aut colore vestium, nec in Tonfura, intuentium offendant aspectum ... quod si moniti ab Episcopis emendare se noluerint, Ecclesiasticis careant Beneficiis.* An porro nihil erit culpa, quam qui admiserint, sunt a Beneficiis arcendi?

Idem sanxit Concilium Lateranense IV. Can. 16. *Clerici Coronam & Tonfuram habeant congruentem ... clausa deferant de super indumenta, nimia brevitate vel longitudine non notanda.* Concil. Tridentin. Sess. 14. cap. 6. *De Reform. vanam, quæ a vanis Ecclesiasticis afferri solet, excolationem his explodit verbis: Etsi habitus non facit Monachum, oportet tamen Clericis vestes proprio congruentes Ordini semper deferre, ut per decentiam habitus extrinseci, morum honestatem intrinsecam ostendant.*

dant . Tanta autem hodie aliquorum inolevit temeritas , religionisque contemptus , ut propriam dignitatem & honorem Clericalem parvipendentes , vestes etiam deferant publice laicales , pedes in diversis ponentes , unum in divinis , alterum in carnalibus , & infra innovatur & ampliatur Decretum Concilii Viennensis , quod habes Clement. II. *De vita & benef. Cleric.*

2. Eandem servari formam volunt , & urgere debent Episcopi . Quod velint patet ex Statutis cujuscumque Diœcesis . Quod velle debeant & urgere , patet ex Tridentino ibid.

3. Demum constans ea fuit , est , & semper erit , omnium , qui Deum timent & Ecclesiam diligunt , praxis & agendi ratio . Neque id mirum : 1. quia quisquis statum suum amat , ejusdem insignis non dedignatur ; 2. quia habitus Clericalis a multis retrahit excessibus , neque eum haætenus deposuit quisquam , ut liberius Deo vacaret ; multi vero , nisi omnes , ut ea facerent , contra quæ vel ipse habitus reclamaret . 3. quia Clericus laica indutus veste , vel hoc ipso scandalum parit , & quasi admonet se Sanctuarium non amore Sanctuarii , sed lucri intuitu fuisse ingressum .

Prob. 2. pars : 1. ex 92. Sixti V. Bulla , ubi sic habetur : *Hac nostra perpetuo valitura Constitutione præcipimus & mandamus omnibus & quibuscumque Clericis , non solum in sacris , sed etiam .. Clericali Tonsura insignitis , & nedum ecclesiastica Beneficia , qualiacumque ... verum etiam pensiones percipientibus .. Tonsuram & habitum Clericalem , vestes scilicet talaris , quacumque dilacione aut tergiversatione postposita , debeant omnino assumere , & fugiter deferre , &c.*

Idem ante & post Sixtum præceperunt plura Concilia , ut Mediolanense I. Senonense I. Burdigalense ; vixque ex quo cessante persecutionum æstu laicæ & sacræ vestes discerni cœperant , amplius quidquam sacris Canonibus commendatum est : adeo ut , qui rem istam plenius investigare , eandem invenerint definitam ab œcumenicis Conciliis tredecim , ab octodecim Romanis Pontificibus , a Nationalibus , Provincialibusve Conciliis centum supra quinquaginta , a Diœcesanis Galliæ , Italiæ , Angliæ , Poloniæ , &c. Synodis trecentis & ultra ; prout refert Collator Lingonenfis Collat. 30.

Nec nocet , quod allegare solent Clerici talaris vestis impatientes : 1. quod ab ea deferenda dispensent se viri complures moribus cœteroqui reâis instructi ; quod argumento est consuetudinem veteribus statutis derogasse ; 2. Deum non vestes , sed corda inspicere .

Utraque enim hæc evasio jam pridem præclusa est . Prima quidem ab Innocentio III. c. 3. seu *De consuetud.* his verbis : *Consuetudo , quæ Canonici obvia institutis , nullius debet esse momenti ;* seu ut ait Concilium Toletanum IV. Can. 19. *Perniciosa consuetudo nequaquam est recipienda , quæ majorum statuta præteriens , omnem Ecclesiæ ordinem perturbat .* Secunda vero expressissime a S. Bernardo , L. 3. de Consider. c. 5. solent dicere : *Num de vestibus cura est Deo , & non magis de moribus ? at forma hæc vestium , deformitatis mentium , & morum indicium est . Quid sibi vult , quod Clerici aliud esse , aliud videri volunt ? nempe habitu milites , quæstu Clerici , æstu neutrum .*

Hinc , quidquid clament & reclamant multi , colliges mortaliter peccare Clericos in sacris , aut Beneficiarios , qui sine legitima causa vestem

Item nigri coloris, eamque talarem ferre negligunt; quia sanctiones crebro repetitas in materia, quam pro gravi habet Ecclesia, prætergredi, a gravi culpa excusari nequit. Ita Pontas v. *Habit.*, cas. 2. Sambovius Tom. 3. cas. 47. Theologia Pictaviensis, Tom. 2. pag. mihi 534. Rurales tamen Parochos in interiori domo, breviori veste \* sine peccato uti posse, censet idem Sambovius, nisi, inquit, aliud ferant Diœcesis leges, & statuta.

\* *Sententia*  
*nelle.*

Dixi: *sine legitima causa*. Hæc autem est. 1. necessitas statum suum celandi, ut ii faciunt, qui apud hæreticos fidem disseminant. 2. iter faciendum. In itinere, ait Aqueense Concilium an. 1585. *breviores vestes permittimus, sed ne omnino supra genua sint vetamus*. Idem decernit Synodus Mediolanensis II. ann. 1571. hac duplici limitatione, nempe ut etiam tunc talis, tamque decens feratur habitus, *ex quo eos*, qui iter faciunt, esse Ecclesiastici Ordinis homines agnoscere possit, deinde vero ut cum eo venerint, quo pervenire contendunt, etiam locus sit in Diœcesis alienæ finibus, talarem togam induant.

Hic duo notanda. 1. multo esse laudabilius ut etiam in itinere, & equitatione talaris toga deferatur. Id enim minus habet pœnæ, quam existiment multi; & si plus haberet, sponte & alacriter ob Christi graviora passi, & Ecclesiæ amorem, ferendum esset. 2. etsi absolute licitum sit in itinere uti habitu breviori, haud tamen licitum esse sine talari toga vel Missam celebrare, vel altari deservire: & id multis in Diœcesibus quoad Missæ celebrationem sub pœna suspensionis ipso facto incurrendæ prohibitum est.

Colliges 2. eo plus in hac materia ut & in aliis peccari, quo plus a canonum littera receditur. Unde Beneficiarius, qui pallium breve, cum breviori veste nigri coloris, gerit, minus utique peccat, quam qui, ut multi, habitum fere laicalem gestant. Neque tamen hic saltem si, ut solent, res ex consuetudine fiat, læthalem deesse culpam credidero.

Quod spectat ad juniores Clericos docet jam citatus Auctor Pictaviensis Theologiæ, eos, etsi Beneficarii non sint, teneri saltem sub veniali Tonsuram, & habitum Clericalem gerere; quamdiu servant propositum in Ecclesiastico statu permanendi.

Colliges 3. vere coram Deo lugendam esse sortem, tot omnis pene gradus Clericorum, qui nedum Tonsuram pro Ordine, quo insigniti sunt, majorem aut minorem gestent, & crines modeste detonsos habeant; rectorum eontra, calamistratos, & odorato conspersos pulvere, in ipsa Dei domo, in Processionibus, & ad ipsum altare præserunt, inter ipsa sacra mundani; & quos, ait S. Hieronymus, ex aspectu *Sponsos dicat, non Clericos*. An vero gratis dictum est: *Eteris, in die bestia Domini, visitabo super omnes, qui induti sunt vestis peregrina*. Sophon. 1.

Colliges 4. adscititiam comam, nec sine causa, nec nisi modeste, ubi causa est, ferendam esse. Hujus quidem factitiæ capillaturæ usum non prohibuerunt sacri Canones, quia ne futurum quidem, præsertim apud Clericos, suspicabantur. Verum ex iis, quæ jam ab Apostolorum temporibus contra scæminas torti, & competi capilli nimium amatrices dicta sunt, facile colligere est, quo impetu in Clericos eidem obnoxios vitio fuissent Patres insurrecturi: *Quanta enim culpa*, aiebat S. Gregorius, *hoc viros appetere, a quo femina prohibentur*. Qui invictum a pari, vel potius a fortiori circa hanc materiam argumentum

*Tournely Theol. Moral. Tom. III.*

B 3

effor-



efformare volet, consulat Cyprianum de disciplina & habitu virginum : Tertullianum de cultu faminarum ? Ambrosium L. De virginib. e recentioribus vero J. B. Thiers in speciali ea de re Tractatu.

CONCLUSIO II. Clerici etiam simplices divinis Officiis, Festis, & Dominicis diebus interesse tenentur.

Prob. 1. ex Tridentino Sess. de Reform. cap. 6. ubi sic : *Nullus prima tonsura initiatus . . . foris privilegio gaudeat, nisi . . . Clericalem habitum, & Tonsuram deferens, alicui Ecclesie ex mandato Episcopi inserviat* : atqui vix aliter Ecclesie inservire possunt Clerici juniores, quam Officia divina modeste, & assidue, quantum sibi licet, frequentando : ergo ad id tenentur. Præverant Concilia Carthaginense IV. an. 390. Agathense ann. 506. Aurelianense I. ann. 511. &c. in quibus Clericos suis in Ecclesia muneribus frequenter fungi statutum est : quomodo autem suo quantulo in Ecclesia munere fungentur, qui ab ea dominicis etiam diebus aut festis abfuerint.

Prob. 2. quia ut sapienter monet Aquilejense Concilium : *Nihil potest videri absurdius, quam ut seculares Officiorum divinarum tempore Ecclesiam frequentent, Clerici resugiant : illi Deum vel tacitis vocibus in Ecclesia laudent ; isti . . . boni aversione scandalum præbeant, & pravo exemplo a pietate avocent populos, qui, quod superfluum sibi judicant Clerici ad plura & strictius obligati, sibi necessarium non esse facile præsumunt.*

Neque vero sufficit, ut Clerici Officio prædictis diebus intersint, sed id ponderare debent Tolerani Concilii 1. Can. 5. *Quilibet Ecclesie deputatus Clericus, si intra civitatem vivit, vel in loco, in quo Ecclesia est, aut Castello, aut vico, aut villa, & ad Ecclesiam ad Sacrificium quotidianum non accesserit, Clericus non habeatur.*

CONCLUSIO III. Clerici omnes præsertim in sacris, Ecclesie cæremoniis & scire, & adamussim observare tenentur.

Prob. 1. quia major est in nova Lege obligatio cæremoniis ad cultum Dei spectantes scire & observare, quam fuerit in antiqua ; cum cultus, quo sanctior est, eo scrupulose magis quoad omnes sui partes impleri debeat : atqui seria & gravis in antiqua lege vigeat obligatio, infinitas prope Judaicæ religionis cæremoniis tenendi & exequendi. Minor patet ex pluribus Deuteronomii locis, cap. 5. *Audi, Israel, cæremoniis atque judicia, quæ ego loquor in auribus vestris hodie, discite ea & opere complete*, cap. 7. *Custodi præcepta & cæremoniis atque judicia, quæ ego mando tibi ut facias*. Deuter. 28. *Quod si audire nolueris vocem Domini Dei tui, ut custodias & facias . . . cæremoniis, quas ego præcipio tibi hodie, venient super te omnes maledictiones . . . & apprehendent te* : ergo.

Prob. 2. quia cum sacra sine quibusdam cæremoniis peragi nequeant, qui Ecclesie ritus ignorat, alios pro arbitrio, & phantasia fingere sibi tenetur, & ex consequenti a probatori Ecclesie usu recedere ; atqui non potest ea inversio rerum fieri sine peccato. Si quis, ait Tridentinum Sess. 7. Can. 13. de Sacram. in genere, *dixerit, receptos & approbatos Ecclesie Catholicæ ritus, in solemnibus Sacramentorum administratione adhiberi consuetos, aut contemni, aut sine peccato a Ministris pro libito omitti, aut in novos alios per quemcumque Ecclesiarum Pastorem mutari posse, anathema sit.*

Prob. 3.



Prob. 3. rationibus, quas suppeditat idem Concilium Sess. 22. cap. 5. his verbis: *Cum natura hominum ea sit, ut non facile queat sine administris exterioribus ad rerum divinarum meditationem sustolli; propterea pia mater Ecclesia ritus quosdam, ut scilicet quedam submissa voce, alia vero elatiore, in Missa pronuntiarentur, instituit. Cereemonias item adhibuit, ut mysticas benedictiones, lumina, thymiamata, vestes, aliaque id genus multa, ex Apostolica disciplina, & traditione, quo & majestas tanti sacrificii commendaretur, & mentes fidelium per hæc visibilia religionis, & pietatis signa ad rerum altissimarum, quæ in hoc sacrificio latent, contemplationem excitarentur.* Hic habes primo, plures Ecclesiæ cereemonias ab ipsis Apostolorum temporibus institutas fuisse; secundo, institutionis hujus finem fuisse, ut sua rebus sacris majestas asseratur, utque fideles ex visibilibus delucantur ad invisibilia fidei mysterio: itane vero res ipsa sua origine sacras, & ad finem nobilissimum spectantes, pro nihilo ducere licet, & pro nutu vel abjicere, vel amplecti? Licet hinc populis, scandalum, & nauseam parere, quod iis in ædificationem paratum est? Licet Ecclesiæ Ministris turpem sibi imperitium, indevotorumve notam aspergere? licet graves plerumque in Ecclesia turbas ciere, ut ii hodie faciunt, qui contra totius Ecclesiæ legem, alta voce & Orationes secretas, & Canonem recitant; qua de re legatur Opus inscriptum: *Explication litterele, historique, & dogmatique des ceremonies de la Messe*, auctore Petro le Brun Oratorij Præbytero, ubi Tom. 4. contra corruptorem Missalis Meldensis, ejusque libellum sub hoc titulo: *Lestres sur les Amen du nouveau Missel de Meaux*, demonstratur eam constanter fuisse Ecclesiæ praxim, ut certa Missæ pars recitaretur *submissa voce*, id est secreto prorsus, non autem *sine cantu*, prout commentus erat fraudis & innovationis hujus Auctor nomine *Ledieu*.

CONCLUSIO IV. Et Beneficarii, & quicumque Clerici in sacris ad officii recitationem tenentur.

Prob. ex iis, quæ dicta sunt Tom. 2. c. 3. alias 2.

CONCLUSIO V. Clerici omnes ad Castitatem tenentur, sed multo strictius, qui sunt in sacris.

Prob. 1. pars. Tenetur unusquisque ad virtutes status sui proprias: atqui Castimonia est virtus, Clericalis status etiam genetrice sumpti maxime propria: primo, quia summopere decet omnes Christi Ministros eam profiteri virtutem, quam speciali ratione professus est *Christus virgo, virginis filius, virginum sponsus*, uti loquitur Sanctus Bonaventura Lib. 2. de profect. Relig. cap. 53. secundo, quia inferiores Clerici ad Ordines sacros, qua sanctiori poterunt via, gradum facere debent: *Nemo autem, ait Urbanus II. ad sacrum Ordinem permittatur accedere, nisi aut virgo, aut probate sit castitatis*, cap. 12. dist. 32. cui consonat id sancti Gregorii Lib. 1. Epistol. 2. *Nullus debet ad ministerium altaris accedere, nisi cujus castitas ante susceptum ministerium fuerit approbata*. Si ergo grave sit in laico impuritatis peccatum, utique gravius erit in Clerico: unde turpes aspectus, obscœnas vel ambiguas voces, aliaque ejusdem generis effugere debet, *quasi a facie colubri*: imo nec tuta conscientia ad Subdiaconatum accedere potest, nisi spem habeat moraliter certam servandæ perpetuæ, & omnimodæ castitatis.

Prob. 2. pars ex variis Conciliis. Carthaginense II. cap. 2. *Episcopos*, inquit, *Presbyteros*, & *Diaconos* ... placuit ... continentem esse in omnibus ... ut, quod *Apostoli* docuerunt, & ipsa servavit antiquitas, nos quoque custodiamus. Lateranense I. Can. 21. *Presbyteris*, *Diaconibus*, *Subdiaconibus*, & *Monachis*, concubinas habere, seu matrimonia contrahere penitus interdiximus: contracta quoque matrimonia ab hujusmodi personis dirigi, & personas ad penitentiam debere redigi, juxta sacrorum Canonum definitionem judicamus. Lateranense II. c. 7. Nullus Missas eorum audiat, quos uxores vel concubinas habere cognoverit. Ut autem lex continentie, & Deo placens munditia in Ecclesiasticis personis, & sacris Ordinibus dilatur; statuimus quatenus *Episcopi*, *Presbyteri*, *Diaconi*, *Subdiaconi*, *regulares Canonici*, & *Monachi*, atque conversi *Professi*, qui sanctum transgredientes propositum, uxores sibi copulare præsumpserint, separentur. Hujusmodi namque copulationem, quam contra Ecclesiasticam regulam constat esse contractam, matrimonium non esse censemus. Qui etiam ab invicem separati, pro tantis excessibus condignam penitentiam agant.

Decreta hæc, quibus innumera alia possent adjungi, renovavit Trid. Synodus Seil. 24. Can. 9. his verbis: Si quis dixerit Clericos in sacris Ordinibus constitutos, vel Regulares castitatem solemniter professos, posse matrimonium contrahere, contractumque validum esse non obstanti lege Ecclesiastica vel voto ... postquam omnes contrahere matrimonium, qui non sentiunt se castitatis etiam si eam voverint, habere donum; anathematis: cum Deus id recte petentibus non denegat, nec patietur nos supra id, quod possumus, tentari. His præmissis sic disputo.

Ut Clerici in sacris castimoniam impense colere teneantur, tria sufficiunt. 1. ut virtutem hanc eis injungere potuerit Ecclesia. 2. ut & quadamtenus debuerit. 3. & ut injunxerit de facto: atqui hæc omnia constant. Et quidem, quod injunxerit, probant Canones citari; quod autem potuerit, & quadamtenus debuerit, paucis ostendo in hunc modum: Poruit & debuit Ecclesia id injungere, quod ad sancta ejus munia digne, sancte, & ut par est, obeunda plurimum conducit: atqui talis est Cœlibatus, seu status omnimodæ castitatis. Præcipua enim Ecclesiæ, ejusque Magistrorum Officia sunt Sacrificium altaris, Sacramentorum administratio, Oratio frequens, actus docendi, pauperum cura & sublevatio: atqui ad hæc, ut par est, obeunda plurimum conducit Cœlibatus: 1. enim Sacrificium, & Sacramentorum administratio, magnam, & si fieri possit, Angelicam puritatem requirunt: in actu autem conjugii, etsi per se non malo, certum est aliquid reperiri, quod & puritatem, & imaginationem offendar. Imo, ut docet S. Augustinus cap. 13. de bono conjug. intra conjugalis temperantiæ limites siltere tam magnam est, ut multi homines facilius se tota vita ab omni concubitu abstineant, quam modum teneant non cocundi nisi proli causa, & matrimonio copulentur: & tamen exigere debitum ultra generandi necessitatem, culpa est venialis, teste eod. S. Doctore ibid. cap. 7.

2. Oratio & doctrina mentem uni addictam Deo, & a sæcularibus curis expeditam postulant: porro, qui cum uxore est, sollicitus est, quæ sunt mundi, quomodo placeat uxori, & divius est: cum a contrario, qui sine uxore est, sollicitus sit, quæ Domini sunt, quomodo placeat Deo. 1. Cor. 7.

3. Pauperum cura requirit animum liberalem & sancte prodigum; is autem

tem multo difficilius reperitur in conjugatis, qui de alenda familia, de ditandis, & nuptui dandis filiis præcipue laborant.

Obijciunt Proteſtantes: 1. id Genef. 1. *Crefcite & multiplicamini*, quod ad omnes dictum fuit; 2. quod ex Paulo 1. Timoth. 3. *Oportet Episcopum eſſe unius uxoris virum*, & iterum: *Diaconi ſint uſius uxoris viri*: quod autem permiſſere Apoſtoli, quis prohibere poſſit? 3. quod idem Apoſtolus ibid. c. 4. *doctrina demoniorum* eam vocet, quæ prohibet nubere: id vero prohibent Doctores Romani; 4. quod ex Hebr. 13. *honorabile eſſe debeat connubium in omnibus*: ſi autem in omnibus, ergo & in Præbyteris; 5. quod ex cælibatu Sacerdotum innumera apud Catholicos prodeant ſcandala, adulteria, fornicationes: cujus rei flebile extat monumentum in Epist. S. Uldarici Episcopi Auguſtani, qui ad Papam Nicolaum ſcribit in quadam piſcina Siciliæ, quo in regno rigide urgebatur Cælibatus, inventa eſſe capita ſex millia infantium, quia omnes a Sacerdotibus nati erant; 6. addunt Armeni periculofam eſſe mulierum confeſſionem Sacerdoti cælibem agenti vitam, cum is & facilius & frequentius tentationi cedat. Verum hæc moram non faciunt. Unde

R. ad 1. verba hæc: *Crefcite &c.* vel præceptum non eſſe, ſed benediſtionem; quia etiam ad piſces & aves dixit Deus: *Crefcite*, &c. vel ſi hic ſubſit præceptum, debere illud referri ad tempus, quo terræ adhuc vacuæ incolas multiplicari oportuit; vel ſi etiamnum urgeat illud præceptum, non obligare ſingulos in particulari, ſed ſolum humanum genus in communi, a quo ſatis obſervatur: alioqui Elias, Jeremias, uterque S. Joannes, S. Paulus, & ipſe Chriſtus Salvator, hujus præcepti tranſgreſſores fuiſſent.

Hic obiter nota heterodoxos, qui, duce; ut jaſtant, Spiritu ſancto, profundiores Scripturæ latebras rimantur, in ea invenire quidquid ſibi invenire placet: prodierunt enim ex eorum caſtris nonnulli, qui præeunte Bernardino Ochino, ex citato Genefis textu collegerunt polygamiam ſimultaneam, non licitam modo, ſed & a Deo præceptam eſſe, hac ratione, quod qui non *multiplicat* omnibus viribus a Deo conceſſis, is divino mandato reſiſtat. Qua de re videris Controverſias Bechmanni Lutherani loco 16. de Conjug. Controv. 2. pag. 1073. edit. 1702.

Ad 2. ſenſus Apoſtoli eſt, neminem, qui duas ſimul aut ſucceſſive habuerit uxores, in Episcopum aut Diaconum eligi debere; non autem ut eligi nemo poſſit niſi uxorem habens: quid enim ſibi voluiſſet Paulus legem imponendo, quam ipſe non ſervabat; imo & a qua ſimplices ipſe fideles dehortabatur, cum agebat 1. Cor. 7. *Volo omnes vos eſſe ſicut me ipſum*?

Quod addit Bechmannus, non poſſe id prohiberi, quod ab Apoſtoliſ eſt permiſſum, utique falſum eſt: 1. quia alioqui permiſſi non poſſet, quod prohibuerunt Apoſtoli; & tamen credo apud ipſos Proteſtantes licitum eſſe etiam ſanguinis, & ſuffocatorum; 2. quia nonnullæ Apoſtolorum conſtitutiones pure Eccleſiaſticæ erant, quæ proinde immutari poterunt.

At, inquit idem Theologus, vult Apoſtolus Episcopum unius eſſe uxoris virum, ſicut & eum vult eſſe ſobrium, hoſpitalem, &c. atqui exigit S. Paulus, ut Episcopus hæc omnia habeat de ſacto; ergo & ut uxorem habeat actq;

R. ſi

R. si res ita sit non modo licitum, sed & necessarium esse Sacerdotibus matrimonium: atqui hoc & citatis supra exemplis expugnat, & ipsum Bechmani systema convellit. Is enim loco 6. Controv. 2. jam ab initio sic loquitur: *Non a nobis vituperantur Ecclesia Ministri in Calibatu viventes, si caste & sancte vivant: imo hunc statum, si quis dono continentiae præditus in Calibatu vivat, Apostolus videtur statui conjugali præferre.*

Ad 3. diabolica quidem est doctrina, quæ cum Manichæis nuptias quasi a dæmone inventas prohibet: sancta autem & salutaris, quæ vult, ut Sacerdotes propter eminentiam status sui, & functionum sanctitatem cælibes vivant. Neque id est simpliciter prohibere matrimonium, sed velle ut ex hypothese certi status, continentiam serves.

Quod addit Bechman. Apostolum loqui de doctrina novissimis temporibus disseminanda, ac proinde eum non carpere doctrinam Manichæorum, sed Pontificiorum; id, inquam, ridere meretur, non consutari; cum nesciat nemo verba hæc, *In novissimis diebus*, de tempore non admodum remoto sæpius intelligi in Prophetiis; qua de re totam Jacob Prophetiam legisse sufficiat. Hinc Augustinus contra Faustum: *Quomodo prohibes nubere, quod de te tanto ante prædixit Apostolus?* &c.

Ad 4. matrimonium esse debet honorabile in omnibus, id est omni ex parte, ut patet ex græco-textu, ubi vox *in omnibus*, est neutrius generis. Unde merito redarguitur & Genevensis versio, quæ locum hunc reddidit: *Honorable est le mariage entre tous; & quæ ab ea non satis distat versio Montensis: Que le mariage soit traité de tous avec bonté.* Melius sane & Lovanienses, & Amelorus: *Que le mariage soit honorable en toutes choses.* Adde quod si vox *In omnibus* intelligeretur de personis, non intelligeretur de singulis indistincte, sed de iis, quas Deus ad matrimonium vocat, & quæ nullo ejus contrahendi impedimento tenentur. Unde paucis Fromondus: *Non præcipit, ut omnes matrimonio jungantur, sicut nugantur Sectarii, sed ut omnes conjugati matrimonium suum honorent.*

Ad 5. qui e duodecim Apostolis unum fuisse diabolum cogitabit, non mirabitur, quod e tot Romanorum Clericorum millibus, qui Castitatem spondent, sæpius male vocati, & absque sufficienti virium suarum experimento, aliqui identidem turpiter labantur: sed quid ii sunt contra tot eunuchorum voluntariorum millia, qui angelice vivunt? An ex uxoris. Protestantium Ministris nulli justos limites transgrediuntur?

Historia infantium in Sicilia necatorum mera est fabula, & anile commentum: 1. quia rem adeo memorabilem non siluissent historici omnes, & multo minus Auctor vitæ S. Uldarici, qui de ea ne verbum quidem habet; 2. quia Uldarici tempore nullus sedit Nicolaus Papa, ad quem ille scribere potuerit; 3. quia probabile non est paucis illis annis, quibus Ecclesiam rexit S. Gregorius, paucos unius loci Clericos tot genuisse infantes, & eorum capita in eandem conjecisse piscinam quasi ex condicto; 4. quia hæc Uldarici Epistola solis innouit Sectariis. Adde quod data facti hujus veritate, nihil hinc contra Clericos colligi posset. Unde enim constare porrit infantes illos a Sacerdotibus prodiisse, non a laicis: singuline notam aut pittacium gerebant, quo

quo patres suos indicarent : hæc igitur narratio ejusdem est fursuris cum ea, quam refert Lutherus Tom. 7. pag. 244. Edit. Vitemb. diabolus aliquando in vicem concionatoris subita ægitudine correpti a deo erudite, pie, & patheticè sacram habuisse concionem, ut animis omnium repente permotis, tota pene in lachrymas solveretur turba auditorum : etsi enim historiolum hanc verisimilem esse credat Lutherus, quia credit diabolus posse evangelizare, ac fungi officio ministri & pastoris : haud scio, an id sensato cuipiam probari possit. Vide Librum cui titulus : *La Conference du Diable avec Luther contre le saint Sacrifice de la Messe*, pag. 57. edit. 1673.

Ad 6. Si valeat obiectio Armenorum, pessime sibi consuluerunt tot lapsis retro sæculis sancti Antislites ac Præbyteri, qui & voverant continentiam, & sceminarum confessiones excipiebant. Deinde quæro uter in præsentem vini lagenam avidius feratur, an qui vinum nusquam degustavit, an qui usum ejus sibi credit necessarium esse, vixque ab eo temperare potest : utique minus sui compos erit iste, quam ille. Idem est in materia castitatis, prout supra monebat Augustinus. Vide, si habes, Opusculum, cui titulus : *Præcipua objectiones, quæ vulgo solent fieri . . . a Mahumetica legis Seditatoribus, Judeis, & Hæreticis Orientalibus*. Romæ 1679. object. 19.

Hinc colliges 1. eos temere & illicite sacros Ordines amplecti, qui se ipsos non satis quoad præsens castitatis punctum probavere. Nec minus peccant Confessarii, qui fragiles adhuc, nec satis probatos admittunt.

Colliges 2. duplicis esse reos peccati quicumque sacris Ordinibus insigniti, sive exterius, sive sola etiam cogitatione, aut delectatione morosa castitatem violant : unde status sui circumstantiam aperire tenentur. Ratio est, quia non modo puritatem lædunt ; sed & implicitum castitatis omnimodæ votum, quod emisere, prout docet communior Theologorum opinio, ex his S. Gregorii verbis : *Nullum facere Subdiaconum præsumant Episcopi, nisi qui se viduorum caste promiserit*.

Cap. 3.  
dist. 28.

Colliges 3. gravis reos esse peccati eos etiam, qui proximo temerandæ pudicitie periculo se exponunt, ut ii faciunt, qui contra Ecclesiæ Canones & Diocesana statuta juniores habent ancillas, item, qui ex frequentibus, eoque ut plurimum inutili cum mulieribus convictu & colloquio vel inordinata quædam experiuntur, quibus cedunt, aut facile credere possunt ; vel pravam de se suspicionem, laicis scandalum ingenerant ; ac ii demum, qui apud se suspectas mulieres quocumque in gradu consanguinitatis sint, retinent. Jam dudum enim interdixit per omnia magna Synodus Nicæna Can. 3. non Episcopo, non Præbystero, non Diacono, nec alicui omnino, qui in Clero est, licere subintroduciam habere mulierem : nisi forte aut matrem, aut sororem, aut amitam, vel eas tantum personas, quæ suspicionem effugiunt. Quæ egregie confirmat Concilium Moguntinum ann. 812. his verbis, quæ referuntur cap. 1. *De cohabit. Clericor. &c.* Inhibendum est ut nullus Sacerdos seminas, de quibus suspicio potest esse, retineat. Sed neque illas, quas Canones concedunt, matrem, amitam, & sororem : quia instigante diabolo, & in illis scelus perpetratum reperitur, aut etiam in pedissequis earum. Et vero, agebat sanctus Ambrosius Lib. De Offic. cap. 20. quid, si aliqua illarum ; quæ tecum habitant aut sæpius invisunt te præsertim solæ solum, forte labatur ?

batur? cur alieni lapsus sustineas invidiam? quam multos etiam fortes illecebra decipit? quanti non dederunt errori locum, & dederunt suspicioni?

Ponderent igitur altaris Ministri, & id sequantur, quod ad Nepotianum scribebat Hieronymus Epist. 11. *Hospitalium tuum aut raro, aut nunquam mulierum pedes terant. Omnes puellas & virgines Christi aut equaliter ignora, aut equaliter dilige. Ne sub eodem tecto mansites, neque in præterita castitate confidas. Nec sanctior David, nec Samsone fortior, nec Salomone potes esse sapientior.* De his plura & utilia vide apud N. Alexandrum Reg. 3.

## ARTICULUS TERTIUS.

### *De obligationibus Beneficiariorum.*

**B**eneficiariorum obligationes, præcipue ad quinque reducuntur: 1. est Tonsuræ & habitus decentis gestatio; 2. recitatio horarum; 3. residentia in loco Beneficii; 4. unius tantum possessio Beneficii, si sufficiens sit; 5. legitima ejusdem fructuum dispensatio. De recitatione Horarum dixi Tom. 2. de Tonsura & habitu, Articulo præcedenti: de cæteris hic differendum.

## SECTIO PRIMÆ.

### *De Residentia.*

**P**ræsentem questionem sola innoxia temporum iniquitas, & effrænis quorundam Beneficiariorum evagatio: neque enim somniantur veteres aliquando disputatum iri, an Pastores gregis proprii curam vel deserere, vel alienis committere possent. Si qui uspiam, certe Beneficarii tremenda hæc S. Joannis Chrysostomi verba ponderare debent: *Non temere dico, sed prout affectus sum & sentio; non arbitror inter Sacerdotes multos esse, qui salvi fiant; sed multo plures, qui pereant: in causa est quoniam res excessum requirit animum.*

Hom. 2. in  
Act. Ap.

Residentia juxta vim nominis, idem est ac iterata sessio, & definiri potest: Personalis in loco Beneficii commoratio, & ibidem munerum ecclesiasticorum functio. Residere ergo nihil aliud est, ut notat Fagnan, quam deservire; neque enim residentia sic accipi debet ut otiosa sit, sed ut laboriosa. Unde non residet Episcopus, qui etiam in Diocesi sua remanens, est canis mutus, non valens latrare, cum tempus concionandi & increpandi urget; qui de luxu, aleæque, & vitiiis ablegandis parum aut nihil curat; qui Diocesim suam raro & non integre visitat, & Confirmationis Sacramentum non ministrat in locis remotioribus. Idem dicendum de Canonis, qui Matutini tempore stertunt in lecto, aut in Choro libros legunt, & non canunt officium. Ut ergo, quæ ad residentiam pertinent discutiantur, sit

**CONCLUSIO I.** Beneficia quæcumque, etiam simplicia & tenuia, de jure communi residentiam exigunt. Ita omnes, & inter alios disertè P. Thomasin part. 4. Lib. 2. cap. 71. Tom. 3.

Prob.

Prob. 1. quia Ordinatio titulum supponit; is vero titulus nihil aliud erat antiquitus, quam Ecclesia, cui Clerici inscribi, & in qua consequenter servire debebant; 2. quia per annos mille & amplius Beneficiorum redditus consistebant in distributionibus manualibus, quæ nonnisi præsentibus erogabantur; 3. quia divisio Beneficiorum in incompatibilia, & compatiblea, quæ residentiam non exigunt, per duodecim pene sæcula incognita fuit, & nata videtur intra annos 1181. & 1230. 4. Alexander III. qui anno 1181. diem clausit extremum, expresse præcipit, ut Clerici, qui in Beneficiis residere nolunt, non admittantur, & admissi iisdem priventur: nisi forte de licentia suorum Prælatorum, vel studio litterarum, vel aliis honestis causis contigerit eos abesse. cap. 4. De Cleric. non resident.

Sed contraria consuetudine totius orbis, ait Decocq, multa nunc sunt Beneficia ex iis, quæ simplicia dicuntur, quæ residentiam non postulant: dixi, multa, nam Canonici eam dubio procul requirunt. Ducq. p. 638.

CONCLUSIO II. Beneficia, quibus annexa est animarum cura, ut Episcopatus, Parochia, Vicariatus perpetuus, Abbatia, & Prioratus Regulares, &c. residentiam exigunt jure naturali, divino, ecclesiastico, & civili.

Prob. 1. pars de jure naturali, ex ipso hujusmodi Beneficiariorum nomine; ii enim passim dicuntur Pastores, Speculatores, Magistri, Rectores, Doctores, Lux populi, Duces cœcorum, &c. sed Pastor; Magister, Doctor, &c. jure naturali tenetur iis assidere, quorum est Magister & Pastor, quia alioqui nec pascit, nec docet. Atque hanc Pastoris obligationem manifeste edidit Christus his verbis Joan. 10. v. 11. *Bonus pastor animam suam dat pro ovibus suis; mercenarius autem, qui non est pastor, cujus non sunt oves propriæ, videt lupo venientem, & dimittit oves, & fugit, & v. 2. Qui intrat per ostium, pastor est ovium; huic ostiarius aperit, & oves vocem ejus audiunt, & proprias oves vocat nominatim, & educit eas ... & ante eas vadit, & oves illum sequuntur, &c.* Ergo Pastor jure naturali tenetur ab ovili suo non abesse. Ecquis mente sanus, inquit Soto, in quæstionem compellet utrum dux in bello dum geritur; & miles in acie debeat existere?

Confirm. Nam 1. jure naturali tenetur sponsus residere cum sponsa; neque, quod Deus conjunxit, homo separare potest: atqui Episcoporum & Parochorum sponsa est eorum Ecclesia, cum qua spirituale matrimonium solemniter contraxerunt, ut ait S. Pius V. in Bulla sua 64. ergo. 2. tenetur quilibet præsertim stipendio conductus, gravissima, dum potest, proximi damna avertere: porro absentiam Episcoporum & Parochorum gravissima damna consequuntur, ut docet frequentior experientia.

Prob. 2. pars de jure divino, contra Catharinum, & alios quosdam Concilio Tridentino antiquiores. Ezech. cap. 34. *Va pastoribus Israel, qui pascebant semetipsos. Nonne greges a pastoribus pascuntur? lac comedeatis, & lanis operiebamini, & quod crassumerat, occidebatis, gregem autem meum non pascebatis. Quod infirmum fuit, non consolidastis, & quod egrotum, non sanastis, quod contractum est, non alligastis, & quod abjectum est, non reduxistis, & quod perierat, non quævistis; sed cum austeritate imperabatis eis, & cum potentia. Et dispersæ sunt oves meæ, eo quod non esset pastor: & factæ sunt in devorationem omnium bestiarum...*

Pro-

*Propterea Pastores audite verbum Domini : Hæc dicit Dominus Deus : Ecce ego ipse super pastores requiram gregem meum de manerum, & cessare faciam eos, ut ultra non pascant gregem, nec pascant amplius pastores semetipsos. Unde sic : Ad illud tenentur Pastores jure divino, cujus omissionem Deus graviter arguit, & severe minuitur puniendam : sed residentia omissionem Deus citatis verbis graviter arguit, atque ostendit simul eos non residere, qui in otio & molliæ circa gregem suum elanguent, quod perit, non quærent, &c. ergo.*

*Idem docet Concilium Trident. Sess. 23. cap. 1. De reform. Cum, inquit, præcepto divino mandatum sit omnibus, quibus animarum cura commissa est, oves suas agnoscere, pro his sacrificium offerre, verbisque divini prædicatione, Sacramentorum administratione, ac bonorum omnium operum exemplo pascere, pauperum, aliarumque miserabilium personarum curam paternam gerere, & in cætera pastoralia munera incumbere, quæ omnia nequaquam ab iis præstari & impleri possunt, qui gregi suo non invigilant, neque assistent, sed mercenariorum more deserunt : sacrosancta Synodus eos admonet, & hortatur, ut divinarum præceptorum memores, salique forma gregis, in judicio & veritate pascant & regant : atqui hæc verba clare definiunt residentiam jure divino præcipi : ergo.*

*Confirm. 1. habetur Prov. 27. Diligenter agnosce vultum pecoris tui, quosque greges considera. Matth. 5. Vos estis lux mundi ; sic luceat lux vestra coram dominibus, &c. & ad Tit. 2. In omnibus præbetis exemplum bonorum operum : atqui exemplum hoc præbere non possunt, quos populus vix aliquando videt.*

*Confirm. 2. ex Apostolo 1. Timoth. 3. Oportet Episcopum irreprehensibilem esse, sobrium, prudentem, ornatum, pudicum, & 2. ibid. 4. Tu vero vigila, in omnibus labora, opus fac Evangelicæ, ministerium tuum imple. Quis porro dixerit Episcopum ministerium suum implere, opus facere Evangelicæ, denique esse bonorum omnium exemplar per Vicarium suum, aut substitutum ?*

*Prob. 3. pars, de Jure ecclesiastico & civili, tum ex toto titulo : De Clericis non resid. tum ex Edictis Blefensi & Aurelianensi, in quorum ultimo sic loquitur Carolus IX. Resideront tous les Archeveques, Eveques & Curés, & fera chacun d'eux en personne son devoir ou charge, à peine de saisie du temporel de leurs Benefices.*

*Obj. 1. Ille non tenetur ad residentiam, qui officium suum commodius & melius exequitur per Vicarium, aut Episcopum titulari : at qui non raro Parochus aut Episcopus officium suum plenius & melius exequitur, &c. puta si quem loco suo præficit gregi, sanctior sit, doctior, populisque acceptior : ergo.*

*R. neg. maj. etsi enim cessare possit ratio residendi deducta ex inconvenientibus, quæ non residentiam sequi solent ( quod tamen difficile est, quia vix suppleri potest amor proprii Pastoris ) sunt tamen aliæ rationes, quæ non cessant : puta quod, qui stipendio fruatur, laborare debeat ; quod cui sufficit ut per alium laboret, ei sufficere debeat, ut per alium vivat & manducet. Hinc S. Bernardus : qui per vicarium inservit, per vicarium remunerabitur. Hinc S. Damasus Papa non residentes comparat meretricibus, quæ infantes a se partos, aliis nutritibus alendos tradere festinant, ut suam citius libidinem explere possint.*

Sic



Sic enim Pastores illi, ut curis sæcularibus serviant, & Magnatum favorem aucupentur, creditam sibi plebem, quam filiorum loco habere debent, aliis educandam tradunt.

Confirm. Nam 1. sine scandalo fieri nequit, ut qui aliis præluere debent exemplo, quæ sui sunt officii, non præsent; 2. si Rex aut Respublica non patitur ut urbis præfectus alio divagetur, interim substitutus, qui loco sui civitati invigilet, quanto minus id feret Ecclesia; 3. hæc propositio: *Potest Sacerdos, cui Missæ celebrandæ traduntur, per alium satisfacere collato illi minori stipendio, alia parte sibi retenta*, damnata est ab Alexandro VII. & merito quidem, quia turpiter & injuste Sacerdos sibi partem retinet stipendii, cum nullam solvit officii partem: atqui eadem militat ratio in causa Beneficarii, qui reinet partem fructuum Beneficii, & in alium totum onus refundit: ergo si omnes ex æquo ad restitutionem tenentur pro rata parte defectus sui. Vide Trident. Sess. 23. c. 1. *De reform.*

Obj. 2. Papa cum Episcopis dispensat in residentia: ergo hæc non est nisi juris positivi.

R. dist. dispensat improprie, id est, declarat jus divinum non extendi ad hunc vel illum casum. C. dispensat proprie, & eodem modo, quo dispensaret in lege pure Ecclesiastica, N. istam enim eadem tolleret auctoritate, qua condidit: sic porro residentiam nec tollit, nec tollere potest.

Hinc colliges absolutionem iis omnibus negandam esse, qui non resident formaliter, seu munia sua, ut par est, obeundo; prout tot contingit Parochis, qui vix semel in mense populum verbo Dei reficiunt; & qui hoc ipso mortaliter peccant. Imo ait Bonacina Tract. De legib. disp. 5. *Arbitror mortaliter peccare Parochum, si duobus vel tribus mensibus totius anni discontinuis non concionetur.. quia hæc videtur materia gravis.* Ita & Pontas v. *Cure*, cal. 1. qui casu 2. addit eum neutiquam a culpa immunem esse, qui Vicario suo, quia doctiori, totum concionandi onus dimittit. Sequitur ex dictis.

Neque vero solum concionari, sed & id fructuose, ac utiliter præstare tenentur Parochi, quod ut securius attingant, non persuasibilibus humanæ sapientiæ verbis uti, non abstrusa & profundiora prædicare debent, sed quæ ad salutem, quæ ad mores, quæ ad susceptionem Sacramentorum, & status præsertim conjugalis, necessaria sunt: ubi de impedimentis agendum, sed caute & pudice.

Debent 2. grassantia scandala seu per semetipsos, si possint, seu per Episcopos coercere: scrutari an plebs Parochiali Missæ intersit; an paschali fungatur officio; an non vacet superstitioni, contractibus usurariis, &c. an pueri Catechismi tempore Ecclesiam frequentent; an Ludimagister recte doceat, an non mares simul & puellas instituat, quod opus periculi plenum est, & in multis Diocesibus merito prohibitum, quandoque etiam sub excommunicationis pœna.

Debent 3. singularem pauperum curam gerere, eorum necessitatibus mederi, singulos habere pro filiis; infirmos etiam Sacramentis munire visitare frequenter; eosdem in extremo præsertim transitu, ubi potentius insidiatur Leo rugiens, consolari, ac roborare; egenos gratis & sine stipendio sepelire, iisdemque ex intimo cordis affectu requiem æternam precari.

De-

Debent 4. pro parochianis Missam offerre Dominicis festisque diebus ; neque tunc stipendium ullum recipere possunt . Ita definit S. Congregatio apud Barbofam in Trid. Sess. 23. cap. 1. idem docet Concilium Mediolan. IV. ab Apostolica Sede approbatum . Concinnat Theologi plerique saniores ; ut P. Antoine, Ponnas v. *Cure* cal. 5. Sylvius, qui post Dianam principii loco statuit : *Parochum in illis diebus, in quibus Missam tenetur celebrare, ut eam populus audiat, non posse per applicationem Sacrificii elemosynam accipere* . Adde, quod opinio huic nostræ contraria non charitatem spiret, sed sordidi & turpis lucri amorem redolet . Imo si Parochus redditum habeat, non dico abundantem, sed pinguem, seu omnibus impensis sufficientissimum, tenetur singulis diebus pro parochianis offerre Missam, idque jure divino, prout ex decisione S. Congregationis docent ianiores Canonistæ, quos inter vide Reiffenstuel in tit. *De celebr. Miss.* n. 22. Si tamen Parochus ex officio, aut obligatione, quæ Parochiæ suæ inseparabiliter inhæreat, Missam applicare teneatur, v. g. in die depositionis, Anniversario fundato, Beneficio Parochiæ suæ incorporato, non tenebitur Missæ hujus defectum per se aut per alium refarcire, quia id nullo jure constitutum est.

Hic nota ab eadem Congregatione fuisse sancitum : 1. in casu etiam legati plane insufficientis recurrendum esse ad Apostolicam Sedem pro Missarum reductione, nisi fundatione ipsa ( adde & locorum usu ) cautum sit, ut onus illud moderari possint Episcopi ; 2. tot pro stipendio accepto Missas celebrari debere, quot præscriptis donator stipendii . Quod si is numerum non definierit, adhærendum mori civitatis vel provinciæ ; 3. Sacerdotes, qui stipendium eo minus, quod ab Episcopo determinatum est, receper, tot debere Missas, quot exegit, qui tribuit elemosynam . Unde elemosynam recuset, qui Missis defungi noluerit ; 4. hæredes illius, qui Missas centum exigit, stipendium ab Episcopo designatum aut designandum largiri debere ; 5. administratores Ecclesiarum, in quibus exteri Missam faciunt, *nullam utcumque minimam stipendii portionem retinere posse ratione expensarum, quas subeunt pro manutenzione Ecclesiæ aut altaris, pro paramentis, vino, hostia, & similibus, nisi eadem Ecclesiæ non habeant redditus, quos in usum earundem expensarum erogare licite possint* ; tuncque nec plus exigi potest, quam postulent expensæ, quæ pro ipsomet tantum Missæ sacrificio necessario sunt subeundæ, nec quidquam ex numero Missarum detrahi debet . De his plura videris apud Reiffenstuel ibid.

Debent 5. Parochi per se vel per alium excipere confessiones subditorum, quoties id rationabiliter petunt, seu ratione Festi, vel indulgentiæ, cujus participes fieri velint ; seu quia gravatam aliquo peccato conscientiam gerunt . Et vero an non spirituales gregis sui profectum pro virili procurare tenentur ? An non gravem pro tota vita cruciatum sibi parant, si quis eorum culpa in peccato decesserit ? Hinc continuo in statu gratiæ esse debent, ut qui singulis momentis ad administranda Sacramenta vocari possint.

Debent 6. cavere plurimum ne in matrimonium jungant vel eos, qui fidei rudimentis, Deique & Ecclesiæ præceptis non satis sint eruditi ; vel vagos & advenas, de quorum statu sibi minus constet, quam necesse sit.

Que-

Quæres, quæ causæ a residentia excusent.

R. quinque asserti a Trid. Sess. 23. cap. 1. Eæ vero sunt *Christiana charitas, urgens necessitas, debita, ac evidens Ecclesiæ, vel Reipublicæ utilitas*.

1. *Christiana charitas*: potest enim Pastor a grege separari ad tempus; ut alteri Ecclesiæ in hæreseos periculo constitutæ succurrat; ut inter Magnates pacem componat; ut fidem disseminet. Sed 1. cavere debet, ne plus Ecclesiæ propriæ per absentiam suam noceat, quam alii profit præsentia sua; imo esset contra ordinem charitatis, tantum in suos invehere mali, quantum in alios commodi. 2. quod Episcopi promiscue legationem suscipiant ad negotia temporalia, abusionis est, ait Cajetanus, quia *nemo militans Deo implicat se negotiis secularibus*.

2. *Necessitas*: hæc autem vel est ab intrinseco, ut ab infirmitate; vel ab extrinseco, ut a persecutione tyranni, hostisque alicujus, qui in Episcopum particulariter deserviat. Utraque a residentia excusat, sed in quantum Pastoris absentia gregi proficua est; uti ex Cajetano, & Soro norat Valquez in Opusc. p. 448. Potest ergo Pastor infirmus cælum mutare, vel a persecutoribus aufugere, juxta id Christi: *Cum persequerentur vos in una civitate, fugite in aliam*. Sic se gessit Apostolus, qui a fratribus *dimissus in sports*, effugit Judæorum manus; sic & fecerunt SS. Athanasius, & Thomas Cantuariensis. Sed si ex absentia Pastoris grave populi damnum sequi debeat, tenetur ad residendum.

Matth. 10.

2. Cor. 11.

Hinc 1. Episcopus quem longa tenet infirmitas sine spe sanitatis, in Diocesi sua remanere debet, ut, quantum poterit, ovium salutem provideat; imo ne quidem metu mortis undecumque hæc imminet, gregem deferere posset ad tempus, si interim fideles omni auxilio destitui deberent. Unde Aug. Ep. 228. n. 2. *Fugiant de Civitate in Civitatem servi Dei; quando eorum quisquam specialiter a persecutoribus quaeritur*; sic tamen ut ab aliis, qui non requiruntur, non deferatur Ecclesiæ. Cum autem omnium, id est Episcoporum, Clericorum, & Laicorum est commune periculum, hi, qui aliis indigent, non deferantur ab his, quibus indigent.

2. Episcopus (idem de Parocho dixeris) fugere non potest pestis tempore; imo uterque si per alios non possit, per semetipsum Sacramenta peste infectis administrare debet. Sed si per alios id possit, per se facere non tenetur, præsertim si præcipua populi pars sana sit: quia cum sanis perinde ac infirmis debitor sit, sanis utilem se præbere debet; ab iis vero fugietur, cum scient eum pestiferorum commercio usum fuisse.

Pentec.

Curè  
cap. 14.

Quod autem Pastores peste tempore tuta conscientia fugere nequeant, patet. 1. quia tunc viget illud Christi: *Bonus Pastor animam suam dat pro ovibus*. 2. quia hoc exemplis suis docuerunt SS. Cyprianus, Gregorius Thaumaturgus. Gregorius Papa, qui dum tetra lues Romam depopularetur, nunquam abstinuerunt a prædicando, a visitandis ægris; & Narbonensis Provinciæ Episcopi maluerunt Toletano anni 693. Concilio non interesse, quam a populis suis peste laborantibus separari. 3. idem definiit Concilium Mediolan. V. sub Sancto Carolo Borromæo, cui in eundem sensum respondit S. Congregatio, quam ea de re consuluerat, ut refert Fagnan. in cap. 17. *De Cleric. non resid.* Vetat autem mox citatum Concilium Mediolanen. ne Sacerdos in omni Sacramento, multoque magis in ministranda Eucharistia instrumento ullo utatur pro digitis.

Joan. 11.

Tournely Theol. Moral. Tom. III.

C

In

In Gallia tamen dari solet pestiferis Viaticum charta vel linteo involutum, ac reponitur in loco, ubi ab ægris propria manu apprehendi possit, juxta antiquum Ecclesiæ morem. Hac de re vide Librum cui titulus : *Obligatio ac modus administrandi Sacramenta tempore pestis*, Auctore H. Scaille, Lovanii 2704.

3. Obedientia debita Superiori legitime, & gravi de causa ad alium vocanti : sed attendendum justas aliquando, & graves causas videri, quæ tales non sint. Unde juxta Pontas v. *Residence des Curés*, cas. 7. non potest quis a Parochia abesse, ut Vicarii generalis, aut Officialis munia obeat : neque enim hac nostra ætate defunt, qui id Officii præstare possint. Quod si Parochus cæteris, qui præsto sunt, ingenio præpoileat, & sapientia, dimittat Parochiam, & Canonikatium, vel æquo stipendio doneatur ; refert tamen Gonzalez ad Reg. 8. Cancell. n. 258. declarationem sacre Congregationis, quæ Episcopo concedit, ut per duos menses uti possit seu in visitationum cursu, seu ad alia Ecclesiæ suæ servitia, Parochi alicujus ministerio, substituto in locum ejus Vicario.

4. Evidens Ecclesiæ utilitas, ut si eundem sit ad Concilium generale vel provinciale, si annuo secessui vacandum sit per octo aut decem dies, si docenda sit Theologia vel Jus canonicum ; Canonici enim, qui hæc docent, sicut & ii, qui iisdem student, etsi non resideant, fructus tamen Beneficii percipere possunt.

5. Demum Reipublicæ utilitas, quæ, ut ait Toletus, cum necessitate conjungi debet, nam Episcopus iis implicare se non debet, quæ per Laicos æque præstari possunt. Vide Pontas toto triplici titulo : *De resid.* Decoq. p. 642. & Juris interpretes in tit. 4. lib. 3. Decretal. qui est : *De Clericis non residentib.* Ad Reipublicæ utilitatem revocat Gibert. 1. administrationem justitiæ apud supremas Curias, 2. servitium Principi præstitum ab Eleemosynariis, Capellanis, Musicis, & Cantoribus. Gibert. in c. 1. l. 5. Theor. & prax. Cabass. & melius Tom. 2. Comment. Cleri Gallic. pag. 1007. & seq.

At, inquires, nullisne egent induciis Parochi ; qui, quo gregi invigilant magis, eo plus fatigantur ?

Ne hic videar excedere, R. cum Cabassut. ubi statim n. 4. *Si quis Parochus sine justa causa etiam minus duobus mensibus absit, peccabit mortaliter, nisi sit parvi temporis absentia, qualis esse posset quindecim, aut ad summum viginti dierum, sine justa aliqui causa, modo reliquerit idoneum substitutum.* His consonat Pontas v. *Resid. des Curés*, cas. 1. ubi a mortali non excusat Parochum, qui ut consanguineos, vel amicos invitat, toto mense abest a Parochia : secus de Canonicis, quibus, ut nullam animarum Curam habentibus, plura indulget Tridentinum. Imo ne eum quidem, cui gravior lis sequenda incumbit, vult abesse posse sine expressa Episcopi sui licentia, quod etiam, & merito sanxit Tridentina Synodus. V. Pontas ibid. cas. 2. Gibert. ubi supra. Cæterum pluries declaravit S. Congregatio Parochum prope Ecclesiam, vel saltem in loco omnibus opportuno commorari debere, prout notat Cardin. de Luca in Trid. discus. 4. n. 11.

SECTIO SECUNDA.

*De pluralitate Beneficiorum.*

CERTUM est apud omnes, quædam esse Beneficia, quæ simul ob incompatibilitatem teneri non possint; in hoc ordine sunt Episcopatus duo, duæ Ecclesiæ Parochiales, dignitates duæ, duo personatus, aut etiam duo simplicia ejusdem generis sub eodem tecto Beneficia, ut duo Canonicatus. Ita Cabassut. Lib. 2. Theor. &c. c. 2<sup>a</sup>. n. 5. Tota igitur quæstio est de ea specie Beneficiorum, quæ compatibilia vocantur, an scilicet, & quando plura teneri possint. Sit

CONCLUSIO. Peccat mortaliter, qui plura habet Beneficia, tamen si simplicia, quando unum ad honestam sustentationem sufficit. Ita Theologi fere omnes.

Prob. 1. ex Concilio Trident. Sess. 24. cap. 27. ubi sic: *Cum Ecclesiasticus ordo pervertatur, quando unus plurium officia occupat Clericorum, sancte sacris Canonibus cautum fuit, neminem oportere in duabus Ecclesiis conscribi: verum quoniam multi improbe cupiditatis affectu seipso non Deum decipientes: plura simul Beneficia obtinere non erubescunt; sancta Synodus: præsentis Decreto, quod in quibuscumque personis quocumque titulo, etiam si Cardinalatus honore fulgeant, mandat observari, statuit ut posterum unum tantum Beneficium Ecclesiasticum, singulis conferatur; quod si quidem ad vitam ejus, cui conferitur, honeste sustentandam non sufficiat, liceat nibilominus aliud simplex sufficiens, dummodo utrumque personalem residentiam non requiratur, eidem conferri.*

Qui porro ut argumentum hoc elevent, reponunt Concil. Trident. in Gallia quoad disciplinam receptum non fuisse; ex eorum sunt numero, qui seipso, non Deum decipiunt. Nam 1. nunquam intenderunt Galli eas rejicere prædicti Concilii partes, quæ nullum Liberatibus nostris præjudicium inferunt, sed tantum ad bonos mores spectant, qualis est præfens definitio. 2. Concil. Trident. unanimi Cleri Gallicani suffragio, anno 1615. receptum est, ut probat Pontas. 3. si qua Concilii hujus decisio vim apud nos habere debeat, ea certe, de qua nunc agitur, quia nihil aliud agit, quam renovat vetera Conciliorum Decreta, & Regum nostrorum Sanctiones, a quibus pluralitas Beneficiorum vocatur ambitio execrabilis. Qui congestos ea de re Canones prope innumeris consulere volet, adeat *Corpus juris Canonici*, autore J. P. Gibert. Tom. 3. Tract. de Benefic. tit. 5. & infra citandum Opus: *De non possidendis simul pluribus Beneficiis*.

v. Beneficia c. 16.

Prob. 2. auctoritate, & rationibus Sancti Thomæ, qui sic loquitur Quodlib. 9. artic. 15. *Habere plures Præbendas, plures inordinationes continet, utpote, quia non est possibile aliquem in pluribus Ecclesiis deservire: Sequitur etiam diminutio cultus divini, dum unus loco plurium instituitur. Sequitur etiam in aliquibus defraudatio voluntatis testatorum, quæ ad hoc aliqua bona Ecclesiis contulerunt, ut certus numerus Deo deservientium ibi esset. Sequitur etiam inequalitas, dum unus pluribus Beneficiis abundat, & alius, qui sæpe longe foret Ecclesiæ utilior, nec unum habere potest, & multa alia hujusmodi, quæ de facili patent; atqui multa ex his incommodis sequuntur pluralitatem non eorum dum;*

C 2                      taxat

taxat Beneficiorum, quæ *incompatibilia* dicuntur, sed & eorum etiam, quæ *simplicia* sunt. Certe enim, qui tribus provitus est Beneficiis, tria quotidie officia non persolvit. Unde Fundatores sua frustrantur intentione, &c.

Prob. 3. auctoritate graviorum quoque extitere Theologorum, ut S. Bonaventuræ, Guillelmi Parisiensis, Gersonii, & Genebrardi, qui famosam Facultatis Parisiensis Decisionem refert. *Theologi Parisienses*, inquit, *post longam disputationem, anno 1238. definiunt neminem posse duo Beneficia, si unum sufficeret ad alendum eum, retinere sine peccato mortali.* Huic definitioni subscribere Doctores omnes, duobus exceptis, quorum alter \* paulo post mortuus, tertia post mortem die Guillelmo Parisiensi apparuisse fertur, & dixisse æternis se damnatum suppliciis ob Beneficiorum pluralitatem (1); cui consonat id, quod ex S. Bernardo refert D. Thomas: *Qui non unus, sed plures est in Beneficiis, non unus sed plures erit in suppliciis.* Antiquam Facultatis suæ decisionem, anno 1697. renoverunt Doctores Sorbonici tredecim, & pluralitatem Beneficiorum omnino illicitam esse demonstraverunt. Vide Librum cui titulus: *De re Beneficiaria, sive de non possidendis simul pluribus Beneficiis.* Paris. 1710. At, inquit, saltem accedente R. Pontificis dispensatione, plura tenere Beneficia licitum est.

\* Philip.  
de Greva.

R. Cum Bellarmino in admonit. ad Nepot. contrav. 6. *Sciendum pontificiam dispensationem, quando non adest iusta causa dispensandi, valere in foro fori, sed non in foro poli. Sine urgentissima causa, eademque Ecclesiæ necessaria, non potest citra atrocem culpam super hoc dispensari. Sed ait forte ille, cum quo dispensatum est, Papa dispensavit: ipse viderit, ego immunis sum. Hic tamen cavilius multos securos reddit, tutum vero neminem, quoniam Papa non est dominus, sed dispensator; ideoque, qui iniquam dispensationem petit, iniquitatis causa est, qui ea utitur, eadem semper irretitur.* Idem docet Cardinalis Toletus, lib. 5. Instruct. Sacerd. cap. 81. pag. 857. edit. Paris. 1669. præverat Cardin. Cajetanus, quem cum aliis citat, & sequitur Pontas ibid.

Quæres an non possit quis multa retinere Beneficia eo, quod ipsorum reditus bene ac pie impendat.

R. Negat. cum Dionysio (Richel) Carthusiano. 1. quia pius Beneficii reddituum usus non tollit alia incommoda, quæ ex pluralitate sequuntur. 2. quia Deus a nemine exigit elemosynarum largitionem ultra vires suas, sive ultra id, quod sibi de uno competentis Beneficio superest. Qui ergo non tenetur ad succurrendum pauperibus nisi quantum potest, cur contra Ecclesiæ regulas plus vult posse, quam actu potest; merito igitur laudatus jam Vivantius sic scribit lib. 3. cap. 17. *Quæ stricte necessitatis non sunt, at commoditati Ministrorum Ecclesiæ inserviunt, ut vergant in utilitatem Ecclesiæ ob ministeriorum expeditiorem usum, & fructum uberiorum, ea nemo est, qui non videat pertinere ad honestam Ministrorum dorum sustentationem. at elemosynæ neque inter Beneficii onera recens-*

(1) Historiam hanc referunt suppetes Philippo de Greva, Parisiensi Cancellario, Thomas Cantimprænsis, Albertus Magous, & Durandus lubinde Episcopus Mimatenfis. Eandem habes apud Dionysium Cartusianum in Opuscul. de pluralitate Beneficiorum; Spondanum ad an. 1238. Vid. Opus De Vivana l. 2. c. 9. sed & vide Opuscul. Larvati Abbatis Sidichembachensis cap. 14.

*sentur, cum non sint jure aliquo tituli foundationisve debite, neque in Beneficiis sustentationem usumque vertuntur; & ad munus officiumque Episcopi easdem pertinent, quod eas e suo, ubi & quantum potest, effundere; ab aliis, ubi e suo aut non potest, aut satis non potest, conquirere & accipere, ut elargiatur, tenetur. Ex his sequitur, eum; qui plura possidet Beneficia, absolvi non posse, nisi, quæ superflua sunt, relinquat.*

# SECTIONE TERTIA.

## De dispositione fructuum Beneficii.

**E**TSI, ut a Bellarmino pie notatum est, perinde sit an Clerici, qui suos Beneficiorum fructus legitime non impendunt, defectu charitatis, an justitiæ defectu ad inferna descendant, gravis tamen est momenti præiens questio, quæ expendit, an ex justitia, an ex charitate solum teneantur Clerici, quod sibi ex ecclesiasticis redditibus superfluum est, piis operibus consecrare. Si enim ad id ex justitia teneantur, tenentur ad restitutionem, cum aliter egerunt; non tenentur vero si solam charitatis virtutem læssissent. Huic quæstioni affinis est alia, an qui sufficiens patrimonium habet, e Beneficii redditibus vivere possit; tertiam adjungemus de bonis Religiosorum.

Not. 1. tria honorum genera a Beneficiariis possideri posse: *patrimonialia*, quæ habent a parentibus, item donatione, legato, &c. *quasi patrimonialia*, quæ consequuntur ratione ministerii clericalis, dum, v. g. concionantur, psallunt, confessiones excipiunt, funera comitantur, Missam celebrant, Philosophiam aut Theologiam docent; & *mere ecclesiastica*, quæ prodeunt e Beneficio, ut Canoniatu, Pastoratu, & pensionibus pure Ecclesiasticis.

Not. 2. Beneficiorum redditus dividi in duas partes, quarum altera honestæ decentique sustentationi necessaria est, altera vero eidem superflua. In quo autem sita sit decens ea sustentatio, aliter definit cupiditas, quæ nunquam dicit: *Satis est*; aliter Christiana moderatio. Etsi autem decens status Clericorum, suam sicut & sæcularium habeat latitudinem, & neutra consistat in indivisibili; nec proinde certa pro quocumque Beneficiato regula dari possit, hic tamen, si alibi uspiam, recurrendum est ad viri pii & prudentis judicium, qui rationem habebit tum *personæ*, plura enim debili & infirmo, quam robusto necessaria sunt ratione victus, habitationis, ac domesticorum; tum *loci*, quod enim vix Parisiis sufficit, quibuldam in Provinciis superabundat; tum *officii* & *qualitatis*, plus enim exigit conditio Episcopi quam Decani, plus Decani quam Canonici.

Tamet si porro alia sit Ecclesiæ, alia hujus sæculi vivendi forma, adeo ut juxta Gersonem Ecclesiastici *habentes alimenta & quibus tegantur, iis contenti* esse debeant, constat, quod decens Clericorum sustentatio ut multa excludit, sic & includit plurima, & ea præsertim, quæ ad officio suo fungendum necessaria sunt. Sic Episcopus & Prælati regulares *hospitalitatis officium promptè, benigneque exercere debent*; sic Parochus habere debet, unde libros emat, quorum ope plebem suam salubri doctrina instruat; sic & ei equum alere licet, non ut vagetur, sed ut

Trid. Sess.  
25, c. 8.  
De ref.

s. ff. 15. d.  
1.

commodius ægros visitare, & Sacramenta deferre possit, si vastitas pagi id exigat, & viarum molestia: neque enim decet, ut Sacramenta per vias lubricas & lutas cum periculo casus deferantur, vel ut Pastor quasi vile mancipium vias illas difficiles oberrare cogatur. Addunt alii cum P. Antoine T. 2. p. 303. ad congruam sustentationem pertinere, ut Beneficiarius modicas quasdam donationes remuneratorias facere possit. Addiderim & cum non peccare, sed mereri potius, si quibusdam, sed moderatos intra limites, donis ac muneribus eorum sibi benevolentiam conciliet, qui sibi, vel Ecclesie suæ gratiam præstare possint: hoc enim vel ipsis Regularibus permixtum est ab Urbano VIII. per Bullam 158. 16. Octob. ann. 1640. Verum hic præcipue hanc Tridentini legem sectari debent Beneficiarii: Ita mores suos componant, ut reliqui ab eis frugalitatis, modestie, continentie, ac sanctæ humilitatis exemplum petere possint. Quapropter non solum jubet S. Synodus, ut Episcopi modesta suppellectile, & mensa, ac frugali visu contenti sint: verum etiam in reliquo vitæ genere, ac tota eorum domo caveant, ne quid appareat, quod .. non simplicitatem, Dei zelum, ac vanitatum contemptum præ se ferat. 5. Decocq. p. 32.

Sed exigente Beneficarii sustentatio, ut in studiis nepotes aliat, ut consanguineos dotet? &c.

R. cum Petro Blesensi Epist. 102. *Terræ me B. Hieronymus dicens*, quod multi, dum parentibus miserentur, animas suas perdunt; & Epist. 51. *Hodie pro filiis*, quos abstulit Prælati Ecclesie Deus, habere nepotes in dissipationem patrimonii Christi, & in suæ salutis dispendium, permittuntur. Quod sic expressit Ludolphus Carthusianus:

*Dum Genitor verum privavit semine Clerum,  
Ad Satanae votum successit turba nepotum.*

Dicendum igitur cum Tridentino ibid. omnino Clericis interdicti, ne ex redditibus Ecclesie consanguineos, familiaresque suos augere studeant. Cum & Apostolorum Canones prohibeant, ne res ecclesiasticas, quæ Dei sunt, consanguineis donent: sed si pauperes sint, iis ut pauperibus distribuant; eas autem non distrabant, nec dissipent illorum causa. Ex quibus sequitur Beneficarium aliquid consanguineis largiri posse: dummodo illud faciat 2. 29. 185. moderate, ut non indigeant, non autem ut ditiores inde fiant. Ita S. Thomas, 4. 7. ad 2. mas, quem sequitur Fagnanus. Clericus, inquit, potest usque ad status decentiam donare etiam consanguineis & familiaribus suis ... quod tamen limitatur; & intelligitur, si indigent; non autem ad pompam vel alium statum. Magnopere enim cavendum est, ne huiusmodi decentia status & conditionis consanguineorum longius latiusque protendatur quam ferat necessitas. V. Pontas v. Beneficier cas. 15. & 16.

Non conveniunt Theologi an habenda sit nobilitatis ratio. Affirmat Navarrus, & multi cum ipso: negant alii, ut Decocq, cui satis concinit Vivantiis ubi supra (1) tum quia Beneficia in favorem dignitatis mundaæ erecta non sunt; tum quia, ut ait Hieronymus: *nescit Religio nostra personas accipere; servum ac nobilem de moribus pronuntiat*. Ut ut sit, tur-

(1) Nulla, hoc est modica ratio habeatur nobilitatis, ac conditionis personæ, præcipua autem ac tota utilitatis Ecclesie & Officiorum adiutorum Beneficio, ubi supra, s. 17.



turpiter falluntur, ut notat Bannez, qui se propter multam suppellectilem; plurimamque eleganter vestitam familiam, multamque vasorum ex auro & argento copiam pluris esse aestimandos putant. Unde S. Bernardus ad Henricum Senonensem aiebat: Honorificabitis ministerium vestrum, non cultu vestium, non eorum fastu, non amplis edificiis, sed ornatis moribus, &c.

Not. 3. variam fuisse variis temporibus ecclesiasticorum bonorum administrationem. Apostolorum tempore erant omnia communia, & dividebatur singulis, prout cuique opus erat: sed temporum lapsu, cum multiplicata esset gens, non autem magnificata lætitia, excussum est sensim vitæ communis iugum, & Ecclesiæ bona, quæ ante ab Episcopo singulis distribuiebantur, quatuor in partes divisa suere, quarum prima Episcopo assignari debuit, 2. Clero, 3. Fabricæ, 4. pauperibus. Sit nunc

CONCLUSIO I. Beneficarii reddituum mere ecclesiasticorum domini non sunt, sed dispensatores; unde ex iustitia tenentur, quidquid ex iisdem redditibus superflui habent, pauperibus erogare, vel pios in usus expendere.

Probatur primo. Ea doctrina indubie tenenda est, cujus opposita sine gravi periculo teneri nequit: Nam opinio, quæ ecclesiæ decretis, oraculis Patrum, & Theologorum consensui repugnat, sine periculo teneri non potest: atqui talis est doctrina doctrinæ nostræ opposita.

1. Enim contradicit Ecclesiæ decretis. Res Ecclesiæ, ait antiquus Canon, non quasi propria, sed ut communes & Domino oblate, cum summo timore, non in alios quam præfatos pios usus sunt fideliter dispensanda. Idem iisdem fere verbis repetit Concilium Parisense VI. an. 829. id ipsum tradit Alexander III. c. 2. De donat. his verbis: Episcopus & Prælati ecclesiasticarum rerum est procurator, non dominus; unde sic: Si res ecclesiasticæ non deberent ex iustitia pios in usus impendi, possent in alios usus quasi res propriae dispensari: atqui falsum consequens ex citato Canone: ergo.

Confirm. 1. Obligatio pie dispensandi res Ecclesiæ, alterius est generis, ac obligatio res proprias pie impendendi: atqui quilibet tenetur ex charitate superfluum boni proprii pie dispensare: ergo Beneficarii ad id ex iustitia tenentur.

Confirm. 2. Procurator, qui heri sui bona contra voluntatem ejus dispensat, ad restituendum tenetur: atqui ex Alexandro III. Beneficarii meri sunt procuratores Ecclesiæ bonorum, non domini; aliunde certum est hæc bona ab iis contra Dei voluntatem dispensari, cum in usus prophanos impenduntur.

2. Eadem doctrina Patribus, sanioribusve Theologis repugnat. S. Hieronymus in c. 3. Itaque: Rapina pauperum, inquit, in domibus Sacerdotum, qui Ecclesiæ opes sibi thesaurisant, & in deliciis abutuntur, quæ ad sustentationem pauperum dantur, & sibi reservant, vel propinquis distribuunt, & aliorum inopiam, suas vel suorum divitias faciunt.

S. Bernardus, qui diu post factam, si tamen facta est, Ecclesiæ bonorum divisionem scripsit, hæc habet in Epist. ad Falconem Canonicum Lugdunensem: Quidquid præter necessarium viduum, ac simplicem vestitum de altari retinet, tuum non est, rapina est, sacrilegium est: & Lib. de vita Clericor. Sane patrimonia pauperum, facultates Ecclesiarum; sacrilega eis crudelitate subripitur, quidquid sibi ministri & dispensatores, non utique domini vel possessores, ultra viduum accipiunt & vestitum. Et rursus: Clamant nudi, clamant famelici, conquerruntur & dicunt: No-

*rum est, quod effunditis, nobis crudeliter subtrahitur, quod inaniter expenditis.*

S. Thomas in c. 12. Epist. 2. ad Cor. sic habet: *Principes non dederunt divitias Prælati propter se, sed propter pauperes, & ideo non dederunt eis sed pauperibus .... Prælati autem dantur tanquam pauperum dispensariis.*

S. Raymundus Lib. 2. sum. tit. *De raptoribus*. Dico, ait, *Prælatos & Clericos, qui res Ecclesiæ .... conferunt etiam consanguineis, non propter naturam sustentandam, sed ut faciant eos divites de patrimonio Crucifixi .... tales, inquam, dico esse raptores, & per consequens teneri ad restitutionem omnium.* Hanc decisionem expressis verbis adoptat S. Antoninus, & sic concludit: *Tales Beneficarii ad restitutionem tenentur pauperibus, vel in utilitatem Ecclesiæ, & peccant mortaliter.* Quam autem tenent unanimis sit in præsentī materia Theologorum consensus, indicant

3. p. sum. *ut 15.*  
 \* *Obij.*  
 an. 1386. *hæc Navarri verba: Nemo Catholicorum, quos ego legerim usque ad N. De reddit. affirmavit dominium bonorum Ecclesiæ usibus deputatorum esse penes Beneficarios, q*  
 1. moni. *cal. 14.*

40.

Reponunt e ciratis auctoritatibus nihil colligi posse: 1. quia Patres eodem loquuntur modo de Laicis. Hieronymus relatus dist. 42. sub initium: *Aliena rapere convincitur, qui ultra necessaria sibi retinere probatur: & Ambrosius dist. 86. c. 21. Pisce fame morientem .... si non pavisti, occidisti; & tamen Laici, qui superfluum pauperibus negant, charitatem non autem justitiam lædunt; 2. quia Patres illi ante factam bonorum divisionem scripsere, cum nondum sua pauperibus & Fabricæ pars assignata erat; ea vero divisione nunc facta, unusquisque eorum, quæ sibi obtigerunt, dominus esse debet.*

Resellitur prima evasio. Patet enim ex allatis textibus, magnum esse discrimen patrimonialia inter & ecclesiastica bona, ac de utrisque eodem modo disponi non posse. *Res Ecclesiæ*, ait laudatus Canon, *non quasi propriæ ... dispensandæ sunt;* vide ut aliæ ab aliis secernantur. Deinde si Patres aliqui in ipsis Laicis quamdam admittere visi sint necessitatem superfluum suum ex justitia pauperibus erogandi, quid mirum, si strictam in Clericis admisisse dicantur?

Resellitur multipliciter secunda: 1. quia, ut notant Grandin & Habert, etsi præcepta sit illa divisio in quatuor partes, non tamen constat, quod facta sit: unde sicut debitor, qui certus est se debitum contraxisse, nec probare potest se solvisse, solvere tenetur; ita a pari in præsentī casu; 2. probabilius est divisionem hanc reipsa factam non fuisse: quia nullum extat monumentum, quod convincat bona quædam Fabricæ vel pauperibus relicta fuisse; Hospitalia enim non ab Ecclesiasticis, sed ab aliis Fidelibus fundata fuisse probantur, & innumeri sunt pauperes, qui in ea admitti non possunt; 3. quia etsi facta fuisset divisio hæc, non ideo immunes essent Beneficarii ab erogando vi justitiæ pauperibus id, quod habent superflui, ut statim ostendemus.

Prob. 2. Conclusio nostra momentis theologicis. Beneficarii eorum non sunt redituum domini, qui nullo titulo ipsis ut proprii conceduntur; atqui Ecclesiæ bona nullo titulo .... Nullus enim hic occurrit titulus præter voluntatem Fundatorum, & Ecclesiæ intentionem: atqui neutro bona Ecclesiæ Clericis concedantur ut propria. Non primo,

ut pa-

ut patet ex Foundationum instrumentis, in quibus semper reperias id fuisse Fundatoribus propositum, ut Clerici bona sua haberent tum ad propriam, tum ad pauperum sustentationem, quod satis indicat vetus formula, quæ in Caroli Magni Capiculis reperitur: *Offero atque dedico omnes res, quæ in hac chartula tenentur insertæ, pro remissione peccatorum meorum . . . . . pauperum, ac Clericorum alimentis*. Unde liquet Clericorum manus a Fundatoribus electas fuisse, ut per eas thesauros suos in æterna tabernacula reportarent. Non secundo, nam Ecclesiæ intentio non aliter, quam ex ejus Canonibus & oraculis Patrum, manifestari potest: atqui hæc clare ostendunt Ecclesiam pro certo semper tenuisse, superfluum Clericorum non in alios, quam pios usus impendi posse. Hinc constans hæc ejus assertio: *Res Fidelium, quæ Domino offeruntur, non possunt aliis, quam Ecclesiæ & Fidelium ingenditum usibus applicari, quia vota sunt Fidelium, pretia peccatorum, patrimonium pauperum*.

Prob. 3. facile concedunt alterius opinionis patroni, Clericos ante factam bonorum Ecclesiæ divisionem, debuisse ex justitia superfluum largiri pauperibus: atqui hæc ratio probat eandem obligationem etiam nunc perseverare, tum quoad Beneficia plurima, quæ cum post hujusce divisionis tempus fundata sint, non alio fundari potuerunt animo, quam ut superfluum egenis daretur, tum quoad Beneficia, quæ divisionem præcessere. Nam 1. bona ecclesiastica per divisionem, si quæ facta fuerit, non mutantur naturam: ergo sunt ut ante, res Dei: ergo non in alios, quam in pios usus impendi possunt; 2. se habent Clerici, quibus in bonorum divisione plus datum est, quam satis erat, sicut œconomus, cui dominus ob quædam agenda negotia plus dat pecuniæ, quam necesse sit, quia prævidere non potest expensas omnes faciendas: atqui œconomus ille, quod residui habet, domino restituere tenetur, nec proprietatem ejus acquirit: ergo a pari Clerici, quibus plus ab Episcopo in divisione bonorum datum esset, ad superflui restitutionem tenerentur; & strictius tenerentur, quam œconomus ille, quia Episcopus divisionem faciendo non erat dominus Ecclesiæ bonorum, sed dispensator; adeoque non magis poterat Beneficiariis concedere libertatem insumendi in usus prophanos id, quod iis post honestam sustentationem supererat, quam id ante divisionem potuisset.

Obj. 1. Beneficiarii, qui officio suo funguntur, faciunt *fructus suos* ex jure; sed, qui faciunt fructus suos, eorum domini sunt: ergo.

R. dist. min. sunt domini quatenus habent dominium utile partis, quæ honestæ sustentationi respondet, & administrationem superfluum, C. quasi de iis pro nutu disponere possint, N. Itaque dominium, quod in redditus suos habent Beneficiarii, vel est utile dumtaxat, vel si proprium dicatur, est *vinculatum*, sive annexum habet viaculum & onus egenis erogandi quicquid est superfluum: sic hæres totius hæreditatis dominus fit, sed cum obligatione solvendi debita defuncti.

Obj. 2. Si Beneficiarios superflua, pauperibus ex justitia erogari deberent, donatio eorum aliis, quam pauperibus facta, invalida esset: atqui falsum consequens; cum nec Ecclesia, nec Respublica hujusmodi donationes invalident.

R. dist. min. hæc donatio valida est, in foro exteriori, id est in eo non improbat, C. in foro conscientiæ, N. Itaque forum exterius dona-

*Habent.  
De just.  
c. 21.*

donationes a Clericis factas non rejicit, quia vix unquam probari potest eas ex redditibus Ecclesiæ fieri; multa enim a Clericis aliunde acquiri possunt, sive donatione, sive industria: at hæc agendi ratio nihil probat pro foro conscientiarum: 1. quia, ut loquitur Innocentius III. c. 18. *De Præb. multa per patientiam tolerantur, quæ, si deducta fuerint in judicium, exigente justitia non debeant tolerari*; 2. quia Ecclesia hujusmodi donationes præsertim testamentarias millies improbavit, de quo vide Concilium VI. Parisiense; unde duo sequuntur notata digna: r. hæredem non egenum, ea, quæ a Beneficiario consequitur, retinere non posse, si sibi certo constet hæc non aliunde, quam a Beneficii redditibus proficisci; 2. eum, qui cum Beneficiario luit, & questum fecit, rem pauperum male partem restituere debere, ut sanxit Concilium Remens. anni 1583. V. Pontas ibid. cal. 18. & Nat. Alexander Reg. 9. 10. & 11.

Obj. 3. Beneficarii non sunt peioris conditionis, quam Levitæ: atqui Levitæ superfluum pios in usus impendere non tenebantur: ergo.

R. 1. neg. maj. si tamen peior conditio possit ea dici, quæ ad bonum artius obligat. Ratio est, quia etsi tale onus Levitis impositum non fuisse dicatur, certum tamen est ex adductis probationibus, Beneficia hac solum conditione concedi, ut sustentatio sint Clericorum, & patrimonialia pauperum.

R. 2. neg. min. quia decimæ Levitis concessæ, Domini esse dicuntur, *Levit. 27.* eique *sanctificari*: atqui bona Dei non videntur profanas in usus destinari potuisse.

Obj. 4. Beneficiarius jubetur ex Beneficii redditibus satisfacere pro debitis ante obtentum Beneficium contractis: atqui nemo satisfacit ex iis, quorum dominium non habet; 2. si residui fructus pauperibus deberentur, non possent pensiones creari super Beneficia: id enim esset pauperibus furtum facere; 3. possent pauperes superflua hæc eripere, aut saltem Beneficiarios insequi.

*Grandin* R. ad 1. Vel Clericus debitor habet bona patrimonialia, vel non. Si *De Benef.* primum, debet ex iis satisfacere pro expensis profanis antea factis, & *p. 298.* tunc neg. maj. Si secundum, potest quidem, & debet Beneficii bonis satisfacere; sed tanquam pauper, qui ea sibi applicat, non tanquam dominus, qui de eis ad nutum disponit; unde tunc neg. min.

Ad 2. neg. maj. pensio enim constitui debet in favorem alicujus ea indigentis, qui autem indigentibus præsertim Clericis succurrit, pauperibus non nocet: Sane potior ea est elemosyna, quæ a sanctuario incipit.

Ad 3. neg. maj. 1. quia nullus est pauper in particulari, qui jus habeat certum & determinatum in superflua Beneficiorum: porro sine tali jure nec exigere licitum est, nec in judicio agere; sic Clerici Patronis litem intentare non possunt, ut ab eis Beneficia obtineant; 2. quia honesta Clerici sustentatio non consistit in indivisibili: unde pauperes scire nequeunt quantum superflui Beneficiario cuique contingat; 3. quia extra gravem necessitatem improbari non potest, quod Beneficiarius e suis superfluis ornet Ecclesiam; ille ad alios pios usus utatur, ut docet Navarrus mon. 26. ubi pia opera vocat, quæ ad Dei cultum, pietatem, & misericordiam pertinent. Addit idem, quod licet majoris pietatis sit adjuvare pauperes loci, in quo situm est Beneficium, possint tamen juvari etiam extranei, sive consanguinei, sive non.

Obj. 5. S. Thomam, qui sic loquitur 2. 2. q. 185. art. 5. *Episcopi ecclesiasticorum bonorum sunt dispensatores, vel procuratores; unde si aliquid*

quid sibi retinuerit Episcopus de iis, quæ sunt aliis eroganda, non est dubium, quin contra fidem dispensationis agit & mortaliter peccat, & ad restitutionem tenetur. De his autem, quæ sunt suo usui specialiter deputata, videtur esse eadem ratio, quæ est de bonis propriis, ut scilicet propter immoderatum affectum & usum peccat, quemadmodum si immoderata sibi retineat, & aliis non subveniat, sicut requirit debitum charitatis. Idem statuerat quodlibet. 6. q. 6. a. 2. ubi posita eadem bonorum distinctione sic pergit: In secundis bonis non committitur peccatum nisi per abusum, sicut & de bonis patrimonialibus dictum est. Unde non tenetur quis ad restitutionem, sed solum ad penitentiam peragendam.

Respondent 1. aliqui S. Thomam a nobis dissentire; ægre tamen quis credat S. Doctorem Traditionis tenacissimum, ab ea in præsentī negotio deflectisse.

Respondent 2. alii ex citatis verbis ad summum sequi licitum esse Beneficiario, qui congruæ sustentationis partem extraordinaria parcimonia sibi subtraxisset, eam; in quos voluerit, usus impendere, de quo statim; non autem esse dominum illius boni, quod proprie superfluum vocatur.

R. 3. dist. ex S. Thoma, eadem est ratio bonorum Ecclesiæ, ac patrimonialium quantum ad aliquid, quatenus nempe supposita bonorum Ecclesiæ divisione, ita ut certa pars pauperibus, certa Fabricæ & Clericis assignata fuerit, Episcopus jam nihil ex iustitia debet pauperibus, qui supponuntur id, quod sibi sufficiens est, recepisse, C. eadem est ratio quantum ad omnia, N. tunc enim tenebitur Episcopus ex iustitia Fundatoribus debita, cultum divinum augere, quia quidquid Deo dicatum est, pios in usus impendi debet; neque hoc ullibi negavit S. Thomas. Imo notandum est eum in Summa sua theologicorum ejus Operum postremo, ulum fuisse voce hac subdubia, *Videtur esse eadem ratio, &c.* cumque Quodlibeto 6. dixisset talem Beneficiarium non teneri ad restitutionem, verba hæc sustulit in Summa, ubi subindicavit quidem non esse faciendam restitutionem pauperibus, quia loquitur in hypothesis, quod portionem suam receperint, sed non negavit exigere iustitiam Fundatoribus debitam, ut, qui augere potest Dei cultum ex Ecclesiæ bonis, eidem adaugendo incumbat.

Quæres 1. An Beneficiarius, qui parce vivendo, certam singulis annis colligit summam ex iis, quæ tuta conscientia in honestam sui sustentationem impendere posset, possit de ea pro nutu disponere, v. g. in gratiam parentum.

R. negat. cum Pontas, ibid. cas. 14. 1. quia bona hæc eo ipso, quo sunt ecclesiastica, Deo consecrata sunt, suntque pauperum aut religionis bona; ergo quacumque de causa, sive ex avaritia, sive fortuito coacta sint, non in alios, quam in pios usus expendi possunt; 2. quia huic sententiæ favet S. Thomas ubi supra. Si de eo, inquit, quod usui Episcopi, vel alicujus Clerici est deputatum, velit aliquis sibi subtrahere, & consanguineis, vel aliis dare, non peccat, dummodo illud faciat moderate, id est ut non indigeant, non autem ut ditiores inde fiant. En S. Doctor de his loquitur, qui sibi subtrahunt id, quod impendere potuissent: atqui non permittit, ut id consanguineis detur, nisi pauperes sint.

Quæres 2. an Beneficiarius dominus sit bonorum quasi patrimonialium.

R. affirmant multi: 1. quia Beneficiarii nullo jure privantur talium bonorum dominio; 2. quia Ecclesiastici non debent deterioris esse conditionis, quam Judices, Advocati, nam dignus est operarius quilibet merce-

Grandin.  
p. 189.

mercede sua : sed hi domini sunt bonorum quasi patrimonialium , quæ sua comparant industria ; 3. Cantor & Musicus non tenentur ex iustitia quæstus sui superfluum erogare pauperibus ; quare ergo ad id teneatur Sacerdos , qui eadem , ac ipsi arte pecuniam comparat ? Ita Major , Navarrus , Covarruvias , quos sequitur Grandin , qui hoc extendit , si majus solito stipendium detur , v. g. pro celebratione Missæ ; quia sicut pauper fit absolute dominus elemosynæ , quam recipit , quidni & Beneficiarius ?

Hæc tamen opinio , Haberto , & aliis quibusdam non placet . Quippe , inquit , bona Ecclesiæ , quæ a SS. Patribus dicuntur res Dei , nihil aliud erant primis sæculis , ( quibus vix ullum sub Ethnicis Principibus prædium habebat Ecclesia ) quam pecunia & alia ad victum & vestitum necessaria , quæ Clericis intuitu laboris eorum a Fidelibus subministrabantur ; unde hæc non alterius erant conditionis , quam bona , quæ nunc quasi patrimonialia dicuntur : atqui tamen Clerici hisce temporibus tenebantur superfluum pauperibus erogare : ergo ad idem hodie teneri videntur .

Ratio hæc firma videtur quoad ea bona , quæ cum ratione ministerii sacri Clericis conferuntur , nec dari , nec sine simonia recipi possunt ut merces stricte sumpta : sed quia bonorum quasi patrimonialium nomen inditum est iis etiam stipendiis , quæ Clerico retribuantur ob functiones quasdam Laicis eodem ferme modo , ac Clericis competentes , ut musicam canere , Philosophiam , Theologiam docere , non video cur Clerici bonorum , quæ hisce modis comparant , minus domini sint quam Laici .

CONCLUSIO II. Qui sufficiens habent patrimonium , possunt eo ad victum non uti , & vivere ex bonis ecclesiasticis .

Prob. Illud Beneficiariis onus imponi non debet , quod nusquam eis imposuit Ecclesia ; quo eos liberos putant SS. Ecclesiæ Doctores ; quo denique ii etiam Ecclesiastici se judicant immunes , quibus nulla molliorum opinionum suspicio inuri potest : atqui sic se res habent in præsentī negotio .

1. quidem nunquam a Beneficiariis exegit Ecclesia , ut , qui ex iis divites erant , Ecclesiæ bonis parcerent , & sumptibus suis vescerentur : & id patebit ex Objectionum solutione .

2. quæstionem expresse definire visus est Apostolus , 1. Cor. 9. *Quis* , inquit , *militat suis stipendiis unquam ? Quis plantat vineam , & de fructu ejus non edit ? Quis pascit gregem , & de lacte gregis non manducat ? Numquid secundum hominem hæc dico ? an & lex hæc non dicit scriptum est enim in lege Moysi : Non alligabis os bovi trituranti . Et iterum : Si nos vobis spiritualia seminavimus , magnum est si nos carnalia vestra metamus ? .. nescitis quoniam , qui in sacrario operantur , quæ de sacrario sunt , edunt ; & , qui altari deserviunt , cum altari participant ? Unde sic : 1. qui dum spiritualia seminant , carnalia metere possunt ; quibus licitum est de altari vivere , dum altari deserviunt , iis de rebus ecclesiasticis vivere concessum est : atqui Evangelii ministri sic se habent sine distinctione , juxta S. Paulum ; ergo possunt de redditibus ecclesiasticis victum percipere ; 2. eorum , qui militant in bello , multi sunt , qui stipendiis propriis militare possent , nec tamen militant suis , sed regis : atqui ex S. Paulo eadem est Evangelii ministrorum conditio , quæ eorum , qui*

qui militant in bello. 3. non multum differt dives ab eo, qui potest arte aliqua victum sibi comparare: sed, qui arte aliqua victum sibi comparat, potest stipendium percipere pro officio, quæ Ecclesiæ impendit, ut innuit ibidem Apostolus; ergo & id potest, qui dives fuerit.

3. Idem colligitur ex variis Conciliis. Sic Concilium Agathense relatum cap. 10. 1. q. 2. *Clerici omnes, qui Ecclesiæ fideliter, vigilanterque deseruiunt, stipendia sanctis laboribus debita, secundum servitii sui meritum consequantur.* Sed ibi nulla fit pauperum & divitum Clericorum distinctio: ergo.

4. Illi ex bonis ecclesiasticis vivere possunt, qui de patrimonialibus bonis disponunt ad nutum, tum inter vivos, tum causa mortis, sive ea parentibus, sive aliis donando, aut relinquendo: atqui ipsimet Episcopi juxta acros Canones disponunt: Minor probatur 1. ex Canone 39. inter Apostolicos: *Privatas quidem res Episcopus (si modo privatas habet) cum moritur, quibus vult, & quomodo vult, relinquendi facultatem habeat: neque occasione rerum ecclesiasticarum interdicant res Episcopi &c.* Idem habet Concilium Antiochenum an. 341. habitum sub Julii I. Pontificatu, & Concilium Parisiense. *Decrevimus, inquit, ut Episcopus res sui juris, quas aut ante Episcopatum, aut certe in Episcopatu hereditaria successione acquisivit, secundum auctoritatem canonicam quidquid vult faciat, & cui vult conferat.... res autem de facultatibus Ecclesiæ... non in propinquorum suorum, sed in Ecclesiæ, cui præest, jura deveniant.*

5. Eadem est S. Thomæ sententia. Dicendum, inquit, quod non omnia bona Ecclesiarum sunt pauperibus largienda, nisi forte in articulo necessitatis: ... & in tali necessitate peccaret Clericus, si vellet de rebus Ecclesiæ vivere, dummodo haberet patrimonialia bona, de quibus vivere posset. Censet ergo S. Doctor Clericum propria habentem, ex bonis Ecclesiæ vivere posse, præterquam in articulo necessitatis. In eadem opinione sunt Innocentius, Panormitanus, Navarrus, N. Alexander Reg. 14. Pontas v. Beneficior, cas. 23. & alii pietate & scientia conspicui, quos referre superfluum fuerit, cum fateantur adversarii assertionem nostram Theologos inter & Canonistas communiorum esse. Quin & idipsum sentire videtur Quenellus, ut patet ex his ejus verbis: *L'ancienne Eglise n'a jamais désapprouvé qu'un Clerc abandonnât son patrimoine à ses parents, & se réduisît à la subsistance, que lui donnoit l'Eglise.* Tom. 1. Epistol. Epist. 64.

1. 2. qu.  
183. a. 7.  
ad 3.

De cog. 2.  
618.

Obj. 1. Variis sanctum est Canonibus, ne quis Ecclesiæ bonis ad vitium utatur, nisi cum vere est indigens: atqui vere indigens censeri non debet, qui de redditibus patrimonii sui vivere potest. Minor constat, major probatur 1. Can. *Ex his XII. q. 1. Ex his, quibus Episcopus indiget, si tamen indiget, ad suas necessitates, & peregrinorum fratrum usus, & ipse accipiat, ut nihil ei omnino possit deesse.* 2. ex Can. Clericos: 1. q. 1. ubi habentur ex Epistola S. Hieronymi ad Damasum: *Clericos autem illos convenit Ecclesiæ stipendiis sustentari, quibus parentum & propinquorum nulla suffragantur bona.* Qui autem bonis parentum & opibus suis sustentari possunt, si quod pauperum est, accipiunt, sacrilegium profecto committunt, & per abusionem talium judicium sibi manducant & bibunt. 3. ex Can. Si quis 1. quæst. 2. ubi hæc Sancti Properi, vel potius Juliani Pomerii verba referuntur: *Quia sua possidentes.... Ecclesiæ sumptibus vivunt, non est meum dicere, quali peccato cibos pauperum præsumendo suscipiunt, qui Ecclesiam, quam jure de propriis facultatibus*

7. Can. 22.  
23. 24.

*sibus debuerant, suis expensis insuper gravant. Et paulo ante: Pastor Ecclesie, iis quibus sua sufficiunt, non debet aliquid erogare, quando nihil aliud sit habentibus dare, quam perdere. Hæc porro verba Concilium Aquilgranense an. 816. sua fecit approbando. Eadem quoque citant Capitularia Regum Francorum addit. 3. Capitul. 113. & 114.*

R. 1. Sunt, qui generatim dicant antiquæ Ecclesiæ ordinationi per usum contrarium derogatum fuisse. Ita Habertus *De iustitia*, in fine 1. partis. Idem docet P. Antoine, juxta quem statuerat olim Ecclesia, sit reditus sui, quia exigui, iis solum distribuerentur, qui patrimonium non haberent; quæ disciplina deinceps immutata fuit.

R. 2. cum Pontas ad 1. verba hæc, *si tamen indiget*, non solum ad referri, ex his quibus Episcopus indiget, sed præcipue ad hæc, quæ sequuntur, *ad suas necessitates & peregrinorum fratrum*; ita ut sentus, sit, scopum si in eo sit loco, ubi peregrinos multos alere debet, canonicam e bonis ecclesiasticis portionem tum ad sui, tum ad eorum, qui ad se peregrinando divertunt, sustentationem percipere posse, quam tantam percipere non posset, sit hæc ad peregrinos non foret sibi necessaria. Porro Canon sic intellectus nobis non adversatur; sic autem intelligi debet: cum enim sit quadragesimus inter eos, qui Apostolici dicuntur, non debet opponi trigesimo, non ex iisdem, qui communi sententiæ favet.

*Vide supra  
pag. 82.*

Ad 2. quod desumitur ex Can. *Clericos*, dico 1. Canonem hunc nullius esse auctoritatis, utpote, qui tribuantur S. Hieronymo, in cuius Operibus non reperitur, ut fatentur omnes, & annotare Correctores Romani.

Dico 2. cum Glossa. 1. vocem *accipiant*, non ad litteram intelligi debere, subintelligenda esse hæc verba, *& in malos usus convertunt*; & sic, inquit, intellige sequentia capitula. 2. hic exhortationem contineri, non præceptum, nisi agatur de quarta bonorum ecclesiasticorum portione, pauperibus debita, quæ dari prohibetur abundantibus; atque hæc ultima explicatio facile textui accommodatur, si duas dividatur in partes. *Clericos illos convenit*, &c. en prima pars, quæ merum est consilium: *Illi vero Clerici, qui parentum bonis sustentari possunt, & quod pauperum est*, id est portionem egenis attributam usurpant, &c. en 2. pars, quæ præceptum complectitur.

Dico 3. cum S. Thoma, Canonem hunc intelligi debere de *casu necessitatis*, in quo etiam pro redemptione captivorum, & aliis necessitatibus pauperum, vasa cultui divino dicata distrabuntur, ut Ambrosius dicit.

Ad textum Juliani Pomerii dist. peccant pauperum bona suscipiendo, & aliquid supra debitam sibi portionem exigendo; præsertim cum necessitas pauperes premit; vel peccant peccato avaritiæ, viventes in congregatione, ne aliquos pauperes pascant, ne advenientes excipiant, aut ne suum censum expensis quotidianis imminuant, ut ait in Juliani verba Innocentius IV. C. peccant præcise, quia de altari vivunt. N. Itaque verba Juliani Pomerii (cujus auctoritas tanta non est, ut moram injicere debeat, cum ex alia parte occurrit auctoritas S. Thomæ) eo modo exponi debent, quo a Conciliis, vel ab Innocentio IV. exposita fuere, ita ut, quod de S. Augustino aliquando dixit S. Bonaventura, in eum cadat, scilicet, ut *plus dicens minus voluerit intelligi*: atqui Pomerium intel.



intellegeret Concilia & Innocentius IV. sensu longe alio, quam eum intelligant adversarii nostri; Concilium enim Aquilgranense, eam, quam tuemur, sententiam totidem verbis tradit: *Quamquam*, inquit, *Canonici* ( *quia in sacris Canonibus illis prohibitum non legitur* ) *liceat proprias res & Ecclesie cum humilitate & iustitia habere*, quod *Monachis* .... penitus inhibitum est, *Inc. & cap. 120.* Proinde, qui *Inc* suas *Inc* Ecclesie habent facultates, *Inc* Ecclesie utilitatem interius *Inc* exterius conferunt, accipiant in congregatione cibum *Inc* potum, *Inc* partes eleemosynarum, *Inc* his contenti sint: ne plus accipientes, pauperes gravare videantur; perpendentes sententiam Prosperi ( Juliani Pomerii ) qua dicitur: Qui sua possident, *Inc* dari sibi aliquid volunt, sine grandi peccato suo, unde pauper videtur erat, non accipiunt. Ergo PP. Aquilgranenses Pomerii verbis tantum usi sunt sine, ut offenderent eos, qui etiam maiora Ecclesie obsequia præbent, portione sua contentos esse debere, non autem pauperum partes usurpare, sed non negaverunt eum, qui patrimonialibus fruitur bonis, de altari vivere posse; cum econtra permitrant, ut qui suas habent *Inc* Ecclesie facultates, in congregatione cibum & potum accipiant.

Ad id, quod additur, nihil juxta Pomerium erogari debere iis, qui e facultatibus suis vivere possunt, distingo ut supra. Nihil erogari debet eorum, quæ sunt e portione pauperum; vel nihil eis erogari debet, qui avaritiæ studeant, in congregatione vivebant, ne si vixissent apud se, pauperes alerent, peregrinos reciperent. C. secus. N.

Obj. 2. S. Augustinus Epist. 185. n. 35. hæc habet: *Si privatim, quæ nobis sufficiunt, possidemus, non sunt illa nostra, sed pauperum, quorum procuracionem quodammodo gerimus, non proprietatem nobis usurpatione damnabili vindicamus.*

R. dist. Si privatim possidemus, id est si legitima nobis assignata fuerit ecclesiastici boni portio, jam, quæ reliqua sunt, nostra non sunt, sed pauperum. C. si privatim, id est si sæcularia habeamus bona. N. In textu enim Augustini nihil est, unde ad talem sensum determinetur. Vel distingo, ut supra S. Thomas, non sunt illa nostra, cum pauperes necessitate laborant. C. non sunt nostra, id est ecclesiasticis uti non possumus, cum suppetunt nobis propria. N.

Obj. 3. Ea opinio admitti non debet, quæ enervantur tot Ecclesie Canones, quibus prohibitum est, ne Beneficarii de sacro censu consanguineos locupletent: atqui si Clericis liceat ecclesiasticis redditibus uti ad victum, jam facile enervantur sacri Ecclesie Canones, Ecclesiastici enim virtualiter ex altaris redditibus familiam ditabunt; interim vero regerent, hæc unde vivunt ecclesiastica esse, quæ autem parentibus largiuntur, esse mere patrimonialia.

R. abusum opinionis alicujus non sufficere ut hæc rejici possit, si gravibus sit momentis suffulta. Cæterum Canones Ecclesie ab iis non violabuntur, qui cognoscent boni proprii superfluum ex charitate pauperibus deberi, & Deum vere diligunt; qui vero non diligunt, iametsi opinionem nostræ oppositam speculative teneant, ab ea in praxi recedent. Et vero quoti visi sunt, qui nobiscum sentientes, de patrimonialibus peninde ac ecclesiasticis bonis pie disposuerunt? quoti vero, qui opinionem nostram rigidiorum amplexi, neutrum bonorum genus eo, quo par erat, modo impenderunt?

## A P P E N D I X.

*De obligationibus Confessariorum.*

**T**Or ea de re prodierunt eximii Tractatus, quorum aliquot saltem; ab iis etiam, qui studio parum vacant, perlegi probabile est, ut dubius hæserim an punctum istud attingere deberem. Ancipitem movit me hæc ratio, quod æquum sit; ut sacrarum functionum Candidati mature intelligant generali saltem modo, quot, quantis, & quam raris votibus instructos esse oporteat eos omnes, qui animarum regimini se se devotent; quod ut fiat, præcipuas Confessariorum qualitates summatim indicabo. Quatuor recenset auctor Libri, cui titulus: *Institutiones Theologico-Morales ad usum Confessariorum*: Eæ vero sunt I. potestas ad solvendum; II. scientia ad discernendum; III. prudentia ad tacendum; IV. probitas ad rite administrandum. Ab hoc ordine non recedam, nisi quod terminos quosdam latiori forte sensu interpreta- bor. Sit igitur

**CONCLUSIO I.** In Confessario non sufficit potestas Ordinis, sed requiritur insuper potestas jurisdictionis, quæ confertur vel approbatione Ordinarii, vel certorum Beneficiorum collatione.

Prob. ex Tridentino Sess. 14. cap. 7. ubi assertio nostra traditur & demonstratur: *Quoniam*, ajunt Patres, *natura & ratio judicii illud exposcit, ut sententia in subditis dumtaxat feratur; persuasum semper in Ecclesia Dei fuit, & verissimum esse, Synodus hæc confirmat, nullius momenti absolutionem eam esse debere, quam Sacerdos in eum profert, in quem ordinariam aut subdelegatam non habet jurisdictionem.* Quemadmodum igitur secundum legis dispositionem, qui in jure Doctor est aut Licentiatas, non potest vi horumce graduum jus dicere, nisi ei a Principe assignentur cives, in quos sententiam ferat; sic & Sacerdos tamdiu potestatem sibi vi caracteris traditam exercere nequit, donec ei subditos assignaverit Ecclesia, quos vel liget, vel absolvat.

Porro subditos assignat Ecclesia ope, & ministerio primorum Pastorum, qui, sicut sæculares Principes, jurisdictionem eo & gradu & modo conferunt, quo conferre volunt.

Hinc 1. si quem pro certis tantum personis, peccatis, loco, aut tempore approbent, non poterit in præfixos sibi limites transgredi. Quapropter si approbatus ad annum, expleto anno absolvat; si approbatus in uno genere, v. g. pro peccatis non reservatis, absolvat in alio: si approbatus pro sæcularibus, absolvat Moniales; si approbatus pro certa Monialium specie, aut domo, aliam aut domum aut speciem absolvere præsumat, invalide prorsus absolvet. Idem est si approbatus hac vice, alia vice idem munus obire velit. Hæc extendenda sunt ad ipsos Regulares, etiam relative ad Moniales suo Ordini subjectas, prout declaravit Gregorius XV. per Bullam *Inscrutabili*; quæ tamen non ubique viget: bene an male, viderint alii.

At, inquires, si res ita sit, non poterit Parochus Parochum alium delegare ad excipiendas parochianorum suorum confessiones; quod tamen experientia repugnat.

R. Paro-

R. Parochum, alterius Parochi subditorum etiam ex alia Diœcesi confessiones excipere posse, cum id usu certo & ab Episcopis permisso constitutum est: quia tunc mutua jurisdictionis communicatione alter alterius gregem, quoad præsens punctum regere potest. Sed caute notandum, licentiam hanc ab Episcopi nutu totam pendere, quia Parochi jurisdictione, quoad proprias oves ordinaria, quoad alienas est tantum delegata: jurisdictione autem delegata a solo Episcopo, vel ordinario pendet, qualis non est simplex Parochus. Is ergo multo minus poterit eorum, qui parochiani sui non fuerint, confessiones excipere, contradicente Episcopo, etiam absque judiciario processu; quidquid in contrarium senserint auctores tum Libelli inscripti: *Consultation sur la jurisdiction &c. & approbation nécessaire pour confesser*, quem ann. 1735. damnavit Facultas Parisiensis; tum præcipue Opusculi cui titulus: *Projet de Requête de M. Brianne Curé de la Cathédrale de Rhodéz, &c.* quod opus frivolis citationibus turgidum solide & erudite confutavit suo ann. 1742. Documento Illust. Ruthenensium Episcopus, cujus doctrinam, suam approbando fecit Clerus Gallicanus die Augusti 5. ann. 1740. ut patet ex Cleri ejusdem processu verbali pag. 192.

An Regulares intra Diœcesim Episcopi approbantis, possint etiam alterius Diœcesis, in qua approbati non sunt, pœnitentes, qui in fraudem non veniunt absolvere, controversitur. Afferunt Sylvius, Bonacina, Gammachæus, Navarrus, & Fagnan. qui ea de re refert sacre Congregationis decisionem innixam Clement. *Dudum*; *De sepult.* Alii ob materię gravitatem satius judicant ut Regulares parti tutiori adhæreant, ac prout ut se præsentent Ordinario Diœcesis ei proximæ, in qua situm est eorum Monasterium.

Hinc 2. qui in decursu confessionis animadvertit pœnitentem commississe peccatum aliquod reservatum, eundem ad Superiores remittere debet, aut saltem ab iis reservata dimittendi licentiam obtinere. Ubi nota licentiam absolvendi a reservatis, nec extendi ad vota & irregularitates, nec ad hæresim, saltem quoties hæc publica fuerit; qua de re consulendum est Diœcesis Rituale.

Hinc 3. (& id caute notandum, quia quosdam hic errantes vidi) Parochus, qui solum approbatus erat ratione Parochialis, quod obtinuerat, Beneficii, si illud etiam sponte dimittat, nova indiget approbatione, etiam in eadem Diœcesi, prout declaravit sacra Congregatio apud Barbosa; & citatum jam ab initio Theologum, p. 23.

Hinc 4. gravi se periculo exponunt, qui a Diœcesi in Diœcesim transeuntes, Diœcesana Statuta legere differunt: sic enim fieri potest, ut temere credant sibi in una Diœcesi licitum esse, quod poterant in alia; imo ut aliquando contrahant censuras, iisque præ imperitia, quam auferre debuerant, violatis, irregularitatem. Neque vero Statuta sola quamprimum legi debent, sed & civilis locorum consuetudo; ne hic valere putes, quæ alibi valida esse cognovisti.

CONCLUSIO II. In Confessariis requiritur scientia, eaque ratione objecti multiplex.

Prob. 1. pars, tum ex iis, quæ supra dicta sunt ubi de scientia Clericali; quæque præcipue in Confessarios cadunt; tum, quia Confessarius quilibet triplex officium habet, ducis scilicet, judicis, & medici: at-

qui 1. ut dux seu rector, cui incumbit ut gregem a lapsus & erroris via ad viam salutis revocet, necessum est ut apprime cognoscat, quid in unaquaque via poenitentium suorum, ac eorum præsertim, quos communius dirigit, subsit erroris & mali. Atque hic tot se jam a limine offerunt scientiæ, quot in negotiatoribus usuræ & fraudes; in Clericis simoniæ; in iustitiæ Ministris, Regiarum sanctionum violationes; in Principum Officiariis rapinæ & concussiones; in Pastoribus, dominis, patribus familiaribus negligentia; in omnibus simul, Ecclesiæ præcepta non observandi inanes prætextus; 2. quia medicus nosse debet naturam morbi, vim remedium, quænam & quando applicanda. Hinc peccatum, & peccati species, qui poenitentium morbi sunt; item varia poenitentiarum genera, quibus vel præterita diluat, vel arceat a futuris, probe comperta habere debet; 3. quatenus iudex necessum est ut instructus sit scientia, gravitate, & vigore legum, quas, qui ejus se tribunali sistunt, transgressi fuerint. Eæ autem leges, cum aliæ omnibus communes sint, ut divinæ Ecclesiasticæ; aliæ nationales, ut Regum Edicta; aliæ certæ conditionis propriæ, ut leges mercatorum, &c. quantam, bone Deus, scientiam præquirunt!

Hinc probata manet 2. pars, quam tamen, ne videar exaggerasse, confirmare lubet testimonio & auctoritate S. Caroli; quo nemo unquam res æquiori lance trutinavit. Hæc ille in Confessariorum instructionibus. *Confessarius Sacramenti Poenitentia doctrinam omnem recte nosse studebit, ita ut, quæ illius ratio, qui effectus, quæ partes, quæ illarum partium vis & natura perite intelligat: quæ peccata mortalia, & quæ venialia cognoscat. Peccati circumstantias sciat, quæ præsertim mutant speciem peccati, & quæ in confessione explicanda sunt, quæ resistendi onus inducant. Censurarum rationem & vim recte intelliget, & quibus criminibus annexæ sunt. Casus reservatos in promptu habebit, ita ut recte sciat, qui jure Canonum Summo Pontifici, qui rursus Episcopo, qui præterea in Bulla Cæna Domini, quique pro varietate temporum Episcopo reservati sunt. Differentiam satisfactionum poenitentialium etiam probe noscat, & præterea Canones poenitenciales ... memoria tenebit casus, quibus confessio fit iteranda. Cognitum etiam habere Confessarius omnis debet, ac præterea animadvertere antequam ad audiendas confessiones accedat, quanta sit auctoritas potestasque jurisdictionis suæ: ita ut, cum norit & quos, & a quibus peccatis, censurisque absolvere possit, tum etiam caveat, ne facultatis suæ fines prætergrediatur. Temere igitur & periculose sibi blandiuntur, qui experientiam sibi scientiæ loco esse posse arbitrantur. Experientia enim facit ut audiantur multa, non ut bene judicentur; cum ad id & studio, & eruditorum colloquiis, & meditatione plurimum opus sit. Hinc, ut bene notat Habert in praxi Viridunensi, pejor est senis experientia sua freti, quam juvenis adhuc imperiti conditio; in isto enim satis est ut seratur, in illo evellendi vepres, & removenda tumidæ fiduciæ oblacula. Vidisti, ait Scriptura Prov. 26. hominem sapientem sibi videri? magis ille spem habebit insipiens.*

Ergo, inquires, vix ullus est in orbe Christiano Sacerdos, qui digne, & ut par est, obeat munus Confessarii; cum vix ullus sit, qui scientiam a S. Carolo requisitam possideat.

R. imprimis apud omnes sive peritos sive imperitos constare, e Sacerdoti-

dotibus plures esse, qui cæcis ducatum præstantes, in eandem communi lapsu foveam cadant.

R. 1. non absolute requiri ut præfata omnia memoriter actu teneantur, sed satis esse ut teneantur virtualiter. Scit autem virtualiter, qui generalia omnium principia capite gerens, de communibus prudenter iudicat; de arduis vero dubitare novit, seu quia ex iis, quæ olim legit, confuse colligit in proposito casu esse non parum difficultatis; seu quia intelligit relationem rei ignotæ cum alia sibi notiori. Hinc ad dubium verâ requiritur scientia, hinc strenue imperiti nullibi hærent, sed nodos omnes secant, vel potius nequidem animadvertunt. Porro evidens est scientiam, quæ sufficit in pago, non semper sufficere in urbe mercatoria, aulica, vel forensi, quæ calus offert admodum implicatos.

Quæres an rudis Sacerdos licite & valide absolvar.

R. 1. absolvere valide, si nihil desit ex parte pœnitentis; quia scientiæ defectus jurisdictionem per se solum non excludit; licet si quodam sit in gradu, excludere possit, inducendo irregularitatem. De quo vide, quæ dixi Tom. 2. Tractatus Gallici de Dispensat. p. 275. ceterum si pœnitens Confessarium imperitum scienter eligat, peccat mortaliter, nedum absolvarur, quia malæ Sacramenti administrationi, sine necessitate, ut supponimus, cooperatur.

R. 2. absolvere illicite, quia exponit se periculo graviter errandi: unde reus etiam videtur, cum eos absolvit, qui absolvendi sunt, non secus ac medicus plane rudis, qui dum multos occidit, quosdam quasi fortuito liberat.

Excusantur tamen a peccato, qui ad excipiendas confessiones minime destinati, (ut Solitarii quidam, & forte cantores, quibus vix per Officia diurna, ac nocturna licet vacare studiis,) hominem absolvunt seu in articulo mortis, seu quia ob pestis periculum doctior alius opem suam recusat. Addunt aliqui id etiam habere locum, si pœnitens timorata sit conscientiæ, & venialia, quæ quandoque angunt, confiteri, assuetus.

Cæterum Sacerdos suæ sibi ignorantiae certo conscius, ne de Prælati quidem imperio, sacrum Tribunal ingredi potest. Aliud est si a Superiore post legitimum examen approbatus, tanto muneri par iudicetur: habet enim tunc fundamentum deponendi scrupulos, & nimiam propriæ ignorantiae suspensionem.

CONCLUSIO III. Confessarius singulari eget prudentia.

Prob. munia Confessarii sunt, ut a pœnitente integram confessionem. solveret & caute eliciat; ut eum proportionatis consiliis juvet; ut salutarem imponat pœnitentiam; ut neque absolutionem neget, cum impertinenda est, nec tribuat, cum negari debet; ut & a pravis habitibus, & ab occasione peccandi retrahat; ut infantes & senes, sanos & infirmos, tepidos & propriæ perfectionis studiosos, sua unumquemque via deducat; ut secreti fidem servet illibatam, intactam, illæsam: atqui in his & omnibus & singulis opus est prudentia singulari. Minor, quam nemo nisi hostis recti sensus inficiari ausit, confirmabitur, facta partium inductione, & explicatione.

Primo itaque Confessarius agere debet & ut integram a pœnitente confessionem eliciat, cum peccata gravia, nisi simul omnia, dimitti non

possint, & ut eam eliciat caute, id est tum sibi pœnitenti consulendo : ergo ut plurimum necesse est : 1. ut eum deducat per varios vitæ status, quos decurrit, per varias, quibus obnoxius fuit, peccandi occasiones, per singula Dei & Ecclesiæ præcepta, per capitalia peccata, per ea item, quibus sædari solent personæ ejusdem professionis, ac demum per circumstantias, quæ vel speciem mutant, vel intra eandem speciem notabiliter aggravant. Ubi animadvertit in peccatis exterioribus detractionis præfertim & impudicitæ, inquirendum esse coram quot personis ea perpetrata sint : cum aliud sit hominem coram uno, aliud coram decem denigrare, &c.

2. ut quibus timet ne vocem præcludat pudor, hos sensim adducat ad sufficientem eorum, in quibus lapsi sunt, expositionem, incipiendo a cogitationibus pravis, prolequendo a desideriis, finiendo ab exteriori opere.

3. ut caute & sagaciter interroget, ne (quod contigisse scio) vel pœnitentes quædam doceat, iisdem hætenus ignota; vel ipse nativam sensualitatem, ac curiositatem foveat, aut fovere judicetur.

4. ut tamen interroget quantum satis est ad dignoscendum an pœnitens in cogitatione morosa steterit, an non ad desiderium usque progressus sit; quod item fuerit hujus vel cogitationis vel desiderii objectum.

5. ut judicet an pœnitens confessiones iterare teneatur. In his porro & innumeris aliis, quæ recensere prolixius fuerit, quanta opus est circumspectione, prudentia, attentione ad Deum, &c. merito igitur hortabatur S. Carolus, *ut nunquam ad tantum hoc officium se se Confessarius accingat, quin prius brevi aliqua oratione lucem a Domino petat, ut non solum in nullam reprehensionem vel errorem incidat, verum aliorum sordes abstergere valeat, ut se ipse non polluat .... habeant igitur singuli Confessarii versiculos Psalm. 50. ut antequam confessiones aggrediantur, legant : Cor mundum crea in me Deus, & quatuor sequentes.*

Secundo satagendum est Confessariis ut pœnitentes idoneis, proportionisque consiliis juvent : ad id autem quanta opus sit sagacitate vel hinc patet, quod vir imprudens, timoratas animas, quas sublevare & consolari debuerat, impleat terroribus, qui mentem perturbent & concutiant; quod consuetudinarios, qui terrendi erant, utpote dura cervice, & incircumcis cordibus, reiciat & consoletur; quod scrupulosos perinde tractet, ac si effrænis essent conscientiæ; quod non moneat eos, qui moneri debent, quales sunt 1. quicumque in errore culpabili versantur, & hoc etiam si nullus ex monitione speretur fructus; 2. qui errore quidem invincibili laborant, sed, qui vergat in damnum vel scandalum proximi, ac demum, quod moneat eos, qui moneri non debent saltem hic & nunc; quales sunt aliquando, qui matrimonii sui nullitatem ignorant; & ea comperta vel prævidentur formaliter peccaturi, vel grave innocenti proli damnum, aut proximo scandalum præbaturi : unde hi sæpius non sunt monendi nisi jam obienta dispensatione; imo nec semper, eadem etiam obienta moneri debent, ut colligitur ex cap. 6. *De consang. & affinit.*

Tertio Confessarii salutares debent imponere pœnitentias, neque tales sine prudentia imponere possunt. Pœnitentia siquidem id habe-

re debet, ut & satisfactoria sit, quæ præteritas labe diluat; & medicinalis, quæ a futuris præservet. In utraque autem quædam serio spectari debent, ut quod refarcitur damnum proximo per furtâ, detractiones, & similia illatum; quod non præcipiantur, quæ vergerent in præjudicium, vel pœnitentis, ut quædam corporis castigationes; vel alterius, ut jejunium diuturnum, aut longæ peregrinationes respectu servi, mariti, uxoris; quod, juxta Rituale Romanum, publica *pro peccatis occultis, quantumvis gravibus* non imponatur pœnitentia; quod pœnitens extremum vale dicere jubetur iis occasionibus, quibus ad peccandum abreptus est; quod labores suos offerat Deo, sæpiusque ad eum in die decursu mentaliter recurat. Quæ omnia fufius videris apud Loarte a cap. 21. & Garnerium in Tract. de officiis Confessarii. In his autem omnibus, quam serio ponderanda conditio, vires, locus, aliæque, quotquot concurrere hic possunt circumstantiæ.

Quarto & neganda est absolutio, cum periculose daretur, & largienda cum periculose differretur. Hic autem, si usquam, maturo rerum omnium examine indiget Confessarius; cum hinc & inde immineat periculum, seu irritum faciendi Sacramentum, seu eos novo exponendi peccato, quos tueretur Sacramenti gratia. Interim absolutionis dilatio, modo ne nimia, & salutaribus stipata monitis, minus regulariter loquendo periculi habet, quam præfestina, ejusdem largitio, quæ & Confessarios plures, & pœnitentes innumeros perdit.

Iis porro differenda absolutio, qui pro virili non recedunt a proxima peccati occasione; qui segnes sunt in deponendo mali habitu, qui, & hoc in militibus caute observandum, retinent voluntatem duelli offerendi aut acceptandi; qui sumptus superfluos, unde debitis sunt impares, coercere nolunt; qui aliis vel amatoriis libris, vel pectoris nuditate, peccandi occasionem præbent; qui pueros & domesticos de rebus ad salutem necessariis etiam necessitate præcepti erudiri non curant, præsertim si jam moniti non acquieverint; qui ad eos, quos læserint, reconciliandi accedere nolunt; aut eos recipere, a quibus læsi sint; qui Confessario quædam ut usuraria gravibus de causis prohibenti fident denegant.

Aliud esset: 1. si pœnitens non imperitus bona fide opinionem suam credat esse probabiliorē: alioqui cum in materia morum docti doctis quotidie advenfentur, nemo unus alium absolvere posset. *Esse*, ait post alios plures Cabassut. Lib. 3. cap. 13. num. eod. *Esse*, inquam, *aget Confessarius erga alterum non secundum propriam opinionem, non tamen contra propriam conscientiam*; quia judicare debet se non posse mundum totum adigere ut sibi in omnibus consentiat. Et vero an non moleste ferret, si pari jure & potestate ab alio Confessario cogeretur ab ea opinione recedere, quam, rebus coram Deo sincere ponderatis judicat esse probabiliorē? Aliud esset, 2. si pœnitens de re ancipiti cum viris virtute atque eruditione præstantibus deliberaturum se pollicetur; & huic ob probitatem compertam, aut certa sinceritatis indicia fides haberi possit.

Quinto nec minor esse debet Confessarii prudentia erga eos, qui vel in habitu, vel in occasione peccandi versantur. Circa priores, præsertim si jam obfirmata sit mali consuetudo, cavere debet Confessarius: 1.

ne eorum assertionibus, & lachrymis ut plurimum edoctis mentiri fidem habeat. Jactant quidem consuetudinarii firmum, quod habere se putant, non peccandi propositum, sed ei vulgo simile, quod habet nauta ingruente unda oppressus, quodque una cum ventis, & tempestate evanescit. 2. ne eos non probet sufficienti tempore. 3. ne credat multo minori probatione opus esse tempore Jubilæi, Paschatis, Missionisve aut secessus: quasi tempus, aut vox exterior ionans, per se sola cor pridem induratum convertere nata sint. 4. ne rite conversos censeat eos, qui certo tempore lapsi non sunt, quia defuerit, quæ habitum exerere solebat, peccandi occasio. 5. ne moveatur inconvenientibus, quæ dilationem absolutionis consequi possunt, ut, quod omnibus jam ad nuptias dispositis, instet vel scandalum, si Matrimonium differatur, vel Sacramenti profanatio, si ad illud accedat, quis non absolurus. Ersi enim hunc aliqui etiam severi ad casum necessitatis revocent cum Leonardo Van-Roy par. 4. cap. 5. q. 1. æquius tamen sentiunt, qui absolutionem etiam tunc differri volunt. An enim mediæ horæ spatio conversus censebitur, qui hactenus vixit in crimine: an fornicationes præternas intus, & ex corde detestari censebitur, qui nuptias inhiat, ut *sue vacet libidini sicut equus & mulus*? an contritio instar fungi nascitur in corde corrupto? an protuturam judicari potest absolutio, quæ non datur nisi, quia probabilissime timeret relapsus, & quæ proinde datur homini, qui supponitur non abhorreere a peccato? 6. & id etiam curare debet confessarius, ne in longum tempus remittat eos, qui lapsi cadunt: multo quippe consultius est, ut octava quaque die ad tribunal revocentur; hac enim arte sustentantur, & ex brevi triumpho sensim assuefiunt ad longiorem.

Quæres obiter quoto tempore prænitentes præsertim consuetudinarios probari oporteat.

R. Id nulla generali regula posse definiri, sed de arbore judicandum esse ex fructibus. Rem totam belle, & solide exprimit S. Chrysostomus Homil. 14. in 2. ad Corinth. *Verum, inquit, satis penas expenderunt. Quamdiu, queso? annum unum & alterum, ac tres. Atqui temporis moram non quero, sed animæ emendationem: hoc itaque fac demonstres, sintne compuncti, sintne in melius mutati, & res tota confecta est . . . . . neque enim sæpiusne obligatum fuerit vulnus querimus; sed an obligatio illa quidquam profuerit. Ac si quidem etiam ad exiguum tempus adhibita profuit, non jam amplius adhibeatur. Si autem nondum eam adhibuisse juvit, etiam post decem annos adhibeatur.*

Hinc absolvi possunt consuetudinarii non tantum in articulo mortis, vel instante prælio, quia in extremis dubia remedia adhibere licet, sed etiam cum extraordinaria seriæ conversionis, indicia præbent, ut cum usurarii quidquid lucri percipere restituunt; cum viri Officio suo impares; illud, etiam si honorificum sit, & utile, abdicant; cum dediti impudicitæ, solvunt compedes suos, & idola cordis sui generosa abiciunt: quas quidem mali privationes congruis fructibus prænitentiæ stipari supponimus: hi porro fructus, nisi confessiones præcesserint, aliquamdiu probandi erunt. Interim probationis diuturnitatem ex habitus diuturnitate metiri nolum cum sæpe fiat, ut, qui plures per annos in scelere volutati sunt, plenius & perfectius resipiscant, quam, qui



qui quatuor solum mensibus passioni servierunt. Nullum porro peccatum est, quod plus exigit probationis, quam adhæsitum incontineniæ crimen; unde videat Confessarius, ne qui ab eo per tres, aut circiter hebdomadas abstinnerit, putet serio emendatum. Plures vidi, qui duorum ad minus mensium probationem vellent, quique concessa absolutione Eucharistia non statim concederent.

Quod de consuetudinariis, idem sentiendum de recidivis, iis nempe, qui contra datam fidem, in eadem relapsi sunt peccata, nisi forte relapsi sint semel tantum ex vi occasionis vel tentationis extraordinariæ, non quæsitæ vel prævisæ; & relapsum secutus sit sincerus cordis dolor. Uno verbo generatim extra mortis articulum probandi sunt ii omnes, quorum dubia apparet contritio, & quos Confessarius prudente judicare nequit firmum, efficax & universale habere de cætero non peccandi mortaliter propositum.

De iis, qui sunt in occasione peccandi, consule, quæ dixi Tom. 2. de peccat.

Sexto, multiplici ac varia pro statu varietate opus est prudentia; cum ut cæteros omittam, quos percurrere longum esset, aliter infantes, aliter provectæ jam ætatis viros; aliter sanos, aliter qui ad interitum vergunt, &c. dirigi oporteat. Quod ad infantes attinet, ii blando vultu, & serena fronte excipiendi sunt, ne vel deinceps tribunal refugiant, vel celent peccatorum partem. Caute interrogandi circa quasdam ætatis hujus propensiones plane carneas; Dei potius quam hominum judicio terrendi, non facile absolvendi, quia raro contriti.

Quod pertinet ad ægrotos, iis eo sedulo magis consulendum est, quod periculosior est eorum status. Hinc mature invisendi sunt, moneadi, sed absque nimio terroris impulsu, ne differant confessionem, quæ, sublevata conscientia, & corpus sublevatura sit; impellendi ut domesticis rebus prospiciant; absolvendi si jam elingues dederint contritionis signa, imo etiam si non dederint, quia cum necdum definitum sit actus Pœnitentis esse materiam Sacramenti, quod etiam Scotistæ negant, absolutio pro materia & forma saltem in tanto discrimine haberi potest. Sed de his alibi plenius: interim adj. Librum, cui titulus: *Conduite des Confesseurs*, lege, & methodum Gomarii Huygens.

Quæres, quid faciendum in casu nobis olim proposito. Petrus Viaticum deferret ad Joannem, qui ut exoneret se a quibusdam culpis, quæ ab ultima confessione apud alium peracta redierant in memoriam, precatur ut se Petrus audire velit. Annuit is prout dicebat, & ex brevi Joannis confessione agnoscit iterandas esse ab eo confessiones omnes, quas ab annis ut minus quadraginta emisit. Quid, inquam, juris in hoc casu, ubi vel Eucharistia conferenda est indigno, vel non sine gravi eorum, qui comitati sunt, aut in domo versantur, scandalo deneganda?

R. Difficultatem hanc ex morbi violentia, & statu dijudicandam esse: si enim eo ulque morbus urgeat, ut periculum sit in mora, debet Confessarius postquam audivit graviora quædam ægrotantis peccata, eumque ad contritionem, & fiduciam adhoratus fuerit, & absolutionem largiri, & Viaticum administrare. Sin autem satis ægrotanti superest virium, ut per unam aut alteram diem differre queat receptionem Sacramenti, debet efficere Sacerdos, ut declaret moribundus se in præsentem mentem non habere liberam latius & tranquillam, ut Eucha-

ristia fructuose refici possit: eadem porro ad templum reportata, præsto aderit Sacerdos, & plenam, quantum ferent ægri vires, exomologesim elicere conabitur; hac arte, & Sacramento, & ægri famæ confuletur. Quod si forte æger, ad extremos ulque halitus hypocrita, actu Viaticum petat, non poterit denegari; ipse sibi imputet.

De prudentia prout sigillum confessionis spectat, nihil loquar; cum ea pars ad Tractatum de Pœnitentia omnino perineat.

CONCLUSIO IV. Probitas Confessario cuilibet est summe necessaria.

Prob. Nomine probitatis eam hîc intelligimus virtutem, vel potius virtutum complexionem, cujus ope Sacerdos præciso humano quocumque sui ipsius intuitu, pœnitentis salutem digne ac sancte intendit: atqui probitas eo etiam latiori sensu intellecta, necessaria est omnibus Confessariis.

1. Quidem indigent omnes ea probitatis specie, quæ proprii commodi humanum quemcumque intuitum excludat. Alioqui enim ambient divitum mensas, item dona, & manera, quæ *excitant oculos sapientum*, & ministerii libertatem minuunt, si non auferunt prorsus; legata extorquebunt a moribundis, eaque contra Regias sanctiones invalide recipient; fœminis, quæ, ut in ipsa homo, sic naturaliter in hominem propendunt, eo periculose magis, quod sub directionis, & pietatis prætextu, adhærebunt: unde non secus ac de fonte venenoso scaturiunt innumera mala, jactura scilicet temporis; visitationes superflue, tenebrosa in utroque morbi, & valetudinis statu obsequia; pallor ad ipsum ægrotantis Directoris nomen; timor ne ex ovili nostro in alienum transmigret ovis impensus dilecta; confessio pene sine verecundia, & doloris sensu, quia peracta apud amicum, cui sua quæcumque aperire dulce est. Accedunt quandoque murmura domus, atque etiam totius Parochiæ; despectus, & suspiciones perditorum hominum, proborum scandala, &c.

Quæres quid faciendum a Confessario pio, qui pœnitentem aliquam sibi humano quodam, nec moderato satis affectu inhærere sentit.

R. Eam breviter & asperius solito tractandam esse. Breviter, ne vel foveantur inanes scrupuli, qui alii ex aliis pullulant; vel longioris colloquii mora sit libidinis incentivum. Paulo asperius, ut sentiat se non aliter Confessario placituram, quam si Deo placere conetur. Quod si hæc non succedant, & periculum sit, ne malum augeatur in dies, multo satius, imo quandoque necessarium erit vincula adhuc hgneæ dirumpere; ne si ferrea evadant, frangi jam non possint.

Durior hæc in speciem agendi ratio cum iis etiam servanda est personis, quæ licet solida eniteant virtute, exilimare videntur se non alio, quam hujus Confessarii auxilio ad cœlum evehi posse: extat illustre ea de re S. Vincentii a Paulo exemplum. Is enim Franciscam Margaritam de Gondiacono insignem natalibus, pietate insigniorem, sed hominis Dei directioni paulo nimis addictam, primum Directores alios experiri jussit; deinde clanculum deseruit, veritus ne ab uno homine expectaretur auxilium, quod a Deo. solo expectari debet, quodque miserecordiarum Pater, si enixe rogetur, per hunc æque ac per illum certissime impendat.

2. Indigent ea specie probitatis, quæ teneram charitatem, ac zelum salu-

salutis animarum importat. Est enim Confessarius pastor pœnitentium; colque inter & Deum mediator: atqui ad utrumque hoc munus requiritur & tenera charitas, & ingens salutis animarum zelus. Pastor enim & mediator solliciti esse debent ut ovem errantem quærant, ad ovile revocent, asperam monitis tandem flectant, primo ac supremo Pastori per preces suas, & gemitus reconcilient. Hæc porro & similia num præstabit homo charitatis expertus? an erit de aliena reconciliatione sollicitus, qui non est de sua? an efficaciter pro aliis apud Deum agat, qui ne pro se ipso quidem satis utiliter ageret?

3. Et ea indigente probitate, quæ facit ut Sacramenta digne administrantur, quæque consequenter peccati lethalis statum excludit. *Neceffe est enim, ut esse munda studeat manus, quæ diluere sordes curat . . . . Scriptum namque est* Isajæ 52. *Mundamini, qui fertis vasa Domini, c. 33. 1. q. 1.* Et vero Confessarius iudicis munus exequitur, porro *judicans alium, qui ipse judicandus est, condemnat seipsum. Cognoscat igitur se, & purget in se, quod videt alios sibi offerre. Curet ut a se projiciat quidquid in alio damnosum reperit.* Ita ex Augustino S. Antoninus 3. part. tit. 17. c. 17. Idem docet Rituale Romanum, & alia passim.

Hinc colliges 1. cum agmine Theologorum mortaliter peccare in ratione sacrilegii, Sacerdotem, qui in peccato habituali positus confessiones excipit; imo tot admittere peccata, quot audit confessiones; sicut peccata multiplicat juxta communioem sententiam, qui plures distribuit hostias; sicut & plures incurrit censuras, qui plures percussit Clericos. Unde necesse est, ut quantum potest feni, aperiat Confessario, quot audierit pœnitescentes. Nec satis esse videtur, quidquid existiment nonnulli, ut dicat se obvios quoscunque audiisse; cum ea declarationis species nihil exprimat clari, nisi forte Confessarius inde rem totam percipiat.

Quæres an debeat quis exprimere speciem peccati, in cujus habitu versabatur.

Negat post Ledesnam citatus auctor Instit. Theologico-Moral. pag. 290. nisi forte malus ille Sacerdos gravissimo aliquo crimine detentus esset; quale quidquid uterque sentiat, fornicationis peccatum esse arbitraret.

Quæres iterum an etiam reus sit malus Sacerdos, qui in casu necessitatis quempiam absolvit.

R. Affirmative; etsi enim secundum doctrinam S. Thomæ 3. part. q. 64. art. 6. ad 3. Laicus vel Sacerdos, qui in necessitate baptismum conferunt, non peccent, eo quod, ne Sacerdos quidem in hoc casu *exhibet se Ministrum Ecclesiæ*, cum non agat vi consecrationis in ordinatione receptæ, sed *subvenit necessitatem patienti*: quia tamen Sacerdos etiam alias non approbatus, ex officio agit, cum excipit moribundi confessionem, non excusatur ob urgentem casum; cum in uno instanti contritionis actum elicere possit. Si tamen eo ulque urgenti & repentina necessitate moveretur, ut statim in absolutionis verba erumperet, non videretur peccati reus.

Colliges 2. quod Sacerdos Pœnitentiam aut aliud Sacramentum ministraturus, *solicite & intime recogitare debet, an alicujus peccati mortalis (quod sanctissima cautione vitare debet) sibi conscius sit. Quod si reum se esse novit, prius Sacramentali confessione se expiare studebit. Contritionem certe habere, quam diligentissime curet.* Ita sanctus Carolus in Instructionibus pro ad-

mini-

ministrandis Sacramentis. Concinit Rituale Pauli V. tit. 1. *Sacerdos, ait, si fuerit mortalis peccati sibi conscius, quod absit, ad Sacramentorum administrationem non audeat accedere, nisi prius corde poeniteat. Sed si habeat copiam Confessarii, & temporis, locique ratio ferat, convenit confiteri*: quibus ex verbis communiter inferunt Theologi, *convenire* quidem, haud tamen necessum esse, ut Sacerdos Sacramenta ministraturus actu deponat peccata; quod & confirmant, quia nec Tridentinum nec ulla alia Ecclesiae lex requirit confessionem, nisi ante susceptionem Eucharistiae.

Quoniam tamen rara est contritio, quæ extra Sacramentum iustificet, unde & subest periculum, ne, quem remordet conscientia mortalis peccati, sacra indigne contrectet, salubriter sibi consulit, qui, cum facile potest, recurrit ad Confessarium. Imo id non pauci cum Synodis Atrebatensi, Cameracensi, & Iprensi, Adriano item, Ethica amoris tom. 3. Lib. 1. cap. 17. Geneto, Boudart, & auctore praxis & Theor. Sacrament. tom. 1. cap. 7. num. 15. plane necessarium iudicant: 1. quia militat in præsentia ratio, quæ Tridentinos Patres movit ad sanciendum, sess. 13. cap. 7. *ut nullus omnino sibi conscius peccati mortalis, quantumcumque sibi contritus videatur, absque præmissa Sacramentali Confessione ad sacram Eucharistiam vel Missæ celebrationem accedere debeat.*

2. Quia nunquam licet exponere se probabili peccandi periculo: atqui huic se periculo exponit, qui hic & nunc peccata confiteri valens, eadem non confitetur. Qui enim dubio utitur remedio, cum certo vel saltem multo certiori uti potest, ille probabili ad minus se periculo exponit: sed, qui ad Sacramentum Poenitentiae recurrere negligit, seque solo contritionis actu contentum habet, dubio utitur remedio, cum certo, vel saltem multo certiori uti potest. Nemo enim per contritionem iustificari potest, nisi perfectam: atqui perfecta contritio adeo est ardua & incerta, ut pauci admodum illam habeant, prout docet Catechismus Romanus 2. part. cap. 5. num. 31. & fatentur molliores Theologi.

3. Quia contritio non delet peccatum, nisi prout conjuncta est *voto* *Trid. Sess. Sacramenti*, voto, inquam, serio & efficaci, ac proinde implendo, quam-  
14. c. 4. primum fieri poterit. An vero votum hoc habet, qui Sacramentum non recipit, cum facile potest:

Ob hæc momenta, quorum tamen tertio sua inest difficultas; secundam opinionem sequerer in praxi, cui & omnes adhærere precor. Interim si ex duobus Confessariis, quos æque pungit conscientia, alter alterius Confessionem excipere teneatur, quæ de iure alii; non est pueriliter decerrandum uter alterum prior audiat; etsi eum, qui pie magis vivit, ante audire deceat, quam audiri.

Quæres quandonam Confessarius poenitentem adigere debeat ad iterandas confessiones.

R. Quoties prudenter de earum validitate dubitat, & a fortiori cum de ea moraliter certus est. Hinc exigendæ novæ confessiones 1. ab iis, qui de proposito peccatum aliquod celavere, nisi, quod rarum est, celaverint ad consulendum viæ suæ, &c. 2. ab iis, qui idonei examinationis defectu, quem non suppleverit charitas Confessarii, vel peccata quædam vel eorum numerum, vel circumstantias, quæ exprimendæ erant, suppresserunt; 3. & ab iis, qui aliquod grave reticuerunt ex ignorantia

mortaliter culpabili; 4. & ab iis etiam, qui confessi sunt, quo tempore Trinitatis, Incarnationis, Redemptionis, & Dei remuneratoris Mytheria ignorabant etiam invincibiliter, quia horum explicita fides necessaria est necessitate medii ad justificationem; prout dicam ubi de Fide. Idem dic, si quis contritionis necessitatem ignorasset; 5. ab iis quoque, qui debito dolore caruerunt, quales reputari debent, qui paulo post ad vomitum reversi sunt; nisi forte, ut supra dictum est, extraordinaria tentatione & occasione rapti ceaserint, casumque suum paulo post ubertim doluerint.

Porro in casibus modo recensitis, si confessio invalida apud alium Confessarium iteretur, omnia mortalia secundum numerum, speciem, & circumstantias necessariae repetenda erunt. Si vero res apud eundem agatur Confessarium, satis erit generaliter dixisse: *Accuso me de peccatis omnibus, quae tibi invalide confessus sum; insuper de tali, quod de industria, vel gravi negligentia omiseram; ac demum de sacrilegio in illa confessione commissio*. Limitat hoc ultimum Ethica amoris n. 2380. si Confessarius adhuc memor sit peccatorum confessorum, memor, inquam, generali modo, de quo infra.

Quæres iterum an semper subsequentes confessiones iterare teneatur, qui prævias iterare debet.

R. negat. ignoravit quis v. g. Mytherium aliquod necessarium necessitate medii, & confessus eo tempore absolutionem recepit invalidam; post aliquot annos de eodem Mytherio instructus pluries peccata deposuit, nec tamen confessiones ante factas iteravit, quia nesciebat iterandas; comperit tandem invalidas fuisse prævias instructioni suæ confessiones, satis est ut eas repetat; quia validæ fuerunt confessiones subsecutæ, & peccata præcidentia indirecte deleverunt; eadem tamen peccata clavibus subjici debent, quia sic a Deo constitutum est.

Idem contingere potest iis, qui ad Deum serio conversi, post aliquot a conversione annos deregunt ex librorum quorundam lectione se pluries invalide fuisse absolutos; aut qui recordantur se olim aliquod cessasse peccatum, quod tempore conversionis non expressere, quia ejusdem oblii; ita Lugo disp. 16. nu. 599. neque id improbat, sed potius probat, Ethica amoris nu. 2381. modo obliio hæc, inquit, non fuerit culpabilis saltem graviter. His ergo satis est, ut confessiones, quæ conversionem præcessere, repetant. Idipsum docet auctor Libri, cui titulus: *Le Directeur des âmes penitentes*, quod opus Doctores multi strictiorum opinionum affectu nobilibus suffragiis decorarunt. Eadem de causa, qui retineat etiam ex verecundia peccatum aliquod, quod pro levi habebat; com esset grave, ad hujus confessionem, non ad iterationem totius confessionis adigi debet, si inculpate erravit circa naturam peccati hujus, quod eruditius contingere potest. Inculpate autem errasse censetur, qui sic affectus erat ut maluisset mori, quam grave peccatum culpabiliter retinere.

Quæres 3. an ad totam confessionem teneatur, qui certas tantum suppressit circumstantias, v. g. circumstantiam scandalii.

R. Si id factum sit sine culpa mortali Pœnitentis, qui ea de re nec instructus fuerit, nec interrogatus a Confessario, quod sæpius contingere competitum est, satius esse ut caute suppleatur, quod minus caute omis-

omissum est. Sunt quidem aliquæ circumstantiæ, quæ vix indicari possunt, quin totius vitæ confessiones pene integre repetantur; ut patet in opinione eorum, qui circumstantiam temporis festivi necessario exprimendam censent cum Henrico a S. Ignatio. Docet tamen Theologus ille tom. 2. p. 121. Non inquietandos esse Fideles, qui circumstantiam hanc in præieritis confessionibus omiserint; quia, inquit, *id posset esse valde nocivum profectui spirituali plurimorum*. Idem & nos utcumque docuimus alia de causa in Tract. de Peccatis, append. de Circumstant. atque id a simili confirmari potest ex Doctrina Ritualis Parisiensis editi a Card. Noalio, ubi tit. de Sacrament. Pœnit. p. 89. sic legitur: *Si Pœnitenti occurrat peccatorum numerus, qui probabiliter judicetur ad verum accedere, is etiam sufficiens, ac licet peracta Confessione recordaretur pœnitens veri ac certi numeri, non debet esse anxius de illo iterum in alia confessione aperiendo, sed liber erit ab illa obligatione per illum numerum probabilem ante expressum; quia scilicet ex eo satis intellexerit confessarius statum Pœnitentis*.

Quæres 4. an iteranda sit confessio facta ei, qui jurisdictionem non habebat.

R. Vel Confessarius omni carebat jurisdictione; & tunc iteranda est confessio eidem facta, non autem subsequentes propter allatas supra rationes; vel Confessarius aliquam, sed non omnimodam, habebat jurisdictionem, puta quia pro reservatis approbatus non erat, & Pœnitens bona, ut supponimus, fide, quædam reservata confessus est, quædam minime reservata; & tunc divisi sunt Theologi. Alii absolutionem tunc datam valere putant directe quidem quoad non reservata, indirecte vero, quoad reservata, unde sequitur confessionem, quoad minime reservata iterandam non esse, sed solum, quoad reservata, non ut dimittantur, cum jam dimissa sint, sed ut satisfiat reservationis scopo. Ita sentit Lugo disp. 16. n. 598. Navarrus in summa cap. 9. nu. 6. ubi omnes de hoc convenire dicit, Sylvester, Tabiena, Fumus in Armilla, & alii, quos citat nec improbat Cabassutius Lib. 3. cap. 11. n. 6. in fine.

Alii contrarium tenent cum Haberto cap. 7. de Pœnit. q. 7. quia Tridentinum sess. 14. cap. 7. docet & nullius momenti absolutionem eam esse debere, quam Sacerdos in eum profert, in quem ordinariam aut subdelegatam non habet jurisdictionem; & puros Sacerdotes extra necessitatis articulum nihil posse in casibus reservatis.

Sed 1. non dicit Concilium Sacerdotem approbatum pro non reservatis; nihil posse in Pœnitentis personam, sed nihil posse in casibus reservatis; quod ut verum sit, satis est ut Sacerdos non possit per se & directe absolvere a reservatis, licet ab iis aliquando indirecte absolvere possit. Puta cum eorum inculpate oblitus est Pœnitens. Ita Suarez disp. 31. de Pœnit. sect. 3. & vero si Confessarius omni in Pœnitentem reservata habentem jurisdictione careret, Pœnitenti, qui in ipso confessionis fine reservatum aliquod confiteretur, tota sua confessio iteranda esset ei Confessario, cui facta est, postquam etiam a superiore obtinuit facultatem absolvendi a reservatis; quod a communi praxi alienum est.

2. Ut fatetur ipse Habert ibid. opinionem suam emolliendo, juxta communem sententiam, (cui eo ipso consentire censetur Superiores, quo ei non contradicunt, cum eam ignorare non possint) in casu necessitatis inferior valide & licite absolvit directe quidem a non reservatis, indirecte vero a reservatis, pro quibus

*bus Pœnitens Superiorem postea adire tenetur. Quæ autem major necessitas absolvendi saltem indirecæ a reservatis, quam cum Pœnitens propter invincibilem oblivionem non potest ea confiteri? Peccata, quæ post diligens examen memorie non occurrunt, per absolutionem indirecæ remittuntur juxta doctrinam Concilii Tridentini, nec in ejusmodi necessitate obligat præceptum divinum confitendi omnia & singula peccata mortalia. Porro si Deus sic peccatoribus indulget, nec ratio nec justitia dubitare sinunt, quin fuerit eadem Superioris intentio, ac voluntas, cum casus sibi reservavit, ut ab eo casu inferior indirecæ absolvere possit, qui inculpate e memoria excidit. Hæc ille: sed quidni pari de causa idem dicatur cum pœnitens peccatum suum confessus est, & Sacerdos ex inattentione, quæ attentiores quandoque invadit, non animadvertit illud esse reservatum, aut credidit necdum finitam esse, quæ sibi ad tempus concessa erat, reservata dimittendi facultatem; aut demum pœnitens peccatum illud celare potuit, puta quia cum gravi fundamento verebatur, ne Sacerdos inde animum sumeret vel peccandi, vel pœnitentem occidendi, vel prodendi secretum? Idem pro casu inculpatae oblivionis vel ignorantie docet Paulus a Lugduno T. 5. p. 386.*

Ex prima repositionis nostræ parte sequitur invalide absolutum iri, qui nonnisi reservata Sacerdoti pro reservatis non approbato peccata subiceret: quia nihil subiceret, in quod jurisdictionem directam haberet Sacerdos. Verum de his deundis Theologi, ubi de pœnitentia, qui omnes extricant se ut possunt.

Quæres 4. an iteranda confessio, cum pœnitens imposita pœnitentiæ defuit; aut hæc ei excidit e memoria.

R. ad 1. Si pœnitens, quo tempore absolutionis beneficio donatus est, intenderit non implere pœnitentiam, confessio invalida fuit, & iterari debet. Si vero serio intenderit exequi pœnitentiam, cui deinceps voluntate in malum versa defuerit, expendendum est, quo tempore malæ huic voluntati cesserit. Si brevi post absolutionem tempore, dubia admodum est ejus conversionis sinceritas; quia sincere conversus remedia a Confessario præscripta non negligit saltem in continenti; (nisi forte extraordinaria quædam supervenissent, ut iter festinum, &c.) Si vero nonnisi post tempus satis longum, duos v.g. aut circiter menses; aliter dicendum erit; quia absolutio impeccabilem non facit, nec impedit, quin firmiora proposita tandem evanescant.

Ad 2. respondet post Vasquez Lugo disp. 25. n. 87. Pœnitentem, qui ad Confessarium recurrere nequit, haud teneri ad iterandam confessionem, etiam si culpabiliter oblitus fuerit pœnitentiæ prioris. Tunc enim, inquit, satis erit culpabilis hujus oblivionis peccatum confiteri. Idem docet Henno Tom. 8. p. 217. ubi addit pœnitentem hoc in casu satisfacere debere, prout sibi prudenter omnibus attentis visum fuerit. Aliter sentit Pontas v. *Penitence enjoimée* cas. 5. cujus opinioni ut multo tutiori adhærendum; quia satisfactio, de qua nunc loquimur, & virtute clavium imponi, & Sacramenti completiva esse debet: neutrum autem ei competit pœnitentiæ, quam sibi pro libito imponit pœnitens; & idcirco fatentur omnes eum non posse in aliquid etiam melius impositam sibi pœnitentiam commutare. Vide Lugo disp. 25. n. 95.

Quæres 5. an, qui suam sibi vult pœnitentiam commutari, confessio nem iterare debeat.

R. 1. pœnitentiam, si salutaria sit & conveniens, non posse in aliam, quæ

quæ etiam conveniat, & salutaris sit, five ab eodem Confessario, five ab alio mutari; tum quia nulla est illius mutandæ causa; tum quia Deus alligando in cælis, quæ alligata sunt in terra, sanxit, ut quæ præcepit Confessarius clave non errante, observentur a pœnitentibus. Itaque tunc solum pœnitentiæ mutationem exigere potest pœnitens, cum hæc ob supervenientes circumstantias sit animæ vel corpori moraliter periculosa; aut acerbior est quam par sit, ut jejunium in pane & aqua pro verbo otioso; aut sine infamia impleri non potest, aut demum, ait Pontas v. *Penitence enjoined* cal. 4. alia speratur *utrior futura*, qualis ut præsumatur, videtur sufficere ut cum multo majori animæ gaudio implenda sit; modo tamen semper sit delicto proportionata.

R. 2. Vel pœnitentia ab eodem, qui eam imposuit, Confessario mutari debet, vel ab alio. Si ab eodem, necesse quidem est ut hæc mutatio fiat in alia confessione, quia agitur de actu judiciali & uso clavium, qui nonnisi in tribunali exercetur; at non opus est nova eorumdem peccatorum confessione, si Sacerdos adhuc memoria quadam confusa, qualem pene necessarius habent, qui multas excipiunt confessiones, recorderetur statum pœnitentis. Addit Simonet Tom. 9. p. 300. nec nova opus esse absolutione: *saltem si hæc commutatio fiat non diu post priorem confessionem & absolutionem*; quia, inquit, *commutatio sic facta, cum absolutione prius data efficit unum & idem moraliter iudicium totale & integrum, ac proinde unum cum ea Sacramentum*. Illud vero, non diu post, alii determinant ad spatium mediæ horæ, alii ad unum diem, alii ad triduum, alii ad dies octo, alii cum Lugo ibid. num. 112. ad spatium multo longius. Mihi quidem, si pœnitens alia habeat peccata, quæ deponat, satius videtur ut nova donetur absolutione, quæ & in peccata hæc cadat, & in ea, quibus imposita erat satisfactio, de cujus commutatione agitur. Unde novo circa antiquiora hæc peccata contritionis actu opus erit.

Sed si pœnitentia ab alio Confessario mutanda sit, necessum est, quidquid sentiant Navarrus, Toletus, & alii plures, quos congerit Diana, ut nova fiat ei confessio peccatorum, pro quibus imposita fuit hæc pœnitentia. Ratio est 1. quia pœnitentia sacramentalis debet imponi per modum iudicii: porro iudicium hoc prærequirit accusationem pœnitentis, quæ in ipsa confessione fita est; quia pœnitentia imponi debet, quæ conveniens sit & salutaris: ad hoc autem necesse est ut causa quantum satis est, cognoscatur; quod nonnisi per confessionem fieri potest.

Dixi, quantum satis est, quia, ait Habert pag. mihi 340. non requiritur ut iteretur confessio integra, & singula peccata quoad speciem & numerum exponantur, sed satis est, si summam declarantur graviora peccata & peccandi consuetudo, propter quæ verisimiliter gravior hæc pœnitentia injuncta est. Atque hæc decisio, quæ mitior videri possit, hinc confirmari potest, quod qui multas tota hebdomade confessiones audiunt, & generalem in uniuscujusque sine pœnitentiam imponunt, nonnisi summam cujusque pœnitentis statum sibi revocant. Unde si ex statu & testimonio pœnitentis intelligat secundus Confessarius, parem plus vel minus fuisse statum pœnitentis, cum ei a priori Confessario injuncta fuit pœnitentia, quam sibi commutari optat, non alia opus est confessione.

Duo hic exurgunt dubia, an possit inferior mutare pœnitentiam a



Superiore pro reservatis impositam; 2. an pœnitens, qui eandem apud alium iterat confessionem, eo ipso sit a priori pœnitentia immunis, quo novam recepit a secundo Confessario.

R. ad 1. negat. cum Suarez disputat. 38. sect. 10. num. 13. Lugo ibid. num. 105. Ethica amoris cap. 210. Paulo Lugdun. & aliis pluribus: 1. quia inferior qua talis non potest moderari legem impositam a Superiore qua tali: porro pœnitentia pro reservatis imposita est a Superiore qua tali; ergo mutari nequit ab inferiore, nisi is quoad hoc fiat æqualis Superiori, per acceptam ab eo potestatem; 2. quia secundus Sacerdos non potest mutare priorem pœnitentiam, nisi quatenus potest novam proferre sententiam, perinde ac si esset prima; sed qui pro reservatis approbatus non fuit, non potest oblatam sibi causam iudicare velle, perinde, ac si esset hæc prima ejusdem causæ cognitio & sententia; ergo hoc sensu falsum est, quod objicit Habert, reservationem in solum cadere peccatum.

At, inquires, si votum castitatis mutatum sit in materiam minime reservatam, poterit hæc a quocumque Confessario mutari: ergo a pari.

R. neg. conseq. Superior enim cum materiam unam commutat in aliam, nec sententiam fert, nec præceptum imponit, sed consentit tantum ut unum solvatur alterius loco, perinde, ac si unum illud Deo promissum fuisset: at vero in nostro casu Superior & legem & sententiam tulit, quæ ex natura rei, nonnisi æquali auctoritate limitari aut corrigi possunt.

R. ad 2. negat. sententia enim legitime lata subsistit donec revocetur & ergo necessaria est ex parte Confessarii, sive is idem sit, sive alius, intentio eam revocandi, ac proinde de revocatione hac seu partiali seu totali pœnitentem a Confessario moneri oportet. *Cæterum*, ait P. Antoine Tom. 4. p. 300. *ne prius Sacramentum sua integritate privetur, relinquendum est aliquid ex priore pœnitentia præstandum*; aut saltem id expedit, ait Simonet ubi supra, de quo vide Lugo ead. disp. 25. num. 102. quicum ibid. n. 114. addiderim fieri posse ut secundus Confessarius non possit sine gravi peccato pœnitentiam a primo impositam mutare, si nimirum hæc adeo præservativa sit, ut eam pœnitens secluso etiam Confessarii præcepto sibi imponere teneatur: secus si pœnitentia præservativa possit mutari in aliam æquivalentem quoad effectum, & quæ eo sensu utilior futura sit, quod fidelius & sanctius implenda.



## P A R S S E C U N D A.

### De Statu & Obligationibus Religiosorum.

**T**Ria erunt secundæ hujus partis capita. Primum expendet conditiones & onera Novitiorum; secundum substantiales Religiosi hominis obligationes; tertium cætera, vel potius præcipua quædam ejusdem Officii tum in ordine ad Deum, tum in ordine ad Episcopos. Horum autem cognitio, non iis tantum, qui Religionem amplexi sunt, sed & sæcularibus etiam Præbyteris necessaria est, cum seu in itineribus,

bus, seu in stationum decursu confessiones Religiosum excipere teneantur. Hæc tamen, quam brevissime fieri poterit, expediemus.

## CAPUT PRIMUM.

*Expenduntur qualitates & onera Novitiorum.*

**S**tatus Religiosus est stabile vitæ institutum, approbatum ab Ecclesia, & tendens ad perfectionem jugiter acquirendam per solemnia vota, castitatis præsertim, paupertatis, & obedientiæ. Colligitur ex S. Thoma 2. 2. q. 196. art. 1. 2. & 3.

Dicitur 1. *institutum stabile* : etsi enim nomen *status*, quandoque conditionem transitoriam exprimit, quo sensu dicimus, statum innocentiae, statum virginum, &c. stricte tamen a S. Thoma, & Theologis accipitur pro *immobili vitæ conditione*. Talis autem est conditio Religiosorum, saltem ex eorum parte, quia licet aliquando a Superioribus dimitti possint; ipsi tamen jugum excutere non possunt : id vero sufficit, ut firma sit eorum conditio, prout a simili patet in servis, quorum fors ubique censetur esse stabilis, quia etsi a dominis manumitti possint, haud tamen possunt propria sponte discedere.

Dicitur 2. *approbatum ab Ecclesia*, seu, ut hic intelligitur, ab Apostolica sede. Etsi enim sola Episcoporum approbatio, vel non repugnantia, satis olim fuerit ad erectionem Monasteriorum, prout pluribus ostendit Pontius Lib. 7. de Matrim. c. 11. sanxit tamen & merito Concilium Lugdunense II. sub Gregorio X. ut nulla jam exurgeret Religio, nisi approbante Papa. Unde non valerent, saltem ut solemnia, vota, quæ quis alioqui emitteret.

An autem valerent ut simplicia, controvertitur. Negant Cajetanus 2. 2. q. 88. art. 9. Lessius Lib. 2. cap. 41. dub. 1. n. 14. & alii quidam : 1. quia, quod de jure nullum est, nullum parere potest effectum; 2. quia, qui sic vovet, non alia intentione vovet, quam ut fiat Religiosus; ergo si non obligetur ad Religionem, ad nihil obligabitur. Aliter sentiunt Navarrus, Sanchez, Azor, & alii, quos sequuntur Salmanticenses Tract. 15. c. 4. n. 35. 1. quia actus, qui non valet ut fit, valet ut potest, ex cap. unic. *De despons. impub. in 6.* ubi matrimonium impuberis, etsi non valeat in ratione matrimonii, propter defectum ætatis, valet tamen in ratione sponsalium, quæ ab impubere contrahi possunt; 2. quia si, quod nullum est, non in eo solum genere, in quo nullum est, sed in alio quocumque prorsus nullum pareret effectum, professio conjugati absque consensu uxoris facta, utpote nulla, ad nihil obligaret : atqui salum consequens ex cap. 12. *De convers. conjugat.* ubi, qui sic professus est, nec debitum petere posse, nec post uxoris mortem ad alias posse transvolare nuptias declaratur; ergo & in proposito casu, nisi oppositum de intentione voventis constet, debet in censi votum simplex emisisse; quia tamen res nonnihil habet dubii, votum hoc ab Episcopo etiam quoad castitatem relaxari poterit.

Dicitur 3. *tendens ad perfectionem*, unde status is vocatur a S. Thoma Scholare

Scholare seu Schola perfectionis adipiscendæ ; quo titulo distinguitur ab Episcopatu , qui status est perfectionis aliis impertiendæ , & ideo jam acquisitæ , uti docet idem S. Thomas 2. 2. q. 184. art. 6. ne tamen hinc inferas eum , qui Religionis ingressum vovit , voto satisfacere acceptando Episcopatum ; quia Episcopatu licet perfectiori multa inhærent pericula , quæ humilis Religio facile devitat . Vid. Suarem Tom. 3. lib. 1. c. 18. n. 7. & seq.

Dicitur 4. *per solemnia vota castitatis* , &c. per quæ nimirum non modo præceptis , sed potioribus Evangelii consiliis homo se sponte devovet , & tria hæc Christi sequitur : *Vade , & vende omnia , quæ habes* , Matth. 19. *Qui vult venire post me , abneget semetipsum* , Matth. 16. *Sunt Eunuchi , qui se ipsos castraverunt propter Regnum Cælorum* , Matth. 19. Cæterum vox *solemnia* , si de solemnitate substantiali intelligatur , moraliter accipienda est . Prima enim Jesuitarum vota , & simplicia sunt , & eisdem vere , & *proprie Religiosos* constituunt , ita ut si a Societate deficiunt , excommunicationi , & aliis Apostatarum penis sint subiecti ; prout statuit Gregorius XIII. per Bullam : *Ascendente Domino* ann. 1584. Porro tribus prædictis votis alia junguntur speciali Monasteriorum lege , ut votum vitæ quadragesimalis in Religione S. Francisci de Paula .

Hinc colliges 1. cum Henno Tom. 5. Tract. 3. q. 1. & Salmanticensibus ibid. c. 1. n. 16. graviter adversus substantialem status sui perfectionem delinquere Religiosum , qui ad perfectionem tendere negligit , & Ordinis sui regulas , & leges quasi frivolæ , & inutiles abjicit , & dedignatur . Hæc sententia , ait Navarrus , multis est formidanda Religiosis , qui nec actu nec virtute proficiendi animum habentes , non curant abundantiorē , quam sæcularium bonæ frugis Clericorum , justitiam assequi . Et hoc imprimis ponderare debent , qui de amplectenda Religione cogitant ; ne forte cum aliis dicant aliquando saltem in praxi : *Sufficit nobis , nolumus esse meliores , quam Patres nostri* . Hos utique S. Bernardus fulminea hac voce obrueret : *O Monache , non vis proficere ? vis ergo deficere ? nequaquam . Quid ergo ? Sic , inquis , vivere volo , & manere , in quo perveni ; nec pejor fieri patior , nec melior cupio : hoc ergo vis , quod fieri non potest* .

Colliges 2. eos , quibus Candidatos admittere licitum est , ( quales sunt Abbates , Guardiani , Priores , Rectores ; nisi aliud serat specialis Monasteriorum Constitutio ) graviter peccare seu eos , qui digni sunt , excludendo , seu eos passim , & temere admittendo , quos constat in amplexu crucis non ipsam crucem quærere , sed id moliri solum , ut vel inopie , vel paternæ vexationi se subducant , vel inconsulti , & labilis fervoris imperium sequantur . Merito igitur Nicolaus III. capit. *Exiit* , 3. *de verbo signific.* in 6. eos solum admitti jubet : *qui suffragantibus eis litteratura , idoneitate vel aliis circumstantiis , possint utiles esse Ordini , sibi que per vitæ meritum , aliisque proficere per exemplum* .

Porro idoneitas a prædicto Pontifice requisita , multa requirit . Unde generatim loquendo a Religione excludi debent . 1. decrepiti senes , alii que quotquot eo usque viribus efforti sunt , ut regulæ pondus ferre nequeant . Multo magis excludendi sunt furiosi , & amentes , quibus nequidem prodesse annorum 40. Novitarius ; quem proinde , si rediret ratio , de novo inchoare tenerentur .

2. Servi seu mancipia ; servus enim se totum domino debet , eique furtum facit sui , si alii cuicumque se dedat . Si tamen servus intra triennium ; a die , quo dominus receptionis ejusdem notitiam habuit computandum , non repetatur : *postea quæri* , seu repeti non potest . sed tantum ea , quæ in Monasterium adduxerit , cap. 3. xvii. q. 2. An autem si servus intra triennium professus fuerit domino nesciente , valeat professio , controvertitur . Valere contendunt S. Antoninus 3. p. tit. 16. c. 3. Lessius lib. 2. cap. 41. dub. 3. n. 31. & alii plures . Unde eum , si a domino repetatur , castitatem servare ; si vero deinceps dimittatur , Religionem regredi debere concludunt . Contrarium tenent Azor. lib. 12. cap. 1. q. 3. Sanchez , Bartholom. a S. Fausto lib. 5. q. 131. quia , qui tradit alteri , quod suum non est , invalide tradit . Hæc opinio videtur secuta . Haud tamen negandum quin servus ille ad castitatem teneretur , sicut a simili diximus de conjugato , qui invita uxore professus est . Ita idem Bartholom. q. 132. Sylvius hic q. 189. a. 6. excipe nisi privata obstitit intentio .

3. Conjugati post consummatum matrimonium , nisi pars altera consentiat , & vel ipsa Religionem profiteatur , si juvenis sit ; vel si jam ætate provecta , votum emittat castitatis , & quidem perpetuæ , secundum id cap. 1. *De convers. conjug. Nisi uxor ad Religionem transierit , aut perpetuo castitatem servare promiserit* . An hæc data occasione locum habere in Galliis , definire non ausim : quandoquidem circa an. 1660. N. de Villemonte , uxore in sæculo permanente ad Episcopatum Macloviensem promotus est , contra dispositionem cap. 6. *De convers. conjug.* De casibus , qui hic scarriunt , adi interpretes in cit. tit. & Barthol. a S. Fausto eod. lib. 5. a q. 55.

4. Qui debitis , & ære alieno gravati sunt : qua de re vide , quæ dixi Tom. 1. 355. alias 345.

5. Ii , quorum parentes versantur in extrema aut gravi necessitate , cui filius suis labore , & industria occurrere possit : Nisi , ajunt Salmaticenses ibid. cap. 3. n. 50. filius in sæculo remanens grave , & proximum incurrat mortaliter peccandi periculum : quia si quisque propriam debet vitam exponere , ne in æternum pereat , potest & eos , qui arctiori sibi nexu cohærent , eadem de causa deserere . Hunc quidem casum pene metaphysicum esse docet Suarez Tom. 3. lib. 5. c. 5. n. 32. sed alii moralem censent , imo non infrequentem præsertim in puellis , quas plerumque divitiis viris prostituunt parentes , ne sub inedia fatiscant . Ut ut est de frequentia vel raritate hujus casus , certum est summa opus esse prudentia , & attentione , ut permittatur filiis a patre graviter egente discedere : neque id esset permittendum , nisi periculum salutis æternæ incurrerent ex circumstantiis ab obsequio paterno inseparabilibus . Hæc porro locum habent in filiis & illegitimis , & emancipatis , & qui Religionis ingressum vovissent : quia non est melius ingredi Religionem , quam patri avo etiam vel proavo , fratri item aut sorori graviter indigentibus providere .

6. Eadem de causa : non licet alicui filios habenti Religionem ingredi ; omnino prætermissa cura filiorum , id est non proviso qualiter educari possint . Ita S. Thomas 2. 2. q. 189. art. 6. hinc Gangrense Concilium apud Gratian. disp. 30. cap. 14. *Si quis dereliquerit proprios filios suos , & non eos aluerit . sed sub occasione continentiae negligendos putaverit , anathema* .

*sistema sit, & vero, qui suorum, & maxime domesticorum curam non habet, fidem negavit; & est infidelis deterior.* 1. Timoth. 5. 8.

7. Etsi olim viri etiam publice facinorosi ad Religionem admissi sint eo principio, quod peccatores, & publicanos ad se vocaverit Christus: nec ei *obserandum sit claustrum, cui Deus aperit Cælum*, id tamen merito prohibuit Sixtus V. per Bullam: *Cum de omnibus*, quia teste plurium annorum experientia, hominum sceleri assuetorum receptio funestos omni ex parte exitus habere consueverat. Imo pluribus in Monasteriis perpetua lege sancitum est, ut ne ii quidem admittantur, quorum parentes aliqua notantur infamia, quive a mancipiis, Judæis, Turcis originem ducunt.

His remotis obicibus, quos levi calamo delibare cogimur, & supposito ardenti ferendæ crucis desiderio, quædam circa Novitiatum instituendæ sunt, & solvendæ quæstiones, & id quidem juxta Theologiam Regularium, quibus hac in parte plenior fides haberi debet.

Quæres itaque 1. qua ætate Novitiatus inchoari possit.

R. posse ab iis inchoari, qui pubertatem nacti sunt; sed hac lege ut: *in quacunque Religione tam virorum quam mulierum professio non fiat ante decimum sextum annum expletum.* & professio antea facta sit nulla. nullamque inducat obligationem ad alicujus Regule, vel Religionis, vel Ordinis observationem, aut ad alios quoscunque effectus. Ita Trident. Sess. 25. cap. 15. *De Regularib.* idem præcipit Constitutio Regia Blesensis art. 28. An in Ordine militari possit quis an. ætatis 13. profiteri, ut docet Azor, discutient ii, quorum interest.

Quæres 2. quanto tempore Novitiatus debeat perdurare.

R. cum Trident. ibid. non posse valide ad professionem admitti, qui *minore tempore, quam per annum, in probatione steterit.*

Debet ergo probationis annus esse omnino integer, unde si vel una desit hora, (imo vel quadrans, ait Reiffenstuel in tit. 31. lib. 3. Decretal. n. 94.) si v. gr. nona profiteatur, qui habitum suscepit decima, irrita est professio, prout contra paucos sentiunt communissime cæteri Doctores. Unde in re tanti momenti, non fiat, quod vulgo dicitur, diem inchoatum haberi pro completo. Multo minus admittendum, quod dicant aliqui, nullam in anno Bissextili habendam esse rationem diei supperadditæ; quasi vero hæc ad hunc annum necessaria non sit. Imo Fagnan. in cap. *Ad nostram, De Regularib.* annum hic intelligit non civilem, & politicum, qui diebus 365. constat, sed solarem, qui sex insuper horas habet. Unde melius, & tutius sibi suisque provident, qui Novitium non eadem, qua vestitus est, die, sed sequenti ad professionem admittunt. Idem servandum in ætate ad Ordines, & ad professionem requisita. Quapropter an. 1680. vetuit Senatus Aquilexientis, sub pœna temporalis occupandi, ne ulla Communitas quempiam ad vota admitteret ipsa nativitatis suæ die: idque, ut notat Hericourt, eo est æquum magis, quod hora, qua puer natus est, Baptismalibus registris inseri non consuevit.

Debet insuper annus probationis continuus fuisse, non interruptus, tum quia quoties in jure certum tempus exigitur, debet illud esse continuum; tum quia ita habet consuetudo, æqua legum interpres; tum, quia si Novitiatum intermittere liceret, non posset Candidatus Religionis

austeritates experiri : multo enim difficilius est solitudinem , silentium ; jejunia diebus continuis centum servare , quam interpolatis : ut bene Lessius lib. 2. c. 47. n. 59.

An autem requiratur continuitas physica , an sufficiat moralis , quæ item sit postrema hujus extensio , non conveniunt Theologi.

Et quidem 1. qui injuste expulsus est , & post aliquot menses denuo recipitur , jus habet , ut sibi jam antea exactum probationis tempus computetur , quia nemini nocere potest aliena iniquitas . Imo censent Salmaticenses , alique apud ipsos cap. 3. n. 20. huic computandum esse tempus ; quo extra Religionem mansit . Sed reclamant cum aliis Henno pag. 490. quia is tempore absentiae non fuit moraliter Novitius : & id ut tutius sequeretur in praxi .

2. Non censetur Novitiatum interrupisse , qui non dimisit statum complete . Unde cui vel invito , vel petenti sæculares habitus redduntur ; quique antequam exeat domo , pœnitentia ductus , ad Novitiatum remittitur , eundem continuat . Idem est de eo , qui in Conventu , habitu etiam dimisso , per aliquot dies latitat , donec fausta se dedat erumpendi occasio ; & is enim , si meliores induat animos , nova probatione non indiget . Ratio est , quia ut interrumpatur Novitiatum , necessaria est tum ex parte Novitii , tum ex parte Religionis completa status dimissio ; eaque ad minus , & animum recedendi , & actualem egressum includit ; quo in præsentem locum non habet . Ita Pellizarius Tract. 2. c. 1. n. 37. Suarez lib. 5. c. 15. n. 7. & alii passim .

3. Neque etiam juxta plures Novitiatum interrumpit , qui per aliquot dies exit a Monasterio , dimisso quidem habitu ut liberius vagetur , aut mali quid faciat , sed servato semper animo redeundi . Rationem dant , quod contrarium , & nimis rigorosum sit , & nulla lege præceptum , & aliunde Novitiatus continuetur tum in animo redeundi , tum in intentione debitam prævæ huic agendi rationi pœnam subeundi . Monet tamen Henno ibid. quod in Religione Seraphica Novitius e Conventu discedens seu servato seu dimisso habitu , præsumatur in exteriori foro Novitiatum interrupisse .

Præcipua difficultas est an interrumpatur probatio , si Novitius ; dimisso habitu , & sine animo redeundi , per breve tempus exierit e Monasterio , & ad id deinceps precibus atque lachrymis admitti mereatur .

Divisi sunt Theologi . Alii censent Novitiatum non debere repeti , si Candidatus per tres tantum , quatuorve dies , aut ad summum quinque abfuerit : hæc enim , inquiunt , paucorum dierum interpolatio moralem interruptionem non facit ; nec impedit , quin Novitium Religio ; & Religionem Novitius experiri potuerit . Alii Novitiatum de novo inchoari volunt , etiamsi una tantum dies extra domum transacta fuerit ; nisi Novitius cum animo non redeundi servaverit habitum Religionis , quia ut intra domum perseverat Novitiatus , etsi Novitio fixum sit , & propositum exire , sic , & extra in ipsa habitus gestatione utcumque perseverat idem Novitiatus . Ita Salmaticen. cap. 3. n. 19. Alii deum generaliter , & indistincte docent interruptum esse Novitiatum , quia ad hoc satis est , ut quis & exierit , & exierit animo non revertendi . Atque hanc esse mentem Sacræ Congregationis hinc patet , quod olim

consul-

*consulta a Procuratore Generali Ordinis Minorum... an Novitius, qui a Monasterio, ut aliam in Religionem ingrederetur, abierat, ac duas tantum horas in alio Conventu moram traxerat, ac statim deinde facti poenitentis reversus fuerat, teneretur incipere novum annum probationis: respondit, teneri ab eo die, quo rediit. Ita refert Fagnan. in cap. ad nostram, de Regular. n. 27. idem tenent Sylvius Resol. var. v. Novitius 111. p. mihi 603. Pontas eod. v. cas. 2.*

Si quis tamen pari in casu ad vota admittus fuerit, haud statim eadem invalida esse pronuntiare auserim, sed eadem elapso a reditu Novitii annorum communitate renovari curarem, quo omnis tolleretur scrupuli, tentationisve occasio.

An autem Novitiatum immediate sequi debeat Professio, nova est inter Regulares controversia. Negant Salmanticenses ibid. num. 22. adeo ut velint valere professionem etiamsi Candidatus biennium in domo paterna etiam sine animo redeundi transegerit: modo tamen nulla in ea supervenerit mutatio notabilis; alioqui enim cum omnibus dicitur ibid. num. 22. non valere priorem Novitiatum. Ratio eorum est, quod tunc sit, Professioni praevisse annum integrum, & continuum, quo & Religio, & Novitius se mutuo probare.

Verum hæc opinio, ut quæ admodum periculosa sit, non videtur in praxi tenenda, quia nonnunquam in parvo tempore magnam rerum mutationem fieri posse certum est, ut bene Suarez L. 5. c. 15. num. 8. & vero quandoque deterius potest quis duas intra horas mutari, quam, alter decennio: quis porro hominem, qui decenium a completo Novitiatu in sæculo egerit, admittere auserit ad professionem? Aliud esset si quis vel a parentibus per vim abductus fuisset e Conventu; vel invalida emisisset vota, quia qui vivit in habitu & actione Professi Novitiatum moraliter continuare censetur.

Si Novitius toto probationis tempore ægrotaverit, & tandem convalescat, fatentur plerique eum recipi posse, quia neque necessum est singulas eum Regulæ austeritates experiri, neque extra probationem fuisse dicendus est, qui in multis obtemperare potuit Religioni, & cujus indolem experiri potuit Religio. Hinc qui toto Novitiatus decursu carnes comedit, potest juxta Navarrum L. 3. consil. tit. de Regular. cons. 32. alias 43. profiteri in Ordine, ubi carnibus vesci illicitum est.

Idem docent Salmanticenses n. 26. non de eo solum, qui per 30. aut 30. dies amentia correptus fuisset; hoc enim alii non illibenter fatentur: sed de eo, qui in hoc statu per novem decemve menses versatus esset. Verum hæc opinio a pluribus aliis rejicitur & merito; quia est id materialiter prorsus Novitiatum peragere: unde supplendum esset tempus amentiae furorisve durationis correspondens. Imo in primo morbi casu, etsi minus rigide agendum esset, nonnihil probationi dandum videretur, ne is, quem deinceps emissæ professionis poenitere potest, se ex misericordia crudeli ad vota admittum fuisse conqueratur.

Quæres 3. ubi, & quo habitu transigendum probationis tempus.

R. Ad 1. Censuit Azor. Tom. 1. Lib. 12. cap. 2. q. 8. Novitiatum ubicumque, etiam in domo sæculari peragi posse de licentia Superioris. Verum opinionem hanc merito ut veri minus similem, rejecerunt alii plures. Unde generaliter statuendum est Novitiatus locum esse aliquam e domibus Ordinis, in quo quis profiteri intendit: idque definit Sacra

Congregatio apud Sanchez, L. 5. Sum. c. 4. & alios. Profecto, qui ex-  
tra Monasterium veritatem, nec satis Religionem probat, nec ab ea satis  
probat. Fatentur tamen Regulares, eum qui per duos, aut tres menses  
ex Superioris licentia, bene vel male concessa, foris degeret, seu intuitu  
lanitatis, seu recreandi animi causa, non interrompere Novitiatum.

R. Ad 2. probationem in ipso Ordinis habitu peragendam esse; haud ta-  
men id ad essentiam Novitiatus necessarium videri; unde ex Superiorum dispen-  
satione aliter fit in Anglia & Hibernia, ubi Jesuitæ, Benedictini, & Recolle-  
cti Novitios suos probant in habitu seculari, nimine reclamante. Henno p. 485.

Quæres 4. quæ sint Novitiorum obligationes.

R. 1. Eos ex gravi quadam decentia teneri ad obsevantiã regulæ,  
1. quia dignum est, ut qui similem cum aliis vitam suscipiunt, similem  
sentiant in legibus disciplinam, c. 3. *De statu Monach.* 2. quæ alio-  
qui mala sua agendi ratione scandalum darent: haud tamen subjacent vel  
votis, quæ necdum emisere, vel Officiorum recitationi, quæ in solos  
Professos cadit, vel censuris in delinquentes latis, ( nisi exprimat in  
specie ) quia licet in favorabilibus veniant nomine Religiosorum, non ta-  
men in odiosis, quæ restringi conveniunt.

R. 2. Eisdem subijci Superioribus eo ferme modo, quo Episcopis Cleri-  
ci subjacent: quia non alia conditione recipiuntur; & vero alioqui exle-  
ges forent, quia ut plurimum pro tunc ab Episcopali jurisdictione immu-  
nes sunt. Addunt post Sanchez Salmanticenses n. 82. eisdem obgravio-  
rem culpam posse aliquando censuris plecti, non secus ac Clericos ab Episcopo  
& ex censuræ etiam egressos a Religione sequerentur, ut & Clericum  
ab hac in aliam Diocesim profugum sequuntur.

R. 3. Novitium non posse desistere a salubri incepto sine quodam *stabi-*  
*litate*, *levitatis*, & *ignavia* vitio saltem veniali. Quod si amplectendæ  
Religionis votum emisisset, eamque ingressus, sibi que consentaneam esse  
expertus, sponte exeat, vel dolose quærat ejici, videtur mortaliter pec-  
care, eo quod voto fuerit obligatus ad sincere probandum: *finis autem proba-*  
*tionis fit professio, quando per probationem invenitur res probata esse salutaris*  
*& commoda.* Sylvius 2. 2. q. 189. a. 4. Vide Suarez L. 5. c. 11. a. n. 2.

R. 4. Novitium qui bona fide Communitatem ingressus est, non tene-  
ri ad solvendas vitæ vestitusque expensas, nisi id pollicitus fuerit. Ratio  
est 1. quia Religio sponte & libere eos sumptus præstitit. 2. quia Mona-  
sterii bona, vel eleemosynæ, pro Novitiis pauperibus æque ac Professi  
constituta sunt.

Dixi 1. Si bona fide ingressus est, alioqui enim, cum nemini fraus &  
dolus patrocinari debeant, restituere tenetur: quod tamen cum aliis limi-  
tant Salmanticenses n. 74. nisi obsequia ab illo præstita dictis expensis ex-  
æquo respondeant: ad quod necessum est ubi & Monasterium talibus indi-  
geret obsequiis, & hæc ab aliis præstanda non essent.

Dixi 2. nisi id promiserit: valet enim hæc promissio, sicut & ex Tri-  
dentino Sess. 25. cap. 16. de Regul. valet donatio pro vidu, & vestitu.  
Quin & in Monialium Conventibus eadem promissio, licet non expressa  
verbiis, interesse præsumitur, idque sine respectu ullo ad futurum Mo-  
nialis laborem, quæ expensas in omni eventu, & exceptione a se-  
solutum iti spondet. Ita idem ibid. n. 75. cum Sanchez, Pellizzario &  
aliis. Hinc si quis prærogata totius Novitiatus pensione, recedat, aut eji-  
ciatur, id solum ei restitui debet, quod nos consumpsit. Sed & pretium

habitu



habitus, quanti æstimatur, quo tempore recedit Novitius, eidem computari debet, nisi aliter iuste conventum sit. De ceteris adi Suarez, & auctores passim citatos.

## CAPUT SECUNDUM.

*Discutiuntur primariæ Religiosi Professi obligationes.*

**N**ovitiatum sequitur Professio, tacita \* vel expressa: professioem obligatio multiplex & gravis. Major, cæterarumque basis est imposita in Religione, quam quisque professus est, stabilitas. Unde graviter peccat. 1. qui sciens se validam professionem emisisse, aut primo invalidam scienter renovasse, aut dubium esse validene an non Professus sit, reclamatur, quasi nulliter & invalide professus. 2. qui temere a Religione ad Religionem transit.

Quod ad primum attinet, si Regularis prætendat, se per vim, & metum ingressum esse Religionem, aut etiam dicant ante ætatem debitam professum fuisse, aut quid simile, velique habitum dimittere quacumque de causa, aut etiam cum habitu discedere sine licentia Superioris, non audiat, nisi intra quinquennium tantum a die professionis; & tunc non aliter, nisi causas, quas prætenderit, deduxerit coram Superiore suo & Ordinario. Trid. Sess. 25. c. 19. De Regular. Circa hoc decretum quædam animadvertenda.

1. Quinquennium, intra quod reclamare licet, non computatur in multis Galliæ Diocæsisibus a die professionis, sed a die, quo vis, metus, errorve juris aut facti desiere: unde in iisdem Diocæsisibus, qui ex vi vel metu professus est, non indiget per idem quinquennium Pontificio Brevi, quo in integrum restituatur. Ita Gibert in Caballut. L. 1. c. 20. n. vii. & ex exterius plures, de quo vide Bonacinam de clausura, q. 2. punct. 10. diffic. 4. n. 7. Salmantic. c. 5. n. 21. Suarez L. 7. c. 4. n. 6. Imo certæ sunt impedimenta, contra quæ semper reclamari potest, ut si vir invita uxore professus sit; de quo vide Ducasse 2. p. c. 6. n. 6. pag. mihi 154. In locis, ubi invaluit usus, ut reclamandi licentia ab Apostolica sede obtineatur, rescriptum vel a Papa; vel a Legato, vel a Congregatione seu Concilio, seu Regularium obtineri potest, ut notat Durandus Minorita Dissert. Ecclesiast. Lib. 1. c. 27. n. 5. pag. 88.

2. Superior, & Ordinarius, coram quibus causa hujusmodi reclamationis disceptanda sit, sunt & localis Superior Monasterii, in quo emissæ fuit Professio, (non autem vel Provincialis, uti declaravit Congrega-

E A tio

\* Professio tacita tripliciter fieri potest. 1. cum quis ex æcto probationis tempore defert per triduum habitum Professi maiore a Novitiorum habitu distinctum, c. ad nostram, De Regularib. & c. 3. eod. tit. in 6. 2. cum transacto eodem probationis tempore in habitu Religioso, facit quis id, quod solius Professi proprium sit, ut si in capitulo suffragium ferat. Ita colligunt ex cap. 4. De Regularib. 3. cum quis habitum Professi simul & Novitiis communem, vel occultæ solum nota discretum, defert anno toto a finito probationis tempore, cap. ex parte, de Regularib. in 6. & Clement. iii qui, eod. tit. hæc tamen fieri debent & animo profitendi, & de Superioris consensu. Cæterum in hoc Galliæ Regno nulla admittitur tacita Professio, ut bene Caballut. L. 1. c. 20. n. 10. Bannel, & Teneau apud auctorem Libri cui titulus: Traité du droit des religieux sur les Religieux exemptes 7 pag. 72.

tio Concilii an. 1629. vel alius, cujus in domum transferit ille, qui re-  
clamat, & Ordinarius ejusdem Dioecesis. Ita declaravit eadem Congre-  
gatio die 1. Decemb. an. 1593. Ratio fuit, quia *probationes & propositiones ex eodem loco, in quo professum fuit, facilius innascuntur*. Quod si for-  
te eo in loco ob nimiam ejus distantiam agi non possit, *attendendus erit lo-  
cus ultima ejus, qui reclamat, residentia*, ita Cabassut, & Durandus ibid.  
Ceterum nihil proficitur nisi reclamatio fiat simul coram Superiore, & Ordina-  
rio. Ordinarii autem nomine, quo usa est Synodus Trid. veniunt etiam  
Prælati nullius Dioecesis; ii nempe, qui, licet Episcopi non sint, jurisdictione fruuntur quasi Episcopali.

3. Qui reclamat, imprimis cavere debet; ne habitum motu proprio  
dimittat: alias enim, ait Tridentinum ibid. *nullatenus ad allegandum  
quancumque causam admittatur: sed ad Monasterium redire cogatur, &  
tanquam apostata puniatur*. Neque audiendi sunt, qui Religiosum sibi fu-  
ga consulere posse docent, est enim id abusus innumeris janua aperire.  
Si quis tamen post fugam duxisset uxorem, staret matrimonium,posito,  
quod invalida esset professio a parte rei, pura ex defectu consensus inte-  
rioris (de quo tamen ne juranti quidem fides habenda, ut qui nunc, si-  
cut tempore professionis decipere possit) tunc vero omne, quod ex ficta  
professione subit religio, damnum rescirari debet. Qui habitum jura de  
causa dimisit, reclamare potest: idem dic si resumpto, quem temere exue-  
rat, habitu ad Monasterium redeat. Ita multi apud Salmantic. cap. 5.  
num. 14.

An autem, qui reclamare non potest, puta quia invaliditatem probare  
nequit, teneatur ad ratificandam professionem, nec facilis est decisio, nec  
concors omnium sententia. Negant multi, quia grave Religionis onus  
libere acceptari debet. Alii & forte melius inspicere volunt, unde orta sit  
professionis nullitas. Si ab ipso professo, qui sicte consenserit, eam ratifi-  
cari volunt, sicut a pari dicitur in matrimonio. Hic enim intercessit gravis  
contra innocentem injuria, quæ non nisi vero consensu rescirari potest. Si  
vero ex vi, metu, aut ex simili quopiam nata sit prædicta invaliditas, non  
credunt necessum esse ut rata habeatur Professio; quia non est cur idoneis  
& immerito & nolenti imponatur.

4. Reclamatio nec per sola verba, nec per testes solos, qui corrumpi  
facile possent, sed per instrumentum publicum fieri debet. Qua de re  
consule. Ducassium ibid. num. 14.

5. Cardinali Concilii interpretes ex communi omnium sententia consue-  
runt citatum ejusdem Concilii Decretum, vindicare sibi locum non modo cum  
professus nullitatem suæ professionis allegat; verum etiam cum Superiores  
ipsi ex se illum ejicere volunt, tanquam invalide professum; ira approban-  
te Papa judicavit an. 1627. Congregatio Concilii idemque judicium pluries  
renovavit præsertim an. 1653. in una Neapolitana spectante ad Carmeli-  
tas Discalceatos, qui e suis quempiam quasi ex natalium defectu invalide  
professum sine Ordinarii consensu expellere moliebantur. De quo vide Pigna-  
relli Consult. Canon. Tom. 1. Consult. 89. n. 18. & auctorem Tractatus de  
jure Episcop. p. 75. Quod si in hisce negotiis dissentiant a se invicem Ordina-  
rii, & superior Regularis, ad immediatos utriusque Superiores appel-  
landum erit, est enim Concilii mens, ne res illæ uni soliusquam commic-  
tantur; & in causa simpliciter duobus delegata, sententia unius non te-  
net, cap. 17. & 22. *De officio... delegat.*

6. Reclamare potest & is quoque, qui professionem suam valuisse ratus, eandem pluries renovavit; quia renovatio errori innixa nec valet, nec magis ex omnium confesso valere potest, quam valuerit in prima origine: excipe nisi quis hanc eo expresse animo ratificet, ut si aliquo ex capite sibi ignoto nulla fuerit, ratam facere intendat. Porro docent satis communiter Regulares non requiri novum ex parte Religionis consensum, sed solum ex parte illius, qui invalide professus est, eo solo excepto casu, in quo Professio nulla fuerit ex parte recipientis. Vid. Suarem Lib. 7. cap. 1. n. 20. Salmanticenses ibid. c. 4. n. 42.

Quod spectat ad transitum ab una Religione in aliam, is quidem generatim suaderi nequit, cum quia ex Apostolo *unusquisque, in qua vocatione vocatus est, in ea permaneat*. 1. Corint. 17. tum quia, ut solide S. Thomas 2. 2. q. 89. ar. 8. *ex hoc plerumque scandalizantur illi, qui relinquuntur; tum etiam quia facilius proficit aliquis in Religione, quam consuevit, quam in illa, quam non consuevit*; tum denique quia inter laxiores vix ulla est Religio, quæ viros moribus & pietate conspicuos non nutriet, vix ulla, cui vir Sanctus verbis & exemplo proficere non possit.

Quia tamen teste eodem S. Thoma *potest nonnunquam aliquis laudabiliter de una Religione transire ad aliam*, quod & vincit totius Ecclesię praxis, non abs re erit hic paulisper immorari.

Religio ad aliam comparata vel strictior est, vel laxior, vel æqualis. Ad strictiorem transiri posse, positis ponendis, qua est omnium vox; sed quæ debeat strictior judicari, non una est omnium opinio. Alii rigidiores vocant, quæ durior est, & ob mortificationem & exercitia corporis asperior. Alii arctiorem judicant, quæ inspecto fine & mediis ad finem, nobilior est atque perfectior. Et hæc opinio pro qua citantur S. Antonin. 3. p. tit. 16. cap. 4. Suarez Tom. 4. Tract. 8. L. 3. c. 9. n. 10. Navarrus Comment. 4. de Regular. a n. 2. priori potior videtur: 1. quia honos Dei, & major nostri perfectio spiritualis, sunt causæ, cur ab una Religione ad aliam transmigraŕe liceat: atqui austeritas præcis sumpta, nec plus Deo honoris, nec plus homini spiritualis perfectionis tribueret: ergo non eo præcis arctior est Religio, quo asperior ob corporis cruciatum, sed quo ex fine proximo & mediis eidem congruit perfectior; ac proinde major hæc perfectio est ratio ab una ad aliam transeundi; 2. quia a perfectiori Religione sed minus austerâ, transire ad austeram magis, & minus perfectam, esset descendere, & votum commutare in aliquod minus; quod non licet.

Nec dicas mendicantibus omnibus concedi ut ad Carthusienses transcant; non quia perfectius sit eorundem institutum, cum soli vitæ contemplativæ vacent: ergo quia austerius sit.

Respondeo enim transitum hunc concedi, quia Carthusiana Religio utpote ab hominum commercio semota, & libera a curis sæcularibus, est multo securior. Neque vero deessent Mendicantium instituta ejusdem forte austeritatis cum Carthusiensi in victu, vestitu, nuditate, paupertate, ædificiis, &c. unde liquet non unam austeritatem esse causam cur ad Carthusienses transiri possit. Imo negant aliqui apud Sylvium 2. 2. q. 189. ar. 8. a Capucinis ad Carthusienses transiri posse.

Sed, quæ tandem Religio, inspecto fine & mediis ad finem, nobilior censeri debet atque perfectior?

R. Talem censeri, quæ vitam ex activa & contemplativa mixtam agit præstantiori modo, seu quæ cum prædicatione verbi, doctrina, & animarum zelo, vitæ austeritatem majorem in vigiliis, macerationibus, vestitu pauperiore, carniū abstinentia conjungit. Ratio est, quia vita hæc ad eam proprius accedit, quam professi sunt Christi præcursor; Christus ipse, ac præceptore Christo, ejusdem Apostoli; quibus veritum fuit; ne portarent *sacculum, peram, aut calcamentum*; & qui *in jejuniis multis, in vigiliis, in fame, & siti, in frigore, & nuditate* dies suos transigendo quotidie moriebantur, seque impendebant, & superimpendebant.

Omissa autem Religionis ad Religionem comparatione, non odiosa minus quam inatili, duo animadvertam, 1. graviter in Christum injuriosos esse, non sæculares modo, sed & Regulares Clericos, qui in divitiis suis superbientes, pauperrimæ Christi, ejusque discipulorum vitæ imitatores eo usque disiciunt, ut eosdem *puendas Religiosi corporis partes* appellare non erubescant. Viderint ne forte quas quasi viles famulos excipiunt & alloquuntur in hac vita, judices habeant in altera. Sed & viderint Mendicantes, ne quod patienter ferendo, salutiferum sibi reddere possunt, hoc ferendo ægre & inique, vertant sibi in ruinam; 2. non raro & sæpius forte fieri, ut Religio ex primæva conditione feverior, tam collapsa sit, ut & illicitum sit ad eam transire, & ab ea ad mitiorem, quæ secundum se totam observatur, liceat avolare. De his, quæ susus evolvere non possum, legantur Pellizarius Tract. 3. c. 5. n. 80. & 116. Salmanticenses cap. 5. punct. 3. & alii ibid. citati, vel saltem qui idem docet Pontas v. *Religione*, cas. 29. Ut explanentur quædam difficultates.

Quæres 1. quæ requirantur, ut quis ab Ordine mitiori ad strictiorem transeat.

R. Præcipue requiri, 1. ut non id fiat ex levitate, ex acceptæ offensionis sensu, similibusve motivis, sed ex puro, & sincero perfectioris vitæ desiderio; & hoc quidem præsumi debet, nisi adfint legitimæ dubitationes: in dubio autem, puta si quis accepta offensa, vel graviter correptus, minatus fuerit se recessurum a domo, consulendus est Superioris, apud quem degit, qui cogitat de discessu.

2. Ne talis transitus cedat in gravamen, jacturam, infamiam, aut dedecus religionis desertæ, quia *communis* totius Ordinis *utilitas privata utilitati præfertur*, cap. *Licet de Regularib.* ex quo interunt Salmanticenses cap. 5. num. 61. non licere Doctori, hominive in arte aliqua admodum perito, viro item notabili, alium a suo statum amplecti. Imo tunc Communitas læsa posset petere restitutionem in integrum, ut cum aliis docet Fagnan. in cit. cap. num. 24. Hæc tamen cum grano salis videntur intelligenda; alioqui vir summi meriti, vel ad perfectiora vocari non posset, vel vocanti Deo non posset obsequi; quin & redarguendus veniret S. Antonius de Padua, qui e Canonico Regulari Seraphicam Religionem amplexus est, non obstantibus fratrum suorum querelis. Neque vero injuriam facit, qui jure suo utitur: nec desinit sancta esse Religio, quæ deseritur, sed solum haberi pro minus perfecta: quod omnibus satis notum esse solet. Interim quia de jure alterius agitur, non est temere procedendum.

3. Ut petatur Superioris licentia, quam, si nulla subest resistendi causa,

sa, sine peccato mortali denegare nequit; imo quam tunc sine difficultate & pravitare qualibet debet indulgere, ne videatur propositum impedire divinitus inspiratum. Quod si rebus, ut decet, pensatis, aut pensandis, pergat refragari Superior, nullamque repulsæ suæ rationem exhibeat nisi frivolam, libere potest Religiosus sanctioris viæ propositum adimplere, non obstante proterva indifferenti contradictione Prælati, cit. cap. licet interim Prælati seu Superior licentiam hanc negare teneatur, donec ait Fagnan. ibid. num. 49. sibi constet secundam Religionem paratam esse illum recipere, qui licentiam petit; & is nisi recta eo se transferat, sed, quo placuerit, vagetur, fugitivus habebitur, & Apostata, ut qui nullius obedientiæ subdit; Ita definit S. Congregatio.

Duo hic notat Fagnan, num. 53. & 63. 1. professionem emissam in secundo Monasterio etiam auctiori vel ex levitate, vel sine primi Superioris licentia invalidam esse, 2. concessam viris Religiosis ad strictiorem statum abeundi licentiam, Monialibus a Pio V. sublatam fuisse. Sed utrumque negant auctores multi etiam extranei: unde re non integra ad minus recurrendum esset ad summum Pontificem, aut Congregationem Regularium.

Quæres 2. a quo, & qua de causâ permitti possit Religioso, ut ad Ordinem vel æqualem vel laxiorem transeat.

R. Ad 1. id quoad instituta laxioris disciplinæ a solo Papa posse concedi. Patet id ex Tridentino Sess. 23. de Regular. c. 19. ubi sic: *Nemo etiam Regularis cujuscumque facultatis vigore transferatur ad laxiorem Religionem*; ergo Superiores Ordinum facultatem hanc tuorum nemini largiri possunt, quocumque etiam infirmitatis ac nimis debilitatis prætextu. Ita Cabassut. Lib. 1. c. 23. Pontas ibid. cas. 28. sed notant Suarez, Sanchez, & Bonacina, Societati Jesu a Paulo III. Pio IV. Pio V. & Gregorio XIII. permissum esse, ut Professis suis transitum ad quamcumque Religionem concedant. Etsi vero Societas inter Ordines mendicantes recensetur: nihil inde in sui gratiam colligere possunt cæteræ Mendicantium familiæ, quia idem Pontifices prædicti privilegii communicationem aliis Religionibus præcluserunt.

Quoad instituta æqualia docent cum aliis Salmanticenses ibid. nu. 74. Regulares Prælatos ad ea transeundi licentiam suis iuxta id exigente causâ largiri posse: nituntur sane & specialibus privilegiis, quibus, ut ex terminis patet, non derogat citatum Tridentini Decretum.

R. Ad 2. varias ab iis, quos res ista propius tangit, asserti legitimi ad laxiora transitus causas. Prima est, si major inde speretur spiritalis profectus, quia qui ad onera laxioris Ordinis idoneus est, ad ferendam rigidiora ineptus sit. Secunda, si ex pravo habitu aut innata indole, gravem in exequenda Regula strictiori difficultatem sentiat: sic enim affecti raro suas ut par est regulas observant. Tertia, si in Ordine strictiori male & inique tractatur, sicque murmuri, impatientiæ, & lædendæ charitatis periculo exponitur. Quarta si ob delictum, cujus jam pœnas subierit, & emendationem procuret, odio habeatur & despiciatur. Quinta si ob culpam in Ordine suo infamatus, continuis ibidem pudore, luctu, & tristitia afficiatur. Sexta si parenti graviter egenti subvenire possit in laxiori Ordine, non in strictiori. Septima si infirma valetudine laborans, impar sit austeritatibus rigidioris Regulæ; in qua proinde onerosus sit, qui in alia prodesse potest. Item si prava acris

aeris intemperie vexatus in Monasterio, salubriorem alibi auram spirare nequeat, ita passim Regulares, qui merito annotant minus requiri ut ad æqualem, quam ut ad laxiorem vivendi formam transeantur.

*Deus dei  
Evang. p. 77.*

Ex his causis, quarum examen, etiam cum de Monasteriis exemptis agitur, non quidem a Legato Avenionensi, sed a Papa Episcopis semper committitur, nullam esse, quæ ad laxiora indubie sufficiat, præter eam, quæ e virium defectu repetitur, censet Ducaſſe Tom. 2. c. 6. sect. 4. & id singulas propius insipienti probabile videbitur; unde hic omnia ab Officialibus æqua lance ponderanda erunt.

Quod spectat ad Religiosos, quorum parentes necessitate premuntur, censet quidem Pontas v. *Religieux* cas. 32. iis non ideo licitum esse recedere a clauſtro, & hæc videtur esse S. Thomæ doctrina 2. 2. q. 101. a. 4. ad 4. Non ægre tamen admiserim totam ea de re Sylvi doctrinam, hæc ille ibid. *Si parentum necessitas esset tamen urgens, ut proxime accederet ad extremam, neque ullo modo foret verisimile, quod aliter posset eis succurri, quam per egressum filii Religiosi e Monasterio; veluti si proborum virorum iudicio satis certum apparet, quod alioquin sint fame morituri; videatur quod tunc petita, quamvis non obtenta licentia, posset tantisper egredi dum ejusmodi necessitas transferit: quia eadem pene est ratio talis necessitatis, quæ extrema: in extrema vero parentum necessitate id esse licitum, imo filium Religiosum ad hoc esse obligatum, multorum est valde probabilis sententia: propterea quod præceptum de honorandis parentibus, cum sit affirmativum, maxime obligat in casu extremæ necessitatis, & cum ad primaria juris naturæ præcepta pertineat, nunquam desinit obligare, saltem pro casibus tam evidentibus, unde & docetur esse indispensabile 1. 2. q. 100. ar. 4. Confirmatur; per votum Religionis nemo eximitur legibus naturæ vel Dei præceptis; ergo debet eis satisfacere etiam post professionem. Neque vero, si petita, non obtenta licentia egrediatur in hoc casu Religiosus, aut Deo, aut Prælato erit injurius; quia non aliter servitium suum eis promittit, quam salva lege naturæ, nec Deus aliter acceptavit.*

Quod urget Pontas non defuisse Religiosos, qui hoc prætextu e clauſtro egressi, scandalum dederint, & transacta suorum necessitate longiore in sæculo moram traxerint, incommodum est, non argumentum; neque licitum & sanctum esse desinit id, quo quidam abutuntur. Interim Religiosus exire nequit, nisi antea & apud Superiores & apud amicos egerit, ut parentibus suis succurratur.

Jam sigillatim expediendæ sunt Religiosi status obligationes primariæ, eæ nimirum, quæ petuntur a triplici castitatis, paupertatis & obedientiæ voto.

## ARTICULUS PRIMUS.

### *De voto Castitatis.*

CONstat apud omnes, Castitatis Religiosæ votum consistere in actu; quo quis Deo spondet abſtinentiam ab omni delectatione venerea; sive intra, sive extra matrimonium. Hinc id omne, quod in secularibus est quoquo modo peccatum contra castitatem, est in Religioso sacrilegium, ac proinde peccatum duplex seu mortale seu veniale, prout materia vel gravis fuerit, ut solet, vel levior; prout item sufficiens ad-

Quan-

Quandoque tamen id, quod in sæculari leve est, grave esse potest in Religioso, seu ratione regulæ, quam professus est, seu ratione scandali. Sic Minores ea etiam mulierum consortia, quæ licet nihil prorsus habeant impudicitiz, ejus tamen vel solam suspensionem generare possunt, puta vel noctu, vel in loco tenebroso, vel cum risu liberiore sunt, effugere tenentur, ex cap. 11. Regulæ. Sic etiam, quæ in sæculari tolerantur a sæcularibus, ab iisdem arguuntur in Religioso, & grave scandalum sæpius pariunt. Quia tamen peccatum illud etsi grave in ratione scandali, leve supponitur in ratione impudicitiz, ideo negant plures illud reservatum iri, etiamsi in aliquo Ordine peccatum impudicitiz reservatum foret: & idem docent de eo, qui ex metu alteri fornicationis occasionem præberet; is enim, seclusa turpi delectatione, causa quidem foret, cur in alio læderetur Castitas, sed propriam ipse, quam vovit, castitatem non læderet; sed de hoc viderint alii.

Quod addunt Salmanticenses ibid. cap. 6. n. 23. ei, qui acceptis Ordinibus sacris & emissâ professione contra castitatem deliquit, etiamsi Generalis sit, aut Episcopus, satis probabiliter esse ut in confessione dicat se peccasse contra castitatis votum, *sine eo quod amplius exprimat*; idemque judicandum de muliere, quæ cum hujusmodi lapsa est; id inquam & absurdum est, & adversum primioribus sanioris Ethices principiis. An enim duplex votum solemne, duplicemque consecrationem violare, quasi inanis circumstantia reputabitur? an non conditio personæ Episcopi, vel primi Superioris, facinus ab iisdem admissum insigniter aggravat; Multo magis veritati consonum est, quod docent iidem, eum, qui voto ligatus, cum alio vel alia eodem vinculo innodatus peccat, & suum, & alterius votum exprimere debere; ut qui & peccaverit, & alieni peccati adiutor fuerit.

An autem peccatum contra Castitatem, sit ex iis, quæ pugnant contra bonum commune, quæstio est apud Regulares gravis, quia id genus peccata, & Superiori tanquam judici (præmissa utique, si præmitti debuit, correctione fraterna) denuntiari debent, & ab eo juridice puniri; secus de peccatis mere, ut ajunt, personalibus. Res mihi ex specie peccati, quod quis frequenter perpetrat, & ex circumstantiis definienda videtur. Si enim peccatum tale sit, quod solus quis & sine scandalo committat, ut est mollietis, culpa videtur personalis, neque aliter in Religionis detrimentum cedit, quam aliud quodcumque grave peccatum. Si vero, ut pene semper evenit, ubi præsertim viget habitus, ita quis affectus sit ut vel alios sollicitet ad crimen, vel liberiori loquatur ore, vel excessu suo sacrilege gloriatur, &c. utique quasi publici boni subversor exagitandus erit.

Quæres, quotuplex sit Religiosæ Castitatis effectus.

R. triplicem præcipue assignari: 1. enim dirimit sponsalia ante & post ipsam contracta. Ante quidem, quia ex communi Ecclesiæ sensu sub hac tacita conditione sunt: *Nisi me Deus ad perfectionem statum vocet*; postea vero, quia sunt de re & illicita, & seclusa Romani Pontificis dispensatione, prorsus impossibili.

2. Irritat matrimonium subsequens, imo & illud, quod præcessisset, necdumque esset consummatum.

3. Omnem & internum & exteriorem actum pudicitiz adversum in retedit, De pluribus, quæ hic agitari possent, consule Tom. 2. ubi de Dispen-

Dispensationibus part. 1. cap. 3. & quæ fufius ea de re difputavi in Gallico de iisdem Dispensationibus Tractatu.

## ARTICULUS SECUNDUS.

### *De voto Paupertatis.*

**S** Alehroſiam Paupertatis materiam, quam breviter & folide fieri poterit, exponemus; quod ut fiat, videndum: 1. an Religio in communi fit dominii capax. 2. an id hac in parte poſſint privati, quod ipſum Religionis corpus. 3. nonnullæ, quæ ad id ſpectant, difficultates ſunt enucleandæ. Sit

**CONCLUSIO I.** Religioſi in communi & bona poſſidere poſſunt, & eorum, quæ poſſident, eodem modo domini ſunt ac Beneficarii ſæculares. Eſt contra Apoſtolicos, qui hæc Chriſti verba Luc. 14. *Qui non renuntiat omnibus, quæ poſſidet, non poteſt meus eſſe diſcipulus*, verbebant in generale præceptum; & contra Fraticellos, qui tempore Joannis XXII. uſque ad Schiſma propugnauerunt, nec Chriſtum, nec Apoſtolos quidquam poſſeſſiſſe in communi. De quo vide S. Antoninum p. 4 tit. 12. c. 4.

Prob. 1. quia Tridentinum Seſſ. 25. cap. 3. *De Regularib.* concedit omnibus Monafteriis & domibus tam virorum quam mulierum & mendicantium, exceptis domibus Fratrum ſancti Franciſci ( & idem eſt de domibus Profeſſis Societatis Jeſu ) ut deinceps bona immobilia eis poſſidere liceat.

2. quia non poteſt Papa ſine gravi cauſa bona Monafterii unius ad aliud transferre, quin peccet contra Juſtitiam: atqui hoc poſſet ſi Communitates bonorum ſuorum dominio non fruerentur.

3. Si Communitas non haberet tale dominium; vel quia paupertatem profiteretur; vel quia bona ſua alineare non poteſt: atqui neutra hæc ratio valet. Non prima: nam paupertas non excludit dominium in communi, ſed efficit tantum ut nemo in particulari poſſit de re ulla tanquam dominus diſponere, & independenter a nutu Superioris. Non ſecunda: eſſi enim Beneficarii ſæculares Eccleſiæ ſuæ bona alienare nequeant, non ſequitur, quod eorum aliquo ſenſu domini non ſint, ſed dumtaxat, quod dominium habeant ligatum; & idem dicendum eſt de Religioſis, quibus, ne intreat Communitas, Fundatores bona ſua ea conditione donarunt, ut ſine Eccleſiæ conſenſu alienari non poſſent.

**CONCLUSIO II.** Nemo Religioſus in particulari capax eſt proprietatis.

Prob. 1. & cap. 6. *De ſtatu Monach.* aliiſque Canonibus quamplurimis, qui diſtrictè & ſub obſtatione divini iudicii prohibent, *ne qui Monachorum in particulari proprium aliquo modo poſſideat*; ſanciuntque ut ſi proprietas apud quemquam inventa fuerit in morte, ipſa cum eo in ſignum perditionis extra Monafterium in ſterquilinio ſubterretur. Monachi, ait Concilium Lateranenſe, non pretio recipiantur in Monafterio, nec peculium habere permittantur.

Prob. 2. Si Religioſus dominii capax foret, utique in penſionem ſibi a parentibus aut amicis conceſſam: atqui ne hujus quidem penſionis dominium habere poteſt Religioſus. Illud enim peculium non ſubjacet dominio Religioſi, quod eo ipſo ad Monafterium pertinet, quod rectè ad Superiores deferendum eſt, quod ab iis ſine injuſtitia alios in uſus po-  
teſt



test impendi, quod sine sacrilegio tanquam proprium repeti nequit a Religioso, quod, si contractu constitutum sit, non ab eodem sed a sola Communitate relaxari potest: atqui hæc omnia constant; & ab iis etiam admittuntur, qui ius peculio favent: aliunde vero id sæpius, teste Fagnano in cap. *Monachi*, De *statu Monach.* n. 61. definitum est a Sacra Congregatione, quæ tamen iudicavit e re esse, ut Abbatissa *primum prospiciat necessitatibus Monialis*, cui pensio constituta est, sic ut id, quod reliquum fuerit, in usum totius Monasterii convertat: ergo.

Ex his principiis quædam inferemus magni momenti corollaria: 1. igitur peccant contra paupertatis votum, Religiosi, qui rem temporalem pretio æstimabilem sine licentia Superioris accipiunt, retinent, absumunt, destruunt, permittunt, commodant, alienant, aut ea utuntur; item, qui debitum remittunt: hæc enim omnia, cum sunt proprio arbitrato, sunt actus proprietatis, adeoque illiciti Religioso, qui per votum paupertatis abdicat se potestate possidendi aut donandi aliquid ut proprium.

2. peccant etiam mortaliter contra idem votum, & contra iustitiam, qui sæpius quid leve recipientes, aut destruentes ex bonis Communitatis, v. g. libris, vestibus, candelis, scienter perveniunt ad quantitatem, quæ in materia furti sufficit ad mortale: & hoc verum est, ajunt multi, licet ista sint poculenta & esculenta domus: mitius quidem sentiunt Suarez & Ethica amoris Tom. 2. pag. 206. n. 33. sed non statim verior opinio, quæ mitior, & magis commoda sensualitati. Unde priori sententiæ adhærendum puto, cum saltem esculenta vel poculenta sine rationabili necessitate insumuntur.

3. & ii peccant; qui a sæcularibus invitati, manducant aut bibunt absque Superiorum licentia, quia tunc aliquid pretio æstimabile recipiunt. Ita Suarez, P. Antoine, &c. quod tamen aliis durum videtur & difficile, seclusa speciali Religionum lege, quæ apud Jesuitas hac in parte strictior, quam apud alios, esse potest, cum Vitelleschus Societatis Præpositus generalis opinionem contrariam, ut pauperati, quam proficitur Societas, penitus adversam, defendi, doceri, & præctice exerceri omnino prohibuerit.

4. qui sic animo dispositi sunt, ut ad Superioris nutum exui nolint rerum sibi permissarum possessione & usu; item, qui rem cum licentia acceptam abscondunt, ne Superior eam repetat; vel qui quærelis Superiores fatigant, adeo ut licentiam datam revocare non audent.

5. qui re sibi ad unum usum concessa, ad alium honestum utuntur sine Superioris consensu.

6. qui earum etiam rerum, quas consumere possunt, ut esculentorum, aut pecuniæ ad iter datæ, partem sibi subtrahunt, ut eam aliis donent, pent, aut in alios usus, ut in libros, expendant.

7. qui in conservandis rebus sibi ad usum concessis eam non adhibent diligentiam, quam in rebus suis adhibere solent diligentes.

8. *Mobilium usum ita Superiores permittant, ut eorum suppellex statui paupertatis, quam professi sunt, conveniat, nihilque superflui in ea sit.* Unde, qui pensionibus suis, etiam cum Superioris consensu, utuntur in usus, non dico turpes, sed vanos, & qui sæculari magis, quam Religioso pauperi conveniant, peccant contra paupertatem, quia Superior nihil per-

Trid. Sess. 25. c. 2.

per;

Tit. 13  
C. 13. c. 6.

permittere potest, quod sacris Canonibus, aut veræ paupertati advesetur. Ita Navarrus, Delugo, Barthol. & S. Fausto Lib. 8. q. 102. & alii. Unde, qui vestes sericas, picturas inanes, aut magni pretii, *herologia parvula valoris excedentis, tapetia, cortinas, & alia parietum ornamenta* penes habent; item, qui sumptuosa convivia præstant, peccant contra votum, sicut ii, qui ludunt; tenenturque, qui aliquid cum Religiosis ludendo lucrati sunt, id restituere, perinde ac si accepissent a ture; potest tamen Religiosus cum Prælati licentia aliquam modicam quantitatem ludo exponere, absque eo, quod perdetes aut lucrantes ab eo, restituere Religioni teneantur, nisi ludus sit illicitus vel a jure, vel a regula Religionis. Ita Salmanticenses, qui monent non posse Superiorem licentiam præbere subditis *ad exponendum ludo notabilem quantitatem*, unde qui eam tunc lucraretur, non esset a restituendo immunis.

9. contrahitur an Religiosi veram suorum manuscriptorum proprietatem habeant. Afferunt Salmanticenses ibid. n. 5. juxta quos potest Regularis quilibet ea secum deferre, quocumque vadat, donare, comburere, *& aliqua circa illa exercere, quæ sunt propria munia proprietarii*. Sed reclamant alii cum Henno pag. 506. tum quia MSS. quidam codices, sæpe impressis libris cariores sunt, & tamen Regulares librorum proprietatem non habent, tum quia ut Religiosi picturæ & artefacta quælibet, etsi quandoque multum ingenii & scientiæ postulent, Religioni cedunt, sic & manuscripta cedere eidem debent. Alii & forte melius, rem illam definiri volunt ex ipsa Ordinis constitutione. Quod enim apud aliquos pretio æstimabile est, apud alios potest in nullo esse pretio, atque vel igni vel muribus reservari.

10. non peccant contra votum, qui etiam sine consensu Superioris, rem sibi ex liberalitate oblatam reculant, quia vi voti non obligantur ad acquirendum Religioni, sed ad non alienandum, accipiendum, utendumve sine licentia. Qui tamen sine justa causa recipere nollit id, quod alii sibi offerunt, peccare posset contra charitatem, impediendo bonum Religionis, cui acquirit Monachus, quidquid acquirit; secus si recuset ut Sacramenta liberius conferat, aut ædificationem præstet. Quod si quis oblatam sibi pecuniam precaretur egenis suis parentibus impendi, is nisi rem expresse aut tacite quasi nomine suo dandam acceptaret, non posset dici proprietarius: sicut nec ille, qui Missas habens liberas, eisdem celebraret in gratiam Sacerdotis alterius, qui debitum iis stipendium reciperet. Secus si ipse pactum vel acceptum pro Missa stipendium eidem Sacerdoti porrigeret, porrigere curaret absque Superioris licentia.

Quæ vero ea in materia sufficiat Prælati licentia, non convenit inter Regulares. Sunt, qui in rebus gravioris mementi, & cum patet ad Superiorem recursus, formalem, aut virtualem saltem tacitam requirentes, in iis, quæ leviora sunt, interpretativam sufficere putent: sic, inquit, qui ex Superioris consensu tabacum, liquores & similia recepit, eorum aliquid fratribus suis largiri posse videtur, nisi resistat specialis locorum consuetudo.

Alii generaliter licentiam interpretativam abigunt: 1. quia aliud est Superiorem consentire, aliud fuisse consensurum, si rem scivisset; 2. quia admissio licentiæ interpretativæ usu, quisque pro libitu aget, primo quidem

dem in rebus levioris momenti, deinde in gravioribus, ac demum in omnibus, quæ & iusta, & sibi, si peteret, facile concedenda præsumet.

Haud tamen nego, quin inferior ex præsumpta prudenter Superioris absentis licentia agere possit. Sic Monasterii amico, cui nihil denegatur, & libri aliquot commodari possunt, & pecuniæ summam mutuo dari, ab eo, qui certus sit reducem Prælatum id approbaturum esse; sed & hic summo opere cavendum ne præsumantur, quæ præsumi non debent, imo nec semper, quæ sub oculis Prælati sunt, ab eo etiam tacite approbata censerentur debent: plerumque enim graviores Inferioris morosi querelæ, Superiorum vocem præcludunt, & cogunt id tolerare, quod non nisi majori cum dispendio cohibere possent, seu potius cohibere tentarent.

Quæres 1. quæ quantitas sufficiat ut quis mortaliter peccet contra votum.

R. eam sufficere, quæ sufficit ad furtum mortale. Ita communiter Doctores. Ratio est, quia peccatum proprietatis se habet instar furti; est enim usurpatio rei vel usus, sine consensu Superioris; atqui hæc usurpatio, utpote non sacrilega solum, sed & injusta, quamdam furti rationem habet. Unde fatentur omnes Religiosum proprietarium teneri ad restitutionem quantum potest, sive ex bonis, de quibus licite posset disponere in alios usus, sive imminuendo expensas, quas licite posset ex Monasterii bonis facere, sive magis laborando, quod ultimum, qua de causa negent Salmanticenses, non video.

An vero ad peccatum mortale illius, qui paupertatem vovit, eadem requiratur quantitas, quæ requiri solet in furtis filiorum familias, erga quos parentes minus inviti esse solent, disputatur. Affirmant Salmanticenses: tum quia probabile non est Superiorem magis esse invitum erga subditos suos, quam patres erga filios; tum quia Superior non minus esse debet liberalis de patrimonio Christi, quod absque labore & sudore acquisivit, quam parentes de suo.

Consent tamen Lugo, disp. 3. sect. 8. & alii plures, minus in Religioso requiri ad peccatum lethale, quam in filio familias, quia peccatum contra paupertatem non æstimatur præcise ex damno temporali, sicut filii furtum, sed ex everfione unius & præcipuis vitæ religiosæ fundamentis, quæ in paupertate tanquam basi stabilita est. Et certe Religiosi proprietarii sæpius eo puniti sunt modo pro voti huius transgressione, quo nunquam puniti fuere filii familias, ut videre est apud Alph. Rodriguez, T. 3. prax. Christ. &c. Non desunt tamen, qui satis probabiliter habendam velint rationem status Monasteriorum, ita ut in Conventibus ditissimis tres aut circiter Libellæ Gallicæ a Religioso subreptæ ad peccatum mortale requirantur; in his vero, quorum mediocris est census, Libellæ duæ sufficiant, ac una demum in domibus pauperculis. Ita Pyrrus Siculus in Thesouro Religiosorum, L. 8. q. 193.

Quæres 2. an, quæ de Religiosis dicta sunt, eorum Abbatibus competant.

R. affirm, quia ut veri manent Religiosi, sic & manent obstricti voto paupertatis: atqui votum hoc dominium omne privatum excludit. Abbates ergo, alique Superiores majores hoc solum præ cæteris habent, quod præcipui sint boni communis dispensatores: & hoc verum est, ait Decoq. p. 20. etiamsi certa bonorum portio Abbati, vel Abbatæ assignata sit: hæc enim non tam assignatur ut totam pro nutu impendat Abbas, quam ne aliquid amplius sperare præsumat.

*Journely Theol. Moral. Tom. III.*

F Quæ-

Quæres 3. an Religiosus, qui Episcopus creatur, paupertatis voto adstrictus maneat.

R. S. Thomas 2. 2. q. 88. a. 11. his verbis: *Religiosus, qui fit Episcopus, sicut non absolvitur a voto continentie, ita nec a voto paupertatis, quia nihil habere debet tanquam proprium*. Et q. 185. a. 8. *Testamentum nullo modo facere potest, quia sola ei dispensatio committitur rerum ecclesiasticarum, quæ morte finitur*. Idem docet Pontas v. *Eveque* cas. 5. 6. 7. Passim tamen contrarium tenent Galli Scriptores, juxta quos ex generali Regni consuetudine, Religiosi ad Episcopatum promoti, sicut & Clerici sæculares, de fructibus suorum Beneficiorum testari possunt, & intestati cognatos habent hæredes. Ita notant Pastor. L. 1. tit. 1. Van-Espen part. 2. tit. 32. cap. 8. & apud eos Choppin, Louet, Mornac. Idem docet Cabassut. L. 1. c. 14. n. 3. *Religiosi, inquit, facti Episcopi, juxta jus in Gallia universaliter receptum, dominia & proprietates sibi acquirunt, disponuntque tam inter vivos, quam per ultimas voluntates, pro libito testamenta faciunt; & si intestati decedant, successores habent non Monasterium, non Ecclesiam, sed propinquos*. Idem docent Commentaria Cleri Gallicani Tom. 1. p. 274.

Quod addit Cabassut. eisdem successionum capaces esse, ad minus dubium est; contrarium enim sæpe judicatum fuit, ut notat le Pretre in recent. additionib. ad cap. 27. cent. 1. & ex eo Van-Espen Tom. 1. p. 234. ac denique post Brodellum Thomassinus. Circa primam hujus controversiæ partem utiliter leges Librum, cui titulus: *L'Abbé Regulier, sacre Eveque in Partibus infidelium*. Luxemburgi apud Chevalier, an. 1739.

Quæres 4. an Religiosus, qui fit Pastor, aut Beneficium simplex accipit, possit ejusdem fructus Monasterio relinquere, an non teneatur eosdem pios in usus expendere, v. g. loci pauperibus largiri.

Sylvius.

R. Regularem hunc posse inconsulto Prelato, ea, quæ ex fructibus sui Beneficii sibi obveniunt, nisi ii Monasterio incorporati sint & uniti, in pios ac bonos usus inter vivos disponere, imo & teneri per se foundationis obligationes cognoscere, & prius loci pauperibus optulari, quam Monasterio: 1. quia sæculares inter & regulares Beneficiarios nullum statui debet discrimen quantum ad obligationem redditus suos fideliter administrandi; 2. quia redditus Beneficiorum, quæ Monasteriis unita non sunt, ad eadem non pertinent. Ita Sylvius in resolut. v. *Religiosus*. Sambovius tom. 3. c. 74. Pontas v. *Beneficier* cas. 25. Doctores Parisienses 24. a quodam Canonico regulari anno 1724. consulti; & eodem anno DD. de Sacy, Duperray, Capon, & Brunet, Causidici Parisienses.

Dices: Religiosi extra Monasterium defuncti hæreditas, gallice *cotte-morte*, pleno jure ad Monasterium pertinet: ergo ejusdem Religiosi, dum in vivis est, redditus & bona ad idem Monasterium pertinent.

R. 1. Multi cum Theologi tum Canonistæ negant ant. neque unanimis est ea de re *Arrestorum* Jurisprudentia, ut notat Fuet L. 2. c. 1. p. 84. Sic anno 1633. Curia Parisiensis peculium F. Ludovici le Bel ex æquo dividi jussit inter Monasterium S. Genovefæ, & Hospitale Parisiense. Sic peculium Religiosi Curati, pauperibus aut Fabricæ sæpius adjudicatum est, v. g. *Arrestis* annorum 1651. & 1710. quia supponitur, & merito, peculia hæc ut plurimum parcimonias esse aliquando scandalosas boni pauperibus debiti. Vid. Epistolâs tres gallice scriptas a D. Gerbais, ad unum e Monachis

nachis Congregationis S. Mauri ; sed & vide responsiones iisdem factas ab uno e Canonis Regularibus.

R. 2. neg. conseq. ut enim quotidie succedimus iis, in quorum dum viverent, bona nihil habebamus juris, sic & concedi potuit Monasteriis, ut iis Religiosorum suorum bonis succedant, de quibus ipsi soli dum viverent, disponere poterant ; & hoc duplici de causa concedi potuit : 1. ut ostenderetur Beneficia hæc a tali Monasterio dependere ; 2. ut eidem Monasterio aliquid præberetur animi bene memoris signum, eo quod viros iis Beneficiis pares & idoneos efformet.

Sed quid si Parochus Regularis Beneficii bona in usus profanos impendat, aut parentibus, qui non indigent, erogat ?

R. eum peccare & contra iustitiam, & contra paupertatis votum. Contra iustitiam quidem, quia instar domini disponit de re, cujus dominus non est ; unde & ipse, qui ab eo recepit, tenetur ad restituendum : contra paupertatem vero, quia id solum potest circa reddituum suorum dispositionem, quod sibi a jure vel consuetudine permissum est ; unde in cæteris communi Religiosorum omnium legi subjacet : ergo cum neque jure, neque usu concessum ei sit, aut esse possit, ut Beneficii redditus male & profane impendat ; necessum est, ut eodem peccet peccati genere, quo cæteri Religiosi, qui Monasterii bona male impendunt.

## ARTICULUS TERTIUS.

### De voto Obedientiæ.

**O**bedientiæ Religiosa definitur, Vinculum spirituale obligans Religiosum ad parendum Superiori Regulari in omnibus, quæ legitime imperari possunt. Hinc alta, & toties sive a Scripturis, sive a Patribus commendata obedientiæ dignitas : *Magna quidem paupertas*, ait Joannes XXII. Extrav. 1. *De verbor. signific. sed major integritas ; bonum est obedientia maximum, si custodiatur illa*. Nam prima rebus, secunda carni, tertia vero menti dominatur *igr. animo*. Idem aliis terminis docet S. Thom. hic q. 186. art. 8.

Obedientiæ duplex S. Bernardo tract. de dispensat. & præcep. c. 6. *Alia perfectionis, alia necessitatis, quæ a D. Thoma sufficiens vocatur*. Prima legem nescit, terminis non coarctatur, nec contenta angustiis professionis largiori voluntate fertur in latitudinem charitatis ; adeoque obtemperat in omnibus, quæ contra Deum non sunt. Secunda non quodlibet vestium amplectitur : sed id tantum, quod Ordinis Pater instituit, aut certe, quod sit secundum, quod instituit. Utrumque hoc obedientiæ genus, sed primum præcipue, secunda est meritum radix, si debitæ inter sint conditiones : eæ vero quatuor recenseri solent.

1. Ut sit cæca, quæ nimirum nec præcepti motiva, nec præcipientis intentionem, aut etiam defectus scrutetur ; sibi que satis habeat, licitum esse id, quod præcipitur. Multos tamen videmus, ait S. Bernardus ibid. post præcipientis imperium multas facere quæstiones ; cur, quare, quomodo sapius interrogare, crebras ingeminare querelas. Tales, pergit melissus Doctor, non faciunt obedientiam Deo acceptam, nec hominibus gratam.

2. Prompta (in iis scilicet, quæ ad honorem aut emolumentum inferioris non vergunt; nam in honorificis festine & alacriter obsequi, non-nihil saperet vanitatem; quamquam aliquando sancti, ut B. Idesbaldus, ipsas etiam præposituras, non honoris, sed laboris & onerum intuitu non illubenter amplexi sunt.) Prompta autem erit obedientia, si inferior nec excusationibus se tueatur, nec lente & torpide accedat ad opus; uno verbo; si obediat ut veteres illi Monachi, qui ante conabantur jussa implere, quam forent emissa, & quibusdam quodammodo indicis nitabantur prophetare de voluntate mandantis. Hyeron. c. 10. de Reg. Monach.

3. Fortis, ita ut & difficilia aggrediatur, & obicibus major ab initio semet tramine non defleat.

4. Humilis, ut, qui parent, haud credant habendas sibi grates, quod paruerint; sed in hæc potius verba erumpant: *Servi inutiles sumus, quæ facere debuimus, fecimus*, Luc. 17. His præmissis,

5. Thom.  
hic q. 86.  
a. 9.

Quæres 1. quodnam sit obedientiæ Religiosæ objectum.

R. Illud omne est obedientiæ Religiosæ objectum, quod præcipitur *sive oratenus a Prælate, sive in Regula*, cujus nomine hic etiam veniunt Constitutiones & Statuta Religionis. Ratio est, quia quisquis vovet obedientiam, vovet se paritum iis, quæ sibi a superioribus præcipiuntur: atqui Superiores non præcipiunt solum, personali mandato, sed etiam fixo & stabili, quale est ipsius Regulæ mandatum: ergo præceptum omne sive Regulæ, sive Superioris ipsius, (sensu inferioris exponendo) est objectum obedientiæ. Quapropter si Regula sub culpa obliget, ut ubique obligat tum in votis, tum in iis, quæ ad vota pertinent, ejus transgressio erit contra votum, & sacrilega, seu mortaliter si res sit gravis; seu leviter, si levis fuerit. Si vero Regula, ut extra votorum materiam fieri solet, ex voluntate institutoris non obliget sub culpa, transgressio ejusdem non erit contra votum, quia transgressio voti præceptum rigorosum supponit: non præcipitur autem rigore, quod sine peccato omitti potest. Quia tamen regula non est consilium merum, sed vera lex a legitima auctoritate procedens, idcirco necessum est, ut qui eam transgreditur, paratus sit ad subeundam poenam, si quæ a superiore transgressori constituitur; quia stat aliquem & legaliter solum delinquere, & poenam mereri.

Sed hic notand. 1. vix in praxi fieri posse, ut qui Regulam violat, ab omni sit peccato immunis, quantumcumque poenam subire paratus sit. Ratio est 1. quia vitiosa est actio omnis, quæ ad legitimum finem non refertur: ad hunc autem referri nequit Regulæ transgressio; neque jam transgressio foret actio legitima sine vestita: sic qui ut amicum consoletur, aut eharitatem foveat, aliquem e fratribus suis obiter & cursim alloquitur, fracti silentii reus haberi non potest; 2. quia non vacat a peccato actus aliquid habens moraliter inordinati: atqui talis est Regularum violatio, cui semper annexum est non nihil sensualitatis, curiositatis vanæ, negligentia, acedia, & illius otiositatis, de qua, etsi eorum, qui hic irrepunt defectuum minimus esse videatur, *rationem reddent homines in die judicii*.

Atque hinc colliges inspirationis divinæ ad mera etiam consilia vocantis repulsam vix unquam esse culpæ expertem: cum honeste & propter bonam finem omitti non possit id, quod Deus a nobis fieri  
pero-

peroptat. Unde, qui Deum timent, & opera sua verentur exemplo S. Job, se divinis restitisse inspirationibus humiliter in Tribunali poenitentiae confitentur. Vide Opus inscriptum: *Eclaircissement sur le Livre de la sainteté, & des devoirs de la vie Monastique*, diffic. IX. ubi auctor ultra nos progredi videtur.

Notand. 2. eum, qui regulam etiam levem violat ex contemptu, graviter peccare, secundum id S. Bernardi Lib. de præcept. & disp. c. 14. *Elatio contemptentis in minimis quoque mandatis culpam facit non minimam, & convertit in crimen gravis rebellionis novum satis levem simplicis transgressionis*. Sed de his jam dixi tom. 3. ubi de Legibus, c. 5. art. 1. sect. 5. punct. 2. Etsi vero ibidem docuerim cum S. Thoma possit aliquem frequenter transgredi leges, nec tamen operari ex contemptu, subindicavi tamen summopere periculosa esse conditionem eorum, qui ex habitu regulam suam transgrediuntur, quia & scandalum præbent, & disciplinam Religiosam perturbando, damnum eidem minus aut magis grave procreant, & conjiciunt se in periculum violandi vota, quæ, ut experientia docet, paulatim contemnunt, qui regulas minoris, quam par sit, ducere assuecunt.

Not. 3. etsi ad obedientiae perfectionem pertinet, ut manifestata Superioris voluntas habeatur pro lege, haud tamen inobedientem censeretur, qui non obsequitur nutibus sic expressis: *Vellem, desiderarem, ut id faceres*. Requiritur ergo voces præceptivæ: *Mando, jubeo, impero*. Imo sunt Religiones, in quibus nusquam obligat præceptum sub mortali, nisi & in scriptis, & sub hac verborum serie feratur: *In virtute Spiritus Sancti, sanctæ obedientiæ, & sub præcepto*; atque hæc est sapientissima Carmeli discalceati praxis, ut testantur Salmaticenses tract. 15. c. 6. n. 48. Tunc autem nullus dubitat quin omne præceptum sub mortali obliget, quia forma tam gravis gravem obligationem indicat. In Religionibus vero ubi parum est in usu præcipere in vi obedientiæ, idem de Superioris, quod de regulæ præcepto dicendum videtur, illud scilicet graviter in materia gravi, (nisi aliud aliunde constet,) leviter in levi obligare; sic tamen ut res gravis etiam sub levi culpa præcipi possit, prout dixi in Tract. de Legibus punct. 1. ubi supra. Addit Lessius Superiorem quoties aliquo modo mandat, obligare sub veniali, quia non intendit solum consulere, etsi tota, quam ad præcipiendum habet, potestate non utatur,

Quæres 2. an inferior in omnibus omnino parere teneatur.

R. Inferiorem in iis obsequi debere, quæ sunt secundum regulam, non autem, quæ sunt vel infra, vel supra, vel præter, vel contra regulam.

Prob. 1. pars: quia si quando obsequium debent subditi, tunc ad minus cum Superiores iuste, & rationabiliter imperant: quid autem rationi, & iustitiæ consonum magis, quam id, quod secundum regulam aut constitutiones præcipitur? Id porro secundum hæc præcipi credendum est, non quod explicitè tantum, sed & quod in iisdem implicite continetur, qualia sunt, quæ ad regularem observantiam, & spiritus primævi continuationem pertinent; ut talem pro tali culpa poenam subire, a ludis quibusdam abstinerere, Ordinis negotia proficere, &c. hinc Monialibus præcipitur arctissima clausura, licet eam non voverint.

Prob. 2. pars. Præcipit infra regulam, qui laxiora jubet: atqui præcepto huic parendum non est.

Prob. 3. pars. Præcipere supra regulam, est præcipere graviora, quam ferat lex, ad cujus observantiam se quis voto constrinxit; v. g. cogere ad abstinendum carne, vel piscibus, cum id regula concedit: ad transmeandum ad infideles cum vitæ aut servitutis periculo, quando id non fert regula, &c. atqui hoc ne ipse quidem Papa potest, ratione voti; licet ratione jurisdictionis plura possit, quam Superior; unde & Religiosum ad Episcopatus, alteriusve Beneficii, etiam extra Monasterium, acceptationem cogere potest; quod non potest Superior, ut cum communiori sententia docent S. Antoninus 3. p. tit. 20. c. 1. §. 6. Suarez tom. 3. lib. 10. n. 21.

Utramque responsionis nostræ partem tradit S. Bernardus de dispens. & præcept. cap. 5. alias 8. his verbis: *Praelati jussio vel prohibitio non prætereat terminos professionis: nec ultra extendi potest, nec contrahi citra. Nihil me Praelatus prohibeat horum, quæ promissi, nec plus exigit, quam promissi. Vota mea nec augeat sine voluntate mea, nec minuat sine necessitate. Et infra: Movenes eos, non cogentes ad celsiora, condescendentes eis, cum necesse fuerit, ad remissiora.*

Prob. 4. pars. Præcipere præter regulam est præcipere res vanas, inutiles, & quæ ad institutum nihil conferunt: atqui hæc præcipienti parere necessum non est. Unde si Superior jubeat *fatua, irrisoria, ac nugatoria, ut spueri in parietem, levare festucam, aspicere aves volantes, non tenetur ei subditus obedire*, ita post S. Thomam hic q. 186. a. 5. c. 4. Bartolomæus a S. Faustio lib. 6. q. 84.

Prob. 5. pars: quia non est parendum homini auctoritate sua non in ædificationem, sed in destructionem utenti: atqui auctoritate sua foede abutitur, qui v. g. contra regulam præcipit, ut Minimus, qui recte valet, carnes comedat, ut Frater Minor, sine causa æquitet, aut pecuniam recipiat: ergo.

His tamen principiis, ut & regulis generalioribus, fusæ sunt exceptiones, si tamen exceptionum instar habenda sint, quæ thesim bene intellectam non ingrediantur. Sic præcipere potest Superior. 1. ut quis ambulet, quiescat, animum recreet cum aliis, quo vegetior fiat ad laborem, & onera regulæ.

2. Ut abstineatur a quibusdam, quæ licet a regula expresse non prohibeantur, ad ejus tamen observantiam conducunt; sic merito tabaci, & chocolati usum interdixerunt aliquæ Religiones, quia hinc paupertatis votum haud parum labefactari sensere. Sic etiam ob publicas Ecclesiæ aut Regni necessitates, ob admissam a Religioso culpam, eamve præcavendam, cujus periculum instat, potest Superior jejunia quædam, flagellationes, majorem solitudinem, vel Communitati toti, vel quibusdam ejus membris indicare. Sic eorum, qui in Monasterio peste corripierentur, saluti, & temporali, & spiritali, etiam cum propriæ vitæ periculo subveniendum esset; temporali quidem per Laicos fratres, eosque robustiores, & cæteroque utiles minus, aut Henno; spiritali vero per Sacerdotes idoneos. Imo deficientibus Parochis tenerentur inferiores, jubente præposito, spirituales exterorum curam agere: idque majorem haberet locum in Mendicantibus, qui Clement. *Dudum De sepult.* Episcoporum coadjutores nominantur; & ob id sustentantur elemosynis fidelium. Sic demum ad ultimas mundi plagas, aut ad loca, ubi dominatur aeris intemperies, mitti possunt Religiosi, si ibidem habeant domos, quia id  
ad



d Religionis bonum requiri potest, nec proinde censi supra regulam. Quod spectat ad Patres Societatis, ii ob speciale ea de re vorum quocumque mitti possunt, & quotidie mittuntur etiam cum vitæ, & libertatis dispendio.

3. Et id etiam crediderim, præcipi aliqua posse, quæ licet nugatoria videantur, animi tamen superbiam, & nimiam proprio sensui adhesionem infringere possunt: extant multa hujus generis exempla in vitis Patrum; nec dubito, quin sanctæ præcipi possit, quod sanctæ pluries fuit adimplerum. Hic tamen ab ea cavendum ridiculi specie, quæ pietatem inhonorare videatur.

Quæres 3. an Superiori reformationem inducere volenti obtemperandum sit.

R. 1. si Religionis disciplina collapsa sit in substantialibus, ita ut jam quasi obsoleverit paupertas, nihili ducatur obedientia, &c. omnino parendum esse. Ratio est 1. quia ad minus parendum est Superiori, cum id præcipit, sine quo æterna salus haberi non potest. 2. quia nulla consuetudo juri divino, & naturali prævalere potest, vota autem ex utroque obligant. Idem dicendum de iis, quæ immediate ad observationem votorum conducunt: unde si præcipiatur, ut nemo mulieres in Monasterium inducat, aut pecuniam servet absque licentia Superioris, utique obsequendum erit.

R. 1. si disciplinæ lapsus in iis sit, quæ substantialia non sunt, videndum an relaxatio a sola oriatur consuetudine, an non vero disciplinæ primæ rigore Pontificia auctoritate mitigatus sit. Si secundum, potest subditus obsequere reformationi. Quia regula a Pontifice mitigata est quasi nova lex, quam qui vovit, non aliam multo rigidiorē vovere intendit.

Si primum, fatentur primo communius Theologi eum, qui regulam jam collapsam professus est, pristino illius rigore non teneri, postquam ei consuetudine præscripta derogatum fuit: unde potest quis contra primitivam legem, quæ non sit sub voto, ut est apud PP. Minimos, vesci carnibus, aut jejunium non servare. Rationem dant, quod non plus habeant auctoritatis statuta Monastica, quam Ecclesiæ leges, quibus tamen in iis, quæ ad disciplinam spectant, non raro derogatur. Unde licet peccent graviter, qui vel eas inducunt consuetudines, vel iisdem utuntur antæ tempus præscriptionis, non tamen, qui eas post lapsum temporis sequuntur.

At non conveniunt an Superiori reformationem de consensu Capituli aut majoris Professorum partis inducere volenti, sit necessario parendum. Affirmat tutor, nec certe minus probabilis opinio. 1. quia etsi prava consuetudo regulam infirmare potest, at non potest vel Superioribus tollendæ hujus laxitatis facultatem, vel subditis obligationem restorationi huic humiliter cedendæ adimere; ut a simili patet in Ecclesia, quæ licet ad tempus abusus quosdam dissimulet, eosdem tamen aliquando data occasione etiam per Censuras abigere conatur. 2. quia quisquis regularem amplectitur statum, paratus esse debet ad procurandam pro virili ejus conservationem: bene autem non conservatur status, cujus veteres, eæque ut plurimum sanctiores observantiæ in desuetudinem abierunt, nec reintegrari feruntur. 3. quia reformationis hujus ineundæ licentiam Prælati fecit Trid. sess. c. 1. *De regul.* his verbis: *S. Synodus necessarium*

*esse censuit, quo facilius ac maturius, ubi collapsa est vetus, & regularis disciplina, instauretur, præcipere, &c.* Ita contra paucos sentiunt Sylvester, Layman, Azor, Vega, Peyrinis, alique, quibus adstipulantur Salmanticenses ibid. c. 6. n. 82.

Idem docet Vasquez 1. 2. q. 95. ar. 2. disp. 154. c. 4. ubi & addit particulares Religionum Præfectos etiam sine Capituli consensu posse ferre leges, quibus obligentur subditi ad ea, quæ reformationem inducere valeant. Tum, quia localis Superior domus suæ reformationem procurare potest; tum quia ea fruitur potestate ad ferendas pro vitæ suæ decursu leges, qua Capitulum ad sancienda statuta, quæ perpetuo durent. Idipsum tenet Bartholomæus a S. Fausto lib. 6. q. 115. sed & id addit notandum, Superiores scilicet non posse efficere ut statuta, quæ sub pœna solum obligant, obligent sub culpa totam Communitatem, etsi rigidam hanc obligationem quibuscumque privatis in delicti pœnam, aliorumque exemplum indicare valeant. Eadem est Salmanticensium opinio ubi supra nu. 88. *Cæterum, inquit, propter unius vel alterius Religiosi culpam non poterit Prælatatus præceptum imponere obligans sub mortali toti Communitati (quod certe aliqui imprudenter faciunt) nec propter unius domus defectus, poterit Provincialis omnibus domibus sue Provinciæ. Nec Generalis, aut Capitulum Generale poterit pro tota Religione imponere præcepta propter alicujus Provinciæ inobservantiam: quia non debent laqueos conscientie obicere, novaque onera imponere observantibus, ob aliquorum vitam relaxatam; ideoque isti observantes, ad aliquid, ad quod aliunde non obligantur, vel eo modo, quo non obligantur, obligantur sine causa.*

Quæres 4. quot perpetret peccata, qui contra Superioris præceptum operatur.

R. breviter 1. eum, qui violat legem pluribus impositam præceptis; Regulæ, v. g. Generalis, &c. unum dumtaxat admittere peccatum, quoties præcepta hæc ex ejusdem virtutis motivo procedunt. Ratio est, quia ex dictis in Tract. de Peccat. part. 1. c. 3. art. 1. Concl. 3. qui Missam non audit die Dominica, in quam Festum cadit, gemini peccati reus non censetur. Si tamen actio ab uno Superiore esset prohibita Petro, ut eidem nociva, ab alio autem ut nociva Joanni, existimant Sanchez, & Vellizarius eandem tunc sine duplici peccato elici non posse.

R. 2. eum, qui præceptum Superioris graviter obligans transgreditur, duplex specie peccatum committere, aliud quidem contra votum Deo factum, aliud contra obedientiam, quam Superiori debet. Ratio est, quia Superiori debetur obedientia non solum ratione voti Deo facti, sed etiam ratione traditionis, qua inferior suam eidem personam commisit, quæ quidem traditio etiam independentem a voto subsisteret: ergo sicut servus, qui post emissum domino suo parendi votum, eidem resisteret, duplicem hanc malitiam in Confessione aperire teneretur, quia nempe, & obedientiam negavit ei, cui debebatur, & votum fregit, ita a pari in proposito. Ergo iterum si contra præceptum Superioris minus honeste cum aliquo vel aliqua fueris conversatus, haud sufficiet confiteri, quod Castitatem læseris, sed & adjiciendum erit id a te factum contra prohibitionem Superioris.

R. 3. si Superior in virtute obedientiæ aliquid præcipiat jam præceptum divina vel Ecclesiastica lege, non unius esse peccati reum, qui secus sece-

fecerit. Ratio est quia jejunium v. g. quod contra Ecclesiæ legem fregisset, obligabat ex virtute temperantiæ; idem vero prout a Superiore præceptum in virtute obedientiæ, obligabat ex motivo Religionis, porro qui non unam virtutem offendit, non unum admittit specie peccatum, ut dixi, ubi de peccatis, p. 261.

Aliter dicendum foret si quis jejunium volveret contra præceptum Ecclesiæ, & regulæ graviter obligantis; quia diversæ leges, quæ in eandem materiam ex eodem motivo cadunt, non multiplicant speciem peccati: porro cum regulæ idem jubet, quod Ecclesiæ, idipsum ex eodem motivo jubere censetur, nisi aliud exprimat. Ita omnes.

Quæres 5. an inferior parere teneatur, cum dubitat an Superior imperet, aut legitime imperet. Dubitas v. g. 1. an præceptum Superioris obliget in tali circumstantia, an non sit usu contrario abrogatum: 2. an Superior sit rite electus, an ab eo prodeat mandatum tibi impositum. 3. an id quod præcipitur, licitum sit, aut conducens ad finem instituti, aut supra regulam: quid juris,

R. 1. si dubites an, qui præcipit, sit legitimus Superior, videndum est an ei faveat communis Regularium opinio, quamvis ab aliquibus paucis impugnata; an non. In primo casu obediendum est, quia error communis facit jus. In secundo, non teneris obedire, quia in hujusmodi dubio melior est conditio suam possidentis libertatem. Ita Cabassut. Lib. 1. Theor. cap. 21. n. 17. quem sequitur Pontas v. *Obeïssance*, cal. 4.

R. 2. si dubites de materia præcepti licitane sit aut obligatoria, sequendum id, quod diximus in Tract. de Conscientia; ideoque semper parendum est, nisi multo graviora sint momenta, quæ libertati, quam quæ præcepto favent. Fieri tamen posse puto, ut præcepti acerbitas conjuncta dubio, ei præcipue, quo superioritatis, validitas impugnaretur, differendæ ad tempus obedientiæ inservire posset.

Quæres 6. quibus ex obedientia parere teneantur Religiosi.

R. Tenentur parere 1. Romano Pontifici, qui Religionum est omnium Caput. 2. Generali, Provinciali, & Prælati locali. 3. Capitulum Generale, tum Provinciali: iis enim omnibus jure ordinario competit præcipiendi facultas.

Hic quatuor animadvertenda. 1. ipsos etiam hospites obedientiam debere iis, in quorum domibus moram faciunt, si id usu vel Regula constitutum sit. 2. suum esse regulari obedientiæ gradum, & ordinem, ita ut Generali contra Provinciale, Provinciali contra Præpositum localem obsequendum sit. 3. Prælati Mandatum ligare inferiores ubicumque sint, quia jurisdictioni Regularium, secus ac Episcoporum, personas ratione sui, non ratione territorii afficit; unde & mundum omnem habent pro territorio, & fugitivum, vel apostatam, quocumque transmeaverint, censuris plectere possunt: 4. Abbatissas, cæterasque Monialium rectorices, juxta communiorum Doctorum sententiam, nihil sub formali obedientiæ præcepto imperare posse; quia non plus ad id spiritualis jurisdictionis habent, quam politici principes; quorum tamen instar domesticas leges condere possunt, quæ juxta materiæ gravitatem conscientias ligent. Unde, quæ eis voveatur, obedientia, ei similis est, quam filii matri-familias sponderent.

## CAPUT TERTIUM.

*De aliis quibusdam Status Religiosi obligationibus.*

**D**UO hic explicanda: 1. quid Ecclesiæ, 2. quid Episcopis debeant Regulares. Circa primum tria præcipue inquiruntur: 1. an Regulares professi ad Officium; 2. an ad celebrationem Missæ; 3. an ad studium teneantur. Circa secundum ambigitur, an & in quibus Religiosi exempti Episcopis subiaceant. Hæc sane seligimus e multis: qui enim singula indagare vellet, esset ei expendendum, an & quousque prohibitum sit Regularibus, ne a sententiis & correctione Superiorum appellent; ne absque debitis solemnitatibus alienent Ecclesiæ bona, ne actibus judicialibus se immisceant; quæ quidem fuscè discussa traherent nos in immensum. Iis ergo prætermisissis, paucula, quæ præmisimus, sectabimur.

## ARTICULUS PRIMUS.

*An Regulares Professi ad Officium & Missam teneantur.*

**R**ELIGIOSI a Clericis Psalmodiæ usum acceperunt, at eisdem & diutius & accuratius vacavere. *Matutine laudes*, ait S. Epiphanius exposit. Fidei Cathol. cap. 23. *in Ecclesia Catholica, matutinaque preces assidue celebrantur; lucernales item Psalmi & Orationes...* magna vero ex parte *Monachi in decantandis Psalmis ac perpetuis orationibus occupantur*. Scribit etiam Cassianus collat. 2. & 3. *Ægypti ac Thebaidis Monachos, majorem noctis, dieique partem in Horis decantandis impendisse.* Idem de Monialibus testantur SS. Gregorius Nyssenus in vita S. Marcinæ, & Hieronymus tum Epist. 27. tum Epist. ad Demetriadem, quam his compellat vocibus: *Præter psalmorum & orationis ordinem, quod tibi hora tertia, sexta, nona, ad vesperam, media nocte, & mane semper est exercendum, &c.*

Quoniam vero multa sunt, quæ fieri non præcipiuntur, aut quæ uno tempore præcepta, alio vix sub consilium cadunt, idcirco posteriori ævo quæsitum est, an, & qui Regulares ad Officii recitationem tenerentur, sit

**CONCLUSIO.** Religiosi ad Chorum professi, & necdum in Sacris constituti, etiam extra Chorum, tenentur sub mortali ad Officii recitationem, nisi cum iis dispensatum sit a Papa, aut aliud ferat speciale Ordinis institutum. Ita Theologi pene omnes. contra nonnullos laxiores.

Prob. 1. ex unanimi omnium fere consensu, qui oppositam opinionem rejecerunt; alii ut temerariam, alii ut scandalosam, alii ut perniciosam animarum salutis, alii ut plane improbabilem, & ideo Clementis VIII. jussu erasam e Libro Emmanuelis Sa. Famolæ tres Hispaniarum Universitates, Hispaniensis, Cæsaragustana, Conimbricensis contra eam acriter insurrexerunt an. 1632. Præiverat jam ab anno 1625. R. P. Mutius Virelleschi, Societatis Jesu Præpositus, prohibens, ne quis suorum opinionem prædictam doceret etiam ut probabilem. Vide

Ethic.

Ethic. Amoris, Tom. 2. Lib. 10. cap. 17. ibique congesta Theologorum & ordinum plurimorum testimonia.

Prob. 2. ex sancta & legitima Ecclesiæ consuetudine, quæ Religiosis ad Chorum destinatis Breviarii pensum quotidie recitandum determinavit, si non semper præcepto scripto, at saltem ecclesiastica traditione; atqui talis consuetudo, utpote vim legis habens, graviter & in conscientia obligat eos omnes, qui ab ea non excipiuntur; non excipiuntur autem Religiosi in Sacris non constituti, & extra Chorum versantes. Unde statim ac aliquis asserere ausus est hujusmodi Religiosos ab Officio legendi abstinere posse, eidem protinus vivide & acriter obstitere horumce Ordinum superiores: de quo tria videris exempla apud citatum Theologum.

Dixi: *si non semper præcepto scripto*; etli enim fortassis nihil circa Officii recitationem quibuscumque in Religionibus fuerit constitutum, constat tamen multas ex iis esse, in quibus hæc recitatio etiam extra Monasterium, sive in itineribus, sive alibi, districte præcepta fuerit; quæ de re consulatur Nat. Alexander Reg. 5. ubi citat Fragmenta Regularum S. Basilii, S. Pachomii, S. Benedicti, SS. Pauli & Stephani, S. Ferreoli, &c.

Prob. 3. quia contraria paucorum opinio singularis est & nova: atqui opiniones novæ & singulares in materia morum, plenæ sunt periculi; ergo.

Obj. 1. Assertio præcedens potissimum fundatur in Doctorum consensu: atqui ex hoc consensu certum erui non potest argumentum: quandoquidem non consentiunt inter se Doctores in assignando hujusce obligationis fundamento; ergo.

R. 1. neg. maj. nostra enim assertio fundatur etiam in decretis Romanorum Pontificum. Sic Gregorius IX. de Monachis foras profecturis statuit, *ut ipsi Horas dicant in via*. Sic Concilium Marcianense an. 1326. cap. 19. præcipit generatim & indistincte, *ut omnes Religiosi Clerici ad omnes septem Horas canonicas omni die dicendas sint obligati, nisi eos infirmitatis gravitas excuset*.

R. 2. neg. min. Tam enim consensus Theologorum & Canonistarum assertionem nostram ab extrinseco certam facit, tamen non consentiant in fundamento intrinseco istius obligationis, quam idem consensus certam faciat obligationem Subdiaconorum ad castitatem, tamen in assignando hujusce obligationis fundamento non conveniant Doctores, quorum alii obligationem hanc fundant in voto implicito; alii in Ecclesiæ præcepto: alii in consuetudine præscripta; atqui, &c.

Obj. 2. Nulla obligatio ut talis recipienda est, nisi de ea evidenter constet per legem ita claram, ut probabilem non patiatur exceptionem: atqui obligatio, de qua loquimur, non nititur ulla lege tam clara, &c.

R. neg. maj. quæ si vera sit, corrumpunt & labuntur plurima christianæ moralis capita, quæ licet a sanioribus Theologis recepta sint, non probantur tamen argumentis ita cogentibus ut nunquam eludi possint & imminui. Legantur propositiones laxæ ab uno minus sæculo damnatæ, & quarum multæ horrorem pariunt, vix ulla est, quæ a viris eruditissimis, imo & piis, multiplici momentorum genere firmata non fuerit, & aliquando rationibus munita tam arduis ut facile solvi non possit. An non ergo malæ & periculosæ erant eæ propositiones antequam damnarentur?

An

An non merito arguebantur Theologi, qui asserbant Sacerdotem posse novum stipendium exigere pro parte sacrificii sibi debita, quam aliis cederet; eo prætextu, quod lex id prohibens non ita evidens & aperta foret, ut probabilem non pateretur exceptionem? An non noverunt omnes id, quod alii falsum judicant, ab aliis verum & probabile judicari? Profecto si, ut ait Cassianus de Disc. cap. 10. *decipi non potest, qui non suo, sed communi majorum vivit vel sentit exemplo*, facile decipi potest qui se cæteris omnibus oculatiorem esse confidit.

Obj. 3. Nulla consuetudo sub mortali obligat, nisi certo constet eam introductam vel receptam fuisse sub tali peccato. In dubio namque concludendum est pro obligatione minima, quia in obscuris minimum est sequendum, in pœnis benignior est interpretatio facienda: atqui certo non constat Religiosos & Moniales extra Chorum teneri saltem sub mortali ad Officii recitationem: ergo, &c.

R. 1. neg. maj. Etenim, ut sapienter monent Alensis & Dionysius Cartusianus in 2. Sent. dist. 22. *Qui dubitat de aliquo an sit simonia, an non, eo quod quidam jurisperiti dicunt hoc esse simoniam, & quidam non, talis abstinere debet a tali negotio, seu contractu, ne discrimini se committat*: quod principium suo loco fufius explicavimus; ergo non requiritur ratio evidens, sed aliquando sufficit dubium, ut quis vel agat, vel absteineat ab agendo.

R. 2. ex unanimi sapientum consensu exurgere demonstrationem moralem, quam qui sequitur, decipi non potest, ut supra aiebat Cassianus; atqui consensum hunc habemus tum circa obligationem, quæ nunc a nobis expenditur, tum circa ejus gradum: ergo.

Circa conclusionem nostram quædam sunt animadvertenda. Itaque

Not. 1. id, quod de Religiosis dictum est, ad Sanctimoniales esse extendendum, ob paritatem rationis & consuetudinis.

Idem etiam statuum est de virginibus. illis, quæ in Belgio, Germania & Lotharingia Canonissæ vocantur, ut contra Lessium in consiliis verbo *Horæ canonicæ* cas. 14. docent Malderus, Vvigers, Loth, Vanroy, Henricus a S. Ignatio, & alii plures, quorum assertio fundatur 1. in consuetudine & Theologorum consensu. 2. in eo, quod æquum sit ut, quæ quodammodo de altari vivunt, & Ecclesiæ bona percipiunt, ad hoc ut divino sint servitio & Choro participatæ, saltem Officium privatim recitent, cum Choro interesse nequeunt. 3. quia quæ Monialium vicem tenent quoad reditus, debent & vicem tenere quoad Officium: atqui eæ Canonissæ ut plurimum successerunt veteribus Benedictinarum monasteriis. Idque de celebri Abbazia \* Romarici montis constat, prout ipse anno 1729. propriis oculis vidi in codice MS. quem servant Benedictini, qui *Sanctum montem*, a Romarico monte una minus leuca distitum incolunt: quin & illas nobilissimæ prolapix Canonissas usque ad annum 1500. Sanctimoniales fuisse singulari Epistola demonstravit vir toto orbe celebris Joannes Mabillonius.

Quod ergo prædictas virgines, cum omittunt Horas, a restituendo eximunt aliqui, nullo nitiur fundamento; benignitas enim Fundatorum, quam allegat Vviganus, mera fabula videtur. Certe si Fundatores non exemerint a peccato *Canonissas, quæ unico etiam die integrum, vel medium pensum ex negligentia pmitteret*, uti censet idem Theologus; quare eandem

exc-

\* *Rimiremont.*

xemisse dicetur a restitutione, quæ longe minoris est momenti, si res oram Deo, & ad Sanctuarii stateram ponderentur; Sed de his plura videris apud Theologos, quos paulo ante citavi.

Not. 2. id quod alibi diximus de Sacerdote, eum scilicet si excommunicetur, exilio aut triremibus, damnetur, &c. adhuc Officii recitationi obnoxium remanere, pariter dicendum de Religiosis; unde apostatæ, fugitivi, ii etiam, quibus permittitur ut extra monasterium perpetuo vivant, ad Officium tenentur. Aliter sentiendum de eo, cui ex dispensatione Pontificia permitteretur uxorem ducere; quia dispensans in professione, censetur in iis etiam dispensare, quæ ex professione sequuntur. Eadem est ratio illius, qui vi similis dispensationis transiret de statu suo ad statum Conversorum, aut ad aliam Religionem, quam qui profitentur, non sunt ad Chorum destinati.

Quod spectat ad eum, qui per sententiam a Monasterio eiectus est, alii, ut Sotus & Cabassutius, eum ab onere Officii liberum asserunt; alii negant. *Is enim, ait Navarrus, semper remanet Monachus, nec uxorem ducere potest, & ad Ordinem suum, si volet mores mutare, redire fere semper potest.* Vide Pontas v. *Office du Bréviaire*, cap. 10. & 11.

Not. 3. ad Officium non teneri 1. Novitios & Novitias, qui in pœnalibus reputantur sæculares, 2. Laicos seu Conversos etiam professos, qui non ad Chorum, sed ad opera manualia deputati sunt; 3. Clericos, qui ex professione sua non sunt addicti Choro, sed vel studiis ut juniores Jesuitæ; vel armis ut Religiosi militares. Eorum vero, qui ad Chorum sunt deputati, obligatio incipit a die & hora professionis, ut ex iis, quæ tomo 2. dicta sunt, obligatio Subdiaconorum a tempore & hora ordinationis.

Quod spectat ad Missæ celebrationem 1. tenentur curare Prælati Regulares ut unum saltem Sacrum singulis in Ecclesia, diebus celebretur; neque huic Officio sine populorum offensione deesse possunt; 2. pro Missa hac, etsi Conventualis sit, stipendium recipere valent, nisi extet lex aut consuetudo in contrarium; 3. facilius mortaliter peccabit Regularis ex socordia diu Missæ celebrationem omittens, quam sæcularis; 4. pessima videretur consuetudo, quæ Regulares sub pœna jejunii in pane & aqua, adigeret ad celebrationem Missæ: hac certe via haberi possunt Missæ, a quibus celebrandis debeat quis sub pœna etiam graviore averti; 5. Missam, pro quo maluerint, offerre possunt, nisi aliter sancitum sit; 6. reprehendi tamen mererentur, qui pro Ordinis defunctis Sacrum facere negligerent; paremque Deo permittente vicem ipsi experirentur. De loco & tempore, quibus Regulares celebrare queant, fule disputant Salmanticenses, cap. 6. num. 92. & seq. sed ista prætermittimus, quia quisque & Ordinis sui praxim sequi, & ejusdem privilegia nosse debet.

## ARTICULUS SECUNDUS.

### *De Studiis Regularium.*

**R**egularium duplex pro præsentī secernitur genus. Alii ex instituto suo salutē Fidelium sub Pastorum auctoritate allaborant spargendo semen verbi, excipiendo confessiones, eademque magna ex parte

parte obeundo munia, quæ Præsbyteri sæculares. Alii monasticam professi vitam, sibi primum invigilare videntur, cæteris vero vix aliter professe quam orationibus suis, jejuniis, & fletibus. De prima Regularium specie nulla hic quæstio; ii enim utpote copiarum auxiliares, & Coadjutores Cleri, in doctrina potentes esse debent, adeoque serio Scripturæ præsertim, & Dogmaticæ, ac Moralæ Theologiæ studio operam dare. Tota ergo difficultas est de Monachis, quibus an vetita sint, an licita studia, pie simul & erudite discipiantur viri duo titulis omnibus majores, ambo & Galliæ nostræ, & Monastici Status ornamentum, quorum alter Armandus Joannes Bouthillier de Rancé, Abbas & reformator Monasterii de Trappa, alter fuit Joannes Mabillon, vir omnigena litteratura insignis, modestia insignior & pietate.

*Pares animis ambo, & virtutibus ambo.*

*Et certare pares, & respondere parati.*

Disputationem hanc, quæ plura parturit non minimæ molis volumina, fusc prosequi nec vacat, nec utile fuerit; cum concertatoris utriusque Libri & omnium terantur manibus, & ea scripti sint sacundia, quam nec capit, nec æmulari debet Scholastica methodus. Sit igitur & paucis

CONCLUSIO I. Monachi studiis & vacare possunt, & vacare tenentur.

Prob. Possunt & debent Monachi id, quod nulla generali lege sibi prohibitum est, quod e contra pluribus præceptum fuit Conciliis, quod ad rectam Monastici status administrationem, imo ad legitimam privatorum constitutionem plane necessarium est: atqui sic se habent studia Monastica.

1. Quidem nulla generali lege prohibita sunt. Ideo enim prohibita dicuntur, quia de iis silent Regulæ: atqui præterquam id falsum esse probat Mabillonius in *Reflexionibus* suis art. 6. non modo ex Regula Sancti Hieronymi, verum etiam ex regulis Magistri, S. Ferreoli, S. Isidori, Grimlaici, certum est in principio S. Thomæ adversus Guillelmum a Sancto Amore, illud Religiosis *intelligi concessum, quod nulla lege prohibitum invenitur*. Ergo eo ipso, quod studium Monachis interdictum non est, permissum existimari debet. Et vero usus præsertim Sanctorum, legitimus est regularum interpret: porro jam a primis Monachorum temporibus studiis incubuere sanctiores cœnobitæ, quales fuerunt venerabilis Beda, S. Bonifacius Apostolus Germaniæ, S. Anselmus, & alii prope innumeri: hinc tot eminentis scientiæ homines ad Episcopatum assumpti, præsertim e Monasterio Lirinenfi, vel ipso S. Honorati ejusdem fundatoris tempore.

Mabillon.

*ibid.* c. 21.

Tract.

des, & c.

des, & c.

1. p. 6. 4.

Denique dato, quod Monachorum institutores studium prohibuissent, potuit illud deinceps non permitti modo, sed & ab Ecclesia imperari. Unde

2. Studium plura Monachis indixere Concilia, seu generaliter, seu speciatim. Generaliter quidem, quia cum hodie Monachi contra vel præter institutionem primævam sacris Ordinibus, & Sacerdotio insigniantur, quæ cæteris Præsbyteris scientiam commendant, & eam Monachis præcipere dicenda sunt. Speciatim vero, ut patet ex Concilio Viennensi, cujus decretum habetur Clement. 1. *De statu Monach.* his verbis: *Ad ampliationem cultus divini, statuimus, quod Monachi quilibet ad monitionem Abbatis se faciant ad omnes Ordines sacros (excusatione cessante legitima) promoveri. Rursus ut ipsi Monachis proficiendi in scientia via opportuna non desit, in singulis ipsorum Monasteriis, quibus ad hoc suppetunt facultates, idoneus teneatur Magister, qui eos in primitivis scientiis instruat diligenter.* Sanctionem hanc confirmavit Clementis V. successor



cessor Benedictus XII. & per primitivas scientias intellexit Grammaticam, Logicam, & Philosophiam, sine quibus reipia ad urbem Scripturæ, ac Theologiæ scientiam nemo devenire possit. Cum his conferri possunt, quæ habet Tridentinum Sess. 5. cap. 1. & Sess. 25. cap. 4.

3. Studia ad rectam Monastici Status administrationem necessaria sunt. Ad id scilicet necessum est, ut in unaquaque domo adsint duo ad minus, Superior scilicet & ejus vel ægri vel absentis vicem gerens, qui possint confessiones suorum excipere, conscientiæ casus solvere, præcipua Ethicæ christianæ puncta ad Scripturarum & traditionis normam tractare, ac demum explanare difficultates; quæ sacrorum codicum lectioni Monachis ab ipso Ranceio concessæ inhærent: ad hæc vero quis sine studio & scientia idoneus? Non nego fieri quandoque, ut qui Religionem ingrediuntur, jam in sæculo competentem ad hæc munia notitiam sibi comparaverint. Sed quoti sunt hac nostra ætate, ubi; qui Religioni se devotent, plerique vix Rhetorices, aut Logicæ ad summum limina salutarerunt? adde quod quisquis eruditus est, non statim ad erudiendos alios admitti possit.

4. Demum studia ad debitam privatorum institutionem necessaria sunt. Tunc enim sana est privatorum Manachorum conformatio, cum utiliter & fructuose sive Scripturam, sive ascetica saltem Patrum opera pervolvunt; cum legunt sine periculo res lectas alienum in sensum detorqueandi; cum eorum quisque accepta a Deo talenta colit & exercet; cum nec sibi, nec aliis tædiosi sunt; cum musæi amore, ab evagandi cupidine, a tristioribus, quæ mentem vorant, ideis, a stultarum cogitationum caterva revocantur: hos porro fructus pariunt studia; neque id quispiam rem expertus dissidebitur. Vid. Mabillonii Reflexiones artic. 27.

Objiebat illust. Ranceius, e Monachorum studiis deteriores prodire exitus, superbiam, devotionis ariditatem, dissipationem, & jurgia, quin & hæreses pleraque, ut patet in Nestorio, Eutichete, Severo, Diotro, Pelagio, & ut cæteros omittam, Luthero.

At hæc nullo negotio solvuntur: 1. quia optimos quoque fructus pepererunt, & etiamnum pariunt Monachorum studia. Monachi enim fuere SS. Chrysostomus, Basilus, Epiphanius, Ephrem, Hieronymus, Abbas Maximus, Beda, Bonifacius Germaniæ Apostolus, Paschasius Radbertus, Anselmus, Bernardus, alique, quos recensere prolixius fuerit. Hi vero quot per scientiam bona ediderunt, seu Regna ingentia convertendo ad fidem, seu etiamnum erudiendo omnes Christiani mundi populos, seu vetera Patrum scripta, quæ majori sui parte e Monachorum Bibliothecis derivarunt, conservando? Ut quid ergo recensentur mali exitus, & reticentur boni? ut quid saltem non conferuntur aliis cum aliis, ut appensis in statera rebus, videatur utra pars prævaleat? ut quid non dicitur, pene omnia, quæ corruerunt, Monasteria studiorum defectu corruisse?

2. Superbia, ariditas, & similia non sunt studii sed studioforum defectus. Fulgebant litteris & doctrina citati Patres; & tamen tenera in Deum charitate, ac humilitate eximia eo usque commendandi erant, ut eorum aliqui se ne Monachi quidem nomine dignos esse conclamarent cum Bernardo; alii se cum Paschasio Radberto *Monachorum omnium peripsa* nuncuparent, & cum famulis domus vellent tumulari; quæ exempla nostris pene diebus renovavit Librorum belluo Christianus Lupus.

Et

Et vero quæ solidior quam Rancei & Mabillonii pietas ? quæ major ? quam utriusque facundia, & eruditio ?

3. Ex Hærefum Patribus, quos citavit Abbas B. V. de Trappa, plures Religiosi non fuere ; plures a Monachis fidei vindicibus strenue impetiti sunt ; plures ex imperitia ut Nestorius, ac potissimum Eutiches, non ex scientia lapsi sunt ; plures demum ut Lutherus, & primarii ejus asectæ erant ex Ordinibus Mendicantium, quæis tamen scientia non interdicat Ranceius. Mabillon. *Déflexions sur la Répliq. &c.* art. 28.

CONCLUSIO II. In Monachorum studiis præcauto multiplici opus est. Vide Mabillon. 3. p. Tract. de Studiis Monasticis.

Prob. Monachi præ cæteris omnibus, qui studio vacant, duo in studiis intendere debent, mentis scilicet & cordis institutionem ; mentis quidem per notitiam veritatis, cordis vero per charitatis augmentum ; atqui duo hæc ut assequantur, multa iis sollicite & caute vitanda sunt.

Et quidem 1. ut ad veritatis notitiam deveniant, opus est iis labore serio, constanti, sagaci, libero a præjudiciis, & docili. *Serio*, ne larvam, vanumque fulgorem pro veritate ipsa amplectantur. *Constanti*, ne vividæ imaginationis ludibrium facti, ab objecto in objectum avolent, resque leviter & raptim perstringant, non profunde investigent. *Sagaci*, tum ut festinent lente, memores hujus Proverbiorum effati : *Hæreditas, ad quam festinatur in principio, in novissimo benedictione carebit* ; tum ut altiora se non quærant ; tum ut a rerum, quæ & obscuriores sunt, & utiles parum, & multo magis, quæ obscœni aliquid habent, studio abstineant. *Libero a præjudiciis*, ut abjecto partium & Scriptorum respectu, quod verum est, undecumque sit, sequantur, neque Librum ex Auctore, sed Auctorem ex Libro æstiment. *Docili*, ut neque se cæteris peripicaciores in cogitando, aut rectoris ingenii in dijudicando temere confidant : hinc scilicet pullulant dissensiones, aliorum & ipsius etiam Ecclesiæ contemptus, atque pertinax propriæ opinioni adhæsiō.

2. Ut charitatem adaugent, non philosophicam sed christianam studiis operam impendere debent ; ac proinde & ante studium, eum supplices deprecari sine quo non sumus sufficientes cogitare aliquid ; & in ipso studii æstu animos & corda sursum pluries erigere, & primas spiritualibus Monasticæ vitæ officiis ubicumque partes largiri. *Advertite istud vos qui in transitu oratis, & cum mora legitis ; qui ad legendum fervetis, in oratione sepetis* : verba sunt Gilleberti Cisterciensis Abbatis Serm. 7. quibus, ut materię huic finem faciam, hæc sponte addiderim S. Hieronymi, a studiosis quibuscumque serio ponderanda : *Quotidie morimur, quotidie commutamus ; & tamen æternos nos esse credimus. Hoc ipsum quod disto, quod relego, quod emendo, de vita mea tollitur. Quot puncta notarii, tot meorum sunt damna temporum. Scribimus, atque rescribimus : transeunt maria Epistolæ, & sciendæ sukum carina, per singulos fūdus ætatis nostræ momenta minuuntur. Hoc solum habemus lucri, quod Christi nobis amore sociamur.*

ARTICULUS TERTIUS.

*An Regulares Episcopis subiaceant.*

**E**X innumeris prope, quæ hic agitari possent, quæstionibus, pauculas, quæ gravioris sunt momenti, expendemus, an scilicet Regulares Episcopis obsequi teneantur in his, quæ spectant ad Ordines, ad Sacramentorum administrationem, ad censuras, ad celebrationem festorum, ad clausuram.

Regularium, eorum scilicet, qui per solemnia vota Religioni sese irrevocabiliter nuncunt, quintuplex est ordo; Regulares enim dicuntur 1. Monachi, puta Benedictini, Camaldulenses, Carthusiani, &c. 2. Canonici regulam aliquam solemniter professi, quales sunt Canonici S. Augustini; S. Rufi; 3. & quidam Equites, ut olim Templarii, nunc autem Melitenses; 4. Mendicantes, Dominicani scilicet, Franciscani, Carmelitæ, Augustiniani, & Minimi; 5. Clerici, qui solemnia emittentes vota, dicuntur regulares, puta Theatini, Barnabitarum, & Patres Societatis: quamquam isti ex speciali privilegio ante solemnia vota Religiosi censentur.

Regulares dividuntur in exemptos, & non exemptos. Exempti vel ordinaria vel extraordinaria immunitate fruuntur. Extraordinariam immunitatem habent ii, quorum Monasteria in loco nullius Diocesis, seu, ut ajunt in territoriis separato sita sunt: & horum Locorum Præsules, sive Episcopi sint, sive non, Ordinarii vocantur, & voluntariam, ac contentiosam jurisdictionem sive in Clericos, sive in plebem finibus loci contentiam exercent, idque secluso Episcopo, ut notat Fagnan. in cap. *Grave*, de Officio Ordinarii nu. 10. Hujusmodi loca nullius Diocesis viginti & unum pro Italia & Hispaniis recenset citatus mox Canonista in c. *Cum contingat*, de foro compet. quibus ab auctore Libri, cui titulus: *Traité des Droits des Eveques sur les Regulars exempts*, adduntur pag. 302. Abbas & Abbatia Cluniacensis, Abbas, Abbatia Fiscanensis, Abbas & Abbatia de Casa Dei, Abbas, Abbatia, & Capitulum de Aureliaco. Sed nescit nemo Cluniacense privilegium gravis hodie dilceptionis materiam esse.

Pag. 471.  
edit. Rom.

Immunitatem ordinariam & communem habent plerique utriusque sexus Ordines, quibus varia a variis Romæ Ecclesiæ Pontificibus concessa fuere privilegia: sed dum iis aliqui, spreto saniorum e Fratribus suis iudicio, abutuntur, Episcoporum querelas cient, qua de re lege Thomassinum Tom. 1. part. 1. L. 3. c. 39. edit. 1725. & Tom. 2. part. 4. L. 1. c. 56. &c. edit. 1682. Vide & quæ acta sunt Senonis & Andegavi in causa Regularium, præcipue vero Mendicantium, de quibus hic nobis potior est sermo. Sit igitur

CONCLUSIO I. Regulares Episcopis quoad Ordines subijciuntur.

Prob. inductione. Primo, quia vetitum est Superioribus Regularibus ne *cujusvis privilegii prætextu*, subditos suos etsi capaces, in propria etiam Ecclesia, & ipso ordinationis die, ab extraneo Episcopo, absque Ordinarii licentia ordinari curent. Si secus factum fuerit, Episcopus ab exercitio Pontificalium, & sic ordinati ab executione Ordinum, sint ipso jure suspensi. Trid. Sess. 6. c. 5. & Sess. 23. c. 8. de reform.

*Tournely Theol. Moral. Tom. III.*

G

Se-

Secundo neque licitum est Regularibus ab alio, quam loci, in quo ordinariæ resident, Episcopo ordinari. Ita jam anno 398. definiit Concilium Carthaginense V. c. 13. & refertur c. *Si quis*, dist. 58.

Huic tamen legi suæ sunt exceptiones: unde fallit 1. si Regulares ab Apostolica Sede obtinuerint facultatem *de promovendo a quocumque*; quamquam & tunc apud Episcopum ordinantem debeat *probitatem suam & mores Ordinarii sui testimonio probare*, prout declaravit Cardinalium Congregatio apud Lamet. verb. *Religione* cap. 17. ubi nomine Ordinarii non Superiorem Conventus, sed Episcopum loci intelligendum esse ostenditur; 2. si Episcopus iisdem Ordines injuste deneget; & tunc ad Episcopi Superiorem recurrere debent; vel si forte ad Papam, eidem exponere repulsam, quam a proprio Episcopo passi sunt, & alioqui obtemperare eo facultas *de promovendo a quocumque*, subreptitia foret, & ordinatus juris poenas incurreret. Ita Lamet ibid. 3) si idem Episcopus notoria percussus sit censura, quæ eum ab Ordinum collatione prohibeat; 4. si per totos sex menses abstinerit ab ordinando; 5. si vacet Sedes Episcopalis, & tunc non indigent Capituli consensu, prout definiit Congregatio Concilii Tridentini. interpret. apud Pignatelli Tom. 1. Co n. 390.

Tertio potest Episcopus per se, vel per alium examinare ingenium, scientiam, defectus corporis, imo & bonos mores Regularis ordinandi; etsi in hoc ultimo puncto testimonialibus Superiorum litteris, fidem, nisi quid obstat, habere debeat.

Quarto solius est etiam Episcopi dispensare Regulares ab interdictis: licet possint Superiores eidem exhibere, quam graviter egeant ordinatis. Hæc omnia fusius exposita & probata videris in citato Tractatu de iure Episcoporum in Regulares; quod Opus, meo quidem ætatei iudicio, & scientiæ non parum habet, & summa moderatione commendatur. De Monasteriorum, quæ nullius sunt Diocesis, iuribus in eo, quod ad Ordines spectat, vide citatum opus c. 15. p. 163. & sequent.

CONCLUSIO II. Pendunt Regulares ab Episcopis in eo, quod ad Sacramentorum, præsertim vero Pœnitentiæ, administrationem spectat; pendunt & in officio concionandi.

Prob. quia cum gravis sæculo proxime elapso, Senonis, & Andegavi ea de re exarsisset controversia, has Regularium propositiones reprobavit Conventus generalis anni 1656.

I. *Concilium Tridentinum non obligat Regulares in Gallia ad obtinendas approbationes ab Episcopis, ut Sæcularium confessiones audire possint. Neque ex illius Concilii auctoritate privilegia Regularium restringi possunt, cum in Gallia receptum non sit præterquam in decisionibus fidei: neque etiam in Bulla Pii IV. pro confirmatione illius Concilii promulgata.*

II. *Ubi Concilium Tridentinum est receptum; non possunt Episcopi restringere vel limitare approbationes, quas Regularibus concedunt ad confessiones audiendas, neque illas ulla ex causa revocare; quinimo Ordinum Mendicantium Religiosi ad eas approbationes obtinendas non tenentur; & si ab Episcopis Religiosi non probentur, rejectio illa tantumdem valet, ac si approbatio concessa fuisset.*

III. *Regulares ordinum Mendicantium semel approbati ab uno Episcopo ad confessiones audiendas in sua Diocesi, habentur pro approbatis in aliis Diocesis, nec nova Episcoporum indigent approbatione. Regulares habent potestatem*

*reſtatam abſolvendi ſeculares a peccatis Epifcopo reſervatis, etiamſi ab Epifcopo auctoritas illa iſſis indulta non fuerit ..*

IV. *Regulares Mendicantes petere poſſunt licite a Iudicibus ſecularibus ut injungant Epifcopis, quatenus iſſis mandata concedant ad predicandum in Adventu, & Quadrageſima: quod ſi renuant facere Epifcopi, Decretum Iudicum ſecularium tantumdem valet, ac ſi permiſſio dictis Religioſis conceſſa fuiſſet. Quas quidem propoſitiones cum aliis dyabus ad Miſſam Parochialem & confeſſionem annuam pertinentibus Gallicani Patres damnare, ut reſpectively temerarias, ſcandalofas, falſas, erroneas, in hæreſim & ſchiſma inducentes, Sedi Apoſtolicæ, Conciliis tum Oecumenicis tum Provincialibus, & præcipue ſacro Tridentino, & Ordini Epifcoporum Apoſtolicum injurioſas & contrarias, ac Eccleſiaſtica Hierarchie deſtructive.*

Eaſdem quatuor propoſitiones, applicata ſua unicuique nota Gallicanis qualiſicationibus non impari, reprobativ Alexander VII. die Januarii 30. an. 1659.

Præſervant ex parte jam ab anno 1577. Gregorius XIII. in Brevi ad Sanctum Carolum Borromæum, in quo Sanctitas ſua etiam de ſententia Congregationis Tridentinæ Synodi interpretis cenſuit ex facultatibus per Mare magnum, aliave privilegia Regularibus conceſſis, factam eis non eſſe poteſtatem abſolvendi a caſibus ſibi a Epifcopis reſervatis: quod Decretum reſert Bonichon in Gallico Tractatu cui titulus: *L' autorité Epifcopale déſendue contre les nouvelles entrepriſes de quelques Réguliers, &c.* anno 1658. quem adire poſſunt, qui pleniorẽ hujus controverſiæ notitiam habere volent. Mihi vero, qui lines dudum compoſitas reſcribere non amo, his ſufficiet concludere verbis eruditi Patris Pauli a Lugduno, e familia Capucinatorum: Ergo Regulares Epifcoporum auctoritati omnino ſubſequent in approbatione pro adminiſtranda ſecularibus poenitentia: ideoque Epifcopi reſtringere poſſunt vel limitare eorum approbationes ad certas perſonas, necnon ad certa loca & tempora. Item eas revocare poſſunt, vel Confeſſarios hujusmodi ab audiendis confeſſionibus ſuſpendere, ex nova cauſa ad confeſſiones pertinente, etiam abſque individua hujus cauſe expreſſione. Item approbati ſine reſtrictione a Vicario generali Epifcopi, poſſunt iterum ab ipſo Epifcopo ad examen revocari: Item approbati ad Epifcopo, poſſunt ab ejus ſucceſſore ruruſus examinari; & ſi minus capaces fuerint inventi, poſſunt rejici: Item in uſa Diœceſi generatim approbati, confeſſiones in alia Diœceſi excipere non poſſunt abſque Diœceſani Epifcopi approbatione: Item a caſibus Epifcopo reſervatis abſolvere non poſſunt, niſi hæc facultas ab illo iſſis fuerit conceſſa, non obſtantibus quibuſlibet eorum privilegiis. Hæc omnia conſtant tum ex Trid. Concilio, tum ex pluribus ubique receptis Summorum Pontificum Conſtitutionibus, ac Decretis, Clement. dudum, Gregorii XIV. Inſcrutabili, Clementis X. Superna, Alexandri VII. &c.

His ſuffragatur ratio. An non enim æquum eſt ut Epifcopi ſuam vel negare vel auferre approbationem poſſint, iis, qui vel debita ſcientia carent, vel ex ovibus mutati in lupos, nihil aliud, quam ſcandalum aut errorem diſſeminarent? Hoc ſane ſenſerunt optimi quique Religioſum Superiores, Carmelitæ ſcilicet & Dominicani, Fulenſes, Auguſtiniani Mathurinenſes, Recollecti, Jeſuitæ, Minores & Minimi, qui omnes an. 1633. ad beneplacitum Cardinalis Richelei, ſuo ſuorumque nomine, æquam ab Epifcopis dependentiam in ordine ad ſacras conciones,

& Sacramentorum administrationem polliciti sunt; de quo vide Opus inscriptum: *Memoires Chronologiques & Dogmatiques*, sub an. 1622. pag. 310.

Declaravit etiam sacra Concilii Congregatio Regulares quantumvis exemptos, omnia, quæ a locorum Ordinariis circa observanda & vitanda in Missarum celebratione statuta fuerint, penitus servare teneri, & ad id censuris compelli posse; unde si Episcopus sub pœna suspensionis vetuerit, ne Missæ Canon alta voce recitetur, ut Lugduni vetitum est, huic pœnæ, sicut & alii, subiacebunt Regulares; prout agnoscit Paulus a Lugduno ibid. Tom. 4. p. 161. cum quo addiderim non licere Regularibus: 1. SS. Eucharistiæ Sacramentum palam exponere; absque tacito saltem Episcopi consensu, prout declaravit eadem S. Congregatio; 2. indulgentias populis proponere absque prævia ejusdem Episcopi licentia, ex Trid. Sess. 21. *De reform. c. 9. 3.* posse Episcopos cogere Regulares ut ad indictas Processiones accedant, & ortas eos inter de præcedentia dissensiones, brevi manu componere, ibid. Sess. 25. *De Regularib. c. 13.* favet celebre Edictum an. 1695. art. 34.

Hic nota cum Thomassino part. 1. Lib. 3. c. 40. nu. 8. & 9. 1. Regulares ne in ipsis quidem suis Ecclesiis contradicente Episcopo sacras conciones habere posse, 2. arcendos a ministerio verbi, qui errores spargunt & (quin & ab eis fidei professionem exigere possunt Episcopi, prout declaravit sacra Congregatio) 3. Regulares si privilegiis suis in absolutione casuum Sedi Apostolicæ reservatorum *uti voluerint, teneri ea Episcopa exhibere*, prout declaraverunt Clemens VIII. Innocentius X. Cleri Gallicani Comitia, & Ludovicus XIII. an. 1639. de quibus adi Bonichon 2. part. art. 16.

CONCLUSIO III. Regulares Episcopis multipliciter subjacent quoad censuras.

Prob. possunt enim Episcopi 1. cogere Regulares ut contra canonicas sanctiones privilegiis suis non utantur; idque adhibitis etiam censuris, quandoquidem ex Leg. 2. ff. *De jurisdict. ei cui jurisdictio data est, ea quoque concessa esse videntur, sine quibus jurisdictio explicari, seu exerceri non potuit*: ante tamen, quam ad dura censurarum remedia deveniatur, paternis admonitionibus uti debent Episcopi, ut monet Tridentinum Sess. 21. c. 8.

2. Possunt Episcopi etiam per censuras ab homine animadvertere non solum in Regulares, qui extra claustrum degunt, præsertim Apostatas & ab Ordine ejectos, sed in eos etiam, qui certa quedam etiam in claustro ediderint crimina, puta, qui errores docuerint, qui non accepto Sacerdotio Sacrum fecerint, aut exceperint confessiones, qui in sacro tribunali Pœnitentem sollicitaverint ad crimen; qui monetam fabricaverint, imminebant, adulteraverint. Sed postremum hoc, quod est læsæ Majestatis crimen, in Gallia ad sæculares Magistratus devolvitur. Vide auctorem citati Libri de juris. Episcoporum c. 23.

v. Trid.  
Sess. 25. c.  
12 de Re-  
gul.

3. Possunt & exigere Episcopi ut quas ipsi censuras tulerint, promulgent Regulares, etique Ecclesiarum suarum valvis affigi patiantur. Tunc vero & eos, quos publica censura percuisset Episcopus, a domo sua abigere, & a sacris functionibus apud se peragendis arcere debent. Debent & interdicta servare, & consequenter ad monitoria crimen, quod æscierint, detegere, prout docui in Tractatu de Censuris. Addit mox addu-

adductum scriptor cap. 21. non quidem Archidiaconos, aliove, qui contentiosam sibi jurisdictionem asserunt, sed Ordinarios, qui territorio nullius Diœcesis præfunt, idem cum Episcopis in Regulares jus habere, nisi, inquit, quod monitoria decernere non valent: sed hoc ultimum a viris eruditis rejicitur, ut obiter notavi in Tract. de Censuris part. 2. cap. 1. art. 4. Sect. 2. Punct. 1.

CONCLUSIO IV. Regulares quoad Festorum celebrationem Episcopis more gerere tenentur.

Prob. Ex Tridentino Sess. 25. c. 12. de Regular. ubi sic: *Dies etiam festi, quos in Diœcesi sua servandos idem Episcopus præceperit, ab exemptis omnibus, etiam Regularibus, servantur.*

Circa Decretum hoc quædam notanda. 1. Episcopos Galliæ non posse abique diplomate regio festa efficaciter instituere, ut patet ex artic. 28. Edicti an. 1695. de jurisdictione. 2. Regulares, qui subessent Monasterio nullius Diœcesis, haud teneri ad servandos festos dies, qui ab eisdem Monasterii Abbate instituerentur: imo jus instituendi festa ad solos Episcopos pertinere docet Duperrai in notis ad citatum prædicti Edicti articulum. 3. ut Regulares Diœcesana festa rite celebrent, requiri, ut & pridie jejunent aliis jejunantibus, (quamquam a jejunis recenter inductis, præciso tamen scandalo, Regulares exemptos absolvit Sylvius, verb. *Regationes*, q. 5. cui concinit Pontas eod. v. cas. 2.) & ipsa die a quocumque servili opere sive per se, sive per suos exercendo abstineant. 4. haud tamen necessum esse communiter loquendo, ut officium de Festo Diœcesano legant tam publice, quam privatim .... etsi quoad conciones, & lectiones, quas ad populum habuerint, debeant se conformare Evangelicis, & festis, quibus Clerus secularis utitur illis diebus, festis. Ita definiit S. Congregatio.

Dixi, communiter loquendo, quia satis receptum est Regulares quamvis exemptos, teneri ad celebranda festa Patroni Ecclesiæ Cathedralis, Dedicationis, ejusdem Ecclesiæ, quamvis ad hanc ex quadam solum congruentia Regulares obliget Gavantus Tom. 2. Sect. 8. cap. 5. num. 5.) Patroni item Diœcesis, si forte alius est a Patrono Cathedralis; item Patronorum minus principalium, ubi festa eorum solemnia esse contingit; licet nullam esse legem, quæ hic stricte, & vere obliget, doceat Gavantus ibid. Sect. 3. cap. 12. num. 7. Etsi vero Regulares ad prædicta festa teneri dicantur, haud tamen ad eorum Oblas, ut sæpius declaravit sacra Congregatio; licet eas, (cum Patroni sunt insignes, ut S. Dionysius Parisius, S. Martinus Turonibus) celebrare laudandum magis sit, quam vituperandum. Ita docet Carolus Guyet in Heortologia, Lib. 2. cap. 16. qu. 4. pag. mihi 222. Idem, eodem iudice, dicendum de Ecclesiis, quæ subsunt jurisdictioni Ecclesiæ Abbatialis aut Collegiatæ per se exemptæ: illæ enim harum festa peragere debent, licet non eodem ritu peragere teneantur. An autem festa Parochialis Ecclesiæ, ab aliis quoque Ecclesiis intra ejusdem Parochiæ fines positis celebrari debeant, fusc expendit idem auctor ibid. q. 7. & negativam tenet, etsi tunc vel Regulares, vel Collegiatos ferari velit, ne scandalo sint.

Quod spectat ad Clausuram Regularium, duas ea de re nuper edidit Constitutiones Benedictus XIV. unam quidem *super Clausura Monasteriorum quorumcumque virorum Regularium*, quæ incipit, *Regularis*: aliam vero *Tournely Theol. Moral. Tom. III.*

*Super clausura Monialium*, quæ incipit, *Salutare*, utramque die Januarii 3<sup>o</sup> an. 1742. In priori amare conqueritur non de iis tantum, qui privilegia, indulta, prerogativas, facultates, licentias, & alias quocumque pacto exco-  
gitatas concessiones, sibi sive a jure, sive ab homine factas & impertitas...  
pretendentes, feminas quaslibet intra Monasteriorum Clausura, septa, cœ-  
nacula, cubicula, aliasque officinas, aut admitti, ac recipi sinunt, mandan-  
que, aut una secum ducunt; sed de iis etiam, qui sub pietatis ac religio-  
nis prætextu, cum supplicationes sive cum sanctissimo Eucharistiæ Sacramen-  
to; sive cum sacris Sanctorum Sanctorumque Reliquiis, Statuis, & Imagi-  
nibus, per claustra, septa, & alia Monasteriorum loca, de more, ut asse-  
runt, habentur, sine ullo prorsus discrimine masculos, & feminas, sup-  
plicationes hujusmodi per eadem loca sequi & comitari licitum, quin imo,  
ut Indulgentias lucrari valeant, necessariam esse obtinent. Tum ut iis abu-  
sibus remedium afferat sua Sanctitas, 1. omnes, & singulas Constitutiones  
Sanctionesque a Romanis Pontificibus tam ante, quam post Concilii Tridenti-  
ni Decreta super clausura Monasteriorum quorumcumque virorum editas  
renovat; necnon in posterum ab omnibus & singulis, ad quos spectat, &  
in futurum spectabit, sub iisdem pœnis in Constitutionibus Sanctionibusque  
eorundem Pontificum, & Decretis ejusdem Concilii Tridentini contentis  
inviolabiliter observandas esse statuit, decernit, præcipit, atque mandat;  
2. omnia & singula indulta, privilegia, prerogativas, facultates, licentias  
& quocumque alio pacto nuncupatas concessiones... quacumque de causa  
occasione, titulo, colore & prætextu per quasque Apostolicas sive infor-  
ma Brevis, sive sub plumbo expeditas litteras sub quibuscumque verborum  
formis concessas & impertitas super hujusmodi accessu & ingressu revocat  
atque irritat; 3. quolibet hujusmodi privilegiis jam temere uti audientem  
ipso facto absque ulla alia declaratione pœnas, & Ecclesiasticas censuras,  
a quibus præter quam a Romano Pontifice pro tempore existente, nisi in  
mortis articulo absolvi possit, incurrere declarat; 4. haud tamen intendit San-  
ctitas sua derogatum esse iis concessionibus, quæ ad favorem quarumcumque  
nobilitum faminarum, ex eo, quod sive earundem Majores, ac pro tempo-  
re existentes de familia, fuerint & habeantur fundatores, vel insignes Bene-  
factores illius, intra Monasterii cuius claustra vel septa feminas etiam de familia  
ingredi vel concessum, vel cautum esse sibi voluerunt, & de concessione hu-  
jusmodi confirmationem ab Apostolica Sede obtinuerunt; sive femine hujus-  
modi sint consanguineæ, affines eorum, qui sunt domini in temporalibus lo-  
corum, in quibus Monasteria sita reperiuntur, & quacumque legitima tituli  
vel consuetudinis causa & occasione, ingressu hujusmodi de presenti gaud-  
ent, factæ & impertitæ fuerunt; dummodo concessiones hujusmodi per Apo-  
stolicas in simili forma Brevis, vel sub plumbo desuper expeditas litteras  
dumtaxat, & non aliter omnino factas & impertitas fuisse prius Ordina-  
riis locorum Antistitibus vel Præsulibus per legitima & autentica documen-  
ta constare fecerint, & dummodo nec vagandi, nec otiaandi; nec comedendi  
cenandique, nec per ambulacra, cubicula, cœnacula, aliasque loca & officinas dis-  
currendi causa, sed ad Ecclesias accedendi, sacrosanctum Missæ sacrificium audien-  
di, aliasque erga Deum pietatis officia & opera exercendi studio ingrediantur, &c.

Non minus efficacia sunt, quæ scribit S. idem Pontifex pro adstruenda Mo-  
nialium clausura, adeo ut earum septa ingredi omnibus omnino prohibeat,  
exceptis dumtaxat locorum Ordinariis, iisque omnibus superioribus, quibus  
squam Ordinariis & ordinaria jurisdictione utentibus Monialium Monasteria  
subje-



*subiecta & addita sunt, in casibus tamen necessariis, & servatis aliis de jure servandis, & non aliter omnino.* Utraque hæc constitutio, si quando in Gallis vigeat, haud dubium quin multis abusibus viam præcludat.

Ut a generalioribus ad specialiora progrediamur paucis definiemus. 1. posse Episcopos saltem ut delegatos a Sede Apostolica, Moniales etiam exemptas adigere ad clausuram, etiamsi eam non voverint. Clausura enim non est supra regulam, nec supra votum, sed in regula implicite continetur, ut quæ pertineat ad commodiorem castitatis custodiam. Eadem de causa injungere possunt Episcopi, ut Moniales a sæcularibus, a quibus invisor, ferrei aut lignei clathri adminiculo separentur; quod tamen Andegavi quoad celebrem Abbatiam frustra tentatum est. Vid. Sylvium Var. Resol. ver. *Clausura* 1. & Pontas ver. *Religieuse*, cas. 25.

2. Non posse Monialem etiam exemptam absque Episcopi licentia in scriptis concessa egredi e Monasterio. Ita post Tridentinum sess. 25. cap. 5. sancit Pius V. in Bulla *Decor*, data die 1. Februarii an. 1570. consonat Editum an. 1695. art. 19. atque id pro Monialibus Ordinis sui pie, & sancte constituerant Carthusiani jam ab anno 1578. Franciscanorum Præpositus Generalis an. 1609. & Eremitæ S. Augustini. At contradixere, & quidem non sine successu Abbates Cistercienses: de quo vide Duperrai in cit. art. 19. Pontas ibid. cas. 16. & Tractatum de juribus Episcoporum, c. 13. Cæterum eo usque a Superioribus suis pendent Moniales in eo, quod spectat ad exitum e Monasterio, ut hinc, ne quidem ad strictiora egredi possint absque eorum consensione Pontificio Brevis confirmata, prout cum Fagnano docet Pontas ibid. cas. 17. quod autem citata Bulla sancit Pius V. Monialem e Conventu suo non nisi ex causa magni incendii, vel infirmitatis, lepræ, aut epidemici, exire posse, non viger in Gallia: unde si ad Monialis valetudinem pertineat, ut cælum gravior in aerem salubrem muet, sufficit ei Superioris, & Episcopi assensus. Pontas ibid. cas. 18. post Sylvium ibid. verb. *Clausura*, 8.

3. Peccare lethaliter Superiores, qui Monialibus e claustro exeundi licentiam faciunt leviori de causa, idemque de Monialibus, nisi eas excuset bona fides: videtur esse statuendum; quia peccato gravi cooperantur, illudque promoveant: unde dubia ad minus apparet decisio, quam asserta ea de re post Sambovium idem Pontas hic cas. 19. ubi grave quidem in Superiore, at leve tantum in Moniali peccatum agnoscit.

4. Clausuram, quicquid cum Henno sentiant Religiosi quidam & Moniales, violari, 1. cum extraneis in Monasterium permittitur ingressus eo, quod murorum quædam pars contruerit; est enim hæc consuetudo ex C. 3. De numero earum, quæ quia canonicis obviant institutis, nullius debent esse consuetudinis momenti. Ita Sylvius verb. *Monasterium* 12. pag. 571. Pontas verb. *Monasterium*, cas. 6. & P. Antoine, merito observans non magis licitum esse Conventus ingressum, eo quod contruerit murus, quam quia fortuito aperta sit janua.

2. Cum in Monasterium intromittuntur seu infantes utriusque sexus etiam septennio minores, quod & vetitum est art. 3. Sanctionis Blesensis; seu prapures vel novis vestibus induendi, vel medica manu tractandi; seu Monialium etiam ægrotantium consanguinei aut affines.

3. Cum ii, qui legitima de causa intra septa domus admittuntur, alio ducuntur quam quo duci indigent, ut si Confessarii, aut Chirurgi, quibus valetudinarium ingredi satis fuerat, in cellas, hortos, & officinas

deducantur. Ita Pontas eod. v. *Monasterio*, cal. 9. qui tamen in hoc potestremo casu negat incurri excommunicationem latam a Tridentino sess. 25. cap. 5. *De Regularib.* adversus eos, qui *cujuscunque sint generis, aut conditionis, sexus, vel ætatis, ingredi præsumpserint intra septa Monasterii, sine Episcopi, vel Superioris licentia in scriptis obtenta*. Hæc Pontasii doctrina concordat cum ea, quam tradit Piselli *De Præcept. Eccles.* part. 1. c. 18. c. 3. eum nempe, qui ex necessitate Monasterium ingreditur, sed hac occasione inhonesti aliquid intendit, excommunicationi subjacere, quia per hoc, quod ingrediatur ex necessitate, non tollitur quin etiam malum ad finem ingrediatur, ad quod licentiam nec habuit, nec habere potuit: contra vero si eidem prava post ingressum suboriatur intentio, ideoque post peractum opus, ad quod legitime ingressus erat, multo diutius commoretur, ut sive aspectu, sive aliter, subortam libidinem impleat, peccare eum quidem graviter, haud tamen obnoxium fieri censuræ; quia non egressus, non autem ingressus, sit ad malum finem. Citat quidem Pielli pro hac opinione sua Barboſam de offic. & potest. Episcopi, part. 3. allegat. 102. num. 58. & Bonacinam *De clausura*, qu. 4. punct. 4. num. 18 verum Barboſa expresse docet eos, qui *finis ministerio multo spatio in Conventu morantur, non solum peccare mortaliter, sed etiam incurrrere in excommunicationem latam a Gregorio XIII. ut*, inquit, *sensiant Bonacina* ibid. n. 22. & Merula. Ut ut est, etsi non pauci auctores; tum in piorum etiam usu, tum in matæ levitate fundati, eos etiam a veniali peccato excusent, qui curiositatis causa aliquantisper in invifendis Monasterii officinis immorantur, multo tamen satius est curiositatem hanc compescere, præsertim cum aliquid haud rigidiores moram longiorem eam vocent, quæ excedit tempus quadrantis, ut Villalobos & Diana: sed de his, quæ specialem exigent Tractatum, præter citatos mox scriptores adi Tamburinum Tom. 3. de jure Abbatissarum disput. 24. &c.

De Clausura Religioſorum virorum docet ibid. Bonacina qu. 5. punct. 3. 1. fœminas, quæ eam, illicite Monasteria ingrediendo, violant, incurrrere excommunicationem Papæ reservatam: quæ reservatio juxta Cabassutium L. 5. cap. 16. num. 21. locum non habet in Gallia; ubi inquit, *hujusce delicti rei, nonnisi ad Episcopos recurrere solent*... *etiam quando is reatus publice innuit*; de quo vide, quæ dixi, ubi de Censuris part. 1. cap. 5. 2. Religioſos, qui *faciunt, aut permittunt easdem fœminas ingredi sua Monasteria, pretextu facultatum a Summo Pontifice, vel ab aliis concessarum*, pari obnoxios esse excommunicationis censuræ, & incurrrere insuper privationem dignitatum, & beneficiorum, & ad illa etiam inhabiles fieri; 3. eos, qui sine prætextu mox exposito fœminas in Monasteria intromittere, vel admittere præsumunt, suspensionis vinculo ireturi, iisdemque, quibus alii mox recensiti, privationibus, & inhabilitatibus subjacere: & eæ quidem pœnæ insiguntur per Bullas ubi *Gratia* Gregorii XIII. & *Regularium personarum* Pii V. verum prædictæ inhabilitates, ac privationes, non ante incurruntur, quam Judex sententiam tulerit criminis declaratoria.

Quæres, quæ loca sub Clausura Regulari comprehendantur.

R. Comprehendi communiter dormitorium, claustrum, Bibliothecam, capitulum, hortos etiam non muro, sed sepe conclusos, refectorium,

rium, valeudinarum, culinam, aliasque interiores officinas; non tamen sacrificiam, Capellas Ecclesiarum junctas, quæ sine transitu per Monasterium adiri possint, vel Chorum; quamquam vix sine scandalo in chorum, qui post altare majus situs esset, admitti possint sœminæ, ut notat Bona-Gratia, v. *Clausura*, n. 80. præsertim cum mulieres omnes a choro quocumque procul fieri maxime deceat.

## A P P E N D I X.

### *De obligationibus Superiorum.*

**D**uplex est in Superiore genus obligationum: aliæ scilicet sunt ejus ad se ipsum; aliæ in ordine ad inferiores. Primæ ad vitam spectant, aliæ ad regimen subditorum; quamquam & Superioris vita ad regimen non parum conducit, ut primo intuitu patet. Sit

**CONCLUSIO I.** Superior vitam puram, communem, & exemplarem agere debet.

Prob. 1. pars. Quia, quæ subditos dedecent vitia, ut rixæ, contentiones, gula, ebrietas, impudicitia, hæc multo magis dedecent Superiores, in quibus ideoque gravius a supremo iudice plecentur, secundum id Sap. 6. nec ponderatum salis, nec salis usquam ponderandum: *Horrende tunc cito apparebit vobis, quoniam iudicium durissimum his, qui præsumunt, fiet. Exiguo enim conceditur misericordia: potentes autem potenter tormenta patientur. Non enim subtrahet personam cuiusquam Deus.... fortioribus autem fortior instat cruciatio*; ergo non eo solum sentio puri esse debent Superiores, quod nec irregularitatis ulla, nec ullis censuris irretiti esse debeant, sed quod vitam a peccatis, vitiis, omnique, si fieri posset, imperfectiōne immunem vivere debeant.

Prob. 2. pars. Tum quia ex communi Magistrorum vitæ spiritualis sensu, vita communis pro maxima haberi debet pœnitentia, ad quam sane multiplici titulo tenentur Superiores: tum quia si Superiori naveant Chorus, meditatio communis, refectorium, victus, & vestitus, quibus utuntur cœteri, si contra sapiant eidem cibi exquisiti, vina delicatiora, somnus longior, frequentes e Monasterio exiūs, cursus inutilis, visitationes ad minus superflue; si demum quancumque non gradiendi cum Fratribus suis occasionem arripiat lubens, aut etiam inneat, jam erit, & reputabitur petra scandali & lapis offensionis; & cui coram assentabuntur inferiores, de eo clam & inter se detrahent & obmurmurabunt.

Prob. 3. pars 1. quia Superior quilibet debet esse *forma gregis ex animo*, ovesque sibi creditas parturire, donec formetur in iis Christus: atqui scopum hunc nec brevius, nec efficacius assequi potest, quam si factis & exemplo præluceat. Longum enim est iter per verba; breve per exempla; atque, ut ait S. Bernardus Epist. ad Balduinum: *Sermo vivus est efficacax, exemplum est operis, faciens suadibile, quod dicitur, dum monstrat suadibile, quod suadetur*. Imo etsi Superior linguis hominum loquatur, Angelorum, vix quidquam proficiet, nisi Christi exemplo, prius *facere* incipiat, quam *docere*: erit semper, qui sibi male consulens, vulgatum

tum istud obrudat : *Medice , cura te ipsum .* Quia & nisi jam reprobus sit Monasterii præsul , hanc , quoties verba faciet . Pauli turbam suis sentiet auribus obstrepere : *Confidis te ipsum esse ducem cæcorum , lumina eorum , qui in tenebris sunt , eruditorem insipientium , &c.* qui ergo alium doces , te ipsum non doces , &c. 2. quia *qualis rector est civitatis , tales & habitantes in ea* , Eccli. 10. ergo nisi factis & opere præluceat Superior , indubie perdet populum suum , ibid. Sit ergo rector operatione præcipuus , ut *vita viam subditis vivendo denuntiet* : & grex , qui pastoris vocem moresque sequitur , per exempla melius , quam per verba , gradiatur . S. Greg. part. 2. Pastor. cap. 3.

CONCLUSIO II. Superiorum regimen omni virtutum apparatu , sed scientia potissimum , prudentia , & charitate informari debet .

Prob. 1. pars , tum quia nulla est virtus , ad quam non debeat Superior pro tempore & loco subditos informare , tum quia nulla est virtus , quæ in longioris præsertim ministerii decursu ab eo non debeat exerceri .

Prob. 2. pars . Debet Superior de Deo digne loqui ; inferiores ea edocere , quæ ad christianæ legis votorum ac præceptorum regulæ substantiam , & aliquem modum pertinent ; unumquemque pro suo gradu ad perfectionem promovere ; scrupulos , quibus etiam quandoque vexantur eruditi non temnendo solum , sed & solide erudiendo pacare ; solvere casus conscientie ab ipsis propositos Confessariis , qui nativo quodam jure ad Superiorem recurrunt , vixque sæpius ad alium recurrere possunt ; ac demum subditas sibi oves a venenato hæreseon gramine servare illasas : atqui Superior hæc præstare nequit , nisi scientia polleat , eaque non communi . Nec sufficit , ait post Pellizarium Henno , quod præsul viros habeat apud se eruditos . Præterquam enim Superiori aperiuntur multa , quæ inferioribus vix detegi possunt , turpe est quempiam ab aliis mutuari , quod ipsis fœnerari debet .

Prob. 3. pars . Prudentia est virtus , quæ hominem in quovis rerum genere recta via deducit , ut neque deficiat , neque excedat : atqui hæc virtus , si cui unquam , certe Superiori necessaria est . Debet enim is investigatis sedulo subditorum suorum qualitatibus , ingenio , dispositionibus , & constituere , quæ recta sunt , & semel iuste sancitis adhærere , & tamen non urgere rigidius , sicut nec sub prætextu pacis & mansuetudinis lapsus penes omnes dissimulare ; quia ut rigor nimius , sic & indulgentia nimia , Religiosos , Religionemque in apertum discrimen adducit . Unde suis invigilare tenetur , non ut exactor aut satelles , qui iniquitatem querat in domo iusti , sed ut pastor bonus , qui gregi toti bene velit , qui de corporea , & spiritali suorum necessitate diligenter & amice inquirat ; qui vividæ quorundam indoli nonnihil condonet ; qui norit ut medicinas , sic & monita nocere , non prodesse , si dentur sine respectu ad personas , loca , tempus , & occasiones ; qui nec temere suspicetur præsertim in materia gravi , nec delatores , adulatores , exitialem cujuscumque Communitatis pestem , utrique ulnis amplectatur .

Prob. 4. pars . Tenetur in conscientia Superior orare pro suis ; iisdem & corporalia ministrare , ut vitam proprietati , divagationibus , perversis amicitis , ac similibus præcludat ; & præbere spiritalia monendo , consolando , compatiendo afflicis , visitando infirmos , satagendo , ut Novitiis Magistri eximie capaces , Scholaribus Professores idonei , omnibus Confessarii prudentes & in rebus divinis experti præponantur ;

at-

atque hæc sine acri, sollicita, & jugi charitate neutiquam præstari possunt: ergo.

Eas Superiorum qualitates solide expressit Innocentius III. c. 6. *De statu Monach.* ubi sic: *Præ cæteris potens sit Superior in opere & sermone, ut exemplo vite, verboque doctrine Fratres & instruere possit in bono, & a malo revocare; zelum Religionis habens secundum conscientiam, ut delinquentes corripiat & castiget, obedientes foveat & confortet ... quanto frequentius poterit, sit cum Fratribus in Conventu; vigilem curam & diligentem sollicitudinem gerens de omnibus, ut de officio sibi commissio dignam Deo possit reddere rationem. Quod si prævaricator ordinis fuerit, aut contempitor, seu negligens aut remissus, pro certo se noverit non solum ab officio deponendum, sed & alio modo secundum regulam castigandum; cum offensa non solum propria, verum etiam aliena de suis manibus requiratur.*

Ex his colliges 1. graviter peccare, & omnium, quæ inde consequuntur peccatorum causam esse, eos, qui sub prætextu alicujus pietatis aut dexteritatis, imperitum aut alias indignum eligunt. Ita Henno tom. 3. pag. 538. & latius Antonius a Spiritu sancto, Tract. 5. disp. 4. sect. 1. ubi tamen tredecim recenset casus, in quibus minus dignum eligi posse opinatur. Cæterum non uno ex capite prodit indignitas, quæ a Prælatibus Regularibus excludit, ut videre est apud eundem Antonium ibid. sect. 3. & seq. Tamburinum tom. 1. disp. 5. Pellizarium Tract. 9. &c. verum ea sane cæteris est gravior, quæ a moribus repetitur; hanc in pauca graphice contraxit idem Henno his verbis: R. excludendos esse ratione morum, adulatores; hypocritas; magis politicos, quam Religiosos; omnes, ad instar Absalon, exterius honestissime recipientes, & suis tantum benefacientes & suorum imperfectiones excusantes, & perfectiunculas ad celum usque extolgentes; aliorum vero exaggerantes imperfectiunculas, & perfectiones labefactantes; in bonis suorum memores, aliorum immemores; in malis contra: magis sollicitos placere secularibus, quam prodesse Religioni; querentes Superiorum majorum gratias & favores, litteris & laudibus adulatores, muneribus, delicatioribus ferculis, &c. & idem est, si ipsimet similibus capiantur; Chororum ideo & refectorem communem fugientes. Hæc ille, subdens paulo post sancitum esse ab Innocentio XII. ne in Superiores FF. Minorum eligantur, qui etiam sine culpa, & ex sola infirmitate vitam communem vere & cum effectu sequi non solent.

Colliges 2. cum eodem reos etiam esse Superiores, qui vel ex incuria, vel incapacitate raro aut nunquam hortantur, instruunt, aut quod idem pene est, tam incondite id præstant, ut pene idem sit eos vel loqui vel elingues manere. Nec minus rei sunt, si non inviligent, ut quos aliquorum institutioni præfecerunt, munus suum debite impleant: a simili rationem Domino deo reddituri sunt Theologia Lectores, qui speculativis totaliter intenti, vix aut nunquam descendunt ad ea, quæ sunt hominis Religiosi & Christiani. Item, qui habita ad suos qualicumque lectione, nihil amplius a se exigi posse temere confidunt; quasi vero nec perpetua debeant alumnis suis virtutum omnium exempla, nec iis invigilare teneantur, &c. sed de his infra part. 6.

Collige 3. plus aut minus secundum materiæ gravitatem peccare Prælatos, eos præsertim, qui nihil necessarij, ne superflui dicam, sibi denegantes, denegant sanis victum aut vestitum necessarium, infirmis medicamenta, senibus restauramenta. Item & a fortiori, qui nedam spiritaliter affli-

afflictis solamen ferant, eosdem abijciunt, aspernantur, negligunt; & quandoque in desperationis baratrum præcipitant.

Colliges 4. a regimine charitatem spirante procul esse eos omnes, qui *dominantes in Cleris*, aspera verba, clamores, severiorem vultum, elatam vocem, & imperiosam passim agendi rationem exercent, contra id Eccli. 32. *Reflorere te posuerunt? noli extolli; esto in illis quasi unus ex ipsis. Curam illorum habe... ut leteris propter illos.* Hinc S. Bernardus Serm. 27. super Cantica, audiant, qui sibi commissis volunt esse formidini, utilitati raro: *Erudimini, qui iudicatis terram, discite subditorum matres vos esse debere, non dominos: studete magis amari, quam metui.* & si interdum severitate opus est, paterna sit, non tyrannica, matres fovendo, patres corripiendo vox exhibeatis: mansuescite, ponite feritatem, suspendite verbera, producite ubera. Hæc idem Henno, quem consulit: sed & consulant, qui Seminariis præsunt, Librum cui titulus: *De l'éducation des Ecclésiastiques dans les Séminaires.* Paris, 1699.

Colliges 5. peccare mortaliter Superiorem, si per ejus dissimulationem passim negligatur observantia alicujus regule, v.g. prohibentis ingressum in aliena cubacula, silentii, &c. licet transgressio talis regule ne veniale quidem esset. Ratio est, quia observantia talis regule multum confert ad decorem, ædificationem, & utilitatem talis Communitatis; sæpe etiam præcavet gravia mala in subditis; ergo si Superior negligat, infideliter fungitur munere suo, nocetque graviter Communitati, ac gravius peccat, quam si in administrandis temporalibus gravem committeret negligentiam. Ita la Croix T. 2. præverat Lugo Tom. 1. De just. sect. 2. nu. 21. ubi docet fieri posse, ut subditi solum venialiter peccent, & Prælati peccent graviter in iis defectibus permittendis. Concinit vivide Paulus a Lugd. Tom. 3. p. 540. Superiores ita factam ecclesiam conservare tenentur regularem observantiam, ut si vel una, etiam levissima, eorum culpa ac negligentia desuescat aut peccet, secundum omnes Doctores gravis peccati reſeſſiciantur; quia licet hæc de se levis sit inobservantia, ejus tamen continuas acervatim & in effectibus suis spectata, gravis est utique & permagna. Ergo merito ajebat S. Paulus Rom. 12. *Qui præest, in sollicitudine;* & Hebr. 13. *ipsi pervigilant, quasi rationem pro animabus vestris reddituri.*

## P A R S T E R T I A.

### De obligationibus Judicum.

Ad Tit.  
29. 31. &  
32. Lib. 1.  
Eccretal.

**J**udicia publica sancte exerceri posse, & in iisdem pro rebus suis unicuique agere licitum esse, unanimis est Regnorum omnium assertio contra Vvaldenses; unde non publica, sed temeraria privatorum judicia redarguit Christus, cum ait Matth. 7. *Nolite judicare:* unde iterum in his Matth. 5. *Qui vult tecum in iudicio contendere & tunicam tuam tollere, dimitte ei & pallium,* non præcepti legem, sed adhortationem consilii tota cognovit antiquitas, non secus ac in istis, quæ immediate præcedunt: *Si quis te percusserit in dexteram maxillam tuam, præbe illi & alteram.* Arguit quidem Apostolus 1. Corinth. 6. eos, qui lites movebant aut inſequebantur, at eo quod litigii, licet non necessario, frequenter tamen affideat multiplex pec-

peccati genus , præcipue vero , ut a S. Thoma observatum est , rerum temporalium cupiditas , secunda litium parens ; discordia & exacerbatio animorum ; odia , & detractio inter colligantes ; doli , fraudes , praxes captiosæ , quibus alter alterum supplantare enititur ; scandalum non alii tantum ab alio , sed & amicis , quos quisque suas in partes trahit , hinc & inde porrectum , ac denique impenia sollicitudo , quæ litigatoris animum & immergit profunde rebus terrenis , & a Deo consequenter avertit . Sed si in multis offendunt , qui litigant , in multis offendunt , qui judicandi munus exercent , prout post exhibitam judicis notionem manifestum erit .

Judex , sic dictus , vel quia jus dicit , vel quia partium jura discepat ; est Persona publica potestatem habens de eorum , qui sibi subditi sunt controversiis & criminibus cognoscendi , eorumque causas ex præscripto legum per sententiam definiendi : quæ quidem ex dicendis plenius innotescunt .

Judex dividitur 1. in Ecclesiasticum & Civilem . Prior lites Ecclesiasticas , posterior Civilia negotia tractat & dirimit .

2. In Judicem supremum , & inferiorem . Prior ille dicitur , a quo provocatio non est ; posterior est ille , a quo ad alium appellare licet . In civilibus , Judicium supremorum societas vocatur Curia , ejusque judicia *Arrestorum* nomine donantur : inferiorum vero Magistratum decisiones dicuntur *Sententia* . Esti Arresta controversiis finem imponere debent , adversus ea tamen quandoque agitur , ea actionis specie , quam dicimus *cassation d'Arret* , de qua vide Ferriere hoc verbo .

3. In Judicem ordinarium , & delegatum . Ordinarius ille est , qui vi officii sui habet potestatem judicandi . Delegatus is est , cui judicandi facultas non ex proprio jure competit , sed ex alterius commissione , unde in jure nunquam appellatur *Judex datus* , vel *extraordinarius* ; item & *Commissarius* , ob alterius vices commissas .

4. Judex delegatus , vel est delegatus ad universitatem causarum , vel ad causam particularem . Prior aliquam suæ jurisdictionis partem subdelegare potest , non posterior , nisi a supremo Principe delegatus sit , prout dixi ubi de Legibus c. 6. art. 2.

Ut materiam hanc cum aliquali methodo pertractemus , expendendum videtur 1. quid Judex debeat sibi ; 2. quid legibus ; 3. quid iis , quibus jus dicit .

## CAPUT PRIMUM.

*De obligationibus Judicum in ordine se .*

**J**udicibus sedulo enitendum esse ut omnium prosus virtutum apparatus instructi sint , facile intelliget quicquid cogitaverit eisdem de fortunis , de honore , ac demum de ipsa hominum vita dijudicandum esse , sic tamen ut quidquid Dii terræ judicaverint , illud ad supremi Judicis tribunal & examen sit aliquando deferendum ; quod nervose indicant hæc Scripturæ verba : *Ego dixi , Dii essis & filii Excelsi omnes : vos autem sicut homines moriemini , & sicut unus de principibus cadetis . Surge , Deus judica terram .* Psalm. 81. v. 6. 7. 8. Quoniam vero singu-

singulas Magistratum dotes scrutari non vacat, idcirco præcipuas delibare conabimur. Sit itaque

CONCLUSIO. Judex vigere debet ingenio, intelligentia, seu, ut loquimur, bono sensu, scientia, constantia & animi fortitudine, gravitate morum; debet & a lucri commodorumque suorum studio averius esse.

Prob. 1. pars. Judex ex dicendis, scientiam, eamque nec in gradu mediocri, nec in genere facili, sed mille nodis implicato habere debet: atqui ad id necesse est ut ingenium dives, solidum, & ad omnia expeditum acceperit a natura; ergo, qui hebes est & obtusus, a Judicis officio exclusus est ex natura rei.

Prob. 2. pars. Judicis est 1. sententiam ferre de rebus ut plurimum intricatis seu ex se, seu ex parte colligantium & Advocatorum, qui res aliquando etiam perspicuas eo usque involvunt ut vix certa ab incertis, indubia a dubiis secerni queant; 2. attendere ad omnes juris & facti circumstantias; 3. & principia singulis, qui occurrunt, casibus, applicare: atqui nisi intelligentia & plurima, sensus rectitudine donatus sit, non magis hæc tria præstare potest, quam quis sine pedibus gradi, ut ex se patet. Hinc Salomon, ut judicaret populum Israel, præ cæteris a Deo postulavit *cor docile & intelligens*, atque sapientiam ad discernendum *judicium*, persuasissimum habens se absque iis donis ne uno quidem passu in via justitiæ & æquitatis proficere posse. Vide cap. 3. Libri, cui titulus: *du devoir des Juges*, &c. Auctore Renato de la Bigotiere apud Armoricum Senatum præside.

Prob. 3. pars. 1. ex scriptura: Deuteron. 1. *Non valeo solus*; ait ad populum Moyses, *negotia vestra sustinere, & pondus, ac jurgia, dare ex vobis sapientes & gnaros*. Psalm. 2. *Erudimini, qui judicatis terram*; 2. ex Concilio Londinensi an. 1237. cap. 23. ubi sic: *Cum non solum potestas, sed discretio & scientia in distinguendis negotiis potissimum requiratur, solerter ab omnibus præcavendum, ne talis Judex vel cognitor deputetur, per cuius imperitiam, simplicitatem vel ruditatem inutilis feratur sententia vel injusta, absolvatur nocens, & innocens condemnetur*; 3. quia ut ridiculum est picturam, aliamve quamcumque artem, quam necias, profiteri velle, sic eo ridiculum est, ac periculosum magis ignotam exercere judicaturam, quo hæc gravius objectum habet.

Porro ut non una est Judicum omnium jurisdictio, nec eadem, ejusdemque momenti omnibus veniunt definiendæ lites, sic nec una ejusdemque gradus ab omnibus scientia expeti potest. Ut plurimum tamen necesse videtur ut Judex plenam habeat cognitionem, 1. juris etiam Cæsarei, quod innumeris in casibus intervrit, non ubique quidem quasi lex obligans, sed ut æqui & veri norma; 2. Constitutionum, & Edictorum, quæ a Regibus nostris emanavere; 3. Consuetudinum, quæ vigent in territoriis, quibus jus dicit; 4. debet & nosse, quo sensu legum consuetudinumque articulos intellexerint, qui pleniorum earum notitiam habuisse censentur: 5. imo & scire debet id, quod inferiores sui scire debent, ut eos cum ex imperitia aut libidine delinquant, emendet, & ad meliorem visum reducat; prout reducere tenetur ex variis Regni sanctionibus, ut bene notat Collator Andegavensis Tom. ult. pag. 51. Præter hæc, quæ naturali jure obligant, sanctum est Regia declaratione anno 1680. die 26. Januarii, ut nemo nisi Licentiatús pleraque judiciarii muneris officia exercere possit. Idem. in Jure

Canon.



Canonico requiritur gradus, ut quis Officialis munere defungatur :

Prob. 4. pars. 1. ex cap. 7. Eccli. ubi sic legere est : *Noli querere fieri Judex, nisi valeas virtute irrumpere iniquitates, ne forte extimescas faciem potentis, & ponas scandalum in aequitate tua ... noli esse pusillanimis in animo tuo* ; 2. quia Judex sic affectus esse debet ut nec odio, nec amori, nec vindictæ desiderio, nec præmiorum humanorum spei, nec potestatum minis, nec pœnarum aut mortis ipsius timori cedat : atqui ad id summa opus est constantia, & invicti animi robore. Unde hic vix satis mentem firmant graviora Religionis motiva ; e quibus tamen utiliter sibi revocabunt Magistratus id, quod olim ad Judices a se constitutos dicebat Josaphat 2. Paralip. 19. *Videte, quid faciatis ; non enim hominis exerceatis Judicium, sed Domini : & quodcumque judicaveritis, in vos re-dundabit. Sit timor Domini vobiscum, & cum diligentia cuncta facite : non est enim apud Dominum Deum nostrum iniquitas, nec personarum acceptio, nec cupido munerum.*

Confirm. Judex & integritate præcipue indiget & patientia. Integritate quidem, ut nec ad dextram nec ad lævam a recto tramite deduci & moveri possit ; patientia vero ut & studiis ingratis plerumquæ, ac difficilibus vacet ; & obscura, ac dædalæ partium jura penetret ; & vix alienis, qui sæpe fallunt & falluntur, oculis credat : atqui hæc præstare nequit, nisi & constantia polleat, & animi firmitudine ; ergo.

Prob. 5. pars. Tenentur Judices suum & legibus & sibi metipsis honorem asserere, continere cives, & in Republica Christiana christianum ordinem fovere : atqui eo nusquam devenient nisi se morum gravitate commendandos exhibeant. An enim legum honorem tuebuntur, qui easdem primi violaverint ? an reverebitur populus eos, qui depravatis moribus infamiam sibi probumque intulerint ? an pacifice & sancte vivant, qui a Capitibus suis scandalum, motus inordinatos, & legum despiciationem docebuntur ? an demum timere poterunt, qui revereri nescient, aut revereri poterunt, quorum oculis nihil exhibebitur nisi dignum contemptu ?

Prob. 6. pars. Præcipua Judicum dos est integritas, quæ nec corrumpi nec labefactari queat : atqui Judex lucrum inhians, & avaritiæ studens, intemeratam hanc & plenam in dicendo jure integritatem habere non poterit ; quia quocumque munerum intuitu stectetur, ejusque partis, quæ plus obtulerit, jura magis certa & indubia nativo quodam mentis impetu deprehendet. Hinc illud Deuteron. 16. *Non accipies personam nec munera, quia munera excæcant oculos sapientum, & mutant verba justorum* ; & Isaiæ 33. v. 15. *Qui ambulat in justitiis, & loquitur veritatem ; qui projicit avaritiam ex calumnia, & excutit manus suas ab omni munere, qui obturat aures suas ne audiat sanguinem . . . . . iste in excessibus habitabit ; & rursus Proverb. 15. v. 27. Conturbat domum suam, qui seclatur avaritiam, qui autem odit munera, vivet : neque pro futuro tantum, sed & pro præsentis sæculo domum suam conturbat, qui justitiam vendit, cum frequens doceat experientia, male partas opes pessime dilabi. Sed de his rursus cap. 3. Concl. 2.*

Ex his principiis colliges 1. graviter peccare, & ad damni secuti reparationem teneri Judices, qui ex ignorantia, non dicam crassa, sed levi, sententiam injustam proferunt ; & id sequitur ex iis, quæ dicta sunt Tom. 1. p. 241. 2. mortaliter peccare eum, qui suæ sibi vel imperitiæ,

ritiæ, vel pusillanimitatis conscius, Judicis munus accipit aut non dimittit acceptum, aut saltem functiones ejus non suspendit, donec id, quod sibi deest ex parte scientiæ, aut ex aliis capitibus, supplere vel emendare curet, sive studio, sive jugi oratione. Unde liquet officium illius, quod Judicium, justitiæque Ministrorum confessiones excipit, plenum esse periculi, & attentionem solita majorem requirere.

Quæres an Judex, qui imperite vel inattente Judicis officium gessit per annos 20. possit privilegiis per Reges nostros Judici veterano concessis uti.

R. negat. hæc enim privilegia, quæ in juribus honorificis, & immunitate a solvendis quibosdam tributis consistunt, iis solum ex Principis intentione tribuuntur, qui munia sua digne & ut par est, objerint: atqui indigne prorsus officium suum exercuit Judex, de quo loquimur: ergo nullum habet jus in mercedem æquis solum Judicibus concessam. Ita docet Sambovius apud Pontas v. *Veteran*.

## CAPUT SECUNDUM.

*De obligatione Judicum in ordine ad leges.*

**I**N Judicibus uberem requiri legum scientiam patet ex dictis, expendendum hic 1. an eadem scientia judicariæ decisionis norma esse debeat; 2. quid factio opus sit in casu a lege vel obscure tacto, vel etiam prætermisso; 3. quid item fieri debeat cum conscientia vetare videtur, ne legem sequaris; puta si lex eum ex allegatis & probatis morti addici, aut bonis privari velit, quem nec hanc nec illam poenam meruisse cognovisti. Sit

CONCLUSIO I. Judex secundum leges, & ordinem legibus præscriptum, sententiam ferre tenetur.

Prob. 1. ex c. 1. *De constitutione*, quod desumptum est ex Concilio Meldensi an. 847. ubi sic: *Canonum statuta custodiantur ab omnibus: & nemo in actionibus vel judiciis ecclesiasticis, suo sensu, sed eorum auctoritate ducatur.* Quæ verba in Judicibus etiam Laicis locum habent, cum iis non magis licitum sit, quam aliis, proprium suum sensum, auctoritati legum præponere.

Prob. 2. ex Patribus, e quibus in re aperta sufficit adduxisse SS. Ambrosium & Augustinum. *Bonus Judex*, ait Ambrosius Serm. 20. in Psalm. 108. *ex arbitrio suo nihil facit, & ex proposito domestica voluntatis, sed juxta leges & jura pronuntiat, statuti juris obtemperat, &c.* Augustinus vero Lib. de vera Relig. cap. 31. apud Grat. dist. 4. Can. 3. *In temporalibus legibus*, inquit, *quamquam de his homines judicent, cum eas instituunt, tamen cum fuerint instituta & firmata, non licebit Judici de ipsis judicare; sed secundum ipsas.*

Prob. 3. quia Judex eatenus legitime judicat, quatenus judicandi auctoritatem accipit: atqui nemo est Judicum, qui potestatem acceperit pro nutu & phantasia judicandi, sed id omnibus & singulis præceptum est ut secundum leges judicium ferant: atque id diserte edixit Ludovicus Magnus sanctione Regia an. 1667. tit. 1. art. 8. *Declarons tous Arrêts*

*Arrets, & jugemens, qui seront donnés contre la disposition de nos Ordonnances, Edits, & Declarations, nuls, & de nul effet, & valeur; & les Juges, qui les auront rendus, responsables des dommages, & intérêts des parties, ainsi qu'il sera par nous avisé.*

Hinc colliges peccare Judicem, qui commiseratione ductus minorem reo pœnam indicit, quam quæ legibus constituta sit. *Misericordia* enim *Judicis* habet quidem locum in his, quæ arbitrio *Judicis* relinquuntur, in quibus boni viri est, ut sit diminutivus pœnarum... in his autem, quæ sunt determinata secundum legem divinam vel humanam, non est suum misericordiam facere, sed solum *Judicis* supremi, seu Principis, cui est plenaria potestas publica commissa; & quem decet legum rigori detrahare posse. Ita S. Thomas 2. 2. q. 67. art. 4. & ex eo Pontas v. *Juge* cal. 6. ubi, & duo notat. 1. id habere locum, etiam si accusator, cui a reo satisfactum sit, desistat a petenda ejusdem rei pœna; quia non ad obsequium accusatoris, sed ad Reipublicæ utilitatem conditæ sunt leges, & observandæ, vide ibid. cal. 17. 2. haud tamen peccare *Judicem*, qui pro tempore, & loco spiritum legis potius, quam verba sectatur. Unde, qui crimen trirēibus dignum commisit, potest quandoque minori affici pœna, si id exigat conditio ætatis jam provectæ. Ei quoque, qui graviorem incurrit multam, minor ob inopiam, qua alioqui premeretur, imponi potest. Hinc ea scientiæ sensusque rectitudo, quam supra in *Judice* requirebamus, quæque si desit, erit ille reipsa imperitus, etiam si leges sciat, secundum id tum leg. 17. ff. *De legibus*, &c. *Scire leges, non hoc est verba ærum temere, sed vim ac potestatem*; tum cap. 8. *de verbor. signific.* Plerumque dum verborum proprietas attenditur, sensus veritatis amittitur.

Si tamen rei crimen, etsi probabilius, maneat obscurum, nec probatum satis, mitius cum eo agendum erit, idque ex præscripto Juris tum Canonici, tum Civilis. Canonici quidem, juxta cujus regulam xt. in 6. *Cum sunt partium jura obscura, reo favendum est potius, quam alicui.* Civilis vero, quo cautum est ut *favolabiliores rei potius, quam actores habeantur*. Leg. 167. ff. eod. tit. Et vero longe mitius peccat, qui crimen relinquit inultum, quam, qui innocentem addidit morti. Aliud est, ait Pontas ibid. cal. 4. cum de *interesse*, seu de bono civili agitur; tunc enim *Judex* probabiliori parti semper adherere debet, præsertim vero cum quis a possessione sua deturbandus est, quandoquidem de jure divino & humano melior est conditio possidentis, c. 6. *De præscript.* quod axioma, quo sensu debeat intelligi, non semel in hujus Operis decursu expositum est.

Quod si contingat ut uterque litigans personam possessoris sustineat; ut si duo, qui de jure venandi contendunt, suam ambo possessionem probent, præferetur ille, cujus antiquior est possessio, vel titulo munita. Si vero utrobique sit paritas, cuilibet possessio communiter aut divisim adjudicanda erit, secundum tritum istud: *Uti possidetis, ita possideatis*. Cæterum in casibus consultissimum est ut *Judex* partes ad amicam compositionem adhortetur: etsi vero hanc regulariter impetrare non possit, tum quia contractus, qualis est transactio, non sit ab invito; tum quia *Judicis* est suum unicuique jus per legitimam sententiam reddere; non desunt tamen, juxta Felinum, casus, in quibus

possit Judex partes ad compositionem compellere ; ut si litigent jam dudum , diuque adhuc litigaturæ videantur ; si ex earum dissensione imminet seditio , &c. Sed quidquid in hujusmodi ambagibus faciat Judex , nec uni præ altero , eo quod sibi amicus sit , favere ; nec ab alio quidpiam accipere potest , ut in ejus gratiam judicet : unde merito confixa est an. 1665. propositio hæc ab Alexandro VII. *Quando litigantes habent pro se opiniones æque probabiles , potest Judex pecuniam accipere pro ferenda sententia in favorem unius pro alio.*

CONCLUSIO II. In casibus a lege obscure tactis , aut etiam prætermis-  
sis Judex habet semper fixum aliquid , quod sequatur , & a quo recedere non potest pro nutu , & arbitrio . Ita auctor citati Libri de officio Judicum , c. 5.

Prob. 1. Ut Judex in casibus utrolibet sensu ambiguus judicare pro nutu , & arbitrio non possit , sufficit ut tunc temporis , id , quod omnibus rite ponderatis æqui , & veri magis simile detexerit , sequi teneatur : atqui res ita se habet. Deficiente enim lege positiva , eam sequi necesse est , quæ nunquam deficit , naturalem scilicet , quæ debito modo interrogata , semper id respondet , quod verum est : ergo .

Prob. 2. Judex in casibus , qui arbitrarii dicuntur , & quidem satis male , eo se debet gerere modo , quo vir prudens , eorum arbitrarij rem suam partes communi voto commiserint : atqui nemo hactenus somniavit hominem hunc quidquid volet , arbitrari posse ; sed id solum , quod omnibus mature inspectis æquitati consentaneum magis nactus fuerit : ergo .

Quæres an Judex possit ea supplere , quæ ab Advocatis imperite prætermis-  
sa fuerint .

R. in primis ad Judicem etiam delegatum pertinere ut parti litiganti idoneum procurer advocatum , si hunc ob paupertatem , imbecillitatem Judicii , adversarii potentiam , aliave de causa obtinere nequeat . Ita constitutum est c. 1. *De offic. Judic.* concinit c. 1. ff. *De postulando* , & vero alioqui pauperes facile a potentioribus opprimerentur , quod a Judicibus prohibendum .

R. 2. ea , quæ sunt *de jure* , si a litigantibus eorumve Advocatis omissa , aut minus bene dicta fuerint , posse & debere suppleri : non autem ea , quæ sunt *de facto* , saltem communiter . Ita vulgo Doctores in Leg. unic. Cod. *Ut , quæ desunt Advocatis partium , Judex suppleat* , hinc tenetur Judex ineptum actoris libellum rejicere , concedere dilationes , testes haud legales excludere , &c. quia isthæc sunt *juris* . At vero monere partium alteram ut utatur dilationibus , vel privilegio sibi concessis , ut pro injuria satisfactionem petat , ut certa producat instrumenta , nec potest , nec debet ; cum nec Advocatum agere , nec e studio partium suspectum se reddere debeat .

Diri , *regulariter* , quia si factum aliquod vel aliunde , vel ex actis notorium sit , potest illud Judex supplere , cum a partis Advocato suppressum est : puta si publice aut ex actis constet , aliquem ex delicto inhabilem esse ad standum in judicio , item eum jam præscripsisse rem , de qua lis movetur : imo si de bono publico , causa pia , vel matrimoniali , autq; pupillorum rebus sermo sit , plura poterit Judex supplere , quam alioqui possit .

Ut , & antequam solvatur tertia difficultas , quæ Theologos , Canonistas ,

ras, legumque civilium peritos jam dudum exercet, quædam sunt prænotanda, quo certa ab incertis separantur.

Et quidem 1. fatentur omnes, Judici, qui non omnino certam, & indubitatam rei alicujus notitiam habet, curandum esse ut, & conscientiam deponat, & secundum allegata ac probata judicet. Et quidem conscientiam deponere debet; quia *quidquid fit contra conscientiam, edificat ad gehennam*, ex c. 13. *De restitut. spoliat.* sed ex allegatis ac probatis judicare debet; quia pessum iret judiciarius ordo, si ob privatam notitiam, pedum certam omnino, sed & fallibilem posset Judex ab allegatis, & probatis recedere.

2. Et id etiam communiter agnoscunt Doctores, a Judice secundum allegata, & probata absolvendum esse reum, quem propriis oculis delinquentem perspexerit. 1. quia generaliter constitutum est ut auctore non probante absolvatur reus. 2. quia e duobus malis, quæ simul vitari non possunt, illud amplectendum est, quod minus fuerit; minus porro est, ut absolvatur reus, quam ut judicialis ordo negligatur. 3. quia Judex saltem ordinarius, cum unus sit testis, ac proinde nullus, gratis, & irritò ad minus conatu reum, de quo nunc, morti addicere tentaret.

An autem Judex supremus, qualis est Princeps, possit contra probationes juridicas eum morti addicere, cujus crimen indubie compertum habet, fusc expendit Leuren in tit. 32. Lib. 1. Decretal. ubi negat id a Rege tamquam Judice posse fieri; secus si spectetur ut Reipublicæ gubernator, cui concessum est ut certis in casibus privata scientia utatur, contra eum, v. g. quem certo novit consiliorum societatem habere cum hostibus. Ut ut est de extraordinario hoc, sicut & de Reginæ adulteræ casu, (quam aliqui clanculum occidi posse putant, omiſſa judicij forma, ne detur scandalò locus,) certum est ipsis etiam Regibus, si quando judicent, sequendas esse judiciorum leges, quia alioqui tyrannorum nomen degerent, & sæpius mererentur. Vide Lessium lib. 2. c. 29. n. 96. & Lugo disp. 37. de Justitia, n. 5.

3. Id etiam apud omnes receptissimum est, ut Magistratus antequam judicet ex allegatis, & probatis, (si tamen mendacii defensio, nomen probationis habere potest) nullum non moveat lapidem ut innocentis fortunæ, & multo magis vitæ consulat. Unde debet. 1. instrumenta, & testes plenioribus oculis perpendere, interrogare circumstantias loci, temporis, aliasque id genus, ut qui huc usque convenerunt testes, aliquando tandem pugnantia loquantur; quæ artis species feliciter cecit Danieli in causa Susannæ. 2. debet Judex inquirere an non aliqua de causa, puta cujusdam exceptionis ope repellere possit actionem vel accusationem ab iniquo teste illatam. 3. si media hæc minime succedant, tenebitur Judex vel efficere ut reus e carcere aufugiat, vel causam remittere ad Superiorem, eumque de accusati innocentia etiam jurejurando facere certiorum. Quod si idem sit Judex, qui princeps supremus, is insoniti vitæ dare tenebitur. Si autem omnia hæc perperam tentata fuerint, queritur quid a Judice fieri debeat.

Triplex est ea de re opinio. Prima universim docet Judicem in quacunque materia etiam capitali, ex allegatis, & probatis sententiam ferre posse; eumque tunc ire quidem contra conscientiam, quam habet ut homo est, non autem contra eam, quam habet ut persona publica, & cujus solius in judiciis rationem habere debet. Ita S. Thomas 2. 2.

q. 67. art. 2. & q. 64. art. 6. ad 3. Cajetanus, Azor, aliique plures magni nominis, & Theologi, & Juris utriusque Doctores. Secunda ex adverso pugnat, & contendit ne in materia quidem civili posse Judicem contra propriam scientiam judicium ferre. Ita Pickler in cit. tit. & alii apud ipsum. Tertia medio incedit gradu, & censet Judicem judicare non posse contra conscientiam in causis criminalibus gravioris momenti, quæ mortis, mutilationisve pœnam respiciunt; posse vero, & in causis civilibus, & in criminalibus ubi solum agitur de pœna pecuniaria, vel privatione Officii aut bonorum. Ita Lessius lib. 2. c. 29. dub. 10. Layman lib. 3. Tract. 6. c. 2. q. 1. Pirhing. hoc tit. n. 9. & Reiffenstuel eod. n. 46. ab hac sententia, quam prius tenuerat, recessit Pickler, *re inquit, melius considerata*. Sit

CONCLUSIO III. Judex potius debet duriora quæque, & ipsam mortem pati, quam infontem ex allegatis, & falso probatis morti addicere.

Probant quidem, quia alioqui non peccasset Pilatus damnando Christum; utpote, qui eum ex allegatis, & probatis condemnaverit. Verum argumentum hoc non urget: quandoquidem *convenientia testimonia non erant*, Mac. 14. Porro non judicat secundum probata, qui ex testimoniis insufficientibus judicat. Itaque

Prob. 1. Judici potius moriendum est, quam id faciendum, cujus faciendi nullam vel a Republica, vel ab ipso Deo potestatem recepit: atqui Judex nec a Republica, nec a Deo recepit potestatem interimendi virum certo innocentem. Non a Republica, tum quia nec hæc infontem morti addicere potest, etiamsi de vitando urbis incendio agatur, ut verbo *Juge*, cas. 1. docet Pontas cum S. Thoma 2. 2. q. 108. art. 4. ad 2. tum quia tota Reipublicæ potestas oritur a Deo: atqui Deus nullibi vel Reipublicæ vel alicuiuslibet concessit potestatem interficiendi innocentis. Potestas enim tam gravis tantique momenti, exprimi deberet aliquo verbi divini textu tam evidenti, tam *cogente*, ut ille vix ullo effugio declinari posset: atqui nullus in præsentī negotio profertur textus, qui sit omni exceptione major; imo nullus, qui congrue, & solide elidi non possit; ut paulo post ostendam. Quæro autem an hominis vita, ab auctoritate adeo incerta, & ad minus in utramque partem versatili pendere possit.

Confirm. 1. Exodi cap. 23. ubi sic loquitur ipse supremus Judex: *Non suscipies vocem mendacii: non sequeris turbam ad faciendum malum, nec in judicio plurimorum acquiesces sententiæ, ut a vero devies*: atqui contra legem hanc, quæ, cum non distinguat, sine distinctione intelligenda est, peccat, qui innocentem morti devoveret. Suscipit enim vocem mendacii fœdissimi, sequitur turbam ad faciendum malum; a vero deviat, ne deviet a sententiâ plurimorum; & nedum eruat eos, qui dicuntur ad mortem, uti præcipitur Proverb. 24. eisdem interimat, quandoquidem ille aliquid facit, *cujus auctoritate fit*, ut cum aliis docet S. Thomas quæst. 64. art. 2. ad 1. & aliunde, quidquid clament adversarii, non potest censeri agere per accidens, qui sciens, & volens agit id, unde directe sequitur alterius interitio.

Confirm. 2. Quisquis iuste occiditur, occiditur a lege, ut docet Augustinus q. 68. in *Levit.* atqui nulla est lex, quæ dici possit occidere in-

nocen-

nocentem ; de quo loquimur . Non naturalis , quæ econtra aperte dicit : *Infentem non occider* ; non humana , quæ nusquam jubere aut permittere potest id , quod naturali jure prohibetur ; & quæ nedum id permittat , potius prohibet , ut ex professo probat Voyfin Antecessor Andegavenfis in Opusculo , quod ea de re publici juris fecit : ergo .

Confirm. 3. Ideo solum leges aliquem occidere permittunt , quia peccando nocet Reipublicæ : atqui innocens non nocet Reipublicæ ; imo eidem infervit , sicut & alii quicumque cives innoxii ; neque enim injusta ejus accusatio quidquam justitiæ aut bonitati ejus detrahit : ergo .

Prob. 2. Non potest Judex id , quod intrinsece malum est : atqui ex falsis allegatis infentem vita mulcandum judicare , est intrinsece malum . Tam enim extrinsece malum est ex allegatis contra propriam scientiam , quempiam infentem vita privandum judicare , quam intrinsece malum sit carnifici idem judicium contra propriam scientiam exequi : atqui hoc intrinsece malum est ; cum non magis tortor publico judicio dirigi possit in ordine ad auferendam innocentem vitam , quam eodem dirigi , quo possit in ordine ad cognoscendum ut uxorem suam , eam , quam invide scit non esse suam ; & quam utique nec ut privata , nec ut publica persona cognoscere posset : ergo .

Objiuntur septem : 1. quod Judex ut recte judicet , judicare debeat , ut Vicarius Reipublicæ , ac proinde sicut judicaret Respublica : jam vero si Respublica judicaret , indubie sequeretur publicam scientiam : ergo & Judex eam sequi tenetur ; 2. Judex non potest censi aliquid ex officio recte fecisse , nisi id Communitas ipsa censi possit fecisse : atqui si Judex ex privata scientia contra juridicas probationes judicaret , aut judicium suspendat , non potest Communitas censi , idem ; quod ille tulit , judicium tulisse ; 3. non magis Judici secundum allegata pronuntianti imputari potest mors innocentis , quam Duci turrim , in qua multi sunt innocentes , subvertenti , eorumdem innocentium mors debeat imputari : atqui Duci in isto casu non imputatur mors innocentium . Minor est ex confesso . Prob. maj. Ideo non imputatur Duci mors innocentium , quia eam directe non intendit , sed solum expugnationem urbis : atqui pariter Judex non querit innocentis mortem , sed solum observationem legum , quæ non sine gravi multitudinis offensione & dispendio violarentur ; 4. si Judex possit non condemnare eum , quem privata scientia novit innocentem , debeat & condemnare eum , quem , licet non probetur nocens , scit reum esse : falsum consequens ; 5. admitti non debet opinio , qua semel posita , flagitiosus quisque absolvi poterit a Judice corrupto ; atqui id eveniet , si semel valeat opinio , quam hic tuemur . Tunc enim sufficere ut Judex palam & audacter dicat sibi constare de innocentia accusati ; 6. consultus circa præsentem casum Innocentius III. respondet : *quod cum ordinarius tentatur absolvi delegato , etsi sciat sententiam ejus injustam , exequi nihilominus tenetur eandem , nisi apud eum efficere possit , ut ab hoc onere ipsum absolvat* , cap. 28. *De offic. Jud. deleg. 7. idipsum non obscure definiisse videntur sacri Codices : Deuteronomii 17. vers. 6. In ore duorum vel trium peribit , qui interficietur . Matth. 18. In ore duorum vel trium testimonium stabit omne verbum .* Verum hæc facili negotio solvantur . Unde

R. ad 1. neg. min. Respublica enim vel male judicaret, vel non condemnaret eum, cujus innocentiam certo & indubie compertam haberet. Unde tunc, ait Sylvius, ab omni judicio abstinere deberet; sicut enim condemnare non posset, quia resisteret jus naturale innocentem necari prohibens; sic nec posset absolvere, quia juridice absolvi nequit is, quem jura non innocentem, sed reum convincunt.

R. ad 2. neg. min. eadem de causa: Communitas enim, si id nosset, quod Judex nosse supponitur, eandem, ac ille agendi rationem sequeretur. Neque est id abicere scientiam publicam, sed abicere errorem publicum, & calumniam sibi certo cognitam.

R. ad 3. neg. maj. Judex enim innocentem morti addicens, tam directe mortem ejus intendit, quam intendat morti nocentis, quoties eum tortor tradit capite plectendum; at vero Dux, urbis expugnandæ gratia turrim subvertens, solam ejus intendit subversionem, quæ non necessario, sed solum per accidens cum innocentium morte consistit. Habet ergo Dux objectum immediate legitimum, non autem Judex, neque hujus actio huic innocens effici potest, quod formam legibus præscriptam sequi velit: quandoquidem circumstantia bona actionem de se malam honestare nequit; alioqui mundus foret, qui privata auctoritate interficeret hominem palam flagitiosum, ut ei omnem deinceps nocendi viam præcluderet.

R. ad 4. neg. maj. quia non est semper intrinsece malum absolvere eum, qui moriem meretur; hoc enim Reges sæpius faciunt inculpate; at vero eum directe suspendio vel flammis tradere, qui nihil mali fecit, est semper, & ubique pessimum. Adde quod, ut dixi, perperam tentaret Judex eum morti addicere, quem solus fontem esse novit.

R. ad 5. 1. vix fieri posse ut Judex, hominis de actione facinorosa juridice & legitime convicti patrocinium suscipere auit. Est enim id & actorem & testes in calumniolos traducere, quod nec facile est, nec, si prima vice succederet, succederet altera; 2. non ideo deferi debet opinio, quia scelesti quidam ea abuti possunt; præsertim cum etiam opposita & gravius & facilius abuti possint viri nequam: atqui doctrina nostræ opposita gravius utique & facilius abuti possunt homines perditii. Scilicet enim ex ea sument ansam conjurandi in inimicum, quem bonis emungi, vel e medio tolli cupient; persuasi nempe Judicem quocumque in casu teneri ad deferendum duobus testibus, qui, fraude strenue composita, innocenti stragem præparaverint: porro, ut bene Sylvius, melius foret centum nocentes absolvi, quam innocentem unum damnari morte.

R. ad 6. 1. in eo Innocentii textu non est sermo de pœna mortis, aut mutilationis: ergo ex eo nihil pro præsentī casu colligi potest; 2. neque etiam in eo agitur de sententia, quæ ob adversarii dolos, aut falsas litteras nulla sit, & invalida; sed solum de sententia injusta, qualis esse potest sententia ex odii aut vindictæ motivo in reum lata: hanc autem exequi tenetur simplex Ordinarius, cui, ut loquitur citatus Pontifex, *Non cognitio, sed executio tantum demandatur*. De discrimine inter censuram nullam & injustam, vide, quæ dixi, ubi Censuris part. 1. cap. 1.

R. ad 7. dist. *In ore duorum vel trium peribit, qui interficitur*, id est non peribit, nisi qui a duobus saltem criminis convictus fuerit, C. id est peri-



peribit necessario, quem duo vel tres reum esse probaverint, etiam ex falsis allegatis, N. Itaque scripturae sentus est posse damnari hominem ab uno dumtaxat teste accusatum, juxta illud Num. 35. *Homicida sub testibus punietur: ad unius testimonium nullus condemnabitur*. Quod in ipso, qui obicitur, loco sibi statim interpres declarat Moyses his verbis: *Nemo occidatur uno contra se dicente testimonium*. At vero neque hic, neque ullibi dixit Scriptura, tantam semper & in omni casu habendam esse fidem duobus testibus, ut vel ipse innocens ex eorum depositione semper mori addicendus sit: cum ne in civilibus quidem duorum semper sufficiat assertio, ut patet tum in Matrimonii, quæ ultra duos testes Parochum, & in testamentis, quæ plures, quam duos, testes requirunt.

Major est difficultas an Judex innocentem, probatum nocentem, condemnare possit in causis civilibus, aut criminalibus minoribus, in quibus tantum agitur de pœna pecuniaria, officii privatione, vel exilio. Affirmat eum pluribus aliis Sylvius, posito tamen, quod neque detegi falsitas possit, nec impediri processus, & insuper magna boni communis utilitas, seu potius necessitas requirat ferri sententiam. Assertionis hujus ratio est, 1. quod Judex in præsentī casu non asserat damnum irreparabile, secus cum vita quæpiam aut membris privat; 2. quod Respublica de iis civium bonis, quæ fortunæ dicuntur, disponere possit, cum id ad commune bonum necessarium est: ergo & Judex, cui auctoritatem suam commisit Respublica, de iis poterit disponere; sic tamen ut prohibere nequeat, quin injuste damnatus compensatione uti possit.

Hæc opinio duplici potissimum de causa difficilis videtur; 1. quia non satis congruit probationibus contra S. Thomæ sententiam modo adductis; 2. quia etsi Respublica suum urgente de causa bonum auferre possit civibus, at non tanquam facinorosis, cum reipsa facinorosi non sunt: civem enim innoxium in sceleratum traducere, & ut talem plectere exilio, vel triremibus ad aliquot annos, videtur intrinsece malum. Esto igitur vir frugi, ut alii plures, qui quotidie causa cadunt sine dedecore, bonis suis spoliari possit, cum alioqui graviter turbaretur Respublica: at vix credo eidem aspergi posse infamiae labem, sive per exilii pœnam, sive per bonorum privationem, quæ admissi ab eo criminis pœna esse videatur.

## CAPUT TERTIUM.

*De obligatione Judicum in ordine ad eos, quibus jus dicendum est.*

**P**Ræcipuas, quæ hic moveri possunt, difficultates paucis thesibus complectemur. Sit itaque

CONCLUSIO I. Judex iis solum jus dicere potest, in quos jurisdictionem habet.

Prob. ex ipsa judicii natura & ratione, quæ illud exposcit, ut sententia in subditos dumtaxat feratur: unde receptum istud, nullum in Ju- dice majorem esse delectum, quam jurisdictionis. Hinc S. Antoninus 2.

H 4

part.

part. tit. 1. cap. 9. primam Judicis iniquitatem in eo reponit, quod *judicet eum, qui non est sibi subjeetus, contra id Apostoli Rom. 14. Tu autem, quis es o homo, qui judicas alienum servum?* &c. Neque vero illicite solum, sed & invalide sententiam fert Judex in non subditum; quod & expresse sanxit Ludovicus XIV. Constitutione ann. 1667. tit. 6. art. 1. his verbis: *Defendons à tous nos Juges . . . . . de retenir aucune cause, instance ou procès dont la connoissance ne leur appartient . . . à peine de nullité des jugemens; & en cas de contravention, pourront les Juges être intimés & pris à partie.* Hinc etiam senientiam, quas tunc Judex in loco a jurisdictione sua exempto, quale est cœmeterium, cassæ sunt & irritæ, ut bene Pontas v. *Juge*, cal. 23.

Ex his colliges graviter peccare Laicos, qui Ecclesiasticam, aut Clericos, qui laicam jurisdictionem usurpant; & quive contra reos decernunt pœnas, quas decernere prohibentur.

Sic cavere debent Officiales ne Clericos, quos punire volunt, exilio & triremibus, publica flagellatione, stigmate liliolo, aut ea publicæ reparationis specie, quam gallice dicimus, *amende honorable*, condemnent. Imo cum certæ summæ solutionem imponunt, non multæ, sed elemosynæ vocabulo uti debent: de quibus vide Ducasse in ipso fine *Traictatus de Jurisdictione Ecclesiastica*; Fevretum, ejusque interpretes L. 8. c. 4. de Abusu.

Sic etiam cavere debent Laici Judices, ne in plectendis Clericorum culpis limites sibi jure concessos transgrediantur. Scilicet enim duo sunt genera delictorum, quæ a Clericis committi possunt; alia dicuntur *communia*, alia vero *privilegiata*. Communia sunt ea, quæ pœnis Ecclesiasticis abunde puniuntur; vel, ut alii volunt, quæ solis Ecclesiæ legibus repugnant. Privilegiata sunt, quæ juri cuicumque adversa, eo usque atrocia sunt, ut condigne puniri nequeant ejusdem Ecclesiæ pœnis, quas abunde aspernari solent Clerici ad omne scelus genus conversi. De delicto communi solis Ecclesiæ Ministris judicare competit. De casu autem privilegiato conjunctim judicant & Ecclesiastici, & Regii Judices. Ecclesiastici quidem, quia in crimine privilegiato sere semper involvitur delictum commune, & Ecclesiasticæ legi repugnans. Laici vero, quia eorum est Regiæ legis contemptum & violationem ulcisci.

Quæ vero delicta privilegiatis annumerari debeant, haud facile potest definiri. Operatur ann. 1675. Clerus Gallicanus ut placeret Christianissimo Regi privilegiatos calius ad octo sequentes reducere, scilicet 1. crimen lætæ majestatis divinx & humanæ; 2. infractionem regniæ tuitionis, seu ut loquitur *Alteferra*, *salvo-gardia*, cuiuspiam seu quoad res, seu quoad personam concessæ; 3. seditiosam armorum gestionem seu portum, & crimina hac occasione perpetrata; 4. adulteratæ moneiæ scelus; 5. assassinatum; 6. veneficium; 7. crimen raptus; 8. furtum publicum. Sed nullum hactenus prodiit diploma, quo istud tantum momenti negotium fixum fuerit & determinatum. Unum est, quod cum Ducassio indubie asseri possit, privilegiati delicti rationem habere quodcumque scelus capitali sententia dignum. Im de materiis, qui plura volet, consulat Fevretum, ejusque annotatores cit. Lib. cap. 1. 2. 3. & 4. Dadinum *Alteferram* in vindiciis jurisdictionis Ecclesiasticæ contra eundem Fevretum Lib. 5. cap. 1. & se.

sequent. aut ad minus Ducasse ubi supra; vel Du Perray in notis ad art. 38. Edicti an. 1695. ubi animadvertit Clericum, qui in litis decursa falsum instrumentum cuderet, a solo Judice laico damnari posse; quia quisque inultam tribunali suo labem plectere potest: atque ideo superius dixi, non semper, sed fere semper in crimine privilegiato involvi delictum, quod ab Ecclesiastico Judice puniri debeat. V. Du Perray ibid. Tom. 2. p. 239.

Hinc rursus inferes lethaliter peccare \* Capitem Tribunalum, aliumve quemlibet inferiorem Judicem, qui Clericum assassinatus publici reum, non obstante ejusdem Clerici appellatione, morte afficit: id enim concessum quidem est iisdem Tribunis erga Laicos, non autem quoad Clericos, ut pater ex art. 41. Edicti an. 1691. ita Pontas v. *Juge*, cas. 27. Addit idem ibid. cas. 20. negandam esse a Confessario absolutionem Judicibus, qui Clericum quoad corpus apprehendi jusseriat pro re etiam gravissima, de qua competenter judicare nequeant. Id quidem credo, sed & credo decisionem hanc vix in praxi inservire posse; quia admodum difficile est statuere, quæ Clericorum delicta solis Officialibus reservata sint; & aliunde in dubio, an Judex laicus potestatis suæ limites exceßerit, eidem absolutio neganda non est, ut post Sambovium docet And. de la Paluelle, cas. 1.

Frequentioris est usus id, quod docet idem Pontas cas. 19. reos non esse, qui subscribunt, non tamen acquiescunt sententiæ adversus Clericum incompetentem latæ. Est enim in usu positum, ut judicio subscribant etiam, quibus idem judicium videtur iniquum esse. Neque vero ex unanimi subscriptione colligi potest unanimem fuisse Judicum sententiam, sed solummodo judicium vere & in consuetam formam latum fuisse. Aliud esset de Judice, qui metu aut aliter, iniquæ acquiesceret sententiæ, aut, quæ die eandem a Judicibus corruptis latam iri cognoscit, abesset e foro: quam decisionem colliges ex iis, quæ docui tom. 1. part. 2. alias 3. c. 2. a. 5. vide & Pontas v. *Résitution*, cas. 139. & v. *Chanoine*, cas. 20.

Quæres quibus Clericis competat jus declinatorium ad Ecclesiasticum Judicem.

R. jus illud de jure communi iis etiam competere Clericis, qui matrimonio contracto clericaliter vivunt, id est, qui & tonsuram & habitum clericalem gestant, ut patet ex Tridentino Sess. 23. c. 6. De reform. Aliiter se res habent in Gallia, ubi Clericus uxorem ducens, aut commercio vacans excidit a privilegio fori: haud tamen dicendum cum Pontas v. *Juge*, cas. 30. iis solum prodesse fori privilegium, qui sunt in sacris. Contrarium enim patet ex art. 38. Edicti an. 1695. ubi sic legitur: *Les Procès criminels qu'il sera nécessaire de faire à tous Prêtres, Diacres, Soudiacres, et Cleres vivans clericalemeut, résidans, & servans aux Offices ... & qui seront accusés des cas, que l'on appelle privilèges, seront instruits conjointement par les Juges d'Eglise, & par nos Baillis, &c.* idipsum docet Cabassut. Lib. 4. cap. 8. n. 1.

CONCLUSIO II. Judex dona, munera, & pensiones ab iis, quibus jus dicit, accipere non potest sine gravi peccato. Unde stipendio suo, & quidem intra limites sibi permittos contentus esse debet.

Prob. 1. ex Scriptura. Eccli. 20. v. 31. *Xenia & dona excæcant oculos Judicum, & quasi mutus in ore avertit correptiones eorum.* Prov. 22: *Qui dat munera, animam auferit accipientium,* ibid. cap. 17. *Munera de sinu impius accipit,*

ut pervertat semitas iudicii. Unde sic : Peccat graviter, qui se se exponit cœcitati voluntariæ, in re, quæ totam animi perspicacitatem requirit ; qui suam sibi animam, intellectum scilicet, auferri permittit, qui rectas iudiciorum semitas pervertit : atqui hæc facit Judex ; qui donorum amor cedit ; idque non minus declarat ratio, quam Scriptura : ergo.

Prob. 2. ex jure canonico. *Non licet*, ait ex S. Augustino Canon. 71. XI. q. 3. *non licet Judici vendere justum iudicium*, & can. 66. ibid. *Qui recte iudicat, & præmium inde remunerationis expectat, fraudem in Deum perpetrat, quia iustitiam, quam gratis impertiri debuit, acceptione pecunie vendit. Bonis male utuntur, qui iuste pro temporali lucro iudicant*, & paulo infra : *Acceptio munerum prævaricatio veritatis est* ; unde & pro iusto dicitur : *Qui excutit manus suas ab omni munere, iste in excelsis habitabit*. Profecto si tam graviter redarguuntur, qui pro pretio iustum etiam iudicium vendunt, quanto merentur gravius redargui, qui excœcavi pecunia inique iudicant ! Idem sanxere Concilia, Tololanum, an. 1229. cap. 43. Castronger. an. 1231. cap. 35. Cantuariense an. 1295. cap. 45.

Prob. 3. Regum nostrorum sanctionibus, quæ plus apud avaros Iudices poterunt, quam quæcumque Scripturæ aut Canonici Juris auctoritates. *Défendons*, verba sunt Henrici III. in Comitibus Blethenfis n. 114. *Défendons à tous nos Officiers .... de prendre, ne recevoir de ceux, qui auront affaire à eux, aucuns dons & présents de quelque chose que ce soit, sur peine de concussion*. Præverant cum aliis pluribus Carolus VII. Carolus VIII. Ludovicus XII. & an. 1535. Franciscus I. Hæc ille : *Inhibons & défendons à tous nos Présidens & Conseillers de prendre & recevoir dorénavant office, état ne pension, de quelque personne d'Eglise ou d'aucune Ville ut Communauté, à peine d'être privés de leurs offices & états*. ipso facto. Edicta hæc pro sua pietate confirmavit Ludovicus Magnus. sua potissimum Constitutione an. 1667. ubi sic tit. 31. art. 32. *legere est : Tous les droits seront réglés suivant l'usage des Sieges dans lesquels les condamnations seront intervenues .... & seront les dépens taxés par les Juges Commissaires examinateurs. Nous défendons de prendre plus grands droits, sous prétexte d'attributions & usage contraires, à peine de concussion, & d'interdiction de leurs charges*.

Hinc colliges 1. Iudicem præsertim in Gallia teneri ad restituendum quidquid a partibus litigantibus receperit ; tum, quia gratis jus dicere tenetur, tum, quia receptio. cuiuslibet doni, mera censetur concussionem secundum regni leges ; tum, quia Clerus Gallicanus an. 1700. istam hanc propositionem : *Possunt Iudices accipere munera a litigantibus, non tenentur restituere, quæ acceperint ad pronuntiandam sententiam*, reprobavit ut falsam ; perniciosam, verba Dei contrariam, & iudicium corruptelas inducentem. Unde ; quod docent Reiffenstuet, & alii quidam Canonistæ, efculenta & poculenta, quæ paucis diebus absumi possunt, & sine ulla exactione a partibus oblata fuere, posse a Iudicibus recipi, eo quod iuxta legem Solent, ff. *De offic. Procons. valde inhumanum sit, a nemine accipere*, id, inquam, & a nostris potissimum, & ab extraneis etiam Magistratibus rejiciendum est.

Colliges 2. hæredes Iudicis, qui magnam boni sui partem ex receptis muneribus lucratus est, ad ejus restitutionem teneri : & hæc quidem restitutio ei, qui rem suam dedit, facienda est, sive Iudex extorsit ; sive litigans sponte dedit, prout dixi tom. 1. p. 398. Edit. novæ :

est

etsi eos, qui pauperibus restituisent, prout iisdem restituendum censent multi cum auctore Collat. Parol. tom. 4. damnare non præsumam.

Colliges 3. quod, licet possit absolute Judex, lite jam adjudicata, munus aliquod accipere a partibus, prout docet idem Auctor ibid. pag. 36. multiplici tamen hic præcauto opus sit. Si enim munera non tam in animi bene memoris signum offerantur, quam ut Judex ad favorem in lite propediem futura inclinetur; utique abjicienda erunt; aut si jam consumpta sint, in æquivalenti restituenda.

Colliges 4. Judicem Ecclesiasticum, qui se muneribus corrumpi sinie, gravius peccare, quam Sæcularem, ratione status sui. Imo *spiritualis Judex vendendo verum judicium, simoniam committit*, ex S. Thoma in 4. dist. 25. art. 3. ad 1. quod intelligo de Judice negotia spiritualia tractante: alioqui non video, cur Senator Clericus, plus simoniæ reus sit, quam Sæcularis, si de negotiis pure civilibus sermo sit.

Quæres an Judex, qui ad instantiam solius Procuratoris Regii, aliquem condemnat, possit multæ, quam reo imposuit, partem aliquam sibi retinere, eo prætextu, quod quisquis laborat, sua sit mercede dignus.

R. negat: patet id ex art. 129. Constitutionis Blesensis, quæ sic habet: *Défendons très-expressement à nos Présidens, & à tous autres Juges de taxer aucunes épices, où il n'y aura que nos Procureurs généraux, ou leurs Substituts, parties*. Cum ergo unusquisque annexum muneri suo onus acceptasse censetur, necessum est, ut Judex in præsentī casu gratis operetur? Neque hic allegari posset consuetudo; cum hæc non deroget legi, reclamante Principe. Vide Pontas eod. v. *Juge*, cal. 21.

Quæres 2. an Judex munus Collectoris vestigialium recusare possit.

R. non posse nisi ab eodem sit immunis ex Officii sui privilegio. Alias damnus, quod concivibus suis intulit, communia cum iisdem onera non partiendo, reparare debet. Vide Pontas v. *Juge* cal. 22.

CONCLUSIO III. Judex in dicendo jure nullam debet habere rationem personarum.

Prob. Qui nec pauperis nec divitis rationem habere potest, ei omnis quæcumque personarum acceptio prohibita est: atqui Judex nec pauperis rationem habere potest, nec divitis. Non 1. pauperis; etsi enim, ut solide ait S. Thomas 2. 2. q. 63. a. 4. ad 3. *Judex debet pauperi subvenire quantum potest, at id tamen facere debet sine lesione justitiæ: alioquin habet locum illud, quod dicitur Exodi 23. Pauperis quoque non misereberis; non 2. divitis, cum Deus severe admodum animadversurus sit in Judices, qui potentatum sæculi muneribus aut timore labefactati, causam viduæ non judicaverunt: causam pupilli non direxerunt, & judicium pauperum non judicaverunt. Jerem. 5.*

Hinc si Judex humani favoris servus, nullo modo voluit sententiam ferre, & propter hoc pauper aliquis, vel alius amittit jus suum, debet idem Judex restituere liti æstimationem ei, qui propter ejus negligentiam lusus est. Ita S. Raimundus Lib. 2. Summ. tit. 3. §. 36. Ulterius progreditur S. Thomas in 4. dist. 38. qu. 2. a. 4. & docet, quod quantumcumque scandalum debeat sequi, Judex debet facere, quod jus summum cuique privato reddatur: licet ab illatione poenarum lincesto cuipiam inferendarum abstinere debeat, seu mitigando, seu etiam prætermittendo severitatem juris, si videt ex earum infusione majus incommodum Reipublicæ proveniaturum esse. Vide Pontas v. *Scandale*, cal. 5.

CON-

CONCLUSIO IV. Iudex debitam in examinandis, ac terminandis litibus diligentiam tenetur adhibere.

Prob. Debita diligentia duo requirit 1. maturum rei dijudicandæ examen; 2. celeritatem in ferenda sententia, quantum cum prædicto examine conciliare licet: atqui utrumque debent Judices subditiis suis: 1. quidem rei totius examen maturum, cum alioqui in rebus sæpe intricatissimis non omnes scrutari possint & perspicere rerum facies, quarum tamen si vel una elabatur, nutabit iudicium, excidetque sive a bonis possessor legitimus, sive ab honore & vita homo innocens; 2. debent & celeritatem, ne, ut toties evenit, vel ambo litigantes omnem erogent substantiam, priusquam iudicium obtineant; vel pauperes tot sumptibus ferendis impares, ad iniquam transactionem, & forte aliquid deterius misere adigantur; intendant ergo Judices in exemplum sancti Job; qui cap. 29. de se ait: *Pater eram pauperum, & causam, quam nesciebam, diligentissime investigabam.*

Hinc colliges ad restituendum teneri, 1. Judices, qui ante discussam, ut decebat, causam; iudicium iniquum tulerunt: imo gravis adhuc peccati conscii essent, si in hoc casu non recessissent a Iustitia, quia non nisi materialiter bene iudicassent; 2. & eos etiam, qui dilato de die in diem rerum examine, causa sunt, cur testibus jam mortuis, aut alio profectis, desint probationes; cur pupilli, quibus protectores suos mors abstulit, hæreditatis suæ iacturam fecerint, &c.

De actore, reo, & testibus loquemur Tom. 6. ubi de octavo Decalogi Præcepto.

## P A R S . Q U A R T A .

*De obligationibus eorum, qui ad Iudicia concurrunt.*

**P**ostquam actum est de Iudicibus, operæ pretium videtur, ut de iis dicamus, qui ad iudicia suo modo concurrunt, quales sunt in primis Advocati, Referentes, Procuratores, Notarii, Scribæ, & Apparitores.

Advocatus ille est, qui in jure Licentiatus, & Causidicorum matriculæ inscriptus, suum in negotiis forensibus litiganti parti auxilium præber, seu consilio, seu scriptura, seu viva voce, causam ipsius agendo. Hinc Advocati alii sunt, qui in foro verba habent, alii, qui consulti a partibus, de jure respondent.

Procurator is est, qui lingantis mandato & nomine, causam in iudicio prosequitur; differt ab Advocato tum in multis, tum in eo maxime, quod Advocatus non eodem modo agere censeatur parvis nomine.

Referens, seu ut Romæ ajunt, Ponens, ille est e Iudicibus, cui litis vel instantiæ committitur examen, ut illud Iudicibus aliis referat, quo deinceps ad iudicium deveniatur. Scriba, qui exscribit iudicia &c.

Notarius ille dicitur, qui legitima institutus est auctoritate ad scribenda acta seu instrumenta, quæ in iudicio, vel extra iudicium fidem faciant.

Apparitor, quem alii lictorem vocant, est iustitiæ officarius, cui incumbit assignationes & vadimonia deferre & exhibere pro lite inchoanda. De iis omnibus dicendum, sed paucis.

C A-

## CAPUT PRIMUM.

*De obligationibus Advocatorum.*

Cum juxta Ennodii dictum *Senator & Causidicus nota proximitate sociantur*, palam est eadem pene huic & illi incumbere onera. Certe Advocati plerumque vocantur *justitiae satellites, judiciorum athletae, tutela privatorum, quin & Republicae salus*: hinc uno quasi intuitu produnt se praecipue eorum obligationes, quae ut magis innotescant, sit

CONCLUSIO. Advocati scientia plurima, fidelitate, diligentia, justitia, charitate, & probitate conspicui esse debent.

Prob. 1. pars. Advocatus vel causas agere, vel consultus de jure respondere debet: atqui ad utrumque scientia, nec certe mediocri, opus est. Cum necessum sit ut apprime teneantur Regum nostrorum Sanctiones; consuetudines saepius variae; innumeræ juris formalitates, quas, ut cavillis & dolo via praecluderetur, institui oportuit; & ipsum jus Caesareum, *legum mater*, praesertim vero Justinianæ Institutiones, quæ ex celebriorum Causidicorum confesso œconomiam totius juris complectuntur; ac demum generalis artium omnium notitia, cum non tantum de jure, sed & de rebus sacris, de agro colendo, &c. agere teneatur, ut post-Oratorum Principem animadvertit & docet Ferriere v. *Avocat* p. 159.

Prob. 2. pars. Fidelitatis nomine hic intelligitur, tum ipsa secreti fides, tum sincera ea ingenuitas, qua Clientibus res aperiantur nude & ut se habent: atqui utrolibet accepta sensu fidelitas, est Advocato supra modum necessaria. Alioqui enim Clientum negotia subvertit, nedum juvet: sive eorum arcana parti adversæ revelando; sive suadendo ut incipiant litem iniquam perinde ac ruinofam: utrumque porro legibus naturæ adversatur; primum autem expresse prohibitum est a Carolo VII. an. 1453. secundum a Carolo IX. an. 1560.

Prob. 3. pars 1. quia Advocato, ut vel respondeat de causa, vel eandem agat, necesse est ut & omnes rei aliquando intricatissimæ circumstantias cognoscat, & eandem omnibus, quibus moraliter potest, sustentet motivis, non iis solum, quæ peremptoria sunt, sed & iis etiam, quæ quandoque minutiora sibi videntur; cum ista, ut fatentur artis periti, Judices nonnullos potentius plerumque flectant, quam quæ plus nativi roboris habere creduntur: atqui munia hæc absque diligentia sollicita & intentia præstari non possunt; ergo hæc Advocato necessaria est; praecipue cum eam partibus ex officio, & stipendio debeat.

2. Quia nihil non moliri debent patroni, ut clientum suorum negotia; quamprimum moraliter fieri potest, terminent, & definiant; cum mora & sumptus augeat, & ad iniquas transactiones adigat, & causa sit cur pereant probationes; ac demum familias etiam nobiles ad xenodochium non raro conducant.

Prob. 4. pars. Justitia est virtus, quæ suum unicuique tribuit: atqui virtus suum unicuique tribuens, si cui unquam, certe causarum patronis necessaria est: 1. relative ad se ipsos, ne plus exigant, quam sibi per-

permiffum fit; ne contra jus & leges tranfigant *de quota parte litis*; v. g. de dimidia aut tertia parte, ne fcripta, feu, ut loquuntur, fcripturas multiplicent; ne litem, quam primo iuftam crediderant, detefta ejufdem iniquitate tueri pergant. 2. relative ad clientes, ne quos amice componere poffunt, ad litem mille modis periculofam ftimulent, ne impenfis onerent, aut fatigent dilationibus. 3. relative ad adverfas clientum fuorum partes, ne dolo, artibus malis, aut mendacio, eafdem a jure fuo deturbent; ergo.

Prob. 5. pars. Charitas duo e multis effectus parit, primo, ut pauperum, viduæ præfertiim & pupilli parres fimus; fecundo, ut proximi famam non violemus temere, fed tunc folum perstringamus, cum abfolute neceffum erit: atqui neutrum præftabit, fed oppofitum, Advocatus, cui defuerit vera & chriftiana charitas, primo quidem non juvabit viduam & pupillum pauperes, præfertiim cum adverfus divites mundi hujus juvandi erunt. Una enim eft charitas, quæ non querens, quæ fua funt, iis fponfe opem ferat, a quibus nihil expectat retributionis; fecundo, nedum parcat proximi famæ, eandem carpet, quo afperiori dente poterit, & innumera, quæ ad rem non faciunt, convicia jacet in mileros, eos præfertiim, quibus non artiferit multitudo; prout teftatur frequens experientia de tot Advocatis, qui, ut cum Apulejo loquar, *lingue fua venenum vendunt*; ergo ante omnia univerfi Advocatis ita præbeant patrocinia furgantibus, ut non ultra quam litium pofcit utilitas, in licentiam conviciandi, & maledicendi temeritatem præfumpant. Agant quod caufa defiderat, temperent fe ab injuria; Leg. 6. §. 1. Cod. De poffulando; quibus confoat Stylus Parlamenti; part. 1. cap. 1. his verbis: *Opprobriis contra Curiales Regis nullo modo utaris, nec contra partem, nifi quantum neceffario faciat ad querelam*.

Prob. 6. pars: quia fi probitate deftitutus fit caufarum actor, nihil implebit eorum, quæ hactenus dicta fuere. Confultus non aperiet veritatem, fed refpondebit pro nummo, utrique parti confilia dabit, utramque impellet ad inchoandam litem, &c. Vide Opufculum cui titulus, *L'eloge & les devoirs de la profeffion d'Avocat*, Parifis apud Mazuel 1713.

Hinc colliges graviter ex natura rei peccare, & ad refituendum teneri Advocatum, primo, quoties ex malitia, imprudentia aut etiam ignorantia, caufa fuit cur cliens vel malam litem inchoaret, vel a iufta caufa excideret, vel indebitas impenfas faceret. Ratio eft, quia violat pactum, quo faltem tacite fpondit fe & bona confilia daturum, & ad minus communi virorum prudentum diligentia ufurum efle, ut clientibus fuum jus afferatur. Neque ut Advocatus refituere debeat, requiritur negligetia craffa, fed fufficit levis, ut colligere eft ex iis, quæ diximus tom. 1. part. 4. cap. 2. articul. 3. & docent Pontas verb. *Avocat* caf. 7. & apud eum auctores Moralis Gratianop. & Collat. Condomenfium. Unde quod ajunt aliqui, Advocatum, qui male confult, a refituendo immunem efle, eo quod poffit cliens confilium non fequi, fi volet, falum eft, nifi agatur de rebus intricatis, circa quas aliquando feinduntur doctiffimi quique, tuncque res ea, qua decet, maturitate ponderari debuerunt, & moneri cliens de incerto litis fuccelfu. Vide Pontas ibid. caf. 1.

2. cum adverfa parti, ejufve Procuratori fecretum clienſis revelat, & ar-



& arma contra eundem præbet, & tunc *ultra peccatum iniustitiæ* *proditionis* tenetur ad omne damnum & interesse laeso, prout cum communi docet 2. Antoninus 2. part. tit. 6. apud Pontas ibid. c. 2.

3. Cum rem judicio maturam iniquis artibus protrahunt, sive in clientis, sive in adversæ partis præjudicium.

4. Cum causam, quæ primo iusta videbatur, etiã comperta ejusdem iniquitate, non deserunt: atque in hoc casu tamen si retinere possint stipendium ei debitum labori, quem bona fide præmiserunt, nihil deinceps recipere valent, alioqui recepturi in stipendium iniustitiæ. Debent ergo, ait S. Thomas 2. 2. quæst. 71. art. 3. ad 2. *Causam deferere; vel cum, causam causam agunt, ad cedendum inducere, vel ad componendum sine adversariis damno*: neque tamen tunc licitum est Advocato prodere secretum partis suæ: *ut aliam partem juvet*. Nihilominus censet Lugo disp. 41. sect. 1. n. 6. eam S. Thomæ doctrinam limitari debere, 1. si reus capite damnandus sit, nisi Advocatus revelet actoris iniustitiam; 2. si ageretur de celeberrima fama, honore, & statu personæ illustis. In his tamen casibus antea monendas esset actor ut ab iniustitiâ desisteret, quam prodendus. Quin & expendere deberet Advocatus, an non sibi tantum nociturus esset, quam alteri profuturus; an non procreaturus grave scandalum. Decoq. de Just. p. 302. Lugo ibid.

Quod si patronus iniquæ litis actor, causam vincat, leges abrogatas citando, eas, quæ subsistunt, alienum in sensum detorquendo, producendo falsos testes, falsa instrumenta, teneatur de damno partis immerito condemnari. *Iuste enim dicitur Advocato huic: Redde quod accepisti, quando contra veritatem stetit; iniquitati adsuisti, Judicem fessellisti, Justam causam oppressisti, de falsitate viceisti*; ita S. Augustinus Epist. nunc 153. ad Macedonianum. Vide & Pontas ibid. c. 2. & 3.

5. Cum ea detegunt adversæ partis crimina, quæ ad rem non faciunt: puta si a Judicibus obtenturi ut, qui puellam decepit, prolem nutriet, alios ejusdem in hac vel alia materia lapsus in foro conclament. Cætera omitto consuetaria, quæ attendenti cuilibet sponte se offerent.

Quæres 1. an Advocatus causam dubiam aut minus probabilem agere possit.

R. ad 1. Advocatum tueri posse causam dubiam. Ratio est 1. quia clientes rem, quæ iam sua esse potest, quam alterius, alteri dimittere non tenentur: ergo de eâ Judicem interrogare possunt, si aliter inter se convenire non possint: ergo & eis coram Judice ministerium suum præbere possunt Causidici: sic tamen ut eos antea moneant rem vere esse dubiam; si enim eam pro certa & indubitata darent, & cliens sic affectus esset ut comperta dubietate abstineret a litigando, jam Causidici essent efficax causa litis, & damnorum, quæ sequuntur ex lite; 2. quia nisi Advocatis liceret in causa dubia patrocinari, supprimi possent universa Orbis tribunalia, cum lites ut plurimum sint de causis dubiis.

Hæc tamen locum non habent 1. in causa capitali; quia sicut graviter peccat actor, qui vult morte affici hominem, cujus culpa & innocentia æquale dubium habent; sic & peccat Advocatus eidem actori deserviens; 2. neque etiam juxta multos, cum agendum est contra possessorem, qui eo ipso, quod in dubio versatur, melioris est conditionis secundum leges. Si tamen actoris motiva vere dubiam facerent possessionis validitatem, jam uterque ejusdem conditionis esse videretur.

Cœ.

Cæterum si res ut Advocato, sic & Judicibus dubiæ videantur, non video, quæ æquitate totum uni, alteri nihil assignare queant. Unde censu necesse est ut Judex vel litigantes componat, vel rem dividat inter illos; vel si ea dividi nequit, fructuum partem alterutri assignet, aut aliter compense, ita Bannez & Granado apud & contra Lugo disp. 37. de Just. sect. 10. n. 114.

R. ad. 2. cum Fagnan. in cap. *ne initaris*, De Constit. num. 387. De coq. pag. 501. & Bellarmino Lib. 2. De arte bene moriendi, cap. 11. Advocatum nec consulere nec patrocinari posse pro parte minus probabilis contra probabiliorem. Ratio est, quod nemo alium juvare possit in actione, quam is sine peccato exequi non potest: atqui cliens non potest exigere ut sibi adjudicetur res, quam probabilius judicat alienam esse, non suam; neque hanc ipsi sine injustitia tribuere possunt Judices: ergo.

Hæc nostra opinio non obtinet solum in causa sanguinis, vel omnium bonorum, sed in iis etiam, quæ levioris sunt momenti: cum nemo ut suum repetere possit aliquid etiam leve, quod probabilius judicat esse alterius: *ideoque videmus*, ait Fagnan. ibid. n. 391. *furti actionem dari de re etiam minima, puta pro gallina, pro anseri, imo etiam pro ovo.*

At, inquires, medicus ægro jam desperato subvenire potest; ergo & Advocatus causæ minus probabilis.

R. neg. consequ. medicus enim neque ægro nocet, neque alicui terro: at vero Causidicus clienti suo nocet, si eum non monuerit; aut saltem adversæ ejus parti, quam adigit ad molestiam & impensas pro re jam satis sua. Atque hinc denuo colliges Advocatum teneri deferere causam, quæ primo dubia sibi vel æqua videbatur, deinceps vero visa est minus probabilis: nisi forte, ait P. Antoine Tom. 2. p. 443. prudenter æstimet, id quod sibi in tali materia videtur minus probabile, Judicibus probabilius visum iri. Quamquam & in hoc casu malim Advocatum clienti liberum facere ut recurrat ad alios, qui de re aliter sentiant, quam ipse sentiat: nisi tamen exuat conscientiam, quam de re propolita gerit, existimando scilicet præ modestia, quæ non semper fallit, se aliorum judicio magis quam suo inniti debere. Hic addo cum Andrea de la Paluelle, non omnem causam, quæ secundum humanas leges indubia sit, ab Advocato suscipiendam esse. Sic quem norit alteri summam debere, quam creditor defectu chirographi, sibi debitam esse satis probare nequit, debet ut malæ fidei hominem repellere, absolvendum quidem ab hominibus præsumptione deceptis, sed a Deo condemnandum.

Quæres 2. an Advocatus debeat agere causam pauperis, a quo nihil præmii expectare possit.

R. cum Sancto Thoma 2. 2. qu. 32. art. 5. ad 3. & qu. 71. art. 1. Advocatum teneri gratis opem ferre pauperi, cum apparet evidens & urgent necessitas, nec apparet in promptu, qui ei subveniat. Unde, quod in hujus voluminis decursu dicemus de elemosyna pauperi faciendâ a divite, in præsentem locum habet, eique merito applicatur a Sylvio in eamd. q. 71. sed & hic urget in Proverb. 24. *Erue eos, qui ducuntur ad mortem; & qui trahuntur ad interitum, liberare ne cesses.* Quod si nemo pauperis hujus causam agere velit, debet is ad Judices recurrere, quidem de Advocato providere tenentur: *Et nisi Advocatus factus sibi præcepto per Curiam præstare patro.*

*patrocinium, debet repelli ab advocacione dictæ Curiae, nisi se excuset causa rationabilis; uti notat & docet Guido Papa decis. 661. n. 2. apud Pontas ibid. cas. 5.*

Quæres 3. an, qui Advocato aureos centum promiserat, si causam obtineret, totam hanc summam refundere teneatur, si ante litis decisionem cum adversario suo transegerit.

R. Cum S. Antonino 3. part. tit. 6. cap. 2. §. 4. *Aut clientulus transiit in fraudem Advocati; & tunc totum salarium habebit Advocatus, quia per eum non stetit, quominus promissam operam impleret. Aut transiit bona fide, puta quia lis dubia erat; & tunc pro rata servitii habebit, considerata ejus facundia, nisi aliud fuerit pactum inter eos.* Decisionem hanc adoptat Pontas ibid. cas. 6. Eam tamen temperari velim, si Advocatus nihil ex fraude clientis percipiat damni: ut si qua die transactione monitus est, litem aliam agere cœperit, quæ non minus sibi pariet emolumenti, & a qua, nisi prior cliens transiisset, sibi fuisset abstinendum. Ratio est, quia fraus non inducit per se onus restituendi, nisi quatenus damnificativa est.

Quæres 4. uter ad restituendum teneatur, an Advocatus, qui suadet Titio ut litem in rei veritate justam, sed contra leges inchoet; an qui nixus lege causa est; cur Titius damnetur impensis, etsi causæ ejus justitiam intrinsecam cognoverit. R. Utrumque peccasse graviter, primum ex imperitiis, cum scire debuerit Judicem non posse judicare contra leges; secundum ex mala conscientia, cum nixus sit legibus ad favendum malæ fidei sibi cognitæ. Prior tamen ad restituendum obligatus videtur, ut qui clientem suum exposuerit toti, quod subiit, damno: neque enim satsierat, ut æquam causam tueretur, sed & necessum erat ut eam probare posset. Ita la Paluelle pag. 554. Resolutionum.

## CAPUT SECUNDUM.

### *De obligationibus Procuratorum &c.*

**N**E quod in materiis affinibus facile contingit, eadem sæpius repetere cogamur, præcipua hic recensere sufficiet peccata, quæ a Procuratoribus, Notariis, aliisque id genus committi solent: inde enim potissimæ eorum obligationes facile intelligentur. Itaque

Peccant Procuratores 1. cum aliquid faciunt eorum, quæ Causidicis prohibita esse diximus sive erga clientes, sive erga adversas clientulorum partes; ut cum scripta multiplicant, sive quia crassiori caractere pingunt, seu quia inanibus ratiunculis pagellas refertiunt. 2. cum clientes vel ad compositionem iniquam inducunt, ut faveant adversæ parti; vel a justa compositione retrahunt in lite dubia, quam certam esse jactant. 3. cum majus accipiunt stipendium quam lege, aut recepta proborum consuetudine sibi permixtum sit. 4. cum stipendium accipiunt pro scripturis lite jam judicata confectis; aut pro præambulis inventariis; quod vetitum est Constitutione Ludovici XIV. ann. 1667. tit. *des Depens* art. 11. §. cum partium sacculos, ea qua par est diligentia non custodiunt; cum earum secreta, vel ex

*Journely Theol. Moral. Tom. III.*

I

garru;

garrulitate, vel quia ab iis revocari sunt, propalant. 6. cum causam primo acceptam, primo non procurant, servato tamen Juris ordine, qui quandoque exigit, ut gravia negotia levioribus præcurrant. 7. cum clientis nomine non se opponunt iis, quibus se opponere tenentur, puta iis publicis proclamationibus, quæ Gallico jure vocantur *Criées*. De cæteris, quæ difficile reddit latina lingua, vide examen generale D. de S. Germain, & Collat. Andegav. habitas an. 1734. & 1735.

Peccant Referentes 1. cum rem, cui ob materiæ ambages referendæ impares sunt, referendam suscipiunt. 2. cum partium instrumenta per se non legunt, sed excerpta solum aliena manu exarata, nisi manus hæc sit admodum perita, & fidelis. 3. cum in rei referendæ studio segnes sunt, ac tardiores, quam decebat; ita ut ex mora crescant litigantium impensæ. 4. cum in referendo aliquid omittunt substantiale, unde contingit litigantem excidere causa vel ex toto, vel ex parte. 5. cum jus unius magis, quam alterius exponunt. 6. & idem de cæteris Judicibus dicendum, cum revelant, quis uni vel faverit, vel adversatus fuerit suffragando: quæ secreti proditio malorum ferax, pluribus Regum nostrorum Edictis severe prohibita est.

Peccant Notarii ac Tabelliones, 1. si ex imperitia, vel iniquitate instrumenta rite non conficiant; aut ambiguas apponant clausulas, quæ lites sint parituræ, juxta id alicubi tritum: *Ignorantia Notariorum est messor Advocatorum*.

2. Si testimoniis testium, aut partium dictis vel factis, aliquid addant, vel detrahant; neque res sincere scribant ut se habent, aut saltem sincere, ac proinde ab homine in iis rebus abunde versato scribi curent.

3. Si ea conficiant acta, quæ legibus reprobantur, puta si excipiant testamentum hominis ratione destitutum; si simoniacum, confidentiale, aut usurarium recipiant contractum, eo etiam in casu, quo licitum est mutuantum mutuum petere sub usuris: ubi nota posse eosdem conficere instrumentum in gratiam hominis, qui palam habeatur pro usurario, modo instrumentum illud in se nihil habeat usurarii; de quibus vide Pontas v. *Notaire*, cas. 1. & 2. & nos rursus infra.

4. Si extorquendæ pecuniæ animo differant instrumentorum expeditionem, aut negent acti transumptum, ex cujus defectu non possit quis sua sibi jura vindicare.

5. Si loco veri Testamenti, quod casu interierit, aliud simile confinant: item si ex post facto testamentum interpretentur, minuendo aut addendo.

6. Si ab officio suo interdicti pergant, ut antea, instrumenta conficere.

7. Si instrumenta non custodiant caute; iis enim sua culpa perditis, tenentur de damno.

8. Si juratum secretum violent, puta si aliis quam contrahentibus instrumenti exemplar largiantur, absque prævia Judicis sententia.

9. Si scribant solutam coram se fuisse summam, quæ in rei veritate non fuerit persoluta.

10. Si suadeant alicui ut mutuum det pecuniam homini, quem solvendo imparem cognoscant: nedum enim id facere possint, debent admonere clientem, cum aliquid norunt, quod vergat in damnum illius, uti docet Decoq; pag. 505. Consonat Toletus Lib. 5. cap. 62. ubi & docet Notarium, qui consecrerit Testamentum, quo quis Legatarius instituitur, eumdem

dem

dem monere debere ut rebus suis consulat, postquam tamen eos monuerit, qui legatum tradere debent, & ex culpa sua non tradunt.

Quæres 1. quid de iis sentiendum sit Notariis, qui contenti servare breve quoddam instrumenti summarium, quod protocollum vocant, extensa instrumenti exemplaria partibus tradunt.

R. Si protocolla hæc vel eo modo, vel in iis regionibus fiant, ubi in iudicio fidem facere non possint, peccare Notarios, quoties præsertim per longum tempus differunt plenam & integram instrumenti conscriptionem. Ratio est, quia moriente Notario partes, quæ nihil habent unde se tueantur in iudicio, grave hinc damnum recipiunt. Debent ergo Confessarii urgere Notarios, ut omnia quamprimum in forma debita reponant; iisque absolutionem negare, nisi spes affulgeat futurum ut huic malo citius medeatur: quod de iis non præsumunt, qui hoc jam semel & iterum promiserint nec steterint promissis: aut qui ex lucri fame, tot quotidie instrumenta recipiunt, ut omnia ad extensum perducere non possint. Ita fere Lugo disput. 41. n. 15. & expressius Tolet. ibid.

Quæres 2. quid fieri debeat a Notario, qui falsa cudit instrumenta, nec imminente jam morte habet, unde restituat.

R. Eum teneri ad faciendum quantum in se est, ut pars, cui nocet instrumentum, servetur illæsa, sive exigendo ut ille, in cuius gratiam cedit dolus, sibi restituat instrumentum, sive minitendo se rem totam ut est, aperturum esse; sive tradendo Confessario schedulam, qua declaret falsitatem instrumenti. Sed quia Notarius bonum habens nomen non magis timeatur se infamare, quam mulier adultera, idcirco expendendum est an tanti sit damnum, quod feret quis falsi instrumenti occasione, ut debeat illud reparari per jacturam boni ordinis superioris, qualis est fama. Hæc igitur ex circumstantiis pensari debent. Vide Lugo ibid. n. 17.

Quæres 3. an semper ad restituendum teneatur Notarius, qui scienter fecit instrumentum pro mutuo usurario.

R. 1. Si contractus manifeste usurarius sit, nullam esse restituendi obligationem; quia nemo est usurarius, qui tale instrumentum in iudicio proferre auit; nemo Judex, qui regulariter loquendo ullam ejus rationem habere possit. Si tamen alicubi Judices usuras solvi præciperent, teneretur Notarius de damno in defectum Judicis, ut & Judex in defectum usurarii. Idem dico si mutuans eo usque simplex esset, ut crederet se vi ejusdem contractus posse in usuras conveniri.

R. 2. Si contractus palliatam sub alterius debiti nomine usuram contineat, vel contractus sit invito mutuuario, & in gratiam usurarii, vel sit ad preces mutuarii, qui eundem a Notario efflagitat, ne non obtineat summam, qua indiget.

Si primum fatentur omnes, ait Lugo, Notarium ad restitutionem teneri; quia gravi hominis inviti damno cooperatur.

Si secundum, constat 1. Notarium peccare mortaliter contra juramentum, quo spondere solent hujus professionis viri, se talia instrumenta nusquam conditos esse. Constat 2. eundem incurrere excommunicationem latam in Clement. de Usuris, si hæc vigeat in loco ubi conficitur instrumentum. An autem obnoxius fiat restitutioni, controvertitur; negant Tolet. Lugo num. 20. Decoq. pag. 566. Navarrus cap. 17. numer. 275. & alii communius, cum Sylvio 2. 2. quæst. 78. art. 3. pag. 554. quia volenti, & consentienti non fit injuria: mutuans autem ex hypothesi

est volens, cum sollicitet Notarium, qui plerumque importunitati cedit.

At, inquires, si valeat hæc ratio, immo nis etiam erit a restitutione usurarius; cum ei mutuarius usuras promittat sciens, & volens: atqui saltem consequens.

R. Neg. maj. 1. quia mutuarius promittit *interesse*, ut liberet se a vexatione iniqua mutuantis: at vero Notarius nullam infert vexationem, a qua mutuarius se redimere teneatur. 2. mutuans intendit deinceps pactas usuras exigere a nolente: Notarius vero non habet animum quidpiam deinceps exigendi ab invito. Quapropter se habet in præsentì Notarius sicut se haberet, qui Joannem volentem & petentem ligaret hodie in domo Petri, ut cras posset injuste spoliari a Petro: tunc enim peccaret contra justitiam Petrus cras hominem ligatum spoliando, non autem is, qui hodie ligat Joannem determinate petentem ligari. Quod hic de Notario, idem de Testibus dicendum.

Quantum ad Scribas seu Grassarios attinet, peccant ii contra juramentum a se præstitum, & contra justitiam, 1. cum ea revelant, quæ silentio premere debent. 2. cum Judicis sententiam in Registrum fideliter non referunt, aut falsificatam tradunt partibus. 3. cum instrumenta exhibere nolunt iis, qui jus habent ut ea sibi exhibeantur. 4. cum in Scripturis non sequuntur id Sanctionis Aurelianensis an. 1560. art. 80. *Toutes Ecritures, Enquetes, Procès-verbaux, Déclarations de dépens, & autres expéditions de Justice, fors & exceptés les Arrets, & Sentences interlocutoires, & définitives, seront faites, & délivrées au papier, raisonnablement écrites à raison de 25. lignes en chacune page, & 15. syllabes en chaque ligne;* 5. cum Procuratoris officium una cum officio Grassarii gesserunt, quod iisdem sub multa libellarum bis millium prohibitum est; 6. cum in distribuendis litibus non sequuntur ordinem juris.

Apparitores, qui utpote Judicum ministri, peccatum facile effugere possunt, si intra professionis suæ limites sistant, pluribus tamen modis, & quidem graviter delinquant, Et 1. cum aliquid ultra justum stipendium exigunt; ut si cum plures eadem die assignationes in locis paulo distitis dedere, tot computant diætas, quot executiones consecrerunt; 2. cum accepto mandato vel hominem vel hominis bona apprehendi, spe muneris monent ut is sibi, suisque rebus cavéat. 3. cum in occupatione bonorum durius agunt, minantur, &c. ut extorqueant munera. 4. cum metu aut pretio corrupti, munus sibi commissum non exequuntur tempore præscripto, unde damnum partibus evenit. 5. cum extra limites jurisdictionis suæ operantur. 6. cum in suppellectilium venditionibus, vel constitutum ad licitationem tempus non largiuntur, vel certis temporibus favent. 7. cum finita venditione pecuniam ex ea proveniente iis, ad quos eadem pertinet, remittere sine causa differunt. De cæteris adi San-Germanum, & auctorem Collat. Andegav.

P A R S Q U I N T A .

*De obligationibus Dominorum temporalium.*

**P**ER temporales Dominos eos hic intelligimus, qui præcipuam ratione feudi in Parochia auctoritatem habent. Ii porro quædam Ecclesiæ, quædam vassallis suis debent, quæ ut præctice plenius intelligantur, sit

CONCLUSIO I. Domini, seu ut ajunt; Dynastæ, Ecclesiam ejusque Ministros verbo, & facto tueri debent.

Prob. quia tota, quæ in Dynastis residet, auctoritas, a Deo est, ac proinde juxta Dei intentionem exerenda: atqui ea auctoritas melius, & sanctius exeri nequit, quam in Ecclesiæ, & Ministrorum ejus omnimodum tutamen: ergo. 2. quia Magnates sunt primarii Ecclesiæ filii: ergo ei omnem præstare reverentiam debent: non præstant autem, nisi & a vassallis suis, quantum possunt, præstari curent.

Hinc colliges gravius peccare Dominos, qui Ecclesiam non frequentant, qui cœremonias ejus derident, qui Pastores ejus pro vilibus mancipiis habere videntur, qui eisdem, cum suam pro Dei cultu, & honore opem implorant, abiciunt, & dedignantur; qui ne ordinem propria mollitie sibi præscriptum invertant, Officiorum tempus, frequenter, & notabiliter invertunt, non sine gravi fatigatæ multitudinis præjudicio, & (\*) Regiarum Sanctionum contemptu; qui festivas dies choreis, saltationibus, aut litigiis inhonorari patiuntur, nisi choreas ea mente tolerant, quæ alicubi tolerantur meretrices; item, qui forenses causas in Ecclesiæ vestibulo, aut cœmeteriis astitari patiuntur; & ad eas vocant campanæ sonitu: de quo vide la Paluelle pag. 237. item, & qui contra Canonum placita, & Regni hujus Jurisprudentiam, colligunt Campipartem seu jus illud prædiale, quod dicunt Gallice *Champart*, priusquam Parochus colligeret decimas, quæ quia antiquiores sunt, & ipsius Dei jura, ex integris fructibus percipi debent, prout cum cœteris docet Pontas. V. *Dime* cas. 8. qui demum decimas ipsas usurpant, nisi eas sint infeudatæ; aut, qui metu vel minis prohibent ne vassalli sui conducant Ecclesiæ, vel Monasteriorum decimas aut prædia; ut hæc ipsimet viliori pretio conducant; quod Regiis Constitutionibus severe interdictum est, ut docent Natal. Alexander Reg. 6. infra, & Pontas. V. *Seigneur*, cas. 15.

Sed & hic notandum graviter peccare Parochos, qui improvida agendi ratione Dominorum animos, & voluntatem a se abalienant; qui iisdem honorifica jura tribuere renuunt; qui contra eorum excessus quasi nominatim e suggesto invehuntur, &c. Hæc enim pacem turbant, & concordiam, qua semel Parochos inter, & Dynastas labefactata, mirum est, si Rectores Ecclesiæ rem Dei placide, & feliciter promovere valeant.

CONCLUSIO II. Dynastæ vassallis justitiam, & immunitatem ab oneribus indebitis procurare tenentur.

*Tournely Theol. Moral. Tom. III.*

I 3

Prob.

(\*) Défendons très-expressement aux Seigneurs temporels, & autres personnes quelconques, de contraindre les Curés ou leur Vicaires, de changer ou différer les heures du Service Divin ordinaires, & accoutumés. *Ordon. de Charles IX, 1571, art. 3.*

Prob. quia alioqui Dynastæ vel iustitiam per se ipsos violant, vel ab Officialibus suis violari patiuntur: utrumque autem communibus naturæ principiiis repugnat.

Hinc colliges 1. peccare, & ad restitutionem teneri Dominos, qui Judices imperitos, avidos lucri, dubiæ aut inexploratæ probitatis constituunt: *Qui enim occasionem damni dat, damnum videtur dedisse*, cap. fin. *De injur.* quod si Judex aliunde capax, & qui cum dicendo juri præpositus est, habebatur pro viro frugi, ex metu, favore, aut etiam turpi quæstu lapsus sit, non tenetur Dominus de ejusdem injustitia, quam prævidere non potuit; etsi, quantum potest, illati damni reparationem procurare teneatur ex legali quadam iustitia. Quin aliquando apud Superiores Judices agere debet, ut destituantur Ballivi sui, quos per se destituere nequit, cum præsertim officium suum titulo oneroso aut remuneratorio assecuti sunt. Si Ballivi plus exigant, quam sibi legibus permisum sit, tenentur Domini ex Officio hisce concussionibus, si graves sint, manifestæ, & frequentes, obistere pro virili. Ita de la Paluelle pag. 366. & 369. qui licet pro Normannia scripserit, utiliter tamen ab omnibus perlegi potest. Vide & Pontas cas. 14. & cas. sed & consulat unusquisque, ut debet, locorum consuetudines.

Colliges 2. cum Natali Alexandro Tom. 2. lib. 3. cap. 6. art. 8. Reg. 8. pag. 352. *Letthalis violentia reos esse nobiles, quorum reparebitur annexa est summa jurisdictio, seu jus gladii, si maleficos ac sceleratos penis legum sanctione constitutis plebs non curent, sive ut sumptibus parcant, sive quod multo deterius, ut commodum aliquod ex patrocinio flagitiosis illis hominibus impenso consequantur.* Ratio est, quia ii ex officio vassallorum tuitioni incumbere debent, & obstarè ne opprimantur; aliunde vero ex condemnatione jus habent in malefactorum bona, sique præstitos a se sumptus recuperant. Adde, quod ex vassalliis multa percipiant, quæ stipendii loco esse videntur. Adi Pontas, ibid. cas. 11.

Quin & Domini curare debent ne vassalli sui etiam volentes decipiantur: unde Bohemos, magos, & fatidicos e territorio suo abigere debent, prout eis injungitur Sanctione Aurelian. art. 104.

Colliges 3. cum Pontasio, & aliis restitutioni obnoxios etiam esse Dominos, qui oneribus quoad substantiam aut modum indebitis vassallos gravant. Tales sunt 1. qui vassallos cogunt ut frumenta sua deferant molenda ad pilstrinum suum, etsi illud bannale non sit, seu ex consuetudine, seu, ut alibi necessum est, ex titulo speciali; aut qui servitutem hanc exigunt ab iis, qui ad eam non tenentur, quales sunt Parochi in Præbyterio suo degentes, & cæteri, qui nimium a molendina distant (*qui ne sont pas dans la banlieue*) aut, qui ad eam pervenire nequeunt sine gravi dispendio propter viarum difficultatem, &c. Idem servata proportionem dicendum de iis, qui rusticos cogunt ut vel uvas premant ad torcular suum, vel ad furnum panes coquant. Item, qui columbaria sine jure construunt, neque ii niti possunt vassallorum silentio, cum illud non approbatum sed metus parere consueverit. Unde Domini restituere debent pro numero columbarum, jugerum suorum paucitate, & sterilitate locorum.

2. Qui molendina ad punctum, ut ajunt, quadratum habent, quando ex locorum usu ad punctum rotundum habere debent.

3. Qui



3. Qui corvada Gallice *Corvées*, id est operatum obsequia exigunt vel; quæ non debentur, vel quæ tali modo non debentur: ut si Domini, qui pluribus annis nihil operæ exegerunt a vassallis, omnes præteritorum annorum operas uno anno perfici velint; quod & iniquum est, & adversum Jurisprudentiæ nostræ, in qua tritum est istud: *Les corvées ne sont pas comme les rentes, & elles ne tombent nulle part en arrérages*. Item, qui operas sibi debitas, & quibus non indigent, in vicinorum suorum gratiam præstari volunt, contra id Leg. 46. ff. *De solut. Quod debetur Titio, non debet solvi Sejo*. Excipe tamen, nisi locorum consuetudo aliud ferat. Item, qui in summam pecuniæ etiam modicam onera sibi debita convertunt, nisi conversioni huic consentiant vassalli. Pontas ibid. cas. 4.

4. Qui in locis minime circumseptis herbas colligi vetant, ne abigantur perdecies; quasi privata hominis unius voluptas publicæ necessitati anteferenda sit. Idem ex Sambovio cas. 6.

5. Qui vel garenam auctoritate privata constituunt, vel jam pridem extinctam, renovant; aut e loco in locum, ubi multo plus nocitura sit, transferunt; aut eo usque cuniculos multiplicari patiuntur, ut inde gravius subsequatur vicinarum segetum aut vitium strages.

6. Qui vassallos cogunt ut in ipsam Domini domum transferant ea, quæ transferre non tenentur. Triplex est enim censuum genus, alii sunt *requiribiles*, alii *portabiles*, alii *queribiles*. Census *queribilis*, ut ex nomine patet, a Domino requiri debet, & creditor solvere eum potest in domo sua. Census *portabiles* in ædes Domini ferri debent; ita ut nisi constituto tempore deferantur, possit debitor ob moram multari ipso facto; secus si census sit *requiribilis*, tunc enim priusquam indicatur multa, præire debet sententia Judicis. Vide la Paluelle pag. 392.

7. Qui exigunt ut vassalli census in alia solvant specie, quam qua constituti sint, v. gr. in grano, quæ pecunia solvi debent, aut viceversa. Ubi notat idem Auctor multos, & graves hic ex Dominorum parte irrepere abusus: ut 1. cum granum recipere nolunt, quasi deterius; cum tamen tale sit, quale colligitur in fundo censuarii. 2. cum iis annis granum rejiciunt, quibus viliori pretio venit, & exigunt cum valor plurimum increvit: quo in casu censuarius etiam in mora, non debet pretium; quo actu venduntur frumenta, sed quo venundabantur vel anno, vel saltem tempore, quo persolvi debuerant.

Addit idem eruditus Casuista. 1. Dominum toto anni curriculo posse rem in specie propria exigere, secus si jam annus elapsus est. 2. idem de mutante dicendum esse, quod de Domino, ac proinde mutuuario, qui centum tritici modios mutuo receperit, quo tempore modius quilibet quatuor libellis venibat, satis esse post duos aut tres annos ut pretium illud solvat, non requiri autem ut refundat valorem, quem modius anno currente habet, (nisi tamen inter contrahentes convenierit rem tali anno esse restituendam, quia, inquit, æquus foret ille contractus ob incertitudinem futuri rerum valoris.) Suam hanc opinionem multis Jurisperitorum nostrorum auctoritatibus confirmat citatus Auctor; & hæc indubie tenenda est, ubicumque eam locorum usus, & leges observari voluerint; prout dixi ubi de Contractib. pag. nunc 738. interim fatetur Paluellejus eandem unanimi pene Casuistarum decisioni esse contrariam; e quibus hæc adducit Toleti verba lib. 5. cap. 34. *Si quis mutualet alicui*

non præscripto tempore solutionis, & tamen quando videres talem rem vilis valere, non peteret, expectando tempus, quo carius valeret; talis esset avarus, & peccaret contra charitatem, non tamen esset usurarius, nisi impediret alterum, quominus solveret, cum vilis valeret res: aliter non facit contra justitiam, non enim tenetur debitorem advertere, nam ille debebat hoc considerare, & rei sue consulere. Ex quibus colliges præsentem casum nulla generali lege, sed ex locorum jurisprudentia definiendum esse. Certe Domat Lib. 1. tit. 6. Sect. 3. n. 5. ex leg. 22. ff. de rebus creditis, statuit ut si conventum non fuerit, quo tempore res mutuo data redderetur, ea debeat æstimari quanti tunc cum petita est, ac proinde non quanti cum mutuo data est; prout & dixeramus agentes de Mutuo.

Cogit brevitatis studium plures omittere Dominorum injustitias præferim in iis, quæ ad talliarum assisas, ut ajunt, seu tributorum impositionem pertinent; ut cum toparchæ villicis parcuri, vel potius commodo proprio consulturi, in pauperiores refundi præcipiunt, quæ a ditioribus solvenda erant, & tunc Domini primo loco, tum deinde Collectores, qui ex metu aut assentandi animo cooperati sunt injustitiæ; damnum illatum reparare tenentur; neque illis vel istis absolutionis beneficium impendi potest. Vide Pontas ibid. cas. 8. & De Lamet Vid. *Tailles*.

Si graviter peccant Domini in vassallos, graviter, nec raro in Dominos peccant vassalli. Quod ut utrumque intelligatur, sciendum est Dominis quedam competere jura. 1. ex contractu, & sic iisdem competunt census dominici, jus relevii, jus certos a rusticis labores exigendi. 2. ex communi Provinciarum jure, sic competit jus columbarii, jus in thesauros, in animalia expavescata. 3. ex præscriptione, sic rursum competere potest jus columbarii. 4. ex privilegio, sic competit jus venandi, jus piscandi, &c. 5. per modum pœnæ, & sic iisdem competit jus indiciendi multas, & confiscationes.

De postremo hoc jure certum est illud non deberi ante Judicis sententiam latam juridice, & debite significatam. Ita sentiunt Calustæ omnes, ait Paluellejus pag. 540. Cætera vero jura in conscientia debentur, unde alibi collegimus eos, qui columbas occidunt, qui inventum thesaurum, quem cum Domino partiri debuerant, totum asservant sibi, qui cuniculos apprehendunt, teneri ad restituendum.

At nullum est fortassis genus, in quo gravius peccetur, quam in solutione Laudimiorum, seu census illius, quem Gallice dicimus *Lods*, & *rentes*, & in Normania, *Treizième*; quod ut saltem generatim intelligatur.

Quæres 1. quando prædicti census debeantur.

R. Laudimia debentur in triplici casu. 1. cum prædium venditione acquiritur. 2. cum acquiritur conductione sub censu redimibili, *acquisition par bail a rente rechetable*. 3. cum acquiritur per commutationem. Ita sancitum est a Ludovico XIV. ann. 1674. mense Febuario his verbis: *Difons, Statuons, &c. que les memes droits Seigneuriaux, qui sont établis, & réglés par les Coutumes des lieux, pour les mutations, qui se font par des Contrats de vente, seront payés à l'avenir en toutes mutations par Contrat d'échange. soit que les échanges soient d'héritages contre héritages, ou d'héritages contre des droits, rentes, & redevances de quelque nature qu'elles puissent être.* Quæ

Quæ verba temperare videntur Argou Tom. 1. pag. 250. & J. Ferrière v. *Mutation en matiere de Censue*, his uterque verbis: *Lesdroits d'échange n'appartiennent pas aux Seigneurs, mais au Roi, à moins que les Seigneurs n'en aient traité avec le Roi.*

Quæres 2. an vassalli hosce census, antequam a Domino requirantur; solvere debeant.

R. affirmat. unde & instrumentum contractus eidem Domino exhibere debent: quapropter effatum illud: *Nemo tenetur edere titulum contra se*, nullius in præsentī materia momenti esse potest: cum valeat tantum pro casu, in quo unaquæque pars utitur jure suo, non autem cum parsuū ab altera jus trahit, eique vi contractus aliquid præstare tenetur: porro vassallus suū vendendi jus habet a Domino, qui illud ea solum conditione indulgit, ut sibi certa in mutationibus portio reddituum solveretur.

Quæres 3. an si venditor censum persolvere nolit, ad id teneatur emptor in solidum.

R. affirmat. si neque, ut fieri solet, emptor iniquitati illius quicum contraxit, fuerit cooperatus. Idem de venditore respectu emptoris dicendum, si ex pacto, vel loci consuetudine emptor de Laudimio teneatur. Ita Paluelleius pag. 547.

Quæres 4. Quid juris, si contrahentes in dubio an deberent censum; contraxerint in aliena provincia.

R. eos cogi non debere ad solvendum id, quod forte non debent, sed cogi debere ad exhibendum Domino Contractum; quod si in ambiguo casu jus suū exegerit Dominus, recurrendum erit ad Judices. Ita Casuista pag. 541.

Quæres 5. sed quid, si contrahentes sine honoris & sorte boni dispensio, contractum suū jam exhibere nequeant; puta, quia juraverint se non contraxisse?

R. cum eodem consulendos esse Advocatos, qui definiant an debeatur census. Si Advocatorum alii ab aliis dissentiant, ita ut dubium perseveret, adigendi sunt contrahentes ad solvendum secreto census dimidium, scilicet pro rata dubii, quod expendi non potuit a Domino Contractum ignorante propter malam contrahentium fidem. Fateor ego me in id semper propendere, ut in quocumque dubio, etiam seclusa mala fide, semper restitutio fiat pro rata dubii, nisi sermo sit de rebus fisci.

Quæres 6. quid juris, si partes coram Notario contraxerint sub censu irredimibili; & venditor contrario scripto, gallice *Contre-Lettre*, emptori licentiam fecerit, censum quoties volet, redimendi.

R. Laudimium in hoc casu deberi, quia contractus ad censum redimibilem pro vera venditione habetur. Aliter dicendum in casu census irredimibilis super ipso fundo constituti, quia hujusmodi census locum tenet ipsius hæreditatis; ita etiam post citatam Ludovici Magni Declarationem tenent Galli auctores, Argou Tom. 1. p. 151. Ferrière ubi supra.

Quæres 7. sed quid si furtivum illud scriptum comburant contrahentes; & sincere consentiant ut census nunquam redimatur?

Respondet Paluelleius his verbis: *Le treizième étant acquis au Seigneur du jour que la contre-Lettre a été faite, & indépendamment du rachat, les Contrahans ne le peuvent priver de son droit, quoiqu'ils détruisent l'Acte, & qu'ils changent de volonté, si ce n'est dans les 24. heures après l'acte passé.* Cætera omni-

omitto, tum quia materia hæc propria est Jurisconsultorum, ut notat Pontanus hoc tit. tum quia cum variæ sint circa Laudumiorum solutionem consuetudines, vereor ne, quæ alicubi vera sunt, alibi non observentur.

## P A R S S E X T A.

*De obligationibus eorum, qui publice docent, aut publice audiunt :*

**D**Uplex erit hujus partis caput: in priori de Magistris, in posteriori de Discipulis differemus, sic tamen ut Philosophiæ vel Theologiæ Professores aut Candidatos præ cæteris intueamur.

## C A P U T P R I M U M.

*De Magistris :*

**C**UM juxta primam Facultatis Parisiensis legem, omnium Regnorum & populorum felicitas, tum maxime Reipublicæ Christiana salus a re-  
*cta juventutis institutione pendeat ; quæ quidem rudes adhuc animos ad humanitatem flectit, steriles aliquin & infructuosos Reipublicæ muniri idoneos & utiles reddit ; Dei cultum, in parentes, & patriam pietatem, erga Magistratus reverentiam & obedientiam promovet, jam a limine patet grandem suscipere provinciam quisquis instituendæ juventutis oneri succedit: quod ut ope methodi jam pluries trita demonstramus, paucis expendendum, quæ in Magistris dotes quoquoque eminere debeant. Sit igitur*

**CONCLUSIO I.** Qui alios erudiant, tenera in Deum pietate referti esse debent.

**Prob.** Qui alios erudiant, divinam tum in se, tum in alumnos suos benedictionem adducere debent ; debent & gregem suum pascere verbo & exemplo ; ac demum eniti ut eum pium magis faciant, quam doctum ; hæc propositio meridiana luce clarior est ; atqui non minus clarum est hæc officia non posse præstari sine tenera in Deum pietate. Nam 1. Dei gratiam nec in se nec in alios attrahet, qui sapiens & ex imo corde non recurrit ad eum, quem Scripturæ vocant Patrem spirituum, Patrem luminum, Dominum scientiarum, a quo sufficientia nostra est : atqui hanc Dei sapiens & profunde interpellandi artem sola novit pietas, sola in praxim redigit ; ergo ; 2. nec alumniis suis verbo & exemplo præerit, nisi, qui vere pius erit : tum quia *ex abundantia cordis os loquitur* ; tum quia difficile est ut homo diu mores suos componat coram iis, quorum frequenti utitur commercio, quique vel redarguere non audent, vel malo sponte & naturaliter applaudunt. 3. denum nec primas in lectionibus suis pietati partes dabit, sed scientiæ ; cum experimento compertum sit, id agere unumquemque ut ea doceat, quibus plenus sit, ea vero lubens supprimat, quæ sibi nesciamus satis procurare conatus est : & tamen, qui præsertim Ecclesiæ Ministros in-

for-

formant, non tam scientiam, quam circa usum scientiæ erudire eos debeat, prout fert Bulla Congregationis Oratorii confirmativa; ergo, ut Hieronymi verbis concludam, necessum est ut aliorum, præsertim vero Clericorum Magister, totus vocalis prodeat ..... gressus ejus & motus, vocalia sint uniuersa.

CONCLUSIO II. Qui alios erudiunt, præter spiritualia, de quibus statim locuti sumus, auxilia, debent alumniis suis competente doctrinam; vigiliis, & quidquid ad serui studii amorem allicere potest.

Prob. 1. pars. Per competentem doctrinam, eam hic intelligimus, quam sana sit, ad scopum intentum utilis, Candidatorum captui proportionata, & exposita ut decet: atqui hæc omnia debent Magistri alumniis suis; quando quidem ad hoc instituti sint a Republica & Ecclesia. Unde hic non probatione opus est, sed explicatione.

1. Itaque debent Magistri discipulis doctrinam sanam, idest Scripturæ, Traditioni, & Conciliorum oraculis consentaneam, non quomodocumque, sed prout hæc ab Ecclesia in æternum subsistente intelliguntur. Qui enim cum Calvino ejusve affectis solam Scripturam interpellant Judicem, id utique faciunt, quia persuasum habent se de Judice suo facturos esse, quod volent. Inde tot apud eos, eorumque similes, tum Scripturæ tum Traditionis intellectus omnino discrepantes. Sic Lutherus in verbis institutionis Eucharistiæ præsentiam realem necessario perspicit, in iisdem vero absentiam realem Calvinus. Sic Janseñianorum alii in tota Scriptura proximum Eliæ reditum vicinamque Judæorum conversionem intuentur; quam alii derident & explodunt.

2. debent Magistri candidatis doctrinam, quæ ad intentum scopum utilis sit. Est autem & esse debet is Theologiæ alumnorum scopus, ut Christianam plebem salutari scientia imbuant, & imbutam dirigant in sacro Pœnitentiæ tribunali. An vero id præstabunt aut præstari facient ii, quibus quæstiones, quæ præcipue subtilitatem aliquam philosophicam redolent, placent præ cæteris; quorum animo non obversantur nisi steriles quadam Scholasticorum aut criticorum disputationes, ex quibus nihil olei, quo ungavis, extorqueas: an populum docebunt subtiles illas quæstiones? sed populo inutiles sunt: & esto sint utiles, quibus illas terminis exponunt Scholasticorum? non capit terminos illos vulgus, quos ne ipsi quidem nisi post longum forte studium capere potuerant. Atque hinc ardua illæ multorum Instructiones, Catechismi, Conciones, in quibus nil aliud audias, quam terminos, definitiones, & divisiones usitatas Scholasticis, quibus res quæque Theologica, alioquin facundissima, ita macré exprimentur, definiuntur, droiduntur, ut non nisi tenuissima rerum sæpe maximarum idea in animis audientium relinquatur. Ita Opstraet q. quodlibet. 1. ad calcem Tomi 3.

3. Debet doctrina, quæ studentibus propinatur, eorum captui proportionata esse; & proportionato modo explicari: alioqui immerguntur eorum animi in quæstionibus arduis æque & inutilibus, quas nec modo portare possunt, nec forte unquam poterunt. Sunt quidem in singulis Moralibus Theologiæ partibus quæstiones, quas, licet maxime difficiles captu, præteriri nefas fuerit, quæque, cum tractantur breviter, vix clare tractari possunt, secundum ritum id: *Brevi esse volo, obscurus fio*; at iis tunc duntius inhærere debent Magistri, easque siue intra siue extra schoolam, cum latina tum etiam vernacula lingua inculcare tam crebro, ut eandem incudem repetitis ictibus incipere videantur.

Propt.

Prob. 2. pars. Duo præsertim a Magistris præstanda sunt, scilicet ut & bona bene dicant, & non inutiliter dicant: atqui ad utrumque requiritur; ut & sibi, & alumnis suis invigilent. Sibi quidem, ne si non satis parati accedant, falsa dent pro veris, dubia pro certis, obscura pro evidentibus. Alumnis vero, ne vel cursum & otii amore studium negligant, vel eo nimis abrepti haud satis vacent spiritualibus exercitiis.

Prob. 3. pars. Quia studium intentum & acre, iis præsertim, qui ejus usum non habent, acerbus videtur & insuavis labor; ergo multo videbitur ingratus, si Magistri jugum aggravent rugosa fronte, severitate oris glaciali, verbis minacibus, agendi ratione, quæ despectum spiret. Merito igitur Quintilianus Lib. 2. cap. 2. juventutis institutorem his verbis depingit: *Minime sit iracundus, nec tamen eorum, quæ emendanda erunt, dissimulatur, simplex in docendo: patiens laboris, assiduus potius, quam immodicus in emendando, quæ corrigenda erunt; non acerbus, minimeque contumeliosus: nam id quidem multos a proposito studendi fugat, quod sic objurant quasi oderint. Non austeritas ejus tristis, nec dissoluta comitas; ne inde odium, hinc contemptus oriatur.*

Hinc colliges cum Jacobo Besombes Tom. 6. Tract. 3. cap. 3. 1. *peccare mortaliter & gravissime, qui Scholis publicis eum præsciunt, quem sciunt certo indignum, vel non sciunt dignum, vel qui minus dignum, posthabito digniore, eligunt.* Peccant enim 1. in Deum, & magis, quam si minus dignos populus Pastores tribuerent; quia Beneficiarius solam plebem instruit, Professor vero publicus Clerum, a quo plebs instruenda sit; 2. peccant in Ecclesiam & Rempublicam, quam privant ea utilitate, quam ea digniori puerorum institutione perceptura fuisset. 3. peccant plerique contra juramentum, quo se devinxerunt ad eligendum digniorem.

Colliges 2. peccatum illud adversari justitiæ, adeoque inducere obligationem restituendi, quia *non remittitur peccatum, nisi restituatur ablatum.* Sed quo tandem pacto ea restitutio fiet? qua ratione resarciuntur damna, quæ Pastor imperitus, & imperitus ejusdem Magister procreaverit? Sane, ait citatus Doctor, vix aliter tantum malum reparari potest, quam suis precibus ad Deum, ut digniores mittat operarios. Interim tamen perpetua opus est Pœnitentia, qua malæ electionis crimen diluatur.

Colliges 3. iisdem undequaque pœnis obnoxios esse, qui ambitione, vel nimia præsumptione ducti, Magisterii cathedram requirunt, nec tam obtinent, quam adulatione, precibus importunis, & omni machinationum genere præripiant.

Colliges 4. a Magisterio immisericorditer abigendos esse, qui eos animi vel cordis defectus habent, quibuscum vix, ac ne vix quidem possint alumnis prodesse. Quales sunt primo, qui animo, ut ita loquar, distorti, *non habent mentem in concipiendo sagacem, in judicando prudentem, in disputando rectam, in singula, quæ tradenda sunt, methodice distribuens;* secundo, qui vel discipulorum sociordiam lovent præ timiditate aut amore nimio: vel neglectis aliis quosdam excolunt, quia assentatores, aut largiores munerum; item qui nesciunt aut non curant languidos excitare, promovere debiles, &c. quin & eos, qui ex mala corporis configuratione *visum aut contemptum tantisper excitare possent*, a docendi munere exclusos vult idem Besombeus, *nisi hic defectus præcelsa mentis sublimitate compensetur.* Haud tamen arbitrari viros perfectæ jam ætatis, quales sunt eorum multi, qui in Seminariis audiunt, externis de-

defectibus tantum offendi, quantum iis læduntur pueruli, qui prima Grammaticæ elementa salutant.

Colliges 5. duo igitur præcipue esse Professoris Philosophiæ potissimum ac Theologiæ officia. Primum ut multiplicem gerens personam, nonnullorum ex alumnis suis languescentem animum erigat, veluti subdens ad cursum calcariæ; quorundam vebementiam quasi fræno injecto compefeat; aliorum castiget tarditatem & infertiam; denique omnium ingeniis placide se accommodet: tum autem & obscure proposita illustret, involuta explicet, confuse projecta ac male coherentia in syllogismos apte illiget, nodosas quæstiones dissolvat. Ita Andreas Hyperius in Opere De Theologo, seu de ratione studii Theologici Lib. 3. c. 8. pag. mihi 543. edit. Basil. an. 1559.

Secundum, idque præcipuum munus eorum præsertim, qui in Seminariis laborant, iis Constitutionum S. Lazari verbis feliciter exprimitur: Professoribus nostris propositum erit, omnem, quam poterunt, operam conferre, ut eorum discipuli tales evadant operarii, quos Dominus in vineam suam mittere digneur. Hujus rei gratia sæpius flectent genua ad Patrem D. N. J. C. & quorum mentes verbis suis identidem ad studium formant, eos ad virtutem exemplis suis invitabunt jugiter & instituent; ut dum in discipulis amorem virtutum, quæ Missionariis præsertim commendantur, fovebunt Magistri, pietas, quam illi de Seminarii fonte hauserunt, si non majora in dies capiat incrementa, nullum saltem patiatur detrimentum. Unde

Colliges 6. quam fœde, quam graviter hallucinentur ii, qui in Academicis, ac Seminariis præsertim, emenso utcumque Scholæ studio, quidquid sui muneris est, implevisse se putant; quasi nec precibus apud Deum agere debeant, ut quod jecerunt semen, centuplum ferant; nec plus alumnis suis improvida sua agendi ratione noceant, quam prosint, frigida aliqua, quam & forte multoties prætereunt, auctoris alicujus expositione.

## CAPUT SECUNDUM.

### De Discipulis.

**S**tudentium obligationes ad tria capita reducemus, quid Deo scilicet; quid Professoribus, quid sibi debeant.

CONCLUSIO I. Juvenes, qui studiis vacant, pietatem & virtutem impensius sectari debent.

Prob. Ut juvenes studio dediti virtutem impensius sectari debeant, duo sufficiunt, nempe ut ad id teneantur, quæ juvenes, & quæ Scholastici. atqui ad id tenentur primo, quæ juvenes. Id idem præcipit Scriptura pluribus in locis. Eccli. 2. *Fili, accedens ad servitutem Dei, sta in iustitia & timore... conjungere Deo & sustine.* Eccli. 12. *Memento Creatoris tui in diebus juventutis tuæ, antequam veniat tempus afflictionis.* Thren. 3. *Bonum est homini, cum portaverit jugum ab adolescentia sua.* Proverbiorum 22. *Adolescens juxta viam suam; etiam cum senuerit, non recedet ab ea;* secundo, ad id tenentur, quæ Scholastici, tum quia pluribus indigent gratiis, cum & communes lascivientis hujus ætatis passiones vincendas habeant, quæ etiam in Academicis potentius grassantur; & tenta-

tiones

Sap. 1.

tionem status sui proprias accediam præcipue, tædium, & vanitatem debellare teneantur. Tum quia recipiendæ sapientiæ idoneos se & pares efficere debent: atqui *in malevolam animam non introibit sapientia, nec habitabit in corpore subdito peccatis*: ergo eniti debent ut de se dicatur, quod de Tobia dictum est: *Cum esset junior omnibus, nihil tamen puerile gessit in opere*; imo contra pravos cæterorum mores fortiter stetit, unde cum irent omnes ad vitulos aureos, quos Ieroboam fecerat, *hic solus fugebat consortia omnium*. Tob. 1.

Erit autem optima pietatis colendæ ratio, 1. frequens & servens Sacramentum Pœnitentiæ & Eucharistiæ susceptio: non quia id Academiæ legibus sancitum sit, sed quia ii sunt duò sanitatis & salutis fontes; 2. quotidiana eaque devota auditio Missæ, per quam, si aliter fieri potest, ut potest fere semper, duas ad summum minores Horas ab iis, qui Officio addicti sunt, recitari velim, alteram initio, alteram sub finem, ita ut pars potissima Sacrificii ab Offertorio ad Communionem Sacerdotis, animo & corde teneatur; 3. tenera in Virginem Deiparam propensio, quæ singulis diebus, aliqua fusione precum, quas approbavit Ecclesia, de se prodatur. Illa scilicet est virgo virginum præclara, quæ mitis facit & castos. *Ipsam sequens non devias; ipsam rogans non desperas; ipsam cogitans non erras; ipsa tenente non corrui; ipsa proeigente non metuis; ipsa duce non fatigaris; ipsa propitia pervenis*. Sanctus Bernard. Homil. 2. super Missur est num. 17. 4. lectio bonorum Librorum, & consequenter recessus ab iis, qui ut Comædiæ complures, Romanenses item libri amorem, vindictam, & omne libidinum genus spirant; 5. plurima cum juvenibus bonæ frugis necessitudo, cæterorum fuga: *Fili mi, si te lassaverint peccatores, ne acquiescas eis*. Proverb. 1.

CONCLUSIO II. Adolescentes, qui Scholas frequentant, debent Professoribus assiduitatem, docilitatem, reverentiam, & animum bene memorem.

Prob. 1. pars, de assiduitate, 1. quia *Sapientis corde præcepta suscipit*, Proverb. 10. *Sapientiam vero & disciplinam, qui abjicit, infelix est*, Sap. 3. Porro non suscipit præcepta sed abjicit, qui iisdem assiduus non est; 2. quia *audient Sapienter, sapientior erit*, Proverb. 1. 3. quia se ferme habent variæ scientiarum partes, sicut annuli catenæ, quorum primum nisi occupes, vix unquam poteris assequi secundum; 4. quia si Discipulis assiduas debent lectiones Magistri, assiduam Magistris debent attentionem Discipuli: atqui, &c.

Prob. 2. pars, de docilitate, quia indocilitas præsumptionem, nimiamque proprio sensui adhæssionem redolet; & murmura, scandala, disputationesque sæpe sæpius otiosas inducit. Et id tamen satis familiare est vitium juventutis, quæ futilem sibi victoriam gratulatur, confidit se Magistris suis callidiorum, responsa eorum temnit, & aliquando tandem labitur in errores, a quibus revocari nequeat, prout Tertulliano & Photio, viris cæteroqui magnæ ingenii acie samosis contigit. Interim Professori, qui opiniones ab Ecclesia proscriptas tradiderit, neminem assentire velim: prima enim docilitas Ecclesiæ debita est.

Prob. 3. pars, cum exemplo Theodosii magni, qui filios suos, licet in Orbis regimen natos, coram Arsenio stantes loqui præcepit; tum quia non inepte dixit Philosophus, accipere nos a parentibus esse, ab



institutoribus bene esse; ergo utrosque pro patribus habere, ac proinde specialiter revereri tenemur.

Prob. 4. pars, quia animum bene memorem iis debemus, qui grande nobis obsequium præstant, idque non facili negotio, sed in sudore vultus, in vigiliis plurimis, in patientia multa: atqui ea est erga nos conditio Professorum, qui non persunctorie, sed ut par est, Officio suo fungi volunt: quot enim diu noctuque libros terere, secum invicem conferre, meditari ac ruminare debent, priusquam e suggestu loquantur? quot auditorum tarditatem, ac duritiam vel pati vel frangere necessum est? &c.

CONCLUSIO III. Qui Scholas adeunt, serium sibi metipsis laborem ac studium debent, & si omiserint, graviter peccant.

Prob. Ideo graviter peccat Professor, qui vel horis solitis Scholæ deest, vel in Schola male & temere docet, quia officium suum negligit in materia gravi: atqui pariter Scholaris, qui studium, vel abjicit, vel segniter amplectitur, officium negligit in materia gravi; & cuius neglectus multa invehit peccata contra Deum, contra parentes, contra Ecclesiam, prout diximus supra part. 1. cap. 3. art. 1. Concl. 2. ergo.

Prob. 2. quia sola temporis jactura, cum ad certam excrevit quantitatem, quæ definiri facile non potest, sufficit ad peccatum lethale, ut patet in servo inutili, qui nec ludo, nec commensationi, nec impudicitie sese dederat: atqui temporis jacturam facit Scholasticus, qui studio non vacat; idque verum esse, etsi aliunde rebus de se licitis exerceret animum, quod rarum est; quia ab eo studium exigitur, non ea, quibus vacat. Atque id agnoverunt Ethnici, qui docere cum Seneca tempus iis perire, qui vel male, vel nihil, vel aliud agerent: ergo.

Prob. 3. *Qui amat periculum, peribit in illo*: atqui juvenes, qui studium negligunt, quo tempore eidem vacare debent, amant periculum præcipue duplex. 1. nempe criminum omnium, quæ otiositas parere consuevit. 2. amplectendi officia vel sæcularia, vel Ecclesiastica, quibus præ imperitia obeundis, ex parte vel ex toto impares sint: ergo merito dixit Salomon Prov. 17. *Qui evitat discere, incidet in mala*.

Hæc porro in studiis servare debent Candidati præsertim Theologiæ, quos hic potissimum intuemur. 1. non ante ad studium se accingent, quam brevi, & efficaci oratione imploraverint Spiritus Sancti lumen, ut fuget tenebras mentis, & revelet *occulta sapientiæ*: & hæc est pia methodus, quæ Angelico Doctore cessit tam feliciter.

2. Non ita scientiæ cupidini se permittent, ut nihil aliud cogitent, quam studium. Diuturnior enim animi contentio pietatis Spiritum immittit, ingenii vires hebetat, & frangit corpus, hinc illud Prov. 20. *Hæreditas, ad quam festinatur in principio, in novissima benedictione carebit*.

3. Multo plus cavebunt ne omnia simul addiscere velint, ut ii faciunt qui Mathesi, Theologiæ, & Linguis orientalibus uno eodemque tempore incumbunt; nihilque aliud e studiis reportant, quam confusas rerum imagines, & nescio quam scientiæ sarraginem, quæ si quando se prodit exterius, fastidium parit, non lucem. Fuere quidem sublimis ingenii homines, qui pluribus se scientiis simul exercuerint; sed quoti?

4. Dum studia auspicantur, paucissimis utentur libris, ne dicam uno; memores triti hujus: *Cave ab homine unius libri*. Profecto, qui auctorem unum

unum probatæ notæ caller, pugnat efficacius & difficilius vincitur: Ubi paulo profecerint, aliquot oppositarum partium scriptiores evolvere liceat, quos non eligent proprio Marte, sed ab iis accipient, qui studia eorum moderantur.

5. A lectione Librorum hæreticorum abstinebunt, donec in fide radicati, nihil hinc sibi discriminis impendeat. Ad id autem oportet ut præcæferint duorum ad minus annorum studia, prout ex Sylvio dicemus, agendo de Fide sub ipsum finem; quem Operis nostri locum consule.

6. In Libris legendis rerum delectum habebunt, inutilia fecernent ab utilibus, quæstiones de possibili, & de *quomodo*, ut ajunt, parvi facient, idque præsertim prosequentur, quod ad fidem, quod ad regimen conscientiarum, quod ad veterem & novam Ecclesiæ disciplinam pertinet: hæc nempe solide eruditum faciunt; cætera, quæ quibusdam ingenium acuerent videntur, discussorem insulsum, seu alterum, ut ajunt, Palæmonem.

7. Ante omnia veritatem diligunt, quam *diligit Deus*, & diligi præcipit, Psalm. 83. & Zachar. 8. vers. 19. sed nusquam obliviscitur verum non esse quiddam ab Ecclesia reprobatur. Imo in Metaphysicis, ubi quisque suo in sensu abundare posse magis videtur, cavebunt ne nimis innituntur solertiae suæ, & multo plus, ne juveniliter laceessant eos, qui secus sentiunt.

Ex dictis colliges graviter peccare eos, qui ex inertia vel fastidio, non dies tantum, sed hebdomadas, menses, & annos quandoque, vel sine studio, vel cum studio multo minore, quam opus esset, misere transigunt. Quid ergo de iis dicendum, qui propria negligentia minime contenti, alios retrahunt a studendo? *Pæ vobis, Scriba & Pharisei*, aiebat Christus, Matth. 23. *quia clauditis regnum cælorum ante homines... non intratis, nec introeuntes finitis intrare.*

Atque utinam intra solius negligentiae terminos sisterent Adolescentes minime studiosi; sed, quia *multam*, vel omnem *malitiam docuit otiositas*, nullum pene est crimen, impudicitiae potissimum & commensationis, in quo se se turpiter non voluerint; idque sæpius dum pater, mater, & fratres tenuem & angustam domi vitam agunt, portantque *pondus diei & æstus*, ut impensas & pecuniam præstent homini, quem sibi & Ecclesiæ utilem futurum esse inaniter confidunt. Interim nullus dubitat, quin hujusmodi adolescentes ad restituendum teneantur, sive patri, aut matri, sive fratribus; cum tota eorum agendi ratio furtum sit & quædam latrocinii species. Adde eosdem, si vi graduum, quos in Academiis consecuti sunt, Beneficium obtineant, abique eo, quod Scholas cum assiduitate morali frequentaverint, teneri ad cedendum eodem Beneficio. Vide, quæ dixi in Tractatu de Beneficiis cap. 1.

Possent hic non incommode haberi sermo de obligationibus parentum & liberorum, dominorum, ac famulorum, ducum, & militum. Sed quoniam singula Decalogi præcepta exponere nobis propositum est, de his melius differemus ad quartum & quintum ejusdem Decalogi præceptum.

PARS SEPTIMA.

*De obligationibus Medicorum, Pharmacopolarum, & Chirurgorum.*

**S**I gravis est obligatio Judicum, quia iisdem de fortuna & capite civium secundum leges judicare datum est; quanto reputanda est gravior obligatio Medicorum, ceterorumque iisdem affinium, qui sine Sociis ut plurimum, folique Deo de operationibus suis rationem reddituri, non facinororum, ut Judices, sed probi cujuscumque vitam penes se habent? *Honora Medicum propter necessitatem*, ait Sapiens Eccli. 38. *Et enim illum creavit Altissimus .... Disciplina Medici exaltabit caput illius, & in conspectu magnatorum collaudabitur*; si nempe arduus Officii sui vires ea, qua decet, ratione objerit; quæ ut paucis solita methodo expendatur, sit

CONCLUSIO I. Medici, singulari peritia, diligentia, charitate, pietate, propriæ utilitatis neglectu, ac demum fidelitate præditi esse debent.

Explicatur conclusio per partes. Et quidem 1. Medici scientia fulgere debent, cum absque ea nec morbum a morbo, nec remedia idonea ab inutilibus, aut noxiis secernere valeant. Et vero sua sunt, eaque magni momenti Medicis privilegia; sic nec tributorum collectione, in tota Gallia; nec si in Facultate Parisiensi recepti sint, tutelis, aliisve publicis oneribus gravari possunt; quorsum vero eæ immunitates, nisi ut peritam & salutarem ægris manum admoveant? Porro scientiam Medici modestam esse oportet, ne opinioni suæ præfracte adhæreat; ne temere rejiciat id, quod alius etiam junior, & quandoque sagaciter proposuerit, &c.

2. Uti debent diligentia singulari, sive in investigandis morbi principiis, progressibus, & natura; sive in invisendis ægris, circa quos mori quæcumque funestos animæ, ac corpori exitus habere potest. Hinc Medicum, sicut & Sacerdotem, quacumque diei & noctis hora paratum esse oportet ad ferendam opem morienti, ac consequenter procul & perpetuo ab iis distare vitiis, quæ, ut crapula & ebrietas, mentem hebetant, & corpus iners atque torpidum efficiunt.

3. Et magna esse debet medicorum charitas, tum erga concives suos in genere, tum erga egenos, qui inopia pressi, nihil præter animum bene memorem rependere possunt. Unde gravius peccant tum ii, qui precibus, ac commendationibus victi imperitum Collegio suo adscribunt, cum gravi multitudinis dispendio; tum qui æneam animam gerentes ab invisendis pauperibus eo uno, quod pauperes sunt, abstinere; contra id Sancti Antonini 3. part. tit. 8. cap. 1. §. 1. *Medicus pauperibus non valentibus solvere gratis mederi debet, & non se ab eorum cura subtrahere; quia hoc esset indirekte occidere. Mortem enim probatur languentibus inferre, qui hanc, cum potest, non excludit. Imo, ait Sanctus Doctor c. 2. tenetur Medicus medicinas pro egenis solvere, si valeat, & ipsi infirmi facultatem non habent.*

Duo circa hanc Sancti Antonini resolutionem sunt animadvertenda; nempe nec obnoxium fore irregularitati Medicum, qui quempiam invisere noluisse; (nisi a Communitate, aut alio quovis conductus

*Tournely Theol. Moral. Tom. III.*

K

esset

esset ad invifendos omnes certi loci incolae) quia tunc folam charitatem læfiffet; nec plus eundem teneri ad præbenda gratis egeno medicamina quam ceteros quofcumque : eft enim id puræ miſericordiæ opus, quod omnes æque afficit : quamquam ex circumſtantiis fieri poteſt, ut Medici facilius hoc in caſu quam alii delinquant, quia facilius ſentiunt periculum moræ. Vide Pontas v. *Medicin*. caſ. 1.

4. Medicum pietate commendari oportet : 1. ut ægros, quam primo neceſſarium erit, de recipiendis Eccleſiæ Sacramentis, ſive per ſemetipſum, ſive per eos, quibus infirmi cura incumbit, commoneat; 2. ne nîdem facilius indulgeat uſum carnis, aut a jejuniis avertat, præſertim tempore quadrageſimali; 3. ne remedia præbeat contra Dei legem, puta quæ generationi obſtent, aut abortum pariant.

Quod ſpectat ad neceſſitatem ægros quamprimum commonendi ut ad Sacramenta recurrant, extat celeberrima Innocentii III. Conſtitutio, c. 13. *De penitentiis & remiſſ.* ubi ſic : Cum infirmitas corporalis nonnunquam ex peccato proveniat, dicente Domino languido, quem curaverat : Vade & amplius noli peccare; ne deterius aliquid tibi contingat, præſenti Decreto ſtatuiſmus, & diſtrictè præcipimus Medicis corporum, ut cum eos ad infirmos vocari contigerit, ipſos ante omnia moneant & inducant, ut Medicos advocent animarum; ut, poſtquam infirmo fuerit de ſpirituâli ſaluto proviſum, ad corporalis medicinæ remedium ſalubrius procedatur, cum cauſa ceſſante ceſſet effectus. Summe huius legis rationem hanc reddit Pontifex; quod ubi peſſima viget ægrotos tardiffime commonendi conſuetudo, illi de ſe actum eſſe ex ipſa admonitione ſuſpicantes, in deſperationis articulum incidunt, unde facilius mortis periculum incurrit. Si quis autem Medicorum huius noſtræ Conſtitutionis, poſtquam per Prælatos locorum fuerit publicata (ut a Pariſienſi Conſilio jam ab anno 1429. publicata eſt) tranſgreſſor extiterit, tandiu ab ingreſſu Eccleſiæ arceatur, donec pro tranſgreſſione huiusmodi ſatiſfecerit competenter.

Prædictum Innocentii III. ſeu potius Lateranenſis Concilii IV. Decretum innovavit Pius V. Bulla *Super Gregem*, anno 1566. in qua etiam vetat ne Medicus ægros officio Chriſtiano fungi nolentes poſt tertium diem ab inutili monito viſitare pergat, niſi longius tempus iſdem Confeſſor ob aliquam rationabilem cauſam conceſſerit. Si tamen Medici fuga ægro impœnitenti graviter nocitura, mortemve allatura eſſet, non eſſet iſ deſerendus; cum fieri poſſit, ut redditus ſanitati, recurrat ad Deum, a quo nunc abhorret. Interim Medicus, qui præ puſillanimitate; aut pietatis defectu infirmum non monet, cum monendus eſt, charitatem lædit, & peccat mortaliter, prout cum Sancto Antonino docet Pontas ibid. caſ. 5. pœnas vero infamiæ, & privationis gradus ſui Piana conſtitutione impoſitas non incurrit in Gallia, ubi eadem Bulla non viget. An & quando in aliis Regionibus incurrat, magna eſt inter extraneos diſſenſio, quæ nos non tangit. Legantur Summa Cacerani v. Medicus, Navarrus cap. 25. Manual. num. 61. Sanchez Lib. 3. Summæ, cap. 19.

5. Nec lucrum inhiare, nec commodis ſuis impenſius ſervire debent Medici, ſed juſto contenti eſſe ſtipendio. Hinc illud Leg. 9. *Cod. de Profeſſorib. &c.* Archiatri ... boneſte obſequi tenuioribus malint, quam turpiter ſervire divitibus. Quos etiam ea patimur accipere, quæ ſani offerunt pro obſequiis, non ea quæ pœſentantes pro ſalute promittunt. Unde in Gal-

Gallia Medicus legati cuiuscumque vel donationis, si fiant in eo, quo quis decesserit, morbo, incapax censetur, & merito; quia *non libera voluntas, sed trulentæ necessitatis manus huiusmodi contractibus stylum suum imponit*. Atque ita pluries iudicatum fuit a Magistratibus, prout notat Ferriere in Dictionario, v. *Medecin*. Quin & relier Peleus Libr. 4. Act. Forens. articul. 3. Arrestum, quo in irritum ducta est donatio filio Medici facta ab ægrotante. Si tamen Medicus ab ægro quidpiam receperit titulo consanguinitatis, vel necessitudinis antiquæ, nulla foret restituendi obligatio, prout jam monuit in Tractatu de Contractib. pag. 785. alias 768.

Cæterum Medici non illicite recipiunt salarium pro infirmitate, quam sciunt esse incurabilem: ratio est quia Medicus inventus est ad instrumentum naturæ: & tamdiu instrumentum medicinæ non est ex toto subtrahendum infirmo, quamdiu natura non succumbit. Ideo non peccat Medicus accipiendo stipendium de cura ægritudinis, quam per principia medicinæ credit esse incurabilem, nisi forte malitiose, non indicando illis, qui illius curam habent, vel superfluos sumptus faciendo, vel eum curare omnino promittendo; sed indicata veritate, quam novit de ægritudinis cura, tamdiu iuste potest accipere stipendium suum, quamdiu exhibet in cura fidele ministerium. Ita Sanctus Antoninus ubi supra cap. 2. §. 6. Hinc etiam post ægroti mortem jus habet Medicus ad stipendium labori suo proportionatum; ejus tamen actio præscribitur post annum a die, quo ægrum invilere vel curare desierit, computandum; quo elapso tempore non jam Medici, sed ægri, ejusve hæredis juramento standum est juxta articulum 125. consuetudinis Parisiensis. Prædicta ad salarium actio non iis competit Medicis circulatoribus, quos Gallice dicimus *Charlatans*, sed iis, qui emenso debiti studii curriculo, Medici gradum æquo titulo comparaverint, prout monet Ferriere loco superius citato.

6. Requiritur in Medicis ea probitatis species, quam fidem dicere consuevimus; ne scilicet pudendos infirmorum morbos detegant, contra id Saluberrimæ Facultatis Decretum: *Ægrorum arcana, visa, audita, intellecta nemo eliminat*. Et vero quori perire mallet, quam quosdam sui morbos propalari? Unde, nisi aliud suadeant circumstantiæ admodum speciales, ne ipsum quidem veneræ luis morbum detegi velim ut innocens puella a nuptiis deterreatur: quia satius est unius dispendium permittere, quam publica scandala cedere; & fiduciam adimere multitudini.

Ex dictis colliges peccare Medicum, 1. cum absque sufficienti peritia morbos curare aggreditur. Si tamen nemo alius præsto esset, non videretur arguendus, qui modeste indicaret remedium aliquid nec in se, nec relative ad ægri conditionem periculosum, hoc enim & ii faciunt, qui medicinam non profitentur. Si quis vero, ut moris est, peritum se jactet, cum non sit, & ægro vel impenas, vel mortem afferat, tenetur ad restituendum.

2. Si operam ægritudinis gravitati proportionatum non impendat; ac multo plus si infirmos invilat, quo tempore præ vino non est satis animi compos.

3. Si medicamenta minus certa, minusve probabilia relictis iis, quæ certiora sunt, aut magis probabilia, adhibeat. Item si dubia vel inexplorata præbeat, ad faciendam, ut ajunt, *experientiam in anima vili*;

quod latine coram se dictum plebejus quidam latine sciens, his verbis merito castigavit: *Vilem animam appellas, pro qua mortuus est Christus?* Ratio est, quia dubium censetur medicamentum, quoties incertum est sitne nociturum, an profuturum; Porro huiusmodi remedia applicare non licet; quia applicata necare possunt eum, qui forte sanandus sit, si non applicentur.

Si vero unicum suppetat remedium, 1. debet Medicus ex variis circa idem remedium opinionibus sequi tutiorem, eam nempe, cui frequentior experientia suffragatur; 2. si rebus, ut decet, expensis pergat dubitare de bono, vel malo effectu remedii, tunc si desperata sit infirmi salus, censent viri graves illud in quemcumque eventum applicari posse, imo & debere; quia melior est salus incerta, quam mors certa. Ita Sanchez Lib. 1. Sum. cap. 9. num. 39. & qui plus me movet P. Anroine Tom. 2. in fine. Contrarium sentiunt Azor. Tom. 1. Lib. 2. cap. 17. q. 11. alique plures relati a Sanchez: quia si non applicetur medicamen dubium, mors infirmi subsecuta non culpæ Medici, sed morbi violentiæ tribuetur. Si vero applicetur, exponitur periculo vita ægri, qui forsan eo non applicato ad sanitatem restitueretur, aut saltem diutius viveret. Etsi materia gravis est, sunt, qui neutram opinionem in praxi redarguere audent, modo qui alterutram sequentur, nihil contra conscientiam agant.

4. Si lucri causa protrahat curationem morbi, sæpiusve & inutiliter ægrum visitet. Item si optet frequentiam morborum; aut de aliis Medicis detrahat, ut solus laboret.

5. Si remedia imperet aut suadeat divinis legibus prohibita, puta si consulat ægro ut illicite coeat, aut ut se inebriet, vel abortiat, etiamsi id ex ignorantia consulat: imo si non consulat, sed his utatur verbis: *Non tibi consulo, sed si tale quidpiam faceres, sanareris.* Ita Navarrus c. 25. Man. n. 61. de Alloza v. Medicus, n. 11.

6. Si egenis graviter ægrotantibus non medeatur gratis. Quin & avarum divitem solvere nolentem etiam in periculo vitæ, repellere non deberet, sed misericorditer inviscere; postea laboris sui stipendium in iudicio repetiturus. Sed etsi exigunt decentia & liberalitas, ut plus retribuunt ditiores, quam ii, quorum tenuior est fortuna, cavendum tamen, ne quis ultra condignum gravetur. Unde non morbi acerbitas, sed tempus in eo curando insumptum pensari debet, habita scilicet ratione, seu visitationum, seu forte studii specialis, quod exigunt morbi quidam rariores. Quod si Medicus remedia quædam cæteris ignota teneat, consuetudinis est, ut pinguiori donetur salario.

CONCLUSIO II. Pharmacopolæ, quorum est parare medicamina; Chirurgi item, quibus competit ut medeantur urendo, incidendo, calvariam terebra perforando, iisdem qualitatibus præditi esse debent, quas in Medicis requisivimus.

Prob. quia Pharmacopolæ, & Chirurgi veram medicinæ partem exercent, nec minus utilem, si sagaciter; nec periculosam minus, si imprudenter exercentur.

Hinc peccant Pharmacopolæ, 1. qui absque sufficienti *simplicium* notitia artem suam exercent; 2. qui evanida remedia præbent, etiam si descendant in pretio, nisi qualitatem compensent quantitate,

si com

fi compensari potest. 3. qui pro nutu remedia instruunt ; non ex Medici præscripto , cui inhærere debent , nisi in eo errore deprehendant ; quæ in casu Medicum admonere tenerentur . 4. qui remedia bonis moribus contraria præparant , contra id cap. 5. de homicid. vol. &c. *Si aliquis causa explende libidinis vel odii meditatione homini , aut mulieri aliquid fecerit , aut dederit , ut non possit generare , aut concipere , vel nasci soboles , ut homicida teneatur.*

Quod spectat ad Chirugos , ii præter obligationes hæcenus recensitas , geminam hanc habent . 1. ut mature consulant de amputando membro , quod semel abscissum reparari nequeat . Absit ut innatus Chirurgis operandi amor , quempiam in materia tanti momenti reddat nimium præcipere . 2. ut in certarum corporis partium inspectu grassantem malæ voluptatis sensum coerceant pro virili ; ne dum alieni corporis curant vulnera , profundiorē animæ suæ plagam inurant.

P A R S O C T A V A .

*De Moderatoribus , & Collectoribus tributorum :*

**M**ateriam hanc eo loci tractandam duximus , tum quia nullibi commodius poterat agitari ; tum quia crebris , & altis obnoxia est difficultatibus , quæ non in pagis tantum , sed & in urbibus , amplam dubiorum messem Confessariis præbent.

Tributum , quod ab Italico , & Gallico nomine *Talliam* vocant infimæ Latinitatis scriptores , definitur a Polmano , Pensio impostæ subditis ad Principis dignitatem , impendiæ communia sustinenda. Tributum strictiori hoc sensu acceptum differt 1. a vectigali , quod penditur pro rebus in Provinciam , aut civitatem investis , vel evectis 2. a Portorio , quod solvitur pro mercium transvectione per Pontes ac flumina . 3. a Pedagio , quod pro viarum custodia & refectione exigitur.

Tributum dividitur in reale , quod solvitur ratione prædiorum , & personale , quod cadit in personas ratione industriæ , & lucri ex eadem percepti. Pleraque hujus regni tributa , realia sunt & personalia , ut observat Ferriero v. *Taille*.

Certum est 1. tributa juxta a principibus imponi posse ; & a subditis deberi in conscientia . Patet id ex illis , quæ dixi , ubi de Legibus , c. 5. art. 2. Sect. 2.

Certum est 2. non omnes obnoxios esse legi Tributorum . Ab ea siquidem in Galliis immunes sunt tum Clerici , tum Nobiles , tum quæ vel apud Regem certa Officia exercent , vel quædam in gratiam civium munia (\*) gerunt . Ne vero si Clerici , & Nobiles prædia sua non locarent , sed suis servorumve manibus incoherent , plebs infima ni-

*Tournely Theol. Moral. Tom. III.*

K 3

mium

(\*) Les Officiers des Cours Souveraines , les Secretaires du Roi , les Officiers Commandans des Maisons Royales , servans actuellement par quartier , par semestre , ou toute l'année , qui reçoivent au moins soixante livres de gage , & sont employés aux Etats , enregistrés en la Cour des Aides . Les Officiers des Sièges Præsidaux , Sénéchaussées , Prevotés , Vicomtes Vigueries , Eaux , & Forêts Traités Foraines , Elections , Greniers à Sel , & de toutes les autres Justices & Jurisdicions Royales du Royaume . Les Veterans de plusieurs des Offices énoncés ci-dessus . Les Veuves de certains Officiers durant leur viduité . Ceux qui ont douze écus , toutes ces personnes sont exemptes de Tailles . *For. ib.*

nijum gravaretur, sanxit Ludovicus XIV. ann. 1667. ut. utrique nonnisi unum prædium, quatuor aratris constans, idque in eadem Parochia per se exerceant; cætera vero vel locarent ruricolis, vel tributis plebejorum more obnoxia haberent.

I. Certum est 3. tributorum moderatores in id unum eniti debere, ut proportionatam uniuscujusque facultatibus taxam imponant. Hoc enim eis præcipiunt, & Regiæ Constitutiones, & æquitas naturalis, quæ publicæ onera proportionaliter imponi jubet, ita ut debiliores onera potentiorum non ferant. Quapropter hic servandæ sunt Regulæ quatuor a pio, & erudito Parisiensium Collationum Auctore propositiæ.

I. In distribuendis tributis habenda est ratio bonorum tum privati cujuslibet, tum etiam totius Communitatis, ita ut per Censitorem relevetur, qui relevari ob paupertatem debet, & plus ferat, qui plus bonorum habet.

II. Neque tamen boni solius ratio habenda est, sed & onerum personarum annexorum. Unde inspiciendum quot quis liberos habeat, an alieno ære gravatus sit, an non grandine, vel morbis oppressus, an non sæpius Collectoris Officium peragere debeat, quod aliqui totis ferme quinquenniis subeunt non sine dispendio 300. aut 400. libellarum.

III. Inspiciendum non modo quantum quis hoc in loco habeat boni, sed & quantum alibi possideat, nisi tamen ex bonis alibi positis tributum solvat; quia non bis in idem.

IV. Ut onera, sic onerum sublevatio dividi debent. Unde patet quam graviter delinquant, qui concessam a principe imminutionem sibi suisque solum applicant. Quanto autem peccarent gravius, si taxam imponerent Regia majorem?

Addi possent Regulæ aliæ, quæ principes ipsos propius spectarent; sed de his consuli potest nuper Auctor libri, cui titulus: *Institution d'un Prince*, par. 2. cap. 19. art. 2.

Quoniam vero tam facile est errare in conspectariis, quam facile est non errare in principiis; & sæpe dubium est an non certis in casibus restringi debeant principia, quæ primo intuitu generalia videntur; idcirco varios hic proponam casus, qui non minimam viris cæteroque doctis difficultatem fecere. Ex his porro casibus aliispectant immediate Collectores; alii locorum dominos, aut Magistratus impositioni tributorum præpositos, aliosve similes, qui metu vel dolo causa sunt, cur tributa inique distribuuntur. De utrisque seorsim dicemus.

## CAPUT PRIMUM.

### De Collectoribus.

**M**ateria hanc se tota practicam interrogationibus; & responsis comprehendere, & dilucidare visum est. Itaque

Quæres 1. quid sentiendum de Collectoribus, qui Titium virum divitem minus gravaverunt, quam debuissent, his de causis. 1. quod ei debeant plurimum pecuniæ, quam actu solvere non possint. 2. quod majore anni parte pro eo laborent, & sic lucrentur unde vivant. 3. quod qui



qui antea tributum collegerunt, non plus eum gravaverint. 4. quod minuetur Titius, se, si plus solito gravetur, aliam in Parochiam recessurum; quod si faceret, oneraretur Parochia ea tributi portione, quam Titius solvit. 5. quod Collectores quorundam tributi partem singulis distribuendo, agant nomine Communitatis, quæ cum sciat mitius agi eum Titio, id approbare censetur. 6. quod, si cui hac in re incumbat obligatio restituendi, hæc incumbat Titio, cui soli prædicta indulgentia cedit in lucrum; non Collectoribus, qui nihil inde percipiunt emolumenti.

Respondet Pontas v. *Taille* cas. 1. prædictos Collectores injustitiae reos esse & obnoxios restitutioni, vanasque esse rationes, quibus iidem tueri se conantur; quia nulla unquam ratio efficere potest, ut alterum cum alteri præjudicio exonerare liceat; multo minus divitem cum dispendio pauperis.

Nec nocet, quod hinc forte eventurum sit ut Collectores vel opprimantur a Titio, cui plurimum debent: vel deinceps ab eo non admittantur ad solum laborem. Quia nemini, ut rebus suis consulat, alios exposcere licitum est.

Nec nocet rursus, quod, qui anteriora tributa collegerunt, hæcenus pepercero Titio; quia aliena iniquitas iniquitatis meæ excusatio esse nequit.

Nec nocet 3. quod minatur Titius recessurum se e Parochia; tum quia multa minitantur homines, quæ non præstant; tum quia dispendium, quod quis sine culpa sua peperit, imputari eidem non debet.

Nec demum nocet, quod Collectores, qui Titio pepercero, nihil inde lucri receperint. Neque enim ad contrahendam restituendi obligationem necessaria est iniqua acceptio, sed sufficit iniqua damnificatio, quæ in præsentem contingit. Attamen Collectores non nisi in defectum Titii restituere debent.

Multo majoris est momenti id, quod quinto loco obijciunt Collectores, nempe Communitatem censeri approbare, ut mitius agatur cum Titio. Sed neque ea ratio peremptoria est: 1. quia deberet constare de consensu totius Communitatis, ac eorum præsertim, qui, ut pauperes, plus gravantur ex remissione Titio facta: secundum hanc Juris regulam 29. in 6. *Quod omnes tangit, debet ab omnibus approbari*; plus ab eis, quos plus tangit. 2. quia Regia Constitutio ann. 1614. consensum in pari casu ab ipsa etiam Communitate datum irritat, & nullius roboris esse decernit: utique quia timendum est ne consensum hunc exorqueant viri potentes, præsertim a pauperibus, qui plus ab iisdem dependent. Quod si aliquam sibi stragem metuunt Collectores a Titio, debent, qua meliori via poruerunt, rem totam aperire Magistratibus à Rege Constitutis, qui pensum Titii facultatibus proportionatum imponant ex Officio; quod gallice dicimus, *tant d' Office*. Hæcenus Pontas.

Si tamen vir dives multo plus in gratiam Parochiæ totius impenderet, quam perciperet in imminutione tributi; tantumque ex quadam animi pertinacia. & ne rusticis Collectoribus perinde ac aliis subscilicet videretur, pensum suum augeri noller; damnae non audeam Collectores, qui summam iusta minorem eidem imponerent; vel semel à prædecessoribus suis impositam servarent, modo tamen, id fieret de

Communis totius consensu; quia (\*) *dum aliquid est commune pluribus ut singulis*, id est, ut proprium interesse habentibus, omnium prorsus suffragia requiruntur; secus *dum aliquid est commune ut univrsis*, id est ratione solum utilitatis publicæ. An autem postrema hæc decisio in Gallia inservire possit, dubitari potest ob citatam Constitutionem an. 1614. Quoniam tamen ex Reg. 61. in 6. id, *quod ob gratiam dicitur conceditur, non est in ejus dispendium retorquendum*; seu ut habetur Leg. 25. ff. *De legibus* 9. SSc. Nulla Juris ratio, aut æquitatis benignitas patitur, quæ salubriter pro utilitate hominem introducantur, ea nos durior interpretatione contra ipsorum commodum producamus ad severitatem; idcirco Collectores, qui ex prævio Communis assensu cuiuspiam in casu proposito peperissent, non redarguerem, nisi amplius de Regis voluntate constaret.

Quæres 2. quid Juris in hoc casu. Petrus omnium cuiusdam pagi incolarum ditissimus, ab annis jam quindecim tributum pensum singulis parititur, de consensu totius Communis. Contigit autem ut Petrus quibusdam seu familiaribus, seu cognatis parceret ann. 1742. Joannes, & Marcus pro eodem anno Collectores designati, tenentur de hac Petri injustitia?

R. Affirmat. cum Pontasio ibid. cas. 2. quia ambo Collectores per se ipsos cententur intulisse damnum, quod ab alio, quem poterant & debebant prohibere, inferri permiserunt.

Addit Pontas ibid. cas. 3. pauperem rusticum, qui ad laborem necessarium peregre profecturus, tributorum impositioni quempiam ex amicis suis pro viro frogi habitum præfict, de culpa ejus non teneri: tum quia ex Regula 41. Juris in 6. *Imputari non debet ei, per quem non fiat, si non facit, quod per eum fuerat faciendum*; tum quia, qui virum probum constituit, persuadere sibi debet, id, quod inique factum est, non ejus culpa, sed locorum contigisse.

Hæc decisio indubia videtur, si Communitas substitutionem approbaverit; quia hic intervenit virtualis quædam novi Collectoris electio: si vero substitutio inconsulta Communitate peracta sit, tunc substitutus vices gerit Commissarii. Atqui committens de Commissarii gestione tenetur, & ejus injustitiam reparare tenetur: ergo. Ita judicarunt an. 1731. Doctores Sorbonici duo. Quapropter si erraverit Collector cum substituendo, quem falsò crederat virum bonæ frugis, videtur obnoxius restitutioni. Sed in dubio præsumere potest virum probum omni, quo potuit, modo restituisse iniquitati, & forte efficacius, quam ipsemet restitisset.

Atque hinc solvi potest alia difficultas, quam expendit Pontasius ibid. cas. 4. an scilicet hæres Collectoris, cuius tempore pauperes inique gravati sunt, ad restituendum teneatur. Hæc enim ex defuncti Collectoris bono vel malo nomine videtur esse definienda. Si Collector pro viro timoratæ conscientie habitus fuit, dum degeret in vivis, nulla est obligatio restituendi. Si econtra habitus sit pro homine ad injustitiam converso, restituendum est pro rata. Si dubia sit, & anceps defuncti fama, vel dubia est positive, & tunc pro ratione dubii resti-

(\*) Circa expositionem huius & sequentis Regulæ, vide Opus inscriptum: *Les Règles du Droit-Canon, avec des explications, &c. par F. P. Dantier*, ad Regulam 29.

restituendum est; vel dubia est negative, & tunc dubium facile potest excuti, prout dixi in Tractatu de Conscientia, cap. 4. Tunc tamen salubrius est ut hæredes Collectoris defuncti, saltem elemosynam largiendo, paternam iniquitatem, si quæ extiterit, resarcire cogitent.

Quæres 3. An Joannes Collector, qui viva voce injustitiæ obstitit, cum facta est tributorum partitio, sed siluit coram Verificatore, teneatur ad restituendum, cum codicem Chirographo suo non munivit, *lorsqu'il n'a pas signé le Rol*.

R. si spes erat futurum ut Verificator aliorum Collectorum injustitiam coereret, debuit de ea conqueri Joannes; secus si nihil a Verificatore boni sperabatur, ut sæpius evenit; cum Verificatores & tributorum receptores non raro prima sint iniquitatis origo; quatenus a Collectoribus exigunt ut quibusdam præ aliis consulant. Ita prædicti duo Doctores, qui definierunt idem dicendum esse, etiamsi Joannes Codici subscripserit: quia nimirum subscriptio hæc solum ostendit partitionem ea, qua decet, forma peractam fuisse: sic enim Judices omnes sententiæ a majori numero latæ subscribunt, non ut denotent se eam habere pro vera, cum quandoque eandem detestentur; sed ut declarent servatas fuisse Juris formalitates.

Hæc decisio iis difficilis videbitur, qui nobiscum credent, eum, qui iniquitati jam irrevocabiliter sufficienti Senatorum vel Canonicorum suffragio decretæ non obstant, teneri ad restituendum, prout probavimus in Tractatu de Justitia, ubi de Contentiente & Palpante. Eam tamen retulimus, rum quia traditam a viris doctis; tum ut intelligant Confessarii sibi in his materiis timide procedendum esse; tum quia aliud forte sit non conqueri inuliter, aliud positivo assensu declarare nobis id æquum videri, quod iniquum judicamus. Sequens decisio eidem pene subjacet difficultati.

Quæres 4. An obnoxii sint restitutioni Collectores, qui quosdam ex Officio, ut ajunt, taxatos, sed non quantum satis est, in eodem statu relinquunt, nec minuendo nec adaugendo. Ratio dubitandi hinc est, quod Regii Provinciarum\* Moderatores, seu præpositi, permittant Collectoribus, ut eos, qui ex Officio taxati fuerint, sed non satis, penso majori onorare valeant.

R. Collectores sic bono publico consulere debere, ut sibi gratis non noceant: quapropter ad Præpositum recurrere debent, eique res indicare ut suprà, ejusque mandata expectare. Quod si id omiserint, quandoque ad restitutionem adigendi erunt, quandoque non prout spes erat, rem bene vel male successuram fuisse. Quamquam si præpositus nullam hujusmodi *représentationum* rationem habere solet, non est, quod de iis faciendis solliciti sint Collectores: quia ad actum inutilem nemo tenetur.

Quæres 5. An Simon Collector, bonorum inops, nec ingenio dives, quem Communitas locum dedit viris divitibus, a quibus contemnitur, debeat restituere si præ metu, ac pudore quodam eorundem injustitiæ non obstitit.

R. 1. in tributorum partitione, morali quadam justitia opus esse, non arithmetica: neque enim fieri potest ut vitetur excessus quicumque vel defectus. Si ergo Simon in hujusmodi solum casibus siluerit, nihil est unde ad restituendum obligetur.

2. Si focii Simonis iustitiam vere læserint, videtur is ad restitutionem teneri, quia *facientem & consentientem par pena confringit*, præsertim cum consentiens tenetur ex Officio resistere. Nec nocet, quod inutiliter reclamasset: nam impediisset saltem ne iniustitia de exteriori suo consensu inferretur. Quæ ratio utrumque confirmat dubium supra tactum ad calcem quæsti tertii.

R. 3. Si Simon Parochiam non satis noverat, nec aliunde animadvertit socios suos passione moveri, potuit eorum acquiescere iudicio: quamquam optandum erat, ut modeste & humiliter in casu particulari suam ipse opinionem aperiret. Ex quibus obiter colliges, quanti Parochorum interfit, ut ea de re Parochianos suos, non in genere solum, sed & in specie commoneant.

Quæres 6. An Collector, qui non obstante dono a Rege Collectoribus concessio non parum damni subiit, sive quia solvendum fuit loco pauperum, qui solvendo impares erant; sive quia receperit schedulas, quarum valor decreverit; sive quia ob moram solvendi, ad impensas coactus est; quæres, inquam, an is possit uti compensatione.

R. Affirmative cum præcatis Doctoribus. Ratio esse potest, quia exigit quidam Princeps, ut vestigalia colligantur, non autem ut colligantur cum dispendio eorum, qui colligunt; nisi dispendium hoc illi sua sibi culpa accersant; ut accersere possunt non satis urgendo divites, qui sæpius, nisi urgeantur, solutionem differunt.

Quæres 7. Quid factio opus sit in sequenti casu: Mævius Collector debet nummos centum Titio, qui & ipse debet Regi nummos centum trihuti. Mævius majorem summæ hujus partem solvit in gratiam Titii, ratus perinde esse sive ipsi Titio creditori suo solvat, sive Regi, cui Titius debet. Interim Rex vestigalium partem remittit. Uter, Mæviusne an Titius damnum ferre tenetur?

R. Si Mævius non solverit ante tempus præfixum, æquum est, ut Titius summam Regi solutam computet Mævio; quia pro tunc debitum erat a Titio id, quod solvit Mævius. Si vero summa hæc præpropere persoluta fuerit, Mævius unus damnum pati debet.

Quæres 8. An Collector, cui Receptor tributorum minatus est carcerem aut graves impensas, quæ in totam Communitatem recident; possit, ut mala hæc avertat consentire iniquitati, quam proponit idem Receptor.

R. Generatim non esse facienda mala ut eveniant bona; unde si Receptor hunc vel illum in particulari inique gravari velit, non erit consentiendum. Fieri tamen potest, quod gravamen eo usque modicum sit, ut quique illud ex charitate pari teneatur ad averterendam cæterorum perniciem. Quod si Receptor aliquid exigeret toti Communitati noxium, posset illud ex formali vel præsumpto Communitatis consensu acceptari ad redimendam iniquam, eamque graviorem vexationem.

Quæres 9. An Collector pro sale constitutus, qui centum salis mensuras recepit, iisque æqua lance distribuit, aliquot modios superstites habet, excessum hunc restituere teneatur.

R. Teneri, si, prout fieri consuevit, excessum hunc malis artibus obtinuerit, puta distributorem primum muneribus corrumpendo. Si autem, non videtur obnoxius restituendo, quia spectari id potest

tanquam liberalitas Principis, eorumve, qui vices Principis gerunt; vel potius ut compensatio, qua utcumque juventur viri sub omni ærummarum genere fatiscientes. Adde 1. quod cum ob temporum varietatem decrescit massa salis, ut fieri didici ab expertis, damnum in Collectores cadat. Adde 2. quod ex Lege 10. *De jure fisci ff. non delinquit, qui in dubiis questionibus contra fiscum facile responderit.*

Quæres 10. An Collectores lictoribus uti possint ad exigendam tributii solutionem.

R. Posse quempiam in gratiam Regis id, quod pro rebus suis potest; præsertim cum ex mora immineant sibi carceris ærumnæ. Hic tamen servandæ sunt charitatis leges præsertim erga eos, qui majore penuria premuntur; & ii tamen asperius tractari consueverunt. Quin et usque furoris deveniunt Collectores aliqui nequam, ut cum lictoribus sine mora adductis lucrum dividant, aut milicibus gravent unum aliquem, quem oderunt, intactis cæteris, qui cum in eadem sint mora, idem onus ex æquo ferre debuerant.

Hic non abs re fuerit annotare Julianum Apostatam referente Ammiano Marcellino sanxisse, ne in Imperio suo apparitor ad solvendum quemquam urgeret, neve carcerum inquilinus foret, qui solvendo vestigali par non esset. Atque utinam id ponderent tot Receptores, qui Principum auctoritate abusi miseros discruciant.

## CAPUT SECUNDUM.

*De Moderatoribus & aliis, qui in negotio tributorum inique agunt.*

**E**Xtra dubium est peccare Præpositos, qui vel imponunt summam ea majorem, quam Princeps exegerit; vel præ duritia facilius addicunt carceri Collectores; vel iis parcunt, quos taxant ex officio. His ergo prætermisissis, quæ facile capiuntur,

Quæres 1. Quid sentiendum de distributoribus, qui agros solos, non autem pecora subicientes tributo, ut antea fieri consueverat, causa sunt, cur pauperes gravius onerentur.

R. Vel id Superiorum auctoritate factum est, vel secus. Si primum, non est, quod redarguantur; quia rem, quæ culpa caret, in damnum vocari non convenit. Si secundum vel egerunt ex prævio Communitatis consensu, tuncque nihil merentur vituperii; vel auctoritate propria; & tunc inspicendum an egerint ex bona fide, & intuitu publici boni; an solum ut rebus suis consulere, quia v. g. gregem numerosum habent. In priori casu censent Sambovius & ex eo Pontas liberos videri a restitutione, qui sic egerint; quia, si quos læsere, per accidens læserunt, & in gratiam boni publici, quod privato anteferri debet. In posteriori casu, ut evidens est injustitia, sic & evidens obligatio restituendi.

Hæc decisio, quatenus eximit a restituendo eos, qui proprio Marte solitam imponendi tributii formam immutarunt, sub obtentu etiam majoris boni, quod tamen in pauperum gravamen cederet, dubia mihi & incerta videtur. Hic enim subest quædam publicæ potestatis invasio; quæ & in se & ratione gravaminis inde subsecuti, auctoribus suis imputantur.

putanda videtur. Crediderim ergo res ad priorem statum revocandas esse aut curandum saltem ut, quod divitibus cedit in lucrum, egenis non vergat in perniciem.

Quæres 2. An dominus, qui precibus egit ut in Parochia, cui præest, imminueretur tributum, possit exigere a Collectoribus ut Villicos suos multo minus onerent, quam ipsi ferre possint.

R. negat. cum eodem Pontas hic cas. 7. quia mens eorum, qui tributum minuunt, est ut omnes ex æquo, vel pauperes magis subleventur. Nec obest quod gratitudo exigere viderur ut Collectores Villicis benefactoris sui indulgeant; cessat enim obligatio gratitudinis, ubi strictior viget iustitiæ obligatio; nec decet Toparcham ab hominibus expetere prætium charitatis, quod a Deo plenius accepturus sit. Charitatis dico, quia si dominus Parochiæ suæ, cum vicinarum Parochiarum iniquo dispendio confuleret, actum ederet injustitiæ, nedum virtutis.

Eadem de causa peccant Collectores, qui Notariis parant, eo quod Codicem & Parochiæ instrumenta gratis conficiant; si remissio tributi operam laboris longe excedat, ut solet, iis præsertim in locis, ubi raro conficiuntur instrumenta.

Quæres 3. Ad quid teneantur vel Nobiles, quæ plebeja bona subtrahunt tributo, vel plebeji, qui fingunt se certam boni sui partem dare filiabus suis, quæ nobiles viros ducunt in matrimonium.

R. ad 1. viros nobiles, qui serva prædia habent, si proportionatam iidem prædiis taxam solvere renuant, & cæteros incolas, quos lapsis retro annis gravaverunt, indemnes facere recusent, posita facti evidentia, a Sacramentis esse abigendos, tanquam alienæ rei detentores. Ita casum hunc solverunt Doctores triginta ab Alecteni Episcopo consulti. Vide Collat. Paris. Tom. 4. pag. 251. edit. 1740.

R. ad 2. dubium non esse quin plebeji illi ad restituendum teneantur; quia *fraus & dolus alicui patrocinari non debent*. Nec nocet, quod huiusmodi viri discurrere solent, se nimirum jam undequaque debitis gravari; tum quia fundi sui partem vendere possunt ut debitis quibusdam satisfaciant; tum quia si nullibi potest quis esse in sua causa Iudex, multo minus in his, quæ ad Regem spectant. Ita Pontas ibid. cas. 8.

Quæres 4. An Principes & Regia stirpe possint aliquem tributorum oneri subtrahere; eidem honorarium, ut ita loquar, domestici nomen tribuendo.

R. eos solum & Principum Regionum domesticis a tributo liberos esse, qui actu iidem principibus famulantur, & libellarum sexaginta stipendio donantur: unde qui alia conditione famulorum albo inscribuntur; in fraudem inscribi censendi sunt, & ad restitutionem adigendi. Idem ibid. cas. 9.

Quæres 5. An Andreas vir dives, cui tanquam exempto nusquam impositum est onus tributi, licet eidem revera subiaceat, teneatur obviam ire, & petere tributariorum Catalogo inscribi.

Respondunt prædicti duo Sorbonici Doctores, eidem curandum esse, ut & deinceps tributum solvat, & pro eo, quod hætenus non solvit, restituat ad iudicium viri probi. Hæc decisio pluribus paulo severior visa est; nec desuerunt, qui crederent satis esse, ut homo ille pinguem conferat elemosynam, iis præsertim, quos tributum in angustias con-

conficere solet. Mihi quidem decisio Sorbonica tenenda videtur, ut qua sola constituti possit æqualitas; non enim pauperibus solis nocet, qui tributi portionem debitam non pendit, sed & ipsis etiam divitibus, qui plus gravantur, quam gravarentur. Ut ergo Andreas ab omni culpa immunis sit, necesse est ut vel oneri tributorum se subjiciat, vel, quod in praxi facile non est, omnimodam unicuique incolarum indemnitatem præstet. Quin & si tributo obnoxius, obnoxius sit tributi ejusdem collectioni, erit & illud gravamen, quod in alios cadit, proportionaliter refarciendum.

Quæres 6. An, qui prædium suum locat alii sub ea conventionis specie, quæ Gallice dicitur, *Bail à moitié*, possit totum tributi onus in Locatario transferre. Afferunt aliqui eo prætextu, quod Proprietarii de tributo non teneantur, nisi cum jugera sua per seipsos exercent. Negant alii rationem hanc valere, quia viri nobiles, qui cum per se prædia sua incolunt, nihil debent tributi, eadem prædia locare non possunt, quin hæc statim tributo subjaceant: quid Juris?

R. mediam conventionem, de qua sermo est, licitam esse, modo cum Locatario descendatur in pretio propter impositum eidem tributi solvendi onus. Ideo autem descendendum est in pretio cum hujusmodi Villicis, quia tenentur ii non eam solum pendere tributi portionem, quæ mediæ prædii parti, sed quæ toti prædio correspondeat; cum & de eo convenisse supponantur, & alioqui gravaretur Parochia ea tributi parte, quam solveret Proprietarius, si fundum ipse suum exerceret. Rationes pro & contra propositæ in expositione casus, moram facere non debent; ut quæ nihil ad rem faciant.

Quæres 7. An viri Nobiles vel Clerici exigere possint ut minor Villicis suis imponatur taxa; eo prætextu, quod prædia sua per se exercere possint; quod si facerent, onerarentur incolæ quantula ea portione, quam ex iisdem prædiis percipiunt Collectores.

R. gratiam non prodesse nisi sub conditionibus, quibus alligata est. Unde cum Princeps ea solum prædia tributo subduxerit, quæ Nobiles per se tenerent, æquum est, ut sublata privilegii conditione communem sortem subeant. Si tamen sentiant Collectores, quorundam Nobilium animis serio fixum esse ut prædia sua locare definant, nisi cum Villicis suis mitius agatur, possunt & debent istorum taxam imminuere; quia id necessum est ad bonum Communis.

Quod spectat ad Clericos, crederem distinguendum. Vel enim bona; quæ locant, sunt pure Ecclesiastica, vel si ita loqui fas est, non sunt Ecclesiastica nisi per accidens, quatenus a Clericis possidentur, dum a Laicis possideri possunt, ut patet in bonis patrimonialibus. Si primum, bona hæc utpote proprium Crucifixi patrimonium se ipsis libera sunt, solisque Cleri impositionibus subdita: unde duplici titulo agere possunt Clerici, ut hæc sive propriis sive alienis manibus gerantur, non graventur tributo. Si secundum, ejusdem videntur esse conditionis, ac bona Nobilium, de quibus proxime actum est; quia a solo Principum favore suam habent immunitatem, quæ certis conditionibus alligari potuit. Hæc resolutio iis in locis inservire posset, ubi quæcumque Clericorum bona a tributo sub prædicta conditione eximerentur.

Ob rationem mox propositam, qui decimas locato habent, minus gravandi esse viderentur.

Quæ-

Quæres 8. Quam agendi rationem servare debeant Confessarii cum Collectoribus, quos quandoque publica vox iniquitatis reos facit; & qui tamen constanter declarant se intra æqui limites stetisse, sibi que notum esse neminem, quem plus iusto gravaverint.

R. hic si usquam sapientia & præcauto opus esse. Quapropter viderit Confessarius, ne quem in specie assignet quasi non satis taxatum. Hoc enim statim propalant Collectores; unde Parochum inter & Parochianos oriuntur jurgia, simulates, aliaque id genus, quæ grave Ministris eorumque Ministerio nocumentum inferunt. Hic ergo generalibus utendum motivis; interrogandum an si immineat articulus mortis, id velint fecisse, quod fecerunt; pensandum ex tota agendi ratione, num ex bona vel mala fide egerint. Si præsumatur bona fides, absolventi erunt, præsertim quia nec in materia tributi, nec in alia quacumque idem esse potest caput omnium sensus. Si vero aperta sit injustitia, satius forte fuerit, ut ad extraneum remittantur, qui secreto de injustitia publice nota commoneatur; & quem poenitens multo facilius judicabit ab omni partium studio alienum esse, quam proprium Pastorem.

Quæres 9. An Collector, qui non æqua lance tributa divisit, absolvi queat, si non aliter, quam per eleemosynas, pauperibus loci incolis distributas restituere velit.

R. Non dimitti peccatum nisi restituatur ablatum, iis scilicet, quibus ablatum est: & vero an eleemosyna Petro collata injustitiam Joanni illatam refarcit? neutiquam sane; nisi a Joanne approbetur tanquam nomine suo erogata aut eroganda. Hic ergo casus, quidquid senserit vir optimæ notæ, ex generalibus circa restitutionem principis resolvi debet.





# TRACTATUS

## DE PRÆCEPTIS DECALOGI.



Decalogus, græca nominis origine, decem sermones significat; ex usu vero Judeorum & Christianorum, decem significat Dei præcepta a Deo Moyfi tradita, tabulisque lapideis duabus insculpta, quæ pluries in Scripturis *verba fæderis decem* appellantur, & omnia hominis, sive ad hominem, sive ad Deum officia continent: unde sicut Sym-

*Deut. 4.  
& 10.*

bolus, eorum, quæ credenda; Oratio Dominica, eorum, quæ petenda; sic & Decalogus, eorum, quæ ad æternæ vitæ consecutionem facienda sunt, synopsis & compendium complectitur. Et hæc est, ampla quidem, sed plane necessaria præsentis Tractatus materies, quam Deo dante decem Capitibus exsequemur; postquam tamen & ipsa Decalogi præcepta, prout apud Moysem extant, & prævias aliquot quæstiones hic a Theologis agitari solitas, præmiserimus.

Primi, vel potius omnium Decalogi præceptorum, una quædam communis est præfatio, qua velut potenti motivo gens Israelitica ad eorum observationem accendatur; ea vero sic habet: *Ego sum Dominus Deus tuus, qui eduxi te de terra Egypti, de domo servitutis.* *Pergit Deus: Non habebis Deos alienos coram me. Non facies tibi sculptile, neque omnem similitudinem, quæ est in cælo desuper, & quæ in terra deorsum, nec eorum, quæ sunt in aquis sub terra; non adorabis ea, neque coles.* 2. *Non assumes nomen Domini Dei tui in vanum ...* 3. *Memento ut diem Sabbati sanctifices ...* 4. *Honora patrem tuum & matrem tuam ..* 5. *Non occides.* 6. *Non mæchaberis.* 7. *Non furtum facies.* 8. *Non loqueris contra proximum tuum falsum testimonium.* 9. *Non concupisces uxorem proximi tui.* 10. *Non domum, non agrum, non servum, non ancillam, non bovem, non asinum, nec omnia, quæ illius sunt.* Posteriora septem præcepta, quæ etiam secundæ tabulæ præcepta dicuntur, proximum respiciunt; cætera, ut ex verbis patet, Deum habent pro objecto, & primæ tabulæ præcepta nominantur. Circa hæc

*Exod. 20.  
Deus. 5.*

Quæres 1. Quis sit Decalogi auctor.

R. Deus ipse, qui decem præcepta ore ad os Moyfi dedit, & eadem proprio digito scripsit in tabulis, juxta id, quod scripserat in prioribus tabulis a Moyse contractis. Quo autem ritu & apparatu lex hæc divina in monte Sinai, die 50. ab exitu filiorum Israel ex Ægypto, coram universa gente ab ipso Deo fuerit promulgata, indicabunt caput 19. & 20. Libri Exodi.

Quæres 2. an omnia Decalogi præcepta sint de jure naturæ.

R. affirmat. excepto tertio, quod sub aliquo respectu cæremoniale est. Ratio est, quia ea præcepta sunt de jure naturæ, quæ ab ipsa natura imponuntur, nec violari possunt quin violentur boni mores: atqui præcepta Decalogi ab ipsa natura singulis hominibus imponuntur; præcipit enim natura, ut debitus supremo Numini honos ad creaturas non transferatur,

ut

ut parentes veneremur, ut neminem lædamus, ita ut quisquis contra fecerit, in bonos mores impingat.

Dixi, *excepto tertio*; etsi enim natura vel ipsos Gentiles docuerit, tempus aliquod publico Numinis cultui consecrandum esse, haud tamen præcipit, ut hæc potius, quam illa dies, eidem cultui deputetur: unde Sab-  
bato Judeorum successit apud Christianos dies Dominica.

At, inquires, si Decalogi præcepta sint de jure naturæ, ut quid ea populo suo tradidit Deus? certe necesse non erat ut Judæi extrinsecus edocerentur, quæ in corde scripta gestabant.

R. legem extrinsecus datam esse, non quia hæc in cordibus scripta non esset, sed quia homines concupiscentia, passionibus, & præjudiciis abrepti, eandem legere nobilebant: unde ne sibi aliquid defuisse quærentur, scriptum est & in tabulis, quod in cordibus non legebant, ait Augustinus in Psalm. 57.

Quæres 3. an numerus præceptorum Decaligi sit convenientis.

S. Thom.  
1. 2. q. 10.  
a. 5.

R. affirmat. cum S. Thomas. Ratio est, quia præcepta legis divinæ ordinant hominem ad quamdam communitatem seu Rempublicam hominum sub Deo. Ad hoc autem, quod aliquis in aliqua communitate bene commoretur, duo requiruntur: quorum primum est ut bene se habeat ad eum, qui præest communitati; aliande, ut bene se habeat ad alios communitatis consocios & participes. Oportet igitur, quod in lege divina primo ferantur quædam præcepta ordinantia hominem ad Deum, & inde alia quædam præcepta ordinantia hominem ad alios proximos simul convenientes sub Deo. Principi autem communitatis tria debet homo. 1. fidelitatem, 2. reverentiam, 3. famulatum. Fidelitas, quidem ad Dominum in hoc consistit, quod honorem Principatus ad alium non deferat, & quantum ad hoc accipitur primum præceptum, cum dicitur: Non habebis Deos alienos. Reverentia autem ad Dominum requirit, ut nihil injuriosum in eum committatur, & quantum ad hoc accipitur secundum præceptum: Non assumes nomen Dei tui in vanum. Famulatus autem debetur Domino, in compensationem beneficiorum, quæ ab ipso percipiunt subditi, & ad hoc pertinet tertium præceptum de sanctificatione Sabati, in memoriam creationis rerum. Ad proximos autem aliquis bene se habet, & specialiter, & generaliter. Specialiter quidem, quantum ad illos, quorum est debitor, ut eis debitum reddat; & quantum ad hoc accipitur præceptum de honoratione parentum. Generaliter autem, quantum ad omnes, ut nulli nocumentum inferatur, neque opere, neque ore, neque corde. Nocumentum operis prohibetur præceptis: Non occides, non machaberis, non furtum facies. Nocumentum oris prohibetur, cum dicitur: Non loqueris contra proximum &c. Nocumentum cordis prohibetur, cum dicitur: Non concupisces.

Ex his sequitur resolutio questionis alterius, quam ventilat S. Thomas ibid. art. 6. an scilicet Decalogi præcepta convenienti ordine disposita sint. Ea enim convenienter disposita esse, hinc patet, quod cum Deus sit communitatis humanæ finis & terminus, homo prius ad Deum, quam ad proximum ordinari debuit. E proximis autem priores ii atque potiores esse debuerunt, quibus homo plus debet, ut sunt parentes. Quoad alios vero, is etiam ordo servari debuit, ut ab iis averterentur primum graviora nocumenta, deinde, quæ minus gravia sunt: atqui hæc est præceptorum Decalogi dispositio. Priora tria Deum respiciunt; quartum pertinet ad parentes; cætera a proximo avertunt primo mala operis, secundo mala oris, tertio mala cordis, inter quæ is est ordo, ut, cæteris paribus, gravior sit injuria operis, quam oris, & hæc gravior, quam injuria, quæ in solo corde consummatur.

Quæres 4. an Christiani Decalogi præceptis teneantur.

R. affirmat. 1. quia Decalogus pertinet ad legem naturæ: atqui homines

nes omnes naturali lege tenentur. 2. ideo Christiani Decalogi præceptis non tenentur, quia lex Mosaica jam non est in usu: atqui hæc ratio nulla est. Inde enim solum sequitur Christianos ad observanda Decalogi præcepta nunc obligari vi legis Mosaicæ; non sequitur vero eos ab illdem præceptis omnino liberos esse, & immunes, cum præter allatam juris naturalis obligationem, Christus eorum obligationem districte commendaverit his verbis: *Si vis ad vitam ingredi, serva mandata*. non adulterabis, non furtum facies &c. 3. id expresse docet Synodus Tridentina sess. 6. can. 19. & 20. ubi anathemate percellitur quisquis dixerit, *nihil præceptum esse in Evangelio præter fidem, cætera esse indifferentia, neque præcepta, neque prohibita, sed libera: aut decem præcepta nihil pertinere ad Christianos.*

V. Traß.  
de Legib.  
p. 116.

Matt. 19.

ps. 118.

Luc. 11.

Hinc colliges cum auctore Collat. Andeg. tom. 1. de Decalogo, & aliis, eos graviter peccare, qui Decalogum saltem quod substantiam memoria non tenent. Quisque enim præcepti sæpius urgentis notitiam habere debet, ita ut interrogatus, vel in occasione positus, meminisse possit, quid sibi præceptum sit, aut prohibitum. Si quis tamen Decalogi verba vel ordinem non teneat memoriter, non incurrit reatum peccati mortalis, nisi aut hæc ignoret ex contemptu, aut verborum ignorantia periculum ingeneret ignorantia ipsarum rerum; ita Boudart hic §. 17. Neque vero memoria solum, sed & altius animo præcepta Dei imprimi necesse est, ita ut Psalmis exemplo sincere dici possit: *In corde meo abscondi eloquia tua, ut non peccem tibi*; secundum id, quod docet Spiritus Sanctus Prov. 6. v. 20. *Conserva, filii mei, præcepta patris tui. liga ea in corde tuo jugiter: cum ambulaveris, gradiantur tecum: cum dormieris, custodiant te, & vigilans loquere cum eis.* Unde Pastores, e quorum ore divinam legem requirere debent populi, plenam & uberem eorum omnium, quæ ad Decalogum pertinent, notitiam assequi tenentur, ut dent scientiam salutis populo Dei, ejusque peccata, sibi metipsis, nisi omni, quo licebit modo obfistant, imputanda, avertere conentur.

Quæres 5. quibus mediis Pastores debeant, & possint populos ad Decalogi observantiam accendere.

R. His præcipue 1. ostendunt mandata hæc non esse ad observandum impossibilia, quidquid in contrarium doceant Calviniani, & Jansenistæ, Trident. quorum blasphemia verbo Dei directe adversatur. *Mandatum hoc*, ait Deus sess. 6. c. 11. ipsa Deuter. 30. *quod ego præcipio tibi hodie, non supra te est: sed juxta te est sermo valde, in ore tuo, & in corde tuo, ut facias illum.* De quo vide, quæ passim docent, tum Episcopi in Documentis, quæ omnium manu teruntur, tum Theologi in Tractatu de gratia.

2. Varia Scripturæ, & Patrum testimonia, quibus eorumdem mandatorum, & difficultas, & facilitas adstruuntur, sic exponunt, & conciliabunt, ut neque segnes, & otiosi existiment negotium salutis rem esse levis alæ, quæ absque nisu vehementi, constanti vigilantia timore, & tremore continuo peragi possit; neque ii, qui viam perfectionis ingredi volunt, eandem sibi repræsentent ut terram monstris obitam, quæque suos devoret habitatores, & iis jugum immane imponat. Prioris generis Christiani moriebuntur, Regnum cælorum vim pati, arctam esse viam, quæ ad vitam ducit, paucos esse, qui eam ingrediantur, serioque contendendum esse, ut eam inveniamus. Posteriores docebantur, id, quod apud homines impossibile est, apud Deum possibile esse, nec possibile modo, sed & suave ac jucundum, juxta id Christi Matt. 11. *Jugum meum suave est, & onus meum leve*; viam salutis, quæ languidis, & sæculi amatoribus dura, & angusta videtur, aman-

Townely Theol. Moral. Tom. III.

L

tibus

*Auguſt.*  
*ſer. 80. de*  
*106. Dom.* tribus Deum latam eſſe: *amorem omnia ſeva, & immania, prout facilia*  
*& prope nulla efficere*; leges mundi Dei legibus longo aſperiores eſſe;  
unde Sap. 5. ſtatentur impii laſſatos ſe fuiſſe *in via iniquitatis*, & ambu-  
laſſe *vias difficiles*.

3. Demum exhibebunt uberes fructus, qui mandatorum Dei obſervato-  
res, ſive in hac vita, ſive in altera manent. In hac quidem via cuſtodia  
legum. 1. *illuminat oculos*, atque tam ſublimi rerum divinarum cognitione  
mentem replet, ut viri idiotæ, & ſine litteris de Deo plerumque melius  
ac profundius diſcurrant quam Philoſophi. 2. *ſapientiam præſtat parvulis*,  
qui ad finem debitum debitis mediis tendunt, & properant, dum Sapien-  
tes huius ſæculi ſuis in cogitationibus evaneſcunt, ſuæque imaginationis  
ludibrium facti, huc & illuc feruntur dubii, & ancipites. 3. *pacem mul-*  
*tam procurat, & gaudium*; eſt enim *ſecura mens quaſi juge convivium*,  
*Prov. 15.* unde quicumque legi divinæ adhæſerunt, *egenter etiam, angu-*  
*ſtiati, & afflicti*, in omni tribulatione ſua ſuperabundabunt gaudio, nec  
ulla unquam creatura a Dei charitate ſeparari poterunt. Eſt ergo *in cuſto-*  
*diendis Dei mandatis retributio, multa jam nunc*, ſed major in futuro,  
taſique, & tanta, ut oculus non viderit, nec auris audiverit, nec in cor  
hominis aſcenderit, *ſiquæ præparavit Deus iis, qui*, verba ejus ſervando,  
*diligunt eum*. Quapropter ſi quandoque a virtutis exercitio hominem retra-  
hant difficultates, & prælia huius vitæ, eidem in memoriam revocandum  
eſt, *id, quod in præſenti eſt momentaneum, & leve tribulationis noſtræ,*  
*1. Cor. 4.* *æternum gloria pondus operari in nobis.*

Quæres 6. quomodo dividantur Decalogi præcepta.

R. Dividuntur in affirmativa, & negativa. Affirmativa ea ſunt, quæ  
aliquid fieri præcipiunt: talia ſunt hæc duo, ſanctifica Sabbatum; honora  
parentes. Negativa ea ſunt, quæ aliquid fieri verant, v. g. ne Dii alieni  
colantur; ne quis alium occidat. Duplex præcipue eſt affirmativa inter,  
& negativa præcepta diſcrimen. 1. Negativa obligant ſemper, & pro ſem-  
per, ſeu in omni loco, & tempore; nunquam enim, v. g. innocentem  
interficere licet, aut rem alienam qua talem ſubripere. Affirmativa vero  
obligant quidem ſemper; ajunt Theologi, ſed non pro ſemper; neque  
enim in omni loco, & tempore parentes honorare tenemur, ſed loco &  
tempore debitis, quando cum iis tractamus. 2. præcepta negativa violantur  
peccato commiſſionis; affirmativa, peccato omiſſionis. Primum patet in  
eo, qui alium occidit; ſecundum in eo, qui patrem non honorat. Hic  
tamen animadvertendum eſt; in præcepto negativo quo malum aliquod  
prohibetur, includi præceptum affirmativum, quo bonum malo huic oppo-  
ſitum imperatur; ſicut a contrario præceptum affirmativum, quo actio  
bona jubetur, involvit præceptum negativum, quo actio oppoſita prohi-  
betur. Sic præceptum honorandi parentes, prohibet ne iidem contemnan-  
tur; præceptum vero non occidendi, non modo injuriam proximi pro-  
hibet, ſed & ei, cum poteſt, bene fieri mandat.

## CAPUT PRIMUM.

### De primo Decalogi præcepto.

*V. I. S. Th.*  
*2. 2. q. 16.*  
*art. 1.*

**A**D primum Decalogi præceptum, quo prohibetur creaturæ adoratio,  
pertinet, aut ſaltem inſtar principii, & præambuli reducitur præce-  
ptum

prum de cultu Dei. Quia vero juxta Aug. c. 2. *Enchirid. colitur Deus fide, spe, & charitate*, imo & religione, quæ circa Dei cultum tota versatur, idcirco ad plenam primi hujusce præcepti notitiam, de iis quatuor virtutibus differendum esset. Sed quoniam in speciali Tractatu, quidquid ad religionis virtutem pertinet, pro tenuitate nostra exposuimus, (supereſt, ut instituti nostri, quod praxim præcipue tangit, limitibus conclusi, ea expeditamus, quæ circa fidem, spem, & charitatem Christianis præcipiuntur. Quæ autem theoriam magis spectant, in proprio de theologicis virtutibus opere dabit eruditior Theologiæ Tournelyanæ abbreviator.

NEVAR.  
MIN.  
c. 11. n. 5.

## ARTICULUS PRIMUS.

*De fide.*

Multa nobis hoc in Articulo discutienda veniunt; & quidem 1. quid sit fides, & quomodo dividatur. 2. an necessarium sit internos fidei actus elicere. Item, an & quatenus obliget præceptum exterius consensendi fidem. 3. quæ vitia vel peccata fidei opponantur.

## S E C T I O P R I M A.

*De essentia, & divisione fidei.*

Fides, prout ad præsentem Tractatum pertinet, describitur ab Apostolo Hebr. 11. *sperandarum substantia rerum, argumentum non apparentium*. 1. quidem *substantia*, seu, ut fert græcus textus, *hypoſtasis*, id est, ut aliqui volunt, basis, & fundamentum spei nostræ, quo sublato corrueret spes nostra, sicut ablato ædificii fundamento corruiet domus; vel, ut alii malunt cum Syra paraphrasi, repræsentatio ac *persuasio super his*, *quæ sunt in spe*, ac si jam essent a nobis possessa. 2. *rerum sperandarum*, non quod ea solum credamus, quæ speramus, cum multa credamus, sive præterita, ut Salomonis idololatriam, sive futura, ut infernum, quæ spei nostræ objectum esse non possunt; sed quia Deus, quem speramus, præcipuum est fidei objectum, ad quod quidquid revelatum est, referitur, vel ut effectus ad principium, vel ut media ad finem &c. 3. *argumentum non apparentium*, id est, ostensio ac demonstratio earum rerum, quæ licet nec percipiuntur sensu, nec comprehendantur ratione, mentis tamen oculo repræsentantur ut tam certæ, & inconcusæ, ac si re ipsa coram expōitæ essent, jamque exhibitæ. Unde sic hunc in locum exclamat S. Chrysostomus: *Papa! quale illud est, quod talem facit evidentiam? qualis est, dum res ipsa palam proponuntur!*

Estius lib.

Fides strictius definitur: Virtus theologica divinitus infusa, inclinans mentem ad assentiendum firmiter ob veritatem Dei, omnibus, quæ revelavit Deus, & nobis per Ecclesiam credenda proposuit. Hæc definitio est accurata; constat enim genere, & differentia, nihilque includit, quod redundet. Voces: *virtus theologica divinitus infusa*, conveniunt ipsi, & charitati, adeoque locum habent generis; aliæ vero voces solius fidei propriæ sunt, ideoque gerunt differentiarum vices: quod autem definitio hæc nihil habeat superflui, ex terminorum singulorum expositione patebit.

1. Itaque fides est *virtus*. Virtus enim est habitus bonus, ad praxim

inclinans, reddensque habentem, & actum ipsius bonum : atqui talis est fides, quæ & inclinat ad assentiendum Deo tanquam primæ veritati, & nos facit fideles, proindeque in eo constituit statu, extra quem *impossibile est placere Deo*.

Art. 11.

2. Dicitur *virtus theologia*. Nam virtus theologia ea est, quæ Deum habet pro objecto immediato: atqui fides Deum habet pro objecto immediato, sive *materiali & quo*, quia Deus ut gratiæ, & gloriæ auctor primario attingitur a fide: cætera vero ratione ipsius; sive *formali & quo*, quia quiddam creditur, sive Deus sit, sive aliud a Deo, propter veracitatem Dei creditur: unde motivum fidei ultimatè resolvitur in auctoritatem Dei loquentis.

3. Dicitur *divinitus infusa*, seu supernaturalis. Nam ne ipsum quidem initium fidei solis naturæ viribus haberi potest, ut olim contra Semipelagianos definiit Ecclesia, & docet Apostolus 2. Cor. 3. his verbis: *Non sumus sufficientes cogitare aliquid a nobis quasi ex nobis*; fides enim etiam inchoata, non subsistit abique pia cogitatione: ergo si pia cogitatio sit supernaturale Dei donum, fides Dei donum esse debet, juxta id ejusdem Apostoli, Philipp. 1. *Vobis donatum est. ut in Christum credatis*.

4. Dicitur *inclinans mentem*. Mens enim habitu donata, ex eo disponitur ad eliciendos actus eidem habitu conformes: atqui fides prout virtus theologia, in genere habitus: ergo.

5. Dicitur *ad assentiendum firmiter &c.* nullus enim assensus firmiter esse potest, quam qui ipsa Dei veracitate innitur: unde, ait S. Thomas 2. 2. q. 2. art. 1. *actus, qui est credere, habet & exigit firmam adhesionem*. Quapropter hæc propositio: *Assensus fidei supernaturalis, & utilis ad salutem, stat cum notitia saltem probabili revelationis; imo cum formidine, qua quis formidat, ne non sit locutus Deus*, merito præscripta est, tum ab Innocentio XI. anno 1679. tum an. 1700. a Clero Gallicano, ut *scandalosa, perniciofa, & quæ Apostolicam fidei definitionem evertat*.

6. Dicitur, *omnibus, quæ revelavit Deus*; res enim revelatæ, quæcumque eas sint, sunt totale, & adæquatum fidei objectum materiale, quia ad eas omnes, & solas se se extendit fides.

7. Dicitur: *& per Ecclesiam credenda proposuit*. Neque enim exigit aut supponit fides interiorē aut immediatam unicuique saltem prædestinato factam revelationem, ut falso docent Protestantes; sed sufficit, & requiritur, ut divina revelatio nobis innorescat per propositionem Ecclesiæ, juxta tritum illud S. August. Lib. contra Epist. Fundamenti c. 4. *Evangelio non crederem, nisi me Ecclesia Catholica commoveret auctoritas*. Hinc est, quod præfensi Ecclesiæ reformatores, quibus, utpote ducibus gregis, amplior ærum fidei notitia communicari debuisset, non modo circa insignes fidei articulos dissenserint inter se, dum alius v. g. præsentiam realem negat, quam alter adstruit; sed circa ipsos Scripturæ Libros, dum Calvinus Epist. S. Jacobi ut Dei verbum veneratur, quam ut stramineam rejicit Lutherus: ergo necessario recurrendum est ad publicam Ecclesiæ propositionem, qua sublata nequidem probari potest quatuor esse Evangelia, cum id nullibi in Scriptura contineatur. Verum hæc discussio, sicut & aliarum difficultatum, quæ circa singulas allatæ definitionis partes in Scholis agitari solent, ad moralem Theologum non pertinet, prout etiam annotarunt Salmanticenses tract. 20. Fides dividitur 1. in habitualem, & actualem. Habitualis ea est, quam modo definivi. Actualis vero est actualis, & firma adhæsiō rebus revelatis, & ab Ecclesia propositis: eaque si exterius verbis aut aliter se pro-

prodat; vocatur fides exterior; interior vero, si animo remaneat; ibique consummetur.

Dividitur 2. in explicitam, & implicitam. Explicita est ea, qua assentimur alicui articulo speciali, & determinato, puta Trinitati personarum. Incarnationi Verbi, sive hæc paulo distinctius concipiantur, ut ab eruditis; sive confusus, ut a plebe. Implicita est ea, qua generatim assentimur omnibus a Deo revelatis, sive ab Ecclesia propositis, sive aliquando proponendis. Implicitæ fidei actum eliciunt. 1. qui licet multos fidei articulos ignorent, aut datam ab Ecclesia definitionem nesciant, aut lite adhuc pendente, quid iudicii ferendum sit, ambigant, sic actu animo affecti sunt, ut mori malint, quam non acquiescere Ecclesiæ iudicio, quaecumque illud fuerit. 2. qui licet omnia mysteria fidei cognoscant, nullum tamen actu suo distincte intuentur, sed generaliter protestantur, se omnibus revelatis adhærere.

Dividitur 3. in vivam, & mortuam. Hæc nihil, illa plus aut minus prout minus aut magis vivax fuerit, operatur.

Dividitur 4. in formatam, & informem. Fides formata ea est, quæ gratiam habitualem & charitatem sibi in eadem anima conjunctas habet, inque tanquam extrinseca sui forma perficiter. Fides informis ea est, quæ iustitia & charitate destituta manet; talis est fides hominis Catholici in statu peccati mortalis constituti. Neque enim, qui a charitate excidit, excidit necessario a fide, ut definiit Tridentinum sess. 6. can. 28. his verbis: *Si quis dixerit, amissa per peccatum gratia, simul & semper fidem amitti; aut fidem, quæ remanet, non esse veram fidem, licet non sit viva; aut eum, qui fidem sine charitate habet non esse Christianum, anathema sit.* Hinc merito proscriptæ sunt istæ Quenellii propositiones: *Quid aliud remanet animæ, quæ Deum atque ipsius gratiam amisit, nisi peccatum? Et 58. Nec Deus est, nec Religio, ubi non est charitas.* Certe enim ubi remanet fides, & fides vera, ibi aliquid remanet, quod non est peccatum. Rursus, si ubi deest charitas, absit Deus & Religio, abesse debet & Christianismus: atqui ex Tridentino falsum est eum, qui charitate caret, Christianum non esse: ergo.

Dividitur 5. a SS. Augustino & Thoma, in credere Deo, credere Deum, & credere in Deum. Credere Deo, est credere id omne, quod revelavit Deus, verum esse, ob infinitam ejus veracitatem; credere Deum, est credere, quod Deus sit; credere in Deum, est credere Deum non simpliciter, sed ex affectu charitatis in Deum tanquam in summum bonum tendentis. De Apostolis, ait Augustinus: *Possumus dicere; Credimus Paulo, sed non credimus in Paulum. . . . Quid est ergo credere in eum? credendo amare, credendo diligere, credendo in eum ire, & ejus membris incorporari.* Credere primo, & secundo modo est commune omnibus Fidelibus iustis, & peccatoribus; sed credere tertio modo, si strictè & proprie sumatur, non competit nisi iustis, vide Mag. Grandin disp. 1. q. 3. sect. 6. Habert c. 2. f. 1. q. 10.

v. l' Hermin. de fide p. 45.

## SECTIO SECUNDA.

### De necessitate actus fidei.

**N**Ot. 1. Potest quid ad alterius consecutionem dupliciter esse necessarium nempe necessitate medii, & necessitate præcepti. Illud est necessarium necessitate medii, sine quo, etiamsi inculpabiliter omitteretur, *Tournely Theol. Moral. Tom. III.*

L 3 - finis

Id Polm.

finis haberi non potest : talis est Baptismi, necessitas respectu infantis qui etiam si sine sua culpa priveretur Baptismo , non potest introire in Regnum Caelorum . Illud vero est necessarium necessitate præcepti , quod ita imperatum est , ut sine eo finis obtineri non possit , nisi omissionem illius excuset causa rationabilis : sic restitutio boni ablati necessaria est ad salutem , nisi a restituendo excuset iusta causa , qualis est impossibilitas , debiti remissio , ignorantia invincibilis . Unde duplex præsertim est discrimen inter utramque necessarij speciem . Nam . 1. involuntaria & inculpabilis ommissio illius , quod est necessarium necessitate medij , causat iacturam salutis , quod non facit ommissio illius , quod est necessarium sola præcepti necessitate . 2. Ommissio necessarij necessitate medij potest esse sine peccato , secus est de omissione præcepti , quæ , formaliter loquendo , semper est peccatum . Addunt alij satis communiter tertium discrimen in eo sium , quod res necessaria necessitate medij sit etiam adultis necessaria necessitate præcepti , cum adultis præceptum sit media divinitus instituta adhibere , prout possunt ; res vero sola præcepti necessitate necessaria , non sit semper necessaria necessitate medij : Hæc moraliter loquendo vera sunt , licet subtilius expensa , difficultate non careant : quia contritio v. g. peccatori in amentiam verso , necessaria est necessitate medij , cum sine ea salvari non possit ; nec tamen videtur eidem necessaria necessitate præcepti , cum præcepta in amentes non cadant .

Not. 2. Non hic movetur quæstio de fidei habitu ; ejus enim necessitas a nemine in dubium revocari potest . Nempe vere non potest obtineri salus absque gratia sanctificante : atqui gratia sanctificans nunquam infunditur sine habitu fidei : ergo . Tota igitur difficultas est de actu fidei , idque respectu adultorum duntaxat : cum certum sit infantes actus fidei capaces non esse , & tamen capaces esse salutis , si baptizati decedant .

Not. 3. Actus fidei duplex est , interior , qui consistit in assensu præstito veritatibus a Deo revelatis ; & exterior , qui ipsamet est exterior fidei professio , ore , vel opere , aut alio nutu sensibili effecta . De utriusque actus necessitate sermo movetur in præsentia . Sit itaque

## PUNCTUM PRIMUM :

*De necessitate actus interioris fidei .*

**T**Ria hic nobis sunt examinanda . 1. an ad salutem necessarius sit interior aliquis fidei actus . 2. quodnam debeat esse ejus objectum . 3. quo tempore urgeat obligatio eliciendi actum fidei , quæ totidem paragraphis sunt expedienda .

## §. I.

**CONCLUSIO .** Interior fidei actus ad obtinendam salutem necessarius est necessitate tum medij , tum præcepti .

Prob. 1. pars . Illud est ad assequendam salutem necessarium necessitate medij , quo quacumque ex causa omisso salus obtineri non potest : atqui sine aliqua fidei supernaturalis actu , etiam si inculpabiliter omitti supponatur , salus obtineri non potest . Nemo enim salutem obtinere potest nisi



nisi accedat ad Deum, eique placeat : atqui per solam fidem accedit quis ad Deum , eique in ordine ad salutem placet , juxta id Apostoli Heb. 11. *Credere oportet accedentem ad Deum, quia est, & inquirantibus se remunerator sit ; & rursus : Sine fide impossibile est placere Deo* , quod de fide actuali intelligitur , ut probat vox *accedentem* , quæ significat actum tendentem. Porro ii textus de fide supernaturali & divina loquuntur , de ea nimirum fide , quæ est sperandarum rerum substantia , & vi cujus Samuel , David , alique Dei amici *operati sunt justitiam, adepti sunt repositionem* , eaque perpetravit prodigia , quæ fuisse recenset Apostolus toto citato c. 11. Epistolæ ad Hebræos.

Prob. 2. ex Trid. sess. 6. c. 7. ubi fides vocatur *humane salutis initium, fundamentum, & radix omnis justificationis*. Licer autem fidei nomine intelligatur habitualis, si agatur de infantibus, qui fidei actualis incapaces sunt; tamen actualis quoque intelligitur, si agatur de adultis quibus, nisi jam una cum Baptismo virtutibus theologicis donari fuerint, non infunditur fidei habitus; priusquam actu crediderint, fidemque conceperint ex auditu, ut ait Trid. ibid. c. 6. unde sic: Illud necessarium est ad salutem, quod ad justificationem necessarium est; hæc enim ad illam præsupponitur: atqui ex Tridentino, fides actualis necessaria est ad justificationem; fundamentum enim & radix ad id omnino necessaria sunt, cujus sunt radix & fundamentum; ut patet in trunco respectu ramorum, fundamento respectu ædificii: atqui fides est radix & fundamentum justificationis: ergo.

Prob. 2. pars. Illud est necessarium necessitate præcepti, quod expresse & pluries in Scripturis imperatum est: atqui fides actualis expresse & pluries imperata est in Scripturis. 1. Joan. 3. *Hoc est mandatum ejus, ut credamus in nomine filii ejus*. Jo: 13. *Creditis in Deum, & in me credite*. Marc. ult. *Qui non crediderit, condemnabitur*. Merito itaque damnata est hæc Tamburini propositio: *Fides non censetur cadere sub præceptum speciale, & secundum se*.

Confirm. Ex modo dictis assensus fidei medium est ad salutem necessarium: atqui eo ipso est necessarius ex necessitate præcepti; cum cuilibet præceptum sit, ut assumat media ad salutem necessaria: ergo.

Hæc Conclusio pro utraque parte respicit adultos, qui in infantia justificati non sunt; aut eos, qui, accepta per Baptismum fide, ab ea deinceps exciderint; neurri enim sine aliquo fidei actu ad justitiam devenire possunt. Sed convertitur an, qui in infantia baptizatus esset, posset in aliqua hypothese, etiam non emisso fidei actu, salutem obtinere puta si aliquot post obtentum rationis usum horis vel fortē diebus, moreretur, & necdum ullum religionis actum eliciuisset, sive ob negligentiam parentum, qui consecrandas esse Deo corporis primitias non monuissent, sive quia tennella ætas alio distracta & advocata fuisset, ut fieri facile potest. Hæc quæstio pender ab alia, an & quomodo infans sub pœna mortali ad Deum se convertere teneatur, statim ac rationis usum attingit, de qua alibi.

Objic. 1. contra utramque Conclusionis partem. Illud non est absolute necessarium ad justificationem, sine quo homo justificari potest: atqui homo sine ullo fidei actu justificari potest. Nam ex Apostolo, *factores legis justificabuntur*: atqui ut quis sit factor legis, non requiritur actus fidei, aut alius quilibet supernaturalis, sed sola sufficit natura, juxta id ejusdem Apostoli: *Gentes . . . naturaliter ea, quæ legis sunt, faciunt*.

R. Ad 1. neg. min. Ad 2. factores legis, id est, qui plene & ex fide per dilectionem operante legem impleverint, justificabuntur, C. id est; qui per

Ed Polm.

finis haberi non potest : talis est Baptismi necessitas respectu infantis qui etiam sine sua culpa priveretur Baptismo , non potest introire in Regnum Cælorum . Illud vero est necessarium necessitate præcepti , quod ita imperatum est , ut sine eo finis obtineri non possit , nisi omissionem illius excuset causa rationabilis : sic restitutio boni ablati necessaria est ad salutem , nisi a restituendo excuset iusta causa , qualis est impossibilitas , debiti remissio , ignorantia invincibilis . Unde duplex præsertim est discrimen inter utramque necessarij speciem . Nam . 1. involuntaria & inculpabilis omissio illius , quod est necessarium necessitate medij , causat jacturam salutis , quod non facit omissio illius , quod est necessarium sola præcepti necessitate . 2. Omissio necessarij necessitate medij potest esse sine peccato , secus est de omissione præcepti , quæ , formaliter loquendo , semper est peccatum . Addunt alij satis communiter tertium discrimen in eo situm , quod res necessaria necessitate medij sit etiam adultis necessaria necessitate præcepti , cum adultis præceptum sit media divinitus instituta adhibere , prout possunt ; res vero sola præcepti necessitate necessaria , non sit semper necessaria necessitate medij : Hæc moraliter loquendo vera sunt , licet subtilius expensa , difficultate non careant : quia contritio v. g. peccatori in amentiam verso , necessaria est necessitate medij , cum sine ea salvari non possit ; nec tamen videtur eidem necessaria necessitate præcepti , cum præcepta in amentes non cadant .

Not. 2. Non hic movetur quæstio de fidei habitu ; ejus enim necessitas a nemine in dubium revocari potest . Nempe vere non potest obtineri salus absque gratia sanctificante : atqui gratia sanctificans nunquam infunditur sine habitu fidei : ergo . Tota igitur difficultas est de actu fidei , idque respectu adultorum duntaxat : cum certum sit infantes actus fidei capaces non esse , & tamen capaces esse salutis , si baptizati decedant .

Not. 3. Actus fidei duplex est , interior , qui consistit in assensu præstito veritatibus a Deo revelatis ; & exterior , qui ipsamet est exterior fidei confessio , ore , vel opere , aut alio nutu sensibili effecta . De utriusque actus necessitate sermo movetur in præsentia . Sit itaque

### PUNCTUM PRIMUM :

#### *De necessitate actus interioris fidei .*

**T**Ria hic nobis sunt examinanda . 1. an ad salutem necessarius sit interior aliquis fidei actus . 2. quodnam debeat esse ejus objectum . 3. quo tempore urgeat obligatio eliciendi actum fidei , quæ totidem paragraphis sunt expedienda .

#### *§. I.*

**CONCLUSIO .** Interior fidei actus ad obtinendam salutem necessarius est necessitate tum medij , tum præcepti .

Prob. 1. pars . Illud est ad assequendam salutem necessarium necessitate medij , quo quacumque ex causa omisso salus obtineri non potest : atqui sine aliqua fidei supernaturalis actu , etiam si inculpabiliter omitti supponatur , salus obtineri non potest . Nemo enim salutem obtinere potest nisi

nisi accedat ad Deum, eique placeat: atqui per solam fidem accedit quis ad Deum, eique in ordine ad salutem placet, juxta id Apostoli Heb. 11. *Credere oportet accedentem ad Deum, quia est, & inquirantibus se remunerator sit*; & rursus: *Sine fide impossibile est placere Deo*, quod de fide actuali intelligitur, ut probat vox *accedentem*, quæ significat actum tendentem. Porro ii textus de fide supernaturali & divina loquuntur, de ea nimirum fide, quæ est sperandarum rerum substantia, & vi cujus Samuel, David, alique Dei amici *operati sunt justitiam, adepti sunt reprobationes*, eaque perpetravit prodigia, quæ fuisse recenset Apostolus toto citato c. 11. Epistolæ ad Hebræos.

Prob. 2. ex Trid. sess. 6. c. 7. ubi fides vocatur *humane salutis initium, fundamentum, & radix omnis justificationis*. Licer autem fidei nomine intelligatur habitualis, si agatur de infantiis, qui fidei actualis incapaces sunt; tamen actualis quoque intelligitur, si agatur de adultis quibus, nisi jam una cum Baptismo virtutibus theologicis donati fuerint, non infunditur fidei habitus; priusquam actu crediderint, fidemque conceperint ex auditu, ut ait Trid. ibid. c. 6. unde sic: Illud necessarium est ad salutem, quod ad justificationem necessarium est; hæc enim ad illam præsupponitur: atqui ex Tridentino, fides actualis necessaria est ad justificationem; fundamentum enim & radix ad id omnino necessaria sunt, cujus sunt radix & fundamentum; ut patet in trunco respectu ramorum, fundamento respectu ædificii: atqui fides est radix & fundamentum justificationis: ergo.

Prob. 2. pars. Illud est necessarium necessitate præcepti, quod expresse & pluries in Scripturis imperatum est: atqui fides actualis expresse & pluries imperata est in Scripturis. 1. Joan. 3. *Hoc est mandatum ejus, ut credamus in nomine filii ejus*. Jo: 13. *Creditis in Deum, & in me credite*. Marc. ult. *Qui non crediderit, condemnabitur*. Merito itaque damnata est hæc Tamburini propositio: *Fides non censetur cadere sub præceptum speciale, & secundum se*.

Confirm. Ex modo dictis assensus fidei medium est ad salutem necessarium: atqui eo ipso est necessarius ex necessitate præcepti; cum cuilibet præceptum sit, ut assumat media ad salutem necessaria: ergo.

Hæc Conclusio pro utraque parte respicit adultos, qui in infantia justificati non sunt; aut eos, qui, accepta per Baptismum fide, ab ea deinceps exciderint; neutri enim sine aliquo fidei actu ad justitiam devenire possunt. Sed convertitur an, qui in infantia baptizatus esset, posset in aliqua hypothese, etiam non emisso fidei actu, salutem obtinere puta si aliquot post obtentum rationis usum horis vel forte diebus, moreretur, & necdum ullum religionis actum eliciisset, sive ob negligentiam parentum, qui consecrandas esse Deo corporis primitias non monuissent, sive quia tenebatur ætas alio distracta & advocata fuisset, ut fieri facile potest. Hæc quæstio pendet ab alia, an & quomodo infans sub pœna mortali ad Deum se convertere teneatur, statim ac rationis usum attingit, de qua alibi.

Obijc. 1. contra utramque Conclusionis partem. Illud non est absolute necessarium ad justificationem, sine quo homo justificari potest: atqui homo sine ullo fidei actu justificari potest. Nam ex Apostolo, *factores legis justificabuntur*: atqui ut quis sit factor legis, non requiritur actus fidei, aut alius quilibet supernaturalis, sed sola sufficit natura, juxta id ejusdem Apostoli: *Gentes ... naturaliter ea, quæ leges sunt, faciunt*.

R. Ad 1. neg. min. Ad 2. factores legis, id est, qui plene & ex fide per dilectionem operante legem impleverint, justificabuntur, C. id est; qui per

solas naturæ vires legem, vel potius aliquid legis executi fuerint, N. Totus est eo loci Apostolus, ut gratiæ, & fidei in Christum necessitatem commendet: ergo nec docet nec docere potest justificari quempiam ex sola naturali legis adimplerione; ac proinde hæc verba: *Gentes naturaliter ea, quæ legis sunt, faciunt*, vel ad præcedentia non referuntur, neque cum iis connexa sunt; vel si ad ea referuntur, vox, *naturaliter* non idem est, ac solis naturæ viribus, quasi excludatur gratia, sed idem est, ac sine lege scripta, ut sola lex Mosaica excludatur, sine cuius auxilio multi re ipsa iustitiam consecuti fuere, quos inter citant aliqui non solum Melchisedech Regem Salem, & Job, ejusque amicos, qui ante Legis tempora vixisse creduntur, sed & Legis ipsius tempore Jethro Mosi socerum, Nivitas, & alios plures, quos recenset Curcellæus in dissert. de necessitate cognitionis Christi n. 33.

Obj. 2. Ab actu ad posse valet consecutio: atqui de facto Cornelius Centurio justificatus fuit sine fide. Nondum enim habebat fidem, cum monitus est, ut accerseret Petrum a quo fidei mysteria edoceretur: atqui tamen jam justus erat. Justus enim erat vir, qui vocatur *religiosus ac timens Deum*, & Deum deprecans tam utiliter, ut ejus orationes & elemosinæ ascenderent ad Deum: atqui talis erat Cornelius.

R. Ad 1. neg. min. Ad 2. negant aliqui minorem, censentque Cornelium bonis quidem & piis operibus fidem imperasse, sed non ante justificationem fuisse quam baptizaretur. Verum alii plures contrarium existimant: sive vero ante, sive post Baptismi receptionem, iustitia donatus esse dicatur Cornelius, negandum est eum caruisse gratia & fide; non enim sine aliqua fide donabatur & orabatur: nam quomodo invocabat, in quem non crederet? ait Augustinus l. de præd. SS. c. 7. Idem docet S. Thom. 2 2. q. 10. a. 4. ad 3. De Cornelio, inquit, sciendum est, quod infidelis non erat; alioqui ejus operatio non fuisset accepta Deo, cui sine fide nullus placere potest: habebat autem fidem implicitam, nondum manifestata Evangelii veritate. Sciebat, ait S. Gregorius Homil. 19. in Evang. creatorem omnium Deum, eundemque universi auctorem, largitorem bonorum, malorum depulsores, sed, quod ejus omnipotens filius incarnatus esset, ignorabat; quia tamen sic affectus erat, ut Deo seu per se, seu per alium, fidei mysteria revelanti, credere paratus esset, quæ fides est implicita, bona actione promeruit, ut Deum perfecte cognosceret, & incarnationis ejus mysterium cognosceret, eo tempore, quo explicata Christi fides, tanquam medium obtinendæ salutis proponi incipiebat.

Obj. 3. Quod impossibile est adultis, idem necessarium esse nequit, saltem necessitate præcepti: atqui habere fidem impossibile est pluribus adultis. Non enim possunt credere nisi audiant: atqui multi sunt, quibus impossibile est audire; cum penes eos non sit habere, qui sibi verba fidei annuntient.

R. dist. maj. quod impossibile est tum immediate, tum etiam mediate, non est necessarium, C. quod impossibile est immediate solum, N. Atqui impossibile est pluribus adultis habere fidem, dist. impossibile est proxime & immediate, C. mediate & remote, N. Illi enim mediatam habent potestatem perveniendi ad fidem, qui ope gratiæ, quæ ne fidelibus quidem deest, possunt naturæ legem servare, & servando ea consequi, quæ ad salutem proxime necessaria sunt: atqui Infideles ope gratiæ sibi concessæ possunt. Prob. min. ex S. Basilio, qui in Regulis brevioribus interrogat. 224. sic loquitur: Si incidierit ut aliqui Corneho similes sint, qui in re nulla mala sint occupati, & cupidi perfectionis, bona illa quæcumque in ipsorum potestate sunt ac

*ac cognitione sunt, vere sincereque exerceant, iis sine dubio Deus ea largiretur, quæ etiam Cornelio. Item docet S. Thom. q. 14. de veritate, ar. 11. qui est penultimus de fide. Si, inquit, aliquis in sylvis, vel inter bruta animantia nutritus, ductum naturalis rationis sequeretur in appetitu boni & fuga mali, certissime est tenendum, quod ei Deus vel per internam inspirationem revelaret ea, quæ sunt ad credendum necessaria, vel aliquem fidei prædicatorem ad eum dirigeret, sicut misit Petrum ad Cornelium, Act. 10. & Philippum ad Eunuchum Reginæ Æthiopum, Act. 8.*

*Inst. Si Infideles mediatam credendi potestatem habeant, eorum infidelitas vincibilis erit, & ideo culpabilis: atqui falsum consequens. Alioquin infidelitas negativa esset peccatum, quod falsum est, ut patet ex condemnatione hujus Bajanzæ propositionis, quæ est n. 68. Infidelitas pure negativa in his, quibus Christus non est prædicatus, peccatum est.*

*R. Ad 1. neg. maj. ut enim infidelitas non sit peccatum in iis etiam, qui prioribus gratiis utendo per gradus ad ipsam fidem aliquando devenissent, sufficit ut nec prævideant, nec prævidere possint Deum ipsis subtrahurum esse fidem, si legis naturæ præcepta violent: atqui moraliter loquendo, Infideles nec prævident nec prævidere possunt, fidem Trinitatis v. g. aut Christi, sibi esse subtrahendam, ex eo, quod naturæ præcepta transgrediantur, cum tota, quæ inter præceptorum naturalium observantiam & fidem Christi est, connexio, pendeat a libera Dei voluntate, & humanæ mentis intelligentiam excedat; ergo Infideles ex ipso fidei defectu non peccant, & tamen remota habent credendi potestatem, quæ duo optime conciliantur: quia ut aliquid sit in potestate remota, necesse non est ut actu cognoscatur aut cognosci possit, sed satis est ut connexum sit cum aliquo, quod est in potestate nostra proxima; quod si ponatur, & aliud quoque infallibiliter ponetur.*

*Confirmatur. Non magis reus est fidei non adeptæ Gentilis, qui gratiæ ad observantiam legis naturalis sollicitanti resistit, quam reus sit peccati mortalis Beneficiarius, qui mane debens, ut poterat, Officium persolvere, illud ad decimam horam distulit, qua correptus ardenti febre, deinceps recitare non potuit: atqui is erit quidem reus alicujus negligentiae, non tamen peccati mortalis, quia prævidere non potuit futurum ut recitare non posset; ergo nec præcisè infidelitatis reus est, qui prævidere non potuit futurum, ut certa committendo peccata, excluderetur a fide.*

*Quod si quis Gentilium tam uberes a Deo gratia reciperet, ut fidei necessitatem saltem implicite præsentiret, & ab ea se se everteret, tunc infidelitas ejus fieri posset peccatum, desineretque esse pure negativa, quia gratia idem in eo præstaret, ac minister exterior verbi.*

### §. I I.

Antequam examinemus quodnam sit fidei ad salutem necessariæ objectum, seu quinam articuli credi debeant, aut quis gratiam & gloriam consequi valat, quædam sunt præsupponenda.

1. Itaque aliud est cognoscere veritates fidei, aliud earum fidem habere: has enim veritates cognoscunt tum Gentiles, coram quibus evolvuntur fidei mysteria, tum Hæretici, qui eas defendunt vel impugnant: neutri tamen vere credunt, quia vel non consentiunt, vel non consentiunt ob revelationem ab Ecclesia propositam.

2. Propositiones istæ: 1. *Nonnisi fides unius Dei necessaria videtur necessitate mediæ, non autem explicita remuneratoris.* 2. *Fides late dicta ex testimonio creaturarum, similive motivo ad justificationem sufficit.* 3. *Abolutionis capax est homo, quantumvis laborat ignorantia mysteriorum fidei, & etiam si per negligentiam etiam culpabilem nesciat mysterium SS. Trinitatis, & Incarnationis Domini; hæc, inquam, tres propositiones, a Clero Gallicano an. 1700. proscriptæ sunt, ut in Deum remuneratorem & in Christi mediatoris nomen contumeliose, erronea, & hæretica.*

3. Non conveniunt etiamnum Theologi, quid præcisè ad justificationem credi debeat. Alii explicitam Trinitatis & Incarnationis fidem mediæ necessitate necessariam esse putant. Ita Joannes a S. Thoma, Valentia, Molina, & alii, quos citat & sequitur Gonet tom. 4. disp. 6. a. 5. Alii censent implicitam eorumdem mysteriorum fidem sufficere, explicitam vero solum esse necessariam necessitate præcepti; adeo ut si quis mysteria hæc invincibiliter ignoret, possit ut gratiam, ita & gloriam obtinere. Ita ex Thomistis docent Soto, Javellus, & Serra, quorum opinione ab omni censuræ insultu vindicat Bannez 2. 2. q. 2. a. 8. his verbis: *Non est hæresis, nec temerarium aut scandalosum asserere, quod possit aliquis modo assequi vitam æternam, sine fide explicita Christi &c.* Alii demum, ut Canus & Bannez ibid. implicitam Trinitatis atque Incarnationis fidem, ad primam, ut vocant, salutem, seu justificationem a peccatis sufficere existimant, non autem ad secundam, seu ad gloriam. His positis, sit cum prima classe

CONCLUSIO I. Post Evangelii promulgationem necessaria est necessitate mediæ fides explicita, non solum Dei ut remuneratoris, sed etiam Trinitatis & Incarnationis.

Prob. 1. pars de fide Dei ut remuneratoris. 1. ex citato jam textu Apostoli ad Hebr. c. 11. *Sine fide impossibile est placere Deo: credere enim oportet accedentem ad Deum, quia est, & inquirentibus se remunerator sit, ubi non solum sermo est de fide actuali & supernaturali, sed de fide, quæ pro objecto habeat Deum, eumque non simpliciter, sed ut remuneratorem: in hac autem propositione, Deus est, continetur, quod sit unus, independens, summe bonus; in illa vero, remunerator inquirentibus se, quod sit boni supernaturalis auctor, & quod anima non intereat cum corpore.* 2. ex censura 1. propositionis supra relatæ, quæ jam ab Innocentio XI. damnata fuerat. 3. quia ad justificationem & salutem necesse est eam in Deum habere fidem, quæ, inter alia, spes nostra in Deum excitetur: atqui spes nostra excitari nequit, nisi Deum credamus, qui inquirentibus se remunerator sit: ergo.

Prob. 2. pars de fide Incarnationis. 1. ex Joan. 3. ubi sic loquitur Christus: *Sicut Moyses exaltavit serpentem in deserto, ita exaltari oportet filium hominis, ut omnis, qui credit in ipsum, non pereat, sed habeat vitam æternam. Qui credit in eum, non judicatur: qui autem non credit, jam judicatus est, quia non credit in nomine unigeniti filii Dei.* Unde sic: Eodem modo necessaria est fides Christi ad salutem animæ, quo aspectus ænei serpentis necessarius fuit ad salutem corporis, atque aspectus ænei serpentis ita Hebræis necessarius erat ad salutem corporis, ut qui eum quicumque ex causa non intuerentur, non sanarentur a morbo: ergo.

2. Marc. ult. sic habet Chr. *Prædicate Evangelium omni creaturæ: qui crediderit & baptizatus fuerit, salvus erit; qui vero non crediderit, condemnabitur.* In quæ verba sic scribit S. Bernardus Ep. 77. *Caute & vigilanter non repetivit qui vero baptizatus non fuerit; sed tantum, qui vero non crediderit, condemnabitur; innuens*  
solam

*solum interdum sufficere fidem ad salutem, & sine ipsa sufficere nihil: ex quibus patet Evangelii fidem, non minus, imo magis necessariam esse, quam ipsum Baptisma. Porro fides Evangelii præcipue complectitur Incarnationem & Trinitatem; ergo utriusque fides necessaria est necessitate medii.*

3. Ex Tridentino sess. 6. c. 6. ubi decernitur ad obtinendam justificationem credenda esse, *que divinitus revelata & promissa sunt, atque illud in primis, a Deo justificari impium per gratiam ejus, per redemptionem, quæ est in Christo Jesu; unde sic: Nullius veritatis fides magis est necessaria, quam illius, quæ in primis credenda est: atqui redemptio per Christum præcipue & in primis credi debet ad justificationem: ergo vel nullius alterius veritatis, vel redemptionis fides necessaria est necessitate medii.*

Prob. 3. pars de fide explicita Trinitatis, tum ex ratione secunda mox allata, tum ex discursu S. Thomæ. Nam ex modo probatis, fides Incarnationis explicita necessaria est necessitate medii ad justificationem & salutem: atqui *mysterium Incarnationis Christi explicitè credi non potest, sine fide Trinitatis: quia in mysterio Incarnationis Christi hoc continetur, quod filius Dei carnem assumpsit; quod per gratiam Spiritus sancti mundum renoverit; & iterum, quod de Spiritu sancto conceptus fuerit: ergo post tempus gratiæ divulgatæ tenentur omnes ad explicitè credendum mysterium Trinitatis.*

2. 2. q. 8.  
art. 3.

Obj. 1. Nihil ad justificationem exigendum est, quam quod ad eam exigit Apostolus: atqui hoc unum exigit Apostolus, ut credatur existere Deum, eumque inquirentibus se remuneratorem esse.

R. neg. maj. 1. quia qui declarat unum esse necessarium, non negat necessitate alterius; ergo si alterius necessitas in aliis Scripturæ locis asserita invenitur, ut in præsentī casu, non solum potest, sed & debet exigi. 2. quia, saltem ut sentit S. Thomas in 3. dist. 25. q. 2. a. 2. quæstiunc. 4. ad 1. Apostolus in objecto loco ea recensuit, quorum explicita fides in quolibet statu singulis hominibus semper necessaria fuit; ergo nihil mirum si de Trinitate & Incarnatione non fuerit locutus, cum explicita horumcæ mysteriorum fides, ante Evangelii promulgationem singulis hominibus necessaria non fuerit, ut vulgo docent Theologi.

Obj. 2. Ea opinio admitti non debet, ex qua plura sequuntur absurda: atqui ex opinione, quæ explicitam Trinitatis & Incarnationis fidem requirit, plura sequuntur absurda. Sequitur enim 1. eos homines, qui ita habetis sunt & stupidi, ut mysteria tam ardua apprehendere non valeant, nec per consequens explicitè credere, salutem non posse consequi. Idem dicendum de mutis ac surdis a nativitate, qui vix per signa & natus de horum mysteriorum substantia instrui possunt, & quibus proinde neganda essent Sacramenta Pœnitentiæ & Eucharistiæ, quæ tamen iis satis communiter conceduntur. Sequitur 2. Cathecumenum, qui successive res fidei edocetur, quique post acceptam Dei ut gratiæ auctoris fidem, intentum charitatis actum eliceret, & statim moreretur, reprobandum esse, quia nondum quidquam de Trinitate aut Incarnatione audisset.

Respondent aliqui Thomistæ, fidem explicitam Trinitatis & Incarnationis, licet per se loquendo hodie necessaria sit, per accidens tamen posse non requiri: unde, inquit, feri potest ut quis cum sola Dei ut provisoris supernaturalis fide salvetur, in quibusdam casibus raris, quales ii sunt, de quibus loquitur objectio, & alii nonnulli similes; præsertim cum aliorum mysteriorum fides non sit necessaria ex natura rei, ut necessaria vide-  
tur

tur contritio ei, qui peccavit mortaliter, sed solum ex libera Dei voluntate, ut Baptismus & Confessio, quæ idcirco non in re, sed in voto tantum necessaria sunt ad justificationem.

Verum hæc responsio ab aliis rejicitur, 1. quia argumenta superius adducta generaliter probant explicitam Christi fidem non in voto solum, sed & in re, necessariam esse, 2. quia hæc respondendi ratio paulatim in præcipitum ducit: si enim, quia de Deo sentiendum est in bonitate, dicere liceat eum, qui nondum Trinitatem cognoscere potuit, absque illius fide posse salvari; licebit etiam dicere eum, qui necdum discere potuit Deum inquirentibus se remuneratorem esse, absque eo, quod id explicitè credat, salutem consequi posse: quin & facile eo usque progredietur error, ut *fides late dicta*, qualis ea est, quæ oritur *ex testimonio creaturarum*, iis sufficere judicetur, quibus per tempus non licuit ampliorem mysteriorum notitiam acquirere. 3. demum, si responsio hæc solida foret, non utique Scholæ Angelo fuisset ignota, cum admodum obvia sit & naturalis: atqui tamen eidem S. Doctori ignota fuit, cum ubique recurrat ad extraordinariam revelationem iis communicandam, qui ex gratiæ auxilio facerent, quod in se est, & præsertim in 3. dist. 25. q. 2. a. 1. quæstionunc. 1.

R. Itaque ad 1. neg. min. ad 1. probationem dico, nullum esse hominem ingenii adeo rudis, qui si rationis compos, mysteria Trinitatis & Incarnationis, sibi sufficienter proposita, quantum ad substantiam & confuse apprehendere non possit, maxime ex auxilio gratiæ, quæ omnipotens est, & a Deo non denegatur. Et vero homines illi, qui obtusi adeo & hebetes supponuntur, satis in humanis rebus habent ingenii ut alios decipiant, & se decipi non pariantur, ut artes mechanicas aliquando non faciles perdiscant, ut de hostibus suis ulciscantur, ut obscænas, & sæpe longiores cantilenas memoriæ infigant: quidni ergo cum Dei auxilio id præstent, quod solis naturæ viribus, vel Diaboli adjutorio quotidie exequuntur? Idem servata proportionem dicendum de mutis & surdis, qui per imagines & signa rudem aliquam mysteriorum notitiam haurire possunt; vel, si perseveranter orent, nec gratiæ obicem ponant, a Deo ipso erudiantur, quantum ad salutem sufficit.

Si quis tamen contendat aliquos esse adultos, qui præ ingenii debilitate, non possunt, quantumcumque enitantur, fidei mysteria percipere, dico, verba sunt Goneti, quod se habent quantum ad hoc, sicut amentes & parvuli, qui sine ullo fidei actu salvantur. Neque inde magis concludi potest explicitam Trinitatis & Christi fidem non esse medium ad salutem necessarium, quam colligi possit explicitam Dei ut supernaturalis remuneratoris fidem non esse necessariam necessitate mediæ, ex eo, quod quidam esse possint bardi adeo & stolidi, ut Deum tanquam remuneratorem apprehendere non valeant.

Ad 2. probationem. Sicut supponunt adversarii Deum huic Cathumeno vitam ablaturum esse, eo præcise instanti, quo Trinitatis & Christi fidem percepturus erat; ita supponimus nos Deum hominis, a quo sincere quæritur, vitam conservaturum esse, donec id omne, quod absolute necessarium est ad salutem didicerit, vel a ministris Ecclesiæ, vel ab Angelis ipsis. Neque id gratis dictum est, sed ad mentem S. Thomæ, qui 2.2. q. 2. a. 7. ad 3. docet; *quod multis Gentilium facta est revelatio de Christo: ad cujus confirmationem refert inventum fuisse tempore Constantini Augusti & Irene matris ejus sepulchrum, in quo jacebat homo auream laminam habens in pectore, in qua scriptum erat: Christus nascetur ex Virgine, & ego credo in eum... sub Constantino & Irene*



*Irene Imperatoribus o Sol iterum me videbis.* Factum hoc, ait Baronius ad an. 780. omnes tam Græci, quam Latini Historici æque asserunt.

Quæres, quo in gradu mysteria hæc cognosci debeant.

Baron. c.  
9. p. mibi  
435.

R. majorem horum notitiam iis præceptam esse, qui alios edocere debent, quales sunt Parochi & Catechistæ. Quod spectat ad populum, sufficit ut substantiam, non autem requiritur ut utriusque mysterii modum cognoscat; v. g. quod humanitas Christi propria careat substantia, quæ suppleatur per alienam; item quod personæ proprietatibus relativis constituentur: satis ergo est, ait Sylvius hic art. 8. concl. 7. si rudiores credant Patrem, & Filium, & Spiritum sanctum, esse unum Deum, etiamsi distincte non sciant quid sit una essentia in tribus personis; & similiter quod credant Filium Dei, verum Deum & hominem propter nos & nostram salutem passum esse, & mortuum.

Hinc colliges quantum peccent siue parentes, præceptores, patrini & similes, qui pueris, statim ut rationis usum nacti sunt, non exponunt præcipua fidei mysteria, & motivum, ex quo credi debent; siue Parochi & alii, quibus incumbit animarum cura, si ovibus suis fidei obligationem sedulo & fortiter non inculcent, sicque eos exponant periculo damnationis æternæ, quæ nonnisi per explicitam Dei remunerationis, trini & incarnati fidem evitari potest. Certe intimo, & iuste quidem, doloris sensu percelluntur Pastores, si resciant e Parochianis suis unum aliquem decessisse non recepto Pœnitentiæ Sacramento; & tranquilli manent, dum sciunt aut scire possunt, multos e suis quotidie mori absque ulla Incarnationis fide; horum tam, quam illorum certior est damnatio, cum pœnitentiæ votum ministri vices supplere possit, nihil autem supplere valeat notitiam mysterii, cujus fides necessaria est necessitate mediæ. Væ ergo Curatis, qui satis esse putant si hæc veritates e suggestu vel in Catechismo aliquoties annuntient, cum constet nec omnes cuilibet instructioni interesse posse, nec ea, quæ palam in genere dicuntur, a rudioribus apprehendi in particulari: væ dominis, qui in pagis & oppidis vix servis concedunt ut intersint Missæ, nec domi suppleant aut supplere possunt, id, quod suis aliunde deest.

• **CONCLUSIO. II.** Ad salutem necessaria est insuper necessitate præcepti divini. 1. fides eorum omnium, quæ necessaria sunt necessitate mediæ, 2. fides eorum (quoad substantiam scilicet) quæ in Symbolo Apostolorum continentur. 3. Fides Sacramentorum, quæ vel necessaria sunt necessitate mediæ, vel licet non sint tam stricte necessaria, aliquando tamen recipienda sunt. His addenda est notitia tum Orationis Dominicæ, ejusque necessitatis, tum præceptorum Decalogi; singula paucis probanda sunt; qui plura vult, adeat Delugo ubi de fide disp. 13. sect. 4. §.

• Prob. 1. pars. quia, quo jure constituta est fides alicujus objecti ut medium ad salutem necessarium, eodem jure præcipitur obligatio medium illud usurpandi; ergo.

• Prob. 2. pars contra Svarem disp. 13. sect. 4. Hæc enim Christi verba, *Predicate Evangelium omni creatura*; ut imponunt Apostolis obligationem communicandi notitiam Evangelii, sic & populis imponunt obligationem audiendi & credendi eidem Evangelio: sed necessitas & debitum credendi Evangelio, saltem importat necessitatem credendi articulos Symboli; ii enim præcipua sunt capita Evangelii, arque veluti ejus summa: unde non alio fine conditum fuisse videtur Symbolum, quam ut compendiose proponerentur ea, quæ ex divino præcepto ab unoquoque Fidelium scien-

Marc. 16.

scienda sunt & credenda; nec dubium est, quin Apostoli, qui totum Evangelium singulis hominibus annuntiare non poterant, hoc saltem ejus compendium iis annuntiaverint; ergo. Vid. Lugo sect. 6. n. 159.

Serm. 133.  
de temp.

Confirm. quisque Fidelis teneatur verus esse Christianus: atqui, ut quis vere sit Christianus, debet saltem præcipua fidei christianæ capita possidere. Jam vero præcipua hæc capita continentur in Symbolo, quod est, ut loquitur Augustinus, *regula fidei nostra brevis & grandis; brevis numero verborum, grandis pondere sententiarum*. Hinc jam ab ipso Ecclesiæ exordio Cathecumeni ad Baptismum non admittebantur, nisi prius recitarent, & intelligerent Symbolum.

Prob. 3. pars, quia præceptum recurrendi ad certa quædam Sacramenta, supponit præviam eorum notitiam & fidem; cum Sacramenta non possint utiliter ab adultis recipi, nisi eorum naturam, vim, effectus, & dispositiones prærequisitas cognoscant & credant: atqui exstat præceptum Christi universale recurrendi ad Baptismum, ad Pœnitentiam, & Eucharistiam, imò & juxta multos, ad Confirmationem; ergo horum Sacramentorum fides & notitia, omnibus, qui ejus capaces sunt, est præcepta. Unde Baptismi cognitio necessaria est iis etiam, qui in infantia baptizati sunt, tum ut sciant se gravi præcepto fecisse satis; tum ut cognoscant effectus ejus, & quam obligationem inde contraxerint, sive in ordine ad Ecclesiam, cui morem gerere debent, sive in ordine ad se ipsos, qui templa facti Spiritus sancti, vitam Deo dignam vivere tenentur. Pariter necessaria est Pœnitentiæ cognitio iis etiam, qui necdum mortaliter peccaverunt, ut si eos peccare contingat, aut saltem dubitare an peccaverint, quod nemini non contingit, non ignorent secundam tabulam, qua ex naufragio redimī possunt.

Prob. 4. pars ex communi Doctorum sensu, qui, ut notat Lugo n. 132. omnes conveniunt necessum esse ut Fideles sciant esse orandum Deum, ab eoque petenda corporis & animæ bona: atqui hoc ipsum est scire Orationem Dominicam, quoad substantiam, ejusque vim & necessitatem credere; ergo.

Prob. 5. pars de præceptis Decalogi, quia ad id sciendum aut credendum tenetur homo, quod jure naturali vel divino observare tenetur: atque jure naturali & divino tenetur quilibet ad observanda. Decalogi præcepta.

Dixi, ea, quæ mox enumerata sunt, ex jure divino scienda aut credenda esse, *quoad substantiam*, circa quod quædam sunt notanda.

r. Itaque articulorum fidei substantiam scire censetur, qui etsi nec ipsa præcisè verba, nec verborum ordinem memoriæ mandaverit, de quolibet tamen articulo interrogatus, respondere potest, quantum exigit fundus seu substantia articuli. Ita cum aliis Henricus a S. Ignatio tom. 2. lib. 2. n. 150. qui consequenter docet, non multum vexandos, sed benigne tractandos esse, qui rudes adeo sunt & simplices, vel memoria destituti, ut ista rerum & verborum ordine memoriter retinere nequeant: quod lubens quoque admiserint, si viri illi rudes debitam adhibuerint diligentiam, ut hæc ediscerent; alioquin, juxta Suarem, Granado, Navarrum Manual. c. 22. & alios plures, a quibus non recedit Habert, peccant venialiter; atque hoc peccatum sufficiens est ratio differendæ absolutionis, cum pœnitens jam monitus discere neglexit, nec aliter a somnolentia sua excitari potest.

2. eorundem articulorum substantiam vere ignorat, qui totum v. g. Symbolum memoriter tenet, sed idiomate sibi ignoto, puta latina lingua, quam nescit;

nescit; non enim creditur id, cuius omnis & quaecumque notio deest. Ita Sanchez, Spærez, Coninch. quoscitat & sequitur Delugo ibid. n. 67. & 136.

3. Non omnes articuli Symboli ejusdem sunt necessitatis. Sic Passio Christi longe alterius est momenti, quam circumstantia ejusdem *sub Pontio Pilato*; unde ignorantia ipsius, ob materiæ parvitatem a culpa saltem gravi excusari potest, ut communiter tenent Doctores.

4. Licet stando in jure divino sufficiat, ut Symbolum, Oratio Dominica, & Decalogus, quoad substantiam teneantur, Ecclesiastico tamen jure necessum est, ut hæc memoriter teneantur: atque id patet 1. ex Can. 105. dist. 4. *De consec.* qui desumptus est ex Augustino, & sic habet: *Ante omnia Symbolum & Orationem Dominicam & vos ipsi tenete, & illis, quos suscepistis de sacro fonte, ostendite*: ergo jam a prioribus Ecclesiæ sæculis præceptum est, ut ipsi etiam infantes statim, ac doctrinæ capaces fiunt, ante omnia Symbolum, & alia ejusdem necessitatis ediscant: qua de re legendus est sermo S. Augustini de Symbolo ad Cathecumenos. 2. idem patet ex Concilio Bracarenensi III. can. 1. ubi præcipitur Episcopis, ut per viginti dies ante Baptismum curent Cathecumenos ediscere Symbolum. 3. constat ex Ordine Romano, Amalario, Rabano Mauro, & aliis, eos, qui baptizandi erant, olim solitos reddere seu recitare Symbolum, aut per se, si adulti, aut per paternos si infantes erant; unde merito variis in Diocæsis sanctum est, ut ad matrimonium contrahendum non admittantur, qui Symbolum Apostolorum nescierint. Merito item præcepit S. Carolus, ut qui articulos omnes Symboli Apostolorum, (quoad substantiam ait Ethica amoris) non tenet, insuper & præcepta Dei, sanctæque matris Ecclesiæ universa, quæ sub mortali obligant, item Orationem dominicam, & angelicam salutationem, ut<sup>a</sup> alibi innuit Sanctus Pontifex, non absolvatur, quin primo quoque tempore in aadiscendis operam daturum se promiserit: Quamquam si aut a Confessario suo eodem vel diverso, vel sua ipse privatim conscientia jam alias monitus *ibid. p. 211.* (quod diligentissime exquiretur) eam adhibere diligentiam neglexerit, quæ pro illius ingenii captu ad ea discenda sufficiens sit, non prius absolvatur, quam buic obligationi aliqua saltem ex parte fecerit satis. Si vero ea de re nusquam antea monitus fuerit, poterit tum ei gratiam absolutionis impertiri, ea tamen premissa semper instructione, qua penitenti sufficere censuerit, ut tanto beneficio non sit indignus.

Lab. tom.  
3. p. 896a

ad. part.  
4. tom. 1. p.  
763. Edit.  
1599.  
\*V. Can. 5.

Præter hæc omnia, tenentur tam majores, quam minores habere fidem explicitam de mysteriis Christi, præcipue quantum ad ea, quæ communiter in Ecclesiâ solemnizantur & proponuntur, ait S. Thomas hic q. 2. a. 7. unde inferunt Sylvius & Nat. Alexander tom. 2. p. 584. explicite credi debere & sciri, non ea solum, quæ ad Sacramenta singulis necessaria pertinent, sed & ea quoque, quæ spectant ad Sanctorum cultum, venerationem Reliquiarum, usum indulgentiarum, existentiam Purgatorii, modum juvandi animas ibidem detentas; hæc enim omnia in Ecclesiâ solemnizantur: & id quoque sciendum est, Ecclesiæ parendum esse, extra illam neminem salvari; & hæc, qui scire negligit, reus est peccati lethalis, ait idem Nat. Alexander.

Antequam ulterius progrediamur, juvat aliqua prælibare de Symbolo.

Quæres itaque 1. quid & quoruplex sit Symbolum.

R. Symbolum, juxta græci nominis ethymologiam, est saltem, juxta aliquos, id, quod a multis contribuitur & confertur ad aliquod opus: quo sensu Proverb. 23. v. 21. qui in convivia carnes ad vescendum confertur, dicuntur dare synbola. Sumitur etiam symbolum pro signo & tessera militari, qua veri milites ab aliis discernuntur. Utroque hoc sensu accipitur symbolum in

Eccle-

Ecclesia, nempe pro collectione articulorum fidei, ad quam multi concurrerunt, & pro signo, quo Fideles se produnt exterius, ut veros Christi milites, & ab iis, qui tales non sunt, distinguuntur.

Porro non idem sunt dogma, articulus, & punctum fidei. Dogma est id, quod docet fides, unde de puncto & articulo dicitur. Punctum, quod alii propositionem dicunt, est veritas revelata, sed non principalis, nec ab omnibus explicite credenda, v. g. quod Saul fuerit primus Rex Israel, quod Tobiam comitatus fuerit canis. Articulus vero fidei, de iis solum veritatibus dicitur, quæ præcipuæ sunt, & ad æternam salutem pertinent, ut sunt Verbi cum Patre consubstantialitas, & resurrectio mortuorum. Unde licet articulus sit propositio fidei, non omnis propositio fidei est articulus: sed ea solum veritas fidei, articulus dicenda est, quæ est *propositio catholica, principii rationem habens in fide, specialemque difficultatem, & ab omnibus explicite credenda*. Est *propositio catholica*, quia spectat ad fidem omnibus communem. *Principii* &c. quia primaria est, & pertinet ad præcipua fidei capita. *Specialem habens difficultatem*, quia non multiplicantur articuli fidei, nisi cum multiplicantur difficultates; unde quod Christus passus sit, mortuus & sepultus, unus est articulus fidei tres propositiones continens, quarum posteriores duæ non aliam, quam prioris difficultatem habent; si enim pari potuit Christus, potuit & mori, si mori potuit, potuit & sepeliri: quod vero Christus conceptus sit de Spiritu sancto, articulus est a præcedenti diversus, specialique indigens consideratione.

Quæres 2. quot sint Symbola:

R. quatuor recenseri posse. Primum est Symbolum *Apostolorum*, qui, ut una esset credendum omnium loquela, sicut erat cor unum, collegerunt brevem capitulum fidei summam, ante cætera Profelyis tradendam. Quomodo autem Apostoli Symbolum condiderint, an eorum unus torum opus confecerit, quod ab aliis fuerit approbatum; an omnes in unum convenierint, & singuli adhibuerint operi manum, non ita constat: posterior hic modus communiter admittitur; quin & aliqui suum ab unoquoque Apostolo articulum conditum fuisse putant. Ita auctor sermonis 115. inter sermones S. Augustini de tempore, & favet S. Leo Epist. 13. Ut ut sit, falsum est, quod aliqui post Calvinum docent, Symbolum scilicet, non aliter *Apostolorum* dici, quam quia eorum doctrinam continet, idque solide confurant Benedictini Congregationis S. Virionj in libro, cui titulus, *Remarques sur la Bibliothèque Ecclesiastique* &c. p. 81. & Nat. Alexander <sup>p. 240.</sup> differt. 12. in *Historiam Ecclesiasticam* sæculi 1.

*Id est, in  
sel.*

Secundum Symbolum est Nicænum, quod editum est in Concilio Nicæno ad convellendam Arii impietatem, qua negabat Filium Patri consubstantialem esse.

Tertium est Constantinopolitanum, quod sæpius confunditur cum Nicæno; a quo non discrepat nisi ob duas additiones, quarum prior impugnatur Manichæos asserentes Deum non esse rerum corporearum & visibilium conditorem; posterior Macédonianos ferit, qui abnegata Spiritui sancto divinitate, negabant consequenter cum Patre & Filio adorandum esse & conglorificandum.

Quartum circumfertur sub nomine S. Athanasij, non quod ejusdem factus sit, quod nunc passim negant Critici, sed quia plene exhibet doctrinam, quam S. Doctor mira eruditione, & patientia, labores inter & omni generis ærumnas, ad mortem usque propugnavit.

Quæ-

Quæres 3. quid circa unumquemque ex duodecim Symboli Apostolici articulis explicita fide credere teneamur.

R. circa primum, credendum est unum esse Deum, cui nihil impossibile sit, quique omnia creaverit.

Circa secundum: *Christum* esse Patris æterni *Filium unicum*, ac proinde naturalem, qui solus est propriæ & sine addito filius; eumdemque esse *Dominum nostrum*, cui proinde, non ut alicui e Sanctis, sed ut summo mortalium principi & capiti obsequium & honos impendi debent.

Circa tertium, eundem Christum, qui utpote unicus Patris Filius est ab æterno, in tempore tamen *conceptum esse de Spiritu sancto*, ac proinde absque operatione humana, & sic de *Virgine*, cui nomen erat *Maria*. An autem explicitæ a singulis credendum sit Mariam non in conceptione solum & partu, sed & toto vitæ decursu virginitatem servasse, disputatur. Affirmant Bannes, Granado, & alii, quos sequitur Lugo disp. 13. n. 72. & merito, cum ex constanti Ecclesiæ usu, virginis nomen nulli sæminæ simpliciter & absolute attribuat, nisi virgo semper permanerit.

Circa quartum, credendum est Christum passum esse & mortuum, idque non simpliciter: *sed propter nos homines*, & *propter nostram salutem*; Christus enim explicitè credi debet ut redemptor noster, & ut objectum tenerri- Ephes. 2.  
mæ nostrum omnium gratitudinis *ob nimiam charitatem, qua dilexit nos*. Cur autem id in Symbolo suo non expresserint Apostoli, ratio esse potuit, tum quia in ipsa antiqua lege necessaria erat explicita mediatoris fides, adeoque facile præsupponebatur; tum quia moraliter impossibile erat, iis præsertim temporibus, quibus adhuc fumabat in cruce sanguis Christi, ut qui eum passum esse & mortuum intelligebant, non statim intelligerent pro nostra salute passum esse.

Sed hic duplex exurgit dubium, an scilicet explicitè credi debeat, tum genus mortis Christi, seu crucifixio, tum ejusdem sepultura. Quod ad crucifixionem spectat, dicendum est fidem ejus necessariam esse. 1. quia is Symboli articulus ita gravis est, ut Apostoli eum crebro & constanter seorsum a passione & morte Christi explicuerint, juxta id Pauli: *Predicamus Christum, & hunc crucifixum*. 2. quia signum crucis est quasi visibile symbolum, quo Christiani ab exteris distinguuntur; unde Angelus, Sylvester, Tabiena, Armilla, & alii plures, peccati mortalis eos acculant, qui culpa sua crucis signo signare se nesciunt: atqui necessum est ut Christiani noverint signum suum; neque illud nosse possunt, nisi crucifixionis mysterium noverint: ergo. Vide Salmanticenses tract. 21. c. 2. n. 44. 1. Cor. 2.

Major est difficultas de sepultura, quæ posset ignorari absque eo, quod vacillaret fides mortis Christi, ejusque resurrectionis; & cujus proinde notitia non tanti videtur esse, ut, qui ea caret, mortaliter delinquat. Ita licet dubitanter Delugo n. 82. Medina & alii quidam; Fatendum tamen circumstantiam sepulchræ, quæ in Jona tam mirabiliter præfigurata est, a Christo tam exactè prædicta, in Baptismo etiam representata, satis gravem videri, ut non leviter reus præsumi possit, qui eam culpa sua ignoraverit; de quo penes Magistros esto judicium.

Quintus articulus duo proponit, descensum ad inferos, & resurrectionem a mortuis tertia die. De resurrectione a mortuis non ambigitur, quin necessario sit credenda sub pœna peccati gravis, cum speciale sit fidei & spei nostræ fundamentum, juxta id Apostoli: *Si Christus non resurrexit ... inanis est fides nostra*; & Rom. 10. *Si in corde tuo credideris, quod Deus Dominum Jesum suscita-* 1. Cor. 3.

*vix a mortuis, saluus eris.* Unde Augustinus in Psal. 120. *Fides Christianorum resurrectionis Christi est: hoc pro magno habemus, quia credimus eum resurrexisse.* Sed duo hic moventur dubia, an scilicet necessario credenda sint, sive circumstantia diei tertiæ, sive descensus ad inferos, qui resurrectionem præcessit.

Quod spectat ad 1. circumstantia diei tertiæ non potest ignorari sine peccato. 1. quia in omnibus Symbolis apposita est, & ab Apostolis aperte inculcata, ut patet ex Act. 10. *Hunc Deus suscitavit tertia die,* & 1. Cor. 15. *Tradidi vobis in primis, quoniam Christus ... resurrexit tertia die.* 2. quia hujus circumstantiæ cognitio multum conducit ad confirmandam mortis ipsius veritatem, tollendamque suspicionem, ne reipsa mortuus non esset, qui statim vivus appareret. 3. quia eadem circumstantia & in Scripturis & ab ipso Christo expresse prædicta fuit. Non tamen auderem, ait Lugo n. 88. peccati mortalis damnare hujus solius circumstantiæ ignorantiam: tum, quia ex auctoribus, qui necessario credenda enumerant, ut Bannes, Palaus &c. plurimi solius resurrectionis meminerunt; tum quia cum Petrus ipsa Pentecostes die Christi doctrinam & resurrectionem prædicavit, hanc omisit circumstantiam, solumque dixit: *Quem Deus suscitavit solutis doloribus inferni.*

Ab. 1.

De Christi ad inferos descensu, circa cujus fidei necessitatem scinduntur Theologi, nobis ut tutius sic & certius videtur, ejus ignorantiam pro gravi peccato habendam esse. 1. quia etsi circumstantiæ articuli alicujus possent non haberi pro absolute necessariis, ipsi tamen articuli non possunt æstimari ut aliquid minoris momenti: porro descensus ad inferos non est alterius articuli circumstantia, sed articulus per se stans, ut ita loquar, continetque aliquid, quod ad notitiam Christi redemptoris plurimum conducit; cum hinc doceamur Christum redemptoris partes agentem, non in terram modo, sed & in inferos descendisse, ut inde educeret animas Sanctorum, qui pretio nondum pro ipsis soluto, ibidem detinebantur. Etsi enim ut brevitati, multorumque radiorum tarditati consuleretur, non explicatæ fuerint descensus hujus causæ, ipse tamen descensus explicari debuit, sive ut Fideles ad investigandas ejus causas excitarentur; sive quia proposito descensu satis intelligitur, modo saltem generali, Christum, qui nec ob propria peccata, nec ob potentiæ defectum ad inferos descendere potuit, illuc nonnisi ad bonum illius loci & utilitatem descendisse. Ita Medina, Bannes, & alii non pauci, quos sequuntur Salmanticenses contra Suarez tom. 2. in 3. par. disp. 43. sect. 2. Granado &c.

Matth. 28.

Sexto articulo docemur Christum ascendisse ad cœlos, ibique sedere ad dexteram Patris: quibus tria præcipue significantur. 1. Christum secundum corpus ascendisse ad cœlos. 2. eum, prout Deus est, esse æqualem Patri in gloria. 3. eum, prout etiam est homo, supremam accepisse potestatem in Angelos, homines, & res creatas, quibus proinde ut supremus arbiter & judex, imperare possit: hoc enim sensu: *data est ei omnis potestas in cœlo & in terra. Pater enim non judicat quemquam, sed omne judicium dedit Filio.* Joan. 5. Hæc autem, quoad sensum & substantiam ab omnibus Fidelibus vulgo cognoscuntur, & cognitu necessaria sunt.

Docet articulus septimus, Christum e cœlis iterum venturum esse judicare vivos & mortuos; & is articulus dubio procul Fidelibus proponi, & ab iis necessario explicite credi debet, ut constat ex Act. 10. *Præcepit nobis prædicare populo & testificari, quia ipse est, qui constitutus est a Deo judex vivorum & mortuorum.* Porro judiciaria potestas Christo etiam ut homini competit, juxta id

ta id

ta id Matth. 13. *Tunc, instante scilicet judicio, mittet Filius hominis Angelos suos &c.* 16. *Filius hominis venturus est in gloria Patris sui, cum Angelis suis, & tunc reddet unicuique secundum opera sua.* Et Act. 17. *In quo judicaturus est orbem in equitate, in viro, in quo statuit &c.* Cæteræ difficultates, quæ ad hunc articulum spectant, videri possunt apud Suarem tom. 2. in 3. p. disp. 52. sect. 1. Lugo disp. 13. n. 95. & sequent. Hic annotasse sufficiat, per vocem *vivos*, non intelligi eos, qui tempore secundi adventus Christi in terris vivi superfuert, & non sint morituri; *quis enim est homo, qui vivit, & non videbit mortem?* sed vel bonos, qui malis sive mortuis opponuntur, uti explicat S. Augustinus l. de fide & symb. c. 8. ve eos, qui nunc vivunt, prout iis, qui jam decesserunt, opponuntur; ita ut his verbis profiteamur, *judicium universale a Christo exercendum esse, non in eos solum, qui nunc vivunt, sed & in eos quoque, qui præcesserunt nos.*

Octavus articulus, quo credunt Fideles in *Spiritum sanctum*, supposita Trinitatis fide, quam medii necessitate necessariam esse diximus, nihil speciale habet. Etsi vero non absolute necessarium sit, ut simplices explicite sciant Spiritum sanctum a Patre & Filio procedere, in his tamen explicandis utiliter operam suam impendent Parochi & Concionatores.

Articulus nonus duo complectitur, fidem scilicet sanctæ Ecclesiæ Catholicæ, & Sanctorum communionis. Quod ad primum spectat, nemo est Christianus, qui ignoret dari Fidelium multitudinem congregatam sub uno visibili capite successore S. Petri; unde difficultas est cur veritas est namine Fidelium in dubium revocata, tam specialiter Symbolo inserta fuerit. Censet Lugo id factum, ut intelligeretur Ecclesiam simul *unam* esse & universalem, ad differentiam Synagogæ, quæ solos complectebatur Judæos, sicque ab Ecclesia Christi differbat, quia extra hanc nulla est salus, extra illam vero salvari poterant alii ex Gentibus Fideles. Miror sane, quod miretur Lugo articulum hunc tam fundamentalem Symbolo insertum fuisse; cum ii, qui ad fidem accedunt, in primis credere debeant existere veram Ecclesiam, quæ sola veritates ad salutem necessarias, genuinosque Scripturæ fontes, in quibus eadem reperiuntur, tradere & explicare potest. Cæterum vocatur Ecclesia sancta, tum quia in ea sunt Sacramenta, quibus sanctitas confertur; tum quia Caput ejus, Christus nimirum, fons est totius sanctitatis; tum quia extra eam nulli, in ipsa multi sunt Sancti; quin & Fideles omnes aliquo sensu Sancti sunt, ut patet ex 1. Petri cap. 2. *Vos genus electum, gens sancta*, & ex 1. Corint. c. 1. quia omnes speciali quadam ratione Deo consecrati sunt & dedicati; nam & hac de causa lapides, vestes, & alia Deo consecrata vocantur sancta.

Ex unitate Ecclesiæ sequitur communio Sanctorum, seu mutua bonorum spiritualium communicatio, qua Fideles, utpote ejusdem corporis membra, se se invicem juvant, quatenus bona unius opera cæteris profunt.

Articulus decimus proficietur *remissionem peccatorum*, quam sicut, qui peccato infecti sunt, sibi procurare tenentur, sic & media, quibus ea procuratur, explicite scribere debent: unde duo unicuique Fidelium scienda sunt. 1. esse in Ecclesia remittendi peccati potestatem; 2. potestatem hanc in Baptismi & Pœnitentiæ Sacramentis præcipue exerci.

Articulus undecimus exhibet *carnis resurrectionem*; carnis, inquam, non animæ, quæ cum mortua non sit, nec resurgere potest: rursus *resurrectionem*, non spiritalem a morte peccati ad vitam innocentem; ut ii delirabant, quos perstringit S. Paulus 2. ad Timoth. 2. sed corpoream, quæ fiat in eodem corpore, quod vivi olim habuimus & neque enim rearguit cor-

pūs, nisi idem fūgat, quod ceciderat; & hæc explicite credenda sunt.

Articulus ultimus *vitam æternam* promittit, seu, ut loquitur Symbolum Nicænum, *vitam venturi sæculi*: quod vitæ nomen generale est, & utramque vitam, beatam iis, qui pie vixerunt; infelicem iis, qui male, complectitur, ut in hæc verba notat tum Bellarminus in suo Catechismo, tum Catechismi Romani editores.

### §. III.

Ad resolutionem tertiæ difficultatis, not. 1. cum S. Thoma 1.2.q. 62. a. 1. dari præcepta in lege divina de actibus fidei, spei, & charitatis; dicitur enim Eccli. 2. *Qui timetis Deum, credite illi*: unde merito proscripta est ab Innocentio XI. propositio ista: *Fides non censetur cadere sub præceptum speciale, & secundum se*. Ista item ab Alexandro VII. Homo nullo unquam tempore tenetur elicere actum fidei, spei, & charitatis ex vi præceptorum divinatorum, ad eas virtutes pertinentium.

Not. 2. duplex esse fidei præceptum, aliud negativum, prohibens ne quis fidei mysteriis dissentiat, aut eorum veritatem vocet in dubium; affirmativum aliud, præcipiens ut iisdem veritatibus assensus detur. Præceptum fidei negativum, ut & alia quæcumque ejusdem generis, obligat semper & pro semper, quia nullum est tempus, quo fidei mysteria sufficienter proposita rejici possint: affirmativum vero præceptum aliquando quidem obligat, ut ex dictis patet, sed quo præcisè tempore, controvertitur. Aliqui eo usque progressi sunt, ut crederint satis esse actum fidei semel in vita elicere, quæ propositio ab Innocentio XI. ac deinceps a Clero Gallicano proscripta fuit. Alii censent sufficere, ut quis bis aut ter in tota vita eisdem actus eliciat. Alii præceptum fidei semel in anno urgere volunt, cum nempe urget præceptum confessionis & communionis. Alii, ut Henno disp. 3. de fide in ipso fine, putant requiri & sufficere si actus fidei, prout revelata omnia complectitur, eliciatur in majoribus festis Domini Sabaoth, aut circa illa tempora; alii unoquoque mense vel septimana; alii singulis Dominicis diebus; alii demum licet expresse tempus non determinent; contendunt actum fidei, & idem est de actu spei & charitatis, sæpius elici debere, tum ratione sui, tum ratione variarum circumstantiarum, in quibus versatur homo. Ita Nat. Alexander de fide art. 8. reg. 9. & seq. Henricus a S. Ignatio c. 9. Juenin dissert. 4. ar. 3. §. 1. P. Antoine q. 4. Sit

CONCLUSIO. Fidei præceptum sæpius urget in vita, cum ratione sui, tum per accidens.

Prob. 1. quia præceptum de re gravis momenti, quæ vitæ christianæ basis est, & sine qua diu in justitia perseverare non possumus, non raro, sed sæpius obligat: atqui præceptum fidei est de re gravis momenti, cum primum sit ex omnibus præceptis, & millies in Scripturis inculcetur: est etiam vitæ christianæ basis, cum ut ad primam justiciam, sic & ad ejus augmentum, necessarium sit: tale demum est ut sine eo in justitia diu perseverare non possimus, cum ii soli Diabolo circumeunti, & novas quotidie insidias paranti resistere valeant, qui fortes sunt in fide, & assumunt

1. Petr. 5. *scutum fidei, in quo possint omnia tela nequissimi ignea extinguere*: ergo.

Ephes. 6. Prob. 2. quia *justus ex fide vivit*, ex fide nique actuali vel virtuali, cum vivere actum importet: ergo eo ferme modo fides est animæ necessaria, quo corpori cibus: atqui non semel, sed sæpius cibum sustentando corpori sumi necesse est: ergo & sæpius fidei actus elici oportet: unde qui per eos actus, prout dat Dei gratia, virtualiter adherere Deo negligunt, venialiter peccant, ait citatus Henricus n. 138. nec dubium est quin, si

eos



eos omittant in variis occasionibus, in quibus strictius urget fidel præceptum, mortaliter peccare possint, licet non possit mathematicè definiti, quo momento tanti peccati reatum incurrant.

II porro casus, in quibus potissimum urget per se præceptum fidei; sunt juxta citatos Theologos,

1. Cum fides Catholica sufficienter proposita est Infidelibus, vel Hæreticis, vel iis, qui in infantia baptizati, rationis usum attingunt. Ratio est 1. quia in his casibus assensus fidei omitti vel suspendi nequit sine gravi divinæ autoritatis injuria. 2. quia adulti ubi primum, & prout possunt, se suaque omnia in Deum ut finem ultimum dirigere tenentur: ad id autem necessaria est fides actualis: *Non enim ad Christum ambulando currimus, sed credendo*, ait Aug. Tract. 26. in Joan. 3. quia, qui moraretur credere, per hanc suam primæ Dei motioni resistentiam, subiret periculum duritiæ ad credendum. 4. quia, quæ credenda proponuntur, vel credendâ sunt ex necessitate mediî, vel ex necessitate præcepti. Si prius, grave subit periculum salutis, qui dissent credere, quia culpa sua medium omnino necessarium omittit ac proinde graviter peccat. Si posterius, gravissime etiam delinquit, qui Symboli substantiam discere ac proinde credere negligit; quia non parset in re gravi, cum parere potest & deber. Ita Mag. Grandin disp. 1. de fide p. 117. quia tamen excusat pueros a peccato, cum res fidei non satis ei proponuntur, & a morali, si voluntaria quidem credendi mora, sed brevior fuerit.

2. In quolibet probabili mortis periculo: tunc enim tenetur unusquisque salutis suæ consulere quantum potest; tenetur omni nisu ad Deum accedere, ut ab eo illuminetur; & non confundatur in die mala; tenetur tentationes, quæ in hoc instanti maxime delæviunt, & mundum ipsum superare; tenetur munire se contra mortis terrores, & eam in se divinæ misericordiæ spem excitare, a qua removel vitæ præteritæ intuitus: atqui hæc omnia sine fidei usu præstari non possunt: *Hæc enim est victoria, quæ vincit mundum, fides nostra*: ea spes salvos facit, quæ nritur fide Christi pro perditissimorum quorumcumque redemptione mortem perpessi: ergo tunc, si unquam, urget fidei præceptum.

1. Joann. 5.

3. Cum pulsât gravis contra fidem tentatio, quæ aliter propelli non potest; contraria enim contrariis repelli debent, odium per dilectionem, desperatio per actus spei &c. tunc itaque dicendum: *Adauge nobis fidem*; & rursus: *Credo, Domine, adjuva incredulitatem meam*.

Luc. 17. 9.

Marc. 9. 24.

4. Et eadem de causa, cum quis in hæresim vel voluntariam dubitationem circa fidei mysteria lapsus est; tum quia injuria primæ veritati illata refarciri debet; tum quia explicitus ac formalis fidei actus ad justificationem necessarius est in adulto, qui per infidelitatem excidit a fide.

Prob. 2. pars. Actus fidei necessarius est per accidens, cum sine eo vel præceptum a fidei præcepto diversum impleri nequit, vel peccatum alteri, quam fidei, virtuti oppositum evitari non potest: atqui sæpe evenit ut sine actu fidei varia Dei vel Ecclesiæ præcepta, ut par est, impleri, varia item peccata vitari non possint. Sic seclusa fide magis aut minus explicita, nec Deum orare digne Deo, nec peccatorum in Sacramento Pœnitentiæ remissionem consequi, nec Christi corpus spiritualiter in Eucharistia recipere quisquam potest: sic etiam aliquando tam graves corporis adversus spiritum exurgunt insultus, ut certo succumbat, qui non quæsierit robur a fide, representando sibi eum judicem, qui corpus, & animam gehennæ tradit, increduli-  
liques, & fornicatoribus partem assignat in stagno ardenti igne, & in sulphure.

Apoc. 21.

v. 13.

*Thyrsus Theol. Moral. Tom. III.*

M 3

Ex

Ex his, quæ passim in hac Sectione dicta sunt, colligi potest, quomodo Confessarius cum iis gerere se debeat, qui fidei mysteria ignorant; quod quia magni est momenti, paucis totum hic ob oculos reponere juvat. Itaque vel pœnitens ea etiam ignorat mysteria, quæ necessaria sunt necessitate medii, vel ea solum, quæ scitu necessaria sunt necessitate præcepti. Si primum, non est capax absolutionis, etiamsi ignorantia ejus invincibilis supponatur, quia nequidem capax est justificationis, cum careat medio ad justificationem necessario; & id patet ex censura propositionis supra relatæ p. 252. neque solum incapax est absolutionis hujusmodi homo, sed & tenetur ad præteritarum confessionum repetitionem, utpote quæ nullæ fuerint, cum per eas justificationem consequi non poterit. Quod si insit periculum mortis, curabit ante omnia Confessarius, ut pœnitentem instruat de præcipuis fidei mysteriis, ac præcipue de tribus, quæ necessaria sunt necessitate medii; exciabit etiam in eo dolorem de præterita negligentia.

Si secundum, vel id sequendum est, quod supra præscriptum videmus a S. Carolo, vel remittendus est pœnitens, donec Symbolum, & alia, quæ scienda sunt, didicerit pro ingenii sui capta, si ex quadam ejus inertia, & tempore subsit locus timendi ne accepta absolutione, promissi sui haud satis memor, quæ nescit, discere negligat.

Hinc sequitur 1. Confessarium teneri ad examen pœnitentis, quoties dubitat, aut cum fundamento suspicatur in hacce materia ignorantiam, quam quidem de iis suspicari debet, qui rudes sunt, salutis incurri, & in frequentandis Catechismis aut Concionibus negligentes; atque hoc examen ad eos etiam extendi debet mundanos homines, qui in tractandis sæculi rebus, solertiæ, & acuminis pleni, imo qui mysteria Religionis in juventute felicitè edocti, ex longa rerum Dei, salutisque suæ oblivione, eo usque aliquando deveniunt, ut vix Deum, & multo minus intricata fidei mysteria scire, & credere videantur. Ita docent Salmanticenses tract. 20. c. 2. n. 62.

Sequitur 2. Confessarium, etiamsi Pastor non sit, teneri aliquando ex charitate ad edocendos pœnitentes, eos præsertim, qui vel non possunt, vel præ pudore, quia grandiores sunt, non audent ad proprium Pastorem recurrere. An autem intra vel extra confessionale hoc præstare debeat, & possit, pendet ex circumstantiis. Certe qui pœnitentium corona circumdatus, ignarum fidei aliquem erudire cupit; & iis, qui expectant, gravamini est, & plerumque pœnitentem suum magis indispositum dimittit, quia, quo plura paucioribus edocere conatur, eo minus fructuose instruit: unde repetitis interrogationibus ac documentis hoc pene agit unum ut pœnitentis animum torqueat, & perturbet.

Quæres, quæ cognitio mysteriorum, & veritatum fidei exigenda sit ab adultis, qui ad Baptismum accedunt.

R. eos non antea baptizandos esse, quam edocti fuerint præcipua fidei mysteria, Symboli articulos, præcepta Decalogi, Orationem Dominicam, præcepta item Ecclesiæ, & ea, quæ respectu eorum sunt difficiliora, qualia merito censentur indissolubilitas matrimonii, monogamia; quia aliqui allegare possent se fuisse deceptos, dum exhibiti sibi essent Christianismi flores non spinæ; unde, qui Infidelem baptizat de iis omnibus nondum instructum, peccat mortaliter juxta Salmanticenses ibid. n. 61. si tamen urgeret mortis periculum, satis esset ut ea Cathecumeno proponerentur, quæ necessaria sunt necessitate medii.

## PUNCTUM SECUNDUM.

*De exteriorē fidei actu.*

**N**ot. 1. Actus exterior fidei nihil est aliud, quam exterior testificatio vel professio, sive fidei torius, sive alicujus ex ejusdem mysteriis.

Not. 2. Nemini dubium esse potest, quin ex ter præceptum fidem exterius profitendi. Quod enim ad salutem necessarium est, cadit sub præceptum: atque exterior fidei confessio necessaria est ad salutem. Nam ex Apost. Rom. 10. *Corde creditur ad justitiam, ore autem confessio fit ad salutem*; hæc autem verba non continent merum consilium, ut patet tum ex istis, quæ præcedunt. *Si confitearis in ore, & in corde credideris. salvus eris*; tum ex constanti Patrum traditione: unde dicit S. August. lib. de fide, & symb. c. 1. *Fides officium a nobis exigit, & cordis, & lingua.*

Not. 3. Duplex est circa confessionem fidei præceptum: aliud affirmativum, quo jubemur aliquando fidem profiteri, & quod proinde violatur omissione hujus confessionis; aliud negativum, quo prohibetur nobis negatio ejusdem fidei, & quod proinde frangitur actu positivo, seu expresse per verba, seu virtualiter per signa, motus, tergiversationes, & similia, quæ explicitè vel implicitè persuadent aliquem non esse e grege Fidelium. His positis videndum est, quando utrumque obliget, & censendum sit violari; unde sit

**CONCLUSIO I.** Præceptum confitendi exterius fidem non semper neque in quolibet loco est de necessitate salutis, sed in aliquo tempore, & duplici in casu, quando scilicet per omissionem hujus confessionis, aut subtraheretur honor Deo debitus, aut etiam utilitas proximo impendenda. S. Thom. hic q. 3. ar. 2.

Prob. 1. pars, quia præceptum affirmativum non obligat semper, & pro semper.

Prob. 2. pars, quia si aliquando urget fidei exterius profitendi præceptum, tunc utique cum professio hæc omitti non potest sine gravi Dei contemptu, aut proximi damno: atqui in duplici, quem assignavimus, casu omitti non potest fidei professio sine Dei contemptu, & damno proximi. Contemnitur enim Deus, cum honos eidem debitus aufertur; sicut etiam inuritur damnum proximo, cum retardatur a suscipienda fide, quam non habet, vel ab ea, qua jam tenet, ubi opus est, profitenda: atqui utrumque, vel saltem alterutrum contingit in casibus, de quibus loquimur. Quod ut intelligatur, simul & explicetur mens Angeli Scholæ; notandum est cum Sylvio, & Boudart tom. 2. p. 102. vocem *subtrahendi*, qua utitur S. Doctor, non accipi mere negative, quasi toties censeatur, quis subtrahere honorem Deo, vel utilitatem proximo, quoties non præstat honorem Deo, aut obsequium proximo: alioqui confessio fidei, & actus aliarum virtutum semper essent in præcepto, quia sicut honoratur Deus per fidei professionem, sic & per ejus omissionem aliquis Dei honos omittitur. Itaque vox *subtrahendi* accipitur contrarie vel privative, ita ut tunc censeatur Deo honor subtrahi, quando vel Deus magna afficitur injuria, vel magno privatur honore, quod non contigisset, si quis fidem professus esset. Similiter utilitas proximo impendenda subtrahitur, cum vel avertitur a fide, vel a necessaria ejusdem professione.

Hinc peccant debitum Deo honorem subtrahendo. 1. qui a persona publica, etiam a Tyranno, & non legitimo judice, interrogati, an Christiani sint, silent, & conticescunt, tum quia in hoc casu tacere, est Christum, & non negare, saltem erubescere: porro, *qui me erubuerit*, ait Christus, & Luc. 9.

*sermones meos, hunc Filius homini erubescet, cum venerit in maiestate sua;* tum quia parvi admodum fidem pendere videtur, qui veritatem in injuria captivam tenet, quo tempore gloriosius ei testimonium coram Principibus mundi, & quasi in orbis theatro perhibere potest; tum denique, quia adversatur unanimi SS. Martyrum sententiæ, qui cum steterunt ante Reges, & Præsides, ad Christi confessionem se se semper crediderunt obligatos; si non ob auctoritatem interrogantis, at certe ob honorem Dei, quem qui non constituitur in hoc casu, ipsius Christi præcepto resistit. Merito igitur reprobata est ab Innocentio XI. hæc, quæ multorum erat, propositio: *Si a potestate publica quis interrogetur, fidem confiteri, ut Deo & fidei gloriosum consulo: tamen ut peccaminosum per se non damno.*

Eadem urget obligatio, ait Sylvius, etiam si auctoritas publica non publice interroget, ut cum Judex solus solum Fidelem exposcit, quæ sua sit Religio. Ratio est, 1. quia Judex vel Prætor, etiam cum solus est, servat aliquid publicæ auctoritatis, nec ei ut alii cuilibet privato dici potest: Quid tua refert, sis-ne, an non Christianus? 2. quia Judex, qui privatim interrogat, paulo post publice interrogare potest: ergo id privatim responderi debet, quod publice respondendum esset, ne Judex occasionem habeat, fidem nostram insimulandi æquivocationis, dubii, & instabilitatis.

Sed poterit ne tacere, qui privatim interrogatur, ut majus ab eo vestigal, aut ampliores divitiæ extorqueantur?

Affirmant Salmanticenses, quia tunc interrogatio etiam a Judice facta, sit quasi a persona particulari, & non in odium Religionis.

Verum hæc opinio laxior videtur, & falsum supponit. Quare enim Judex Ethnicus majores a Christiano, quam ab alio divitiis extorquere nititur, nisi quia Religionem ejus odit? ergo, qui ne divitiis perdat, fidem dissimulat, & suppressit, fluxas opes fidei præferre convincitur, cum tamen ne ipsam quidem vitam eidem præferre debeat.

Fatendum tamen cum Sylvio, Ethica amoris, & aliis vulgo, eum, qui privato, sine caractere, & auctoritate, interrogatur, quam teneat fidem, posse absque ullo peccato quasi ad ineptam interrogationem respondere: Quid tua refert? Quis te constituit judicem? Quo jure rogas, quid sentiam? & id patet tum ex communi Fidelium praxi, & sensu, tum quia nemo est, qui ex hoc responso colligere possit eum, qui ita respondet, Christianum non esse, sed solum contemni & interrogationem, & eum qui stulte interrogat. Si tamen vir gravis hac sua taciturnitate, vel grave scandalum pareret in populo, vel in eo esset rerum statu, ut ingens utilitas aut necessitas populi positivam, & apertam fidei professionem exigeret, teneretur fidem suam aperte profiteri. Ita Bonacina disp. 3. q. 2. p. 3. n. 6.

Peccant 2. ex eadem divini honoris subtractione Fideles, qui Gentili aut Hæretico fidem palam irridenti, Christum contumeliis afficienti, sacras Imagines conculcanti, non resistunt neque contradicunt, etiam cum vitæ periculo; nam illatas Deo injurias ferre patienter, hominis est re minus, quam nomine Christiani. Si tamen prudenter judicantur impios ex contradictione aniam arrepturos gravius impetendi fidem, tolerandum est id, quod impediri nequit; si enim, ut vetus fert adagium, ad actum inutilem nemo tenetur, multo minus tenetur, quis ad actum fidei periculosum. Hac de causa neque antiquitus, neque nunc sive apud Infideles, qui Diis immolant, sive apud Hæreticos, qui corruptos sectæ suæ ritus exercent, tenentur Catholici palam resistere. Inno sæpius, seclusa speciali S. Spiritus morione, sine peccato non resisterent

Mahu-

Mahumetanis Christiani & Sacerdotes, qui Tuneti, Algerii, aut Constantinopoli degunt; hoc enim agerent unum, ut in certam & infructuosam mortem se se præcipites darent, non sine magno captivorum, quibus utilia obsequia impendere possunt, detrimento: quin &, si bene memini, declaravit Ecclesia Romana, se hujusmodi temerarios, si morte damnentur, pro Martyribus habituram non esse.

Peccant 3. ex eadem causa, qui fidei professionem omitunt, quo tempore omisso hæc est implicita fidei negatio: ut si dum plures simul interrogantur, an sint Christiani, aliis affirmantibus, alii taceant, & abire permittantur, dum priores servantur ad necem; aut e contrario, si dum multi de fide interrogati, eandem abnegant, alii tacent, & una cum negantibus dimittuntur: utique, qui in utroque hoc casu tacuerunt, fidem abnegasse censi debent.

Peccant quoque proximum debita utilitate privando, qui fidem retinent. 1. quando adest dubium prudens, quod alii publica eorum confessione commoti, vel fidem aplexuri sint, alias in falsa Religione permanfuri, vel in vera fide confirmandi sint, alias vacillaturi, aut defecturi. 2. cum ex suppressione confessionis futurum est, ut alii in errore aut falsa Religione confirmantur; quod ultimum iis temporibus, quibus grassatur hæresis, sæpius evenire potest. Etsi vero in hisce casibus teneantur quilibet Christiani, etiam cum periculo mortis, fidem suam profiteri, quia exigit ordo ut æternam fratrum salutem temporali nostræ salutis præferamus, ad id tamen strictius tenentur Pastores, qui non titulo solum charitatis, sed & justitiæ debito, animas suas pro ovibus sibi commissis tradere debent.

Quæres an persecutionis tempore liceat Tyrannum fugere, ut declinetur confessio fidei.

R. 1. aliquando licitum esse fugere; atque id probatur 1. ex verbis Christi apud Matth. c. 10. *Cum vos persequantur in civitate ista, fugite in aliam*: unde & ipse Salvator, & ejus Apostoli e manibus persecutorum fidei quandoque auferant, ut patet ex Matth. 4. Joan. 10. & 11. & 2. Corint. 11. 2. ex agendi ratione, quam tenuerunt Martyres & Confessores non pauci, ut Sylvester, Cyprianus, Polycarpus, & in primis Athanasius, qui multo plus fidei juxta fugiendo, quam juvisset pro ea moriendo: quique in Apologia de fuga sua, rigidiorum & falsam suggillavit opinionem Tertulliani contententis in lib. *De fuga in persecutione*, verba Christi superius adducta locum non habuisse nisi in Apostolis, qui si neglecta fuga se statim tradidissent persecutoribus, Evangelium disseminari non potuissent. 3. quia, ut ait S. Cyprianus lib. de lapsis, & alibi pluries, *Qui interim cedit, non fidem negat*, non enim fugere cogeretur, si negare vellet; sed tempus expectat: nam forte, qui non secedit, negaturus permanfis: unde cum licitum non sit exponere se periculo abjuratæ fidei, sitque temerarium eam in se præsumere animi fortitudinem, quæ necessaria est ad christiane subeundos Tyrannorum cruciatus, pro certo tenendum est, aliquando teneri Christianum sub peccato ad fugiendum, & ad vitandam imprudentem fidei confessionem, quæ, ut paucis omnia complectar, talis est cum quispiam absque necessitate divini honoris, absque fidei vel proximi utilitate, se tormentis exponit, aut fidei persecutoribus in fideles deserviendi occasionem præbet, aut perturbationem in Infidelibus caulat. *Nosite*, ait Christus, *sanctum dare canibus, neque mittatis margaritas vestras ante porcos, ne... conversi dirumpant vos*.

Matth. v. 6.

R. 2. Non tamen semper licitum est fugere: unde graviter peccant ii, quorum

rum præsentia necessaria est sive ad promovendam fidem, sive ad confirmandos in ea imbecilles, qui auxilio destituti, fidei negandæ periculo exponuntur; tunc enim urget illud Christi præceptum: *Et nos debemus pro fratribus animas ponere*; nec scilicet ei similes simus, qui videt lupum venientem, & dimittit oves, & fugit, quia mercenarius est.

Quia tamen non vituperatur quis præcise quia fugit, sed quia dimittit oves, ut apposite notat in hunc Joannis locum S. Thomas, ideo si possit fugere non dimittendo oves, non peccabit: ut autem judicaretur an Pastor oves periculose dimittat, videndum est an persecutio Pastorem solum impetret, an gregem una cum Pastore. Si solus Pastor impetatur, grex vero tranquillus maneat, aut non careat aliis, qui vices Pastoris supplere possint, Pastor sibi fuga consulere, potest, prout fecerunt Sancti. Si autem queratur totus grex, aut oportet, quod Pastores omnes simul remaneant cum ovibus; aut oportet, quod aliqui ex eis remaneant, & aliqui recedant; si enim totaliter deserant gregem, tunc eis competit, quod hic dicitur: *Vides lupum venientem, & dimittis oves*: quod qui faciunt, charitatem simul & justitiam violant, & multo plus peccant, quam nautæ, qui sub mortali tenentur etiam cum periculo vitæ tempestatis tempore non deserere navim. Hæc decisio tota habetur c. 47. v. 11. q. 1.

Quædam hæc addenda puto ad plenam quæstionis hujus, quæ metaphysica non est, intelligentiam. 1. itaque in dubio an fugere licitum sit, nec ne, prudenter se geret Pastor, si aliorum, qui Deum vereantur, & Ecclesiæ futurum ac necessitatem cognoscant, consilio se regi sinat, ne in causa propria nativo vitæ suæ amore ducatur, aut ductus existimetur. 2. si comministri inter se non consentiant, quis fugere, quis remanere debeat; res, si vere dubia sit, sorte definiri potest, juxta Delugo & eos, quos citat n. 42. 3. qui jam ab fidem captus detinetur, morti proxime tradendus, aliquando fugere potest, ut fugit S. Petrus Act. 12. Dixi, aliquando; quia fugere non poterit, si prævidetur eos v. g. qui secum captivi tenentur, confirmatore & duce destitutos, recessuros a fide. 4. quod dixit Pelaninus, Pastorem persecutionis tempore palam & in publico debere profiteri fidem, nec latere posse, omnino falsum est; alioqui paucos intra dies percuterentur omnes Pastores, unde certa suboriretur ruma gregis; quin & potius, ubi potest, latitare debet, ut etiamnum apud Hæreticos latitant Catholici Sacerdotes, non sine magno rei Christianæ profectu.

Sed, quid si Tyrannus jubeat Christianos gestare signum, quo ab aliis fercernantur, ut eisdem morte condemnet; censebunturne fidei proditores, qui idem signum non ferent?

Affirmat Cajetanus 2. 2. q. 3. a. 2. dub. 1. quia, inquit, qui publica auctoritate interrogatur de fide Catholica, tenetur sub mortali non negare, neque occultare fidem: atqui prædicta Tyranni lex se habet ut interrogatio quædam publica auctoritate facta.

Alii vero complures censent secluso scandalo nullam esse legi huic obtemperandi obligationem. Ita Malderus, Banuez, Sylvestre, Becan c. 9. q. 1. n. 39. Bonacina ibid. punct. 3. n. 8. Boudart tom. 3. p. 117. Ratio est 1. quia lex vere injusta non obligat, imo etiam si justa esset, non obligaret, cum tanto incommodo: atqui ea lex vere injusta foret, cum justa esse non possit lex quæ directe mandat ut quis se prodar ad mortem injuste subeundam. 2. quia falsum est, quod hujusmodi lex vim habeat publicæ interrogationis fidei uniusquisque: tum quia lex præscribit, non autem interrogat, alioquin in quolibet alia lege includeretur hujusmodi interrogatio, quod inauditum est; tum quia

quia non est in Principis potestate innumeros formare & extendere inter rogandi modos, quibus succedat divinæ legis mandatum de fide confiten da; sic enim posset condere legem, qua quisquis ultro non compareret vel persecutionem fugeret, renferetur fidem abnegasse, quod nemo dixerit.

Præter recensitos casus, in quibus ex Dei ipsius præcepto fidem confiteri tenemur, alii sunt, in quibus ad ejusdem fidei professionem, ex Ecclesia stica lege obligantur aliqui Fideles, ut Parochi, Canonici, & alii, qui ad Ecclesiasticas Dignitates promoventur. Vid. Trid. sess. 24. cap. 12. & sess. 25. cap. 2. & Salmanticenses Tract. 21. c. 2. a num. 77. ad 95.

CONCLUSIO. II. Datur præceptum negativum, quo prohibetur negatio fidei, quodque semper & pro semper obligat, & multis modis violari potest.

Prob. 1. pars contra Priscillianistas, aliosque Hæreticos, qui fidem coram hominibus negari posse arbitrabantur, modo servaretur in corde, unde hæc eorum formula: *Jura, perjura, secretum prodere noli*. Probatur, inquam, 1. quia fidei abnegatio sub æternæ damnationis pœna prohibetur, tum a Christo Matth. 10. ubi dicitur: *Qui negaverit me coram hominibus, negabo & ego eum coram Patre meo*; tum ab Apost. 3. ad Tim. 2. *Si negaverimus, & ipse negabit nos*.

Prob. 2. quia quod malum est ab intrinseco, numquam licitum esse potest: atqui fidem negare est quid ab intrinseco malum. Vel enim negat quis fidem exterius simul & intus, judicando eam esse falsam, vel exterius tantum: atqui utrumque ab intrinseco malum est: primum quidem, quia est infidelitas divinæ veracitati opposita; secundum vero, quia est mendacium in re gravissimi momenti, quod nec tormenta, nec crucia tus licitum reddere possunt.

Ut probetur altera pars, quæ dicit negativum fidei præceptum pluribus modis violari posse; variæ hic proponendæ sunt & solvendæ quæstiones: quod antequam fiat, expendendum est, an circa externam fidei negationem possit dari peccatum dumtaxat veniale ob materiæ parvitatem. Sic in exemplum Concionator aut quilibet alius in publico vel privato sermone, sciens ex Scriptura constare Mathusalem vixisse 969. annis, diceret ut a Deo revelatum, eum non vixisse nisi 960. annis; & quæritur an ob materię levitatem peccatum hoc sit solum veniale.

Circa quod certum est apud omnes 1. nihil pro levi haberi posse in iis, quæ pertinent ad fidei dogmata, ad honorem Dei, morum integritatem, aut quæ contra Hæreticos credenda proponuntur; unde, qui hæc palam explicaret aliter, quam revera sint, sive ex industria, sive ex ignorantia culpabili, perniciosi mendacii, gravisque peccati conscius esset.

Certum est 2. eum, qui veritati cuicumque revelatæ, quantumvis levis videatur, assensum interiorem denegaret, graviter etiam peccatum esse; quia, qui credit Deum non in omni, quæcumque ea sit, materia, esse fide dignum, gravem veracitati ejus injuriam irrogat: unde tota quæstio procedit de narratione externa rei alicujus vel historiæ, cum circumstantia aliqua levi, quæ contra historiæ veritatem referatur, sive scienter, sive ex ignorantia vel negligentia culpabili; quod addo, quia sicut autoritas Dei postulat fidelitatem, ita & exigit advertentiam in referendis fideliter rebus a Deo revelatis.

His præmissis duplex est ea de re opinio Theologorum. Alii censent eum; qui exterius solum contradiceret rei, quæ relevata est, sed quæ relative ad mores & fidei dogmata, levis videri debet, nonnisi venialiter peccatum. Ita Arriaga com. 5. disp. 21. sect. 5. n. 35. & alii, ad quos inclinat Lugo disp. 14.

Vid. Emf. lib. 6. Hist. c. 23.

Aug. lib. contr. mend. c. 2.

Genes. 2. v. 27.

n. 47. alii mordicus contendunt hic grave esse peccatum. Ita Cajetanus?  
2. 2. q. 110. ar. 4. Azorius 3. p. l. 13. c. 1. dub. 5. & 6. pag. mihi 1129.  
S. Antoninus part. 2. tit. 10. & alii plures, quos dabant & sequuntur  
Salmanticenses ibid. num. 107. quibus assentimur.

1. Quia ex S. Thoma 2. 2. q. 110. a. 4. mendacium, *si sit circa res di-  
vinas, non solum opponitur virtuti charitatis, sed etiam virtuti fidei &  
religionis: ideo hoc mendacium est gravissimum & mortale*: sed, qui  
scienter aut temere aliquid docent contra Scripturam, mentiuntur in ma-  
teria, quæ ad fidem & ad religionem pertinet; ergo eorum mendacium  
est gravissimum & mortale.

2. Qui vocat Deum in testem mendacii, quantumlibet levis, peccat le-  
thaliter, ut alibi probatum est; ergo & lethaliter peccat, qui contra men-  
tatur id, quod in Scriptura revelatum est, quidquid illud tandem esse pos-  
sit; quia sicut in priori casu Deus efficitur testis rei falsæ, sic & in po-  
steriori, exhibetur ut revelator rei, quæ vera non est.

3. Qui quantum de se est, movet auditores ad exhibendam errori fidem  
divinam, eo ferme modo se habet ac qui scienter exhibens populo hostiam  
non consecratam, eundem movet ad exhibendum pani honorem uni Deo  
debitum: atqui is peccat mortaliter; ergo & ille. Nec dicas cum Lugo,  
auditores falsa narratione deceptos, non præstare obsequium errori, sed ve-  
racitati divinæ, a qua id, quod sibi narratur, revelatum esse putant:  
nam eodem modo dicam populos non exhibere cultum pani, sed uni Deo,  
quem sub ejus speciebus latitare credunt; unde eorum error non est error  
objecti, sed loci: si ergo graviter peccet, qui panem proponit ut objectum  
adorationis, graviter etiam peccare debet, qui falsitatem dat ut objectum  
assensus internis & supernaturalis.

Obijciuntur quatuor. 1. mendacium non est mortale, nisi graviter sit  
perniciosum: atqui non est tale in casu præsentis; cum nec scandalum pa-  
riat in audientibus, ut supponitur, nec iisdem grave procreet detrimentum.  
2. ideo mendacium, de quo agitur, esset grave, quia virtualiter exterius  
Deum exhiberet ut mendacem: atqui hoc non facit, sed potius contra-  
rium: dicit enim v. g. credendum esse Mathusalem paucioribus vixisse  
annis, quam revera vixerit, quia id revelatum est a Deo, cui credi de-  
bet; ac proinde fatetur contrarium credi debere, si esset revelatum. 3. si  
quis privatam habuisset mortis suæ revelationem, posset id negare sine  
peccato mortali, quia nemini præjudicium saceret, & aliunde res est levis;  
ergo a pari negare quis sine gravi peccato potest, aliquid, quod leve est,  
revelatum esse in Scripturis. 4. ex opposita opinione sequitur mortaliter pecca-  
turum Concionatorem, qui scrupulose non referet sacras historias prout sunt  
in textu; aut Jeremiam citabit pro Isaja; cum etiam de fide sit talem prophe-  
tiam esse Isajæ, non alterius: atqui hæc duriora sunt & communi omnium  
sensui adversantur: ergo. Verum hæc solide resolvi possunt: unde

Ad 1. neg. min. nam ex S. Thoma, mendacium eo ipso, quo est *circa  
res divinas, & Dei veritatem occultat vel corrumpit*, pro valde pernicio-  
so, & mortali haberi debet, quidquid sit de fine extrinseco operantis: atqui  
mendacium, de quo nunc loquimur, est circa res divinas, Deique veritatem  
occultat & corrumpit; ergo. Adde quod etiam perniciosum sit homini, quem  
cogit ad assentiendum errori, tamquam veritati a Deo revelatæ.

Ad 2. dist. min. non exhibet Deum ut mendacem, id est, non dicit Deum  
esse mentium, cum contra Deum exhibeat ut infallibilem veritatem. C.



id est, non dicit Deum revelasse & asseruisse rem, quæ reipsa falsa est; N. Porro, qui dicit Deum asseruisse aliquid veritati contrarium, eo ipso gravem veracitati ejus injuriam irrogat. Certe hæc adversariorum ratio probaret posse aliquem sine gravi culpa, coram imperitis integram sacræ, Scripturæ historiam mutare; modo enim dicat rem a Deo fuisse revelatam, prout ea a se refertur, addatque Deo revelanti credendum esse, jam a peccato saltem mortali immunis erit. Hoc autem quis ferat?

Ad 3. negari solet consequentia. 1. quia, qui falso aliquam Scripturæ historiam narrat, proponit aliis ut objectum eorum fidei, id quod tale esse non potest: qui vero negat sibi aliquid fuisse revelatum, nec proponit nec subtrahit iis quidquam, quod eorum fidei objectum esse possit, quia, ut bene notat S. Thomas 1. p. q. 1. ar. 8. ad 2. *fides nostra innititur revelationi Prophetis & Apostolis facta, qui Canonicos Libros scripserunt, non autem revelationi, si quæ fuit, aliis Doctoribus & privatis facta.* 2. qui negat aliquid, puta diem mortis suæ sibi fuisse revelatum, non negat se hac die moriturum; qui vero vitiat historias Scripturæ, negat rem in Scriptura contentam, quia aliam proponit rem, quæ cum facto revelato subsistere non potest.

*Vid. Schell. Sal. mant. 17. disp. 1. n. 104.*

Ad 4. non peccat mortaliter Concionator, qui in aliqua sacræ historiæ circumstantia vel citatione errat, quia supponitur rem ut in se est, memoriæ ejus non occurrere; imo si sciens, Jeremiam citet pro Isaja, ut quandoque citatur Augustinus pro Hieronymo, quia in decursu sermonis non occurrit verum nomen, & turpe putat hic hærere, peccabit solum venialiter, ut sciatur omnes, sive quia non tam errat in doctrina quam in accidentibus ejus; sive quia nemini illud, quia norunt omnes lapsum hic esse facilem. Quod si quis certo sciat, ejusque memoriæ occurrat Deum aliquid hoc vel illo modo revelasse in Scripturis, & tunc sponte & de industria contrarium asserat & proponat, quacumque intentione id faciat, non erit a peccato mortali immunis, ut expresse tradunt Salmanticenses morales, qui iusto rigidiores esse non consueverunt.

Unum addo, eos qui variis ob Dei gloriam occupationibus alligati, conciones suas haud multum præparare possunt, ita ut æpius extemporaneam orationem habere cogantur, non esse facile negligentiae culpabilis arguendos, cum varia Scripturæ fragmenta citant prout occurrunt menti; atque ad ediscendos memoriter textus, quisæpe, eo, pro pronuntiandi sunt, instanti, elabuntur, multa majoris boni negotia omittenda essent.

Cæterum quæstio mox agitata, etsi in speciem sterilis & quasi insolita videatur, multarum tamen magni momenti resolutionum radix & origo est. Ex ea enim a paritate rationis concluditur, quid sentiendum sit 1. de vitiis oppositis iis virtutibus, quæ circa Deum immediate versantur; qualia sunt peccata odii in Deum, desperationis simoniz, perjurii, &c. 2. de iis, in quorum qualibet materia quantumvis levi, integra offensio- nis & irreverentiz ratio salvatur, ut in homicidio, fornicatione, confessionis sigillo, pollutione, jejuniis ad Eucharistiæ sumpcionem necessario, omissionem in formis Sacramentorum, 3. de transgressione præceptorum, quæ terminum indivisibilem præscribunt ut aliquid fiat, v.g. certam ætatem ad ordines suscipiendos, ad professionem emittendam &c. His præmissis, videndum, quibus modis præceptum negativum fidei violari censetur.

## PUNCTUM TERTIUM.

*Quis negativum fidei præceptum violare censeatur.*

**Q**UÆRES 1. an neget fidem, qui negat se esse Christianum.  
 R. affirmat, qui enim negat se esse Christianum, negat se credere in Christum; sed qui negat se credere in Christum, abnegat fidem Christi: unde Augustinus tract. 113. in Joannem: *Debemus advertere, inquit, non solum ab eo negari Christum, qui dicit eum non esse Christum, sed ab eo etiam, qui, cum sit, negat se esse Christianum.* Atqui hoc fuit crimen Petri, qui præ metu ter negavit se esse Christi Discipulum.

Eadem de causa, qui ab Hæreticis interrogatus sitne Papista, Pontificius, Romanista, negat se talem esse; fidem negare censendus est; quia negat se sectatorem Ecclesiæ Apostolicæ & Romanæ, quam Protestantés hîc nōminibus per contemptum designant.

Si tamen Christiani nomen politice sumeretur, non ad exprimendam Religionem, sed nationem, aut etiam nationis vitium, vel factionem: ut apud Indos, qui Christianorum nomine utuntur ut designent Hispanam Gentem, ipsis capitaliter invisam; & aliquando apud Turcas, qui eos quibuscum bellum gerunt, non proprio nationis nomine, sed per Christianorum nomen exprimunt; tunc non negaret fidem, qui negaret se esse Christianum: perinde enim faceret, ac si negaret se esse Hispanum, vel hostem eorum, a quibus interrogaretur. Ita Azor. tom. 1. l. 8. c. 27. Bonacina ibid. n. 4. Salmanticensis n. 97. Ethica amoris cap. 15. n. 204.

Neque etiam negaret fidem Monachus aut Sacerdos, qui etiam in odium fidei interrogatus, ut sit in Anglia, negaret se Monachum esse aut Sacerdotem; item, qui negaret se interesse Missæ, quia stat quempiam Monachum non esse, & esse Christianum. Ita cum aliis Ethica n. 205. Habert. pag. mihi 557. Idem docent Salmanticensis, qui addunt hoc fieri posse absque veniali, si subsit legitima ratio amphibologice loquendi; sed amphibologiarum & æquivocationum doctrinam alibi explosimus.

QUÆRES 2. an fidem neget, qui de Religione sua interrogatus, respondet se Turcam esse, aut Lutheranum.

R. affirm. non enim solummodo negat Catholicismum, cum neque Turcæ, neque Protestantés sint Catholici; verum etiam profitetur sectam Catholicitati essentialiter adversam.

QUÆRES 3. an licitum sit falsam fidem simulare.

Nota. Is dicitur falsam fidem simulare, qui absque ullo interiori consensu facit aliquid, quod hic & nunc natum est iis, qui præsentés sunt, significare eum falsam hanc fidem profiteri; ut si quis Idolis immolet, aut a Judæis circumcidi velit, aut cum Calvinianis cœnam recipiat.

R. simulationem falsæ fidei gravissimum esse scelus. Ita ceteri Theologi contra Adrianum in 4. tract. 1. de Baptismo q. 1. ar. 1. Lorcam, & alios quosdam.

Prob. 1. quia nunquam licet Christum erubescere, ejusque Religionem, etiam metu mortis negare coram hominibus: sed, qui falsam simulat Religionem, usurpando ejusdem ritus, adolendo, v. g. thus Idolis, erubescit Christum, cujus hosti palam & aperte sacrificat.

Prob. 2. non licet etiam exterius cultum tribuere dæmoni: sed qui Idolis thus adolet, exteriorem dæmoni cultum tribuit, ejus enim actio nihil aliud

aliud pro loco & tempore significat, nisi quod idem de Idolo sentiat, ac qui ipsum colunt: sicut locutio illius, qui dicit se Mahumetanum esse, solum exprimit eum de Mahumete idem sentire ac ejus sectatores.

Prob. 3. Quia nunquam licet mentiri, præsertim in rebus fidei & Religionis: sed qui exterius simulat falsam fidem, quam corde non gerit, mentitur in rebus fidei & Religionis, cum factis asserat, id quod intus detestatur. Hinc Eleazarus senex rogatus ab amicis, non ut manducaret, sed ut simularet manducasse, sicut Rex Antiochus imperaverat de sacrificii carnibus... respondit cito dicens, præmitti se velle in infernum; non enim ætati nostræ dignum est, inquit, fingere: ut multi adolescentium arbitantes Eleazarum nonaginta annorum transisse ad vitam alienigenarum, & ipsi propter meam simulationem & propter modicum corruptibilis vitæ tempus decipiantur, & per hoc maculam atque execrationem meæ senectutis conquiram. Hinc etiam Libellatici, ii nimirum, qui ne cruciarentur pro fide, vel ad Magistratus traherentur, numerata pecunia emant a Judicibus Libellos, quibus constaret eos ex Imperatorum præscripto Idolis sacrificasse, hi, inquam, fidem negasse existimati sunt, & gravissima affecti pœnitentia, ut videre est apud S. Cyprian. Ep. 15. 31. 52. & in tract. *De lapsis*. Non loquor de alia Libellaticorum specie, qui ne humana fragilitate deficerent, data Magistratui pecunia, ab eo obtinebant Libellum, quo, absque ulla sacrificii facti testificatione, prohibebantur Satellites latorem Libelli Religionis causa comprehendere: isti enim nihil illicitum perpetrabant, cum ut fuga, sic & pecunia vexationem iniquam removero licitum sit. Plura videris apud Suarem disp. 14. de fide, sect. 4. Lugo disp. 14. sect. 5. n. 115.

Objiuntur varia veteris & novi Testamenti exempla, e quibus colligere est licitum aliquando esse falsam simulare Religionem. 1. enim Naamaan ab Idololatria ad fidem conversus, adorabat scilicet Idolum in Templo Remmon: atqui tamen nihil unquam in hoc fecit mali, cum ageret sciente & approbante Eliseo. Major & minor constant ex 4. Reg. c. 5. *Hoc solum est, verba sunt Naaman ad Eliseum, de quo deprecereis Dominum pro servo tuo: quando ingreditur dominus meus Rex Syriæ, Templum Remmon, ut adoret, & illo innitente super manum meam, si adoravero in Templo Remmon, adorante eo in eodem loco, ut ignoscat mihi Dominus Deus servo tuo pro hac re. Dixit autem Eliseus: Vade in pace*, id est, nullum in ea re scrupulum habeto, seu esto securus, ut exponunt Interpretes. 2. Jehu ibid. c. 10. palam testatus est se velle colere Baal amplius, quam Achab, eique sacrificium grande offerre: atqui simulationem hanc falsi cultus non redarguit Deus, sed laudavit his verbis: *Studiose existi, quod rectum erat, & placebat in oculis meis*. 3. Act. 16. S. Paulus circumcidit Timotheum; & c. 21. purificavit se ritu mosaico: atqui hæc fieri non potuerunt sine simulatione Religionis mosaicæ, quæ jam tunc rejecta erat. 4. multi Sancti ut Idola everterent, polliciti sunt se se iis esse sacrificaturos; ut videre est apud Surium ad diem 9. Januarii, & Fehrmarii. Porro si licita fuit facta falsi sacrificii promissio, quidni & ejusdem facta executio? sed hæc non nocent; unde

Ad 1. non una est omnium responsio. 1. enim censent aliqui actionem Naaman fuisse illicitam, utpote quæ esset externa Idololatriæ professio; quapropter hæc Elisei verba, *Vade in pace*, approbativa fuisse negant, sed solum tolerativa, quia Naaman recens conversus non poterat statim tantam portare correptionem; unde infirmitati ejus consulens Propheta, negative se habuit, donec commodiori tempore eum admoneret, quid sibi facto opus esset:

Ita

ta Valentia disp. 1. de fide q. 3. punct. 2. Idem docet Contenson. tom. 2. l. 7. dist. 7. c. 2. p. mihi 67. fol. Verum id Prophetæ, *Vade in pace*, alio & quidem novo modo explicat, cum ait Eliei verba non significare actionem Naaman a peccato vacare, sed eum hujus peccati remissionem consecuturum esse. Hæc explicatio, si a me capitur, stupendū aliquid habet, eumque Prophetæ verbis sensum affingere videtur: *Vade*, pecca in pace, quia Deus condonabit tibi.

2. Alii, quibus etiam actio Naaman illicita apparet, pressi Prophetæ verbis, quæ ad pacandam Naamani conscientiam prolata videntur; & aliunde non concipientes quomodo Eliseus in re tanti momenti dissimulare potuisset, præsertim cum homine tam pie disposito, ac Naaman; aliter hunc Scripturæ locum explicant, & dicunt, Naaman non petere licentiam pro futuro, sed indulgentiam pro præterito; seu petere ut indulgeat sibi Deus, eo quod olim una cum domino suo adoraverit in Templo Remmon. Hunc porro sensum ex hebræo & chaldaico textu sponte & facile colligi afferunt eruditi hujulce responsionis auctores, de quo ad P. Calmet dissert. in hunc locum, ubi suam hanc opinionem, non solum Bocharti, sed & aliorum duodecim nostris infimi nominis Scriptorum testimonio confirmat. Addit idem, petitionem Naaman pro futuro intelligi non posse, quin idem Naaman Idololatriæ, Eliseus vero conniventis indecentis consensu habeatur. Hæc responsio difficultatem tollit, sed id habet dari, quod & vulgaræ Versioni, & Interpretibus Catholicis pene omnibus repugnet.

3. Demum alii omnino negant Naaman fuisse adorasse in Templo Remmon, voluntque eum solummodo civilem & politicum cultum exhibuisse, non Idolo, sed Regi, cujus manum de more sustinere non poterat, si, Rege steciente genu, ipse rectus pedibus stetit. Neque magis, inquit, dici potest Naaman Idolum fuisse adorasse, aut adoranti domoo cooperatum esse, quam impietati domini aut domine suæ cooperentur ancillæ vel servi, qui nudo capite Synagogam, aut Idolorum Tempia ingrediuntur, & caudam dominorum deferentes, variis eorum motibus, intra & extra Templum, se se accommodant, sicque ad eos velut mechanice & per accidens se habent: atqui isti non peccant secluso perversionis aut scandali periculo; ergo neque etiam peccavit Naaman, qui nec subversionis periculum subibat, nec cuiquam poterat esse scandalo: eo quod utique palam profiteretur se non Idolorum, sed solius veri Dei cultorem esse, prout non clanculum, sed coram toto comitatu suo promiserat Prophetæ, dicens: *Non faciet ultra servus tuus holocaustum aut victimam Diis alienis, nisi Domino*. Solutionem hanc confirmat Cornelius a Lapide auctoritate Tertulliani, qui lib. de Idololatria cap. 15. sub finem sic habet: *Utinam nec videre possimus, quæ facere nobis nefas est. Sed licetbit adesse in quibusdam, quæ nos homini, non Idolo, officiosos habent.... Si propter sacrificium vocatus assitam, ero particeps Idololatriæ; si me alia causa conjungit sacrificanti, ero tantum spectator sacrificii*. Ita locum hunc solvunt Abulensis, Cajetanus, Lyranus, Bernus, Lugo, & alii, quos sequuntur Habert & Henricus a S. Ignatio tom. 2. pag. 127. & 147. quibus adhærendum puto.

At, inquires, hæc actio Naaman usque adeo peccatum erat, ut pro ea veniam a Deo deprecaretur; neque id erroneæ ejus conscientię imputandum est, aliqui Propheta scrupulum ejus sustulisset, quod non fecit.

R. Concipi non posse, quo pacto Naaman petierit veniam peccati, cujus denuo committendi propositum servabat: sensus ergo verborum ejus ex Eliei responsione deprobi debet. Cum itaque responderit Propheta, *Vade in pace*, idest,

id est, noli ea de re turbari, neque enim hæc agendi ratio tibi ad culpam imputabitur a Deo; verba Naaman non debent haberi ut petitio veniæ pro crimine deinceps committendo, sed ut quædam interrogationis species, an in talibus circumstantiis peccaret, suum, ut antea, ministerium exhibendo Regi Syriæ, sed animo plane, & quidem palam & evidenter disparti.

Ad 2. duplex est responsio. Nam 1. censent aliqui Jehu excusari posse ob ignorantiam, ex qua putabat id omne, quod egit, licitum esse ob bonum finem; quæ quidem ignorantia in viro militari, & parum versato in rebus divinis facile potest tolerari. Ita Mauden discursu 7. in 1. præceptum Decalogi. 2. alii Jehu gravis peccati accusant. Ita S. Th. 2. 2. q. 111. a. 1. ad 2. his verbis: *Simulationem Jehu non est necesse excusari a peccato, vel mendacio, quia malus fuit, usque ab Idololatria Jeroboam non recedens, ut patet ex eod. c. commendatur tamen, & temporaliter remuneratur a Deo, non pro simulatione, sed pro zelo, quo destruxit cultum Baal.* Eadem est solutio S. Augustini L. contra mendacium, cap. 2.

Nec dicas cum Delugo, qui hanc gemini Ecclesiæ Solis responsum impugnat, Jonadab filium Recab, virum egregie sanctum, non permissurum fuisse Jehu hæc infidias, & fraudes, si illicitæ fuissent; qui tamen non permisit modo, sed & totius artificii Jehu particeps fuit.

Disp. 4. a.  
12. 1.

Nam 1. Rechab vir sanctus, metu viri ad malum perinde, ac bonum parari, peccare potuit. 2. interfuit quidem Rechab occisioni Sacerdotum Baal; sed probari non potest eum cognovisse iniquas vias, quibus ad actionem hanc se præparavit Jehu, multo minus approbasse. 3. si cognoverit, potuit ex circumstantiis conicere, se, si resisteret, operam lusurum, & mali forte majoris causam futurum.

Ad 3. neg. min. quia quo tempore Moïsaicos ritus exercuerunt Apostoli, lex verus mortua erat, nondum autem mortifera, de quo vide, quæ dixi ubi de legibus cap. 4. art. 2. sect. 9.

Ad 4. vel dicendum est cum quibusdam, eos Sanctos materialiter peccasse, & iis ob bonam, in qua erant, fidem, suam hanc dissimulationem imputatam non fuisse: vel dicendum cum aliis, Sanctos illos non simulatorie, sed ironice locutos fuisse, idque ex circumstantiis potuisse colligi, ita ut ii solum ex eorum verbis decepti sint, qui decipi voluerunt. Sic non dissimulanter, sed ironice dixit Deus Genes. 3. *Ecce Adam quasi unus ex nobis*: sic & ironice dixit Michæas ad Achab 3. Reg. 22. *Ascende, & vade prospere contra Ramoth Galaad, & tradet eam Dominus in manus tuas.*

Ex modo dictis colliges 1. eos gravissimi peccati reos fore, qui coram Idolo genuessetent, aut thus adolerent, tamen si suam hanc actionem, vel ad Deum, vel ad Crucifixum sub veste sua, vel aliena absconditum dirigerent.

Colliges 2. eos etiam peccare, qui ut heretici aliorum sensus deregant, simulant se eandem cum ipsis habere fidem: Si enim, ait Aug. ib. c. 7. *si aliter omnino non possit educi de cavernis suis hæretica impietas, tolerabilius in suis foveis delitescerent vulpes, quam propter eas capiendas, in blasphemiam foveam cadere venatores.* Nam si propterea iusta sunt... mendacia, quia hoc animo fiunt, ut Heretici occultati detegantur, poterunt isto modo, si eodem animo fiunt, casta esse adulteria.

Colliges 3. non eos solum peccare, qui dissimulant in materia fidei, sed & eos etiam, qui dissimulant in materia morum, quales sunt 1. Confessarii, Concionatores, Pastores, Theologiæ Magistri, & tot hodie Ecclesiastici, qui Magnatum domos frequentant, & mensas aucupantur, quique de arcta Cœli via convicti, metu tamen mundano, sanctam Evangelii severitatem mitigant, viam justo latiore aperiunt; atque ut omni, qua possunt, arte, pœnitentibus favent, eadem in praxi rejiciunt principia, quæ specu-

lative admittunt . 2. tot utriusque sexus , & omnis conditionis personæ , quæ doctrinam Christi non confitentur in iis circumstantiis , in quibus confitenda est , puta cum ab impiis facto aut verbo impugnatur ; aut quæ irrisiōis aut contemptus timore , quæ meliora vident , & probant , in praxim reducere non audent ; quæ spectaculis , & choreis interfunt , ne consuetudini resistere videantur ; quæ ornamentis indecentibus uruntur , vestes parum modestas gerunt , liberiora in gracili castitatis materia verba proferunt , aut proterentibus arident , ne verbum quidem pietatis coram mundanis hominibus effundunt . Hi utique , cum non ex prudentia , sed ex mollitie muti remanent , Christum erubescunt , si non ut magistrum fidei , certe ut magistrum morum , quod utrumq; prohibuit salvator his verbis : *Qui me erubuerit , & sermones meos , hunc Filius hominis erubescet* . Christi enim sermones ut ad fidem , sic & ad morum directionem pertinent .

Colliges 4. circumfessionem esse nunc ellicitam , non solum si exerceatur ut actio sacra , in quod conveniunt omnes , sed etiam si assumatur ut mortificatio carnis , ut pluribus contra Cajetanum 3. part. q. 37. art. 1. Medicinam in 1. 2. q. 103. art. 1. ad 5. ostendit Suarez 2. tom. in 3. p. q. 37. a. 1. Lugo disp. 14. n. 145. Unde Abissini ; qui circumciduntur , ab hoc ritu desierunt , cum fidem catholicam amplexi fuere ; neque ad eum reversi sunt , nisi cum ad errores suos redire .

Quæres 5. an fidem dissimulare censeatur , qui infidelium vel Hæreticorum vestibus aut signis utitur .

Pro solutione nota vestes triplici modo esse posse Infidelium proprias . Aliæ propriæ sunt Infidelium , non ut sunt infideles , sed ut sunt natio quædam , quæ sic vestiri consuevit , & quæ licet fidem Christi amplecteretur . suam tamen indumentorum formam retineret . Aliæ propriæ sunt Infidelium , prout formaliter sunt Infideles ; & hæc in duplici sunt differentia . Nam quædam ex iis perse & primario institutæ sunt ad professionem falsi cultus & falsæ Religionis , quales sunt vestes , quibus Templis uruntur Pseudosacerdotes Infidelium , quæque indumentis nostris sacerdotalibus respondent : quædam licet ad falsi cultus professionem non ordinentur , ordinantur tamen ad distinguendos homines unius sectæ ab aliis , seu ad designandam partem multitudinis , quæ falsam Religionem tenet ; tales sunt vestes , quæ Clericalibus nostris vel Monachalibus respondent apud Mahumeritanos , ibi enim ut Martyres , sic & Religiosos suos habet diabolus . Talis etiam esse videtur pileus flavus , aut ejusdem coloris velum , quo uti Romæ coguntur Judæi , & Judææ mulieres , sive ut a Fidelibus dignoscantur & caveantur , sive ad finem politicum , pacis , v. g. facilius servandæ , tributi exigendi &c. His positis

R. 1. Non licet ad occultandam fidem uti Infidelium vestibus . per se primo institutis ad Idoli cultum , aut quamcumque aliam falsæ fidei professionem . Ita Azor. tom. 1. l. 7. c. 6. Becan. c. 9. q. 5. n. 37. Cajetan. in Summa v. *Habitus* . Navarr. Tolet. N. Alexander art. 8. reg. 18.

Ratio est , ex S. Thoma 2. 2. q. 112. art. 1. *non refert utrum aliquis , verbo , vel quocumque aliquo facto mentitur , & fidem abneget* : sed qui utitur vestibus ad falsæ fidei professionem institutis , mentitur facto . Ideo enim , qui hujusmodi vestibus utitur , juxta adversarios non mentitur facto , quia vestes , quas assumit , sunt indifferentes , & ad corporis tegumentum , perinde ac ad malæ Religionis professionem assumi possunt : atqui hæc ratio nec valet , nec vera est . Etsi enim vestes independentem a consuetudine , & institutione indifferentes censeri debeant , posita tamen institutione omnibus no-

ta ,

ra, jam cessant esse ex numero indifferentium; sicut voces licet institui poterint ad aliud significandum, quam id, quod significant, posita tamen institutione usu confirmata, non possunt moraliter alio accipi sensu, quam quod ab omnibus usurpantur. Unde sicut magni scandali reus esset, qui diceret se adorare Baal, cujus nomine Deum verum tacite intelligeret; sic & in casu proposito magni conscius esset peccati, qui sacerdotalibus Judæorum, aliorumve Infidelium vestibus uteretur, quia non minus hoc facto Judæum se, vel Turcam diceret, quam si id exprimeret verbis.

Confirm. 1. quia adolere thus Idolo est aliquid indifferens, unde & sine peccato fit in Comœdiis: atqui tamen, qui thus adolat Idolo in circumstantiis, in quibus hæc actio ad falsæ Religionis professionem determinatur, immanis culpe reum se facit: ergo & qui in isdem circumstantiis assumit prædictas vestes.

Confirm. 2. quia, qui videret hominem hisce vestibus indutum, prudenter judicaret eum a vera fide ad falsam defecisse: atqui non potest quiquam sine gravi peccato dare alteri occasionem tale judicium ferendi: ergo.

Dixit non licere ad occultandam fidem: licitum enim esse potest ad occultandam v. g. nuditatem, si quis a latronibus propria veste spoliatus fuisset; tunc enim evidens foret hæc vestes, quæ immediate corpus afficerent, non autem aliis super imponerentur, ut moris est, spectari materialiter ut corporis tegumenta, non formaliter ut cultus sacrilegi instrumenta.

R. 2. neque etiam licitum videtur uti vestibus institutis ad distinguendam, non diconationem a natione, sed sectam a secta. Ita apud & contra Salmanticenses, Cajetanus 2. 2. q. 3. art. 2. S. Antonin. 3. par. tit. 12. c. 6. Navarrus, & alii multi contra multos.

Ratio est 1. quia fidem negare censetur, qui dicit se talis esse sectæ & Religionis, v. g. se Judæum esse vel Musulmanum: sed qui utitur vestimentis sectæ hujus propriis, v. g. qui gestat pileum flavum iis in locis, ubi soli Judæi tali pileo utuntur; item, qui albam fasciam seu tobaliā, gallice *Turbā*, assumit in ea regione, ubi, qui tali utitur, ab omnibus accipitur pro Musulmano, palam dicit & testatur, non quidem verbis sed factis, se Judæum esse vel Musulmanum; nec est quispiam, qui prudenter non judicet eum, quem cum talibus signis obvium habet, non esse Christi discipulum, sed hostem infensissimum.

Confirmatur: Nam ex hypothesi signum hoc distinguit Infidelem qualem a Fideli: atqui non potest Infidelem distinguere a Fideli, quin significet eum, qui tali signo utitur, esse Infidelem. Porro nemini unquam licet exhibere se ut Infidelem: ergo.

R. 3. licitum est Christianis apud Infideles degentibus assumere vestes, quibus natio uti consuevit, quæque non sunt infidelitatis, sed nationis characteres.

Ratio est, quia, ut bene docet Contenson ubi supra pag. 68. exigit prudentia Christiana, discretio, & charitas, ut, semoto scandali periculo, iis in victu & vestitu conformemur, quibuscum degimus, juxta receptum id: *Cum Romæ fueris, Romano vivito more.*

Obijciuntur quatuor contra secundam responsionem. 1. licitum est Religioso per Hæreticorum terras transeunti, aut apud eos commoranti, habitum suum dimittere, ut fit in Anglia; ergo & licitum est Christiano cuilibet Infidelium vestes gerere. 2. potest secularis, ut e Prætoris manibus effugiat, Monachi habitum inducere, absque eo quod censeatur monachalem statum profiteri: ergo poterit, ut incolumis per Hæreticorum loca transeat, vestibus eorum sectæ propriis uti, absque eo quod falsam sectam protestari censeatur.

seatur. 3. licitum est exploratoribus, vulgo *Espions*, uti lingua, & signis infidelium; licitum quoque est Christianis contra Turcas dimicantibus, eorum vexilli uti, ut eos capiant, aut ne ab iis capiantur: ergo a pari. 4. si pileus, quo utuntur Judæi; esset falsæ fidei protestativus, peccarent, qui eum ferre præcipiunt, cum illicitum sit quempiam ad falsæ Religionis protestationem inducere.

R. Ad 1. neg. consequ. licitum enim est fidem aliquando celare, cum nulla est ejus confitendæ obligatio, & hoc solum facit Religiosus habitum mittens: at nunquam licitum est fidem negare, aliusve præbere causam existimandi nos ab ea recessisse. Porro, qui Infidelium vestibus sectam ut sectam proficientibus utitur, negare videtur fidem, idque judicabunt viri etiam sapientes, qui eum hujusmodi vestibus indutum viderint.

R. Ad 2. eos, qui viderint hominem communibus S. Benedicti vestibus indutum, non aliud judicare posse nisi eum esse Benedictinum: ergo a pari, qui viderint hominem in loco, ubi plures sunt Judæi, proprio sectæ illius pileo coopertum, naturaliter existimabunt eum esse Judæum, ac proinde vel fidem non habere, vel fidem abnegasse: unde in posteriori casu grave est peccatum, in priori aliquid esse videtur sinceritati oppositum. Excusat tamen S. Thomas mulierem, quæ utitur veste virili, propter aliquam necessitatem, vel causam se occultandi ab hostibus, vel propter defectum alterius vestimenti, vel propter aliquid aliud hujusmodi; imo quæ ex levitate sola habitum mutat, secluso tam scandalo, quam intentione ac periculo libidinis, peccati solum venialis conscia est ex Sylvio ib.

R. Ad 3. cum S. Thoma hic q. 40. a. 3. infidias, quibus annuntiatur falsum hostibus, sive dicto, sive facto, illicitas esse; non item eas, ex quibus falluntur hostes, quia eis *propositum aut intellectum nostrum non aperimus*. Quæ S. Doct. verba explicans Sylvius, ait eos peccare in libello, qui habent animum significandi exterius id, quod revera non est; non eos item, qui solum occultare volunt quid in mente consilioque versent, etiam si sciant hostes inde decipiendos esse. Addi forsitan posset, non committi dolum mendacem ab eo, qui jam ab initio monet, se navaturum esse operam ut alteri de improvviso interveniat; sicut non sibi videbatur mentiri, qui historiam narraturus, in hunc præfabatur modum: Audite; ena capite ad calcem mentiar. Porro quotquot ad pugnam vel obsidionem se accingunt, ipsa sua hostium conditione palam admonent, se omni, quo poterunt dolo, & calliditate usuros esse, ut inimicis fucum faciant, eosque opprimant in cautos; ubique enim receptum est istud: *Dolus an virtus, quis in hoste requirat?* His positis dato antecedente, neganda est consequentia. Qui enim signum sectæ infidelis, quæ talis, proprium gerit, non solum Religionem suam celat, sed & virtualiter profitetur falsam, absque eo quod quispiam prudenter judicare possit eum a fide non recessisse: qui vero varios in acie morus fingit, nihil molitur, quod hostibus ambiguum & suspectum videri non debeat.

R. Ad 4. neg. maj. etsi enim peccet, qui ut ad falsam Religionem impellat, ejus signa palam præferri præcipit, non tamen, qui eadem signa ferri jubet ab hominibus in errore confirmatis, ut Fideles ab eorum consortio sibi caveant, & non seducantur; nam Republicæ interest cognoscere malos.

Quæres 5. an Hæreticorum vel infidelium Tempia adire liceat, eorumque concionibus vel cœremoniis interesse.

Supponunt communiter Doctores id esse licitum. 1. in casu necessitatis, ut si quis in Templum se recipiat, sive ut ab inclementia cœli, sive ut ab hostibus se tueatur. 2. in casu obsequii, ut si servus vel ancilla herum vel domini ad Templum comitari teneatur; modo tamen, ait Maunden disc, 8. non possint



possint id effugere sine gravi incommodo, & ita se gerant ut solum dominis suis, non autem Hæreticorum ritibus reverentiam exhibere videantur. 3. in casu publicæ utilitatis, ut si negotium aliquod hic tractandum sit absque ordine ad cultum loci.

Supponunt etiam omnes, si immineat periculum seductionis aut scandali, licitum non esse Hæreticorum concionibus interesse; e contrario licitum id esse doctis, ad detegendos & confutandos Infidelium errores: tum quia assistentia hæc non est falsæ fidei professio; tum quia id docet communis virorum etiam timoratorum praxis, ut notat Becan. c. 9. q. 5. n. 16. Tota igitur questio eo reducitur, an peccent, qui sola curiositatis causa, Judæorum Synagogas, Hæreticorumve Tempia ingrederentur, eorumve concionibus interfessent; ad quam

R. 1. Non eodem arguendi sunt modo, qui curiositatis causa Infidelium Tempia ingrediuntur, quam qui concionibus eorum interfunt. Ratio est, tum quia in uno nullum, in alio magnum esse potest periculum subversionis; tum quia Infidelium Tempia invisuntur sicut ædes prophanæ, ob architecturæ elegantiam, ædium amplitudinem &c.

R. 2. non possunt plebeji indocti sine peccato Hæreticorum conciones audire; imo peccatum hoc est mortale, saltem si pluries iisdem concionibus interfint.

Ratio primæ partis est, tum quia curiositas illa præcise sumpta, cum nulla ratione innitur, virum Catholicum non decet; tum quia sæpius aliquid habet periculi, unde sæpius fieri potest ut mortakiter peccet etiam, qui semel tantum iis concionibus interest, puta si iis intersit, qua die prævidet futurum ut Hæretici contra præsentiam realem, aut alia, in quibus a nobis dissident, fidei capita, insurgant; item si intersit, incertus, quæ materia in concione tractanda sit, quia exponit se periculo gravi. Non arguerem tamen peccati gravem eum, qui concionem audiret, cum certus est nihil ibi agitandum esse, nisi quod in Catholicorum Cathedralis tractari consuevit; & qui solum animadvertere vellet ritum, ut ita loquar, & methodum, quam luisia concionibus sequuntur Hæretici. Et hæc quidem omnia, ut opinor, ex circumstantiis loci & personæ, sive loquentis, sive audientis æstimanda sunt.

Ratio secundæ partis est, quia, ut bene notant Sanchez lib. 2. Summæ c. 4. n. 26. Salmantic. ibid. n. 123. Coninch &c. qui frequenter Hæreticorum Tempia ad audiendas eorum conciones ingreditur, & gravi se exponit periculo, quia corumpunt bonos mores colloquia prava: & aliis grave scandalum ingerunt, cum prudenter judicetur Hæreticus, aut Hæreticorum amator.

Quæres 6. quid faciendum si Princeps hæreticus, ut suam promoveat vel honoret Religionem, præcipiat Catholicis ut Hæreticorum Tempia adeant, concionibus eorum aut precibus adstituri.

R. Moriendum potius esse, quam impio huic edicto parendum. 1. ob periculum seductionis. 2. ob scandalum. 3. ob triumphum, quem ex hoc Catholicorum concursu reportare solent Hæretici. 4. ob definitionem Pauli V. qui consultus a Catholicis Angliæ, an tali Regis sui edicto obsequi possent, his respondit verbis: *Non licet vobis hæc facere sine detrimento Dei cultus, & vestra salutis*. Atque hæc opinio ubique recepta est, eamque late & erudite versavit Suares in defensione fidei, l. 6. c. 9.

Quæres 7. an liceat Hæreticorum Tempia ingredi ad participanda cum eis, seu ad recipienda ab eis Sacramenta. Questio procedit solum de casu necessitatis; & quidem de casu, in quo nullum est periculum seductionis.

Respondet Becan. c. 9. q. 5. n. 18. 1. licitum non esse a Calvinianis aut Lutheranis

fanis Eucharistiam recipere, quia vel non habent verum Sacramentum; ex defectu Sacerdotum; vel si veros aliquando Sacerdotes habent, quod rarum est, specialem circa hoc Sacramentum errorem habent, Calvinianis præsentiam realem, Lutheranis transsubstantiationem negantibus. Hæc ultima ratio nonnihil habet difficultatis; nam in casu necessitatis licitum erat recipere Baptismi Sacramentum a Pelagianis, qui tamen speciali circa Baptismum errore laborant. Ut ut sit de hac ratione, haud cenleo licitum esse Eucharistiam recipere a Græcis & Armenis, licet idem nobiscum de hoc Sacramento sentiant. Si quis tamen in eorum Ecclesiis occurrat, dum post consecrationem corpus Christi evelant, utique debet ipsum adorare, sicut & ibidem imagines Sanctorum, qui in Ecclesia Romana coluntur, venerari: neque enim sic approbat cultum catholicum, sed cultum Catholicis & Schismaticis communem. Addit Azo. t. 1. l. 8. c. 11. q. 10. Latinos, qui cum Græcis & Armenis permixti vivunt, si eorum Missæ interfint, Ecclesiæ præcepto facere satis, quia Græci, licet sint Schismatici notorii, non tamen vitandi sunt, quia non sunt denunciati; ritus vero Græcanici, juxta quos Sacra celebrantur, catholici sunt & traditi a SS. Patribus Basilio, Chrysostomo &c. aliunde, inquit, non præcipit Ecclesia ut rem divinam audiamus hoc illo ritu, sed ritu legitimo, quisquis ille sit. Hæc licet speculative veri videri possint, in praxi tamen admodum difficilia sunt.

Respondet 2. idem Becan. Baptismum cum a Catholicis haberi non potest, a quibuscumque Hæreticis exigi posse; est enim eorum Baptismus idem cum nostro, nec institutus est ad cultum falsæ, sed veræ Religionis. Porro necessitas, quæ permittit ut Baptismus postuletur ab Hæretico, ad minus tanta esse debet, quanta sufficeret ut peteretur a Laico, juxta Card. Delugo ibid. n. 161. quod tunc dumtaxat verum puto, cum Baptisma ab eis requiritur Hæreticis, qui schisma cum hæresi jungunt, sequæ ab Ecclesia Romana separaverunt, ut Protestantes & Græci; & tunc verum etiam videtur, quod docet idem Lugo, fieri aliquando posse ut Baptismi a Græcis susceptio, censeatur communicatio cum iisdem in Religione & in secta. Tunc autem, inquit, etiam in casu necessitatis conandum potius esset adulto per contritionem justificari, quam hunc exercere actum communicationis in ritu; nisi ante præmissa protestatione, quod in ritu communicare nolit, sed solum ut jure suo ob necessitatem.

Expendit ibid. pluribus Lugo, an Catholici Hæreticorum patrini esse possint, & vicissim; an infantes nutricibus hæreticis committi valeant; an possint Catholici cum Hæreticis matrimonium contrahere; an eorum nuptiis vel funeribus interesse, quæ omnia ex principiis in Tractatu de Baptismo & Matrimonio positis a D. Tournely facile resolvi possunt.

Quæres 8. an efus idolothytorum, seu ciborum Idolis immolatorum vel consecratorum, importet cultum & professionem falsæ Religionis.

R. Non importare per se: unde his cibis uti licet cum nec scandali quidquam timendum est, nec ulla apparet ethnicæ cooperationis species.

Ratio est 1. quia licet uti cibo de se indifferenti, præsertim cum gravis urgeat necessitas: atqui idolothyrum est cibus de se indifferens; cum nec ullam in circumstantiis prædictis habeat ad Idolum relationem; nec Idolum, quod *nibilest*, quidquam immunditiæ ei communicare possit. 2. quia quæstionem hanc solvisse videtur S. Paulus 1. Cor. 10. his verbis: *Si quis vocat vos Infidelium ad mensam, & vultis ire, omne, quod vobis apponitur, etiam idolothyrum, ut patet ex contextu, manducate, nihil interrogantes propter conscientiam .. Si quis autem dixerit: Hoc immolatum est Idolis, nolite*

man-

*manducare propter illum, qui indicavit, ne ei scandalum præbeatis; & propter conscientiam .. non tuam, sed fratris tui: atqui hæc verba supponunt idolothyti comestione non fuisse malam & illicitam. Nam qui dubitat an actio, quam eliciturus est, mala sit, eandem facere non potest, sed antea debet dubium deponere: porro Christiani, qui ad Infidelium mensam vocabantur, suspicari legitime poterant apponenda sibi esse idolothyta, nec tamen dubium illud expendere tenebantur. Et vero non vetat Apostolus ne idolothyta comedantur, nisi cum comestio hæc aliis scandalo & offendiculo esse potest: Videte, inquit, ne forte hæc licentia vestra offendiculum sit infirmis; ergo supponit eandem de se non esse illicitam.*

Obijciuntur tria, 1. auctoritas S. Augustini lib. de bonit. conjug. c. 16. & Epist. 47. alias 154. ubi interrogatus S. Doctor an satius esset fame mori, quam vesci idolothyto, respondet: *Si certum est esse idolothyrum, melius christiana virtute respuitur.* Porro non loquitur hic Augustinus de casu in quo sit scandalum, cum supponat nullum alium hominem adesse, qui illo facto offendi possit: ergo vesci idolothytis non est res adiaphora, seu indifferens, sed de se mala, ait Curcellæus diatrib. *De esu sanguinis* c. 9. pag. mih. 968. edit. fol. 2. auctoritas S. Leonis magni Epist. 79. cap. 5. ubi eos *penitentia satisfactione* purgandos esse decernit, quos *sive terror sive fames, ad edenda immolati impulerit.* 3. varia Historiæ Ecclesiasticæ capita ex quibus liquet Christianos maluisse mori, aut mortis periculum subire, quam immolari vesci. Sic celebratur in Martyrologio Romano ad 11. Martii & 28. Aprilis, plurimorum Martyrum memoria, qui noluerunt immolatiitias carnes comedere. Sic etiam cum Julianus Apostata cuncta cibaria *venum publice in foris exposita, sacrificiis Diis immolatis infecit, ac polluit, ut sic Fideles Urbis C. P. omnes cogerentur vesci cibis immolatiitiis, nisi fame confici vellent, nemo is ad victum uti ausus est, sed loco panis, usi sunt omnes cocto frumento,* prout refert Nestarius Archiep. C. P. in Orat. Quadrages.

R. ad 1. vel Augustinus consilium dat; non autem præceptum, ut insinuant hæc ejus verba: *Melius christiana virtute respuitur;* vel si præceptum imponit, de iis intelligi debet circumstantiis, in quibus idolothyti manducatio, ex infirma manducantis conscientia reputatur quædam colus Idolorum approbatio, prout satis communiter Augustini tempore reputabatur. Quia & sentiunt nec pauci, nec ignobiles Theologi, peccaturum, nisi excuset zelus & bona fides, qui hoc in casu ab idolothyti abstineret. Vide Vasquem in 1. 2. disp. 162. n. 32.

Confirmatur hæc solutio 1. quia docet ibid. Augustinus: *de vesci Idolorum nihil amplius nos debere observare, quam, quod præcipit Apostolus:* atqui Apostolus idolothytorum usum non prohibet, nisi fiat cum aliorum scandalo, aut infirma conscientia. 2. quia, ut bene docet Augustinus, licet sint complures, qui *Sacra faciunt soli, non tamen ob ejus luceati veremur; & licet inveniantur, qui victimas immolant Pentis, nihilominus iis in nostris navigationibus utimur.* Porro fidiis Gentium uti licet, quidni uti liceat carnibus iisdem immolatis, cum nec propria nostrum, nec aliena offenditur conscientia?

Ad 2. eadem est solutio: ideo enim captivos illos, qui idolothyta comederant, peccasse censet S. Leo, quia supponit id factum fuisse iis in circumstantiis, in quibus hæc comestio licet metu vel fame extorta, in exteriorum Idolorum cultum redundabat.

Ad 3. Martyres ab immolatiitiis pie & laudabiliter abstinerunt; quia non alio fine iis vesci cgebantur, quam ut decemones honorare viderentur.

Ad aliud factum, detestantur quidem Christiani Constantinopolitani idolochyta comedere in odium Juliani, & summam Idolorum detestationem; at iis cibis secluso scandalo uti potuissent, ut usi sunt Antiocheni, apud quos cum *panes, carnes, olera item, ac poma, cuncta denique cibaria, lustralis aqua* aspersa fuissent, *debant tamen*, ait Theodoret. l. 3. Histor. Eccles. c. 15. *obtemperantes legi Apostolica dicenti: Omne quod in macello venundatur, comedite.* Neque in eo peccabant, ut liquet ex citato textu, & docet Baronius ad an. Christi 362. n. 126. quia: *qui manducat, Domino manducat* &c. Et vero an quia fontes, tum qui in urbe, tum qui in suburbano Daphnensi erant, abominandis sacrificiis inquinaverat Julianus, jam ex iis aquam haurire & epotare non poterant Antiochenes? Numquid quia Atheniensis ager Minervæ consecratus erat, probabile est Paulum dum Athenis degeret, ejusdem fructibus vesci noluisse? Profecto hac arte paucos intra dies, omnibus dæmonio consecratis, sicque contaminatis, Christiani ad inedium adacti fuissent.

Quæres 9. an Catholicis inter Hæreticos degentibus licitum sit diebus prohibitis carnes edere, ne ab Hæreticis agnoscantur, & agniti morte aut gravi poena plectantur.

Not. duo supponit quæstio. 1. id extra casum necessitatis illicitum est, quia semper & ubique obligant Ecclesiæ præcepta, cum sine gravi incommodo servari possunt. 2. id nunquam esse licitum in casu, in quo id præciperet Tyrannus in contemptum veræ Religionis; quia divina & naturali lege Religionis contemptum etiam cum propriæ vitæ periculo vitare tenemur.

Nota iterum: multiplex est eadem Theologorum opinio. Alii carniū comestionem licitam esse putant apud Infideles. Ita Azor. l. 7. c. 29. Becan. c. 9. n. 22. Lugo d. 14. n. 104. Salmantic. n. 129. & 130. 1. quia licet carniū esus aliubi, ut in Anglia, ad falsæ fidei professionem institutus sit, non excidit tamen a primaria sua ordinatione, quæ ipsa est corporis sustentatio. 2. quia si Hæretici instituire possent ut fidem ejurare censeretur, qui comederet carnes, idem instituire possent de eo, qui pisces, caseum, panem, & quodlibet aliud comederet, unde vel neganda esset fides. vel pereundum fame. 3. quia comestio carnis in nulla circumstantia esse potest fidei falsæ professio, cum multi ex Catholicis carnes comedant, sive ratione occulti, quo laborant, morbi, sive ex gula.

Alii tamen ex adverso pugnant, eamque carnis comestionem illicitam putant, ob rationes in secunda responsione afferendas. Ita Valentia tom. 2. disp. 7. q. 5. punct. 6. §. 4. p. mihi 972. Sylvius 2. 2. q. 3. ar. 2. Concl. 3. Henricus a S. Ignatio de fide c. 15. His postis

R. Si ejus carniū sit solum omisso confessionis fidei, licitum erit vesci carnis, cum non obligat præceptum fidei profuturæ: si vero idem esus importet falsæ fidei professionem, plane illicitus erit. Ratio primæ partis est, quia sicut non peccat Religiosus, qui habitum suum dimittit, quia non negat, sed solum tacet se Catholicum esse, quod aliquando licitum est; sic nec peccat, qui in eadem suppositione carnes comedit. Ratio secundæ partis evidens est, nunquam enim licet id facere, quod fidei negationem involvit.

Sed difficultas est quandonam esus carniū importet fidei negationem, nec ne. Circa quod credo eum non importare negationem hanc in iis Regionibus, ubi Infideles carnisbus utuntur ex antiqua Gentis consuetudine, & sine ullo ad Catholicos respectu. In Anglia vero, ubi instituta est carniū comestio ad hæreses professionem, & ut signum, quo Reformatra Catholicis distinguantur, plane illicitum videtur carnisbus vesci, 1. quia is carniū esus in hoc casu

edit v.  
le sp. 137.

Throd. ib.

Salmant.  
ibid.

casu non minus habet mali, quam usus vestimenti proprii sectæ infidelis, qua talis: atqui multo probabilius est hujusce vestimenti usum esse illicitum, ut supra docui cum S. Antonino; ergo a pati. 2. quia cum res ex indifferenti sit determinata ad unum falsum, jamea uti non licet: atqui esus carnum in Anglia determinatus supponitur ad protestationem hæreseos, ut expresse fatentur Salmanticenses; ergo licet ex se non sit signum falsæ Religionis, est tamen falsæ hujus Religionis signum eo in loco, cum Hæretici hac carnium comestione significant, & ab aliis credant & velint significari Ecclesiæ Romanæ contemptum, ejusque legum irrisum. Porro usurpare signum æquivocum sectæ falsæ, cum Infideles illud in sectæ suæ significationem intelligunt, est contra fidem. 3. quia, ut bene notat Sylvius, ubique notum est elum carnium iis in locis & temporibus frequentari in contemptum legis Ecclesiasticæ: atqui nunquam licitum est tali contemptui per actum positivum consentire, nequidem metu mortis, ut patet ex facto Eleasari supra citato; tamen si aliquando licitum sit contra eum non insurgere; ergo. 4. demum, quia hæc nostra opinio & securior est, & non minus probabilis quam opposita.

Nec responsione carent alterius opinionis momenta, unde

Ad 1. neg. ant. sicut enim vestes Idolorum cultui destinatæ, posita hac destinatione omnibus nota, cessant esse ex numero indifferentium; sic & carnes, prout ad significandam Catholicæ Religionis abnegationem ordinatæ jam ab ea præscindi non possunt, sicque ad malum determinantur, significantque exteriorem cum Hæreticis consensum, & sacrilegam præsentæ eorum libertatis participationem, nisi aliud ex aliis circumstantiis appareat, ut apparet in Oratoribus & Legatis Principum Catholicorum, qui si diebus ab Ecclesia vetitis carnes edere conspiciantur, non ideo Hæreticis assentiri præsumendi sunt, quia suam Ecclesiæ Romanæ subjectionem aperte profiterentur, ut noiat citatus Henricus ib. unde ulterius sequitur, infirmum, aut qui se talem astute fingeret, abnegatæ fidei reum non fore, sed mendacii solum, quia nullibi ignoratur eos e Catholicis, qui gravi infirmitate laborant, carnibus ubique velci posse.

Ad 2. 1. fieri aliquando potest ut potius inedia & fame moriendum sit, quam cibo aliquo utendum, ut si Tyrannus in contemptum legis Ecclesiasticæ præcipit ut carnem comedas, nisi comederis occidendus; hoc enim casu illicita est ex omnium consensu ista comestio, ait Lugo ib. n. 103. 2. si Princeps ut ad cibi prohibiti comestionem adigeret, vel quodcumque aliud cibi genus auferret, vel escam omnem, qua uti paratus esses, in honorem Idoli comedere te juberet, ridiculum hoc præceptum cum risu potius & contemptu excipiendum esset, quam serio, servandaque lex naturalis, quæ vitam quocumque modo foveri jubet, quoties necessitas, etiamsi ab extrinsecos sit, transit in necessariam naturæ, ut transit, quoties nisi id, quod præ manu habes, comederis, vivere non potes. Censet tamen ibid. Lugo, præmittendam tunc esse protestationem, qua quis declaret se non in odium fidei, sed solum vitæ tuendæ gratia, cibis aliunde illicitis frui: quod an plane necessarium sit, dubitari merito potest, quia necessitatis casus per se loquitur.

Ad 3. neg. ant. quia carnium esus est saltem in hoc casu signum æquivocum falsæ Religionis, tum ex parte eorum, coram quibus comeduntur, qui eas hunc in finem instituisse & interpretari supponuntur; tum ex parte illius, qui comedit, quia iisdem vescitur ut Religionem suam dissimulet: atqui nunquam licet ad Religionem dissimulandam uti signo, quod saltem æquivoce falsæ Religionis protestationem importat: ergo.

S E.

## SECTIO TERTIA.

*De peccatis fidei oppositis.*

**N**ot. 1. fidei opponitur infidelitas. Infidelitas vero triplex distinguitur, negativa scilicet; privativa, & positiva, seu contraria. Infidelitas *negativa* est carentia fidei in eo, qui vel nihil de fide audit, audire potuit, vel, ut ait Polman, cui fides non est annuntiata sufficienter, ut credere possit & debeat. Infidelitas *privativa* est carentia fidei in eo cui fides sufficienter est annuntiata ut credere possit & debeat, & qui tamen credere omittit, tamen nec dissentiat positive, nec ullum errorem fidei contrarium admittat, ait Henricus a S. Ignatio, quod verum habere potest in homine de Dei existentia per naturale lumen convicto, & necdum ullis erroribus imbuto. Infidelitas *positiva* est carentia fidei in eo, qui non solum non credit revelatis, sed positive negat aliquid revelati, vel errorem fidei contrarium tenet. Hæc divisio retineri potest, quia communis, non quia accurata; inculpabilis enim fidei carentia non est propria infidelitas, sicut mera & inculpabilis iustitiæ & obedientiæ privatio, non est vera & proprie dicta iniustitia & inobedientia. De his, aliisque ejusdem generis adi Lugo disp. 18. Suarem disp. 16.

Not. 2. positivæ infidelitatis tres assignantur species a S. Thom. 2. 2. q. 10. a. 5. Paganismus scilicet, judaismus, & hæresis, ad quam reduci potest apostasia; quæ divisio, licet si metaphysice expendatur, valde difficultis sit, & Theologorum subtilitates acuat & exerceat, sumpta tamen moraliter retineri potest pro præsentis rerum statu. *Paganismus* est infidelitas eorum, qui renitentur fidei nondum susceptæ, & qui rejecto moraliter veteri & novo Testamento, nullum agnoscunt Redemptorem, qui venerit, aut venturus sit. Hinc mahometismus, sicut & atheismus, ad paganismum reducitur; quia licet Mahometani, aliquos judaismi ritus v. g. circumcissionem, & porcinae carnis abstinentioniam servent, id adeo parum est relative ad totam Judæorum Religionem, ut inde moraliter loquendo Mahometani non debeant computari inter Judæos, a quibus & ipsi abhorrent, & contra quos Messiam & Redemptorem pro figmento habent. *Judaismus* est infidelitas eorum, qui vetus Testamentum admittunt, novum rejiciunt, Messiamque expectant venturum, sed venisse negant. *Hæresis* est infidelitas eorum, qui vel admissio utroque Testamento, vel saltem suscepta Christi ut præsentis professione, aliquas tamen fidei veritates negant: unde Hæreticis accenseri possunt tum ii, qui totum novum Testamentum rejecerint, ut a Manichæis factum esse docet Maldonatus in præfat. ad Evangelia c. 2. tum ii, qui ut Paulianistæ, quos inter Hæreticos reponit Hieronymus sub finem Dialogi contra Luciferianos, vel Baptismum invalide suscepissent, vel nunquam suscepissent, ut Anabaptistæ, aut Cathecumeni, qui erroris aliquid habent, quia ii omnes & Christi fidem profitentur, & professioni huic suos errores adjungunt. *Apostasia* est infidelitas eorum, qui a Christianismo, totaque ejus professione discedunt; unde apostasia ex parte termini a quo pertinet ad hæresim, ratione scilicet fidei, quam semel acceptam deserit; ex parte vero termini ad quem, reducit ad eam sectam in quam declinat Apostata. De his, qui plura volet adeat Lugo & Suarem ubi supra. Cajetanum hic & alios S. Thomæ interpretes.

Si quæras, quæ species infidelitatis sit omnium gravissima.

R. hæc.

R. hæresim cæteris paribus esse peccatum intensive gravius judaismo, & judaismum paganismo. Ratio est, quia peccatum illud est aliis intensive gravius, quod plures habet gradus malitiæ: atqui talis est hæresis respectu judaismi, & judaismus ipse respectu paganismi; cum Hæretico qui fidem in re suscepit, & fides, & fidei motiva multo notiora sint, quam aliis; sicut etiam notiora sunt Judæo, qui fidem in figura suscepit, quam Pagano, qui eam nunquam suscepit.

Est tamen paganismi vitium extensive gravius cæteris, quia Ethnici regulariter circa plura errant, quam Hæretici, quorum aliquando error non est nisi in uno fidei capite. Dixi, *regulariter*, quia, ut notat S. Thomas, aliquando evenit ut Hæretici, v. g. Manichæi, & ut loquitur Valentinus, nostræ ætatis Sectarii, circa plura *credibilia errant*, quam Gentiles. 2. 2. 7. 1.  
4. 6.

Hinc sequitur, eum qui ad Sacramentum Pœnitentiæ accedit, debere confiteri qualitatem infidelitatis, in qua fuit, an, v. g. paganismum, judaismum, aut hæresim amplexus fuerit. Rursus, quia ex hæresibus aliæ aliis graviiores sunt, & plus peccat, qui Trinitatem, quam qui minutius punctum negat, ipsa hæresis qualitas aperiri debet.

Multa hic agitant Theologi de Paganis & Judæis, an v. g. a Principibus Christianis tolerari possint; an, & quam iidem in ipsos potestatem habeant; an ad fidem compellendi sint. Sed quia hæc apud nos parum necessaria sunt, ab iis abstinemus, tantumque de hæresi loquemur, circa quam videndum 1. quid & quoruplex sit. 2. quibus obnoxia sit pœnis. 3. an & quid cum Hæreticis commercii haberi possit.

## PUNCTUM PRIMUM.

*Quid & quoruplex sit hæresis.*

**H**æresis, secundum græci nominis etymologiam, idem est, ac electio, ut notat S. Hieronymus in c. 5. Epist. ad Gal. unde absolute loquendo idem est ac secta, ac proinde in bonam & malam partem sumi posset, nisi ex constanti Ecclesiæ usu determinata fuisset ad exprimendam erroris electionem. Hæresis definiri potest: Error voluntarius & pertinax contra aliquam veritatem Catholicam, in homine Christianismum profitente. Colligitur ex S. Th. ib. q. 11. a. 1.

Dicitur 1. *error voluntarius*, quia hæresis grande est peccatum: nulum porro est peccatum nisi voluntarium.

Hinc 1. qui ex metu aut malitia thus adolèret Idolo, aut Christi corpus conculcaret, nec tamen cessaret idem interius sentire quod antea, esset quidem immanis peccati reus, sed reipsa Hæreticus non esset, quia nulla est hæresis sine voluntario dissensu veritatibus Catholicis. Unde ulterius homo ille non incurreret in foro interno pœnas contra Hæreticos latas, prout docent Suares disp. 14. de fide sectiõ. ultim. Sotus, Azor, Salmanficientes c. 3. n. 41. tamen si merito in exteriori foro pœnis Hæreticorum plectatur, quia Hæreticus judicatur, qui se ut Hæreticum gerit.

Hinc 2. qui graves infidelitatis & blasphemiarum contra Deum ejusque Sanctos tentationes patitur, Hæreticus non est, nec talem se præsumere debet, cum Hæretici hosce motus non inviti, sed volentes experiantur. De modo hæce tentationes vincendi legendus est S. Bonaventura opus. de profect. relig. l. 2. c. 3. qui optime docet eas contemni debere, eodemque cum iis agendum esse modo, ac si non sentirentur.

Dici-

Dicitur 2. *pertinax*, quia, ut notat Augustinus Epist. 43. *qui sententiam suam, quamvis falsam atque perversam, nulla pertinaci animositate defendunt ... corrigi parati, cum verum invenerint, nequaquam sunt inter Hæreticos deputandi*. Notum est id S. Doctoris: *Errare potero, sed Hæreticus non ero*. Unde, ait Habert cap. 4. de fide, Hæreticus non est, qui ex ignorantia etiam crassa & affectata credit aliquid fidei contrarium, quia non est in errore *pertinax*. Atque, licet non habeat voluntatem adhibendi diligentiam, ut sciat, quæ sint a Deo revelata, potest tamen universalem habere voluntatem credendi firmissime omnia, quæ sibi proponentur, ut a Deo revelata: atqui talis voluntas non compatitur cum *pertinacia* ad hæresim requisita. Si tamen ignorantia affectata sit concomitans, adeo ut quis ita dispositus sit, ut credere nolit, etiamsi cognosceret ea, quæ ab Ecclesia proponuntur, utique non excusabit ab hæresi. Idem dicendum de iis, qui aliquid ab Ecclesia definitum esse credentes, quod definitum non est, *pertinaciter* credunt contrarium; ii namque actu credunt Ecclesiam falli posse, adeoque sunt in errore *pertinaces*; *pertinacia* enim in eo consistit ex S. Th. 1. p. q. 32. a. 4. quod quis sciens, teneat aliquid contra id, quod est ab Ecclesia definitum, sive neget id definitum esse, ut negare solent Hæretici; sive de definitione non curet. Unde dubio procul Hæretici sunt 1. qui ita propriæ sententiæ adhærent; ut parati sint eam non abjicere, etiamsi ab Ecclesia damnetur. 2. qui iudiciorum Ecclesiæ formam ita ordinant, totque condiciones scitu impossibiles eidem apponunt, ut quamdiu volent, negare possint Ecclesiam esse locutam. 3. qui contra Ecclesiæ determinationem sentiunt, parati, inquirunt, a sententia sua recedere, & argumentis convincantur. 5. qui credunt fidei capitula, non ob ipsius Ecclesiæ definitionem, sed ob evidentiam rationum, quam sibi affulgere putant, alias minime credituri; hi enim nec piam de mysteriis nostris affectionem habent, nec credunt ob formalem credendi rationem, prout notant Canus lib. 12. de Locis theolog. cap. 8. & seq. Ledesma, Salmanticenses ibid. n. 48. & alii apud ipsos. 5. qui voluntarie de rebus fidei dubitant, sive iudicando incertum esse id, quod sibi proponitur; sive suspendendo consensum ob motiva fidei contraria, quibus mens quasi territa, consentire formidat: nam in priori casu positive errant contra infallibilitatem revelationis; in posteriori autem virtualiter asserunt, motiva fidei contraria tanti esse ponderis, ut dubium reddant id, quod ab Ecclesia proponitur. Lugo disp. 20. n. 16.

Dicitur 3. *contra aliquam veritatem Catholicam*. Ea porro dicitur veritas Catholica, quæ a Deo revelata est, & ut talis per Ecclesiam proponitur. Quando nam autem veritas aliqua censeatur satis revelata, ut fidei objectum esse possit, pluribus expendunt Suares de fide disp. 19. Lugo d. 20. n. sect. 2. de fide, Antonius de Panormo, integro volumine, cui titulus: *Scrutinium doctrinarum*, & author Compendii Tournelyani tom. 3. in Appendice pag. 208. & sequent.

Quæ. 1. an qui revelationi privatæ sibi sufficienter propositæ dissentit; sit Hæreticus.

R. posse dici Hæreticum. Qui enim fidem denegat primæ veritati, certo sibi loquenti, est formaliter Infidelis ea infidelitate, quæ vel est hæresis vel magis accedit ad hæresim: sed qui revelationi privatæ sibi sufficienter intimatæ non credit, denegat fidem primæ veritati &c. ergo.

An autem idem homo aliorum Hæreticorum pœnis subiaceat, controversatur. Affirmant Sanchez lib. 2. in Decal. c. 7. & Coninch. disp. 18. dub. 7. sed negant Suares ibid. sect. 5. n. 11. Azor. tom. 1. l. 8. c. 9. Lugo n. 36. 1. quia Ecclesia eos solum hætenus punivit ut Hæreticos, qui ejus decisionibus



nibus resistunt: atqui is, de quo loquimur, non resistit decisione Ecclesiæ, sed eandem cum ipsa fidem communem habet. 2. quia Hæretici non reconciliantur Ecclesiæ, nisi prius errorem suum ad ejusdem Ecclesiæ imperium ejuraverint: atqui huic homini Ecclesia prudenter imperare non potest ut hanc suam hæresim abjiciat & ejuret, cum Ecclesia certa non sit de veritate revelationis private. 3. quia Ecclesia non judicat de internis, & multo minus cum publica & externa fieri non possunt: atqui hæresis hujusce hominis vix unquam sufficienter fieri potest externa; hujus enim hæreseos declaratio & apparentia tota pendet ab eo, qui privatam revelationem habuit. Vel ergo dicit se habuisse revelationem sibi sufficienter propositam, cui tamen assentire non vult; & hoc ridiculum est, & quasi impossibile, cum ne ipsi quidem Hæretici dicere unquam ausi sint se rebus revelatis & sufficienter propositis credere nolle, pro calu autem impossibili & imaginario, & potius metaphysico quam morali, Ecclesia pœnas non constituit: vel dicit simpliciter se habuisse revelationem, cui credere non vult; & ne tunc quidem adhuc plecti poterit; quia non poterit convinci de peccato contra fidem, cum non possit convinci de veritate revelationis: ergo.

Dicitur 4. in homine Christianismum profitente, seu qui Christiani nomen retinet; qui enim etiam Christianismum abjicit, non dicitur Hæreticus, sed Apostata.

Quæres 2. an qui Christianismum profitemur, sed nondum baptizatus est, possit vere Hæreticus dici.

R. eum vere Hæreticum posse dici in foro Dei, sed non in foro Ecclesiæ, quasi ab ea pœnis in Hæreticos sanctis puniri possit.

Prob. 1. pars, quia Hæreticus est, qui Christum profitens, veritati alicui revelatæ dissentit: atqui fieri potest ut quis etiam nondum baptizatus, aut invalide baptizatus ob materiæ vel formæ defectum, veritati alicui revelatæ dissentiat: ergo fieri potest ut is sit vere Hæreticus. Et vero hujusmodi homo sit vere infidelis: atqui nec ethnica, nec judaica infidelitate sit Infidelis; ergo Infidelis est infidelitate hæreseos.

Prob. 2. pars; quia ex Tridentino sess. 14. c. 2. *Ecclesia in neminem judicium emerget, qui non prius in ipsam per Baptismi januam fuerit ingressus*: sed, qui Baptismum vel nullatenus, vel invalide defectu materiæ & formæ receperunt, in Ecclesiam per Baptismi januam ingressi non sunt.

Si quis tamen Baptismum receperit ex omni parte validum, præterquam ex ipsius recipientis intentione, poterit is ut Hæreticus puniri, quia in exteriore foro præsumetur valide baptizatus, nisi coactus fuerit ad Baptismi receptionem, & aperte contra eam renisus fuerit, ait Lugo d. 20. n. 147.

Quæres 3. an ille sit Hæreticus ab Ecclesia punibilis, qui, licet Baptisma receperit, nunquam tamen veram recepit fidem, ut si Infidelis fiat Londini Christianus, & Anglicanorum erroribus imbuatur.

Resp. Affirmative; idque patet ex constanti Ecclesiæ praxi, quæ eos omnes, qui baptizati sunt, & errores fidei contrarios tenent, sive ab initio tenuerint, sive non excommunicatione, aliisque pœnis irriteritos supponit. Ita Lugo. ib. n. 149. Suar. disp. 16. sect. 4.

Hæresis dividitur in formalem, & materialem. Formalis ea ipsa est, quam definivimus. Materialis, est error, quo quis aliquid credit contra fidem, ignorans id esse contra fidem. Alii hæresim formalem distinguunt contra objectivam, & hoc sensu hæresis formalis est actus mentis discredentis; objectiva vero ipsam est objectum, quod male creditur, vel negatur.

Hæresis formalis dividitur in mentalem, seu pure internam, & in externam

finyl

simul & internam. Mentalis ea est, quæ nullo exteriori signo se prodit; interna simul & externa ea est, quæ non in sola mente consummatur, sed exterius se manifestat. Utraque subdividi possit in partialem, quæ circa quædam solum fidei capita versatur, & totalem, quæ ipsamet est apostasia, seu error voluntarius & pertinax contra omnem veritatem & doctrinam fidei Christianæ; unde hæresis & apostasia spectata prout importat recessum a fide, non distinguuntur specie, sed secundum magis & minus, ut communiter docent Thomistæ, licet eadem apostasia, si consideretur prout importat conversionem ad paganismum, aut judaismum, ab hæresi specificè distinguatur.

## PUNCTUM SECUNDUM.

*De Hæreticorum penis.*

**P**œnæ adversus Hæreticos duplicis sunt generis: aliæ temporales, nempe bonorum confiscatio, infamia, & ex ea proveniens inhabilitas ad honores, & officia quæcumque, pœna exilii, carceris, & ipsius mortis, de quibus consulatur titulus *De Hæreticis*, in utroque Jure, & Regia. edita ac declarationes an. 1685. & 1686. aliæ spirituales, quæ magis præsentis sunt instituti, ideoque paulo fufius hic evolvendæ.

Prima est excommunicatio major latæ sententiæ; quæ a Concilio Lateranensi sub Innocentio III. & alibi passim in toto titulo *De Hæretico*, decernitur adversus *Hæreticos universos*, quibuscumque nominibus censentur. Ea autem excommunicatio, licet inter censuras Apostolicæ Sedi reservatas reponatur ab innumeris pœnæ authoribus, quos fufse citat Barbosa in c. 6. sess. 24. Concilii Trid. in Gallia tamen non habetur pro reservata Papæ, sed Episcopo solum. Imo notat author Collat. Andegav. multas esse Dilectes, ubi hæresis absolutio non reservatur Episcopo, nisi cum hæresis quendam publicitatis gradum habet.

Gravis hic exurgit quæstio; an Hæretici sint excommunicati jure divino, an humano tantum. Affirmant Eckius. in Enchiridio, Almainus, Penna, & alii, quos citat Suarez disp. 21. sect. 1. negant vero alii multo plures ut Soto, Valentia disp. 1. q. 11. punct. 3. p. 534. Henriquez, Suarez ibid. Alphonsus a Castro, Bannez, Lorca, Azor. tom. 1. lib. 8. c. 10. q. 2. Lugo disp. 23. n. 2. Salmanicensis tract. 20. n. 60. Pirhing. in tit. *De Hæret.* quibus assentimur. 1. quia Christus novæ legis conditor, nullam per se censuram instituit, ut communis docent Theologi, & nos alibi docuimus cum ipsis.

2. quia licet excommunicatio contra Hæreticos, omnium censurarum, quæ jure canonico institutæ sunt, antiquissima videatur, ut notat Azor ibid. q. 1. & colligit ex cap. *Achatius* 1. xxiv. q. 1. ipsa tamen hæc antiquiori jure non erat latæ, sed ferendæ sententiæ, juxta quod antiquum jus locutus videtur S. Thomas 2. 2. q. 11. a. 3. his verbis: *Ex parte Ecclesiæ est misericordia ad errantium conversionem: & ideo non statim condemnat Hæreticum, sed post primam & secundam correctionem, ut Apostolus docet. Postmodum vero si adhuc pertinax inveniatur, Ecclesiæ de ejus conversione non sperant, aliorum salutem providet, cum ab Ecclesiâ separando per excommunicationis sententiam.* Jam vero si Hæretici divino jure excommunicati essent, excommunicatio eorum ipso facto incurreretur, nec posset per Ecclesiæ misericordiam suspendi, & satis inutiliter decerneretur ab Ecclesiâ, cum jam ab ipso Deo lata esset.

3. Quia

3. Quia si excommunicatione in Hæreticos jure divino lata esset, eodem quoque jure suos omnes haberet effectus: atqui falsum conlequens. Effectus enim, qui ipso divino jure, & quidem indispensabili, ut adversarii volunt, inferuntur; nec minui ab hominibus, nec suspendi possunt: atqui tamen effectus excommunicationis minui possunt & suspendi ab hominibus. Sic aliquando admittit Ecclesia Hæreticos ad participationem suffragiorum communium, ut feria sexta majoris hebdomadæ; sic Romanus Pontifex Hæreticos auferre potest inhabilitatem ad Beneficia, ut tradit ibid. Lugo: ergo.

Obj. 1. varios Scripturæ textus. Gal. 1. Si quis vobis evangelizet, præterquam, quod evangelizavimus vobis, anathema sit. Ad Titum 3. Hæreticum hominem post unam & secundam correptionem devota. 2. Joan. Nec vobis ei dixeritis &c. atqui hæc verba ipsammet excommunicationem significant: neque enim Ecclesia aliis utitur verbis ut excommunicet, quam voce anathematis, devotationis, & separationis ab omni commercio.

R. neg. min. & dico 1. nullum esse e prædictis textibus, qui de excommunicatione proprie sumpta necessario intelligi debeat. Et quidem 1. de ea intelligi non debet textus Epistolæ ad Galatas, cum in eodem S. Paulus dicat anathema Angelo, qui falsam doctrinam afferret: porro Angelus censurae proprie dicta affici non potest, cum Ecclesia nullam in eum habeat jurisdictionem. Et vero vult idem Apostolus 1. Cor. 16. ut si quis non amat Dominum nostrum Jesum Christum, sit anathema; an ergo excommunicati sunt peccatores omnes, qui Dominum non amant?

Quod ad alium S. Pauli textum attinet, nihil est in eo, unde colligatur Hæreticum jure divino excommunicatum esse: imo est unde eruatur contrarium; si enim Hæreticus ipso divino jure excommunicatus esset, vitandus esset simul ac de ejus hæresi constaret, nec post alteram ejus correptionem differenda esset devotio. Et vero S. Paulus eodem modo vitari vult peccatores scandalosos, & ne quidem permittit ut cum eis sumatur cibus: atqui tamen nemo est, qui dicere ausit eos omnes excommunicatos esse jure divino.

1. Cor. 5.

Ad textum S. Joannis dico eum intelligi debere, non de omni Hæretico, & quocumque in casu, sed de Hæretico hæresim suam disseminante, & antichristianam, qua imbutus est, doctrinam spargente; vel de Hæretico, qui ex bona Catholici receptione audacior redditur, ut sæpe evenit, suoque in errore pertinacior; aut demum de Hæretico, quem qui recipit, aliis scandalum præbet, suamque fidem suspectam reddit. Ita locum hunc passim explicant Interpretes, de quo consule Diarium Trevoltense mensis Januarii an. 1725.

Dico 2. etiam si in citatis textibus ageretur de vera excommunicatione, De Can. 1.1. non statim sequi eam juris esse divini, ut jam alibi dictum est.

Obj. 2. varia Sanctorum exempla, ut S. Joannis, qui balneum, in quo erat Cerinthus, ingredi noluit; S. Antonii, qui nullum unquam cum Hæreticis commercium habere voluit; S. Hermenegildi, qui mori maluit, quam Eucharistiam de hæretici Ariani manu suscipere.

R. cum Suare & Lugo, non omnia, quæ in hac parte fecerunt Sancti, vel dixerunt, cadere sub præceptum, sed alia esse consilii solum. Et vero, quis peccati reum secedat, si ut corpus lavet, in eandem ingrediatur domum, in qua lavat se Hæreticus? eane actio importat aliquod commercii genus cum Hæretico? Credo tamen, ait Lugo, factum Hermenegildi fuisse sub præcepto, quia susceptio communionis de manu Hæretici erat in hisce circumstantiis communicatio in ejus Religione; neque alio sine missis erat

Hære-

Hæreticus ad Hermenegildum, quam ut, Religione ejus tacite approbata, filius cum patre reconciliaretur.

Secunda poena præcedenti affinis est privatio jurisdictionis spiritualis, circa quam grandis hac nostra ætate exarsit controversia. Alii censent hæresim eo ipso, quo publica est & notoria, inducere privationem jurisdictionis, abique eo quod ulla opus sit denuntiatione. Ita P. Paulus a Lugduno in Opere cui titulus: *Difficulté proposées à M. l'Evêque de Soissons, sur sa Lettre à M. d'Auxerre* an. 1724. cui merito attribuitur Opus aliud eodem fine elucubratum, sub hoc titulo: *Les ennemis de la Constitution, privés de toute juridiction spirituelle dans l'Eglise*; & P. Andreas de-Graciac in variis Operibus, quæ ad hanc usque diem parit: ambo e familia PP. Capucinorum, qui & veteres multos Theologos, in assertionis suæ subsidium appellant, quos inter citari possunt Bellarminus lib. 2. de Rom. Pont. c. 30. Driedo lib. 4. de Scripturis c. 2. p. 2.

Alii privationem jurisdictionis hæresi quidem alligatam esse fatentur, non tamen ratione ipsiusmet hæreseos, sed ratione excommunicationis, eidem annexæ: unde quia excommunicati non privantur jurisdictione, nisi nominatim denuntiati sint, colligunt Hæreticos etiam non excidere a jurisdictione sua, nisi nominatim denuntiati sint. Ita Sanchez lib. 2. Decalog. c. 9. Suarez disp. 14. de fide sect. 5. n. 14. Navarrus lib. 5. Confil. Conf. 10. Lugo disp. 23. de fide n. 148. Cajetan. Pirhing. & alii, quos sequuntur Salmanticenses tract. 20. c. 3. n. 62. Si ergo Theologi & Canonistæ censent Hæreticum valide approbare ad excipiendas confessiones, valide etiam absolvere a peccatis, valide dispensare, ejusque subditos ad eum recurrere posse in iisdem casibus, in quibus Sacramenta a malo Sacerdote recipi possunt. Unde etiam fatentur plures esse casus, in quibus ad Hæreticum recurrere non potest, ut si inde oriatur scandalum, vel periculum subversionis; si Sacramenta ritu hæretico ministrentur; si ad alium Sacerdotem recurri possit &c. Hæc opinio cum iis limitationibus omnino tenenda videtur.

1. Quia opinio adversariorum, ex qua, ut eorum aliqui palam & aperte conclamant, sequitur vix ullum in toto Regno esse Sacerdotem, qui valide absolvat, & cujus Missa sine peccato audiri possit, quatenus, inquiunt, alii Hæretici sunt notorii, alii vero nihilominus cum iisdem mediantes vel immediate communicant; opinio, inquam, tam gravis consequentiæ, torque scrupulos, ne dicam turbas & tumultus parere nata, nec potest, nec debet admitti sine argumento cogente & ineluctabili: atqui talia non sunt adversariorum argumenta. Quis enim ea argumenta pro cogentibus habeat, quæ e decem Theologorum millibus, qui Ecclesiæ sunt addictissimi, & pro tuendis ejus decisionibus sanguinem fundere parati, vix ut num aut alterum movent, & quæ aliunde probabiliter solvuntur?

2. Quia ex constanti & ubique recepta S. Augustini doctrina, Ecclesiæ, quæ sunt contra rectam fidem & bonos mores, nec approbat, nec dicit, nec tacet: atqui nihil magis rectæ fidei bonisque moribus oppositum esse potest, quam opinio nostra, si vera sit adversariorum opinio. Nam opinio, qua stante, innumeri Christiani misere pereunt, sive ob communionem sacrilegam cum sacrilegis, sive ob invalidam, quam ab iis quotidie recipiunt, absolutionem, rectæ fidei bonisque moribus capitaliter adversatur: atqui talis est juxta adversarios opinio nostra; ergo contra eam insurgere deberet Ecclesiæ, eamque unanimi voce condemnare, ut quæ in puncto ad praxim pertinente fideles corrumpat: atqui tamen opinio hæc nec ullo Sedis Apostolicæ decreto, nec

Nec expresso ullo cujuscumque Episcopi Catholici mandato hactenus proscripta est; nec usquam vel Romæ in Hispania, ubi magis invifum est Hæreticorum nomen, damnati sunt Suarez, Lugo, & Navarrus, & alii, qui eam diserte, & expresse tuerentur: ergo.

3. Quia ideo, juxta adversarios, Hæretici a jurisdictione excidunt, quia jure divino excommunicati sunt: atqui hoc principium communiori Theologorum sententiæ repugnat, qui fatentur concessam quidem a Christo fuisse Pastoribus excommunicandi potestatem; at simul negant pene omnes quemquam sive Hæreticum, sive alium ab eodem Christo excommunicatum fuisse.

4. Quia Sadducæi, qui dicebant: *non esse resurrectionem, neque Angelum, neque spiritum*, erant Hæretici notorii, ut per se patet: atqui tamen cæteri Judæi fideles cum iis communicabant, in precibus, sacrificiis, & oblationibus, aliisque Religionis cæremoniis, quæ in solo Hierosolymæ Templo ab omnibus Judæis fiebant. Imo & cum iis communicarunt, tum ipse Christus, qui licet doctrinam eorum argueret, palam & indistincte ascendebat quocumque tempore in Templum, nec unquam Phariseos, quos in aliis levioribus carpebat, ob hanc cum Sadducæis communicationem redarguit; tum Apostoli, qui post Christi mortem publice cum aliis Templum ingrediebantur, ibidemque vota, oblationes, preces effundebant, tamen Templo interesse, nec interessent solum, sed præsiderent Sadducæi, ut aperte colligunt Grotius, Menochius, Calmet, & alii ex Act. c. 5. v. 17. ubi Caiphas Sacerdotum Princeps dicitur e secta Sadducæorum, cui etiam inhærebat summus Sacerdos Hircanus multo ante Christum tempore, ut docet Josephus lib. 13. antiq. c. 17.

5. Si Hæretici notorii omni jurisdictione priventur, vel independentes ab Ecclesia, & indispensabili Dei constitutione; vel dependentes ab Ecclesia, & libera ejus ordinatione: atqui neutrum dici potest. Non primum, alioqui Ecclesia nullam unquam jurisdictionem Hæretico tribuere posset, ne quidem pro casu extremæ necessitatis: atqui hoc repugnat communi Doctorum sensui. Etsi enim negaverint viri graves, Hæreticum denuntiatum posse quempiam in ipso etiam mortis articulo absolvere, prout alibi animadvertimus, vix tamen reperire est, qui negaverint Ecclesiam posse ipsis etiam præcis potestatem hanc largiri; multo minus, qui negaverint eam posse tribui tolerantis. Non secundum: si enim concedere possit Ecclesia ut Hæretici nondum denuntiati sua jurisdictione utantur, non modo omnia pene adversariorum argumenta corruunt, sed & assertio nostra multum confirmatur: tum quia nulla extat lex, qua Ecclesia suam jurisdictionem auferat Hæretico nondum præciso, sed e contra, ut statim videbimus; tum quia, si quam hujusmodi legem tulisset Ecclesia, hanc utique suspenderet in casu, in quo ex ejus observantia sequeretur tot confessionum invaliditas, totque hominum jactura.

6. Si nulla in Hæreticis notoriis remaneat jurisdictio, vel propter excommunicationem, qua ligantur, vel ex natura rei propter hæresim, quam profitentur: atqui neutrum dici potest. Non primum, quia alioqui excommunicati omnes notorii a jurisdictione exciderent, quod post Extravagantem *Ad vitanda scandala*, falsum est, ut cum aliis docet Bellarm. ubi supra. Non secundum: si enim, ut eidem Bellarm. placet: *Hæretici etiam ante excommunicationem privati sint omni jurisdictione*. 1. exponant adversarii quem notorietatis gradum habere debeat hæresis, ut jurisdictionem auferat. Sufficietne ut duo noverint Pærochum suum hæresim profiteri? Poteruntne ii duo ab eo valide absolvi? Privabiturne erga eos jurisdictionem, quam erga alios servabit? Quo pacto revincuntur, qui hæresim duobus solum cognitam, negabant notoriam

Ad. 13.

v. 2.

Ad. 41.

De Cres.

c. 5.

esse. 2. exponant quare Hæreticus occultus, aut etiam pure mentalis, non excidat a jurisdictione, sicut eum excidere putat Turrec. l. 4. par. 2. c. 20. Nam exterior fidei professio efficere potest ut Ecclesia, quæ de internis non judicat, suam Hæretico jurisdictionem non auferat: at in adversariorum sistemate jurisdictionis a solo Deo dependet: ergo ubicumque erit hæresis, quæ ex natura rei jurisdictionem aufert, cessabit hæc jurisdictionis. Quod si Deus eam conservare dicatur, donec hæresis erumpat, quidni dicatur eam conservare, donec Hæreticus per sententiam excommunicetur. 3. Ideo Hæreticus, juxta adversarios, excidit a jurisdictione, quia ipsa sua hæresi constituitur extra Ecclesiam: atqui hæc ratio nulla est. Nam excommunicati notorii sunt etiam extra Ecclesiam, ut docent plures cum Sylvio: tamen excommunicati notorii non privantur jurisdictione, nisi nominatim denuntientur: ergo potest quis extra Ecclesiam esse, & tamen ex Ecclesiæ dispensatione jurisdictionem servare: ergo jurisdictionis privatio male fundatur in privatione fidei, & sicut potest quis fidem servare, & tamen excidere a jurisdictione, ut patet in excommunicatis ob aliud, quam hæreseos, peccatum denuntiatis, sic & potest quis excidere a fide, & jurisdictionis, sicut & ordinis potestatem retinere.

7. Si conditor Decretalis *Ad vitanda scandala*, sensisset Hæreticos notorios omnem jurisdictionem deperdere, non minus monuisset eos esse vitandos, quam id monuerit de injustis Clericorum percussoribus, qui multo rariores sunt, quam Hæretici: atqui id non monuit: ergo.

Objc. 1. Patres, qui constanter docent *omnes omnino Hæreticos, & Schismaticos nihil habere potestatis, & juris*, prout expresse tradit S. Cypr. Epist. 76. edit. Pamel. 69. edit. Pearson, & alii quos citant Bell. ibid. & Andreas Duval. tract. de fide q. 7. p. 360. 2. Conc. & Pontific. decreta, quibus non modo Hæretici, sed & qui cum iis communicant, anathemate feriuntur: *Offendite*, ait Gelasius Epist. 1. ad Euphem. *que Synodus in unaquaque hæresi cum erroribus successores eorum bis communicantes simulque omnes non damnet & complices*. Consultatur P. de Grazac. in lib. cui titulus, *Principes des Catholiques, opposés à ceux des Tolérans*. 3. rationes theologicæ. 1. enim quisquis alicui communicat in peccato, fit reus peccati, cui communicat. 2. qui non sunt Ecclesiæ membra, ejusdem capita esse non possunt; seu, quod idem est, ullam in vera ejus membra jurisdictionem exercere: atqui Hæretici notorii non sunt Ecclesiæ membra. Ut enim quis Ecclesiæ membrum censeatur, debet ei per fidem, aut per fidei professionem adhærere: porro Hæretici manifesti neutro sensu adhærent Ecclesiæ. Sed hæc non obstant, unde

R. ad 1. frequens est apud Patres, ut qui potestatem, quam recepit, sine peccato exercere non potest, eam perdidisse dicatur, ut notat ipse Duval, qui licet opinionem nostram oppositam tueatur, nostram tamen in praxi tutam esse ait. Mirum est, quod adversarii auctoritate S. Cypr. utantur, cum in Epist. cit. non tam loquatur de potestate jurisdictionis, quam de potestate Baptismi valide administrandi, quam Hæretici male denegabat Cypr. Ita Sylv. ib.

R. ad 2. Non una fuit Ecclesiæ disciplina circa Hæreticos eorumque communicatores. Nam 1. censent multi, ut jam observavimus, sancitam primo & antiquiori jure contra Hæreticos excommunicationem non fuisse latam, sed ferendam sententiæ; atque id cum aliis cognoscit Duval, cum fatetur Hæreticos antiquitus non fuisse jurisdictione sua privatos, nisi prius admoniti fuissent.

2. Cum Hæretici ratione ipsius hæreseos excommunicati fuerunt ipso facto, excommunicari etiam cœperunt, qui cum iis vel hæresi, vel favore com-

ma-

Sylvius  
2. 2. q. 39.  
& Ar. 2.

pag. 1 20  
& seq.

municabant; sed ex libera Ecclesiæ voluntate, quæ pœnam hanc mitigare potuit, & de facto mitigavit per Bullam *Ad vitanda scandala*, quæ cum Hæreticos non exceperit, nec nos excipere eosdem decet.

Ad 3. dicendum cum S. Th. 3. p. q. 64. a. 6. ad 2. quod ille, qui ad Sacramenta accedit, suscipit Sacramenta a ministro Ecclesiæ, non in quantum est talis persona. sed in quantum est minister Ecclesiæ: & ideo quamdiu ab Ecclesiâ toleratur in ministro, ille qui ab eo suscipit Sacramentum, non communicat peccato ejus; sed communicat Ecclesiâ, quæ eum tanquam ministrum exhibet: si vero ab ea Ecclesiâ non toleratur, puta cum degradatur, vel excommunicatur, vel suspenditur, peccat qui ab eo accipit Sacramentum, quia communicat peccato ejus. Is Angelici textus difficultatem omnem solvere videtur. Dicunt adversarii Hæreticum publicum ipso divino jure præcisum esse: negat id implicite S. Th. cum recensens in Ecclesiâ non toleratos, de iis solum loquitur, quæ vel degradati sunt ab Ecclesiâ, vel excommunicati, vel suspensi, qui quidem tempore S. Th. vitandierant antequam essent denunciati; at de Hæreticis ne vocabulum quidem habet: Contendunt adversarii, eum qui ab Hæretico Sacramenta recipit, unitatem scindere, eique ut Hæretico communicare: negat id expresse Scholæ Angelus, censetque eum qui sic Sacramenta recipit, non impietati ministri, quæcumque ea sit, communicare, sed Ecclesiâ, quæ eum tanquam ministrum exhibet.

Ad 4. Esto, quod qui nullo modo sunt Ecclesiæ membra, nullam habeant jurisdictionem: certe qui sunt membra utcumque tolerata, non statim ab omni jurisdictione excidunt; excommunicati enim ob aliud quam hæreseos crimen, cum palam excommunicati esse cognoscuntur, non sunt membra Ecclesiæ magis, quam Hæretici: tamen non excidunt a jurisdictione.

Dixi Esto: tum quia excommunicati etiam denunciati, licet omnimode præcisi, adhuc capaces sunt jurisdictionis, saltem in necessitatis casu, ut communior tenet opinio; tum quia Respublica functiones suas exercere potest per aliquem, qui non sit communitatis membrum, ut notat Azor: tum denique quia fides non est fundamentum omnino necessarium jurisdictionis Ecclesiasticæ, cum fides inter & jurisdictionem nulla sit necessaria connexio. Alioqui, ut bene ponderat hic Suar. n. 14. per hæresim etiam mentalem amitteretur jurisdictio, quod licet concedatur a Castro, est tamen absurdissimum; alias fieri posset ut Pastor per multos annos absque ulla jurisdictione primas in Ecclesiâ partes teneret, quod Sanctæ Ecclesiæ constitutioni penitus adversatur. De his consule Gallicas quinque Epistolas, quas dedi sub hoc titulo: *Lettres d'un Theologien au P. de Gramat*.

Tertia pœna est irregularitas, de qua vide, quæ dixi in tr. de irreg. p. 3. c. 5.

Quarta pœna est privatio Beneficiorum antea acquisitorum, & inhabilitas ad nova acquirenda. Circa hanc inhabilitatem nulla est difficultas; quia cum Hæreticus excommunicatus sit & irregularis, collatio Beneficii eidem facta, pleno jure irrita est, & expresse irrita declaratur in jure, c. 2. *De Heret. in 6*. Sed dubitatur an, qui ab occulta sua hæresi & annexa eidem excommunicatione, absolutus fuit, adhuc remaneat ad futura Beneficia inhabilis. Hæc quaestio pendet ab alia, an scilicet hæresi exteriori, sed non publicæ, annexa sit irregularitas; si enim hæc illi annexa sit, sublata etiam excommunicatione, *Sep. p. 21*, permanebit irregularitas, quæ ex alibi dictis invalidam reddit Beneficiorum receptionem. Porro, tutior nec probabilis minus nobis videtur opinio Suarezii quæ hæresi cuiuslibet, modo non pure mentali, irregularitatem jure communi annexam esse docet: quod quidem in Gallia locum non habere, notavi ubi supra.

D. p. 13.  
n. 149

Major est difficultas, an hæresis Beneficio quocumque ante eam adepto privet. Affirmant communiter Canonistæ, & Theologi: sed disputant inter se, an perdatur titulus ante sententiam, an non aliquammodo perseveret. Alii, iique innumeri, ait Lugo, censent titulum amitti per hæresim: sed quia iidem simul concedunt ante sententiam non perdi possessionem, quæ eisdem præstat effectus, quos titulus ipse præstaret, ac proinde agnoscunt Hæreticum posse Beneficium ante hæresim acquisitum retinere, percipere fructus, resignare in favorem tertii, quæ omnia per sententiam Judicis, si superveniat, rescinduntur; idcirco controversia hæc pene tota reducitur ad quæstionem de nomine: qui enim titulum remanere contendunt, sententiam retrahunt ad diem commissi criminis, ac proinde quidquid ante eam, sive permutando, sive resignando gestum est, plane irritum fieri.

In Gallia Beneficium vacat ipso jure, non tamen ipso facto, per hæresim, ut alibi docuimus. An autem ut Beneficium hominis in hæresim lapsi a devolutario requiri possit, requiratur prævia Judicis sententia, disputant Canonistæ. Negat Pontas V. *Collation*, cap. 9. ubi docet Beneficia, quæ ipso jure vacant, qualia sunt Hæreticorum Beneficia, posse vel conferri a collatore, vel requiri a devolutario, ante quamcumque sententiam: tamen si qui Beneficia hujusmodi obtinuerunt; non possint eorum possessionem adire, nisi præcesserit sententia criminis declaratoria; quia alias homo male accusatus posset Beneficio suo spoliari. Ratio hujus decisionis sumitur ex art. 46. Constitutionis Blesensis Henrici III. cujus hæc sunt verba: *Tous Dévolutaires ayant obtenu provisions fondées sur vacations de droit, seront admis, & recûs à en faire la poursuite, encore qu'il n'y ait aucune déclaration précédente.* Contrarium pro præsentis hæreseos casu ænet D. Goard, quem consule tom. 1. p. 640. tom. 2. pag. 180. ubi hanc opinionis suæ rationem reddit, quod in hac materia acrimonia facti locum non habeat in Galliis.

### PUNCTUM TERTIUM.

#### *De commercio cum Hæreticis.*

**I**N hoc puncto, in quo occasione commercii cum Hæreticis, de commercio cum aliis Infidelibus licito, vel prohibito disputandum est, quatuor, eæque non levis momenti, quæstiones expendi solent: & quidem 1. An Fideles possint Hæreticos in matrimonium ducere. 2. An possit conjux a conjuge hæresim amplexo separari. 3. An & quomodo cum Infidelibus disputare liceat. 4. An peccet, qui libros Hæreticorum legit. Hæc omnia duplici paragrapho ob materiæ affinitatem, exequemur.

#### *§. I. De matrimonio cum Hæreticis, &c.*

**CONCLUSIO I.** Matrimonia Fidelium cum Hæreticis jure Ecclesiastico prohibita sunt; non sunt tamen nulla, imo accedente Romani Pontificis dispensatione, contrahi aliquando possunt.

Prob. 1. pars ex Conc. Calcedonensi Can. 14. ubi sic habetur: *Hæreticum conjugere matrimonio nulli liceat, nisi utique persona, quæ orthodoxæ conjungitur, se ad orthodoxam fidem convertendam spondeat.* Idem decernunt Conc. Illiberit. Can. 16. Sardicenum Can. 10. & 31. Carthagin. III. Can. 12.



ac deinceps inter alia multa, Concilia duo Provinciæ Burdigalensis ann. 1583. & 1584. quæ sub pœna suspensionis ipso facto incurrendæ verant ne quis, seu regularis sit, aut sæcularis, Hæreticos conjungere ausit. Idem locum habet in Diocesi Parisiensis.

Prob. 2. pars: quia si matrimonia hæc invalida forent, vel jure naturali, vel jure divino, vel demum jure positivo: atqui non sunt invalida; 1. jure naturali: nam Joseph duxit Aleneth filiam Sacerdotis idolorum; Moyfes Sephoram filiam Sacerdotis Madian. Esther Assuerum gentilem, & hæc matrimonia semper pro veris, & legitimis nuptiis agnita fuere: ergo non erant nulla; imo nec absolute prohibita jure naturali; in quo ne ipse quidem Deus dispensare potest. Non 2. jure divino: tum quia aliqui Joseph, Moyfes, & Esther divinam legem violassent in puncto admodum gravi, quod nemo dicere ausit; tum quia hæc S. Pauli verba, quæ difficultatis aliquid creare possent: *Nolite jugum ducere cum infidelibus*, meram prohibitionem important ex Theologorum fere omnium consensu. Non 3. jure positivo; cum e contra jus supponat matrimonia Catholicorum cum Hæreticis valida esse, ut patet ex cap. *Decrevit. De Hæretic.* in 6. unde S. Thomas: *Impedimentum*, inquit, quod dirimit matrimonium, non dicitur disparitas fidei, sed disparitas cultus, qui respicit exteriori servitium; *propter hanc si aliquis fidelis cum hæretica baptizata matrimonium contrahit, verum est matrimonium, quamvis peccet contrahendo, si sciat eam hæreticam, sicut peccaret si cum excommunicata contraheret, non tamen propter hoc matrimonium dirimeretur.*

In 4. Dis.  
29 q. 1. a.  
1. ad 5.

Nec nocent Canones multi Ecclesiæ Græcæ, quia hæresis potest matrimonium dirimere apud Græcos, absque eo, quod illud dirimat apud Latinos. Vid. Collat. Parisiens. tom. 3. pag. 16.

Prob. 3. pars, quia causæ, propter quas viri pii in antiquo Testamento Infideles ducere potuerunt, in novo Testamento occurrere possunt. Aliunde etiam contingere potest, ut nullum in ea conjunctione subit periculum subversionis, imo ut ex ea multum boni sperari possit, puta conversio Principis hæretici, favor ab eo præstandus Catholicis, qui ditioni ejus subfunt, &c. Atqui in hisce circumstantiis potest Papa dispensare, prout de factis sæpe dispensavit; sic enim concessit Clemens VIII. an. 1603, ut Dux Barenfis Catharinam Henrici IV. Francorum Regis sororem, sed hæreticam duceret. Idem an. 1625. permisit Urbanus VIII. Henricæ Ludovici XIII. sorori, erga Carolum I. Anglorum Regem hæreticum, ut Catholici in Anglia degentes humanius tractarentur. Idipsum an. 1662. concessum est Catharinæ de Lusitania, quæ Carolo II. Angliæ Regi hæretico nupsit. Et eæ quidem dispensationes gravi urgente causa non raro conceduntur a Pontificibus Romanis, prout ab Italo Prælato audiui: quis vero, nisi temerarius, tot magni nominis Pontifices vel ignorati, vel impie neglecti officii sui arguere præsumat?

Circa difficultates e Sacramenti prophanatione peritas vid. Tournely ubi de Matrimonio. Ut solvantur cætera quæ hic moram injicere possent.

Quæres 1. an necessaria sit Pontificis dispensatio, si Hæreticus conversionem promittat.

Respondet Lugo, stando in jure dispensationem Pontificis non esse hoc in casu necessariam, quia Concilium Calcedonense supra citatum permittit matrimonium Fidelium cum Hæreticis; cum ii se ad orthodoxam fidem convertant. *Disp. 22. ad 17.*

Si tamen, ait idem Theologus, uti & consuetudine receptum sit ut in hoc etiam casu petatur dispensatio, *utique petenda erit, quia*

Tournely Theol. Moral. Tom. III.

O 3

con-

consuetudo vim habet legibus derogandi. Adde quod longe tutius sit in hoc casu recurrere ad superiorem.

Quæres 2. an liceat nuptias contrahere cum Hæretico, qui nec conversionem spondet, nec ullam illius spem injicit.

R. Affirmat. tum quia, etiam sublata conversionis spe, cessare potest periculum, propter quod matrimonia hæc jure naturali prohibita essent; tum quia etiam si non speretur hæretici conversio, sperari possunt alia bona, quæ defectum hunc insigniter compensent: v. g. libertas fidei profutendæ, quæ antea negabatur, Catholica prolis educatio; &c. denique, quia Sancti, qui in antiqua Lege Infidelibus nupsērunt, ut Esther Assue-ro, nullam eorum conversionis spem conceperant.

Cœterum, communiter loquendo, gravior requiritur casus ut Hæreticus accipiat uxorem Catholicam, quam ut Catholicus accipiat Hæreticam; quia vir uxoris animum potentius movere solet, quam uxor moveat animum viri. Etsi autem doceat Azor. dispensationem ad hujusmodi matrimonia non esse concedendam nisi *Primariis viris, & ad commune pacis bonum*; censet tamen Pontius in appendice de matrimonio Catholici cum Hæretico, & post eum Lugo ib. n. 28. commoditatem convictus humani sufficere aliquando posse, si aliunde cessent ea, quæ matrimonium hoc de jure naturæ illicitum reddere possent. Certo, ait Lugo, conjugia hæc semper id habent boni, quod aliquam injiciant spem conversionis Hæretici, aut saltem filiorum ejus, quæ spes nulla esset, si hæreticus cum hæretica contraheret. Addit Pontius, id confirmari ex usu Germanorum, & Polonorum, qui ex recepta consuetudine tales nuptias ob commoditatem convictus celebrant absq; Pontifici dispensatione: quod si verum est, non vaeat ab incommodo; cum Ecclesiæ sit pendere an periculum iis connubiis quasi ex natura rei annexum, cesset in casu particulari; anve bona, quæ sperantur, malis quæ timeri possunt, præponderent.

CONCLUSIO II. Matrimonium inter baptizatos contractum non dissolvitur, quoad vinculum per hæresim alterius, bene vero quoad thorum, & habitationem.

Prob. 1. pars: tum ex iis omnibus, quæ congerit Tournely in Tract. de matrimonio p. 119. & seq. quæque hic repeti non decet; tum ex Concil. Trid. ubi sic habetur: *Si quis dixerit propter hæresim, aut molestem cohabitationem, aut affectatam absentiam a conjuge dissolvi posse matrimonii vinculum, anathema sit.*

Prob. 2. pars contra Hæreticos aliquos nostri temporis Ecclesiæ arguentes, quod permittat conjugum separationem quoad thorum ob alias præter fornicationem causas, prob. inquam, tum ex constanti Ecclesiæ usu, quem clare exprimit Conc. Agathense anni 506. can. 25. tum ex Synodo Tridentina, quæ sic loquitur: *Si quis dixerit Ecclesiæ errare cum ob multas causas separationem inter conjuges quoad thorum, seu quoad cohabitationem, ad certum, incertumve tempus fieri posse decernit, anathema sit.* Porro hæresis, quæ exitius nihil fingi potest, non infimum habet locum eas inter causas, quæ ad divortium sufficere possunt; præsertim cum sit fornicatio quædam spiritalis, corporali deterior, ut docent S. Augustinus, L. 1. de Serm. Domini c. 10. & S. Thomas in 4. d. 31. a. 1.

Nec nocet quod Christus Matthæ. 5. insinuare videtur uxorem a marito, excepta fornicationis causa, dilcedere non posse. Hic enim loquitur Christus de separatione perpetua, quæ in solo fornicationis casu locum habet: sed non ideo alias excludit causas divortii ad tempus, donec scilicet is, a quo separatur, alter, ad meliorem mentem redierit. Ratio autem cur fornicatio rigoro-

sus

Azor. l. 2.  
l. 4. c. 2. §. 2.

Sess. 24.  
can. 5.

Trident. ib.  
can. 8.

sinus puniatur, hæc est, quod crimen illud committatur in materia matrimonii propria, & per ipsum violetur carnis unitas. Unde illicitus quicumque cotus, etiam contra naturam, quo eadem unitas violatur, fornicationis nomine censetur in præsentem, ut notat Vallensis in titulum *De divortiiis*.

At, inquires, gratis dicimus separationem, quæ fundatur in adulterio, & de qua loquitur Christus, esse perpetuam.

R. Neg. ant. Christus enim eo loci concedit, quoad thorum ipsam hanc separationem, quæ per libellum repudii concedebatur etiam quoad vinculum: atqui separatio per libellum repudii concessa quoad vinculum, erat perpetua. Minor pater: major non minus evidens est ex contextu Evangelii: *Didum est*, ait Christus, *quicumque dimiserit uxorem suam, det ei libellum repudii: ego autem dico vobis, quia omnis, qui dimiserit uxorem suam, excepta fornicationis causa, facit eam mæcham*: ergo vox *dimiserit*, separationem perpetuam sonat in posteriori, sicut & in priori verus parte.

Confirm. ex c. 19. Matth. ubi Pharisei Christum interrogant: *Si licet homini dimittere uxorem suam quacumque ex causa?* quod utique intelligunt de dimissione perpetua, ut ipsimet statim explicant urgentes: *Quid ergo Moyses mandavit dare libellum repudii, & dimittere?* libellus enim repudii non erat nisi ad perpetuam separationem: porro de hac dimissione respondet Christus, eam a Moyle concessam fuisse *ad duritiam cordis*, eamque jam amplius permittendam non esse, *nisi ob fornicationem*, idque, remanente matrimonii vinculo, ut fusius alibi expendunt Theologi: ergo dimissio, quam in solo fornicationis casu concedit Christus, est perpetua: ergo separatio ob aliam quæcumque causam, puta hæreseos, vel molestæ cohabitationis, tamdiu solum durare debet, donec durat, ipsius causa, nisi forte a Iudice imposita sit per modum pænæ. Pænæ enim non semper cessat, etiam cessante peccato. Hac occasione

Quæres 1. an Catholicus teneatur redire ad conjugem, qui ab hæresi sua recessit.

R. Vel Catholicus auctoritate propria ab hæretico discessit, vel interveniente Iudicis auctoritate. Si primum, Catholicus ad hæreticum reverti, aut eum suscipere debet, & si reverti noluerit compellatur, ait Urbanus III. c. 6. *De illa. De divortiiis*; idque verum est ajunt Sanchez disp. 15. n. 14. & Lugo disp. 22. n. 46. aliique plures cum iis, etiam si Catholicus, vel Ordines factos receperit, vel voverit in Religione: quia citatum caput, indistincte præcipit, ut mulier, *quæ a viro suo labente in hæresim, sine Ecclesiæ judicio declinavit, ei, cum reversus fuerit, reddatur*. Quapropter emissum castitatis votum non impediret a reddendo debite conjugali, sed a petendo, & ab ulterioribus nuptiis post mortem mariti.

Si secundum, non una est de illo casu, sed varia & multiplex Canonistarum opinio. Potior sicut & communior nobis videtur eorum sententia, qui cum Pontio L. 9. de matr. c. 32. Lugo ibid. n. 49. Pirhing in hunc tit. n. 29. existimant Catholicam a viro suo, judicio Ecclesiæ separatam, non teneri ad eum cum responderit redire, si religionem professæ fuerit; secus, si necdum professæ fuerit. Ratio est, quia non aliter conciliari possunt varæ Pontificum Decretales eodem titulo relatæ: de quo vide Lugo ibid.

Quæres. Igitur 2. an conjugum aliter possit se ab alio propria auctoritate separare.

R. Possit, si separatio sit solum a thoro: ita post S. Thomam auctor Colat. D. T. For. Paris. tom. 5. p. 89. Si autem separatio sit quoad thorum, & habitationem, *in d. B. 3. tunc necessaria est Iudicis auctoritas*, secundum id citati Concilii Agathen. q. 1. a. 3.

sis can. 25. *Si quis cum uxore divortium facere velit, prius apud Provinciales Episcopos diffidii causas dicat.* In Gallia hodie separationis causæ apud Laicos iudices dijudicantur, contra antiquam & Ecclesiæ, & Regni ipsius praxim, ut notat idem auctor Collat. Parisi. p. 100.

Quæres 3. an Catholicus teneatur ad separandum se a comparte hæretica; seu, ut ajunt alii, an possit cedere juri, quod habet ad divortium ob hæresim conjugis suæ.

R. Catholicum aliquando teneri ad separationem, quoties scilicet hæc necessaria est, seu ad vitandum proprie perversionis periculum; seu ad retrahendam ab hæresi compartem, si hæc via retrahi potest. Aliunde vero potest aliquando Catholicus cedere juri suo, etiam post sententiam Judicis, quia totum divortii jus conceditur Catholico in ipsius favorem; potest autem quilibet renunciare favori sibi concessio, si nihil aliud obstat.

Quæres 4. an copula Catholicus cum hæretico sit tacita & virtualis condonatio, qua semel posita, jam non possit Catholicus divortium facere.

Affirmant nonnulli, qui censent hæresim non minus per copulam condonari, quam adulterium. Sed negant alii, & melius, quia non eadem ratio militat in utroque casu. Injuria enim adulterii est divisio carnis, quæ per subsequentem copulam quasi connaturaliter redintegratur: hæresis vero peccatum est peccatum infidelitatis contra Deum, circa quod copula subsequens eodem modo non operatur, nisi ex parte Catholica interfit explicita, vel implicita condonandi voluntas. Imo si in accedente ad conjugem adulteram esset positiua voluntas non condonandi, nulla re ipsa esset condonatio, licet in exteriori foro facta præsumeretur. Vid. Lugo n. 86. & seq.

Cæterum si Catholicus nuptias contrahat cum hæretico, renuntiat juri divortii: frustra enim contraheret, si non intenderet, non obstante hæresi, thorum habere communem. Si tamen hæreticus, vel conversionem suam vel præstandum Catholicis favorem spondidisset, nec stare promissis, item si Catholicus ex cohabitatione cum hæretico amittendæ fidei periculum sibi imminere sentiret, posset a comparte recedere; quia in priori casu, frangenti fidem in re tanti momenti, non est servanda fides; in posteriori vero, non obligat promissio de re, quæ illicita evadit.

Quæres 5. an sicut in adulterio carnali datur compensatio, sic & detur in spirituali hæreseos adulterio; ita ut conjuges duo hæretici divortium non magis inire possint, quam conjuges duo adulteri.

R. Si ambo conjuges in hæresim lapsi sunt, non magis utrum ab alio recedere possit, quam si ambo adulterium commiserint; quia jus divortii non nisi Catholico conjugi concessum est in jure. Idem dicendum, si ambo redierint ad fidem, quia jus divortii non conceditur nisi contra hæreticum in hæresi permanere volentem. Si vero alio in hæresi permanente, alter ad fidem redeat, poterit ab alio recedere; quia hæresis præterita neque dat jus ad divortium, neque jus conjugis ad fidem reversi impedire potest; imo & jus illud potest adaugere, cum uxor conversa plus aliquando malum timere possit a conjuge hæretico, quam si semper idem sensisset.

An detur compensatio adulterii carnalis cum spirituali; seu, quod idem est, an hæreticus Catholicum divortium petenti obicere possit adulterium ipsius Catholici, & hac via separationem ejus impedire, & vicissim, pluribus expendunt Sanchez de matrim. L. 10. disp. 16. Pontius l. 9. cap. 22. n. 6. & Lugo ibid. n. 99. quibus sententia negans videtur pro-

probabilior: quia, inquiunt, cum duo idem jus habent, absque eo quod alter alterius jus impedire possit, compensatio locum habere nequit, sed potius permutatio quædam juris cum jure: porro permutatio non fit invitis permutantibus; ex quo inferunt neutrum conjugem in præsentī casu posse invito alio divortium facere.

*§. 2. De disputatione cum Hæreticis, & librorum hæreticorum lectione.*

Disputatio de rebus fidei duplex institui potest: alia *formalis*, quæ fit ad defendendum aut persuadendum alteri id, quod ab eo negatur; alia *materialis*, quæ fit, cum duo idem credunt, solumque exercendi ingenii gratia disputant. Non loquimur hic de disputatione solum materiali; hæc enim *per se* licita est ratione objecti, finis, & circumstantiarum: cum & animo catholico fiat, & eo instituatur fine, ut fidei veritates profundius investigentur, & deinceps nervosius defendantur contra hæreticos. Cavendum tamen ne hujusmodi concertationes vel habeantur lingua vulgari coram indocta plebe, quæ, ut notat S. Thomas, difficultates facile percipit, solutiones vero non ita; vel ex aliqua disputantis dubitatione procedant: alioqui enim peccaret *tanquam dubius in fide*, & *infidelis*, ait 2.2. q. 10. idem S. Thomas, sicque disputatio de se licita fieret mala *per accidens*. art. 7. Quæstio igitur tota est de disputatione formali, non circa res, quæ in opinione consistant, sed circa fidei dogmata.

CONCLUSIO I. Disputatio cum Hæreticis si fiat cum debitis conditionibus, licita est, sed non omnibus.

Prob. 1. pars 1. ex Scriptura. Act. 17. Paulus disputabat in Synagoga cum Judæis. Epist. ad Tit. c. 1. Oportet Episcopum esse amplectentem eum, qui secundum doctrinam est, fidelem sermonem, ut possit eos, qui contradicunt, arguere. 1. Petr. c. 3. Dominum Christum sanctificate in cordibus vestris, parati semper ad satisfactionem, græce ad apologiam, omni poscenti vos rationem de ea, quæ in vobis est, spe, sed cum modestia. Atqui non potest is, qui secundum doctrinam est fidelis sermo defendi contra eos, qui contradicunt; absque aliqua cum infidelibus disputatione; & hæc necessaria etiam est ad faciendam fidei apologiam, quam Christianis imperabat Apostolorum Princeps: ergo.

Prob. 2. ex constanti SS. Patrum exemplo, qui, ut ex polemicis eorum operibus constat, omne omnino infidelium genus impugnarunt, debellarunt, protriverunt, secundum id Augustini: Cum Hæreticis verbis etiam *Epist. 91. agendum, disputatione pugnandum, ratione vincendum.* alias 48.

Prob. 2. pars ex ipsa enumeratione quarundam conditionum, quibus sublati, disputatio cum infidelibus, nec Deo plene accepta, nec proximo utilis esse poterit.

1. Itaque ex parte disputantis duo requiruntur: primum, ut eam habeat in fide firmitatem atque constantiam, quæ impediant ne disputationis occasione, dubii quidpiam & tentationis patiatur: alias fieri posset ut excideret a fide, cum fidem aliorum animis instillare satageret. Secundum, ut doctus sit & capax, quantum ad id muneris sustinendum requiritur. Hæc autem capacitas ex adversariorum viribus metienda est: minus enim requiritur scientiæ ut quis cum hæretico simplici & imperito congrediatur, quam ut cum docto & sagaci, quales in Anglia, Batavia, finitimis locis complures reperiuntur. Monent autem Coninch. disp. 18. n. 141. & Lugo disp. 22. n. 132. eruditionem ad hujusmodi prælia non tam ex ipso scientiæ fun-

fundo æstimandam esse, quam ex praxi, & usu, ac facilitate quadam se se explicandi ad caput audientium: quæ si desit, disputatio facile cedit in contemptum fidei, & adiutorum periculum.

2. Ex parte illius, quo cum initur disputatio, requiritur ut hæc ei profutura prudenter judicetur. Regulariter enim loquendo, illicitum est cum iis disputare, qui non ex ignorantia, sed ex malitia errant; & qui nihil verentur magis, quam ne aperiantur sibi oculi. Ratio est, quia tunc disputatio non solum oriosa est, sed & scandalosa, quatenus sine utilitate præberetur infideli occasio committendi nova peccata per obstinatum proprii erroris defensionem. Hoc sensu, ait ibid. Lugo, intelligitur id Pauli ad Titum: *Hæreticum hominem post unam, & secundam correptionem devota, sciens quia subversus est, qui huiusmodi est, cum sit proprio iudicio condemnatus*. Porro gravis hæc obliuio facile in Hæreticis præsertim doctis præsumitur, prout indicant verba hæc antiqui auctoris sub nomine S. Chrysostomi: *Audi homo fidelis, qui contra hæreticum libenter contendis; si Pharisæi videri non sunt, ut certando contra hæreticum poteris cum placare cum viceris*? Hæc item Augustini c. 12. Libri contra Faustum: *Non disputationem amant Hæretici, sed quoquo modo superare impudentissima pertinacia, ut congregent, qua non pepererunt*.

*Ep. imper.  
11m. 12  
in Math.*

*Serm. 64.  
in Cantab.*

Dixi regulariter: quia permixta aut etiam necessaria esse potest disputatio cum hæreticis, 1. si speretur auditores, qui hæretici sunt, hinc convertendos esse; 2. Catholicos in fide, a qua forte deficerent, confirmatum iri.

3. hæreticos ipsos deinceps timidiore fore, nec tam insolenter Catholicis insultaturos. Tunc enim, *et si hæretici non surgant ex sæce, Ecclesia tamen confirmatur in fide*, ait S. Bernardus. Iis ferme de causis Christus plerumque cum Phariseis manus conseruit, quia tametsi sua hæc disputatio iis non esset profutura ad conversionem, proderat tamen tum ad obstruendum os eorum, tum ad alios, vel confirmandos in fide, vel a præiudiciis suis revocandos.

3. Requiritur ex parte auditorum, 1. ut disputatio iisdem nocere non possit; quod magis cavendum est, cum auditores alias in fide tranquilli, argumentis contra fidem proponendis facile moveri possint, quia rudes sunt & imperiti; item cum locus est timendi ne perturbari incipiant, cogitando ea in dubium revocari, de quibus nusquam hætenus dubitaverant, qui primus est ad introducendam hæresim gradus. Si tamen viri simplices, vel probabiliter sollicitandi sint, vel jam sollicitentur ab hæreticis, & timeri possit ne ex silentio nostro colligant malam esse causam, quam tuemur, tunc instituenda erit coram iis disputatio, ut saltem confuse intelligant Ecclesiæ fidem suis niti momentis, licet hæc non satis possint ab omnibus percipi. Sicut enim, ait S. Gregorius Papa, *incauta locutio in errorem pertrahit, ita indiscretum silentium eos, qui erudiri poterant, in errorem vel in dubio relinquit*. 2. requiritur etiam ut nulla coram Laicis quasi coram iudicibus habeatur contestatio de fide; quia res fidei Episcoporum iudicio, non autem Principum secularium examini subfunt. Hac de causa S. Ambrosius ad disputandum cum Auxentio Ariano coram Imperatore Valentiniano vocatus, ire noluit; quia, inquit Ep. 32. *in causa fidei, vel ecclesiastici alicuius ordinis iudicare debet, qui nec munere impar sit, nec iure dissimilis. Quando audisti, clementissimo Imperator, in causa fidei Laicos de Episcopo iudicasse? &c.*

*Pastor.  
par. 2, c. 4.*

4. Ex parte modi requiritur modestia, & sincerus veritatis amor in disputante, adeo ut adversarios tam moribus vincat, quam rationum pondere: unde procul abesse debent injuriæ, æmulatio; & quidquid con-

ten-

ventionis, superbiæ & contemptus animum spirat. Et vero ne disputatio fructu careat, necessum est ut is, contra quem disputatur, grate audiat: grates autem affici cum, qui injuriis afficitur, vix contingere potest, ut bel- le notat S. Chrysost. Hom. 6. in 2. ad Timoth. 3.

His duo addit Sylvius: 1. eos qui cum infidelibus disputant, curare debere, ut quæ utrinque dicuntur, excipiantur a Notariis, ut sæpius a S. August. factum est. 2. rarissime expedire ut ineatur cum Hæreticis disputatio, cum hæc raro admodum felicem habuerit exitum, ut patet ex Tertull. L. de præscript. c. 14. Nicephoro Lib. 8. Hist. c. 13. & Socrate, qui merito animadvertit disputationem non solum unire schismata, sed etiam hæreses & contentiones majores adducere. Unde merito Tertullianus: Hæretici, inquit, firmos fatigant, infirmos capiunt, medios cum scrupulo dimittunt. Hac de causa abstinere debent Concionatores ab agitandis quasi in utramque partem fidei dogmatibus, ne, ut jam dixi, intelligantur objectiones, non vero responsa.

Prob. 3. pars ex c. De Hæret. in 6. ubi sic loquitur Alexander IV. *Inhibemus quoque; ne cuiquam Laicæ personæ liceat publice vel privatim de fide catholica disputare; qui vero contra fecerit; excommunicationis laqueo innodetur*; ergo jure positivo prohibitum est aliquibus, Laicis videlicet, ne disputent; idque sub pœna peccati mortalis, cum jux levi culpæ gravissimam excommunicationis pœnam non committitur.

Hæc Conclusionis nostræ pars ab extraneis Theologis communiter extenditur. 1. ad Religiosos Laicos, qui non ad studia, sed ad opera domestica destinantur: ii enim vere & in rigore sunt Laici, & aliunde sufficienti doctrina carent. 2. ad Laicos etiam doctos: etsi enim respectu eorum cesset aliqua ratio legis prædictæ, non tamen omnis. Ratio enim adæquata legis, quæ prohibet ne Laicus ingerat se ad disputandum, est periculum tum disputantis tum auditorum: atqui si Laicis doctis permittitur disputatio, subsistet periculum illud. Quoti enim Laici se satis doctos existimabunt, ut tuto disputare possint? Quoti de se confidenter & gloriose sentiant, de aliis vero cum contemptu? Ad summum ergo ii disputare possent, quibus id permissum esset ab Episcopis, penes quos est judicium de scientia ad obeundum id munus necessaria.

Confirmatur duplici ratione. 1. prædicta Decretalis ut inutilis haberi non potest: esset autem inutilis, si nihil prohiberet de novo. Porro nihil prohiberet de novo, si Laicis solum imperitis disputationem prohiberet, cum hæc ipsis etiam indoctis Clericis jure naturali jam prohibita esset: 2. quia cessante in aliquo casu particulari legis fine, modo non contrarie, non cessat ipsa lex, ut dixi in Tract. de Legib. c. 3. sect. 6.

Duplex huic doctrinæ afferri solet limitatio. Nam 1. disputare potest Laicus cum Hæretico in casu necessitatis, aut magnæ utilitatis, puta cum absente Clerico, qui fidei partes tueri possit, refellendus est hæreticus, qui cum injuria fidei ejusque præjudicio loquitur. Ratio est, quia quoties in casu etiam particulari cessat finis legis contrarie, tunc & ipsa lex cessat: atqui in prædicti casu cessaret finis legis contrarie; quia tunc esset de re positive Ecclesiæ contraria & nociva; ergo in hoc casu posset, imo teneretur Laicus ad disputandum. 2. prædicta Ecclesiæ lex per usum contrarium abrogata videtur in regionibus, & Provinciis ubi grassantur hæreses: unde iis in locis, sub oculis & cum plausu Episcoporum, Laici vere capaces frequenter disputant cum Hæreticis. Ita Salmaticenses Tract. 21. c. 2. n. 136. quibus præverant Valentia disp. 1. q. 10. punct. 4. Suarez & Lugo ibid. n. 142.

Su-

Supereſt ut paucis dicam de leſtione librorum hæreticorum, circa quam ſit CONCLUSIO II. Leſtio huiusmodi librorum multis prohibita eſt jure naturali, & multo pluribus jure Eccleſiaſtico.

Prob. 1. pars, quia leſtio hæc jure naturali iis omnibus eſt prohibita ꝯ quibus eſt periculofa: atqui periculofa eſt multis, cum pauci vaſtritiem, & tricas Hæreticorum, quorum ſermo ut cancer ſerpit, detegere valeant, pauciores ab eorum laqueis, & difficultatibus ſeſe expedire: ergo merito dixit Sylviuſ, rudes & in Theologia leviter inſtructos, quales, inquit, ſunt ii ſere omnes, qui duobus aut tribus tantum annis Theologia ſtuduerunt, non ſine gravi peccato legere poſſe iſtiusmodi Libros, etiamſ nulla eſſet lex Eccleſiaſtica.

Prob. 2. pars ex Bulla Cum pro munere, quam Pius IV. prædeceſſorum ſuorum, & præſertim Julii III. & Pauli IV. veſtigiiſ inſiſtens, promulgavit an. 1564. die 24. Martii; qua quidem Bulla omnibus quantacumque dignitate fulgentibus, exceptis pravitatis hæreticæ Inquiſitoribus, librorum hæreticorum leſtio ſevere interdicitur. Idem habetur tum in Bulla Cœnz Domini, tum in Indice librorum, ubi prohibetur etiam ſub excommunicationis pœna leſtio eorum etiam Hæreſiarche, cujuſvis librorum, qui neque hæreſim continerent, neque tractant de Religione. Idem valet, ait Bonacina Tract. de excom. diſp. 2. q. 5. punct. 4. in eo, qui legit librum alicujus Hæretici; nondum approbatum, & examinarum a Theologis Catholicis juffu Epifcopi. Idem cum extraneis docet Sylviuſ.

Hæc autem excommunicatio incurritur. 1. ab iis, qui etſi lingua non exprimant id, quod legunt, percurrunt tamen oculis: nam & ii legere dicuntur. 2. & ab heriſ, qui præcipiunt famuliſ, ut ſibi tales libros legant. Si quis tamen, ait Sylviuſ, neque hæreſi neque hæretico favens, quempiam audiat tales libros legentem, valde probabile eſt, quod cenſuram non incurrat: tum quia iſ nec per ſe, nec per alium proprie legit; tum quia verba pœnalialia ſtriſte accipienda ſunt. Extendit hoc Sylviuſ, etiamſ, qui legentem audit, cauſa ſit, cur alter legat, quod tutum non videtur. 3. Cenſet idem Duaceniſ Theologuſ, eum, qui partem aliquam libri hæretici memoriter recitaret, puta, qui Clementiſ Marot Pfalmos caneret ex memoria, immunem fore a cenſuris, ſi nec ſcriptorem laudare vellet, neque dicta ejus quaſi ſiſ fidem adhibens referret; alioqui enim obnoxioſ eſſet excommunicationi contra hæreticorum ſautores vel deſenſores lata. 4. Et iſ quoque cenſuræ expers judicari ſolet, qui in Catholicorum libris legit hæreticorum dicta ex eorum libris ad verbum deſumpta: idque verum eſt, ait Bonacina, etiamſ hæc legat animo imbibendi erroris. Idem docent Suarez, Azor, Sanchez, & Sylviuſ. Verum hæc decifio, quam poſt Navarrum admittit etiam Ethica amoris, nec tuta eſt, nec multum probabilis: utique enim cenſuram incurret, qui verba libri hæretici ex libro catholico ſolitarie tranſcripta, aut etiam typis mandata perlegeret; quia iſ vere legeret ſcriptum vel librum hæreticum, aut partem ejus. Quare ergo cenſuram non incurrat, qui in libro catholico legit eadem verba ſolitarie ſumpta, & independenter ab antidoto ibidem contra venenum præparato? Sane liber Catholici tunc ſeſe habet per accidens, cumque periculum non minuat, nec cenſuram auferre poſſe videtur. 5. Etſi exiſtimet Sylviuſ eum, qui librum hæreticum legit eo ſcriptum ſidiomate, quod non intelligit, ſubjacere cenſuræ, quia prohibitio librorum hæreticorum non ſolum eſt ad præcavendum erroris periculum, ſed & ad deteſtationem hæreſeos; mihi tamen probabilius eſt nullam hic

Ethic. l. 2.  
p. 1. n. 278.  
p. 140.



hic incurri censuram, quia lectio hæc non formalis est, sed prorsus materialis. Ita Eticha ibid. n. 276. *Dummodo*, inquit, *non legat coram aliis idioma intelligentibus*. 6. Qui legeret librum auctoris Catholici, cui addita essent scholia auctoris hæretici fidei contraria, is si etiam scholia legeret, non esset a censura immunis, quia volumen illud duos, ut ita dicam, continet libros, quorum alter est auctoris hæretici. Ita auctor Ethices, qui cum Sanchez, Ugolino, & aliis passim, eum etiam subijcit censuræ, qui solum libri præmium, vel Epistolam dedicatariam legeret: tum quia prohibito libro, quolibet ipsius pars prohibita censetur: tum quia periculum est, ne lectio præmii vel Epistolæ dedicatariæ, quæ vulgo magna cum arte exarata sunt, ad reliqui operis lectionem trahat: excipit idem auctor, nisi excuset materiæ levitas.

*Sanchez. L.  
2. Discal.  
c. 10. n. 30.*

Verum hic movetur difficultas seria, an scilicet in lectione libri hæretici detur materiæ parvitas. Affirmant multi, sed in assignando parvitatibus hujus gradu plurimum inter se differunt. Sanchez, cæteris liberalior, magni folii lectionem a mortali, ac proinde a censura excusat; Ariaga non nisi parvum folium permittit; Azor unum dumtaxat, vel alterum versiculum; Sayrus decem lineas, Suarez duas vel tres; ego cum Ethica amoris, ne unam quidem. Ratio est quia libri hæretici præcipue & communiter prohibentur ob periculum seductionis, a quo nemo nisi superior, & hoc ipso decipi facilius, immunem se æstimare debet in materia tam lubrica, in qua Romani Pontifices: ne ipsis quidem Cardinalibus, & Episcopis fidunt: atqui periculum illud in qualibet libri hæretici parte rationabiliter timeri potest: una enim linea continere potest, vel gravissimæ contra fidem probationis initium, vel antecedentes plurimas maximi momenti consequentias inferens; unde vel dubium grave, vel ingens plura legendi prurigo enascatur; ergo cum ille, qui hæreticum librum aperit, ignoret quam in periculum oculos ad aperturam conjicere possit, ac proinde quo in loco lateat respectu sui periculum, quod Ecclesia præcaveri voluit, consequens est, quod graviter se exponat, & proinde quod graviter peccet, sicque censuram incurrat.

Secundum hanc regulam judicandum est de lectione librorum impiorum, vel aliunde periculorum, quales sunt libri multi Romanenses, sicut Fontanii historiæ. Dictionarium Bailii, quo tota Christi Religio concutitur, & cujus lectione novimus non ita pridem subversam fuisse adolescentis alicujus mentem, qui in Deismo, vel Atheismo misere mortuus est.

*Contes  
de la Fo-  
taine*

De modo, quo Athæi, Pagani, Judæi, ac præsertim Hæretici ad fidem catholicam perducendi sunt, legatur Henricus a S. Ignatio ibidem cap. 34. & sequentibus. utiliter quoque consulatur breve opus, quod inscribitur: *Méthode courte et facile pour rappeler à l'unité de l'Eglise ceux qui en sont séparés*, auctore Dom. Michel, Seminarii S. Firmini, alias Bonorum-Puerorum olim Superiore.

*Burdigala  
typis de la  
Cour.  
1728.*

## ARTICULUS SECUNDUS.

*De Spe.*

**F**Idem sequitur spes, a qua, ut appositè notant Salmanticenses, paucis se expediunt morales Theologi, quia præcipue, quæ in hujus virtutis indagatione suboriuntur difficultates, ad Scholasticos pertinent.

Ut

Ut ergo, quæ nostri sunt instituti, persequamur, sufficere inquirere, 1. quid sit spes, & quomodo dividatur. 2. quodnam sit ejus objectum. 3. quod subjectum. 4. quæ ipsius proprietates. 5. qui sint ejus effectus. 6. quæ vitia eidem adversentur.

## S E C T I O P R I M A.

## De natura &amp; divisione spei.

*Ad Tit.* Spei nomen multiplici sensu accipitur: & quidem 1. pro re ipsa, quæ speratur; ut cum ait Apost. *Exspectantes beatam spem*. 2. pro causa sive primaria, sive secundaria, cui spes nostra innititur, ut Psal. 60. *Falsus es, Domine, spes mea, turris fortitudinis*. Et in Officio beatæ Virginis, *Spes nostra salve*. 3. pro habitu, vel actu sperandi, ut apud Apostolum I. Cor. 13. *Manent tria hæc, fides, spes, &c.* & Job. 19. *Reposita est hæc spes mea in sinu meo*. Spes hoc sensu sumpta, spectari potest vel genericè, vel specificè.

Spes genericè sumpta definitur a Philosophis: Desiderium efficax boni absens, ardui, & possibilis, cum fiducia illius assequendi; seu, ut aliis placet, Motus appetitus efficaciter prosequentis bonum absens, arduum, & possibile: cum fiducia affectionis.

*12. q. 40. n. 3.* Dicitur 1. *motus*, id est tendentia, qua appetitur, sive sensitivus, ut in belluis, juxta S. Thomam, sive rationalis, ut in homine, fertur in bonum sibi propositum, id est in objectum aliquod, quod apprehendit ut naturæ suæ conveniens: ex quo inferes spem non pertinere ad intellectum, cum intellectus pro objecto habeat verum, non autem bonum.

Dicitur 2. *efficaciter prosequentis*; quia spes necessario distinguitur tum a pura velleitate, tum a simplici complacentia, quales esse possunt in plebeio regiam majestatem & factum contemplante; & qui tametsi hæc utcumque sibi exoptet, non tamen sperat. Ad spem ergo necesse est, ut quis efficaci desiderio, & per media necessaria & proportionata in objectum sese ferat, quod est efficaciter objectum prosequi.

*S. Thom. ibid. n. 1.* Dicitur 3. *bonum absens*, & sic spes differt tum a timore, qui est de malo, tum ab amore, qui est boni præsentis, sicut & absens; tum a gaudio, quod est fructio boni præsentis & possibilis. Unde licet spes ex amore procedat, non potest esse nisi boni nondum possessi, ac proinde absens, juxta id Apostoli: *Spes, quæ videtur, non est spes; nam quod videt quis, quid sperat?*

*Rom. 8.* Dicitur 4. *arduum*, id est obtentu difficile. Hoc sensu spes distinguitur a desiderio simplici; nam desiderium versatur quidem circa bonum absens, sed simul versatur circa bonum obtentu facile: Non enim, ut ait S. Thomas, aliquis dicitur sperare minimum, quod statim est in sua potestate ut habeat. Sic dives esuriens v. g. desiderat, sed proprie non sperat alimenta, quia novit ea sibi apponenda esse statim ut volet; pauper vero ea desiderat & sperat, quia scit hæc sibi comparanda esse, vel in sudore vultus, vel precibus multis quibus divitum dititiam sestet. Hinc Philosophi desiderium reponunt in appetitu concupiscibili, qui bonum facile obtinet, aut malum facile devitat; spem vero in appetitu irascibili, quem ita appellant, quia quasi irritatur difficultatibus, & ad eas superandas stimulatur & accenditur. Ergo spes consistit quidem in desiderio; cum sperare sit velle sibi bonum; & velle sibi bonum, sit desiderare; sed simul supra desiderium addit quem-

dam

*dam conatum, & quamdam animi elevationem ad consequendum bonum ar-*  
*duum.* Vid. P. Simonnet tom. 5. p. 188. & seq.

S. Thom.  
 1. 2. q. 23.  
 ar. 2.

Dicitur 5. *possibile*; quia, ut notat Doctor Scholæ, nullus movetur ad id quod æstimat impossibile adipisci. Et vero impossibilitas finis obtinendi desperationem creat, & spem abigit: unde obiter inferes, nullum spei actum ab iis elici posse, qui persuasum habent mandata Dei sibi secundum præsentem, quas habent, vires, conantibus & volentibus, esse impossibilia.

Dicitur 6. *cum fiducia assequendi*, quia nemo efficaciter intendere potest id, cujus consequendi nullam habet fiduciam: unde is solum proprie sperat, qui, non obstante objecti arduitate, confidit se ipsum assequi posse, sive per proprias vires, sive aliena ope, quam sibi ad superandas difficultates adfuturam esse prudenter judicat.

His præmissis facilius erit spei specificæ consideratæ definitio. Itaque

Spes theologica merito definitur: Virtus theologica, per quam certa cum fiducia expectamus a Deo tum beatitudinem æternam, tum media illius consequendæ.

1. Quidem spes est *virtus*, quia facit habentem se & actum ejus, bonum: bonum enim est tendere in Deum, & auxilio ejus inniri. Unde id Psal. 33. *Beatus vir qui sperat in eo*; & Psal. 117. *Bonum est sperare in Domino*.

Præterea, habitus de se inclinans ad bonum est virtus: atqui spes de se inclinatur ad bonum. Inclinatur enim ad possessionem Dei tanquam finis nostri ultimi; quod certe bonum est: quia si bonum est Deo ut fine ultimo perfrui, utique bonum est Deum ut ultimum finem exoptare & in eum toto mentis impetu ferri.

Nec nocet, quod spes reperitur in peccatoribus, qui quæ tales boni non sunt. Virtus enim non dicitur *facere bonum habentem se*, quasi quilibet virtus hominem simpliciter & absolute perfectum efficiat; sed quia nulla est virtus, quæ hominem non perficiat in genere suo; & id ipsis quoque peccatoribus convenit, qui licet, ut peccatores, mali sint & contemnendi, ut tamen in Deo sperant, laudabiles sunt & hoc sensu boni. Unde se habent virtutes eo fere modo, quo sidera, quæ omnia quidem lumen suum emittunt; sed alia ut sol, tale ac tantum ut tenebras omnes expellant, alia longe minus, adeo ut nonnisi aliquam tenebrarum partem excutiant. Vide quæ dixi tom. 1. in Tract. de virtutibus moralibus.

2. Est virtus *theologica*, ac proinde supernaturalis & divinitus infusa, quia pro objecto immediato habet Deum ut summum hominis bonum, & supernaturaliter possidendum. Unde Apostolus: *Deus spei replicat vos omni gaudio & pace in credendo, ut abundetis in spe & virtute Spiritus sancti*.

Tom. 15.

3. *Per quam certa cum fiducia expectamus &c.* quia spes Dei promissis potenter innixa, animam tentationibus quasi procellis obrutam; firmat velut anchora medios inter fluctuum æstus inconcussa, juxta id Apostoli: *Confugimus ad tenendam propositam spem, quam sicut anchoram habemus anima tutam ac firmam*. Sed de hac spei certitudine dicam paulo infra.

Heb. 5. v.  
 19. & 20.

4. Per quam expectamus a Deo; quia beatitudo solis naturæ viribus comparari nequit, cum, ut bene docet S. Thomas, *infinita virtutis sit, ad infinitum bonum perducere*.

Quest. 17.  
 art. 2.

5. Expectamus *beatitudinem & media illius obtinenda*, quæ verba exhibent duplex spei objectum, aliud primum, quod est ipsa Dei possessio; secundarium aliud, quod & a Deo & a nobis dependet. A Deo quidem, quia

quia sine ejus gratia nihil possumus; a nobis vero, quia unusquisque satagere debet, ne gratia Dei in vacuum recipiat. Verum de objecto spei expressius loquemur sectione sequenti.

Spes sicut & fides dividitur in *formatam* & *informem*. Formata ea est; quæ in iustis cum charitate conjuncta reperitur: informis vero ea est, quæ reperitur in Christianis, qui a charitate exciderunt per peccatum, modo peccatum illud non sit desperationis; quia sicut fides per peccatum infidelitatis destruitur, sic & spes per peccatum desperationis extinguí debet. Quæritur an hæc spei divisio sit legitima; seu, quod in idem recidit, an spes informis sit vera spes, & virtus theologica, ac donum Dei supernaturale.

R. affirmative, & prob. 1. ex Concilio Trid. sess. 6. cap. 2. ubi de peccatoribus dicitur, quod *ad considerandam Dei misericordiam se convertendo in spem eriguntur, fidentes Deum sibi propter Christum propitium fore*. Unde sic: Qui in spem eriguntur, quique confidunt Deum sibi propitium fore, non sunt vera spe destituti: atqui tamen iidem adhuc sunt peccatores, cum sperent peccata sua sibi intuitu meritorum Christi remittenda esse: ergo.

Prob. 2. Spes est virtus, per quam homo fidelis vitam æternam expectat a Deo: atqui talis virtus in homine etiam peccatore subsistere potest. Potest enim peccator sperare se gratiæ auxilio ad meliorem frugem reversurum esse, & consequenter se perfecta pœnitentia consecuturum esse vitam æternam, quam Deus sincere pœnitentibus & toto corde conversis promittit: ergo. Vide quæ dixi in citato Tract. de virtutibus cap. 1. p. 15.

Dices 1. Ex Proverb. cap. 24. *non habent futurorum spem mali*: ergo.

R. per *malos* eos hic intelligi, qui nec in Deum, nec in alteram vitam credunt, & qui proinde nec fidem nec spem ullam habere possunt; vel si de malis Judæis sermo sit, sensum esse, quod ita se gerant ac si futuræ vitæ nec præmia expectarent, nec supplicia vererentur: quod etiamnum Christianis innumeris contingit, qui etsi fidei & spei habitum non amiserint, vix tamen ullos utriusque virtutis actus eliciunt, & hoc sensu dici possunt vivere sine fide, & sine spe.

Dices 2. Ubi deest causa, deesse debet & effectus: atqui in peccatoribus deest causa spei. Nam causa spei est charitas, ut docet tum S. Ambrosius *in cap. 7. hoc.* his verbis: *Ex fide charitas, ex charitate spes*; tum Apostolus Rom. 7. *Probatio spem operatur: spes autem non confundit, quia charitas Dei diffusa est in cordibus nostris*: atqui peccatoribus non est charitas; ergo nec spes.

R. 1. ad 1. neg. maj. potest enim causa cessare, & sic deesse, absque eo quod desinat effectus ejus: cum ergo Fideles, qui in baptismo iustificati sunt, charitatem aliquando habuerint, potuerunt ab ea excidere, absque eo, quod exciderint a spe.

R. 2. neg. min. ad 2. dist. charitas est causa spei formatæ & perfectæ, quia illi melius & majori cum fundamento æternæ vitæ bona præstolantur, qui Deum ex toto corde, & ex totis viribus diligunt, C. charitas est necessario causa fidei cujuslibet etiam imperfectæ. N. Solutio est S. Thomæ, *Charitas*, ait S. Doctor, *secundum ordinem perfectionis prior est naturaliter spe*; & ideo adveniente charitate, spes perfectior redditur, quia de amicis maxime speramus; & hoc modo dicit Ambrosius, *quod spes est ex charitate*. At vero in via generationis spes est prior charitate, quia sicut aliquis introducit ad amandum Deum per hoc, quod timens ab ipso puniri cessat a peccato, ut Augustinus dicit: ita etiam spes introducit ad charitatem, in quantum aliquis sperans remunerari a Deo,

accen-

*accenditur ad amandum Deum: ergo charitas non semper est causa spei; sed sæpius spes est causa charitatis.*

## S E C T I O S E C U N D A.

*De objecto spei.*

**N**ULLA est difficultas de objecto materiali. Patet enim ex dictis primarium spei objectum esse Deum, secundarium vero esse media omnia seu spiritualia seu temporalia, per quæ Deus decrevit homines adducere ad sui possessionem. Temporalia spiritualibus adjungo, quia licet hujus vitæ bona sæpius sint impedimenta salutis, possunt tamen Deo sic ordinante ejusdem salutis adjuvamenta esse. Hinc Sanctorum alii per egestatem regnum Dei comparaverunt; alii per divitias, quas per pauperum manus in cœlestes thesauros transfulerunt: unde temporalia bona non propter se & absolute, sed relative & ex affectu ad vitam æternam queri, & a Deo postulari debent, ut alibi docuimus. An autem Deus ipse sit primum spei objectum, ut communiter docent Theologi; an non potius objectum illud sit is ille actus, quo Deum possessuri sumus, ut Derando placet, expendunt Scholastici, & inter alios Suarez in Tractatu de spe sed. 1. n. 4. superest ergo ut dicamus de objecto formali spei, circa quod major, majorisque momenti exurgit difficultas.

Tom. 2.

Porro variz sunt ea de re Theologorum opiniones. Prima eorum est, qui censent *arduitatem*, ut vocant, seu difficultatem Dei possidendi esse *rationem formalem sub qua*; vel, ut alii loquuntur, *objectum motivum* spei theologicæ. Pro hac sententia citantur Richardus & S. Bonaventura. Secunda est eorum, qui volunt rationem formalem spei esse bonitatem objecti sperati, non quidem absolute sumptam, sed prout relativa est ad personam sperantem, cui utilis est & conveniens. Ita Scotus & alii quidam juniores. Tertia illorum est, qui existimant omnipotentiam Dei ut auxiliantem, esse rationem formalem sub qua spei, sicut veritas prima ut revelans, est objectum formale fidei. Ita post Valquem Meratius tom. 2. disp. 30. Gonet disp. 9. art. 3. & Thomistæ communiter. Quarta posteriores duas opiniones complexitur, & præsupponens duo saltem æquivalenter reperiri in actu spei, nempe desiderium beatitudinis, & nisi in illam, reponit objectum formale adæquatum spei in complexo tum ex bonitate Dei respectiva, tum ex infinita ea virtute, qua paratus est nobis auxiliari, noique contra innumeras, quæ in salutis negotio observantur, difficultates tueri & protegere. His positis, sit

**CONCLUSIO I.** Arduitas objecti sperati non est ratio formalis spei.

Prob. Ratio formalis virtutis alicujus ea est, cui virtus illa innititur tanquam medio, & propter quam eadem virtus ad actum reducitur; sic eliciuntur actus fidei & charitatis, tum ob auctoritatem Dei loquentis, tum ob infinitam ejus bonitatem: atqui eadem arduitas non est medium, cui innititur spes nostra, neque est id, propter quod spes ad actum reducitur; cum e contra arduitas sæpius retrahat a sperando, sitque motivum desperationis, ut sæpe docet S. Thomas, & sæpius experientia: ergo.

Prob. 2. Se habet arduitas respectu spei, sicut obscuritas respectu fidei: atqui obscuritas non est ratio formalis, sub qua fides objectum suum attingit, sed tantum conditio seu modus objecto fidei inhærens; ergo a pari arduitas est solum modus spei objecto inhærens. Porro evidens est non id

*Journely Theol. Moral.* Tom. III.

P

omne

bonne, quod intrinsecus est objecti modus, formalem ejus rationem ingredi, sed id solum, quod est ratio primaria & specifica, sub qua objectum aliquod consideratur. Sic tamen si corpus prout est medicinae objectum, sit extensum physice, corpus tamen prout physice extensum, non est objectum medicinae, quia ratio specifica, sub qua medicina corpus attingit, est ejusdem sanabilitas, non autem extensio: ergo.

Confirmatur: Illud solum, ut jam dixi, rationem formalem spei ingredi debet, quo ut motivo mens determinatur ad prosecutionem objecti sperati: atqui arduitas non est motivum mentem determinans; quia non tam habet rationem boni, quam mali, ideoque nata est movere non ad prosecutionem, sed ad fugam beatitudinis: ergo non potest primario ingredi objectum formale spei, quae essentialiter est actus boni prosecutivus. Arduitas ergo non est nisi circumstantia beatitudinis, quae necessaria quidem est adspem, cum spes versari non possit nisi circa objectum arduum & difficile; sed quae formalem speirationem non constituit, quia mens non movetur in objectum per arduitatem ejus, sed per ejus bonitatem & auxilium Dei, ut statim dicam.

CONCLUSIO II. Bonitas Dei relativa non est adequatum spei objectum formale.

Prob. Ratio formalis virtutis theologiae ea est, in quam praedicta virtus ultimate resolvitur. Sic ratio formalis fidei est Dei testificantis auctoritas, quia non credimus nisi propter eam auctoritatem; unde interrogatus quis quare credat, illico reponit se credere, quia Deus revelavit: atqui spes adaequate sumpta, non resolvitur ultimate in bonitatem objecti sperati. Si enim spes ultimate resolveretur adaequate & secundum se totam in bonitatem rei speratae, interrogatus quis quare speret, respondere deberet se sperare, quia res sperata sibi commoda est & conveniens: porro nemo est sanae mentis, qui respondere possit se sperare assecutionem rei, praecise quia bonum est, ut rem illam assequatur. Dicere quidem poterit se rem amare aut desiderare eo, quod haec sibi bona sit; at non dicet, si sapit, se hanc eadem de causa sperare. Sic nemo aegrotus aut mercator eo praecise valetudinem aut divitias sperat, quod sibi bonum sit vel valere, vel divitem esse; sed utique quia confidit se medicum aut propriae industriae auxilio posse bona haec assequi: ergo.

At, inquires, actus spei importat actum desiderii; adeoque in actu spei duo occurrunt, desiderium scilicet objecti, & tendentia in illud, vel saltem occurrit unum aliquid his duobus aequivalens: atqui ratio desiderandi optime resolvitur in bonitatem relativam rei, cum ex mox dictis interrogatus quare quidpiam desiderem, respondere possim, me id desiderare, quia bonum mihi sit: ergo.

R. hinc sequi bonitatem relativam esse rationem formalem spei inadaequate sumptae, non autem ejusdem secundum se totam consideratae. Unde sit

CONCLUSIO III. Objectum formale spei; prout spes est desiderium efficax beatitudinis, est bonitas Dei respectiva: objectum vero formale ejusdem spei, prout est tendentia, nifus, &c, ut ita loquar, mentis erectio adversus difficultates, quae a consequenda beatitudine retardant, est virtus Dei auxiliatrix; non quidem simpliciter, sed prout per divinam promissionem nobis quodammodo obligata.

Prob. 1. pars, 1. ratione mox proposita. 2. quia desiderium est essentialiter motus animi bonum aliquod quae tale prosequentis: ergo spes theologiae, prout est desiderium, tendere debet in Deum quia bonum: atqui non tendit in Deum quatenus absolute & simpliciter in se bonus est: is enim

enim Deum prosequendū modus, perinet ad charitatem, quæ Deum propter Deum diligit: ergo spes tendit in Deum prout nobis bonus est & conveniens.

Prob. 2. pars. Illud est *ratio sub qua* spei, cui spes innititur tanquam medio obtinendi vitam æternam; quemadmodum illud est ratio sub qua fidei, quod est ratio & motivum assentiendi veritatibus revelatis; atqui spes virtuti Dei auxiliatrici, prout sibi per divinas promissiones quodammodo obligatæ, innititur tanquam medio beatitudinis obtinendæ. Ideo enim spero vitam æternam, quia confido & Deum satis esse potentem ut mihi conferat gratias, quarum ope beatitudinem consequi valeam, & satis in me misericordem, ut non solum conferre eas possit, sed & de facto conferre velit. Hinc Psaltes in medium spei assumit auxilium Dei, non possibile dumtaxat, sed certum & quovis opus fuerit, præsto futurum: *Deus meus, inquit, adiutor meus, & sperabo in eum.* Hinc Deus ipse ut Abraham animi ad sperandam beatitudinis mercedem erigeret, suam ei protectionem spondet: *Ego, inquit, sum protector tuus, & merces tua magna nimis.* Hæc omnia clare & paucis expressit Angelus Scholæ: *Sicut, ait, obiectum formale fidei est veritas prima, per quam sicut per quoddam medium assentit his, quæ dicuntur; ita obiectum formale spei est auxilium divinis pietatis & potestatis, propter quod tendit motus spei in bona sperata, quæ sunt materiale obiectum spei;* in qu. disp. q. unica de spe art. 1.

Psal. 117.

Gen. 25.

Obj. 1. Obiectum spei debet esse Deus ipse; alioqui spes non erit virtus theologica, cui essentialiter est ut Deum ipsum immediate attingat: atqui virtus Dei auxiliatrix non est ipse Deus, sed aliquid creatura Deo dimanans: ergo virtus auxiliatrix non est obiectum formale spei etiam inadæquatum.

R. 1. necesse non est ut virtus theologica solum Deum habeat pro obiecto, sed sufficit ipsum habeat pro obiecto partiali primario, ita ut tamen Deus ipse sit ratio per quam eadem virtus in alia objecta minus præcipua tendit: idque evidens est, tum in fide, tum in charitate, quarum prior pro obiecto habet, non Deum modo, sed & id omne, quod revelatum est; posterior vero attingit bonum omne, quod creatura Creatori propter ipsum velle potest.

R. 2. neg. min. nam obiectum spei non est solum auxilium creatum & extra Deum existens, quo Deus nobis succurrit, sed & ipsa increata Dei omnipotentia atque bonitas, prout gratiæ ad debellandos salutis nostræ hostes necessariæ fons & origo: unde se habet gratia nobis in tempore concessa, ad spem, sicut se habet revelatio exterior ad fidem: ergo sicut fides ita innititur externæ Dei revelationi, ut simul quoque increatæ ejusdem veritatis innitatur; sic spes ita creatæ Dei auxilio confidit, ut ulterius iis innitatur Dei attributis, a quibus auxilium illud descendit, potestati scilicet & pietati divinæ, ut supra docebat S. Thomas. Vide Meratium ibid. Sect. 3.

Inst. Auxilium Dei, quod spei naturam ingreditur, non potest esse nisi gratia efficax; alioqui spes incerta esset: atqui auxilium efficax, non potest esse spei motivum, nec ex parte sui ipsius, nec ex parte Dei, cum Deus suis etiam amicis gratiam efficacem sæpe denegat: ergo ratio formalis spei in auxilio Dei reponi nequit.

R. neg. maj. & dico spei motivum esse gratiam, quæcumque ea sit, modo certus sit homo eam sibi desaturam non esse, nisi prior ipse eidem defuerit. Hæc veritas, quàm acriter impugnat auctor quatuordecim Epistolarum contra Documentum Pastorale Emin. Cardinalis de Bossy adversus Theol.

Omne, quod intrinsecus est objecti modus, formalem ejus rationem ingredi, sed id solum, quod est ratio primaria & specifica, sub qua objectum aliquod consideratur. Sic tamen corpus prout est medicinae objectum, sit extensum physice, corpus tamen prout physice extensum, non est objectum medicinae, quia ratio specifica, sub qua medicina corpus attingit, est ejusdem sanabilitas, non autem extensio: ergo.

Confirmatur: Illud solum, ut jam dixi, rationem formalem spei ingredi debet, quo ut motivo mens determinatur ad prosecutionem objecti sperati: atqui arduitas non est motivum mentem determinans; quia non tam habet rationem boni, quam mali, ideoque nata est movere non ad prosecutionem, sed ad fugam beatitudinis: ergo non potest primario ingredi objectum formale spei, quæ essentialiter est actus boni prosecutivus. Arduitas ergo non est nisi circumstantia beatitudinis, quæ necessaria quidem est adspem, cum spes versari non possit nisi circa objectum arduum & difficile; sed quæ formalem aspirationem non constituit, quia mens non movetur in objectum per arduitatem ejus, sed per ejus bonitatem & auxilium Dei, ut statim dicam.

CONCLUSIO II. Bonitas Dei relativa non est adæquatam spei objectum formale.

Prob. Ratio formalis virtutis theologicæ ea est, in quam prædicta virtus ultimate resolvitur. Sic ratio formalis fidei est Dei testificantis auctoritas, quia non credimus nisi propter eam auctoritatem; unde interrogatus quis quare credat, illico reponit se credere, quia Deus revelavit: atqui spes adæquate sumpta, non resolvitur ultimate in bonitatem objecti sperati. Si enim spes ultimate resolveretur adæquate & secundum se totam in bonitatem rei speratæ, interrogatus quis quare speret, respondere deberet se sperare, quia res sperata sibi commoda est & conveniens: porro nemo est sanæ mentis, qui respondere possit se sperare assecutionem rei, præcise quia bonum est, ut rem illam assequatur. Dicere quidem poterit se rem amare aut desiderare eo, quod hæc sibi bona sit; at non dicet, si sapit, se hanc eadem de causa sperare. Sic nemo ægrotus aut mercator eo præcise valetudinem aut divitias sperat, quod sibi bonum sit vel valere, vel divitem esse; sed utique quia confidit se medici aut propriæ industriæ auxilio posse bona hæc assequi: ergo.

At, inquires, actus spei importat actum desiderii; adeoque in actu spei duo occurrunt, desiderium scilicet objecti, & tendentia in illud, vel salutem occurrit utrumque aliquid his duobus æquivalens: atqui ratio desiderandi optime resolvitur in bonitatem relativam rei, cum ex mox dictis interrogatus quare quidpiam desiderem, respondere possim; me id desiderare, quia bonum mihi sit: ergo.

R. hinc sequi bonitatem relativam esse rationem formalem spei inadæquate sumptæ, non autem ejusdem secundum se totam consideratæ. Unde sit

CONCLUSIO III. Objectum formale spei, prout spes est desiderium essentialiter beatitudinis, est bonitas Dei respectiva: objectum vero formale ejusdem spei, prout est tendentia, nisus, &c, ut ita loquar, mentis erectio adversus difficultates, quæ a consequenda beatitudine retardant, est virtus Dei auxiliatrix; non quidem simpliciter, sed prout per divinam promissionem nobis quodammodo obligata.

Prob. 1. pars, 1. ratione mox proposita. 2. quia desiderium est essentialiter motus animi bonum aliquod quæ tale prosequentis: ergo spes theologica, prout est desiderium, tendere debet in Deum quæ bonum: atqui non tendit in Deum quatenus absolute & simpliciter in se bonus est: is enim



enim Deum prosequendi modus, pertinet ad charitatem, quæ Deum propter Deum diligit: ergo spes tendit in Deum prout nobis bonus est & conveniens.

Prob. 2. pars. Illud est ratio sub qua spei, cui spes innititur tanquam medio obtinendi vitam æternam; quemadmodum illud est ratio sub qua fidei, quod est ratio & motivum assentiendi veritatibus revelatis: atqui spes virtuti Dei auxiliatrici, prout sibi per divinas promissiones quodammodo obligatur, innititur tanquam medio beatitudinis obtinendæ. Ideo enim spero vitam æternam, quia confido & Deum satis esse potentem ut mihi conferat gratias, quarum ope beatitudinem consequi valeam, & satis in me misericordem, ut non solum conferre eas possit, sed & de facto conferre velit. Hinc Psalter in medium spei assumit auxilium Dei, non possibile dumtaxat, sed certum & quoties opus fuerit, præsto futurum: *Deus meus, inquit, adjutor meus, & sperabo in eum.* Hinc Deus ipse ut Abraham animam ad sperandam beatitudinis mercedem erigeret, suam ei protectionem spondet: *Ego, inquit, sum protector tuus, & merces tua magna nimis.* Hæc omnia clare & paucis expressit Angelus Scholæ: *Sicut, ait, objectum formale fidei est veritas prima, per quam sicut per quoddam medium assentis bis, quæ dicuntur; ita objectum formale spei est auxilium divinis pietatis & potestatis, propter quod tendit motus spei in bona sperata, quæ sunt materiale objectum spei;* in qu. disp. q. unica de spe art. 1. Psal. 117. Gen. 25.

Obj. 1. Objectum spei debet esse Deus ipse; alioqui spes non erit virtus theologica, cui essentiale est ut Deum ipsum immediate attingat: atqui virtus Dei auxiliatrix non est ipse Deus, sed aliquid creatura Deo dimanans: ergo virtus auxiliatrix non est objectum formale spei etiam inadæquatum.

R. 1. necesse non est ut virtus theologica solum Deum habeat pro objecto, sed sufficit ipsum habeat pro objecto partiali primario, ita ut tamen Deus ipse sit ratio per quam eadem virtus in alia objecta minus præcipua tendit: idque evidens est, tum in fide, tum in charitate, quarum prior pro objecto habet, non Deum modo, sed & id omne, quod revelatum est; posterior vero attingit bonum omne, quod creatura Creatori propter ipsum velle potest.

R. 2. neg. min. nam objectum spei non est solum auxilium creatum & extra Deum existens, quo Deus nobis succurrit, sed & ipsa increata Dei omnipotentia atque bonitas, prout gratiæ ad debellandos salutis nostræ hostes necessariæ fons & origo: unde se habet gratia nobis in tempore concessa, ad spem, sicut se habet revelatio exterior ad fidem: ergo sicut fides ita innititur exteriori Dei revelationi, ut simul quoque increata ejusdem veritati innitatur; sic spes ita creato Dei auxilio confidit, ut ulterius iis innitatur Dei attributis, a quibus auxilium illud descendit, potestati scilicet & pietati divinæ, ut supra docebat S. Thomas. Vide Merajum ibid. Sect. 3.

Inst. Auxilium Dei, quod spei naturam ingreditur, non potest esse nisi gratia efficax; alioqui spes incerta esset: atqui auxilium efficax non potest esse spei motivum, nec ex parte sui ipsius, nec ex parte Dei, cum Deus suis etiam amicis gratiam efficacem sæpe deneget: ergo ratio formalis spei in auxilio Dei reponi nequit.

R. neg. maj. & dico spei motivum esse gratiam, quæcumque ea sit, modo certus sit homo eam sibi desuturam non esse, nisi prior ipse eidem defuerit. Hæc veritas, quam acriter impugnat auctor quatuordecim Epistolarum contra Documentum Pastorale Emin. Cardinalis de Bissy adversus Theq-

ibid. q. 17.  
art. 2.

logicas Jvenini Institutiones datum an. 1710. hæc, inquam, veritas discretè traditur a Concilio Trid. sess. 6. cap. 13. his verbis: *In Dei auxilio firmissimam spem collocare omnes debent; Deus enim nisi ipsi illius gratia defuerint, sicut capis opus bonum, ita perficiet.* Ergo auxilium, cui innititur spes nostra, tale est, ut ei homines deesse possint, & sæpius desint, ac proinde non est gratia efficax, cui homo nūquam resistit. Idipsum luculente docet S. Thomas: *Objectum spei*, inquit, *est uno modo beatitudo æterna, & alio modo divinum auxilium .... & utrumque eorum proponitur nobis per fidem, per quam innotescit, quod ad vitam æternam possimus pervenire, & quod ad hoc paratum est nobis divinum auxilium.* Quæro an fides doceat paratam esse nobis gratiam efficacem, quæ tot hominum miriadibus deest. Vide aliud Pastorale Documentum citati Cardinalis contra prædictas Epistolas, datum an. 1716. p. 3. & seq.

Quæ sit fidei certitudo, & qualiter hæc cum systemate nostro concilietur, dicam inferius. Unum annotare sufficiat, impossibile esse spei theologicæ actum in systemate Janzenio: spes enim non nititur sola Dei omnipotentia & bonitate, sed præcipue ejus promissis, ut expresse docet Catechismus Meldensis \* ab Illustr. Bossueto compositus: ergo sublata Dei promissione necesse est spem tolli: jam vero nulla est Dei promissio de danda cuiuspiam gratia efficaci: ergo spes sola gratia efficaci inniti non potest.

Obj. 2. Idem non est objectum materiale simul & formale spei: atqui auxilium divinæ pietatis est objectum materiale spei, cum illud auxilium possit & debeat a nobis sperari: ergo auxilium illud non potest esse objectum formale spei.

R. neg. maj. quia, quod sub uno respectu est objectum materiale, sub alio esse potest objectum formale. Sic v. g. revelatio est objectum formale fidei: atqui tam eadem revelatio potest esse, & est de facto objectum materiale ejusdem fidei: potest enim fide divina credi tale mysterium, puta incarnationem, in hoc vel illo Scripturæ loco revelatum esse: ergo a pari id, quod sub uno respectu est objectum materiale spei, sub alio esse potest ejusdem objectum formale. Vide Meratium, disp. 31. sect. -

## SECTIO TERTIA.

### De subiecto spei.

**D**E subiecto spei hæc paucis tradimus, quæ alii latius expendunt.

1. Spes reperitur in omnibus viatoribus, nisi sint Infideles, Hæretici, aut de salute sua desperantes. Ratio primæ partis est, quia Christiani viatores, vel sunt iusti, & tunc omni virtutum theologicarum numero & apparatu instructi esse debent: vel sunt peccatores, & in his perseverat spes, nisi vel excendant a fide, quæ spei & charitatis fundamentum est, vel in desperationem spei capitaliter insensam abeant, ut paulo ante dictum est. Ratio secundæ partis est, quia fides est fundamentum spei: porro nec Infideles, nec Hæretici fidem habent theologicam: ergo nec spem theologicam habere possunt, sed naturalem solum & acquisitam, quæ est amor quidam naturalis summi boni, & humana quædam in ipsum tendentia.

2. Remanet spes in animabus, quæ purgatoria flamma torquentur. Ratio est

1. quia

\* D. Pouquoy dit: «vous que vous espérez la vie éternelle que Dieu a promise. » R. Parce que la promesse de Dieu est le fondement de notre espérance. Catech. Meld. 3. p. 161. n. 277.

1. quia eadem animæ fidem, quæ spei fundamentum est, conservant, cum non videant faciem ad faciem. 2. quia ubi occurrit expectatio boni absentis, & ita ardui ut nonnisi per graves cruciatus obtineri possit, ibi spem occurrere oportet: atqui animæ purgantes expectationem hanc habent. Idem eadem de causa dicendum de animabus Patriarcharum, quæ ante Christi passionem tenebantur in limbo: unde Sap. 3. *spes illorum immortalitate plena esse dicebatur*. Nec nocet certitudo futuræ gloriæ: hæc enim spem non eximit; alioqui Beata Virgo vixisset sine spe; unde si cui futura sua beatitudo revelata esset, non desineret sperare.

3. Nulla manet spes in damnatis: tum quia ad eorum damnationem perinet ut de ejusdem perpetuitate certi sint, juxta id Job 15. v. 22. *Non credit quod reverti possit de tenebris ad lucem*; tum quia damnati non possunt salutem suam apprehendere ut possibilem; tum denique, quia reprobatus ubique fuit error Origenis, & similium, qui Misericordes dicti fuere, quique docebant imponendum aliquando esse finem damnatorum pœnis, eosque proinde non omni spe destitui: unde de Origene scribit Aug. *eum misericordiores fuisse, quam docere, & tanto errasse deformius, quanto sensu hac in re clementius*.

Lib. de  
Heres. c. 43.

4. In comprehensioribus non remanet spes, saltem prout est in nobis. 1. quia jam fruuntur beatitudine, quæ in nobis præcipuum est fidei objectum. 2. quia licet expectent gloriam corporis sui, & accidentalia quædam gaudia, non tamen hæc proprie sperant: *Quia objectum spei est arduum; bonum autem, cuius jam inevitabilem causam habemus, non comparatur ad nos in ratione ardui, cum præsertim illud nullo labore nobis est comparandum*. Ergo illi, qui habent gloriam animæ, non proprie dicuntur sperare gloriam corporis, sed magis desiderare.

S. Thom.  
hic q. 17.  
ar. 2. ad 4.

Quærent hic Theologi, an homo, cui facta esset futuræ suæ damnationis revelatio, adhuc teneretur ad sperandum.

Not. 1. Licet is casus absolute non repugnet, quia potest Deus scientiam suam, cui voluerit, communicare, repugnat tamen de potentia ordinaria, ut docet S. Th. q. 23. de veritat. 8. ad 2. *si alicui talis revelatio fieret, deberet intelligi non secundum modum prophetiæ prædestinationis, vel præscientiæ, sed per modum prophetiæ comminationis, quæ intelligitur, supposita conditione meritorum*.

Not. 2. Duplex est ea de re opinio. Prima negat hominem hunc posse sperare, adeoque negat eum jam amplius teneri ad sperandum: ita Gonet disp. 9. art. 5. & alii non pauci. Secunda contrarium tuetur, & pro ea pognant Mantion tom. 3. disp. 16. sect. 8. pag. 346. Contenson lib. 7. dissert. 3. cap. 1. specul. 3. & hæc videtur probabilior. Unde

Prob. 1. Quia homo ille ante revelationem damnationis suæ poterat sperare: ergo & post eandem revelationem potest adhuc, & debet sperare. Prob. conseq. Ideo ante revelationem poterat reprobis sperare, quia beatitudo erat illi possibilis, ac præsto illi erant auxilia sufficientia ad salutem obtinendam necessaria: atqui revelatio damnationis ob peccata infligendæ, nec tolleret media ad salutem necessaria, nec prout salutis ipsis possibilitatem. Sicut enim Dei præscientia nec ullam rebus præcisiis necessitatem imponit, nec impedit quia Deus ipsis etiam reprobandis, media ad salutem necessaria conferat; sic nec id impediret ejusdem præscientiæ manifestatio, quæ non mutat objectum, sed futuram dumtaxat liberæ voluntatis malitiam, & pœnam ei juste infligendam declarat: ergo in hac hypothesi posset adhuc reprobis sperare: si posset vero, jam teneretur. Ita & iidem fere verbis Contenson. Unde poter colliges, ineptum esse, & falsum id, quod Janfeniani

dictitant; gratiam sufficientem non esse in Thomistarum systemate Christianæ spei motivum.

Confirm. 1. ratio, cur ante revelationem sperat reprobis, non est ignorantia reprobationis; neque enim ignorantia sperandi motivum esse potest; tota ergo ratio sperandi ante revelationem est beatitudinis possibilitas per gratiam sufficientem, & expedita voluntatis facultas ad præceptorum adimpletionem: atqui extrinseca revelatio nec tollit auxiliorum sufficientiam, nec liberam voluntatis ad implenda præcepta potestatem: ergo nec spem, quæ iis innuitur, tollere potest.

Confirm. 2. non magis damnationis futuræ revelatio a sperandi obligatione eximeret, quam futuræ negationis revelatio Petrum exemerit ab obligatione non negandi: atqui hæc non: ergo nec illa. Porro si S. Petrus posita etiam negationis revelatione, adhuc tenebatur ad non negandum; adhuc etiam tenebatur ad sperandum fore ut non negaret, cum, ait citatus Thomista, nullus teneatur ad illud peccatum fugiendum, cuius vitandi spem non habet, sed desperationem.

Prob. 2. ideo juxta Gonet, spes omnis defineret in præsentī casu, quia tunc tolleretur objectum spei, quod est beatitudo, non solum ut possibilis, sed etiam ut futura, & prudenter expectata: atqui tale objectum non tolleretur. Objectum enim spei non est beatitudo certo, & absolute futura; sed eadem beatitudo futura sub hac conditione, si fecerit homo id, quod potest cum auxilio gratiæ, quæ non deerit: atqui post prædictam revelationem, beatitudo esset adhuc eodem modo futura, cum revelatio nec auxilia sufficientia semoveat, nec adimat voluntati potestatem illis bene utendi: ergo. Ita ferme Martinon e Soc. Jesu, & Contenson e familia Prædicatorum.

Prob. 3. a posteriori. Si posita hac revelatione homo nec posset nec teneretur sperare, neque etiam ad ullam legis observationem teneretur; sed posset placide, & citra culpam in omni vitiorum cœno se volutare: atqui horrendum consequens. Minor patet, prob. maj. Qui non teneretur ad prosequendum finem, nec etiam teneri potest ad prosequenda media, quibus ad finem hunc pervenitur; cum ergo bona opera, & fuga peccati sint media, quibus ad beatitudinem pervenitur, utique homo, qui nullam finis spem haberet, ad hæc media non teneretur.

Probant 4. aliqui a contrario, quia Apostolus, qui certam habuit revelationem de salute sua, nihilominus timebat ne reprobareretur, juxta id 1. Cor. 9. *Castigo corpus meum: ne cum aliis prædicavero, ipse reprobis efficiar*: ergo qui certam haberet revelationem de damnatione sua, adhuc sperare posset.

Sed argumentum hoc certo non probat, quia urgeri potest vel Apostolum cum hæc scripsit, necdum certam habuisse revelationem de salute sua; vel eum non in propria, sed, quod sæpius facit, in cujuslibet nostrum persona locutum esse, ut ostenderet eos etiam, qui plura & magna pro Christo præstiterunt, adhuc vereri debere, ne tandem aliquando cadant, & demum reprobandur.

Obj. 1. Objectum spei necessario includit judicium prudens de futuritione beatitudinis: atqui in eo, qui per revelationem certus esset de sua reprobatione, non esset judicium prudens de futuritione beatitudinis, cum in eo econtra esset judicium prudens, & certum de non futuritione ejusdem beatitudinis.

R. dist. maj. objectum spei includit judicium prudens de futuritione conditio-

ditionata beatitudinis. C. de futuritione absoluta, N. Ut homo de reprobatione sua certus, spem habere debeat, unum sufficit, ut nempe salutem eo modo post revelationem sibi factam apprehendat, quo apprehendebat antea. Porro sic se res haberet in hypothesi prædicta: ante revelationem enim salus non apprehendebatur ut certo futura, sed futura sub conditione divini auxilii, & boni usus liberi arbitrii: atqui eodem apprehenderetur modo post revelationem.

Confirm. Tam posset homo salutem suam sperare in hoc casu, quam Deus serio velle possit salutem illius, quem absoluta voluntate vult damnare: atqui Deus vult seria voluntate, antecedente, & conditionata salutem illius, quem voluntate absoluta, & consequenti reprobare intendit, quia nempe, ait citatus Contenson, vult præbere auxilia sufficientia, *per que ad optatum salutis exitum perveniret reprobis, si vellet*: ergo sicut voluntas Dei conditionata per absolutam ejus voluntatem non tollitur, sic nec certitudo reprobationis absoluta spem ejus conditionatam auferre deberet.

Obj. 2. Non magis posset is, cui damnatio sua revelata foret, salutem suam sperare, quam Ecclesia posset sperare salutem illius, quem sciret prædestinatum esse *in æternum ignem ire cum diabolo*: atqui ex S. August. Ecclesia hujus hominis salutem sperare non posset. Si enim sperare eam posset, posset & pro ea orare: atqui ex S. Augustino non magis pro hujus hominis salute orare posset, quam pro diabolo: ergo.

*Lib. 22. de civ. d. 24.*

R. neg. maj. cum eodem Theologo. Magnum quippe est discrimen inter salutem propriam, & alienam; quia aliena non est in manibus nostris, sicut nostra: unde quamdiu possumus salutem nostram velle, (& semper possumus cum gratia Dei semper oblata) tamdiu possumus, & tenemur sperare. At vero cum aliorum voluntatis domini non sumus, si de obstinata eorum malitia, revelante Deo, certiores facti essemus, sicut eorum voluntatem flectere non possemus, sic nec pro iis orare tenemur.

## SECTIO QUARTA.

### *De proprietatibus spei.*

**I**nter spei proprietates recenseri possunt. 1. ejus certitudo. 2. necessitas eliciendi actus ejusdem. 3. honestas eorundem actuum, præsertim verò amoris concupiscentiæ, quem spes naturaliter importare videtur.

## PUNCTUM PRIMUM.

### *De certitudine spei.*

**P**seudo-reformati existimant fidem esse certam animi fiduciam, quam unusquisque indubitanter sibi applicat promissiones futuræ beatitudinis generatim factas: unde sequitur, quod Novatoribus absurdum non videtur, unicuique firmiter esse credendum se esse ex prædestinatorum numero. Aliter sentiunt Catholici, quibuscum sit

**CONCLUSIO.** Spes est certa ex parte Dei, incerta vero ex parte nostri: seu, ut loquuntur alii, spes est certa certitudine conditionata, non autem certitudine absoluta; potest tamen, & debet dici spes simpliciter, & in se certa.

Prob. 1. pars 1. ex Scriptura. Psalm. 24. v. 3. *Universi, qui sustinent te,*

P 4

non

*non confundentur.* Eccli. 2. v. 11. *Scitote, quia nullus speravit in Domino, & confusus est.* Rom. 8. *Spes non confundit.* 2. Timoth. 1. *Scio cui credidi, & certus sum, quia potens est depositum meum servare.* Unde sic: Si spes incerta esset ex parte Dei, spes suo quandoque frustraretur effectu, quia Deus creatoris suis deesset, sicque confunderentur ii, qui sperant in Domino: atqui hoc repugnat citatis Scripturæ textibus: ergo.

Prob. 2. Illa virtus est certa ex parte Dei, quæ certis, & inconcussis Dei attributis innitur; certitudo enim medij probat certitudinem habitus, qui in illo medio fundatur, ut patet in scientia: atqui spes certis, & inconcussis Dei attributis nititur. Spes enim innitur tum omnipotentia Dei, tum ejus veracitati, seu fidelitati in promissis, ut patet his Apostoli verbis: *Per duas res immobiles quibus impossibile est mentiri Deum, fortissimum solatium habemus, qui confugimus ad tenendam propositam spem, quam sicut anchoram habemus animæ tutam, ac firmam.* Porro quid indubium, quid inconcussum magnis, quam omnipotentia, & veracitas Dei? Fidelis est, se ipsum negare non potest. Hinc S. Bernardus expendens hæc Psalms verba: *Adjuvabis eos Dominus, & liberabis eos.* & *eruet eos a peccatoribus, & salvabit eos, quia speraverunt in eo,* sic loquitur: *Si hæc sapimus, ut quid cunctamur?* Si quid illi impossibile, si quid vel difficile est, quære aliud in quo speres; sed verbo omnia potest. An vero de facilitate jam non dubitas, sed ipsa tibi est suspecta voluntas? Plane & voluntatis testimonia credibilia facta sunt nimis. Quis speravit in eo, & confusus est? Facilius est cælum, & terram transire, quam verbum ejus evacuare: ergo spes Christianorum ex parte Dei omnino certa est.

Prob. 2. pars. Illud non est certum absolute ex parte nostri, quod pendet ex conditione, de qua certi non sumus: atqui spes pendet ex conditione de qua nec certi sumus, nec, seclusa Dei revelatione, certi esse possumus. Spei enim exitus pendet a bono gratiæ nobis concedendæ usu: atqui de bono illo usu certi non sumus. Si enim de eo certi essemus, jam nullus esset nobis locus ex parte nostrâ timendi in negotio salutis, sicut non est timendi locus ex parte Dei: atqui falsum consequens, & toti Scripturæ repugnans. Eccli. 9. *Sunt iusti atque sapientes, & opera eorum in manu Dei; & tamen nescit homo utrum amore, vel odio dignus sit, sed omnia in futurum servantur incerta.* Textum hunc terribilem vocabat S. Bernardus, licet spei alioqui plenissimus, & ad ejus lectionem totum se infremere testabatur. Rom. 11. *Tu autem fide stas, noli altum sapere, sed time.* 1. Cor. 10. *Qui se existimat stare, videat ne cadat.* Phil. 2. *Cum metu & tremore vestram salutem operamini.* Quæ loca dum timorem, & sollicitudinem imperant, necessario excludunt certitudinem absolutam, quæ cum metu, ac tremore tanto compati non posset.

Prob. 2. ab absurdis. Si spes ex parte nostrâ absolute certa sit, poterit, ac proinde tenebitur unusquisque certo credere se esse ex prædestinatorum numero: atqui consequens est plusquam absurdum; ipsi enim Protestantes pro certo habere debent multos esse ex ipsis, qui in æternum pereant, cum illic sicut alibi, verum sit paucos esse electos: qui ergo fieri potest ut ii omnes indubitata fide sese prædestinatos esse credant? Merito itaque Trident. Synodus errori huic anathema indixit his verbis: *Si quis dixerit, neminem vere esse justificatum, nisi qui credat se esse justificatum, anathema sit.* Verum circa hæc recurrendum est ad Tractatum de justificatione.

Prob. 3. pars. Res quælibet æstimari, & denominari debet ex iis, quæ sunt ei propria, non autem ex iis, quæ ipsi per accidens adveniunt: atqui ex dictis,

dictis, spes est ratione principii sui & intrinsece certa, cum præcipue fundetur in omnipotentia & provida Dei bonitate, quæ sine peccato in dubium revocari non possunt. Quod autem sperans incertitudini & fluctuationi obnoxius sit, non oritur a motivo spei, quo nihil potentius, nihil firmitus, sed ex defectu liberi arbitrii, & instabilitate humanæ voluntatis, qua nihil debilius, nihil magis inconstans: ergo sicut ars & prudentia merito habentur ut habitus in se certi & infallibiles, tamen si subjectum, cui insunt, sæpius aberraret a scopo, quia error ille non est artis aut prudentiæ defectus, sed operantis; ita & a pari spes verissimo illo sensu dici potest in se & simpliciter certa.

Obj. Ea virtus non est certa ratione sui, quæ est causa timoris & anxietatis: atqui spes est causa timoris & anxietatis. Ubi enim est spes, sibi necessario est desiderium possidendi bonum arduum & obtentu difficile: atqui ubi est tale desiderium, ibi necessario est anxietas & timor, nempe non obtinendi idem bonum; & is quidem timor eo acrius torquet, quo plurius æstimatur bonum, quod est objectum spei: unde qui beatitudinis æternæ jacturam non veretur, aut omni spe caret, aut temere de se præsumit: ergo spes non minus incerta est ratione sui, quam opinio.

R. dist. maj. ea virtus certa non est, quæ ratione sui est causa timoris, C. quæ per accidens solum & propter defectum alterius est causa timoris, N. Timor excidendi ab objecto spei non nascitur ex ipsa spe, sicut timor deviandi a vero nascitur ab opinione. Opinio essentialiter innititur motivo fallibili; spes vero omnipotentæ & veracitati divinæ, quæ fundamenta sunt *immobilia*, ut ait Apostolus. Tota ergo anxietas, quæ spem comitatur, oritur ex defectu hominis, qui timet, & merito timet ne divinæ bonitatis divitias contemnat: sed nihil inde contra spei ipsius certitudinem colligi potest; sicut ex eo, quod artifex, cum præsertim materiam pretiosam tractat, anxius sit & plurimum timeat ne contra artis regulas peccet, nihil contra ipsam artis certitudinem inferri potest. Cæterum timor, quem parit spes, suam habet suavitatem; imo hoc habet, quod objecti sperati desiderium adaugendo, spem ipsam adaugeat, juxta id Psalm. 13. *Qui timet Dominum, speraverunt in Domino*. Quare vero? quia non se habet timor Dei sicut timor hominum: timor hominum avertit nos ab hominibus, ut qui nobis male velint; timor Dei efficit ut in Dei sinum nos projiciamus, ne ab eo separemur.

Ex quibus duo magni momenti corollaria erui possunt cum Theologo Parisiensi. 1. cum qui vere sperat in Domino, exuere utcumque humanitatem, & induere fortitudinem Dei, ut jam cum Apostolo dicat: *Cum infirmor, tunc potens sum; omnia possum in eo, qui me confortat*. Quid enim non possit, qui innititur omnipotentæ & bonitati divinæ, quam docet fides vobis non esse defuturam, nisi priores ei defuerimus? Hinc confidenter S. Bernardus: *Si insurgant adversum me prælia, si seviat mundus, si fremat malignus, si ipsa caro adversus spiritum concupiscat, in te ego sperabo*. 2. in id præcipue Confessariis & Pastoribus incumbendum esse, ut spei spiritu eos *Serm. 9.* impleant, quorum saluti deserviant, eosque doceant, timorem illum, in *Psalm. 90.* quem Ecclesia Dei donum esse credit, nedum animos deiciat, & repellat a Deo, imo ad ipsum totis velis impellere; quod ut præstet, & in spem erigi debet, & annexam habere sui ipsius dissidentiam.

Unum addo quod licet spes ex parte nostri sit incerta, non desunt tamen signa, ex quibus & amor Dei in nos, & nostri in Deum affectus quasi certo cognoscitur, ac proinde mens in spem firmam erigi possit: ut si nihil in nobis

gra-

*Teles. 7.* grave & lethale redarguat conscientia; si constans divinæ legis desiderium ex-  
*13.* periamur, si crebra revocemus illud Scripturæ: *Qui timet Deum, nihil negligit.*

## PUNCTUM SECUNDUM.

*De necessitate spei.*

*sup. art. 1.*  
*sec. 2. p.*  
*226.*

**T**riplex hic difficultas examinanda venit, an scilicet, quando, & quibus spes necessaria sit. Quod ut melius intelligatur, repetendum est iis, quæ supra diximus, quotuplici modo possit aliquid ad alterius consecutionem esse necessarium.

**CONCLUSIO I.** Spes est necessaria necessitate mediæ, & præcepti tum naturalis, tum divini. Tres sunt partes.

*sec. 6. c. 6.* Prob. 1. pars. Homo vel est peccator, vel iustus: atque utrique necessaria est spes. 1. quidem peccatori. Ei enim necessaria est spes necessitate mediæ, qui sine spe justificationem obtinere non potest: atque sine spe non potest peccator justificationem obtinere, cum Concilium Tridentinum inter dispositiones adultis peccatoribus necessarias exigit, ut in *spem erigantur*, *fidentes sibi Deum propitium fore*. Atque id sæpius inculcant Scripturæ. Proverb. 28. *Qui sperat in Domino, sanabitur*. Matth. 9. & alibi pluries, spem requirebat Christus his similibusve verbis: *Confide, dimittantur tibi peccata tua*. 2. Nec minus est necessaria spes homini iusto, cum ea selecta gratias ad perseverandum in bono necessarias nec postulare ut par est, nec proinde assequi valeat, juxta id Scripturæ: *Non ergo affinet homo ille, qui hæsit diffidentia, & proinde germanam spem non habet, quod accipiat aliquid a Domino*.

*jacobi 2.*  
*v. 7.*

Hæc spei necessitas vel ad ipsos infantes extenditur, quibus tamen sufficit spei habitus, quem in baptismo cum aliis virtutibus recipiunt.

Prob. 2. pars. Quod enim necessarium est necessitate mediæ, est etiam necessarium necessitate præcepti naturalis, cum præcipiat lex naturæ ut media ad finem necessaria, cum in nostra sunt potestate, adhibeamus: atque ex modo dictis spes est necessaria necessitate mediæ: ergo.

Prob. 3. pars 1. quia lex divina innumeris prope in locis spem imperat. Sic Psalm. 65. *Sperate in eo omnis congregatio populi*. Eccles. 11. *Dirige viam, & spera in illum*. Olee. 12. *Spera in Deo tuo semper*. 2. Petric. 1. *Sperate in eum, quæ vobis offertur gratiam*. 2. quia Alexander VII. hanc reprobavit propositionem, *Homo nullo unquam vitæ suæ tempore tenetur elicere actum fidei, spei, & charitatis, ex vi præceptorum divinarum ad eas virtutes pertinentium; eademque anno 1700. a Gallicano Clero proscripta est ut scandalosa, in praxi perniciofa, erronea, fidei & Evangelii oblivionem inducens; ergo datur præceptum divinum de efficiendis spei actibus, ac proinde spes necessaria est necessitate præcepti divini*.

Jam vero ut intelligatur, quando spergeat præceptum spei, norandum spei præcepto duo imperari, nempe spem ipsam beatitudinis, & damnationis æternæ timorem, duo item prohiberi, desperationem scilicet, & temerariam præsumptionem. His positis, sit

**CONCLUSIO II.** Præceptum negativum spei semper & pro semper obligat, præceptum vero affirmativum ejusdem spei, aliquando obligat per se, aliquando per accidens.

Prob. 1. pars; quia hæc est præcepti negativæ conditio, ut semper & pro semper obliget; unde nunquam est desperandum, nunquam præsumendum.



dam. Quale autem sit desperationis præsumptionisve peccatum dicam sect. 6.

Prob. 2. pars. Ut præceptum spei aliquando obliget per se, aliquando per accidens, sufficit ut detur speciale præceptum spei, tunc enim obligabit per se; & ut sæpius aliarum, quæ ad salutem necessariæ sunt, virtutum actus, sine spei auxilio exerceri non possint, tunc enim obligabit per accidens: atqui utrumque verum est. 1. quidem datur speciale spei præceptum, sicut & datur de aliis virtutibus theologicis, ut patet ex censura propositionis mox adductæ. 2. sæpius contingit ut virtutum ad salutem necessariarum actus sine prævio aut concomitante spei actu elici non possint: sic ex Tridentino pœnitentiæ & contritionis actus requiruntur, ut homo in spem erigatur, & *Deum sibi propitium fore confidat*; ergo spei præceptum aliquando obligat per se, aliquando per accidens.

Porro spei præceptum seu per se, seu per accidens in iisdem casibus obligare videtur, in quibus & ipsum fidei præceptum. Unde obligat per se. 1. cum moraliter loquendo infans rationis usum attingit, satisque instructus est de fine ultimo, de beatitudine, & de mediis, quibus eadem & possibilis redditur & probabiliter futura; tunc enim ut ad finem suum ultimum convertere se tenetur homo, sic & beatitudinem suam efficaciter & cum firma in Deum fiducia desiderare debet: alioqui fictitia esset ejus conversio in ultimum finem, circa cujus consecutionem iners maneret & otiosus. 2. cum quis versatur in periculo desperationis, nisi spei actu titubantem animum confirmet. Ratio est, quia præceptum idem, quod spes imperat, prohibet desperationem; & aliunde repetitus spei actus efficax est medium, quo ingruens desperationis tentatio procul amandetur, his ergo casibus dicendum est cum Propheta Psalte: *Quare tristis est anima mea? Spera in Deo*, &c. 3. cum quis in desperationem aut præsumptionem lapsus est: sicut enim elicitis fidei actibus, ab infidelitate; sic elicitis spei, & timoris, qui ad spem pertinet, actibus, a desperatione & præsumptione resurgendum est. 4. in periculo mortis: tum quia hic maxime urgent præcepta, ea præsertim, quæ ad Deum immediate spectant; tum quia vix aliter tueri se moribundus potest contra insidias inimici, ejusque conatus, quam ad Deum spe firma recurrendo. 5. sæpe sæpius in decursu vitæ. Imo quia jugiter & continuo ad æternam vitam nobis enitendum est, quod propriis viribus non possumus, cum *maledictus sit qui confidit in homine*, tam in se, quam in alio; lequi videtur spem nobis non minuisse necessariam, quam ipsum Dei auxilium, quod spes allicit, quodque iis præcipue conceditur, qui ad omnipotentiam & misericordiam Dei sperando confugiunt, juxta id Psalm. 313. *Qui timet Dominum, speraverunt in eo, adjutor eorum est*.

Jerem. 17.

Obligat etiam per accidens præceptum spei, cum ex præcepto eliciendi sunt actus aiarum virtutum, quæ necessario actum spei præsupponunt, orationis v. g. & pœnitentiæ. Nam orandum est in fide & cum fiducia, ut alibi docuimus; & *nemo potest bene agere pœnitentiam, nisi speraverit indulgentiam*, ait S. Ambrosius lib. 1. *De pœnit.* cap. 1. hinc adulto peccatori spes necessaria est ad justificationem, ut jam dixi. 2. cum in alia, quam spei, materia, occurrit gravis tentatio, quæ superari nequit, nisi animus per spei actum corroboretur.

Ex quibus semel & iterum colligere liceat, quam graviter aberrant tum ii, qui raro & vix unquam theologicarum virtutum actus exercent: tum ii & Confessarii, qui nusquam interrogant pœnitentes an huic officio satisfecerint.

Sensus quæstionis hic tertio loco examinandæ, est an in omni præsentis vitæ statu spes sit necessaria. Non enim defuerunt postremis hisce temporibus,

bus, qui crediderint Fideles aliquos nonnunquam eo usque perfectionis assurgere, ut jam nullo nisi puri amoris motivo conducantur & moveantur; qui quidem purus amor ita ab omni interesse proprio remotus sit, ut ipsum felicitatis æternæ desiderium, velut aliquid mercenarii, excludat; & ita excludat, ut anima absoluto sacrificio, simpliciter consensu salutem suam æternam devoveat, & suæ condemnationi atque reprobationi simpliciter acquiescat. Ita sentiebat Michael Molinos Hispanus Præbyter, vir hypocrita & ad deceptionem natus; atque hoc ejus systema exhibent istæ ejusdem propositiones, quæ sunt 7. & 12. inter 68. quas anno 1687. damnavit Innocentius XI.

*Non debet anima cogitare nec de præmio, nec de punitione, nec de paradiso, nec de inferno, nec de morte, nec de æternitate.*

*Qui suum liberum arbitrium Deo donavit, de nulla re debet curam habere, nec de inferno, nec de paradiso; nec debet desiderium habere propriæ perfectionis, nec virtutum, nec propriæ sanctitatis, nec propriæ salutis, cujus spem purgare debet.*

- Ex omnimoda hac liberi arbitrii in manibus Dei resignatione, colligebat Molinos, 1. non decere, ut homo perfectus a Deo rem aliquam petat, quia petere est imperfectio, cum sit actus propriæ voluntatis; unde agebat, illud Evangelii, Petite & accipietis, non est dictum a Christo pro animabus internis, quæ nolunt habere voluntatem. 2. non amplius habendam esse in eo tantæ perfectionis statu rationem tentationum, nec eis resistentiam fieri debere, nisi negativam, nulla adhibita industria; & si, inquebat, natura commovetur, oportet finire, quia natura est. 3. ita relinquendam esse Deo curam de omni re nostra, ut sinatur in nobis sine nobis facere suam divinam voluntatem. 4. in oratione opus esse manere in fide obscura & universali, cum quiete & oblivione cujuscumque cogitationis particularis; sicque inserviendum esse Deo absque productione actuum, quia Deus in bis sibi non complacet. Unde 5. sequebatur stupendum illud & horrendum, quod scilicet, qualescumque cogitationes in oratione occurrant, etiam impuræ, etiam contra Deum, Sanctos, fidem, & Sacramenta, si voluntarie non nutrantur, sed cum indifferentia & resignatione tolerantur, non impediunt orationem fidei, imo eam perfectiorem efficiunt, quia anima tunc magis divinæ voluntati resignata manet. Unde 6. in occasione tentationum etiam furiosarum non debet anima, juxta Molinolum, elicere actus explicitos virtutum oppositarum, sed debet in supra dicto amore & resignatione manere: & tunc non solum homo ab omni peccato immunis manet, sed plus meretur, & sanctam acquirit libertatem, idque verum est, etiam si exteriora contra castitatem, non pollutionis modo, sed & fornicationis peccata committantur. Cæterum quia docebant spurii mystici hominem ad sublimem hunc perfectionis gradum pervenire, non reflectendo amplius ad proprias operationes, sed manendo in quiete, & sinendo ut Deus operetur in nobis sine nobis, hinc inditum iis Quietistarum nomen.

Doctrinam hanc quatenus spes et perfectorum statu excludit, & absolutum æternæ salutis sacrificium continet, renovare, ac p. unde Semi-quietismum inducere visus est vir omnimoda pietate, sublimitate ingenii, teneroque in Ecclesiam affectu commendandus, Illustrissimus D. Franciscus de Fenelon Archiepiscopus, Dux Cameracensis, in Libro cui titulus: *Explication des maximes des Saints*, ut patet ex his propositionibus, ad quas totam Operis ipsius summam redigere visa est Sedes Apostolica.

- Prop. 1. *Datur habitualis status amoris Dei, qui est charitas pura, & sine ulla admixtione motivii proprii interesse. Neque timor pœnarum, neque desiderium remunerationum habens amplius in eo partem. Non amatur amplius Deus propter meritum, neque propter perfectionem, neque propter felicitatem in eo amando invenientiam.*



luerunt. Abraham enim *Pf. expectabat fundamenta habentem civitatem, cujus artifex & conditor Deus*, Hæb. 11. Moyses *aspiciebat in remunerationem*, ib. David, *Unam, inquit, petii a Domino, hanc requiram, ut habitem in domo Domini omnibus diebus vitæ meæ*, 26. & *Pf. 118. Inclina cor meum ad faciendas justificationes tuas in eternum propter retributionem*. S. Paulus de Christianis omnium perfectissimis loquebatur, cum agebat Rom. 8. *Nos ipsi primitias Spiritus habentes, & ipsi intra nos gemimus, adoptionem filiorum expectantes, redemptionem corporis nostri; spe enim salvi facti sumus ... si autem, quod non videmus, speramus, per patientiam expectamus*. Porro si vir usque ad tertium Cælum raptus, & cui hominum nemo sese adæquare præsumat, semetipsum avidus spei roboraverit, quis eo usque perfectum se credet, ut spei motivum quasi imperfectum abiciat?

Prob. 2. ex Patribus, quorum instar sint Augustinus & Bernardus. Cum, ait Augustinus Tract. 9. in *Jur. caperis desiderare venientem Christum casta anima, quæ desiderat amplexus sponsi. si virgo interior ipsa fide, spe, & charitate. Habet jam fiduciam in die judicii. & dicit, adveniat regnum tuum. Ergo fratres date operam, ut desideretis diem judicii; aliter non probatur perfecta charitas, nisi cum caperis dies ille desiderari*. Ubi nedum S. Doctor omne proprii interesse motivum abiciat a charitate, vult e contra sedulam propriæ beatitudinis inquisitionem, ejusque jure desiderium, esse perfectæ charitatis indicium & probationem. S. Bernardus Tract. de dilig. Deo c. 14. *Nunquam erit, inquit, charitas sine cupiditate, sed ordinata*. Et iterum: *Nescio si a quoquam hominum quantum in hac vita gradus perfecte apprehenditur, ut se scilicet diligit homo, tantum propter Deum: afferat hoc, qui experti sunt; mihi, fateor, impossibile videtur*; ergo scitius & impossibilis est, teste S. Bernardo, statum ille, quem spuri mystici cumulum perfectionis appellant. Plura in hanc rem videris, tum in Documento Pastoralis Episcopi Carnotensis dato an. 1698. tum in variis, quæ ea de re edidit doctissimus Bossuet, Operibus, in quinque tomos distributis.

Prob. 3. ratione theologica, eaque duplici, sed raptim & paucis proponenda. 1. si spei & timoris motivum e summo perfectiorum statu exulare debeat, jam quo quis perfectior erit, eo plus circa salutem suam æternam habebit indifferentiæ, sicque constitutus erit, ut perinde sibi sit, sive salvandus sit, sive damnandus, dummodo adimpleatur voluntas Dei; atqui absurdum consequens; ergo & antecedens. Major constat, tum ex adductis supra Molinosi & Archiepiscopi Cameracensis propositionibus; tum ex istis, quæ passim in Operibus Dominæ Guyon reperiuntur. 1. *L'abandon parfait, qui est la clef de tout l'intérieur, n'excepce rien, ne réserve rien, ni mort, ni vie, ni perfection, ni salut, ni paradis, ni enfer*. 2. *Que craignez vous, cœur lâche! vous craignez de vous perdre? hélas pour ce que vous valez, qu'il importe*. Prob. min. 1. quia si nobis circa propriam salutem indifferentes esse liceat, idem licebit a fortiori circa salutem, sive temporalem, sive æternam aliorum; unde imperfecti esse debuerunt homines Apostoli, qui tanto cum ardore mundi totius conversioni operam suam impenderant. 2. quia si perinde nobis sit salus, vel damnatio, perinde etiam esse debet, sive pie & christiane, sive gentiliter & irreligiose vivamus, dummodo impleatur voluntas Dei, quæ ex iis, quæ intra nos acta geruntur, semper dignoscitur, iuxta hanc ejusdem sœminæ propositionem, *Ce qui nous est le plus nécessaire, est également le plus aisé de savoir de connoître la volonté de Dieu; & c'est sans nécessité qu'on se met en peine de la découvrir: la volonté de Dieu n'est autre chose que ce qu'il permet nous* arri-

\* Joanna Maria Bouvrières de la Mothe Guyon.

*arriver à chaque moment*. 3. demum quia indifferentia hæc omne laboris proprii studium exstinguit, & inertiam fovet, dum qui se jam ad summum perfectionis gradum pervenisse credent, inertes & otiosi manebunt, & mere passive se habentes expectabunt, donec Deus in ipsis id omne operetur, quod vult: ergo Quietisticum systema in præcipitum trahit.

2. Si amor Dei ut perfectus sit, unice ferri debeat in Deum prout in se bonum, abique ullo ad nos respectu, qui essent in eo perfectionis statu, nec Deum amare possent ob collata sibi beneficia, nec ab eo quidquam postulare: atqui falsum consequens. 1. quia Deus ipse collata nobis beneficia, ut amoris nostri motivum proponit, tum apud Joannem his verbis; *Sic Deus dilexit mundum, ut filium suum unigenitum daret*; 4.3. v. 13. tum apud Apostolum Rom. 5. *Commendat charitatem suam Deus in nobis, quoniam ... Christus pro nobis mortuus est*. 2. quia Ecclesia sponsum suum imitata, nobis, omnibusque multa tum in hoc, tum in futuro sæculo utilia precatur; ergo vel male precatur Ecclesia, quod dictum impium est; vel si bene precatur, censet aliquem esse, eumque verum Dei amorem, qui non sit sine omni ad nos respectu.

Obj. 1. caput 32. Exod. & cap. 9. Epist. ad Romanos, in quorum prioribus Moyses optat deleri de libro viventium; in posteriori vero Paulus a Christo anathema esse desiderat. Sed utrumque locum solvimus in Tractatu de Religione, par. 2. cap. 2. ar. 6. concl. 2.

Obj. 2. Ex Apost. 1. Cor. 13. *Charitas non querit, quæ sua sunt*: atqui quæreret, quæ sua sunt, si proprium interesse quæreret: ergo.

R. sensum Apostoli esse, quod homo vera charitate præditus, privata sua bona non præferat utilitati publicæ, aut bono divino, quod est universale bonum: unde vera charitas se ipsam aliis communicat, eoque est contenta magis, quo plures ad Dei notitiam & amorem adducit, & idipsum est, quod docet ibid. Apost. cum ait: *Nemo quod suum est, querat, sed quod est alterius*; ubi non prohibet simpliciter, ne quis rebus suis invigilet, sed ne ita sibi adhæreat soli, ut de vero proximi bono non sit sollicitus. Cap. 10.

R. 2. ex hoc Pauli textu strictius sumpto ad summum sequi, hominem; quatenus & prout ex perfectæ charitatis motivo operatur, propter Deum solum abique ullo ad semetipsum respectu operari; non autem eum male, vel imperfecte operari, cum aliis in momentis spei motivo utitur: unde sic in forma responderi potest cum distinctione: Charitas non querit, quæ sua sunt, modo inordinato, C. nullo modo, subd. id est, qui ex charitate agit, pro tunc solo Dei intuitu movetur, C. id est male, vel imperfecte agit, eum inspirante Dei gratia motivo spei, aliisve similibus conducitur, N. Porro innumeras S. Joannis a Cruce, S. Theresiæ, aliorumque mysticorum locutiones, quibus se tuebatur Illust. Cameracensis Antistes, quasque fuscè expendit in Documento circa librum cui titulus: *Maximes des Saints*, hic sigillatim discutere non vacat: legi poterit eximium Bossueti Opus, quod inscribitur: *De nova questione Tractatus tres*. 1. *Mystici in tuto*, &c.

### PUNCTUM TERTIUM.

*De bonitate, seu honestate spei.*

**N**ot. 2. Hæc quæstio hic pertractanda est ob suam cum præcedenti affinitatem; non sic tamen quasi Quietistæ spem potentius aggressi fuerint:

sint : ea enim iniquiores nacta fuit adversarios in Jansenianis, qui nullum vitiosam inter cupiditatem & laudabilem charitatem, medium admittentes, actum spei nisi a charitate ipsa imperetur defectuosum esse crediderunt. Quod quia quibusdam durius visum est, sic illi spem intellexerunt, ut eam quasi charitatis partem traduxerint, docendo quod amor, quo Deus amatur velut summum bonum nostrum, & felicitas nostra, sit amor charitatis strictæ sumptæ; amor, inquam, purus, non mercenarius, gratuitus non interessatus, verba sunt Ethicæ amoris l. 3. c. 2. n. 9. sicque puiat facile conciliari posse Theologos super divini amoris necessitate ad justificationem in Sacramento Pœnitentiæ; cum, inquit, exceptis paucis rigidis Molinistis, cæteri fere conveniant saltem amorem spei, sive Dei quatenus summi boni, & ultimi finis nostri ad eam necessarium esse.

Not. 2. Ut hæc quæstio secundum se totam discuteretur, videndum esset an duos actus ad spem relativi, qui sunt amor concupiscentiæ erga beatitudinem, & ejus admittendæ timor, boni sint & laudabiles. Sed quia de timore dixit Doct. Tournely in Tractatu de Pœnitentia, idcirco solius concupiscentiæ amoris honestatem vindicabimus in præsentia. Sit igitur

CONCLUSIO 1. Amor concupiscentiæ, quo Deum prosequimur ut summum nostri bonum, honestus est & supernaturalis; unde licitum est, ac virtuosum operari intuitu beatitudinis solius.

Prob. 1. ex Tridentino sess. 6. can. 31. *Si quis dixerit justificatum peccare, dum intuitu æternæ mercedis bene operatur, anathema sit*; atqui in sistemate adversariorum peccat, qui intuitu æternæ mercedis operatur, quia in hoc systemate peccat quisquis non agit ex motivo charitatis strictæ sumptæ: porro ex eo motivo non agimus, dum Deum non propter se, & absolute, sed prout nobis bonum diligimus & prosequimur; ergo adversariorum opinio a Concilio Tridentino reprobata est. Reprobata quoque fuit a Pontificibus Romanis Concilio Tridentino posterioribus. Has enim propositiones damnavit Alexander VIII. *Quisquis etiam æternæ mercedis intuitu Deo famulatur, charitate si caruerit, vitio non caret, quoties intuitu licet beatitudinis operatur. Et iterum: Intentio qua quis detestatur malum, & prosequitur bonum, mere ut cælestem obtineat gloriam, non est bona, nec Deo placens.*

Prob. 2. Ideo censent adversarii actum spei, seu amoris concupiscentiæ per se solum non posse sine peccato elici, quia existimant nullam esse actionem ex omni parte bonam, nisi quæ refertur ad Deum propter se dilectum; atqui id omnino falsum est, ut probavimus in Tractatu de actibus humanis.

Prob. 3. quia alioqui vituperandi essent quotquot fuerunt in utroque Testamento viri sanctiores, qui, ut Sectione præcedenti probatum est, propter retributionem operati sunt, unamque beatitudinem intendere videbantur: atqui impium consequens.

Nec solum honestus est amor ille, sed & supernaturalis. 1. quia per hunc amorem diligimus Deum ut summum nostrum bonum supernaturale, nobisque per actus beatificos uniendum: atqui amor, quo sic diligimus Deum, necessario superat naturæ vires. 2. quia amor, per quem disponimur ad justificationem, debet esse supernaturalis & a gratia proficisci: atqui per amorem spei ad justificationem disponimur, ex Tridentino supra citato: ergo.

Obj. 1. Amor undequaque vitiosus nihil habet honesti: atqui amor quilibet concupiscentiæ est undequaque vitiosus. Prob. min. Amor cupiditatis est ex omni parte vitiosus: atqui amor concupiscentiæ est amor cupiditatis

ex

ex S. Bernardo. Sic enim loquitur S. Doctor in Tract. de diligendo Deo c. 12. *Facit, & Mercenarius opus Dei; sed quia non gratis, propria trahit cupiditate convincitur. Porro ubi proprietas... ibi sine dubio sordes, seu rubigo.*

R. Ad 1. neg. min. si enim quilibet concupiscentiæ amor esset omni ex parte vitiosus, nisi ex charitate ad ipsum charitatis finem referretur, perperam, & injuste prorsus Conc. Trident. dixisset anathema Calvinio, & Luthero contententibus hominem peccare, dum operando æternam sibi mercedem concupiscit. Neuter enim abjiciebat intuitum mercedis, si ad eam ex charitate tenderetur: ambo facebantur hominem mercede tanquam optimo stimulo ad bene agendi studium incitari; ac proinde hominem tunc dumtaxat reum faciebant, cum actus ejus sistebat in intuitu mercedis solius: ergo ex Concilio Tridentino datur amor concupiscentiæ, qui nihil habet mali: neque id mirum videri debet; sunt enim, ut docet Origenes, concupiscentiæ malæ, sunt & bonæ, juxta id Sap. 6. v. 14. *Concupiscentia sapientia deducit ad regnum Cælorum.*

Calvin. in  
Antid. ad.  
cas. 31.  
sess. 6.  
Mem. 7. in  
Levis.

Confirm. Velle frui Deo nihil habet mali, imo multum boni, cum toties præcipiatur in Scriptura: atqui ex S. Thoma hic q. 26. a. 3. ad 3. *quod aliquis vellet frui Deo, pertinet ad amorem, quo Deus amatur amore concupiscentiæ; ergo licet tempore S. Augustini obtinuisse usum, ut si cupiditas vel concupiscentia, dicatur, nec addatur, cujus rei sit, non nisi in malo possit intelligi, nunc tamen passim apud Scholasticos amor concupiscentiæ bonum in sensum accipitur. De hac materia utiliter leges Documentum Pastorale Illustrissimi nunc Cameracensis Archiepiscopi circa necessitatem omnes, & singulos actus ad Deum referendi ex motivo charitatis.*

L. 14. de  
Civ. c. 7.

Ad 2. dist. min. amor concupiscentiæ malæ est amor cupiditatis, C. amor concupiscentiæ bonæ, & sanctæ, qualis ille est, quo quis vult Deo frui, ut ait S. Thomas, N. is enim fuit amor Prophetæ, qui *unam petiit a Domino*, Domini ipsius possessionem. Is est amor quem Deus in hominibus accendere curat, cum se hominibus ut eorum mercedem magnam nimis proponit: is denique est amor, qui aliorum hominis amoris scopus est, & finis; cum juxta omnes mundi Catechismos homo ideo creatus sit, ut Deum cognoscat, & amet, & hoc pacto vitam æternam consequatur.

Inst. amor concupiscentiæ, ipsius etiam beatitudinis, est amor malæ cupiditatis: ergo.

Prob. subf. Amor inordinatus non potest esse nisi amor malæ cupiditatis: atqui amor, quo beatitudo concupiscitur pure, & simpliciter, est amor inordinatus. Ille enim amor est inordinatus, per quem homo constituit ultimum finem respectu ipsius Dei: atqui per amorem concupiscentiæ constituit se homo finem ultimum respectu Dei ipsius. Prob. min. quia per hunc amorem homo Deum ad se refert, ac proinde se; non autem Deum amare convincitur.

R. Ad 1. neg. subf. ad 2. neg. min. Ille enim amor vere est ordinatus quo tendimus in Deum secundum ordinem a Deo constitutum: atqui per amorem, quo Deo frui volumus ut nobis a Deo bene sit, tendimus in Deum secundum ordinem ab ipso constitutum: cum Deus velit non solum ut eum amemus propter se, & sine ullo ad nos respectu, sed etiam ut eum amemus tanquam bonum nostrum, nostramque mercedem. Et vero quid aliud volunt singulæ novi Testamenti paginæ, dum ubique nobis proponit amorem Dei in Christo, & per Christum? An non ut Deum diligamus quia ipse prior dilexit nos; quia nobis omnia donavit in Christo;

*Tournely Theol. Moral. Tom. III.*

Q

quia

quia exemplo Christi enitendum nobis est, ut per patientiam curramus ad bravium supernæ vocationis?

Ad 3. neg. min. Per eum enim amorem non constituit homo finem suum ultimum in se, per quem essentialiter constituit finem suum ultimum in Deo: atqui per amorem, de quo loquimur, homo essentialiter constituit finem suum ultimum in Deo. Qui enim sibi vult Deum ut finem suum ultimum, qui Deum ut beatificatorem volendo, non vult nisi suam cum fine suo ultimo unionem, ille finem suum ultimum constituit in Deo: atqui hoc facit homo, cum Deum sibi concupiscit, solum enim vult Deo tanquam summo suo bono perfrui: ergo.

Ad 4. dist. homo per amorem concupiscentiæ Deum ad se refert, relatione sibi permessa, nec permessa solum, sed & præcepta, C. relatione Deo injuriosa, & homini prohibita, N. Nomen *referendi*, quod prima fronte odiosi aliquid habet, valde ambiguum est; res enim ad aliam referri potest multiplici sensu. Aliquando unum refertur ad aliud, ut ignobilius, & inferius ad id, quod superius judicatur, & nobilius; & hoc præcipue locum habet cum id, quod refertur ad aliud, eam solum æstimabilitatem habere censetur, ex qua nobis ut ipso melioribus prodesse potest: sic homo pecuniam comparat, quam eo solum nomine æstimat; quod sibi ad vitam pecunia pretiosorem inservire possit. Aliquando unum refertur ad aliud, ut superius ad id, quod multo inferius judicatur: unde id, quod tunc referri dicitur, non refertur si stricte loqui velis, sed quæritur ut nostri perfectivum, & ut nobis ab eo bene sit. Porro, qui Deum amat amore concupiscentiæ, non utique eum ad se refert priori sensu, sed posteriori solum. Hæc autem relatio, si relatio est, nedum Deo sit injuriosa, imo demonstrat eum haberi pro ente omnium perfectissimo, quo scilicet cætera omnia indigeant, & a quo solo perfici, & omnimode beari possint. Quapropter, qui Deum ad se referunt hoc sensu, Deo ipsi obsequuntur; id ipsum enim est, quod præcipitur Deuter. 12. v. 28. his verbis: *Observa, & audi omnia, quæ ego præcipio tibi, ut bene sit tibi*. Ecquis, ait Ethica amoris, redarguere ausit amorem, qui prorsus est secundum ordinationem Dei, seu amoris ordinem a Deo institutum & præceptum?

Huic redit communis hæc aliorum distinctio in hunc modum: Per amorem spei homo Deum ad se refert, ut ad subiectum, cui tantum bonum optat & desiderat, C. ut ad finem ultimum, N. Ille enim non refert Deum ad se ut ad finem, qui Deum sibi exoptando ut summum bonum, refert se ad Deum ut ad finem ultimum: atqui homo dum Deo frui & inebriari desiderat; refert se ad Deum ut ultimum finem suum. Ille enim refert se ad Deum ut ad finem ultimum, qui ita tendit in Deum ut eo obtento nihil amplius desideret: atqui homo per spem tendit in Deum ut bonum, quo obtento nihil amplius desiderare possit: ergo talis relatio laudabilis admodum est, & honesta; cum, ut bene advertit Habert, qui in hisce materiis suspectus esse nequit, per eam testemur summam Dei bonitatem, & perfectionem omnimodam. Sic refertur causa ad effectum, fons ad rivulum, plenitudo ad vacuum, misericordia ad miserrum, perfectivum ad perfectibile.

Obj. 2. Vitiosus est amor, per quem utimur Deo; cum, ut docet Augustinus L. 83. qq. quæstione 30. *omnis humana perversio sit fruendis uti velle, atque utendis frui*: atqui per amorem concupiscentiæ homo utitur Deo, scilicet ad proprium sui commodum.

R. neg. min. ulus enim proprie versatur circa media: atqui amor concupiscentiæ-



scientiæ non respicit Deum ut medium; amor enim concupiscentiæ non tendit in amantem ut finem ultimum Dei, sed tendit in Deum ut finem ultimum amantis ipsi per actus beatificos coniungendum. In hoc autem nihil est inordinati, nihil quod non probet eum, qui sperat, Deum intueri ut finem rerum omnium, & omnis creaturæ perfectivum: ergo nihil etiam est, quod probet Deum solam mediū rationem habere apud eos, qui solius mercedis æternæ desiderio operantur.

Inst. Ideo, qui alimenta quærit ad vitam, eadem ut medium habere censetur, quia non iudicat ullam iis inesse amabilitatem nisi in ordine ad vitam: atqui pariter, qui solius mercedis intuitu operatur, nec iudicat ullam Deo inesse amabilitatem nisi in ordine ad seipsum: ergo.

R. Neg. min. iudicium enim hoc, quod ne Deista quidem efformaret, multo minus efformabit vir, qui agit ex motu Spiritus Sancti. Quapropter, qui intuitu mercedis solius operatur, actu quidem non proponit sibi absolutæ Dei bonitatis motivum, cum id pertineat ad charitatem; sed bonitatem hanc absolutam non denegat Deo, imo implicite eam animadvertit, cum non quærat Deum ut summum sui bonum, nisi quia certo deregit Deum esse omnimode perfectum. Et certe iudicium, quo denegaretur Deo bonitas absoluta, penitus retraheret a Deo propter se solum diligendo: atqui amor concupiscentiæ sensim conducit ad Deum propter se solum diligendum: qui enim Deum sibi ardentè concupiscit ut summum sui bonum, ita omnes Dei perfectiones explorat paulatim, ut iis accensus quasi naturaliter tandem exclamet cum S. Francisco Xaverio: *O Deus amo te: nec amo te ut corones me, nec quia non amantes te eterno crucias igne*. Quod etiam scitabat mulier illa, quæ a P. Yvone Dominicano in Campis Damasci interrogata, cur una manu ignem, altera aquam gestaret, respondit velle se inferorum flammam extinguere, & comburere paradysum, ut iam homines, nec pœnarum metu, nec spe mercedis, sed puro, & solo Dei amore moverentur.

Obj. 3. Amor proprius est vitiosus: atqui amor concupiscentiæ, quo Deum diligimus ut summum nostrum bonum, est amor proprius. Amor enim benevolentis respectu nostri, est amor proprius: atqui amor, quo Deum nobis concupiscimus, est simul, & indivisibiliter amor benevolentis respectu nostri, cum per eum nobis bene velimus: ergo.

R. Ad 1. dist. maj. amor proprius, quo bona sensibilia nobis inordinate concupiscimus, est amor vitiosus, C. amor proprius sumptus pro amore, quo Deum ut nostri summe perfectivum nobis uniri desideramus, est amor vitiosus, N. amor enim ille nedum vitiosus sit, imo a vitio retrahit, atque in id unum tendit, ut nos Deo intime conjungat.

CONCLUSIO II. Amor, quo Deum diligimus ut summum nostrum bonum, non est amor charitatis, quæ proinde pro objecto habet Deum propter se dilectum, & ita dilectum propter se, ut adhuc diligeretur, si futurus non esset summum hominis bonum.

Prob. 1. autoritate S. Thomæ, quo nemo clarius, nemo majori cum præcisione in hisce materiis locutus: *Spes*, inquit, *est omnis appetitivus motus ex amore derivatus*... *Amor autem quidem est perfectus, quidam imperfectus; perfectus quidem amor est, quo aliquis secundum se amatur, utpote cui aliquis vult bonum, sicut homo amat amicum: imperfectus amor est, quo quis amat aliquid non secundum ipsum, sed ut illud bonum sibi ipsi proveniat, sicut homo amat rem, quam concupiscit*. Primus autem amor pertinet ad charitatem, quæ inhaeret Deo secundum seipsum: sed spes

pertinet ad secundum amorem, quia ille, qui sperat aliquid, sibi obtinere intendit; & ideo in via generationis spes est prior charitate, &c. Idem expresse docet Scotus in 4. dist. 27. n. 3. docet proinde universa Thomist. ac Scotist. Schola; neque ii solum, sed & pars multo maxima Theologorum tradit id omni auctori charitati intrinsecum esse, ut anima Deum diligere, etiam si nullam ab eo speraret beatitudinem, verba sunt ipsius Bossueti, in Tract. cui titulus: *Mystici in tuto p. 99.* Neque ita soli Scholastici senserunt, & piissimi quicumque vitæ spiritualis magistri, ut de S. Francisco Salesio fatetur Ethica; & de aliis innumeris bona fide satendum esset. Ne vero de his omnibus dicatur, quod improvide satis de Francisco Salesio dixit Ethica, eum scilicet Scholasticorum sui temporis principis (a quibus edoctus fuit) præventum, a S. Augustino, aliisque Patribus recessisse, dum scripsit amorem spei imperfectum esse, quod in bonitatem infinitam non tendat ut in se talis est, sed ut talis est nobis; ne, inquam, id irreverenter & temere dicatur.

Prob. 2. ex Patribus S. Gregorius Nyssenus hom. 1. in Cantica sic loquitur: Nonnullis fit etiam salus per timorem, quando intuentes ad minas, supplicii, gehennæ separantur a malo. Sunt etiam aliqui, qui propter spem mercedis reposcunt iis, qui pie vixerint, se recte & ex virtute gerunt, non charitate bonum possidentes... Sed qui animo currit ad perfectionem, expellit quidem timorem; est enim ejusmodi servilis affectio... Despicit ipsas quoque mercedes, ne videatur mercedem plaris facere, quam eum, qui donat lucernam. Ibi, ut videre est, S. Doctor tres distinguit gradus in ascensu ad Deum: in primo sunt, qui timoris intuitu separant se a peccato; in secundo, qui allicuntur spe mercedis, quo nomine intelligitur Dei possessio, cum hæc reposita sit iis, qui pie vixerint; & aliunde pie non vivant, sed procul aberrant, qui aliam a Deo ipso mercedem quaerunt: in tertio demum ii versantur, qui Deum propter se amant, abstrahendo tum a pœnis in eos ferendis, qui non diligunt; tum a mercede iis repromissa, qui diligunt; atqui in hoc tertio gradu, qui cæteris perfectior est, quique ideo est ipse charitatis status, sola Deum diligendi ratio est ipse Deus sine ordine ad proprium interesse. In secundo autem gradu, in quo post mercedem curritur, nondum charitate possidetur Deus, seu, quod idem est, nondum Deo adhæretur per charitatem: ergo charitas tendit in Deum sine respectu ad propriam amantis mercedem.

S. Ambrosius L. 4. de interp. David c. 11. Qui illum sequitur Christum, non premio ducitur ad perfectionem, sed perfectione consummatur ad præmium; imitatores enim Christi non propter spem boni sunt, sed pro amoris virtutis: Christus enim per naturam bonus, non propter præmii cupiditatem: ergo datur amor, per quem tenditur in Deum independentem a spe boni, & præmii; is autem amor, cum omnium sit præstantissimus, & Christum propius imitetur, necessario est amor charitatis.

S. Augustinus L. 21. de civ. Dei c. 15. in fine: Sed si, quod absit, illius tanti boni spes nulla esset, male debuimus in hujus constitutionis molestia remanere, quam vitii in nos dominationem non eis resistendo permittere.

Idem S. Doctor Serm. 385. c. 3. n. 4. alias hom. 38. inter 40. Non enim propterea debes habere amicum, vel amare, ut aliquid tibi præstet. Si propterea illum amas, ut præstet tibi vel pecuniam, vel aliquod commodum temporale, non illum amas, sed illud quod præstat: amicus gratis amandus est, propter se se, non propter aliud. Si hominem te hortatur amicitia regula, ut gratis diligas; quam gratis amandus est Deus, qui jubet ut hominem diligas: Unde sic: Amor, ad quem hic exhortatur Augustinus, est amor charitatis, ut patet: qui amor ille ita

ita-

Eth. a. ib.  
n. 19 p. 218.

tendit in Deum propter se, ut Deum diligat gratis, atque etiamsi nulla spes esset ejus possidendi: ergo amor charitatis habet pro objecto Deum propter se dilectum. Plures hujusmodi textus reperire est in Documento Pastoralis Illustr. Cameracensis Archiepiscopi circa Librum suum, cui titulus: *Maximes des Saints*; ubi post multos Patrum textus hæc adducuntur S. Bernardi verba: *Amor iste merito gratus, quia gratuitus .. Qualis suscipitur a Deo, talis & redditur: qui enim sic amat, baud secus profectio, quam amatus est, amat; quærens & ipse vicissim non, quæ sua sunt, sed quæ Jesu Christi: quemadmodum ille nostra, vel potius nos, & non sua quæsit .. Dominum conficitur, non quoniam sibi bonus est, sed quoniam bonus est: hic vere diligit Deum propter Deum, non propter se ipsum.*

De dilig.  
Deo.

Prob. 3. ratione. 1. Non minus Deus præcile propter se ipsam diligere potest, quam homo: atqui homo quotidie propter se ipsum, & absque ullo ad proprium commodum respectu diligitur. Sic quandoque hæroes & summi ingenii viros ob præclaras, quibus referti erant, cordis & animi dotes eo utique diligimus, ut æternam eorum damnationem serio desinemus: quo pertinet notum illud ejusdem Franciæ Polemarchi, qui Mariannem ab Herode occisam indigne ferens, arrepto pene gladio nulli Herodum perpercisset, si quem forte habuisset obvium.

2. Si Deus absque æternæ mercedis intuitu diligere non possit, jam diligendus non fuisset ab homine, si vel æternam ei mercedem non destinasset, vel suam ei probationem revelasset: atqui utrumque falsum est, & communi Theologorum Catholicorum sententiæ repugnat: ergo.

Obj. 1. cum Ethica amoris: Dilectio Dei perfecta imo & perfectissima præcipitur his Scripturæ verbis: *Diliges Dominum Deum tuum ex toto corde tuo*: atqui hæc dilectio non præcipitur sine respectu Dei ad creaturas; hunc enim Dei ad nos respectum significant voces istæ: *Dominum Deum tuum*: ideo enim Dominus tuus, quia creator tuus, quia benefactor tuus, quia bonum tuum, ergo omnis Dei amor tendit in Deum ut nobis summe bonum.

Tom. 2. p.  
217.

Matth 22.

R. 1. Si valeat hæc ratiocinatio, impossibile ergo est, ut Deus propter semetipsum pure & simpliciter & gratis diligatur, adeoque jam diligendus non esset, si forte futurus non fuisset merces nostra magna nimis: atqui hoc non modo Mysticis omnibus, sed & sanctis Patribus repugnat, ut statim ostendi.

R. 2. Falli Ethicam cum credit ex consideratione Dei tanquam benefactoris & Domini non posse hominem accendi ad amorem Dei gratuitum: nihil enim æquitati & cordis bene constituti dispositionibus magis est consentaneum, quam ut propius inspectis Dei perfectionibus tum absolutis, tum etiam ad hominem relativis, eo usque progrediatur ut secum dicat: Deus ille, qui tot me beneficiis cumulavit, toties reo mihi pepercit, sanguinemque suum pro me effudit, tanto nunc mihi amore dignus videtur, ut eum diligere, etiamsi jam nihil ab eo mercedis expectarem; eique deinceps confitebor: *non quoniam mihi bonus est, sed quoniam bonus est*. Quapropter dicendum est, objectis Christi verbis præcipi dilectionem Dei, quæ nunc magis aut minus perfecta est, prout ex motivo magis vel minus perfecto elicitur. Communiter tamen Scriptura ad amorem invitat proposito mercedis intuitu, quia, ut docet S. Chrysostomus, hæc ad Deum tendendi via infirmitati nostræ magis congruit; & pauci admodum Deo adhærerent, si nihil ab eo expectarent boni: unde illud Christi: *Querite primum regnum Dei*.

Hom. 17.  
in Epist.  
ad Heb.  
Matth. 6.

Obj. 2. multos Patres, quos inter Augustinus lib. 2. de Do& Christ. c. 22. *Tournely Theol. Moral. Tom. III.*

Q 3 Tunc,

Tunc, inquit, est optimus homo, cum tota sua vita pergit ad incommutabilem vitam, & toto affectu inhaeret illi; & S. Bernard. Serm. 25. de dilectione. *Hæc sunt, pro quibus incessanter .. ad Deum clamant desideria tua, ut ... in eo vivas, & moriaris in ipso, ut gloriam ejus videre, & ipso frui in perpetuum merearis*: ergo non datur amor Dei pure gratuitus, ac proinde amor charitatis, ad Deum ut in se, simulque nobis bonum tendit.

R. neg. conseq. ii enim, aliique innumeri ejusdem generis textus probant quidem contra Novatores licitum & sanctum esse operari intuitu mercedis æternæ, eamque incessanter prosequi; sed non probant vel Deum non fore amandum, si mercedem non destinasset homini, vel neminem esse, qui ita aliquando Deum propter Deum diligit, ut tota ejus dilectionis ratio sit summa & absoluta Dei amabilitas.

Obj. 3. Amor, quo Deum ut nobis summe bonum prosequimur, est amor, quo tendimus in Deum ut finem ultimum: atqui amor, quo tendimus in Deum ut finem ultimum, pertinet ad charitatem stricte sumptam: ergo amor quo diligimus Deum ut nobis bonum est amor charitatis.

R. neg. min. ille enim solum amor juxta nos, &c., ut supra dicebat Illustr. Possuet, juxta Theologorum partem multo maximam, pertinet ad charitatem, quo Deus diligitur propter se solum, seu propter absolutam sui bonitatem: atqui Deus non diligitur gratis & propter se solum per amorem omnem, quo in eum ut in finem ultimum tenditur: qui enim tendit in Deum ut sibi ab eo bene sit, utque in eo obtento suaviter conquiescat, ille profecto non alium habet finem ultimum, quam Deum: porro implicat in terminis, ut quis in sensu composito Deum ut sibi ab eo bene sit, quærat, & tamen Deum gratis diligit & propter se; alioqui enim & gratis & simul mercenarie diligeret: ergo aliud est operari propter Deum propter se dilectum, aliud operari propter Deum tanquam ultimum finem; mirumque est quod Theologi, imo & Præfules etuditi hæc duo confundere videantur.

## SECTIO QUINTA.

### De effectibus spei.

Quatuor recenseri possunt vivæ spei effectus. 1. enim sperantem reddit bonis operibus intentum: spes enim spectata ut mera passio, id habet proprii ut animos accendat, diligentiam excitet, & acuat solertiam, ut vel removeat obices, vel etiam eos, si fieri potest, proprios in usum convertat: unde Sapiens, *Qui sperat*, inquit, *quocumque pergit, prudenter intelligit*, id est tali, ac tanta utitur circumspectione ut nullum prætereat medium, quo ad opatum finem devenire possit: idque, ut monet Christus, in hujus sæculi filiis cernere est, qui ut divitias comparent, vel a malo negotio se se expediant, improbo & antelucano labori incumbunt, industriam atque sagacitatem ingeminant, & in omnem se vertunt partem, ne a scopo suo excidant: Porro sicca sit vis spei in ordine naturali consideratæ, quid non præstabit, quid non aggredietur, quid relinquet intentati spes viva Christianorum? habet hæc pro objecto bonum, quod oculus non vidit, nec auris audivit, ut docet Apostolus, cui concinens sanctus gratiæ Doctor; *Vita*, inquit, *vita immortalis spes est vite immortalis*: ergo quo nobilior est finis ille, eo ardentius media omnia, quibus in eum tendat, inquirere homo, & iniquita amplecti debet. Neque vero trans mare currendum est ut hæc inve-

Cor. 4. in  
1. Cor. 103.  
sub fin.

inveniantur, cum prosperis ut & adversis, gloria non secus, ac ignobilitate, bona perinde, ac mala fama regnum cœleste obtineri possit.

2. Spes theologica firmat in adversis, & mentem inie- innumeras vitæ  
hujus varietates Deo arctis nexibus conjungit, juxta illud Apostoli: *Con-* *Hebr. 6.*  
*fugimus in medio calamitarum æstu, ad tenendam propositam spem; quam* 18.  
*sicut anchoram habemus animæ tutam, ac firmam.* Sicut ergo, ait Augu-  
stinus in Psalm. 64. *de navi, quæ in anchoris est, recte dicitur, quod jam*  
*in terra sit; adhuc tamen fluctuat, sed in terra quodammodo educta est con-*  
*tra ventos & tempestates: sic contra tentationes hujus peregrinationis nostræ,*  
*spes nostra fundata in illa civitate Jerusalem facit nos non abripi in saxa.*  
Hinc est, quod iusti tot ab Apostolo encomiis ditari, adversa quæcunque  
contemplerint: *Circuierunt in melotis, in pellibus caprinis, egerent, angu-* *Hebr. 11.*  
*stati, afflicti, quibus dignus non erat mundus: in solitudinibus errantes* v. 37.  
*in montibus & speluncis, & in cavernis terræ.* In his autem omnibus  
superabundabant gaudio: quare vero? quia expectabant *fundamenta: haben-*  
*tem civitatem, ejus artifices & conditor Deus;* quia patriam inquirebant, *vid. v. 10.*  
& appetebant *meliozem, id est cœlestem:* ergo spei proprium est, ut in ad- *& 14.*  
versis nutantes animos confirmet.

3. Eadem spes, nisi mortua sit, timorem mundanum fugat: mundanus  
enim dicitur ille timor, quo quis bonis temporaliibus ita addictus est, ut,  
ne ea perdat, paratus sit vel legem aperte transgredi, vel eam falsis in-  
terpretationibus eludere: atqui timorem hunc ut plane sibi oppositum pro-  
cul ejicit spes viva: secundum id Scripturæ, *Ilaj. 51. Quis tu ut timeres*  
*ab homine mortali, & a filio hominis, qui quasi fenum ita crescit?* Matth.  
10. *Nolite timere eos, qui occidunt corpus.* 1. Petr. 3. *Timorem eorum ne*  
*timeveritis.* Ergo quisquis spe viva instructus est, id solum timere debet,  
ne quidquam præcipit Deum timeat. Et vero si Deus omnipotens & au-  
xilior, qualis spe apprehenditur, sit pro nobis, quis contra nos? Unde  
belle Augustinus in Psalm. 32. *Fera sevit, Deum time; serpens insidiatur,*  
*Deum time; homo te odit, Deum time; diabolus te impugnat; Deum time:*  
*totæ enim creatura sub illo est, quem jubetis timere.* Et in Psalm. 26.  
*Protegitur imperator scutatis, & non times: protegitur a mortalibus mor-*  
*talis, & securus est: protegitur mortalis ab immortalibus, & timebit, &*  
*trepidabit?* &c.

Sed hic cave nos solum eum timorem rejicere ut mundanum vel huma-  
num, quo quis ne malum aliquot ab hominibus patiat, Dei legem vio-  
lat, aut violare paratus est. Cœteroqui enim est aliquis hominum timor  
ita iustus, ut in Scripturis præcipiatur. Sc Rom. 13. ait Apostolus: *Si*  
*malum feceris, time Principem: non enim sine causa gladium portat.* Ideo  
autem tunc timeri debet Princeps, quia gerit personam Dei, ejusque mi-  
nistri est, & ab eo constitutus vindex in iram ei, qui malum agit.

4. Demum spes Dei amorem inspirat, nutrit, & fovet. Timor enim,  
ait S. Thomas 2. 2. q. 19. art. 3. *ex amore nascitur;* quandoquidem illud *vid.*  
*timor homo amittere, quod amat:* atqui in spe theologica reperitur amor  
Dei, ejusque possidendi desiderium: ergo ex eadem spe nascitur timor su-  
premi hoc bonum amittendi, qui ipsissimus est timor Dei: an autem  
& quatenus timor ille bonus sit & supernaturalis, expendit Tournely ubi  
tupra.

## S E C T I O S E X T A.

*De peccatis spei oppositis.*

**D**upliciter contra spem peccari potest, omissione scilicet, cum non elicitur actus spei eo tempore, quo urget ejusdem eliciendi præceptum; & commissione, cum vel nimium, vel non satis speratur de misericordia Dei, seu, ut communiter ajunt, cum de ea præsumitur aut desperatur. Cum necessitas eliciendi actus spei satis colligatur ex necessitate eliciendi actus fidei charitatis, superest ut de præsumptione & desperatione differamus.

Præsumptio est inutilis & temeraria expectatio beatitudinis, & mediorum illius assequendæ; seu inordinata fiducia beatitudinem a Deo obtinendi aliter, quam ipse statuit obtinendam esse: ut cum quis confidit se consecuturum gloriam, vel per solam fidem sine operibus, quæ est præsumptio Lutherana; vel per solas naturæ vires, quæ est præsumptio Pelagiana; vel per auxilium beatæ Virginis, cui satis esse credunt aliqui si certum quoddam orationis pensum singulis diebus persolvant, etsi interim vitam omnino carnalem degant; vel, ut vulgo dicitur, per bonum peccavi, in hora mortis emittendum; quia, inquiunt, scriptum est: *Impietas non nocebit impio, in quacumque die conversus fuerit ab impietate sua.* Ad præsumptionem revocari potest tentatio Dei, de qua dictum est tom. 2. p. 304.

Desperatio est voluntaria animi dejectio & dissidentia, per quam abjicitur spes obtinendæ beatitudinis: *propter existimatam impossibilitatem ejusdem obtinendæ*, ait S. Thomas; ut cum quis ob peccatorum suorum multitudinem & excessum exclamat cum Cain: *Major est iniquitas mea, quam ut veniam merear.* Item cum apprehendit aliquis aut peccati fugam, aut mandatorum Dei executionem ut adeo difficilem & arduam, ut animum despondeat, & desperet futurum ut illa vitare, & ista adimplere possit.

De præsumptione & desperatione tria inquiri possunt. 1. an sint infidelitati conjunctæ. 2. an sint peccata lethalia, & lethaliū gravissima. 3. quænam sint eorum causæ & remedia. De quibus sit

**CONCLUSIO I.** Præsumptio & desperatio semper denotant modicam & infirmam fidem, non tamen semper infidelitati connexæ sunt in Catholicis.

Prob. 1. pars. Præsumptio spem injicit divinæ bonitati male intellectæ innixam; desperatio vero avertit oculos ab eximia ea charitate, qua *Deus se dilexit mundum, ut filium suum unigenitum daret*: atqui utrumque erroris genus fidem admodum infirmam designat. Qui enim fide viva instructus est, cum timore & tremore salutem suam operatur, & non tardat converti ad Dominum, neque differt de die in diem, quia fide cognoscit eos, qui in peccato suo consenuerunt, a via sua difficile admodum recedere; ergo ubi est fides viva, ibi præsumptio locum non habet. Aliunde vero neque ibidem locum habet desperatio: quia fides viva hanc Apostoli sententiam præ oculis semper habet: *Qui etiam proprio filio non pepercit: quomodo non etiam cum illo nobis omnia donavit? Quis ergo nos separabit a charitate Christi?* Hæc autem sententia spei a

1. 2. 3. 48.

1. 2. 4.

Gen. 4. 7.

13.

Joan. 3.

Eccli. 5.

Rom. 8.

spem inflammat, ac proinde desperationem abigit : ergo ubi viget præsumptio vel desperatio, ibi spes languidam esse oportet.

Prob. 2. pars. Ut præsumptio & desperatio infidelitatis semper annexæ essent, necessum foret ut nemo præsumere posset vel desperare absque iudicio speculative falso contra fidem : iudicando IV. g. cum Pelagianis se per naturæ vires salvari posse ; vel cum Novatianis, se admisisse crimina, quæ per Ecclesiæ claves remitti non possint : atqui potest quis absque huiusmodi iudicio vel præsumere, vel desperare : sicut potest, quis fornicationem committere, absque eo, quod contra fidem iudicet licitum esse fornicari ; ut docet S. Thomas. Hinc est, quod ex iis, qui desperant, multi sint, quibus persuasum est Deum & omnium hominum salutem velle, & iis media ad eam consequendam necessaria largiri ; licet hæc ob ignaviam, & repetitos tentationis insultus non amplectantur. Aliunde multi ex iis, qui præsumunt, pœnitentiæ difficultatem, horrorem iudiciorum Dei, angustiam iustitiæ & salutis viam, abunde norunt, & data occasione prædicant ; tamen iidem officia sua perfunctorie adimpleant, languide & fastidiose orent, studium & plerumque nugas præferant meditationi, &c. ergo potest quis & fidei dogmata speculative credere, & eadem non credere in praxi, ut ii faciunt, qui *consentunt se nosse Deum, falsis autem negant*. Vide Sylvium 2. 2. q. 10. art. 2.

CONCLUSIO II. Desperatio & præsumptio, si sufficiens adsit consensus, sunt peccata ex genere suo lethalia ; non tamen omnium maxima, nisi hoc sensu, quod omnium sint maxime perniciofa.

Prob. 1. pars. 1. ex Scripturis. Eccli. 2. *Vae dicitur illis, qui perderunt sustentiam* seu spem. Rom. 8. *Desperantes, semetipsos tradiderunt impudicitia* : ubi desperatio tanquam grave peccatum reprehenditur. Nec minus reprehenditur præsumptio ibid. cap. 2. *Existimas, o homo quia tu effugies iudicium Dei ? An divitias bonitatis ejus & patientiæ & longanimitatis contemnis ?* Merito igitur dixit Augustinus Serm. 87. *At Tir.* de verb. Evangel. *Ista duo occidunt animas, aut desperatio, aut perver-* v. 16.  
*sa spes.*

Prob. 2. ratione S. Thomæ. *In quolibet peccato mortali, principalis rationali & gravitas est ex hoc, quod avertit a Deo* : atqui peccata, de quibus loquimur, necessario avertunt a Deo. Cum enim *virtutes theologicæ habeant Deum pro objecto, peccata eis opposita important directe & principaliter aversionem a Deo* : atqui nemo negaverit peccata desperationis & præsumptionis suo unumquodque modo spei, quæ virtus est theologica, opposita esse : ergo necessum est ut avertant a Deo. Et id quidem evidens est 1. in desperatione : qui enim desperat, sic a Deo recedit & avertitur, ut jam ad comparandam ipsius possessionem laborare & conari nolit. 2. idem manifestum est in præsumptione ; qui enim præsumit, pœnitentiam differt spe misericordiæ : atqui hæc agendi ratio horrendam a Deo aversionem complectitur. Quis enim ab ipso etiam facinoroso Principe veniam expectare auit, postquam cædibus, rapinis, & sanguine Rempublicam turbaverit ? Quis nisi animi impos sub spe veniæ hujus, quasi extra dubium omne positæ, scelera & facinora ingeminate præsumat ? Quis dicat : Per annos viginti vel triginta leges omnes infringam, & tunc remittes quidquid deliquero quia deliquisse pœnitebit ? Hæc tamen est in praxi agendi ratio præsumptoris : ergo tarde est ejus peccatum.

Dixi

Dixi 1. *Si ad se sufficiens consensus*: quia licet conscientie timidiori homines, se aliquando desperationis reos esse credant, & hujus peccati se se accusent in tribunali poenitentiae, plerumque tamen aut nullum aut non nisi imperfectum praestant consensum turbulentis, quibus quatiuntur, desperationis motibus. Unde, ut monet Habert, veritatem explorare debent Confessarii, inquirendo praesertim an poenitens ex illo affectu consueta pietatis officia intermiserit. Si enim ut solebat, officio suo satisfecerit, iudicandum est non consensisse; quia desperatio ab exercitio virtutis, utpote iam inutili, avocatur: secus si neglexerit, praesertim urgente praeepto: tunc enim pro negligentiae gradu & praeepti gravitate plus aut minus consensisse reputabitur.

Dixi 2. *Peccata ex genere suo levia*: quia sicut levis offensa contra charitatem proximo debitam, charitatis habitum non aufert, sic videtur posse fieri ut leviter peccet, qui leve aliquod peccatum committit, praesumens se ejus veniam facile obtenturum; aut qui aliquem virtutis actum omittit, desperans se eum, ut par est, exequi posse; quo in puncto differt peccatum contra spem a peccato infidelitatis, quod nunquam leve est ratione materiae, quia Deum & Ecclesiam, cum loquuntur, aspernari, semper est aliquid gravissimum.

Raro tamen praesumptio & desperatio a mortali vacant: unde gravis peccati reos se faciunt, 1. qui creata bona Dei possessioni praeferrunt, ideoque in hac vita perpetuo manere vellent. 2. qui ex diffidentia de Dei bonitate, vellent vel nunquam fuisse, vel annihilari. 3. qui de obtinenda peccatorum venia, & auxilio Dei necessario desperant. 4. qui se vitam aeternam absque poenitentia consecuturos temere confidunt. 5. qui ex spe misericordiae Dei, vel in peccatis perseverant; vel postquam in unum mortale lapsi sunt, alia plura perpetrant, hoc praetextu, quod tam facilis sit plurimum, quam unius condonatio.

Prob. 2. pars. Quia desperatio minus est peccatum, quam odium Dei, blasphemia, & iacrilegium; cum crimina haec Deum ut in se est, impugnent, & majorem ejus contemptum includant; idem dicendum de praesumptione.

Confirm. quia duo haec peccata spei soli adversantur: ergo minus graviora sunt quam quae adversantur charitati, quae omnium est virtutum nobilissima.

Eadem de causa desperatio & praesumptio sunt ex genere suo peccata iis graviora, quae contra virtutes morales pugnant, ut avaritia, & injustitia: quia eo peccatum gravius est, quo praestantiorum virtutem aufert & destruit.

Prob. 3. pars. Quia spes revocat a malis, & inducit ab bona: ergo a contrario sensu, qui desperant, vitiis omnibus laxant frenum, ut saltem in hoc mundo bonis aliquibus fruuntur. Hinc Jerem. 18. *Desperavimus: post cogitationes nostras ibimus, & unusquisque pravitatem cordis sui mali faciemus.* Et Ephes. 4. *Desperantes semetipsos tradiderunt impudicitiae, in operationem immunditiae omnis, in avaritiam; ubi a desperatione gravia quaeque crimina, tanquam ab infelici vitiorum omnium fonte scaturiunt.*

Eundem effectum parit praesumptio, quia qui praesumit, facilem eujuscumque criminis veniam sibi pollicetur. Merito igitur dixit Augustinus Serm. 20. *Si desperes, peris: si speres, peris; ubi tibi tutus locus erit ut ab utraque fovea te eripias: male desperabas, audisti: In quacumque die conver-*  
sus



ius fuerit iniquus, omnes iniquitates ejus obliviscar; *male sperare ceperas, audisti*: Ne tardes converti ad Dominum, neque differas de die in diem.

Obj. 1. contra secundam Conclusionis partem. Peccatum contra Spiritum sanctum, ceteris est gravius; cum ideo sit remissum difficilius, ut patet ex Matth. 12. Marci 3. & Luc. 12. atqui ex S. Thoma, aliisque omnibus, desperatio & præsumptio sunt peccata contra Spiritum sanctum. Nam peccata contra Spiritum sanctum ea sunt, quæ specialiter impugnant Dei bonitatem, & dona ejus, quibus revocamur a malo: atqui hoc faciunt desperatio & præsumptio; desperatio quidem, cum importet diffidentiam de bonitate Dei, saltem prout ad præsentem desperantis statum relativa: præsumptio vero, cum hæc non subsistat sine contemptu aliquali vel justitiæ divinæ, vel donorum, quibus hic & nunc incitatur homo ad bene operandum: ergo desperatio & præsumptio sunt peccata omnium gravissima.

R. neg. maj. & dico peccatum minus grave, aliquando & periculosius esse & remissum difficilius, quam peccata alia in se graviora. Ratio est, quia peccatum eo remittitur difficilius, quo majorem habet oppositionem cum spiritu poenitentiae, sine quo non remittuntur peccata: aique fieri potest ut peccatum erit minus grave, quam aliud, majorem habeat oppositionem cum spiritu poenitentiae, sine quo non remittuntur peccata. Sic, & hoc utinam aliquando ponderent & ponderati faciant Oratores Christiani in Cathedra veritatis, furens vindictæ appetitus facile magis coercetur, quam frigiditas erga proximum, etsi hæc minus sit gravis, quam ille: ergo non semper ex remissionis difficultate æstimanda venit gravitas peccati, sed ex oppositione peccatoris cum spiritu poenitentiae. Hanc porro cum poenitentiae spiritu oppositionem habent peccata contra Spiritum sanctum, ut saltem de desperatione & præsumptione patet ex iis, quæ hæcenus dicta sunt: ergo licet minus gravia, sunt tamen condonata difficiliora.

Cæterum haud credo, ex citatis trium Evangelistarum locis colligi posse an desperatio vel præsumptio tam difficile remitti possint, quam blasphemia contra Spiritum sanctum, de qua in iisdem locis agitur. Hæc enim blasphemia in eo sita erat, quod Judæi divina Christi opera attribuerent principi demoniorum, non ex subreptione passionis, sed ex mera malitia: quo quidem crimine vix gravius ullum excogitari potest.

Obj. 2. Desperatio Deum in se impugnat, ut patet in eo, qui desperat eo, quod Deum credat immisericordem: ergo desperatio ejusdem est gravitatis, ac odium Dei, & similia.

R. 1. neg. consequ. si enim spes licet Deum immediate attingat, minus nobilis est, quam charitas; sic contra desperatio licet Deum in se impugnetur dicatur, minus gravis est, quam Dei odium, quod plenius & indigniori modo Deum offendit.

R. 2. in hac hypothese lædi quidem Deum in se, sed per infidelitatem desperationis tunc conjunctam, non vero per desperationem præcise & solitarie sumptam: qui enim desperat, absolute credere potest Deum esse summe bonum & misericordem, licet ab iis attributis oculos avertens, eosque in propriam infirmitatem & lapsus repetitos, nimium intendens, diffidat se justitiæ ejus unquam satis esse facturum.

CONCLUSIO III. Duæ sunt desperationis causæ, luxuria scilicet, & præci-

præcipue acedia : duæ item causæ præsumptionis ; superbia nimirum ; & inanis gloria :

Prob. 1. pars, quia homo luxuriæ deditus, ita venereis delectationibus abripitur, ut vel cœlestia bona nihil ducat ; vel cum ad proprium cor reverti incipit, simul desperet tum de miseræ & adhæsiivæ libidinis victoria, tum de beatitudinis consecutione.

Prob. 2. pars, quia acedia est fastidium, languor & tædium in exercitio virtutis, quam quis nimis difficilem reputat, & ideo abjicit : atqui vitium illud præcipua est desperationis causa ; cum impedit ne bonum sperandum videatur possibile ? & idcirco maxime adversetur spei, quæ subsistere nequit, nisi subsistat objecti sperati possibilitas.

S. Thom.

2.2 q. 21.

art. 4.

Prob. 3. & 4. pars, præsumptio aut propriis viribus innititur, cum nempe existimat homo se propria industria consequi posse id, quod propriam virtutem excedit ; aut innititur inordinate divinæ misericordiæ vel potentiae, cum quis sperat se obtinere gloriam sine meritis, vel veniam sine poenitentia ; vel demum se cum volet & ubi volet facturum esse poenitentiam : atqui prior præsumptionis species oritur ex inani gloria ; cuius proprium est ut in id tendat, quod supra vires suas positum est : posterior vero nascitur ex superbia ; quia qui sic præsumit : tanti se æstimat ut credere videatur, quod Deus etiam peccantem non puniat ; vel non excludat a gloria, aut saltem & tempus & efficacem poenitentiae gratiam, ad nutum sit ei concessurus. Et vero, ut pie discurret Theologus Parisiensis, an non intolerandæ est superbiae. quod vir reus mortis, dignus gehenna, nedum Deum sibi precibus & hachrymis propitium reddere enitatur, de illius misericordia disponere præsumat, tanquam dominus, qui famulo diceret : Recede nunc, non placet opera tua uti, præsto eris cum vocaero, vel in id solum nunc adesse te volo, ut iniquitatibus meis servias ? atqui hæc tamen est præsumptoris agendi ratio. Cum enim poenitentiam differt, nonne legem Deo imponit, præscribitque ei tempus, quo debeat opitulari ? Nonne se gerit, quasi salus, non jam sit Dei miserentis opus, sed volentis hominis ? &c.

Cum contraria contrariis curentur, luxuriæ, quæ desperationem parit, opponendus est amor castitatis, cui annexa est spes beatitudinis secundum id Matth. 5. *Beati mundo corde, quoniam ipsi Deum videbunt.* Acediæ substituendus cœlestium gustus : unde sicut fastidiens stomachus levatur malorum humorum egestu, ut solidiores cibos appetat ; sic mens, quæ cœlestia fastidit, quia gravatur terrenis, iisdem est exoneranda, ut cogitet, quæ sursum sunt, & ad ea conetur. Superbiæ & inanis gloriæ vires excipere debet tum humilitas, tum humilitatis comes profunda iustitiæ Dei, ejusque judiciorum meditatio. Cogitandi sunt dies antiqui, & sæpe revolvenda hæc Scripturæ oracula : *Dies Domini sicut fur in nocte.* 1. Thess. 5. *Qua hora non putatis, filius hominis veniet.* Luc. 12. *Ne tardes converti ad Dominum, neque differas de die in diem.* Eccli. 5. ad quod alludens gratiæ & charitatis Doctor : *Si tibi legis, inquit, de Libro sancto, sicut indulgentiam tibi promissam esse converso ; sic tibi promissum crastinum diem, differt ad crastinum ; prorsus, quando te converteris, dabit : scilicet ipsum quando, quando est ?*

## ARTICULUS TERTIUS.

## De Charitate.

CUM charitas sit ignis ille, quem Salvator de cœlo venit mittere in terram; hæc virtutum gemma, quæ cœteras ornat & perficit; hæc nuptiarum vestis, quam qui non habet, mittitur in tenebras exteriores, quam econtra qui gestat, multitudinem exuit peccatorum; ideo nobis de ipsa in præsentī Tractatu, quam fieri poterit, accurate differendum est. Priscam ergo methodum impensius secuti, dicemus 1. de essentia & divisione charitatis. 2. de ejusdem objecto. 3. & 4. de necessitate & ordine ipsius. 5. de ejus actibus internis & externis, præcipue vero eleemosyna & correctione fraterna. 6. de peccatis charitati oppositis.

5. Thom.  
2. 2. q. 23.  
& 109.

## S E C T I O P R I M A.

## Quid charitas, &amp; quotuplex.

Ambiguum valde est charitatis nomen: sumitur enim 1. pro dilectione etiam mala, qualis est amor meretricis. 2. pro dilectione bona quidem, sed in ordine naturali, qualis esse potest propriæ uxoris dilectio; quo sensu intelligitur a quibuldam id Proverb. 15. *Meretrice est vocari ad olera cum charitate, quam ad vitulum saginatum cum odio.* 3. pro eo amore, quo a Deo diligimur in charitate perpetua. 4. pro amore supernaturali, quo Deum, proximumve actu vel habitu diligimus. Hæc pene omnia docet celebris ille sancti Augustini locus: *Charitas alia est divina, alia humana; alia humana licita, alia illicita .... licita est humana charitas, qua uxor diligitur; illicita, qua meretrix vel uxor aliena &c.* De Charitate quarto sensu accepta loquimur in præsentī. Cum autem Deus supernaturaliter diligi possit, vel gratis & propter se, vel ut ab eo nobis bene sit, palam est nos de sola priori dilectionis specie, quæ stricte charitas nuncupatur, sermonem habituros in hocce Tractatu. Hæc vero in genere habitus considerata definitur: Virtus infusa theologica, qua Deum propter se super omnia diligimus, & cœtera propter ipsum.

Grandin pag. 171. Hæbert. &c.

Tom. 5.  
Serm 349.  
de charis.

Dicitur 1. *virtus*. Nullus enim est habitus, qui virtutis nomen æque mereatur ac charitas. Charitas enim facit hominem simpliciter & ex omni parte bonum, cum & ab eo excludat omne peccatum saltem grave, & virtutes omnes perficiat atque informet; cœteri vero habitus, quicumque sint, non faciunt hominem bonum nisi secundum quid, & inadæquate. Unde belle Augustinus: *Habere nomen Christi, adeoque a simili habere temperantiam, castitatem, aliasque ejusdem generis virtutes, & malus potest: habere autem charitatem, & malus esse non potest.*

Tract. 4.  
in Ep. 1.  
Joan. n. 6.

Dicitur 2. *infusa*: quia talis ac tanta virtus propriis viribus comparari nequit: unde Apostolus Rom. 5. *Charitas Dei diffusa est in cordibus nostris per Spiritum sanctum, qui datus est nobis.*

Hinc obiter intelliges erroneam esse opinionem Magistri Sententiarum contententis charitatem esse ipsummet Spiritum sanctum. Chari-

S. J. 6.  
et 11.

Idem art. 2.  
ad 1.

Lib. de nat.  
et gr. ult.

tas enim, juxta Tridentinum, ita cordibus nostris infunditur ut iis inhæreat: porro ipsa Spiritus sancti substantia cordibus nostris nec inhæret, nec, ut accidens, inhærerere potest. Quapropter id S. Joannis: *Deus Charitas est*, hoc solum sensu intelligi debet, quod Deus & objectum & principium sit charitatis. Illud vero S. Augustini Lib. 8. de Trinit. cap. 8. *Eraterna dilectio, qua diligimus invicem, non solum ex Deo est, sed etiam Deus est*, quod, ut notat S. Thomas, quibuldam errandi occasione[m] dedit, solum significat charitatem esse quamdam Dei participationem. Ideo enim, præsertim in usu Platoniorum, quorum doctrinis imbutus fuit Augustinus, dicimur boni, bonitate, quæ est Deus, & sapientes, sapientia quæ est Deus; quia bonitas, qua formaliter boni sumus, est participatio quædam divinæ bonitatis &c. Et vero alibi pluries distinguit Augustinus charitatem, qua Deum diligimus, a charitate quæ Deus est. Sic Tract. 26. in Joan. *Justitia Dei*, inquit, *hic dicitur, non quia justus est Deus, sed quam dat homini Deus, ut justus sit per Deum*: porro justitia, qua justus sumus, idem est ex Augustino cum ipsa charitate, juxta tritum istud S. D. *Charitas inchoata, inchoata justitia*, & Tract. 6. in Epist. S. Joannis: *Quid est*, inquit, *Spiritus interpellat pro nobis, nisi ipsa charitas, qua in te per Spiritum facta est?*

2. Cor. 13.

Dicitur 3. theologica, quia Deum pro objecto immediato habet, eumque attingit perfectissime: fides enim credit, spes inquiri, at charitas quasi tenet & amplectitur. Hinc author Lib. de divinis nominibus, amorem vocat omnium divinorum divinissimum. Unde patet charitatem cæteris virtutibus longe perfectiorem esse: tum quia cæteræ virtutes ad eam ordinantur; tum quia charitas non evacuatur, sed in æternum manet; *major ergo est omnium virtutum charitas*, ait Apostolus.

2. Ep. 6. 3.

Dicitur 4. qua Deum propter se diligimus; & sic distinguitur amor charitatis ab amore spei, qui pro objecto habet bonitatem divinam, non in se simpliciter, sed prout est bonum nostrum. Hinc amor charitatis ille ipse amor est, qui dicitur *benevolentia*, quo nimirum alteri bene volumus & facimus quantum in nobis est, non nostri, sed illius gratia. Sicut enim pater amore benevolentia suppediat alimenta filio, pabulum vero jumentis amore concupiscentia, quia primum facit in gratiam ipsius filii, secundum vero in gratiam sui, propriumque commodum; sic charitas in Deum tendit ob solum Dei intuitum; amor autem concupiscentia quisquis ille sit, Deum inquit ut sibi bene sit ab eo. Quod motivum etsi redargui nec possit nec debeat, cum & naturæ nostræ admodum conveniat, & legibus a Deo constitutis plane consonet, minus tamen perfectum est, ut ex se patet. Cæterum si is solum amor sit benevolentia, quo alteri bene volumus & facimus quantum in nobis est, manifestum est charitatem non in sterili complacentia de Dei perfectionibus, sed in operatione totam consistere, secundum illud S. Joannis *Non diligamus verbis, neque lingua, sed opere & veritate*, cui belle concinit S. Gregorius his verbis: *Amor magna operatur, si est: aut si operari renuit, amor non est*. Qui ergo, ut pie notat Habert, verba hæc ingeminat, *Sanctificetur nomen tuum*, & tranquillus manet, cum lædatur honor Dei, cum detrahatur proximo; cum impura verba offeruntur; ille profecto verbo tenus, non re ipsa Deum amat amore benevolentia.

Dicitur 5. *super omnia*. Quoniam vero Deus duplici modo diligipotest

est super omnia, *intensivè* scilicet, cum voluntas in eum maximo conatu tendit; *appretiative*, cum eadem voluntas Deo tam plene, tamque firmiter adhæret, ut nihil timeat magis, quam ei displicere, & ab eo separari; expendemus infra, an ad veram charitatem sufficiat dilectio appetiatiua; ut cum aliis plerisque docet Tournely tom. 1. de Pœnit. quæst. 4.

Dicitur 6. Deum .... *In proximum propter Deum*, quibus indicatur adæquatam charitatis obiectum, de quo dicemus paulo post.

Ex his colligere est charitatem spectatam in genere actus esse actum amoris benevolentiae, quo Deum super omnia propter se; & nosmetipsos, ac proximum sicut nos, propter Deum amamus. Is autem benevolentiae actus simul est actus amicitiae. Ad amicitiam enim quatuor requiruntur, 1. ut amor sit benevolentiae erga amicum; *ridiculum enim est dicere*, ait S. Thomas, *quod aliquis habeat amicitiam ad vinum vel ad equum, quos propter se amat*. 2. ut amor sit mutuus. 3. ut notus sit utrique amanti, ac proinde ut natus sit ex amore actuali, qui saltem virtualiter perseveret. Nam ne ipsi quidem iusti dicere possunt se esse amicos eorum, quos nondum amarunt, etsi omnibus iustis inest generalis amor charitatis erga omnes homines. 4. ut fundatus sit in communione bonorum, quia inter amicos omnia sunt communia: atqui ex conditiones apprimè conveniunt charitati, sive qua Deus hominem, sive qua homo Deum prosequitur.

1. enim charitas in utroque, Deo scilicet & homine, est amor benevolentiae, ut jam diximus. Nec refert, quod Deus ad gloriam suam referat bonum, quod homini vult. Non enim bonum, quod homini vult, refert Deus ad gloriam suam ex effectu proprii commodi, & quasi propriam non autem hominis utilitatem intendat, sed quia aliter non potest ordinate velle bonum homini; cum necesse sit ut ipse supremus sit rerum omnium finis. Ut ergo vera sit Dei ad hominem amicitia, sufficit ut, quas Deus hominibus confert gratias, has iisdem propter ipsorum commodum conferat. Eadem de causa tamen bonum, quod amicis nostris optamus, ad Deum referatur, non definit tamen eos inter & nos vera esse amicitia, quia & bonum, quod optamus amicis, iisdem in ipsorum gratiam optamus, & reipsa bonum illud in eorum utilitatem cedit. Et certe Scriptura cuius litteræ semper inhærendum, quantum fieri potest, veram Deum inter & homines amicitiam pluribus in locis exprimit: sic Psal. 138. *Nimis honorificati sunt amici tui Deus*. Sic Joan. 15. *Vos amici mei estis*.

2. Amor Deum inter & hominem mutuus est, ut patet ex Joan. 24. *Qui diligit me, diligetur a Patre meo, & ego diligam eum*.

3. notus est & manifestus tum Deo, qui illum infundit, tum hominibus, qui certitudine non omnimoda quidem, sed morali norunt se Deo adhærere, ita ut eorum alii cum Apostolo utcumque exclamare possint: *Certus sum, quia neque mors, neque vita ..... neque creatura alia poterit nos separare a charitate Dei*; alii cum Augustino in teneras illas voces erumpere: *Non dubia, sed certa conscientia, Domine, amo te. Percussisti cor meum verbo tuo, & amavis te*. Cur autem moraliter cognoscat homo Deum a se amari, docet Apostolus his verbis: *Ipsè enim Spiritus testimonium reddit Spiritui nostro, quod sumus filii Dei*.

Etic. art. 3.

Rom. 8.

L. 10.

Conf. c. 6.

Ibid.

4. Demum amor ille mutuam importat bonorum communicationem ; quia quicquid habet iustus a Deo, hoc in Deum refundit, juxta id Paralip. 29. *Tua sunt omnia, & quæ de manu tua accepimus, dedimus tibi.* Quod exigit Aristoteles, ut par sit amicorum conditio, pertinet ad eam amicitiae speciem, quæ dicitur *æqualitatis*, non ad eam, quæ vocatur *supereminentiæ*.

Charitas dividitur in habitualement & actualement, ut patet ex dictis. Actualis dividitur in perfectam, quæ multos habet intensiōis gradus, & imperfectam, quæ pauciores habet. An autem imperfecta homini iustificando per se sufficiat, an non vero ad hoc necessum sit ut ad certum usque intensiōis gradum progrediatur, fusc expendit Tournely in loco jam citato. Charitas imperfecta dividitur a quibusdam, in eam, quæ est super omnia, qualis inest iis, qui in remissiori gradu iusti sunt ; & eam, quæ non est super omnia, qualis inesse potest ei, qui pauperi stipem erogat propter Deum, & tamen mortalem ad creaturas affectum conservat. Verum is misericordiæ actus, nec ab habitu charitatis theologicæ procedit, nec in sententia ejusdem Tournely, pro amore essentialiter vero haberi potest, nisi sit super omnia.

## SECTIO SECUNDA.

### De objecto charitatis.

**E**fficientem charitatis causam esse Deum, subjectivam vero ipsam esse hominis voluntatem, fatentur omnes, & expresse docet Apostolus, his verbis : *Charitas diffusa est in cordibus nostris per Spiritum sanctum, qui datus est nobis.* Tota igitur, quæ hic suboriri potest, difficultas spectat ad causam materialem circa quam, seu, ut clarius nunc loquimur, ad objectum charitatis : de quo ut aperiā, quid sentiendum sit, notandum cum S. Thoma, aliquid dupliciter diligere posse, 1. quidem ut diligatur amicus. 2. ut diligatur res amici. Aliud enim est persona ipsa amici, cui bonum volumus, aut de cuius bono delectamur ; aliud bonum ipsum, quod volumus amico, aut quod in eo esse gaudemus. Ut quis ex charitate diligatur tanquam amicus, necesse est ut in eo eluceat divina bonitas, & ut capax sit beatitudinis, in cuius communicatione fundatur amor charitatis ; sed hæc necessaria non sunt, ut quid tanquam res amici diligatur. His positis, sit

CONCLUSIO I. Objectum charitatis, cui bonum volumus, est primo Deus ; secundo nos ipsi ; tertio proximus.

Prob. 1. pars. Ille est primum & principale charitatis objectum, ad quem charitas primario terminatur : atqui charitas ad Deum primario terminatur. Ad eum enim primario terminatur charitas, qui ita diligitur, ut propter se ametur, cætera vero non nisi propter ipsum : atqui Deus &c.

Prob. 2. pars. Qui iubetur proximum diligere sicut seipsum, ille profecto seipsum diligere debet, ut amor sui sit ipsi regula amoris proximi : atqui homo se ipsum diligere iubetur his Christi verbis : *Diliges proximum tuum sicut teipsum.*

Prob. 3. pars, 1. ex ratione mox data. 2. quia charitas id omne pro

obje-

Rom. 5.

Hic 9 25.

Art. 2.

o

Luc. 10.

objecto materiali habet, in quo relucet objectum formale charitatis; ut ex terminis patet: atqui formale charitatis objectum, quod est divina bonitas, & in nobis, & in proximo relucet. Quod enim Deus per essentiam habet, hoc proximus, & nos habemus per participationem.

Hic autem proximi nomine intelliguntur it omnes, quibus beatitudinem, aliaque supernaturalia bona ad beatitudinem conducentia velle possumus. Unde proximi nostri sunt. 1. omnis homo viator, sive fidelis sive infidelis, sive iustus sive peccator, quia iis omnibus, & beatitudinem, & media ad ipsam, puta fidem vel resipiscenciam velle possumus, & debemus. 2. omnis homo comprehensor. 3. eadem de causa Angeli, quia de eorum felicitate gaudendum est: & aliunde si non de ipsis nos, at ipsi de nobis bene mereri possunt: is autem proximus noster censeretur, de quo vel bene meremur, vel qui bene meretur de nobis. 4. Christus ut homo, qui, qua talis, capax est & particeps summæ beatitudinis.

Obj. contra secundam partem. Si homo seipsum ex charitate diligere teneatur, vel secundum corpus, vel secundum animam: neutrum dici potest. Non primum, quia carnem nostram jejuniis, vigiliisque affligere debemus, juxta id Apostoli: *Qui sunt Christi, carnem suam crucifixerunt*. Non secundum: cum quia amor sui est periculosus ex eod. Apostolo 2. ad Timoth. 3. tñm quia *nemo proprie ad semetipsum charitatem habere dicitur*, ex S. Gregorio: unde charitas non nisi duos inter subsistere potest.

Gal. 5. 25.

R. ad 1. neg. min. Ad 2. tenemur quidem corpus affligere, sed non ex ipsius odio, bene vero ne adversus spiritum rebellet, & ne percipis in hac vita cum divite epulone bonis suis, in altera cum eodem crucietur. Ad 3. periculosus quidem est amor sui inordinatus, sed non ille, quo anima semetipsam in Deo, & propter Deum diligit. Quod dicit S. Gregorius, intelligendum est de amicitia stricte sumpta, quæ, qua talis, necessario reciproca est, & duos exigit; non autem de ipsa charitate sumpta simpliciter, quæ nos, sicut & proximum habet pro objecto.

Rom. 17.  
in Evang.

Obj. 2. contra tertiam partem. Peccatores odisse debemus, cum odio sint & Deo, & viris iustis, secundum id Psalmæ: *Iniquos odio habui*. *Perfecto odio oderam illos*: ergo eosdem diligere non possumus.

Psalm. 118.  
v. 138.

R. dist. peccatores odisse debemus ratione peccati, C. ratione naturæ, N. Natura enim in quolibet viatore, quantumvis longe videatur a regno Dei, semper est capax poenitentiae, & quæ poenitentiam sequitur, beatitudinis: atqui utrumque peccatoribus velle, & pro viribus procurare tenemur: ergo & eos ex hac parte diligere tenemur, licet reduplicative prout Dei hostes, odio perfecto habendi sint, quocumque aliunde vinculo nobis connectantur.

Hinc sequitur damnatos non constituere partem proximi illius, quem ex charitate diligere tenemur; quia ratione naturæ incapaces sunt beatitudinis, cuius tamen possibilitas est conditio in iis prærequisita, quibus charitatis amorem impendere tenemur.

CONCLUSIO II. Objectum materiale charitatis, quod diligitur tanquam res amici, est illud omne, quod aliis velle possumus in ordine ad beatitudinem. Res per se patet. Porro ea, quæ sive Deo sive proximo volumus, sunt 1. propagatio divini cultus. 2. ipsamet charitas,

*Tournely Theol. Moral. Tom. III.*

R. alia-

aliæque virtutes, quas proximo exoptamus. 3. creaturas etiam irracionales, quarum aliæ, utpote quæ sint in ordine supernaturali, ut dona gratiæ & gloriæ, simpliciter & per se diligere debent; aliæ vero, ut divitiæ & valetudo, non possunt diligere nisi in quantum ad Dei gloriam, nostramque & proximi beatitudinem ordinantur. De his & similibus adi Sylvium q. 25.

CONCLUSIO III. Objectum formale charitatis, qua Deum & proximum diligimus, est bonitas ejus absoluta; seu est infinita illa perfectio, qua Deus redditur summe amabilis: bonum enim & perfectum voces sunt hic synonymæ.

Prob. 1. pars de charitate erga Deum. Objectum formale virtutis est ratio formalis, sub qua eadem virtus objectum suum attingit; seu, ut loquuntur alii, est motivum illud, quod agens ad ejusdem virtutis exercitium determinatur: atqui summa & infinita Dei perfectio illa ipsa est ratio, illud motivum, quo ad charitatis exercitium determinamur. Hæc enim unica assignari potest ratio charitatis; quæ si proprium in exercitio suo commodum & interesse quæreret, jam non esset charitas, sed amor concupiscentiæ, ut ex dictis Articulo præcedenti evidens est: ergo.

Confirmatur. Objectum charitatis debet omnium esse præstantissimum; ergo motivum ejus debet esse omnium præstantissimum: atqui nullum esse potest motivum præstantius, quam ipsa infinita Dei perfectio, propter se solam dilecta; ergo.

Prob. 2. pars, de charitate erga nos & proximum: 1. ex S. Augustino sic loquente: *Ex una eademque charitate Deum proximumque diligimus; Lib. 8. de Trin. c. 8. sed Deum propter Deum, nos autem & proximum propter Deum.*

2. Ut divina bonitas sit objectum formale charitatis, qua nos & proximum diligimus, satis est ut per charitatem non diligamus proximum in se & simpliciter, sed vel prout in eo relucet divina perfectio, vel prout proximus est quoddam bonum, quod Deo volumus propter Dei ipsius gloriam; atqui res ita se habet. Dilectio enim proximi propter ipsum non esset virtus theologica, quia Deum non haberet pro objecto; 2. 2. q. 10. sed esset alia amicitia differens a charitate secundum alias rationes, quibus homines amantur, ait S. Thomas; ergo ratio diligendi proximum ex charitate est sola Dei bonitas, quæ in proximo consideratur, vel sola Dei gloria, cui proximum volumus ut bonum quoddam, quo ipsa extrinsece augeri potest; seu, ut loquitur Contenson, diligitur ex charitate proximus, quia spectatur ut Deus participative, secundum id Psalmi: *Ego dixi; Dii effii.*

Dices: Ratio diligendi proximum non potest esse aliquid proximo extrinsecum: atqui divina bonitas est quid extrinsecum proximo.

R. neg. maj. tam enim proximus propter Deum diligere potest, quam res amici propter amicum, & medicina propter sanitatem; ad hoc ergo ut unum propter aliud diligatur, sufficit ut aliquam ad ipsum relationem habeat: hanc autem ad Deum habitudinem habemus nos & proximus; ergo Deus ratio esse potest, cur nos & proximum diligamus.

An autem actus, quo diligeretur proximus secundum se, puta ob supernaturales, quibus abundat, virtutes, abstrahendo a consideratione Dei, an inquam is actus eliciatur a charitate, ut docet Martinon disp. 18. sect. 3. & 2. an non potius eliciatur ab aliqua virtute, quæ chari-



charitati inferior sit, ut censent Vasquez, Lessius, & alii, nostrum non est pendere, sed Scholasticorum: ad utiliora, & magis practica propinquamus. Sit itaque

## S E C T I O T E R T I A.

*De necessitate, & conditionibus charitatis.*

**C**ertum est 1. dari præceptum de diligendo tum Deo tum proximo: *Diliges*, ait Christus Matth. 22. *Dominum Deum tuum ex toto corde tuo, & ex tota anima tua, & ex tota mente tua. Hoc est maximum, & primum mandatum. Secundum autem simile est huic: Diliges proximum tuum sicut te ipsum.* 1. Joan. 3. *Hoc mandatum habemus a Deo, ut qui diligit Deum, diligit & fratrem suum.* Atque ea diligendi proximi obligatio ad ipsos etiam inimicos extenditur; nam & eos diligere præcipiunt Scripturæ. Matth. 5. *Ego autem dico, diligite inimicos vestros.* Rom. 10. *Non red dentes malum pro malo, nec maledictum pro maledicto, juxta scilicet exemplum Christi, qui cum malediceretur, non maledicebat: cum pateretur, non comminabatur, sed pro crucifixoribus suis orabat.* In re tam manifesta superfluum esset plura Patrum testimonia congerere; omnium instar sit Augusti, qui sic Deum alloquitur lib. 1. Conf. cap. 5. *Quid tibi sum ipse, ut amari te jubeas a me, & nisi faciam, irascaris mihi, & mineres ingentes miseriae? Parvane ipsa est, si non amem te?* Ibid. lib. 10. cap. 6. *Et cælum & terra, & omnia, quæ in eis sunt, ecce undique mihi dicunt, ut te amem, nec cessant dicere omnibus, ita ut sint inexcusabiles.* Et vero, quod necessarium est necessitate mediæ, est quoque necessarium necessitate præcepti: aequi Dei, & proximi amor est necessarius necessitate mediæ; tum quia *qui non diligit, manet in morte.* Joan. 3. 15. tum quia *si habuero omnem fidem, & si distribuero in cibos pauperum omnes facultates meas, charitatem autem non habuero, nihil mihi prodest ad salutem,* ait Apostolus 1. Cor. 13.

Certum est 2. præceptum charitatis negativum obligare omni tempore, quia nihil unquam agere licet, quod Dei proximive charitati adversetur. Tria igitur hic discutienda manent. 1. quando obliget amor Dei. 2. quando amor proximi. 3. quæ in amore inimicorum servandæ sint leges.

**CONCLUSIO** 1. Præceptum charitatis Deo debitæ, prout affirmativum, non obligat semper, & pro semper; obligat tamen sæpissime.

Prob. 1. pars. 1. auctoritate S. Thomæ, qui præceptum charitatis comparat cum præcepto honorandi parentes, & ita ista esse duo præcepta affirmativa, non obligantia ad semper, quæ proinde possunt pro diversis temporibus obligare: unde potest contingere quod aliquis implens verb. gr. ad 2. præceptum de honoratione parentum, non tunc transgrediat præceptum de omissione modi charitatis.

Confirmatur ratione, qua ibidem utitur Sanctus Doctor in argumento sed contra. Si præceptum charitatis obligaret pro semper; seu, ut loquitur Sanctus Thomas, si modus charitatis caderet sub præcepto erga omnes cujuscumque virtutis actus, quisquis eliceret actum virtutis abique charitatis imperio, peccaret mortaliter, quia, ut expresse docet Angelus Scholæ, *quicumque non servat præceptum charitatis; quo tempore obligat,*

R 2

pec-

peccat mortaliter: atqui hoc est inconveniens, & eo usque inconveniens ut sit hæreticum, quia alioqui homo nunquam peccaret nisi mortaliter: ergo.

Cum hac doctrina stat, omnes & singulos hominis actus ad Deum referendos esse, ut alibi dictum est.

Prob. 2. pars. 1. ex censura tum a Romanis Pontificibus, tum an. 1700. a generalibus Cleri Comitibus lata adversus scandalosas laxiorum Casuistarum propositiones, quarum prima est: *Præceptum amoris Dei per se tantum obligat in articulo mortis*. Secunda, *Probabile est ne singulis quidem rigoroſe quinquenniis per se obligare præceptum charitatis erga Deum*. Tertia, *An peccet mortaliter, qui actum dilectionis Dei semel tantum in vita eliceret, condemnare non audent*. Quarta, *Tunc solum obligat, quando tenemur justificari, & non habemus aliam viam, qua justificari possumus*. Quinta, *Sufficit ut actus tendat in finem ultimum interpretative; hunc homo non tenetur amare, neque in principio neque in decursu vite moralis*. Quæ quidem propositio cæteris pejor, damnata est a Clero Gallicano ut hæretica.

Prob. 2. magis definite ex Deuter. 6. *Diliges Dominum Deum tuum.* eruntque verba hæc, quæ ego præcipio tibi hodie, in corde tuo, & narrabis ea filiis tuis (notent l'arochi, ut per eos notent parentes), & meditaberis in eis sedens in domo tua, & ambulans in itinere, dormiens, atque consurgens. Et ligabis ea quasi signum in manu tua, eruntque & movebuntur inter oculos tuos, scribesque ea in limine, & ostiis domus tue. Quare autem meditandum est præceptum de dilectione Dei, nisi quia implendum est? quare vero tam crebro meditandum est, nocte scilicet & die, in domo, & itineribus, nisi quia crebro implendum est?

1. Tim. 1.

Luc. 19.

Prob. 3. ratione fidei, naturæque innixa. Charitas homini imperata quædam est amicitia cum Deo; amicitia, inquam, ex corde puro, conscientia bona, & fide non ficta, ut loquitur Apostolus; seu ut loquitur Christus ipse, ex tota anima, & ex omnibus viribus. Quæro autem talis charitas potuerit præcipi cum licentia suspendendi exercitii ejus per annos plures, vixque semel intra quinquennium exercendi. An non amicum contemnere censetur, qui raro de eo cogitat, rarius loquitur, rarissime invistit, præsertim cum hæc omnia nullo negotio, sed facile æque ac utiliter præstare potest? An pater, & quisquis jus habet inconcussum exigendi ut ab alio ametur, sibi satis esse factum credit, si semel tantum, aut raro, aut velut ab invito, & in casu necessitatis diligatur? Sane qui odiosa hæc principia circa Dei amorem statuerunt, impatientissime ferrent si quis eadem de amore ipsi debito docere præsumpſisset. Scipius ergo obligat præceptum divinæ dilectionis, licet expresse definitum non possit per quot dies absque gravi culpa differri queat.

1. 2. q. 29.  
art. 6.

Sunt tamen casus non pauci, in quibus saniorum Theologorum judicio charitatis actus sub præceptum cadit. Sic r. juxta multos docet S. Thomas, cui assentire videtur S. Franciscus Salesius Lib. 10. de amore Dei cap. 6. hominem a primo usus rationis momento teneri sub mortali ad eliciendum amoris Dei actum, quo Creator cæteris omnibus præferatur. Hæc doctrina, licet non paucis videatur esse severior, ad duo tamen inservire potest. 1. ut moneantur parentes, magistri, tutores, quanta cura parvulis suis Deum prout super omnia

nia

nia amabilem proponere debeant, ut sensim adolescente jam ratione ad efformandum veræ charitatis actum habiles, & prompti efficiamur. 2. ut in dubio an officio huic satisfecerimus in infantia, peccatum hoc quod multi contra multos graves esse purant, apud Confessarium deponamus, ut deponendum esse docent Cajetanus, Navarrus, & Pontas v. *Charité* cal. 3.

2. Urget charitatis præceptum in quodlibet probabili mortis periculo, etiamsi recepta sint Sacramenta: ita communiter, ait P. Antoine. Ratio est 1. quia veniente sponso virgo prudens lampadem suam ornare debet, eique obviam exire ardentissimo, quo possit, amore. 2. quia tunc, si unquam, necessarius est charitatis actus ad muniendum cor adversus graviores tentationum procellas, quæ in hoc instanti præcipue dæserviunt. Merito igitur Pastores, & Confessarii juxta Ecclesiæ disciplinam a morientibus fidei, spei, & charitatis actus exigunt; & nisi exigant, graviter deliquunt.

3. Cum ad vitandum mortalis peccati periculum, aut vincendam, quæ urget, tentationem, necessarius judicatur charitatis actus: tenetur enim quisque amplecti media, quæ sibi ad peccati fugam necessaria videntur.

4. Cum necessarius est contritionis actus, puta si quis Confessarii copiam non habens, Sacramenta ministrare, aut sacrum facere debeat. Ratio est, quia contritionis actus actum charitatis involvit.

5. Addit Habert Orationem dominicam, vel mendaciter recitari, vel non recitari sine aliquo charitatis actu. Quid enim exprimunt hæc verba: *Sanctificetur nomen tuum*? nisi nos Deo ante omnia summam gloriam expetere. Quid hæc rursus: *Fiat voluntas tua*? Sane ait Sanctus Cyprianus, *voluntas Dei est, quam Christus, & docuit, & fecit. .... Deum toto corde diligere, amare in illo, quod pater est timere, quod Deus est, Christo nihil præponere, quia nec nobis ille quidquam præposuit, charitati ejus inseparabiliter adherere* &c. ergo ne ex numero simus, de quibus scriptum est: *Dilexerunt eum in ore suo, & lingua sua mentiti sunt ei*, necessum est, ut lingua amorem exprimere, cor amorem eliciat. Unde Bellarminus Lib. 1. de bonis operib. cap. 6. expendens an, qui ex animo remittit injurias, & tamen in aliquo alio peccato voluntarie perseverat, possit hac Oratione aliquod impetrare; respondet eum, si solis labiis orat ex consuetudine, & conversionis gratiam ex animo non petat, non solum nihil impetrare, sed etiam orationem ejus fieri in peccatum, quia in singulis fere petitionibus mentitur. Dicit: *Pater noster*, qui non vult esse filius. Dicit: *Sanctificetur nomen tuum*, & nomen Dei facinoroso affectu inhonorat. Dicit: *Adveniat regnum tuum*, qui Domini adventum super omnia formidat, & ita se gerit quasi regnum diaboli Christi regno præponat &c. Ex quo inferat auctor Coll. Andeg. eliciendum esse amoris actum cum Missæ sacrificio intersumus.

Cyp. L. de  
Orat. Dom.

Psalm. 77.

T. 1. Decal.  
p. 183.

Grand. p.  
181.

Ex iis colligere est cum Grandino in hisce materiis cæteroqui laxiore, ne unam quidem hebdomadam, (sponte dicam, ne unum quidem diem) sine actu charitatis prætermittendam esse, ut si forte læpius nos amare contingat, quam tenemur sub peccato, tantum saltem amemus quantum tenemur. Curent ergo, qui Seminariis præfunt, juvenes sibi commissos ad eliciendos virtutum theologicarum actus sic

Tournely Theol. Moral. Tom. III.

R. 3

assue-

affuefacere, ut eos illi nulla unquam die omittant, & deinceps plebem in Parochiis sibi credendam, ad eandem praxim, quæ jugum leve est, informant.

Divini hujus amoris conditiones, quas alii alias recensent, quatuor numerari possunt. 1. debet esse interior, quia alioqui non potest esse ex toto corde.

2. Summus; eo sensu quod *nihil amplius diligere debeamus*, quam Deum *qui amat patrem, aut matrem plusquam me, non est me dignus*, ait Salvator Matth. 10. Et vero id exigit summa Dei amabilitas, cui amor noster saltem appretiative proportionatus esse debet, unde S. Bernardus: *Modus diligendi Deum, est diligere sine modo*. 3. gratuitus. *Causa digendi Deum Deus est*, ait Doctor mellissimus ibid. ... *non sine premio diligitur Deus, estis absque premii intuitu diligendus sit ... verus amor premium non requirit, sed meretur*. Et vere eo solum nomine distinguitur amor charitatis ab amore concupiscentiæ, quod prior Deo propter Deum adhæreat, posterior non item.

4. Efficax, & in opere universalis: neque enim charitas est mera de divinis perfectionibus complacentia, sed affectus voluntatis efficaciter movens ad faciendum id omne, quod sine peccato saltem gravi omitti non potest, & e contra. Quapropter verus Dei amor continet propositum actuale, vel virtuale omnibus Dei mandatis adhærendi, secundum id 1. Joan. 5. *Hæc est charitas Dei, ut mandata ejus custodiamus*. Unde Christus, *qui habet*, inquit, *mandata mea & servat ea, ille est, qui diligit me*. Quæ quidem Scripturæ verba non intelligenda sunt sensu formali, quasi aliorum Dei mandatorum executio sufficiat ad impellendum charitatis præceptum, sed sensu causali, quia cum verus amor nunquam vacet, movere, & quasi trahit ad impletionem totius divini legis. Unde proscripta est a Clero Gallicano an. 1700. hæc propositio: *Præceptum amoris ei proximi non est speciale, sed generale, qui per aliorum præceptorum adimplerionem satisfiit*. Hæc fusius non exponam, quia libri de amore divino, ejusque conditionibus, & characteribus tractantes, omnium manibus teruntur, nec concionatorem agere oportet, qui Theologum agit.

CONCLUSIO II. tenemur proximum diligere actu formali, seu interno, & hoc præceptum sæpius obligat.

Prob. 1. pars, 1. quia tenetur unusquisque proximum suum diligere, sicut diligit seipsum: atqui nemo est, qui seipsum non diligit amore formali, seu interno. 2. Joan. 15. *Hoc est præceptum meum*, ait Christus, *ut diligatis invicem sicut dilexistis vos*: atqui Christus interno amore dilexit nos, ut nemo nisi Antichristianus disseri potest: ergo jure proscriptæ sunt ab Innocentio an. 1779. duæ istæ propositiones. Prima: *Non tenemur proximum diligere actu interno & formali*. Secunda: *Præcepto proximum diligendi satisfacere possumus per solos actus externos*. Aliud sane sentiebat Apostolus: *Si, inquit, distribuero in cibis pauperum omnes facultates meas... charitatem autem non habuero, nihil mihi prodest*. Quæ verba ab iis enixe ponderanda sunt, qui licet famulorum suorum pauperumque necessitatibus data occasione medeantur, eos tamen, nedum pro amicis, & fratribus habeant, vix prioribus animæ cordisque labiis diligunt.

In hoc autem præcepto vox diligendi proximum sicut seipsum non plenam dilectionis æqualitatem importat, sed similitudinem; ita ut homo proximo suo id omne velit, quod sibi vult, non tamen eodem intensionis gradu:

S. Them. hic  
9 44 art. 2.

du: quisque enim plus salutis suæ, quam alienæ, consulere debet; unde ne venialiter quidem peccare potest, ut proximum a peccato mortali coerceat. Certe prudentes virgines, etsi oleum suum cum fatuis partiiri noluerint, haud tamen violatæ charitatis inculatæ fuerunt.

Ad legitimam proximi dilectionem tria requirit S. Thomas ibid. 1. ut sit sancta. 2. ut sit iusta. 3. ut sit vera. Tunc enim & non aliter proximi dilectio similis erit ei, qua unusquisque semetipsum prosequi tenetur.

Ut proximi dilectio sit sancta, necesse est, ut sicut nosmetipsos propter Deum, sic & proximum propter Deum diligamus, seu, prout d'ocet Augustinus, *quod agis tecum, id agendum cum proximo est, ut ipse etiam perfectio amore diligat Deum. Non enim eum diligis tanquam te ipsum, si non ad id bonum, ad quod ipse tendis, adducere satagis.* Idem L. 1. de doctrina christiana c. 29. *Velle debemus, inquit, ut omnes nobiscum diligant Deum, & totum, quod vel eos adjuvamus, vel adjuvamus ab eis, ad unum illum finem referendum est.* Et alibi: *Ille veraciter amat amicum, qui Deum amat in amico, aut quia est in illo, aut ut sit in illo.* Ex his principiis colligit Sanctus Doctor, amicitiam, qua sponsus uxorem, pater filium, propinqui cognatos, familiaris familiarem suum naturaliter diligit, licet honesta sit, toto tamen cœlo differre a charitate his imperata verbis: *Diliges proximum sicut te ipsum: prædictæ enim amicitia, nedum humana, imo ne pecorinæ quidem naturæ vires superant.* An igitur, ait Augustinus, *pro magno landaturus sum in homine, quod video in tigride? Si non amaveris pater filium; a serpentibus vinceres.* Ergo ut proximum sancto diligamus amore, eique simili, quo nos diligere debemus, idem utriusque dilectionis motivum esse debet, idem & finis, ac proinde illud omne proximo procurandum est bonum, quod nobis rationabiliter velle possumus, & debemus, & quidem præcipue beatitudo æterna, & quicquid ad eam consequendam intervire potest.

Ut dilectio proximi sit iusta, requiritur ut aliquis non condescendat proximo in aliquo malo, sed solum in bonis: sicut & suæ voluntati satisfacere debet homo solum in bonis. Id quidem aliquando impatienter feret amicus, & amicum cupiditatibus suis servire nolentem, inhumanum esse conqueretur; forte etiam tanquam ingrato collata beneficia exprobrabit: at is ejus furor tanquam phrænesis sustinendus erit; sequendumque id, quod docet Sanctus Augustinus: *Cum inveneris in proximo iram, indignationem, odium, iniquitatem, sic coneris expellere morbum animi, quomodo amicus seculi morbum corporis.* Ad hoc ama ut facias, quod tu es, & erit in te perfecta charitas.

Ut dilectio proximi sit vera, necessum est, ut procedat ab animo benevolo, seu, quod idem est, ut non diligat aliquis proximum propter propriam utilitatem, vel delectationem, sed ea ratione, quod velit proximo bonum, sicut vult bonum sibi ipsi... nam cum quis diligis proximum propter suam utilitatem, vel delectationem, non vere diligis proximum, sed seipsum. Ita Sanctus Thomas: præverat Sanctus Charitatis Doctor Libro de vera Religione caput 46.

Ex his genitrix germanæque charitatis characteribus perspicuum est, raro admodum impleri hoc naturalis, & Evangelicæ legis præceptum: *Diliges proximum tuum* &c. Ut enim voluptuosos, aleatores, amatores mulierum, viros temporalis fortunæ avidos prætermittam, aliosque id

De morib.  
Eccl. 6. 16.

Serm. 335.  
Serm. 393.

S. Thom.  
ibid.

Serm. 335.

genus complures, qui in amicis suis vel ipsa eorum vitia, vel propriæ libidinis gustum inquirunt, nonne in usu est, ut patres in filiis, cognati in cognatis sanguinem ament; ut qui aliorum consuetudine lubenter utuntur, vel indolis similitudinem, vel commodum temporale sectentur &c. ? Is ergo omnium unus proximum diligere censendus est, teste Augustino Lib. de morib. Eccl. cap. 26. *qui agit quantum potest ut proximus saluus corpore, saluusque animo sit*, quique curam corporis ad sanitatem animi refert, ut *referenda est*. Quoti vero proximum tam sancte, tam iuste, tam vere diligunt.

Prob. 2. pars, nempe quod præceptum charitatis proximo debita sæpius obliget. Prob. inquam: duplex distingui potest amor proximi; *affectivus* scilicet, qui in benevolo voluntatis erga proximum affectu consistit; & *affectivus*, qui ipse est effectus a prædicto affectu exterius erumpens: atqui præceptum charitatis fraternæ ad utrumque sæpius obligat.

1. Quidem ex præcepto charitatis fraternæ sæpe tenetur homo ad amorem proximi effectivum, quoties nempe proximo sive spiritualiter sive corporaliter indigenti suppetias ferre potest, prout infra dicam agendo de elemosyna, & correctione fraternæ.

2. Sæpius quoque ex eodem præcepto tenetur ad amorem affectivum. Ratio est, tum quia præceptum dilectionis fraternæ simile est præcepto dilectionis Dei; hoc autem sæpius obligat, ut mox dictum est: ergo & illud: tum quia Oratio dominica, quæ pro omnibus fundi debet, sæpe, & frequenter fundenda est, ut ex ipsa ejus lectione constat: atqui hæc Oratio pie, & utiliter dici non potest, sine aliquo charitatis saltem latius sumptæ impulsu; hæc autem charitas etiam latius sumpta, cum disponat ad charitatem proprie acceptam, pertinet ad primum Decalogi præceptum, ut docet Sanctus Thomas. Verum hæc ex iis, quæ modo sunt, magis, ac magis elucescent.

2. 2. 9.

Unum hic annotare liceat, ex tot Theologis, qui de amore proximi differunt, vix unum esse, qui definiat quoto tempore actus hujusce amoris sine peccato veniali vel gravi differri possit. Hanc regulam statuunt Ethica amoris tom. 2. L. 4. n. 111. & 113. ut quoties ex præcepto charitatis proximo opem ferre debemus vel spiritualement, vel corporalem, quoties etiam onera ipsius, seu infirmitates spirituales portare debemus, toties id nos ex interno charitatis affectu facere oporteat. Hæc lex si stricte obliget, dicendum erit singulis ferme passibus obligare præceptum charitatis fraternæ. Ut enim animadvertit Cardinalis Bona in principiis vitæ Christi. pag. 2. §. 43. *Tot sunt hominum miseria, tam spirituales, quam corporales, ut vix gressum movere possimus, vel oculos vertere, quin multi accurrant ope nostra vel supportatione indigentes.*

CONCLUSIO III. Præceptum charitatis fraternæ prohibet sub mortali odium inimici; & internum ejus amorem, idque multis in occasionibus, præcipit etiam sub mortali.

Prob. 1. pars, ex 1. Joan. cap. Omnis, qui odit fratrem suum, homicida est; & scitis, quoniam omnis homicida non habet vitam æternam in semetipso manentem; æqui homicida, & quisquis vitam æternam indignum se facit, mortaliter peccat: ergo, qui odit fratrem, peccati mortalis reatum incurrit.

Hinc non licet cuipiam ex odio ipsius malum desiderare: potest tamen

men alicui etiam laudabiliter optari malum temporale, nimirum si optetur ex sincero vel conversionis ejus, vel boni communis affectu; cum scilicet judicatur ejus conversionem, aut commune bonum non posse moraliter alia via procurari. Hoc sensu oramus Deum, ut inimicos sanctæ Ecclesiæ humiliare dignetur: & hæc oratio verus est charitatis actus, tum erga inimicum, qui impletus ignominia facilius revertetur ad Dominum; tum erga Ecclesiam, cui pacem & tranquillitatem supplices deprecamur.

Hic tamen duo attendenda. 1. imperfectos, quales in hac materia sunt multi, ab hujusmodi desideriis abstinere debere propter morale periculum, ne quis vindictæ appetitus obrepit. 2. etiam dum odio habetur vitium inimici, æstimandam esse hominis conditionem. *Quid est, perfectio odio oderam illos?* ait Augustinus; sane id: *Oderam in eis iniquitatem eorum, & diligebam conditionem tuam, id est, quod a te acceperant.* Psal. 138. v. 22.

Prob. 2. pars. Matth. 5. *Audistis quia dictum est: Diliges proximum tuum, & odio habebis inimicum. Ego autem dico vobis: diligite inimicos vestros, benefacite his, qui oderunt vos; & orate pro persequentibus & calumniantibus vos.* Verba hæc secundum Ecclesiæ & Patrum interpretationem verum continent præceptum; Grave præceptum, diligite inimicos, ait Augustinus, sed grande premium.... audisti opus, expecta mercedem; atqui per præceptum illud non exterior solum, sed positivus interior erga inimicos impetratur charitatis affectus. 1. quia vox *diligite*, distinguitur contra vocem *benefacite*; ac proinde si hæc externum, illa interiorem charitatis motum significat. 2. quia ibidem præcipitur oratio pro inimicis hæc autem sine interiori cordis affectu vera oratio esse non potest. 3. quia hic jubet Christus aliquid, quod Pharisei necessarium esse non existimabant; atqui neque negabant, neque negare poterant Pharisei exteriorem charitatis actum præcipi in lege. Hæc enim discrete habentur Exod. 23. v. 4. & 5. *Si occurreris bovi inimici tui, aut asino erranti, redue ad eum. Si videris asinum odientis te, jacere sub onere, non pertransibis, sed sublevabis eum.*

Omitto Patres, quorum unanimis est ea de re consensus; sufficiat Augustinum adduxisse: sic ille Serm. 5. de luct. Jacob. *Dilige inimicum tuum, dicit Dominus.... res in corde est.... Deus videt, si diligis.* Non ergo credidit S. Doctor præcepto de inimicis diligendus per actum mere exteriorum satisfacere posse.

Prob. 3. pars, recensendo praxim & occasiones amoris iis, qui oderunt nos, exhibendi.

Primo itaque, cum inimici nostri vere proximi nostri sint, id omne iis debemus, quod debemus proximis.

Secundo, omnem in eos odii & vindictæ affectum procul abjicere debemus; adeo ut, etiam perseverante in eis contra nos odio & omni mala voluntate, perseveret in nobis erga eos charitas, & exterius charitatis testimonium, secundum id Apostoli Rom. 12. *Benedicite persequentibus vos: benedicite, & nolite maledicere... nulli malum pro malo reddentes.* Et vero, *Si non dimiseritis hominibus*, ait Salvator Matth. 6. *ne pater vester dimittet vobis peccata vestra.* Peccant ergo contra charitatem, qui de malo inimici, prout ejus malum est, lætantur, qui de bono ejus, prout ejus bonum est, dolent; qui ex malo in personam affectu, injuriæ sibi illatæ vindictam a Deo & ab hominibus expectant, imo

imo, & qui saltem generatim inimicum non includunt in interno, & externo charitatis actu, quem erga proximum eliciunt.

Dixi *saltem generaliter*: quod ut intelligatur, notandum cum S. Thomas hic q. 25. art. 9. signa charitatis erga proximum duplicis esse generis. *Sunt enim quadam, quæ exhibentur proximis in communi; puta cum aliquis arat pro toto populo, vel pro toto populo, aut aliquod beneficium impendit toti communitati. alia vero sunt beneficia, vel dilectionis signa, quæ quis exhibet particulariter aliquibus personis.* His positis

Tertio, tenemur & generalem charitatis affectum servare erga inimicos, & generalia ejusdem charitatis signa iisdem præbere; idque, ait S. Thomas ibid. *est de necessitate præcepti: si enim non exhiberentur inimicis, hoc perduceret ad livorem vindictæ.* Hinc illicitum est excludere inimicum a communibus orationibus, a resalutatione, a venditione mercis expositæ, ab elemosynis, quæ vel toti communitati fiunt, vel certis diebus porriguntur pauperibus omnibus, qui ad januam se offerunt. Eadem de causa peccat, per se loquendo, qui cognatos omnes visitat, eo dumtaxat excepto, quem infensum habet, qui a salute, quam vicinis omnibus dat, inimicum excludit, qui ad prandium, cui interesse solebat, accedere non vult, eo quod ad idem invitatus sit inimicus, qui inimicum alloqui se volentem arceat a colloquio. Ex eodem charitatis generalis defectu peccat etiam, qui inimico in necessitate constituto non benefacit, quantum proximo benefaciendum est: ut si bestiam ejus errantem, & expavescentiam non reducat, si malum ipsi in fama, honore, aut bonis imminens non impedit, cum impedire facile potest. Et hoc peccatum grave est, si malum, quod avertere potuisti, grave sit.

Thom. l. 4.  
n. 255.

Si quis tamen inimicum suum invisere aut alloqui nolit, vel quia novit eum ingenii adeo periculosi esse, ut nihil nisi mali ab ejus commercio expectandum sit, vel quia, ut loquitur S. Bernardinus, *probabiliter timet ex hoc aliquid pejus accidere*, abstinendum erit ab exterioribus illis amicitiae signis, cum duplici tamen præcautione; prima, ut hujus suæ agendi rationis causam debeat intuentibus propter vitiationem scandalii propalare, si bono modo hoc facere potest: secunda, ut cordi suo invigilet, ne sub circumspersionis prætextu intus servetur odium. Nam sæpe, ait S. Gregorius Lib. 22. Mor. in Job. in dilectionis imagine erga inimicum animus fallitur, seque hunc diligere æstimat, si vitæ ejus contrarius non existat, sed dilectionis vim occulte, & veraciter, aut professus inimicis aut casus interrogat: si enim de prosperitate dolet, & de calamitate se odientis letatur, constat, quod non amat, quem non vult esse meliorem &c.

Quarto, quod spectat ad specialia charitatis signa, docet ibid. S. Thomas, eorum exhibitionem non esse de necessitate salutis, nisi secundum præparationem animi, ut scilicet inimicis subveniatur in articulo necessitatis, secundum illud Prov. 25. *Si esurierit inimicus tuus, ciba illum.* Ratio hujus decisionis est, ait P. Antoine, quod præceptum charitatis, per se loquendo, non plus obliget ad dilectionem inimici, quam cujuslibet alterius; neque enim conditio inimici duplicat conditionem proximi, atqui ut impleatur præceptum dilectionis proximi, satis est communiter loquendo, ut extra casum necessitatis ametur in communi, eique communia benevolentiae signa pro cujusque conditione, & statu exhibeantur: ergo & id respectu inimicorum sufficere debet.

Quin-



Quinto, aliquando tamen & specialis erga inimicum charitas in corde vigere debet, & specialia eidem huiusce charitatis signa exhiberi.

Sic cum, accepta gravi ab aliquo injuria, imminet periculum odii; vixque ab optando ei malo abstinere potest, is inimicitiae exurgentis sensus opposito amoris & orationis actu cohiberi debet; quia amor ille medium est ad peccati fugam, & mandati observationem necessarium. Sic etiam saepe exigunt speciales circumstantiae, ut inimico specialia amoris signa exterius impendas; & id locum habet,

1. Ut cum aliqui futurum est ut proximo scandalum inficiatur.

2. Cum inimicus vel veniam orat, vel specialia haec amicitiae indicia prior exhibet; tunc enim non respondere, est vindictam charitati contrariam exercere.

3. Cum exigit spiritualis aut temporanea inimici necessitas, ut plus eius gratia praestes, quam aliqui consueveras.

4. Cum subest vera & probabilis ratio sperandi, fore ut inimicum Deo tibi que reconcilies, si speciali amore, salutatione. v. gr. vel alloquio, eum praevenias: tunc enim etsi prior ille aggressus te fuerit, debes eum praevenire, saltem si possis sine gravi incommodo: quia obligat charitas ad avertendum grave proximi damnum, praesertim spirituale, licet ex ejus culpa proveniens, cum illud absque gravi incommodo avertere possumus. Non teneor quidem aureos mille erogare ei, qui, nisi erogem, spondet se sibi necem illaturum, sed dubio procul hunc ejus furorē avertere tenerer, si facile possem. Et id erga ipsos inimicos verum est, secundum id Apostoli Rom. 12. *Noli vinci a malo, sed vince in bono malum.*

5. Si ante injuriam consueveras inimicum salutare, alloqui, ad conversationem admittere, haec, tamen si specialia sint benevolentiae signa, eodem post offensam modo ac ante praestare debes, ut docent Suarez, Coninch, Bonacina, alique temperantioris Ethices Theologi. Ratio est, tum quia specialia amicitiae signa nunquam ex solo injuriae acceptae motivo denegari possunt, cum hoc ad livorem vindictae pertineat; tum quia horum signorum suppressio odium nutrit ac fovet, & proximo scandalum creat, ut quae contemptus & vindictae indicium reputetur.

Patentur tamen omnes, alias circumstantias aliam aliquando agendi rationem postulare. Ut 1. si prudenter judicetur specialis dilectionis exhibitionem plus obtutnam inimico, quam profuturam; puta si sit ex eorum numero quibus cum benefeceris, pejores sunt. 2. si praevideatur eum austeriori vultu ad agnoscendam culpam adducendum esse. 3. si is, qui laesus est certam in eos, qui laeserunt, superioritatem habeat, qualem habent pater in filios, Praelatus, aut alius Superior in inferiores. Sic enim David, concessa Absalon invadendae Jerosolymae licentia, sui ipsius conspectum denegavit.

S. Ignat.  
Epist. ad  
Rom.

Hic duo monenda. 1. in his omnibus servandam semper esse charitatem. 2. magna in hisce casibus opus esse circumspectione, ne scilicet ex passione agat, qui ex zelo agere se putat, aut ne officio suo desit Superior, cujus est turbatos subditorum animos ad sanam mentem reducere; quod plerumque non faciet, nisi jure suo cedat paulisper, & ovem a grege profugam misericorditer inquirat. Haec Ethicae amoris doctrina, justitiae veritatisque consona videtur.

Secd

Sed difficilior est, quod idem auctor improbare videret eos, qui sentiant hominem, cui atrox aut infamis injuria illata est, posse per aliquod tempus abstinere ab exhibendis, quæ ante consueverat, amicitiae signis; quique docent nihil tunc timendum esse scandali, eo quod exterior illa legum charitatis suspensio, non possit prudenter refundi in odium, sed in iustum doloris sensum, quem austeriori vultu foris manifestari convenit, ne injuriæ atrocitas parvipendi videatur. Ego quidem hæc ex circumstantiis & injuriarum natura, dijudicanda esse puto. Nec enim reum habeo maritum patremve, qui ut vim conjugii vel filiae illatam, publice detestetur, non iisdem ac ante oculis stupratorem intuetur; imo haud satis scio, an culpam ejus agendi ratio placeat, si eodem ac prius modo cum infami hoc homine conversaretur: quanto severius gerere se debet, si præceps & immatura delicti condonatio, novæ insultationis periculum inducat? Sed hic stringendæ magis, quam laxandæ habent, ob summam hominis ad vindictam & odia propensionem.

Ut solvantur aliæ difficultates, quæ ad hanc materiam pertinent,

Quæres 1. quis in ineunda reconciliatione servandus sit ordo.

R. Hunc esse servandum. 1. qui alterum injuste offendit, aut saltem prior aggressus est, & rixam excitavit, is prior veniam petere, aut viam ad pacem aperire debet; id enim exigit justitiæ ratio. 2. si duo mutuam sibi injuriam intulerint; tunc, si offensio utrinque ejusdem sit gravitatis, nec ulla sit ratio, cur alter alterum præveniat, utrique incumbit obligatio fratrem suum præveniendi: si autem offensio unius gravior fuerit alterius offensione, præire debet, qui gravior offendit, tamen si in offendendo posterior. 3. etiamsi certæ personæ gravior ab aliis læsæ fuerint, nunquam tamen possunt iis salutationis, allocutionisve officium subtrahere; ut patet in filio respectu patris, aut inferiore respectu Superioris; hæc enim officia iis, qui erga nos Dei ipsius locum tenent, tam stricte debita sunt, ut vix unquam subesse possit legitima ratio, quæ ab iis etiam ad tempus dispenset.

Quæres 2. an inimico veniam petenti statim ac injuriam intulit, exteriora veniæ signa statim exhiberi debeant.

R. Affirmative, si de privatis agitur. Ratio est 1. quia Christus & Sancti suis id nos exemplis & verbis docuerunt. Sic enim Salvator & discipulo neganti, & latroni gratiam primum postulanti, & Saulo cædem & minas uno ante momento spiranti pepercit. Sic etiam Stephanus pro inimicis actu lapidantibus oravit; sic Apostolus 1. Cor. 4. *Maledicimur & benedicimur, persecutionem patimur & sustinemus &c.* sic *Matth. 18.* Christus Luc. 17. *Si frater tuus septies in die peccaverit in te, & scit peccata in die conversus fuerit ad te, dicens, pœnitent me, dimitte illi; nec solum septies, sed & septuagies septies venia hæc iteranda est, ut ubi alibi docet Scriptura. 2. quia in eadem mensura, qua nos meretur Deus, & nos proximum remitteri debemus: arqui Deus nobis toties & statim debita longe graviora dimittit, quoties legitime veniam petimus. Hinc sanctus Chrysologus Serm. 67. *O homo, qui vis semper tibi dimitti, dimitte semper..... homo intellige, quod remittendo alii, veniam tibi tu ipse dedisti.**

Dixi, si de privatis agitur: quia, ut jam dixi, possunt aliquando Superiores externa veniæ signa differre, ut qui contra eos peccarunt, culpam

pam suam & sentiant & emendent: quamquam & hæc in Superioribus veniæ dilatio suos habere debet limites, ne subditos hinc ultra modum exacerbari contingat. Cæterum nemo est, qui non videat, non unam apud omnes esse veniæ petendæ rationem. Neque enim filius aut famuli, si a patre vel hero læsi fuerint, eadem ab ipsis exigent humiliationis signa, quæ pater aut herus a famulis vel filiis. Filio, aut famulo satisfactum erit, si amice saluentur, si quibusdam donentur munusculis, quæ benevolentiam denotent; plura exigent pater & dominus, iisque reipsa plura debentur.

Quæres 3. an ut veniam inimicis dare, sic & debitam honoris v. g. famæ, aut pecuniæ satisfactionem remittere teneamur.

Resp. negative cum sancto Thoma 2. 2. quæst. 108. art. 1. quia solus vindictæ appetitus, non autem ordo iustitiæ repugnat charitati: atqui quod ei, quem læsisti, satisfacias, pertinet ad ordinem iustitiæ: ergo.

Quæres 4. an pars læsa possit apud iudicem agere ad obtinendam satisfactionem, cum is, qui læsit, satisfactionem offert prudentum arbitrio sufficientem.

R. Cum Haberto, Ethica amoris, P. Antoine, hancce agendi rationem charitati & christianæ misericordiæ consentaneam non esse, 1. quia qui tam rigorose proximum insequitur, non videtur eum diligere sicut seipsum, nec facit alteri id, quod sibi fieri rationabiliter optare potest. 2. quia, qui pro centum denariis tam acerbè vexat, ut quid decem talentorum millia sibi remissum iri considerare potest? 3. quia inimicum sumptibus & expensis onerare, abque eo, quod quidpiam in te utiliatis inde redeat, ipsis etiam iustitiæ legibus repugnat.

His adde, quod etsi litigatio in universum prohibita non sit, sed certis in circumstantiis permittitur, cum alioqui pateret janua furtis & sceleribus, est tamen hæc eadem litigatio plena periculi. 1. quia, qui litigant, eo impelli solent nimio temporalium amore, vixque ab odio, malevolentia, detractioe, & calumniis abstinere possunt. 2. quia litibus, quasi ex natura rei annexa est iactura temporis, & pacis illius internæ, sine qua difficile admodum moventur pedes in via pietatis: unde litigatores pro temporali bono, a quo etiam sæpius excidunt, in discrimen boni longe præstantioris veniunt: ergo regulariter loquendo non est apud iudicem exigenda satisfactio, quam, qui alium læsit, eidem sponte sua offert.

Dixi *regulariter*: quia, ut docet Theologus Parisiensis, aliquando *ex Habito.* pedit, vel etiam necesse est satisfactionem injuriarum coram iudicibus prosequi, ut 1. si gravis sit offensa, & creet infamiam, quæ in totam familiam recidet, nisi satisfactione juridica diluatur. 2. si reus sit noxius Reipublicæ, & concives injuria afficere solitus: quamquam & in hoc utroque casu stet responsionis nostræ veritas, cum ideo tunc coram iudicibus agere liceat, quia insufficientis est satisfactio a reo oblata.

Quæres 5. quis sit sensus horumce Christi verborum, Matth. 5. Si ergo offers munus tuum ad altare, & ibi recordatus fueris, quia frater tuus habet aliquid adversum te, relinque ibi munus tuum ante altare, & vade prius reconciliari fratri tuo; & tunc veniens offers munus tuum.

R. cum

De Serm.  
Dom. in  
monte c.  
10. n. 17.

R. Cum SS. Chrysostomo & Augustino, per *altare* intelligi, vel illud, in quo Sacerdotes Missam celebrant, & Fideles Eucharistia reficiuntur, vel ipsum cor nostrum, a quo proficiuntur sacrificia omnia, quæ Deo tanquam munus acceptum placere possunt, orationes, v. gr. & elemosynæ. His positis, sensum sermonis Christi diserte explicat Augustinus his verbis: *Si in mentem nobis venerit, quod aliquid habeat adversum nos frater, id est si nos eum in aliquo lesimus; tunc enim ipso habet adversum nos: nam nos adversus illum habemus, si ille nos laesi: & tunc nobis non opus est purgare ad reconciliationem; non enim veniam postulabis ab eo, qui tibi fecit injuriam, sed tantum dimitte . . . .* Pergendum est ergo ad reconciliationem, cum in mentem venerit, quod nos forte fratrem in aliquo lesimus. Pergendum autem, non pedibus corporis, si longius absit, sed motibus animi, ut te humili affectu prosterne fratrem, ad quem chara cogitatione cucurreris, in conspectu ejus, cui munus oblaturus es, id est sincere protestando ei, qui corda & renes scrutatur, paratum te esse ad placendum quacumque legitima via læsi fratris animum, quod statim ac penes te erit; exequeris. Quod si frater tuus non absit longius, adeundus est, quam primum moraliter fieri potest, seu, ut explicat Jansenius, statim ac prudentiæ ratio, tempus, & locus permittunt. Atque hæc obligatio leniendi fratris juste irati, tam arcta est, ut, qui proximum graviter læserunt, non ante, communiter loquendo, debeant absolvi, quam vel cum eo redierint in gratiam, vel redire pro virili conati fuerunt.

## SECTION QUARTA.

*De ordine charitatis.*

Certum in charitatis exercitio servandum esse ordinem, ex ipso dilectionis præcepto manifestum est; unde juxta Augustinum Lib. de doctrin. Christ. cap. 27. *ille dumtaxat juste & sancte vivit, qui ordinatam dilectionem habet; ne amplius diligit, quod minus est diligendum; aut æque diligit, quod vel minus vel amplius diligendum est; aut minus vel amplius, quod æque diligendum est.* De hoc igitur charitatis ordine nobis est in præsenti disserendum: quod ut plane fiat, varia charitatis objecta, Deus nempe, anima nostra, anima proximi, corpus nostrum & proximi corpus, ac demum omnia corporis & animæ bona, cujuscumque ordinis ea sint, inter se se comparari debent; ut intelligatur quodnam illorum alteri præferri debeat: id est, quodnam magis & perfectius sit diligendum, sive objective, sive appetitive, sive demum intensive.

## PUNCTUM PRIMUM.

*An nos rebus extra nos positis præferre teneamur.*

CONCLUSIO I. Tenetur homo Deum magis quam se & proximum diligere, tum objective, tum appetitive, tum etiam intensive, scilicet aliquo sensu.

Prob. 1. pars. Quia aliquem magis diligere objective, est ei majus velle

velle bonum, sive per complacentiam, sive per desiderium: atqui majus Deo bonum velle debemus, tum per complacentiam, quia magis in infinitis ejusdem perfectionibus complacere, de iis gaudere amplius, earumque, si ita loqui fas est, possessionem Deo gratulari debemus; tum per desiderium, quia majorem ei gloriam, quam cuilibet, vel omnibus simul creaturis velle & optare debemus, secundum id Apostoli Rom. 16. *Soli Deo honor & gloria.*

Prob. 2. pars. Ille plus unum, quam alia quæcumque diligit æstimat, qui sic affectus est, ut malit cæterorum omnium jacturam pati, quam hujusce unius: atqui homo sic Deum diligere debet, ut malit totius mundi, quam Dei solius jacturam pati, secundum id S. Pauli: *Quis ergo sperabit nos a charitate Christi?* &c. Præverat Christus ipse Matth. 10. his verbis: *Qui amat patrem aut matrem plusquam me, non est me dignus.*

Et vero amor charitatis erga Deum debet esse super omnia: atqui non potest esse super omnia, nisi sit appetiatiue major alio quocumque amore. Is enim solum amor vere & integre est super omnia, per quem ita obiecto alicui adhæremus, ut & ei nihil præferamus aut adæquemus, & omnia ad eum referamus tanquam ad finem cui: atqui hæc non conveniunt nisi amori, qui appetiatiue major sit alio quocumque amore. Amor enim vel minor, vel æqualis, nec omnia præfert, nec omnia ad unum aliquod obiectum referre potest, cum non referat saltem illud, quod plus aut æque diligit: ergo.

Antequam probetur tertia Conclusionis pars, quam plures in dubium vocant, aut etiam irridunt, attente notandum est quæstionem hic non moveri de dilectione affectus sensitivi. Certo enim constat amorem, quo mater v. g. diligit puellum, quem in ulnis gerit, multo plus eam movere & afficere, quam quo Deum prosequitur: unde si problem decidere, aut aliter lædi contingat, fluunt ubertim matris lacrymæ, quæ post admissum ab ea peccatum, vel nullæ, vel non ita uberes defluunt.

Neque etiam quæstionis sensus est, an Deus diligi debeat dilectione intensive summa. Dilectio enim necessario finita nunquam potest esse summa intensive, eum semper crescere possit: porro puri hominis dilectio necessario finita est.

Sensus ergo quæstionis est, an quoties urget præceptum amandi Dei, toties majori in eum fervore tendere debeamus, quam in quodlibet aliud obiectum. Assirnant non solum Theologi rigidiores, ut Ethica amoris, sed & ii quoque, qui iustos intra limites facilius consistunt, ut post Scotum Scotistæ complures, & inter alios Henno. His præmissis

Prob. 3. pars 1. quia jubemur Deum diligere, quanto possumus, conatu & fervore, cum eum ex totis viribus, & ex tota fortitudine diligere jubeamur: atqui possumus Deum ferventius diligere quam creaturam: imo proprius ille est charitatis character, ut intensius & ferventius serat in id, quod magis est diligibile, quodque aliorum diligendorum ratio est & causa: ergo.

Confirm. Exigit charitatis ordo, ut gradus dilectionis proportionatus sit, quantum mortaliter fieri potest, rationi ejusdem dilectionis: atqui si creatura intensius possit diligi, quam Deus, jam profus subvertetur ordo ille, ut ex terminis patet: tunc enim majori conatu prosequeretur;

sequemur id, quod multo minorem voluntatis nostræ nifum mēretur; contra vero remiffus in id feremur, quod tota est cœtera quæcumque amandi ratio: ergo.

Prob. 2. Ex omnium confesso Deus super omnia diligi debet appetitive: atqui non potest Deus appetitive diligi, nisi diligatur etiam intensive: Qui enim Deum appetitive diligit, hunc necessario elicit actum: o Deus amo te, & quidem tam efficaciter, ut malim bonis omnibus, & ipsa vita privari, quam a te per peccatum mortale separari: atqui actus ille, si modo mendax non est, necessario importat amorem Dei quocumque creaturæ amore intensiorem. Quomodo enim, qui secundum rationalem affectum intensius & fortius adhærebit creaturæ, quam Deo, Deum; cui remiffius & languidius adhæret, efficaciter præponet creaturæ? Certe *amor meus, pondus meum*, ait Augustinus, *illo feror, quocumque feror*: ergo si intensius ac vividius ferat me in creaturam, vix fieri potest ut Deum creaturæ efficaciter anteponam.

Prob. 3. Creatura non potest ordinate diligi ut finis, sed solum instar medii ad Deum tanquam ultimum finem, ordinati: atqui hoc posito non potest creatura rationalis affectu intensius diligi, quam ipsemet Deus. Si enim creatura non possit ordinate diligi, nisi ut medium, quod ad Deum ordinari debeat, jam tota creaturam diligendi ratio est ipsemet Deus: atqui si Deus ipse sit tota creaturam diligendi ratio, jam implicat creaturam magis & intensius diligi quam Deum. Si enim in hac hypothesi creatura intensiori amore diligeretur, quam Deus, jam Deus esset simul & non esset tota creaturæ diligendæ ratio: esset quidem, ut supponitur; non esset tamen, quia major intensiōis gradus erga creaturam non esset a Deo, cum Deus majorem creaturæ cūsulvis, quam sui ipsius dilectionem non inspiret: Ergo cum *propter quod unumquodque tale est, & illud magis sit*, Deus magis intensive diligi debet, quam creatura, si Deus sit id, propter quod creatura charitatis amore diligitur. Fortassis ergo non ita inepte scribebat Soto in Instit. Sacerd. lect. 15. *Dilectio appetitionis ab intensiōe, qua quidpiam magis diligitur appetitive, & non magis intensive*, intensiōe rationali scilicet, *nova est, & S. Thomæ incognita, nihil aliud habens, quam nomina, nisi quod interim illa persuasiōe ingeneratur hominibus securitas quædam, & tepiditas, quod valde timendum est.*

Obj. cum Tournely. 1. si ad impletionem præcepti charitatis, requiratur dilectio intensive summa, sequitur 1. cœteros præter Petrum Apostolos, qui Christum minus intensive diligebant, quam diligeret Petrus, præcepto charitatis defuisse. 2. unumquemque semper anxium esse debere, an magnum legis mandatum impleat; cum vix unquam cognosci possit an intensius in Deum feratur, quam in creaturam.

R. neg. maj. non enim ut quis charitatis præceptum adimpleat, requirimus ut intensius adhæreat Deo, quam alius quisque, aliqui e creaturis puris sola Virgo Deipara præcepto huic satisfecisset; sed ut intensius in Deum, quam in aliam, quæcumque ea sit, creaturam se ferat. Unde hic non comparamus duos homines quantum ad amorem Dei, sed unum eundemque hominem quantum ad amorem Dei & creaturæ, & majorem illius, quam hujus ardorem esse debere contendimus.

dimus; quod si quibusdam Theologis displicet, at ipsi Deo probatum iri confidimus.

Neque nostra hæc doctrina, scrupuli & anxietatis origo esse potest; tum quia quisquis cor suum interrogando, deprehendit se Deum appetitive super omnia diligere, eo ipso intensivum ejusdem amorem sibi inesse moraliter judicare potest, ut patet ex modo dictis; tum, quia ubi viget legitimus & prædominans Dei amor, ibi est & amor intensive sufficiens: porro non desunt signa, quibus dignoscere possimus, an amor Dei in nobis dominetur.

Primum sinceri & dominantis amoris signum est summa Deo placendi cura, ac proinde declinandi a malo, & bonum prosequendi, juxta illud Christi Joan. 14. *Si quis diligit me, sermonem meum servabit*. Et vero, ut belle notat Augustinus Præfat. in Psal. 31. *Numquid charitas permittit aliquid mali facere ei quem diligit? ... dilectio vacare non potest, nisi & mali nihil operetur, & quidquid potest boni operetur*.

Secundum signum est constantia in observatione mandatorum, & fuga peccati. Etsi enim in ista oculi excidat homo a charitate & iustitia, habet tamen nescio quid ambigui charitas paucio tempore perseverans. Et sicut arbor vi ventorum facile & cito dejecta, non videtur bene radicata fuisse, tametsi aliquando vere radicata fuerit; sic charitas quasi momentanea, admodum suspecta esse debet.

Tertium signum est frequens & libens cogitatio de Deo. *Vis scire*, ait S. Bonaventura Conc. 2. de S. Maria Magd. *si Deum perfecte diligas, vel aliud plus Deo ames? attende si de Deo, plusquam de aliis rebus cogitas: quia de illo plus cogitas, quod plus amas ... ergo si plus cogitas de mundo, plus de lucro, plus de carnali amico, vel socio, quam de Christo, non veritas in dubium, sed sit tibi certissimum argumentum, quod amas ista plusquam Christum*. Et ratio est, quia ut docet Christus Matth. 6. *Ubi thesaurus tuus, ibi cor tuum est*; ubi autem cor, ibi cogitatio & oculus. Libenter enim aspicimus, quem multum diligimus, ait Richardus Victorinus.

Quartum signum est sincerus proximi amor. *Redeat*, ait Augustinus Tract. 5. in Ep. Joan. *unusquisque ad cor suum, si ibi inveneris fraternam charitatem, securus sis*.

Hinc colliges accuratum non esse id, quod docet Contenson L. 7. dist. 6. in Appendice pag. 138. actuum intensionem discerni non posse, ac proinde sicut non cadit sub scientiam, ita nec cadere sub legem: cadit enim sub scientiam id, quod *unusquisque ad cor suum* redeundo detegere potest.

Obj. 2. Illud per charitatis præceptum non imperatur, quod non est essentialis charitati: atqui major vel minor intensio non est essentialis charitati, cum charitas sine ea graduum intensione esse possit: ergo.

R. dist. min. graduum intensio non est essentialis charitati, ut sic & generatim consideratæ, C. charitati comparatæ cum amore creaturæ, N. Unde qui creaturas remitte admodum amat, & Deum satis quidem remitte, sed tamen magis, quam creaturas, veram habet charitatem. Hanc autem non haberet, qui majori conatu in creaturam tenderet, quam in Deum, quia reipsa non diligeret Deum ex totis viribus.

Obji. 3. Si extet præceptum diligendi Deum super omnia intensive, vel gradus ille determinatus est a lege charitatis, vel non. Si non sit determinatus: ergo quolibet gradu impletur præceptum: si determinatus sit, ostendatur, ubi determinatus sit.

R. intensiois ad genuinam charitatem requisitæ gradum esse determinatum ipso dilectionis præcepto, quo jubemur plus erga Deum, quam erga creaturam quancumque, amoris habere: ubi enim vere est major ille Dei amor, ibi est & dilectio intensior, ut suadent probationes nostræ.

CONCLUSIO II. Unusquisque vi præcepti charitatis tehetat se magis, quam proximum æstimatorie diligere, quoad bona spiritalia necessaria; imo & communiter loquendo, quoad bona etiam temporalia, quæ necessaria sunt, seu quæ homini præcipiuntur, ut vitæ propriæ conservatio. Aliud est, si agatur de iisdem bonis temporalibus comparate ad spiritalia proximi bona, eidem proximo necessaria.

Probi. 1. pars. Bona spiritalia nobis necessaria ea sunt, quorum privatio ab æterna salute, aut saltem a Deo nos removeret: atqui tenemur nos proximo in hisce bonis præferre. Si enim ad id non teneremur, licitum nobis esset & peccare, ut proximi peccatum impediremus; & proximi salutem, etiam cum propriæ salutis dispendio procurare: atqui utrumque plane illicitum est, & illicitum esset, etiamsi mundi universi salus per leve mendacium esset procuranda, quia *non sunt facienda mala, ut eveniant bona*: Rom. 3. ergo.

Confirm. quia amor nostri debet esse regula amoris proximo debiti: ergo cum regula sit prior regulato, postulant ordo & æquitas, ut nobis salutem velimus, potius quam proximo. Atque id docet Christus cum ait Matth. 16. *Quid prodest homini si mundum universum lucretur, animæ vero suæ detrimentum patiatur, aut quam dabit homo commutationem pro anima sua?* Ex quo colligere est animarum Directores, item Prædicatores divini verbi, quos experientia docet se munia hæc sine peccato non exequi, ab iis quantum in se est, abstinere debere, nec ad ea revarti, nisi postquam omni bonorum operum genere, in eo se constituerint statu, in quo spes affulgeat futurum ut jam non peccent in earumdem functionum exercitio.

Obj. 1. votum Moyſis e libro vitæ deleri petentis; Pauli item volentis esse anathema a Christo. Sed difficultas hæc soluta manet ex iis, quæ dixi in Tractatu de Religione.

Obj. 2. Ordo charitatis postulat, ut plus amemus, quæ meliora sunt: atqui alii homines plerumque nobis meliores sunt & sanctiores: ergo eos præ nobis diligere debemus.

Confirm. Qui amat ut Deus, ordinate amat: atqui Deus sanctiores aliis omnibus præfert: ergo & eos aliis omnibus, ac proinde nobis ipsis antepondere debemus.

R. dist. maj. postulat ordo charitatis, ut plus amemus objective, quæ meliora sunt, C. ut plus amemus appreciative, N. Itaque, quæ meliora sunt, plus a nobis amari debent objective, sive *per complacentiam*, quia si alii sanctiores sint, pluris æstimanda est eorum sanctitas, quam nostra, magisque in illa complacendum; sive *per desiderium*, quia majorem gloriam magis sanctis desiderare convenit; at non ideo debemus semper,



per, quæ meliora sunt & aliena, plus amare æstivative, quam quæ minus perfecta sunt & nostra. Qui enim plus æstivative unum amat, quam aliud, sic affectus est, ut malit tolli unum, quam aliud: atqui nemini licet sic affectum esse, ut malit tolli a se sanctitatem etiam in gradu remisso, quam a fratre suo majorem ejus sanctitatem: ergo.

Ad confirm. R. r. retorq. qui amat ut Deus, amat ordinate: atqui amat Deus, ut quisque justitiam suam, alterius cujuscumque sanctitati præferat; nec approbaret ut quis mundi totius sanctificandi causa, peccaret etiam venialiter, aut proximo venialiter peccandi periculo se exponeret: ergo qui sic se amat, amat ordinate.

R. 2. neg. maj. tanquam de falso supponente. Supponit enim, vel Deum instar hominis bona sua comparare posse cum aliorum bonis; & sic affectum esse, ut suis, si per impossibile minora essent, privari malit, quam alios suis, si per idem impossibile majora essent: vel hominem posse semetipsum cum alio quopiam homine comparatum, iidem oculis intueri, quo Deus duos homines extra se positos intuetur. Hæc autem ridicula sunt & absurda: unde tota hæc ratiocinatio, cum de diversis objectis instituitur, merus est paralogismus. Æquum certe est ut Deus sanctiores plus amet, quam minus sanctos, quia utrique sunt extra se; & eadem de causa e duobus inæqualiter sanctis, sanctiorem magis, quam minus sanctum, amare debemus, quia uterque a nobis diverius est: sed si instituenda sit nostram inter & extranei alicujus sanctitatem comparatio, nostra utique alterius justitiæ præferenda erit, quia nobis conjunctiores sumus, quam proximo, etiam sanctiori. Hæc autem ratio, quæ in hacce materia, primitiva est & capitalis, non habet locum in Deo, qui non est conjunctior minus sancto, quam sanctiori.

Inst. Magis placet Deo ut unum fiat veniale peccatum, quam ut mundus totus ob peccatum mortale damnetur: ergo deo parius esse ad peccandum venialiter, ut mundi totius damnationem avertam.

R. hic occurrere vitium in præcedentis ratiocinatione animadversum, unde dist. magis placet in genere, quia Deus generatim mavult leviter offendi, quam gravissime, C. magis placet in particulari, hoc sensu, quod Deus velit me venialiter peccare, ut mortalem aliorum offensam, & annexam ei damnationem removeam, N. Imo contrarium vult, qui vult ut me plus amem quam proximum.

Obj. 3. Potest quis, cæteroqui pie magis in Religione victurus, manere in sæculo, ut proximorum salutem allaboret: atqui hoc fieri non potest; si unusquisque spirituale bonum suum proximi bono præferre teneatur: ergo.

R. posse hominem in proximi gratiam velle pati detrimentum charitati extrinsecum, puta velle carere tum suavi ea delectatione, quæ contemplationi annexa est; tum gratiis illis, quæ vocantur gratis datæ: sed non ira constat an possit homo, ad procurandum bonum spirituale proximi, velle pati detrimentum aliquod spirituale, quo impediatur meriti & gratiæ sanctificantiis augmentum. Alii negant, quia, inquit, id contrarium est naturæ charitatis, quæ ex se habet ut subjectum suum inclinet ad perfectissimam cum Deo conjunctionem, tum in vita præsentis per sanctitatem, tum in futura per gloriam. Alii vero censent licitum

esse ob spirituale proximi bonum, aliquam pati jacturam spiritualium hujus vitæ bonorum, quæ hominem faciunt meliorem, sed quibus potest quis absque peccato carere. Et hac de causa, ait Sylvius, omitti aliquando possunt opera non præcepta, ex quibus profici posset in charitate, *Sylv. hic q. 26. art. 1. quia non tenemur eam semper augere.* Hinc etiam tenetur interdum quis, *4. quas. 1. com. 4.* postposita virginitalis laurea, assumere statum matrimonialem, ne regnum ad iniquos, aut hæreticos devolvatur.

Si eligatur prima opinio, neganda est major propositio, & evanescit difficultas. Si vero eligatur secunda, quæ mihi verior videtur, neganda est minor, & dicendum thesim nostram procedere de bonis spiritualibus necessariis, qualia non sunt ea, de quibus loquitur Objectio. Unde etiam approbari potest id, quod docent Boudart tom. 3. pag. 466. & Ethica amoris pag. 240. non peccare, sed contra heroicæ virtutis actum elicere eos, qui omnem prorsus cujus capaces sunt satisfactionem animabus in Purgatorio languentibus applicant: quia exponere se periculo vel acerbiores vel diuturniores Purgatorii pœnas patiendi, ut alii ab iisdem pœnis eripiantur, magnum quid & heroicum importat.

Sed hic quæso animadverte, secundam, quam adoptavi, responsionem, non esse accuratam, quatenus supponit, eum qui Dei intuitu spirituale quoddam lucrum abjicit, non compensari aliunde, profecto magis est impossibile, ut qui de bono sibi alioqui plurimum profuturo, spirituale proximo elemosynam erogat, non recipiat centuplum a Deo, qui factum sibi deputat, quod fit uni ex minimis suis amicis; quam ut idem non recipiat, qui de bono corporali sibi necessario elemosynam facit.

Quæres, an ob spirituale proximi bonum liceat exponere se periculo peccandi.

Nota, bonum proximi duplex: aliud necessarium, ut si homo sine baptismo moriturus sit, nisi ad eum Baptizandum convoles; aliud non necessarium. Periculum vero triplex a quibusdam distinguitur, remotum, proximum, & probabile, quod inter utrumque medium esse putant. His positis

R. 1. licitum est exponere se remoto peccandi periculo propter bonum proximi etiam non necessarium. Hoc enim faciunt, qui aliorum peccata excipiunt in confessione etiam absolute non necessarie: ibi enim multiplex occurrit periculum negligentiae, tarditatis, impatientiae, præsertim cum excipiuntur confessiones devoti fœminei sexus.

R. 2. nunquam licitum est proximo etiam venialiter peccandi periculo exponere se ob bonum spirituale etiam necessarium proximi. Ratio est, quia, ut bene notat Suarez disp. 9. de char. sect. 1. n. 8. in moralibus idem est peccatum committere, & illius committendi periculo se exponere: idque, ut monet idem Theologus, præcipue verum est, quando periculum est in materia determinata, in qua se aliquis fragilem esse jam sensit & expertus est. Ergo cum nunquam liceat etiam leviter mentiri, aut aliud peccatum admittere ob spiritualement proximi salutem, ut docet Augustinus L. de mendacio, c. 21. neque etiam ejusdem peccati proximo periculo se se exponere licitum est.

Confirm.

Confirm. ex censura propositionis 63. ex iis, quas anno 1679. proscripsit Innocentius XI. Ea vero sic habet: *Licetum est quærere directè occasionem proximam peccandi, pro bono spirituali, vel temporali nostro, vel proximi.*

Major est difficultas de periculo probabili. Censent enim multi, eo non obstante, succurrendum esse proximo in extremo necessitate spirituali constituto. Si infans, ajunt Salmanticenses Tract. 21. cap. 6. n. 28. necessario moriturus sit sine baptismo apud Infideles, nisi accedas, & accedendo times probabiliter subversionem, tunc non solum potes, sed etiam teneris accedere, eique periculo te exponere. Ratio est, inquit, 1. quia peccandi periculum non est peccatum, nisi quatenus est moraliter voluntarium: sed, qui urgenti de causa objicit se periculo, cui alias objicere se nollit, non voluntarie, sed invitus subit periculum, ut docet S. Basilius, in Constit. Monast. cap. 4. ergo nec dicendus est peccare. 2. quia periculum solummodo probabile non potest haberi pro peccato, cum causa adeo legitima illud subiri exigit. 3. quia infans, de quo statim, & alius quilibet in simili casu constitutus non potest spoliari jure certo, quod habet, ad baptismum, propter damnum incertum, & solum probabile. Pro hac sententia stant Bannes; Azor tom. 2. L. 12. cap. 4. Sanchez in Decalog. L. 1. cap. 8. Soto L. 5. de justitia & jure q. 1.

Contrarium tenet Sylvius hic q. 26. art. 4. & docet, quod si periculum ita sit probabile, ut probabilior sit lapsus, quam perseverantia, non liceat ei se propter alios exponere: quia unusquisque plus suam, quam aliorum salutem diligere debet. Accedit, quod probabile periculum vix differat a periculo proximo, quicum etiam sæpius confunditur: non licet autem proximo peccandi periculo se objicere: ergo ut Sylvi verbis concludam, tunc solum proximo periculose opitulari tenemur, quando est sit periculum, magis tamen speratur peccatum non secuturum: & hoc quidem magis ab eo sperari potest, qui non temporali, sed præstanti fraternæ charitatis motivo ducitur. Quod si, ait Suarez ibid. n. 8. periculum in consilio animadvertatur, non potest certa tradi regula, sed res pro ratione necessitatis, & periculi absolute vel relative sumpti pensanda erit.

Nec nocent alterius opinionis momenta.

Non primum, semper enim voluntarie subit periculum, qui eidem exponit se, cum ab eo abstinere potest.

Non secundum, nam nisi terminis abutamur, periculum est peccatum, cum exponit hominem peccato moraliter certo, adeo ut probabilior sit lapsus, quam perseverantia: atqui periculum vere probabile sic exponit; nulla autem causa exigere potest ut tanto me discrimini committam ad avertendum alterius damnum. Neque is jus habere potest, ut salutem ipsius meam ante salutem reponam; unde patet solutio ad tertium.

Prob. 2. pars Conclusionis, nempe, quod communiter loquendo quilibet se etiam proximo præferre debeat, quoad bona temporalia necessaria; prob. inquam 1. quia exigit charitas, ut bona, quæ nobis conjunctiora sunt, præferamus iis, quæ minus sunt conjuncta, quando utraque ejusdem sunt ordinis: atqui bona nostra nobis utique conjunctiora sunt, quam bona aliorum; unde Augustinus Lib. de mend-

dacio cap. 6. *Si quis*, inquit, *pro alterius vita temporali suam ipsam temporalem perdat, non est iam diligere sicut seipsum, sed plusquam seipsum, quod sancte doctrinæ regulam excedit*. 2. quia se habet vita nostra ad vitam proximi, sicut anima nostra ad animam proximi: ergo sicut hanc, sic & illam alteri præferre debemus.

Dixi, *communiter loquendo*, quandoque enim licitum est, imo & quandoque necessarium homini privato vitam suam pro servanda alterius hominis vita exponere. Licitum quidem, si is, cujus vita servari potest, sit bono communi, vel salutis animarum utilior: necessarium vero, si servanda sit vita Principis, aut alterius personæ ad Reipublicæ salutem necessariæ; item si malum communitati imminens aliter averti non possit. Qua de causa milites tenentur non deferere stationem suam; & telis se obicere, licet probabiliter noverint futurum ut occidantur. Ita Sylvius hic q. 26. art. 4.

Quæres, an non alii sint casus, in quibus vitam pro vita privati exponere aut etiam profundere liceat.

R. Esse. Nam 1. licitum est incurrere probabile mortis periculum, ut proximus eripiat a mortis certissimæ; quia periculum probabile quidem, sed tamen incertum mortis meæ, minus est malum, quam mors non solum probabilis, sed etiam certissima proximi mei. 2. licet ab eo mortem accipere, cui utpote injusto invalor mortem inferre posses; tum, quia sic consulis æternæ ejus salutis, de qua actum est, si eo in statu occidatur; tum, quia præceptum servandæ vitæ, quatenus affirmativum, non obligat cum gravissimo incommodo, unde si vita nonnisi difficillimis mediis servari potest, puta membrorum aliquot amputatione, aut etiam, ut alii volunt, confessione humanæ carnis, non tenetur quis amore vitæ mediæ hæc amplecti: atqui hominis alterius occisio est medium, quod pluribus durissimum videri possit: ergo.

Gravior est difficultas an possit quis certe morti se se obicere, ut alterius sibi plene æqualis vitam conservet. Circa quod docet Sylvius, 160. id esse illicitum, 1. si is, qui morti se exponit, vel æternæ salutis discrimen merito veteri possit, quia sentit se etiamnum peccato adhærere; vel necessarius, aut multum utilis sit sive Reipublicæ, sive familiæ suæ, aut iis, quorum ipsi cura incumbit. 2. si vitam pro amici vita profundendo, non spectet aliud, quam vitam & vitam, aut si ad summum, ut olim solebant Ethnici, solam morales virtutis, quæ huic agendi rationi annexa est, honestatem attendat. Ratio est, quia in hisce casibus charitas esset prorsus inordinata, utpote, quæ rem minoris prætii, qualis est aliena vita, aut etiam honestas pure naturalis, præferret rei, quæ erga nos multo majoris est momenti.

Tota igitur, quæ hic superest, quæstio, in eo posita est, an alterius privati vitam, vitæ tuæ dispendio servare possis ex motivo christianæ alicujus virtutis, puta, quia sic proximum subtrahas damnationi æternæ; aut insigni animi bene memoris exemplum exhibebis, conservando vitam patris, aliusve intimi amici, cui, pro collatis in te beneficiis nihil æque dignum rependere potes. Qua de re

Dico cum S. Thoma in 3. dist. 29. art. 5. ad 3. quod in casibus modo allatis, atque similibus; *tradere seipsum morti propter amicum, est perse-*

*perfectissimus, aſus virtutis : unde hanc aſum magis appetit virtuoſus quam vitam propriam corporalem.*

Prob. hæc opinio .i. quia ex Chriſto *maiorẽ hac dilectionem nemo habet, ut animam ſuam ponat quis pro amicis ſuis* : atqui hæc Chriſti ſententia intelligi poteſt non ſolum de ſpirituali, ſed etiam de temporanea proximorum ſalute ; & ſic reiſa intelligitur a S. Chryſoſtomo L. 2. de Sacerdotio.

2. Quia hæc Apoſtoli verba Rom. 5. *Vix pro juſto quis moritur, nam pro bono fortaiſi quis audeat mori* inſinuant eum laudabiliter aſurum eſſe, qui pro alio moreretur, ſed paucos eſſe, qui id faciant : porro mors hiſce verbis commendata, ea eſt, quæ pro juſto in extrema neceſſitate corporali conſtituto ſubiretur ; neque enim vir juſtus in extrema neceſſitate ſpirituali ſupponi poteſt.

3. Quia quamvis illicitum ſit plus amare vitam amici præciſe, qua vita eſt, quam propriam vitam, licet tamen plus amare aſtum præſtantiffimæ virtutis, quam propriæ vitæ conſervationem ; prout ibidem docet Sanctus Thomas : atqui vitam pro vita proximi profundens, aliud nihil elicit, quam aſtum præſtantiffimæ virtutis ; cum ſupponamus eum hoc uno virtutis motivo determinari. Et vero ſummis omnium laudibus extolluntur, tum Tobias, qui pro ſepeliendis fratrum corporibus ſe toties morti expoſuit ; tum Sanctulus, qui, ut reſert Sanctus Gregorius Libro 3. Dialog. cap. 37. certiffimo vitæ periculo pro Diacono quodam ſe objecit ; tum ii, qui poſte infectis temporalia miniſtrant, moraliter certi ſe hinc evaſuros non eſſe ; tum denique, Sanctus Eduardus, qui dum conſervandæ virginitatis gratia a nuptiis abſtinendo, mortem ſubiit, non alio titulo excuſari poteſt, quam quia magnam virtutem innato vitæ amori præpoſuit.

Ex hiſ ſequitur, ait Sylvius, quod ſi duo ſint in extrema neceſſitate, poteſt alter alteri ex virtutis motivo cedere panem, quem unicum, & uni tantum ſufficientem habet. Si in fuga coram hoſtibus, poteſt ſuum ei, ut fugiat, equum concedere, etiamſi ipſe pedibus effugere non poſſit. Si in naufragio, poteſt ei dimittere tabulam, quam occupare, & cujus auxilio ſalvari poſſet. Nam poſſet tamen, ait idem Sylvius, tabulam, qua jam uti ipſe cœpiſet, cedere alteri, ſi cedere non poſſet niſi conjiciendo ſe in mare, quia hæc ſui in mare projectio ad ſui ipſius occiſionem pertinere videtur, niſi ob natandi peritiam abeſſe judicetur periculum mortis.

Sed poteſtne homo juſte damnatus ut pereat, cibum ſibi clam oblatum reſpuere, ut ſuam judici obedientiam exhibeat ?

Non poteſt : tum, quia id de facto iudex nec præcepit, nec utpote inhumanum nimis præcipere potuit ; tum quia vix ulla ſingi poteſt juſta neceſſitas, quæ barbaram hanc obedientiam laude dignam efficiat.

Dixi in Concluſione, teneri hominem ſe plus, quam proximum diligere in bonis temporalibus neceſſariis ; nam aliud eſt ſi agatur de bonis, quæ non ſint neceſſaria. Licet enim contemnere bona, quæ neque nobis, neque noſtris ſunt neceſſaria : porro ſi ea contemnere poſſumus, poſſumus ; & in alios conferre rationabili de cauſa, ac proinde alios nobis hoc in puncto præferre.

Ut probetur tertia Concluſionis pars, nempe, quod ſpiritalia proximi

bona eidem necessaria, bonis nostris temporalibus etiam necessariis præferre teneamur.

Nor. 1. triplicem esse proximi necessitatem, extremam scilicet, gravem, & communem: *Extrema* ea est, in qua salus est absolute impossibilis proximo, nisi hic & nunc jayetur, ut si infans ob pestem inter infideles derelictus, sine baptismo, nisi promptam operem feras, decessurus sit; vel difficultatis tantæ, tamque fere insuperabilis, ut moraliter loquendo censei possit impossibilis vitatu. *Gravis* est ea, in qua potest quidem aliquis sine alterius auxilio salvari, sed valde difficile: ut si homo peste infectus; & inveteratam habens peccandi consuetudinem, non habet Confessarium; is enim etsi per veram contritionem peccati veniam obtinere possit, rationabiliter sine contritione moriturus judicatur, si nemo auxilium ei præbeat, & penitentiam viam habetenus pene igneam docere festinet: *Communis* ea est, in qua potest quis absque magna difficultate salvari sine alterius auxilio; talis est necessitas eorum, qui expositi sunt communi peccandi periculo, leviori in aliis, in aliis graviori.

Nor. 2. non omnes habere eisdem respectus ad proximum: alii enim ex officio eidem invigilare debent; alii ad ejus curam non nisi generali charitatis lege tenentur, & quia *unicuique mandavit Deus de proximo suo*. His positis

Dico 1. unumquemque teneri ad subveniendum cum periculo vitæ propriæ proximo suo spiritualem extremam necessitatem patienti, si spes sit, quod juvari possit. Ita communiter Doctores.

Prob. 1. quia ex præcepto Christi, Joan. 13. & 15. tenemur proximum diligere, & sicut diligimus nos, & sicut diligit nos Christus: atqui sic nos diligere debemus, ut æternam vitam vitæ corporali præferamus; sic etiam nos dilexit Christus, ut vitam suam pro salute nostra tradiderit: ergo & nos debemus pro fratribus animas ponere; quæ Christi lex vel nunquam, vel saltem in extrema fratrum necessitate spiritali obligat.

Prob. 2. ex utroque Ecclesiæ sole, Augustino, & Thoma. Prior sic habet Lib. de mendacio cap. 6. *Temporalem plane vitam suam, pro æterna vita proximi, non dubitabit Christianus amittere*. Posterior sic loquitur hic q. 26. art. 5. *Illud magis ex charitate diligendum, quod habet pleniorē rationem diligibilis ex charitate*; vult enim charitas ut bona pro dignitate dirigantur: atqui confociatio in plena participatione beatitudinis, quæ est ratio diligendi proximum, est major ratio diligendi, quam participatio beatitudinis per redundantiā, quæ est ratio diligendi proprium corpus. Certe enim multo magis glorificari potest Deus in proximi anima, quæ per se capax est actus beatifici, quam in temporali corporeis nostri vita; atqui insuper anima quælibet longe præstantiori, quam corpus nostrum, modo participat divinam bonitatem, quæ est objectum formale charitatis: ergo tenetur unusquisque vitam corporalem exponere pro spiritali proximi vita. Circa quod tamen observandum cum Sylvio, cor, qui ex pura malitia exponunt se damnationis periculo, necessario tractandos, tanquam, qui sint in extrema necessitate; cujusmodi sunt, qui bellum iniustum sponte agrediuntur, duellum suscipiunt, &c. similes, qui propria voluntate facile possunt se eripere, si velint.

Ex facto mox principio colliges. 1. infanti, qui Christianorum filius sit

sit, (nam de filio Infidelis dubitant Doctores) & qui alioqui sine baptismo statim sit moriturus, subveniendum esse etiam cum propriæ vitæ periculo. Idem dic cum Vericelli tit. 2. qu. 60. n. 7. de puero usum rationis recens adepto, quia & ipse est in extrema necessitate, ob insuperabilem pene difficultatem eliciendi perfectum contritionis actum. Haud tamen licitum est, ut alteri subvenias, quidpiam facere, quo tibi tempestivi mortem directe inferre videaris: quapropter ut puerum aquis innatantem baptizes, non potes te in aquam dare præcipitem, si nulla affulgeat spes evadendi: esset enim hæc directæ tui occiso, quæ lege Dei prohibita est.

Colliges 2. cum eodem, defendendam vitæ tuæ periculo, esse vitam adultæ, qui ebrius, dormiens, vel non cogitas occidendus sit in statu peccati mortalis, in quo eum esse certo moraliter cognovisti.

Colliges 3. matrem gravidam in desperatione partus naturalis teneri ad patiendum sectionem cæsaream, ut baptizetur proles, quam utero gestat, & quæ alias sine baptismo moritura est: modo tamen & mulier ita robusta sit, & Chirurgus ita solers & peritus, ut spes adfit probabilis operationem illam nec matri nec infanti fatalem fore, tamen nunquam fieri possit ut ea careat periculo. Ita censet Theophilus Raynaudus, Ethica amoris, & alii quidam, qui salutem matris sectæ inter casus metaphysicos recensendam non esse probant, tum Chirurgorum plurium iudicio, tum frequenti experientia. Quæ de re profertur insigne exemplum Patris Jacobi Robini ex Ordine Minorum, qui sæpius testificatus est quintum se esse ex fratribus, cælo semper matri utero, editum, opera Chirurgi cuiusdam, qui ope remedii soporiferi dolorem sectionis solerter præcussit. Quod si sectio cæsareæ, attenta matris infirmitate aut Chirurgorum imperitia, ita periculosa judicaretur, ut probabili maternæ incofumentis spe destituta foret, non liceret eam tentare, quia, juxta Sanctum Thomam 1. part. quæst. 68. art. 11. ad 2. *non debet homo occidere matrem, ut baptizet puerum, cum nunquam facienda sint mala, ut eveniant bona.*

Colliges 4. obstericem sagam, quæ plurimos infantes variis in locis dispersos in nomine dæmonis, & absque solita baptismi forma baptizavit, absolutionis incapax esse, nisi crimen suum reparare velit, etiam prodendo se Magistratui, a quo consequenter extremum luet supplicium; si omnibus mature perpensis nulla alia tanti sceleris reparandi via possit excogitari. Ratio est, quia licet in hoc casu nihil debeat intentatum relinqui ut obstericis vitæ consulatur, postulant tamen justitia & charitas, ut multo magis provideatur æternæ tot infantium salutis, qui per summam injuriam in tantum discrimen coniecti sunt. Eadem de causa, ait Boudart tom. 3. p. 488. prægnans extra matrimonium, non potest instante morte absolvi, nisi cum iactura famæ vita ipsa prioris, det Confessario licentiam crimen ab ea commissum revelandi, ut infantis salutis consulatur.

Colliges 5. teneri te cum eodem periculo ad ferendam opem peccatori etiam rationis compoti, quem extremo morbo laborantem prudenter judicas sine sufficienti contritione ex instructionis defectu moriturum. Imo, ajunt multi, si vir aliunde instructus, sed nequam & qui diu vixit in crimine, sit in primo periculo moriendi, absque

abque confessione, sine qua nonnisi difficillime salvari potest, quamvis absolute possit perfectæ contritionis actum elicere, ei tamen succurrendum est, quia ubi proximi salus tantopere periclitatur, necessitas cenie-ri debet extrema. Ita Suarez disp. 9. lect. 2. nu. 3. P. Simonet, Bou-dart, &c.

Addunt Azor. tom. 2. lib. 12. cap. 4. Grandin pag. 188. quod si Tur-ca quempiam cogeret ad fidem abnegandam, aut Hæreticus plebecu-lam jamjam corrupturus esset, & in hæresim pertracturus; & ego eos possem verbo aut facto in fide confirmare, ad id teneret, etiamsi cor-poris vitam amissurus essem. Contrarium docet Suarez ibidem his ver-bis: *Si periculum proximi tantum esset peccandi mortaliter, habiturus tamen esset postea tempus penitentiae, non obligat cum periculo vitæ sub-venire, ut vitet illud peccatum, quia absolute est voluntarium, & est damnum reparabile, quale vulgo non est damnum extremæ neces-sitatis.*

Hic quædam apponi solent limitationes. Itaque non tenemur proximo in extrema necessitate posito opitulari, 1. cum valde probabile est inu-tilem ei fore operam nostram, puta si infantulus nondum baptizatus ante certo moraliter debeat in flammis suffocari, quam ad eum perveni-ri possit: imo ut alteri cum vitæ periculo subvenire tenearis, oportet ut certo, juxta Suarem, aut saltem juxta P. Antoine, ut *prudenter judices te illi profuturum; quia nemo tenetur ad opus prorsus inutile, aut quod prudenter tale præsumitur, cum proprio gravi damno; verba sunt ejusdem P. Antoine.* Si valde probabile sit operam tuam alicui necessa-riam non esse, puta quia est vir doctus, prudens, pius, solitus sæpe peccata confiteri, non teneberis, ait Verricelli Theatinus, ei cum certo vitæ peri-culo subvenire, nisi sis proprius Pastor; quia homo ille, etiamsi suppo-neretur a gratia excidisse, non est in extrema, sed ad summum in gra-vi necessitate, cum assuetus sit actibus contritionis &c. Addit post Tole-um idem Theologus, eum qui moribundi statum ignorat, qui v. g. ne-scit an sit inveteratus peccator, non teneri cum vitæ periculo eidem suc-currere, de quo judicent alii.

2. Neque etiam proximo succurrere tenemur, cum alius est, qui pos-sit & velit succurrere. Unde non tenetur privatus quisque ad Indos pro-ficisci, quia non desunt, qui id velint & faciant; aliunde vero quoti sunt, Turcæ v. gr. & Sinenses, apud quos spes est certa promptæ mor-tis, nulla vero, aut pene nulla prosperi successus?

3. Idem dicendum de iis, quorum vita vel etiam bona, communi Ec-clesiæ aut Reipublicæ bono necessaria sunt: quod locum habere potest in Regibus, & in iis, quorum vita præservandæ ab Hæreticis multitu-dini necessaria est; debent enim ii publicum bonum particulari bono antepone-re. Certe Principis unius internecio innumera mala non tem-poranea solum, sed & spiritualia invehere solet: quapropter, quod diximus in Conclusionem, intelligendum est per se loquendo, comparando salutem proximi cum vita nostra, non autem salutem unius cum salute multorum.

4. demum & id locum habet, quando alter, saltem mentis compos, alium interficere nitiatur: is enim etsi in peccato mortali occidi potest, jux-ta plarium Theologorum sententiam, quia necessitas hæc non est extre-ma, sed voluntaria. Sed de hoc alibi.



Dico 2. in casu gravis, non autem extremæ necessitatis; nemo cum periculo vitæ aliis succurrere tenetur, nisi vel ad id obligetur ratione officii, vel necessitas sit publica.

Prob. 1. pars. 1. quia necessitas gravis talis est naturæ, ut homo ab ea liberare se possit, si velit, & plerumque se liberaverit a graviore: atqui non exigit charitas, ut morti me exponam ad liberandum eum, qui absolute liberare se potest, cujus specialem curam non suscipi: ergo.

Tenemur tamen ex charitate proximo in gravi necessitate spirituali constituto, subvenire non solum cum levi, sed etiam cum gravi aliquo damno temporali proprio. Exigit enim ordo charitatis ut magis diligamus proximum in spiritualibus, quam nosmetipsos in temporalibus: atqui ad hoc necesse est ut spiritualement, tamque gravem proximi necessitatem removeamus cum gravi damno temporali proprio; ita ut comparatur gravitas necessitatis tollendæ cum gravitate damni subeundi: *Quod certe, ait Suarez ibid. n. 15. non potest definiri in universalibus, sed in particulari prudenter judicandum est, servata verum proportionem.* Extra hunc gravis necessitatis casum, non est præcepti proximo cum gravi sui ipsius damno succurrere, sed consilii; quia laudabile est spirituale proximi bonum, quod altioris est ordinis, temporali nostro etiam gravi præferre: nisi tamen specialis aliqua ratio ab ea nos agendi ratione prudenter deterreat.

Prob. 2. pars. 1. quia Episcopi v. g. & Pastores, qui ex officio tenentur ad avertenda gregis sui mala, plus utique & arctius ad id tenentur, quam ii, quibus animarum cura ex officio non incumbit: atqui isti tenentur cum vitæ suæ periculo subvenire proximis extremam necessitatem patientibus; ergo alii, quibus ex officio cura hæc incumbit, ad id tenentur in gravi proximi necessitate. 2. quia Pastores ex officio tenentur subditos suos pascere, tum Sacramentis, tum verbo Dei; & hoc præsertim, cum id ad eorum salutem est vel absolute vel graviter necessarium. Vide, quæ dixi in Tractatu de Beneficiis cap. 4. art. 1.

Ex his colliges cum Salmanticensibus Tract. 21. cap. 6. nu. 34. Parochum in prædicto casu positum, non posse officio suo renuntiare; alias nullus Pastor ad ferendam ovibus suis opem teneretur, sed unusquisque cessionis beneficio quamprimum uti posset. Addunt iidem Theologi, Parochum ea dumtaxat cum vitæ periculo Sacramenta administrare teneri, quæ absolute necessaria sunt ad salutem, ut baptismus & pœnitentia; addi posset & extrema unctio, si pœnitentia moribundo administrari non posset.

Prob. 3. pars. 1. quia gravis communitatis alicujus necessitas semper conjuncta est cum extrema quorundam privatorum necessitate; cum, uti sapienter monet Sylvius, admodum probabile sit futurum ut multi in hac necessitate pereant. 2. quia jactura vel potius periculum vitæ privati alicujus, minus est malum, quam gravis multitudinis totius necessitas, quæ profecto non minoris æstimanda est, quam extrema necessitas alicujus privati. Hinc si Hæreticus falsa doctrina plebem inficiat, teneris etiam cum periculo vitæ obistere, si possis, & nemo præ-*Sylv. p. 162.* ter te adsit idoneus; aut si adsint quidem alii idonei, sed qui neque se opponant, neque videantur se opposituri. Item si in persecutione vel

hostium incurfione plebs gravibus peccandi periculis expofita foret; tene-  
retur Sacerdos ei opem ferre, fi deesset, aut etiam ex nimio mortis me-  
tu recessisset proprius Pastor.

*Id. ibid.* Dico 3. Proximo in communi fpirituale neceffitate conftituto, nemo suc-  
currere tenetur cum periculo vite, imo nec cum gravi bonorum tempora-  
lium detrimento; tenetur tamen, fi poteft fine fuo damno, vel cum exiguo.

Ratio 1. partis eft, quia communis neceffitas non eft fimpliciter & ab-  
folute neceffitas, cum, qui eam patitur, pluribus modis ab ea expedi-  
re fe poffit: fi enim vinci fatis facile non poffet, jam non effer levis,  
fed gravis neceffitas.

Ratio 2. partis eft, quia mandavit Deus unicuique de proximo fuo, Ec-  
cli. 17. ergo proximo confulere tenemur cum facile poffumus: poffumus  
autem facile, cum vel fine ullo, vel fine gravi damno poffumus.

## PUNCTUM SECUNDUM.

*‘An charitas e rebus extra nos pofitis, alias aliis præferri jubeat.’*

Cum homines omnes extra nos pofiti, erga nos proximi locum ha-  
beant, quæritur an, & qui fint, quos aliis præferre tenemur. Quæ  
difficultas ut ad mentem S. Thomæ folvatur, fit

CONCLUSIO I. *Oportet magis unum proximorum, quam alium diligere:*  
Ita S. Doctor q. 26. art. 6.

Prob. 1. quia fi proximus omnis æqualiter diligi deberet, æqualia forent  
peccata omnia contra dilectionem proximi: atqui falſum conſequens; gra-  
vius enim peccat, qui patrem, quam qui alium non amat. Unde, ait  
ibid. S. Thomas, *Levit. 20. præcipitur, ut qui maledixerit patri aut  
matri, morte moriatur, quod non præcipitur de his, qui alios homines  
maledicunt.*

Prob. 2. quia uni proximo magis benefaciendum eft, quam alteri: at-  
qui hoc fieri non poteft, niſi ſub aliquo ſaltem reſpectu major ſit affe-  
ctus in unum, quam in alium: exteriori enim beneficio reſpondere de-  
bet interior dilectionis motus: ergo.

Prob. 3. quia cum principium dilectionis fit Deus, & ipſe diligens, ne-  
ceſſe eſt ut ii plus diligantur, qui plus Deo vel nobis ſunt conjuncti: at-  
qui proximorum alii aliis Deo nobiſve ſunt conjunctiores: ergo.

Ob. ex Auguſtino Lib. 1. de Doctr. Chr. cap. 28. *Omnes homines æque  
diligendi ſunt;* ergo non is, pluſquam ille.

R. Omnes æque diligendos eſſe, hoc ſenſu, quod omnes generaliter &  
nullo excepto diligendi ſint; non autem qualiſi idem eſſe debeat dile-  
ctionis omnium gradus. Sic Sap. 6. dicitur, quod Deo æqualiter ſit cu-  
ra de omnibus, non quia æquali menſura creaturas omnes diligit, ſed  
quia omnibus certum uſque ad gradum providet, & neminem a curâ  
ſua excludit. Dici etiam poteſt omnes æque eſſe diligendos ex parte  
objeſti, quatenus nempe idem omnibus objeſtum ſeu bonum, vitam  
ſcilicet æternam velle debemus; at non ideo ſtarim omnes eodem mo-  
do diligere debemus, ſive quoad gradum affectus, ſive quoad gra-  
dum objeſti deſiderati, quia majori niſi patri, quam extraneis ſal-  
tem procurare debemus, & majorem ſanctiori, quam minus ſancto, glo-  
riam exoptare.

CON:

CONCLUSIO II. In eodem bonorum & necessitatum genere, qui nobis conjuncti sunt sanguine, seu amicitia, officio, Religione aut convictu, extraneis præferri debent.

Prob. 1. ex S. August. ubi supra. Cum, inquit, omnibus prodesse non possis, his potissimum consulendum est, qui pro locorum & temporum, vel quarumlibet rerum opportunitatibus conficiunt tibi quasi quadam sorte junguntur.

Prob. 2. quia charitas non destruit, sed perficit naturam: atqui natura constanter ad hoc inclinatur, ut plus eos diligamus, qui nobis ejusdem naturæ nexibus conjuncti sunt, quam qui nobis sunt extranei. Unde Apostolus 1. ad Timoth. cap. 1. Si quis suorum, & maxime domesticorum curam non habet, fidem negavit, & est infideli deterior: ergo.

Dixi, in eodem genere &c. si enim in eodem bonorum genere extraneus gravem, conjunctus vero communem tantum necessitatem patiat; extraneo potius, quam ei, qui tibi conjunctus est, succurrendum erit. Rursus si ambo gravi necessitate laborent, sed extraneus spirituali, consanguineus vero corporea, dimittendus erit consanguineus ut alteri provideatur. Ratio est, quia hæc agendi ratio charitatis legibus congruit, opposita vero iisdem repugnat.

Obj. Si magis diligere debent, qui meliores sunt: atqui extranei plerumque consanguineis meliores sunt: ergo.

R. dist. magis diligere debent extranei, qui meliores sunt, sed & simul optari potest ut nobis conjuncti sint extraneis meliores, C. secus, N. Itaque meliores sumpti formaliter & qua tales magis diligere debent, hoc sensu, quod & nobis in eorum bonitate magis sit complacendum, & major eis desiderandus sit gradus gloriæ, quia reipsa ampliorem merentur, & hoc, ait hic sanctus Thomas quest. 26. art. 7. ad charitatem pertinet, ut velit justitiam Dei servari, secundum quam meliores perfectius beatitudinem participant. Sed non prohibet, imo consulit charitas, ut velim quod iste, qui est mihi conjunctus, sit melior alio; & sic ad majorem beatitudinis gradum pervenire possit: non quod optare possim ut alterius gratia vel gloria minuatur, hoc enim repugnat charitati, quæ non emulatur; sed quia licitum est optare & precari, ut manente, imo & crescente alterius gratia, is qui mihi propinquior est per bona opera plus gratiæ obtineat, & nobiliorem coronam assequatur. Vide Sylviu, qui quæstionem hanc fuso calamo ventilat & expendit.

CONCLUSIO III. E conjunctis ii per se loquendo in eodem bonorum & necessitatum genere aliis præferri debent, qui nobis propinquiore sunt, & ex æque propinquis, qui sunt digniores.

Prob. 1. pars, quia si conjunctio naturæ, aut alia similis, efficiat ut consanguineos extraneis præferre debeas; eadem ratione major conjunctio efficere debet, ut propinquiore præferas minus propinquis.

Prob. 2. pars, quia magis diligibiles præ cæteris diligere debent: atqui ex æque propinquis digniores majori dilectione digni sunt: ergo.

Docet tamen Sylviu, per accidens fieri posse ut plus charitatis & subditi dignioribus, quam propinquieribus debeatur; ut si digniores sint personæ publicæ; item si nobis causæ fuerint vitæ spiritualis, a qua nos avertere conati sint consanguinei; ad denum si conjunctio secundum spiritum sit maxima, ea vero, quæ est secundum carnem, valde remota, puta in quarto, aut quinto gradu.

E con-

Econtrario potest aliquando indignior præferri digniori. Sic si duobus, qui mox a scario interficiendi sunt, vitam servare non possint; præferendus aliquando erit peccator, qui v. gr. in somno occidendus est, homini iusto: quia, nisi quid aliud aliunde obster, melius est hunc perire secundum corpus, quam alium secundum animam, cui ex hypothesi provideri non potest.

CONCLUSIO IV. Inter conjunctos ii, qui nobis secundum carnis originem propinquiores sunt, debent præferri aliis in iis, quæ ad naturam pertinent.

Prob. quia intensio dilectionis oritur ex conjunctione diligentis ad diligentem: atqui conjunctio sanguinis unitate fundata, omnium est prima, maxima, & maxime immobilis. Aliæ enim, quæ fundantur in gratia, in ejusdem loci incolatu, imo in professione ejusdem Religionis, accidentales sunt, & aliquando cessant, ut cum homo excidit a gratia, alium in locum transit, aliam Religionem amplectitur; ergo.

Dixi: in iis, quæ pertinent ad naturam: in iis enim, quæ ad alias conjunctiones pertinent, pater postponi potest. Sic ait ibidem S. Thomas art. 8. *in bello magis obeditur duci, quam patri*; in Religione magis Superiori; in Reipublicæ negotiis, magis concivibus. Neque tamen ideo pater minus, quam alii, diligitur simpliciter & absolute, sed secundum quid, id est secundum aliquam dilectionis partem, quam aliis & debet & impendi rationabiliter conqueri non potest. Si tamen, quæ ad sanguinis conjunctionem, aliaque conjunctiones pertinent, impleri simul non possint, pater ita præferendus erit, ut vel ipsæ conjunctiones deferantur, si ei aliter subveniri non possit. Hinc milita, imo & ipsa Religiosa Communitas deferi aliquando potest, ut patri succurratur; de quo vide sanctum Thomam hic q. 101.

Sed nonne saltem parentes spirituales carnalibus sunt in eadem necessitate præferendi?

Non sunt sane, 1. quia, ut docet sanctus Thomas in 3. dist. 29. art. 7. *charitas ordinem naturæ non mutat, sed perficit*; atqui ordine naturæ parentes præferuntur aliis: ergo etiam ordine charitatis; ac proinde non solum in naturalibus, sed & in spiritualibus, quia ad hæc duo extendit se charitas. 2. quia unusquisque majorem corporalis parentum vitæ curam, quam cujuscumque alterius habere debet: ergo a fortiori & eorum vitæ spiritualis, quæ longe gravioris est momenti, quam caduca & transiens corporis vita.

Ex his colligit Sylvius, Pastorem patri & matri etiam positis extra locum sibi commissum magis opitulari debere in extrema necessitate, quam vel filiis vel parentibus spiritualibus, modo tamen communitatem ipsam non relinquat in periculo. Ratio est, quia conjunctio naturalis prævalet obligationi, quam ex officio erga filios spirituales suscepit. Pergit Sylvius: *Sed cum obligatio ad consanguineos non sit tam arcta, quam ad parentes & filios; Pastores & alii, quibus incumbit ex officio curam animarum, potius debent juvare spiritualiter conjunctos, quam vel fratres vel cognatos*. Ubi tamen observandum est non peccari mortaliter, si patri carnali præponatur spiritualis, si fratri spirituali præponatur carnalis; uti nec si quis magis diligit meliores, eis desiderando majus bonum, quam conjunctiores minus bonos; partim quia excessus unius supra alterum non est adeo magnus, partim quia non omnino convenit inter auctores, quis cui sit de necessitate præferendus.

Uc

Ut huic materiæ imponatur finis, is inter consanguineos statuendus est ordo sequens.

1. Aliis omnibus præferendi sunt parentes, etiam filiis, tum, quia unusquisque plura a patre recepit beneficia, priusque ab eo dilectus est, quam a filio; tum quia pater eminentiorem boni rationem habet erga filium, quam filius erga patrem: pater enim est principium & causa, filius est solum effectus; porro plus debet effectus causæ, quam effectui causæ.

2. Pater per se loquendo præferendus est matri, ut qui nobilior sit proliis principium, quam mater.

3. Uterque parens præferendus est uxori, non quidem intensive, cum scriptum sit Matth. 19. *Dimittet homo patrem & matrem, & adhaeribit uxori suæ*; sed appetitive, quia patri magis, quam uxori succurrendum est in extrema necessitate; eo quod licet vir & uxor fiant una caro, filius tamen spectatur ut totum cum patre, eique plus debet.

4. Uxor a marito præferenda est filiis, sicut & a parentibus filii fratribus præferendi sunt. Uxor enim, utpote quodam sensu una caro cum marito, eidem est conjunctior, quam filiis; filii vero, utpote pars a patre decisa, plus cum eo necessitudinis habent, quam fratres. Censet tamen Sylvius ordinem mox expositum non obligare sub mortali, quia, inquit, excessus unius supra alterum non est notabilis.

5. Fratres cognatis, & ex iis viciniore remotioribus anteponi debent. Unde in naufragio filius patrem matri, matrem uxori, uxorem filiis, filios fratribus, fratres consanguineis, consanguineos pro suo quemque ordine præferre debet.

Hic quinque notanda. 1. hæc doctrina intelligitur per se loquendo & exigere enim possunt circumstantiæ, ut is alteri præferatur, qui naturaliter deberet postponi. Sic mater bona, & quæ proliis curam dignam gerit, plus diligenda est, quam pater helluo & malus: neque etiam saltem graviter delinqueret maritus, qui uxori clamoræ & inutili filium sibi in temporalibus pene necessarium præferret.

2. Eadem doctrina non habet locum nisi in casu extremæ necessitatis; *Grav. p. extra* cum enim debet uxor maritum præferre patri, & pater filios propriis genitoribus. Unde uxor, quæ a marito discederet, ut cum patre, qui se utcumque sustentare potest, habitaret, transgrediretur citatum Dei præceptum: *Dimittet patrem & matrem &c.* Unde etiam juxta S. Thomam hic art. 9. *filiis magis quam patri debetur cura provisionis*; quod & subindicavit Apostolus 2. Cor. 12. his verbis: *Non debent filii parentibus thesaurizare, sed parentes filiis.*

3. Cum necessitas spiritualis sit corporali gravior, si pater gravi corporæ, alii vero etiam extranei, gravi spirituali laborent, erunt hi parentibus anteponendi; quia proximum in hoc casu etiam cum gravi fortunæ nostræ dispensando adjuvare tenemur, ut supra dictum est.

4. Ordo hæcenus assignatus obligat sub mortali, præterquam in casibus, quos excepi; tum quia nascitur ex gravissimo charitatis præcepto; tum quia finis ejus & materia sunt quod gravis per se momenti.

5. Denum, si omnibus succurrere potest, omnibus succurrendum erit.

## S E C T I O Q U I N T A.

*De actibus charitatis, & primo de elemosyna.*S. Thom.  
2. 2. 7. ar. 1.

**A**ctus charitatis alii sunt interni, amor scilicet, gaudium, pax animi, & misericordia. Alii vero externi, beneficentia nempe, fraterna correctio, & elemosyna.

Amor non sumitur hic passive, sed pro actu, quo voluntas nostra Deum prosequitur; de hoc supra.

Gaudium vel sumitur pro sensu lætitiæ de divinis bonis, quatenus in Deo sunt secundum immutabilem & infinitam perfectionem; vel sumitur pro suavi affectu animæ in bono divino per amorem possessio quiescentis. Quocumque sensu accipiatur gaudium, nusquam in hac vita, sed tunc solum perfectum erit, cum videbimus faciem ad faciem, & replebitur in bonis desiderium nostrum, Psalm. 102.

Pax animi, quæ ab Augustino Lib. 19. de Civ. cap. 13. tranquillitas ordinis nuncupatur, consistit in duplici unione a charitate orta, quarum prior inferiorem appetitum nostrum superiori, & superiorem Deo submittit atque conjungit; posterior vero voluntatem nostram, eorum, quibuscum nobis agendum est, voluntati consentaneam facit.

Misericordia est alienæ miseriæ, ejusque præsertim, quam quis involuntarie patitur, efficax compassio, cum voluntate scilicet misero succurrendi. Quatuordecim sunt misericordiæ opera: corporalia septem, infirmum visitare, sitientem potare, esurientem pascere, captivum redimere, nudum vestire, hospitem colligere, mortuum sepelire. Septem quoque spiritualia, dubitanti consilium dare, peccantem corrigere, ignorantem docere, tristem consolari, offendenti remittere, onerosum sustinere, pro omnibus orare. Priora exprimentur hoc versu:

*Visto, poto, cibo, redimo, tego, colligo, condo.*

Posteriora isto:

*Consule, plede, doce, solare, remitte, ser, ora.*

Spiritualia hæc misericordiæ opera non in sola mente consummantur, sed ad exteriores charitatis actus pertinent, & ad tres supra assignatos revocari possunt.

Beneficentia est exterior actus, quo alteri ex affectu charitatis beneficium conferimus. Qui pleniorum horum scientiam habere volet, consulat S. Thomam 2. 2. q. 28. & vix unquam satis laudandum ejus interpretem Sylvium. Nobis sufficiet de elemosyna & correctione fraterna, quæ majorem injiciunt moram, differere; quod consuetam secuti methodum Deo dante exequemur.

## P U N C T U M P R I M U M.

*An sit aliquod præceptum elemosynæ.*S. Thom.  
2. 2. 7. ar. 1.

**N**ot. 1. elemosynæ nomen derivatur a verbo græco ελεω, id est, misereor. Sumitur autem vel latius pro omni misericordiæ etiam spiritualis actu; vel strictius pro eo actu, quo aliquid ex misericordia datur

datur indigenti, ad sublevandam ejus necessitatem. Eleemofyna hoc fenfu accepta multiplici nomine donatur in Scripturis: aliquando enim vocatur iustitia, ut Matth. 6. *Attendite ne faciatis iustitiam*, vel ut legit Chrysostomus, *eleemofynam vestram coram hominibus*. Et Psal. 111. *Dispersit dedit pauperibus, iustitia ejus manet in seculum seculi*. Aliquando vocatur gratia, ut Eccli. 17. & 1. Cor. 16. aliquando benedictio, & sæpius charitas &c.

Not. 2. Manichæi sensisse videntur eleemofynam nequidem consuli; nedum imperari; cum, teste Augustino lib. 20. contra Faustum cap. 16. vetarent panem porrigere mendicanti. Sic

CONCLUSIO. Datur præceptum eleemofynæ. Est de fide.

Prob. 1. ex Scriptura. Proverb. 21. *Qui obturat aurem suam ad clamorem pauperis, & ipse clamabit, & non exaudietur*. Eccli. 4. *Eleemofynam pauperis ne defraudes, & oculos tuos ne transvertas a paupere*. declina pauperi aurem tuam, & redde debitum tuum. Ibid. cap. 29. *Propter mandatum assume pauperem* &c. Matth. 25. *Ite maledicti in ignem æternum; esurivi enim, & non dedistis mihi manducare*. Jacobi 2. *Judicium sine misericordia illi, qui non fecit misericordiam*; quod quidem satis superque comprobat exemplum divitis epulonis, qui æternis ignibus cruciatur, eo quod Lazari quondam pauperis misertus non fuerit: atqui hæc omnia testimonia præceptum indicant, & quidem sub mortali, cum constet neminem damnari propter omissionem actus, qui vel nullatenus, vel graviter præceptus non fuerit: ergo.

Prob. 2. Illud, & quidem graviter præceptum est, sine quo non potest conservari charitas toties, & tam serio præcepta: atqui nisi erogetur proximo eleemofyna, non potest servari charitas; ut docet S. Joannes his verbis: *Qui habuerit substantiam hujus mundi, & viderit fratrem suum necessitatem habere, & clauserit viscera sua ab eo, quomodo charitas Dei manet in eo?*

Prob. 3. ex Patribus, quorum instar sit, & in re ab ipsis etiam Ethnicis admissa, sufficiat S. Gregorius Nazianzenus Orat. 16. *Mandato, inquit, divino atque exemplo moveri ad eleemofynam debemus*. Consonat Jus Canonicum dist. 86. cap. 21. his verbis: *Pasce fame morientem*. si non pavisti, occidisti. Imo consonat ipsa natura, quæ præcipit tum ut membra se se invicem juvent; tum ut egeno faciamus id, quod nobis in eodem rerum ordine positum fieri vellemus. Ex quibus patet eleemofynæ largitionem jure humano, divino, atque etiam naturali præceptam esse. Legatur ea de re Thomassinus, tum in peculiari Tractatu de Eleemofyna gallice scripto; tum in Disciplina Ecclesiastica part. 3. lib. 3. cap. 26.

Parisii  
1693.

## PUNCTUM SECUNDUM.

*Quando obliget præceptum eleemofynæ.*

Not. 1. ut quis ad eleemofynæ largitionem teneatur, requiri, ut proximi miseriam sublevare possit; & ut eandem cognoscat, sive distincte, ut cum medicus stipem efflagitat; sive modo generali, quomodo cognoscitur eos, qui in carceribus includuntur, multis indigere. Quin & Prælati, Pastores, alique, qui ex officio multi-

Tournay Theol. Moral. Tom. III.

T

tudi-

tudini providere debent, tenenter inquirere num aliquis e subditis suis indigeat. Si vero non geramus aliorum curam: *non oportet nos querere quibus stipem impendamus, sed sufficit, quod impendamus eis, qui nobis occurrunt*, ita S. Thomas hic q. 33. art. 2. ad 4. & quodlib. 8. art. 12. quod intelligendum est supposito, quod ii, qui curam pauperum ex officio habent, ea ut par est fungantur; alias enim vera est hæc regula, quam tradit Nat. Alexander: non obviis tantum pauperibus eroganda est elemosyna, sed pauperes querendi, & illis maxime subveniendum, qui præ verecundia petere non audent.

Quod docet Grandin pag. 219. hominem a faciendi elemosyna excusari, cum certo aut probabiliter novit eam ab alio faciendam esse; quia pauper ab alio sublevatus, jam non indiget opera tua, difficultate non caret. Certe, qui vicino in pauperes liberali, elemosynæ faciendæ curam dimitteret, is utique nec in Deum dives, nec in pauperes misericors esset, ac proinde in magno salutis periculo versari videretur; nisi id, quod ex parte elemosynæ deesset, aliis piis operibus compensaretur.

Nor. 2. bona, quibus aliorum egestas sublevari potest, duplicis esse generis; alia sunt *necessaria*, alia *superflua*. Porro tam necessarium, quam superfluum, aliud est respectu *naturæ*; aliud respectu *personæ*, secundum quod persona dignitatem importat; quod alio nomine dici solet necessarium aut superfluum *statui*.

Necessarium naturæ seu vitæ dicitur illud, sine quo non potest aliquis sustentare vitam suam, & suorum, id est eorum, quorum alendorum cura ipsi incumbit, cujusmodi sunt parentes, uxor, filii, & domestici, si qui in raro casu absolute dimitti non possent: qui enim absolute dimitti possunt, magis pertinent ad decentiam status, quam ad conservationem naturæ; ut docet Sylvius hic art. 6. Hinc superfluum naturæ est id, sine quo potest quis se, & suos sustentare.

Necessarium personæ seu status, est illud, sine quo non potest quis convenienter vivere secundum conditionem suam: ac proinde superfluum status, est sine quo quis vivere potest secundum decentiam conditionis suæ.

Sed quid tandem statui superfluum censi debeat, hoc opus, hic labor, hæc forcé laxiorum opinionum origo; adeo ut stupenda hæc verba in Operibus viri alias commendandi reperiantur: *Vix in secularibus invenias; etiam in Regibus superfluum statui. Et ita vix tenetur aliquis ad elemosynam, quando tenetur tantum ex superfluo statui*. Quæ propositio anno 1700. proscripita est a Clero hujus Regni, ut temeraria, scandalosa, perniciofa, erronea, & Evangelicum de elemosyna præceptum pessumdans.

Ut media, quæ tussior esse solet, inter utrumque extremum via procedamus, pro certo supponendum est. 1. necessarium seu vitæ seu præcipue status, non consistere in indivisibili, sed moraliter accipiendum esse; & ideo viri prudentis arbitrio sæpius dimittendum, ut perpendat an hoc vel illud sit vitæ, vel statui necessarium aut superfluum. Hinc, ut prudenter monet Sylvius, sicut non statim judicandum est id esse superfluum, quod assumit aliquis in usus (honestos scilicet) a quibus alii ejusdem conditionis homines abstinere, ut cum vir nobilis paululum alios ejusdem suæ sortis homines excedit in ornatu sui vel suprum, in hospitibus excipien-



piendis; & similibus: sic nec dubio procul existimandum est omnem vestium ciborumque abundantiam; omnem famulorum multitudinem, omnemve copiam munerum, quæ larga manu conferantur iis, qui non indigent, computari posse inter necessaria status. Res ergo tota coram Deo cordium scrutatore ponderanda est; & ibi quidem si deegas, quod *nihil amplius habes in substantia tua, quam tibi aut in victu, aut vestitu rationabili, aut mediocri sufficiat; sola tibi potest bona voluntas sufficere.* Sed rogo te, diligenter conscientiam tuam interroga, ne forte aliquoties per ebrietatem, per ludum; & similia perdas, quod per eleemosynam dare potueras; verba sunt S. August. Sermon. 306. in Append. alias 227. de temp.

Supponendum 2. in æstimatione necessarij non solum habendam rationem temporis præsentis, sed & futuri. Unde prudentis arbitrio necessarium judicari potest id, quod licet nunc necessarium non sit, probabiliter tamen *intra aliquot menses, aut annos* futurum est necessarium; ut pro nuptiis, & dote filiorum aut filiarum; pro infirmitatibus, pro senectute; imo & *pro augendo decenter patrimonio vel etiam statu.* Unde, ait post Cajetanum idem Sylvius, si quis probabiliter speret se consecuturum statum altiore, non debent superflua judicari, quæ nunc reservat ad statum illum acquirendum, & postea conservandum.

Sylv. ibid.

Sed quia principia hæc licet in se sana, perpetuam duritiæ divitum in pauperes occasionem præbent, magna hic intentionis sinceritate opus est, quam non raram modo, sed & rarissimam esse constat.

1. Itaque cavendum ne, ut sæpius fieri solet, omittatur eleemosyna sub prætextu necessitatis non tam futuræ, quam imaginariæ. Non oportet, ait solide S. Thomas hic q. 32. art. 5. ad 1. *quod homo consideret omnes casus, qui possunt accidere in futurum: hoc enim esset de crassino cogitare, quod Dominus prohibet Matthei. 6. sed debet discernere superfluum secundum ea, quæ probabiliter ut in pluribus occurrunt, attendit scilicet conditione negotiorum, quæ alicui gerenda incumbunt, valetudinis, ætatis, &c.*

2. Quod dicit Sylvius de spe altioris status, nisi sane intelligatur, multos in præcipitium trahit. Ut ergo spes status altioris eleemosynam reddat legitime parciolem, necesse est. 1. ut sit *probabilis*, & bene fundata, non autem mere aut quasi mere possibilis. 2. ut ambitionem excludat, quia ambitio per se peccatum est. Ut autem spes altioris status ambitionem excludat, inniti debet meritis propriis, & capacitati de Republica vel Ecclesia bene merendi; non autem soli pecuniæ, & desiderio exeundi a statu, in quo plerumque vult Deus non esse, & extra quem salvare nos non consuevit. Et vero si semel ambitioni laxentur habentæ, & unicuique ad sublimiorem statum tendere liceat, jam re ipsa in sæcularibus invenietur superfluum, ut sæpius de facto, & in praxi non invenitur; siquæ nemo tenebitur eleemosynæ præcepto extra calum extremæ necessitatis, quæ raro contingit, & rarius cognoscitur. Aliiter profecto senserunt SS. Patres. *Multa superflua habemus*, ait Augustinus in Psalm. 147. *si nonnisi necessaria teneamus: nam si inania queramus, v. gr. conditionem nostram altiolem, nihil sufficit. Fratres querite, quod sufficit operi Dei, non quod sufficit cupiditati vestræ*, nunquam ad sanctiorem vitam, sed ad digniorem statum, splendidioremque fortunam, <sup>1. Timot.</sup> semper anhelanti. Unde Apostolus aiebat ad Timotheum: *Divitibus bujusa. 6. v. 17.*

*saeculi praecepte non sublimis sapere, nec proinde statum suo majorem ambire.*

Nemone igitur e nativo suo statu assurgit? Absit; homines enim opulenti, & potentes, sunt quasi Reipublicae nervi, & ossa: sed ii ad majora assurgent, quos ad majora natos declarabit Deus ipsa ingenii omniumque animi qualitatium conditione: alii vero, quorum labori aspiraverit Deus, vel commodiorem in eodem statu vitam agent, vel ad statum statui suo priori vicinum pedetentim gradum facient; quod utique iis praesertim continget, qui clamori pauperum aures suas non obruraverint. Haec enim est benedictio misericordibus in Scripturis multoties promissa, & saepius concessa.

Sed nonne possunt parentes filiis suis, aliiſve parentibus divitias relinquere? Possunt, sed moderatas, & in quarum collectione nunquam omitatur pauperum cura. Possunt, sed imitando patremfamilias, qui tali arte servis sua distribuit talenta, ut alia superlucrari fuerit iis necessarium. Possunt, sed attendendo filios, qui absque labore ullo omnibus abundant, desides manere, Reipublicae, & Ecclesiae prorsus inutiles, vitiis omnibus deditos, unde eos omnia sua paucos intra annos cum extraneis devorare ac dissipare contingit, secundum id Eccles. 6. *Est & aliud malum sub sole, & quidem frequens apud homines: vir, cui dedit Deus divitias, & substantiam, & honorem: nec tamen tribuit ei Deus potestatem, ut comedat ex eo, sed homo extraneus vorabit illud. Hoc vanitas, & miseria magna est.*

Supponendum 3. tot esse divites, qui contra praeceptum eleemosynae peccent ob praesentem boni sui abusum, quot, qui ob male providam ejusdem boni in futurum reservationem. Neque enim ii soli violatae charitatis rei sunt, qui congerunt pecunias in superba aedificia, fastuosos currus, hortos regales; sed & ii, qui splendide epulantur, mensamque, suppellectilia, statuas, gemmas, & reliquum familiae apparatus, ex divitiarum copia metiuntur; quique cum sint homines novi, & plebejæ familiae, vitae suae suorumque ordinem, & apparatus, nobiliorum loci familiarum apparatus ad minus aequiparant; crescentibus divitiis delicias, luxum, famulorum multitudinem ingeminant; eleemosynam vero vel minuunt vel non adaugent; qui accepta pingui hereditate, non sunt in pauperem largiores, sed profusiores in comoda sua; qui, ait Habert, orbatu filio, quem secundum decentiam status sui cum aliis sustentabant, defuncti partem jam superfluum non dividunt cum pauperibus, sed quasi filiis superstitibus necessariam servant.

Haec doctrina, si ob corruptos saeculi mores paulo asperius videbitur, non est mea, sed Patrum. Si plus habes, ait Hieronymus Epist. 150. ad Hedibiam, *quam tibi ad victum, & vestitum conditioni tuae convenientem necessarium est, illud eroga, & in illo debitricem te esse noveris.* Sanctus Chrysostomus Homil. 28. in cap. 12. Epistolae ad Hebr. *illa sunt supervacantia, sine quibus vivere possumus.* S. Aug. in Psal. 38. divites, qui hinc se excusatos volunt, quod filiis suis superflua servant, carpit in hunc modum: *Ista est excusatio iniquitatis: filios habes? unum plus numera, da aliquid & Christo.* Et Serm. 1. in Psalm. 38. *Servant filii suis, & illi filiis, & tertii filiis. Quid Christo? quid anime? omnia filiis?*

*filii? inter filios suos, quos habent in terra, computent unum fratrem, quem habent in celo; cui totum dare debebant, saltem dividant cum illo.*

Not. ultimo, illius, qui ope nostra corporali indiget, triplicem distinguere necessitatem, extremam, gravem, & communem. Etsi vero earum necessitatum definitiones facile colligi possint ex iis, quæ supra dicta sunt de necessitate spiritali, paucis tamen hic exponendæ sunt.

Necessitas *extrema* ea est, quam patiuntur ii, quos defectus cibi, potus, vestitus, aut alterius rei exponit evidenti mortis periculo, sive statim, sive in posterum, & consequenter ad actualem inedia subeundam. Unde in extrema necessitate positus censeretur debet, non is solum, qui statim exhalaturus sit animam, nisi ei succurratur, sed & is quoque, qui periculum incurrit infirmitatis incurabilis, aut alterius miseriæ, quæ homines conficere solet.

Hic autem duo notanda, 1. nihil interesse, an hæc necessitas sit *ab intrinseco*, puta ex ipsa constitutione naturæ, quæ in hoc vel illo casu periclitatur, nisi promptum ei afferatur remedium; an *ab extrinseco*, puta ex malitia alterius, qui alium v. gr. occisurus sit, nisi ei equum des, quo sibi fugiendo consulat. 2. ad iudicandum an quis in necessitate extrema versetur, non sufficere vel quod mendici dicant se esse in tali necessitate; vel quod pauperes quaecumque Parochi testimonium proferant; vel quod appareant qualiacumque necessitatis signa. Nam mendicorum fides non raro est suspecta, præsertim cum in sua causa testimonium dicunt; Parochi vero sæpe non ferunt testimonium de necessitate extrema, sed vel de gravi, vel simpliciter de necessitate: adde quod non raro incertum est, an interea non fuerit ab alio subventum necessitati. Signa vero necessitatis debent esse evidenter vel probabilia: sufficeret autem unius, Parochi præsertim aut Confessarii, vel duorum fide dignorum testimonium, affirmantium ex visu seu certa notitia, quod talis extremam patitur necessitatem, neque sit, qui subveniat. Ita Sylvius, cujus in verbis ob materiæ gravitatem nihil immutatum volui.

Necessitas *gravis* seu *urgens* multiplici sensu intelligitur, ut 1. cum defunt ea, quorum defectus, etsi mortem certo aut valde probabiliter non inferat, conjecturaliter tamen judicari potest illaturus. 2. quando imminet periculum damni alicujus minoris quidem morte, sed tamen notabilis, morbi v. gr. gravis, vel *amentie*, ait Sylvius: sed alii plures censent eum esse in extrema necessitate, cui imminet hic & nunc periculum amittendi sensus, aut membri; vel excidendi a tota fama, vel ab omnibus fortunæ bonis. 3. cum decentia status vel absolute servari nequit, vel nonnisi ægre admodum & maxima cum difficultate servari potest.

Necessitas *communis* est quidem vera indigentia, & aliquo sensu gravis momenti, sed infra gravem sensu mox exposito acceptam. Talis est regulariter necessitas eorum, qui privatim vel publice mendicant, aut de aliorum charitate communiter vivunt. Etsi enim ii valde indigeant, tantumque videantur poscere necessaria ad vitam tenuiter sustentandam, quia tamen ab omnibus petunt, & a multis accipiunt, non sunt in gravi necessitate, sed in communi. His positis, sit

CONCLUSIO. Proximo in extrema necessitate posito tenemur eleemosynam.

mosynam erogare ex iis, quæ vitæ superflua sunt, licet sint necessaria ad decentiam status. Eidem in necessitate gravi constituto succurrere tenemur ex iis etiam, quæ ad aliqualem status decentiam necessaria sunt. Eidem deum communem necessitatem patienti succurrere debemus ex iis, quæ statui superflua sunt. Et hæc triplex obligatio urget sub mortali.

Prob. 1. pars, quæ est communis & certa, 1. quia ordo charitatis exigit ut gravissimum proximi bonum bono nostro longe inferiori præferamus: atqui bonum ad solam status nostri decentiam necessarium, est longe inferius bono proximi in extrema necessitate constituti, cum proximus tunc solum in extrema necessitate constitutus dicatur, quando vitæ, vel sensus, vel ut alii volunt, famæ totius aut omnium bonorum discrimini obnoxius est: ergo. 2. qui extremam patitur necessitatem, licite diviti, etiam nolenti, surripere potest ea, quæ naturæ superflua sunt; neque in hoc dives rationabiliter potest esse invidus: atqui si dives posset sine peccato pauperi extremam necessitatem patienti denegare id, quod propriæ vitæ superfluum est, jam esset rationabiliter invidus, cum illud sibi subripitur; alioqui daretur bellum ex utraque parte iustum: ergo pro certo statuendum est teneri unumquemque sub mortali, proximo in extrema necessitate posito subvenire, etiam cum gravi bonorum suorum dispendio, atque ideo detrahare de status sui splendore, famulorum numero, vestium, & domorum ornatu. Ita Tolet, & alii saniores.

Dixi, *ex iis, quæ vitæ superflua sunt*, quia postulat ordo charitatis, ut unusquisque vitam & incolumitatem suam vitæ & incolumitati alterius præferat, nisi forte, ait S. Thomas hic q. 32. art. 6. *talis casus immineret, ubi subtrahendo sibi, daret alicui magna persona, per quam Ecclesia vel Respublica sustentaretur; quia pro talis personæ liberatione, se ipsum & suos laudabiliter periculo mortis exponeret; cum bonum commune sit proprio præferendum.*

Prob. 2. pars, quam tenent Bann. Med. Suar. Valent. & alii communius; ostendendo 1. succurrendum esse pauperibus in gravi etiam necessitate positis. 2. iisdem succurrendum esse, etiam diminuendo aliquid de splendore status sui, si necesse sit; dummodo, ait Ethica amoris L.4.c.27. decentia status per hoc enormiter non lædatur.

Et quidem, quod pauperibus in gravi necessitate positis opitulandum sit, patet 1. ex hac Christi sententia: *Itē maledicti in ignem æternum. Esurivi enim, & non dedistis mihi manducare.* Unde sic: Multi ob violatum eleemosynæ præceptum damnabuntur; cum significet Christus plebsque divites ob id præcipue damnatum iri: atqui pauci damnarentur, si præceptum eleemosynæ in extrema solum necessitate obligaret, cum raro admodum contingat aliquem in tanta necessitate constitui: ergo. Et vero necessitas, cui non occurrerunt divites a Deo maledicendi, consistit in eturie, siti, nuditate, creditoris molestia: atqui hæc frequentem & obviam indicant necessitatem, quæ proinde extrema non est: ergo.

2. Idem docent SS. Patres. Ambrosius L. 1. de Offic. c. 3. *Grandis culpa, si sciens te fidelis egeat, si scias cum ... fame laborare, ærumnam perpeti, præsertim si mendicare erubescas, & non adjuveris.* Augustinus Tract. 3. in 1. Epist. Joan. cum dixisset: *Esurit frater tuus, in necessitate positus est, a creditore angustiaur, non habes ipse, habes tu.* subiungit: *Quod si facultates mundi habes, & responderis tibi sor tuum: Quid ad me*

*me pertinet: ego daturus sum pecuniam meam, ne ille molestiam patiatur? dilectio Patris non in te manet.* Unde sic: Mortaliter peccat, qui grandem admittit culpam, & dilectionem Dei a se excludit: atque ex citatis Patribus, grandem admittit culpam, & dilectionis Dei vacuum se probat, qui proximo in gravi necessitate posito non succurrit: necessitas enim, de qua sermonem faciunt Ambrosius & Augustinus, ad summum gravis est: ergo.

3. Illud evincit ratio. Qui enim amicum deserit non solum in extrema, sed etiam in gravi necessitate, censetur amicitiam renuntiare: ergo qui gravi pauperis necessitati opem negat, peccat contra charitatem tum proximi tum Dei, cui denegatur, quod pauperi denegatur, secundum id Matth. 25. *Quandiu non fecistis uni de minoribus his, nec mihi fecistis.*

Quod autem pauperi in gravi necessitate posito subveniendum sit, etiam cum aliqua proprii status imminutione,

Prob. 1. ex Patribus modo adductis, secundum quos fratri succurrere tenetur quisque novit fratrem suum indigere, & eidem subveniendi facultatem habet: atque facultatem subveniendi vere habet, qui sine magno suo incommodo subvenire potest. Et hoc mundanorum exemplo manifestum est, qui si certa quædam officia sub prætextu aliquis sui incommodi amicis denegarent, vecordes, & violatæ amicitie rei ubique judicarentur.

Prob. 2. Tenetur quilibet proximum suum amare sicut seipsum, non verbo & lingua, sed opere & veritate: sed qui non vult incommodi aliquid pati, ut proximum suum a gravi malo liberet, cum non diligit sicut seipsum. Non enim diligit proximum sicut seipsum, qui non facit ei id, quod rationabiliter sibi fieri vellet in eodem casu: atque hoc non facit. Quisque enim rationabiliter vellet malo valde gravi liberari cum aliquo alterius incommodo longe minori, qualis est, ait P. Antoine, diminutio aliqua decentiæ status, ut si quis de splendore convenienti, de ornatu vestium, de lautitia mensæ, de suppellectili etiam aliquid notabile derahat.

Dico aliquid etiam notabile, quia ut gravitas necessitatis suam habet latitudinem, sic & imminutio decentiæ status aliquando major, aliquando minor esse debet: ita ut tanto minus sibi ex hac parte concedant divites, quanto plus ex alia parte exigunt pauperes. Quamquam certa quædam sunt adeo requisita ad decentiam status, ut nemo iis carere teneatur nisi cum extremæ necessitatis succurrendum est; quæ in re ad viri prudentis judicium recurri debet.

Prob. 3. pars, nimirum; quod pauperi communem necessitatem patienti succurrendum sit ex iis, quæ naturæ & statui superflua sunt, idque sub pœnæ damnationis æternæ. Probatum inquam 1. ex Scripturis. Deuter. 15. *Præcipio tibi ut aperiās manum fratri tuo egeno & pauperi: ergo pauperi omni, quisquis fuerit, eique proinde, qui gravem necessitatem non patitur. Timot. 6. Divitibus hujus sæculi præcipe facile tribuere, communicare:* sed qui extremam gravemve proximi necessitatem expectaret, non tribueret facile, sed solum in magnis rerum angustiis. Matth. 25. *Ite maledicti,* quæ verba, ut jam ponderavi, æternam damnationem comminantur ei omni, qui fratrem in communi & obvia necessitate non adjuverit. Luc. 3. agebat Joannes: *Qui habet duas tunicas, der non habenti,*

*benti* ; & qui habet escas, similiter faciat. Ubi per unam tunicam ea intelligitur, quæ nobis necessaria est, siue sit una numero, siue plures ; per secundam vero ea omnis, quæ superflua est, secundum id S. Hieronymi Epist. 50. q. 1. *Quidquid corpori nostro sufficere potest, & humane succurrere imbecillitati, hoc una appellanda est tunica* &c. Hæc Joannis verba : *Qui habuerit substantiam hujus mundi, & viderit fratrem suum necessitatem habere* &c. de quacumque necessitate generatim & indistincte pronuntiata sunt. Hinc Sodoma misere perditæ, quia in egenum præcise ut talem durior fuit : Ecce hæc fuit iniquitas Sodomæ, superbia, saturitas panis ; & abundantia, & otium ipsius, & filiarum ejus : & manum egeno & pauperi non porrigebant. Ezech. c. 26.

Prob. 2. ex SS. Patribus. Si fateris, ait S. Basilius homil. de avaritia, ea tibi divinitus temporalia bona provenisse, an injustus est Deus inæqualiter res nobis distribuens ? Cur tu abundas, & ille mendicat, nisi ut tu bonæ dispensationis merita consequaris, ille vero patientia decoretur ? Est panis famelicis, quem tu tenes, nudi tunica, quam in conclavi conservas, discalceati calceus, qui penes te marcescit, indigentis argentum, quod possides inbumatum : quocirca tot pauperibus injuriam facis, quot dare valens es. Et iterum : *Vidi multos jejunantes, orantes, præteritorum poenitentia suspirantes, omnem denique sine sumptu pietatem offendentes, egentibus vero ne obolum quidem præbentes. Quid hic cætera virtutum diligentia prodest ? non propterea regnum Dei consequentur.* Augustinus in Psalm. 147. *Superflua divitum necessaria sunt pauperum. Res alienæ possidentur, cum superflua possidentur.* Cæteros omitto, quorum longam seriem exhibuit auctor Anonymus in Opera duobus tomis contento, cui titulus : *Aumône Chrétienne, ou la Tradition de l'Eglise touchant La charité envers les pauvres* : Lugduni apud Devil-le, an. 1674.

Prob. 3. ratione duplici. Et quidem 4. unusquisque debet diligere proximum sicut seipsum : sed non diligit proximum sicut seipsum, qui ne sua quidem superflua vult partiri cum proximo ; sic enim magis diligit superflua, quam ipsum proximum. 2. si divisio rerum tacite & virtualiter ea conditione facta fuerit, ut quæ uni superflua forent, suppeditarentur alteri, utique peccat graviter, qui legem tanti momenti infringit : atqui divisio rerum hac sola conditione facta est & fieri potuit. Hæc enim divisio facta est pro majori hominum commoditate : itane vero commodum foret ut, qui superfluis abundarent, non tenerentur aliorum necessitatibus subvenire, sicque alii ducerent in bonis dies suos, dum alii inedia tabescerent & languere ?

Obj. contra 1. partem, ex ea duo absurda sequi ; 1. scilicet virum nobilem ut servet vitam rustici, quem alioqui prædones occisuri sunt, teneri opulentum patrimonium distrahere. 2. divitem teneri ad dandum gratis egenti, satis vero non esse, ut eidem det mutuo.

R. ad 1. neg. sequelam. Nemo enim tenetur in pauperem esse liberalior, quam in semetipsum : atqui, ut notat Sylvius, si quis ab hostibus captus esset, non teneretur se quantacumque summa redimere cum totali status sui suæque familiæ subversione, nisi talis esset persona, ex qua penderet salus Reipublicæ ; ergo multo minus alium tanto cum incommodo redimere debet. Et vero licet hominis vita toto censu pretiosior sit, in ordine tamen ad bonum publicum, quod pri-

pri-

privato unius bono præferendum est, pluris valet aliqua magna substantiæ & boni quantitas, quam privati vita. Certe si res ita non esset, quotidie subverterentur nobiliores familiæ; unicusque enim pauperi ad extrema vergenti dandum esset unde exquisitissima sibi remedia compararet, & accersendi essent cum immensis sumptibus præstantiores medici, quod nemo facit etiam cum de vita sua agitur; & quod reipsa nemini præceptum est: præsertim cum multi sint, qui mori malent, quam totum sui suorumque statum funditus evertere. Itaque, ait Sylvius, in hoc negotio sæpe opus est arbitrio prudentum, qui spectatis omnibus circumstantiis decident quantum de suo statu debeat quis diminuere ut alterius vitam conservet: docet enim sanctus Ambrosius Lib. 1. de Offic. cap. 30. nonnunquam in hoc casu peccari; asseritque grandem esse culpam: *si Fidelis in causam ceciderit, aut captivitatis suorum, aut calumnie, &c. non adjuves: si sit in carcere &c. panis . . . si tempore, quo rapitur ad mortem, plus apud te pecunia tua valeat, quam vita morituri.*

R. ad 2. divites aliquando teneri ad dandum gratis, aliquando satis esse ut dent mutuo.

Sufficit mutuum vel commodatum, 1. si is, qui hoc in loco indiget, alibi habeat, aut paulo post sit habiturus, unde satisfacere possit. Hinc si agricolæ nec habeant frumentum, quod serant, nec pecuniam unde emant, satis vulgo erit eis vel commodare, vel credito vendere. Vide exemplum Joseph Genes. 41. 2. si res qua quis indiget, non sit usus consumptibilis, neque sit ei, quoad substantiam, sed tantum quoad usum necessaria, ut si cui opus fuerit equo, quo periculum fuga devitet, domo vel lecto tempore infirmitatis. 3. si non desperetur eum, qui indiget, aliquando ad meliorem fortunam esse reversurum, sive ope pinguis hæreditatis, quam consequi potest, si forte plures moriantur; sive ope laboris non insoliti; tunc enim extrema ejus necessitas satis sublevarur per mutuum. Certe qui homini in hac rerum specie constituto grandem pecuniæ summam mutuo daret, plus exereret charitatis, quam qui alteri levem porrigeret summam, quæ pro certo nunquam sibi reddenda foret. Si tamen res in hoc casu data levis esset momenti, nec expresse sub mutui titulo tradita, præsumi posset gratis donata fuisse; quia nemo præsumi debet vilis & ridiculus donator. An non autem vilis esset & ridiculus, qui a paupere pro modico pane, pro calceis, pro detrita veste obligationem exigeret? Ita cum pluribus e nostris sentit Joannes la Placette Pseudopastor Ecclesiæ Gallicæ, Hastoiz in Tractatu gallico de eleemosynâ pag. 169.

Quod si talis sit indigentis status, ut vel absolute, vel nonnisi labore insolito & nimio emergere possit a necessitate, tunc ei gratis succurrendum erit ab iis, qui poterunt, quales sunt advocati patrocinando, medici invivendo, pharmacopolæ dando pharmaca, præsertim ordinaria; quia mutuum esse non potest, ubi rationabiliter exigi vel prævideri non potest accepti redditio. Et certe ex constanti Ecclesiæ doctrina eleemosyna cadit sub præceptum: atqui sola gratuita donatio est proprie eleemosyna: mutuum enim dare, commodare, vel credito vendere, non est proprie dare eleemosynam; cum is, qui tunc recipit, maneat ex justitia obligatus, non is, qui recipit eleemosynam.

Confirm. 1. quia hoc præceptum eleemosynæ, *datur eleemosyna*, clare distinguitur ab hoc mutui præcepto, *mutuum date*. 2. quia si mutuum esset proprie eleemosyna, divites, qui mutuum petunt, censerentur eleemosynam petere, quod alienum est à communi omnium sensu.

An alienæ rei in extrema necessitate subreptio, sit virtualis accessio in mutuum, quæ proinde restituendi obligationem importet, ut quidam existimant, expendi in Tractatu de Iustitia, parte, capite, & artic. 4.

Obj. contra 2. partem. S. Thomas hic q. 32. art. 5. duos tantum assignat casus, in quibus obliget præceptum eleemosynæ, scilicet ratione extremæ necessitatis, & ratione superflui; ergo non censet eleemosynam ex necessario status faciendam esse in necessitate gravi.

R. neg. conseq. Sanctus enim Doctor sub necessitate extremæ comprehendit & gravem. Idque patet ex responsione ad 3. ubi hominem ad dandam eleemosynam sub mortali obligari docet, *cum habet superfluum, & cum apparet evidens &urgens necessitas, nec apparet in promptu, quæ ei subveniat*. Porro, ut bene notat Sylvius & Ethica amoris, evidens &urgens necessitas non est sola extrema, sed etiam gravis.

Obijciuntur multa contra tertiam partem. 1. quod nemo sibi subvenire teneatur nisi in extrema necessitate; ergo neque alieri. 2. quod alioqui innumeri divites damnarentur, imo & continuo peccarent superfluum retinendo. 3. quod nemo ad altiorum statum posset ascendere; quod virorum etiam piorum agendi rationi repugnat. 4. quod alioqui non peccarent pauperes, ea quæ divitibus superflua sunt auferendo, utpote sibi debita. 5. quod nemo ex superfluis Ecclesiis ædificare, dotare, aut ornare, aliosque in usus pios pecuniam suam impendere posset. 6. quod sufficiat curare ut pars boni vitæ tempore collecti, pauperibus post mortem dividatur. 7. quod necessitas communis sit necessitas modica; sed qui necessitatem modicam non sublevar, nonnisi modicum peccatum facit; ergo. Verum hæc facile solvuntur.

Ad 1. itaque, non desunt casus, in quibus peccaret, qui ex nimio valetudinis suæ neglectu, ut si in gravem serviendi Ecclesiæ impotentiam imprudenter se conjiceret. Sed esto non peccet, quid inde? an quia poterit renuntiare juri suo, poterit & alieno?

Ad 2. nego absurde dici, quod divites multum damnentur, cum hoc primus omnium dixerit Christus Matth. 19. his verbis: *Dives, difficile intrabit in regnum celorum. Facilius est camelum per foramen acus transire, quam divitem intrare in regnum celorum*. Quibus consonat id Apostoli 1. ad Timoth. 6. *Qui volunt divites fieri, incidunt in tentationem, & in laqueum diaboli*. Ponderent id, juxta Cajetani consilium, divitum Confessarii, qui aliquando satis habuere roboris ut nudi nudam crucem sequerentur, sed laici non habent ut absolutionem denegent divitibus, qui notabiles prodigunt summas in luxu vestium, convivorum delicias, inutilium ædificiorum constructionem, munerum aliis divitibus profusionem, canum turbas &c. dum interim nec communi, nec sæpius etiam gravi pauperum necessitati, sibi notæ medentur, vixque egenis de superfluo suo quidpiam impendant.

Quia tamen præceptum eleemosynæ non obligat pro semper, sed pro tempore & loco, non peccant, qui aliquos pauperes sine eleemo-

syna



ſyna prætereunt, modo plus aliis dando, ſi poſſunt, compenſent id quod aliis denegaverunt. Aliunde non tenentur communem eorum quibus donant, neceſſitatem in totum auferre; ſed ſatis eſt ut aliquid tribuendo, aliquid etiam aliis relinquant & tribuendum boni, & auſerendum neceſſitatis. Addit Grandin pag. 224. eos excuſari poſſe, qui inculpabiliter credunt ſe non teneri ſaltem ſub mortali ad erogandam de ſuperſuo eleemoſynam, prout docent Alexander Halenſis & S. Antonius: ſed cum opinio noſtra diſerte in Scriptura & Patribus doceatur, eamque quotidie prædicent optimi quique Evangelici concionatores, mirum ſi locum in hacce materia habere poſſit ignorantia invincibilis.

Ad 3. neg. ſequelam, cum Cajetano, Navarro, Sylvio, & aliis. Ratio eſt, quia communis pauperum neceſſitas per aliquid modicum juvari poteſt: porro modicum illud non arcet a ſuperiori gradu. Sed hic quatuor attendenda. 1. ut aſcenſus ille ſit probabilis. 2. ut non ſit effectus cupiditatis. 3. ut non impediatur quominus communis pauperum neceſſitas ſublevetur. 4. ut in caſu gravis pauperum indigentiae, renuntiatur aſcenſui, ne forte renuntiandum ſit eleemoſynæ.

Ad 4. nego iterum ſequelam; quia ſuperſuum divitis non debetur pauperi ex juſtitia, ſed ſolum ex charitate. Ergo fuſti reus eſt pauper, qui extra caſum neceſſitatis extremæ, diviti invito ſuperſuum abripit; quia ſola neceſſitas extrema, omnia, ſaltem quoad uſum, facit communia.

Ad 5. utile eſt & ſanctum diligere decorem domus Dei; ſed male eum diligeret, qui quidquid haberet boni in materialia templa profundendo ſpiritualia, pauperes nimirum negligeret: *Hæc ergo oportuit facere, & illa non omittere.* Sic igitur gerere ſe debent, qui pie in Eccleſiæ decus, ornamenta & ſplendorem affecti ſunt; ut ſaltem ex parte pauperibus in neceſſitate etiam modica poſitis ſubveniant; alioqui enim lethaliter peccant, ait Azor 2. p. l. 12. c. 9. q. 4. p. mihi 1397.

Ad 6. neg. ant. præceptum enim, quod actu urget, actu impleri debet: atqui præceptum eleemoſynæ e ſuperſuo in communi neceſſitate pauperibus erogandæ, actu urget.

Ad 7. diſt. neceſſitas communis eſt modica, ſi ſpectetur in unoquoque particulari, C. ſi ſpectetur habita ratione ſive totalitatis pauperum, ſive Reipublicæ, N. Itaque modicum eſt, quod negas huic vel illi pauperi, ſed magnum eſt, quod negas toti pauperum communitati; ergo tam graviter peccas, quam qui pluribus vendit pondere juſto minori; is enim eſi non noceat graviter uni vel alteri, graviter tamen nocet toti communitati.

vid. Morale Chrietienne, sive p. 390.

### PUNCTUM TERTIUM:

*Quanta & quibus e bonis fieri debeat elemoſyna.*

Circa primum variæ fuerunt variorum opiniones. Hæc cæteris brevior & tutior, quam filium ſuum docuit Tobias: *Quomodo potueris, ita eſto miſericors. Si multum tibi fuerit, abundanter tribue. Si minus, modicum.* Tob. 4. 3.

quid tibi fuerit, etiam exiguum libenter impertiri stude. Præmium enim bonum tibi thesaurizas in die necessitatis. Quoniam eleemosyna ab omni peccato, & a morte liberat, & non patietur animam ire in tenebras. Idipsum juxta Bedæ & S. Thom. expositionem docuit Christus Luc. 11. v. 41. Quod superest, date eleemosynam: & ecce omnia munda sunt vobis, id est date, quod cultui & victui necessario superfluum est: ergo moraliter loquendo dandum est pauperibus, vel saltem iis ante omnia curatis, pios in usus impendendum est quicquid superfluum nobis remanet: ita tamen ut nunquam minus detur, quam superfluum, & aliquando plus detur; quia ut dictum est, exigit interdum gravis pauperum necessitas, ut iis aliquid tribuatur de necessario status. Unde quod statuit Hammondus in Opere cui titulus: *Pratique de la morale*, pag. 309. dandam esse circiter vigesimam, aut saltem vigesimam quintam boni nostri partem, quia Judæis, præ quorum iustitia iustitiam nostram abundare necessum est, præceptum erat ut partem opum suarum trigessimam egenis tribuerent; hoc inquam legitimo fundamento destitutum est, cum res tota & ex necessitatibus pauperum, quæ variant maxime, & ex divitum superfluo metienda sit; ut bene, notat la Placete in Tract. jam citato.

Circa secundum triplex occurrit difficultas, 1. an eleemosyna fieri possit ex bonis alienis. 2. an ex communibus. 3. an ex illicite acquisitis. Sit

CONCLUSIO I. Regulariter loquendo non licet dare eleemosynam ex alienis bonis.

Prob. quia unicuique præceptum est ut proximum adjuvet ex substantia boni sui, juxta id Isaiæ 58. *Frangere esurienti panem tuum*. Unde si multi sint divites, qui proximo subvenire nolint, tu ex propriis eum, quasi in solidum adjuvare teneberis.

Dixi: *regulariter loquendo*: tum quia præsumptus proximi consensus, & certa ratihabitio nonnunquam sufficere possunt; tum quia Magistratus agens auctoritate publica posset ex alienis largiri, si divites propria sponte largiri nollent; tum quia si propria non haberes, posses aliena tollere, ut homini in extrema necessitate posito subvenires, sicut & ille, ut sibi succurreret, posset aliena auferre.

An autem excusandus esset vir honestus clanculum subripiens, ne mendicare cogeretur, non convenit inter Casuistas. Negat Navarrus, nec immerito: tum, quia opinio contraria viam furti bene multis aperiret; tum quia, qui hanc servaret agendi rationem, patibulo se exponeret.

Quæres, an qui ex bonis per usuram partis stipem dedit homini cætequoque morituro, possit id, quod dedit, pro soluto habere.

Affirmat Pontas, modo donator alia tunc bona non haberet: quia non magis obligari potest ad restituendum, qui in hoc casu dedit alienum, quod habebat apud se, quam si hoc in alterius domo positum sustulisset.

CONCLUSIO II. Licet dare eleemosynam ex bonis, quæ possidentur *collegialiter*, non ex iis, quæ possidenda sunt *particulariter*.

Prob. 1. pars, quia bona collegialiter possessa, sunt ea, quæ in communi possidentur, v. g. a Congregatione Regulari, vel non, a Capitulo &c. atqui potest aliquis de consensu partis majoris ejusdem Communitatis, quidpiam ex iis bonis decerpere, ut indigentium neces-

necessitatibus subveniat; ergo licitum est dare eleemosynam ex bonis collegaliter possessis.

Prob. 2. pars, quia bona particulariter possidenda, sunt ea quorum proprietates inter multos dividi debet, ut si hæreditas plures inter filios distribuenda sit: atqui ex his bonis ab uno quopiam eleemosyna fieri non potest, quia aliis fieret injuria: ergo vel expectandum est, donec facta fuerit divisio, vel habendus est omnium consensus, saltem præsumptus, ut aliquid nomine omnium pauperibus donetur: ergo.

CONCLUSIO III. Eleemosyna fieri non potest ex bonis illicite simul & injuste acquisitis: sed fieri potest ex iis, quæ licet illicite comparata sint, juste tamen retinentur.

Prob. 1. pars, quia bona injuste acquisita reddi debent domino suo, si eadem sine periculo mortis, aliove simili incommodo reddi possint, ut communiter reddi possunt per manus Confessarii aut alterius; ergo ex iis eleemosyna fieri non potest. Quapropter usurarius bona per usuram parta pauperibus largiri non debet, sed ea iis reddere, a quibus inique extorsit.

Excipiuntur hi casus. 1. si ignoretur dominus: tunc enim bona hæc, cum neque retineri possint, neque reddi vero eorum domino, qui ignoratur, necessario pauperibus restituenda sunt. 2. si obstat dispositio legis: sic pretium pro Beneficio acceptum, non ei, qui dedit, sed Ecclesiæ restituendum est, uti probatum est a nobis Tom. 1.

Obj. Luc. 16. dicitur: *Facite vobis amicos de mammona iniquitatis*: atqui mammona iniquitatis ea est, quæ injuste acquisita fuit: ergo ex bono injuste comparato eleemosynam facere licet.

R. neg. min. ibi enim divitiæ dicuntur mammona iniquitatis, non quia per justitiam acquisitæ sint, sed quia ad iniquitatem & peccatum inducunt, eos præsertim, qui eleemosynæ præceptum violant.

Prob. 2. pars. Eleemosyna fieri potest ex bonis, quorum proprietates nostra est: atqui evenire potest ut proprietates boni illicite acquisiti, vere tamen nostra sit. Sic pecunia homini data propter laborem die festo perceptum, vere est ipsius. Sic etiam lucrum a comœdis perceptum, ab iisdem illicite simul & valide percipi videtur, saltem ob Reipublicæ concessionem; quod an debeat ad meretrices extendi, expendimus in Tract. de Justitia.

## PUNCTUM QUARTUM.

*A quibus dari possit eleemosyna.*

**D**ifficultas est de servis, de Religiosis, de filiisfamilias, & de uxoribus. Sit.

CONCLUSIO I. Servi nihil ex dominorum bonis donare possunt, nisi legitime consentum eorum aut ratihabitionem præsumant.

Prob. quia aliqui donarent alienum, quod non licet.

Possunt tamen servi ex iis, quæ sua sunt, dare, imo & ad id teneri, si vel ex donis, vel ex pretio, quo conducti sunt, ultra necessarium habeant. Et vero, qui nihil habent in bonis, sed e labore suo victum  
sibi

sibi comparare debent, ab eroganda eleemosyna non dispensantur ab Apostolo, ut patet ex his ejus verbis ad Ephes. 4. v. 28. *Qui furabatur, jam non furetur: magis autem laboret operando manibus suis, quod bonum est, ut habeas, unde tribuat necessitatem patienti.* Ii tamen quorum totus fundus est vel labor, vel famulitatis stipendium, plus in futurum servare possunt, quam qui annuos habent redditus sibi semper certo adfuturos.

**CONCLUSIO II.** Superiores Religionum possunt & debent eleemosynas facere.

Prob. quia licet bonorum Communitatis domini non sint, possunt tamen & debent ea prudenter, atque ad Evangelii normam dispensare: atqui prudenter dispensant, cum sublatis Fratrum necessitatibus, eadem in eleemosynas erogant: ergo.

Inferiores vero non possunt stipem dare nisi in quibusdam casibus, ut 1. si adsit *licentia Abbatis, vel expresse habita, vel probabiliter presumpta*; ea autem presumitur cum pauper magnam patitur necessitatem, nec recurri potest ad Superiorem. Ita S. Thomas in 4. dist. 15. q. 2. art. 5. quæst. 4. & Salmanticenses ubi infra. 2. si occurrat pauper in articulo *extremæ necessitatis*; tunc enim *sicutum esse Religioso furari*, ut eleemosynam daret. 3. si ex consuetudine Religionis, utique sufficienter a Superioribus approbata, pios in usus impendere possit ea, quæ sibi ab amicis, aut a consanguineis donantur. 4. si Pastorum aut aliud aliquod Beneficium Monasterio non incorporatum possideat: omnis enim titulus Beneficii canonice obtenti tribuit facultatem impendendi redditus in congruam sui sustentationem & opera pia; cum is, qui est Beneficii administrator, sit etiam administrator fructuum. Ita Navarus Lib. 2. Consil. Consil. 12. Sylvius hic pag. 202. & alii plures, quos adduxi in Tractatu de Beneficiis cap. 4. art. 3. sub finem.

Addit Grandin alios duos casus, in quibus posset Religiosus ex bonis sibi a Monasterio concessis eleemosynam dare. Primus est, si extra Monasterium moraretur, sive studii, negotiive aut peregrinationis causa. Secundus est, si de sustentatione sua sibi subtraheret, quod daret pauperibus, nisi tamen esset illud sibi prohibitum.

Primum casum post Sanchez, Lessium, & alios communiter, admittunt Salmanticenses Tract. 13. cap. 6. n. 31. 1. quia ita habet consuetudo recepta. 2. quia eleemosynas, modo sint moderatæ, ab hujusmodi Religiosis fieri decet. Et vero quale scandalum, si Religiosus longum cum sæcularibus iter agens, eorumque in mensæ sumptibus imitator, ne obolum quidem porrigeret pauperi?

Secundi casus reclusio non videtur consona veritati: quia id quod Religiosus sibi subtrahit, non sit ipsius, sed remanet Monasterii: ergo non potest ut bonum proprium donari, nisi id a Superioribus tacite saltem permissum sit; & hoc docet Sylvius hic art. 8.

**CONCLUSIO III.** Potest filius-familias ex bonis castrensisibus, aut quasi castrensisibus eleemosynam etiam invitis parentibus facere; non potest vero communiter ex bonis parentum. De multiplici peculii divisione consule Tractatum de Justitia.

Prob. quia filii plenum in bona prioris generis dominium habent; non autem in bona generis alterius.

Dixi, communiter: quia potest filius dare pauperi *panem* & *hujusmodi*, quæ non inferunt sensibile damnum, de quibus satis constare potest, quod parentibus placeat. Ita S. Thomas in 4. ubi supra. 2. quia si filius absit studiorum causa, vel parentum negotia gerat, potest tuta conscientia eas erogare eleemosynas, quas solent alii ejusdem conditionis filii, & generaliter eas omnes, quas bona fide credit placere parentibus, 3. idem dicendum, si filius parce vivendo, aliquid de iis, quæ sibi ad victum concessa sunt, reservet: hujus enim proprietatis capax est, non item Religiosus. De his vide Sylvium hic q. 32. art. 8. & Nat. Alex. Reg. 36.

Sed potestne filius id, quod ludendo lucrificet, pauperibus largiri?

Respondet Sylvius, vel pecunia, quam filius familias ludo exposuit, paternæ administrationi subjecta erat, vel erat proprium filii bonum. Si secundum, ex dictis apparet, quod hinc eleemosyna possit a filio fieri. Si primum, pecunia ex ludo parta videtur paternæ administrationi subjacere, sicut & ea, quæ lucri principium fuit; adeoque non potest erogari in pauperes sine patris consensu saltem tacito.

Hæc postrema Sylvii decisio hinc difficilis est, quodj secundum leges *nummus ex furto non sit furtivus*, unde alibi docuimus eum, qui ex pecunia subrepta ludendo aut aliter lucrum fecit; non teneri ad restitutionem lucri hujus. Sed responderi potest lucrum hujusmodi cum de filiis agitur, esse bonum profectitium, quod proinde in patris commodum cedere debet. Et hæc quidem quousque in Galliis vigeant, reperies in citato loco Tractatus de Justitia, edit. nov.

CONCLUSIO IV. Uxor ex bonis viri dispositioni subjectis eleemosynas dare non debet sine consensu viri vel expresse vel presunto, nisi in articulo necessitatis, sicut de Monacho dictum est. Sed si habeat alias res præter dotem, quæ ordinatur ad sustentanda onera matrimonii, vel ex proprio lucro, vel quocumque alio licito modo, potest dare eleemosynas etiam irrequisito assensu viri; moderatas tamen, ne ex earum superfluitate vir depauperetur. Ita S. Thomas hic art. 8. ad 2. Conclusio paulo fusius explicanda est cum Sylvio.

Itaque uxor eleemosynam pleno jure erogare potest & debet, 1. cum possidet bona paraphernalia, sibi scilicet a parentibus aut aliis, suos in usus præter dotem concessa. Hæc porro bonorum species non ubique locum habet in Galliis, prout dixi tom. 1.

2. Cum sufficientem dotem dedit viro, & nihilominus arte vel industria quædam lucratur, absque eo, quod debitam familiæ administrationem deferat: de hoc enim lucro, sicut & de bonis paraphernalibus libere disponere potest, nisi resistent leges loci aut consuetudo, quæ idcirco consulendæ erunt.

3. Quando licet uxor nihil præter dotem habeat, usu tamen & consuetudine loci receptum est, ut modicas panis, vini, & minutæ pecuniæ eleemosynas donet. Tunc enim id facere potest, quod communiter faciunt ejusdem conditionis sæminæ: & licet maritus id aliquando prohibeat, ipsa tamen, ait Sylvius, potest credere, vel quod maritus hic & nunc approbaret ejus eleemosynam, si præsentem pauperis necessitatem videret; vel quod nonnisi excessum prohibere velit. *Solens enim mariti*, ait S. Raymundus Lib. 2. Summæ tit. 8. cap. 9. *facere prohibitionem uxoribus absolute, ut sic temperent eas, non a toto, sed ab excessu, quem suspiciuntur.*

Sed

Sed, quid si certo constet maritum nolle absolute quidpiam ab uxore erogari?

Censet Sylvius eam nihilominus contra agere posse: tum, quia maritus injuste & irrationabiliter obstitit; tum quia debet uxori præstare omnia, quæ ad victum, & decentem ipsius statum pertinent: ad statum autem uxoris pertinet, ut ea faciat, quæ faciunt honestæ mulieres ejusdem conditionis.

Sed æquius & doctrinæ Augustini, Epist. 262. alias 199. familiarumque paci magis consentaneum est id, quod docet S. Raymundus ibid. uxorem nimirum, si certa sit elemosynam suam marito displicere, nec suam ea de re conscientiam deponere possit, teneri abstinere a dando, & *dolere, quod non potest*. Excipe tamen, nisi videret pauperem indigere ad mortem: tunc enim deberet dare intrepide, alias peccaret. Idipsum docet Pontas v. *Aumône*, cap. 12. Vide alias ejusdem regulæ exceptiones Tom. 1. hujusce nostri Operis.

Quæres obiter an tutores, pupilli, & qui ob prodigalitatem sub tutela constituti sunt, possint elemosynas facere.

R. ad 1. cum Sylvio, tutores id facere posse in extrema vel urgenti pauperum necessitate, non autem in communi, nisi hoc specialiter iis permittum fuerit; vel temporalis aut spiritualis aliqua pupilli aut prodigi necessitas id fieri postulet, ut si tutor ad obtinendam eorum sanitatem, aliquid pauperibus donet. Ratio est, quia tutor non est dominus bonorum pupilli, vel prodigi.

R. ad 2. posse pupillos & prodigos modicas elemosynas largiri; quia tunc donant de suo, & quidem cum præsumpto tutoris & legum consensu.

## PUNCTUM QUINTUM.

*Quibus facienda sit elemosyna.*

**C**ertum est 1. elemosynam cæteris paribus magis donandam esse propinquiorebus, quam aliis, quia ex Apostolo 1. Timoth. 5. cap. 3. *Si quis suorum, & maxime domesticorum curam non habet, fidem negavit, & est infideli deterior*. Notandum tamen cum S. Thoma hic art. 9. quod multo sanctiori magis indigentiam patienti, & magis utili ad commune bonum, est magis elemosyna danda, quam personæ propinquiori, maxime si non sit multum conjuncta, cujus cura specialis nobis non imminet, & si magnam necessitatem non patiat. Unde in elemosynarum distributione idem servandus est ordo, quem supra in exercitio charitatis servandum esse diximus.

Certum est 2. pauperes examine severiori non esse discutiendos, nec curiosius inquirendum an paupertatem simulent; præstat enim dare ei, qui fortasse non indiget, quam negare vere indigenti, prout pluribus docet S. Chrysostomus Homil. 11. in Epist. ad Hebræos *Protinus*, ait S. Doctor divitem compellens, *protinus accedentem accusas: Cur, inquit, non operatur? cur otiosus alius? ... dicis, est impossor. Propter unum panem & vestem, cum appellas impossorem? At statim id, quod dono, vendit, inquit. Tu autem omnia tua recte administras? Quid vero? omnesne sunt pauperes propter otium? nemo propter naufragium, nemo propter judicium, nemo propter furtum, nemo propter pericula, nemo propter morbos, nemo propter alium*

*alium casum? ... Benignitatis & clementia est tempus non accurata, & exacte examinationis; misericordiae non ratiocinationis hęc.*

Quoniam tamen eleemosynam prudentem esse oportet, & nonnulli sunt casus, in quibus ambigi potest an sit prudens, puta si dandum sit homini nequam, vel ei, qui aliunde dives est, idcirco sit

CONCLUSIO I. Hominibus etiam facinorosis eroganda est eleemosyna :

Prob. 1. ex Tob. 4. *Noli avertere faciem tuam ab ullo paupere*. Luc. 6. *Omni petenti te tribue*. Matt. 5. *Benefacite his, qui oderunt vos*. Rom. 12. *Si esurierit inimicus tuus, ciba illum* : atqui si textus neminem ab eleemosyna excludunt ; imo & sub ejus lege diserte includunt inimicos, qui qua tales coram Deo per charitatis defectum mortui sunt : ergo.

Obj. Id Eccli. 12. *Da misericordiam, & ne suscipias peccatorem*. *Benefac humili, & non dederis impio*. Et Luc. 16. præcipit Christus ut iis fiat eleemosyna, qui, cum defecerimus, possint nos in aeterna tabernacula recipere, quod utique non faciant improbi.

R. Ad 1. non hic agi de eleemosyna, sed de collatione beneficiorum ; quæ ex amicitia, aut justitia distributiva tribuuntur, in his autem magno opus est delectu, ne iis conferantur, qui ea contra nostram aut proximi utilitatem adhibeant. Addit Sapiens non esse dandum impio, imo prohibendum ne panes illi dentur, hoc est arcendum eum esse a convictu, & communione familiari, ne inde prævaleat, & benefactoribus suis paulatim factus potentior, eosdem opprimat.

R. Ad 2. eleemosynam justis potius quam aliis faciendam esse, si cetera sint paria ; eandem tamen non esse impiis negandam, cum *omni petenti* tribuenda sit. Adde 1. quod qui peccatori stipem donat, non sit mercedem suam perditurus, quia eleemosyna pro nobis *emovabit ab omni malo*. Eccli. 29. v. 15. 2. quod in aeterna tabernacula recipiendus sit etiam a malis pauperibus, non quidem in eorum persona, sed in persona Christi, qui sibi datum imputat quicquid in egenos etiam malos contulerimus, prout docet Augustinus L. 2. Quæst. Evang. q. 38.

Hic duo moventur dubia, 1. an facienda sit eleemosyna inimicis Reipublicæ. 2. an iis, quos si ex necessitate extrema, in qua positi sunt, eripuerimus, certum est nobis mortem illaturos esse.

Respondet Sylvius ad 1. inimicos Reipublicæ in ordine ad animæ salutem diligendos esse, non in ordine ad vitam corporis, quam ut gladio sic & inedia eis auferre licitum est. Imo peccaret, qui hostibus in bello justo ad angustias reductis, victum præberet : sicut peccaret, qui contra specialem judicis prohibitionem homini per justam sententiam condemnato ad pereundum fame, cibos daret.

Ad 2. docet idem Theologus, eum, qui quempiam aggressurus est, deserere posse in necessitate extrema, si constet mortem ab eo certo inferendam esse, adeo ut neque fuga neque aliter declinari possit. Hæc quæstio, ut ex se patet, pendet ab ista : an injustum vitæ invalorem interire vel prævenire liceat, de qua dicemus ad quintum Decalogi præceptum.

CONCLUSIO II. Pauperibus, qui voluntarie tales sunt voluntate virtutis, potest & debet erogari eleemosyna ; secus si tales sint voluntate otii, & ignaviæ.

Prob. 1. pars, quia iis facienda est eleemosyna, qui legitimam sunt misericordiae objectum : atqui tales sunt ii, qui propter Christum

sive intra, sive extra Religionem pauperes se fecerunt, divitiis renuntians. Si enim Evangelicum sequuntur consilium, & eo solum sine omnia abiciunt, ut liberi orationi, & piis quibuscumque operibus vacent: ergo.

Prob. 2. pars, 1. ex S. August. secundum quem *utilius esurienti panis tollitur, si de cibo securus iustitiam; quam esurienti panis frangitur, ut iniustitia seductus acquiescat*. 2. quia huiusmodi homines non sunt vere pauperes; ac proinde non licet illis ex eleemosyna vivere, cum ex proprio labore vivere possint. 2. quia eleemosyna fovet eorum ignaviam, quæ vitiorum omnium mater est: ergo eos insequi debent Magistratus Christiani, ut vel laborent, si id ferat ipsorum conditio, vel exeant ex urbibus: ergo vel nulla, vel, si mitius cum Nat. Alexandro loqui velis, modica, nec ita facile eleemosyna illis erogari debet.

Hac occasione duo inquit Sylvius. 1. quid dicendum de Magistratibus, qui solos pauperes indigenas mendicare permittunt, extraneos vero omnes abigunt ex urbibus suis. 2. an danda esset eleemosyna avaro, ideo solum indigenti, quia propriis suis rebus uti non vult.

Respondent ad 1. cum Medina. Magistratibus potius quidem de pauperibus indigenis curam habendam esse, ab ea tamen non omnino excludendos esse peregrinos, & advenas. 1. quia sic violatur præceptum hospitalitatis in Scriptura pluries iteratum. 2. quia charitas ad omnem proximum se extendit. 3. quia multi sunt pauperes, qui e natali solo secedere coguntur, sive ob paupertatem loci, in quo inedia conficerentur; sive ob persecutionem, quam ibi sustinent; sive quia fortunæ ludibrium facti, mendicare cogentur, ubi primas sedes tenuerunt; sive demum quia, ut S. Ignatius, contempti & ignobiles apud extraneos vivere volunt; qui apud suos honores sibi debitos donarentur.

Ad 3. negat faciendam esse avaro diviti eleemosynam, quia non indiget nisi quantum stipulante avaritia, vult indigere. Si tamen eo usque mens ipsius depravata esset, ut mallet inedia confici quam suis bonis sustentari, tunc ei ex bonis ipsius esset succurrendum, permittendo ut se alienis crederet adjuvari. Quod si pecuniam suam ita reclusisset, ut non posset inveniri, arbitraret ei e nostris etiam bonis succurrendum, cum immineret articulus extremæ necessitatis; vel potius ad parvas infanorum aedes ablegandum esse.

Quæres iterum, an is, cui committitur distributio eleemosynarum, possit, si indigeat, earum partem sibi applicare.

R. Posse, quia non est pejor, quam ceteri, conditionis. Et hoc verum est 1. de ipso etiam Confessario, qui vere pauper esset: neque enim ea præsumi potest fuisse penitentis ejus pura, & mala intentio, ut ipsum excluderet. Cavere tamen debet Sacerdos, si præsertim, paupertas ejus ignoretur, ne ullam fidelitatis suæ suspitionem ingerat.

2. Idem locum habet in distributore, cujus inopiam cognoscebat, dominus pecuniæ: inique enim eum exclusisse censendus est, eo quod suam ei pecuniam committendo, nullam ejus mentionem fecerit; sed econtrario credendum est eum vel oblitum esse inopiam distributoris; vel noluisse ei pudorem asserre, permittendo conceptis verbis, ut aliquam hujus pecuniæ partem sibi applicaret. Id ipsum cum S. Thomas hic art. 9. docet Pontas cal. 13. qui tamen, & merito doctrinam hanc limitat: nisi



nisi ei, cui commissæ est eleemosynæ distributio, assignatæ sint personæ, quibus eadem sit dividenda: tunc enim concluso necessitatis extremæ casu, non posset distributor quidpiam sibi ex ea retinere; alias violaret & fidem domino datam, & iustitiam debitam aliis pauperibus, quorum bonum usurparet. Posset tamen idem distributor dicere domino se cognoscere aliquem non minus, quam alios, indigentem, & cui si eleemosynæ suæ partem dari permittat, valde coram Deo merebitur.

Quæres 3. ad quid teneatur, qui simulata paupertate eleemosynam recepit.

Nota; nomine illius, qui paupertatem simulat, non intelligi eum, qui gemitibus, verbis, & querelis paupertatem suam exaggerat: hanc enim plurimum pauperum artem esse nemo ignorat. De iis ergo sermo est, qui reipsa pauperes non sunt, sed esse se fingunt.

Resp. Eos & peccare, quia veris pauperibus nocent, & teneri ad restituendum quicquid prorsus acceperunt. Quia donatio non valet, cum finalis ejusdem causa non subsistit, ut alibi docuimus: atqui in casu præsentis non subsistit causa finalis eleemosynæ. Nam finalis eleemosynæ causa, seu motivum substantiale, est paupertas sublevanda, quæ in hoc casu non occurrit: ergo hæc eleemosyna debet restitui, sive pauperibus aliis, si modica sit, iisque perinde ac tibi donata fuisset; sive ei, qui dedit, si gravis sit eleemosyna, quam prudenter judicare potes ab eo aliis donandum non fuisse, sed ideo solum concessam tibi, quia paupertatem tuam hoc, vel illo modo exposuisti.

Hinc sequitur, quod alibi tradidimus, divites, qui Collegiorum buras, pauperibus destinatas, sibi arripiunt, ad restitutionem obligari. Vide circa utrumque hunc casum, quæ dicta sunt a nobis tom. 1.

## PUNCTUM SEXTUM.

### *Eleemosynæ effectus, & conditiones.*

**Q**UINQUE sunt eleemosynæ effectus. 1. enim si fiat ex supernaturali Dei auxilio disponit ad uberiores gratias. Docet id Scriptura Luc. 10. *Date eleemosynam, & omnia munda sunt vobis.* Et Act. 10. *Eleemosynæ tuæ ascenderunt in memoriam in conspectu Dei.* Ex quo insert Augustinus Libr. de prædestinatione Sanctor. cap. 7. numer. 12. Cornelium per eleemosynas impetrasse gratiam fidei in Christum, & justificationem.

2. *Eleemosyna ab omni peccato, & a morte liberat*, Tob. 4. Unde S. Chrysostomus Homilia 21. in Acta Apost. *Non est, inquit, peccatum, quod non possit purgare eleemosyna, quodve non possit extinguere; omne peccatum infra illam stat.* Quod utique verum est de eleemosyna, quæ fructus est penitentiae, & quæ juxta S. Ambrosium Sermon. 31. eo sensu indulgentior est ipso baptismo, quod baptismus semel tantum peccata dimittit, eleemosyna vero quoties datur.

3. Si fiat ex charitate; vitam æternam promeretur, juxta id Matth. 25. *Percepit regnum, quod vobis paratum est a constitutione mundi.* Esau enim &c. Eleemosyna vero in peccati statu facta de condigno non meretur gloriam, prout docet Apostolus 1. Corinth. 13. his verbis: *Si*

distribuero in cibos pauperum omnes facultates meas ... charitatem autem non habuero, nihil mihi prodest.

4. Auget fiducia apud Deum; juxta id Tobiae ibid. *Fiducia magna erit coram summo Deo elemosyna, omnibus facientibus eam.* Unde Apostolus Hebr. 10. *Vindictis compassi estis: nolite itaque amittere confidentiam.* Hinc etiam Psalter: *Beatus, qui intelligit super egenum, & pauperem: in die mala liberabit eum Dominus, Psal. 40.*

5. Elemosyna plerumque majoris abundantiae temporalis causa est, juxta id Prov. 19. *Fœneratur Domino, qui miseretur pauperis.*

Ex his duo colliges: 1. eos foede hallucinari, qui Deum sibi propter elemosynas propitium fore confidentes, nedum respiciant a peccatis, eadem ingeminant. Ut enim pluribus in locis docet Augustinus: *Elemosyna illis profuit, qui vitam mutaverunt.* Homil. 13. *Parum est elemosynas quantalibet facere pro quocumque scelere & in consuetudine scelerum permanere.* Et iterum: *Sane cavendum est ne quisquam existimes infanda ista crimina, qualia qui agunt, regnum Dei non possidebunt, quotidie perpetranda, & elemosynis quotidie vedimenta.* In melius quippe est vitam mutanda, & per elemosynas de peccatis praeteritis est propitiandus Deus; non ad hoc emendus quodammodo, ut ea semper liceat impune committere. Nemini enim dedit laxamentum peccandi, quamvis miserando delect jam facta peccata, si non satisfactio congrua negligatur. Enchirid. c. 79. Vide & lib. 21. de Civit. Dei c. 22.

2. Vere tamen dictum fuisse a Cypriano in Tract. de opere, & elemosyna, sub finem: *Praclaro & divina res elemosyna, salutaris operatio, solatium grande credentium, securitatis nostrae salubre praesidium, munimentum spei, tutela fidei, medela peccati, res posita in potestate facientis, res & grandis & facilis, corona pacis, verum Dei munus & maximum, infirmis necessarium, fortibus gloriosum: quo Christianus adjutus perfert gratiam spiritualem, promeretur Christum judicem, Deum computat debitorum.*

Suas, ut ex omni parte bene fiat, habere debet conditiones elemosyna. Et quidem

1. Debet esse *justa*, idest ex bonis propriis: *Qui enim offert sacrificium ex substantia pauperum, quasi qui victimat filium in conspectu patris sui.* Eccli. 34. v. 24. *Ego Dominus diligens judicium, & odii habens rapinam in holocausto.* Ilajae c. 61. v. 8. *Hosiae impiorum abominabiles, quia offeruntur ex scelere.* Prov. 21. v. 27. Unde id Malach. 2. v. 13. *Operiebatis lachrymas altare Domini, fletu & mugitu; idest, consecrabatis Deo, quae a plebe ad lachrymas, & miseriae statum per vos reducta, extorseratis; sed de hoc jam supra.*

2. *Discreta*, idest & non detur nisi iis quibus danda est; & ex iis, quibus danda est, ii aliis praestantur, qui praestari debent: puta consanguinei propinquiore remotioribus, remotiores extraneis, iusti peccatoribus; personae publicae privatis; gravi laborans necessitate patienti communem; beneficis non benedico; creditor non creditor; nobilis ignobili. De quibus vide, quae supra dixi agendo de ordine charitatis. Adde hæc omnia multum pendere a circumstantiis: unde iusto aliquando praestari utcumque potest peccator a crimine retrahendus, & certe potior est elemosyna, quæ dum corpori medetur, parat animæ remedium. Quapropter ceteris laudabiliores sunt expensæ, quæ Missionariis tribuuntur ad Infidelium conversionem.

Ca:

Catechistis ad imperitorum, præsertim vero puerorum instructionem, viris zelo plenis ad captivorum redemptionem. Ita la Placete ibid. p. 204.

3. *Liberalis & copiosa secundum unicuiusque facultates, ut nempe, quoad vitæ sustentationem egenos inter & divites, aliqua fiat æqualitas, sicut scriptum est: Qui multum non abundavit, & qui modicum non minoravit*, 2. Corinth. cap. 8. Certe: *qui parce seminat, parce & metet; & qui seminat in benedictionibus, de benedictionibus & metet*, ibid. c. 9. Idipsum docent SS. Patres, & inter alios Augustinus: *Præcidite aliquid, ait S. Doctor in Psalm. 146. & deputate aliquid fixum, vel ex annuis fructibus, vel ex quotidianis quæstibus vestris. Decimas vis? decimas exime, quamquam parum sit. Phariseus, super quem debet abundare iustitia tua, decimas dat: tu autem nec millefamam das. Quomodo superabis eum, cui non exæquaris? Neque tamen deest meritum eleemosynæ illius, qui parum aut nihil tribuit, quia parum aut nihil potest. Vidua illa, ait Augustinus Enarr. in Psalm. 125. quæ duo minuta misit ..... tantum seminavit, quantum Zachæus: minores enim facultates ferebat, sed parem voluntatem habebat. Et supra: Unde procedit eleemosyna? de corde. Si enim manum porrigas, nec in corde miserearis, nihil fecisti: si autem in corde miserearis, etiamsi non habeas, quod porrigas manu, acceptat Deus eleemosynam tuam.*

4. *Prompta, non autem quasi per vim extorta. Ne dicas: ait Sapiens Proverb. 3. ne dicas amico tuo: Vade & revertere, cras dabo tibi, cum statim possis dare. Id solebat Job pauperum pater: Si negavi, inquit c. 31. quod volebant, pauperibus, & oculos viduæ expectare feci. Perdunt ergo magna ex parte eleemosynæ meritum, qui vel ob solam pauperis importunitatem, stipem donant: Non enim est perfecta eleemosyna, quæ precibus extorquetur, ait Augustinus Homil. 39. vel eam post extrema facta donandam reservant; quasi vero multum mereatur, qui donat id, quod jam retinere nequit; quasi etiam certus sit se semper habiturum bona, qui hodie bonis abundat; quasi demum in usu sit ut suprema morientis voluntas ab hærede superstite ad amissum impleatur.*

5. *Cum hilaritate fieri, secundum id Eccli. 34. In omni dato hilarem fac vultum tuum, & in exultatione sanctifica decimas tuas. Cui consonat id Apostoli: Unusquisque prout destinavit in corde suo, non ex tristitia, aut ex necessitate: hilarem enim datorem diligit Deus. Idem docet Chrysostomus Homil. 16. in Epist. 2. ad Cor. his verbis: Eleemosyna vero tunc demum est, cum ut prompto atque alacri animo, cum large & copiose tribuis; cum te ipsum non dare, sed accipere existimas. Unde Augustinus in Psalm. 42. Si panem dederis tristis, panem & meritum perdidisti.*

6. *Cum humilitate. Matth. 6. Cum ergo facis eleemosynam, noli tuba carere ante te, sicut hypocritæ faciunt .... amen dico vobis receperunt mercedem suam; vani vanam, ait August. qui rursus Serm. 239. Nemo superbiat, quando das pauperi: non dicat id animo suo: Ego do, ille accipit: ego suscipio, ille indiget tecto. Forte quo tu indiges, plus est. Forte quem suscipis, iustus est. Ille indiget pane, tu veritate; ille indiges tecto, tu cælo; ille indiget pecunia, tu iustitia.*

Esti vero humilitas eleemosynam comitari debet, haud tamen latebras quærere semper debet Christianus, ut egenis medeatur, cum exemplum charitatis præbere debeat. In id ergo entendum est, non ut rorsus ignoretur nostra in pauperem misericordia, sed ut inde laudem

detur Deus, non ipsi nos; & sic duplicem erogabimus eleemosynam, corporalem hanc, qua pascetur pauper, spirituale illam, qua dives ad exemplum sollicitabitur: tuncque in eas cum Propheta Rege voces erumpere licebit: *Scio Deus meus, quod probes corda, & simplicitatem diligas: unde & ego in simplicitate cordis mei letus obituli universa hæc.* Paralip. 29. 17.

7. Eleemosyna debet esse *perseverans*, ne audiat id Apocalyp. 2. *Hæc aduersum te, quod charitatem tuam primam reliquisti.* Et vero cum eadem sit omni tempore pauperum miseria, eadem esse debet usque ad mortem, imo in dies crescere, si fieri potest, divitum misericordia.

8. *Urbanitatis & amicitia plena*; ac proinde ab omni asperitatis & contemptus sensu aliena. Qui enim *despicit pauperem, exprobrat factori ejus*, Proverb. 17. v. 5. Curent ergo divites ut restentur pauperi quantum miseriæ ejus compatiantur; quam enixe plus in ejus gratiam facere vellent, quam reipsa faciunt &c.

9. Demum, adjuncta, quantum licet, habere pietatis verba, quibus pauperes, qui ut plurimum magis adhuc gratiæ sunt, quam pecuniæ, ad patientiam, spem in Deum, curam animæ, corporis curæ ad minus paternam paterne incitentur. Certe nusquam efficaciora sunt divitum verba, quam cum eleemosynam sibi conjunctam habent.

Haud tamen prorsus approbandi sunt, qui pauperi eleemosynam, aut mendicandi licentiam negant, donec sacramentaliter confessus fuerit: tum quia omnibus etiam impiis, imo & infidelibus danda est eleemosyna; tum quia si generatim & indistincte præexigatur confessio, periculum est sacrilegii: unde sæpius decepti sunt Confessarii, qui vix aliis, quam poenitentibus suis, stipem erogant. Utendum ergo bona bonorum pauperum voluntate: mali vero, & qui vix Deum norunt, ad meliorem frugem sensum & discrete adducendi sunt.

## SECTIO SEXTA:

### De correptione fraterna.

S. Thom.  
2. 2. 33.

**C**ORREPTIO, seu ut malunt alii, correptio fraterna; est externus misericordiæ, ac proinde charitatis actus, quo monitione salutari peccator ad emendationem inducitur. Hinc differt 1. a correptione judiciali, quæ est actus justitiæ vindicativæ, & quæ non tam ordinatur ad emendationem delinquentis, quam ad ipsius castigationem ob commune bonum, & aliorum terrorem 2. a correptione paterna, qua Superior cum auctoritate absque forma Judicii corrigit delinquentem, tum ut emendetur ipse, tum ut tollatur scandalum aliorum. Hæc enim & specialem supponit auctoritatem in corripiente, & ad commune bonum ordinatur: correptio vero fraterna ad solam delinquentis emendationem tendit, & nullam in faciente prærequirit auctoritatem. Ampla admodum est correptionis fraternæ materia, magnique momenti, utpote quotidiani usus; eam ergo solide, si annuerit Deus, sed & simul breviter tractabimus, quia fusius tractare non licet.

## PUNCTUM TERTIUM.

*An, & quibus præcepta sit correctio fraterna.*

**CONCLUSIO I.** Datur præceptum correctionis fraternæ.

Prob. 1. ex Scriptura. Eccli. 19. *Corripe amicum ... ne iterum addas facere. Corripe proximum ne forte iteret. Corripe amicum. sæpe enim sis commissio.* Matth. 18. *Si peccaveris in te, id est ut exponunt SS. August. & Thom. coram te; vel ut melius alii, contra te: frater tuus, vade, & corripe eum.* Ubi species peccati contra nos, ponitur pro quocumque peccato: cum ideo corripere debeamus fratrem, ut lucremur eum, prout ibidem monet Christus, & docet S. Augustinus Serm. 82. de verb. Evang. Matth. 18. n. 4. his verbis: *Quare fratrem tuum corripis? quia tu doles, quod peccaveris in te? absit: si amore tui facis, nihil facis: si amore illius facis, optime facis.* 1. Thess. 5. 14. *Rogamus vos fratres, corripite inquietos.* Et Epist. 2. ad eisdem c. 3. v. 15. *Nolite quasi inimicum existimare, sed corripite ut fratrem:* atqui ii omnes textus corripiendi proximi necessitatem dilerte adstruunt: ergo.

Prob. 2. ex Patribus. *Legem corrigendi*, ait Augustinus, *æternam, catholicam, atque invariabilem omnibus Christianis indixit Deus.* Præverat Tertullianus L. adversus Marcionem, his verbis: *Peccantem fratrem jubet corripere: quod, qui non fecerit, utique deliquit, aut ex odio volens fratrem perseverare in delicto, aut ex acceptione personæ parcens ei.*

Prob. 3. ratione, quia major est necessitas subveniendi proximo spiritualiter laboranti, quam si corporaliter solum laboret: ergo cum hæc stricte obliget, & illa stricte obligare debet. Unde S. Bernardus L. 4. de Considerat. c. 6. *Cadit asina, & est qui sublevet eam: perit anima, & nemo est, qui reputet.*

Nec obest, quod homo in spirituali necessitate sibi subvenire possit ope orationis & gratiæ: sæpe enim tantæ sunt mali illecebræ, tam inveterata peccandi consuetudo, ut nisi homo per fraternam correctionem juvetur, vix unquam surrecturus sit: quapropter hæc ei tunc moraliter necessaria est, quod sufficit, ut sit in præcepto.

Hinc colliges cum agmine Theologorum, præceptum hoc obligare sub mortali ex natura sua: tum quia præceptum in materia gravi, qualis est ista, graviter obligat; tum quia non minus, imo plus obligare debet præceptum correctionis fraternæ, quam eleemosynæ, quod gravissime obligat. Unde Augustinus: *Si neglexeris corripere, peior es faciendo, quam ille conviciando.*

Dixi: *ex natura sua*: quia qui proximum venialiter dumtaxat peccantem non corripit, peccat solum venialiter, ob materiæ parvitatem; nisi tamen subsit periculum morale, ne ex venialibus sequatur mortale, vel grave scandalum, vel damnum magnum spirituale in Communitate aut Ordine Religioso: puta si timeri possit 1. ne qui proximum leviter irridet, eundem ad gravem iram impellat; aut ne is qui paucos intra dies nimium potavit, aut modicum quid subripuit, ulterius progrediatur. 2. ne culpa in se levis, quia tamen ab Episcopo vel Pastore committitur, grande scandalum & murmur excitet. 3. demum ne vulnus, quod disciplinæ regulari infligitur, etsi de se modicum, tale sit ut ad magnum ejus-

dem disciplinæ excidium conducatur. Quapropter fatentur Doctores, eos qui Communitatibus præsumunt, teneri sub pœna mortalitatis ad obfistendum culpis venialibus, quæ disciplinæ regularis vigorem notabiliter lædunt: notabilis enim disciplinæ jactura etiam per defectus leves, est grave Religionis malum, quod Superiores ex officio avertere & tollere tenentur.

Porro sicut mortaliter aliquando peccat, qui venialibus culpis non obfistit, sic & venialiter solum peccare aliquando potest, qui graves non coercet. Ut 1. si omittatur gravis peccati correctio ex inadvertentiâ minime crassa. 2. ait S. Thomas hic art. 2. ad 3. *Omissio hæc est peccatum veniale, quando timor & cupiditas tardiore facit hominem ad corripienda delicta fratris. Non tamen ita, quod si ei constaret, quod fratrem posset a peccato retrahere, propter timorem vel cupiditatem dimitteret; quibus in animo suo præponit charitatem fraternam. Et hoc modo quandoque viri sancti negligunt corripere delinquentes. Ubi notandum eum, qui in prædicto casu negligit corripere delinquentes, non peccare mortaliter, quia pudore quodam correptus, & timore amittendi boni temporalis, quod iuste desiderat, non invenit verba & modum, quibus prudenter corrigat, & sine quibus correctio sale sapientiæ destituta, sæpius nocet, quam prodest. Ideo autem in eodem casu peccatum veniale agnoscit S. D. quia timor ille, qui mentem tenet incertam, & sagacia verba præcludit, est quodammodo voluntarius in causa, scilicet in aliqua cupiditate: si enim esset plane involuntarius, orireturque ex naturali infirmitate, excusaret a peccato, ut in scrupulosis, qui cum prudentia ad corripiendum necessaria careant, vix alios utiliter reprehendunt. Ita Habert, quem hic totidem pene verbis ob materiæ gravitatem expressi.*

CONCLUSIO II. Præceptum correctionis non in solos Superiores, sed in omnes etiam æquales & inferiores cadit.

Prob. 1. Script. Eccli. 17. *Mandavit unicuique de proximo suo: si unicuique, ergo nemo correctioni faciendæ idoneus, ab ea immunis est.* Matth. 18. *Si peccaverit in te frater tuus, corripe eum:* ubi sermo dirigitur ad eos omnes, qui fratris sui peccatum coercere possunt.

Prob. 2. ex Jure canonico ubi sic legitur Can. 24. xiv. q. 3. *Tam Sacerdotes, quam reliqui Fideles omnes summam curam habere debent de his, qui pereunt.* Et cap. 12. *De Hæret. Fratrem peccantem occulte corripere... quisque tenetur: secundum regulam evangelicam.* Idque adeo verum est, ut inter causas, propter quas cum viris malis flagellentur & boni, incunctanter recenseat Augustinus Lib. 1. de Civit. Dei cap. 9. quod timore quodam humano negligunt arguere in proximis ea, quæ norunt arguenda.

Prob. 3. ratione. Dives tenetur in eo genere, in quo dives est, ad suppeditandam pauperi eleemosynam in eo genere, in quo iste pauper est: sed qui sanum habet rationis iudicium, dives est in genere correctionis, cum utiliter emendare possit; contra vero in eodem genere pauper est, qui opus habet ut emendetur: ergo.

Dices: Si res ita sit, inferior tenebitur ad corrigendum Superiorem, & ipse peccator ad corrigendum eum, quem viderit delinquentem: atqui utrumque repugnat. Primum quidem ordini naturali: secundum vero his Christi verbis Matth. 7. *Ejice primum trabem de oculo tuo, & tunc videbis ejicere festucam de oculo fratris tui:* ergo.

R. neg.

R. neg. min. quoad utramque partem. 1. enim corrigendi sunt ipsi etiam Superiores, quia sunt ex charitate diligendi: unde sanctus Paulus Colossenses monet ut Archippo hujus Ecclesie Præbytero dicant: *Vide ministerium, quod accepisti in Domino, ut illud impleas.* Verum hic tres Cap. 4. præcipue servari debent conditiones.

Prima est, ut qui Prælatum vel Superiorem corripit non sit moribus & conditione vilis, alioqui non prodesset emendando, sed noceret exasperando: talis ergo muneri suo satisfaciat, si personas digniores, & Superiori proximiores admoveat, quæ possint & velint corripiendi Superioris onus assumere. Si tamen, ait Sylvius: *periculum salutis Prælatorum esset admodum grave, nullusque alius eos corripere, corripere deberent inferiores quamvis viles, modo esset apparentia profectus.*

Secunda, ut inferiores Superiorem correpturi sequantur id Apostoli: *Seniorem ne increpaveris. sed obsecra ut patrem*, 1. Timot. 5. Unde sanctus Gregorius 3. part. Pastoral. admonit. 5. *Pia*, inquit, *subditorum mentes ab omni se peste obtræctionis abstinentes, præpositorum vitam nullo lingue gladio percutiunt, etiam cum de imperfectione reprehendunt.* Et vero, quis non consulat Superiori, cum videt Apostolum considerare adeo & circumspecte ad subditos scribentem in hæc verba: *Rogo vos fratres, ut sufferatis verbum solatii?* Hebr. 13.

Tertia, ut Superiorum correctio non fiat palam. Ut enim ait Innocentius III. cap. 12. *De Heret. Patrem suum delinquentem nulli licet reprehendere manifeste*, nisi Cham, qui patris pudenda non cooperuit; excipe nisi peccata Prælatorum admodum scandalosa essent, & multitudini perniciofa, puta si hæresim, aut aliquid aliud bonis moribus contrarium docent: tunc enim publice reprehendi possunt, si hac via speretur eorum, vel populi salus. Unde hic duo verbi divini præconibus valde sunt attendenda, 1. ut cum Superior mala exempla præbet, generatim ostendant, obediendum esse Superioribus dum recta docent; at secundum opera eorum non esse faciendum, cum male vivant. 2. ut palam coram promiscua plebe non inlectentur Sacerdotes aut Religiosos, qui aliquando vel pauci adsunt vel nulli: hinc enim nullus fructus, sed sola plebeculæ offensio expectari potest. Ita Sylvius, & quidem prudenter ut solet.

2. Potest etiam peccator delinquentes redarguere. Etsi enim plurimum expedit, ut qui alios redarguit, ipse redargui non mereatur, fieri tamen potest ut utiliter arguat: quia ad corripiendum utiliter, sufficit rectum iudicium rationis, prout hic docet S. Thomas q. 33. art. 5. aliunde vero peccatum neminem liberat ab obligatione præcepti divini, quale est præceptum correctionis fraternæ: atque hoc præceptum etiam a peccatoribus adimpleri potest, teste eodem S. Thoma his verbis: *Si peccator cum humilitate corripiat delinquentem, non peccat, nec sibi novam damnationem acquirit.*

Sæpe quidem exarserunt SS. Patres in eos, qui peccatis onusti, alios docebant, non autem se ipsos: sed id factum est, tum quia peccator non videtur corripere ex charitate, sed magis ad ostentationem, ut indicat Christus citatis verbis; tum quia non raro superbe & imprudenter corrigit; tum denique quia parum prodesse solet correctio, cum deest in corrigente auctoritas; hæc autem iis præcipue deest, qui exemplo subvertunt, quod verbis ædificant: summopere igitur optandum

dum est ut priores a peccato recedant, qui alios a peccato avertere flagunt. Imo & ad id tenentur vi præcepti correctionis, 1. ii, qui cum alios erudire debeant ex officio, animadvertunt se perperam & inefficaciter ob depravatos mores suos loqui & instruere. 2. & ii, qui licet ad erudiendos alios ex officio non teneantur, iisdem tamen pravo exemplo facti sunt causa peccandi, nec jam eos a peccato monitionum ope revocare possunt, nisi saltem exterius resipiscant.

Quæres, an non Superiores strictius, quam alii ad correctionem fraternam teneantur.

R. Strictius teneri, quia tenentur ex officio: unde tria sequuntur.

Sequitur 1. ex communi Doctorum sententia, non sufficere ut Prælati, qui hac in re mortaliter peccavit, dicat se omisisse fraternam correctionem alicujus, sed exprimere debere, quod subditi sui.

Sequitur 2. Prælatos ad fraternam correctionem aliquando teneri, cum alii ad eam non tenentur, imo etiam cum viæ suæ periculo, si nempe subditus sit in gravi necessitate.

Sequitur 3. eisdem Prælatos in subditorum vitam & mores inquirere debere, ut eos, cum deviant, emendent. Hic tamen prudentia opus est, ne nimia aut temeraria inquisitio Superiorem reddat odiosum, & in suspicando præcipitem: unde non debet inquirere per homines, qui magis solliciti sunt, ut inveniant vitia, quæ reprehendant, quam ut deregant virtutes, quas prædicent. Qui vero aliorum curam non habent, eorum vitam & mores insidiosè observare non debent, ne ex eorum numero esse videantur, qui quærent *impietatem in domo justii*. Unde totam eorum, qui Prælati non sunt, obligationem his Augustini verbis contineri puto: *Admonet Dominus noster non negligere invicem peccata nostra, non querendo, quid reprehendas, sed videndo, quid corrigas*. Serm. 15. de verbis Dom.

Quæres 2. quinam nomine Prælatorum hic intelligantur.

R. Prælati & Superioris nomen in præsentī materia non solum competere Parocho, Abbati, vel Episcopo regenti plebem suam; sed etiam pauperi regenti familiam suam, marito regenti conjugem suam, patri regenti prolem suam, judici regenti provinciam suam, Regi regenti gentem suam. Ita habetur Can. 35. xxiii. quæst. 4.

Observat tamen Sylvius hic art. 3. Reges & Principes cum temporali-ter præsent, & bonum politicum pro fine respiciant, non teneri omnia populi sui peccata inquirere, & corripere, sed solum graviora, ea præsertim, quæ in aliorum detrimentum cedunt, & aliorum tranquillitati adversantur. Quamquam id curare debent Principes, ut & Magistratus arque Episcopos gubernandis populis idoneos præstanciant, & idemdem res-  
sanciant, an ii, ut par est, officio suo fungantur.

## PUNCTUM SECUNDUM.

*De objecto correctionis fraternæ.*

**O**bjectum correctionis est peccatum & ipse peccator. Circa primum quæritur, an peccatum etiam leve sit materia correctionis: circa secundum, an corripiendus sit, qui nondum peccavit, aut qui actu peccat, sed ex ignorantia.

COR-



CONCLUSIO I. Peccatum tum mortale, tum etiam veniale correctioni fraternæ est obnoxium; mortale tamen præcipue & principaliter.

Probari solet prima pars ex verbis Christi Matth. 18. quibus maxime innititur præceptum correctionis fraternæ: *Si peccaveris in te frater tuus, vade, & corripe eum inter te, & ipsum solum. Si te audierit, lucratus eris fratrem tuum: si autem te non audierit, adhibe tecum adhuc unum, vel duos, ut in ore duorum vel trium testimonium sit omne verbum. Quod si non audierit eos, dic Ecclesie &c.* atqui 1. hæc verba: *si te audierit, lucratus eris fratrem tuum*, peccatum grave denotant in eo, qui corrigitur. Si enim lucraris eum, ergo perierat; si perierat, ergo peccaverat mortaliter. *Quid est*, ait Augustinus Serm. 16. de verbis Dom. *lucratus est te, nisi quia perieras, si non lucraretur te?* 2. idem denotat ordo & processus hic a Christo imperatus. An enim adhibebuntur testes, an ad Episcopum deferretur, an ut ethnicus vitabitur, qui venialia solum admisit peccata, ea nimirum, quæ quotidiana sunt, & a quibus ne ipsi quidem iusti immunes sunt? Certe si res ita esset, neque pax, neque tranquillitas inter homines servari posset; nec ullus foret admonendi, & ad Episcopum deferendi finis.

Hæc probatio licet ulque ad certum gradum valida, in eo tamen difficilis est, quod probare videatur gravissima solum delicta materiam esse correctionis fraternæ. Neque enim ea, ut opinor, fuit Christi intentio, ut omnia prorsus peccata mortalia post secretam monitionem eorum relictis redarguerentur, & deinceps deferrentur ad Pastorem, ab eo per peccatoris abscissionem punienda. Quapropter Conclusio tota duobus verbis in hunc modum probari potest: Tam ad minus peccat, qui cum potest, non avertit spirituale proximi malum etiam leve, quam qui cum potest, non avertit damnum ejus temporale etiam leve: atqui peccat iste: ergo & ille.

Hæc Conclusio, quatenus peccata venialia correctionis fraternæ materiam facit, negatur a pluribus. Qui vero eam admittunt, docent simul neminem fere nisi admodum familiaris sit, aut ratione officii peculiarem proximi curam gerere debeat, teneri ad corrigendum de venialibus proximum. 1. quia emendatio singulis ferme passibus necessaria, perpetuam scrupulorum causam inveheret. 2. quia & gravem proximo molestiam facile procrearet, & exprobrandi potius, quam corrigendi animo fieri videretur. 3. demum quia in peccata graviora, qualia sunt murmur, indignatio, piorum derisio, indubie pertraheret. 4. quia, qui minima quæque vellicaret, intolerandum se faceret in societate civili, & omnis boni incapacem: unde nec coerceret a veniali, nec, data etiam occasione, a mortali. In his ergo casibus, satius est ut plurimum dissimulare, quam arguere; nisi, ut mox dixi, emendatio fiat vel a familiari amico, vel ab eo, qui bene novit indolem proximi, ejusque animum ad omne virtutis genus propensum esse. Ita Habertus. Aliquando tamen culpæ etiam leves sub pena gravis peccati corrigi & emendari debent, prout paulo ante dictum est.

CONCLUSIO. II. Peccata commissa & non emendata, sunt propria materia correctionis; ad quam etiam aliquatenus pertinent peccata proxime committenda.

Prob. 1. pars. Ad correptionem pertinet, ut qui persistit in peccato, ab

Grand. p.  
213.

ab eo statu revocetur, cum non aliter videtur revocandus, quam salutari monitione; ergo in hoc casu urget præceptum correctionis fraternæ; præsertim vero, ait Sylvius, si frater sit in periculo iterum peccandi.

Prob. 2. pars. Quia qui fratrem in proximo peccandi periculo possum non admoneret cum potest, peccaret mortaliter; utpote, qui non diligeret eum sicuti diligendus est: porro monitio tunc proximo debita revocari potest ad correctionem fraternam, ob suam cum ipsa connexionem; tamen alii cum Sylvio malint eam revocari ad eleemosynam quamdam spiritualem, eo quod, inquit, non sit proprie correctio, ubi non præcessit delictum, quod corrigatur.

Quæres, num corripiendus sit, qui nec in affectu peccati commissi persistit, nec in periculo relabendi; sed tamen nullam de peccato suo poenitentiam agit.

R. Hominem hunc, data opportunitate corripiendum esse, quia verum est & quod peccaverit, & quod permaneat peccator; ac proinde quod charitatis nostræ objectum esse debeat.

At, inquit, non magis teneor hominem hunc statim emendare, quam ipsum ad hoc teneatur: atqui homo ille non tenetur statim se sive per contritionem sive per confessionem emendare.

R. Omissa minore, quam negant insignes Theologi, neg. maj. 1. quia qui peccat, semper sibi ipsi præsens est, unde cum gratiæ auxilio respicere poterit, cum nolet cor suum obdurare: tu vero non semper habebis copiam ejus, nec semper corripere poteris, cum voles; & fieri poterit ut minime correptus pergat in peccato, qui salubriter & commode monitus resipuisse.

CONCLUSIO III. Qui ex culpabili sive facti, sive juris vel divini vel humani ignorantia male operatur, corrigi debet, si fructuose corrigi potest. Qui vero ex inculpata juris divini vel humani ignorantia jus idem transgreditur, corrigi aliquando debet, aliquando non.

Prob. 1. pars. Quia transgressio peccaminosa corrigi debet, cum utiliter corrigi potest: atqui transgressio procedens ex ignorantia culpabili facti vel juris, est peccaminosa, ut alibi probatum est: ergo eadem transgressio corripi debet, cum fructuose corrigi potest.

Imo si actio transgressoris in aliorum perniciem cedat, ut si quis ex ignorantia doceat hæreses, erit is etiam a privato homine corrigendus, tamen ejus conversio non speretur, modo tamen ejus reprehensio possit aliis prodesse. Pastores vero & alii, qui plebem ex officio docere tenentur, eos etiam docere debent, quos putant non emendandos; quia quæ sui sunt officii, adimplere debent *opportune & importune*. Hinc Ezech. 3. v. 18. & 19. Deus sanguinem animæ pereuntis requirit de manu Pastoris muti, ita ut ille solum innoxius sit, qui annuntiavit impio Dei judicia. Hinc etiam Paulus Act. 19. *Mundus sum*, inquit, *a sanguine omnium; non enim subterfugi quominus annuntiarem omne consilium Dei vobis*. Quæ in verba sic scribit S. Gregorius Hom. 11. in Ezech. *Si non annuntiasset, mundus a sanguine non esset*.

Ex quibus colliges eum etiam corrigi vel potius instrui debere, qui propter ignorantiam, quæcumque ea sit, versatur in proximo lethaliter peccandi periculo, si spes sit futurum ut monitio eidem profit. Quia sicut teneris, cum sine gravi incommodo potes, fratrem non solum a cor-

corporali morte, sed etiam ab imminente ejusdem periculo servare & tueri, sic & multo magis eum servare debes, ne in peccatum mortale incidat.

Prob. 2. pars. Ut quis corripi debeat, duo necessaria sunt, 1. ut speretur emendatio. 2. ut non timeantur majora mala: arqui hæc duo aliquando occurrunt, aliquando non, cum quis ex inculcata juris divini vel humani ignorantia operatur; ergo in his casibus aliquando omitti debet, aliquando admitti correctio fraterna. Hinc a simili, qui ex ignorantia facti contra legem divinam aut humanam agit, non semper est admonendus, cum prudenter judicari potest monitionem plus investuram mali, quam boni. Quapropter, ait Sylvius artic. 2. si quis matrimonium iniire velit cum aliqua, quam invincibiliter ignorat sibi consanguineam esse, vel affinem; qui impedimentum hoc cognovit, tacere debet, si majora ex sua revelatione mala jure & merito vereatur. Hac de causa Innocentius III. consultus de quibusdam invalido matrimonio junctis: *Dissimulare poteris*, ait cap. 6. *De consang. ut remaneant in culpa sic contracta, cum ex separatione grave videas scandalum imminere*. Quo fundamento nixus supra citatus Doctor Duacensis, negat mulierem, quæ sese viduam bona fide existimans, alteri nupsit, esse admonendam, si vel futurum sit ut non credat, ideoque divortium facere nolit; vel ex divortio majora sequi debeant mala.

Extra hos & similes casus, qui ex inculcata juris divini vel humani ad recte vivendum necessarij vel multum utilis ignorantia operatur, corrigi vel potius admoneri debet, si speretur fructus. 1. quia talis ignorantia per se grande est malum, & turpis error, quem ut vellemus a nobis removeri, sic & ab aliis remotum velle debemus. 2. quia, ut notat Suarez disp. 8. sect. 2. num. 6. ignorantia hæc magni damni causa esse potest, tum in bonis temporalibus, præsertim vero honore; tum in bonis spiritualibus; cum vulgo inducat scandalum, pravos habitus, imo & periculum postea peccandi formaliter; si nempe ignorantia ex invincibili fiat vincibilis, & jam non excuset a culpa. In hisce & aliis, quæ fingi facile possunt, circumstantiis, gravis est obligatio proximorum erudiendi, major tamen quibusdam in casibus quam in aliis, ut si ex ignorantia oriatur scandalum vel irreverentia Dei aut Religionis; item damnum tertii, cui non restituitur, quod suum est; ac denique æternæ damnationis periculum, ut si quis invincibiliter ignoret ea, quæ ad salutem necessaria sunt necessitate medij.

Duo hic addit Sylvius, 1. scilicet non teneri quempiam sub mortali ad admonendum eum, quem videt ex ignorantia inculpabili agere contra legem humanam, v. gr. omittere Sacrum die festo, vel si sit in sacris, Vesperarum recitationem. Quod verum esse putat, etiam si speretur fructus ex admonitione; nisi tamen, inquit, omisso, quæ sit ex ignorantia vel mera oblivione, nata sit parere scandalum, aut adverteretur reverentiæ Dei vel Religionis Christianæ, ut si quis nisi admoneatur, comesturus sit carnem die jejunii; vel in die festa serviliter laboraturus; vel Missam sine alba vel calula celebraturus.

2. In dubio an ignorantia proximi sit culpabilis, an inculpabilis, nullam esse sub mortali obligationem eum admonendi: quia licet dubium istud meliorem in partem interpretari, & judicare proximi ignorantiam esse inculpabilem.

Verum

Verum neutra hæc resolutio videtur mihi tuta. Non prior, quia omissio præcepti gravis, etsi involuntaria respectu illius, qui ex oblivione pura ipsum omittit, est tamen voluntaria respectus illius, qui eam ex charitate impedire potest, ideoque & debet; alioqui ne venialiter quidem peccaret, non impediendo, quod tamen negat Sylvius: ergo cum ad peccatum mortale sufficiant, & voluntarium & materiæ gravitas, hæc monitionis omissio non videtur a lethali peccato immunis.

Non posterior: si enim admonere debeam eum, quem mihi constat ex oblivione inculcata aliquam prætermittere officii sui partem, a fortiori tenebor admonere, si prudenter dubitem, an non ex culpabili negligentia idem officium omittat: quia quo majus est alieni peccati periculum, eo gravior instare videtur necessitas correctionis, quo proximus ab eodem peccato deterreatur.

### PUNCTUM TERTIUM.

*Quo tempore, & quibus sub conditionibus obliget præceptum correctionis fraternæ.*

**R** Evocandum est in mentem, quod pluries dictum fuit, nempe sub omni præcepto, quo præcipitur actus virtutis, latitare & involvi præceptum negativum, quo peccatum eidem virtuti oppositum prohibetur. His præmissis fit

CONCLUSIO I. Præceptum correctionis fraternæ negative sumptum obligat semper, & pro semper.

Prob. Præceptum correctionis negative sumptum prohibet ne verbis, signis, aut quomodocumque approbetur proximus cum peccat, puta cum detrahit, impudice loquitur, ultionis consilia efformat & pandit: atqui tale præceptum semper obligat, cum nunquam licitum sit malo applaudere, aut inique agentibus blandiri: ergo præceptum fraternæ correctionis hoc sensu sumptum obligat semper, & pro semper.

Imo non sufficit ut non applaudas malo, sed. necessum est insuper ut exteriori vultus compositione ostendas illud tibi non probari; secundum id Proverb. 25. v. 23. *Ventus aquilo dissipat pluvias, & facies tristis linguam detrahentem*; adde impudicam, blasphemam, impiam &c. Certe plerique detractionis & impudicitæ sermones non alio fine in familiaribus colloquiis proferuntur, quam ut oblectent; ergo nisi ostendas te eorum conscium & participem fieri nolle, causa es cur protrahantur; ergo saltem facie tristi & aliis displicentiæ signis, mala hæc dissipare debes, non secus ac *aquilo dissipat pluvias*; ergo præceptum correctionis fraternæ etiam affirmative sumptum, hoc aliquo sensu, & his in circumstantiis obligat semper, & pro semper.

Quia tamen correctio fraternæ sæpius sumitur pro salutari monitione, aliter quam huiusmodi signis expressa, & aliunde multa debent corrigi, quæ huiusmodi signis corrigi non potuerunt, ut si quis te absente peccaverit, vel iisdem signis sufficienter correpta non fuerunt, fit

CONCLUSIO II. Præceptum correctionis fraternæ hoc ultimo sensu acceptum, non obligat nisi sub certis conditionibus.

Prob. earumdem enumeratione. Prima est, ut corripiens sit moraliter

ter certus proximum vel jam peccasse & permanere in peccato; vel esse in proximo labendi aut relabendi periculo. Ratio est, quia actus imprudens, & temerarius non cadit sub præceptum: atqui correctio vel monitio de culpa incerta, regulariter loquendo, esset actus imprudens, & temerarius. Cum enim correptio pudorem ingerat, sitque onerosa, & odiosi quidpiam habeat, homo intempestive correptus iuste conquereretur de temerario corripientis iudicio, & de injuria sibi forte innocentem facta; ipsumque laceffens correctorem, ostenderet eum peccare contra id Eccli. 20. *Præquam interroges, non vituperes quemquam*, & Matth. 7. *Nolite judicare*.

Et vero in dubio utrinque æquali, potius præsumendum est pro justitia fratris, quam contra illam; quia *charitas non cogitat malum*. 1. Cor. 13. Ita accuratiores Theologi, Sylvius hic q. 33. art. 2. *Queritur* 6. P. Antoine, quibus consonat Habertus, addens quod si adessent conjecturæ admodum probabiles cum aliqua infamia, proximus licet non deberet absolute condemnari, & corrigi ut reus, deberet tamen admoneri, ut si quas dedisset suspicionis causas, amoveret.

Fatendum tamen cum eodem Doctore, hæc Superiores magis spectare, quam æquales, nisi vel familiares sint, vel proximus sit in proximo mortis periculo constitutus, nec adsit Pastor, qui illum commoneat. Regulariter enim nemo in alterius vitam, & mores inquirere tenetur; nisi Superior; secundum id Prov. 24. *Ne quæras impietatem in domo proximi, & ne vases requiem ejus*. Ut vero Superior teneatur inquirere, sufficit suspicio vel dubia cognitio; quia cum ex officio gregi suo invigilare teneatur, tenetur etiam malis dubiis occurrere. Ita communiter Casuistæ, ait citatus P. Antoine. Quod si reus merito præsumatur absque correctionis auxilio emendandus, ut præsumi potest de his, qui Deum vere timent, & peccato assueti non sunt, nulla erit correctionis necessitas, quia hæc spiritualis elemosinæ species, nonnisi in indigentia seu necessitate proximi locum habet.

Secunda conditio est, ut sit spes emendationis. Ratio est, quia ad actum inutilem nemo tenetur; desperato autem fine, jam inutilis est actus, qui ad finis affectionem eligitur tanquam medium.

Sed hic notandum cum Sylvio, non requiri spem certam emendationis, sed sufficere probabilem; modo etiam sit probabile correptionem non esse nocituram. Quapropter si dubites de fructu correctionis, & simul certior sis eam non esse obsuturam, teneris ipsam adhibere, tum quia adest materia correctionis, & ex ea nihil mali, sed boni aliquid, ipsa scilicet emendatio sperari potest; tum quia in spiritualibus illud observari potest, quod in corporeis; in his autem adhibetur remedium, de quo dubium est an sit profuturum, (cum nullum aliud adest certius) quando legitime præsumitur non esse obsuturum.

Quod si probabile quidem sit futurum ut correctio proficiat; sed probabilius vel æque probabile, quod nocitura sit, non erit *ordinarie* adhibenda. Tum quia correctio utpote charitatis actus tendit in bonum proximi: porro nullum apparet bonum, cum æque timeatur malum ac speratur bonum. Tum quia, ut mox dixi, animæ eodem fere modo tractari debent ac corpora: atqui corporibus non datur medicina, cum prudenter judicatur eam tam posse nocere, quam prodesse: ergo nec spiritualis medicina cuiquam donanda est, nisi sit *spes probabilis emendationis*.

Ergo,

*Hab. ibid.*

Anteius  
sup

Ergo, ait Habert, eos, quorum ingenium nobis ignotum est; non tamenur corrigere ob quodvis peccatum etiam mortale, ne potius fiant peiores quam corriganur.

Dixi, *ordinarie*, quia aliquando facienda est correctio, etiam si dubitetur num sit profutura, ut 1. si quis in proximo mortis periculo versetur, nec praeſto addit alius, qui ipsum corripiat. Ratio est, quia si in hoc casu acquiescat correptus, ab aeterna morte liberabitur; si vero non acquiescat, id solum incurrit mali, ut paulo gravius damnetur, qui jam ob praecedentia delicta damnandus erat: quod malum, ait Sylvius, non adeo magnum est si comparetur ad beneficium, quod expectari potest. 2. si quis in familiari congressu, contra fidem vel bonos mores, aut bonum tertii vel Reipublicae quidpiam efferat, unde inficiantur astantes, corripiendus erit, quamvis deterius futurus, modo sperari possit correctionem aliis profuturam. Eadem de causa corripiendi sunt blasphemii, licet non sperentur emendandi: modò, ait Sylvius, id citra corripientis periculum, vel aliquod aliud malum fieri possit; quia ipsorum correctio ad Dei honorem quadantenus restaurandum directe ordinatur.

De cætero hic observandum; correctionem omitteendam non esse propter aliquam delinquentis tristitiam, iramve cum levi aliqua culpa, si tandem speretur emendatio; quia hæc & præter intentionem accidunt, & ad impediendum majus malum permitti possunt. Docet etiam Augustinus Epist. 210. alias 87. correctionem fieri debere, si decursu temporis, licet non statim, speretur fructus: atque id in mente Sylvii verum est, etiam si is, qui corripitur, ista occasione futurus sit deterius, modo tamen peccatum, quod hic & nunc commissurus prævidetur, notabiliter non adveniat vel honori Dei ut blasphemia; vel bono proximi ut homicidium; modo etiam longe certius sit eum, qui corripitur, lapsum temporis meliorem ad frugem reversurum esse, quam econtra. Vid. Sylvium art. 6. in fine.

Tertia conditio est, ut correctio sit peccanti necessaria. Correctio enim, ait S. Thomas hic artic. 2. *hoc modo cadit sub præcepto, secundum quod est necessaria ad istum finem*: unde si probabile sit vel proximum sua sponte emendatum iri; vel corrigendum esse ab alio magis idoneo, aut qui ratione ætatis, dignitativse sit Superior, non teneris ad corrigendum; nisi tamen ille magis idoneus, bene an male, nolit corrigere: tunc enim teneris hoc in casu spirituales elemosynas impendere; sicut & in eodem corporalem largiri deberes, si alius ditior te eam erogare noller. His tamen in casibus modeste & prudenter agendum est cum delinquente, ut non tam videatur correptus; quam amice obsecratus.

Quarta conditio est, ut correctio opportuno tempore fiat, cum nempe ex ea fructus probabiliter sperari potest: sicut enim nocet corpori medicina, quæ nulla habita temporis ratione porrigitur, sic & mentem ulcerat correctio intempestive oblata. Unde Sanct. Thomas hic artic. 2. *Actus virtutum*, inquit, *non quolibet modo fieri debent, sed observatis debitis circumstantiis, quæ requiruntur ad hoc, quod sit actus virtuosus, ut scilicet fiat ubi debet, & quando debet, & secundum quod debet*. Videant ergo, qui zelo zelati sunt legem Dei, ne fervore suo precipitanter abrepti, id inutiliter aut periculose, statim & quam-

primum

primum corrigere velint , quod utiliter post aliquot dies , pacatis jam animis , corrigerent .

Cæterum , qui opportunam fratris emendandi occasionem sponte , sciensque , & volens elabi finit , peccat mortaliter . Si vero , ait Sylvius , ex naturali oblivione , inadvertentia , vel tepiditate correctionem omittit , peccat solum venialiter ; modo ita sit affectus , quod si ei constaret fratrem admonitione sua a peccato retrahi posse , non eam prætermitteret . Verum hæc Sylvii doctrina habet nescio quid minus accurati : oblivio enim , & inadvertentia naturalis communiter excusant a toto ; tepiditas vero , quæ annexam habet negligentiam aliquando gravem , non potest eatenus excusare a mortali .

Aliam alii conditionem requirunt cum P. Henno , nimirum ut correctio fraterna fieri possit citra grave incommodum . Verum conditio hæc expositione indiget ; unde quatuor cum Sylvio statuenda sunt .

1. Itaque cum peccator est in gravi necessitate spiritali , a qua per correptionem liberari potest , quilibet eum corripere tenetur cum aliquo boni sui temporalis detrimento : qui enim nullam rei suæ temporalis jacturam pati vellet pro fratris salute , minus salutem ejus diligeret , quam diligenda sit .

2. In simili necessitate Pastores , & alii , quibus ex officio incumbit cura salutis proximorum , eos etiam cum vitæ suæ periculo corripere tenentur , quia debent parati esse animam pro ovibus suis ponere .

3. In extrema spiritali necessitate , quilibet delinquentem corripere tenetur , non obstante vitæ periculo . Ita S. Thomas in 3. dist. 29. art. 8. q. 2. ad 3. his verbis : *Cum scimus fratrem posse liberari per mortem corporis a morte animæ , sine periculo animæ nostræ ; tunc tradere animam pro fratribus non est perfectionis , sed necessitatis* , quia nimirum quilibet magis animam proximi , quam corpus suum diligere tenetur , quod maxime locum habet in necessitate extrema . Idipsum fusc docet S. August. lib. 1. de Civit. Dei cap. 9. quem consule .

4. Extra necessitatem extremam non tenentur privati peccatorem corripere , cum notabili honoris , bonorumve temporalium , & a fortiori cum vitæ ipsius detrimento . Ita Dom. Soto , Bannes , Malderus , Navarrus Man. c. 24. num. 12. tum quia alioqui eadem esset privatorum obligatio , quæ Pastorum , quod nemo dixerit ; tum quia salus proximi tunc tantum vitæ nostræ necessario præferenda est , cum & in extrema necessitate versatur , & ei aliter succurri non potest .

Ex his conditionibus colligit citatus Henno , privatum hominem satis raro teneri ad correptionem fraternam , saltem sub gravi culpa ; quia , inquit , raro omnes illæ conditiones simul reperiuntur . Hæc tamen doctrina præcise sumpta , impositum a Deo *unicuique* correptionis mandatum labetactare videtur . Melius ergo dixeris hominem etiam privatum , licet rarius alios redarguere teneatur , quam Superior , qui eorum curam gerit , ad id tamen satis frequenter teneri . Et quidem 1. semper redarguere debet exhibendo faciem tristem , ut antea dixi . 2. cum pleraque exteriora peccata vel in contumeliam Dei cedant , ut blasphemiz , vel in malum proximi , ut calumnia , detractio , sermones bonis moribus contrarii ; nemo est , qui in hisce casibus frequentem correctionis materiam non animadvertat , cum ex dictis , qui hæc admittunt peccata , corrigi debeant , quoties sine corripientis , & correpti periculo corripri possunt .

## PUNCTUM QUARTUM.

*Quis servandus ordo in correctione fraterna.*

**C**ONCLUSIO. Ordo a Christo Matth. 18. præscriptus obligat sub gravi culpa, nisi aliud prudentia dictaverit.

Prob. 1. quia Christus eodem modo loquitur de ordine servando in executione præcepti correctionis, ac de ejusdem substantia, ut patet ex his verbis: *Si peccaverit in te frater tuus, vade & corripe eum: si te non audierit, adhibe tecum adhuc unum vel duos: quod si non audierit eos, dic Ecclesie*; atqui substantia præcepti correctionis obligat sub gravi culpa, ut supra ostendimus: ergo & ordo præscriptus sub eadem culpa obligat.

Prob. 2. Lex naturæ præcipit, ut; quantum fieri potest, consulamus famæ proximi: ergo si sufficit secreta monitio, non licet adhibere testes; si sufficit unus, non licet duos adhibere; si duo satis sint, non est deferendum crimen ad tribunal Superioris, ubi res non ita tractari possunt, quin inde sequatur delinquentis infamia.

Dixi: *nisi aliud dictaverit prudentia*; cum enim præceptum correctionis sit affirmativum, non obligat pro omni tempore, & loco, sed juxta charitatis, & prudentiæ dictamen: unde in ejus, sicut & in aliorum plerorumque executione, magis attendenda est Domini intentio, quam verba. Fuit autem, & esse debuit hæc Christi intentio, ut peccantem fratrem eo, quo fieri posset, suaviori modo coaceremus; ubi vero mansuetudinis viam inutilem esse prudenter judicemus, via paulo duriori uteremur, sive statim redarguendo coram testibus, sive omisso testium medio, recurrendo ad judicem. Quapropter ex omnium consensu prædictus ordo non obligat.

1. Quando crimen est publicum. Ita docet Apostolus cum ait 1. ad Timoth. c. 5. *Peccantes, manifestos scilicet, coram omnibus argue, ut & ceteri timorem habeant*. Quæ verba expendens Augustinus Serm. 82. alias 16. de verb. Domin. sic scribit: *ipsa corripienda sunt coram omnibus, quæ peccantur coram omnibus; ipsa corripienda sunt secretius, quæ peccantur secretius*. Ratio autem, cur crimen tunc publice corripiendum sit, hæc est S. Thomæ quæst. 33. art. 7. *Quia tunc non est tantum addibendum remedium ei, qui peccavit, ut rector fiat, sed etiam aliis in quorum notitiam devenit, ut non scandalizentur*: unde cum scandalo huic nemo possit melius mederi, quam Superior, palam est crimen publicum ad eundem pleno ductu esse deferendum. Et vero delinquens de hac immediata criminis sui ad Superiorem denuntiatione conquiri non potest, quandoquidem nulla est ratio servandi famam illius, qui per criminis sui publicitatem supponitur infamatus esse.

*Vid. TraB.  
de Censur.  
part. 1. c. 5.*

Hic tria observanda. 1. crimen non censi publicum, etiamsi possit probari in judicio, (cum a duobus solum probari possit) sed requiri, ut a majori vicinæ vel communitatis parte cognoscatur. 2. *Si crimen nondum in publicum devenit, sed est in via deveniendi, tunc etiam denuntiandum esse, ut scandalo futuro occurratur*. Ita S. Thomas in 4. distinct. 19. quæst. 2. artic. 3. ad 2. 3. non omne crimen publicum esse necessario deferendum ad Superiorem, Si enim privata monitione corrigi possit, hæc



hæc sola adhibenda erit, ut nimirum peccantis fama apud Prælatum, & alios nescientes conservetur. Si tamen datum a delincente scandalum sola ejus correctione non reparatur; item si Superior denuntiationem exigit, commissum scelus ei denuntiandum erit; quia in primo casu correctio tui malo non medetur: in secundo autem læditur jus, quod habet Superior, inquirendi, & judicandi de publicis. Ita Sylvius hic.

*Sylv. ibid.*

2. Neque etiam obligat ordo a Christo præscriptus, cum crimen est occultum vergit in grave aliorum detrimentum spirituale vel corporale; ut si quis artem magicam aut veneficam exerceat, moneras adulteret, civitatis proditionem, & bonorum proximi furtum vel ruinam meditetur; errores contra fidem disseminet; in confessione sollicitet ad turpia, & non constet eum per secretam monitionem impeditum iri. Ratio est, quia cum mora denuntiationis est periculosa, non oportet expectare admonitionem, sed statim procedere ad denuntiationem, ut ait Sanct. Thomas in qq. disput. de correct. fraterna artic. 2. ad 10. Porro in casibus mox allatis periculosa est mora; cum & vicinam perniciem proximo inferre soleat; & qui privatim monentur, hoc unum ex secreta illa monitione reportare consueverint, ut deinceps cautius se gerant, ac proinde securiori ictu proximum vulnerent. Et verò, ut optime S. Thomas quodlib. 11. quest. 10. art. 1. *Oportet ordine fraternæ correctionis sumere secundum ordinem charitatis; ordo autem charitatis est, ut quis privato bono proximi præferat commune bonum*; ergo innocenti consulendum est etiam cum infamia nocentis, quando eidem aliter consuli non potest.

Sed hic nota cum Sylvio, rarissime contingere ut possis quis prudenter arbitrari secretam suam monitionem Hæretico profuturam esse. Hæretici enim, ut bene monet S. Leo Sermon. 5. de jejun. decimi mensis: *humiliter irrepunt, blande capiunt, molliter ligant, latenter occidunt*; ac proinde sine dilatione coercendi sunt; & quidem efficaciter; quod fieri nequit, nisi ad Superiores deferantur. Et quomodo sperare potest privatus homo, se iis esse profuturum, qui Ecclesiam ipsam contemnunt, & qui eo peccati genere peccati, cui essentialiter annexa est pertinacia, amor sui, & serox cæterorum contemptus? Addit idem Doctor, Clerico denuntianti crimen, cujus auctor morte plectetur, nihil ab irregularitate timendum esse. Sed de his alibi dictum est.

3. Non obligat etiam, cum merito judicatur nec nostram, nec aliorum privatorum admonitionem profuturam esse, ut prodesse non solet iis, qui ex habitu, & contemptu, atque quasi per risum operantur scelus: tunc enim opus est potentiori remedio, ac proinde peccatum denunciandum est Superiori, sive ut singulari personæ, quæ tenet locum testis, & quæ magis, quam alii proficere valet; sive etiam ut personæ publicæ, quæ monitionibus minas, minis poenas adungere potest. Ratio est, quia tunc alia quæcumque correctio inutilis esset, aut saltem cum multo minori delinquentis utilitate adhiberetur. En quod ea de re præscripsit S. Thomas quodlib. 11. quest. 10. art. 11. *Si ego scio, inquit, quod frater per me corrigetur, tunc non debeo hoc denunciare Prælato: si autem videtur, quod hoc melius fiat per Prælatum, & Prælatus sit nihilominus pius, & discretus, & spiritualis, non habens rancorem seu odium adversus illum subditum, tunc licite potest hoc denunciari ipsi: & tunc non dicit Ecclesie, quia non dicit ei sicut Prælato, sed sicut personæ proficienti ad correctionem proximi, & emendam. Sed quia propter diversas*

*Prov. 10.*

conditiones Prælatorum, & subditorum non potest in hoc dari generale iudicium, quia aliquando vel Prælati movetur ad odium adversus subditum; vel subditi non bene ferret verba Prælati, ideo tenendum est hoc pro regula, quod in omnibus istis semper servanda est charitas, & quod melius, & magis expedire videtur.

4. Cum alter satisfactionem tibi debitam denegat, tunc ad Superiorem recurrere potes; quia uteris jure tuo.

5. Immediate etiam Superiori denunciari potest, qui cessit jure, quod habebat ut privatim moneretur. Ut enim docet S. Thomas hic artic. 1. ad 1. *In arbitrio uniuscujusque est pati detrimentum famæ suæ* (prout sæpius fecerunt Sancti) nisi id vergat in aliorum detrimentum. Idque pro præsentī materia in usu est apud Patres Societatis Jesu, apud quos speciali Constitutione, quam alii ab Apostolica Sede approbatam fuisse dicunt cum Alphonso Rodriguez 3. p. tractat. 8. cap. 6. alii vero negant cum Julio Clemente Scoto, erudito ejusdem Societatis alumno, statutum est ut omnes errores defectusque subditorum immediate ad Superiorem deferantur. Errant tamen, ut fuscè ostendit Ethica amoris lib. 4. cap. 39. qui contendunt Religiosam Professionem esse ex se cessionem juris ad propriam famam, adeo ut cujuscumque Religiosi culpa immediate, & absque prævia correctione fraterna possit ad Superiorem deferri. Imo ait S. Thomas hic artic. 7. *Si Prælati expresse præciperet contra ordinem a Domino institutum*, ut sibi immediate denuntiarentur inferiorum culpæ, & ipse peccaret præcipiens, & ei obediens, quasi contra præceptum Domini agens. Certe institutum a Christo correctionis ordinem a suis servari voluit S. Benedictus, Regulæ cap. 23. Idem ordo viget apud Dominicanos ut docet Prado, apud Minores ut refert Portel, apud Carmelitas ut probant Salmanticenses Tract. 21. cap. 7. num. 80.

Occasione correctionis fraternæ agunt aliqui de Confessariis, qui pœnitentiæ sacramento abutentes, ad turpia pœnitentes suos vel suas sollicitant, sive ante confessionem, vel post immediate, seu occasione vel prætextu confessionis, etiam ipsa confessione non secuta; sive extra occasionem confessionis in Confessionario; aut in loco quocumque ubi confessiones sacramentales audiantur, seu ad confessionem audiendam electo, simulantes ibidem confessiones audire; quique ex Bulla Universi a Gregorio XV. emissâ die 30. Augusti an. 1622. ab ipsis pœnitentibus denunciandi sunt, &, ut denuntient, ab aliis Confessariis admonendi. Sed magna hic opus est cautio, ne vel pœnitens propriæ suæ fragilitatis suspicionem ingerat, vel confessio reddatur odiosa, vel eximie virtutis Confessarii eadem de causa in sollicitatores tradantur, propter quam Joseph in vincula conclusus fuit. Consulantur ea de re Libri duo\* ad calcem paginæ citati.

SE-

Vid. Sal.  
mantic.  
ubi infra  
n. 85. &c.

\* *Traité historique, dogmatique du secret inviolable de la Confession* .... par M. l'Anglais du Désny. Mémoires Chronologiques; & Dogmatiques, tom. 1. pag. 324.

## S E C T I O S E P T I M A.

*De peccatis charitati oppositis.*

**O**Mnia quidem peccata charitati hoc sensu adversantur, quod eandem destruant vel formaliter si mortalia sint, vel dispositive, si venialia. Quia tamen charitas Deum habet pro objecto primario, & proximum pro secundario, manifestum est ea peccata præcipue eidem adversari, quæ Deum vel proximum impugnant. Hæc autem decem recensentur a S. Thoma, odium scilicet, quod amor; tristitia, seu ut loquitur S. Doctor, accedia, quæ gaudio de bono Dei; invidia, quæ gaudio de bono proximi; discordia, contentio, schisma, & bellum injustum, rixa, seditio, quæ paci charitatis, & scandalum, quod correctioni fraternæ adversatur. Ab isto, utpote quod plures in praxi difficultates habeat, exordium ducemus.

Q. 34. a2  
A. 44.

## PUNCTUM PRIMUM.

*De scandalo.**S. I. Quid, & quotuplex scandalum:*

**S**candalum græce, idem est juxta plures, ac latine offendiculum in via positum, ad quod viator incaute offendens prolabitur: unde scandalum nomen e physico translatum ad mores significat id omne, quod proximo præbere potest animum spiritualiter cadendi. Quapropter merito definitur scandalum: *dictum vel factum minus rectum præbens occasionem ruinæ spiritualis.*

v. Grand.  
p. 201.

S. Thom.  
hæc q. 43.  
art. 1.

Dicitur 1. *dictum vel factum*, quia omnis, & sola actio externa ruinæ spiritualis occasio esse potest. Porro hic, sicut in definitione peccati, sub dicto & facto intelliguntur negationes oppositæ, quia affirmatio & negatio ad idem genus reducuntur, ut docet Sanctus Thomas 1. 2. quæst. 71. art. 6. ad 1. unde dixisse aut fecisse centerur, qui siluit vel omisit, cum loquendum erat vel agendum. Sicut ergo scandalum est, qui detrahit, aut injuste verberat; sic & qui Missam, Horas, elemosinæ erogationem omittit.

Dicitur 2. *minus rectum*, quia scandalum oritur non solum ex actione per se mala, sed & ex ea etiam, quæ speciem habet mali. Sic qui dispensatus carnes comedit die veneris, coram aliis, qui dispensationem ignorant, eos æque ad peccandum inducit, ac si reipsa peccaret. Sic etiam scandalum est Clericus, qui licet castimoniam servet illibate, apud se tamen puellam retinet; quia factum ejus speciem habet mali. Contra vero fieri potest ut fornicarius, qui sub specie negotii necessarii mulieris domum frequenter ingreditur, neminem scandalizet propter rationem oppositam.

Dicitur 3. *præbens occasionem ruinæ*; tum quia scandalum per se est occasio, non causa lapsus alieni, cum voluntas a nullo extrinseco tanquam a causa proprie dicta ad peccatum trahi possit; tum quia ad scandalum necesse non est, ut ruina proximi actu sequatur, satis

*Tournely Theol. Moral. Tom. III.*

X 3

est

est, ut eidem detur ruinæ occasio. Ita Sylvius hic art. 1. & Salmanticenses ibid. n. 50.

Scandalum dividitur in *activum*, & *passivum*.

Activum est illud, quod mox definitum est, & subdividitur in *formale* seu *directum*; & *interpretativum*, seu *indirectum*.

Scandalum activum directum, est dictum vel factum, quo expresse intenditur ruina spiritualis proximi, sive hæc ruina intendatur in genere moris, & quatenus est peccatum; (prout ei contigit, qui inimicum scilicet reconciliatione deceptum; inebriavit, & jam non minus peccati reum pugione confecit, cum hac immanitatis voce: *Volo ut mei in inferno per totam aeternitatem memineris*; ) quod rarum est, & diabolicum; sive quod multo frequentius est, intendatur solum propter utilitatem aut delectationem, ut cum quis puellam sollicitat ad crimina.

Scandalum vero activum indirectum est, cum quis non intendens ruinam proximi, nonnulla dicit aut facit in sui ipsius commodum aut oblectationem, quæ aliis sunt occasio peccandi.

Scandalum passivum est ruina spiritualis proximi orta ex dicto vel facto alterius: & hoc quidem scandalum subdividitur in *acceptum quia datum*, & *acceptum licet non datum*.

Scandalum acceptum simul, & datum, est proximi ruina spiritualis orta ex alterius dicto vel facto, quod reipsa natum est ad malum impellere.

Scandalum simpliciter acceptum, est ruina spiritualis, ex propria malitia vel infirmitate orta, occasione dicti vel facti recti aut indifferentis, quod proinde non debuit peccati occasionem dare. Hinc

Scandalum iterum duplex distingui solet, aliud *pharisaicum*, aliud *pussillorum*, seu *infirmorum*. Prius nascitur ex mera accipienis malitia; & tale fuit scandalum Judæorum, qui ex bonis Christi, & Apostolorum operibus, propriæ ruinæ occasionem sumpserunt. Posterius nascitur ex propria scandalizati ignorantia vel infirmitate.

Scandalum Phariseorum semper est acceptum non datum, unde condemnari debet. Quapropter cum dictum esset Christo Matth. 15. *Scis; quia Pharisei audito hoc verbo scandalizati sunt?* respondit Salvator: *Sinite illos; cæci sunt*; id est ne habeatis rationem eorum scandali, quia oritur ex malitia eos excæcante. Hinc Sanctus Gregorius Homil. 7. in Ezech. *Utilius, inquit, nasci permittitur scandalum, quam quod veritas relinquitur*. Et vero iusti a Deo constitui sunt tanquam luminaria in medio nationis perverse, ut nempe eidem bonis suis operibus præluceant, & corrupta mundi opera vel tacite factis contrariis, vel verbis expresse redarguant: atqui munus hoc implere iusti non possent, si habenda esset scandali pharisaici ratio: virtutis enim exercitium, iis qui mali sunt, est petra offensionis, & veritas redarguens, odium parere solet: ergo negligi debet scandalum pharisaicum, licet aliquando ad tempus abscondi debeat veritas, quam infirmi non patiuntur, sicut aliquando in tempus magis opportunum differri debet correctio fraterna, prout supra ostensum est.

At vero pussillorum scandalum summopere caveri debet. Quapropter dicta nostra & facta, quantumvis recta, sic temperari debent, ut inimicis non sint occasio ruinæ, quia aliqui habent malitiam scandalizati,

dati ; quod , regulariter loquendo , nonnisi erga puillos seu infirmos ca-  
veri debet , ut ex dicendis patebit .

*§. II. An scandalum sit peccatum, et quale .*

Certum est 1. scandalum passivum esse peccatum , idque ex simplici  
ejus definitione colligitur .

Certum est 2. idem scandalum non esse peccatum speciale ; cum sume-  
re occasionem peccandi ex alterius dictis vel factis , speciale non habeat  
deformatam , nec proinde speciale peccatum constituere possit , ut docet  
S. Thomas hic art. 2.

Tota ergo difficultas est de scandalo activo , de quo quædam sunt certa,  
quædam apud Theologos controversa . Constat enim apud omnes illud  
scandalum , quo directe intenditur ruina vel lapsus proximi , esse speciale  
peccatum , mortale aut veniale juxta gravitatem aut levitatem ruinæ ,  
quæ intenditur ; unde tunc confiteri teneris , non id solum , quod dixisti  
aut fecisti , sed & illud etiam peccatum , ad quod proximum inducere  
conatus es , sive ille peccaverit , sive non . Quod inductio ad malum ,  
quæ scandalo perficitur , peccatum includat , patet . Si enim contra chari-  
tatem proximorum saluti debitam peccat , qui non corripit errantem , a  
fortiori peccat , qui ad errorem inducit . Rursum non minus evidens est , quod  
eamdem inductio duplicem habeat malitiam in confessione exprimendam .  
Nam 1. repugnat charitati Deo & proximo debitæ , quæ vetat ne Dei  
offensam , & spirituale proximi malum ullo modo procuremus . 2. adver-  
satur virtuti , quam impugnatur opus malum ad quod sollicitatur proximus  
castitati , v. g. si ad impudicitiam , temperanti si ad ebrietatem provocet .  
Castitas enim , & alia quælibet virtus duo præcipit , unum directe , scili-  
cet ut eliciantur actus sui ; aliud indirecte , ut absterneatur a procuranda  
ejusdem virtutis violatione a proximo .

Quod putat Vasq. in 1. disp. 102. cap. 3. eum mortaliter peccare qui  
aliud inducit ad veniale cum expressa intentione illius ruinæ spiritualis ,  
rejecit a pluribus aliis , quia sicut venialiter solum peccat , qui sciens &  
volens ponit actionem , cui ruinam suam venialem , si ita loqui fas est ,  
annexam videt ; ita & ille , qui aliud ad eandem impellit .

Ex his patet 1. duplicis vel potius triplicis esse reum peccati eum ,  
qui seminam inducit ad fornicationem ; propriæ nempe fornicationis ,  
alienæ , & scandalis : atque id verum est etiam si mulier in habituali com-  
mittendi criminis voluntate esset ; de facto enim hic & nunc sine indu-  
ctione tua peccatum non commisisset , saltem exterius . 2. in consilio ma-  
lo , furandi v. g. duplicem esse malitiam , aliam furti , quod consultur ,  
aliam ex defectu charitatis , cum sis causa ruinæ proximi . 3. poeniten-  
tem , qui alium vel laudat de peccato , quod commisit , vel vituperat ,  
quod non commiserit , teneri ad explicandam speciem peccati , circa  
quod fuit laus vel vituperium : eæ enim laudes vel vituperia specifi-  
cantur ab objecto , circa quod versantur , peccato scilicet , cum sint  
causa , cur vel pecces , vel si jam peccasti , in peccato tuo tibi compla-  
ceas . 4. nunquam licitum esse petere ab alio , ut eidem suadere id ,  
quod ipse sine culpa exequi non potest : est enim hæc vera ad pecca-  
tum

tum indoctio. 5. curandum igitur Confessariis ut inquirent a pœnitentibus utrinque sexus, qui peccata fornicationis, adulterii & similia commiserunt, an sollicitaverint, vel sollicitati fuerint; quia alioqui non satis intelligitur circumstantia scandalii.

His præmissis, jam quæritur an ea, quæ mox dicta sunt de scandalo directo, convenient & scandalo indirecto seu interpretativo; ac proinde an scandalum interpretativum sit grave, & speciale peccatum. Qua de re sit

CONCLUSIO. Scandalum, etiam sine intentione expressa alium inducendi ad peccatum, est peccatum ex natura sua mortale, & speciale charitati oppositum; unde ad scandalum proprie dictum sufficit intentio interpretativa. Ita SS. Thomas, & Antoninus, Navarrus, Suarez, Valentia, & alii passim contra Cajetanum.

Prob. 1. pars, 1. ex Scriptura. Matth. 18. ... *Qui scandalizaverit unum de pusillis istis, qui in me credunt, expedit ei ut suspendatur mola asinaria in collo ejus, & demergatur in profundum maris. Pa mundo a scandalis; necesse est enim ut veniant scandala: verumtamen vobis homini illi, per quem scandalum venit.* Unde sic: Scandalum de quo agitur in hoc textu, grave est peccatum, ut patet ex gravi pœna, quam ei Christus comminatur: atqui scandalum, de quo ibidem agitur, est præcipue scandalum indirectum. Nam scandalum de quo loquitur Christus, illud est, quod passim ante oculos observatur; quodque quasi necessario propinatur habita ratione perversitatis hujus mundi: atqui hæc nonnisi scandalum indirecto conveniunt. Si enim impossibile est, ut non videantur & audiantur illicita multa, quæ continua sunt peccandi occasio: at non impossibile est, ut vitentur, qui nos ad malum directe consiliis, aut suasionibus inducant: ergo cum scandalum, de quo loquitur Christus, sit frequens, obvium, & vitari difficile, oportet scandalum illud non esse directum, sed interpretativum.

Confirmatur ex Apostolo, qui pluribus in locis, præsertim vero cap. 8. Epist. 1. ad Corinth. acriter invehit in Fideles, qui persuasi idolis nihil esse, palam ac aperte vesciebantur idolothytis; eaque sua agendi ratione scandalizabant infirmos, qui ex erronea conscientia opinabantur illicitum esse vesci idolothytis. Ergo, inquiebat gentium Doctor, peribit infirmus in tua scientia, frater, propter quem Christus mortuus est. Sic autem peccantes in fratres, & percutientes conscientiam eorum infirmam, & in Christum peccatis. Unde sic: Scandalum, de quo hic loquitur Paulus, erat prorsus indirectum, cum oriretur a viris, qui hac sua libertate id unum intendebant, ut Religionem suam testatam facerent in idolorum contemptum: atqui tamen scandalum illud vel grave erat peccatum, vel proximum gravi peccato: ergo merito dixit S. Chrysostomus Homil. 21. in 1. ad Corinth. quod scandalizare, seu offensionem dare, sit quovis vulnere gravius. Hinc auctor egregii Operis de singularitate Clericorum, omnimode insurgit in Clericos, qui Religiosas mulieres charitatis prætextu suis in domibus alebant, & propriæ, ut dici solet, conscientię testimonio contenti, malas vulgi suspiciones, murmura, & scandala contemnebant: Pudicitia bonum, inquit, frustra intrinsecus laborioso agone custodit, quod forinsecus efficit infamari ... Pejus est, quam macbari, continentiam ducere criminisam, & infamem ferre sanctorum.

Prob.

Prob. 2. ratione . Intentio interpretativa ea est , qua quis prævidet , aut prævidere potest , proximum ex dicto vel facto suo minus recto , expositum iri periculo ruinæ spiritualis : atqui talis intentio sufficit ad peccatum . Nam 1. hæc intentio sufficeret ad homicidium corporale ; ergo & ad spirituale sufficit ; 2. peccat , qui delinquentem fratrem non corripit ; ergo & amplius peccare debet , qui non solum non amovet , sed & ante alium ponit id , quod potest & debet prævidere eidem futurum esse peccandi occasionem . 3. qui libere facit id , quocum cognoscitur aut cognosci potest conjunctum esse alterius peccatum , aut peccandi periculum , ejusdem peccati auctor merito existimatur : atqui id facit quisquis etiam indirecte scandalosus est : ergo .

Hinc colliges eum , qui peccat coram iis , quos nec prævidet nec prævidere potest , exemplo suo ad peccatum esse alliciendos , puta , qui blasphematur coram Religiosis , esse quidem reum blasphemæ , sed non scandali . Perfecti enim , ut ante S. Thomam hic art. 3. & 6. docuit Hieronymus Humil. in c. 18. S. Marth. *scandala non recipiunt* ; imo ex conspectu prævaricantium ad detestationem peccati , & Dei amorem inflammantur , secundum id Psalmi 18. *Vidi prævaricantes & tabescebam* ; unde ibidem dicitur : *Pax multa diligentibus legem tuam , & non est illis scandalum* . Aliud est igitur mirari aut indignari de peccato alterius , aliud de eo scandalizari . Prius convenit sanctis , posterius regulariter loquendo , non item .

Dixi scandalum etiam indirecte datum , esse peccatum ex genere suo mortale , quia aliquando veniale est , cum nempe est occasio culpæ solum venialis .

Sed hic quædam notanda , 1. scandalum , quod est occasio culpæ venialis , futurum mortale , si hæc culpa in grave proximi detrimentum vergat : causa de causa , ut supra dixi , mortaliter peccat Superior , qui culpas etiam veniales inferiorum non corripit , cum ex iis gravis sequi potest disciplinæ subversio .

2. Ut actio sit lethaliter mala in genere scandali , necessum non esse ut , qui eam videt , peccet de facto ; sed satis esse ut possit & debeat , prævideri expositus peccandi periculo : unde dari potest scandalum activum sine passivo , sicut in Phariseis fuit passivum sine activo .

3. Peccatum , quod grave est in se , aliquando leve esse in ratione scandali ; & e contra . Sic qui gravem viro sancto , quem scit inde non nisi leviter commovendum , alapam infligit , graviter peccat in ratione injuriæ , & leviter in ratione scandali ; contra vero mulier , quæ secundum morem loci osculatur hominem , quem inde impuris cum delectatione moribus agendum esse prævidet , graviter peccat in ratione scandali , non item in ratione propriæ libidinis .

Ex prima Conclusionis parte sequitur verum esse , quod docent Erthica amoris tom. 2. lib. 9. numer. 1397. & P. Antoine in Tractatu de Justitia , eos nimirum , qui solo exemplo moverunt ad inferendum proximo damnum , si hoc præviderint , aut probabiliter prævidere potuerint , teneri ad restitutionem in defectum eorum , qui damnum intulere ; quia multo potentius exemplo cooperamur , quam verbis : unde id Leg. 30. ff. ad Legem Aquiliam : *Qui occasionem præstat , dampnum fecisse videtur* .

Prob.

Prob. 2. pars. Illud peccatum est speciale, quod pugnat contra specialem virtutem: atqui scandalum indirecte datum pugnat contra specialem virtutem, charitatis scilicet, qua proximum sicut nos diligere tenemur, ac proinde malum ejus avertere, & bonum procurare; ergo scandalum est peccatum speciale, & consequenter in confessione explicandum, cum deinde sit circumstantias, quæ speciem peccati mutant, esse explicandas, ut definit Tridentinum Sess. 14. Can. 7.

Quin &, ut bene notant Salmanticenses c. 8. n. 55. ii etiam, qui negant scandalum indirectum esse peccatum speciale, fatentur illud exponendum esse in confessione, quia est causa cur committatur peccatum numero distinctum: unde qui fornicando, vel furando, peccati sui testes ad similia peccata inducit, non suæ solum fornicationis reus est, sed & alienæ, etiamsi eam directe non intenderit, imo etiamsi de ea summo-pere doleat, ut si commissæ sit cum filia suâ.

Ex his innumera infiniti momenti corollaria erui possunt; hæc e pluribus seligo.

1. Itaque mortaliter contra charitatem, & castitatem peccant mulieres, & puellæ, quæ ornatus ad lasciviam provocantes gerunt, quæque scandalosas scapularum, pectoris, & uberum ex parte, nuditates exhibent, sicque, & Christianæ modestiæ leges violant, & pariunt scandalum infirmis, id est multo pluribus, quos ad complacentias, & desideria prava inducunt. Legatur ea de re S. Cyprianus in Lib. de disciplina, & habitu virginum. Nec obest quod hujusmodi personæ dicuntur solent, se nihil in eo intendere mali: præterquam enim ea est sexus vanitas, vel potius furor, ut amet amari, & placere, satis utique est, ad hoc ut graviter delinquant, ut actione de se id parere nata, grave ac perpetuum ruinæ, & lapsus periculum aliis subministrant.

2. Peccant in eodem genere, qui imagines, vel statuas nudas faciunt: aut palam exponunt, seu venales, seu in ornamentum domus: hæc enim non secus ac obscæni sermones trahunt ad peccatum.

3. Et ii qui turpes cantilenas, librosve amatorios typis exprimunt, recitant, scribunt, aliiſve legendos subministrant.

4. Qui vel tragœdias vindictam spirantes, vel comœdias obscænas, aut aliunde periculosas ratione factorum, vel gestuum, componunt vel agunt: ii enim pluribus dant occasionem ruinæ, etiamsi forte eam non intendunt.

5. Qui iisdem comœdiis interfunt, easque præsentia sua, & consensu approbant, & agentibus stipendium dando, actioni cooperantur: ii enim omnes mutua sibi invicem vulnera infligunt.

6. Qui alios conviciis, aut aliis vexationibus fatigando, eisdem inducunt ad blasphemiam, graves contumelias, aut imprecationes: & id: verum est tamen solo joculandi animo moveantur.

7. Eiusdem peccati conscia est puella, quæ ex mera vanitate, & sine animo amorem excitandi, se sine iusta causa conspiciendam præbet ei vel iis, a quo vel a quibus putat se male concupiscendam.

Ex quo inferes 1. actum venialem, vel ex objecto indifferentem, nonnumquam mortalem esse in ratione scandali, cum periculum est ne infirmi vel imperiti inde sumant occasionem mortaliter peccandi: unde Apostolus 1. Corinth. 8. v. 13. *Si esca, inquit, scandalizat fratrem meum, non manducabo carnem in æternum, ne fratrem meum scandalizem.* 2. numerum.



tum eorum, qui scandalo spiritualiter occisi sunt, in confessione aper-  
riendum esse, non secus ac numerum eorum, qui uno catapultæ ictu  
corporaliter occisi fuissent: numerus enim multiplicat peccatum & imbi-  
bitur in objecto peccati: 3. aliquando abstinendum esse a quibuldam o-  
peribus, quæ licet mala non sint, habent tamen speciem mali. Quod  
ut amplius innotescat, sic

*§. III. An & quæ bona ob vitandum scandalum amitti debeant.*

Not. Ex actionibus, quas homo elicere potest, & quæ præsentis con-  
troversiæ objectum esse possunt, aliæ sunt bonæ, aliæ indifferentes. Ex  
actionibus bonis aliæ sunt præcepti, sive naturalis, sive divini, aut hu-  
mani, aliæ consilii solum: ex his vero, & a fortiori ex indifferentibus,  
aliæ pro loco & tempore speciem habent mali, aliæ non. His positis sit  
CONCLUSIO I. Ad vitandum scandalum nihil unquam facere licet,  
quod juri naturali adversetur.

Prob. quia nihil fieri potest contra jus naturale, sine peccato saltem  
veniali: atqui, ut bene S. Thomas in 4. dist. 38. q. 2. art. 4. quæst. 1.  
& 2. nullus debet Deum offendere etiam parum, ne alius offendant multum,  
cum homo ex ordine charitatis se plus, quam proximum in spiritualibus  
bonis diligere teneatur. Unde Apostolus Rom. 3. Non sunt facienda ma-  
la, ut eveniant bona.

Confirm. quia nunquam licet violare præceptum negativum; violaretur  
autem, si actio hic & nunc jure naturali præcepta omitteretur: ergo.

Obj. Omissio confessionis fidei adversatur juri naturali, cum ore fiat  
confessio ad salutem; sive suam, sive aliorum: atqui tamen fidei confes-  
sio amitti potest, ne proximo scandalum detur: ergo ut vitetur scanda-  
lum, licitum est a jure naturali deflectere.

R. Disting. maj. omissio confessionis fidei, iis in casibus, in quibus fi-  
dem confiteri tenemur, adversatur juri naturali, C. semper & in om-  
ni casu, N. Itaque confessio fidei multipliciter cadit sub præceptum;  
tum negative, quatenus illicitum est prætermissa veritate, quidpiam  
docere falsi; tum positive, quatenus tenemur fidem profiteri, seu  
cum de ea interrogamur, prout alibi dictum est, seu ratione pro-  
prii officii, aut propter ignorantiam, indigentiam, & necessitatem: tunc  
autem scandali timor neminem a fidei confessione eximit, prout docet  
S. Gregorius his verbis: *Si de veritate scandalum sumitur, utilius permit-  
tatur nasci scandalum, quam veritas relinquatur.* Extra has, similese  
circumstantias, docendi actus aliquando potest, imo & interdum  
debet omitti, prout exigunt temporis & personarum circumstantiæ;  
quin & aliquæ veritates nonnunquam œconomiz gratia terminis in-  
volutis, & minus claris proponi debent, cum eas auditores non pos-  
sunt portare modo: sed in his casibus confessio fidei hic & nunc non  
præcipitur jure naturali, imo & aliquatenus prohibetur, donec be-  
nignior aspiret aura, & opportuna magis occasio. Hanc doctrinam  
tradiderunt veteres Theologi, ut patet ex his Armillæ verbis: *Propter vitandum scandalum aliquando dimittenda est veritas doctrinæ, scilicet  
tacendo .... sed non debet dimitti veritas vitæ, ut scilicet quis ...*

*Verb.  
Scandalum  
pag. 1013.*

Dixi,

Dixi, ad evitandum scandalum nihil unquam fieri posse contra jus naturale: aliud enim est de jure solum positivo, sive divino, sive humano, cujus transgressio non sit intrinsece mala. Sic ad vitandum scandalum potuisset quis in antiqua lege, vel egredi et loco suo die septima, vel serviliter operari, contra leges latas Exod. 16. & 20. Sic hodie potes & teneris non interesse Sacro die festa, si dum intereris, exortura sit tuos inter cives cædes vel rixa gravis. Sic, juxta Ethicam amoris & alios plures, si mulier prævideat aliquem in particulari ex suo conspectu scandalizandum esse ex infirmitate, debet etiam in die festo semel & iterum non audire Missam, quia præcepta non obligant, cum charitas dicat omittendam esse eorum observationem, prout dicat, cum præcepta hæc sine gravi proximi ruina impleri non possunt.

Hunc tamen casum, ait Sylvius q. 43. art. 7. *etiam semel aut bis absentiendi se a Missa non facile admitterem; quia vin fieri potest, quod aliquis vere per infirmitatem labatur, ex eo, quod mulier ad Missam proficiscatur, si absit omnis malitia.* Ut ut sit, mulier ob vitandum scandalum nunquam longo tempore abesse potest a Sacro: non enim abesset longo tempore sine scandalo publico, quod præponderat privato; imo nec sine notabili quodam spirituali damno, quod non teneretur subire ad impediendam ruinam alterius, qui licet ex infirmitate cadat, cadit tamen voluntarie.

CONCLUSIO II. Bona opera, quæ sunt consilii, nec omitti nec differri debent propter scandalum pharisaicum, quando subest rationabilis causa non differendi. Eadem vero opera vel omitti vel differri debent propter scandalum pusillorum, donec tollatur occasio scandali. Ita communiter Theologi cum S. Thoma hic art. 7.

Prob. 1. pars. 1. quia aliqui improbus quisque opera perfectionis impediret, quoties impedire vellet; ergo ut id non faciat, debet contemni scandalum ejus, prout contempsit Christus scandalum Judæorum, cum dixit Matth. 15. *Sinite illos scandalizari, cæci sunt*, seu propria malitia obcecati. 2. quia tales cum ex malitia peccant, non sunt nisi in necessitate voluntaria peccandi, a qua se ipsos sine alterius ope liberare facile possunt. 3. quia nemo utilitati suæ renuntiare tenetur, cum nulla est spes utilitatis proximi: atqui nulla est spes, quod dilatio actus boni sit utilis ei, qui pharisaice scandalizatur; quia sperari non potest futurum, ut hac dilatione removeatur scandalum: ergo.

Dixi, *quando subest causa* &c. quia charitas vetat ne absque ulla causa offeramus proximo, etiam ex malitia peccaturo, occasionem peccandi: Ita Sylvius pag. 258.

Atque hinc colliges cum eodem, 1. punitionem peccatorum esse admittendam, quando ex ea sequerentur plura & majora peccata, ut dissensiones, schismata &c.

2. Filium aliquando teneri ad breve tempus abstinere vel ab ingredienda Religione, vel ab amplectendo statu Ecclesiastico, cum inde futurum est, ut parentes ejus graviter turbentur, & peccent jurando, malum imprecando; non tamen ad longum tempus, quia si pergant scandalizari, scandalum hoc tandem desinet in pharisaicum.

3. Mulierem non teneri ad dimittendum ornatum statui suo convenientem, nisi, forte ad breve tempus, & cum valde probabile est, eam,

eam, si cum tali ornatu prodeat, alteri lapsus occasionem esse præstituram. Eset enim, ait Theologus idem, grave onus, si propter incerta scandala, vel alicuius malitiam, diu ab ornatu licito, & intra status sui limites remanente abstinere cogeretur. Si vero ornatus sit, ut est sæpissime, vanus & superfluous, tunc in eo genere peccat, in quo aliis creat periculum peccandi, ac proinde sæpius mortaliter, quam venialiter; saltem si sciat se propter hunc ornatum superfluum ab aliquo in particulari esse turpiter amandam; quia ornatus de se illicitus est tunc gravis ruinæ occasio. Ita Salmanticenses, etsi in hac materia parum rigidi; quos consule Tract. 21. cap. 8. n. 60.

Prob. 2. pars. 1. ex Christi exemplo, qui ut scandalum vitaret, solvit tributum, quod non tenebaturolvere: ergo & nos, quæ sine peccato, & commode a nobis omitti possunt, omittere tenemur. 2. quisque fratri in necessitate spirituali constituto subvenire tenetur, quantum commode potest: sed, qui ex facto tuo ruinæ spiritualis occasionem sumpturus est, est in necessitate spirituali, eaque non omnimode voluntaria, cum oriri supponatur ex ignorantia, & infirmitate, quæ libertatem minuunt: ergo eidem subvenire debes, id omittendo, quod alioqui non inculpate solum, sed & laudabiliter fueras præstiturus.

*Dixi, donec tollatur occasio scandali:* hæc autem tollitur, cum redditur actionis nostræ ratio, qua reddita, si adhuc scandalum duret, jam videtur esse ex malitia, ait hic S. Thomas art. 7. Si tamen hæc ratio non satis caperetur, sive ob momenta, quæ apparent in contrarium, sive ob hebetudinem mentis eorum, quibus proponitur, adhuc abstinendum esset a bonis spiritualibus non necessariis, donec, qui scandalum capiunt, plenius informetur; modo tamen bona hæc abique notabili jactura omitti possint. In his enim casibus, comparanda est quantitas scandali pusillorum, cum quantitate boni, quo privabuntur, qui ejusdem scandali vitandi causa, ab opere bono abstinebunt: *Et secundum hoc*, ait S. Thomas, *aliquando consilia sunt prætermittenda propter scandalum pusillorum, vel scandalum contemnendum propter consilia.*

Quod dictum est de bonis operibus supererogationis, dicendum est tum de actibus, qui vel indifferentes sunt, vel licet reipso boni sint, habent tamen speciem mali. Ab iis enim omnibus plus aut minus abstinendum est, si fieri commode possit, donec tollatur scandali occasio: unde privatus, qui puellam a peccato retrahere vult, ita suam agendi rationem, gressusque suos temperare debet, ut malam sui suspicionem non ingerat, ne peccati conscius judicetur, dum peccatum coercere intendit. Et vero, si ille excusari nequit, qui ignem desert cum periculo incendendæ palæ, quæ in area proximi posita est; quis eum pronuntiabit insontem, qui opus indifferens facit cum scandalo fratris, quem novit infirmum? Aliud esset si non timeretur nisi periculum scandali vagi, & indeterminati; quia intolerabile esset onus, & innumeris scrupulis pateret janua, si omittenda esset omnis actio indifferens, quæ generatim ac indeterminate posset esse occasio ruinæ; nisi actio illa de se, & prudentum judicio nata esset infirmis omnibus scandalum parere: tunc enim ab ea pro semper abstinendum esset, secundum id Apostoli 1. Thessal. 5. v. 22. *Ab omni specie mala abstinete vos.* Ut solvantur aliæ difficultates, quæ hic examinari solent sit,

Quæ-

Quæres 1. an propter scandalum dimitti debeant bona temporalia .

R. Vel domini sumus hujusmodi bonorum , ut si sint propria ; vel solum dispensatores aut curatores , ut si sint Ecclesiastica , vel aliena .

Si primum, bona hæc dimittere , vel ea tribuendo , si penes nos ea habeamus , vel non repetendo , si apud alios sint , propter scandalum quandoque debemus , quandoque non ; uti docet S. Thomas . Si enim scandalum ex hoc oriatur propter ignorantiam vel infirmitatem aliorum . . . . tunc vel totaliter dimittenda sunt ; modo tamen , ait Sylvius , jactura non sit magna , cum hæc non sit necessario sustinenda , quando proximus non est in extrema necessitate : vel aliter scandalum est sedandum , scilicet per aliquam admonitionem & instructionem ; Et hoc quandoque magis prodesset , ait S. Doctor in 4. distinct. 38. quæst. 2. art. 4. ne alioquin is , qui bona hæc detinet , in suo errore foveatur . Quod si post instructionem adhuc perseveret scandalum , communiter malitiae potius , quam infirmitati attribuendum erit ; quamquam , si , ut abolute contingere potest , scandalum pergat esse effectus infirmitatis , debeat tunc aliquis bonorum temporalium jactura sustineri , cum scandalum illud aliter coerceri non potest . Propter eos autem , qui scandala pharisaica concitant , non sunt temporalia dimittenda ; quia hoc & noceret bono communi , daretur enim malis rapiendi occasio , & noceret ipsis rapientibus , qui retinendo aliena , in peccato remanerent .

Si secundum , bona hæc non sunt propter scandalum dimittenda , sicut nec alia , quæ sunt de necessitate salutis ; quia non possumus alii dare id , quod nostrum non est .

Monet tamen apposite Sylvius , bona Ecclesiae aliquando negligi posse , & quidem 1. si possint negligi cum nullo vel quasi nullo detrimento , & spes sit eum , qui ex malitia scandalizabatur , cessaturum a peccato . 2. cum ex eorundem bonorum repetitione , non solum imminet periculum ruinæ illius , qui scandalum pharisaicum patitur ; sed & grave nocumen- tum spirituale vel temporale aliorum ; ut si tyrannus , qui bona Ecclesiae usurpavit , ita sit affectus ut malis plebem in hæresim aut schisma inducere , aut impedire , ne ab hæresi reducatur , quam restituere ; tunc autem bona hæc non dimittentur propter iniquum tyranni scandalum , sed ob ruinam populi , quæ metuitur .

Quæres 2. an ei , qui aliter a graviori peccato averti nequit , liceat suadere minus peccatum .

R. nunquam licet suadere directe peccatum etiam levius ; quia peccat quiquis ad peccatum etiam leve inducit , eive consentit : unde hoc effectum : *E duobus malis minus eligendum est* , in iis solum malis locum habet , quorum alterum necessario sustinendum est ; non autem in peccatis , quæ libere committuntur . Ei tamen , qui jam omnino determinatus est , ut adulterium aut fornicationem committat , licet suadere , ut in fornicatione sistat , quia sic non suadetur commissio minoris peccati , sed omis- sio gravioris . Idem dicendum si crimen minus sit pars majoris , ad quod alter determinatus erat : sic volenti oves triginta furari , suadere potes ut decem contentus sit . Vide , quæ dixi in . Tract. de Justitia , pag. 268. alias 184.

Quæres 3. an reus sit scandali , qui proximo dat aut vendit , rem vel operam , qua is male usus prævidetur , aut probabiliter putatur .

Re.

Respondent vulgo Theologi etiam accuratiores, illicitum esse hæc dare aut vendere, quando sine gravi damno denegari possunt: e contra vero non peccari, si adsit causa iusta, & proportionata excusans, & desit intentio cooperandi peccato alterius; nec alter re illa contra bonum Reipublicæ vel Ecclesiæ sit abusus; nec demum res vel opus, quæ præbetur, ex se, aut ex talibus circumstantiis proxime adjuvet ad peccatum. Ita P. Antoine hic, & alii, quos citavi agendo de temperantia, tom. 1.

Prima pars patet, quia tenetur unusquisque impedire malum proximi, saltem cum id sine gravi incommodo potest: ergo & a fortiori tenetur non suppeditare ei materiam vel operam, qua usus est ad peccatum. Unde colliges verum esse, quod alibi docuimus, peccare mortaliter caupones, qui vel præbent carnes die jejunii, illis, de quibus dubitant aut dubitare debent, an non iisdem contra Ecclesiæ prohibitionem usuri sint; vel secundam refectionem jam bene pransi; vel vinum copiosum iis, quos inebriandos prævident.

Secunda pars, quæ, meo quidem iudicio, non parum habet difficultatis, probari potest 1. ex communiori Theologorum sensu. 2. quia, qui aliis rem de se licitam, verb. grat. vinum militibus eo ad ebrietatem abusus, suppeditat, cum illud sine damno vitæ vel bonorum denegare nequit, non censetur in hoc casu eorum peccato cooperari, sed solum illud permittere ex urgenti causa: porro urgenti de causa licet permittere alterius peccatum; imo & id ponere, unde contra nostram intentionem secuturus est. Sic licitum fuit Judith iusta de causa offerre se Holoferni cum omnibus ornamentis suis, & incomparabili decore; cui etiam Dominus contulit splendorem, etsi prævideret ipsa Holofernem oculis suis capiendum esse. Sic gravi de causa potest iuramentum exigi a Mahumetano, qui licet sine peccato jurare possit, prævidetur tamen super Alcorano iuraturus. Licet etiam ab usurario mutuum pecuniam postulare, quam is non sine peccato concessurus est. Licet uxori reddere debitum marito instanti petenti, quamvis sciat eum esse castitatis voto obstrictum, ac proinde illicitum petere. Licet, imo necessarium est Sacramenta administrare peccatori occulto, si publice petat, aut si solum ex confessione sacramentali nota sit prava ejus dispositio. Ratio est, quia in his casibus gravior urget obligatio, quam vitandi scandali, cujus materia subministratur.

Judith  
cap. 10.

Si dicas cauponem, qui militibus vinum præbet, velle interpretative eorum ebrietatem.

Dicam 1. eum si vinum deneget, velle interpretative vel mortem suam, vel familiæ suæ stragem, vel excidium domus, aut blasphemias & execrationes, ipsa ebrietate majores. Dicam 2. non censeri quempiam velle interpretative id, quod contra intentionem suam iusta, & gravi de causa fieri permittit.

Hic tamen certas apponunt & exigunt conditiones Theologi. Prima est, ut materia peccandi, quæ proximo subministratur, sit ex se bona vel indifferens. Si enim communiter ad usus malos soleat destinari, ut venenum, illud præcipue, quod vix ad aliud, quam ad nocendum, deservire potest; tunc neganda erit hæc materia. nisi hic & nunc moraliter constet cessare periculum pravi usus, v. g. venenum illud

Iud peti ad confectionem remedii vel colorum. Eadem de causa non possunt artifices vendere id, quo certo hominum conditio numquam utitur absque peccato, puta idolum Pagano. A fortiori non licet facere id, quod attentis circumstantiis malum est: unde damnata est ab Innocentio XI. hæc propositio: *Famulus, qui submissis humeris scienter adiuvat berum suum ascendere per fenestras ad stuprandam virginem, & multoties ei deservit deferendo scalam, aperiendo januam, aut quid simile cooperando, non peccat mortaliter, si id faciat metu notabilis detrimenti, puta ne a domino male trahatur, ne torvis oculis aspicatur, ne domo expellatur.*

Secunda conditio est, ut subministratio materiæ aut facultatis etiam remotæ, non fiat ex prava intentione v. g. inducendi, aut iuvandi hominem in actione peccati. Is enim influxus est directus ad malum cooperatio, quæ semper prohibita est.

Tertia, ut qui materiam hanc indifferentem præbet, non teneatur ex officio peccatum impedire, ut Pastor, Superior, Magistratus.

Quarta, ut quamvis non subministret materiam peccandi, peccatum tamen eodem modo committendum sit; alioqui enim esses reipsa causa peccati, nisi tamen aliunde tunc gravius urgeret præceptum, ut jam dictum est. Ita Theologus Pictaviensis tom. 2. pag. 282.

Quinta, si is, cui materiam subministras, ea contra iustitiam abusus sit, tunc subministrare non potes, (nisi damnum, quod alioqui tibi ille comminatur, tam grave sit, ut non itenearis illud subire ad impediendum damnum tertio inferendum) strictior enim est obligatio impediendi alterius peccatum tertio nociturum, quam si soli suo auctori noceret: quia is quidquid subit damni, voluntarie patitur; alter vero, cui vides malum præparari, hoc sane non subit nisi invitus. Ita P. Antoine. Unde, ait Ethica amoris tom. 2. lib. 4. n. 513. *non est licitum vendere res indifferentes v. gr. gladium vel pugionem, cum scientia vel probabili cognitione, quod emptor iis male utetur in damnum tertii, maxime si damnum istud præponderet utilitati, quæ venditori provenit ex ipsius venditione.* Hæc ipsis pene auctorum citatorum verbis expressi, ut non tam meo, quam eorum nomine loqui viderer in materia, quam semper arduam, & tractari difficilem iudicavi, & in qua multa hinc, & inde stabiliuntur principia, quæ non admodum coherent. Sed, quid in praxi melius, quam a saniorum Theologorum placitis non recedere?

Quæres 4. an possit quis pecuniam aut simile quid in aliquo loco ponere aut relinquere, ut domestici aut filii probentur, & si in furto fuerint deprehensi, ejiciantur, aut puniantur.

Respondet P. Antoine, illicitum esse hæc ultro seu de industria ponere, quia sic exponis alium periculo peccandi, & hoc sensu peccato ejus cooperaris, quod non licet. Censet tamen idem cum aliis multis, licitum esse herò non auferre famulis aut filiis, quos ad furandum propensos ac paratos novit, occasionem furandi, quia tunc rationabiliter unum permittit furum ut vitentur plura.

Ultimum hoc punctum improbare videtur P. Henno tom. 2. in fine, quia, inquit, motiva illa non sufficiunt ad permittendum proximi peccatum, & minus ad facilitandum, ut facit ille, qui non auferit, seu, quod idem esse videtur, qui relinquit pecuniam, quæ aliis furti occasio esse potest. Adde tamen se condemnaturum non esse eum, qui ex occulto deprehendens alie-

alterum in delicto, v. g. famulum in gravi furto, uxorem in adulterio, permitteret operis consummationem, ut testes adhiberet, qui suo tempore contra delinquentem deponerent; modo non aliter possit rem suam recuperare, aut divortium obtinere: quia tunc censetur nonnisi ex iustissima causa peccatum alienum permittere. Sed quia probatio domesticæ, & infantis potissimum, quem ab amore furti revocari maxime interest, est etiam iustissima mali permittendi causa, facile amplecterer totam citati Antonii opinionem, præsertim si nulla subfit via, qua infans potentius & certius a crimine deterreatur.

## PUNCTUM SECUNDUM.

*De aliis peccatis charitati oppositis.*

**D**E invidia & acedia dixi in Tractatu de peccatis; de bello dicam ad quintum Decalogi præceptum: cætera ergo, quæ charitati adversantur peccata, paucis hic expediā.

Quæres 1. quid sit odium, quoruplex, & quale peccatum.

R. 1. odium est actus mentis objectum averlantis. Odium duplex, aliud inimicitie, quo ex personæ displicentia, malum eidem aut rebus ipsius volumus, quatenus ejus malum est; uno verbo; quo quia personam odimus, optamus ut ei male sit. Aliud abominationis, quo rem vel personam averlamur, non præcise ratione sui, sed ut nobis malam vel noxiam. Unde odium inimicitie vocatur odium personæ; odium vero abominationis vocatur odium qualitatis.

R. 2. odium Dei, quodcumque sit, est gravissimum peccatum; odium vero proximi, si sit inimicitie, semper peccatum est; si autem sit abominationis, quandoque est peccatum, quandoque non.

Prob. 1. pars, tum quia odium Dei directe & secundum se evertit formalem rationem charitatis, & expresse contemnit id, quod est summe diligendum; tum quia graviter injuriosum est enti summe perfecto optare ut non sit, aut ut aliqua careat perfectione; item de ea tristari; gaudere de offensa Dei, quatenus est ejus offensa.

Prob. 2. pars, quia ex 1. Joan. 3. *Omnis, qui odit fratrem suum, homicida est.* Potest tamen proximi odium veniale esse ob materiæ levitatem; ut si ex levi personæ displicentia, leve ei malum optetur. Aliud est de odio Dei, quod materiæ levitatem non admittit, quia vel levissimum malum exoptare Deo, est gravissimam eidem injuriam irrogare.

Prob. 3. pars, quia, si, ut iusti solent, personam diligas, solumque vitia ejus odio prosequaris, laudem mereris, nedum vituperia. Unde de se agebat Psaltes Psal. 138. *Nonne, qui oderunt te, Domine, oderam? Perfecto odio oderam illos;* quæ verba expendens Augustinus: *Hoc est, inquit, perfecto odio odisse, ut nec propter vitia homines oderis, nec vitia propter homines diligas.*

Hic tria sunt annotanda, 1. circumstantiam eorum, qui odio habentur; si sit specie diversa, esse in confessione aperiendam. Unde, qui odit parentes, avos, uxorem, filios, fratres, benefactores de se eximie meritos, Superiores Ecclesiasticos, Principem suum, aliosque ejusdem generis, id in confessione exprimere debet, prout late ostendunt Salmanticenses tom. 1. tract. 6. c. 8. n. 82.

*Tournely Theol. Moral. Tom. III.*

Y

2.Ex-

2. Exprimendum etiam esse in confessione malum, quod proximo expiatur est. Nam exopiare proximo vel æternam damnationem, vel mortem corporis, vel bonorum spoliationem, vel infamiam, sunt actus, qui licet ab uno eodemque specificè odio imperentur, diversas tamen habent deformitates, ut notat Sylvius q. 35. art. 6. p. 227.

3. illicitum esse vel optare, vel imprecari malum proximo ut ejus malum est; aut de eo gaudere ut tali, aut dolere de ejus bono, ut ejus bonum est: quia hæc totidem sunt actus charitati repugnantes; adeoque mortales ex genere suo, nisi excuset consensus imperfectio aut levitas materiæ. Item illicitum est gaudere de malo proximi, quamvis non ut malo ipsius, sed præcise propter bonum minus sive nostrum sive proximi. Hinc damnatæ sunt ab Innocentio XI. propositiones istæ. 13. *Si cum debita moderatione facias, potes absque peccato mortali de vita alicujus tristiari, vel de illius morte naturali gaudere, illam inefficaci affectu petere, & desiderare: non quidem ex displicentia personæ, sed ob aliquod temporale emolumentum.* 14. *Licetum est absoluto desiderio cupere mortem patris, non quidem ut malum patris, sed ut bonum cupientis, quia nimirum obventura est ei pinguis hereditas.* 15. *Licetum est filio gaudere de parricidio a se in ebrietate perpetrato, propter ingentes divitias inde ex hereditate consecutas.*

Potest tamen aliquis, ait S. Thomas in 3. dist. 30. art. 1. ad 4. *salva charitate optare malum temporale alicui, & gaudere si contingit, non in quantum est malum illius, sed in quantum est impedimentum malorum alterius, quem plus tenetur diligere, vel Communitatis, vel Ecclesiæ, vel secundum quod per malum pœnæ impeditur frequenter malum culpæ ejus.* Sic 1. desiderare potes affectu inefficaci, ut insignis nebulo morbo afficiatur, quo tandem respiciat a peccato. Sic 2. eodem modo optare potes ut iusta morte plectatur hæresiarcha vel malefactor, & de eo gaudere, non quatenus ejus malum est, sed prout inde exurget multitudinis bonum, bono privato præferendum, quatenus & ille nocere cessabit, & alii ejus exemplo terribi a malo desistent. Sic 3. gaudemus de iusto hostium excidio, de Turcarum damnis, ob utilitatem regni vel Ecclesiæ.

Vide Sylv.

2.29.76.

Ex dictis colliges maledictionem, seu imprecationem, qua quis sibi vel alteri malum optat, esse peccatum nunc grave, nunc leve. Grave quidem 1. si tibi vel alii optes ex animo malum grave, puta ut diabolus te rapiat, ut moriaris &c. 2. si, quamvis id non exoptes ex animo, exoptes tamen vel scandalo, ut faciunt parentes coram liberis, quos hoc suo exemplo, sibi vel aliis malum grave imprecari docent; vel contumeliose, ut si persona, cui mala hæc ore tenus imprecaris, singulari veneratione digna sit. Contingit tamen, ait S. Thomas hic artic. 3. *verbum maledictionis esse peccatum veniale, vel propter parvitatem mali, quod quis alteri maledicendo imprecatur; vel etiam propter affectum ejus, qui profert maledictionis verba, dum ex levi motu, vel ex ludo aut ex subreptione aliqua talia verba profert, puta, ait Sylvius, ex inconsideratione ejus; quod profert, ex prava consuetudine.* Et ratio est, quia, ex Sancti Thomæ ibid. *peccata verborum maxime ex affectu pensantur.*

Hic tamen, ut bene post Cajetanum Sylvius, discernendum est tempus passionis a tempore quietis: quandoque enim evenit ut post præteritam passionem, nolle quis evenire malum, quod tamen invalescente passione satis serio & deliberate imprecatus est: sicut ei accidit, qui ve-

hemena-



hementi tentatione abreptus concupiscit mulierem, quam uno post momento contempnissse pœnitet; & tunc neuter a peccato lethali excusatur. Curabunt ergo Confessarii ut maledicos interrogent, an ex animo vel non, an unum vel plura mala, & cuius generis; an iis, quibus plus charitatis & reverentiæ debent; an uni vel multis, fuerint imprecari. Id etiam attendent, quod creaturis irrationalibus diabolus vel mortem optare, ut rustici solent, sit per se peccatum veniale, cum sit *otiosum*, & *vanum*, ac per consequens illicitum, prout ibidem docet Sanct. Thomas. Imo vacat a culpa maledictio illata non rei secundum se, sed consideratæ ratione mali, quod in ea aut per eam accedit, aut cuius origo fuit & principium. Sic David maledixit montibus Gelboe; sic Job & Jeremias maledixerunt diei, in qua nati erant. Graviter tamen peccaret, qui malediceret creaturæ irrationali, vel quatenus est homini utilis, vel quatenus est opus Dei: in primo enim casu censeretur æquivalenter maledicere homini; in secundo, adversus Deum blasphemaret.

Quæres 2. quid sit discordia.

R. cum discordia opponatur concordia, quæ in voluntatum unione consistit, palam est, quod discordia sit dissensio voluntatis a voluntate alterius in iis, in quibus alter alteri consentire tenetur ex charitate Dei vel proximi. Est autem peccatum ex natura sua mortale, cum dicat Deus Proverb. 6. se detestari eum, qui seminat inter fratres discordias. Si quis tamen bona fide putet malum vel minus bonum esse id, quod alteri bonum videtur, poterit hic vel leve, vel nullum subesse peccatum, & sic excusatur dissensio Pabium inter & Barnabam suborta, de qua Act. 15. Quod si dissensio vel nimix pertinaciæ annexa sit, vel sit cum errore circa ea, quæ sunt de fide, aut necessitate salutis, difficile est ut diu a peccato etiam gravi immunis sit.

Quæres 3. quid sit contentio.

R. est altercatio verborum, quibus inordinate alter alteri contradicit. Est autem culpa mortalis, 1. si impugnetur veritas formaliter, id est ex intentione eam impugnandi serio, & non solum exercitii causa; veritas, inquam, ad fidem, bonos mores, pietatem, iustitiam, vel grave proximi bonum pertinens; 2. si impugnetur veritas virtualiter, ut cum Hæretici impugnant id, quod male credunt falsum esse; 3. si veritas licet materialiter solum impugnetur, solius nempe exercitii vel inquisitionis causa, impugnetur tamen vel cum gravi aliorum scandalo, vel cum excessu notabili in verbis, conviciis, maledictis. Nihilominus, ait Habert, non solum homunciones, ac mulierculæ, sed & viri ceteroqui spectabiles, sæpe etiam Theologi, & Sacerdotes, etsi data occasione in eisdem excessus semper prolabantur, vix/unquam suam hanc agendi rationem, ab Apostolo inter opera carnis, quæ excludunt a regno Dei enumeratam in se redarguunt, & sibi coram Deo pacis exponant.

Quæres 4. quid sint seditio & rixa.

R. ad 1. seditio est bellum aggressivum unius partis Reipublicæ adversus aliam vel adversus Principem suum. Est autem semper peccatum mortale, 1. quia graviter unitati, paci, & communitatis bono adversatur. 2. quia in materia gravi lædit jus Principis, vel Reipublicæ, cuius solius est bellum indicere.

*S. Thom.* R. ad 2. rixa est pugna manuum & verborum inter privatos, eos nimirum, qui ex ira invicem se percutiunt auctoritate privata. Rixa in aggressore est semper peccatum, & quidem mortale ex genere suo, ut patet ex Gal. 5. In eo autem, qui se defendit, potest esse sine peccato, & quandoque cum peccato veniali, & quandoque cum mortali, secundum diversum motum animi ejus, & diversum modum se defendendi. Nam si solo animo repellendi injuriam illatam, & cum debita moderatione se defendat, non est peccatum, nec proprie dici potest rixa ex parte ejus. Si vero cum animo vindictæ vel odii, vel cum excessu debita moderationis se defendat, semper est peccatum: sed veniale quidem, quando aliquis levis motus odii vel vindictæ se immiscet, vel cum multum non excedat moderatam defensionem; mortale autem, quando obfirmato animo in impugnantem insurgit ad eum occidendum, vel cum graviter ledendum. Ita S. Thomas, qui merito addit rixam esse filiam iræ, quæ cum sit inordinatus vindictæ appetitus, rixas & seditiones naturaliter procreat, De duello, quod ad rixam accedit, dicam ubi de homicidio.

Quæres 5. quid sit schisma, quoruplex, quale peccatum, & quibus poenis subjaceat.

*S. Thom.* R. ad 1. schisma seu scissio, est actio, qua baptizatus se voluntarie separat ab unitate Ecclesiæ, prout hæc unitas consistit vel in mutua membrorum inter se communicatione, vel in ordine membrorum omnium ad unum caput: præcipua enim ratio, cur Ecclesia sit una, est ipsa membrorum inter se & cum capite connexio. Unde schisma tribus modis contingere potest.

*Vid. Sylv. hic, & Sum. disp. 12.* 1. Cum quis separat se a capite, licet non expresse a cæteris membris, ut is faceret, qui Romanum Pontificatum usurparet; qui generales Synodos absque auctoritate legitima convocaret; qui institueret vel sequeretur Pseudopontificem.

*Sylvius.* 2. Cum quis tamen non separat se expresse a capite, separat se a membris Ecclesiæ, ut si quis nolit communicare Gallis aut Hispanis, quantum ad ea, quæ sunt Religionis; aut ab Episcopo suo ita se dividat, ut nolit ipsi tanquam Pastori subjici. Ubi nota cum Bellarmino, Valennia, & aliis, eum vere schismaticum fieri, qui licet nec a Papa, nec ab universis Ecclesiæ membris se separat, separat tamen se ab Episcopo suo Papæ uni & vere subiecto, vel etiam a solis Fidelibus, qui ejusdem Diocesis membra sunt; quia se habet tunc sicut manus, quæ a brachio separata, hoc ipso etiam separatur a capite, & a toto corpore. Unde separatio ab uno Fideli cum cæteris communicante, est implicite & virtualiter separatio ab omnibus aliis, quibuscum ille communicat.

3. Cum quis expresse recedit a capite & membris, adeo ut nec capiti subesse velit, nec iis communicare, qui ipsum ut verum Pontificem sequuntur. Porro hic caute notandum cum Sylvio, ad schisma non esse necessarium, ut quis expressa intentione vel a capite vel a membris se dividat, sed satis esse, ut quis malit voluntatem suam seu opus implere, quam servare unitatem Ecclesiasticam.

R. ad 2. Duplex est schisma, aliud purum, quod paci solum, charitati, vel obedientiæ opponitur; aliud conjunctum heresi, quod disensionem in fide annexam habet.

Schisma purum est actio, qua quis totam Ecclesiæ Romanæ fidem conservans, separat se vel a Capite, vel a membris ejusdem. A  
Capi-

Capite, inquam, non quidem negando Romanum Pontificem esse Caput Ecclesiæ; jam enim esset istud schisma hæresi conjunctum: sed negando temere hunc in particulari esse Papam, aut sic se gerendo cum eodem ac si Papa non esset, ut si quis Antipapam eligere velit, &c. Et is est visitator schismatis modus, ait Suarez. A membris vero, puta si quis ita se sepatet a reliquo corpore Ecclesiæ, ut cum eo in Sacramentorum participatione communicare nolit: quo sensu Papa ipse fieret schismaticus, si Ecclesiam totam excommunicare, aut omnes ejus cæremonias Apostolica traditione firmatas evertere tentaret.

Schisma conjunctum hæresi importat dissensum in ipsa fide, & tale est schisma Græcorum, qui primatum Papæ, & S. Spiritus processionem a Filio, negant.

R. ad 3. Schisma est peccatum speciale, & gravissimum.

Speciale quidem, quia specialis in eo reperitur deformitas; læsio scilicet unitatis tam speciali modo facta, ut eam non violent eodem modo etiam scelestissimi peccatores, qui non obstante peccato suo Ecclesiæ uniri pergunt.

Gravissimum vero, tum quia lædit præclarissimum quoddam bonum, scilicet unitatem Ecclesiæ, tum quia semper a Patribus inter immania quæque scelera recensitum est. Unde Dionysius Alexandrinus apud Eusebium lib. 6. cap. 37. *Oportuerat, inquit, Omnia incommoda potius subisse, quam Ecclesiæ Dei discidisse concordiam: atque illud Martyrium, quod quis perpetitur, ne dirimatur Ecclesiæ consensio, non minus certe, sed multo plus meo quidem judicio habet commendationes, quam illud, quod suspicatur ne idolis immoletur.* Idem docent SS. Cyprianus de unit. Ecclesiæ his verbis: *Qui pacem Christi, & concordiam rumpit, adversus Christum facit, & August. Epist. 152. Quisquis, ait, ab hac Catholica Ecclesiâ fuerit separatus, quantumlibet laudabiliter se vivere existimet, hoc solo scelere, quod a Christianitate disjunctus est, non habebit vitam, sed ira Dei manet super eum.* Legatur idem S. Doctor lib. 1. de Baptismo, & Chrysostomus in cap. 4. Epist. ad Ephes.

R. ad 4. Schismatici 1. excommunicantur in Bulla Cœnæ, quæ in Galliis vim non habet.

2. Inhabiles sunt ad suscipienda beneficia, donec, abjurato schismate, cum eis fuerit dispensatum, cap. 5. *De elect.*

3. Nec Beneficia valide conferunt, nec licitam dant Ordinum executionem, unde ab iis scienter ordinati, ab eorumdem Ordinum exercitio suspensi sunt, cap. 1. & 2. *De schismat.* Censet tamen Suarez hæcce penas non incurri a schismaticis puris ante condemnationem: quia, inquit, omnia jura continentia easdem penas loquuntur de schismaticis simul hæreticis; & hæc est communis sententia contra Panormitanum. A fortiori ergo non privantur schismatici jurisdictione, cum ne hæretici quidem ea priventur, ut dixi supra pag. 307.

# TRACTATUS DE DECALOGO.

## CAPUT SECUNDUM.

### De secundo Decalogi præcepto.

**S**ecundum Decalogi præceptum his exprimitur verbis, Exodi 20. *Non assumes nomen Dei tui in vanum: nec enim insontem habebit Dominus eum, qui assumpsit nomen Domini Dei sui frustra.*

Circa hoc præceptum fatentur omnes: 1. per nomen Dei non hic intelligi nudam vocem seu syllabas, quibus Deum exprimimus, sed multo plus rem syllabis significatam, omnipotentem scilicet, & sempiternam unius, & trini numinis maiestatem, quocumque hæc sive Dei, sive Omnipotentis, Domini, aut Regis Regum nomine exprimitur. Unde facile colligitur inanem fuisse nonnullorum Judæorum superstitionem, qui quod scriberent Dei nomen, pronuntiare non audeant, quasi in quatuor litteris, non in re divina vis esset. Ita Catechis. Trid. Conc. part. 3.

2. Et id etiam agnoscunt omnes hoc præcepto imperari unum, aliud prohiberi: unde affirmativum est simul, & negativum; quandoquidem conficit, cum eo, quod lex fieri prohibet; earum etiam rerum præceptionem conjunctam esse, quas præstare homines debent. Præceptum hoc quatenus affirmativum est, præcipit, ut sanctum Dei nomen honoretur; quatenus vero est negativum, prohibet, ne idem nomen terribile quacumque irreverentia violeatur.

Porro Dei nomen multipliciter honoratur. 1. Cum in omnium conspectu Deum ac Dominum nostrum fidenter cōfitemur, Christumque salutis nostræ auctorem quemadmodum agnoscimus, ita etiam predicamus: memores hujus Salvatoris verbi, Matth. 10. *Qui me confessus fuerit coram hominibus, confitebor & ego eum coram Patre meo, qui in cælis est.* De his adi Tractatum nostrum de Fide.

2. Cum verbo Dei, quo voluntas ejus enunciatur, sancte, & diligenter operam damus; in ejus meditatione assidue versamur; studiose illud addeimus, aut legendo aut audiendo, perinde ut cujusque personæ, & muneri iei statui aprum, & consentaneum est. Ex quibus Catechismi Tridentini verbis colliges cum Natal. Alexandro lib. 4. cap. eod. art. 1. inhonorati divini nominis reos esse non tantum Pastores, qui verbi ministerio instare negligunt, quive e sacro suggestu res ineptas, ad risum moventes, parum fructuosas proferunt, aut Scripturas adulterant, vel in alienos sensus detorqueant: sed & eos etiam, qui sic vivunt, ut per ipsos nomen Dei blasphemetur in gentibus, nedum glorificetur Pater eorum, qui in Cælis est. Item & eos, qui impietati non obstitunt, cum utiliter obfistere possunt, aut qui saltem non ingemunt, non dolent, quod Dei nomen tam perpetuo tam indigne profanetur. Alia sane fuit agendi ratio Davidis: *Fuerunt mihi lacrymæ meæ panes die ac nocte, & dicebat Psalm. 41: dum dicitur mihi per singulos dies: Ubi est Deus tuus?* Alia Matathie, cujus profundum ex conspecta Judæi unius impietate dolorem tam graphice expressit Scriptura, Machab. 1. cap. 2. *Et vidit, & doluit, & contremuerunt renes ejus, & accensus est furor ejus secundum legem.* Alia S. Pauli, cum Athenis videns idololatriæ deditam civitatem, incitabatur spiritus ejus in ipso. Alia, ne Sanctos omnes nominem, Thersia, quæ infidelium tenebras perpetuis descebat lacrymis. De præ-

pais, quæ ad hanc materiam pertinent, præcipue vero de correctione fraterna; vide quæ supra dixi agendo de Charitate.

3. Ait Cathæchismus Tridentinus: *Divinum nomen veneramus, & colimus, cum officii, & religionis causa, divinas laudes celebramus, ac de omnibus rebus tum prosperis tum adversis illi singulares gratias agimus*, secundum id Prophetæ: *Benedic anima mea Domino, & noli oblivisci omnes retributiones ejus*; & Psalm. 33. *Benedicam Dominum in omni tempore, semper laus ejus in ore meo. Magnificate Dominum mecum, & exultemus nomen ejus in idipsum*: quibus mihi concebat Job, mortaliū miserimus, miserorum patientissimus, cum in ipso dolorum æstu hæc placide verba proferebat: *Sit nomen Domini benedictum*, & cap. 6. *Qui cepit, ipse me contrahat*. & hæc mihi sit consolatio, ut affligens me dolore non pareat, nec contradicam sermonibus sanctis. De divinæ laudis celebratione, quæ fit per Horarum recitationem, quæque pene sola possit hic difficultatem movere diximus Tom. 1. parte 2. cap. 3.

4. Neque vero minus Dei nomen honoratur, si fidenter opem ejus implo-ramus, quo scilicet aut nos ab ærumnis, cæternisque malis liberet, aut ad eadem fortiter perseverantiam, & robur largiatur. Hoc enim fieri vult Dominus: Invoca, inquit Psalm. 49. me in die tribulationis, erua me, & honorificabis me. Et vero, quæ potior Dei honorandi ratio, quam quæ nos soli ejusdem dexteræ inniti declarat? exemplo Prophetæ dicentis: *Non in arcu meo sperabo, & gladius meus non salvabit me; sed dextera tua, & brachium tuum, & illuminatio vultus tui*. Psalm. 43.

5. Denique Dei nomen honore prosequimur, cum fidei faciende causa Deum testamur ope juramenti necessarias condiciones habentis: vel cum vota sancte emitimus, & emissâ fideliter implere conamur.

Non minor est extensio ejusdem præcepti, si idem expenderis ut negativum est. 1. enim eo prohibetur juramentum quodcumque imprudenter, & temerarie prolatum. 2. & a fortiori quidquid perjurium est. 3. votorum debite emissorum neglectus, & inobservantia. 4. blasphemia, & quidquid ad irreligionem pertinet. 5. indiscreta, nec pia satis divini nominis usurpatio, cujus reos ex malo quodam habitu faciunt se viri complures timoræ cæteroque conscientiæ. Ne vero, ut jam contigit, gratis id, & quasi judaice dictum videatur, oro ponderari tum id Eccl. 23. v. 10. *Nominatio Dei non fit assidua in ore tuo, & nominibus Sanctorum non admiscearis*: quoniam non eris immunis ab eis; tum id S. Chrysostomi Homil. 10. in Acta: *Nullus cum reverentia memor est nominis Dei*. Et tu quidem si dilexeris quempiam, ad nomen illius excitator efficeris: Deum autem sic continuo vocas quasi nihil. *Voca illum ut beneficias inimico; voca illum in salutem animæ tuæ, tunc aderit, tunc lætificas illum, nunc autem exacerbas. Voca illum, sicut vocavit Stephanus dicens: Domine, ne statuas illis hoc peccatum. Voca illum ut vocavit uxor Eleane, cum lacrymis, cum lamentis, cum oratione, &c.* Consonat Theodoretus interrog. 41. *Ego puto, inquit, divinam legem statuere, ne quis nomen Dei pronuntiet sine aliqua ratione aut docendi, aut orandi, aut necessarii cujuscumque occasionis. Solent enim nonnulli, etiam ludentes, & videntes, ut inciderit, reverendum Dei nomen lingua proferre. Hoc arbitror divina lege prohiberi.*

Quod de nomine Dei, idem servata proportionem tum de Mariæ nomine,

rum de Scripturæ verbis intelligendum, quæ multi ad vilissima; quin & ad nugatoria temere, irreverenter, ac proin non sine culpa quotidie insumunt.

Circa hanc tanti momenti materiam non est, quod pluribus hic immoremur, cum præcipuas, quæ circa votum, juramenta, & blasphemiam moveri solent, difficultates, pro tenui nostro posse expendimus in Tractatu de Religione.

## CAPUT TERTIUM.

*De tertio Decalogi præcepto.*

**T**ertium Decalogi præceptum exhibent hæc verba Exodi 20. *Memento ut diem Sabbati sanctifices: non facies omne opus in eo, tu (gratulus tuus, gratulus filia tua, servus tuus, gratulus ancilla tua, jumentum tuum, gratulus advena, qui est intra portas tuas, & cap. 31. Omnis, qui fecerit opus in hac die, morietur, quod & contigit Num. 15. ubi consultus Deus de homine, qui deprehensus erat colligens ligna Sabbato, respondit: Morte moriatur homo iste, obruat eum lapidibus omnis turba extra castra. Illicitum quoque erat Judæis. 1. vendere, & emere, 2. Eldræ cap. 13. 2. iter agere, Exodi 16. extra urbem scilicet, nisi iter esset modicum, quod stadia quindecim, id est minorem circiter leucam non excederet, Joan. 11. v. 18. & Act. 1. v. 12. 3. coquere cibos, qui consequenter parandi erant feria sexta, idcirco dicta *Parascève*, quod est præparatio.*

Haud tamen prohibitum erat Sabbato se contra hostem tueri. 1. Machab. 2. v. 41. iisve vacare operibus, quæ sacrificia spectabant, Matth. 12. suam aut alterius, etiam jumenti necessitatem sublevare, Luc. 14. Quamquam, & quidem ut creditur, in Evangelii odium, eo devenerint Judæi, ut nedum alinum, aut bovem, sed nec se ipsos extrahant e fovea in die Sabbati. Quo pertinet Historia apud continuatorem Matth. Parisii, alioque Anglos Scriptores celebris, de Judæo, cui nomen Salomon. Is cum an. 1260. in cloacam incidisset die Sabbati, nunquam inde se extrahi passus est, hoc unum dicens: *Sabbata sancta colo, de stercore surgere nolo.* At eum loci Dominus, Ricardus de Clara, die Dominica sequenti educi noluit ob parem Dominicæ diei reverentiam, unde & respondit: *Sabbata nostra quidem Salomon celebrabis ibidem; & sic periit infelix Judæus.*

Præceptum hoc ab hac incipit voce, *Memento*, tum quia, ut eruditissimis quibusdam placet, hic Deus legem renovat a se conditam initio mundi, Genes. 2. v. 3. tum quia æquum est, ut qui negotiis secularibus distrahi, Deum singulis diebus speciali ritu colere non valemus, certa quædam temporum intervalla eidem consecrare nitamur. Erat autem id aptissimum Dei specialiter colendi tempus, quo Deus requievit *ab universo opere, quod patrarat*; ut nimirum homines ab opere servili cessando, Deum eadem die benedicerent, quam ipse sanctificaverat. Unde Sabbatum, & Dei, & populi electi *requies* erat, atque *cessatio*.

Sed hinc nascitur difficultas, an Ecclesia suppresso Sabbato Dominicam diem substinere potuerit. Affirmant & merito Christiani omnes, 1. quia

1. quia hæc mutatio jam ab ipsis nascentis Ecclesiæ temporibus videtur inducta fuisse, ejusque nonnulla extant vestigia tum 1. ad Corint. cap. 16. ubi innuit Apostolus *per unam Sabbati*, idest prima hebdomades die solere fieri conventus Christianorum; tum Apocal. 1. ubi S. Joannes ait factam sibi fuisse *Dominica die* revelationem, quam Apocalypsim dicimus; tum & cap. 2. Epistol. ad Coloss. ubi negat S. Paulus fideles redarguendos esse *in parte diei festi, aut Neomenia, aut Sabbatorum*; quod saltem argumento est legem Sabbati jam tunc obsolevisse. 2. quia in id conspirat & seculorum omnium Traditio, & Ecclesiarum omnium etiam Protestantium consensus. Ubi nota probationem, quæ hic a Traditione desumitur, multo validiorem esse ea, quæ petitur ex citatis Scripturæ textibus, ut notat auctor Catechismi Montispeffulanæi part. 2. Sect. 3. cap. 4. secus ac sentit Carolus Drelincourt in suo Catechismo, pag. mihi 69.

Porro diem Dominicam Sabbato substituerunt Christiani. 1. quia ea die resurgens Christus, a laboribus suis quievit in perpetuum. 2. quia & eadem die in Apostolos, & Ecclesiam illapsus est Spiritus sanctus; 3. quia, extincta Judaica lege, Sabbata ejus sicut & Neomeniæ extingui debuerunt. Haud tamen extingui debuit publicus, & sollemnis cultus Dei, quia præceptum de sanctificatione Sabbati, licet quoad hunc diem ceremoniale, morale erat quantum ad necessitatem certo quodam tempore divina beneficia contemplandi, & celebrandi nomen Omnipotentis, quo meliori modo fieri possit.

Quemadmodum autem Judæis quædam die Sabbati prohibita, quædam imperata erant, sic & Christianis: ea porro ut bene intelligantur, sit

## ARTICULUS PRIMUS.

*Quæ Christianis Dominica die prohibita sint.*

**C**ertum est 1. non id omne Christianis prohiberi Dominica die; quod Judæis Sabbato vetitum erat. Licet enim apud nos parere cibum, & coquere, colligere fructus mensæ apponendos, animalia minora, pullos v. g. & lepores occidere, non tamen majora ut vitulos, oves, & boves, nisi anticipatam eorum occisionem impedierit vehementior calor æstus. Ea quoque tolerantur, ait Henno, quæ pertinent ad nitorem domus, aut ad decentem hominis compositionem, ut sternere lectum, quædam ædium loca verrere, leviter lavare vasa nonnulla, catinos, cochlearia, vestium sordibus abstergere, in istis vestibus parum quid rescicere, quod ante prævisum non fuerit: quæ enim ex istis pridiæ peragi facile possunt, ad ipsam Domini diem remitti non decet.

Certum est 2. quædam esse, quæ Christianis non minus interdicta sint, quam Judaicæ plebi: ea vero ut distinctius assignentur, triplicis generis opera distinguere debent, servilia scilicet, liberalia, & communia. Per opus servile, ait Catechismus Montispeffulanæus, intelligitur *quidquid sit ad vitæ sustentationem, & intuitu mercedis temporalis*; sed *Ton. 1. p. 721. edit.* melius Natal. Alexander hic artic. 6. Reg. 1. cum Theologorum vulgo servilia opera vocat ea, *quæ a servis, & infima plebe, seu mercenariis sol.*  
bo.

dominiis exerceantur, aut exerceri solent, qualia sunt artium omnium mechanicarum opera, ut fodere, arare, suere, & alia id genus, quæ, quia in actione corporis præcipue consistunt, corporalia nuncupantur. Hæc porro opera etsi gratis fierent, aut recreationis, vel piæ intentionis causa, non autem intuitu mercedis, aut ad sustentationem vitæ, non decernerent esse servilia, quia intentio non mutat naturam operis, unde si plebejis prohibita sint Dominicis diebus, sunt etiam ingenuis prohibita.

Opera liberalia sunt ea, quæ sive habeant, sive non habeant effectum materiale, animo magis, quam corpore exerceantur, aut ad animum ordinantur principaliter, ut v. g. docere, concionari, canere, legere, studere, scribere, dare consilia & responsa, linearem domus, munimenti, picturæ, vel operis textorii adumbrationem ducere. Ita collator Andeg. Tom. 2. in Decalog. pag. mihi 181.

Opera demum communia sunt ea, quæ plebejis perinde ac nobilibus competunt, ut iter agere, venari, piscari, ludere, & similia. His positis, fit

CONCLUSIO I. Peccant graviter, qui Dominicis, Festive diebus exercent opera servilia, aliaque divino vel humano jure prohibita, nisi excuset pietas, necessitas, aut levitas materiæ.

Prob. 1. pars, tum ex praxi & sensu timoratorum omnium; tum ex consuetudine in Ecclesiis omnibus recepta; tum ex traditione Patrum. Vacatio a servilibus operibus imperatur, ait Sanctus Augustinus Epist. 36. alias 86. Unde illud est, quod lapidare Deus hominem jussit, qui ligna collegerat. Concinit S. Leo Lib. XI. Epist. 3. his verbis: Dominicorum die a labore terreno cessandum est, atque omnino orationibus insistendum. Idem docent innumera Concilia, e quibus adduxisse sufficiat Matifconense II. habitum an. 585, quod postquam prohibuit ne opera, quæ in diebus communibus sunt, Festis diebus exerceantur, sic pergit: Si quis hanc salubrem exhortationem parvipenderit, sciat se pro qualitatibus merito principaliter a Deo puniri, & deinceps. Sacerdotali quoque iræ implacabiliter subjacere. Ex quibus omnibus sic arguo: Qui generalem & sanctam Ecclesiæ consuetudinem violat, qui Patrum & Conciliorum leges transgreditur, qui ab Ecclesiæ Ministris implacabiliter puniri meretur, ille, posita, ut supponimus, materiæ gravitate, peccat lethaliter: atqui sic se habent, qui Festis diebus laborant serviliter; quique, ut loquitur Concilium Parisiense VI. an. 829, dum hæc agunt, & decus Christianitatis offuscant, & nomen Christi blasphemantibus locum: amplius detrahendi attribuerunt. Neque hujus impietatis poenam, semper distulit Deus: pergunt enim hujus Concilii Patres: Multi nostrorum visu multi etiam quorundam: relatu didicimus, quosdam in hac die ruralia opera exercentes fulmine interemptos, quosdam artium contradictione multatos, quosdam etiam visibili igne corporibus obsessisque simul sub momento absumptis, in cinerem subito resolutis, poenaliter occubuisse. Et multa alia: terribilia: judicia: existerunt, & ballenus existunt, quibus declaratur, quod Deus in tanti diei debonatione offendatur. Qui hujus rei exempla volet, adeat Gregorium Turonensem Lib. 10. Hist. cap. 10. Lib. 1. de gloria Martyr. cap. 16. Lib. 2. ibid. cap. 11. Lib. de gloria Confessor. cap. 99.

Prob. 2. pars, quia Festa violantur per opera, quæ licet stricte servilia non sint, sunt tamen juxta Dei vel hominum leges aut pejora servilibus, aut isdem æqualia. Sic Festa violantur per peccatum, & quidem magis, quam per quodcumque aliud corporale opus licitum, ut expresse



preſſe docet S. Thomas 2. 2. q. 122. art. 4. ad 3. & hæc eſt opinio communis, ait Henno; an autem diei Feſti circumſtantia ſupprimi poſſit in confeſſione, prout eidem Theologo videtur, agitavimus in Tract. de Peccat. part. 1. cap. 3. in appendice de Circumſtantiis.

Sic etiam vetant leges plurimæ 1. ne diebus Feſtis habeantur *placita* ſive ſtrepitus forenſes, imo quidquid ſit tunc temporis judicialiter, ipſo facto irritum eſt. 2. ne feratur ſententia capitis, aut alterius pœnæ; (quod juxta aliquos locum non habet ſive in caſtris, ubi quis ad aliorum terrorem ſine proceſſu ſtatim ut apprehenſus eſt in delicto, ſuſpenderetur; ſive cum metuere eſt, ne dilata ſententia executioni mandari non poſſit.) 3. ne fiat juramentum quodcumque etiam extrajudiciale, quale eſt, quod emittitur ad confirmationem contractus; niſi illud exigant aut neceſſitas vel utilitas gravis, aut pia quædam cœremonia, vel fidei profeſſio. 4. ne habeantur mercatus, ſive ii conſiſtant in nundinis ſolemniſſimis, ſive ad quas ſingulis hebdomadibus concurrere ſolent ruſtici grana, olea, butyrum & ſimilia vendituri; ſive conſiſtant in qualibet emptione, venditione, conductione, locatione, & ſimilibus, quæ profeſtis diebus fieri debent, ſi poſſunt. De his omnibus ſuſe differentem adi Nat. Alexandrum Reg. 1. 2. & 3. ubi pro more ſuo, omni probationum genere demoſtrat convivia publica, comeſtationes, choreas, ludos ſcenicos, ſeu theatrales, & cujuſvis generis ſpectacula Dominicis Feſtiviſſe diebus agi, duci, exhiberi, frequentari ſine gravi peccato non poſſe, quibus præfeſtim horis Officia divipa celebrantur.

Prob. 3. pars, quia non vetantur ea opera, quæ ad divinum cultum attinent, etiamſi ſervilia ſint, ut altare inſtruere, templa alicujus Feſti diei cauſa exornare, & reliqua hujus generis: ideoque a Domino dictum eſt: *Sacerdotes in Templo Sabbathum violare, & ſine crimine eſſe. Sed neque earum rerum opera hac lege prohiberi, exiſtimandum eſt, quarum jactura facienda ſit, ſi die Feſto prætermittantur.* Ita docet Catechiſmus Tridentini Concilii, cujuſ tamen doctrina cum aliqua limitatione intelligenda eſt, ut patebit Coroll. 2.

Hinc colliges 1. prohibita eſſe ſeriatis diebus non craſſiora tantum opera, ut ſeminare, metere, ſœnum ſiccare vertendo, cædere arbores aut interlucare, ſepem aptare, colere vineam, exercere artes ſerrariam, lignariam, ſartoriam, textoriam, ſeu ut loquitur Synodus Meldeniſis ann. 836. Can. 77. gynæceam, fabrilem quoque, cujuſlibet ea ſit generis, ut ſculpere ſigillum, cœlare in auro, horologium facere &c. ſed & ea etiam opera, quæ a nobilibus ſœminis ſunt, ut acu pingere, verſare fuſum, & ſimilia; quæ licet a quibuſdam Confeſſariis permittantur hoc prætextu, quod melius ſit iis vacare quam ludo, & aliunde humana mens cœleſtium meditationem tota die ferre non poſſit, haud tamen videntur eſſe permittenda, 1. quia repugnant Eccleſiæ legi, quæ generalis eſt; imo, quæ acupiciles operas expreſſe prohibuit in Concilio Aquigraneniſi cap. 22. 2. quia ſine fundamento repetitur ſervilitas operis ex intentione lucci; alioqui princeps, torni, aliarumve hujus generis artium ſcius, iſdem ſine culpa vacare poterit per longum temporis feſtivi intervallum. Quod ſi cui ludus opere ſervili deterior videatur, abſtineat ab utroque, ut faciunt non pauci. Quamquam dubito an Dei juſſu lapidatus fuiſſet Jedaüs, qui ligna collegit Sabbatho, ſi tantum honeſta aliqua recreatione etiam ludi, animum levaveſſet.

Colliges 2. prohiberi ea etiam opera, quæ pietatem ſapiunt, Unde peccat

cat 1. Monialis, quæ cereas, aut alias Sanctorum imagines fingit diebus Fæstis, quæ Scapularia, Cordulas, vel Rosaria conficit, &c. quo ferme modo peccaret artifex, qui Christi aut Virginis statuam ex pia etiam intentione fabricaret. 2. aulæorum opifex, qui iisdem diebus, tapetibus ornat Ecclesiam, quam prius ornare potuerat; item, qui fæta pro altaribus conficeret, qui lavaret Ecclesiam, qui panes consecrandos faceret, qui mapas, corporalia, aut Ecclesiam lavaret, nisi gravis urgeret necessitas; quia hæc opera remote tantum & præsuppositivè tum ad Dei cultum, tum ad Fæstos dies se habent. 3. peccant a fortiori, qui tabellas plingunt, sicut & qui exsculpunt statuas: item qui Typographicos characteres ordinant, aut subijciunt prælo. Sunt enim hæc, quidquid de characterum dispositione sentiant aliqui, opera vere mechanica, & sæpius tam mechanice facta, ut plures ne id quidem intelligant, quod vernacula lingua typis exprimunt.

Colliges 3. graviter peccare tum Dominos, qui mercatus aut nundinas, choreas & similia Fæstis diebus haberi permittunt; cum & Ecclesiasticam & regiam legem violent, ut fule probat Pontas v. *Dimanche*, cal. 5. tum Patres familias, qui, qua omni ratione possunt, non obstant ne filii sui serviliter laborent, idem ibid. cal. 13. tum eos, qui domesticis suis boves vel oves pasceñas committunt, quo tempore Sacrum peragitur, ita ut servi Missam quandoque non audiant, ibid. cal. 14. tum Oenopolas & id genus alios, qui tempore Officii divini tabernas aperiunt pro concivibus; quod Ecclesiastico perinde ac civili jure prohibitum est; idem v. *Cabaret*, cal. 2. & Nat. Alexander Reg. 1.

Colliges 4. innumeros circa hanc materiam, ut & alias plerasque, proponi casus, qui non aliter, quam ex circumstantiis, definiri possunt: quæritur v. g. an barbitonfores, pistores, minutarum mercium propolæ, alique similes Fæstis diebus operari, aut merces vendere possint; qua de re videndum est, an & quale passuri sint, vel aliis procreaturi incommodum, si ab artis suæ exercitio abstinere. Si enim abstinendo, tantum damni serant, ut se suosque jam sustentare non possint, indubie laborare possunt: rursum si ex labore profecti temporis, satis quidem lucri percipiunt, ut hinc vivere possint, sed grave aliis incommodum parituri sint non laborando, non sunt arguendi si laborent aut vendant. Hinc qui in pagis barbam radunt diebus feriatis, non peccant ut plurimum; quia rustici perpetuo depressi labore, vix ac ne vix quidem alio tempore sibi prospicere possunt. Pariter urbium mercatores rusticis calceos, vestimenta, & alia ejusdem generis, modo citra scandalum, vendere possunt, cum ii non alia die ad urbem accedere valeant; ita docent Juenin, Pontas, alique melioris notæ Theologi. Demum transitorios pisces, ut sunt halecia & scomberi, piscari licitum est *ingruente necessitate, præterquam in majoribus anni solemnitatibus*, cap. 3. *De feriis*.

Sed hic quædam notanda. 1. solum majoris lucri intuitum non excusare opifices, qui eo secluso habent, unde non incommode vivant  
de

---

\* Pontasii doctrinam in eo, quod pertinet ad nundinas, restringit auctor Coll. Andeg. Tom. 2. in Decal. pag. 308. ita ut nundinas non quidem diebus Dominicis, Fæstisve Patroni aut solemnioribus, sed iis, quæ minus solemnia sunt, haberi permittat; & ita Ratuisse videtur Senatus Parisiensis, præsertim Arreſto anno 1667. quo vetantur mercatus & nundinæ Fæstis diebus Paschatis, Pentecostes, Sanctorum omnium, Nativitatis Domini, Corporis Christi, B. Virginis, ascensionis, Circumcisionis, Epiphaniæ, Patroni, & diebus quibuslibet Dominicis.

de quo judica ex iis, quæ Tom. 1. diximus ubi de Jejunio : 2. eos, qui in gratiam solius gulæ laborant, quales sunt, qui vel panes a furno calentes præbent, vel atrociora conficiunt, non excusari, nisi cum aliqui grave, & graviter incommodum sibi damnum imminet. Vide Pontas ibid. cal. 8. & 9. ubi notat cupidinarios pistores, qui diebus Dominicis, & Festis compluribus laborant, reos esse perjurii, quia in receptione sua sponponderunt, se prædictis diebus abstinenturos a labore, de quo loquimur : utique enim crustula, seu, ut ajunt, biscocta pro infirmis conficere non prohibentur.

Colliges 5. non peccare eos, qui ob aeris intemperiem, hostiles incursus & similia, messem, vindemiam, sæna colligunt. Necesse tamen est ut ante obtineant Pastoris consensum, nisi periculum sit in mora; tunc enim laborare possent ex præsumpto ejus consensu : sed cum magna cautione utendum ejusmodi licentia præsumpta, verendumque, ne sibi cupiditas ea de re sub obtentu necessitatis blandiatur. Ita monet & merito Catechismus Montispeful. in casu privatæ necessitatis certo cognitz sufficit licentia Parochi : si vero publica sit necessitas, & laborem per plures Festos dies duraturum postulet, recurrendum est, si commode possit, ad Episcopum, ut omnia fiant secundum ordinem. Ita Collat. Andeg. p. 196.

Ex eadem necessitatis causa excusantur sartores, qui vestes funereas ipso necessarias die, aut vestes militum eadem die profectorum absolvunt. Item & salinarii, nautæ, aurigæ, ii etiam, qui coquendis lateribus, calci, vitro, ferro, & cerevisiæ allaborant, quoties opera hæc semel inchoata sine gravi damno intermitteri non possunt, ut non possunt committere. Ratio est 1. quia ut docet S. Thomas 1. 2. q. 122. art. 4. *Quilibet tam servus, quam liber, tenetur in necessariis providere non tantum sibi, sed etiam proximo, præcipue quidem in his, quæ ab salutem corporis pertinent ... secundario etiam in damno rerum vitando*; 2. quia in quibusdam operibus prohibitis facilius propter necessitatem dispensatur in nova, quam in veteri lege. Unde, quamquam loquendo regulariter, abstinendum est ab itinere distatio, nisi necessitas cogat, vel aliud pium opus inducat, ut videlicet visitatio alicujus Ecclesiæ, vel consecutio indulgentiæ, vel reformatio pacis, seu amotio scandali, & hujusmodi, prout sapienter docet S. Antoninus 2. part. tit. 9. cap. 7. §. 5. si tamen viator nec Missam, & orationem omittat, nec iter in profectam diem differre possit sine aliquo dispendio, non videtur arguendus saltem gravis peccati, uti subindicat Pontas ibid. cal. 4.

Haud tamen crediderim, quod docere videtur Henno, eos qui iter faciunt, ab omni peccato immunes esse, quia itineratio non sit opus servile, sed omnibus commune &c. non enim continuo licitum est opus diebus Festis, quod servile non sit : cum etiam commune plurimum obflare possit, ne dies Festi, ea qua decet religione, sanctificentur. Merito igitur Nat. Alexander ibid. Reg. 2. *Itinera, inquit, diebus Dominicis & Festis licita faciunt pietas & necessitas, non quæstus & utilitas temporalis, sive lucrum, minime necessarium, aut voluptas sive recreatio*. Unde stricte prohiberi debent vanae eæ peregrinationes, in quibus permixti utriusque sexus juvenes, pietati fere nihil, sed gulæ, inhonestis sermonibus, & libidini potissimum indulgent : qua de re videris pie, & erudite differentem auctorem Collat. Andeg. Tom. 2. in Decal. pag. nunc 198. & seq.

Quæres quoti temporis labor gravis in hac materia censeatur.

R. non defuere, qui laborem quarta vel tertia diei parte continuatim requisierint, ut videre est apud Dianam; alii duas horas assignant si opus sit plurimum servile, ut cedere lapides, tres vero horas in aliis operibus, seu una serie, seu successive impendantur, modo eadem die; ita Henno. Alii demum, quibus assentiri tuius est, unam cum Nat. Alexandro laboris horam satis esse credunt. Nihil autem interest an quis per se, an per famulos laboret, quia per se quis facit, quod per alium. Imo ne quidem Ethnicum labori addicere velim, tum quia alias nusquam is obligaretur tertio præcepto, quod tamen majori ex parte morale est; tum quia peior esset infidelis servi conditio apud Christianos, quam apud Iudeos, quorum servi indistincte a laborando abstinere jubebantur.

CONCLUSIO II. Opera liberalia vel communia Festis diebus prohibita non sunt: iis tamen nonnisi intra justos limites vacandum.

Prob. 1. pars, quia Ecclesia non prohibet nisi opera servilia; cujus generis non sunt opera liberalia, vel communia.

Hinc per se licitum est cujusvis scientiæ studio vacare, disputare, legere libros aut componere; Advocatum consulere, consilia dare in scribis, scribere & transcribere ea, quæ pertinent ad litis informationem, accepti & expensi rationes inire, ac subducere, easdem e diurno libro in alium transferre, instrumenta musica movere, digladiare, exercere milites, præliari; quia hæc vel servilia non sunt, vel pro servilibus non reputantur. Item nec illicitum videtur piscari arundine, leporem insequi cum uno aut alio cane, aucupari retibus exiguis. Aliud esset si venatio, & piscatoriali fierent retium, & instrumentorum apparatus, qui plurimum exigeret laboris, & tumultus. Ita sentiunt Boudart saltem pro majori parte, tom. 4. p. 248. Collat. Andeg. ubi supra, Pontas ibid. cal. 16.

Quod ad Notarios attinet, etsi labor eorum proprie servilis non sit, quia tamen comites habere solet turbas, & partium disceptationes, multo salubrius est ut ab eo penitus abstineatur, nisi urgeat necessitas exscribendi, v. g. testamentum, aut instrumentum vel hominis jam profecturi, vel multitudinis, quæ alia quam Festiva die convocari facile non possit. Collat. Andeg. ibid. pag. 223. Pontas cal. 17.

Prob. 2. pars, quia sic prædictis laboribus serviendum est, ut nihil eorum prætermittatur, quæ ad piam festivitatum celebrationem necessaria sunt: hinc indubie peccat, qui secluso urgentis necessitatis casu, brevi Missa contentus, cæteras Officii divini partes negligit; peneque, excepta sacri auditione, id unum facit, quod cæteris diebus. Quin & eo gravius delinquit, quo vacat operæ vel inutili magis, vel quæ plus a Deo avocet. Unde vir nobilis, qui, audita Missa, majori diei parte venationi indulget, videtur res dubii saltem peccati mortalis; imo hic leihale peccatum arguerem, (licet utrumque obtestent Samborius, & auctor Collar. Dioces. Lucion. quos sequitur Pontas v. *Chasse*, cal. 5.) si vir ille a venatione revertis nihil amplius in gratiam Dei faceret; & ita sentit Henno p. 234. A fortiori igitur sacrorum dierum violatores censeri debent, qui magnam eorum partem in popinis transigunt, aut vinum transigenti-bus præbent contra Ecclesiæ, & Principis leges.

## ARTICULUS SECUNDUS.

*Quid a Christianis die Dominica præstandum.*

Certum est ad sanctificationem Fæstorum haud satis esse, ut quis ab opere servili cesset, & otio indulgeat; cum otiositas sit ex S. Bernardo *mors anime, vivi hominis sepultura, & sentina omnium malorum*. Verum non ita facile definiri potest, quid præcise requiratur, ut fideles obligationi suæ faciant satis, quantum necesse est, ut vitent peccatum leve vel grave; summa enim est ea de re Casuistarum dissensio. Quæ certiora videbuntur, proponemus, parati, quod minus recte dictum fuerit, ex doctiorum judicio emendare. Rem totam duplici sectione expediemus, quarum prior de Missa dissetet, posterior de cæteris pietatis operibus.

## SECTIO PRIMA:

*De Missa.*

Circa Missam quatuor hic indaganda, 1. an audiri debeat, 2. quæ; 3. quomodo, 4. quibus de causis omitti aliquando possit.

CONCLUSIO I. Fideles omnes rationis usum adepti, sub gravi peccato Missam Fæstis, ac Dominicis diebus audire tenentur.

Prob. 1. ex unanimi tum Doctorum, tum etiam simplicium fidelium sensu; 2. ex innumeris Conciliis, quorum alia præcipiunt ut fideles Fæstis diebus intersint divinis Officiis, quorum nomine præcipue venit altaris sacrificium; alia, ut Aquense au. 1585. *Missam sine gravissimi peccati culpa prætermitti non posse* declarant; 3. ex censura hujus propositionis, quam reprobavit Innocentius XI. *Præceptum servandi Fæsta non obligat sub mortali, sepelito scandalo, si absit contemptus*: Porro eo ipso, quo præceptum servandi Fæsta, obligat sub mortali, debet & in eodem genere obligare præceptum audiendæ Missæ, quod præcipuam divini cultus partem importat.

CONCLUSIO II. Ad legitimam Missæ auditionem requiritur præsentia moralis, integra, & religiosa.

Prob. 1. pars. Ea solum est legitima Missæ auditio, per quam satisfit legi ab Ecclesia impostæ: atqui nonnisi per præsentiam moralem satisfit legi ab Ecclesia impostæ. Lex enim est de audienda Missa: atqui ipsum audiendi verbum præsentiam moralem requirit; cum non audiat, nisi qui humano modo præsens est, quod est moraliter præsentem esse: ergo.

Hinc Missa non audiunt 1. ebrii etiam si non longe distent a Sacerdote; 2. qui per Missæ tempus dormiunt; 3. qui per idem tempus peccata consentunt; nisi excuset brevis confessio; 4. qui alios etiam venialia consentientes audiunt. Ratio est, quia si omnes materialem solum præsentiam exhibent Sacrificio; aut, quod idem est, non dant attentionem requisitam; quandoquidem attentio, quam Missa requirit, debet esse per modum orationis, qualis non est in perscrutan-

tandis culpis, earumque circumstantiis, & in dialogismis inter poenitentem, & Confessarium. Ita Caballut. l. 2. c. 32. n. 4. & cum eo Pontas v. *Messe*, cap. 48.

Sed audiunt 1. qui eodem tempore in extasim rapiuntur, aut vi contemplationis absorbentur in Deo. Ratio est, quia attentio ad Deum, dum quis Sacrificio adest, perfectior est audiendæ Missæ modus, ut docent & colligunt omnes ex S. Thoma 2. 2. q. 83. art. 13. atqui perfectissimam hanc attentionem includit extasis; cum per eam mens Deo totaliter inhareat, & in eo penitus immergatur. Et vero ideo negant Turrianus & Lugo Missam in extasi audiri posse, quia putant in extasi nullam esse libertatem animæ: atqui id falsum est. Nam in extasi communiter meretur homo, cum alioqui raptus non esset gratia singularis. Unde S. Ambros. Lib. 2. de Spiritu sancto cap. 11. loquens de extasi Principis Apostolorum Act. 10. *Quoniam, inquit, vocatus Petrus respondit, Domine, ideo secundum meruit oraculum, quia confessus est Dominum.* Et S. Thom. 1. 2. q. 113. art. 3. ad 2. loquens de sapientia, quæ Salomoni communicata est in somno: *Potest dici, inquit, quod ille somnus non fuit naturalis, sed propheticus ... in quo casu aliquis usum liberi arbitrii habet: atqui meritum, & liberi arbitrii usus sine libertate subsistere non possunt: ergo.*

Quod obijciunt aliqui, D. Theresiam, prout ipsa refert cap. 33. vitæ suæ, scrupulum habuisse, quod in extasim tempore Sacrificii raptâ, aliam Missam non audierit; plus favet nobis, quam noceat, cum scrupulus sit inanis timor ex levissimo motivo subortus. Verum ea de re inutili, quia rarissima, pluribus dicere superfluum fuerit. Adeantur Suarez Tom. 3. in 3. part. disp. 88. sect. 3. Salmanticenses Tract. 23. c. 1. n. 105. Lugo de Euchar. disp. 22. sect. 2. n. 19.

2. Audiunt Missam, adeoque & audire tenentur cæci, ac surdi, quia eo ipso, quod pie sunt in loco unde restitutis sensibus audire, & videre possent sicut alii, merito judicantur moraliter præsentem.

3. Et ii quoque moraliter præsentem censentur, qui post altare, vel templi columnam, vel in loco Capellæ conjuncto, vel e domo sæculari templo contigua per fenestras intersunt Missæ. Idem est de iis, qui extra Ecclesiam multitudinis totius non capacem, consistunt: modo tamen ad multitudinem assistentium moraliter pertinere censeantur; ac proinde nimio ab ea intervallo non distent. Unde colligit Lugo ibid. n. 20. fieri posse ut quis in Basilica Romana S. Petri positus, etsi intendat audire privatam Missam: *quam scit tunc dici in aliquo loco ejusdem templi*, eam de facto non audiat; quia nec actionem Sacerdotis percipere possit, nec moraliter conjunctus sit iis, qui percipiunt. Si quis tamen a multitudine moraliter sejunctus per exiguam viæ publicæ distantiam, plene per se ipsum, & independentem a multitudine assistentium, actionem Sacerdotis perciperet, censet idem Cardinalis n. 21. eum Missam sufficienter auditurum. Secus, ait Henno, si solum colligeret actionem Sacerdotis ex eo, quod multitudo, a qua disjungi supponitur, surgat, genuflectat, percutiat pectus &c.

4. Demum, qui pauculum temporis dant pulsandæ campanæ, quærendo vino, excitando thuribulo, non desinunt reputari præsentem Missæ; tum quia hæc ad actionem Sacrificii aliquantulum pertinent; tum quia cum his mens ad Deum attendere potest. Qui tamen majori Missæ

se parte cœremoniis intendere debent, & experti sunt se sua ad eas attentione plurimum distrahi, male sibi consulunt, nisi privatam Missam audiant.

Prob. 2. pars, scilicet, quod ad satisfaciendum præcepto Ecclesiæ requiratur præsentia integra, seu ad totam Missam. Prob. inquam 1. ex Concilio Agathensi an. 506. Can. 47. ubi sic: *Missas die Dominico a secularibus totas teneri, vel ut alii legunt, audiri, speciali ordinatione præcipimus; ita ut ante Sacerdotis benedictionem egredi populus non præsumat; qui si fecerint ab Episcopo publice confundantur*; 2. ex Concilio Aureliensi an. 511. prohibente, ne populus ante discedat, quam Missa solemnitas compleatur, & ubi Episcopus non fuerit, benedictionem accipiat Sacerdotis. Idem iubent Concilia Burdigalense an. 1582. & Turonense an. 1583.

Hinc colliges 1. cum Nat. Alexandro post S. Antoninum 2. part. c. 9. tit. 10. non satisfacere præcepto, qui tertiam Missæ partem omiserit. Imo, ait Cabassut. ibid. n. 7. *Communio & probabilior sententia est doctum, omissionem auditionis a principio usque ad Epistolam exclusivæ, non esse quidem partem notabilem; sed si ipsa quoque mittatur Epistola, neque ulla excuset necessitas, materiam esse mortalis delicti*. Ita censent Taberna, Navarra, Suarez, Grassius, Henriquez, alique, quos citant & sequuntur Toletus & Bonacina. Nec desunt, qui cum Henno, Sa, & aliis quibusdam materiam notabilem non ponunt nisi ab initio Evangelii; quorum opinionem intactam relinquunt idem Cabassut. & Pontas ibid. cal. 47. præsertim eo, quod Epistolæ quædam vix gemino minuto perdurent. Fatendum tamen cum eodem Pontas, & auctore Collat. Andeg. non satis certas esse mitiores illas opiniones, quam ut iis tuto inniti liceat: unde ne quid remordeat conscientia, satagendam semper ut Missa tota audiat, vel ut audiat alia, si potest, cum ferius deventum est; quam ut audiretur Epistola.

Colliges 2. eos, qui culpabiliter non ab initio, sed ante lectam Epistolam Sacram audiunt, eos item, qui peracta communione egrediuntur, venialiter peccare; imo non dubitem quin mortaliter peccent, qui recederent tempore Consecrationis, quia ut ex S. Cæsario Arelarensi docet Nat. Alexander, tunc fiunt Missæ quando munera offeruntur, præcipue vero cum Corpus vel Sanguis Domini consecrantur. Hanc opinionem secundum principia intrinseca veram esse agnoscit Lugo ibid. num. 4. quod autem addit, eum, qui voluntarie per tempus Consecrationis distractus foret, adhuc præcepto satisfacturum esse, ex dicendis confutabitur. Multo probabilius est, quod docet idem Cardinalis, eum, qui recederet tempore Memento, quo ex indiscreta devotione oraret Sacerdos per unam horam, non fore violati præcepti reum, quia adhuc Missam audiret integram.

Colliges 3. eum, qui ad Missam peracta jam Consecratione accedit, tepere reliquum audire, si aliam audire non possit: se enim habet uti, qui caret Breviario; is autem etiam ad quartam Officii partem tenetur, si eam memoriter sciat. Nec nocet, quod dicit Lugo, neminem teneri adesse matutino Parasceves Officio, eo quod nulla hac die Consecratio fiat. Non enim ob defectum Consecrationis, sed ob defectum rigorosi præcepti immunes sunt a peccato fideles, qui Missæ ex præsanctificatione non interfuerint. Et vero, quis neget Ecclesiam sub gravi præcipere posse, ut fideles prædicta die intersint Officio?

Colliges 4. merito proscriptam esse ab Innocentio XI. hanc juniorum Casuistarum propositionem: *Satisfacit præcepto Ecclesie de audiendo Sacro, qui duas ejus partes, imo quatuor simul a diversis celebrantibus audit.* Ratio est, quia Missa necessaria est quid constans ex Oblatione, Consecratione, Communionem, ac proinde ex partibus successivis; porro implicat, quod partes necessario successivæ simul & una ponantur.

Colliges 5. contra Navarrum & Cabassutum ibid. n. 5. eum, qui, audita a Missa Consecratione ad finem, aliam audit ab Introitu ad Consecrationem, non implere præceptum. Ratio est, quia ex iis partibus, quæ nullum ad se ordinem habent, non fit unum Sacrificium; sicut nec fieret, si Sacerdos hostiam sumeret, non quam hodie, sed quam heri consecravit; quia sumptio unius hostiæ, & Consecratio alterius Missam non constituunt; sicut mactatio ovis unius, & alterius combustio non faciunt Holocaustum. Lugo ibid. n. 8.

Nec nocet, quod satisfaciat præcepto de recitandis Horis, qui ante Laudes persolvit, quam Matutinum. Ordo enim non est de essentia Officii, est vero de Sacrificii essentia, ut eadem, quæ consecrata est, Hostia in eadem actione, & ab eodem Sacerdote consumatur. Et vero ut bene notat Gibert ad citatum Cabassuti locum, præceptum de audienda Missa ex Ecclesiæ intentione metiendum est. Quis vero credat voluisse Ecclesiam, ut fideles Missam diverso partium ordine quasi inciam audire satis habeant. Ex eadem Ecclesiæ intentione, non obligarem ad alterius Missæ auditionem eum, qui Missam ab uno Sacerdote perductam usque ad Consecrationem, & ab alio finitam audisset.

Colliges 6. eum, qui ad tres obligatus Missas, puta ratione voti, poenitentiae, & Ecclesiasticæ legis, tres simul a tribus Sacerdotibus Missas audiret, neutiquam esse satisfacturum; quia ad tres successive Missas obligatur; aliud enim Confessarius, aliud ipse vovens sibi censetur præcepisse, quam quod jam præceptum erat.

Quæries an possit quispiam duas, quæ simul inchoantur, Missas audire.

Resp. negat. 1. quia Missa auditur per modum actionis unius; 2. quia id communi repugnat sensui fidelium: ii enim ita ad unam se Missam determinant, ut non audent, derelicta longiore, quam elegerunt, ad breviorē se convertere, nisi sub initium, cum alterutra tam parum profecta est, ut qui eam ab hoc puncto audit, integram audire censetur.

Prob. 3. pars, 1. quia Ecclesia Missæ auditionem præcipit ut actum & quidem præstantissimum religionis: atqui sine reverentia exteriori & interiori non impletur actus religionis. Qui enim actum religionis vere adimplet, nonnihil habet meriti: sed qui irreverenter se gerit, nihil meretur, nisi maledictionem latam Jerem. 47. contra eos, qui faciunt *Opus Domini fraudulenter*: ergo.

Prob. 2. ideo devotionem internam requiri negant laxiores Casuistæ; quia existimant eam ab Ecclesia præcipi non posse: atqui hæc ratio nulla est: 2. quia falsa est, ut ad minimum dubia, ut patet ex c. 5. artic. 1. Sect. 2. de legibus; 2. quia male ad præsentem questionem applicatur; cum lex de sanctificando per certos religionis actus Sabbatho, non sit mere Ecclesiastica, sed determinativa præcepti naturalis, quod posita Ecclesiæ lege vim suam exerit: jam vero præceptum naturale Deum certis temporibus specialiter colendi, cultum interiorem postulat: ergo.

Prob.



Prob. 3. ex censura nefandæ hujus propositionis: *Præcepto Ecclesiæ de audiendo Sacro satisfit per reverentiam exterioriorem tantum, animo licet voluntarie in aliena, imo & prava cogitatione defixo*; quam quidem propositionem Gallicani Patres an. 1700. sic perstrinxere: *Hæc propositio temeraria est, scandalosa, erranca, impietati faver, & præcepto Ecclesiæ illudis*.

Hinc colliges præceptum Ecclesiæ non impleri 1. ab iis, qui Missæ tempore conabulantur, corrident, oculos quoque versum in exeuntes & introeuntes, in epigraphia, vel picturas convertunt; 2. neque ab iis, qui ad Ecclesiā præcise veniunt ut videant, vel videantur ab amatoribus, ut dominos comitentur, ut tenebrem pompam honorent; 3. nec ab iis, qui ut omnes decoris & urbanitatis modos servant, in id pene unum intendunt ut saluent & resaluent; 4. nec ab his, qui toto tremendi Sacrificii, quod cum primum in Cruce oblatum est, sol obtinebruit, scissum est velum templi medium, terra mota, petra scissæ, & aperta monumenta, qui, inquam, toto tanti Sacrificii tempore stant vel sedent sine necessitate, vixque cum elevantur Mytheria genu alterum flectunt; mente interim minus, quam corpore, compositi. Ut hæc plenius intelligantur,

S. Antonia.

Quæres 1. quoti temporis interna vel externa distractio peccatum mortale inducat.

R. indevole audire idem esse, ac ommittere prorsus, ac proinde dicendum cum Henno, & Collat. Andegav. Tom. 2. p. 139. illud sufficere tempus, quod æquivaleret omissioni partis notabilis, de qua proxime dictum est. Porro voluntarie distracti censentur. 1. qui cum ad Missam veniunt, mentem habent negotiis, profanisve cogitationibus gravidam, nec, ut par est, corda sursum habere emittuntur; 2. quilibet pie & devote accesserint, mentem, quam alio converti sentiunt, revocare non student.

Quæres 2. an novum committat peccatum, qui Missæ interest in statu peccati.

R. 1. olim exclusos fuisse pœnitentes publicos ab ea Sacrificii parte, quæ ad Consecrationem vesgebat: tunc enim altiori voce inclamabat Diaconus: *Exite pœnitentes, exite Catechumeni*. Id autem factum est ex quadam disciplinæ severitate, non ex necessitate rigorosa, quasi Ecclesiæ persuasum foret iustitæ statum ad audiendam Missam prorsus necessarium esse. Unde merito proscripta est hæc Quenelli thesis numer. 89. *Quartus decimus gradus conversionis peccatoris, est, quod, cum sit jam reconciliatus, habet jus assistendi Sacrificio Ecclesiæ*, quæ propositio male inferitur ex citata primitivæ Ecclesiæ praxi: 1. quia non omnes peccatores arcebantur a Missa, (cum omnes nec cognoscerentur, nec cognosci possent;) sed ii dumtaxat, qui graviorum criminum palam rei essent; 2. quia non tam a Sacrificio excluderentur ut peccatores, quam ut pœnitentes certis pœnis ad tempus multandi; quo pacto ab altari in perpetuum removeri potest Sacerdos etiam emendatus. Et vero quis sibi fingat Ecclesiam credidisse, ex tot pœnitentibus, qui jam in *subfratorum* gradu positi, silentium & auditorum studia decurrerant, nullam esse, qui vera contritione jam Deo reconciliatus esset? 3. quia *consistentes*, necdum ab Ecclesia reconciliati erant, & tamen ad sacri totius auditionem adnitebantur; 4. quia status pœnitentium aliquam includebat excommunicationis speciem: atqui excommunicatio privat jure jam habito; ergo peccatores jam ante habebant jus assistendi Missæ; cum eo per præ-

dictam Ecclesie praxim privarentur. Et vero fidelium quisque eo, quo baptizatus est, jus habet assistendi Sacrificio, quod pro peccatoribus reconciliandis specialiter institutum est, nisi tamen a jure suo per censuras excidat; de quo vide, quæ diximus superiori volumine.

R. 2. eum, qui in statu peccati jacet, novum audiendo Missam peccatam non committere, sed e contra; si pie & attente audiat, ut potest auxilio gratiæ actualis. Unde Tridentinum Sess. 22. c. 2. docet altaris *Sacrificium vere propitiatorium esse; per ipsumque fieri, ut, si cum vero corde & recta fide, cum metu & reverentia, contriti, ac penitentes ad Deum accedamus, misericordiam consequamur, & gratiam inveniamus in auxilio opportuno. Hujus quippe oblatione placatus Dominus, gratiam & donum penitentiae concedens, crimina & peccata ingentia dimittit.* Objectiones, quæ contra peccatorum orationem proponi possent, diluimus Tom. 1. ubi de Orat.

Resp. 3. cum Tournely Tom. 1. de Eucharist. peccatorem novi peccati reum esse, si obfirmata in malo voluntate, & cum actuali affectu peccati, sine debita reverentia, sine ullo de peccatis dolore, vel saltem aliquo desiderio resipiscentiæ, ac divini gratiæ obtinendæ, Mysteriis nostris interfuerit. Ratio est 1. quia Christiani Missæ adstantes, & Sacrificium quadantenus offerunt, & ipsi in Sacrificium spirituale offeruntur. Offerunt quidem, ut publico Ecclesie Ministro quodammodo cooperantes, suamque intentionem ejus intentioni conjungentes: quod & indicant hæc Sacerdotis verba: *Orate fratres, ut meum, ac vestrum Sacrificium acceptabile fiat, &c.* hæc item; *Memento Domine ... omnium circumstantium ... pro quibus tibi offerimus, vel qui tibi offerunt hoc Sacrificium laudis.* Offeruntur vero, prout egregie docet Sanct. Augustinus Lib. 10. de Civ. Dei cap. 6. juxta quem *in ea re, quam offert Ecclesia, & ipsa offertur: at qui utraque hæc oblatio Deo ingrata esset, si fiat a peccatore, qui nullum de peccatis suis dolorem, aut saltem ab iis resipiscendi desiderium gerat. Hic certe, si alicubi, locum habet id Scripturæ: Populus hic labiis me honorat, cor autem eorum longe est a me; & ita longe ut nedum de placandò furore meo cogitent, habitu quasi continuo novas iniquitates meditentur.*

2. Ex Bellarmino Lib. 2. de bonis operib. capit. 6: peccator, qui non cupit gratiam conversionis, nec ex animo illam petit, orationem Dominicam recitando, non solum nihil impetrat, sed etiam ejus oratio fiet in peccatum, cum in singulis fere petitionibus mentiatur. Quomodo enim potest dicere: Pater noster, qui non vult esse filius? & sanctificetur nomen tuum: per quem nomen Dei assidue blasphematur: Et adveniat regnum tuum: qui nihil magis, quam adventum Domini timet, &c. ergo a pari, qui nequidem nascentis resipiscendi a peccato desiderium habet, dum Missæ adest, minus ut preceatur, quam ut insultet, nova se labe coinquinat. Et vero fingere mihi non possum, quin homo reus mortis, coram iudice anxius urgente ut veniam petat, exeat dignior graviore poena, si dum exterius supplicis personam gerit, nihil intus cogitat de flecendo iudice, imo potius ejusdem denuo offendendi consilium.

3. Si abiciat Deus eorum munera, qui ad altare accedunt, necdum tentata sua cum iratis fratribus reconciliatione; an ad eorum munera respiciet, qui ne quidem pedem movent, ut cum eo in tempore reconciliationis reconcilientur? Quomodo igitur, cum Dominus adest in mensa

non

*non oportet adesse famulos; qui offenderunt, nisi veniam petant, ita hoc quoque cum offertur Sacrificium.* Verba sunt S. Chrysostomi.

Neque tamen ab audienda Missa deterrendi sunt peccatores etiam obdurati; sed agendum ut spiritum meliorem induant, & sanctissimam religionis actionem, ea, qua decet, pietatis exerceant. Quin & si non respectu humano, sed ex sincero servandæ Ecclesiasticæ legis desiderio Ecclesiam frequentent, palam est eos moveri quodam Dei timore, qui sapientiæ initium esse possit. De hac materia fuscè differunt Nat. Alexander art. 6. Reg. 9. & auctor Collat. Lucion. q. 58. pag. 189. uterque vero mortalis peccati reum facit peccatorem, de quo agimus. Hæerere videntur Henricus a S. Ignatio, cum ait graviter peccare, *saltem in linea peccati venialis*, eos qui cum peccati mortalis affectu, sive eo non deposito, Missam Dominicis, & Festis diebus audiunt. Legatur & Pontas v. Messe cas. 45.

Tom. 2. p. 124.

Quæres 3. quæ potior sit Missæ audiendæ ratio.

R. Eam cæteris præstare, quæ tacite & mentaliter sequimur Sacerdotis actionem, & orationes. Neque hæc est ardua methodus, cuius plebs incapacem se credere debeat. An enim difficile est, ut dum Sacerdos in plano peccata sua confitetur, tu tua sincero doloris actu detesteris? Dum gloriam Deo in Excelsis peroptat, & in terra pacem hominibus bonæ voluntatis; tu nomen Dei laudes, eique de acceptis beneficiis gratiam referas? Dum ille Epistolam, & Evangelium recitat; tu verbum Dei petas a corde tuo vacuum non reverti? Dum offert dona, tu corpus, animam, & passiones, eo quo voluerit modo immolandas offerre coneris, & sic ab initio ad finem & Sacerdotis, & Victimæ oblatæ spiritum ingrediaris.

Quia tamen nonnulli imaginationis suæ parum compotes, nisi eam quadantenus illigent, animam gerunt alio facilius avolantem, suadet author Collat. Andeg. ut hi preces legant, quas legit Sacerdos, id est, ut Ordinarium Missæ pie, & attente pervolvant. Id quidem improbant aliqui; sed jam eo usque Ordinarium illud in innumeris Libris saniorum etiam Præfulum iussu editis habetur, ut qui id redarguunt, Pastores suos redarguere, & capere videantur.

Qui vero legere nesciunt, vocales preces, aut B. Virginis coronam percurrant, habita nihilominus identidem ad actiones Sacerdotis attentione. Ita idem Collator Andeg. Tom. 2. p. mihi 138. an per Missæ tempus Officium recitari, vel impositæ a Confessario pœnitentiæ satisfieri possit, prout censet mox citatus auctor, utcumque expendi tum in Tractatu de Religione, tum in Tract. de legib. cap. 5. a. 1. sect. 5. punct. 3.

CONCLUSIO IV. Triplex est legitima Missæ non audiendæ ratio; impotentia, charitas, & Officium. Incertum an his addi possit consuetudo; sed certo certius addi plures causas, quæ addendæ non sint. Conclusio habet quinque partes.

Prob. 1. pars. Impotentia vel est physica, quæ vinci absolute nequit, vel moralis, quæ vinci quidem potest, sed non sine gravi & periculosa difficultate: atqui utraque excusat. Prima quidem, quia de ea saltem intelligitur tritum illud: *Ad impossibile nemo tenetur*. Secunda vero, quia non obligant teneræ matris Ecclesiæ præcepta cum gravio;

ri incommodo. Quia tamen hic annexum est Ecclesiastico præcepto præceptum naturale, qui Sacro interesse nequit, tenetur id Oratione, lectione pia, Rosarii recitatione, internis animi affectibus, aliisque ejusdem generis, Missæ defectum compensare, secundum id Augustini Serm. 367. alias Serm. 25. de tempore: *Qui vero hoc*, ad Ecclesiam venie, *non possit, saltem in domo sua oret, & non negligat Deo . . . reddere pensum servitutis.*

Hinc audire Missam non tenentur 1. incarcerati, detenti lecto, aut domi seu iuste seu injuste, navigantes in mari, alique quotquot vel Sacerdotem non habent, ut in quibusdam infidelium terris, vel habent interdictum a divinis, aut ipsi interdicti sunt; quia id non possumus, nisi quod possumus sine peccato.

2. Qui Sacro interesse non possunt sine gravi, eoque non chimérico, sed reali, vitæ, honoris, aut bonorum periculo. *Vitæ*, ut si languidus e morbo, recidivam metuas; si pestem, si mortem a sicario per viam verearis. *Honoris*, ut si puella, quæ bonum nomen habet, nec alibi delitescere potest; templum adire nequit, quin se gravidam prodatur, aut si raptum timet. Addunt aliqui, si personis nobilibus desint vestes statui suo decentes, aut is comitatus, quem exigit personæ splendor. Sed, ait Henno, præcipua nobilitas est vita Christiana. *Bonorum*, ut si domus, vel oves ob furum vel hostium incursum deserui non possint: si a sociis itineris, qui Missam audire nolunt, discedere non possis propter ignorantiam aut pericula viarum.

Sed hic quædam notanda, 1. contra Suarem Tom. 3. in 3. p. D. Thomæ disp. 88. sect. 6. infirmum, qui debilis ad recuperandas vires mediis non uteretur, excommunicatum item, qui a censuris absolvi non satageret, reos fore non audiendo Missam, quia qui ad legem tenetur, tenetur & ad removendos legis exequendæ obices.

2. Cum eodem Suarez eum, cui ex privilegio concessum esset interdicti tempore audire Missam, ad eam obligatum iri, quia cessante impedimento præceptum vires resumit. Et vera, quis neget hominem vinculis detentum teneri ad Missam, si ei ex gratia concedatur libertas diebus Festivalis? Eadem de causa ad Missam teneri puto infirmos, qui ius habent, ut ea coram se in cubiculo celebretur; videtur enim indecentia per bonum opus compensari; neque approbarem, quod docent aliqui, eum qui nonnisi stipendio Sacerdotem accersere potest, ad id non teneri; (nisi tamen a longe non sine gravi sumptu advocandus esset Sacerdos,) quia peccat, qui non facit id, quod facile, & commode potest.

3. Eos, qui in terra infideli ubi nulla celebratur Missa, sine causa degunt, teneri quamprimum ad Catholicas partes remeare, & tandem versari in peccati mortalis habitu, donec eos facti pœniteat. Est autem legitima causa salus animarum, necessitas Reipublicæ, aut utilitas magna. Item mercatoris indigentia, cui, nisi ad infideles identidem divertat, mereri non possit.

Cæterum nemo non videt hæc omnia ex circumstantiis plurimum metiendi esse; sic viæ difficultas, & imbrium copia, quæ seminam una leuca a templo distantem excusat, non continuo rusticum robustum, & toto ævo assuetum aeris inclementiæ excusabit.

Prob. 2. pars, tum quia, ut bene S. Bernardus, propter charitatem convenienter omittitur, quod propter eandem institutum est; tum quia

in concursu geminæ legis, naturalis & Ecclesiasticæ, hæc illi, utpote minus gravis poni debet.

Hinc 1. qui curam agunt infirmi, Missam omittunt meritorie, si ex absentia sua grave eidem periculum immineat; aut si futurum sit ut inde multum patiatur anxietatis. Neque enim ad periculum grave necessum est, ut periclitetur vita, aut morbus notabiliter augeri debeat; sed res æquo & bono pensandæ sunt. In dubio an periculosum sit ægotantem delerere, non censeo deferendum; sicut in dubio an convalescens capax sit Officii recitandi, satius est omittere; prout dixi Tom. 1.

Hinc 2. qui præsentia sua, fures gravem proximi bono stragem, seu incendio, seu devastatione parantes, arcere valet, debet abstinere a Sacro: sicut & is, qui prævidet aliqui futurum, ut qui jam rixari cœperunt, alter alterum occidat, aut graviter vulneret. Quo ex principio consequi videtur, posse quem deesse Sacro, ut perjura, blasphemias, & similia coerceat; vel ut præveniat rixas, quæ ob vetera odia, vel sessionis ordinem & gradum indubie suborirentur. Hæc tamen licet a Soto, Suarez, & aliis compluribus admittitur; multum pendente a circumstantiis. Quidni enim homo vere Christianus infirmum in Ecclesia locum occupet ad tempus, donec debiliam sibi sedem in judicio recuperet? an Puella, quæ scit se a juvene deperditæ amari, seque ei indubie futuram peccandi occasionem, possit a Missa paucis expendi, supra ubi de Charitate pag. 332.

Prob. 3. pars. Quod debetur ex officio, debetur ex iustitia, ac proinde ex præcepto naturali: atqui præceptum naturale præire debet Ecclesiasticæ legi de audienda Missa: ergo.

Hinc 1. nec miles stationem, nec dux milites tempore prælii deserere possunt, ut Missam audiant: Imo graviter peccarent ambo ob grave damnum, quod inde suboriri posset. 2. idem quandoque dicendum de nutricibus, quas sapius non decet infantes ad Ecclesiam deducere. 3. de Pastoribus, qui sæpe nec latum unguem a pecoribus recedere possunt. 4. de famulis, quibus per dominos non licet adire Ecclesiam. 5. de opificibus, qui in sularis ferrariis, aut vitrariis agentes, ab incæpto opere, sine gravi tum sui, tum dominorum jactura dilcedere nequeunt.

Hæc tamen regulas cum grano salis intelligendas esse per se manifestum est. Sic bubulci, & ovium custodes, nisi aliud ferat omnimoda necessitas, pecora domi continere possunt per tempus Missæ, aut aliam adire Missam in vicinis pagis si possunt, etiam cum aliquo ordinarii somni dispendio, quidquid in contrarium cogitet Suarez. Sic, qui dominis impiis serviunt, quæritare debent religiosiores, qui non negent tempus exercendæ pietati sufficiens: neque hic excusaret lueri majoris intuitus; si enim alibi habeant alimenta, & quibus tegantur, contenti esse debent. Sic demum vitricæ officinæ artifices, alii alii succedere debent, ut reddentes dominis, quæ dominorum sunt, & Deo, quæ Dei, omnem impleat iustitiam. Quod si servi, & operarii, quorum fundus totus est labor, a dominis, quibus necessario adhærent, distineantur, quo tempore, vel Officio vel sacris Catechesibus interesse oporteret, utique immunes erunt, modo mentem, quo meliori poterunt modo erigant ad cœlestia, sed horrende, & cito durissimum erit iudicium dominis, qui hac sua agendi ratione quadantenus fidem negant, & sunt infidelibus deteriores: omni enim Christiano, quempiam in familiam suam adoptanti dicitur, quod ad aliquem III. Reg. 20. v.

23. *Custodi virum istum, qui, si lapsus fuerit, erit anima tua pro anima ejus.*

Prob. 4. pars. Consuetudinis est quibusdam in locis. 1. ut feminae per aliquot post partum dies, etiamsi plene convalescerint, ab Ecclesiae ingressu abstineant. 2. ut viduae statim post obitum mariti non exeant e domo, sicque Missam omittant, aliae diutius ut nobiles, aliae tempore breviori, ut plebeiae. 3. ut nobiles puellae, quae jam nubiles sunt, e maternis aedibus non discedant: atqui, dempta hac tertia consuetudine, quae evidens est abusus; (tum quia ut bene Suarez, tutius sit, ut filia matrem ad templum comitetur; quam ut sibi relicta maneat domi; tum quia, quibus negatur aditus Ecclesiae, non negantur inspectio per fenestras, ludi, & spectacula) incertum videtur an prima & secunda consuetudo ab audienda Missa dispentent. Nam 1. affirmant viri graves ut Cajetanus, Sylvester, Navarrus, & qui majoris est momenti, S. Antoninus 2. part. tit. 9. §. 2. quibus juxta Suarem suffragantur *fere omnes Summiſſae*, favetque pro priori casu Innocentius III. c. unic. *De purificai.* ubi sic: *Si tamen feminae a partu recentes ex veneratione voluerint aliquamdiu ab Ecclesiarum aditu abstinere, devotionem earum non credimus improbandam.* 2. assertiri videntur Episcopi, qui non reclamant; imo quorum aliqui, ut S. Carolus in Concilio I. Mediolanensi, sinunt ut viduae sint per mensem, non ramen amplius, *sine Missae auditione*. 3. exigit usus, a quo quae recedere vellent, plus probabiliter murmurum, scandali, & suspicionum praeriberent, quam facerent boni Missam audiendo. Aliunde vero ex adversa parte pugnat Pontas v. *Messe*. cal. 46. ubi nititur 1. auctoritate Concilii Mexicani, quod an. 1589. consuetudinem hanc reprobavit, ipsa consuetudinis natura, quae cum antiquis Ecclesiae legibus repugnet, nec ulla transgressionem praecepti compenlet utilitate, ad abusus emendandi debet, secundum id S. Cypriani apud Gratian. Can. 8. dist. 8. *Consuetudo sine veritate, vetustas erroris est: propter quod relicto errore sequamur veritatem.*

Postremam hanc opinionem sequer in praxi, sed cum multisplaci praecautio. 1. enim non clamarem altis faucibus damnatum iri viduas omnes, quae patrium morem secutae abstinuissent a Missa. 2. paulatim edocerem, quam adverseiur consuetudo illa sinceræ charitati in defuncto, qui devota sacri unius auditione juvantur efficacius, quam exteriori quocumque luctus & doloris apparatu. 3. confacerdotes deprecarer in Christo, ut quod adstruerem, & ipsi adstruerent; imo ea de causa recurrerem ad Episcopum si liceret. 4. eximiae pietatis matronas hortarer, ut induto spiritui virili, cæteris hac in parte prælucerent exemplo, & adversus antiquam superstitionem Christianæ pietatis vexillum attollerent. 5. tandem rebus jam maturis loquerer altiori voce, & quæ secus facere pergerent, facerem extorres a Sacramentis.

## SECTIO SECUNDA.

*De aliis pietatis operibus, quibus fideles vacare oportet.*

**S**uppono imprimis præceptum de sanctificatione Sabbati male impleri ab iis, qui sola Missa, quam breviorē invenire queant, contenti, reliquam diem in otio, nugis, colloquiis inutilibus, ludis, aut cursibus transigunt. Quantum hæc ab Ecclesiæ & religionis spiritu abhorreant, aperiunt hæc verba Concilii Turonensis an. 813. Can. 40. *Die Dominica oportet omnes Christianos in laude Dei & gratiarum actione usque ad vesp̄am perseverare*. Hæc item Nicolai I. in Responsis ad Consulta Bulgarorum, c. 10. & 11. *Dominico die a labore terreno cessandum, atque omni modo orationibus insistendum, ut quod negligenter per sex dies agitur, per diem Resurrectionis precibus expietur . . . . ut liberius ad Ecclesiam ire, Psalmi & Hymni, & Canticis spiritualibus insistere, orationi vacare, Oblationes offerre, Memoriam Sanctorum communicare, ad imitationem eorum assurgere, eloquiis divinis intendere, eleemosynas indigentibus ministrare valeat Christianus*. Idem sanciunt innumera pene Concilia, quorum aliquot videris apud Nat. Alexandrum Reg. 10. pag. 721.

Quoniam vero in his quædam sunt, quæ suadentur ad melius, non autem rigorose præcipiuntur; districtius expendere juvat, quænam his diebus sine peccato prætermitti non possint. Movetur autem difficultas 1. de Actu contritionis; 2. de Actibus Virtutum Theologicarum; 3. de lectione Sacræ Scripturæ; 4. de auditione Verbi Divini; 5. de Officii vespertini frequentatione. Quæ omnia paucis indagabimus. Sit itaque

**CONCLUSIO I.** Convenit, & necessarium est ut existens in peccato mortali actum eliciat contritionis aut aliquid simile.

Prob. 1. pars, tum ex unanimi pene omnium Theologorum consensu; tum quia congruit Christianum meritorie operari; ac proinde eo, quo potest, meliori modo se disponere ad gratiam, quæ est principium meriti.

Prob. 2. pars, si enim actio illius, qui in habituali peccato degens, Missam audit sine ullo doloris sensu, sine ullo saltem resipiscentiæ desiderio, novum sit peccatum, aut de eo plurimum suspecta, indubie in negotio tanti momenti pars turior sub præceptum cadit: atqui ex dictis supra, qui positus in peccati statu audit Missam, absque ullo vel sensu doloris, vel desiderio resipiscendi, novum admittit peccatum, aut de eo plurimum & fundate suspectus est; ergo si sibi quantum ad impletionem gravis præcepti consulere velit, necessum est, ut ad Deum recurrat per dolorem, aut resipiscendi desiderium.

**CONCLUSIO II.** Etsi mathematicè definiri nequeat quando præcise eliciendi sint Virtutum Theologicarum actus, prout diximus agendo de Charitate, hortandi tamen sunt fideles ut explicitis earundem virtutum actus Dominicis festisque diebus exercent.

Prob. quia fideles diebus præsertim Dominicis Deum colere debent atqui Deus non melius colitur, quam fide, spe, & charitate, cum illæ virtutes omnium sint nobilissimæ; ergo.

CON-

CONCLUSIO III. Ad sanctificationem diei Dominicæ necessaria non est sacræ Scripturæ lectio.

Prob. ut vera sit nostra hæc assertio, unum sufficit, scilicet ut merito proscripta fuerit hæc Quenelli propositio n. 82. *Dies Dominicus a Christianis debet sanctificari lectionibus pietatis, & super omnia sanctarum Scripturarum: damnosum est velle Christianum ab hac lectione retrahere*; atqui hæc propositio merito proscripta est: 1. quidem, quia proscripta est ab Ecclesia, ne contradicentem quidem in Orbe toto una vel minima Provincia Ecclesiastica: cum sicubi repugnaverit Metropolitani, contra eum steterint suffraganei; si econtra refragati sint suffraganei quidam, contra eos steterit cum cæteris suffraganeis Metropolitani; 2. quia gravibus de causis proscripta est. Propositio enim, quæ necessarium facit id, quod necessarium non est, imo id quod non raro periculosum foret; propositio, quæ multiplicis Ecclesiæ, ejus præsertim, quæ cæterarum mater est & magistra, præsumit ut damnosam carpi & reprobat; propositio demum, quæ pluribus Gallicanæ Ecclesiæ Decretis adversatur, jure ac merito proscripta est: atqui talis est allata Quenelli propositio.

*Trident.*

1. Quidem necessariam facit lectionem sacræ Scripturæ, quasi ea ommissa Dominicæ dies sanctificari non possent; & tamen, qui pie Missam, cæteraque Officia audiret, & congruenti tempore divinis intruderet animum, a nemine posset redargui. Et vero nascentis Ecclesiæ fideles dies Festos debite sanctificabant: ii porro novum Testamentum, quod juxta Quenellianos præcipue legi necesse est, nec legebant, nec legere poterant, quandoquidem non statim scriptis traditum fuerit. Quin & per duo & amplius sæcula quædam subsisterent Ecclesiæ absque Scripturis, prout fateri coactus est Arnaldus in modesto Opere, cui titulus: *De la lecture de l'Ecriture sainte, contre les paradoxes impies, & extravagans de M. Mallet, p. 260.* & aperte docet S. Irenæus Lib. 3. cont. Her. cap. 4. his verbis: *Credunt aliqui populi sine charta & aivamento, scriptam habentes per Spiritum in cordibus suis salutem, & veterem traditionem diligenter custodientes.* Concinebat multo post Irenæum tempore Augustinus Lib. 1. de Doct. Christ. cap. 39. ubi sic: *Homo fide, spe, & charitate subnixus, eaque inconcussa retinens, non indiget Scripturis, nisi ad alios instruendos.* Itaque multi per hæc tria etiam in solitudine sine codicibus vivunt. Accedit, quod semper magna fidelium pars legere nescierit; Gallicæ & finitimæ nationes per multa sæcula nullam habuerint Bibliorum versionem.

2. Eadem propositio conformiter ad hanc propositionem 79. *Utile & necessarium est, omni tempore, omni loco, & omni personarum generi audire.... sacræ Scripturæ, necessarium facit id, quod non raro plenum esset periculi.* Nihil enim est periculosum magis, quam sinistre interpretari Scripturam, nihil vero frequentius, quam sinistre interpretari id, quod plurimum habet obscuritatis; atqui Scripturam densa nec rara caligine involvi docent & Scriptura ipsa, & Patres, & experientia. Scriptura quidem 2. Petri cap. 3. v. 16. *In quibus Pauli Epistolis, sunt quædam difficulta intellectu, quæ indocti & instabiles depravant, sicut & cæteras Scripturas, ad suam ipsorum perditionem.* Patres vero, quorum alii cum Augustino Lib. 12. Confess. c. 14. exclamant: *Mira profunditas divino.*



divinorum eloquiorum . . . . Deus meus , mira profunditas , horror est intendere ; quo fit ut recte eod. Lib. de Doct. Christ. c. 13. *Plerumque a sensu auctoris sacri deviet interpret , si non sit doctissimus* . Unde , rursus Lib. 11. Confess. cap. 2. *Sint casta delicia , Scriptura tuæ , nec fallar in eis , nec fallam ex eis* . Alii cum Ambrosio in cap. 4. Lucæ agnoscunt , quod satanas de Scripturis ipsi divinis sepe laqueum fidelibus parat : sic hereticos facit , sic eviscerat fidem . Hinc Lutherus ipse Scripturam aliquando vocavit *Librum hereticorum* ; & Erasmus in Epist. ad Melanct. de Sectariis temporis sui sibi , ut hodie Janleniani , ad furorem usque contradicentibus pulchre dixit : *Omnes unum occinunt Evangelium , sed cujus ipsi volunt esse interpretes* . Suffragatur hic omnium sæculorum experientia ; quæ enim hæresis , quæ errorum portentosa Scripturam suam esse totam non jactitaverunt ? Adde quod quidam Scripturæ Libri & inter alios Canticum Canticorum non parum habeant periculi .

3. Eadem propositio multarum Ecclesiarum ac præcipue Ecclesiæ Romanæ , quæ cæterarum caput est & magistra , præxim reprobat ut damnosam . Nam quarta Indicis Tridentini regula sic habet : *Cum experimento manifestum sit , si sacra Biblia vulgari lingua passim sine discrimine permittantur , plus inde ob hominum temeritatem detrimenti , quam utilitatis oriri , hac in parte judicio Episcopi aut Inquisitoris stetur , ut cum consilio Parochi , vel Confessarii , Bibliorum a Catholicis auctoribus versorum lectionem in vulgari lingua eis concedere possint , quos intellexerint ex ejusmodi lectione , non damnum , sed fidei atque pietatis augmentum capere posse* , &c. Hæc autem regula a Pio IV. expresse approbata , & confirmata a Clemente VIII. & Innocentio XII. ac demum religiose suscepta a S. Carolo Borromæo , & suffraganeis ejusdem Episcopis septemdecim ; hæc , inquam , regula , non in Italia tantum , & in Hispaniis , sed in multis insuper regionibus , quæ pietatem colunt , assidue observatur . Impe-rita quidem fuit petulanter a Chemnicio , Gomario , aliisque Picudore-formatis , qui indubie suam Quenello doctrinam gratulati essent : sed non est speciosa laus in ore peccatoris . Hanc profecto laudem non meruisset illa tam sublimis ingenii virgo Theresia , quæ , referente Didaco de Ypes Cæsaraugustano Præule , ejusdem Seraphicæ matris Confessario , puellæ cuidam postridie ad novitiarum admittendæ , & interroganti an sua secum asserre deberet Biblia , respondit : *Biblia ! o Filia : nec te volumus , nec tua Biblia* . Quid ergo , inquires , legi volebat S. Theresia ? Catechismum . Hic est , inquebat , *Liber , quem volo ut Moniales mea nosse diuque legant ; quia Lex Domini est* . Ita refert & probat Thomas Du-Jardin in Universitate Lovaniensi Doctor , ex Ordine FF. Prædicatorum , in Opusculo cui titulus : *Nota in propositiones Paschassi Quenelli* , ad proposit. 83.

4. Denum eadem propositio pluribus adversatur Ecclesiæ Gallicanæ Decretis , quæ jam ab Albigenis temporibus Scripturæ lectionem revocaverunt , quoribus id judicant expedire . *Prohibemus etiam* , ajunt Concilia Tholosæ an. 1179. & 1229. *ne Laici libros veteris Testamenti aut novi habere permittantur* . *Biblia Sacra* , ait Narbonense Concilium an. 1609. c. 3. *idiomata Gallico conscripta legere , aut domi retinere nemini liceat , nisi ab Episcopo , aut Vicario ejus generali expressa in scriptis obtenta licentia* . Idem statuunt Concilia Bituricense an. 1584. Aqueñse an. 1585. Burdigalense an. 1624. & alia sive apud Gallos , sive apud externos plura .

Quæ-

Quæro autem an tot Conciliorum Patres ignoraverint jura fidelium ; an damnosam erga eos agendi rationem tenuerint ; an crediderint se Christianis *os Christi obscurare* ; an quasi artis regendarum animarum rudes , & imperiti Quenellianis lectionibus indiguerint .

At, inquit, sacra Scriptura continet Testamentum Dei ad nos ; unicuique autem necessum est, ut legat patris sui Testamentum .

R. 1. Hinc reprobari praxim virorum Apostolicorum, qui, ut supra vidimus, Ecclesias quasdam non per aliquot annos, sed per plura sæcula *sine charta & atramento*, idest sine Scripturis reliquerunt .

R. 2. Scripturam esse Testamentum Dei ad Ecclesiam, non ad quoscumque indistincte fideles, nisi hoc sensu, quod eis ejusdem Testamenti Summam explicari necessum sit . Et vero an non provide ager tutor, qui sentiens futurum ut pupillus ex paterni Testamenti lectione turbetur, & quandoque detrimenti plurimum ferat, lectione hac eundem privat, nihil interim celans eorum, quæ ipsi plane necessaria sunt ? atque hinc sane Facultas Parisiensis merito proscriptit ann. 1527. quinque Erasmi propositiones, Quenellianis non absimiles ; & an. 1567. Versionem Renati Benedicti, qui assererat *Scripturam sacram quasi ex necessitate ad salutem ab omnibus legendam esse* .

• Fatendum tamen cum Ethica amoris tom. 2. pag. 142. n. 288. invaluisse usum in Gallia & Belgio, ut Biblia vulgari idiomate legi permittatur a Laicis piis ; atque utinam a piis tantum, qui sane Salomonis Canticum cum Tibulli & Catulli obscœnitatibus non compararent, prout comparatum vidi & legi. Interim, pergit Henricus a S. Ignatio, *Pastores & Confessarii lectionem hanc permittere non debent in versione corrupta, & nonnisi iis, de quibus moraliter constat, quod non abutentur*. Ubi nota plerisque eorum, qui tantopere Scripturas legis præcipiunt, id præcipere unum ut legantur in Versionibus, quæ non Scripturam ipsam, sed loco ejus errore propinant . Inde ubicumque disseminata versio Montensis, quæ tot scatet erroribus ; inde vitiata R. P. Ameloi versio præsertim in editione an. 1733. de quo consule Præfationem appositam editioni an. 1738. & 1741. apud Viduam Mazieres . Inde demum multo totius ad Scripturæ lectionem hortabatur Chrysostomus : quia cum ea græca lingua legeretur, exulabat periculum infidis versionibus annexum .

CONCLUSIO IV. Diebus Dominicis Fideles tum Concioni tum Vespertinis Officii interesse debent : est communis .

Prob. utraque pars, 1. ex Concilio III. Mediolanensi, tit. de Festorum dierum cultu, ubi sic legitur : *Ut ii dies omni pietate & religiosius colantur, hæc crebro populum Parochi & Concionatores admoncant, atque hortentur .... ut concionem mane .... audiant. Ut divinis Vesperarum præsertim Officii præsentem pie religioseque adhnt, &c.* 2. ex Concilio Aquisi an. 1585. eod. tit. ubi sic : *Doccantur populi .... præsertim ut præter Missam, qua sine gravissimi peccati pena prætermitti non potest, præter Vesperas item, quibus fidelem quemque nisi impeditum, interesse maxime convenit, in Doctrina Christiana rudimentis omnes tam mares, quam femina, tam viri, quam pueri, vel perdiscendis si illa ignorent, vel aliis perdocendis versentur* ; 3. ex Concilio Remensi ann. 1583. tit. de dieb. Fest. quod sic habet : *Diebus Dominicis & Festis in suas Parochias populus conveniat, & Missa, Concioni, ac Vesperis interfuit*. Plura congerere superfluum fuerit in re ubique præscripta .

Quæ-

Quæres an & quale committat peccatum; qui Vesperis non interest, cum possit.

R. videri eum venialis peccati reum; quia hic quædam apprehenditur obligatio ab iis etiam, qui conscientie sunt paulo latioris; unde cum cessante quocumque impedimento Vesperas omiserunt, solent de eo se accusare. Unde etiam discipulos Magistri, filios patres, servos domini ad hæc Officia urgere consueverunt. Haud tamen gravis est hæc culpa, cum nec consuetudo, nec Ecclesiastica lex gravem hic subesse culpam insinuent; quin & citata Synodus Aquensis utitur voce *convenit*, quæ grave præceptum excludit; licet in contra facientibus tacite arguat negligentiam; quæ ab omni culpa non vacat.

Cæterum supponimus eos, qui Vesperis non interfunt, absentiam suam aliis virtutis operibus compensare. Graviter enim intra lineam venialis peccaret, qui mediam diei partem in otio, vanisque confabulationibus tereret; ut ii faciunt, quibus quæcumque occasio legitima est ex se divinis ab Officiis dispensandi causa.



## TRACTATUS

## D E

## PRÆCEPTIS SECUNDÆ TABULÆ

## DECALOGI.



XPLANATIS pro modulo superiori in Tractatu primæ tabulæ præceptis, quæ Deum ipsum intuentur, superest, ut de his dicamus, quæ ad proximum spectant, quæque secundæ tabulæ præcepta nuncupari solent. Cum autem eo materialium ordine, quem Deus ipse constituerit, potior nullus esse valeat, operæ pretium est ut eidem incunctanter adhæreamus. Sit igitur

## CAPUT PRIMUM.

## De quarto. Decalogi Præcepto.

**Q**uartum Decalogi Præceptum iis redditum est verbis Exodi 20. v. 12. *Honora patrem tuum, & matrem tuam, ut sis longævus super terram, quam Dominus Deus tuus dabit tibi*, seu in præfenti sæculo, si id saluti expediat; seu & præsertim in futuro, ubi Deo dante fruemur *terra excelsa, terra nova, terra viventium*, terra, quæ mitibus promittitur, Matth. 5.

Et si vero patris & matris nomine ii præcipue intelligendi veniunt, a quibus corporalem vitam hausimus; in hoc tamen præcepto, ait appositè

S. Thom. S. Thomas, intelligitur mandari quicquid pertinet ad reddendum debitum.

2. 2. qu. cuiusque personæ superiori, sicut secundarium includitur in principali.

22. art. Hinc etiam nomine parentum intelliguntur 1. Ecclesiæ Pastores, qui

3. ad 2. exemplo Apostoli 1. Cor. 4. in Christo Jesu per Evangelium genuerunt

nos, plerumque in sudore vultus sui, in laboribus multus, in vigiliis &c.

2. ii, qui Reipublicæ præsent, seu suprema polleant auctoritate ut Reges,

seu precariam habeant ut Regum vicarii Magistratus; 3. qui legitimam in alios jurisdictionem, quæcumque ea sit, exercent, ut viri in

uxores, domini in mancipia, heri in famulos, tutores vel Pædagogi in

pupillos aut discipulos; 4. qui ex ipsa, quam adepti sunt, provectiori

ætate, nonnihil superioritatis habent: hinc illud nec satis pensatum Levit. 19.

*Coram cano capite consurge, & honora personam senis*. Horum

omnium præcipua, quæ difficultatem parere valeant, nec alibi a nobis

discussa fuerint, exponemus in præfenti.

## ARTICULUS PRIMUS.

*De mutuis patrum, ac filiorum obligationibus.*

**D**UO hic, ut primo intuitu patet, investiganda : 1. quid filiis parentes; 2. quid parentibus filii reddere teneantur.

## SECTIO PRIMÆ.

*De obligationibus parentum erga liberos.*

**C**onstat in primis parentes totum id debere filiis suis, quod unusquisque proximo debet; cum neminem fere filiis ipsis propinquiorem habeant: quoniam vero vel ipsa naturæ vox plenis faucibus clamat officio suo defuturum patrem, qui in gratiam propriæ proles nihil præstaret amplius, quam in extraneorum gratiam, idcirco expendunt Theologi, quid præcise liberis suis debeant parentes; qua de re fit

CONCLUSIO I. Parentes temporales filiis suis curam exhibere tenentur.

Prob. Temporalis liberorum cura duo exigit, 1. ut avertatur ab iis corporale detrimentum; 2. ut iis suppeditentur ad vitam necessaria: atqui parentes filiis suis utrumque debent, tum Jure naturali, quod abunde monet, ut quibus vitam dederis, iis vitam conserves, alioqui immanitate superaturus feras ferissimas, quæ foetus suos nutriunt, & qua omni possunt ope, ab extraneis insultationibus tuentur: tum Jure seu civili seu canonico. Civili quidem ut videre est Leg. 1. 2. & 3. Cod. *De alimentis liberis*: Canonico autem ut patet ex cap. 14. dist. 30. quod desumptum est ex Concilio Gangrensi an. 324. ubi sic legere est: *Si quis dereliquerit proprios filios suos, & non eos aluerit ... sed sub occasione continentia negligendos putaverit, anathema sit.*

Hinc graviter peccant parentes 1. qui, quantum moraliter fieri potest; non cavent quid liberis, præsertim cum pueruli sunt, & quasi lactentes, eveniat mali; puta ne lufci, claudi, vel aliter diffformes fiant; ne noceant sibi nimio ploratu; ne cadant in ignem vel aquam; ne vorentur a belluis quandoque etiam domesticis; ne in eodem secum lecto dormientes suffocentur; quæ ultima, ni fallor, etiamnum prænitentiæ publicæ subjacent Cœnoman, & multis in Diœcesibus reservatum casum constituent. A fortiori peccant gravidæ matres, quæ immania ferunt onera, immoderato labori vacant, currunt, saltant, bibunt vel comedunt nociva non sine gravi temporaneæ, ac perpetuæ infantium salutis dispendio. Item patres, qui cum periculo foetus, conjuges percutiunt, vexant, ærumna & dolore afficiunt: aut qui purificationis vel menstrui tempore accedunt ad uxores; unde fit ut proles si non portenta, saltem infirma vel distorta nascatur. Quale autem peccatum in utroque hoc posteriori casu committant, expendam infra.

2. Qui victum, vestitum, habitationem, medicamenta tempore morbi, imo post mortem congruentes funebris impensas, & preces pro defunctorum requie filiis denegant. Item, qui iisdem non provident in futurum, (saltem cum mediocri diligentia, quæ sola sufficere creditur, nisi forte majorem requirant urgentiores circumstantiæ) seu edocendo per se vel

alios

1. Cor. 13.

alios artem vel officium unde vivant, seu congruas opes iisdem præparando: *non enim debent filii parentibus thesaurizare, sed parentes filiis: quod utinam plures tam pura præstent manu, ut nec proximo noceant, nec in egenos fiant immisericordes.*

3. Qui ut sumptibus parcant, aut majorem habeant boni deglutendi copiam, infantes suos exponunt; neque tunc deest restituendi obligatio. Qui enim filios etiam per adulterium vel fornicationem acquirunt, sed ad occultationem peccati, & ad tollendum scandalum mittunt ad hospitalia, tenentur illos alere expensis suis, & eis providere, si possunt, ut docet S. Antoninus part. 2. tit. 1. cap. 14. & ex eo Pontas V. *Restitutio*, cas. 159. ubi animadvertit parentes non posse prolem legitimam absque gravissimo peccato exponere citra extremam aut vere gravem necessitatem, prout docent alii cum Grandino ubi de Religione pag. 148. qui vero seu criminis occultandi, seu inopiæ causa filios exponunt, observare debent locum, tempus, ac circumstantias, quin & signo aliquo efficere ut prolem deinceps agnoscant, quo institutioni ejus provideant, si pinguior sibi fortuna obtigerit. Certe, qui plures diversi sexus exponunt, vereri debent, ne frater sororem ducat.

4. Qui competentem filiæ nubere volenti dotem negant. Ampliat id Bonac. disp. 6. in Decal. qu. unic. punct. 6. §. 2. etiam si filia sive major sive minor annis 25. invito patre nubat, aut nubat indigno, ei nempe cui vel ob depravatos ejus mores, aut vilitatem generis, vel bonorum aut status disparitatem, nonnisi indecore nubere possit. Verum in Galliis magna opus est distinctione: etsi enim tenetur pater (& mater patre non valente) idque Jure naturali filiam dotare, quia dos locum habet alimentorum, quæ pater proli suæ debet; si tamen filia, spreto patris consensu, cuiuspiam nupsit, jam excidit a jure dotis, & exheredari potest; nisi puella annis 25. major, (aut filius major annis 30.) consensum paternum humiliter sed frustra requisierit; hoc enim in casu pater ad præstandam dotem tenetur, licet de ea in Provinciis, ut ajunt, consuetudinariis, judicialiter conveniri non possit: unde tunc supplex paterni consensus requisitus exheredationem impedit, sed non tribuit jus civile dotis hic, & nunc exigendæ; ita saltem docet Auctor Collat. Andeg. Tom. 3. de Matrim. p. 99. edit. 1741. Verum extra rem fuerit his, quæ pendent a locorum usibus, & varia variis ex circumstantiis temperamenta indubie requirerent, fusius immorari.

5. Quod de dote nuptiali dictum est, de dote tum ad ingressum Religionis, tum ad Clericalis status professionem dictum censei debet, ut docet Pontas V. *Dor*, cas. 6. neque tamen hic necessaria est, ut in causa nuptiarum, ea paternum consensum inquirendi ratio, quam gallice dicimus, *sommations respectueuses*. Hinc anno 1718. judicatum est a Curia Burdigalensi licitum esse puellæ annis 25. majori ingredi Religionem; ejusque patrem de pensione Novitarius, elemosyna dotali, cæterisque id genus impensis omnino teneri. Ita Ferriere V. *Sommations respectueuses*.

6. Et ii quoque graviter contra propriæ prolis curam delinquant, qui post primæ uxoris fata ad secundas nuptias transvolando falsa cudunt inventaria, ut filios ex priori conjugio susceptos legitima defraudent. Item, qui tot erogant bona in pias foundationes ut jam non possint pueris suis decenter providere.

—Hic quedam notanda. 1. nomine filii intelligitur etiam illegitimus: is enim ut qui etiam vere filius sit, jus habet ut sibi a parentibus vita conservetur.

vetur. Idem est de filio, quem Princeps proscripserit, aut excommunicaverit Ecclesia. Neutra enim potestas Juris naturalis obligationem perimit; Quin & filiorum nomine veniunt filiorum uxores; pater enim non solum filiis alimenta præbere, sed etiam filios in sustinendis, quæ sibi incumbunt, oneribus adjuvare tenetur: porro filii est onus ut uxorem suam alant.

2. In filiorum nutritione alix sunt patris, alix matris partes. Siquidem mater ex *L. Nec filium, C. De patria potestate*, filios tertium ad usque annum alere debet, seu per bonam nec morbo infectam nutricem, seu per se ipsam, nisi obset infirmitas, aut gradus splendor. Cæterum, quæ filios non laetant, cum potest, communiter judicatur venialis peccati rea, non obstante *prava*, quæ in contrarium *surrexit*, consuetudine, c. 4. dist. 5. quod desumptum est ex Responsionibus S. Gregorii ad interrogationem S. Augustini Anglorum Episcopi, an. 603. Quod ad Patres attinet; eorum est triennes jam filios alere: quod nisi fecerint, reddit onus illud ad matrem, & in ejus defectum ad avos aliosque ascendentes, leg. pen. ff. *de lib. agnosc.* Si mater post prius triennium aliquid expenderit pro infante, poterit a patre repetere, *L. Nec filium, C. De patria potest.* Ita Cabassut. *L. 6. Theor. & prax. c. 1.* non ita prorsus sentit Layman Juris Cæsarei scientissimus, quem, æe rei, pro locorum usu varia esse potest, immoremur diutius, consule *L. 5. Traët. 10. p. 3. c. 5. n. 6.*

3. Non debet pater alimenta filio, si huic sufficientia bona suppetant; aut artem calleat, modo sibi non indecoram; aut officio provisos sit, unde vitam suam sustentare valeat; denique si filius mentis sit adeo ingratus, animi-ve tam flagitiosus ut secundum jura exheredari mereatur. Cabass. *ibid. n. 10.*

Quæres 1. an pater teneatur reddere alimenta filio; qui aliunde vixit.

R. Si filius ut viveret, debita contraxerit, hæc a patre solvenda esse, ut quæ contracta fuerint nomine patris, quem supponimus filio alimenta debere. Si vero, quis filium volens enutrierit, nihil est, quod pater filio refundere teneatur: quia pater alimentum debens, non debetimenti pretium ei, qui aliunde habuit unde viveret.

Quæres 2. an hæredes vel donatarii parentum, istorum filios alere teneantur.

R. Ad 1. affirmat. Unde si pater filii spurii dederit bona sua Monasterio, in quo professus ipse fuerit, quod certis in locis licitum est. Monasterium de alimentis filio providere tenebitur. Ita docent Bartholus, Socinus, Panormitanus, alique Juris Doctores ex variis Legibus. Et vero æquum est, ut potissimum ac naturale patris onus adeo devolvatur, qui eidem successerint in bonis. Hinc

R. Ad 2. æquitati consonum esse, ut donatarius filios etiam spurios benefactoris sui alere compellatur: neque enim præsumi potest patrem naturali officio deesse voluisse. Unde si Petrus probare non possit se filium esse Titii, sed id probabiliter cognoscat Joannes Titii donatarius, indubie pro rara, & modo cognitionis Petrum juvare tenebitur.

CONCLUSIO II. Parentes sedulam Christianæ filiorum suorum institutioni quantum admoveere tenentur.

Prob. 1. quia ex Apostolo 1. ad Tim. 5. *Si quis suorum, & maxime domesticorum curam non habet, fidem negavit, & est infideli deterior.* Eph. 6. *Educate illos in disciplina, & correptione Domini.* Eccli. 7. *Filii tibi sunt, erudi illos & curva ab adolescentia sua.* Quæ quidem attentis sæculi depravatione, & puerorum neglectu, sætibus magis indigerent, quam commentario.

*Tournely Theol. Moral. Tom. III.*

Aa

Prob. 2.

Prob. 2. quia non alio sine matrimonio ad Sacramenti dignitatem e-  
vedum est, quam ut nata proles renascatur Christo, renata eat de virtute  
in virtutem, & tandem ad æternæ felicitatis portum deveniat: atqui va-  
rii ii fines obtineri non possunt sine Christiana, eaque sollicita & jugi fi-  
liorum institutione. Cum enim nec tenella voluntas, nec alia quævis,  
media vitium inter & virtutem consistere queat, sed ad malum tota pro-  
na sit, dubio procul in peccatum proruet, nisi poterit, & pene invita  
sileatur ad bonum; porro, *quo semel imbuta fuerit, seroabit odorem res-  
sa diu*. Hinc celebre illud, nec terribile minus oraculum Spiritus Sancti  
Prov. 22. 6. *Adolescens junta viam suam, etiam cum senuerit, non vece-  
det ab ea*: hinc iterum S. Chrysostomus hom. 9. in Epist. 1. ad Tim. *Non  
parvi meriti est indultus a Deo liberos ad ipsius exercere militiam, eique ab ipsis  
infantiæ pannis dedicare: nam si ejusce educationis fundamenta jecerint, magnis  
afficiendi sunt præmiis; quemadmodum si neglexerint, magnis cruciatibus*: ergo.

Ut autem spiritualis parentum erga filios obligatio, articulatum & quasi  
anathomice dissecta facilius percipi ac retineri possit, juvat hanc ad certa  
quædam capita revocare: 1. itaque solliciti esse debent ut pueri, quam pri-  
mum salutari baptismatis lavacro regenerentur; utque in forma certiori  
baptizentur, quos ob periculum, præproperam festinationem, aut insci-  
tiam obstetricis vel alterius, in forma dubia contigerit domi baptizari.

2. Curandum ut pueruli statim ac fieri potest, Orationem Dominicam,  
Angelicam salutationem, & Symbolum Apostolorum addicant, non ut  
psitaci, qui sonos reddunt, & nihil ultra, sed ut homines ad Dei cul-  
tum sensum efformandi. Quod ut fiat, paulatim edocebuntur, se alium  
quem non vident, habere patrem; patrem hunc regnare in cælis, quos;  
pie ac sancte viventibus præparaverit, &c.

3. Et in id incumbendum, ut, ubi prior affulserit rationis scintilla,  
ad Deum se per amorem convertant; de quo vide dicta in Tract. de  
Peccatis.

4. Satagendum ut fidei rudimenta teneant, ut instruantur de agendis, ut  
maturre Ecclesiâs frequentent, ut catechismis intersint, & concionibus, ut  
peccata deponant, ut ad sectandam virtutem ex affectu deducantur, præ-  
teritâ vero ut a peccato fugiant tanquam a facie colubri. Huc faciet nota  
hæc, nec unquam celebranda. satis Blancæ Reginæ vox ad Ludovicum XI  
*Filii scit Deus, quam tenero te amore prosequar: malim tamen te vite in regno  
privatum intueri, quam lethalis peccati reum agnoscere*. In idem conspirant  
hæc senioris Tobiz ad filium suum monita: *Omni diebus vite tue in mente  
habeto Deum, & cave ne aliquando peccato consentias, & prætermittas  
præcepta Domini... omni tempore benedic Deum, & pete ab eo ut vias  
tuas dirigat, & omnia consilia tua in eo permaneant*, &c. Tob. 4.

5. Dehortandi sunt juvenes a fallacibus mundi illecebris, ab amore vo-  
luptatis, a terrenorum bonorum cupidine, ab eo omni, quod superbiam;  
quod amorem sui, quod aliorum despicionem sapit. Monita hæc salutis  
dabunt parentes occasione seu eorum, qui, ut Salomon, omnia experti  
voluptatum genera, agnoverunt tandem omnia vanitatem esse, & affli-  
ctionem animi; seu tot fortunæ filiorum, qui aspirante Principum aura in  
altum sublati sunt, ut ruerent graviore lapsu; seu denique tot clara e pro-  
genie Sanctorum; qui sponte in hac vita pauperes, cum Christo regnant  
in æternum; & pro iis, quæ dimisere, centuplum accipiunt.

6. Erri redargui non possunt, qui alienæ manui filios suos committunt, ut  
ab



ab ea effortentur: at ii graviter sunt in culpa, qui quem primum invenerint, etsi sapiens incognitum, hac cura donant. Ii item, qui non expendant an Pædagogum suum, ut par est, officio fungantur, an non labefactent mores eorum, quibus instituendis præpositi sunt &c. Generatim loquendo satius est, ut puer paterna in domo, mollopia, enutriatur; quam ut cum aliis pluribus, quos omnes vel unus inficere possit, convictor exsistat.

7. Meminerint parentes id Prov. 23. *Qui parit virga, odit filium suum; qui autem diligit, infanter erudit, & rursus: Noli subtrahere a puero disciplinam; si enim percusseris eum virga, non mariesur, tu virga percussus eum, & animam ejus de inferno liberabis;* quia videlicet retrahes a vitiis, quorum si semel habitum contraxerit, vix unquam meliorem ad frugem poterit revocari. Cavendum tamen ne virtus sola verborum ope perluaderi credatur: cum e contra hinc adeo alpera parvulus appareat, ut ad solum ejus nomen exhorecant. Adde, quo repetita verbera animum tandem dedeciant, & obruant: unde Apostolus Coloss. 3. *Patres nolite ad indignationem provocare filios vestros, ne pusillo animo fiant.* Interim videndum simul ne intempestiva lenitate remissius arguatur id, quod severius fuerat ulciscendum. Heli, ait S. Chrysostomus ubi supra, *propter filios peris: illos quippe cum acrius corripere debuisset, verbis tantum levibus monuit: quapropter dum illis molestus esse severa increpatione recusat, illos & seipsum una perdidit.* Audite hac patres tam spirituales, quam corporales, vestrosque filios in disciplina, & correptione Domini erudite summa cum diligentia. Concinit Hieronymus L. 1. contra Pelagianos. Heli, inquit, corripuit filios, & punitus est, quia non corripere solum, sed abjicere debuit. Lege cap. 4. L. 1. Reg. & tempera a lachrymis, si potes.

8. Pessime filii consulunt parentes, qui iidem plenam quolibet frequentandi consortia licentiam indulgent: cum consortia hæc plerorumque juvenum mentes inficiant atque devastent, nec nisi devastare queant: quo referri solet id Psalm. 17. quod tamen alio dictum est sensu: *Cum sanctus sanctus eris... & cum perverso perverseris.* Alia sane mens erat mortaliū sapientissimi, cum teneram ac male providam ætatem instituere ac præmonere volens, aiebat: *Fili mi si te lachaverint peccatores, ne acquiescas eis. Fili mi ne ambules cum eis: prohibe pedem tuum a semitis eorum. Pedes enim illarum ad malum currunt.* Insistendum vero præcipue ne sexus iexum alterum frequentet: *Sexus famineus*, verba sunt Hieronymi Epist. ad Gaudentium, *sexui suo jungatur; nesciat puella, imo timeat cum pueris ludere.* Hinc quibusdam in Diocesibus sub anathemate vetitum est, ne eidem scholæ puellæ cum pueris intersint: imo ne viri puellas, aut pueros feminæ erudiant. Extat flebile & recentius ea de re exemplum, quam Abailardi, & Heloissæ.

9. Nec melius provident filii, qui iidem Romanensium, ut ajunt, Librorum lectionem permittunt, eo prætextu, quod hinc fiant ad bene dicendum habiliores. Esto enim, quod in iis lectionibus colligant facundia flores; quid tum, si pudicitiam perdunt? si quas in aliis laudari vident ambitionis ac vindictæ passionibus, in se accendant? si a solido studio ad nectias avolent? Nemias dico, & moderate: quandoquidem, ut in speciali de Libris Romanensibus oratione docuit Carolus Foreus, vir eloquentia facili insignis, modestia insignior & pietate: *Romanensi fabula non bifloria, non geographia, non poetica, non ipsi parci eloquentiæ, sed omnia depravat litterarum genera:* Sed de his rursus infra ad sextum præceptum.

10. In id præ cæteris incumbere debent parentes ut pueris bono exemplo sint. Ad quid enim verba, & verbera, si quod utrique docent, dedoceant exemplo. *Dabis*, ait S. Bernard. ser. 59. in Cant. *dabis vocis tuæ voces virtutis, si quod suades, prius tibi illud cognosceris persuasisse. Validior operis, quam oris vox. Fac ut loqueris, & non solum me facilius emendas, sed te quoque non levi liberis probro.* Et vero verba volant, exempla autem diutius præ oculis habentur: aliunde quis serio existimet tam malum esse id, quod coram se perpetrari videt? Hinc graviter peccant contra charitatem, & iustitiam scandalosi ii patres, qui coram pueris blasphemant, deirahunt, loquuntur obscæna, ebrietati student, ira & furore abripiuntur, obvices quosque præsertim, e familia sua conviciis imperant, Ecclesiam raro frequentant, rarius conciones, quas etiam derident, rarissime Sacramenta. Horum filii, si in æternum pereant, ut pereant sæpius, ingement his S. Cypr. verbis Lib. de lapsis: *Perdidit nos aliena perfidia, parentes sensim parricidas.*

11. Nec solum invigilare debent pater, & mater, ne malo exemplo noceant proli suæ, sed ne etiam mutuis amplexibus, aliique ejusdem generis simile quid edoceant. Stupendum quid ea in re de puella vix quin-quenni audiivi. Curandum igitur ut pueri non in paterno lecto quiescant. Satiùs utique est ut durius subeant cubile, quam ut a teneris unguibus discant, quæ ignorare licitum, scire nefas. Eadem de causa numquam tolerandum ut frater cum sorore recumbat: inde enim densa oritur seges malorum, quæ prudens, & liberalis Confessarius facile avertet, aliquid impendendo unde egeni parentes miserum lectum comparent.

12. Cavenda filii unius præ cæteris dilectio, ipsis etiam Sanctis pertimescenda. *Israel*, ait sacer textus Gen. 37. *diligebat Joseph super omnes filios suos* : &c. *fecitque ei tunicam polychitam.* Sed quo cesset ea prædilectio? *Videntes fratres ejus, quod a patre plus cunctis filiis amaretur, oderant eum; nec poterant ei quidquam pacifice loqui.* Neque est, quod regeat pater se alii alium præferre, quod formæ sit elegantioris, urbanioris ingenii, indolis longe blandioris, animi ad scientias multo expeditioris. Eæ enim frivolæ sunt iniquæ agendi rationis excusationes: quia filius quocumque sit in statu, non desinit esse filius; imo quo inferior est ratione corporis vel animi, plus indiget ne novis afficiatur ærumnis. Quod distortum habeat corporis, non sui, sed patris vitium est. Quod parciorem receperit ingenii mensuram, tribuendum est providentiæ, quæ quandoque quos salvat hebetes, reprobasset summa animi perspicacitate donatos.

Hinc colliges cum Nat. Alexandro plerumque non expedire ut parentes in bonorum suorum distributione sortem unius alterius sorte meliorem faciant, tamen si id secundum loci leges facere permittantur. Is enim inæqualis parentum amor, & alios præ aliis agendi studium, exitiaria sæpe sæpius parit odia filiorum in parentes, & fratris in fratrem. Quidquid ergo leges hac in specie indulgeant parentibus, debent hi meminisse id Apostoli 2. Corint. 6. *Omnia mihi licent, sed non omnia expediunt.* Alioquin timendum ne præpostero affectu gravis coram Deo noxæ rei fiant, ipsique imputentur quorquor hinc oritura sunt filiorum peccata. Eadem fuit patrum, sed Ambrosii præcipue doctrina: hæc ille in L. de Joseph. Patriarcha c. 11. *Frequenter amor patrius, nisi moderationem teneat, nocet liberis; si aut nimis indulgentia dilectum resolvat, aut prælatione unius ceteros ab affectu germanitatis avertat. Plus acquiritur filio, cui fratrum amor acquiritur. Hæc præclarior munificentia patrum, hæc dicitur hereditas filiorum. Jungat liberos aequalis gratia,*  
*quas*

quos junxit equalis natura. Lucrum pietas nescit pecuniæ, in quo pietatis dispendium est. Quid miraris si propter fundum aut domum oriuntur inter fratres jurgia, quando propter tunicam inter Jacob sancti filios exarsit invidia? Hæc tamen non obstant quin plus quidpiam erogari possit filio, qui id speciali in parentes affectu promeruerit, aut aliis setiantibus rem familiarem adauxerit improbo labore: quin & is par labori suo stipendium repetere potest, prout dixi tom. 1.

13. Adhuc diligendi sunt filii cum a Deo exules ad vitium flectuntur. Inherendum vestigiis S. Monicæ, quæ tam crebros totis decem annis ante Deum gemitus pro Augustino fudit, ut non posset filius istarum lachrymarum perire: qua de re legatur S. Doctor lib. 2. Confess. cap. 1. n. 10. &c. Quod si filius, prodigi instar, ad se reversus sanctiorem viam ingredi cœperit, ea debet benignitate suscipi, quam expressit Christus in parabola filii prodigi, quam videris Lucæ 15. De his, qui plura optaverit consulat Gallicas Instructiones Josephi Lambert.

## SECTIO SECUNDA.

### De officiis liberorum erga parentes.

**H**Aud quidem necesse fuit ut Deus filiorum amorem præscriberet parentibus, qui ut in sui, sic & in amorem prolis nativo quodam pondere proferuntur: at pietatem in parentes filius præcipi necesse fuit, quia filii complures huic officio defunt. Etsi autem plurima parentibus debent filii, ea tamen ad quatuor capita revocari solent; quæ ut plenius intelligantur, sit

CONCLUSIO I. Filii sincerum amorem, & exteriora ejus signa debent parentibus.

Prob. 1. quia exigit natura, ut eos sincere diligamus, qui nobis plura, majoresque momenti bona contulere: atqui in hoc ordine primas tenent parentes respectu aliorum, quos & edidere cum non essent, & impensis curis alverunt &c. Memento igitur, ait Eccl. c. 7. v. 30. *quoniam nisi per illos natus non fuisses: & retribue illis, quomodo & illi tibi.*

Prob. 2. tum quia parentes speciali ratione Deum repræsentant velut creatorem, conservatorem, ac provisorem munificum; tum quia si proximum quemque, etiam inimicum amare debemus, quanto magis eos, qui tam propinqui sunt nobis, ut nemo propinquior esse possit?

Hinc peccant graviter 1. qui parentes interius oderunt, vel aspernantur; de temporanea vel æterna eorum salute nihil anxietatis habent, non curant mature muniri Sacramentis; testamenta vel negligunt vel differunt exequi; preces, & sacrificia mortuis denegant. Item, qui de eorum adversitate lætiantur, de prosperis dolent, infortunia optant, aut, quod deterius est, ipsam mortem, quo citius ab eorum monitis, aut diuturna cura liberentur, aut demum eorum fruantur hæreditate: & hæc odii circumstantia in confessione aperiri debet, quia peculiarem habet pietati repugnantiam. Merito igitur proscripta est ab Innocent. XI. propositio hæc feralis: *Licetum est absoluto desiderio cupere mortem patris, non quidem ut malum patris, sed ut bonum cupientis; quia nimirum ei obventura est pinguis hæreditas.*

2. Qui, etsi parentes diligunt interius, si tamen verus is amor est, eisdem tamen assilunt exterius, torvis oculis intuentur, & alloquuntur tam aspere; gestuque, qui adeo contemptum spirat, ut eos odisse videantur. In hujusmodi

filios acriter invehitur Spiritus Sanctus Prov. 30. 17. his verbis: *Oculum, qui subsannat patrem, & qui despicit partum matris sue, effodiant eum corvi de torrentibus, & comedant eum filii aquile, & cap. 19. 26. Qui affligit patrem, & fugat matrem, ignominiosus est, & infelix.*

CONCLUSIO II. Filii parentibus reverentiam omnimodam debent.

Prob. Reverentia duplex, interior, quæ posita est in recognitione superioris, ac venerabundo quodam ejus timore; & exterior, quæ consistit in signis, quibus interioris animi sensus manifestetur: atqui præceptum honorandi parentes utramque reverentiæ speciem exigit. Quippe ex Eccli. 3. 8. *Qui times Dominum, honoras parentes, & quasi dominis serviet his, qui genuerunt se:* atqui servus internam, externamque reverentiam dominis debet, & præstat si vere servus est; eisdem agnoscit ut superiores, humiliter & modeste alloquitur, assurgit iisdem, caput aperit: ergo a pari.

Contra hoc pietatis officium graviter peccant. 1. qui parentes percutiunt, cujus sceleris nequitia patet ex illo Exod. 21. *Qui percusserit patrem suum aut matrem morte moriatur.* Neque excusat a mortali levitas percussiois, ob conditionem personæ; qua etiam de causa non esset a gravi noxa immunis, qui manum attolleret ad percutiendos parentes; etiam sine animo percutiendi, quia esset hoc gravis irreverentia. Aliter dicendum ex Covarruvia, si id faciat filius ad legitimam sui, Principis aut Reipublicæ defensionem.

2. Qui patri vel matri maledicunt, quod etiam Exodi & Levit. 20. sub pœna mortis vetitum est: hanc autem pœnam non raro per se infligit supremus læsæ pietatis index, secundum id Prov. 20. *Qui maledixit patri suo vel matri, extinguetur lucerna ejus in mediis tenebris.* Sceleris hujus rei sunt, qui parentes afficiunt verbis contumeliosis, eosdem subsannant, aut deridendos præbent, ad iram provocant, etsi non sequatur ira. Legatur ea de re Gen. caput 9. ubi Cham in se suisque maledictus legitur, quod patrem in somno nudatum, non solum non texisset, sed & fratribus suis propinasset irridendum. Legatur & August. lib. 23. de Civ. Dei c. 8. ubi terribilem maternæ maledictionis effectum describit. De cætero sibi potissimum invigilare debent filii, cum parentes habent præ senio aut aliquo ex casu jam delirios. Certe debitus patri honor non innuitur ejusdem virtutibus, quas sæpe nullas habet; sed ipsis naturæ legibus, quas constanter servari necesse est. Hinc Eccli. 3. 14. *Fili, suscipe senectam patris tui, & non contristes eum in vita illius: Et si defeceris sensu, veniam da; & ne spernas eum in virtute tua, & rursus pro peccato matris, idest pro anatri defectu patienter tolerato, restitueris tibi bonum &c.*

3. Qui nativitatibus suæ obliti parentes egenos agnoscere erubescunt. Si quis tamen se hujus filium proftendo, vitæ, honoris, aut fortunæ bonorum grave discrimen incurreret, posset ortum suum dissimulare. Neque ad id semper requireretur parentum consensus etiam tacitus, ut patet in casu de vitanda morte, aut gravi infamia, ea præsertim, quæ parentibus nihil profutura sit.

4. Qui parentes criminis acculant, quive contra eos testari veillent, quod prohibitum est Leg. *Parentes*, Cod. *De testibus*. Excipiuntur casus tum hæreseos, quam pater disseminaturus sit, tum conjurationis aut proditionis regis, quam idem pater meditetur: tunc enim esset is post impensam omnem malo averiendæ operam, ante criminis perpétrationem accusandus; quia commune bonum privato bono etiam patris præferri debet. Licet etiam filio judicis opem implorare adversus patrem, qui alimenta filio depreget, eundem a Religione Catholica avertere moliarur. &c.

Cir-

Circa hæc, & similia generaliter supponendum. 1. filios gravi peccatis reos esse posse, etiam ex facto levi, aut quod ab omni peccato vacet, ut si coram patre id faciant vel omittant, unde eum ira gravi commovendum esse suspicantur. 2. odium, injuriam, & alia id genus, quæ contra extraneum essent aliquid mediocriter, grave quod reputari adversus patrem, ob singularem, quæ ipsi post Deum debetur, reverentiam. 3. quidquid contra extraneum foret peccatum mortale, id duplicem habere malitiam, cum de parentibus agitur, quia ultra virtutem, quam violat hoc vel illud filii peccatum, semper violatur pietas.

CONCLUSIO III. Filii tenentur parentibus obedire in iis, in quibus ipsam subsumunt.

Prob. 1. ex Scriptura. Proverb. 1. *Audi, fili mi, disciplinam patris tui, & ne dimittas legem matris tue.* Ephes. 6. *Filii obedite parentibus in Domino: hoc enim justum est;* & ita justum, ut filius patri ac matri rebellis, Deo mandante, lapidibus obrui deberet, Deuter. 21.

Prob. 2. ex exemplo Christi, qui non tantum Patri æterno obediens fuit usque ad mortem, sed & Mariæ ac Josepho tanquam parentibus subditur esse voluit, Luc. 2. Extant præclara obedientiæ exempla in veteri Lege. Sic Isaac patri, a quo immolandus erat, nihil reluctans, nihil interrogans, nihil conquerens obedivit, Gen. 22. Sic Rechabitzæ a vino constanter abstinuerunt; quia, aiebant, *Jonadab filius Rechab pater noster præcepit nobis dicens: Non bibetis vinum vos, & filii vestri in sempiternum.* Jerem. 35.

Prob. 3. quia ubi alter jus habet imperandi, alium obsequi necesse est: atqui pater, & mater jus imperandi habent; cum aliter filiorum curam utiliter gerere non possint: ergo.

Dixi: *in iis, in quibus filii parentibus subsunt.* Subsunt autem 1. in iis omnibus, quæ spectant ad bonos mores, & salutem; qualia sunt abstinere a periculosis occasionibus, a ludis prohibitis, a nocturnis cursibus, a tabernis, a contractibus, qui usuram aut simoniam sapiant. Item catecheses, conciones sacras, Ecclesiam ac Sacramenta frequentare. 2. in his, quæ spectant ad regimen domesticum, pacem, bona, honorem, & decus familiaris. Unde si præcipiat pater ut filius tali hora maneat domi, vel domum regrediatur, ut tali arti vacet, ut aliam non addiscat; ut nihil de familiaribus rebus donec; vel dittrahat; item ut filia dulces litterulas non recipiat, aut furtim munuscula, vel ut maneat in Monasterio donec nuptui tradatur, erit prorsus obediendum. Imo in casu alienationis rei domesticæ, generali quodam præcepto vetitum censetur, quidquid expresse permissum non fuerit, nisi res levioris sit momenti.

Non subsunt vero parentibus filii in iis, quæ præceptis aut consiliis Evangelii adversantur. Unde filius patri duellum aut pravos contractus imperanti; filia matri cœmedias, spectacula, choreasve, pectoris nuditatem, & similia præcipienti obedire non tenentur, secundum id Act. 5. 29. *Obedire oportet Deo magis, quam hominibus.* Hinc sapienter Augustinus in Psalm. 70. *Ubi, inquit, hoc jubet pater, quod contra Deum non sit, sic audiendus est quomodo Deus; quia obedire patri jussit Deus.*

Gravis hic insurgit quæstio, quid parentibus debeant liberi in ordine ad electionem status. Quæstio de iis præcipue statibus movetur, quos, qui semel amplexus fuerit, immobiliter tenere debeat, ut sunt Clericalis status, qua parte Sacros Ordines complectitur, status Religionis, ac demum matrimonii.

Quoad hanc enim vel illam professionem, si æquum est ut filius obtemperet patri, æquum etiam esset paternon cogat filium; cui ars vel professio (utique nec mala nec indecora respective) in quam naturali quodam impetu propendet, multo succedet felicius, quam ars invisæ. Jam ad propositum.

R. 1. graviter peccare parentes; qui directe vel indirecte prolem cogunt ad susceptionem status fixi; sive is sit Religionis, vel Ordinum; sive matrimonii status. Ratio est; tum quia non hominis est, sed Dei hominem vocare, quo voluerit; tum quia ex coacta vocatione pessimi quique exitus scaturiunt. Hinc perpetua in matrimoniis odia, odiorumque effectus adulteria; hinc sacrilegia, & scandala in Clericali statu, ac demum in Monasteriis tædium, rebellio, furor, & desperatio. Merito igitur Synodus Tridentina. Sess. 25. de Regular. c. 18. *anathemati subicit omnes, & singulas personas cujuscumque qualitatis vel conditionis fuerint, tam Clericos quam Laicos, Seculares vel Regulares, atque etiam qualibet dignitate fulgentes, si quomodocumque coegerint aliquam virginem vel viduam, aut aliam quamcumque mulierem invitam, præterquam in casibus in Jure expressis, ad ingrediendum Monasterium, vel ad suscipiendum habitum cujuscumque Religionis, vel ad emittendam Professionem: quique consilium, auxilium, vel favorem dederint; quique scientes eam non sponte ingredi Monasterium, aut habitum suscipere, aut Professionem emittere, quoquo modo eidem aſſui, vel præsentiam, vel consensum, vel auctoritatem interposuerint.* Haud tamen statim habenda est fides iis, qui se ad statum Monasticum metu vel dolo adactos esse contendunt, sed id sequendum, quod docet Tridentina eadem Synodus ibid. cap. 19. Vide, quæ diximus pag. 71. & seq.

R. 2. peccare etiam parentes, qui cæco liberorum aut sui amore eosdem a Religione, Clericatu, vel matrimonio retrahunt sine causa. Si enim retrahant a Religione vel statu Clericali, jam avocant a meliori proposito, & privant Ecclesiam bonis, quæ iidem parituri erant: proh! quantum Ecclesiæ jamnum, si S. Thomas domesticis ærumnis victus a pio Dominicanorum instituto recessisset. Si autem retrahant a matrimonio, imo si diutius consensum suum differant, innumeris eosdem peccatis, si non facti, certe oris, aspectus & cordis exponunt, non animadvertentes melius esse nubere, quam uri.

Dixi, si retrahant sine causa. Possunt enim, imo & tenentur parentes prorsus impedire ne filius ad Ecclesiastica munia ineptus, Clericalem statum ingrediatur; idemque de Religionis ingressu dicendum. Item & obſtare debent, ne eam Religionem amplectantur, unde exulant ordo, disciplina, vel Ecclesiæ Catholicæ fides; nisi, quod rarum est, conjici possit futurum ut mala hæc, & cessent deinceps, & Candidatum ab iis corde, & animo distantem non iniciant. Interim sibi suisque sancte consulunt parentes, qui prolis vocationem sedulo examinant, & eorum proposito opponunt se ad tempus, ut probent, an ex sincero crucis ferendæ desiderio Monasterium subire velint; an non ex juvenili levitate, ac volatili fervoris æstu agant.

R. 3. non tenentur, nec possunt filii, quibus de divina vocatione constat, obsequi parentibus, qui Religionem aut Clericatum dissuadeant. Ratio est, quia ut solide docet S. Hieronymus Epist. 1. ad Heliodorum, *Scriptura quidem præcipit parentibus obsequendum; sed quicumque eos supra Christum amat, perdit animam suam*: porro parentes supra Christum amat, qui ne displiceat iidem, divinam vocationem abjicit. Merito igitur S. idem Doctor, *Dum, inquit, parentes aliquid a te exigunt contra Deum, licet sparsa crimine, & scissis vestibus ubera, quibus te exutierat, mater ostendat; licet is timine pater*

*pater jaceat per calcatum perge patrem, siccis oculis ad vexillum crucis evola. Solum pietatis genus est hac in re esse crudelem. Et vero, ait Petrus Bleienfis Epist. 2. Multi pro parentibus suis animas perdididerunt, quorum occasione mundus, qui in eis aruerat, denuo revirescit... Impius est, qui animæ suæ pro parentibus est crudelis, majoremque temeritatem hac nemo habet, quam ut animam suam ponat quis ita periculose pro amicis suis.*

Neque etiam filii parentibus obsequi debent, cum iidem iniqui aliquid præcipiunt, vel suadent in ordine ad sacri ministerii functiones, vel Beneficiorum fructus. His, si unquam dicant cum Scriptura patri suo, & matri suæ, *nescio vos; & fratribus suis, ignoro vos*, respondeant cum S. Bernardo Epist. 111. *Si me vere ut boni, ut pii parentes diligitis, si veram, si fidelem erga Deum pietatem habetis, quid me Patri omnium Deo placere satagentem inquietatis?... Vere nunc cognosco quia inimici hominibus domesticis ejus, in hoc vobis obedire non debeo, in hoc non agnosco parentes, sed hostes: si diligeretis me, gauderetis utique, quia vado ad meum, atque vestrum, imo universorum Patrem.* Hanc, ut norunt omnes, agendi rationem pene infans servavit S. Carolus Borromæus, qui donatus patrem suum admonuit, ne Beneficii reditus in rem familiarem converteret.

R. 4. quod spectat ad matrimonium, graviter peccant filii. 1. cum inconsultis parentibus conjugium ineunt. Vult enim Scriptura Eccle. 7. ut pater filiam suam tradat *homini sensato*; quomodo autem tradet, si huic liberum sit, inconsulto patre, ei nubere, quem volet? Et vero matrimonium res est alex tam gravis, ut etiam si filius sui plane juris esset in cæteris rebus, in hac esse non posset. Hinc Tertullianus Lib. 1. ad conjug. *Nec in terris, inquit, filii sine consensu patrum recte & jure nubunt.* Hinc etiam Synodus Tridentina Sess. 24. cap. 3. de reform. Et si eos *anathematizat damnat, qui falso affirmant matrimonia a filiorum familias sine consensu parentum contracta irrita esse... nihilominus agnoscit, quod sancta Dei Ecclesia ex iustissimis causis illa semper detestata est.* Quod autem censent aliqui filium, qui uxorem se dignam ducit inconsulto patre, peccare solum venialiter, merito rejicitur a sanioribus Theologis: neque enim, ait Gloriam Tract. de Relig. pag. 145. contingere id potest sine gravi contemptu parentum, ne dicam injuria, quando eorum consensus peti potest, nec prævidentur ullum sine justa causa impedimentum allaturi.

2. Cum eam non ducunt uxorem, quam duci præcipiunt parentes, ut vel sopiantur similitates periculose, vel magnæ parentum necessitati subveniatur. Ita post Navarrum doctor mox citatus.

Excusantur tamen filii, qui puellam a parentibus propositam rejiciunt; cum ejus nuptiæ nec pacem domus, nec conscientie tranquillitatem spondent, ut si moribus sit male compositis, si deformis, infirma, aut talis, quam ex naturali antipatia filius diligere non possit. Item qui sine prævio parentum consensu ineunt matrimonium, quia ab iisdem parentibus tractantur aspere; vel quia parentes ex avaritia consensum denegant, aut filiorum collocacionem negligunt, aut ad diuturnum tempus remittunt sine causa, quamquam & id cavendum, ne præ amoris magnitudine videatur diuturnum & prolixum tempus, quod re ipsa breve sit. An autem & quibus subjaceant poenis filii, qui absque obento vel requisito parentum consensu nuptias contrahunt, expendunt Theologi in Tractatu de Matrimonio.

CONCLUSIO IV. Filii parentibus subvenire tenentur tum in spiritualibus, tum in corporalibus.

Prob-

Prob. 1. ex Eccli. 7. v. 29. *Honora patrem tuum, & gemitur matris tue ne obliviscaris...* & retribuere illis quomodo & ipsi tibi: atqui parentes in spiritualibus & in corporeis proli suæ provident: ergo & hæc illis in utroque hoc genere providere debent.

Prob. 2. quia subventio prædicta primarius est quarti præcepti finis. Ut enim, ait S. Hieronymus in cap. 15. Matth. *honor in Scripturis non tantum in salutationibus & officiis deferendis, quantum in elemosynis ac munerum oblatione sentitur...* præceperat Dominus vel imbecillitates, vel aetates, vel penurias parentum considerans, ut filii honorarent etiam in vitæ necessariis ministrandis parentes. Hinc Christus Matth. 15. & Marci 7. graviter increpat Phariseos, qui bona a filiis eroganda parentibus, in Corban seu oblationem accipiendo, irritum faciebant mandatum Dei de honorandis parentibus. Porro, ut notat Augustinus Tract. 119. in Joann. Christus matrem suam dilecto discipulo Virginem virgini commendans facit, quod faciendum admonet, & exemplo suo instruxit præceptor bonus, ut a filiis piis impendatur cura parentibus; tanquam signum illud, ubi fixæ erant membra morientis, etiam cathedra fuerit Magistri docentis. Ex hac sana doctrina didicerat Paulus Apostolus, quod docebat, quando dicebat: Si quis autem suis, & maxime domesticis non providet, fidem negavit, & est infideli deterior. Quid autem tam cuius domesticum, quam parentes filii, aut parentibus filii? Merito igitur S. Ambrosius Lib. 8. in Luc. O fili, inquit, quantum tibi sumis iudicium si non pascas parentem? Illi debes, quod habes, cui debes, quod es. Quantum iudicium si pascat Ecclesia, quorū nolis pascere?... Si paveris matrem: adhuc non reddidisti dolores, non reddidisti cruciatus, quos pro te passa est, non reddidisti obsequia, quibus te illa gestavit, non reddidisti alimenta, quæ tribuit teneræ pietatis affectus. &c. Posterior hæc probatio necessitatem juvandi spiritualiter parentes a fortiori demonstrat. Si enim tanti reus est sceleris, qui patrem corporaliter non fovet, quanti reus erit, qui negliget salutem ejus?

Ex his colliges 1. graviter peccare filios, qui cum animadvertunt parentes blaspheia vel impudica loqui, alienum rapere aut retinere, negligere Sacramenta, nullam gerere salutis suæ curam, eosdem amice, modeste, & reverenter non admonent. Multo magis delinquent, qui iisdem in periculo mortis de prudenti & docto direttore non provident, qui non curant ut tempestive Sacramentis reficiantur, qui, quos eorum saluti utiles esse possent, eliminant. Item, qui impediunt ne parentes testamentum condant, stipendia, sacrificia & preces pro æterna sua pace indicant; qui legata eorum præsertim pia, quæ hic & nunc exsolvere possent, vel implere renunt, vel differunt plus æquo; qui demum bonæ ab iis male parta apud se retinent.

Colliges 2. reos etiam esse eos omnes 1. qui parentibus graviter egenis vestitum & alimenta denegant, hoc prætextu, quod ostiatum mendicando, aut artem statui suo indecoram exercendo, victuare possint. 2. qui eosdem non visitant cum infirmi sunt, nec eorum sanitati consulunt ad minus ut suæ. 3. qui eosdem cum captivi sunt aut carceribus detent, liberare non satagunt; eorum cum injuste gravati sunt, non tueruntur pro virili. 4. qui eorum exequias secundum facultatem suam non curant. Hæc de filiis etiam illegitimis intelligi debent: & hi enim vere filii sunt; sicut in præsentī vere patres censentur non ii tantum, a quibus proxime trahimus originem, sed avi quoque, poavi, & cæteri ascendentes, prout cum aliis docet Logo.

Quæ-



Quæres 1. an & ob quam parentum necessitatem teneatur filius ab ingressu Religionis abstinere.

R. 1. Nemo tenetur ab ingressu Religionis abstinere ob communem parentum necessitatem. Ratio est 1. quia hæc necessitatis species habetur pro levis; cum tolerabilis sit eorum conditio, qui licet careant utilibus & commodis, necessariis tamen non carent, sed ea etsi nonnulli serio ac difficili labore sibi comparant. 2. quia ubique receptum est ut filius eo in casu sibi potius, quam alii cuicumque provideat.

R. 2. Debet filius Religionis ingressum omittere, cum parentes ejus sunt in extrema vel gravi necessitate. Extrema quidem, ut si parentes alioqui fame perituri sint: gravi vero ut si iidem vel nonnulli cum notabili legitimi status jactura victitare possint, puta famulando, cum famulari non consueverint; vel non possint sustentari absque magna rerum necessariarum penuria. Ratio est, quia non potest impleri consilium cum præjudicio præcepti naturalis: atqui filius naturali præcepto tenetur opitulari parentibus in extrema vel gravi necessitate positis; idque vel ipsa sola naturæ vox satis clamaret, etiamsi non omnes in idem conspirarent Theologi.

Ampliatu'r hæc nostra responsio. 1. etiamsi patrum necessitas nondum sit præsens, modo probabiliter credatur futura, talisque, quam filius prævenire & avertere valeat. Et id præsertim locum habet, cum parentes ære alieno gravati sunt, vel onusti puellis, quæ si deserantur, in apertum honoris discrimen veniant. 2. etiamsi filius vovisset Religionis ingressum, quia, ut bene Henno, vel vovit, cum jam indigebant parentes, & tunc votum utpote cum præcepto naturali impossibile non obligat pro tempore tantæ egestatis; vel vovit ante parentum indigentiam, & tunc executio voti propter materiæ mutationem suspenditur.

Quod si, ait Sylvius 3. 2. qu. 101. arti. 4. pag. mihi 705. filius non obstante hac parentum necessitate, Religionem ingrediatur, non licet ei facere Professionem: si fecerit, valebit quidem, ut docent communiter Theologi, sed tenebitur egredi, & voti seu Professionis executionem suspendere. quando, si egrediatur, tunc patris necessitati poterit subvenire; cui, manendo non potest subvenire, & satis certum est, quod per alium non subvenietur: quia debitum adjuvandi parentes præcessit Professionem.

Quatuor autem, ut filius ab ineunda Religione abstineat, conditiones exigit Henno. Prima est, ut filius in sæculo remanens non sit in proxima peccati mortalis occasione: quia, inquit, quisque spirituales suam corporeæ parentum salutem anteferre debet. Secunda, ut desint alii, qui possint & velint parentibus candidati succurrere. Tertia, ut vera subsit spes parentibus reipsa subveniendi; ut est communiter in maribus, rarius in puellis, quæ sæpius gravant, quam levant. Quarta, ut Religionis suscepcio subventionem hanc impediat. Si enim Religione suscepta parentibus æque ac in sæculo mederi possim, non est cur ab amplectenda Religione deterreat.

Ex his conditionibus sola moram facit, quæ ordine prima est. Consent enim aliqui cum Majore, Grandino, &c. vix tantum esse posse periculum peccandi, ut propter illud excusetur filius a parentum sustentatione; quia aliis modis, v. g. Sacramentorum frequentatione, ruinam suam spirituales avertere potest: unde se habet ut mulier prægnans, quæ licet gravissimos patiatu'r concupiscentiæ motus, quos arceret jejunando, haud tamen jejunare debet, si jejunium partui nociturum sit; quia alia suppetunt remedia,

media, quibus prædicti motus reprimantur. In his prudens Confessarius gravitatem tum paternæ egestatis, tum occasionum peccandi, quibus filii subiacere possunt, serio ponderabit. Notant autem Salmanticenses ubi infra, gravius vulgo incumbere peccandi periculum puellis, iis potissimum, quarum pudicitiam exponere non erubescunt parentes, ut a divitibus earum amassis sublevantur.

R. 3. in extrema, aut, quæ ad extremam accedat, parentum necessitate, potest filius etiam Professus e Monasterio egredi, petita, licet non obtemperata, superiorum licentia. Ita multi contra paucos. Ratio est 1. quia filius etiam post Professionem manet vere filius: ergo in eo etiamnum subsistit tota naturalis præcepti obligatio, cui cedere debet quæcumque obligatio voti. 2. quia si Religiosus e cubiculo suo prospiceret infantem ab equo indomito conculcandum, aut flagrantis domus suæ incendio perimendum, teneretur, superiore etiam invito, eidem opitulari: ergo & patri in casu nostro succurrere debet ex pietate, quam Religio non destruit, sed perficit.

Aque id verum esse credimus, etiamsi dicat pater se cedere juri, quod habet in prolem suam. Reipsa enim ut pater mortem sibi inferre nequit, sic nec potest cedere juri, quod habet, ut in extrema miseria sublevetur a filio, cum ab alio nemine sublevari potest.

Obijciunt filium per Professionem mundo mortuum esse; eundem jam non habere velle proprium; ac denique plus superioribus obligari, quam patri; cum huic nonnisi secundæ tabulæ præcepto obligetur, illis vero per votum, quod ad primam tabulam pertinet. Verum tria hæc nihil habent solidi.

Non 1. quia mori mundo non est naturæ sensum ac primarias leges extinguere, sed illecebris & actionibus mundi nuncium remittere perperuum.

Non 2. quia velle proprium habere licet, cum Superior male vult; vult autem male & irrationabiliter, cum id negat, quod sub gravi concedere tenetur.

Non 3. tum quia præceptum de honorandis parentibus primas habet partes in præcepto charitatis, quod ad primam tabulam pertinet; tum quia, bene Sylvius; non aliter suum Superiori obsequium promissit inferior, quam salva lege naturæ; nec Deus aliter acceptavit; tum denique quia obligationum gravitas non ex sola præcepti qualitate, sed magis ex gravitate rei præceptæ dependet: alioqui, qui orationis Dominicæ secitationem novisset, deberet potius mortem patris permittere, quam precem hanc omittere. Repete, quæ dixi p. 76.

Cæterum Religiosus e Monasterio in parentum gratiam exiens, debet 1. essentialia Religionis servare quantum potest. Dico, quantum potest; Minimus enim, qui castitatem ubique servare potest, non possit forsitan ubique oleo velci. 2. habitum ferre regularem, nisi is obicit lucro ad parentum sustentationem necessario. 3. ad Religionem reverti statim ac providerit parentibus.

An autem, qui Religionis ingressum vovit, quo tempore parentes ejus tanta penuria vexabantur, valide voverit, ideoque transacta necessitate parentum teneatur ingredi Religionem, controversitur. Negant aliqui, quorum opinioni ut incertæ nimis ac dubiæ inhærere non ausim. 1. quia si non valeret hujusmodi votum, eo quod ut ajunt adversarii, impedit executionem præcepti naturalis, a fortiori non valeret Professio Religiosa, quam quis in iisdem circumstantiis emitteret; cum hæc prædicti naturalis præcepti adimplentionem multo magis impediatur: atqui tamen valere Professionem Reli-

Reli-

Religiosam in hisce circumstantiis agnoscunt communiter Doctores, ut notat Henno; 2. quia voti hujus objectum est res bona & optima: ex eo autem, quod hæc non possit hic & nunc adimpleri; fit quidem ut suspendatur obligatio voti, non autem ut extinguatur; 3. quia maritus, qui Religionis ingressum vovit, eandem ingredi debet post mortem uxoris, licet, eadem vivente, nec consentiente, non possit valide profiteri, ex c. 3. *De conversione conjugat.* ergo a pari.

Cur autem invalide profiteatur maritus, valide vero filius, cujus pater extrema premittit egestate, ratio hæc afferri potest, quod maritus in vita uxore innocenti castitatem omnimodam, quæ præcipuum est Religionis onus, servare non possit, unde si staret Religiosa ejus Professio, necessario violandum esset præceptum naturale de reddendo debito: at vero filius Religionem profitens, nullum necessario violat naturæ præceptum; cum adhuc patri succurrere possit, seu per se, seu per amicos. Adde quod raro admodum contingat ut parentes ex filiorum absentia in extremam necessitatem conjiciantur: porro *pro raro contingentibus non constituuntur leges*. Atque ita sentiunt Salmanticenses Tract. 15. c. 3. n. 40. & apud eos Suares, Sanchez, Garcias, Lessius, a S. Faustis, &c.

Ob hæc momenta licet suis obnoxia difficultatibus, censeo votum in præsentī casu emissum impleri debere, cum poterit, nisi a Superiori justa de causa relaxetur: præsertim cum, qui vover, nisi delirando voveat, intendere consequerit se adimpleturum esse votum, cum id patietur rerum suarum conditio.

R. 4. Si parentum necessitas sit gravis, divisi sunt Theologi. Nobis, salvo meliori judicio, cui, ut decet, sponte semper subscribemus, hæc videntur esse statuenda. Vel patria necessitas Communitati nota erat, cum filium admisit, vel ignota, seu quia hanc celaverit filius, seu quia hæc Professionem ejus fuerit subsecuta.

Si primum, debet Superior, si per eleemoynas Monasterii opem ferre non valeat, inferiori exitum permittere; tum quia ad id virtualiter se se obligasse videtur, quatenus rem acceptando, onus rei annexum acceptare debuit; tum quia alioqui merito conquereretur pater secum dure ac inique agi: cum iniquum sit privati subsidio *in quo jus habes*, & quo graviter indigere supponeris.

Si secundum, ( etsi alperius agi potest cum eo, qui celata patris necessitate Communitatem utcumque decepit ) existimo pensandam esse tum conditionem patrum, tum naturam necessitatis, cui ex filiorum carentia obnoxii sunt iidem patres. Si v. gr. pater vir sit ingenuus ac militaris, qui apud Principem inique accusatus, exciderit ab omnibus bonis, adeo ut jam nonnisi famulando vitam tolerare possit, difficile crediderim peccare filium, qui ut eidem opituleretur, exit e claustro; petita humiliter, sed non obtemperata Prælati sui facultate: ( modo, quod ubique supponendum est, non judicaretur incurere grave propriæ salutis periculum. ) Si vero pater sit homo vilis ac plebejus, cui multo minus indecorum est famulari, arare, &c. crederem tunc cum vulgo Theologorum, non posse filium citra obtemperatam superioris licentiam egredi e Monasterio, ut eidem succurrat. Posset tamen in hoc casu filius clanculum & sine scandalo vices pietatis implere scribendo, laborando, celebrando, eleemosynas sollicitando, servata tamen de cetero observantia regulari.

Quæres 2. an propter fratris vel sororis necessitatem abstinere quis debeat ab ingressu Religionis.

R. Si frater aut soror adhuc subsint paternæ curæ, non licet Religionem ingre-

ingredi, quia tunc fratris ac sororis necessitas; ipsissima est parentum necessitas, cui ex dictis occurrere debet filius, cum potest. Si vero frater aut soror extra patriam potestatem constituti sint, etsi absolute loquendo committi possint providentiæ, ut propria salus ponatur in tuto, tantæ tamen est charitatis, personas nexibus tam arctis conjunctas fovere, ut propter id differri possit, vel omitti Religionis ingressus: & hoc præcipue viget cum soror est, quæ premitur penuria. Puellæ enim & fragiliores sunt, & periculis gravioribus obnoxie. Ita communiter Doctores.

Quæres 3. quid sibi debeant consanguinei collaterales, atque etiam affines.

R. Eos mutuum sibi debere amorem, honorem, & in necessitate subsidium, idque ratione speciali. Si enim præcipit scriptura, ut fideles omnes se diligant, ut honore mutuo se præveniant, ut proximus proximo laboranti opem ferat; quanto plus id naturali pietate censeri, debet præceptum iis, qui carnis aut affinitatis nexibus sibi cohererent?

Hinc colligit Henno 1. prædictæ cognationis circumstantiam, ut quæspeciem mutet, aperiendam esse in sacro tribunali, quoties agitur de gravi injuria, detractioe, contumelia, odio, percussione, & similibus. Hoc equidem restringit idem Theologus ad consanguineos & affines in primo, aut secundo gradu, extra quem censet cognationis circumstantiam inducere peccatum solum veniale; verum restrictio hæc & in materia luxuriæ videtur falsa; cum copula cognatorum in gradibus ab Ecclesia prohibitis incestum lethalem importet ex probabiliori opinione; & in aliis materiis non satis certa, est ut in Sacramento Pœnitentiæ teneri possit.

Colligit 2. consanguineos vel affines sibi invicem auxilium debere, non in extrema tantum aut gravi necessitate, quæ omnes obligat, sed & in ordinaria: quia sibi invicem majori ligantur obligationis vinculo, quam extraneis quibuscumque. Addit vigere obligationem hanc, ubi etiam frater, soror, &c. facti sunt sua culpa indigentes: quia culpa hæc etsi vituperium meretur, haud tamen naturalis pietatis vinculum tollit. Ut tamen iis demeretur in eisdem excessus relabendi cupido, utve ad laborem assuescerent, possent deserui ad tempus, modo desertio hæc nihil vitæ vel sanitati noceret. Et id multo verius est cum rigidior hæc agendi ratio necessaria est ut parentes dissoluti, a lubrico impietatis tramite ad salutis vitam revocentur.

Colligit 3. inferiores consanguineos superioribus in linea transversa, avunculis v. g. & amitis quamdam obedientiam debere: quia carneæ superioritatis gradus id naturaliter exigat.

## ARTICULUS SECUNDUS.

*De mutuis patrum, filiorumque spiritualium officiis.*

**P**atrum spiritualium nomine hic veniunt 1. Pastores, qui commissum sibi gregem informare debent ut Episcopi, Parochi, Superiores, &c. 2. Præceptores, qui alumnorum mentibus pietatem simul & scientiam instillare tenentur; 3. & ii, qui nos seu in Baptismo seu in Confirmatione suscipiunt, quique patrini vocari solent. De mutuis Magistrorum ac Discipulorum obligationibus dixi Tract. 1. part. 6. præcipua etiam Pastorum, onera ibid. recensui part. 1. & 2. superest ergo ut omnia quædam paucis evolvam. Sit

CON-

CONCLUSIO I. Pastores concreditum sibi gregem pascere debent exemplo conversationis, verbo prædicationis, fructu orationis. Ita S. Bernard. Tract. in Evangel. Ecce nos reliquimus omnia.

Prob. ex Joan. 21. ubi Christus gregem suum Petro his verbis semel, iterum & tertio commendat: *Simon Joannis amas me? Pisce agnos meos... pascere oves meas*: atqui hoc Christianas oves pascendi onus, nec sancte magis, nec magis efficaciter impleri potest, quam exemplo conversationis, verbo prædicationis, ac demum fructu orationis.

1. Quidem opus est exemplo conversationis, (cujus nomine non intelliguntur colloquia sola, sed vitæ totius institutum.) Hinc Apostolus Timotheum suum erudiens, ait: *Exemplum esto fidelium in verbo, in conversatione, in charitate, in fide, in castitate, & ad Titum c. 2. In omnibus te ipsum præbe exemplum bonorum operum, in doctrina, in integritate, in gravitate.* Hinc Christus pastorum omnium caput & exemplar, caput faceret, & docere; eumque dumtaxat in regno cœlesti magnum futurum esse dixit, qui fecerit & docuerit. Hinc SS. Patres prosperos boni, sanctos vero, eosque multo frequentiores mali exempli successus perpetuo inculcant. Dico charitatis vestra, ait Augustinus Serm. 46. alia 165. de tempore, iterum dico, *Etsi vivunt oves, etsi fortes sunt oves in verbo Domini, & tenent illud, quod audierunt a Domino suo: Quæ dicunt facite; quæ autem faciunt, facere nolite: tamen, qui in conspectu populi male vivit, quantum in illo est, cum a quo attenditur, occidit. Non sibi ergo blandiatur, quia ille non est mortuus. Et ille vivit, & ille homicida est. Quomodo cum lascivus homo intendit in mulierem ad concupiscendam eam, ecce illa casta est, & mœchus est iste...* Sic omnis, qui male vivit in conspectu eorum, quibus præpositus est, quantum in ipso est occidit & fortes oves. Sic ergo, ait S. Gregorius part. 2. Pastoral. c. 3. Sit Rector operatione præcipuus, ut vitæ viam subditis vivendo denunciet, & gregi, qui Pastoris vocem moresque sequitur, per exempla melius, quam per verba gradiatur. Qui enim loci sui necessitate exigitur summa dicere, hac eadem necessitate compellitur summam monstrare. Illa namque non libentius auditorum cor penetrat, quam dicentis vita commendat: quia, quod loquendo imperat, ostendendo adjuvat, ut fuit. & par. 3. Admonit. 5. Scire Prælati debent, quia si per-versa unquam perpetrare, tot mortibus digni sunt, quot ad subditos suos perditionis exempla transmittunt: unde necesse est ut tanto se cautius a culpa custodiant, quanto per prava, quæ faciunt, non soli moriuntur.

Multo tamen gravior est mors, quam sibi metipsis inferunt Pastores. Qui enim obsecunt quid v. g. coram plebe effutunt, triplex sibi in uno crimine crimen parant, quatenus & castitatem lædunt ex hypothesi; & charitatem, cui opponitur scandalum datum; & justitiam, cum iis nocent, quibus ex officio prodesse debent.

2. Debent Pastores gregem pascere verbo prædicationis. Patet id 1. ex Scriptura. Ezech. 33. *Si me dicente ad impium: Impie, morte morieris, non fueris locutus ut se custodiat impius a via sua, ipse impius in iniquitate sua morietur; sanguinem autem ejus de manu tua requiram. Si autem annuntiant te ad impium ut a viis suis convertatur, non fuerit conversus a via sua, ipse in iniquitate sua morietur: porro tu animam tuam liberaſti.* Ergo æternam sibi moriem addiſcent ii, de quibus etiam nunc dicitur Iſaias: *Speculatores ejus cæci omnes, neſcierunt univerſi: canes muti, non valentes latrare, videntes vana, dormientes & amantes ſomnia.* Nec est, quod fingat quĩpiam id ad solos veteris Testamenti.

1. Tim. 4.

Iſai. 36.

flamenti Sacerdotes dictum esse. Obstat enim Apostolus II. ad Timoth. 4. ubi Pastores omnes in persona unius sic compellat: *Prædica verbum, in sta opportune, importune; argue, obsecra, increpa in omni patientia & doctrina.* Ad quæ verba sic alludit Augustinus Serm. 46. c. 7. *Audio dicentem Apostolum: Prædica verbum, in sta opportune, importune. Opportune utique volentibus, importune nolentibus. Tu vis errare, tu vis perire; ergo nolo: non vult ille, qui me terret... vide, quid dicat, vide quid increpet. Quod errabat, non revocastis, & quod periit, non inquisistis. Revocabo errantem, requiram perditum, velis nolis, id agam. Etsi me inquirentem lanient vepres sylvarum, per omnia angusta me coarctabo; omnes sepes excutiam; quantum mihi virium terrenis Dominus donat, omnia peragrabō: revocabo errantem, requiram pereuntem, &c.*

Pater 2. idem ex Concilio. Valentinum III. an. 855. Can. 16. Ubi, inquit, *verbum Dei fidelibus non ministratur, quid aliud, quam vita animæ subtrahitur?* Lemovicense II. an. 1304. Omnes Sacerdotes, quibus Parochia commissa est, omnibus Dominicis & Festis diebus admonere prædicando populum debent, secundum illud: *Argue, obsecra, increpa: quia Sacerdos si sine sonitu prædicationis incedit, interminatione divina mortis reus est.* Idem fule ac districte præcepit Tridentina Synodus Sess. 5. de reform. c. 2. ubi statuit & decrevit Episcopos, Archiepiscopos, Primates, & omnes alios Ecclesiarum Prælatos teneri per se ipsos, si legitime impediti non fuerint, ad prædicandum sanctum Jesu Christi Evangelium. ... Archiepiscopi quoque, Plebani, & quicumque Parochiales, vel alias curam animarum habentes Ecclesias quocumque modo obtineant, per se, vel alios idoneos, si legitime impediti fuerint, diebus saltem Dominicis & Festis solemnibus, plebes sibi commissas pro sua & earum capacitate pascant salutaribus verbis; docendo, quæ scire omnibus necessarium est ad salutem, annuntiandoque eis cum brevitate & facilitate sermonis, vitia, quæ eos declinare, & virtutes, quas sectari, oporteat, ut pœnam æternam evadant, & cœlestem gloriam consequi valeant.

Atque hinc colliges, quam graviter delinquant, qui absque scientia competententi, & proportionata dicendi facultate, Pastorale onus suscipiunt; qui Catechismos, quibus pene solis tenera juvenus in bonum flecti queat, committunt quasi rem nullius momenti; qui nullas pene aut jejunas admodum conciones habent; qui e contrario ambulant in magnis, sublimiori stylo utuntur, ultra nubes volant, ita ut nec capiantur ab aliis, nec semper capiant se ipsos; qui quos publica oratione non commovent, seu sint hæretici, seu publici peccatores, ad saniozem revocare sensum non satagunt, sive privatis adhortationibus, vel obsecrationibus, sive etiam censuris, quarum tamen usus, earum præsertim, quæ ipso facto incurruntur, multo parior esse debet, quam existentem multi; qui in ipso pœnitentiæ tribunali quasi elingues manent, nihilque habent unctionis, quo & terreat eos, qui terreri debent, & qui indigent solatio, amice consolentur; qui demum a confessionali abhorrent, quoties saltem de excipiendis plebeculæ confessionibus agitur. Vide quæ diximus in Tract. superiori pag. 31. vide & Appendicem de obligationibus Confessariorum.

3. Tandem debent Pastores gregem pascere fructu orationis: 1. quia neque, qui plantat, neque qui rigat est aliquid, sed qui incrementum dat Deus interiori gratiæ suæ rose: atqui gratiam hanc bonorum feracem solis columbæ seu Ecclesiæ gemitibus largiri consuevit Pater Cœlestis, unde Act. 6. aiebant Apostoli: *Nos orationi & ministerio verbi instantes erimus.* Unde etiam, qui

qui plures ad Deum animas converterunt, ut Franciscus uterque, Xaverius nimirum, & Salesius, tempus fere totum orationem inter & ministerium verbi ex æquo partiebantur 2. quia ex Apostolo Hebr. 5. *Omnis Pontifex ex hominibus assumptus pro hominibus constituitur in iis, quæ sunt ad Deum, ut offerat dona & sacrificia pro peccatis; qui condolare possit iis, qui ignorant & errant; quoniam & ipse circumdatus est infirmitate: & propterea debet quemadmodum pro populo, ita etiam pro semetipso offerre pro peccatis.* Sic ergo, ait Augustinus Lib. 4. de doctr. christ. c. 15. *fit Pastor orator antequam dicat: & priusquam offerat proferentem linguam, ad Deum levat animam scientem;* 3. quia ut jam patet ex citatis textibus, Pastor se habet ut mediator Deum inter & homines, ac proinde, & ab iis iram Dei avertere, & eorum infirmitati subvenire debet: atqui neutrum hoc aliter exequi potest quam orationibus, sacrificiis, fusiisque coram Deo gemitibus? An enim aliter quam orando iustum Dei furorem sedavere *Moses & Aaron in Sacerdotibus ejus?* Nequaquam sane: *Aaron stans inter mortuos & viventes pro populo deprecatus est, & plaga cessavit.* Num. 16. v. 48. *Moses erat Dominum placatusque est Dominus ne faceret malum, quod locutus fuerat adversus populum suum,* Exod. 32. v. 14. Ergo Inter vestibulum & altare plorabant Sacerdotes Ministri Domini, & dicent: *Parce Domine, parce populo tuo,* Joel 2. v. 17. De his plura videris in Forma Cleri, auctore Ludovico Tronson part. 2. c. 7. & alibi passim. *Vide etiam, quæ dixi p. 32.*

CONCLUSIO II. Debent fideles Pastoribus suis amorem sincerum, obedientiam in iis, quæ ad salutem pertinent, reverentiam singularem, & vitæ subsidium.

Prob. 1. pars. Tum quia Pastor quilibet est pater, & quidem in eo genere cui multum amoris debeatur: quandoquidem paternitas ejus nobilior sit & sanctior alia quacumque, utpote quæ ad nobiliorem scopum, salutem scilicet eternam ordinetur; tum quia sicut carnis parentes varia pro filiis carnalibus pericula subeunt, diu noctuque sollicitudine premuntur, ne quid iis desit, infirmantur cum infirmi sunt, &c. Sic & veri Pastores in gratiam pecoris sui nihil relinquunt intentatum; parce veltuntur, ne quid desit egenis, studio & lectioni vacant, ne quid subtrahant utilium; media nocte, spreta rigidi cœli inclementia surgunt e lectulo, ne pereat ovicula, &c. quis porro nisi ferrei cordis sit, tanto amoris mutuas amoris vices denegat?

Prob. 2. pars ex Luc. 10. *Qui vos audit, me audit; qui vos spernit, me spernit,* & Hebr. 13. *Obedite Præpositis vestris, & subiacete ei; ipsi enim pervigilant quasi rationem pro animabus vestris reddaturi.* Esti vero oves Pastorum vocem audire debent, non eorum tamen, qui adversus Superiores suos rebellant, & in mortifera pascua deducunt.

Prob. 3. pars, quia eos insigniter revereri debemus, qui Christum propria, ac speciali magis ratione representant; qui dignius exercent tum in se, tum erga nos ministerium; qui plus apud Deum possunt & profunt: atqui sic se habent Pastores nostri: ergo.

Prob. 4. pars, quia ex Luc. 10. dignus est operarius mercede sua; & eo dignus magis, quo impensius laborat, secundum id 1. Timoth. 5. *Qui bene præsent Præbyteri, duplici bonore digni habeantur: maxime, qui laborant in verbo & doctrina.* Dicit enim Scriptura: *Non alligabis os bovi trituranti: Et dignus est operarius mercede sua.* Sed de his tuius dicam agendo de præceptis Ecclesiæ, c. 6.

Supereſt ut unum hic annotem cum Nat. Alexandro Reg. 7. in 4. Decalogi præceptum, nimirum Sacerdotes etiam malos, ob miniſterium ſuum honorandos eſſe, adeo ut gravis noxæ rei ſint, qui propter malos ipſorum mores licitum ſibi putant eodem aſpernari, irridere, conviciſcive aut maledictis inſequi. Ratio eſt, quia ſicut Regi etiam improbo debitus eſt honos reſpondens regie ejus dignitati; ſic & improbo etiam Sacerdoti ſuus eſſe debet honos ob ſacram qua inunctus eſt dignitatem. Atque id ſuo nos docuit exemplo Chriſtus Rex & Judex & Deus noſter. Iſ enim, ait S. Cyprian. Ep. 65. ad Rogatian. *uſque ad paſſionis diem ſervavit honorem Pontificibus & Sacerdotibus, quamvis illi nec timorem Dei, nec agnitionem Chriſti ſervaveſſent: nam cum leproſum emundaveſſet, dixit illi: Vade & monſtra te Sacerdoti ... Item ſub illius paſſionis, cum alapa accepſiſſet, & ei diceretur: Sic reſpondes Pontifici & nihil ille contumelioſe locutus eſt in perſonam Pontificis. Illiſum verbo & exemplo docuit S. Paulus: cum enim Ananiz Sacerdotum Principi, qui ipſum in faciem cordi jufferat, dixiſſet Act. 23. *percuties te Deus paries dealbate*, idque Apoſtolo ut maledictum legibus prohibitum exprobaſſent adſtantes, reſpondit Paulus: *Nesciebam fratres, quia Princeps eſt Sacerdotum. Scriptum eſt enim: Principem populi tui non maledices*. Quæ verba excuſationem eſſe, non ironiam tenet probatio Interpretum opinio.*

Hanc agendi rationem ſervavit Conſtantine, qui porrectos ſibi Libellos contra quodaſdam Nicenæ Synodi Antiliſites, legere noluit, ſed præcepit flammis tradi. *Nefas enim eſſe ajebat, ut Sacerdotum delicta ad vulgi noſtitium pervenirent, ne populus offendiculi occaſionem inde arripens, licentius ad ſagitiam prorumperet*. Quin & illud adjeſſiſſe fertur: *Se, ſi Episcopum adulterium perpetrante oculis ſuis videret, illegitimum facinus paludamento ſuo obſcureſcens eſſe, ne bujus facinoris ſpectaculum ipſiſ ſpectatoribus noxium eſſet*. Ita reſert Theodoretus L. 1. Hiſtor. Eccleſ. c. xi.

Hinc colliges quam lugenda ſit conditio eorum, qui, ut loquitur Auguſt. Ep. 78. alias 127. *nihil aliud captant, niſi ut quiſquis Episcopos, vel Clericos, vel Monachos, vel Sanſimonialis ceciderit, omnes tales credant, jaceant, contendant, ſed non omnes poſſe manifeſtari*. Et tamen, pergit S. Doctor, etiam ipſi cum aliqua maritata invenitur adultera, nec projiciunt uxores ſuas, nec accuſant matres ſuas. Cum autem de aliquibus, qui ſanctum nomen proſtitunt, aliquid criminis vel falſi ſonuerit, vel veri patuerit, inſtant, ſatagunt, ambiunt ut de omnibus hoc credatur.

CONCLUSIO III. Patrini filios ſuos ad virtutem, bonosque mores informare tenentur ſub gravi. Concluſio eo majoris eſt momenti, quod pene in praxi ignota videtur.

Prob. quia, ut ſolide ait S. Thomas q. 67. art. 8. *unusquisque obligatur ad exequendum officium quod accepit: ſed qui accipit aliquem de ſacro fonte, ſuſſum ſibi officium pædagogii; & id patet ex ipſo multiplici patrinatorum nomine: vocantur enim a Patribus ſponſores, fidei juſſores, fidei Doctores, hodieque vulgo patrini, quaſi patrum carnalium ſubſtituti: atqui rem variis iis nominibus expreſſam adimplere non poſſunt, niſi eos, quos de lavacro ſuſceperunt, erudire, redarguere, & omni qua poſſant via ad pietatem movere conentur; ergo, ait S. Carolus Borrom. Ad. p. q. tit. De offic. Concionat. ſolliciti eſſe debent, ut quos in baptiſmo ſuſceperunt, fidei Chriſtianæ rudimentis, & ſanctarum virtutum officiis, quibus ad ſalutem vita munitur, recte inſtituant.*

Præverunt Patres & Concilia. *Filios*, ait S. Auguſtin. Serm. 15. de temp. quos,



*quos in baptismo excipitis, scitote vos fidei iussores pro ipsis apud Deum existisse; & ideo tam illos, qui de vobis nati sunt, quam illos, quos de fonte excipistis semper castigare, & corrigere, ut castitatem custodiant, iustitiam diligant, & charitatem sentiant.*

Concilium Arelatense an. 813. Can. 19. ex æquo præcipit ut parentes filios suos, & patrini eos quos de fonte lavacri suscipiant, erudire summopere studeant ... illi, quia illos genuerunt ... isti, quia pro eis fidei iussores existunt. Idem tractant aliæ Synodi complures, & Regum nostrorum Capitularia, de quibus consule Auctorem Collat. Andegav. ubi de Baptismo.

Hinc colliges, 1. ad patrini officium neminem a Parocho admitti debere; nisi ea sit ætas, iudicio & moribus, ut prædictis omnibus satisfacere possit; ita sancit Synodus plures apud Auctorem mox citatum p. 323. 2. cavendum ne hæreticus unquam in patrinum assumatur, cum patrini munia obire non possit. Quod si ob difficiles locorum circumstantias repelli nequeat hæreticus, ut in Germania sæpius evenit, omittenda erunt quæcumque ad patrinum pertinent, prout fecit Parochus quidam Germanus, qui baptizatum infantem immediate tradidit obstetrici involvendum; sicque effecit ut hæreticus non esset patrinus. Ita Ethica amoris Tom. 3. p. 66. 3. etsi censent plures officium patrini cessare, cum is quem levavit e fonte sacro jam est sufficienter eruditus; existimo tamen cum aliis resteri patrinum omni qua poterit ope, filiolum ab hæresi, v. g. aut dissolutis moribus revocare ad fidem & bonos mores, si forte ab iis recesserit; sive jam careat parentibus, sive habeat quidem, sed qui ex inertia non satis proli suæ invigilent. Patrini enim semper sunt quidam patres; ergo, ut supra agebat Augustinus, semper corrigere debent, quamdiu ex correptione nonnihil successus sperare possunt. Cæterum non est, quod anxii sint patrini circa filios, qui piam domi educationem habent, catechetes, concionesve sacras frequentant, &c.

CONCLUSIO IV. Filii spirituales patrinis suis debent amorem reciprocum, reverentiam filialem, & obedientiam obligationi patrinorum commensuratum.

Prob. quia efficere debent filii spirituales ut patrini officio suo fructuose & eum gaudio defungantur: atqui ad hoc requiritur ut amore amoris rependant, ut patrinus veluti alteros patres pie revereantur, ut demum iis obtemperent in his omnibus, quæ patrinorum partes sunt; ergo si secus egerint, specialiter peccant contra pietatem.

De mutuis superiorum, & inferiorum obligationibus quid sentiendum sit, facile colligetur ex dictis superiori p. 83. & 105.

### ARTICULUS TERTIUS.

*Quid debeant alii quasi patres suis respectivo, & contra.*

**A**D parentes suo etiam modo revocantur 1. Principes, qui patriæ seu populorum patres esse debent; 2. Magistratus qui apud Romanos Patrum Conscriptorum nomine gloriabantur, 3. Toparchæ, seu Parochiarum Domini; 4. qui famulos habent in ministerio; sic enim Naaman a servis suis pater vocabatur, 4. Reg. cap. 5. Tutores, Curatores, &c. De Magistratibus, ac Dynastis dictum est supra; de cæteris superest dicendum. Sit

CONCLUSIO I. Principes subditis suis præluere debent exemplo, eorum-

dem salutem providere tollendo peccandi occasiones, ipsos ab hoste, & iniquis vexationibus tueri.

Prob. 1. pars, quia si Princeps male vivat, pene consequens est ut major subditorum pars eandem vivendi rationem totis ulnis amplectatur; quandoquidem ex axiomate quod sæculorum omnium comprobavit experientia, *Regis ad exemplum totus componitur orbis. Et nunc ergo Reges intelligite, erudimini, qui iudicatis terram, servite Domino in timore*: hæc una vestra felicitas, cætera, *vanitas magna, & afflictio spiritus*. Neque enim, ait S. gratia Doctor Lib. 5. de Civ. Dei cap. 24. *Christianos Imperatores ideo felices dicimus, quia diutius imperarunt, vel imperantes filios morte placida reliquerunt, vel hostes Reipublicæ domuerunt, &c. Sed felices eos dicimus si iusto imperant ... si suam potestatem ad Dei cultum maxime dilatandum maiestati ejus famulam faciant, si Deum timent, diligunt, colunt, &c.* Hinc quamdiu stabit, quæ in æternum stabit Ecclesia, suus semper erit honos Constantino, Theodosio, Ludovico IX. aliisque sancti nominis Principibus, quibus profunde persuasum fuit tunc demum vere regnare Principes, cum per eos Deus regnet; secus, si mundum etiam universum lucrati, sua suorumque anima detrimentum faciant, aut procurent.

Prob. 2. pars, quia eo fine instituti sunt Principes: ut quod non prævalens Sacerdos efficere per disciplinæ sermonem, hoc potestas terrena imperet & obtineat per disciplinæ terrorem, prout ex S. Isidoro Hispal. ait Concilium Parisiense VI. ergo non solum de temporali subditorum pace solliciti esse debent, sed & in id incumbere ut promoveatur Religio, vigeat Ecclesiæ disciplina, servantur boni mores; ergo curare debent ut usuræ, blasphemæ sermones, lupanaria, ferale duellorum exercitium, & similia funditus evellantur: ergo dignos Præsules constituere debent, invigilare ut resideant, & suum quisque munus exequatur. An autem comœdias, spectacula, & alia id generis, quibus labefactantur juventutis mores, abigere teneantur, prout sine circuitu docet Henno, non ita facile est dictu: præsertim cum qui leviora mala abscindunt, plerumque accersant graviora, & teste Augustino, qui meretrices tollit, omnia replet libidinibus.

Prob. 3. pars. Principes esse debent primarii patres populorum: atqui pater curat ne filius sive ab extraneo, sive ab indigena inique gravetur; eique cum sub onere satiscit, opem fert quam potest maximam: ergo & id ipsum Princeps præstare debet. Unde si duos exactores præficiat multitudini, si nullam populi querelarum rationem habeat, si novus Achab vineam proximi auferat vel auferri sinat, proculdubio graviter & gravissime delinquit.

CONCLUSIO II. Subditi Principibus debent honorem, obsequium, fidei, & subsidia.

Prob. 1. pars, ex 1. Petri 2. *Deum time, Regem honorifica*, ubi primo post Deum loco recensetur Princeps tanquam præcipua divinitatis imago.

Prob. 2. pars, ex eodem capite, *Subiecti igitur estote*, ait S. Petrus, *domini humane creaturæ propter Deum: sive Regi quasi præcellentis; sive ducebatur tanquam ab eo missis ... quia sic est voluntas Dei*. In idem facit tritum id Apostoli Rom. 3. *Omnis anima potestatibus sublimioribus subdita sit, &c.*

Prob. 3. quia si postulet naturalis æquitas, ut Princeps populum quamcumque via protegat, tueatur, & felicem præstet; postulat etiam eadem æquitas, ut populus nihil contra Principis personam, patriamve, aut bonum publicum moliatur.

Prob.

Prob. 4. pars, ex iis, quæ dicta sunt in Tractatu de Legibus; cap. 5. art. 2. sect. 2.

CONCLUSIO III. Debent domini famulos amare, instruere, corrumpere, eorumque operam iusto stipendio remereri.

Prob. 1. pars. Eccli. 33. *Si est tibi servus fidelis, sit tibi quasi anima tua, & quasi fratrem sic tracta eum.* Hoc sensu scribebat ad Philemonem Paulus ut Onesimum jam non ut servum, sed pro servo charissimum fratrem exciperet. Et vero servi eundem, ac heri Dominum & Patrem habent in cœlis; insuper si vere servi sunt, student dominis obsequi & placere; demum non raro fit ut iis famulentur, quorum patres patribus suis servierant: ergo diligere debent ut fratres, ut amici suo modo; ut quorum conditio mansuetudine leniri debeat, non autem imperio rigidiore, elatori vocis tono, ac jugi quadam insultatione asperari. Hinc Apostolus Ephes. 6. *Et vos Domini, inquit, eadem facite illis, remittentes minas: scientes quia & illorum & vester Dominus est in cœlis; & personarum acceptio non est apud eum, & Eccli. 4. v. 35. Noli esse sicut leo in domo tua, evertens domesticos tuos, & opprimens subditos tibi.*

Prob. 2. pars, ex 1. ad Timoth. 5. *Si quis suorum & manime domesticorum curam non habet, fidem negavit:* atqui curam hanc suorum non habet, qui eorum saluti non consulit, seu per se seu per alios; qui non curat ut Christianæ fidei rudimentis imbuantur, ut Dei & Ecclesiæ mandata sciunt & opere adimpleant, ut mane & vespere Deum orent, (ad quod in domibus pie constitutis tota simul familia, vespere præsertim convenire solet) ut Dominicis, Festisque diebus cessent ab opere servili, ut Missæ cæterisque quantum fieri potest officiis intersint, ut Sacramenta frequentent, ut a periculosa inter se familiaritate procul distent. Hæc tamen est plerorumque dominorum somnolentia, ut vix sciant quam profiteantur Religionem servi sui. Si quempiam famulorum ordinem admittere volent, pluribus interrogant quid scias, quid possit, ubi servierit; de pietate vero ne voculam quidem habebunt: quin & sæpius eos non ferent, qui plus in virtutem propensionis nacti sunt; iisque vix concedent tempus audiendæ Missæ, omniumque brevissimam audiri præcipiunt: & tamen ex famulorum corruptione ut plurimum sequitur filiorum familias depravatio. Proh! quam infeliciter eveniret ut Episcoporum, Clericorumque familia, quæ ex Concilio Mediolanensi IV. vetitis proposita esse debet ad imitationem, & ejusmodi esse quæ præluceat virtutis & morum exemplis, & magis negligenter, & graviori esset offendiculo.

Prob. 5. pars, quia ex S. Augustino L. 19. de Civ. Dei, c. 16. domini veri patres familias sunt: atqui ex eodem S. Doctores verus pater familias, eam, qui in domo per inobedientiam domesticæ paci adversatur, corripit seu verbo, seu verberare, seu quolibet alio pœnæ genere iusto atque licito, quantum societas humana concedit, &c. ergo.

Hic quædam notanda, 1. pœnam, ut iusta sit & licita, culpæ parem esse debere. Quapropter sanctæ correptionis limites prætergrediuntur, qui pro leviori culpa, ne dicam, defectu, graviter stomachantur, & aspera quæque verba, aut etiam verbera adhibent; 2. eas præ cæteris culpas plecti debere, quæ Deum offendunt: & hæc tamen ut plurimum inultæ manent; cum e contrario severe puniatur levior negligentia vel attentionis erga nos defectus; 3. pensandum esse domino cuicumque id Concilii III. Mediolanensis, tit. De his, quæ ad Matrim. Sacram. pertinent: *Ne patiat in familia esse quempiam, qui blasphemus sit, qui perjurus, qui corruptis moribus, qui obscenè quid-*

quam vel loquatur vel agat, qui aleis ludat, qui denique cæteris turpis vice exemplum præbeat. Hanc agendi rationem servabat Pſaltes: *Non habitabit, aiebat Pſal. 100. in medio domus mea, qui facit superbiam: quæ loquitur iniqua, non direxit in conspectu oculorum meorum: ambulans in via immaculata hic mihi ministrabat.* Hanc & servavit Constantinus, qui juxta Eusebium L. 1. de vita ejusdem Imperatoris, c. 17. viros ad idolorum cultum proclives a regis adibus procul ablegandos esse censuit: nam quomodo, inquiebat, fidem erga Principem suum servaturi sunt, qui erga Deum perfidi esse deprehenduntur? Bone Deus! quantum hinc distant, qui famulis suis prima sunt occasio peccandi, eosque ad crimen sollicitant!

Si, ait tamen post Sayrum Grandinus, grave non fuerit famuli crimen, ejusque expulſio magnam domino perniciem allatura sit, & verisimile appareat, eum expulſum deteriorem fore; consultius est eum retinere domi, opportuna adhibendo remedia; nisi forte, ait, esset scandalum, quale esset absque dubio, si famulus in domo heri sui concubinam retineret.

Prob. 4. pars, quia ex Matth. 10. *Dignus est operarius cibus suo, & mercenarius mercede sua:* unde Levit. 19. *Non morabitur opus mercenarii tui apud te usque mane, & Jac. 5. Ecce merces operariorum, qui messuerunt regiones vestras, quæ fraudata est a vobis, clamat; & clamor eorum in aures Domini Sabaoth introivit.*

Hinc peccant juxta materiæ gravitatem, qui famulis necessaria ad victum denegant; qui stipendium eorum retinent, aut differunt: qui famulos, quibus indigent, ultra infimum pretium conducunt, aut nulla facta pactione, recusant quod justum est; qui ægrotos vel non curant, vel statim dimittunt, nisi mittant ad xenodochia, in quibus, ut decet, curari debeant. Hæc tamen deportatio confestim facienda non est: tum quia crudelitatem aliquam sapit, erga homines majorem, quam erga belluas, secundum id Proverb. 12. *Novit justus jumentorum suorum animas, viscera autem impiorum crudelia,* ne hominum quidem animas norunt; tum quia merito affliguntur famuli & ancillæ, qui tam cito se a dominis deseri & abjici vident. Alia sane fuit erga servum suum agendi ratio Centurionis, qui per seipsum sanitatem ejus agitavit a Christo.

Non debent tamen domini stipendium famulis pro tempore, quo infirmi decubuerint: imo nec majores eorum expensas, Medicis, pharmacopolisve exsolvere tenentur extra casum extremæ aut gravis necessitatis: at omnimode efficere debent ne servis suis desint spiritualia Ecclesiæ remedia. De his omnibus fufe, pie, & utiliter differentem adi Lambertum in Opere jam citato, Inſtruct. 21. & sequent.

CONCLUSIO IV. Servi dominis suis obedientiam debent, reverentiam, obsequium, & fidelitatem.

Prob. ex Scriptura, quæ hæc omnia a servis exigit; obedientiam quidem Ephes. 6. *Servi obedite dominis carnalibus, morosis etiam & difficilibus tractari, secundum id 1. Petri 2. Servi subditi estote in omni timore dominis, non tantum bonis & modestis, sed etiam discoloris;* reverentiam seu honorem 1. Timoth. 6. *Servi dominos suos omni honore dignos arbitrentur;* obsequium rationale, ut non sint ad oculum servientes, quasi hominibus placentes, sed ut servi Christi, facientes Dei voluntatem ex animo: est autem hæc Dei voluntas ut qui stipendium recipit, non stet iners & otiosus, sed pactum pensum impleat; fidelitatem denique, nam servos oportet dominis suis subditos esse .... non fraudantes, sed in omnibus bonam fidem ostendentes, ad Tit. c. 2.

Con-

Coloss. 3.

Contra hæc status sui officia peccant magis aut minus directe, 1. qui in obloquia & obmurmurationes erumpunt, cum sibi quidpiam præcipitur; qui id se fecisse simulant, quod non fecerunt; qui laboris sui partem committunt aliis, quos domini ære compensant; qui cum arguuntur, paratim semper habent mendacium, quo se defendant, &c.

2. Qui occultos dominorum defectus extraneis detegunt, & ita exaggerant, ut vix inveniant, qui sibi famulari velint. Item qui dominos inter se derident & aspernantur: quod tamen ita frequens est, ut *inimici hominis* esse soleant *domestici ejus*.

3. Qui debitam rerum sibi creditarum curam non habent, easque aut compilari ab aliis etiam conservis, aut fieri detiores sinunt, de quo vide quæ dixi Tom. 1. Item qui pacto sibi salario minime contenti, clanculum quid subripiunt, titulo compensationis, contra quod facit censura hujus propositionis: *Famuli & famula possunt occulte veris suis surripere ad compensandam operam suam, quam majorem judicant salario, quod recipiunt*. Ac demum qui cibos, grana, & alia id genus furantur, non solum pro se, aut amicis suis, sed etiam pro filiis, aut pecoribus dominorum. Et vero forte legitimam habet rationem dominus prohibendi, ne plus jumentis suis detur, & parcendi sumptibus. Adde quod non sit famulorum de domini rebus disponere eodem invito, vel non consulto, cum dubia est ejus voluntas. Aliud esse posset in raris quibuldam casibus, puta si avarus senex omnino necessaria pecudibus denegaret: quamquam satius fore fuerit ab ejus obsequio discedere; præsertim si diutius in eadem agendi ratione perseverandum esset.

Cæterum non raro meminisse debent famuli & ancillæ, Deo magis obediendum esse, quam hominibus. Idque quoties ab iis exigitur quidpiam divinæ voluntati adversum, ut si jubeantur vinum & similia promere alicui, qui jam ad ebrietatem vergat; carnes parare bene valentibus; litteras ad venerem aut ad duellum sollicitantes deferre; dominum vehere quo non licet, puta ad comœdiam; fucō vultum pingere; serviliter operari festis diebus. Huc facit censura hujus propositionis num. 51. inter eas, quas an. 1679. reprobavit Innocentius XI. *Famulus, qui submissis humeris scienter adjuvat verum suum ascendere per fenestras ad stuprandam virginem, & multoties eidem subservit deferendo scalam, aperiendo januam, aut quid simile cooperando, non peccat mortaliter, si id faciat metu notabilis detrimenti, puta ne a domino male tractetur, ne torvis oculis aspiciatur, ne domo expellatur*. Imo tunc & in aliis casibus, qui proximam peccandi occasionem continent, recedendum est a pernicioso famulatu, quicquid inde impendeat temporalis detrimenti, secundum id Matth. 5. *Si oculus tuus dexter scandalizat te, erue eum, & projice abs te, &c.* Vide quæ diximus de occasionibus peccandi, Tom. 2. & famulis, quos forte diriges, propone exemplum tum Patriarchæ Joseph, qui non acquievit opere nefario, de quo Genes. 39. tum Jacob qui tam fideliter, quam diu Laban socero suo servivit, Genes. 29. & 30.

CONCLUSIO V. Tutores temporaneam & spiritualem curam debent pupillis suis.

Prob. Tutores in vicem parentum constituuntur jure publico: ergo pupillis debent in ordine spirituali, quicquid iis debent genuini patres; ac prout eos monitis, adhortationibus, bonis præsertim exemplis ad pietatem accendere tenentur. Debent insuper rem eorum domesticam, ad minus ut suam

tractare, iuste administrare, cavere ne pereat, augere, prout possunt secundum Dei & Ecclesiæ leges, tempore præscripto rationem reddere, &c. ubi nota quod diximus Tom. 1. p. 2. de Contract. c. 3. non magis in pupilli, quam in alterius cuiuscumque gratiam licitum esse pecuniam usurarie collocare. Ad nos quidem e Provincia quadam rescriptum est, celeberrimo Senatus decreto permixtum esse ut *denarii pupillares* absque alienatione summæ capitalis collocentur: verum absit ut ea lex divinæ pariter, ac regis legi adversa, utrique unquam prævaleat. Atque ita desinierunt Sorbonici Doctores ea de re consulti.

CONCLUSIO VI. Pupilli tutoribus id ferre debent, quod patribus filii, amorem scilicet, honorem, & obedientiam in iis, quæ ad tutelam spectant. Sequitur ex ipsa conditione patrum quam habent tutores. Unde si his pupilli resistant, aut erga eos gerant se irreverenter in materia gravi, mortaliter peccant.

Jam ab initio advertimus suam quoque personis ætate provectis reverentiam debere; quod de iis præcipue verum est, qui vitam labis puram agunt; quod referri solet id Sapientiæ 4. *Senectus venerabilis est, non diuturna, neque annorum numero computata: cani autem sunt sensus hominis, & ætas senectutis vita immaculata.* Etsi vero vitium in senibus, qui jam æternitatis lineam pulsant, terti nescio quid habet, & magis odiosi, nihilominus qui cum corruptio senes agunt, præ oculis, quantum fieri potest, habere debent id Apostoli 1. ad Timoth. 5. *Seniorem ne increpaveris, sed obsecra ut patrem.* Quamquam & ipsa senum depravatio, cum aliter oppressæ innocentie succurri nequit, palam est referenda, prout fecit Daniel in causa Sulannæ.

Ut senibus honorem & reverentiam debent adolescentes, sic adolescentibus omnimodæ virtutis exemplum debent senes; cui si officio desint, grave recipient iudicium a supremo iudice, ad quem, velint, nolint, totis pedibus properant. Sensit hoc, & in praxim redegit Eleazarus ille senex, qui rogatus instanter ut mortis vitandæ gratia fingeret velsi porcina carne, & iniqua pleudoamicorum miseratione commotus, *cogitare capis ætatis, ac senectutis sue eminentiam dignam, & ingentis nobilitatis canitiem, & respondit cito dicens, præmitti se velle in infernum. Non enim ætati nostræ dignum est, inquit, fingere, ut multi adolescentium, arbitantes Eleazarum nonaginta annorum transisse ad vitam alienigenarum, & ipsi propter meam simulationem, & propter modicum corruptibilis vitæ tempus decipiantur, &c.* 2. Machab. 6.

## ARTICULUS QUARTUS.

*Quid sibi debeant conjuges.*

CONJUGES multa sibi, eaque magni momenti debent; quæ sigillatim exponemus, ut solvantur præcipui casus unicuique obligationi correspondentes.

### SECTIO PRIMA.

*De obligationibus a debito conjugali distinctis.*

HiC tantum quæritur an conjuges amorem mutuum, individuam vitæ societatem, & alimenta sibi debeant. Sit

CONCLUSIO I. Conjuges ad mutuum, sanctum, & specialem amorem obligantur.

Prob.

Prob. ex Ephes. 5. *Viri diligite uxores vestras, sicut & Christus dilexit Ecclesiam* : atqui Christus sancto specialique amore dilexit Ecclesiam ; quandoquidem *seipsum tradidit pro ea*, ibid. eamque *acquirit sanguine suo*, Act. 20. ergo & idiplum facere debent conjuges. Quod enim hic de viris dicitur, cadit & in uxores, quibus etiam præcipit Apostolus 2. ut *viros suos ament*.

Confirm. quia vir & uxor simul uniti sunt, tum insolubili contractu, tum per Sacramentum, quo repræsentatur unio Christi cum Ecclesia ; quam utique unionem, quantum fieri licet, conjuges imitari debent.

Contra hanc mutæ charitatis legem graviter peccat uterque conjux, 1. si rixas, odium, & jurgia suscitet aut foveat ; si alium ad iram gravem, vel aliud grave peccatum excitet ; si eum conviciis aut maledictionibus afficiat ; si vir uxorem, & a fortiori si uxor virum graviter percutiat ; 2. si se dedat zelotypiæ vitio, non minus crudeli quam communi inter conjuges. Inde enim quot perversa judicia, quot diu noctuque perturbaciones, quot adversum innocentes maledicta, quot sui aliorumque infamaciones una sere est, quæ malo huic mederi possit, oratio acris & intensa. Sed hæc animum animo suspicacis mariti placidiorem requirit. Oret saltem per alios, qui vix per seipsum potest orare ; 3. si cæco quodam, ac animali, ( nisi pejor est animali ) amore se rapi sinant : & is enim gravia crimina parit, præsertim vero coitus nefandos, & in coitu *retractum*, ne nascatur proles vitæ matris nociva.

CONCLUSIO II. Conjuges ad conjugalem societatem tenentur, & ideo secum cohabitare debent, quoad domum & thorum, nisi legitima causa excuset.

Prob. 1. ex Matth. 19. ubi sic loquitur Christus : *Dimittet homo patrem & matrem, & adheret uxori suæ, & erunt duo in carne una* : quod sine prædicta cohabitatione fieri non potest ; 2. quia susceptio prolis, conveniens ejusdem institutio, obsequia sibi mutuo a conjugatis præstanda, & alia id genus, quæ matrimonium important ex natura rei, abique conjugali hac societate subsistere non valent.

Circa hæc notandum 1. electionem domicilii pertinere ad virum, utpote *caput mulieris*, ex 1. Corint. 11. 2. licitum esse viro a domo recedere ad breve tempus, sine licentia uxoris, sed non vice versa : imo posset vir abesse diu, si id exigeret res familiaris, Principis obsequium, aut gravis infirmitas : alias, *Cum vir & uxor una caro sint, non debet alter sine altero (nisi de ejus consensu) esse divisus*, ex cap. 1. *De con. leproso*.

Quæres 1. an teneatur uxor sequi maritum, qui alio divertit.

R. non teneri 1. si maritus post matrimonium vagari velit quo sibi videbitur ; 2. si uxori eundem securæ imminet periculum gravis peccati, mortis, aut defatigationis maximæ, ut si maritus ad bellum proficiatur : Pontas v. *Divor. cal.* 19. 3. si maritus pro nutu & abique necessitate vera in Regionem admodum remotam, ut Indias, migrare velit ; est enim transmigrationis hæc onus tam grave, ut nemo eam sibi abque præcedenti pacto censeatur imposuisse ; 4. si inter partes convenerit futurum ut habitationem non mutant : hæc tamen conventio non impediret, ne uxor maritum sequi teneretur, si hunc alio advocaret iusta & gravis necessitas, puta insalubre & gravius cælum mutandi, exequendi jussa Principis, & similia ; ex quibus tamen mulier grave periculum non subeat, ut dictum est.

Quæres 2. an & quibus de causis possint conjuges sive quoad tectum, sive quoad torum a se invicem separari.

R. omif.

R. omisſis multis magni momenti quæſtionibus, quæ circa conjugii diſſolubilitatem ſuſe & commode agitantur in Tractatu de Matrimonio. R. inquam. licitum eſſe utrique conjugii ab alio ſecedere, idque in perpetuum propter adulterii crimen. Patet id ex celebri Chriſti oraculo Matth. 5. *Omnis qui diſmiſerit uxorem ſuam, excepta fornicationis cauſa, facit eam mæbari*: ergo, ait S. Auguſtinus Lib. 2. de adulterin. conjugiiſc. 5. *licite dimittitur conjux ob cauſam fornicationis, ſed manet vinculum prioris conjugii, propter quod ſi res adulterii, qui diſmiſſam duxerit etiam ob cauſam fornicationis*. Idem patet ex tit. De divortiiſ, c. 4. 5. & 8. *Vide quæ dixi pag. 214. & ſeq.*

Circa hoc quædam notanda pro præxi; & quidem 1. non minus uxori, quam viro licitum eſſe divortium propter fornicationem: quia non minus vir quam uxor fidem violat conjugalem adulterando, quæ injuſta fidei læſio divortium inducit. Ita ſere omnes contra Cajetanum, & cujus ſingularem ea dere ſententiam temeritatis redarguit Sanchez L. 10. diſp. 3. n. 6. Non poteſt tamen in Gallia uxor ob adulterium ſolum inſequi conjugem intuitu ſeparationis quoad teſtium: licet eidem marito adulterium objicere efficaciter poſſit, ne ab eodem ſeparetur. Ferriere v. *Adultere*. Papon Lib. 24. tit. 2. num. 5.

Nor. v. adulterium hic ſumi paulo latius, adeoque etiam pro concubitu ſodomitico, & beſtialitate ſive activa ſive paſſiva. Ratio eſt, quia ſic etiam dividitur caro contra matrimonii fidem, quæ exigit ut *duo ſint in carne una*, Genef. 2. & hæc aſſectio tam communis eſt, ut ab ea recedere in præxi non auſit Pontius, eſſi in oppoſitam propendens, Lib. 9. cap. 16. pag. mihi 702. Aliud eſt de amplexibus, oculis, tactibus impudicis, ſi deſit copula, eſſi non deſit proprii aut alieni corporis pollutio. Hæc enim licet adulterii ſuſpicionem parere poſſint, haud tamen ad divortium ſufficiunt, tum quia per hoſce actus non violatur consummate fides matrimonii, quandoquidem caro non dividitur in aliam carnem; tum quia in odioſis ſtriſte leges intelligi oportet.

Nor. 3. quatuor eſſe caſus, in quibus adulterium non ſit legitima cauſa divortii.

Primus eſt, cum adulterium vacat a culpa, ſolumque eſt materiale. Hinc non erit divortio locus ſi fœmina ab eo cognoscatur, quem virum ſuam eſſe credit; ſi vi opprimatur, niſi monita ut fugeret, fugere noluerit (quæ limitatio male rejicitur a Sanchez ibid. diſp. 5. n. 14.) ſi bona & inculpara fide, rebus ſcilicet, ut decebat, exploratis, novum ineat matrimonium: modo ab eo recedat, ſtatim ut certior facta fuerit, quantum ſatis eſt, de vita legitimi conjugis.

Quod ſi mulier ex graviffimo mortis metu ceſſerit adultero, poterit urgeri divortium. Is enim metus cum non excuſet ab adulterio formali, nec a poenis ejus excuſat. Quamquam exigit utcumque charitas, ut vir uxoriſ ſerio contritæ injuriam dimittat in hoc caſu, niſi contrarium ſuadeant graves quædam aliæ cauſæ. Vide Pontas v. *Adultere*, caſ. 9.

Secundus caſus eſt, cum vir ſuit vel eſt uxori ſuæ adulterandi cauſa; veluti ſi eam proſtituat, ſi in factum ejus conſentiat, a fortiori ſi idem conſulat. Ratio eſt, quia conſentienti non ſit injuria, ſaltem ea, quæ divortii cauſa ſit.

Ampliatur, etiamſi tacite tantum conſentiat alter alterius erimini; prout facere cenſetur, cum ſcit crimen, & non prohibet, quando poſſet prohibere: quia qui in hoc caſu tacet, conſentire videtur, c. 43. de Reg. Jur. in 6. *Tacitque & expreſſi idem eſt judicium*, L. Cum quid, ff. Si certum petatur. Aliud eſt, ut patet, ſi taceat ex metu gravi. Imo mulier,

quæ



quæ virum non reprehendit, non censetur communiter consentire, quia vocem præcludunt timor & reverentia; si tamen uxor in iis esset circumstantiis, in quibus; commode & absque damni periculo, contradicere posset, jam consentire judicaretur; nisi forte dissimularet ad tempus, ut indubie detecto per testes facinore, de eo maritum conviciare posset, & divortium juridice prosequi.

Sed quid si maritus uxorem domo ejiciat, eive neget alimenta, vel debitum, & hæc dedat se crimini?

Censet Sanchez ibid. n. 6. & 7. licitum esse hoc etiam in casu divortium. Idem tenet Anacletus Reiffenstuel in tit. 19. Lib. 4. Decret. n. 70. ubi universos Doctores hoc in puncto idem sentire docet. Sed fallitur vir eruditus: quodquidem S. Thomas in 1. Cor. 7. Lect. 2. expresse negat posse virum ob causam fornicationis uxorem dimittere .. quando ipse ei fornicandi occasionem dedit, ut quia non vult reddere debitum. Idem docet Toletus Instr. Sacerd. Lib. 7. cap. 24. n. 7. hos sequitur contra Genetum Pontas v. *Adultere*, cas. 5. & 8. Ratio est, quia licet adulterium nullam recipiat excusationem, haud tamen æquum est ut illud quasi minime reus plectere possit, qui ad ipsum quasi coegit iniqua sua, ac crudeli agendi ratione.

Tertius calus est cum conjux alter ipse quoque adulterium commisit; ita colligunt omnes ex c. 4. *De divort.* & c. 7. *De adulteriis*, Inc. ubi *paria crimina mutua compensatione* tolli, ac deleri dicuntur. Nec refert, quod alter altero prius, graviusve aut sæpius ceciderit: quia licet in crimine desit paritas quoad numerum aut malitiam, est tamen paritas quoad iniquam carnis divisionem in plures, & conjugalis fidei violationem, quam jura præcipue attendunt, & ut radicem divortii assignant.

Sed an non poterit is, qui occulte solum peccavit, ab ea, quæ publice peccavit, separari, aut ei saltem debitum denegare?

Negat Pontas ibid. cas. 4. & ante eum alii plures, præsertim vero S. Thomas in 4. dist. 34. q. un. a. 6. ad 5. S. Bonaventura, Sanchez fufe ibid. Lib. 10. disp. 6. n. 9. Ratio eorum tota reducitur ad id Juris: *Non videtur, quod pari crimine infectus alium de eodem punire possit.*

Quia tamen aliquando fieret, ut maritus alioqui parum patiens, se ipsum non reclamando, adulterii suspectum redderet, addunt Canonistæ quidam, posse eum se gerere, quasi qui injuriam publice nocenti condonet: imo, ajunt iidem, si ob publicum scandalum teneretur publice nocentem dimittere, dimittere deberet ad aliquod tempus breve, & iterum recipere simulando injuriæ condonationem, vel potius injuriam, qua parte publica est, vere condonando. Quod si vir egisset penitentiam, & uxor nollet agere, sed perseveraret in adulterio, posset sine peccato accusare & dimittere. Verba sunt S. Antonini 4. part. tit. 1. cap. 21. §. 6. idem docet S. Bonaventura in 4. dist. 34. resp. ad dub. 12. subscribit Pontas ibid. cas. 12.

Major est difficultas, an, qui innocens obtinuit divortii sententiam, uxorem revocare teneatur, si ipse postea adulterium committat.

R. Vel maritus iste publice peccavit, & tunc uxori ejus datur actio, qua in jus suum restituatur; Cum *paria crimina compensatione mutua deleantur*, ex citato c. 7. *De adul.* &c. vel occultum est mariti crimen, & tunc divisi sunt Doctores. Alii enim cum S. Thoma ubi supra ad 4. censent propter adulterium, quod vir prius innocens committit, non debere eum secundum rigorem juris cogi ad recipiendam uxorem adulteram: tum quia, quod bene semel definitum est, nulla debet iteratione retractari, c. 6. vi. q. 4. tum quia vir per sententiam libe-

liberatus est a conjugii servitute, ut loquitur Glossa in c. 3. xxxii. q. 7. ita Sanchez ibid. disp. 10. n. 30. Pontas v. cod. cas. 23.

Sed sanior videtur opinio contraria, quam inveniunt Doctores Seraphicus in 4. dist. 35. art. 1. q. 5. Pontius, Covarruvias, Barbosa, Navarrus, Fagnan. & alii plures. Ratio est, quia conjux semper tenetur alteri conjugi etiam dimisso servare fidem: unde etiam post divortium peccando, vere adulter est, & stricte iniquus; ergo infert injuriam, quæ compensari debet, si potest. Potest autem non obstante sententia: tum quia hæc reconciliationis facultatem non aufert; tum quia lata non fuit pro statu præfensi, sed pro statu innocentie, qui jam non subsistit; tum denique quia in hypothese nostra neuter conjux statum mutavit, Religionem amplectendo.

Quod si is, qui innocens erat, committat adulterium, mutato jam statu, aut receptis sacris Ordinibus, dicendum est cum Pontio L. 9. c. 20. n. 7. eum nec debere nec posse ad alium reverti. Quia cum esset habilis ad profitendum, Religio verum in eundem acquisivit jus, quo impeditur jus conjugis prius dimissi. Idem dicendum de jure, quod per Ordinis sacri suspensionem acquisivit Ecclesia.

Atque hinc deduci potest, maritum, si Novitiatu tempore peccasset, etiam facta Professione ad uxorem reverti debere; utpote qui professus fuerit contra jus, quod uxor ex ejusdem crimine acquisierat, ac proinde sine necessario uxoris consensu.

Quartus casus, in quo conjux compartem adulteram dimittere non potest, est cum suum ipsi crimen condonavit. Quod ut intelligatur, supponendum est non teneri absolute conjugem innocentem ab adultero discedere. Et id quidem certum est de muliere; hanc enim marito etiam palam adulteranti cohabitare posse, docent Theologi sanctiores, quos sequitur Pontas ibid. cas. 20. tum quia ita facere consueverunt mulieres pie, quibus sua ad meritum prodest patientia, etsi forte non semper prodest maritis, qui tamen hac via quandoque retrahuntur a vitio; tum quia non præsumitur uxorem, quæ non recedit a tali marito, ejusdem adulterii complicem esse.

Idem etiam certum est de viro, cum uxoris adulterium occultum est, aut manifestum quidem, sed cujus uxorem serio pœniteat: ita docent SS. Thomas & Bonaventura in 4. dist. 35. Ratio est, quia divorcii favor in gratiam innocentis introductus est: porro, si nihil obstat: *omnes licentiam habent, his, quæ pro se introducta sunt, renunciare*, Leg. 29. Cod. *de pælis*, cui consonat Reg. 61. Juris in 6. hic tamen cavere debet maritus incertæ prolis periculum.

Quod si uxor frontem meretricis gerens, in crimine palam vivere pergat, tunc urgebit illud Proverb. 18. *Qui tenet adulteram, stultus est & insipiens*: imo & adulteræ peccati *reus & particeps*, ut habetur c. 3. *De adulteriis*, &c. Unde colligit Pontas ibid. cas. 19. non posse maritum in hoc casu retinere uxorem, etsi eadem indigeat seu ad victum, seu ad evitandam incontinentiam; extra tamen casum extremæ necessitatis, quæ vix in victu locum habere potest; in incontinentia vero nunquam; cum tentationes precibus & lachrymis coerceri possint. His præsuppositis.

Dico conjugem qui alii conjugii adulterium dimisit, jam ab eo divelli non posse, *divina nimirum imitatione clementiæ, quæ dimissa peccata in ultionem redire non patitur*, ut ait Gelasius c. 29. xxxii. q. 4. Porro potest conjux innocens nocenti adulterium, ejusque proinde pœnas, dupliciter remittere, *expressè scilicet*, cum id verbis aut litteris manifeste indicat; & *tacite*, quod

ex

ex communi Doctorum sententia contingit 1. cum conjux conjugem ad copulam admittit; 2. cum ei amicitiae signa seu licita, seu prohibita concedit; 3. cum eum, non obstante criminis notorietate, retinet domi: nisi tamen retineat vel ex ignorantia juris sui, vel ex male fundato judicis præcepto, vel ex metu præjudicii sibi imminuentis. Tunc enim ne ipsa quidem copula veram condonationem indicaret; sed esset vel solutio debiti putativi, vel solutio coacta. Cæterum prædicta signa idem operantur postquam partes judiciali sententia separatae sunt, ac ante; quia semper licita est condonatio, extra casum scandalii.

Sed quid si conjugibus post alterius adulterium reconciliatis, fornicetur, qui ante innocens alterum dimiserat, poteritne is vice sua dimitti?

R. affirmat. Quia prior injuria fuit omnino deleta, per reconciliationem. Equum tamen esset, ut qui tibi resipiscienti pepercit, & ei parces resipiscenti. Idem dicit Simonetus ubi de Matrim. p. 394. pro casu in quo postquam uterque conjux mœchatus esset, emendatus alter, alterum ad emendationem & reconciliationem invitasset. Qui enim postmodum emendatus est, reputatur innocens; ac proinde jus habet dimittendialium, si deinceps ad pristinos mores redeat.

Ut huic adulterii materiam imponatur finis, quatuor supersunt expendenda, 1. an privata auctoritate divortium fieri possit; 2. an & quando innocens possit, vel teneatur fontem dimissum recipere; 3. an factio ex adulteri causa divortio licitum sit partibus Religionem ingredi; 4. apud quem & cujus expensis educari debeat proles, factio divortio. Quæ omnia ut paucis solvantur, dico

Ad 1. Si sermo sit de sola separatione quoad torum, fatentur omnes partem innocentem ab adultera discedere posse *proprio arbitrio*, ut ait S. Thomas, & ante judicis sententiam: modotamen insonti de fontis crimine constet certo, seu physice, quod rarum est, seu moraliter, id est per indicia non temeraria, non probabilia, sed adeo violenta, ut in judicio fidem facere possint; puta si nudum cum nuda in eodem lecto jacentem viderit: &c. Etsi vero docent vulgo Canonistæ licitum esse insonti hoc in casu ingredi Religionem, si abissi scandalum; fatendum tamen cum iisdem, id vix, ac ne vix quidem in praxi fieri posse: quia testis unus, præsertim in propria causa testis nullus. Unde is indubie a judicibus compelleretur reverti ad uxorem; & merito, ne scilicet iis, quos pigeret matrimonii, daretur ansa sub adulterii sibi noti prætextu discedendi a conjugibus. Interim etsi is qui propria sponte discessisset, ad compartem redire teneretur post judicis præceptum, non teneretur tamen eidem judici, qui conjugalibus debiti redditionem præcepisset, obsequi; quia ex debiti hujus negatione, utpote occulta non sequitur scandalum. Ita Sanchez Lib. 10. disp. 12. num. 34.

Si vero sermo sit de omnimoda separatione, generatim saltem in Galliis opus est prævia Judicis sententia etiam in casu notorii adulterii: nisi, ait Pontas ibid. cas. 17. tanta sit criminis notorietas, ut hoc nemo in dubium vocet; ut si conjux cum adultero palam vivat; si liberos habuerit, quos certum sit mariti utpote nunc impotentis sæturi non esse; si adultera crimen suum juridice confiteri coacta sit. Aliud esset si adulter suum & mulieris crimen confessus esset, quia ex cap. fin. xv. q. 3. juxta editionem Pithœnam; *Nemini, præterquam de crimine læsæ majestatis, de se confesso credi potest super crimen alienum: quoniam ejus, atque omnis rei confessio periculosa est, & admitti adversus quemlibet non debet*. Vide Pontas ibid. cas. 16.

Ad 2. quatuor dico, 1. Semper licet innocenti conjugem adulterii causa dimissum, ac pœnitentem recipere; ita omnes ex cap. 7. xxxi. q. 1. neque vero innocens acquiescendo sententiæ Judicis cedit juri suo, cum eidem sententiæ nonnisi in sui favorem acquiescat.

Dico 2. Non tenetur innocens dimissum recipere etiam pœnitentem. Ratio est, quia pœnitentia tollit quidem culpam apud Deum, sed nec injuriam homini factam nec pœnæ reatum tollit. Et vero potest innocens adulterum conjugem, ejus crimen didicit, in ordine ad divortium insequi, etiam si pluribus jam ab annis inculpate vivat; ut colligunt omnes ex cap. 8. xxxi. q. 2. ergo multo magis potest ipsum etiam pœnitentem non recipere; quia turpius ejicitur, quam non admittitur hospes. Unde cap. Si vir 2. de adult. Si mulier dimissa egerit pœnitentiam..... debet vir, sed non sepe recipere peccatricem, intelligitur a Glossa de debito non justitiæ, sed honestatis: quamquam & intelligi potest de debito charitatis, pro eo casu in quo innocens sine magno quodam incommodo recipere potest conjugem emendatam, & hoc expedit salutis ejus, alioqui v. g. ad vomitum reverteretur. Insuper

Dico 3. Non delinet tamen casus, in quibus adulter dimissus recipi debeat: hi nempe, 1. si dimittens in adulterium ceciderit; 2. si condonaverit; 3. si comperiat sententiam Judicis ex falsa præsumptione laram fuisse; 4. si patitur incontinentiæ periculum: huic enim secluso, ut diximus, scandali metu, moderi debet per legitimum conjugem, cum per alium non possit.

Dico 4. Tenetur pars adultera, etiam post sententiam Judicis ad innocentem reverti, si revocetur: modo, ut supponitur, integer sit conjugum status, & neuter Religionem ingressus sit. Ratio est, 1. quia divortium in favorem innocentis institutum est: Quod autem ob gratiam alicujus conceditur, non est in ejus dispendium retorquendum; ut in præsentis casu retorqueretur, si innocens suo privaretur jure in corpus nocentis; 2. quia nemo debet ex delicto suo commodum reportare; nec debet pœna, qualis est divortium, immunitatem præstare delinquenti; 3. quia alioqui præberetur conjugibus maritorum pertæsis adulterandi occasio.

Ad 3. Licet innocenti edere votum simplex castitatis, vel Ordines recipere, vel ingredi Religionem, ibique irrevocabilitè profiteri, post divortii sententiam, ut diximus paulo ante. Sed non eadem est, ut nec esse debet, conditio nocentis. Is enim sine innocentis licentia non potest ingredi Religionem; quia revocari potest ab innocenti. Si tamen adultera peracta biennio toto pœnitentia adhuc rejiciatur ab innocente, postquam hunc Episcopus, aut alius vir gravis crebro hortatus fuerit ad veniam, docent Canonistæ plures cum Sanchez Lib. 10. disp. 10. n. 16. posse eam in Monasterio profiteri, quia tunc vel concessa est ei facultas profitendi, ut amplius lavetur ab iniquitate sua, vel in jusse denegata censetur. Ab hac disciplina non distant Galli, ut colligere est ex iis, quæ docet Josephus Ferriere, v. *Authenticquer une femme*. Addit Pontas v. *Divorce*, cas. 13. uxorem a viro revocari non posse, cum is cognito ejusdem Novitiatu, ac Professione non reclamavit: quia tunc tacere, idem est ac assentiri.

Ad 4. Facto ex quacunque causa divortio, proles omnis educanda est apud conjugem innocentem, expensis illius, qui divortio causam dedit: nisi tamen innocens ad proles educationem minus idoneus sit. Ita habetur Auth. Si pater, Cod. *Divortio facto*, &c. sed superfluum fuerit his, quæ a Judice definienda sint, diutius immorari.

Secunda divortii totalis causa est fornicatio spiritalis, seu lapsus in hæresim,

resim, aut gentilismum. Patet id ex cap. 6. *De divor.* ubi sic: *De illa, quæ a viro suo habente in hæresim sine iudicio Ecclesiæ declinavit, videtur nobis, quod mulier ei, cum conversus fuerit, sit reddenda; quæ etiamsi reverſi mœlierit, compellatur. Si vero iudicio Ecclesiæ ab eo recessit, ad recipiendum cum nullatenus dicimus compellendam: modo tamen hæc Religionem professæ fuerit, cap. Quanto, eod. tit. alioqui enim tam vir, quam mulier, quamdiu manent sui juris, conjugem conversum recipere tenentur: 1. quia corporea fornicatio, una est divortii perpetui causa; 2. quia nemo iure quod a Deo habet privandus est sine lege expressa: atqui conjux ab hæresi respiciens jus a Deo habet ut recipiatur ab alio conjugæ, cum Deus jus illud eis solum abstulerit, qui carnaliter adulterantur.* Aliunde nulla citatur lex quæ expresse hæreticum conversum hoc suo iure privet. Caput enim 6. quod supra citavimus, & cui innititur Pontas v. *Divorce*, cal. 14. vel intelligi debet sub conditione Religionis professæ, vel correctum est per capit. *Quanto*, ut censet Glossa. Et hoc in Gallia certius, quam ubiqueque videri debet: quia divortium apud nos restringitur quantum potest; unde, ut monet Auctor Coll. Andeg. conjuges a se invicem ob hæresim divelli non poterant ante Edicti Nannetensis revocationem.

Tertia causa est periculum animæ, quando scilicet conjugum alter alterum ita inducit ad crimen, puta ad sodomiam, ad furtum, ad maleficia, ad deserendum fidem, ut is jam cum eo habitare non valeat sine gravi salutis periculo. Negare quidem videtur Alexander III. cap. 2. eod. tit. quod mulier pro furto aut alio crimine viri sui, nisi fidei suæ religionem corrumpere velit, ab eo possit separari: sed supponit ille Pontifex uxorem a marito non sollicitari ad hæc crimina, quod sæpe contingit, cum contra raro contingat, ut qui in hæresim lapsus est, alium conjugem in eam attrahere non conetur. Adde quod cum religio veræ fidei quocumque crimine corruptatur, possit is esse Alexandri III. sensus: *Mulier a viro etiam sceleris non discedat, nisi is eam ad crimen adducere velit.*

Cæterum conjux non potest in exteriori foro a conjugæ discedere efficaciter, nisi probet se ab illo ad paria crimina vivide sollicitari: quia & sollicitatio hæc crimen est, & crimina non presumuntur, sed probantur. Quod ad forum interius spectat, mulier cujus soluti verum a viri cohabitatione periculum imminet, cohabitare non potest etiamsi ad id per censuras compellatur.

Quarta divortii causa, quæ ut plurimum & sere sola viget in Galliis, sunt scævitæ, seu malæ alterutrius conjugis tractationes, quæ, quæ de causa nefcio, gallice vocantur *services*. Iique, ait Sylvius in Resolv. v. *Divortium*. Si vir gladium apposuerit ad collum uxoris, animo occidendi vel feriendi: si insidias vias paraverit per venenum, vel maleficia, vel alio modo: si minutus sit occidere, & pro terribili ingenio soleat minas exequi, aut prudenter judicari possit, quod ea sit executurus... si minis accedant injuriæ, & alia male tractationes, quæ excedant terminos levis correctionis marito erga uxorem permissæ: si sint percussiones graves & atroces, aut abortum causantes, aut sanguinolentæ, aut in capite vel oculo illatæ: addæ etiam verbera, si illa sint immoderata: quæ omnia a Judice definiri debent attenda qualitate personarum & famine, quæ vexatur: quia si illa nobilis, pudica, honesta & morigerata fuerit, minores molestias censeri debent nomine scævitæ; licitum est innocentem coram Judicibus agere in separationem; nisi pars, quæ scævitiam exercuit, spem injiciat moderationis convictus. Si tamen, ait Alexander III.

cap. 8. eod. tit. *De divort. capitali odio ita mulierum vir persequitur; quod merito de ipso ejusque promissis diffidat, alicui proba & honeste mulieri usque ad causa decisionem custodienda studiosus committatur in loco, ubi vir, vel parentes ejus, mulieri nullam possint violentiam inferre.*

Hic duo notanda cum Auctore Coll. Andegav. Tom. 1. de Matrim. p. 529. & 530. 1. maritum qui capitalis criminis notam impegit uxori, nec probare posuerit, sufficientem divortio causam dedisse, prout anno 1716. judicavit Senatus Parisensis; 2. ut uxori contra maritum, sic marito contra uxorem licitum esse agere titulo sævitæ. Quidui enim a muliere demoniacæ separari velit maritus, ut hæc velle potest a viro ejusdem farinæ separari. Sane parem esse utriusque conjugis hoc in puncto conditionem supponit Lex 8. Cod. *De repudiis*, §. 3. ubi sic: *Nec ullo modo vir expellat nisi adulteram, vel veneficam, aut homicidam, aut plagiarium... vel sibi veneno vel gladio, aut alio simili modo insidiatricem.* Atque hinc obiter colligesiram prætereuntem, rixas leves, minora jurgia, cæteralque id genus matrimonii appendices, legitimam non esse causam divortii; quod ne propter minutiora hæc teneatur, totis viribus obstaré debent Pastores, qui & marito prudentiam, quam debet habere majorem, & uxori patientiam, qua præstare debet, sollicitè commendabunt.

Addo ex communi Doctorum sententia percussione etiam atrocem, quæ ex insolita ira vel perturbatione processerit, nullumque pro futuro simili excessus periculum inducit, non esse sufficientem divortii causam: 1. quia ex insolito, & transeunte motu non colligitur sævitia viri; 2. quia non conceditur divortium ad ultionem sævitæ, sed propter imminens deinceps ejusdem periculum; 3. quia cum cessat mariti sævitia, eique sufficienter provifum sit, tenetur uxor ad eum reverti; ergo multo magis tenetur non discedere, cum nihil sit, quod in posterum vereatur.

Quæres an sit divortio locus, si mulier pessima sua agendi ratione, conviciis, petulantia, &c. virum commoverit?

R. affirmat. Quia potest quidem uxor ob delicti sui qualitatem puniri, sed a judice, non a marito. *Præceptoris enim nimia sævitia culpa assignatur*, Leg. 6. ff. *Ad leg. Aquil.*

Quinta legitimæ separationis causa est cum timet mulier, ne in marito sui criminibus involvatur, & propter illa vitæ, bonorum, aut honoris dispendium incurrat. Si qua ergo mulier, ait Lex 8. Cod. *De repudiis*, *maritum suum adulterum aut homicidam, veneficum, vel certe contra imperium aliquid molientem, vel falsitatis crimine condemnatum invenerit... ei permittimus libertatem & causas dissidii legibus comprobare.* Hic tamen cavendum ne vel falsum imponatur crimen, vel verum detegatur, cum non debet: unde prudenti opus est consilio.

Sexta causa est alterutrius conjugis furor; unde alteri impendat vitæ, vel gravis infortunii periculum. Quod si furoris effectus coerceri possunt, pars sui compos, omni quo potest modo aliam fovere, ac juvare debet, nedum ab ea recedere possit.

Septima causa est pietas, quam ut impensius sectentur conjuges, ab eodem lecto divelli possunt de communi consensu, non tamen ab eadem habitatione, nisi eorum aliter, vel Ordines sacros recipiat, vel in Religione profiteatur; & tunc *sita uxor senex est & sterilis*, adde & casta, quod sine suspitione possit esse in seculo, dissimulare poterit. Episcopus, ut ea in seculo rema-

remanente & castitatem promittente, ad Religionem transeat vir ejus: alio qui & ipsa, quantumvis extra incontinentiæ suspicionem posita, si juvenis sit, ad Religionem amplectendam compellenda erit, prout statuit Alexander III. cap. 4. *De convers. conjugat.*

Porro quidquid opinetur Sanch. L. 7. disp. 32. n. 15. merito docet Fagnan. in cap. mox citatum, judicis esse definire quis censeri debeat senex, an non; attentis robore ac constitutione corporis, quin & regionis qualitate: ex quibus fit ut alii ocus, alii serius fesculant, & steriles efficiantur. Interim fatetur idem n. 22. cum aliis, ante annum quinquagesimum neminem dici posse senem, quemvis vero senem dici posse post septuagesimum.

Q. An ad separationem quacumque ex causa requiratur sententia Judicis.

R. Ad 1. cum Auctore Coll. Andeg. Tom. 1. p. 539. separationem quoad totum & rectum regulariter ac generaliter loquendo nec licite nec valide fieri absque Judicis arbitrio, etiamsi fiat ex causa justa, modo non adulterii.

Ratio est, tum quia & divortii & iniquis accusationibus aperiretur janua, si conjux alter ab altero secedere posset pro nutu; tum quia cum partes publica auctoritate conjunctæ sint, eisdem simili auctoritate divelli convenit, secundum vulgare istud: *Per quascumque causas res nascitur, per easdem & dissolvi debet.* Unde uxor, quæ a marito discessum parat, ante omnia libellum supplicem Judici exhibere debet, & postea in communiter aliquam, dum lis agitur, secedere.

Dixit: *regulariter loquendo*, quia si ex mora quacumque imminet periculum grave, ut imminere potest præsertim ex furore mariti, licet sibi illi co per fugam consulere, & deinceps implorare opem Judicis.

Dixit iterum: *excepto adulterii casu*; quia mulier, quæ adultero debitum redderet, censeri posset ei condonare; & sic excideret a jure quod habet ad divortium.

Quæres 2. an maritus in hæresi prolapsus possit separare se a conjugæ adultera.

R. Posse, quia in criminibus naturæ jam disparis locum non habet compensatio. Pontas ibid. cas. 18.

CONCLUSIO III. Conjugum alter alteri alimenta debet.

Prob. quia conjuges non sunt duo, sed una caro, ex Matth. 19. atqui ex Ephes. 5. *Nemo unquam carnem suam odio habuit, sed nutrit, & fovet eam*: ergo conjugum alter alterum nutrire debet.

Hinc generaliter loquendo, peccat graviter maritus, qui vel negat uxori alimenta cum habet; vel non adhibet diligentiam saltem mediocrem ut acquirat & conservet quantum necesse est boni ad decentem, & statui suo proportionatam uxoris sustentationem, Sic enim lædit tum charitatis conjugalis jura, tum officium capitis familiæ, tum & justitiam; cum ideo dotem, dotisque administrationem recipiat, ut uxorem & familiam sustentet.

Quod si mulier non attulerit dotem, etiam tunc tenetur vir eam sive egenam, sive divitem sustentare, posito quod gratum habuerit ut sibi dotem non constitueret. Secus, si nulla dotis mentio facta fuisset, & mulier esset dives: tunc enim tacite conventum esset de futura constitutione dotis.

Dixit: *generaliter loquendo*, non enim tenetur maritus uxorem alere, 1. cum hujus pater non vult promissam dotem solvere, ut potest: aliud esset si eam, sisset impar solvendo. Imo si pater ex nimia duritie nec filiam recipere vellet, nec dotem pendere, teneretur maritus rem propriam cum ea partiri;

*Turnely Theol. Moral. Tom. III.*

Cc

2. Cum

II. Cum uxor pro libitu discedit a viro, eumve ob causas futes deserit, ut quia aliquid paulo durius locutus fuerit, aut leviter excesserit in ejus castigatione. Secus si recesserit propter correctionis acerbiteriam, aut periculum luis veneræ, morbiue alterius perinde exitialis.

3. Si vel doctem consumpserit, incio marito, vel ea ob perpetratum scelus meruerit a Judice privari. Quamquam nec crediderim uxorem in his casibus a marito deserit posse totaliter; nisi sponte fatebor cum ea tunc durius agendum esse. Pari de causa mulier ex bonis suis debet præbere viro, ob sua etiam delicta ad carcerem, aut triremes detruso.

## SECTIO SECUNDA.

### De debito conjugalī.

**C**ONCLUSIO. Conjuges in eo, quod ad debitum conjugale spectat, si bi invicem obsequi tenentur, nisi excuset ratio legitima.

Prob. Ex I. Cor. 7. *Uxori vir debitum reddat: similiter autem & uxor viro. Mulier sui corporis potestatem non habet, sed vir: similiter autem & vir sui corporis potestatem non habet, sed mulier.* Nolite fraudare invicem, nisi forte consensu ad tempus ut vacetis orationi; iterum revertimini in idipsum, ne tentetis vos satanas propter incontinentiam vestram. Hæc Apostoli verba thesim nostram & continent & probant.

Hinc inferes 1. obligationem debiti conjugalis esse sub mortali: tum quia est obligatio justitiæ, & in materia gravi; tum quia ex debiti negatione conjicitur alter conjux in periculum multiplicis incontinentiæ. Unde ei, qui serio, & rationabiliter petit etiam tacite, negare debitum vel semel sine justa causa non vacat a noxa lethali. Aliud erit si compars petat remisse, & dilationem facile concedat, nec subeat incontinentiæ periculum.

Inferes 2. eum Pontio L. 10. c. 2. novi peccati reum esse, qui mediis illicitis, v. g. voluntaria pollutione, commercio fornicario reddit se impotentem ad satisfaciendum uxori debitum juxta prudentiæ leges exigenti. Peccaret etiam, qui indiscretis jejuniis vel mortificationibus se ad idem officium notabiliter impotentem redderet. Quod extendit Pontius, etiam si jejunia sint ex Ecclesiæ præcepto; quia, inquit, fortius est istud justitiæ vinculum. Hæc tamen limitatio vix in praxi intervire potest, quia vix fiet ut moderata abstinencia graviter impotentem reddat; & licet reddat minus potentem, non ideo magis deserenda erit, quam exercitia quædam, quæ ad status conservationem conducunt, & tamen vires debilitant. Cæterum uxor, quæ præ deformitate crearet marito periculum adulterii, abstinencias suas sub peccato moderari teneretur.

Præquam variæ, quæ citæ prædicam hanc materiam occurrunt, difficultates, expédiantur: *Rogo vos fratres cum S. Cælesteo Arelat. Serm. 88. ut mihi indulgetis, quia pro salute animæ vestræ cum grandi timore, & cum verecundia de talibus rebus vos admonere videor, quia hoc mihi expedit dicere, & vos oportet audire, utpote non semel iis de rebus interrogandos.* Quapropter

Queritur 1. an conjuges aliquando teneantur petere debitum.

R. Non teneri per se loquendo; cum ex c. 6. *De privileg. liberum sit unicuique juri suo renuntiare.* At tenentur per accidens, si alter præsertim uxor, ex signis vel dispositione remedium hoc cupere videatur, licet ex verecundia taceat. Ita S. Thomas in 4. diff. 32. art. 2. Ratio est, quia tacita peti-



petitio, non desinit esse vera petitio. 2. cum etsi ne tacite quidem petatur, sentitur tamen conjugem alterum versari in periculo incontinentiæ. Quisque enim grave proximi peccatum impedire debet, cum facile potest. 3. cum id ad fovendum amorem mutuum, vitandaque odia necessarium est. 4. cum prolis generatio necessaria est ad averendum grave damnum, Religionis præsertim, & Reipublicæ. Ita P. Antoine.

Quæres 2. an & quando conjux possit non reddere debitum.

R. Debitum negari posse 1. cum qui petit, vere ebrius est, amens, aut furiosus. Tum enim petitio non est humana. Potest tamen & debet uxor mariti petitioni acquiescere, ut majora mala, adulterium, v. g. aut pollutio compartis virentur. Si uxor ipsa amens sit, & subsit periculum abortus, non licet petitioni ejusdem acquiescere.

2. Cum, qui petit, non potest rationabiliter conqueri de denegatione; ut si debitum reddi nequeat sine periculo vitæ vel gravis ægritudinis ex copula secuturæ. Se enim habet conjugale debitum sicut alia iustitiæ debita, quæ communiter non obligant cum tanto incommodo. Inno quia nemo vitæ suæ dominus est, cenfeo cum Pontas v. *Devoir*, cal. 33. matrimonium usum graviter illicitum esse, cum mulier a medicis didicit, se, si pariat, probabiliter esse morituram. Censet quidem Sylvius eam, quæ nupsit leproso, cujus morbum non ignorabat, eidem reddere debitum; idque communiter receptum est ab iis qui titulum *De conjugio leproforum* interpretati sunt: verum decisio hæc ad minus dubia mihi videtur, si judicari possit morbum hunc saltem proxime mortem illaturum esse. Ut ut est, non licet negare debitum propter incommodum graviditatis, & ordinariæ partus difficultatis.

3. Cum conjux petendi jure excipit per adulterium: si tamen scelus istud ab altera parte ignoretur, aut dissimuletur, sivebit si non exigere ut stricte debitum; saltem petere ut concedendum benevole. Non enim teneretur adulter manifestare crimen suum; aut exequi in se poenam debiti non petendi, nisi hæc a conjuge innocente imponatur. De aliis delictis, quæ privationem debiti inducunt, dicam infra q. 4.

1. Cum petitur frequentius: id enim & rationi dissensanum est, & graviter incommodum.

Quæres 3. Quando nam debitum absolute debeat negari.

R. Quoties pars, a qua petitur, necessario peccaret concedendo. Hinc r. concedi nequit in loco sacro, etiam ad vitandam petentis incontinentiam; ut dixi in Tractatu de Peccatis.

2. Cum is, qui petit, debitum concubitus modum ita prætermittit, ut non possit recipi semen; ut si copulam perficere velit in vase indebito; vel eam ita tentet in vase naturali, ut ipsa concubitus dispositione manifestum subsit periculum seminis extra vas effundendi. Ratio est, quia talis Pontas ib. c. 39. congressus est prohibitus ob circumstantiam ipsi actui inhaerentem; quare perinde est, ac si vir peteret, ut uxor sibi ad pollutionem cooperaretur. Unde ne mortis quidem ipsius timor excusaret tunc semen reddendum, ut docet Sanch. l. 9. disp. 16. n. 7. disp. 17. n. 5. Cæterum sodomitiam inter conjugatos gravius esse peccatum, inter solutos, & veri adulterii specifice confitendi rationem habere docet idem Sanch. disp. 18 n. 3. & 4.

3. Cum vir præ senio copulam perficere non valet. Si vero semel in uno aut altero mense perficere possit; certum videtur, ait Pontas hic cal. 40. illius uxorem ad debitum ei persolvendum etiam sub peccato mortaliteneri.

4. Cum vir, ne uxor concipiat, aut alia de causa detestabile Onami crimen committit, & semen fundit extra vas; idque mulier ex continua experientia compertum habet. Aliter dicendum si vir identidem copulam perficiat, quia non licet obincertum crimen jure suo radicali quempiam spoliare. Interium uxor virum serio monere debet, ut a tanto crimine absteat.

Sed quid si mulier versetur in gravi incontinentiæ periculo, poteritne debitum reddere, aut petere?

Respondet Habertus uxorem, quæ alterum Onam experitur in marito, non posse eidem etiam extrema minanti obtemperare absque lethali peccato: quia, inquit, concurreret ad actum per se malum. Et vero aiebant viri graves ea de re consulti, uxor præbet materiam actioni mortiferæ, quæ cum utriusque conjugis cooperationem requirat, utrique eodem modo imputari debet, sicut & furtum, ad quod alter alteri quasi invitus cooperaretur.

Hæc momenta probant quidem uxorem nec posse nec debere obsequi marito absque gravi causa. Sed nihil probant pro præsentī casu, in quo mulier post adhibita remedia orationis, elemosynæ, &c. in gravi incontinentiæ periculo versari supponitur. Certe sicut ob gravem causam licet mutuum exigere ab eo, qui sub usuris daturus sit, aut Sacramenta ab infami Ministro, quia uterque potest id, quod petitur, legitime dare; sic & videtur uxor uti posse jure, quod habet ad copulam, quia penes maritum est legitime copulari. Equidem constat non id facturum sine peccato; sed constat etiam malum Parochum non daturum Sacramenta sine crimine. Quidni ergo sicut usurarii aut mali Sacerdotis crimen, in eos solos cadit, quia, qui ad eos recurrunt, materiam, ut ita loquar de se innocentem præbent, ita mulier necessitate pressa recurrere possit ad virum, cujus crimen personale est, & junctum actioni, quæ licite exerceri valet?

Nec nocet allatum exemplum furti, cui duo cooperarentur. Malitia enim furti non se tenet ex parte personæ tantum, sed & ex parte actus, cui proinde quisquis cooperatur, malo cooperatur. At vero malitia illius, qui se retrahit, non tenet se ex parte copulæ ipsius, quæ ab eodem rite perfici potest, sed ex mala ejusdem voluntate pendet. Adde quod furi cooperari posses, si in extrema necessitate versareris: quamquam ut non opus est extrema necessitate ad petendum sub usuris, sic nec extrema opus esse videtur ad peccandum a novo Onam debitum. Et vero percussus est Onam, non uxor ejus. (Et hæc dicta sint, non ut quis in eis pedem figat, sed ut habita cum doctioribus collatione partem vero magis similem amplectatur.)

Saltem, inquires, non licebit reddere debitum ei, qui petit illicite ob circumstantiam inamovibilem, puta si petens sit ligatus voto; aut per incestum cum consanguinea uxoris suæ commissum exciderit a jure suo, aut serio dubitet de valore matrimonii.

Et hic quoque dividuntur Theologi. Censent Sanch. L. 9. disp. 12. Bonacina de Matrim. q. 4. punct. 3. Heislinger p. 1. cas. xi. & alii non pauci post S. Antoninum, debitum tunc posse & debere reddi: quia sicut non obstante voto simplici castitatis poterat pars vovens transferre in aliam personam dominium corporis sui mediante matrimonio; sic & voto non obstante servare potest, & de facto servat dominium in corpore conjugis: ergo cum debitum exigit, peccat quidem, sed tamen utitur jure suo: ergo conjux eidem debitum negare non potest sine injustitia. Quemadmodum si Deo soli promiserim me non repetiturum esse id, quod mutuo dedi, & id tamen postea non obstan-

obstante voto repetam, erit petitio hæc mala malitia hinc, & nunc inamovibili; & tamen, qui mutuum acceperat, licite, imo & ex iustitia redditioni mutui huius cooperabitur.

Oppositam opinionem tenet Pontius lib. 10. c. 3. n. 3. ubi generalem hanc regulam post alios plures constituit: *Quotiescumque petens debitum peccat in petitione, si ve ratione circumstantiæ se tenentis ex parte actus, si ve ex parte personæ petentis, si non est in potestate petentis se liberare ab ea circumstantia, quæ reddit licitam petitionem, prout tunc exercitam, est peccatum in reddendo.* Ratio ejus hæc est, quod qui tunc reddit, cooperetur actioni hic, & nunc malæ, quæ sine jure ullo exigitur, quia totum petentis jus voto ejusdem ligatum est quoad usum: ergo non minus peccat reddendo debitum, quam peccaret capro præbendo carnes Carthusianus cognito ut tali; aut quisvis alius ministrando cœnam ei, quem sciret hac die obstrictum voto jejunii. Aliud esset, si malitia actus posset per agentem removeri. Unde, inquit, non debet debitum negari ei, qui fornicario animo petit (& hoc ultimum docet cum Sylvio Pontas ibid. cas. 8.)

Quod spectat ad exemplum voti de non repetendo mutuo: vel votum illud mutuatario incognitum est, & tunc non peccat reddendo; vel est eidem cognitum, & tunc nec debet, nec potest reddere. Non debet, quia votum hoc, nisi insanum est, quandam donationem importat; non potest, quia præberet materiam transgressionis voti. Hæc fere Pontius.

Posterior hæc opinio satis consona est iis, quæ diximus agendo de Charitate. Quoniam vero ibidem ex communi Theologorum sensu dictum est præberi aliquando posse materiam mali, cum alioqui gravius imminet malum; addendum foret uxorem marito habenti votum castitatis obsequi posse, cum, nisi obediat, gravius impendat malum, quam quod avertere conatur, puta uxoricidium.

Alii tamen faciliorem a quocumque peccato declinandi viam aperiunt: suadent scilicet ut compars, quæ non vovit, petat dum prævidet a vovente petendum; sic enim utrique licita erit copula. Quod si vovens prævenit, alter dicat petenti: Volo ego ut tu mihi reddas. Ita P. Antoine Tom. 2. pag. 368.

De voto castitatis a conjugibus emissio vide, quæ dixi in Tract. de Relig. part. 2. cap. 5. sub finem.

1. Hic addere juvat eum, qui, emissio ante matrimonium voto castitatis, uxorem ducit, teneri tum ad abstinendum semper a debiti petitione, tum uxore defuncta a secundis nuptiis. Ratio est, quia votum impleri debet quantum potest.

An autem idem homo ante matrimonii consummationem teneatur Religionem ingredi, controversatur. Et quidem non tenebitur, si Religioni idoneus non fuerit; tuncque ne prima quidem vice peccabit matrimonium ad alierius petitionem consummando. Quod si aptus sit ad Religionem, censent plures eundem ad Religionem teneri. Quia qui votum habet, idem debet implere, si potest: potest autem ingrediendo Religionem; quod si medium illud sit arduum, sibi imputet, cum sua se culpa conjecerit in necessitatem illud adhibendi ad servandum votum. Ita inter alios S. Thomas in 4. dist. 38. q. 1. art. 3. S. Antoninus 3. part. tit. 1. c. 4.

Aliter sentiunt Sanch. lib. 9. disp. 34. n. 8. Cabassut. lib. 3. c. 21. n. 4. &c. 1. quia ut quis debitum sua etiam culpa contractum solvat, necesse non est, ut dura quæque, & extraordinaria media assumat, ut diximus T. t.

*Journely Theol. Moral.* Tom. III.

Cc 3

2. quia

*Supra*  
P. 332.

2. quia Religionis status requirit vocationem moraliter certam; cum in male vocatis fecunda sit miseriarum seges: quis vero puellam, v.g. quæ, promissa Deo castitate, nubit, illico asserere auit ad Religionem rite vocatam esse. 3. quia Joannes XXII. cap. unic. *De voto*, & statuit ut qui inconsulta uxore sacros Ordines suscepit, *ad ingressum Religionis, si matrimonium consummatum non fuerit*, per Episcopum *instante* moneatur: *Quod si*, inquit, *foras renuerit adimplere, ipsum, si sponsa ejus insisterit, per censuram Ecclesiasticam compellendum decernimus contractum matrimonium consummare*: atqui si credidisset ille Pontifex necessum esse ut homo votum habens castitatis, ejusdem servandi causa, ingrederetur Religionem, non jusset eum per censuras adigi ad matrimonii consummationem, sed e contrario eundem, vetita per censuras matrimonii consummatione, compulset ad ingressum Religionis: ergo.

Posterior hæc opinio admodum probabilis apparet, & iis, qui a priori SS. Thomæ, & Antonini sententia recedere nolent, ad id saltem interserviet ut propter dubium sibi sufficere putent Episcopi dispensationem; prout jam docui in Gallico Tractatu de Dispensationibus, Tom. 2. pag. 167.

5. Debet negari debitum cum uxor uterum gerit, & ex redditione incurreret periculum abortus, sætu etiam nondum animato. An autem & quousque clauso abortus periculo peccent conjuges, qui eo tempore matrimonio utuntur, non convenit inter Theologos. Communior opinio nonnisi veniale peccatum hic agnoscit cum S. Thoma in 4. dist. 31. idemque est de concubitu cum menstruata, ex qua falso docent aliqui nasci prolem leprosam. Et vero si fluxus diu nimis duraret, posset maritus juxta SS. Thomam, & Antoninum accedere ad uxorem sine culpa: ergo accessus ille eo præsertim vitiosus est, quod incontinentiam denotat, secundum id Aug. lib. 3. contra Julian. c. 21. *Pudicitiam conjugalis nec menstruat, nec gravidis utitur feminis, nec ejus ætatis, quæ certum est eas jam concipere non valere*.

Eadem est ratio concubitus cum uxore tempore puerperii. Unde placet tota Sylvii decisio: sic ille in Suppl. q. 64. art. 7. *Tempore puerperii nec petere licet nec reddere debitum, ut respondet Gregorius c. 10. ad interrogationes Augustini Ang. & Apolloli; idque partim ob mulieris indispositionem, partim ob nocuum proliis jam natæ, vel ejus, quæ nasci posset ex tali complexu. Si tamen tali tempore congregiantur, non videtur esse mortale, nisi aliquid damnum inde sit rationabiliter timendum; puta si probabile sit infantem necdum ablactatum, vitiato ex concubitu lacte graviter debilitatum iri*.

5. Ambigitur an mulier, quæ hætenus mortuos filios edidit, possit redere aut etiam exigere debitum.

R. cum Sanchez, Bonacina, Sambovio, Haberto, & aliis pluribus contra Sylvium, marito graviter instanti obsequendum esse: quia nonnunquam contingit, ut quæ pluries abortum fecerat, pariat tandem feliciter. Et vero abortus plerique e sola prodeunt culpa conjugum, qui vel intemperantius utuntur matrimonio, ita ut impediatur plena sætus conformatio; vel sibi prægnationis tempore non satis consulunt, seu uterum arctius restringendo, ne gravidæ videantur, seu onera nimia deferendo. Quin & id occultis Dei judiciis tribui potest, ut docet Aug. Lib. de grat. & libero arbit. c. 22. unde benedictio ejus efflagitanda est crebra oratione, frequenti elemosyna, aliisque hujusmodi piis operibus.

De abortu pluribus dicam, cap. sequenti.

Quæ-

Quæres 4. qui fuitiles sint negandi debiti prætextus.

R. esse plures. Sic peccat mulier 1. quæ marito etiam publice excommunicato debitum negat : quia obligatio naturali jure imposita per excommunicationem non relaxatur : & ita definiit Gregorius VII. in Synodo Romæ habita an. 1078.

2. Quæ marito hac in parte obsequi non vult, quia de recipienda sacra synaxi cogitat, aut festam diem sanctius transigere intendit. Unde si petens monitioni non acquiescat, non erit jure suo frustrandus ; quamquam is, secluso gravi incontinentiæ periculo, non sit immunis a culpa ; quia omnia tempus habent... tempus amplexandi, & tempus longe fieri ab amplexibus. Eccle. 3. quo autem tempore magis recedendum est ab actibus, qui deprimunt animam, & ad Dei obsequium tardam & hebetem efficiunt, quam eo, quod Deus cultui suo specialiter consecratum esse voluit? Hinc B. Paulus Apostolus ad Corinthios scribit dicens: Abstinete vos ad tempus ut vacetis orationi, & hoc etique Laicis præcepit, ait Inn. I. in sua ad Exuperium Epist.

An autem eadem die permitti possit Eucharistiæ receptio, non nihil habet difficultatis. Negasse videtur Synodus Illiberitana an. 309. his verbis: Omnis homo ante sacram Communionem a propria uxore abstinere debet tribus, aut quatuor, aut octo diebus. Et vero ait S. Hieronymus relatus Can. 1. xxxiii. q. 4. Si panes propositiones non poterant ab his, qui uxores suas tetigerant, comedi; quanto magis panis ille, qui de Cælo descendit, non potest ab his, qui conjugibus paulo ante hæere amplexibus violari atque contingi? Si tamen, ait Sylvius in 3. p. q. 80. art. 7. aliqua causa oppositum suadeat, ut Festi solemnitas, dies indulgentiarum, specialis devotio, aut nota quadam ex communicationis omissione, licebit ad lacram mensam accedere. ( Idem obiter dicendum de iis, qui nocturnas illusiones vel sine sua culpa, vel ex causa leviori passi sint. ) Nisi tamen effectus aliqui maneat, ut turpium cogitationum occursum, mentis distractio, &c. tunc enim congruum est abstinere, nisi gravior suppetat causa, ut Festi solemnitas, specialis aliqua devotio, vel infamia evitatio communionem postulet. Ita idem ibid. suffragatur Pontas V. Devoir, cap. 7. & V. Communion, cap. 2.

3. Nec potest saltem moraliter conjux conjugi recusare debitum meru prolis numerosæ. Est enim id dissidentia quædam de providentia, quæ dando benedictionem uteri, frequenter etiam dat benedictionem boni temporalis; seu faciendo ut inter tot liberos nascatur unus, qui familiam promoveat, seu aliter. Debet ergo uterque jactare curam suam in Domino, qui dat jumentis escam ipsorum, & pullis corvorum invocantibus eum. Et vero, qui cenient cum Henno Tom. 8. p. 599. conjugem, qui non habet in re aut in spe, unde pluribus pueris juxta moderatam suam conditionem providere possit, non teneri reddere debitum comparti, excludere solent casum periculi incontinentiæ: ideoque fatentur opinionem nostræ oppositam raro reducendam esse ad praxim; imo nunquam posse a pauperibus communibus, cum possint prolibus omnibus mendicando providere: Non defunt tamen occasiones, in quibus eadem opinio interservire possit, ut si honesta mulier in extremam conjicienda, sit necessitate seu respectu sui, prolisve suæ, seu respectu patris, quem jam alere non possit, &c. Circa quod vide singularem casum apud Comitolum lib. 1. qu. 136. Ut ut est, docet S. Antoninus licitum esse conjugibus a copula ex mutuo consensu abstinere ad vitandam filiorum multitudinem, modo absit incontinentiæ periculum.

ps. 146.

4. Haud licitum est negare debitum leproso, vel eplipetico, præcise ne nalcitura proles iisdem morbis inficiatur: *Melius enim est prolem sic esse, quam penitus non esse*, ait S. Thomas in 4. dist. 32. q. un. art. 2. Vide Lamet V. *Devoir*, cal. 3. Aliud esset ut supra dixi, si ipsi conjugii immineret periculum mortis ex hac sua debiti redditione.

5. Nec licet reddere debitum, quia uxor pactam dotem non solvit, tam quia debiti obligatio non e dotali contractu, sed ex matrimoniali proficiscitur; tum quia maritus alia via dotem insequi, & obtinere potest.

Quæres 5. quæ crimina conjugem alterum vel utrumque privent jure petendi debitum.

R. quatuor assignari, adulterium, affinitatem, baptismum, ac demum suscepcionem prolis seu communis, seu quam alter conjux ex alio progenuerit. De adulterio diximus supra, de cæteris agemus in præsentia.

Et quidem 1. affinitas, quam contrahit alteruter conjux per commercium formaliter incestuosum, & completum cum consanguineis conjugis alterius in primo vel secundo gradu, privat eum jure petendi debiti. Ita sancitum est c. 1. *De eo, qui cognovit*, &c.

Dixi 1. *affinitas quam contrahit alteruter conjux*; quia in hac materia idem est jus uxoris, ac mariti, ut fatentur omnes apud Sanchez lib. 7. disp. 15. num. 1. nec interest an crimen occultum sit, necne; quia nulla lex requirit ut sit publicum.

Dixi 2. *affinitas per commercium formaliter incestuosam*: unde mulier per vim a mariti sui consanguineo cognita, non excidit a jure suo, quia nullam commisit culpam; hæc autem privatio per modum pænæ statuta est, ut patet ex c. 6. eod. tit. (Aliud esset si mulier metu ipsius mortis cessisset: quia non cessisset, nisi gravissime peccando.)

Hinc etiam non excidit a jure suo maritus, qui cognoscit foeminam; quam uxoris suæ consanguineam esse ignorat; & licet affinitatem contrahat cum aliis cognitæ consanguineis, quas idcirco post uxoris suæ mortem ducere non posset, eam tamen non contrahit, quod privationem juris petendi debitum, in cujus possessione jam antecederet existeret. Ita sentiunt pene omnes teste Sanchezio Lib. 9. disp. 32. n. 43. Ratio est, quia citato c. 1. *De eo, qui cognovit*, &c. expresse habetur: *Si qui cum filiastra sua (id est privigna) scienter fornicatus fuerit, nec a matre debitum petere, nec filiam unquam habere potest uxorem*: ubi expresse requiritur scientia ad incuriendam petendi debiti privationem.

Sed duplex hic oritur difficultas, utraque gravis. 1. an ignorantia vincibilis facti excuset ab ea pœna. 2. an excuset quæcumque ignorantia juris.

Quod spectat ad primum, fatentur omnes non excusare ighorantiam affectatam facti: quia ignorantia hæc dolo, & proinde scientiæ æquiparatur. Sed contendunt plures, quos citat, & sequitur Pontius lib. 10. c. 6. n. 10. excusare ignorantiam etiam crassam: quia cum ex una parte lex scientiam requirit, dicendo: *Si præsumpsit, si ausus fuerit, si scienter vel temere fecerit*; & ex alia parte occurrit ignorantia quævis, modo non affectata, jam deest ille modus, quem lex requirit ad inflictionem pænæ; aliunde vero pænæ restringendæ sunt, non extendendæ. Huic opinioni ob communem Theologorum sententiam jam adhæsi in Tractatu de Censuris part. 1. c. 4. modo tamen ignorantia non sit adeo crassa, ut affectatæ æquivalcat.

Atque hinc colligit Sanch. ubi supra n. 48. eum, qui abusus est uxoris suæ consanguinea in secundo gradu, quam falso credebat esse solum in tertio

gradu, non incurrere hanc pœnam : quod extendit etiam si is ex erronea conscientia putaret sibi propter commercium in tertio gradu interdicti debiti petitionem. Tunc enim adhuc perseverat ignorantia facti, cui pœna illa responderet, non autem conscientie erroneæ. Sic qui percutit Clericum, quem bona fide Laicum esse putat, non contrahit censuram, quamvis erronee existimet Laicorum percussores excommunicationi obnoxios esse.

Quod spectat ad ignorantiam juris, hæc in præsentī bifariam intelligi potest. Vel enim ignoratur commercium cum consanguinea uxoris Ecclesiastica lege prohiberi; vel cognoscitur lex, sed ignoratur talem pœnam eadem lege impositam esse. Si secundum ceniemus cum Sanchez ibid. n. 21. pœnam incurrī. Ratio est, quia regulariter loquendo ad incurrendam pœnam non prærequiritur ejusdem pœnæ cognitio, ut probatum est in Tractatu de irregularit. par. t. c. 4.

Major est difficultas an in primo legis incognitæ casu eadem pœna incurratur. Negant non pauci; alii, quia credunt non incurrī pœnas, nisi cognoscatur lex Ecclesiastica; quam opinionem rejecimus in Tract. de Irregular. ibid. Alii & melius, quia lex privans jure debiti requirit scientiam; & cum pœnalis sit, mitius & benignius intelligi debet, itaut tam juris, quam facti scientiam requirat. Sed quia hæc opinio minus est communis, & aliunde c. t. *De eo, qui cognovit* &c. aperte satis de scientia facti loquitur, ut ad eam solam possit restringi, satius est ut quisquis in hoc casu versabitur, ab Episcopo dispensari curet.

Dixi 3. *In completum*, scilicet per penetrationem vasīs ordinarii, & in eo seminis emissionem; etiam si mulier ipsa non seminet. Ita cum communiore sententia docet Comitulus l. t. q. 130. quem & alios circa materiam hanc Christianis auribus admodum gravem consule, si indiges. Favet c. 7. *De eo, qui cognovit*.

Dixi 4. *cum consanguineis conjugis alterius*. Si quis enim propriam suam consanguineam, vel cognatam spiritualem, aut legalem, vel asfinem uxoris suæ cognoscat, non erit huic pœnæ obnoxius; quia id nulli constitutum est in jure; & sæpe minorem culpam plebsunt Canones, non punita graviore, quia rariori. Vide Poutas hic cas. 23. Sanchez lib. 7. disp. 15. n. 8.

Dixi 5. *cum consanguineis in primo vel secundo gradu*. Ratio est, quia cum Tridentinum affinitatem ex copula fornicatia ortam, in ordine ad matrimonium contrahendum ita restrinxit, ut non nisi in primo & secundo gradu locum haberet; eandem indirecē restrinxit quantum ad usum matrimonii: cum cohabitatio utpote matrimonii accessoria, naturam principalis sequi debeat. Et ita declaravit Congregatio Cardinalium apud Sanchez l. 9. disp. 27. n. 14. *Vide Resolutiones Heislingeri 1. par. cas. 15.*

Dixi 6. *privat reum jure debiti*. Esi enim conjux innocens jus suum semper retinet, ut infra dicam, haud tamen ad redditionem debiti teneretur; quia ubi jus petendi amissum est, ibi nulla & invalida est petitio. *Ubi autem nulla est petitio, ibi nulla est mora*, Leg. 127. ff. *De verb. obligat.*

Quod si uterque conjux incestum commiserit, videndum an id ideo factum sit ut alter alterum fraudaret, an solo voluptatis intuitu. In secundo casu extra dubium est utrumque excidisse a jure suo; unde neuter aut petere potest, aut petenti reddere, juxta superius dicta. An vero idem dicendum sit in priori casu, colligetur ex iis, quæ a pari dicentur in casu, quo ambo conjuges suam prolem baptizaverint.

Sed quid si parte altera affinitatem contrahente, altera in adulterium lapsa sit, nonne crimen crimine compensabitur?

R. negat. quia compensatio in criminibus disparis naturæ locum non habet; nec penes conjugem alium est pœnas legibus sanctas moderari. Qua etiam de causa conjux incestuosus, etsi debitum reddere debet, & de facto innocenti petenti reddit, nusquam tamen exigere potest, donec obtinuerit dispensationem. Et licet eam invito innocente obtinere possit, potest semper pars minime rea eidem debitum negare, non ratione affinitatis, sed ratione vinculi dispensatione sublatum est, sed ratione adulterii donec ab innocente condonetur. Amissio enim juris propter adulterium, est favor innocenti ab Ecclesia concessus, quo a nemine spoliari potest. Ad id tamen infertur Episcopalis dispensatio, ut, si occultum sit crimen, debitum peti possit ut benevole reddendum.

Quin & ante obtentam dispensationem debitum peti posse videtur, cum aliqui injiciatur suspicio criminis admissi, aut alter conjux adducetur in periculum incontinentiæ; aut, addunt aliqui, credet se minus diligi. Quod ultimum est difficilius; cum maritalis amor multiplici alia ratione exhiberi possit. Interim urgenda est quamprimum dispensationis impetratio.

Hic addere juvat, conjugem, qui alterius incestui consentit, a suo jure excidere, non secus ac si ipse commisisset incestum. Ita expresse docet S. Bonaventura in 4. dist. 34. art. 3. q. 1. Et vero ideo Canones innocenti permittunt ut debitum petere possit, quia *non debet suo jure sine culpa privari*: atque hæc ratio locum non habet, cum alter alterius culpæ consensit: ergo.

Secundum delictum, vi cuius conjugum alter privatur jure petendi dediti, est cum pater v. g. culpabiliter baptizat, vel in Baptismo aut Confirmatione suscipit seu communem, sui nempe & uxoris suæ filium, seu prolem, quam uxor sua ex alio legitime vel illegitime habuerit. Equidem pœnam hanc hodie non contrahi censent viri graves, quos citat & sequitur Coninck disp. 34. dub. 8. n. 66. pag. mihi 852. ubi antiqua jura, quæ potissimum habentur causa 30. q. 1. posteriori Decretalium jure correctæ esse contendit. Sed quia Theologi plerique post SS. Thomam & Bonaventuram in 4. dist. 52. art. 1. impedimentum hoc agnoscunt; quia insuper hujusmodi pœnæ ope consuetudinis, quæ ambiguæ leges optime interpretantur, induci possunt; quia demum a tutiori parte non est facile recedendum, idcirco tuitam viam sequemur. Itaque

Dixi 1. cum pater v. g. ut ostenderem eandem esse matris ac patris in præsentis casu conditionem.

Dixi 2. cum culpabiliter baptizat. Si enim baptizet in casu necessitatis, aut ex ignorantia facti, puta quia nescit eum, quem baptizat, suum esse, aut conjugis filium, immunis est a pœna, sicut & a culpa: qua etiam de causa vir propriam uxorem ad fidem conversam urgente necessitate baptizans, nullam cum ea contraheret cognitionem conjugalis officii impedivam, ut bene docet Pontius lib. 10. cap. 6. n. 5. Et vero, ait Joannes VIII. cap. 7. 30. q. 1. *inculpabile judicandum est, quod necessitas intulit*. An autem excuset hic ignorantia vincibilis facti vel juris, colligendum est ex iis, quæ supra dixi agendo de affinitate. Imo caput *Si vir*, 2. *De cogn. spir.* scientiam juris requirere videtur, ut incurratur prædicta pœna.

Sed quid si vii communem, aut uxoris filium baptizet absente quidem Sacerdote; sed præsentibus aliis, qui baptizare possent?



Censeo cum Sambovio, Pontas, Auctore Collat. Andeg. posse virum hunc, ut antea, matrimonio uti. 1. quia Joannes VIII. subindicat tunc tantum peccare patrem cum in præsentia Sacerdotum prolem suam baptizat. 2. quia pœnæ, quantum fieri potest intacta Canonum littera, restringi debent: 3. quia hæc nostra opinio tot in Diocæsisbus docetur, ut ibidem approbata esse videatur: unde hic virtualis quædam intervenit dispensatio. *Vide Pontas ibid. cas. 52.*

Si cui tamen hæc opinio minus probabilis videtur, ut visa est plurimis, quos citat & sequitur Sanch. lib. 9. disp. 26. n. 2. præsertim, quia Joannes VIII. ponderat, patrem, de quo consultus erat, *bene fecisse* baptizando filium, ne decederet sine baptismo; quod supponit neminem prorsus adfuisse, a quo baptizaretur infans: si cui, inquam, opinio hæc minus probetur, is ad Episcopum recurrat, dispensationem obtenturus.

Quod si quis, ait Pontius idem cum Sanchez sentiens, videns filii sui necessitatem, etiam præsentibus aliis pene indeliberato accurreret, eumque imminenti periculo territus baptizaret, laudem potius mereretur, quam vituperium, & a pœna immunis videretur; quia in tanta necessitate vix suppetit deliberandi locus.

Dixi 3. vel *suscipit in baptismo*, &c. nimirum personam gerens patrini, (non autem puerum materialiter suscipiens:) hoc enim in casu multo probabilis est incurri privationem juris conjugalis, non quod extet ulla lex, quæ id diserte probet, sed quia ita sentit longe major Doctorum copia, a quibus non est temere recedendum.

Sed quid si maritus in baptismo patrini munus exerceat in defectum alterius cujuscumque? Scinduntur hic ut & in aliis pluribus Theologi. Alii cum Pontio, perpetuo fere Sanchezii adversario, existimant eum privationi, de qua loquimur, obnoxium esse: quia nulla est vera in baptismo etiam solemni patrini necessitas. Alii eundem ab hac pœna immunem esse volunt, etiamsi in baptismo privato idem exerceat munus. Quia etsi absolute conferri potest baptisma absque patrino, satius tamen est adhiberi, quam non adhiberi patrino. Unde si *necessitas exigat* ut pater vices gerat patrini, erit is admittendus, ut docet S. Thom. 3. par. q. 67. art. 8. ad 2. ergo a culpa & proinde a pœna immunis erit. Et ita docet post S. Antoninum 3. par. tit. 1. cap. 15. & alios plures idem Sanchezius ubi supra n. 3. Comitulus lib. 1. q. 137. n. 5. &c.

Dixi 4. *filium communem, aut filium uxoris sue proprium*. Si quis enim baptizet filium concubinæ suæ, contrahet quidem cum ea affinitatem, ex qua eandem deinceps ducere non poterit uxorem, at nihil inde contrahet impedimenti relative ad propriam conjugem.

Quamquam vero conjux ex baptismo vel susceptione prolis *amittit jus petendi debitum*, donec secum dispenseetur, *tamen debet reddere* petenti alteri, *quia ex ejus culpa non debet aliquod incommodum aliis reportare*. Ita S. Thom. in 4. dist. 42. q. 1. art. 1. quem omnes sequuntur. Adde, quod etsi conjux debitum petere nequit, non potest tamen excludi a domo, & cura alterius conjugis.

Sed quid juris si alter conjugum prolem baptizaverit, altero convivente; vel si uterque idem fecerit?

[R. si uterque conjux id fecerit ex malitia, idest animo alterum detrahendi jure conjugali, quamvis uterque exciderit a jure suo, ac proinde petendo peccet, tenetur tamen alteri petenti reddere. Ratio est, quia cum

cum hæc pœna solo positivo jure infligatur, debet restringi, prout ab eodem jure restricta est: atqui jus contentum cap. *Si vir*, 2. *De cogn. spir.* sic prædictam pœnam restrinxit, ut conjugem alium alii petenti debitum reddere sanxerit, ne scilicet iis sua fraus patrociniaretur: ergo. Hæc solutio communis est, sed difficilis.

Si vero uterque culpa sua, sed non animo alterum defraudandi, contraxerit illud impedimentum, neuter tenetur, nec licite potest alteri reddere. Ratio est, & quia excidit uterque a jure suo; & non viget in hoc casu jus ei simile, quod pro præcedenti casu allegavimus.

Quæres 6. quid conjugibus licitum sit aut vetitum in dubio de valore matrimonii sui.

Constat imprimis eum, qui de conjugii sui nullitate certus sit, nec petere posse nec reddere debitum; quia is foret accessus ad non suam; qui utpote intrinsece malus, nullis in circumstantiis licitus esse potest. Quin etsi censuris urgeretur pars nullitatis conscia, haud tamen cohabitare posset: quia præceptum falsa suppositione omnino nixum, nullam in foro conscientiæ obligationem parit.

Nec est, quod dicas, præceptum hoc Superioris Ecclesiastici rationem habere dispensationis. Id enim aperte falsum est. 1. quia multa sunt impedimenta, in quibus ne ipse quidem Papa dispensare potest. 2. quia non dispensat, nisi qui vult dispensare, idque ut plurimum cognita causa: porro Episcopus censuras decernens adversus eum, quem credit ex perversa negare debitum, non intendit dispensare; neque id licite & aliquando valide posset, sine prævio rerum examine. 3. quia generaliter pronuntiat Innocentius III. cap. 44. *De sent. excomm.* quod conjux pro certo sciens impedimentum conjugii... debet potius excommunicationis sententiam humiliter suscipere, quam per carnale commercium peccatum operari mortale.

Ex dictis colliges ne vitandæ quidem mortis gratia licitam esse prædictam cohabitationem; quia quæ intrinsece mala sunt, etiam in minori gradu facere numquam licet, ut vitentur graviora mala. His præsuppositis.

R. Vel dubium de quo agitur iudatum est & probabile, vel leve & nulla innixum ratione probabili. Si sit grave, vel præcessit matrimonium, vel eidem jam contracto supervenit, Vel demum eodem angitur uterque conjux, vel alteruter.

Si dubium leve sit, *explosa & quidem ad Pastoris sui consilium conscientia levis & temeraria credulitatis, licite potest pars dubitans, non solum reddere, sed exigere debitum conjugale.* Ita Innocentius III. cap. mox citato. Ubi nota & dubium hoc explodi debere, quia non licet ire contra conscientiam quomodolibet errantem, & explodi facile posse, prout dixi in Tract. de Consc. cap. 4. concl. 1.

Si vero dubium sit grave, & matrimonium præcesserit, poterit, qui dubitat, dubio permanente, reddere debitum, non autem petere. Si vero uterque in dubio matrimonium inierit, neuter petere aut reddere poterit.

Quod in priori casu non possit peti debitum, patet, quia qui tante tali dubio debitum petit, exponit se fornicationis periculo, cui se non exponit ab eadem petitione abstinendo: ergo non tenet partem tutiorem, quam

dubio teneri necessum est: ergo peccat.

Item vero, quod in eodem casu debitum reddi oporteat, non minus liquet: 1. quia cap. 2. *De secundis nupt.* dicitur: *Si aliquis vel aliqua de morte prioris conjugis sibi existimat dubitandum, ei, qui sibi nupsit, debitum non dene-*

*get possulanti*, 2. quia qui bona fide rem possidet, non est ea ob malam alterius fidem spoliandus: atqui conjux, qui nullum circa matrimonii sui validitatem dubium habet, bona fide rem suam, seu alterius conjugis corpus possidet; 3. quia ipa dubio minus malum eligi debet, cum utrumque vitari non potest, secundum id Concilii Tolet. VIII. c. 2. *Duo mala, licet sint omnino cautissime præcavenda, tamen si periculi necessitas ex his unum perpetrare compulerit, id debemus resolvere, quod minori nexu noscitur obligare*: atqui minus est malum reddere debitum conjugi, qui jus illius bona fide possidet, quam non reddere. Reddendo enim ad summum committeretur fornicatio; denegando autem gravis, & admodum periculosa committeretur injuria; 4. quia ita sentiunt SS. Thomas, & Bonaventura in 4. dist. 38. D. Antoninus 3. par. tit. 1. c. 9. aliique longe plures, quos citat & sequitur Sanchez lib. 2. dis. 41. n. 45.

Quod autem in posteriori casu neuter exigere possit aut reddere: Probatur 1. quia nemo potest vel uti re de qua prudenter dubitat an sit sua, aut ejus usum permittere; sed qui ambo de matrimonii sui valore dubitant, ex motivo gravi, dubitant prudenter an corpus alterius sit suum: ergo non possunt ejus usum petere; ergo nec possunt reddere alteri etiam dubitanti, cum is nec ullum habeat jus iustitiæ ad petendum, nec tranquillam possessionem; 2. ideo in casu præcedenti licitum est reddere debitum conjugi petenti; quia utpote bonæ fidei possessor, non est spoliandus jure suo: atqui cum ambo in dubio matrimonium contraxere, neuter est bonæ fidei possessor: ergo neuter debitum reddere potest, donec adhibita morali diligentia dubium suum excusserit, & depoluerit.

Præcipua difficultas est, quid facto opus sit cum dubium grave suboritur contracto jam matrimonio. Hæc nobis videntur esse statuenda.

1. Si matrimonium necdum consummatum fuerit, non erit primo bimestri consummandum; quia tunc ex Ecclesiæ concessionem debitum inculpate denegari potest, ac proinde ob dubium denegari debet.

2. Si jam consummatum sit, & conjugum alter nihil habeat dubii, acquiescendum erit petitioni ejus, nihil autem ab eo exigendum, donec res utramque in partem serio disputatæ fuerint, & æqua trutina suspensæ.

3. Si post serium examen idem, quod prius, dubium perseveret, divisi sunt Doctores: alii dubium hoc abjici ut frivolum, ac proinde deponi debere contendunt; unde sequitur debitum exigi posse; ita cum aliis pluribus Sanch. ibid. n. 46. Sotus, Pontas v. *Devoir*, cas. 17. Alii pugnant ex adverso, & dubii vere subsistentis eandem, ac cum primum exortum est, rationem esse volunt; unde inferunt reddi quidem debere debitum conjugi, qui non dubitat, haud tamen licitum esse illud ab eo exigere. Et hæc opinio ut tutior, sic & multo probabilior nobis in praxi tenenda videtur, itaque

Prob. 1. quia nemini licet manifesto fornicationis periculo se exponere: sed qui post seriam inquisitionem dubitare pergit an v. g. prima sua uxor mortua sit, exponit se evidenti fornicationis periculo. Qui enim solide & graviter dubitat an sua sit ea, ad quam accedit, exponit se manifesto fornicationis periculo; sed qui in præsentī casu dubitare pergit, solide & graviter dubitat an sua sit ea, ad quam accedit. Dubitat enim sicut ab initio dubitavit; cum ex hypothesi totum, quod instituit, examen, nulla ex parte dubium ejus imminuerit; ergo non magis post examen illud debitum exigere potest, quam potuerit initio dubii.

Nec dicas hominem hunc ratione possessionis suæ dubium habere speculativum duntaxat, non autem practicum. Præterquam enim hæc dubii divisio in speculativum & practicum, totam pene moralem Theologiam corrumpit, ut alii fusius ostenderunt; constat in nostro casu scititiam hanc possessionem non tollere dubium: quandoquidem ipsissima est possessio de qua dubitatur. Qui enim dubitat serio, nam mortua sit prima sua uxor, necessario dubitat, an eam vere & uxoris titulo possideat, quam secundo loco duxit. Et vero cur possessio mariti tam ponderabitur, & nihil erit possessio primæ ejus uxoris, quæ tantum habet juris in ipsum, quantum habet ille in secundam uxorem? Plura ea de re videris in Tractatu nostro de Continentia cap. 4.

Prob. 2. ideo censent Pontasius & alii, eum, qui post sufficiens examen, rei veritatem assequi non potuit, dubium abjicere posse ut frivolum, quia, inquit, jam versatur in ignorantia invincibili, quæ ab omni peccato excusat: atqui hæc ratio nulla est, & in ambiguo ludit. Etsi enim, qui rebus mature perpenfis pergit ut antea dubitare, veritatem ignorat, quia nescit v. g. an reipsa prima conjux obierit, haud tamen ignorat invincibiliter peccandi periculum, cui sese objicit: cum ut incertus est an eadem uxor mortua sit, sic & incertus sit ob gravia momenta an non vivat; ergo non ea laborat ignorantia invincibilis specie, quæ excuset a peccato; quæque tunc solum occurrit, cum nulla menti serio attentæ observantur momenta, quæ eam ab agendo deterreant.

Prob. 3. quia in dubio ad votum pertinente pars tutior teneri debet, ut fuse probavimus Tom. 1. ergo a pari in dubio, quod matrimonium tangit.

Prob. 4. ex citato c. 44. *De sent. excom.* ubi sic pergit Innocentius III. *Verum cum conscientia pulsat animum ex credulitate probabili & discreta, quamvis non evidenti & manifesta, debitum quidem reddere potest, sed postulare non debet, ne in aliterutro vel contra legem conjugii, vel contra judicium conscientia committat offensam.* Atqui hæc verba ad minus generatim sunt; imo magis intelligenda videntur de dubio examinato, quam de dubio nascente. Cum supponi soleat eos, qui in hujusmodi casibus versantur, nihil neglexisse, quo ad rerum, ut in se sunt, notitiam devenirent: ergo.

Hinc colliges, si idem sit utriusque conjugis dubium, & utrique cognitum, teneri ambos abstinere etiam a redditione debiti. An autem & quando alter alteri sua dubitandi motiva pandere possit, res est ex pii prudentisque Confessarii judicio definienda, qui eam ipse ex circumstantiis resolveret.

Quod si conjux non dubitet solum, sed ex momentis multo gravioribus moraliter certam habeat matrimonii sui invaliditatem, tunc nequidem petenti debitum reddere poterit; nisi forte motiva hæc viro sapienti longe minora videantur, quam ipsi conjugi. Consule, quæ de casu non ab simili diximus in Tract. de Conscientia.

### S E C T I O T E R T I A.

*De Conjugum peccatis extra, vel intra usum Matrimonii.*

**A**ctus conjugalitatis multiplici intuitu exerceri potest: 1. quidem intuitu generationis; 2. intuitu reddendi id, quod alteri debitum est  
ex

ex iustitia ; 3. vitandi peccatum proprium , v. g. adulterium aut molli-  
tem ; 4. sanitatis ; 5. solius delectationis ; 6. partim delectationis , partim  
generationis . His præmissis

Quæres 1. quando peccent conjuges in usu matrimonii .

R. Copula alio quocumque , quam generationis aut iustitiæ , sine exer-  
cita , semper est peccatum .

Prob. 1. quia ita sensere SS. Patres , quibus ne uno quidem passu rece-  
det vir sinceræ ethicæ studiosus , S. Augustinus Lib. de bono conjug. cap.  
40. *Concubitus*, inquit, *necessarius causa generandi, inculpabilis, & solus*  
*ipse nuptialis est*. Ille autem, qui ultra istam necessitatem progreditur, jam  
non rationi, sed libidini obsequitur. Et hunc tamen non exigere, sed red-  
dere conjugi, ne fornicando damnabiliter peccet, ad personam pertinet con-  
jugalem, & ser. 51. Numquid hoc non est peccatum, amplius, quam libe-  
rorum procreandorum necessitas cogit, exigere a conjugē debitum? est quidem  
peccatum. Unde sic: Peccat, qui non obsequitur rationi, sed libidini: at-  
qui ex S. Doctore, libidini obsequitur, quisquis matrimonio utitur alio si-  
ne, quam ut liberos generet, aut comparti debitum reddat: ergo.

Idem docet S. Fulgentius Epist. 1. c. 3. & 4. his verbis: *Maculam con-*  
*trahis..... quisquis non pro sola generatione, sed etiam propter fragilita-*  
*tem carnis suæ, suam miscetur uxori*. S. Gregorius Magnus lib. 30. Moral.  
cap. 17. ubi sic: *Tunc solum conjuges in admixtione sine culpa sunt, cum...*  
*pro suscipienda prole miscentur*.

Eadem fuit sententia Bedæ, & ita totius retro traditionis, ut in eam cal-  
culo unanimi conspirent Doctores Angelicus, Seraphicus, & Subtilis, Sic,  
ut cæteros omittam, S. Thomas in 4. dist. 31. q. 2. art. 2. *duobus solis*  
*modis conjuges absque omni peccato conveniunt, scilicet causa prolis procre-*  
*anda, & debiti reddendi, alias autem semper est ibi peccatum ad minus veniale*.

Prob. 2. si copula extra duos casus a nobis assignatos immunis esset a  
peccato, maxime cum habetur ad præcavendum propriæ incontinentiæ  
periculum: atqui valde probabile est eam ne in isto quidem casu vacare a  
peccato, Prob. min. ex Apost. 1. Cor. 7. ubi postquam dixit: *Propter for-*  
*nicationem unusquisque suam uxorem habeat; & infra: Iterum revertimini*  
*in idipsum, ne tentet vos satanas propter incontinentiam vestram*; subdit:  
*hoc autem dico secundum indulgentiam, non secundum imperium*: atqui ver-  
ba hæc secundum indulgentiam denotant in eo etiam actu, quo quis vitan-  
dæ incontinentiæ causa miscetur, aliquid subesse peccati. Quis enim esse  
peccatum neget, cum dare veniam facientibus Apostolica auctoritas fateat-  
ur: ait S. Augustinus, Enchir. c. 78. & lib. 3. contra Julian. c. 7.

Idem docet S. Thomas statim ad 2. ubi sic: *Si aliquis per actum ma-*  
*trimonii intendit vitare fornicationem, aliamve incontinentiam in conju-*  
*ge, non est aliquid peccatum, quia hoc est quadam redditio, quæ ad bo-*  
*num fidei conjugalis pertinet*. Sed si intendat vitare fornicationem in se,  
sic est ibi aliqua superfluitas; & secundum hoc est peccatum veniale; nec  
ad hoc matrimonium est institutum, nisi secundum indulgentiam, quæ est  
de peccatis venialibus. Nempe vero, ait Nat. Alexander Reg. 3. de usu  
matrim. aliis modis convenientioribus, scilicet per orationem, jejunia,  
aliaque pia opera vitare quis potest fornicationem, & incontinentiam a Deo  
impetrare. Conjugis autem intemperantia, cui ex fide matrimoniali ob-  
viare tenetur, aliter mederi non potest, cum aliena voluntas non sit in  
nostra potestate.

Prob. 3.

Prob. 3. tum quia conjux, qui debitum exigit ad sedandos ignes libidinis, obsequitur concupiscentiæ, quam oratione & piis operibus refræmare posset; tum quia, ut bene discurret Scorus, nec Deus nec natura matrimonium ordinavit ad vitandam incontinentiam. Non Deus, quia quod solum toleratur ex indulgentia, vere ad aliud non ordinatur. Non natura, quia naturalis scopus matrimonii sola est hominis multiplicatio, sicut alimentorum finis sola est nutritio.

Hinc colliges 1. pari de causa reum esse, qui in usu conjugali solam sanitatem querit. *Quamvis enim intendere sanitatis conservationem non sit per se malum, tamen hæc intentio efficitur mala, si ex aliquo sanitas intendatur, quod non est ad hoc de se ordinatum; sicut qui ex Sacramento Baptismi tantum salutem corporalem quereret. Et similiter est in proposito de actu matrimonii.* Ita S. Thomas ibid. ad 4.

Colliges 2. peccare & eum, qui partim proles, partim voluptatis amore capit. Ratio est, quia is ex parte obsequitur libidini, ut supra aiebat Augustinus. Haud equidem illicita est delectatio, quæ ex matrimonii usu percipitur, sicut nec ea illicita est, quæ percipitur ex alimentorum esu. Sed quemadmodum peccat, qui voluptatis causa comedit, quia invertit finem a natura præscriptum; sic & a pari in proposito.

Confirm. ex S. Augustino Lib. 10. Confess. c. 31. ubi sic loquitur profundus & humilis Doctor: *Cum salus sit causa vescendi & bibendi, adjungit se tanquam pedissequa periculosa jucunditas, & plerumque præire conatur, ut ejus causa fiat, quod salutis causa me facere vel dico vel volo, & paulo infra: In his tentationibus posuit, certo quotidie adversus concupiscentiam manducandi & bibendi .... Et quis est Domine, qui non rapiatur aliquantulum extra metas necessitatis? Quisquis est, magnus est, magnificet nomen tuum. Ego autem non sum, quia peccator homo sum; ergo, sicut qui propter salutem manducat, reus est, non quidem cum annexam alimentis voluptatem sentit, sed cum etiam ejusdem voluptatis causa manducat; ita & in casu matrimonii.* Hinc S. Thomas ubi supra art. 3. *Si queratur delectatio intra limites Matrimonii, ut scilicet talis delectatio in alia non quereretur, quam in conjuge, sic est veniale peccatum.* Is ergo penes unum a culpa in præsentis negotio immunis est, qui cum juniore Tobia c. 8. dicere poterit: *Es nunc Domine, tu scis, quia non luxuriæ causa accipio sororem meam conjugem, sed sola posteritatis dilectione, in qua benedicatur nomen tuum in sæcula sæculorum.* Sed quis est hic, & laudabimus eum?

Colliges 3. a fortiori & gravius peccare, qui solius voluptatis intuitu operatur. Hinc Innocentius XI. hanc propositionem an. 1679. proscripsit: *Opus conjugii ob solam voluptatem exercitum omni prorsus caret culpa, ac defectu veniali.*

Et vero non minus peccat, qui in usu matrimonii temperantiæ limites transilit, quam qui eisdem excedit in mensa: atqui licet conjuges jus habeant utendi licitis cibis, qui apponuntur in mensa, peccant tamen contra temperantiæ leges, si eos assumunt ad voluptatem. Minor patet ex censura hujus propositionis: *Comedere & bibere usque ad satietatem ob solam voluptatem, non est peccatum, modo non obest valetudini; quia licite potest appetitus naturalis suis actibus frui; quæ thesis ad Epicuri Scholam ablegata est a Clero Gallicano ann. 1700. Major indubia est apud Augustinum; sic ille Lib. de bono conjug. cap. 16. Quod est cibus*  
ad

ad salutem hominis, hoc est concubitus ad salutem generis; & quod est in cibo licito nonnullis immoderatio appetitus, hoc est in coniugibus venialis ille concubitus; ergo. Et ita docuerunt omnes antiqui PP. & Scholastici ante nuperum Joannem Majorem, ait Sotus in 4. dist. 31. q. 1. art. 3.

Contra responsionem nostram, qua parte statuit venialiter malum esse usum matrimonii intuitu vitandæ propriæ incontinentiæ, obijciunt quædam minime spernenda: & 1. quod hæc Apostoli verba: *Hoc autem dico secundum indulgentiam*, non significant ignoscantiam mali minoris, sed concessionem minoris boni: adeo ut is sit eorum sensus: *Revertimini in idipsum, ne tentet vos satanas. Hoc autem dico ex indulgentia*, quia perfectius esset ab iis abstinere; non autem imperando; vellem enim vos omnes esse sicut meipsum, & æque cœlibes vivere. Et vero, inquit; Apostolus non potuisset dare indulgentiam venialiter peccandi; 2. alioqui peccaturam esse Ecclesiam, quæ senum aut sterium matrimonio assistit, cum sciat eos matrimonio usuros ad minus ob sedationem concupiscentiæ; 3. matrimonium secundario institutum esse in remedium concupiscentiæ, secundum id Pauli ibid. *Propter fornicationem unusquisque uxorem suam habeat*, &c. 4. non minus imo magis licitum esse uti matrimonio ad sedandos proprii corporis motus, quam ad subveniendum concupiscentiæ uxoris; quo tamen in casu matrimonii usum approbant omnes; 5. ita sentire viros graves, quorum instar sit S. Antoninus 3. par. tit. 1. cap. 20. ubi hæc habet: *Tunc est veniale petere ubi non speratur proles, imo nec veniale si fiat propter vitandam fornicationem in se vel in alio. Et in hoc concordant Doctores*. Verum hæc absolute solvi possunt. Unde

Ad 1. Allata a nobis expositio textus Apostolici, auctores habet multos magni nominis Patres, & convenit lectioni græcæ, quæ proprie significat veniam seu condonationem peccati, ut notat Fromondus. Neque tamen ideo Apostolus consulit peccatum veniale, sed habita infirmitatis humanæ ratione, tolerat minus malum, ut gravius avertat.

Ad 2. Non peccat Ecclesia nuptiis senum assistendo. Si enim non peccant si solum individuam vitæ societatem, subsidium mutuum, mutuamque solamen intendant. Si vero intendant carnale commercium, venialiter quidem delinquant, sed sua, non Ecclesiæ culpa.

Ad 3. Fatemur matrimonium in remedium concupiscentiæ institutum esse, sed secundario & consequenter, ut nimirum concupiscentia per copulam licitam, idest habitam amore prolis, non ita stimulet ad fornicariam; ad quod etiam confert gratia sacramentalis concupiscentiæ coercitiva. Negamus vero matrimonium sedandæ sensualitatis gratia directe & primario institutum fuisse. Et vero ante fuit in Paradiso terrestri matrimonium, quam concupiscentia.

Ad 4. Potest quis suæ non alienæ libidini mederi, quia suam, non alterius voluntatem penes se habet, ut supra aiebat Nat. Alexander.

Ad 5. Magna profecto est S. Antonini in moralibus auctoritas, sed major Augustini, qui ex adverso pugnare videtur.

Interim ex ea opinionum varietate colligit sagax Confessarius vix unquam, vel a matrimonio contrahendo, vel ab ejusdem usu avertendos esse peccitantes, qui ajunt se querere medelam concupiscentiæ; ne forte dum Apostolo accuratiores esse vellent, eos in gravia peccata conijciat,

quos a venialibus ex zelo minus prudenti retrahere moliebatur. Eadem servanda est methodus cum iis, qui pari de causa ad conjuges steriles, senesve, aut gravidas accedunt. Neque id rigidioribus Theologis improbatum iri puto; præsertim ob hæc Fromondi verba in citatum Apostoli textum: *Sotus, Sanchez \* & passim Neoterici dicunt Sanctos Patres amore castitatis matrimoniorum libertatem paulo magis restrinxisse; docentque contra ipsos licere petere debitum ad vitandam non tantum alterius (quod etiam omnes Patres concedunt, quia hoc est potius reddere, quam petere debitum) sed etiam propriam fornicationem: durum enim videtur, quod steriles aut proventus ætatis nunquam sine peccato veniali possint petere debitum. Sed si Augustinus attente legatur, forte non docet contrarium; quia ubicumque docet tantum licitum esse petere ex intentione generandæ prolis, supponit peti causâ saturandæ libidinis, quod omnes docent esse veniale. Nec videtur rescixisse ad illum casum, quo quis petit ad vitandam propriam fornicationem, quando alio modo difficulter eam vincere potest.*

Sed cujus speciei est peccatum, quod admittunt conjuges, qui ultra assignatos limites debitum exigunt.

Una est, ait Habertus, Theologorum sententia, esse peccatum ex sua natura dumtaxat veniale, juxta id Augustini L. de bono conjug. c. 7. *Reddere debitum conjugale nullius est criminis: exigere autem ultra generandæ necessitatem, culpe venialis.* Hinc & illud ejusdem S. Doctoris L. 1. de nupt. & concup. c. 14. *Etiâ hinc sunt laudabiles nuptiæ, quia & illud quod non pertinet ad se, ignosci faciunt propter se; quatenus scilicet venerea illa voluptas, quæ extra nuptias foret leihale peccatum, per nuptias efficitur culpa solum venialis.*

Coitustamem intemperantia per accidens est peccatum mortale, 1. quando graviter nocet valetudini sive perentis, sive reddentis: tunc enim se habet ut peccatum gulæ, quod in pari casu letiferum esse fatentur omnes.

2. Cui quis ad uxorem animo fornicario accedit, idest si affectus ut vel optet coire cum alia, quam sibi repræsentat; vel ad hanc accederet etiam si non esset sua. Ita S. Thomas in 4. dist. 31. q. 2. art. 1. præverat S. Hieronymus L. 1. adversus Jovinian. his verbis: *Nihil est fœdus, quam uxorem amare quasi adulteram.*

3. Cum agitur ex fine graviter malo, puta ut mulier moriatur in partu; ut filii aliquando formentur ad latrocinia patris.

4. Cum actus conjugalis vel in loco sancto exercetur, vel coram aliis: & hic potissimum invigilare sibi debent pauperes, qui sub eodem tecto una cum pueris degunt.

5. Cum conjuges sodomitice conveniunt. Neuter enim jus habet nisi in copulam, quæ generationi inservire possit, qualis non est nefanda ea, de qua loquimur. Imo abusus contra naturam, execrabiliter fit in meretrice, sed execrabilior in uxore, ait Augustinus L. de bono conjug. c. 11. Neque etiam licitum est in vase indebito inchoare copulam, etiam sine animo ibidem consummandi, sed ex sola intentione excitandi se ad consummandum in vase naturali: est enim actus ille criminis sodomitici inchoatio; ac proinde grande scelus.

#### 6. Cum

\* Non satis accurate citat Fromondus Sanchez; is enim L. 9. disp. 9 n. 4. affirmat tunc culpa vacare petitionem debiti causâ vitandæ fornicationis in ipsomet petente, quando adhibitis aliis mediis nequit carnis stimulos sedare: secus quando potest convenienter alio modo ab incontinentia abstinere: tunc enim, inquit, erit veniale.



6. Cum prætermittitur naturalis concumbendi modus, ut si vir accedat a tergo vel succumbat; & inde imminet periculum seminis perdendi: alioqui enim plures culpam hinc solum venialem agnoscunt; quia illicite quidem, sed tamen intra fines matrimonii quæritur voluptas. Hæc tamen culpa, ut in genere suo gravis, serio increpanda est in tribunalis pœnitentiæ. Cæterum si vir debitum situm prætermittat, eo quod corporis dispositio naturalem situm non patitur, immunis est a culpa, secluso pollutionis periculo.

7. Cum generationem impediunt, aut extinguunt conceptam prolem, ejusve per abortum ejiciendæ aut graviter lædendæ periculo sese exponunt; ut enim propriam suam, sic & prolis vitam servare debent incolumem.

8. Cum vir retrahit se, vel complete non seminat in vase. Exterior enim seminis emissio, non differt a pollutione.

9. Cum mulier susceptum semen de industria ejicit, aut ejicere conatur, aut semen proprium de industria privatim effundit.

An autem possit aliquando vir inchoatum coitum non perficere secluso pollutionis periculo, disputant Theologi. Affirmant S. Antoninus ubi in ira, & Comitulus l. 1. q. 133. modo, inquit, conjux eo sit coitu contenta: si enim perfectum exigeret, non posset eo privari sine scelere. Verum hæc Auctoris probabilissimi opinio hinc difficilis est, quod in hoc casu nunquam fere abesse videatur saltem ab alterutro conjuge proximum pollutionis periculum. Quod autem dicit Comitulus non peccaturum eum, qui ut hostem viræ suæ imminentem propulsaret, cessaret ab actu inchoato, vix quidquam concludit ob infrequentiam casus, & sedationem concupiscentiæ ex gravitate mali impendentis. Prædicta igitur opinio non est tuta præciue, & ita ex Laymano docet Henricus a S. Ignat. n. 124.

Quæres 2. an obsceni tactus & aspectus inter conjuges sint peccata.

R. prædictos tactus aliquando esse ab omni culpa immunes; aliquando habere culpam solum venialem; aliquando demum non vacare a culpa mortali.

1. Quidem immunes sunt a culpa, cum absque pollutionis periculo adhibentur ut necessarij ad copulam vere maritalem. Ratio est, quia tunc non sunt voluptatis intuitu, sed intuitu copulæ, quæ cum inter conjuges licita sit & honesta, licitum facit id, quod ad eandem excitat & disponit. Ita Habert, P. Antoine, alique seniores, qui, ut & nos jam fecimus, exciperent contactum etiam inchoate sodomiticum.

2. Culpam habent venialem, cum tamen ad copulam ordinantur, ad eam tamen necessarij non erant, ac proinde nonnisi majoris voluptatis causa sunt. Ratio est, quia ex dictis, ne ipsa quidem copula maritalis vacat a peccato, cum solius voluptatis intuitu exercetur; ergo minus a peccato vacant, quæ nonnisi ob copulam licita esse possunt, & ad eandem haud necessaria esse supponuntur.

3. Idem tactus mortaliter mali sunt, quoties proximum habent periculum pollutionis: hæc enim conjugatis sicut & alijs graviter prohibita est; ergo & iis graviter prohibitum est ejusdem periculum. Unde ab iis sub gravi tenentur abstinere conjuges, quoties advertunt se per conjugalem actum pollutioni obviare non posse.

An autem iidem tactus sint mortiferi quoties secluso etiam pollutionis periculo exercentur absque animo deveniendi ad copulam, controversatur.

Et quidem 1. fatentur pene universi quosdam esse tactus adeo infames, ex defectu proportionis inter membrum tangens & tactum, ut ne quidem

ex copulæ intuitu exculentur a gravi peccato; quia nimirum graviter de-  
decent naturam rationalem, & indicia sunt libidinis tantæ, ut cum casta  
Dei super omnia dilectione non cohæreat.

2. Et id etiam fatendum est impudicos tactus plus habere mali in iis,  
qui jam coire non possunt, v. g. ob supervenientem impotentiam, quam  
in aliis; quia ii tactus ne remote quidem ordinantur ad copulam, ob  
quam solam excusari possunt. Quod enim dicunt aliqui tales contactus id  
saltem habere boni, quod concupiscentiam mitigent, falsum est; cum eam  
potius accendant.

Tota igitur quæstio est de ordinariis tactibus, qui ad copulam ordina-  
ri possent, nec ad eam tamen ordinantur. Censent Cajetanus, Angelus,  
Armilla, Sotus, Habert, aliique plures apud Sanchez L. 9. disp. 44. n. 12.  
culpam hic subesse solum venialem: sed miror, ait Comitolus L. 4. q. 22.  
hujus opinionis defensores, nihil ad eam persuadendam firmæ solidæque  
probationis excogitasse. Unde cum eodem fatendum est oppositam senten-  
tiam non carere probabilitate: 1. quia hic fere semper occurrit pollutionis  
periculum, nisi forte cum obsceni tactus matrimonii usum satis proxime  
sequuntur; 2. quia quod conjugum unus in suo corpore sine scelere facere  
nequit, neque hoc efficere potest in alieno corpore, quamvis conjugii jure  
suum sit; quia suum non est nisi in ordine ad munera matrimonii, & ju-  
stæ generationis fines: atqui conjux alter semetipsum sine gravi peccato  
impudice tangere nequit, ut in se suscitet voluptatis veneræ sensum, &  
in eo conquiescat; prout docet Navarrus, Sylvester, Azor, Vasquez, Ha-  
bert &c. ergo &c. Huic opinioni adhærent Paludanus, Sylvester, & alii  
nonnulli cum S. Antonino 3. p. tit. 1. c. 20. §. 6. ubi tamen S. Doctor decisio-  
nem suam restringit ad eum, qui *diu insistit in hujusmodi tactibus*. In  
idem facile propendeo; sed obstat utcumque, quod secluso pollutionis pe-  
riculo non peccat magis, qui uxorem tangit vel osculatur ex libidine,  
quam qui eandem ex pari motivo cognoscit. Est enim copula libidinosa,  
tactuum omnium magis prohibitus: sed qui ex libidine mera coit cum uxo-  
re, etsi gravius peccat, quam qui coit ut incontinentiam vitæ, non ar-  
guitur tamen peccati mortalis: ergo. Quapropter in re admodum difficili  
severe arguerem conjuges, qui pene omnia hæc sibi permissa esse putant;  
hæud tamen forte eos statim addicerem inferis, cum a gravi exculenter a  
longe majori Theologorum parte. Sed hæc cum omnimoda consilii alienis  
subjectione dicta sunt. Interim nusquam admiserim cum Sanchez ibid. n. 15.  
conjugatum: qui se ipsum tangit propter voluptatem captandam absque  
pollutionis periculo, nonnisi venialiter peccare.

An mortaliter peccet conjux, qui in absentia comparris deliberate dele-  
ctatur cogitatione coitus habendi vel habendi cum conjuge absque tamen  
pollutionis periculo? Expendam ubi de novo Decalogi præcepto. Interim  
ex dictis facile colliges non immerito dixisse Apostolorum Principem, quod  
non expedit nubere. Certe conjugalitatis castitas tam rara est, ut teste Augusti-  
L. de bono conjug. c. 13. *Multis homines facilius se tota vita ab omni con-*  
*cubitu abstineant, quam modum teneant non cocundi nisi proli causa.* Quia  
tamen non omnes capiunt verbum istud, sed quibus datum est; & aliunde  
melius est nubere, quam uri; sciat & curet quisquis matrimonio junctus  
est, vas suum possidere in sanctificatione & honore, non in passione deside-  
rii, sicut & gentes, quæ ignorant Deum, 1. Thessal. 4.

Matth. 19.

1. Cor. 7.

## CAPUT SECUNDUM.

## De quinto Decalogi Præcepto.

POST imperatam Dei, ac proximi, præcipue vero parentum dilectionem, vetat idem Deus id omne, unde lædi proximus possit; ac imprimis ne eidem mors inferatur, his præcipit verbis Exod. 20. *Non occides* Quod verbum etsi in speciem breve multa complectitur. Ut enim ait S. Thomas 2. 2. q. 112. art. 6. ad 2. *Omnia nocumenta, quæ in personam proximi inferuntur, intelliguntur in homicidio, sicut in principaliori.*

Hinc homicidii nomine veniunt ea quibus contra discipline ordinem male mulctatur hominis corpus, scilicet verbera, vulnera, mutilatio, injusta incarceration, & aliæ id genus violentiæ, quæ quædam sunt mortis inchoatio. Quin & in lege Christi; quæ spiritu magis, quam opere externo adimpletur, lex non occidendi prohibet etiam interiores affectus, qui suapte natura ad inferendam proximo necem, aut vim quamcumque externam tenderent; quales sunt odium, ira, amor vindictæ, prava alienæ mortis desideria, gaudium ex ea, vel quibuslibet adversis proximo evenientibus inhumane perceptum, invidia item, contumelia, irrisio, obtrectatio, aliæque similes injuriæ. Atque id apposita ad cordis ipsius radicem securi expressissime declaravit Christus Matth. 5. his verbis: *Audistis, quia dictum est antiquis: Non occideris; qui autem occiderit, reus erit iudicio. Ego autem dico vobis: quia omnis, qui irascitur fratri suo, reus erit iudicio, &c.*

Quoniam vero de ira, & invidia disseruimus in Tractatu de Peccatis; de odio ejusque appendicibus in Tract. de Charitate, de contumelia & detractione, in Tract. de Justitia, superest, ut quæ homicidium ipsum directe tangunt, exequamur.

Homicidium prout quinto præcepto vetitum est, definitur Injusta hominis occisio, seu Corporis humani animati injusta peremptio.

Dicitur 1. *occisio corporis*; nam occisio animæ, quæ fit per peccatum aut scandalum non est homicidium nisi metaphorice.

2. *Humani*; qui enim bruta occidit, non peccat, ut delirabant Manichæi, contra id Genes. 9. *Omne quod movetur, erit vobis in cibum.*

3. *Animati*, neque enim vere homicida est, nec ut talis punitur, qui hominis mortui cadaver transfodit.

4. *Injusta*, ideoque deliberata, & ab eo facta, qui potestatem non habet; occisio enim licita non dicitur homicidium; quia homicidæ, & homicidii nomina deteriore in sensum accipi solent. Quamquam hic latius sumetur nomen homicidii.

Quod autem homicidium stricte, & proprie acceptum sit crimen grave, hinc patet, quod gravissimo adversatur præcepto, & contra charitatis, ac justitiæ leges hominem priyat bono bonorum præstantissimo, planeque irreparabili. Hinc Cain ubi se homicidam esse reflexit, *Majus est*, inquit Genes. 4. *iniquitas mea, quam ut veniam merear.*

Cæterum homicidii crimen etsi de se enorme, gravius fieri potest ex circumstantiis: ut 1. si is, qui occisus est Republicæ necessarius erat, si Sacerdos; vel consanguineus. 2. si necatus sit in loco sacro. 3. si de industria quæsitus sit ad necem, si ejus occidendi animus diu servatus fuerit, &c.

ex copulæ intuitu exculentur a gravi peccato; quia nimirum graviter de-  
decent naturam rationalem, & indicia sunt libidinis tantæ, ut cum casta  
Dei super omnia dilectione non cohæreat.

2. Et id etiam fatendum est impudicos tactus plus habere mali in iis;  
qui jam coire non possunt, v. g. ob supervenientem impotentiam, quam  
in aliis; quia ii tactus ne remote quidem ordinantur ad copulam, ob-  
quam solam excusari possunt. Quod enim dicunt aliqui tales contactus id  
saltem habere boni, quod concupiscentiam mitigent, falsum est; cum eam  
potius accendant.

Tota igitur quæstio est de ordinariis tactibus, qui ad copulam ordina-  
ri possent, nec ad eam tamen ordinantur. Censent Cajetanus, Angelus,  
Armilla, Sotus, Habert, aliique plures apud Sanchez L. 9. disp. 44. n. 12.  
culpam hic subesse solum venialem: sed miror, ait Comitolus L. 4. q. 22.  
hujus opinionis defensores, nihil ad eam persuadendam firmæ solidæque  
probationis excogitasse. Unde cum eodem fatendum est oppositam senten-  
tiam non carere probabilitate: 1. quia hic sere semper occurrit pollutionis  
periculum, nisi forte cum obsceni tactus matrimonii usum satis proxime  
sequuntur; 2. quia quod conjugum unus in suo corpore sine scelere facere  
nequit, neque hoc efficere potest in alieno corpore, quamvis conjugii jure  
suum sit; quia suum non est nisi in ordine ad munera matrimonii, & ju-  
stæ generationis fines: atqui conjux alter semetipsum sine gravi peccato  
impudice tangere nequit, ut in se suscitet voluptatis veneræ sensum, &  
in eo conquiescat; prout docet Navarrus, Sylvester, Azor, Vasquez, Ha-  
bert &c. ergo &c. Huic opinioni adhærent Paludanus, Sylvester, & alii  
nonnulli cum S. Antonino 3. p. tit. 1. c. 20. §. 6. ubi tamen S. Doctor decisio-  
nem suam restringit ad eum, qui *diu inhiat in hujusmodi tactibus*. Id  
idem facile propendeo; sed obstat utrumque, quod secluso pollutionis pe-  
riculo non peccat magis, qui uxorem tangit vel osculatur ex libidine,  
quam qui eandem ex pari motivo cognoscit. Est enim copula libidinosa,  
tactuum omnium magis prohibita: sed qui ex libidine mera coit cum uxore,  
etsi gravius peccat, quam qui coit ut incontinentiam vitet, non ar-  
guitur tamen peccati mortalis: ergo. Quapropter in re admodum difficili,  
severe arguerem conjuges, qui pene omnia hæc sibi permissa esse putant;  
hæud tamen forte eos statim addicerem inferis, cum a gravi exculentur a  
longe majori Theologorum parte. Sed hæc cum omnimoda consilii alienis  
subjectione dicta sunt. Interim nusquam admiserim cum Sanchez ibid. n. 15.  
conjugatum: *qui se ipsum tangit propter voluptatem captandam absque  
pollutionis periculo*, nonnisi venialiter peccare.

An mortaliter peccet conjux, qui in absentia compartis deliberate dele-  
tatur cogitatione coitus habendi vel habendi cum conjuge absque tamen  
pollutionis periculo? Expendam ubi de novo Decalogi præcepto. Interim  
ex dictis facile colliges non immerito dixisse Apostolorum Principem, quod  
non expedit nubere. Certe conjugal castitas tam rara est, ut teste August.  
L. de bono conj. c. 13. *Multi homines facilius se tota vita ab omni con-  
cubitu abstineant, quam modum teneant non coeundi nisi prolis causa*. Quia  
tamen non omnes capiunt verbum istud, sed quibus datum est; & aliunde  
melius est nubere, quam uri; sciat & curer quisquis matrimonio junctus  
est, vas suum possidere in sanctificatione & honore, non in passione deside-  
rii, sicut & gentes, quæ ignorant Deum, 1. Thessal. 4.

## CAPUT SECUNDUM.

## De quinto Decalogi Præcepto.

**P**OST imperatam Dei, ac proximi, præcipue vero parentum dilectionem, verat idem Deus id omne, unde lædi proximus possit; ac imprimis ne eidem mors inferatur, his præcipit verbis Exod. 20. *Non occides* Quod verbum etsi in speciem breve multa complectitur. Ut enim ait S. Thomas 2. 2. q. 172. art. 6. ad 2. *Omnia nocumenta, quæ in personam proximi inferuntur, intelliguntur in homicidio, sicut in principali.*

Hinc homicidii nomine veniunt ea quibus contra disciplinæ ordinem male mulctatur hominis corpus, scilicet verbera, vulnera, mutilatio, injusta incarceration, & aliæ id genus violentiæ, quæ quædam sunt mortis inchoatio. Quin & in lege Christi; quæ spiritu magis, quam opete externo adimpletur, lex non occidendi prohibet etiam interiores affectus, qui suapte natura ad inferendam proximo necem, aut vim quamcumque eternam tenderent; quales sunt odium, ira, amor vindictæ, prava alienæ mortis desideria, gaudium ex ea, vel quibuslibet adversis proximo evenientibus inhumane perceptum, invidia item, contumelia, irrisio, obtreptatio, aliæque similes injuriæ. Atque id apposita ad cordis ipsius radicem securi expressissime declaravit Christus Matth. 5. his verbis: *Audistis, quia dictum est antiquis: Non occides; qui autem occiderit, reus erit iudicio. Ego autem dico vobis: quia omnis, qui irascitur fratri suo, reus erit iudicio, &c.*

Quoniam vero de ira, & invidia disseruimus in Tractatu de Peccatis; de odio ejusque appendicibus in Tract. de Charitate, de contumelia & detractione, in Tract. de Justitia, superest, ut quæ homicidium ipsum directe tangunt, exequamur.

Homicidium prout quinto præcepto vetitum est, definitur Injusta hominis occisio, seu Corporis humani animati injusta peremptio.

Dicitur 1. *occiso corporis*; nam occisio animæ, quæ fit per peccatum aut scandalum non est homicidium nisi metaphorice.

2. *Humani*; qui enim bruta occidit, non peccat, ut delirabant Manichæi, contra id Genes. 9. *Omne quod movetur, eris vobis in cibum.*

3. *Animati*, neque enim vere homicida est, nec ut talis punitur, qui hominis mortui cadaver transfodit.

4. *Injusta*, ideoque deliberata, & ab eo facta, qui potestatem non habet: occisio enim licita non dicitur homicidium; quia homicidæ, & homicidii nomina deteriore in sensum accipi solent. Quamquam hic latius sumetur nomen homicidii.

Quod autem homicidium stricte, & proprie acceptum sit crimen grave, hinc patet, quod gravissimo adversatur præcepto, & contra charitatis, ac justitiæ leges hominem privat bono bonorum præstantissimo, planeque irreparabili. Hinc Cain ubi se homicidam esse reflexit, *Majus est*, inquit Genes. 4. *iniquitas mea, quam ut veniam merear.*

Cæterum homicidii crimen etsi de se enorme, gravius fieri potest ex circumstantiis: ut 1. si is, qui occisus est Republicæ necessarius erat, si Sacerdos; vel consanguineus. 2. si necatus sit in loco sacro. 3. si de industria quæsitus sit ad necem, si ejus occidendi animus diu servatus fuerit, &c.

Homicidium septem præcipue modis fieri potest: 1. *opere*, ut cum quis alteri vitam eripit ferro, manibus, lapide, veneno, &c. 2. *præcepto*, cum alius alium occidi mandat; sic Uriam occidit David; 3. *consilio*, cum quis ad vindictam accenditur exprobratione ignaviæ, accepti dedecoris exaggeratione, &c. 4. *receptione*, cum homicidæ favetur, eique præbetur asylum; de quo vide, quæ dixi ubi de iustitia; 5. *permissione*, cum qui publicæ rei præsumunt, negligunt comprehendere scarios, non veriti id y. Reg. 20. *Quia dimisisti virum dignum morte . . . eris anima tua pro anima ejus*; 6. *cooperatione*, cum adjuvatur homicida, seu præbitis armis, seu exubias agendo, seu sarcinis invigilando; prout Ierme Stephanum occidit Saulus, *magis sapiens omnes adjuvando, quam manibus suis lapidanda*, ait Augustinus; 7. *negligentia*, & avaritia, ex qua quintum præceptum violant medici, qui causa sunt eorum moriatur æger, ejusve morbus ingravescat, aut diu protrahatur; pharmacopolæ item, qui medicamentorum compositiones verustas, & evanidas specie adhibent, ægrotis nihil aut parum profuturas, nisi ad exercitium patientiæ, & virium immutationem. Chirurgi quoque, qui absque debita scientia abscindunt membrum; aut eliciunt sanguinem: parum solliciti, sit lepidio quidam, an eocmeteria impleant mortuis, modo burfam impleant nummis. Infirmarii demum, qui pro nuto, & phantasia, & non ex præscripto medici ægros tractant. Et hi omnes licet casualiter homicidæ, tenentur & stipendium familiæ, & pensionem Magistratibus, si quam ab iis habent, & damni, quod intulerunt, confectaria restituere.

Sed ut homicidii materiam secundum se totam investigemus, notandum, quod homicidium latiori sensu sumptum pro omni occisione justa vel iniusta, dividitur 1. in homicidium sui, & alterius. 2. homicidium alterius in illud, quod sit auctoritate publica, & illud, quod sit privata. 3. quod sit auctoritate privata, vel sit ob necessariam sui defensionem, vel non. 4. quod sit sine hac necessitate, vel est casuale, vel voluntarium. 5. voluntarium, vel directe volitum est, vel indirecte dumtaxat. 6. quod est directe volitum, vel sit ex condicto, vel non sit ex condicto. Varias illas homicidii species expendimus, sed ordine paululum immutato.

## ARTICULUS PRIMUS.

*An licita sit sui ipsius occisio.*

**N**OT. Duobus modis potest quis se occidere: directe, ut si gladio se confodiat, & indirecte vel negative, ut si se quibusdam periculis exponat, aut id omittat, quo vitam servare posset.

**CONCLUSIO I.** Non licet homini semetipsum directe, & proprio motu occidere. Est de fide contra Circumcelliones, seu Circumcores, qui teste S. Augustino L. de hæres. c. 69. quæcumque poterant loca circumneuntes, docebant eos pro martyribus habendos esse, qui vitam sibi eriperent, vel ab alio eripi cæsarent.

**Prob. 1.** ex citato Decalogi præcepto: *Non occides*: atqui per hæc verba, tam nostra, quam proximo occiso prohibetur; imo nostra magis, quam proximi: tum quia non plus habet juris homo in propriam, quam in proximi vitam; tum quia hæc est charitatis bene ordinatæ conditio, ut a nobismetipsis incipiat, & hac de causa jubemur proximum sicut nos ipsos diligere: ergo.

Prob. 2.

Prob. 2. ex S. Augustino L. de Civ. Dei c. 17. cujus verba referuntur c. 9. 22. q. 5. *non licet privata potestate alicui hominem occidere vel nocentem, ejus occidendi licentiam seu nulla concedit; profecto etiam, quò se ipsum occidit, homicida est.*

In eundem sensum loquitur Concilium Bracarense II. c. 16. *Placuit ut hi, qui sibi ipsi aut per ferrum, aut per venenum, aut per suspendium, aut præcipitium, aut quolibet modo violentiam inferunt mortem, nulla pro illis in oblatione commemoratio fiat, neque cum Psalmis ad sepulchram eorum cadavera deducantur.*

Prob. 3. Non licet facere id, quod Deo, parentibus, & Reipublicæ gravem injuriam infert: atqui sui ipsius occisio r. gravem infert injuriam Deo cujus jura usurpantur. Tu es enim, Domine, qui vita, & mortis habes potestatem, Sap. 16. v. 13. & Deut. 32. v. 39. *Ego occidam, & ego vivere faciam.* 2. eadem occisio non minus est perniciosa Reipublicæ, cui civem; & parentibus, quibus filium adimit. Gravior tamen esset noxa Principis, ductivo egregii, a quo penderet populorum salus. Is enim majorem, quam alii populis perniciem creando, majorem inferreret injuriam.

Obj. 1. Licet id facere, quod viri sancti sancte fecerunt: atqui viri sancti sancte mortem sibi intulerunt. Prob. min. tum ex sacris Paginis, tum ex Historiæ Ecclesiasticæ monumentis. Sic L. Judic. 16. v. 30. Samson concussis fortiter columnis semetipsum cum Philistiim obruit. 2. Eleazar supposuit se elephantis ejus mole oppressus interiit, ut videre est 1. Mach. c. 6. 3. Razias gladio se petit, eligens nobiliter mori potius, quam subditius fieri peccatoribus. 2. Mach. 14. Eadem fuit agendi ratio S. Apolloniz, quæ se coniecit in roguem, quo consumpta fuit: orgo.

R. Dist. viri sancti mortem sibi sancte intulerunt speciali S. Spiritus instinctu, C. motu proprio. N. Itaque vel sancti non sunt, qui sibi metipsis mortem intulere, vel si sancti sunt, speciali S. Spiritus instinctu ad hoc determinati sunt; & hoc ultimum constat de Samsonè, qui nonnisi post imploratæ Dei auxilium columnas concussit, adeoque se cum Philistiis interemit Spiritu latenter jobente, qui per eum miracula faciebat. Augustinus L. 1. de Civit. Dei cap. 21.

Quod spectat ad Eleazarum, & Raziam, quos Patrum aliqui redarguunt, aliqui plurimum commendant, ii vel a se ipsis mortem quaesierunt, & tunc non mortui sunt nobiliter, nisi juxta propriam suam opinionem; vel a Spiritu Sancto impulsu fuisse, ut de Samsonè dictum est: quamquam Eleazarus mortem directe sibi non concepit; sperare enim potuit elephantem in alterutram partem casurum, aut se recessurum prius quam caderet.

Idem dicendum de his Christi sponis, quæ in flammis se præcipites dederunt. Hoc enim fecerunt, ait S. Augustinus L. de Civ. Dei c. 26. *non humanitus deceptæ, sed divinitus jussæ; nec errantes, sed obediētes: sicut de Samsonè nobis fas non est aliud credere;* cum eum Apostolus Hebr. 11. Sanctis annumeret. Adde virgines illas excusari posse ex ignorantia, qua crediderint licitum esse suidium; cum aliqui grave fidei vel castitati periculum impendat.

Obj. 2. ex S. Hieronymo in c. 1. Jonæ, *non licet propria perire manu absque eo ubi castitas periclitatur, sed percutienti colla submittere:* ergo licitum est mortem sibi inferre servandæ castitatis gratia. Et reipsa e duobus malis illud eligi debet, quod minus est: at minus est perire corpus, quam animam, quæ perit dum violari finitur castitas; ergo.

Respondent aliqui 1. S. Hieronymum particulam *absque eo* accipere non exclusive, sed inclusive ut sumitur 4. Cant. *Quam pulchra es, amica mea, absque eo, quod intrinsecus latet*. Sicut ergo sensus hujusce loci est Sponsam exterius pulcherrimam esse, atque etiam tunc talem apparere cum interiora ejus considerantur; sic, inquit, apud Hieronymum sensus est illicitum esse se occidere, atque etiam id remanere illicitum cum castitas periclitatur.

Respondent alii particulam *absque eo* esse quidem exclusivam; sed eam a Hieronymo solum appositam esse, quia noluit videri reprehendere SS. mulieres, quæ vel ex ignorantia invincibili, vel speciali Spiritus Sancti impulsu se occiderunt.

Alii denique concedunt verba Hieronymi esse intelligenda ut sonant; sed volunt eum ex aliorum sententia locutum esse quod sæpe facit in Commentariis; aut demum claram Augustini auctoritatem obscuro Hieronymi verbo præferendam esse. Ita Sylvius 2. 2. q. 64. art. 5. Van-Roy c. 6. p. 110.

Ad id, quod additur; R. falsum esse, quod percat anima, dum violatur corpus: *Corpus enim mulieris non vis maculat, sed voluntas*, ait ipse S. Hieronymus relatus cap. 5. 32. q. 5. Quin & ei, quæ vereretur ne peccato consentiret, licitum non esset violentas sibi manus inferre. 1. quia ex Rom. 3. *non sunt facienda mala, ut eveniant bona*, 2. quia nefas est in cerium facinus ruere ut declinetur ab incerto. 3. quia Deus virginum, sponsas suas vinci non permittet, sed eis abundantia gratia succurret, si pro ipso constanter laboraverint: *Hoc ergo dicimus, hoc asserimus hoc modis omnibus approbamus, neminem spontaneam mortem sibi inferre debere, propter aliena peccata: ne hoc ipso incipiat habere gravissimum proprium, quem non polluebat alienum*. S. Augustinus L. 1. de Civit. Dei cap. 26.

Obj. 3. ex Christo Joan. 15. *Majorem hac dilectionem nemo habet, ut animam suam ponat quis pro amicis suis*: ergo saltem licet pro amicis se interimere.

R. dist. ant. Ut animam suam ponat pro amicis suis, mortem sibi illatam pro iisdem patienter ferendo, ut fecit Christus, qui eo loco suam erga Apostolos charitatem commendat, C. mortem sibimet proprio motu inferendo, N. non enim exercet charitatem, qui charitatis sibi debitæ præceptum propria auctoritate transgreditur.

Hinc colliges 1. non licere ei, qui crudele ignis supplicium, aut infame suspendium veretur, venenum haurire ne duriora patiat. Quia non licet medio prohibito infamiam aut cruciatus effugere.

Colliges 2. ne quidem ad salvandum infantem, qui statim sine baptismo moriturus sit, licitum esse se in fluvium dejicere, ut is ibidem baptizetur; si nulla subit spes evadendi.

An autem & is etiam homicida sit, qui unicum, quo vitam tolerare possit, panem cedit amico ne is moriatur, prout generatim asserit Henno Tom. 4. p. 309. res est difficilior. Contrarium enim tenent viri graves cum Sylvio. Sed de his, aliisque, qui ad hanc materiam pertinent casibus, vide, quæ dixi ubi de Charitate, &c.

Saltem, inquit, licet Magistratui auctoritate publica donato, qui cum patriæ hostibus egerit, aut grave aliud commiserit crimen, pœnam mortis contra patriæ hostes latam in se exequi.

R. Negat. cum S. Thoma, qui 2. 2. q. 64. a. 5. sic loquitur: *Nullus est Judex sui ipsius; unde non licet habenti publicam auctoritatem, se ipsum occidere propter quodcumque peccatum*. Prædictus ergo Judex, non occideret se publica



auctoritate, quam erga alios, non erga se recepit, sed privata, quod grande est scelus.

CONCLUSIO II. Licet homini se indirecte, & negative occidere.

Prob. quia licet homini iusta de causa variis sese periculis objicere. Licet etiam ei vel quædam omittere media, quibus vitam conservare posset, vel asperum vivendi genus amplecti, quo fieri posset, ut breviori tempore consumetur: ergo.

Quæres, quibus in casibus censeatur homo se nonnisi indirecte occidere.

R. multis numerari. Primus est cum agitur de bono Reipublicæ totius: unde nemo dubitat quin miles possit, & teneatur manere in statione sua, & in hostes irruere cum certo moris periculo, si id patriæ salutis opportunum esse viderit. Sic etiam potest quis vitam exponere navigando ob publicam utilitatem: si tamen mare aliquid ita esset naufragiis male famosum, ut nemo fere ab eo evaderet, haud licet ei se committere, nisi id postularet privati, vel communis boni necessitas.

Secundus affertur, cum avertendum est imminens eidem Reipublicæ damnum. Hac de causa excusant aliqui eos, qui naves suas jam in potestatem hostium deventuras incendunt, etiam si flammis una cum navi consumendi sint; vel qui easdem naves succendunt ut hostes Reipublicæ perniciosos, quibus permixti sunt, e medio tollant; quod æque licitum est, inquit, ac Sampsoni licitum fuerit se cum Philistæis obruere. Fatendum tamen hoc Sampsonis exemplum plus nocere, quam prodesse eis, a quibus citatur. Si enim Sampson ideo solum exculetur, quia egerit ex impulsu Spiritus Sancti, excusari non possunt, nisi qui eodem impellente principio agere dignoscuntur. Si tamen, qui navem flammis dant, sperare possunt se, natando ex aquis ad portum emeruros esse, non unius arguendi essent, sicut non arguuntur, qui ex alta turri grassante incendio se deiciunt: tum quia ex periculo certo se liberant, & in incertum, a quo etiam multi evasere, se conjiciunt, quod licitum est; tum quia in casibus tam repentinis plus movet terminus a quo, quam terminus ad quem.

Tertius casus est, cum agitur de avertendo proximi damno, sive spirituali, sive temporali. Hinc 1. non peccat, sed magnæ charitatis actum exercet, qui se interimi finit ab injusto aggressore, ne eum interimendo in eternam damnationem conjiciat. Ita communiter Theologi, qui tamen hoc limitant. 1. nisi qui se interimi permittit, persona sit publica, & Reipublicæ necessaria, vel admodum utilis; quia salus populi suprema lex esse debet. 2. nisi possit per fugam salutem suam consulere, 3. addunt aliqui, nisi ipse credat se esse in peccato mortali, quia propriam salutem alienæ salutis antepondere tenemur. Hæc tamen exceptio parum fundata videtur, quia cum nemo majorem habere charitatem possit, quam ut pro amicis animam ponat, quis credat eum vere contritum non esse, qui pro suis etiam inimicis animam poneret?

Hinc etiam licitum est peste aliove morbo infectis servire, eosque cum propriæ etiam valetudinis periculo consolari. Ita Sairus, & alii, qui docent amico licitum esse in naufragio, unicam qui habet tabulam, alteri amico relinquere: quam opinionem limitat Sylvius. Vide quæ dixi in Tract. de Char.

Quartus casus est, cum vita propria nonnisi difficillimis mediis servari possit; Sic non habetur ut homicida sui, qui abstinet a pretiosissimis medicamentis, in quibus profundi deberent opes patrimonii; item, qui non vult gravissimos cruciatus, pedum v.g. vel brachiorum sectionem pati, ut vitam diutius

tius

tius protrahat; cum hujusmodi media moraliter impossibilia sint: unde actus ille utpote nimium difficilis non posset præcipi a Superiore. Ita Sylvius 2. 2. q. 65. art. 1. Docent tamen Theologi hominem teneri pati membri abscissionem, si hæc sine gravissimis doloribus fieri possit; imo & debere eum ingentes cruciatus pati, quin & ad eos cogi posse, si vita ejus bono communi necessaria foret; quod raro contingit.

Sed quid si homo ne moderatos quidem dolores pati velit, vitam servet, poteritne invitus abscindi? Poterit ab iis aut de mandato eorum, qui curam ejus gerunt, ut pater, tutor, Superior, & similes; an autem & ab aliis mutilari possit, non ita constat. Negat Henno, quia, inquit, homo quilibet respectu membrorum propriorum est sui juris, nec ab alio cogi potest. Quid sentiendum de lege, quæ Carthusiensibus escum carnis indistincte prohibere videtur, latius expendi in Tract. de Legibus.

Quintus casus est, cum quis ut Deo justitiæ faciat satis, ea non arripit media quibus incolumem se præstare posset. Sic licet ei, qui justè ad mortem condemnatus est, ea quæ ad mortem præambula sunt facere, ut 1. se offerre Judici, secundum S. Thomam; 2. non egredi e carcere, etiamsi se offerat opportunitas, & noverit paratam sibi esse mortem; & reipsa Marcyres non crediti sunt sibi metipsis mortem inferre, cum parentibus portis & carceribus non exierunt. Ita Sylvius q. 69. art. 4.

Sed potestne qui damnatus est ut venenum hauriat, aut aperiat sibi venas, hæc licite facere?

Respondent aliqui Judices equidem non posse præcipere reo ut ea contra se exequatur, quæ gravem naturæ horrorem parerent, puta ut se transfodiatur gladio, sibi linguam amputet, &c. At vero censent iidem Doctores posse Judicem deficiente justitiæ ministro, reo præcipere ut aperiat sibi venas, aut venenatum quid hauriat, & tunc reum obsequi debere docent, si mors ab alio inferenda debuisset ob gravitatem criminis esse acerbior. Ratio est, inquirunt, quia tunc videtur esse proportio delictum inter & sententiam; nec rationi dissentaneum est, ut eam, quis auctoritate publica in se exequatur.

Contrarium docet post Comitolum Lib. 4. q. 10. & alios præres Sylvius loco mox citato; & Judicem, qui hæc naturæ adeo adversa præciperet, injustum vocat. Et certe, qui sciens & volens alteri potionem mortiferam propinat, cum occidit; ergo occideret se, qui hujusmodi potionem seipsum & volens sumeret: se ipsum autem occidere, est contra jus naturæ.

Dices, Non magis reus venenum ex Judicis imperio hauriens, se ipsum occidere censetur, quam cum scalas ascendit, aut collum extendit abscindendum: atqui in posteriori casu semetipsum occidere non censetur; ergo nec in priori.

R. neg. maj. Actiones enim, quæ mortem violentam præcedunt duplicis sunt generis; aliæ per se & directè mortem procureant, ut se ex scalis deicere, bibere venenum, venas abscindere, cum eas statim occludere non licet; aliæ licet ad mortem facilius recipienda disponant, eam tamen per se & immediate non pariant, unde non ex ipsis sed ex actione ministri consequitur mors: in hoc ordine sunt scalam ascendere, linguam extrahere amputandam, &c. Actus prioris generis à Judice non possunt imperari reo; alioqui poterit etiam homo atrocis sceleris reus, jubente Judice scilicet in se explodere; quod nemo admisit: nihil vero obstat quominus Judex actus secundi generis præcipiat, quia nec naturæ repugnant, nec ex se mortem inferunt. Ita ferme Sylvius ubi supra.

Quæ-

Quæres, quid sentiendum de funambulis, qui in summo excelsius protendi saltant, &c.

R. Consent aliqui eos, si longa experientia moraliter certi sint de industria & agilitate sua ad vitandas lapsus, non peccare saltem graviter. At senius sentiunt, qui eisdem lethalis peccati reos esse docent: 1. quia quantacumque polleant agilitate, semper obnoxii sunt proximo mortis, aut gravis vulneris periculo; cum ad id sufficiat vertigo, irrepens imaginationis debilitas, subitus adstantium clamor ex plausu, vel tremore. Unde ioc fortassis ex eo ludo periere, quot ex torneamentis, quæ tamen Conc. Later. III. c. 20. severo interdicta sunt; 2. quia ea est funambulorum conditio ut scenis suis obscena multa promisceant. Ita Pontas v. *Hoteler*, cal. 4. & v. *Daufer*, cal. 3.

Quæres iterum an immunes sint a peccato, qui ut theriacæ suæ virtutem commendent, hauriunt venenum, aut se a vipera morderi permittunt.

Affirmat Henno, quadruplici hac conditione, 1. ut theriacæ confector, sit vir artis suæ peritus; 2. ut vim ejus in bruto expertus sit; 3. ut certo credat nihil subesse periculi; 4. ut si forte sentiat theriacam suam propulsando veneno impare esse, præsto habeat remedium aliud infallibile. Alias ob periculum graviter peccat.

Quæres 3, an liceat corpus torquere jejuniis & afflictionibus, quæ vitam efficiant breviorē?

R. 1. graviter peccare eum, qui consulto aut etiam advertenter jejuniis aut vigiliis sanitatem aut vitam suam immoderate læderet: cum quia faceret contra charitatem sibi debitam in se gravi; tum quia, ut ait S. Hieronymus, *nihil interest parvo aut magno tempore se interire*. Unde c. 4. dist. 4. *De consecr.* dicitur post eundem S. Doctorem: *De rapina holocaustum offeri, qui si ve ciborum vitula egestate, vel spæni penuria, corpus immoderate affligit*, Imo ibid. prohibetur ne propter abstinentiam immoderatam, atque indiscerctam Psalmorum vel Officiorum decantationem homo tristitia notam incurrat.

R. 2. qui corpus moderate affligit, pietatis opus exercet: 1. quia id facit, quod faciebat Apostolus, qui I. Cor. 9. v. 27. aiebat: *Cassigo corpus meum, & in servitutem redigo*; 2. quia ejusdem Apostoli consilium sequitur: sic ille Coloss. 3. v. 5. *Mortificate membra vestra*; 3. quia viri pœnitentia & vivendi asperitate celebres, longe diutius vixere, quam vivere soleant, qui carnis desideria sequuntur; 4. quia tam licet jejuniis & abstinentiâ vitam minvere propter Christum, quam liceat propter temporale lucrum artes profiteri, quæ vitam sensim atterunt. Abesse tamen debet minuendæ, quæ nostra non est, vitæ intentio, qui enim vel diem, vel horam sibi auferret, esset occisor sui. Deinde in his omnibus standum est sapientis Confessarii iudicio, ad quem pertinet nimios aliquando nascentis pietatis impetus coercere. At ea vivimus ætate, qua tales excessus vix timeri debeant.

Plus sane imminet periculi ex liquorum usu, & crapula, propter quam multi obierunt, Eccli. 37. unde, qui hujusmodi poculentis inserviunt, sunt in continuo sui homicidæ, ac proinde in perpetuo statui peccati. Quin & cum eo devenere, ut jam quæcumque nimia potus iteratio mortem acceleret, nisi ad angustos limites reducat, toties lethaliter delinquant.

CONCLUSIO III. Nemini licet mutilare se extra casum necessitatis.

Prob. quia non magis homo membrorum suorum constitutus est a Deo dominus, quam vitæ, cujus totalitas a membrorum integritate pendet: atqui ex dictis homo non est vitæ suæ dominus: ergo.

Et

tius protrahat; cum hujusmodi media moraliter impossibilia sint: unde actus ille utpote nimium difficilis non posset præcipi a Superiore. Ita Sylvius 2. 2. q. 65. art. 1. Docent tamen Theologi hominem teneri pati membri abscissionem, si hæc sine gravissimis doloribus fieri possit; imo & debere eum ingentes cruciatus pati, quin & ad eos cogi posse, si vita ejus bono communi necessaria foret; quod raro contingit.

Sed quid si homo ne moderatos quidem dolores pati velit, vitam servet, poteritne invitus abscindi? Poterit ab iis aut de mandato eorum, qui curam ejus gerant, ut pater, tutor, Superior, & similes; an autem & ab aliis mutilari possit, non ita constat. Negat Henno, quia, inquit, homo quilibet respectu membrorum propriorum est sui juris, nec ab alio cogi potest. Quid sentiendum de lege, quæ Carthusiensibus esum carnis indistincte prohibere videtur, latius expendi in Tract. de Legibus.

Quintus casus est, cum quis ut Deo justitiæ faciat satis, ea non arripit media quibus incolumen se præstare posset. Sic licet ei, qui juste ad mortem condemnatus est, ea quæ ad mortem præambula sunt facere, ut 1. se offerre Judici; secundum S. Thomam; 2. non egredi e carcere, etiamsi se offerat opportunitas, & noverit paratam sibi esse mortem: & reipsa Martyres non crediti sunt sibi metipsis mortem inferre, cum parentibus portis & carceribus non exierunt. Ita Sylvius q. 69. art. 4.

Sed potestne qui damnatus est ut venenum hauriat, aut aperiat sibi venas, hæc licite facere?

Respondent aliqui Judices equidem non posse præcipere reo ut ea contra se exequatur, quæ gravem naturæ horrorem parerent, puta ut se transfodiat gladio, sibi linguam amputet, &c. At vero censent iidem Doctores posse Judicem deficiente justitiæ ministro, reo præcipere ut aperiat sibi venas, aut venenatum quid hauriat, & tunc reum obsequi debere docent, si mors ab alio inferenda debuisset ob gravitatem criminis esse acerbior. Ratio est, inquiunt, quia tunc videtur esse proportio delictum inter & sententiam; nec rationi dissentaneum est, ut eam, quis auctoritate publica in se exequatur.

Contrarium docet post Comitolum Lib. 4. q. 10. & alios plures Sylvius loco mox citato; & Judicem, qui hæc naturæ adeo adversa præciperet, injustum vocat. Et certe, qui sciens & volens alteri potionem mortiferam propinat, eum occidit; ergo occideret se, qui hujusmodi potionem seipsum & volens sumeret: se ipsum autem occidere, est contra jus naturæ.

Dices. Non magis reus venenum ex Judicis imperio hauriens, se ipsum occidere censetur, quam cum scalas ascendit, aut collum extendit abscindendum: atqui in posteriori casu semetipsum occidere non censetur; ergo nec in priori.

R. neg. maj. Actiones enim, quæ mortem violentam præcedunt dupliæ sunt generis; alie per se & directe mortem procurent, ut se ex scalis deicere, bibere venenum, venas abscindere, cum eas statim occludere non licet; alie licet ad mortem facilius recipienda disponant, eam tamen per se & immediate non pariant, unde non ex ipsis sed ex actione ministri consequitur mors: in hoc ordine sunt scalam ascendere, linguam extrahere amputandam, &c. Actus prioris generis a Judice non possunt imperari reo; alioqui poterit etiam homo atrocis sceleris reus, jubente Judice scilicet in se explodere; quod nemo admisit: nihil vero obstat quominus Judex actus secundi generis præcipiat, quia nec naturæ repugnant, nec ex se mortem inferunt. Ita ferme Sylvius ubi supra.

Quæ-

Quæres, quid sentieadum de funambulis, qui in sunt excelsius protentis saltant, &c.

R. Consent aliqui eos, si longa experientia moraliter certi sint de industria & agilitate sua ad vitandos lapsus, non peccare saltem graviter. At lenius sentiunt, qui eisdem lethalis peccati reos esse docent: 1. quia quantacumque polleant agilitate, semper obnoxii sunt proximo mortis, aut gravi vulneris periculo; cum ad id sufficiat vertigo, irrepens imaginationis debilitas, subitus adstantium clamor ex plausu, vel tremore. Unde tot fortassis ex eo ludo periere, quot ex torneamentis, quæ tamen Conc. Later. III. c. 20. severo interdicta sunt; 2. quia ea est funambulorum conditio ut scenis suis obscœna multa promisceant. Ita Pontas v. *Bateleur*, cas. 4. & v. *Danse*, cas. 3.

Quæres iterum an immunes sint a peccato, qui ut theriacæ suæ virtutem commendent, hauriunt venenum, aut se a vipera morderi permittunt.

Affirmat Henno, quadruplici hac conditione, 1. ut theriacæ confector sit vir artis suæ peritus; 2. ut vim ejus in bruto expertus sit; 3. ut certo credat nihil subesse periculi; 4. ut si forte sentiat theriacam suam propulsando veneno imparcem esse, præsto habeat remedium aliud infallibile. Alias ob periculum graviter peccat.

Quæres 3. an liceat corpus torquere jejuniis & afflictionibus, quæ vitam efficiant breviorē?

R. 1. graviter peccare eum, qui consulto aut etiam adverteenter jejuniis aut vigiliis sanitatem aut vitam suam immoderate læderet: tum quia faceret contra charitatem sibi debitam in se gravi; tum quia, ut ait S. Hieronymus, *nihil interest parvo aut magno tempore se interire*. Unde c. 4. dist. 9. *De consecr.* dicitur post eundem S. Doctorem: *De rapina holocaustum offert, qui sine ciborum nimia egestate, vel spæni penuria, corpus immoderate affligit*, Imo ibid. prohibetur ne propter abstinentiam immoderatam, atque indiscretam *Psalmorum vel Officiorum decantationem homo tristitia noxam incurrat*,

R. 2. qui corpus moderate affligit, pietatis opus exercet: 1. quia id facit, quod faciebat Apostolus, qui I. Cor. 9. v. 27. aiebat: *Castigo corpus meum, & in servitutem redigo*; 2. quia ejusdem Apostoli consilium lequitur: sic ille Coloss. 3. v. 5. *Mortificate membra vestra*; 3. quia viri penitentia & vivendi asperitate celebres, longe diutius vivere, quam vivere soleant, qui carnis desideria sequuntur; 4. quia tam licet jejuniis & abstinentia vitam minuire propter Christum, quam liceat propter temporale lucrum artes profiteri, quæ vitam sensim atterunt. Absesse tamen debet minuendæ, quæ nostra non est, vitæ intentio, qui enim vel diem, vel horam sibi auferret, esset occisor sui. Deinde in his omnibus standum est sapientis Confessarii judicio, ad quem pertinet nimios aliquando nascentes pietatis impetus coercere. At ea vivimus ætate, qua tales excessus vix timeri debeant.

Plus sane imminet periculi ex liquorum usu, & crapula, propter quam multis obierunt, Eccli. 37. unde, qui hujusmodi poculentis inserviunt, sunt in continuo sui homicidio, ac proinde in perpetuo statu peccati. Quin & cum eo devenere, ut jam quæcumque nimia potus iteratio morrem acceleret, nisi ad angustos limites reducat, toties lethaliter delinquant.

CONCLUSIO III. Nemini licet mutilare se extra casum necessitatis.

Prob. quia non magis homo membrorum suorum constitutus est a Deo dominus, quam vitæ, cujus totalitas a membrorum integritate pendet; atqui ex dictis homo non est vitæ suæ dominus: ergo.

Et

Et vero si licitum esse homini semetipsum mutilare, Ecclesia hoc non improbasset: atqui improbavit, ut patet ex dist. 55. cap. 4. quod desumptum est e cap. 22. Canon. Apostol. *Si quis abscidit semetipsum, id est amputavit sibi virilia, non fiat Clericus, quia est sui homicida*, & cap. 6. *Qui partem ejus habet digiti sibi ipsi, volens abscidit, hunc ad Clerum Canones non admittunt*.

Dices. Matth. 5. habetur: *Si oculus tuus scandalizat te, erue illum*; ergo saltem cum aliter vitari peccatum non potest, licet membrum sibi amputare.

R. Neg. conseq. verba enim Christi metaphorice intelligenda sunt, & significant eas peccandi occasiones, quæ oculis ipsis cariores sint, præcul abjici debere. Hinc S. Chrysostomus per *oculum dexterum* intelligit mulierem amicam; Augustinus amicum periculosum; alii aliud, quo in peccatum trahi possumus. Etsi autem oculi & caro adversas spiritum concupiscentes, plerumque sunt peccati fomes & illicitum, quia tamen præsto sunt alia media, quibus eorum tentationibus resisti possit, hinc nulla unquam est necessitas ea inembra convellendi.

Ex his colliges graviter peccasse Origenem, eosque ejus imitatores, qui illud Matth. 19. *Sunt Eunuchi, qui se ipsos castraverunt*, ad litteram sumunt. Hic enim non corpoream abscissionem, sed castitatis studium commendat Christus. Adde quod hæc mutilatio concupiscentiam non extinguit, & carnis petulantiam non refrenat.

Colliges 2. approbari non posse factum seu Ammonii, qui referente Socrumeno Lib. 6. cap. 30. aurem sibi præcidit, ne Episcopus crearetur; seu Marci Anachoretæ, qui ne sacris initiaretur, amputavit sibi pollicem, seu Clarissarum earum, quæ ne turpi concubitu fœderentur, faciem sibi enormiter derurparunt; nisi hic intervenerit vel ignorantia, vel specialis Spiritus sancti impulsio.

Colliges 3. gravioris adhuc peccati reos esse eos, qui pueros etiam consentientes abscindunt, ut eis vocis suavitatem etiam in Ecclesiæ obsequium conservent.

Dixi in Conclusionem: *extra casum necessitatis*, quia ordo postulat ut partem in gratiam totius refecere liceat, quia pars est propter totum; & aliunde pereunte toto pars ipsa non conservaretur, sed una cum toto periret. Hinc licet 1. membrum putridum amputare; 2. abscindere manum, si quis ea ligatus incendium aliter vitare non possit; 3. idem docent plures de eo, cui mortem comminatur tyrannus, nisi sibimetipsi aurem, aliamve corporis partem abscindat; quia etsi graviter peccat, qui barbariem hanc præcipit, haud tamen videtur peccare, qui partem ceteroqui perituram cum toto, in gratiam totius impendit.

## ARTICULUS SECUNDUS.

*De Homicidio publica auctoritate facto.*

Cum aliorum hominum occisionem sæpius præcipiant & Principes bellicum indicendo, & Magistratus plectendo fontes; æquum est ut expendamus an & bellum inferri, & fontes morte condemnari possint. A posteriori isto capite ut facilius initium ducemus.

## SECTIO PRIMA.

## De Reorum occisione.

**V**alenses, ut refert Alphonfus a Castro, negabant licitum esse Principibus ipsis & Magistratibus malefactores morti addicere. Scotus vero, juxta quosdam, docuit eos solum occidi posse, quos Jus divinum in Scripturis expressit, quales sunt arioli, homicidæ, blasphemæ, non autem alios, qui ibidem non determinantur. *Neque adhuc, inquit, visa est Bulla de Cælo, quæ huiusmodi concedit occidi.* Prima Valensium opinio pura est hæresis. Secunda vero cujuscumque sit, ertonea a viris piis, & eruditis judicatur; eamque a Scoto non doceri tradunt subtiles ejus alumni, quos inter consulatur P. Herinx dif. 6. q. 4. Henno, & alii, quibus sponte suffragamur. Sit

**CONCLUSIO.** Licitum est malefactores occidere, & eos etiam, qui in Scripturis non exprimentur.

Prob. 1. pars ex cap. 22. Exodi, ubi sic legitur: *Malefactor non patieris vivere; qui coierit cum jumento, morte moriatur;* & Levit. 20. interfici jubentur, qui maledixerint patri aut matri, qui declinaverint ad magos ariolos, qui adulterium vel incestum cum nuru aut noverca perpetraverint; ergo lex, quæ Exodi 20. prohibet ne quis occidat, generalis non est, sed cum restrictione multiplici intelligenda.

Prob. 2. pars: 1. ex S. Paulo Rom. 13. v. 4. *Si malum feceris time Principem, non enim sine causa gladium portat. Dei enim minister est, vindex in iram ei, qui malum operatur;* ergo Princeps, ut Dei minister, gladio seu morte eos punire potest, qui mala præsertim Reipublicæ perniciose operantur.

Prob. 2. Improbari ut malum non potest id quod sæcularis & Ecclesiastica potestas præcipiunt ut bonum: atqui ... De sæculari potestate nihil est dubii; de Ecclesiastica vero constat tum ex praxi, tum ex Canonibus: *Rex debet furta cobibere, adulteria punire, impios de terra perdere, parvicide & pejorantes vivere non sinere.* Ita S. Cyprianus, & reletur cap. 40. xxiii. q. 5.

Prob. 3. quia ex sententia quam impugnamus sequeretur, quod Catholici Principes nunquam possent Hæreticos tranquillitatis publicæ oppugnatores, & apostatas morti addicere: atqui hoc est contra veterum Patrum sententiam. *Si enim, ait S. Cyprianus de exhort. ad Martyrium, cap. 5. ante adventum Christi hæc servata sunt, ut falsus Propheta interimeretur, & morte moreretur homo, qui superbiaret nolens obedire Sacerdotis imperio, quanto magis post adventum Christi servanda sunt.* Dicendum ergo cum S. Bernardo Serm. 66. in Cant. *Melius procul dubio gladio coercentur, illius videlicet, qui non sine causa gladium portat, quam in suum errorem multos trahere permittantur.* Legatur de hoc puncto Sylvius 2. 2. q. 11. art. 4. *Queritur 4. utrum heretici recte puniantur morte.*

Porro ad huiusmodi malefactores occidendos requiritur auctoritas publica. *Qui enim sine publica ulla administratione maleficium occiderit, velut homicidia judicabitur; & tanto amplius, quanto sibi potestatem a Deo non concessam usurpare non timuit.* Ita S. Augustinus Lib. 2. de Civ. Dei:

Obj. 1. Lex Dei verat Exodi 22. ne fur diurnus occidatur; 2. Christus abrogavit præceptum puniendi adulteri, ut patet ex his ejus verbis ad mulierem

scot in 4.  
dif. 15. 3.  
3.

Dist. 17.  
Q. 18.

lierem adulterari : *Neque ego te condemnabo*. Ergo saltem crimina quæcumque adulterio minora puniri non possunt in nova lege.

R. ad 1. dist. ant. Verat id, quia necessarium non erat ut fures occiderentur, C. verat ut rem intrinsece malam, N. itaque cum Hebræa gens latrociniiis addicta non esset, sufficiebat mitior pœna ad cohibendos fures. At vero furtis adeo frequentibus ut inde pax Reipublicæ, & commerciorum securitas turbaretur, pœnam augeri oportuit. Neque id impedire potest Lex Mosæica, quæ quoad judicialia non obligat. Adde apud nos non omne furtum etiam grave puniri capitali supplicio, sed illud, cui gravis annexa est circumstantia; quale est furtum nocturnum, sacrilegum, factum cum effractione, vel in viis publicis, abigeatus, peculatus, &c.

R. ad 2. neg. ant. Nam 1. aliud est mulierem unam in aliqua singulari circumstantia abolvere; aliud prohibere, ne ulla deinceps puniatur; 2. Christus eo loci non locutus est ut Legislator, sed ut pater misericors; ergo exemplum dedit, quod Judices sequi aliquando possint, non quod tenere necessario debeant.

Obj. 2. Deus Genes. 9. v. 6. prohibet ne quis humanum sanguinem effundat, quia *ad imaginem Dei factus est homo*: atqui imago Dei in homine etiam flagitiosissimo perseverat: ergo ejus sanguis fundi non debet.

R. Deum hac hominis ad imaginem suam facti ratione usum esse, ut homines ab iniqua fratrum suorum occisione deterreat, non vero ut iis semper parcaur, qui imaginem hanc scendant; cum ibidem mortis pœnam decernat adversus eum, qui alium hominem occiderit, ut ex his verbis patet: *Quicumque effuderit humanum sanguinem, fundetur sanguis illius*.

Obj. 3. Falsum est, quod hæreticos occidere liceat: 1. quia id veruit Christus cum ait Matth. 13. *Sinite crescere utraque, triticum, scilicet, & zizania, usque ad messem*; 2. quia Apostolus ad Tit. 3. solum præcipit ut hæreticos post unam, & alteram correptionem devitetur; ergo occisio ejusdem Apostolicæ praxi repugnat; 3. quia sententia, quæ hæreticos addicit morti, adversarii judicio puriorum, ac priorum Ecclesiæ Doctorem, quales fuerunt Ignatius Martyr, Irenæus discipulus Polycarpi, Justinus, Tertullianus, Augustinus, &c. ergo, ait Bechman, Jenensis Professor & Lutherano grege, in Theologia Polemica, pag. 1027. errant Pontificii, qui hæreticos morte plectendos esse definiunt: & merito huic eorum crudelitati B. Lutherus se opposuit.

R. 1. Argumenta hæc saltem ex parte militare contra Bechman, ejusque socios vel assecras: 1. enim fatentur e medio tolli posse eos omnes, quorum error pugnat directe cum ipso lumine naturæ, & iis, quæ recta ratio distat de discrimine bonestorum & turpium, de cultu divino: puta qui docent, non esse Deum, plures esse Deos, idola esse colenda, licitum esse adulterium, furtum, &c. 2. idem dicunt de iis, quorum dogmata tranquillitatem & salutem Reipublicæ everiunt, ut cum quis docet Magistratum esse abolendum, Magistratui non esse obediendum; prout, inquit Bechman, docent Pontificii, juxta quos licitum est Papæ Reges & Principes de regnis suis desicere, omnemque iis potestatem adimere. Unde obiter sequitur bene actum iri si & Papa & Papistæ omnes uno sæculo conclusi in mare deciderentur: ut est, si Lutheranis permissum est indistincta Christi, Pauli, priorumque Patrum verba restringere, nihil est profecto quod impediatur, ne ea nos restringamur.

R. 2. Mirum esse, quod Novatores hæreticorum occisionem prohibitam esse tantopere contendunt, cum ipsi tot Innocentium millia ubique ferro & flam-



flammis extinxerint; cum nulla doctrina supremæ Principum independen-  
tiæ, ac ipsi vitæ Regum plus adverteretur, quam, quæ a Pseudoreforma-  
tis fabricata est, ut nervose probat Gallica Catholicorum apologia, ad-  
versus calumnias Libri inscripti: *La politique du Clergé de France*; cum  
denique Calvinus ipse & Servetum vivum comburi curaverit, & eos, Apolog.  
part. 1. qui profanas Anglicanæ Liturgiæ novitates impatienter ferebant *gladio ul-  
tore* coercendos esse definiat in Epist. 93. ad Angliæ Protectorem.

R. 3. Si id solum velint Protestantes, Hæreticum, qui sibi soli nocet  
hæretice vivendo, nec turbas agit, nec venenum suum diffundere cona-  
tur, commiseratione digniorem esse quam pœna; jam id docent, quod  
in praxi sequi solent Magistratus Catholici, qui adversus tales ne pœ-  
nam quidem exilii decernunt. His præmissis

Ad 1. Non soli hæretici, sed & impii quicumque intelliguntur nomine  
zizaniorum. *Zizania*, ait Christus ipse, *filii sunt nequam*; porro, qui vetat  
ne passim occidantur impii, non vetat ne is vel ille occidatur. Et vero si  
suspenditur latro, qui temporanea solum bona aufert, quidni interimi ali-  
quando possit, qui auferendo fidem, bonum temporali quocumque potius  
aufert: præsertim cum fur etiam pœnitens necetur; hæreticus vero, non-  
nisi post plures Ecclesiæ monitiones, quæ Ecclesiasticam & civilem pœ-  
nam præcedunt. Adde, quod ut notavit Augustinus Lib. 3. contra Par-  
menianum cap. 2. non prohibet Christus ne zizania eradicentur, sed ne  
eradicentur, cum ita similia sunt triticis; ut discerni facile non possint;  
aut cum subest periculum schismatis: ergo seculis iis casibus potius sub-  
indicat Christus non semper parcendum esse zizaniis.

Ad 2. Loquebatur Apostolus non Magistratui sed Episcopo, cujus est  
solis censuris animadvertere in hæreticos. Deinde, quo tempore pleri-  
que Magistratus, ethnici erant, non potuisset Apostolus opem eorum in-  
vocare contra eos etiam hæreticos, qui plures deos admisissent: & istos  
tamen plecti posse non negat Bechman.

Ad 3. Non est speciosa in ore Protestantium Traditio: his pugnamus ar-  
mis Catholicis; non ii, qui Patres dedignantur. Dicendum igitur cum Syl-  
vio, quod primis post Apostolos temporibus in hæreticos capitali pœna  
animadversum non sit, partim accidisse, quia Principes necdum erant Chri-  
stiani; partim quod experientia paulatim docuit lenioribus remediis malum  
non minui, sed augeri. Primo enim adhibita est excommunicatio, deinde  
pecuniariæ multæ, subinde exilia; quæ cum parum proficerent, ad extre-  
ma supplicia deveniendum fuit. Et id ægre quidem tulerunt, atque etiam-  
num ferunt viri Christiane mansueti: sed tulerunt tandem & hodie ferunt,  
ne modicum fermentum totam massam vitiet. Hinc Augustinus cujus ea *primi-  
tus sententia erat, neminem ad unitatem Christi esse cogendum*, alios tandem  
spiritus induit quasi invitus. Unde Parmeniano conquerenti, quod Con-  
stantinus Donatistas capitali pœna damnaasset, his respondet verbis Lib. Epist. 48.  
1. contra ejusdem Epistolam c. 8. *Quid non isti jussu patiuntur? prius pro-  
bent se non esse Hæreticos vel Schismaticos, tum deum de indignis pœnis  
suis lividam emittant vocem; & Tract. 11. in Joan. Sempiternas mortes  
faciunt, & temporales se perpeti conqueruntur. Hæc & alia id genus  
plura videris apud Sylvium ibid.*

Quæres 1. an reus morte condemnari possit, non servato juris ordine.

R. id

\* Adi vitam Calvini Auctore Beza p. 161.

R. id ordinarie loquendo illicitum esse. Ratio est, quia vetat Scriptura Deuter. c. 17. ne quisquam occidatur, uno contra se dicente testimonium; & id ubique gentium receptum est. Porro si reus sine sufficienti testimonio occidi nequit, nec a fortiori damnari potest sine examine, accusatione, convictione, ac defensione.

Hinc peccat Judex 1. qui sufficientem, adeoque gravem non adhibet diligentiam in examine rei, circumstantiarum, accusatoris, & testium; 2. qui reum contra se testimonium dicentem facile audit, & ex dictis condemnat; quia ex trito apud sanos Judices axiomate: *Nemo auditur perire volens*; 3. qui eundem reum in sui gratiam verba facientem perturbat, audire renuit, sive negat Advocatum; 4. qui eum interrogat de rebus, quarum ne indirecte quidem præcessit accusatio ulla, vel juridica suspicio; 5. qui eum addicit torturæ sine probatione semiplena, qualis ea est, quæ petitur a teste *de visu*, eoque omni exceptione majori, (& is nec esse potest reus ad mortem damnatus, nec qui ab alio vulneratus declaraverit in ipso mortis articulo, se ab hoc vel illo vulneratum fuisse) aut ab indiciis pluribus, quæ gravia sint, vehementia, & manifesta, prout docet Ferriere v. *Question*. 6. & qui eundem aut gravius justo, aut inutiliter torqueri mandat, ut cum jam satis constat de crimine per testes indubios; nisi tamen legitime præsumatur crimen non ab uno solum perpetratum fuisse, sed a lociis pluribus, quos detegi oporteat.

Ceterum tortura seu questio res est fragilis & periculosa, in qua veritatem fallat. Nam plerique patientia, sive duritia tormentorum ita tormenta contemnunt, ut exprimi veritas nullo modo possit: alii tanta sunt impatientia, ut quodvis mentiri, quam pati tormenta velint. Leg. l. 9. §. 23. ff. *De questionibus*. Flebile veritatis hujus exemplum refert Charondas de marito, qui tormentis victus, confessus est se uxorem suam furno inclusam combussisse; quæ tamen in litis decursu sana & incolumis comparuit. Vide & S. Hieronymum Epist. 34.

Sed quid si Judex ex cognitione injuste extorta reum damnet?

R. eum & peccare graviter, & restitutioni obnoxium esse. Quia cognitio injuste extorta nullum dat jus; ac proinde ea uti non licet; cum medio injusto uti non liceat. Unde duplex hic intervenit iniquitas; prima quod Judex injuriam fecerit, cognitionem inique extorquendo. Secunda, quod injustitiam eandem continuet, utendo in præjudicium alterius cognitione inique parva.

Porro inique extorquetur criminis perpetrati confessio; cum reus interrogatur nulla præcedente infamia, vel semiprobatione, vel sine indiciis competentibus; 2. cum elicitur est confessio ex questione, cui reus injuste subiectus fuerit; sive quia deerant indicia, ob quæ poena hæc de se gravis incurreretur; sive quia non patiebatur infirmitas, ætæve, privilegium, aut dignitas; ut reus torturæ addiceretur: quamquam in Gallia potissimum, reatus omnem dignitatem excludit, prout ex Jure civili docet Ferriere ibid. 3. cum delicti confessio dolose obrenta, v. g. promissa impunitate, aut poena mitiori: tunc enim reo servanda erat fides, quæ etiam hosti cuicumque servanda est; 4. cum criminis confessio pendet a confessione sacramentali; puta cum improbus Sacerdos poenitentis crimen revelavit absque expressissima istius licentia; aut cum testes, qui alicuius elatiori voce peccata deponentis, delictum audierunt, contra eundem deponunt judicialiter; aut demum cum inventa est schedula continens peccata in confessione sacramentali deponenda

da aut deposita. Sic communiter post Juris civilis peritos Canonistæ in tit. 18. Lib. 2. Decretalium, qui est *De Confessis*: ubi & notant licitum esse Judici veritatem elicere tum blandis verbis, tum & quibusdam industriis, ut fecit Salamon, cum infantem iussit vivum dividi.

Quæres 2. an reo possit ante mortem denegari tempus confitendi peccata? R. negative. Ratio desumitur ex cap. 1. *De penitent. & remiss.* ubi refertur id Viennensis Concilii: *Cum secundum statuta canonica ultimo deputandis supplicio, negari (si petant) non debeat penitentia sacramentalis, abusus damnabilem in quibusdam partibus contra hoc introductum aboleri omnino volentes; Justitiariorum omnes, & Dominos temporales, ut ab hujusmodi desistant abusu, hortamur in Domino. Locorum Ordinariis nihilominus injungentes, ut eos ad hoc, cum primum commode poterunt, diligenter monere; & si necesse fuerit, Ecclesiastica censura compellere non omittant.*

Et vero, si necesse sit malefactorem e medio tolli, ne temporalia aliorum bona disperdat; quanto magis necesse est curari animam ejus, ne pereat in æternum.

Cæterum utraque hæc nostra responsio procedit de via ordinaria. Quandoque enim præmissis, vel in specie, vel generaliter processu judiciario potest quis in ipso temporis articulo interfici. 1. cum periculum est, ne elabatur seu arte magica, seu quia illico aderunt, qui eum liberent. 2. cum Reipublicæ graviter interest, ut qui in flagranti delicto repertus fuerit, statim ad aliorum terrorem plectatur; ut quandoque contingit in bello. Operæ tamen pretium fuerit, ut capitalem Judicem, qui milites quosdam continuo suspendi jubet, semper comitetur Confessarius, qui iisdem ad seriā contritionem excitatis absolutionem largiatur. Imo in defectum Confessarii debet Judex reum monere de eliciendo contritionis actu.

Quod spectat ad sacram Communionem, moris est Romæ, & pluribus in locis, ut hæc reis mortem damnatis ipsa etiam supplicii die administretur; & id fieri posse absque eo, quod ii jejuni sint, docent complures; quia tunc datur per modum Viatici. Contrariam consuetudinem, quæ in Hispaniis ob Provincialium quorundam Conciliorum statuta inoleverat, revocavit Pius V. Bulla *Cum sicut*, an. 1569. Quin & Judices, qui id prohibuerint, censuris plectendos esse docet Flavius Cherubin scholio 2. in prædictam S. Pii Bullam.

Sed male: Christus enim hanc Ecclesiæ potestatem concessit, ut in Sacramentorum dispensatione, salva eorum substantia id statueret, quod Sacramentorum venerationi judicaret expedire. Hac fretus potestate S. Cyprianus sanxit in Concilio Episcoporum, peccatorem, qui non nisi in mortis periculo cœpisset veniam deprecari, Communione sacra prorsus esse privandum. Idem sanxit sæculo 4. Concil. Arelatense 1. cap. 23. quanto plus servari id debet erga eos, qui ad mortem usque impenitentes esse solent, & crimina sua, etiam prævio veritatis aperiendæ juramento, constanter negare. Ita ferme habet sub finem partis primæ Tractatus de Eucharistia.

Major esse videtur difficultas de iis, qui ne primam Communionem, divino jure ad minus pro una vice præceptam, fecerunt. Sed, & his præcedens solutio accommodari potest. Addunt aliqui Confessarios sibi plurimum cavere debere, ne a reis, qui in carceribus diu languent, decipiantur præsertim tempore Paschali; unde hi benigne quidem, quoad confessionem audiendi sunt; sed haud facile absolvendi; nec absolvendi unquam nisi parati sint Judici juridice interroganti veritatem aperire.

Quæres 3. de quibus Homicidam aut mutilatorem interrogare debeat Confessarius.

R. interrogare debet 1. an occiderit ex repentino furoris motu, an ex veteri odio, vi cuius occidendi voluntatem pluries iteraverit; an provocaverit occisum, aut ab eo provocatus fuerit; an plures adhibuerit locos; quia pro eorum numero multiplicantur peccata ipsius. 2. an occisus affinitate vel sanguine sibi jungeretur, an non Clericus foret, aut Religiosus; an non plus vel minus superior, ut Magistratus, Tutor, Præceptor, Herus. 3. an idem occisus prolem haberet, aut uxorem, quam labore suo sustentaret; an non plures tempore morbi in medicos expensæ factæ fuerunt, &c.

Quæres 4. quid sentiendum de legibus, qui patri & marito permittunt, ut filiam, ut uxorem turpiter inventam occidant.

L. 5. tit. 39. R. eas leges iustas esse, quatenus hanc patris, aut mariti agendi rationem non puniunt; quia admodum difficile est, ut pater & maritus, altum quo hisce in circumstantiis utuntur, dolorem temperare possint. Et ita sensit ipsa Christi Ecclesia cum ab excommunicatione exemit eum, qui in Clericum cum uxore, matre, sorore, vel filia propria turpiter inventum, manus infecerit violentas. Cap. 3. De sent. excomm.

At eadem leges iniustæ sunt, si supponantur huiusmodi homicidia approbare. 1. quia nullibi data est potestas patribus, aut maritis filias, aut uxores pro libito enecandi. 2. quia non patitur æquitas, ut quis inauditus & non condemnatus occidatur; forte enim diceret puella se vim pati, &c. 4. quia etiamsi supponeretur latam esse a Iudice sententiam, non deceret, ut eam pater contra filiam, sponsus contra uxorem executioni mandaret. 4. demum, quia charitati Christianæ repugnat, ut quis eo occidatur in statu, in quo damnationem æternam fugere vix, ac ne vix, quidem potest. Merito igitur reprobata est ab Alexandro VII. sequens ista propositio: *Non peccat maritus occidens propria auctoritate uxorem in adulterio deprehensam.*

Quæres 5. an a Republica proscripius, interfici possit a quolibet privato.

R. id pendere ex natura sententiæ adversus fugitivum hunc latæ: hæc enim si unicuique copiam faciat eundem interficiendi; quod rarum est, jam non privata, sed publica auctoritate interficitur. Ceterum, qui morte per contumaciam, ut ajunt, damnatus esset; non posset a privato quolibet interfici, ut annotat Pontas v. *Tuer*, cal. 6. quia aliud est reum dammare morte, aliud unicuique permittere ut hanc mortis sententiam exequatur.

Quæres 6. an aliquando liceat interficere innocentem.

R. cum omnibus, id prorsus illicitum esse, nisi speciale accesserit Dei mandatum. Ratio est, quia hoc & natura vetat, ut malum intrinsece, non secus ac adulterium; & expresse prohibuit Deus Exod. 24. his verbis: *Infantem & iustum non occides.*

1. Reg. 15. Quod si speciali revelatione præcepisset Deus innocentis occisionem, ei sane, ut vitæ & mortis domino esset obtemperandum. Hinc non peccasset Abraham si filium suum immolasset. Neque peccarant Israelitæ, qui Amalecitas devastando, nec ætati, nec sexui pepercerant, quia Dei jussio urgebat.

Extra hunc calum qui hodie non contingit, homicidæ sunt, qui in bello etiam iusto interficiunt innocentes, cuiusmodi sunt parvuli, mulieres, agricolæ, peregrini, Religiosi, Moniales, Clerici. Quod si innocentes nocentibus permixti, ab iis discerni non possint, licet alios cum aliis involvere, sed tunc tantum, quando bellum iustum aliter expediri non potest. Ita

Syl-

Sylvius q. 64. art. 6. Neque tamen liceret infantes captos ante patrum oculos jugulare, ut ii se dedant.

Hinc colliges rabiosos non debere suffocari, ne aliis noceant, sed includi, & alligari.

Solet hic quæri, quid factio opus sit, si tyrannus civitatem obsidens; aliquis innocentis mortem petat, aliqui minitendo se omnes Reipublicæ cives gladio perempturum.

Respondet Sylvius ibidem, non posse cives propria manu eum occidere, quem perierit tyrannus: tum quia generaliter vetat Deus ne innocens occidatur; tum quia etsi civitas civium suorum vitam exponere potest jubendo ut contra hostes pugnent, iis tamen auferre vitam nequit, nisi Reipublicæ, perniciosi sint: potro innocens, quæ talis non nocet Reipublicæ, sed potius prodest.

Dices. Cives singuli se habent ut membra ad hominem: atqui si tyrannus mortem alicui homini minaretur, nisi hic manum, aut pedem sibi amputaret, posset ille membra hæc sibi amputare: ergo.

Respondent aliqui neg. min. quia, inquit, etsi licitum est homini, putridum v. gr. membrum sibi abscindere, quia mors tunc ab intrinseco imminet; id tamen eidem licitum non est, cum mors non imminet, nisi ab extrinseco. Verum hæc responsio, sicut & distinctio, quæ nititur, haud satis fundata est; si enim homini pereundum esse vel ab incendio, vel a feris, vel a fure, nisi sibi membrum amputaret, posset ex communiori sententia membrum sibi amputare; atqui tamen ignis, ferrum, & fures sunt aliquid homini extrinsecum, sicut & tyrannus: ergo si tyrannus mortem alicui decerneret, nisi hic digitum, manum aut pedem abscindat, posset is hoc membrum amputare, nisi tyrannus amputationem hanc in contemptum Dei, Legisve naturalis præciperei. Unde

R. neg. maj. Ratio disparitatis est, quod membra humani corporis, utpote, quæ per se seorsim supposita rationalia non sint, non sint etiam injuriæ capacia; singuli vero cives per se totidem sunt suppositi, quibus injuria fit, cum neci dantur, absque eo, quod commuerint.

Sed si tyrannus non petat ut Respublica per se innocentem occidat, sed eum sibi tradat occidendum, quod nisi fiat, excidium generale minatur, quid faciendum?

Divisi sunt hic Theologi. Alii negant absolute tradi posse innocentem tyranno, sicut tradi ei non posset virgo violanda; quia, inquit, utrumque est intrinsece malum. Ita Sorus, Turrianus, &c. Alii eum tradi posse putant: ita Navarrus, Molina Tom. 4. disp. 10. Lessius Lib. 2. cap. 9. dub. 7. Delugo disp. 10. sect. 4. n. 113. Rationes hujus sententiæ sunt. 1. quod juxta Sorum, & alios statim referendos, homo ille teneatur ex charitate se ipsum offerre pro salute communi, & sponte sua ad tyrannum exire: ergo Respublica id ei præcipere potest, adeoque & eum, ne effugiat, prævenire, ac ligatum tradere tyranno. 2. quod si unus panis suppetere privato, posset ab eo auferri, ut Principi subveniretur, etiam si privatus ille fame periturus esset: ergo a pari in casu proposito; cum in uno non magis, quam in alio cooperetur Respublica mortis innocentis. Alii denique Theologi, ut Bannez, Salonijs, Sylvius q. 64. artic. 6. docent innocentem nunquam posse a Republica tradi: sed addunt, quod nisi semetipsum tradat, ut ex charitate, & justitia legali facere tenetur, addunt, inquam, eum fieri reum, præsertim si Superiores ejus precipiant

Ecce 2 ut

ut se tradat; unde concludunt, eum tunc posse tyranno tradi, ut, qui jam non sit amplius innocens; quatenus, & privatum bonum suum pluris æstimat, quam commune, & Superioribus id, ad quod jam tenetur, præcipientibus obedire recusat. Et huic opinioni credimus inhzendum. Interim de his consule Molinam, & Delugo.

## S E C T I O S E C U N D A:

*De occisione, quæ fit in bello.*

**B**ellum sic dictum, vel per antiphrasim, ut placet Hieronymo Epist. 127. quia ipsa nihil habet belli, aut ameni: vel quia in eo plerumque imitantur homines, nisi superant, belluarum feritatem; bellum, inquam, definiri potest: Publica armorum assumptio, Reipublicæ ab extraneis tuendæ, aut vindicandæ gratia.

Dicitur 1. *assumptio publica*, id est publica auctoritate constituta, & sic excluditur duellum, in quo unus contra alium, aut pauci contra paucos decertant, & quidem sæpius auctoritate privata.

Dicitur 2. *Reipublicæ tuendæ, aut vindicandæ gratia*; quia bellum duplex est, aliud defensivum, quo vis ab aggressore illata vi, & armis propulsatur; aliud offensivum, quo hostis hostem aggreditur, ut ab eo illati alicujus damni sive in bonis, sive in honore, compensationem obtineat.

Dicitur 3. *ab extraneis*, ut distinguatur a seditione, quæ inter ejusdem Regni, aut Communitatis incolæ suboritur: quamquam bellum civile nuncupetur seditio, in qua pars quædam Regni contra aliam dimicat.

Jam quærentur tria. 1. an bellum licitum sit, & qua conditione. 2. quæ in bello aut ejus occasione committantur peccata. 3. quid sentiendum de variis ad bellum spectantibus.

## P U N C T U M P R I M U M.

*An licitum sit bellum, & quibus conditionibus?*

**B**ellum rem esse de se malam censuerunt Manichæi teste Augustino lib. 22. contra Faustum, cap. 74. unde, & reprehendebant Moysen, qui plura bella gessit.

Eundem errorem diu sepultum renovavit Joannes Ecolampadius; in hoc tamen discrepans a Manichæis, quod sola Christianorum bella increparet, non autem Mosaica, ut quæ speciali Dei mandato indicta essent.

Lutherus ita bellum contra Christianos, Papam præsertim, & Papiſtas approbavit, ut docuerit non licere bellare cum Turcis; quia est id reluctari Deo, nostras per eos iniquitates visitanti. Ita ex parte refert Alphonsus a Castro, Lib. 3. de hæresib. V. *Bellum*, pag. mihi 186. Sic

CONCLUSIO I. Licitum est etiam Christianis belligerare, positis ponendis. Veritas hæc, ait Sylvius, ad fidem pertinet.

Prob. 1. Ut bellum Christianis licitum sit, satis est ut bellandi facultas antiquis Patribus concessa fuerit, & nusquam in nova Lege revocata; atqui utrumque constat. 1. quidem pie, & sancte bella gesserunt Patriarchæ antiqui, ut Abraham, cui a cæde Regum revertenti benedixit Melchisedech, Genes.

Genes. 14. Moyses, & Josue, qui protegente Deo insignem de Amalecitis victoriam reportarunt; Gedeon, Barac, David, aliique innumeri; 2. hæc belligerandi licentia nullibi in nova Lege revocata est, sed e contrario satis aperte confirmata: 1. quia rogatus Luc. 3. Joannes Baptista a militibus, quid sibi ad æternam salutem factum opus esset; *Neminem, inquit, concutiat, neque calumniam faciat, & estote contenti stipendiis vestris*: porro, ait Augustinus Epist. 5. *Si Christiana disciplina omnia bella culparet, hoc potius militibus consilium salutis potentibus in Evangelio diceretur, ut ... se omnino militia subtraherent*; 2. quia Matth. 8. Christus, Centurionis se milites sub se habere dicentis, fidem laudavit, non autem imperavit militiæ defectionem; 3. quia Centurio alius Act. 10. prædicatur, ut vir justus, ac timens Deum; & is tamen, & miles erat, & miles esse non destitit: ergo.

Prob. 2. quia nullus l'atrum Imperatoribus Christianis bella gerentibus obstitit; quin & iis, præsertim autem Theodosio Magno victoriam precibus suis obtinuerit pii Anachoretæ. Accedit quod Ecclesia, seu per Pontifices suos, seu etiam in Conciliis, Christianos Principes sæpius ad arma contra Infideles accenderit; sæpe etiam insignes triumphos impetraverit: ut constet de memorabili victoria, quam a Turcis reportavit an. 1571. Joannes Austricus; quæque Pii V. meritis, unanimi calculo, assignata est.

Prob. 3. quia vim vi repellere omnia jura, legeque permittunt: atqui inter Principes vis illata armis, non aliter quam armis repelli potest: ergo.

Et vero si privatus illatæ sibi injuriæ compensationem exigere potest; hanc a fortiori Reges exigere possunt; ergo si aliter quam indicto bello obtinere eam non possint, æquum est, ut bellum denuntient. Merito igitur damnata est a Leone X. hæc propositio Lutheri: *Trahari adversus Turcas, est repugnare Deo*. Quin & ipse Lutherus, parum sibi, ut in aliis erroribus, ita & in isto consentiens; sermonem eorum, qui Turcis resistendum esse negabant, his perstrinxit verbis: *Hic sermo est seditiosus, qui neque ferri, neque permitti debet, & iterum: Turcis resistere tenemur ob multas causas*. Ita Sylvius in 2. 2. q. 40. quem consule.

Obj. 1. prædixit Isajas cap. 2. futurum ut in adventu Christi cessarent bella omnia, ut patet ex his ejusdem verbis: *Non levabit gens contra gentem gladium, nec exercebuntur ultra ad prælium*. Idem diu ante cecinerat Psalmographus, *Auferens, ait Psalm. 45. bella usque ad finem terra*: ergo.

R. sudandum esse, ut ex iis verbis inferatur bellum post Christi tempora illicitum fore. Hic ergo duo docet Isajas 1. nascente Christo nascituram in piurum, ac fidelium cordibus veram cum Deo & hominibus, quoad fieri poterit, concordiam, & intimam eam pacem, quam in ipsa Salvatoris natiuitate, promiserunt Angeli dominibus bonæ voluntatis; 2. abolenda esse apud eos, qui vias Domini edocui fuerint, hæc non tam bella, quam latrocinia, quæ lapsis retro ante Christum. temporibus a Nabuchodonosor, Alexandro, Chaldæis, Assyriis, Persis, & similibus exercita fuerant. Et vero Principes sincere Christiani nulla unquam gerunt bella nisi pacis amore, & præclusa alia quacumque reconciliationis semita.

An autem hic etiam prophetet Isajas venturum Messiam toto Orbe jam in pace composito, gravis est difficultas, quam hic ne delibare quidem licet. De ea consuli potest Opus sub hoc editum titulo: *Jam templum Christo nascente reueratum, seu Tractatus Chronologico-Historicus, vulgarem resellens opinionem existimantium pacem toto terrarum Orbe sub tempore Servatoris nostri na-*

*zale, stabilitam fuisse. Auctore Joanne Masson Eccles. Anglic. Præsb. Roterodami, an. 1700.*

Obj. 2. Qui prohibet ne resistatur malo, & mortem per gladium comminatur iis, qui acceperint gladium, ille bellum omnino vetat: atqui Christus utrumque hoc fecit. Primum quidem Matth. 5. his verbis: *Ego autem dico vobis non resistere malo*. Secundum autem Matth. 26. ubi ait: *Omnes qui acceperint gladium, gladio peribunt: ergo*.

R. ad 1. part. dist. min. Christus prohibet ne resistatur malo, animo passionis, & vindictæ; imo vult, ut potius tunicæ, & pallii iacturam patiamur, quam ut, dum ea prosequimur ardentius, objiciamus nos periculo minuendæ, aut amittendæ charitatis, C. vult pure, & simpliciter, ut rem nostram neque in judicio, neque in bello repetere possimus, N. Itaque cum bella, & lites sint innumerorum malorum radix, monet Salvator, ut ad hæc remedia raro, & caute deveniatur. Atque idem docuit Apostolus 1. Corint. 6. ubi ait: *Quare non magis injuriam accipitis? quare non magis patimini?* Sed neque Magister, neque discipulus absolute prohibuit, ne suam quique rem juridice repeteret, seu armis, seu lite coram Judicibus intentata: cum ipse Paulus qui Christi mentem textu citato genuine reddidit, non absolute lites Christianis interdicat, sed vel eas, quæ ad ethnicos Judices cum Infidelium, & Fidelium scandalo deferebantur; vel eas, quæ ex injustitia fiebant, aut saltem avidiori rei suæ repetendæ desiderio, quod Apostolus vocat *delictum*, id est defectum, aut virtutis infirmitatem. Vide Cornelium a Lapide in hunc locum.

Ad 2. part. dist. Christus mortem comminatur iis, qui propria auctoritate gladium acceperint, prout fecit S. Petrus, plus agens quam sibi fuerat imperatum, C. qui gladium acceperint auctoritate publica, N.

Obj. 3. Nicænum Concilium iis, qui ad militiam redierint, decem annorum poenitentiam constituit Can. 11. eandem militiam plures Patres graviter redarguerunt, præcipue vero Tertullianus L. de Corona militis, c. 10. S. Leo Epist. 82. c. 10. S. Ambrosius in c. 22. Luc. atqui id iniquum foret, si liceret belligerare: ergo non licet.

R. Concilia & Patres vetuisse militiam, vel quæ idololatriæ periculum haberet, ut sæpe contingebat sub Imperatoribus ethnicis, qui milites Diis Imperii ante pugnam sacra facere jubebant; qua occasione Thebæa Legio, decimo quoque interempto, tota occidit; vel quæ ob expertam jam fragilitatem esset gravis peccandi occasio, ut plerumque erat, & sæpe erit. At non ideo militiam præcise, & ratione sui sumptam prohibuerunt; ut patet ex secunda nostra probatione, & ex constanti sæculorum omnium usu, juxta quem nemo Principum, nemo militum eo præcise Ecclesiasticam notam sustinuit, quod interfuerit bello etiam offensivo.

CONCLUSIO II. Ut bellum sit omnimode justum, & licitum, quatuor requiruntur, nimirum ut fiat 1. auctoritate publica; 2. justa de causa; 3. recta intentione; 4. cum justo moderamine.

Prob. 1. pars: 1. quia privatæ personæ habent Superiores coram quibus jus suum prosequi possint; ergo illud insequi non debent vi armorum, quæ tunc solum licite sumuntur, cum & auctoritate publica sumuntur, & deest alia quævis juris sui consequendi via; 2. quia bellum est actus justitiæ vindictivæ; porro injurias vindicare, ad eum solum pertinet, qui publicam habet auctoritatem.

Hinc bellum indicare non potest nisi Princeps supremus, aut Respublica perse-



perfecta, id est quæ alterius Reipublicæ pars non sit. Imo nequidem posset Reipublica imperfecta ad arma vocare, etiam si negligeret Princeps supremus illatam eidem injuriam vindicare, sicut non potest privatus vi aperta illatam sibi perniciem retaliare; etiam si debitam hanc reparationem a Superiore obtinere non possit.

Potest tamen quævis Communitas etiam imperfecta injustum invalorem armis repellere; est enim id consonum rationi; nec deest tacita Superioris licentia.

Prob. 2. pars. Bellum ex pluries dictis est actus justitiæ vindictivæ; & quidem gravis: atqui actus tanti momenti non nisi justa de causa exerceri potest; ergo.

Porro belli causa, generaliter loquendo, una solum est, illata scilicet injuria, nec rescarsita, secundum id Augustini q. 10. super Josue: *Iusta bella solent definiri, quæ ulciscuntur injurias.*

Verum sub injuriæ causa, causæ variz continentur. Ex vero sunt juxta Sylvium ibid. 1. recuperatio ejus quod debetur Principi; seu debeatur ut tributum; seu quia subditis ejus terra marive sublatum fuerit; 2. gravis ignominia Principi, ejusque legatis illata; 3. protectio eorum, qui contra Principem inique præliantur, aut rebellant, aut bono publico nocent; 4. violatio fœderis, pactive magni momenti; 5. fœderatorum injuste oppressorum, aut justam causam tuentium oppressio; 6. negatio transitus innocui; quam ob causam Amorrhæos debellarunt Israelitæ. *Innoxius*, enim, *transitus jure humane societatis æquissimo patere*, debet, ait August. q. 44. in Numeros.

Quod addit Sylvius, bellum adornari posse, ne innocentis (qui ad Rempublicam nostram, aut amicam non pertinent) idolis immolentur; aut ne Infideles Evangelii promulgationi obstant; multo plus habet difficultatis pro secunda parte: 1. quia fatente Sylvio ibid. facta rerum divisione potest una gens divesorium, & omne commercii genus alteri negare, seculo necessitatis casu; ergo, & ejus Sacerdotibus ingressum territorii sui præcludere potest; 2. quia ex eodem Sylvio, infidelitas, idololatria, sicut & alia contra naturam crimina, non sunt causæ, ex quibus bellum denuntiari possit; ergo nec denuntiari potest ex eo, quod gens Infidelis recipere nolit Ministros, quorum ope ab Infidelitate revocetur; 3. quia Infideles, ut Turcæ, qui Religionem suam cæteris potiore esse indubie existimant, Christianis eodem prætextu bellum inferre possent; idemque sibi jus assererent hæretici: inde vero quot strages? Hortatur quidem Barbeiracus, Laudunensis Professor, nota 1. ad sect. 3. c. 6. L. VIII. Tract. de Jure nat. & Gent. editi a Barone de Puffendorf, hortatur inquam Christianos Principes, ut contra *Inquisitionem*, ejusque Ministros arma conculcent. Verum hæc male feriat cerebri commenta in eodem censeri debent ordine, quem apud æquos rerum æstimatores obtinuerunt in iusta convicia, quibus sanctissimos quoque Patres obruit idem Scriptor in Præfatione Operis ejusdem.

Quod spectat ad primam partem; sicut qui a crudeli Principe idolis devoveatur, e territorio suo in alienum confugere possunt, quo vitæ suæ consulant; sic & ii, Principis alieni opem implorare posse videntur, & is eorum partes tueri.

An autem seculo eo invocati auxilii casu possint Indi, v. g. impeti bello, quia populares suos occidunt, & devorant, non conveniunt eruditi. Negabat Puffendorf, sed affirmat Barbeiracus ibid. p. 459. quem consule, & in multis ne sequere.

Cœterum merito observat Sylvius ad justitiam belli necessum esse 1. ut illata fuerit injuria vel gravis, vel quæ nisi compescatur, in gravem abitura sit; 2. ut bellum non sit illaturum majora Christianæ Reipublicæ damna, quam ea sint, quorum intenditur reparatio: quia tunc se habet Princeps, ut pars Reipublicæ totius, cujus commune bonum particulari suo præponere tenetur; 3. ut non ante ad bellum deveniatur, quam tentatæ fuerint aliæ satisfactionem obtinendi viæ: est enim, & esse debet bellum, sicut & tormenta bellica, *ratio ultima Regum*.

An teneatur ex justitia Princeps accipere satisfactionem sibi oblatam flagitante jam bello, controvertitur. Verior, ut & coram Deo tutior videtur pars affirmans: 1. quia statim, ac congrua offertur satisfactio, bellum desinit esse necessarium; ergo & licitum esse desinit; cum ob innumera, quæ parit mala, non nisi ob necessitatem licitum esse possit, ut docet August. Epist. 189. alias 205. 2. quia parva etiam victoria non potest Princeps plus accipere, quam requiratur ad satisfactionem plenam, & ad præcavendum, ne jam sibi, aut suis pares inferantur injuriæ; ergo, si hæc inchoato jam bello & ante victoriam sibi offerantur, non est cur bellum prosegui possit.

Hæc tamen vix inservire possunt in praxi; quia, cum sæpe offeratur satisfactio, ut habeatur spirandi mora, ut hostis a fortunata configendi occasione deturbeur, ut exercitus numerosior habeat spatium accedendi, vix ut plurimum definiri potest, an hostis satisfactionem parer, an struat insidias.

Sed quid si dubitetur justane sit belli causa?

R. vel Princeps ipse dubitat, vel subditi ejus, vel extranei, qui sub vexillis ejus dimicare vellent.

Si primum, ante omnia serium rei totius institui debet examen. Et quidem si de injuriæ causa agitur, non licet movere bellum; quia nec licet dubiam injuriam certa tot hominum strage ulcisci. Si vero de possessione sermo sit; in dubio favorabilior est conditio possidentis. Res tamen discutienda erit, admissis, illius, qui non possidet, legatis; qui si rejiciantur, bellum indicere licebit. Si competitorum alter plus altero juris habeat, ei rem pro rata juris sui proseguiri concessum est.

Si secundum, subditi Principis, & militiæ nomen dare possunt, & jam inscripti decertare debent absque examine: 1. quia in dubio quisque Superiori parere tenetur, cum id exigat & subordinatio debita, & possessio potestatis præcipiendi, quæ Principi inest; 2. quia toties obediendum est Superiori, quoties eundem male imperare non constat: aique implicat, ut in casu dubii constet Principem male imperare. Unde S. August. L. 22. contra Faustum c. 75. *Vir justus, inquit, si forte sub Rege, homine etiam sacrilego militet, recte potest illo jubente bellare, cui quod jubetur, vel non esse contra Dei præceptum, certum est, vel utrum sit certum non est: ita ut fortasse reum Regem faciat iniquitas imperandi; innocentem autem militem ostendat ordo serviendi*; 3. quia grave cayeret præjudicium publica res, si ob militum dubia quiesceret bellum; cum nec omnes de causis belli instrui possint, nec qui instrui possent, semper instrui expediat.

Quod de militibus subditis, idem dicendum de iis, qui ante bellum stipendiarii erant. Habet enim Princeps jus certum in eorum operas; quo, in casu dubi, privari non potest.

Si tertium, tenentur extranei illi investigare justitiam belli, & quamdiu perseverat dubium abstinere a militia. Ratio est, quia abstinendo ab armis, nulli injustitiam faciunt; cum extraneo Principi obedientiam

non

non debeant ? militando autem exponunt se periculo gravem alteri Principi, ejusque subditis injuriam inferendi.

Hic nota eos, qui post exitum belli ejusdem injustitiam certo compediunt, si eam sine sua culpa ignoraverint, ad id solum restituendum teneri, quo facti sunt ditiores, aut quod nondum consumpsere, non autem ad refarciendum domos combustas, conculcatas segetes, &c. qui vero iniquitatem belli culpabiliter nescierunt, de toto damno tenentur.

Prob. 3. pars, scilicet, quod ad bellum requiratur intentio recta : tum quia hæc in singulis actionibus requiritur, & a fortiori in iis, quæ sunt gravioris momenti; tum quia, ut ait Augustinus Epist. 189. bellum geritur, ut pax acquiratur. Et Lib. 22. contra Faustum cap. 74. *Nocendi cupiditas, ulciscendi crudelitas, implacatus atque implacabilis animus, feritas rebellandi, libido dominandi, & si qua sunt similia; hæc sunt quæ in bellis jure culpantur.*

Is tamen rectæ intentionis defectus, charitati solum, non autem justitiæ adversarietur. Unde suppositis æqua bellandi causa, & auctoritatis publicæ sigillo, nulla incumberet obligatio restituendi, nisi vindictæ libido transisset ultra metas.

Prob. 4. pars. Bellum spectari potest, vel antequam inchoetur, vel in ipso progressu, vel cum pace compositum est: atqui quocumque spectetur modo, necessum est, ut intra certos æqui, & justi limites consistat.

1. Quidem antequam denunciatur bellum, pars lædens a læta debite moneri debet de injuria aut damno, ut hæc congruo tempore reficiat; adeo ut sola compensationis obtinendæ necessitas bellum inducat; prout supra diximus.

2. In decursu belli meminisse debent, & duces, & milites, se non latronum aut sicariorum partes agere, sed legitimæ vindictæ ministrorum: unde etsi occidere possunt, spoliare, deprædari, &c. debent tamen vitare quidquid crudelitatem sapit, & ordinarios limites prætergreditur. Hinc quoad vitam parcere debent innocentibus, quorum nomine hic veniunt infantes etiam Turcarum, pueri, senes, rustici, mercatores, peregrini, amentes, Clerici, Religiosi, & quicumque gestandis armis impares sunt. Si tamen Clerici, Religiosi, aut ipsæ mulieres se se bello immisceant aggeres erigendo, virgultorum falces deterendo, explodendo bellicas machinas, jam digni sunt aliorum sorte, eorumque mors directe intendi potest.

Etsi vero Clericorum, & advenarum, qui se, ut tales gerunt, vitæ parcendum est, possunt tamen eorum auferri bona, si prævideatur hostem iis usurum esse. Si quid tamen ex iis supersit finito bello, restitui debet: quia res Deo sacræ, v. g. tolli non poterunt nisi ad præcavendam hostium utilitatem, quæ jam non indiget præcaveri. Hæc, ait Henno, de jure sunt certa, sed male observata.

Quod ad eos attinet, qui in bello nocentes reputantur, quia censentur inique præliari, his etsi se supplices victori dedant, quandoque viâ eripi potest in poenam criminis, aut aliorum terrorem, quandoque benignius agendum est. Certe negare videtur S. Augustinus in ipso conflictu, & a fortiori extra ipsum, occidi posse eos, quos satis fuerit constituisse captivos. *Hostem pugnantem*, ait citat. Epist. *necessitas perimat, non voluntas, sicut enim bellanti, & resistenti violentia redditur, ita viâ, aut capto misericordia debetur.* Fatendum tamen pendere id a circumstantiis, tum temporis, tum & hostium quibuscum manus conferuntur.

3. Demum bello jam composito, aut prope diem componendo, æquum est ut victor utatur moderamine, tum in statuendis pacis conditionibus, quæ duriores imponi non debent; tum in earumdem conditionum observatione, quibus religiose adhærendum est; unde qui instaurandi belli causas neſciunt de industria, gravissimi peccati reos se conſtituunt.

## PUNCTUM SECUNDUM.

*De peccatis eorum, qui bello inferiunt.*

**Q**Uæ hæcenus de bello disputata sunt, ſolis pœne Principum ſupremorum Conſeſſariis inferuire poſſunt; multo majoris ſunt uſus, quæ in hoc puncto veniunt diſputanda. Sit itaque

CONCLUSIO I. Multipliciter peccant Duces exercituum, ſeu primarii, ſeu ſubordinati.

Prob. quia peccant 1. cum vi, fraude, vel dolo milites conſcribunt, de quo infra.

2. Cum ſecluſa neceſſitate, aut Papæ licentia, Clericos in ſacris, etiam ſponte ſe offerentes recipiunt; quia gravi eorum ſacrilegio cooperantur.

3. Cum eoſdem pro Clericis ſacris cognitos non miſtunt.

4. Cum milites ſuos aliis Ducibus vendunt, aut commutant, niſi de eo conventum ſit ſaltem tacite.

5. Cum eorum curam, quod animam, & corpus non gerunt; cum percutiunt injurioſe, cum aſperioribus verbis alloquuntur.

6. Cum promiſſam abeundi copiam ſuo tempore invitis denegant: aliud enim eſſe, ſi amice ad longius miniſterium allicerent.

7. Cum debita militibus ſtipendia ſubtrahunt, vel minuunt; potumve vel cibum vitiatum, aut periculoſum præbent, ut parcant ſumptibus. Et hi reſtituere debent ſtipendia militibus, & damnum, a militibus illatum, ut viverent.

8. Cum militum rapinas, furta, concuſſiones, ſupra, aliæque crimina, nec puniunt, nec impediunt quantum licet. Item cum merces interdictas, tabacum v. g. ſal, indicas telas contra expreſſam Codicis militaris legem vel tranſferunt ipſi, vel a militibus tranſferri permittunt.

9. Cum periculoſæ gloriæ avidi, urbem vi capiunt, quam in dedicationem certis, & æquiſconditionibus accipere potuerant. Urbem enim expugnare impetu vix unquam licet ob immania, quæ inde ſubſequantur, flagitia.

10. Cum in expugnatae urbis deprædatione, non obſtant pro virili ne ſpolientur Eccleſiæ, aut comburantur, niſi arcium inſtar munitæ fuerint; ne miles virginum Monaſteria ingrediatur; ne ingreſſus ſuprum inferat.

11. Cum pagos quosdam majori, quam par ſit, militum copia gravant; vel militum inſtar recipi faciunt, qui milites non ſunt; vel a certis pagis pecuniam, aut munera recipiunt, ut milites ducant, vel mittant in alium pagum hoſpitaturos: ſic enim duo loca gravant pro uno contra Principis intentionem, & jura civium.

12. Cum accipiunt xenia ad impediendas militum vexationes; quæ jam ex officio, & juſtitia impedire tenebantur.

13. Cum temere incunt prælium, aut abſque rationabili cauſa hoſtilibus telis exponunt militum vitam.

14. Cum ignaviter decertant, & militibus extra caſum neceſſitatis præbent

bent fugiendi exemplum: multo magis cum ante conflictum e capite phalangis suæ discedunt, seu inertia mera, seu odio illius, qui toti exercitui præest.

15. Cum in spoliis, aut onerum distributione justitiam distributivam violant.

16. Cum pauciores habent milites, & stipendium recipiant pro pluribus; nisi, quod satis raro evenit, in id consentiat Princeps, ut duces perperis damnis fatigati novas cogere copias possint. Item, si in turbarum lustratione suppositos milites educant coram Inspectore.

Neque id licet etiam ad acquirendum compensatione stipendium, quod de suo contulerint militibus: 1. quia compensatio mendaciter, & dolose extorta, non vacat a peccato; 2. quia hæc agendi ratio potest esse admodum exitialis Principi, qui ratus se tot habere milites, non plures mittit ad castra; unde fit ut hostes, si non vincant, at saltem non vincantur; 3. quia causa sunt gravis peccati, quod committunt fictitii illi milites injustitiæ cooperando, quam, & in defectum Ducis resarcire tenentur, nisi egerint metu gravioris mali sibi impendentis; quo sensu excusari solent rustici, qui prædas vehunt.

Etsi vero in plerisque ex casibus modo recensitis inferiores Duces ad restituendum tenentur, hæc tamen restitutionis obligatio quandoque cadit in Principem supremum, ejusve ministros. Idque non solum cum imperio aut consilio iniqua bella movent; verum etiam cum in bello justo milites a deprædationibus iniquis, incendiis, stupris, & similibus, legum & poenarum severitate non coercent. Item cum militibus non subministrant necessaria; unde eos, nisi fame confici velint, utraque manu furari necessum sit. Excusari tamen potest Princeps, si in bello præsertim defensivo tenuius copias provideat; quo in casu, & milites ipsi, & Provinciarum incolæ aliquid in boni communis gratiam pati, & tolerare debent.

CONCLUSIO II. Multipliciter quoque peccant milites gregarii.

Prob. 1. quia peccant contra Principem, cum vel bona ejus tueri, vel mala avertere non curant; cum eum produnt, seu transmigrando ad hostes, seu secreta balli revelando; cum deserunt stationem suam, tamen si periculosam; cum latentes hostes non indicant; cum in prælio ignaviter pugnant, declinant periculum, arripiunt fugam victoriam necdum desperata, & sociis pusillanimitatis spiritum afflant, & incutiunt. Hæc autem peccata sunt contra justitiam; quia milites stipendio conducuntur, ut cum ipsius vitæ periculo fideliter serviant.

2. Peccant contra subordinatos Duces, seu, ut ajunt, Capitaneos, 1. cum a signis discedunt. Est enim quilibet miles, res seu bonum Capitanei sui; unde desertores non modo equum, vestem, & arma, aut pretium, quod inscriptionis tempore receperunt, restituere debent, sed & valorem obsequii, quod præstituri erant, attento spatio temporis, quo inservire tenebantur. Peccant & iidem tunc contra Deum ob violatam juramenti militaris fidem; peccant & contra se ipsos, quia certo mortis periculo sese objiciunt, si deprehendantur; 2. cum Duci parere detrahant; 3. cum sine ejus licentia recedant a castris; & quidem si media leuca recedant, qua parte morantur hostes, pleuntur morte instar desertorum. Certe si quilibet pro nutu a castris abesse posset, facile, qui superessent, irruenti hosti strenue excipiendo impares efficerentur; 4. cum a militia ante conditum tempus dolose, aut sub mendaci prætextu excedunt; pacta enim conventa servari debent.

3. Peccant contra hospites suos, aliosve, cum eos indebite gravant, concutiunt,

cutiunt, spoliati, dideris impetunt, aut devassant. Neque eos excusat dissimulatio Principis, aut Capitanei auctoritas, ( nisi, ait Sylvius, hoc fieret in pœnam rusticis, aut civibus iuste inflictam; vel istis per modum tributi impositum sit, ut minora quædam subministrant copiis apud se transeuntibus, aut hiemantibus. ) Inde vero quanta restitutionum leges, & quam raro ab iis, quibus debetur collecta.

4. Peccant contra hostilium terrarum incolas, cum iniussi, & a fortiori cum contra Ducis prohibitionem, ferro & flammis omnia depopulantur; cum eos, qui impositum pensum seu *contributione* pendunt, barbære spoliant, hostes enim hac impositi oneris solutione acquirunt jus immunitatis ab omni damno, & ulteriori exactione. Peccant a fortiori cum abutuntur virginibus. In his autem injustitiæ casibus tenentur ad restituendum, vel ipsis rerum dominis, si dignoscantur; vel multitudini læsæ, idque per manus seu Episcopi, seu Parochorum. An autem, & quando restitutio hæc, tota uni in aliorum defectum incumbat, expendi in Tract. de Justitiâ, part. 2. alias 3. c. 2. art. 6. sect. 1.

Hic notandum, & duces, & milites plerosque ob paratam duelli inferendi, vel acceptandi voluntatem esse in perpetuo peccati statu, & abolitionis incapaces:

CONCLUSIO III. Multiplicis quoque peccati reos se faciunt castrensis annonæ, tum venditores, seu vivendarii, tum proviſores, quas aliqui Amonitiarios vocant.

Prob. 1. pars. Vivendarii communem mercatorum legem sequi debent; ergo peccant, & ad restituendum tenentur, 1. cum facto inter se monopolio conveniunt, ut panis, vinum, paleæ, avena, aut nimio, aut non-nisi rigoroso pretio distrahantur; 2. cum taxatum castrensi lege pretium transgrediuntur; 3. cum pecunia aut muneribus legionum Præfectos circumveniunt, ut milites obligent ad emendum apud se, non apud alios. Sequuntur hæc ex iis, quæ passim dicta sunt part. 2. de Contractibus. Vide cap. 1. art. 8. sect. 3. ibid.

Prob. 2. pars. Graviter enim peccant victuum proviſores, cum frumentum, avenam, scœnum, & alia vel corrupta, vel vilioris pretii, quam de quo conventum erat, subministrant extracalum necessitatis; & tunc de natura rerum monere debent, ut quantum fieri licebit, avertatur damnum ex rei vitiatæ usu impendens; 2. cum Provinciatum Præpositos seu Intendentes donis inducunt, ut grani pretium taxent viliori pretio, aut privatos prohibeant ab emendo, ut interim emant ipsi, quo pene voluerint pretio; 3. cum rationum inspectores, seu, ut alii vocant, opinatores, exerceant muneribus, ut fraudem, quam vident, reticeant; 4. cum de indubitato panum, candelarum, liquorum numero conveniunt cum belli Ducibus in præjudicium Principis; 5. cum non providant tempore suo militibus necessaria; unde eos fame, frigore & miseria confici evenit, aut ubilibet depradari; 6. cum Regis nomine abutuntur, ut ab iis frumenta extrahant, qui ab eo onere immunes sunt.

CONCLUSIO IV. Multipliciter etiam peccant ærarii bellorum Tribuni, seu Theſaurarii.

Prob. peccant enim 1. cum fingunt, se non habere pecuniam regiam, ut exundant munera a militibus, quibus se ex ære proprio anticipatam facere solutionem simulant; 2. cum solutionem differunt, ut interim muvo dent pecuniam regiam, & ex ea lucentur; 3. cum in stipendiarium solutione utun-

tur

\* Control-  
leurs.

tur cambiis usurariis, fingendo v. g. se in Alsacia solvere id, quod Parisiis solvunt. 4. cum in militum inspectione, conveniunt de substituendis suppositis militibus, gallice *passerolans*; ut stipendia, quæ fictitiis hujusmodi turmis reipfa non solvuntur, dividant inter se; quod & jure naturali veritum esse liquet, & Regiis Constitutionibus prohibitum est sub poena exautorationis. De his multo plura videris in generali statuum omnium examine, Tom. 1. cap. 24. & 25. Vide & ultimum Volumen Collat. Andegav.

## PUNCTUM TERTIUM.

*Expenduntur variae, quae huc spectant, difficultates:*

**Q**UÆRES 1. an qui vigente bello justo sine Principis auctoritate decerant, ad restituendum teneantur?

R. affirmat. posito, quod desit etiam tacitus Principis consensus. Ratio est 1. quia sic fieret bellum privata auctoritate, quod non licet. 2. quia male ordinata privatorum praelia plus plerumque nocerent Principi, & Reipublicæ, quam prodesse. Nescit enim plebs sibi permessa intra moderationis limites sistere; unde sæpius aggeraret iras hostium, etiam cum leniri expedit, non exulcerari.

Hinc peccant rustici, qui cum militum nomen non dederint, occidunt, spoliunt, depopulantur, & quod deterius est, Troem, & Rutulum nullo discrimine habent. Si tamen, ait Sylvius, rustici a parte hostium stantes, rusticos nostros expolient, his videtur licitum excurrere in agros eorum etiam hostium, a quibus nihil damni pertulere: quia sunt membra Reipublicæ, quæ, quam fecit injuriam, reparare non vult; & censetur virtualiter consentire Princeps, ut hoc modo jacturam suam reparent, qui eamdem aliter reparare non possunt.

Hinc colligit idem Duacensis Theologus repræfalias non esse per se injustas, modo & constet de injuria, cujus restitutio haberi non possit, & interveniat præsumpta Principis voluntas, quæ ex præterita, aut præfenti ejusdem in paribus casibus agendi ratione colligi potest; & non plus recuperetur, quam perditum sit; & Ecclesiæ bonis parcatur; & demum non graventur personæ innocentum. Si tamen facilis pateat accessus ad primarios belli Duces, nec periculum sit in mora, multo satius est, ut hi consulantur.

QUÆRES 2. an bellum utrinque justum esse queat?

R. bellum non posse utrinque justum esse materialiter: quia fieri nequit, ut res, quam repetit alter, ut suam, alter autem reddere non vult, sit simul utriusque. At vero bellum potest utrinque justum esse formaliter, id est justum utrinque bona fide reputari. Se enim habet bellum, ut privatorum lites, in quibus, tam petitor, quam defendens, rem, de qua lis est, suam ambo esse inculpate credunt. Hoc sensu justum erat bellum Chananæos inter, & Israelitas motum. Israelitæ enim juste impetebant, ob expressum Dei mandatum; jussu vero tuebantur se Chananæi, quia jussione divina ignorabant; nec ea in re hostibus suis, saltem primo quoque tempore, fidem habere tenebantur.

QUÆRES 3. cur adeo graviter peccent, qui per vim ad militiam cogunt; & ad quid teneantur?

R. ad 1. peccare eos graviter 1. quia in materia gravi Regiis Sanctionibus

con-

contradiciunt, ut patet ex Codice militari Lib. 1. tit. 1. art. 2. 2. quia homini invito durum Martis onus imponunt, eumque majori privant parte libertatis suæ, quo bono nullum homini præstantius concessum est. 3. quia parentes, totamque aliquando familiam solatio, & subsidio privant.

R. ad 1. eos teneri de damno toto, quod patitur, seu is, qui vi aut dolo militiæ inscriptus fuerit, seu pater ejus, mater, uxor, liberi, creditores, &c. sequitur ex dictis ubi de Justitia.

Quæres 4. quo jure Clericis vetitum sit præliari.

R. bellum Clericis prohibitum esse tum jure Ecclesiastico, ut probatum est pag. 14. tum aliquatenus jure naturali, utpote quod, secundum rectæ rationis dictamen, Ecclesiasticum statum valde dedecet, sicut negotiatio, & matrimonium, quæ tamen absolute loquendo, & gravi de causa, Clericis permitti possent; tum denique quadatenus etiam jure divino, quo cautum est, ne quis *militans Deo* implicet se *negotiis secularibus*, ut ei totus placeat, cui totum se probavit, seu deditavit. Hinc seclusa Pontificis licentia, quæ nonnisi ob graviores causas concedi potest, peccat levaliter Clericus in sacris, qui per se dimicat, exercitum dirigit, bellica tormenta in hostem explodit, aut explodentibus præest. Neque vero convenit, ut altarium minister, qui magis, aut minus proxime agni manusi sacris cooperatur, publicæ vindictæ ministrum se faciat, & manus suas fraterna cæde cruentet. Vide Tract. de Irregularitate. Vide & Sylvium ubi supra art. 2.

Quæres 5. an in bello insidiis, & stratagematibus uti liceat.

R. affirmat. Sic licitum est hostium vestibus, ac signis militaribus uti; & fugam simulare, prout mandante Deo fecit Josue. Unde Augustinus q. 10. in Josue. Cum, inquit, *justum quis bellum susceperit, utrum aperta pugna, an per insidias vincat, nihil ad justitiam interest*; secundum id Romani Pœtæ: *Dolus, an virtus, quis in hoste requirat?*

Docet quidem Sylv. ib. art. 3. eos qui struunt insidias, tunc solum a mendacio immunes esse, cum non habent animum significandi exterius id, quod revera non est, sed occultandi, quid in mente consilioque versent. Verum quomodo fieri potest ut Galli Germanas vestes induendo, militaria Germanorum signa præferendo, tympanum pulsando Germano more exterius pro Gallis haberi velint? Censio igitur has, & pares insidias vacare a mendacio: quia jam ab uniuscujusque belli limine præmoniti sunt hostes, se ab hostibus omni, qua poterant via circumveniendo esse. Sic non mentiebatur ille, qui cum fictitiis suis terra marique eventus enarrare vellet, ab his exordium ducebat verbis: En ego a capite ad calcem mentiar. Is enim neminem fallebat, nisi qui falli vellet.

Neque tamen quibuscumque insidiis etiam contra hostes uti licebit. Sic nec excubias agentem inebriare licet, nec quemquam sollicitare ad id, quod inculpate facere nequit, v. g. ad occidendum Principem suum, ad spoliandos concives suos, ad prodendam civitatem, &c. est enim id inducere ad grave peccatum, & facere mala, ut eveniant bona. Aliud est, ait Grotius Tract. de Jure belli & pacis Lib. 3. cap. 1. n. 22. *si quis opera sponte nec suo impulsu peccantis, ad rem sibi licitam utatur*. Idem iniquum non esse patet exemplo Dei ipsius, qui sæpe suos in fines parata impiorum opera utitur.

Quæres 6. an diebus festis præliari licitum sit.

R. affirmat. Patet id 1. exemplo Macabæorum, & eorum etiam e Christianis Principibus, qui majori pierare floruerunt. 2. quia Festorum observatio non impedit, quominus possit suam quisque vitam tueri.

Quin

Josue 8. v.

2. & 15.

Lib. 1. c. 2.



Quin, & bellum offensivum Festis diebus licitum est, ut obtineatur, quæ fortasse neglecta occasione obtineri non posset, insignis victoria: nam, & hoc etiam ad Reipublicæ salutem necessarium est.

Extra necessitatem vero bellare prædictis diebus, modo non omittatur auditio Missæ, non excedit culpam venialem, ex Sylvio, & aliis pluribus.

Quæres 7. an liceat præbere infidelibus vel hæreticis turmas.

R. Affirm. 1. quia Machabæi cum Romanis fœdus inierunt, ut alii alius in bello socii forent, & adjuvatores. 2. quia societas cum Infideli non impedit ne bellum iuste geratur.

Si tamen prævideat Princeps futurum, ut ex suorum cum hæreticis commercio, Catholica fides grave sit præjudicium perperitura; item, ut advocati infideles templa diruant, sacra mytheria profanent, cultum sanctum derideant, jam iisdem uti non poterit, nisi par, aut gravius malum sibi ab hoste impendeat.

Quæres 8. an Catholicus inter infideles, aut hæreticos militare possit.

R. 1. posse in casu necessitatis, sive id præcipiat Princeps: sive aliter grave malum vitare non possit; modo tamen iustum sit bellum, cui deservit: alioqui enim ne remigare quidem potest contra Christianos Christianus apud Turcas captivus, ut dixi Tom. 1.

R. 2. posse etiam extra necessitatis casum, si iis in quibus toleretur Religio Catholicorum, cuius proinde officia explere possit. Alioqui enim peccaret graviter, quatenus incurreret periculum evidens subversionis fidei, & moribus, defectu Sacerdotum, a quibus & corroborari, & Sacramentis resciri posset. Quin tot a primo passu committeret peccata, quot se exponeret omissionibus Missarum, Confessionum, &c.

Quæres 9. an vicino Principi bellum inferre liceat, ne fiat potentior.

R. negat. nisi certo moraliter constet Principem hunc nobis malum parare, & in nos, ubi primum res sua firmaverit, irrupturum esse. Alioqui enim bellum inferre non licet; quia, potentia vicini, etsi in posterum nobis nocere potest, actu tamen nullam infert injuriam, quam bello vindicare liceat. Et vero nemini licet esse iniquus, ne alter deinceps iniquus fiat. Vid Puffendorf Lib. 8. cap. 6. p. 458.

## ARTICULUS TERTIUS.

### De Homicidio privata auctoritate factis.

**H**omicidium, quod sit independenter a Judicis auctoritate, vel est necessarium, ut cum, quis occidit, ne occidatur, vel voluntarium, cum, quis occidit, quia occidere vult, sive mortem alterius in se ipsa velit, seu eam velit in causa ab eadem morte prorsus inseparabili; vel casuale: idque duplex est, casuale simplex, quod præter agentis intentionem sequitur ex actione, ex qua nec prævidebatur, nec moraliter prævideri poterat securum; & casuale mixtum, quod, quis re ipsa non intendit, sed prævidere potuit, & ideo impedire.

Constat apud omnes homicidium simpliciter casuale, utpote involuntarium excusari a culpa. Hinc non est homicidii reus, 1. qui inculpabiliter ebrius alium occidit; imo nec reus esset homicidii, qui sua culpa ebrius, haud prævidere potuisset homicidium, quod perpetravit. 2. qui admi-

admisit quidem culpam, sed inefficacem respectu homicidii: ut si quis leviter vulneraverit alium, cui vulnus, vel chirurgi negligentia, vel incuria propria corruptum, mortem attulerit. 3. qui causam de se mortiferam posuit, sed adhibita omni, quæ viri prudentis iudicio adhiberi potuit, diligentia; ut si venator explosa fistula; postquam satis circumspexit, num adesset aliquis, hominem occiderit. An autem, qui vacat rei illicitæ, homicidii poenas incurrat, adhibita etiam quantalibet diligentia, expendi in Tract. de Irregularit. part. 3. cap. 1. art. 2. quem, & totum Caput consule, ubi multa pertractata sunt, quæ hic repeti non decet.

Constat rursus homicidium mixtum, esse peccatum plus, aut minus grave, prout plus, minusve habet voluntarii. Hinc homicidii rei sunt. 1. qui actum, sive licitum, sive illicitum, modo periculosum faciunt, non adhibita sufficienti diligentia; ut patet in venatore temere fistulam explodente, aut in nutrice, quæ infantulum relinquit in loco, unde decidere potest.

2. Qui actum ponunt periculosum, nec in potestate habent; ut sint sufficienter diligentes. Hinc graviter peccant parentes, qui cum somni tempore in omnem partem se versent, tenellos infantes in eodem secum lecto reponunt; quia cum nec a somno abstinere possint, nec sibi dormiendo invigilare queant, in perpetuo suffocandæ prolis periculo, adeoque & statu peccati versantur. *Monendi igitur sunt, & protestandi parentes, ne tam tenellos secum in uno lecto collocent, ne negligentia qualibet proveniente suffocentur, vel opprimantur; unde ipsi homicidii rei inveniuntur;* verba sunt Stephani V. Can. 20. 11. q. 5.

3. Qui omitiendo aliquid, ad quod tenentur, causa sunt, cur alter pereat. Sic homicidii reatum incurrun. 1. Medici, & similes, quorum negligentia, vel imperitia ægro mortem affert; tenentur enim scire, aut abstinere ab iis curandis, quos curare nesciunt. 2. Advocati, qui innocentis causam male tuendo, causa sunt, cur capite plectatur. 3. Principes, aut Politicæ Præfecti, qui, cum possunt, non abigunt latrones viatoribus infestos. Etsi vero delinqueret graviter, & homicidii late sumpti reus esset, qui omisisset quidpiam, ad quod ex charitate sola tenebatur, non esset tamen restitutioni obnoxius, aut irregularitati, prout Tom. 1. & 3. dictum est.

His præsuppositis, expendendum superest, an, & quando occisio hominis privata auctoritate facta, ab omni labe immunis sit; quamquam occisio, quæ ab omni culpa vacat, eo ipso publica legum auctoritate fieri dicenda videtur. Triplex hic potissimum movetur difficultas: prima de abortu; secunda de occasione ad sui, suorumve defensionem; tertia de duello.

## S E C T I O P R I M A.

*An liceat abortum procurare.*

**N**ot. 1. Abortus est ejectio præmatura foetus animati, vel inanimati, quem mulier in utero gestat. Unde ejectio seminis ante conceptionem, nec proprie abortus est, nec alligatas abortui poenas inducit.

Not. 2. Abortus dupliciter intendi potest, directe nimirum, & indirecte; & tunc melius aliquando diceretur permitti, aut non impediri, quam intendi. Directe quidem, ut si mulier potionem sumat eo fine, ut uteri sui fructum disperdat, & ejiciat; indirecte vero, ut si quid faciat, unde per acci-

accidens, & contra intentionem sequi possit ejusdem fructus extinctio. Patet utrumque gemino exemplo. Mulier, quæ partum aut infamiam veretur, projicit se per fenestram, ut abortum faciat; en directa abortus intentio. Mulier, quæ multis precibus prolem poposcita Deo, irruente flamma per eandem fenestram se projicit, en abortus non tam intentio, quam permissio. Prima agit *ex desiderio* abortus, & vere intendit abortum, secunda agit *cum periculo* abortus, sed abortum vere non intendit. Sunt tamen multi casus inter utrumque medii: sic non eadem est conditio mulieris gravidæ, quæ ut salter elegantius, uterum cingit zona strictiori, quam illius, quæ ut victum lucretur, fert onus nimium; & hæc plurimum adhuc differt ab ea, quæ ne viva comburatur, insilit per murum.

Not. 3. Triplex hic proponi solet quæstio. Prima utrum puellæ, quæ honori suo aliter consulere non potest, liceat abortum sibi procurare; saltem cum fœtus nedom est animatus. Secunda, an peccet Medicus, qui aliter vitæ matris succurrere non valens tradit ei potionem, ex qua moraliter certus est secuturam esse fœtus ejectionem. Tertia, quibus subiacent pœnis, qui abortum procurant. Sit

CONCLUSIO I. Abortum procurare in primo casu, mortale est peccatum.

Prob. 1. ex Conc. Ancyrano an. 314. quod sic statuit: *De mulieribus quæ fornicantur, & partus suos necant, vel quæ agunt secum, ut utero conceptos excutiant, antiqua quidem Conc. Illiberitani, & aliorum definitio, usque ad exitum vitæ eas ab Ecclesia removel; humani autem tunc definitur, ut eis decem annorum tempus secundum præfatos gradus penitentiae largiamur.* Grande profecto oportuit esse scelus, propter quod usque ad exitum vitæ aliquis ab Ecclesia ejectus erat, & deinde per indulgentiam decem penitentiae annis subjectus.

Prob. 2. ex Tertulliano Apologet. c. 9. *Nobis vero, inquit, homicidio semel interdicto, etiam conceptum utero dum adhuc sanguis in hominem delibatur, hoc est iusta Rigaltium hic, dum adhuc dubitatur, an concepta utero semina coitura sint in tætum, dissolvere non licet. Homicidii festinatio est prohibere nasci: nec rejecta natam, quis eripiat animam, an nascentem disturbet. Homo est, qui est futurus.* Atqui homicidii festinatio peccatum est mortale: ergo.

Idem docet S. Basilii Epist. ad Amphiloeh. can. 2. *Quæ de industria fœtum corrupti cordis pœnas luet. Formati autem, vel informis subtilitas a nobis non attenditur.*

Prob. 3. ex censura, quam tulit Innocentius XI. an. 1679. adversus laxiores Theologos, quorum prima propositio, quæ inter 65. damnatas, est numero 34. sic concepta erat: *Licet procurare abortum ante animationem fœtus, ne puella deprehensa gravida occidatur, aut infametur.* Secunda vero, quæ ex istdem damnatis est trigesima quinta, sic habet: *Videtur probabile omnem fœtum, quamdiu in utero est, carere animæ rationali, & tunc primum incipere eandem habere, cum paritur; ac consequenter dicendum erit in nullo abortu homicidium committi.* Qua doctrina, juxta Augustinum impudentissima, haut satis scio an deterius quid evomuerint inferi. Merito igitur prænotavit Innocentius XI. ne quis prædictas propositiones defendere, isque suo pena excommunicationis ipso facto incurrendæ, & Apostolicæ Sedis, præterquam in articulo mortis reservatæ.

Quætes, in puellæ volenti se occidere, quo infamiam vitet, liceat abortum consilire. Sappositur nihil non tentatum esse, ut terale hoc consilium abnegetur; adeo ut puella, & se, & fœtum suum certo extinctura sit.

Fontenay, &c. Moral. Tom. III.

FF

R. Id

Conc. Illiber.  
ann. 305.  
Can. 62.

August.  
Enchir. 86.

R. Id posse fieri aliquo sensu, sicut volenti occidere duos, suadere licet; ut unum dumtaxat necet. Neque est id impellere ad malum, sed parata ad duo mala retrahere ab uno.

CONCLUSIO II. Quando fœtus est, aut esse putatur animatus, imo cum de hoc dubitatur, non licet matri etiam si alioquin verteretur in certo mortis periculo, præbere medicinam de se tendentem ad occisionem fœtus.

Prob. 1. quia hoc esset directe cooperari ad occisionem innocentis, quod per se malum est. 2. quia ex S. Ambrosii sententia, quæ refertur c. 10. xiv. q. 5. *Si non potest subveniri alteri, nisi alter lædatur, commodius est neutrum juvari, quam gravari alterum.* 4. quia inde futurum est, ut infans spirituales, & corporalem vitam perdat; vel saltem dubium est, an non tali periculo exponatur: atqui non licet periculo tanto quemplam exponere: ergo.

Obj. 1. Fœtus, quamdiu est in utero, se habet ut pars matris: atqui licet partem abscindere in gratiam totius: ergo.

R. Neg. maj. Fœtus enim involvit suppositum a matris supposito penitus distinctum: ergo nonnisi abusive dici potest pars matris.

Obj. 2. Fœtus respici potest, ut aggressor vitæ matris, non secus ac pravi humores: ergo, sicut istos ejicere licet, sic & istum licebit.

R. Fœtum, nonnisi ridicule spectari posse ut aggressorem maternæ vitæ, eumque toto cælo differre ab humoribus noxiis, qui sunt pars plus, quam superflua, cum fœtus sit homo, vel hominis inchoatio. Et certe plus nocere solet fœtus jam grandis, adeoque animatus, quam sub initio formationis suæ, & tamen vix quisquam dicere ausit, animati fœtus expulsionem directe intendi posse. Præterea ex adversariorum principii colligi potest, eum, qui ex abundantia corrupti seminis incurrit vitæ periculum, posse semen illud per pollutionem directe intentam expellere; quod a sanis quibuscumque Theologis rejicitur, demptis iis, quos bene, vel male citat Amadeus, Guimenius pag. 22. edit. 1665. se ergo habet proles in utero ad vitam matris, sicut se habent pueri forte sedentes in via, per quam eques laxatis habenis fugit adversarium, qui eum ad mortem infequitur. Sicut ergo licet fugienti contere eos pueros, quamvis aliter propriæ saluti consulere nequeat, ita nec matri periclitanti, nec medico fœtum animatum interficere licet. Ita Habertus.

Sed licetne, si fœtus nondum sit animatus, præbere matri alioqui certo perituræ, medicinam, quæ ex natura sua ad abortum tendat?

Divisi sunt hoc in puncto Casuistæ. Alii hoc licitum esse putant, & pro hac opinione stat S. Antoninus 3. p. tit. 1. c. 7. *Si puerperium*, ait S. Doctor, *nondum est animatum anima rationali, posset tunc & deberet dari talem medicinam; quia licet impediret animationem talis fœtus, non tamen esset causa mortis alicujus hominis: & hoc bonum sequitur, quia lib erat matrem a morte.* Idem cum aliis pluribus sentiunt Habert & Tom. 7. p. 749. & 750. quia, inquit, fœtus nondum animatus in extremo matris periculo est veluti humor insectus, & inficiens, ex quo fructus sperari non potest.

Hanc tamen opinionem ut parum tutam, & periculosam rejiciunt alii Theologi complures, ut Sylvius 2. 2. q. 64. art. 7. Comitulus L. 4. q. 13. n. 3. Delogo disp. 10. sect. 5. Cabassut. L. 5. c. 20. n. 8. theoriæ, & praxis; Pontas v. *Avertement*, cas. 2. 1 quia non magis licet mulieri abortum sibi procurare ad vitandum mortis periculum, quæ ipsi ab intrinseco impendet, quam eidem liceat impedire conceptionem ad vitandum idem periculum,

culum, quod experta est sibi imminere ex partu, aut eidem ex derelictione criminis imminet, si concipiat, & foetus in lucem prodeat: atqui non potest mulier in secundo casu conceptionem impedire, &c. ergo nec in primo abortum procurare sibi potest.

2. Non sunt facienda mala, ut eveniant bona: sed abortum procurare per se malum est, ut patet ex dictis in prima responsione: ergo nunquam licet abortum foetus etiam inanimati eligere, ut medium ad mulieris incolumitatem.

3. Non potest etiam ad vitæ conservationem intendi aut procurari pollutio ope pharmaci, aut ciborum, ex quibus futura putetur: atqui abortus procuratio majorem habet mali speciem, quam pollutio; hæc enim unum semen, illa duo destruit; hæc peccat in mediis, illa peccat in ipso fine; nempe in foetu, qui finis est seminis: ita Comitulus & Cabusfatus: ergo multo tutius est, ac proinde necessarium, ut mulier se totam divinæ committat Providentiæ, quam ut foetus etiam inanimati perniciem intendat.

Quid ergo, inquires, quid præcise in tota abortus materia fieri potest? Ut periculosa huic questioni faciam satis, ne voculam quidem a memorio loquar, sed Theologos, eoque seniores sequar e vestigio. Itaque ut pedetentim procedam, & omnia paucis complectar,

R. 1. Nihil unquam sumere licet, aut dare ex intentione abortus procurandi, etiam si agatur de servanda, non dico, fama, sed etiam vita matris. Et id locum habet, tametsi foetus necdum anima donatus sit. Sequitur ex dictis.

R. 2. Cum mater vexatur morbo, quo minime verisimile est illam extinctum iri, prolem vero perdendam, si aut venam incidat, aut sumat certum aliquod medicamentum, remedia hæc tentare nefas fuerit. Ratio est, quia mulier pluris animam foetus, imo procreationem hominis inchoatam æstimare debet, quam propriam valetudinem. Ita ad verbum Comitulus; ibid. n. 8. quin si dubium duntaxat fuerit, an ex portione perdenda sit proles, potionem, censeo, prorsus esse repudiandam; quia ratio præcedens etiam pro casu dubii militat.

R. 3. Si prudenter judicent medici matrem certo morituram esse, nisi utatur medicamento, quod inducat periculum abortus, potest medicamentum, hoc dari & recipi, si foetus necdum sit animatus, modo remedium de se sit salutare, & ad abortum non tendat, nec proinde alio detur inritu quam matris innocenter sublevandæ. Ita communiter Theologi, ita Comitulus, n. 6. Sylvius, Habert, *Moralis Gratianopolitana* ad 5. Decalogi præceptum. Tom. mihi 7. n. 58. Ratio est 1. quod tunc abortus neque ex intentione operantis, neque ex intentione operis sequatur ex medicina. 2. quia pati potest homo quasdam incisiones, etsi periculum sit, ne propter eas pereat, irrepente v. g. gangrena, aut aliquo simili. 3. quia tunc consultur vitæ matris, cum lucro foetus, qui pereunte matre peribit certo, eadem vero liberata forte liberabitur & foetus.

R. 4. idem dicendum esse, etiamsi foetus sit animatus, modo, certo constet, & matrem aliqui morituram esse, & foetum sine baptismo extinctum iri. Ita Habert T. 7. p. 748. *Moralis Gratianopolit.* ibid. Collat. Paris. Tom. 1. p. 381. & fuse Comitulus ubi supra n. 6. nisi plus dicit. Ratio est 1. quia desperata salute temporali matris, & æterna, ut supponimus, salute infantis, nihil melius fieri potest, quam si uterque juvetur eo meliori modo, quo licet: atqui tunc proles non potest melius juvari, quam si juvetur mater; neque hæc melius potest juvari, quam medicamine de se salutare, ex quo

quidem forte sequetur abortus, sed forte etiam sequetur sanitas matris sine abortu. 2. quia nunquam licet se ipsum interficere: atqui se interficere videtur ea, quæ medicinam de se propulsivam morbi & mortis sumere renuit. Quid enim interest, aut vitam ferro sibi exhaurire, aut recusato alimento, vel medicamine ad conservandam vitam instituto? Recusat, inquit, 1. sinoccat proli. Sumit, inquam ego, ut servet prolem, cujus vitam vitæ suæ alligata est; & quæ extingui quidem poterit ex medicina, sicut ex eadem extingui poterit mater, sed contra agentis intentionem, & actu, quem supponimus de se ad abortum non ordinari. 3. ait Comitolus n. 7. mulier gravida cum sibi a fame mors certa impendat, non solum potest, sed etiam debet oblatum cibum sumere, quamvis cibis ille exitio futurus esset foetui: ergo a pari idem de medicamento dicendum videtur. Rationi huic non immorabor, quia bene ponderata, plus videtur probare, quam probare velim. Interim impossibilis videtur casus, in quo mulier nullo vesi possit alimento, sine certo prolis interitu.

R. 4. Si spes sit extincta matre proditurum esse infantem & baptizandum non licet curare matrem cum vero prolis periculo. Ratio est, quia *temporalem vitam suam, pro æterna vita proximi non dubitabit Christianus amittere*, prout ex Sancto Angustino docuimus, ubi de Charitate, pag. 280. Aliud esset 1. si medicina habeat seindifferenter ad abortum, id est neque promovendo, neque impediendo. 2. si æquale sit periculum abortus, siue medicinam sumatur, siue non; tunc enim sine majori foetus periculo consulitur vitæ matris.

Quæres 1. quo tempore foetus anima donetur.

R. Fatentur doctiores quique Philosophi, corpus non ante humanæ mentis hospitium esse, quam præcipua ejusdem mentis sedes fuerit absoluta; quia nimirum tota corporis, & animi communio, consistit in mutua utriusque partis in se invicem efficientia: hæc autem non prius esse potest, quam absoluta fuerit mortis humanæ sedes. Jam vero cum mentis sedes præcipue sit in ea cerebri parte, cui respondent omnes nervi, & ad quam feruntur spiritus animales; ad definiendum, quo præcise tempore anima corpori uniatur, definiendum esset, etiam quo tempore perficiatur cerebri constructio: Id autem non minus arduum est dicto, quam periculosum: hinc multæ ea de re opiniones. Visum est Aristoteli, mares circa quadragesimum fere a conceptione diem in latere sinistro matris moveri, foeminas circa nonagesimum; quamquam nihil in his certi affirmare ausit Philosophus. Hippocrates corpus maris die 32. foeminæ vero die 42. conformatum esse scribit. Aug. L. 83. qq. q. 56. membrorum omnium, seu maris sint aut foeminæ, fabricam die 45. perfectam esse contendit. Theologi serme cuncti adhærentes Glossæ, corpus maris die 40. foeminæ autem die 80. absolvi & anima informari volunt. Quidam tamen incertum proferunt esse docent, quo tempore corpori uniatur anima; nec Medicis etiam peritioribus fidem hac in parte haberi volunt: hi enim si errant in multis gravius cœcutire debent circa conjunctionem hanc, quæ a solitis naturæ legibus non pendet. Ut ut est, si quando agitur de irregularitatibus, adhærendum est Glossæ & Theologis, a quibus non recedit Ecclesia, cum poenas decernit, & quos hoc in puncto sequitur sacra Pœnitentia, ut ex Navarro tradit Sylvius 2. 2. q. 64. art. 7. p. 419. in fine.

Si concepti foetus indicium quæras, hoc dabit Hippocrates apud Comitolum ibid. *Mulieri dormitura incœnata, mulsam aquam frigidam præbetor, si veneris tormina passa fuerit, concepit, sin minus, non concepit.*

Quæ-

Quæres 2. quibus subiaceant pœnis, qui animati fœtus ejectionem procurant; & qui procurare eam censendi sint.

R. ad 1. pœnas eas ample contineri in Bulla 87. Sixti V. dignissima, quæ legatur. Ibi abortum quemcumque inanimati etiam fœtus procurantes, ita ut abortus reipsa inde secutus fuerit. 1. pœnas omnes, adversus eos, qui homicidium voluntarium actu, & reipsa patraverint infligat eo ipso incurrunt. 2. si Clerici fuerint, omni privilegio Clericali, officiis, dignitatibus, & Beneficiis Ecclesiasticis ipso facto privantur, & in futurum inhabiles ad ea suscipienda decernuntur: 3. ad sacros Ordines promoveri, aut in susceptis Ordinibus ministrare nullo modo possunt. 4. qui Clerici non fuerint, pœnam etiam irregularitatem contrahunt. 5. extenduntur eadem pœnæ ad eos, qui sterilitatis potiones ac venena potionibus propinnaverint, & quominus fœtum concipiant, impedimentum præstiterint: sive quocumque modo in his consuluerint; ac mulieres ipsas, quæ eadem pocula sponte ac scienter sumperint. 6. excommunicatio ob abortum contracta, soli reservatur Romano Pontifici, præterquam in articulo mortis. 7. & ei quoque reservatur dispensatio irregularitatis contractæ a Clericis, qui huiusmodi delicta perpetraverint, etiam si crimen eorum occultum fuerit.

Sed hic duo notanda. 1. privationem Beneficiorum a Sixto V. decretam, non habere locum nisi post sententiam Judicis, nisi procuratio abortus sit simul parricidium. Confer, quæ dicta sunt Tractat. de Legibus capit. 5. artic. 2. section. 1. & Tractat. de Beneficiis capit. 4. 2. prædictam Sixti V. decretalem a successore ejus Gregorio XIV. temperatam fuisse octava ejusdem Bulla, quæ incipit: *Sedes*. 1. quatenus, qui abortum procurare, a peccato; & excommunicatione propter illud contracta, absolvi possunt a quolibet Confessario tam seculari, quam regulari ad Christi fidelium confessiones audiendas, & ad hoc casus specialiter per loci Ordinarium deputato. Ex quibus Gregorii XIV. verbis colligit Sylvius, merito dubitari posse, an qui generalem habet potestatem absolvendi a casibus, & censuris Episcopo reservatis, possit ab hoc casu absolvere; & verius videtur, quod non, ait Sylvius, cum Pontifex requirat ut Confessarius sit specialiter deputatus ad hos casus, de quibus loquitur. Consulenda sunt iniusculijusque Dicecesis statuta, & consuetudo: ita ut si cui detur illimitata a censuris reservatis absolvendi facultas, is ea in præsentem etiam casu uti non vereatur; modo tamen, ait Henno, hæc facultas ab Ordinario concessa fuerit; cum Ordinarii licentiam requirat Gregorius. Unde hic non sufficeret deputatio Provincialis, nisi respectu suorum; quia erga istos, non erga sæculares est Ordinarius.

2. Limitata est eadem Sixti V. constitutio, & ad terminos juris communis redacta, quoad eos, qui fœtus inanimati abortum procurant, aut mulieribus sterilitatis venena ministrant, aut qui consilium vel auxilium ad hoc præbent: unde ii hodie non subjacent excommunicationi. Nec etiam judicandus est irregularis, nisi qui jam formato puerperio seu fœtu abortum procurat, ait S. Thomas in 4. dist. 31. Quod si dubitatur utrum ex percussione vel rei sumptione secutus fuerit abortus, vel alia ex causa, vel utrum puerperium esset formatum, vel non, si probabiliter dubitat, debet a promotione, & ministerio abstinere, ne periculo se committat. Verba sunt S. Antonini 3. p. tit. 28. c. 2. apud Pontas. V. Irregularitate, cas. 53.

R. ad 2. prædictas pœnas incurri ab iis, 1. qui abortum directe intendunt, eive cooperantur, seu percussione, venenis, medicamentis, potionibus,

meritis laboribusque mulieri prægnanti impostis; seu opem, consilium, favorem scienter dando, ac etiam scribendo litteras, vel alia, verbis, aut signis juvando vel consulendo. Ita Sixtus V. cujus Bullæ nihil in hac parte derogatum est a Gregorio XIV. 2. & ab eis, qui abortum volunt interpretative solum, ut si quis prægnantem foeminam acrius verberet; si mulier gravida saltem immoderate; si experta se abortum facere, quando ferri onus grave, illud tamen portandum suscipit; nisi hoc inadvertenter faciat; & tunc, ait Sylvius, quamvis incogitantia ejus possit non vacare a mortali, videtur non incurere excommunicationem. Uterius progreditur Henno, & inquit abortum quemvis, si fiat præter intentionem, & ex industria quæsitus non sit, excusari a censura, quam proinde, inquit, non incureret mulierem ex mero odio aut cholera graviter percussam; aut Medicus ignorans dans potionem sanitatis causa, licet, ut ait supra, ignorantia sit vincibilis, modo non sit crassa, supina, aut affectata. Iis tamen, qui in his, aut similibus casibus versabuntur, semper auctor ero, ut ad minus ad cautelam absolvi curent a censura, & dispensari ab irregularitate: est enim ea pars longe tutior; præsertim cum abortus, de quo loquimur, veri homicidii rationem habeat, & homicidio etiam casuali mixto annexa sit irregularitas.

## SECTIO SECUNDA.

*An occidit licet invasorem vitæ, bonorum, &c.*

**D**icemus 1. de iniquo invasore vitæ. 2. de invasore boni, honoris, &c.

### PUNCTUM PRIMUM.

*An iniquum vitæ invasorem occidere liceat.*

**N**ot. 1. quæstio procedit de invasore seu aggressore actuali: facis enim convenit, quod ante vel post moralem actum aggressionis non liceat quempiam occidere; quia defensione opus non est, ubi non est aggressio, nec aliter vi uti licet, quam ad vim repellendam. Hinc ex communi sententia non licet occidere aut percutere eum, qui postquam aggressus est, fugæ se dedit, quive accepto vulnere, jam nocere non potest. Eadem de causa non licet prævenire eum, qui te ad occidendum quærit, quia non est aggressor: aggressor tamen censetur, non modo, qui ad feriendum accedit, sed qui jam in præsentia parat se ad actu invadendum: aut qui solvit efferrum animal, a quo vorandus sim.

Not. 2. Non agitur hic nisi de injusto aggressore: neque enim carnifices aut lictores a reo licite occidi possunt; alioqui daretur bellum ex utraque parte justum. Pari de causa, si propter enorme scelus permisisset Respublica, ut quisquis occurreret Titio eundem occideret, posset is quidem fugere, non autem leviori etiam injuria se tueri.

Not. 3. Agitur de invasore, a quo quis occidendus est, si non occidat: qui enim fugiendo vitam tuam tueri potest, fugere tenetur. Excusant quidem aliqui cum Navarro, duces, & viros nobiles, quibus ita juvant, ignominiosa est fuga: sed absit ut ignominiosum existimet Christianus, quod judi-



judice Deo magnum est, & nobile. Unde S. Antoninus ubi infra: *Si quis, ait, ne reputetur pusillanimis, vult resistere. non excusaretur ab homicidii crimine.*

Nor. 4. eos, qui occidere licitum esse putant, quasdam exigere conditiones, quarum prima, quæ ab iis omnibus admittitur, est ut occisio fiat cum moderamine inculpatæ tutelæ. Est autem moderamen illud observatio modi debiri; adeo ut homo id tantum faciat, quod ad sui defensionem necessarium est: unde moderamen hoc non observat, qui ad fumendam vindictam, non ad propulsandam injuriam alium occidit; item qui eum interficit, quem ab occisione sui cohibere posset, solum vulnerando, aut mutilando; qui mutilat, cum satis esset percutere; qui percutit, cum sufficeret minari, clamare, fugam arripere. Quapropter ex istis Auctoribus multi docent mulierem, quæ in lecto sub pulvinari pugionem invenit, eo contra maritum uti non posse, sive clamare, & opem implorare possit, sive non possit; quia mariti animus mille viis mutari potest, & aliunde non licet inimicum prævenire, ut supra dictum est. Existimant tamen alii maritum in hac hypotesi esse morali modo invasorem, dum de mala ejus intentione constat, & uxor aliter evadere nequit. Ego quidem facile crediderim cum Soto, nonnisi ex circumstantiis judicari posse, an in hujusmodi casibus sit præventio, an necessaria sui defensio: unde in his caute procedendum.

Secunda conditio est ut actio iniqui invasoris sit vera per vim aggressio. Hinc colligere est neutiquam licitum esse occidere iniquum Judicem, aut falsos testes, qui vitæ suæ insidiantur. 1. quia hic non occurrit vis illata, sed solum calumnia, quæ proinde Juris ordine non violentia propulsi debet. 2. quia aliqui aperiretur via homicidio; facile enim sibi persuaderent homines se inique accusari, mortem nonnisi accusatorum, & Judicum morte vitare posse. 3. quia hæc inimici machinatio nimis est remora a morte. 4. quia damnata est ab Alexandro VII. propositio ista n. 18. *Licet interficere falsum accusatorem, falsos testes, ac etiam Judicem, a quo iniqua certo imminet sententia, si alia via non potest innocens damnum evitare.*

Tertia conditio, quam requirit Angelus Scholæ, & post eum alii complures, hæc est, ut qui injustum aggressorem occidit, non ejus mortem, sed sui tantum defensionem intendant. Sed haud satis scio, an qui plumbæ glandem nonnisi in caput inimici sui explodere potest, possit mortem ejus non intendere; atque, ut notat Decoq: facile ab adversario præveniretur, & occumberet, qui diutius ratiocinaretur, & expenderet, an hic vel ibi possit eum ferire, ut mortem ejus non ut medium intendant, sed ut defensionis effectum permittat.

Nor. 5. Duplex est de proposita questione Theologorum, & ut opinari quis possit, Ecclesiæ Patrum sententia. Alii putant licitum non esse injustum invasorem occidere, quocumque moderamine id fiat. Ira inter alios Accursius, Ricardus & S. Victor, & alii quidam apud Norisum in Vindiciis Aug. item & Leonardus Van-Roy cap. 6. q. 9. Alii vero longe plures numero, & ex iis etiam, qui a laxioribus opiniunculis abhorrent, credunt id licitum esse, si fiat cum conditionibus mox assignatis. Ita Estius in 3. Sent. dist. 37. Sylvius pag. 427. Decoq, Boudart, Pontas. V. Tuer, cas. 1. Auctor Moralis Gratianop. licet timide, Natal. Alexander in 5. Decalog. Præcept. & alii prope innumeri. Utriusque opinionis momenta proponemus, ita ut tamen facile percipiat, quam in partem propendamus.

*Momenta eorum, qui putant, eum peccare contra ebaritatem, qui injustum aggressorem occidit.*

Primum desumitur ex S. Augustino, qui Lib. 1. de lib. arb. cap. 5. sic loquitur : *Quomodo apud divinam providentiam liberi sunt, qui pro his rebus, quas contemni oportet, humana cæde polluti sunt? atqui ibi S. Doctor inter res contemnendas eas ponit, quas inviti amittere possumus, cuiusmodi est vita, libertas, pudicitia : ergo censet S. Doctor nequidem ad propriæ vitæ defensionem occidi quempiam posse.*

Idem S. Pater consultus a Publicola viro illustri, sic scribit Epist. 27. alias 154. *De occidendis hominibus, ne ab aliis quisquam occidatur, non mihi placet consilium, nisi forte sit miles, aut publica sanctione teneatur, nec pro se hoc facere, sed pro aliis vel pro civitate, ubi etiam ipse est, accepta legitima procuratione, si ejus congruat persona.*

Secundum desumitur ex S. Cypriano Epist. 57. juxta quem occidere innocentibus nec nocentem licet, & Epist. 56. *Christianis occidere non licet injustos vitæ ipsorum ereptores, sed occidi necessum est.*

Tertium ex S. Ambrosio lib. 3. de Offic. c. 4. ubi dicit sibi non videri, quod vir Christianus, & justus, & sapiens querere sibi vitam aliena morte possit aut debeat, utpote, qui etiam in latronem armatum incidat, ferientem referre non possit, ne dum salutem defendit, pietatem contamine. De quo in Evangelii libris aperta, & evidens sententia est : *Reconde gladium tuum, &c. Quis latro detestabilior, quam persecutor, qui venerat ut Christum occideret? Sed noluit se Christus persecutorum defendi vulnere, qui valuit suo vulnere sanare.*

In eundem sensum omisiss aliis scribit S. Bernardus Tract. 1. de nova militia. *Est, inquit, qui nec ulciscendi zelo, nec vindicandi typis, sed tantum evadendi remedio, interficit hominem; sed nec hanc quidem bonam dixerim victoriam, cum de duobus malis, in corpore, quam in anima mori levius sit. Et eandem prosequens materiam caput sequens sic inchoat : Quis igitur finis vel fructus secularis hujus non dico militiæ, sed malitiæ si & occisor lethaliter peccat, & occisus æternaliter perit?*

Quartum petitur ex Nicolao Papa Can. 6. dist. 50. ubi sic respondet S. Pontifex : *Pro quibus consulisti, scilicet, qui se defendendo paganum occiderunt, si postea per penitentiam emendari possint ad gradum pristinum redire, aut ad altiorum conscendere, scito nos nullam occasionem dare, nec ullam tribuere eis licentiam quemlibet hominem quolibet modo occidendi.*

Confirm. quia ipsi etiam adversarii farentur in Apologia Casuistarum, homicidium ad propriæ etiam vitæ tuitionem non solum a recentioribus multis improbari, sed etiam a multis Patribus, & nominatim a Cypriano, Lactantio, & Cyrillo.

Quintum desumitur ex variis rationibus, quarum hæc est prima. Nemini licet alium occidere privata auctoritate; est enim hæc occisio intrinsece mala : sed qui ut vitam tueatur occidit, occidit auctoritate privata; non enim occidit vel regia, vel divina; cum ex nullibi permittant, ut quis injustum invasorem occidat : ergo.

Secunda ex S. August. Lib. de mendacio c. 6. ubi sic : *Temporalem plane vitam suam pro æterna vita proximi non dubitabis Christianus amittere : ergo cum invadens, si occidatur, damnandus sit, per propriam vitam ei consulendum est. Ratio ulterior est, quia tunc est in extrema necessitate spiritali.*

Ter-

Tertia. Si occisio inuasoris licita foret, invasus ad eam obligaretur: falsum consequens: ergo & antecedens. Minor patet. Prob. maj. Tenetur unusquisque medium licitum, & quod in sua potestate habet non omittere, cum agitur de servanda vita; alioqui jam homicida foret: atqui occisio alterius medium esset licitum ex hypothesis: ergo.

*Momenta alterius opinionis.*

Esti gravia sint eorum momenta, qui negant hominem vitæ suæ per alienæ vitæ dispendium consulere posse, non desunt tamen viri graves, qui contrariam sententiam uti communissimam, ita longe probabiliorē existimant. Imo Salonus primam opinionem dicit forsan esse temerariam, ut quæ & multis textibus, & communi omnium fere Doctorum placito repugnet. Et Navarrus expendens S. Thomæ verba, quibus vetat S. Doctor, ne dum quis se defendit, invadentis occisionem intendat, dicit hanc S. Doctoris limitationem novam esse, & novationes, quæ parte fieri potest esse fugiendas. Nequid autem labori nostro desit, præcipua hujus opinionis momenta proferemus, ut cognita causa in alterutram partem promptius mens se determinare possit; & quidem disseremus ex mente D. Thomæ, quem sequitur nobilior Theologorum pars. Itaque secunda hæc opinio

Flor. De-  
seq. p. 69.

Prob. 1. ex cap. 22. Exodi v. 2. *Si effringens fur domum, sive effodiens fuerit inventus, & accepto vulnere mortuus fuerit, percussor non erit reus sanguinis: quod si orto sole hoc fecerit, homicidium perpetravit.* In quem locum sic scribit Augustinus quæst. 24. in Exodum: *Intelligitur ergo tunc non pertinere ad homicidium si fur nocturnus occidatur; si autem diurnus, pertinere.* Hoc est enim quod ait: *Si orietur super eum sol; poterat quippe discerni, quod ad furandum, non ad occidendum venerit.* Hoc, & in Legibus antiquis secularibus, quibus tamen ista est antiquior, invenitur, impune occidi nocturnum furem quoquo modo, diurnum autem si se telo defenderit: jam enim plus est quam fur: Ergo licet occidere furem sive nocturnum, quia nescitur an animo veniat occidendi; sive diurnum, quando constat eum non ad furandum modo, sed ad occidendum venire.

Respondent 1. per citata Legis verba hominem immunem fieri non a peccato, sed a pœna judiciali, ut aliqui docent de libello repudiij. 2. quod Judæis licitum fuisset, non fore continuo licitum Christianis, quibus nova Christus, eaque astrictiora mandata imposuit.

Refelluntur 1. quia S. Augustinus verbis supra citatis textum hunc intelligit de foro conscientię. Hoc enim forum spectabat S. Doctor, non secularē, de quo nulla lis moveri potest.

2. Quia caput 3. *De homicidio*, utrumque, & Exodi, & Augustini textum adducit, & confirmat: atqui Jus Canonicum de foro conscientię loquitur; cum corrigere soleat Leges civiles, quæ illiciti quidpiam permittunt: sic enim malæ fidei præscriptionem Jure civili permissam, sic uxoris in adulterio deprehensæ occisionem eodem jure toleratam proscripsit: ergo in prædicto capite agitur de occisione coram Deo inculcata; atque id patet ex ipso capitis ejusdem titulo: *Non occiditur fur diurnus sine culpa: nocturnus autem sic.*

3. Idem confirmabitur ex mox citandis Romanorum Pontificum auctoritatibus.

Prob. 2. ex variis Patribus. 1. quidem ex S. Cyrillo lib. 1. in Joannem cap. 35. *Undenam, inquit, Petrus gladium habuit?* Deinde respondet: *Quia secundum.*

secundum Legem gladio se defendere licebat, idcirco quoque gladium ferre licebat, & supra: Nam si vi multitudinis inuitus ad necem arberetur Christus, omni modo fortassis debuissent illum discipuli defendere.

2. ex S. Ambrosio Lib. 1. de Officiis cap. 36. Neque in inferenda, sed in depellenda injuria lex virtutis est: qui enim non repellit a socio injuriam; si potest, tam est in vitio, quam ille qui facit: unde Moser cum vidisset Hebræum ab Aegypto injuriam accipientem, defendit, itaut Aegyptium sterneret.

3. ex S. Augustino, qui Epist. 153. alias 54. hæc habet: Cum homo ab homine occiditur, multum distat utrum fiat nocendi cupiditate . . . sicut fit ab iniurico, sicut a latrone; an ulciscendi, vel obediendi ordine, sicut a Judice, sicut a carnifice; an evadendi, vel subveniendi necessitate, sicut interimitur latro a viatore, hostis a milite. Hic S. Doctor necessitatem viatoris, qui ne occidatur occidit, comparat cum necessitate militis, qui hostem Reipublicæ extinguit; atqui miles hostem perimens, indubie vacat a culpa: ergo & qui occidit, ne occidatur. Vide Estium in 3. Sent. dist. 37. §. 21.

Prob. 3. ex variis Romanorum Pontificum decisionibus. Et quidem sententiam hanc expresse tradit Innocentius III. cap. 2. De homicidio voluntario. Consultus enim ille Pontifex circa Canonicum Regularem, qui furem Eucharistiam cum ornamentis asportantem fossorio arrepto percusserrat, vult eum ut homicidium haberi, etiamsi dubium maneat num fur ex istu sibi per Canonicum hunc inflicto interierit, an vero ex vulneribus, quæ a populo irruente acceperat. Deinde sic pergit: *Quamvis vim vi repellere omnes Leges, & omnia jura permittant, quia tamen id fieri debet cum moderamine inculpate tutele, non ad sumendam vindictam, sed ad injuriam propulsandam, non videtur idem Sacerdos a peccato homicidii penitus excusari.* Nempe, quia usus erat instrumento gravem inferente plagam, & in capite, ut insinuat ibidem, prædictum furem læserat, quem satis erat apprehendi.

Lib. 5. tit. 38.

2. Idem tradit Alexander III. cap. 3. De sententia excommunicationis. Si vero, inquit, Clericum vim sibi inferentem, vi quis repellat, vel ladat, non debet propter hoc ad Apostolicam Sedem transmitti, si in continenti vim vi repellat, cum vim vi repellere omnes Leges omniaque jura permittant.

3. Idem docet Concilium Viennense sub Clemente V. & refertur Clementica de homic. his Verbis: *Si furiosus, aut infans, seu dormiens hominem mutilat, vel occidat, nullam ex hoc irregularitatem incurrit: Et idem de illo confessus, qui mortem aliter vitare non valens, suum occidit vel mutilat invasorem.*

Unde sic: Illud censeri non debet charitati contrarium, & prohibitum lege divina, quod Leges omnes, omniaque jura permittunt; quod tuto fieri potest, modo non fiat ad sumendam vindictam; quod his non subjacet poenis, quibus subjacet homicidium quodcumque peccaminosum; quod denique comparatur actionibus infantis aut dormientis, quæ prorsus a culpa vacant: atqui tale est ex Jure Canonico homicidium ad sui defensionem perpetratum: ergo.

Prob. 4. ex præcipuis Scholæ Doctoribus. Et quidem sic loquitur S. Thomas 2. 2. q. 64. art. 7. Si aliquis ad defendendam propriam vitam utatur majori violentia, quam oporteat, erit illicitum: si vero moderate violentiam repellat, erit licita defensio; nam secundum jura vim vi repellere licet cum moderamine inculpate tutele. Nec est necessarium ad salutem ut homo actum moderate tutele præmittat ad evitandam occisionem alterius, quia plus tenetur homo sue

*sua vite providere, quam vite aliena.* Quibus posterioribus verbis plane excluditur eorum responsio, qui dicant B. Thomam loqui intra terminos Juris naturalis, non vero spectare charitatis ordinem; nam omisso illius, quod est contra charitatis ordinem, est ad salutem necessaria, cum præcipue agitur de homicidio: atqui occisionis alterius omisso non est ad salutem necessaria ex Doctore Angelico: ergo.

2. S. Antoninus p. 2. tit. 7. c. 8. §. 1. fol. mihi 273. *Cum quis occidit alium necessitate ductus inevitabili, quia scilicet invasus ab alio volente occidere, vel graviter vulnerare, se defendendo occidit, servato debito moderamine, cum aliter non possit evadere manus ejus, non est propriis homicida, prout scilicet homicidium dicimus peccatum.* Quod ulterius probat mox adductis S. Thomæ verbis.

3. Doctor Seraphicus (serm. 6. de decem Præceptis, ubi postquam dixit excusari a tanto, non a toto, qui sagere potuisset: sic pergit: *Si autem sit necessitas inevitabilis, ut homo occidat alium hominem, non amore vindictæ, sed amore conservationis vite, & anime...* &c. fiat hoc cum moderamine inculpatæ tutelæ, hoc concessum est personis etiam perfectis, non solum imperfectis. Et hoc probat S. Bonaventura ex S. Augustino. Lib. de liber. arbit. qui tamen nobis objici solet.

Consonat Catechismus Romanus tertia parte cap. 6. n. 7. ubi explicans rædes, quæ quinto Præcepto non continentur, sic ait: *Quæ etiam ratione, si quis salutis sue defendendæ causa, omni adhibita cautione, alterum interimis, hac lege non teneri satis apparet.*

Prob. 5. ratione. 1. quia ex S. Augustino lib. 22. contra Faustum c. 70. *Ille utitur gladio male, qui nulla Superioris, ac legitime potestate, vel jubente, vel concedente, in sanguinem alicujus armatur.* sed qui in hypothese nostra occidit, armatur legum omnium id concedentium potestate. Hic enim conspirant lex naturæ, quæ proximi vitam nostræ postponi suadet; lex divina Exodi 22. lex civilis & Ecclesiastica, uno verbo *leges omnes, & omnia jura:* ergo. 2. quia ut notat Comitulus lib. 4. q. 10. n. 20. p. 457. *Opinio contraria, arma certæ ministrat injustitiæ, cædi bonorum, Rerum publicarum everfioni, tyrannidi vitiorum: tollit item divinæ providentiæ præscriptionem, quæ non patitur ut parricidarum temeritas & improbitas, innocentia dominetur, eamque perimat.*

Si quæras quo pacto posterioris hujus sententiæ defensores, ab auctoritatibus pro prior opinione adductis sese expediant, paucis accipe.

Ad S. Augustinum respondent 1. quod licet in alteram sententiam propenderit in Lib. de lib. arb. inde tamen certo colligi non possit, quæ expressa fuerit ejus sententia; quia Librum hunc scripsit valde adolecens, & in eo multa tradidit inquirendo potius & disputando, quam firmiter asseverando, ut ipse tradit lib. 1. Retractionum cap. 9.

Et vero Augustinum non tam eos damnasse, qui in hypothese præsentii occidunt, quam in iis excusandis laborasse, suadet hæc dubii alicujus verba, *Quomodo inculpati esse queant non video, & rursus: Quo pacto istos defendam, non video.* Quod autem tunc omnino non sciebat Augustinus, hoc deinde didicit, ut patet ex adductis supra ejusdem S. Doctoris textibus, quibus priorem hanc, in quam totus ire videbatur, opinionem emolliovit. Ego quidem, ait Norisius in Vindic. August. §. 11. judico S. Augustinum ex sacris Litteris, quas cum scriberet, Librum primum de libero arbitrio parum se calluisse testatur, postea oppositam sententiam tradidisse. Re-

secundum Legem gladio se defendere licebat, idcirco quoque gladium ferre licebat, & supra: Nam si vi multitudinis inuitus ad necem traheretur Christus, omni modo fortassis debuissent illum discipuli defendere.

2. ex S. Ambrosio Lib. 1. de Officiis cap. 36. Neque in inferenda, sed in depellenda injuria lex virtutis est: qui enim non repellit facio injuriam; si potest, tam est in vicio, quam ille qui facit: unde Moyses cum vidisset Hebræum ab Ægyptio injuriam accipientem, defendit, itaut Ægyptium sterneret.

3. ex S. Augustino, qui Epist. 153. alias 54. hæc habet: Cum homo ab homine occiditur, multum distat: utrum fiat nocendi cupiditate . . . sicut fit ab inimico, sicut a latrone; an ulciscendi, vel obediendi ordine, sicut a Judice, sicut a carnifice; an evadendi, vel subveniendi necessitate, sicut interimitur latro a viatore, hostis a milite. Hic S. Doctor necessitatem viatoris, qui ne occidatur occidit, comparat cum necessitate militis, qui hostem Reipublicæ extinguit: atqui miles hostem perimens, indubie vacat a culpa: ergo & qui occidit, ne occidatur. Vide Estium in 3. Sent. dist. 37. §. 21.

Prob. 3. ex variis Romanorum Pontificum decisionibus. Et quidem sententiam hanc expresse tradit Innocentius III. cap. 2. De homicidio voluntario. Consultus enim ille Pontifex circa Canonicum Regularem, qui furem Eucharistiam cum ornamentis asportantem fossorio arrepto percusserrat, vult cum ut homicidium haberi, etiamsi dubium maneat num fur ex istu sibi per Canonicum hunc insisteret interierit, an vero ex vulnerebus, quæ a populo irruente acceperat. Deinde sic pergit: Quamvis vim vi repellere omnes Leges, & omnia jura permittant, quia tamen id fieri debet cum moderamine inculpatae tutelæ, non ad sumendam vindictam, sed ad injuriam propulsandam, non videtur idem Sacerdos a pena homicidii penitus excusari. Nempe, quia ulus erat instrumento gravem inferente plagam, & in capite, ut insinuat ibidem, prædictum furem læsetat, quem satis erat apprehendi.

lib. 5. tit.  
33.

2. Idem tradit Alexander III. cap. 3. De sententia excommunicationis. Si vero, inquit, Clericum vim sibi inferentem, vi quis repellat, vel lædat, non debet propter hoc ad Apostolicam Sedem transmitti, si in continenti vim vi repellat, cum vim vi repellere omnes Leges omniaque jura permittant.

3. Idem docet Concilium Viennense sub Clemente V. & refertur Clem. unica de homic. his Verbis: Si furiosus, aut infans, seu dormiens hominem mutilat, vel occidat, nullam ex hoc irregularitatem incurrit: Et idem de illo censemus, qui mortem aliter vitare non valens, suum occidit vel mutilat invasorem.

Unde sic: Illud censeri non debet charitati contrarium, & prohibitum lege divina, quod Leges omnes, omniaque jura permittunt; quod ruto fieri potest, modo non fiat ad sumendam vindictam; quod iis non subiacet pœnis, quibus subiacet homicidium quodcumque peccaminosum; quod denique comparatur actionibus infantis aut dormientis, quæ profus a culpa vacant: atqui tale est ex Jure Canonico homicidium ad sui defensionem perpetratum: ergo.

Prob. 4. ex præcipuis Scholæ Doctoribus. Et quidem sic loquitur S. Thomas 2. 2. q. 64. art. 7. Si aliquis ad defendendam propriam vitam utatur majori violentia, quam oporteat, erit illicitum: si vero moderate violentiam repellat, erit licita defensio; nam secundum jura vim vi repellere licet cum moderamine inculpatae tutelæ. Nec est necessarium ad salutem ut homo actum moderate autels præmittat ad evitandam occisionem alterius, quia plus tenetur homo suæ

*sue vite providere, quam vite aliena.* Quibus posterioribus verbis plane excluditur eorum responsio, qui dicunt B. Thomam loqui intra terminos Juris naturalis, non vero spectare charitatis ordinem; nam omisso illius, quod est contra charitatis ordinem, est ad salutem necessaria, cum præcipue agitur de homicidio: atqui occisionis alterius omisso non est ad salutem necessaria ex Doctore Angelico: ergo.

2. S. Antoninus p. 2. tit. 7. c. 8. §. 1. fol. mihi 273. *Cum quis occidit alium necessitate ductus inevitabili, quia scilicet invasus ab alio volente occidere, vel graviter vulnerare, se defendendo occidit, servato debito moderamine, cum aliter non possit evadere manus ejus, non est proprie homicida, prout scilicet homicidium dicimus peccatum.* Quod ulterius probat more adductis S. Thomæ verbis.

3. Doctor Seraphicus serm. 6. de decem Præceptis, ubi postquam dixit excusari a tanto, non a toto, qui fugere potuisset: sic pergit: *Si autem sit necessitas inevitabilis, ut homo occidat alium hominem, non amore vindictæ, sed amore conservationis, vite, & anime...* Et fiat hoc cum moderamine inculpatæ tutelæ, hoc concessum est personis etiam perfectis, non solum imperfectis. Et hoc probat S. Bonaventura ex S. Augustino. Lib. de liber. arbit. qui tamen nobis obijci solet.

Consonat Catechismus Romanus tertia parte cap. 6. n. 7. ubi explicans cædes, quæ quinto Præcepto non continentur, sic ait: *Quæ etiam ratione, si quis salutis suæ defendendæ causa, omni adhibita cautione, alterum interficit, hac lege non teneri satis apparet.*

Prob. 5. ratione. 1. quia ex S. Augustino lib. 22. contra Faustum c. 70. *Ille utitur gladio male, qui nulla Superioris, ac legitima potestate, vel jubente, vel concedente, in sanguinem alicujus armatur.* sed qui in hypothese nostra occidit, armatur legum omnium id concedentium potestate. Hic enim conspiciant lex naturæ, quæ proximi vitam nostræ postponi suadet; lex divina Exodi 22. lex civilis & Ecclesiastica, uno verbo *leges omnes, & omnia jura:* ergo. 2. quia ut notat Comitulus lib. 4. q. 10. n. 20. p. 457. *Opinio contraria, arma certæ ministrat injustitiæ, cædi bonorum, Rerum-publicarum everzioni, tyrannidi vitiorum: tollit item divina providentiæ præscriptionem, quæ non patitur ut parricidiarum temeritas & improbitas, innocentio dominetur, camque perimat.*

Si quæras quo pacto posterioris hujus sententiæ defensores, ab auctoritatibus pro priori opinione adductis sese expediant, paucis accipe.

Ad S. Augustinum respondent 1. quod licet in alteram sententiam propenderit in Lib. de lib. arb. inde tamen certo colligi non possit, quæ expressa fuerit ejus sententia; quia Librum hunc scripsit valde adolecens, & in eo multa tradidit inquirendo potius & disputando, quam firmiter asseverando, ut ipse tradit lib. 1. Retractionum cap. 9.

Et vero Augustinum non tam eos damnassee, qui in hypothese præsentii occidunt, quam in iis excusandis laborasse, suadent hæc dubii alicujus verba, *Quomodo inculpati esse queant non video, & rursus: Quo pacto ipsos defendam, non video.* Quod autem tunc omnino non sciebat Augustinus, hoc deinde didicit, ut patet ex adductis supra ejusdem S. Doctoris textibus, quibus priorem hanc, in quam totus ire videbatur, opinionem emollevit. Ego quidem, ait Norisius in Vindic. August. §. 11. *Judico S. Augustinum ex sacris Litteris, quas cum scriberet, Librum primum de libero arbitrio parum se calluisse testatur, postea oppositam sententiam tradidisse.*

Re-

Respondent alii, Augustinum de iis loqui: qui, ut plerumque contingit, ira, vel odio, aut immoderato vitæ affectu, ac libidine alios a quibus invaduntur, occidunt: raro enim fit, ut qui alterum invadentem ferit, ea utatur mansuetudine, patientia, & charitate, qua inimici sui mortem non quærat, ut aliquod sui bonum, sed ut solam sui defensionem; adeoque vix evenit, ut non excedat iustos moderatæ tutelæ limites. Hanc responsionem cæteris Patribus accommodatam volunt.

Perperam obijcias, Augustinum eodem loqui modo de homicidio pro vita, ac pro pudicitia servanda. Nihil enim obstat quominus verba S. Doctoris intelligantur diversimode pro subjecta materia, quomodo in Decreto Hierosolymitano, aliter fornicatio, aliter suffocata prohiberi intelliguntur, licet unica clausula indistincte prohibeantur. Adde, quod quæcumque occisio immoderate facta, & animo vindictæ, pariter reprobanda sit, sive fiat ad vitæ, seu ad pudicitie conservationem. Primæ solutioni adhærendum est.

Quod spectat ad textum desumptum ex Epistola ad Publicolam, distingo non approbat Augustinus, ut invalore debeat occidi. C. ut possit occidi, subdisti. ut possit, cum invasus aliter sibi consulere potest. C. cum non potest, N. Paret solutio ex duodecima quæstione inter octodecim a Publicola propositas; sic enim interrogaverat Augustinum Publicola: *Si Christianus videat se a Barbaro vel Romano velle interfici, debetne eos ipse Christianus interficere, ne ab illis interficiatur? vel si licet interfensione eos repellere, vel impugnare, quia dictum est non resistere malo?* Ad hanc quæstionem respondet Augustinus, *De occidendis hominibus &c.* Atqui hæc quæstio procedit 1. de debito occidendi, *debetne Christianus eos interficere?* 2. procedit de eo etiam casu in quo invasus salutis suæ aliter, quam occidendo consulere possit: quærit enim Publicola an tales sine interfensione repellere liceat: ergo sine occisione repelli poterant. Porro nec nos dicimus debere eum, qui invaditur, si nec sit miles, nec persona publica, occidere invasorem; neque nobis placet, quod non placebat Augustino, consilium, ut hi invasores occidantur, quia consilium debet esse de meliori bono; melius autem est sui occisionem pati, quam non pati. Neque etiam arbitramur licitum interficere, cum sine interfensione vita servari potest, quia tunc non servarentur moderatæ defensionis limites: ergo textus ille nihil probat, aut certe minus efficax est, quam ii, quos supra duximus pro secunda opinione.

Ad S. Cyprianum. Loquitur S. Doctor de casu persecutionis, quæ, cum inferatur jubente Principe, per vim repelli non potest.

Ad S. Ambrosium. Prima pars textus ex eo adducti est extra rem: in eo siquidem agitur de homine, qui alteri naufrago tabulam eripit; sed qui naufrago tabulam eripit, hominem innocentem occidit: ergo exemplum illud est extra rem.

Quoad exemplum de latrone, verba hæc S. Ambrosii necessario limitanda sunt; ex iis enim sequeretur, si accipiantur rigore, latronem ne feriri quidem posse; aut eum occidi non potuisse, qui in Christum vitæ & mortis dominum irruerat. Itaque dist. non licet latronem ferire ex odio, vindicta, aut extra casum necessitatis, qualis etiam videri potuit casus Christi, C. non licet etiam si sola vitæ propriæ defensionis intendatur. N. Qui enim docet in depellenda alterius injuria, laudem esse virtutis, ille non negavit propriæ vitæ etiam per alterius occisionem consuli posse: atqui S. Ambrosius in textu inter probationes adducto id docet: ergo objectis ejus



eius verbis prohibetur, inquit S. Thomas, *defensio, quæ est cum livore vindictæ*, non ea quæ intra moderationis limites tota consistit.

Inst. Idem S. Doctor Lib. 10. in Lucam, *O Domine*, inquit, *cur emere me jubes gladium, qui ferire me prohibes? Cur habere me præcipis, quem vetas promi?* Unde sic: Eis occidere non licet, quibus ne feriant, prohibet Christus: atqui ex S. Ambrosio &c.

R. Dist. cum Natali Alexandro, quibus prohibet Christus ut malum ne feriant, C, quibus prohibet ut minus perfectum, N. Pergit enim Ambrosius: *Lex tamen referire non vetat, & ideo fortasse Petro duos gladios offerenti, latis est dicis, quasi licuerit usque ad Evangelium; ut sit in Legæ equitatis eruditio, in Evangelio bonitatis perfectio*. Ergo Lex antiqua, etiam dum homicidium ad vitæ propriæ defensionem permittit, lex æquitatis est; Lex vero nova, quæ suadet modo longe urgentiori, ut illud non fiat, lex bonitatis est, idest quod melius est consulens, & quod sanctius; non autem quod absolute necessarium est.

Ad S. Bernardum, R. 1. verba ejus ad vivum refecari non debere: cum ex iis sequeretur, ne quidem milites moderate quempiam occidere posse. Loquitur enim devotus Pater in toto opere de militibus, ad quos proinde verba ejus pro subiecta materia potissimum referri: debent: porro nemo dixerit peccare militem eo præcise, quod hostem occidat; ergo non ex sola occisione, sed aliunde sumi debet occisionis hujus iniquitas. Unde

R. 2. dist. mala est hæc victoria, quia, ut loquitur S. Doctor, sit in bello ubi dumtaxat Christus non est causa militandi, & reportatur ab hominibus, qui dum etiam vindictam non amant, pudendo furore aliis vanitatibus inserviunt, ut addit capite secundo S. Bernardus, C. mala est ratio præcise ipsius occasionis, N. Itaque duplici de causa malæ sunt omnes omnino victoriæ militum, de omnibus enim loquitur Bernardus; cum scilicet muliebri pompa ad mortem properant; vel ei se militiæ adjungunt, quæ non amore Christi, sed levibus plerumque de causis instituitur: tunc enim sive vincant, sive vincere velint & vincantur, homicide sunt. Porro hanc esse Bernardi mentem liquet ex toto capite secundo. Quis ergo, inquit, o milites, hic tam stupendus error... Operitis equos ferreis, depingitis bastas, clipeos & fellas... & cum tanta pompa pudendo furore, & impudens supore ad mortem properatis. Militaria sunt hæc insignia, an muliebria potius ornamenta? & infra: Non sane inter vos aliud bella movet, licetque suscitât, nisi irrationabilis iracundiæ motus, aut inanis gloriæ appetitus, aut terrene qualiscumque possessionis cupiditas. Talibus certe ex causis neque occidere, neque occumbere tutum est. Hætenus S. Bernardus.

Inst. S. Bernardus Lib. de dispensatione & præcepto sic differit: *Mandatum Dei est: Non occides: fac ergo duos homicidas, unum quidem spoliandi cupiditate, alterum se defendendi necessitate facinus perpetrasse: an non hic satis evidenter inter lepram, & lepram causa separat, faciens utique disparem valde culpam unius, ejusdemque transgressionis?* Van. Rey, pag. 130.

Respondetur, S. Bernardum agere de eo, qui ad defendenda fortunæ bona aliquem interimit: is enim recte quoque & communiter pro se pugnare dicitur, qui pro bonis suis pugnat.

Confirm. quia hic antithesim instituit S. Bernardus; ergo cum in primo membro loquatur de eo, qui spoliandi cupiditate homicidium perpetrât, in secundo explicari debet de eo, qui ne spoliatur occidit; ergo locus ille

ille contra nos non pugnat, sed contra eos, qui post S. Antoninum, & Nat. Alexandrum docent fere inculpate occidi posse ab eo, cujus restemporaneas auferri, saltem cum eæ tanti sint momenti, ut sine iis homo statum suum conservare nequeat.

Quod attinet ad argumenta e ratione petita, non videntur hæc gravem moram injicere posse.

Ad 1. negatur deesse sufficientem iniqui vitæ invaloris occidendi potestatem; cum occisionem hanc jura omnia, omnesque leges permittant.

Ad 2. fateor ei, qui in extrema est necessitate ipirituali, succurrendum esse meliori modo, quo fieri potest: at nego, eum, qui aliis vitam eripere vult, in extrema necessitate versari; necessitas enim in qua quis constitutus non est nisi ex libera sua voluntate, & quæ cessabit statim ut eam cessare volet, extrema vocari non potest: atqui talis est necessitas, seu potius conditio illius, qui aliis vitam auferre conatur: ergo.

Confirm. Si quis tibi dicat: *Da mihi centum aureos, aut quidquid habes boni, aliqui me suspendam*: non teneris dare, quod suspendium futurum non ex proprie dicta necessitate oriatur, sed ex alterius malitia, quæ eidem patrocinari non debet: ergo multo minus vitam tuam tradere teneris.

Ad 3. dico falsum esse quod homo teneatur mediis quibuscumque licitis vitam servare; contrarium patet ex iis, quæ diximus supra p. 425. Dicendum igitur cum S. Antonino 3. p. tit. 4. c. 3. fol. mihi 69. quod *nul- lus tenetur ad hoc, quod permittat se occidi; sed majoris perfectionis esset, si potius permitteret se interfici, quam se defendendo occideret. Et hoc, ad- dit S. Doctor, intellige, si est in bona dispositione anime sue: nam alias fatue faceret, exponendo se morti corporis anime. Quæ postrema S. Do- ctoris verba non omnibus placent, ut jam observavimus.*

Quæres an etiam hominem ebrium vel amentem occidere liceat?

Affirmant communiter secundæ opinionis defensores; quia, inquiunt, etsi nec demens, nec ebrius me invadendo formaliter peccat, vim tamen inferunt, quam vi repellere licet. Quia tamen spiritualis necessitas ebrii est adæquate extrema, neque hic & nunc ab eodem auferri potest; solito vehementius pensari vellem jam citatum id Augustini: *Templum plane vitam suam, pro æterna vita proximi non dubitabit Christianus amitte- re*. Consonat id S. Antonini ubi supra: *Si constat quod puer moreretur si- ne baptismo, ubi Sacerdos diverteret ad vitæ suæ defensionem, præli- genda est mors corporalis. Sacerdotis morte spiritali pueri... ubi autem foret dubium probabile de morte vel de vitæ pueri... adhuc credere præ- eligendam mortem Sacerdotis, maxime Parochi.*

Quæres 2. an qui invalori causam dedit irridendo, alapa cædendo, pos- sit, si ab eo invadatur, morte ejus se tueri?

R. Affirmant plures, quia nec alapam passus jus habet alterum occidendi; nec is proinde servandæ vitæ jus amisit. Erit tamen occisor iste obnoxius irregularitati, si prævidere potuerit, se eoredactum iri, ut occidere debeat, ne occidatur, prout dixi in Tractatu de Irregular. par. 2. c. 8. art. 2. dub. 2. quin & hominem hunc non posse se tueri, quia se tuendo, alterius morte ve- re est homicida, docet Comitulus L. 4. q. 10. n. 12. cum Navarro, Toletio, & S. Antonino, in his tamen posterioribus duobus nihil repeti, utique ob edi- tionum diversitatem. Si tamen is, qui primo aggressus est, satisfactionem, offe- rat, videtur causam retractasse, & proinde jam esset necessarius homicida.

Quæres 3. an possit quis, & debeat occidere injustum invasorem, qui alteri vitam eripere conatur, cum isti aliter succurrere non possit.

R. 1. posse. Ita docent communiter, quotquot credunt homini licitum esse vitæ propriæ invasorem interficere; qui enim proximum sicut seipsum diligere debet, eum, cum injuste impugnatur sicut seipsum defendere potest. Atque hoc saltem de parentibus nostris, & familia probat vetus Pœnitentiale, quod citat Morinus ad calcem Operis sui de Pœnitentia, in quo sic habetur: *Si quis se defendendo vel parentes suos, vel familiam suam, occidisset aliquem, ille non erit reus.*

R. 2. Non convenire Theologos, an qui alium defendere potest per alterius mortem, ad hoc necessario faciendum teneatur? Alii affirmant, quia, inquit, in pari damno melior esse debet conditio innocentis, quam aggressoris injusti. Ita Molina, & Bonacina apud Lugo disp. 10. sect. 11.

Alii negant, quia ubi mala sunt paria, & qui ea subire debent, æqualiter proximi locum habent; non potest esse tam gravis obligatio unum interficiendi, ut alter liberetur. Porro tam invasor, quam invasus sunt proximus tuus: ergo non videris tam graviter obligatus ad liberandum unum cum damno alterius. Quod autem dicitur innocentem præferendum esse nocenti, non probat strictam illam obligationem, de qua loquimur. Et vero probabilissimum est, quod multi docent, si duobus, quorum alter justus est, alter impius, quique ambo in fluvio pereunt, opem ferre nequas, impium præjusto eripi posse, propter periculum damnationis æternæ.

Alii demum, quorum opinio veritati magis & naturæ consona videtur, credunt quibuscumque in casibus occidi debere alienæ vitæ invasorem. Ut 1. si illius, qui invaditur vita ad communem bonum necessaria sit. 2. si invasus sit pater tuus, mater filius, conjux, aut aliquis, quem titulo speciali defendere tenearis, & multo plus, si qui impetitur a sicario, sit actu in peccato mortali. At idem credunt alios esse casus, in quibus nec tenearis, nec teneri possis servare alteri vitam per mortem alterius; ut si innocentis invasor esset pater tuus, vel solum filius. Ita Lugo.

Quod si invasus noller defendi, sed animam suam pro inimici anima ponere vellet exemplo Christi; mallem sinere, ut præstantissimæ virtutis actum exerceret, quam invasorem ejus æternæ morti addicere. Haud tamen reus videretur, qui eum etiam tunc defenderet, quia aliud est impedire actum alienæ virtutis, aliud inique agere.

Cæterum, etsi fatentur omnes, quemlibet teneri ad alterius defensionem; juxta illud Prov. 24. *Erue eos, qui ducuntur ad mortem, & qui trahuntur ad infernum liberare ne cesset*; conveniunt tamen neminem perse loquendo ad id teneri cum propriæ vitæ periculo: quia quisque nihil læso charitatis ordine suam alienæ vitæ vitam præferre potest. Et id vel in ipsis Prætoribus locum habet. Si enim etsi privatorum vitam, imo & fortunas tueri debent vigilando, puniendo &c. non tamen defensione manuali, ex qua sibi vitæ ducimen impendat; & ita interpretatur communis hominum sensus.

Si tamen ageretur de vita Principis, alteriusve personæ publicæ, cujus ex morte gravia imminerent Communitati mala, tunc eicam vitæ etiam suæ periculo succurrendum esset; quia æquum est, ut commune bonum privato semper anteponatur.

Quæres 4. quid juris, si invasus non possit se, vel patrem v. g. tueri; nisi periculo innocentis, quo invasor se protegit?

Affir-

Affirmant Lessius Lib. 2. cap. 9. dub. 9. Vvigers, & alii non pauci; posse invasum se tueri cum hujus innocentis periculo: 1. invasus non privatur jure vitam suam defendendi per innocentis interpositionem, ut quæ ipso invito facta sit; 2. quia si innocens læditur, aut etiam occiditur, id fit contra intentionem invasi, qui hoc cogitat unum, ut vitæ suæ provideat; 3. quia, ex communiori opinione, potest qui iuste turrim obsidet, tormentum in eam dirigere, etiamsi hostes hic quosdam innocentes alligaverint: ergo a pari.

Hæc tamen opinio rejicienda est, 1. quia juxta eam liceret claudum; vel infantem in angusta via positum conculcare, cum non aliter vita servari potest; & hoc tamen negant aliqui ex adversariis, & nos negavimus supra; 2. quia etsi jus naturale finit, ut suam quisque vitam servet, at nullibi finit, ut eam cum evidenti innocentis periculo tueatur: ergo, nisi sit spes futurum ut intacto, aut saltem non læso graviter innocente, percuti possit adversarius, præferenda est mors propria iniquæ alterius morti. An autem obsidione urbis directæ, & non per accidens solum impetiri possint innocentes, Galli v. g. Gallorum ictibus ab hoste expositi, aliis definiendum relinquo. Unum addam, non licere privato pro defensione sua, id quod pro totius gentis salute licitum foret.

## PUNCTUM SECUNDUM.

*An liceat occidere ad defensionem boni temporalis, honoris, & pudiciæ:*

**T**riplem difficultatem triplici Conclusionem solvemus. Sit

CONCLUSIO I. Non licet propter bona fortunæ, ea etiam quæ magni sunt momenti, & aliter recuperari non possunt, injustum eorum invasorem occidere.

Dixi propter bona magni etiam momenti. Res enim pretii levioris postponi debere vitæ proximi admonet vel ipsa ratio naturalis. Unde proscrip-  
pta est ab Innocentio XI. irregularis hæc propositio: *Regulariter possum occidere furem pro conservatione unius aurei*. Itaque

Prob. 1. Præceptum illud, *Non occides*, neque in Scriptura, neque in Patrum Decretis, aut Jure Canonico limitatur, cum de fortunæ bonis sermo est; ergo homicidii reus est, qui pro illis bonis hominem occidit.

Prob. 2. Exodi 22. expresse prohibetur ne fur diurnus occidatur; quia, ut notat S. Augustinus, & ex eo caput 3. *De homicidio*. *Poteras discerneret quod ad furandum, non ad occidendum venisset*: ergo eum qui ad furandum dumtaxat, non ad occidendum venit, occidere nullatenus licet.

Prob. 3. ex SS. Patribus, & Romanis Pontificibus. Augustinus Lib. 1. de lib. arb. *Quomodo*, inquit, *apud divinam providentiam liberi erunt, qui pro his rebus, quas coxtemni oportet, humana cæde polluti sunt*? Et id quidem nullibi temperavit S. Doctor, prout id visus est temporasse, quod contra eos dixerat, qui occidunt, ne occidantur.

Gregorius lib. 3. Moral. c. 8. *Plus*, inquit, *ipsis raptoribus debemus metuere, quam rebus irrationalibus defendendis, inhiare*.

Alexander III. c. 10. *De homicidio*. *Expediebat potius post tunicam relin-  
quere pallium, & verum sustinere jacuram, quam pro servandis milibus &  
transitoriis rebus eam acriter in alios latrones exardescere*. Hæc autem licet oc-  
casione Clerici homicidæ dicta sint, probant pro quocumque etiam læcu-  
lari.

vari. Et vero an non exigit amor ordinis, ut æternam proximi salutem bonis, quæ nobis absolute necessaria non sunt, anteponamus?

Prob. 4. ratione. Non licet præferre bonum ordinis inferioris; bono ordinis longe superioris, ei præsertim, cujus irreparabilis sit jactura: atqui fortunæ bona sunt ordinis longe inferioris, quam vita, quæ insuper amissa jam reparari nequit: ergo.

Obj. 1. cum Vvigers & aliis: Caput 2. *De homicidio volunt.* ubi sic habetur: *Interfecisti furem, aut latronem, ubi comprehendi poterat absque occasione. Si te, tuæque liberando*, non teneris ad poenitentiam.

R. cum Prosp. Fagnan. in his verbis: *te, & tua liberando*, particulam & non esse sumendam disjunctivæ, sed copulativæ, adeo ut sermo sit de fure, qui bona simul, & vitam invaserat, quem quicquidit, a culpa eximi solet, juxta ea, quæ puncto præcedenti dicta sunt.

Obj. 2. Vim vi repellere, omnes Leges, & Jura permittunt: sed vim infert, qui bona temporalia eripere vult: ergo.

R. dist. maj. Jura permittunt vim vi repellere per media legitima, C. secus, N. Occisio autem non est medium legitimum cum de solis fortunæ bonis agitur: si enim bona temporalia exponi debeat ad conservandam proximi vitam, a fortiori occidere non licet ad hujusmodi bonorum defensionem. Licet tamen eum, a quo injuste invaduntur, repellere, percutere, imo & pro gravitate rei vulnerare, modo absit occisionis periculum. Ratio est, tum quia impunitatis præsumptio furibus ad diripiendum animos adderet; tum quia res alicujus momenti præferri potest transitorio dolori furis, qui sui tuncionem, & plagas querit ex malitia sua. Hinc S. Hieronymus in c. 1. Sophoniæ: *Si quis, inquit, fortitudinem latronis, & piratæ, & furis diripiat, infirmosque eos reddat, prodest illis sua infirmitas.*

Obj. 3. Bellum iuste infertur pro fortunæ bonis, idque non sine multorum clade: ergo.

R. neg. conseq. Ut enim Princeps eos ex subditis, qui res alienas abstulerunt, legitime interficit, sic & iis, qui sua injuste detinent, legitime bellum infert, quia hanc a Deo potestatem accepit: at ubi privatis permissum est, ut auctoritate propria fures occidant?

Obj. 4. Ex dictis licet pro tuenda vita injustum invasorem occidere: sed vitam moraliter eripit, qui eripit bona, sine quibus vita conservari nequit: ergo.

R. 1. Rarum est, quod fur omnia auferat; 2. si omnia prorsus auferret, ita ut vitam auferre merito censeretur, videtur, quod eo casu occidi possit, non ratione boni temporalis, sed ratione vitæ, quam inique auferre veller. Ita Flor. Decoq.

CONCLUSIO II. Iniquum famæ aut honoris nostri invasorem occidere illicitum est, non solum Clericis, ut multi fatentur, sed etiam sæcularibus, ut quidam male negant.

Prob. 1. Illud absolute illicitum est, quod sine totali ordinis subversione fieri nequit: atqui sine totali ordinis subversione fieri nequit, ut alium quis occidat pro vani honoris jactura. Bonum enim fragile consistens in variatili aliorum opinione, quæ mutatur ut aura, sine summa ordinis subversione præferri non potest temporali, & æternæ alterius salutis: atqui, ergo merito dixit August. L. 5. de Civ. Dei c. 17. *Nec sic pro magno haberi debuit honor humanus, quia nullius ponderis est fumus.*

Prob. 2. Ea opinio admitti non debet, qua posita mundanis hominibus

honoris fclitii amore abreptis via ad strages, & homicidia aperitur: atqui posito semel, quod licitum sit ad defendendum honorem occidere, jam stragi, & homicidio aperietur via. Quis enim mundanis hominibus persuadebit, id, quod ubique in mundo pro honore habetur, honorem reipsa non esse?

Prob. 3. Si violatur honorem morte ulcisci liceret, tunc præcipue, cum vir nobilis alapa cæditur; hoc enim illud est injuriæ genus, quod nonnisi sanguine elui posse dicunt: atqui falsum est, quod, qui alapa cæsus est, injuriam hanc inimici etiam vilis, & plebei morte ulcisci possit. Si enim nemine vidente percussus est, tunc nullam, aut fere nullam honoris jacturam fecit: si vero coram multis percussus fuerit, potest percussorem suum testium ope ad sibi satisfaciendum coram Judicibus adigere, & hac, quæ licita est via, honorem suum recuperare. Et verò, quis sincere Christianus honorem ab eo vere recuperatum credat, qui contra charitatis leges fratrem suum æternæ damnationi objiciat? An quin alium occideris, statim falsum reputabitur id, quod contra te dixit: imo an non potius existimabitur verum esse? Merito itaque propositionem hanc proscriptit Innocentius XI. *Fas est viro honesto occidere in-vasorem, qui nititur calumniam inferre, si aliter hæc ignominia vitari nequit. Idem quoque dicendum, si quis impingat alapam, vel fuisse percutiat, &c. fugiat.*

Sed licetne alapam pro alapa reddere?

R. neg. defensio enim licita quidem est, sed non vindicta: atqui tunc non esset defensio, quæ locum non habet, nisi in actuali aggressione; sed mera vindicta, quæ non conduceret ad servandum honorem, qui jam per injuriam ablatuſ esset, sed dumtaxat ad acquirendum alium apud mundanos honorem, ex falso fortitudinis inhumanæ nomine: ergo. Si tamen, qui jam percussus, percussorem novam tentaret, repercuti posset, in defensionem non honoris, qui sic non recuperatur, sed coporis.

Obj. ex S. Thom. opusc. 9. de decem Præceptis, præc. 8. *Nihil est tam charum homini, sicut fama.* Hinc Eccles. 41. dicitur: *Curam habe de bono nomine:* ergo si ad defensionem vitæ quæpiam occidere liceat, licet id a fortiori ad defensionem honoris, utpote vita ipsa charioris.

R. neg. conf. ut, quæ falso supponat hominem, boni nominis curam habere per inimici sui occisionem. Quæro nempe apud quos bonum habere velint nomen, qui manus suas iniqui famæ invaloris sanguine cruantant. An apud viros infames quorum sapientia terrena est; animalis, & Dei inimica? absit. Bonum ergo nomen illud est, quod tale est Dei, verorumque Christianorum judicio. Quis vero sincere Christianus, eum multo plaris non æstimet, qui Christi, & Sanctorum exemplo benedicit maledicentibus se, orat pro calumniantibus, non reddit malum pro malo, & percutientibus in dexteram maxillam, præbet illi & alteram? Præterea ex eo, quod fama sit maximi pretii, duo hæc tantum sequuntur, quæ lubenter agnoscimus, 1. cuicumque homini potius eligendum esse ut moriatur, quam ut culpabiliter a fama sua excidat; 2. ut eandem quibuscumque legitimis mediis coram Judice insequaretur.

Hinc colliges 1. jure proscriptam esse ab Alexandro VII. nefariam hanc propositionem: *Est licitum Religioso, vel Clerico, calumniatorem gravia crimina divise, vel de sua Religione spargere minantem occidere, quando alius modus defendendi non suppetit.*

Colliges 2. teneri virum etiam nobilem aut Ducem, potius fugere, quam occidere eum, a quo pugnæ aut baculo impetitur: Est id quidem apud

Luc. 6. 1.

Matth. 3.

Matth. 5.

apud mundanos dedecus grande, sed apud Deum, & Angelos æterna gloria dignissimum.

Colliges 3. pseudo hoc axioma: *Uni mentiris, sua debetur merces alapa, ex solo satanæ specu prodisse.*

CONCLUSIO III. Non licet injustum pudicitia: inuasorem occidere. Ita multi contra non paucos.

Prob. 1. ex S. Augustino, qui L. 1. de I. arb. c. 5. in hanc nostram sententiam manifeste descendit. *De pudicitia vero, inquit, quis dubitaverit, quia sit in ipso animo constituta, quandoquidem virtus est; unde a violento stupratoris eripi nec ipsa potest? Quapropter legem quidem non reprehendo, quæ tales permittit interfici; sed quo pacto istos defendam, qui interficiunt, non invenio.*

Prob. 2. ratione, quam subministrat Augustinus in allato textu. Si liceret stupratorem interficere, utique ad virtutis tantæ conservationem: atqui virtus castitatis aliter potest, quam scelesti invaloris morte defendi. Ad hoc enim satis est, ut constanter dissentiat persona, quæ vim patitur; tunc enim quamvis opprimatur exterius, id dicere poterit, quod olim S. Lucia tyranno? *Si me invitam jusseris violari, castitas mihi duplicabitur ad coronam.*

Et vero pudicitia, vel spectatur prout quædam est corporis integritas, vel prout est animi virtus. Si primum, inferioris est ordinis, quam vita, hominis præcipue in æternum perituri. Si secundum, jam non potest pudicitia vi externa corrumpi; quandoquidem nulla unquam animo vis inferri potest. Unde Augustinus lib. 1. de Civ. Dei cap. 18. *Quis sana mente putaverit, se perdere pudicitiam, si forte in ... oppressa carne sua exerceatur, & impleatur libido non sua? Si enim hoc modo pudicitia perit, profecto pudicitia virtus animi non erit.*

Probatur 3. rationibus antea adductis, quarum summa hæc est: 1. quod bonum temporale æternæ alterius salutis præferri nec debeat nec possit, 2. quod præceptum generale non occidendi nullibi restrictum videatur præsentī cāui.

Tenetur tamen puella modis omnibus obfistere, fugitatio, clamando; pugnis, pedibus, morsu agendo: imo monet Lugo, rarissime fieri ut puella si serio velit, violationem sui impedire nequeat; rarissime etiam contingere, ut vir delectationem turpem ab omnino invita captare velit.

Dices contra Conclusionem: *Periculum pudoris bonis feminis est morte gravius*; ex S. Ambrosio L. 3. Offic. ergo si pro periculo vitæ interficere liceat, id pro periculo castitatis licitum erit.

R. neg. conseq. vir enim nobilis mallet mori, quam honorem perdere, aut ad summam redigi paupertatem; & tamen ad vitanda hæc incommoda, sibi vel alteri mortem inferre non potest, ex dictis: ergo a pari in proposito. Addunt alii S. Doctorem loqui de pudoris periculo annexum habente peccatum, non autem de pudore simpliciter, cujus jactura ad coronam duplicari potest, ut ex S. Lucia didicimus.

Ex his colliges non licere patri, puellæ, aut marito uxoris pudicitiam tueri per occasionem invaloris. Multo minus liceret uxorem in adulterio deprehensam interimere.

Sed quid ergo in hac materia licitum est ad conservanda seu sibi, seu proximo honoris, fortunæ, aut pudicitia: bona.

R. 1. si de fama sola seu nostrâ seu alterius etiam Principis, aut patris agitur, nec lædere licet, nec percutere graviter calumniam.

est, quia bonum hoc alia via recuperari potest, imo nec ista ullatenus recuperatur. An enim, ut jam dixi, pro nebulone haberi defines, quia eum, a quo notam hanc sustinisti, egregie cecideris. Imo ingeres, suspensionem te respondisse feriendo, quia non potueris aliter te tueri.

R. 2. tenetur quisque ex charitate, seculo tamen gravi incommodo, proximi bona contra iniquum defensores tueri, repellendo, percutiendo, imo & lædendo citra periculum mortis, si id exigat rei ablatæ pretium, & ea aliter servari non possit. Ratio est, quia charitas proximo debita exigit, ut in gratiam ejus iisdem prope mediis utamur, quibus in nostri gratiam uteremur. Si tamen proximus, cujus segetes vastantur, incenduntur ædes &c. opem nostram recuset, non licebit in vasorem vi propullare: quia licitum est invaso, quem rei devastatæ dominum supponimus, cedere jus suum.

R. 3. ad tuendam oppressæ virginis pudicitiam licitum est nobis, quod & eidem licitum est. Ratio desumitur ex eadem charitatis lege.

### S E C T I O T E R T I A.

#### De Duello.

**D**uellum prout ad præsentem homicidii materiam pertinet, definiri potest: Periculosum certamen duorum paucorumve ex conducto initum.

Dicitur 1. *periculosum certamen*, ut excludantur tum ludicræ pugnæ, quæ exercendi corporis, aut agilitatis ostentandæ causa sunt; tum pugnæ, quæ sunt armis ad graviter lædendum ineptis, pugnis v. g. levi baculo, crinium avulsione. Etsi enim in his graviter peccari potest ex passione: imo etsi ludicra etiam certamina infelices aliquando habuerint exitus; cum in eorum uno lethaliter percussus sit a Mongomerio Comite Henricus Gallicæ Rex, hujus nominis secundus; differunt tamen hæc a vero duello, quod istud de se periculosum sit, illa nonnisi per accidens; & præter intentionem. Merito tamen proscriptæ sunt equestres eæ pugnæ, quæ in jure *Torneamenta* dicuntur: de quibus adi L. 5. Decretal. tit. 13.

Dicitur 2. *duorum*, unde, quod nos duellum dicimus, hoc Græci monomachiam vocant. Duellum prout duorum certamen differt a rixa, in qua unus contra plures, plures contra unum dimicare possunt. Est tamen duellum veri nominis in pugna plurium; cum singuli contra singulos decertant; principalis v. g. contra principalem, secundantes ut ajunt, seu socii unus contra alterius locos.

Dicitur 3. *ex conducto*, idest ex provocatione unius, & alterius acceptance. Hinc, si in rixa duo ex calore, & impetu proruant in arma, & pugnent; si inimici in platea sibi occurrentes exerant enses, & digitadiantur; si adversarius adversarium quærat, ejusve transitum exploret, accum eo dimicet, deerit duellum, quia defuerit conductum.

Addunt plures: *tempore & loco designatis*; non quod hæc loci aut temporis determinatio sit prius necessaria ad duellum ut sic, prout notat Paulus Voet, Ultrajectensis Antecessor in singulari de duellis Opere; sed quia eadem designatio necessaria est, ut incurrantur pœnæ contra duellatores in Canonibus constitutæ. De quo infra.

Duellum dividitur 1. in solemne, & simplex. Solemne illud dicitur; quod sit servata quadam forma circa tempus, & locum securitatis, (quem *campum francum* appellant Scriptores infimæ latinitatis) adhibitæ etiam



etiam testibus, seu patrinis, litteris item provocatoriis, aut earum loco nunciis. Privatum est illud, quod fit ex condico, statutique tempore, & loco, sed absque aliis solemnitatibus.

Dividitur 2. in illud, quod fit auctoritate publica, & quod fit auctoritate privata. His præmissis quaeritur, an duellum sit licitum, necne. Sic

CONCLUSIO I. Duellum privata auctoritate initum peccatum est mortale, unde illud nec offerre licitum est, nec oblatum acceptare.

Prob. 1. ex frequenti totius Ecclesiae judicio, quod hisce verbis representavit Synodus Trid. sess. 25. cap. 19. *Detestabilem duellorum usum fabricante diabolo introductum, ut cruenta corporum morte, animarum etiam perniciem lucretur* &c.

Prob. 2. ex variis Regum Christianissimorum Sanctionibus, Ludovici IX. Henrici IV. præcipue vero Ludovici Magni, qui anno Regni sui primo decrevit, ut qui duello confligent, tanquam læsæ divinæ, & humanæ Majestatis rei habeantur, eorumque corpora foras projiciantur, & christiana sepultura donari non possint.

An. 1643.  
mense  
Juu.

Prob. 3. variis rationibus. Nam 1. illud licitum esse non potest, quod repugnat charitati, tum nobis tum proximo debita: atqui tale est duellum, quod utriusque decertantis vitam, & æternam salutem morali periculo exponit.

2. Quod iusta de causa suscipi non potest, licitum esse nequit: atqui duellum nulla iusta de causa suscipi potest. Non 1. cum ad virium jactantiam, gloriamque inanem suscipitur, ut factum est a Goliath; hæc enim gloria & medium, quo procuranda intenditur, perinde futilia sunt.

Non 2. cum agitur de lite terminanda, aut manifestanda veritate, detegendaque innocentia: duellum enim non est medium, quod ad hunc finem assumi possit, tum quia medium hoc nimis est crudele; tum quia horrendi sacrilegii plenum est, nempe vel divinationis, si felix exitus a dæmone expectetur; vel tentationis Dei, si exitus speretur a Deo; tum quia sæpe contingit, ut in bello seu publico seu privato succumbant, quos justam habere causam certum est.

Non 3. ad vindicias religionis nostræ, cui hæreticus aut infidelis quispian insultaverit; tum quia nullibi permisit Deus, ut privatus contra privatum aliter, quam verbo Dei, & Ecclesiae decretis veram fidem tueretur; tum quia æquum non est Religionem ex fallaci & fallibili medio suspendi; tum quia non est temere petendum miraculum, pro casu quem ordinario modo, non extra ordinem Deus decidi voluit: hinc geminum duelli ob religionem suscepti exemplum refert Voetus ubi supra c. 32. q. 4. quod ita cessit, ut semel a Scoto quodam hæretico occisus sit miles Galles; semel autem a nobili catholico vir hæreticus. Ergo ne ipsius quidem religionis causa licitum est duellum; secluso speciali S. Spiritus instinctu, qui vix unquam præsumi potest. Equidem mitius agere solent Principes cum iis, quos sola armavit religionis suæ defensio; sed non ideo probant, imo nec probare possunt hujusmodi certamina.

Non 4. ad propulsandam ignominiam labem, quæ ratio feralis est duellorum pene omnium origo: ignavus enim, & infamis haberi non potest ille, quem ut vere fortem, passionisque omnium petulantissimæ, falsi nempe honoris dominum agnoscunt Edictis suis Reges, Decretis suis Pontifices, suffragio & applausu quotquot Respublica sapientes habet. Sed qui duellum constanter recusat, hunc ut vere fortem agnoscunt &c. Patet id non tantum ex judicio Episcoporum plus quam viginti, doctorumque

Parisiensium 53. suffragio, sed & ex nobilium complurium, ac Galliz Polemarchorum sententia; quæ ad longum reperiis in Opusculo inscripto: *Recueil des Edits... & autres Pieces concernant les duels, & rencontres*, apud Sebast. Mabre-Cramoisy, an. 1669. Merito igitur proscripiæ est ab Alexandro VII. hæc quorundam propositio: *Vir equestris ad duellum provocatus potest illud acceptare, ne timiditatis notam apud alios incurrat*. Absit enim ut timidus, & iners iudicetur, qui seipsum vincit, qui virtutem, unam veri honoris regulam sequitur, qui Christi patientiam & mansuetudinem imitari fludet, qui demum in præliis contra patriæ hostes primum in acie prodit, postremus in castra revertitur. Sanius uique senserunt Gentiles, quos inter Horatius cum ait: *Fortior est, qui se, quam qui fortissima vincit mœnia*.

Existimant Theologi quidam, quos inter Bannes, Valentia, Decoq. &c. licitum esse ei, qui ad duellum provocatur, ne ignaviæ notam incurrat, dicere provocanti, se quidem duellum non acceptare, sed paratum esse se tueri contra invalorem quisquis fuerit. At summopere timendum est, ne verba hæc indirectam duelli acceptationem complectantur, aliumque ad invasionem illius, qui sic loquitur, quodam modo compellant.

Multo minus fas erit respondere ei, qui ad duellum provocat: Nolim equidem tecum congregari, verum aliquo sum iturus; qui me in itinere adortus fuerit, sentiet me virum esse. Est enim id duellum æquivalenter, & sub aliis terminis acceptare: porro ex Leg. 29. & 30. ff. *De legib.* non ille tantum in legem impingit, qui agit adversus legis verba, sed & is etiam, qui adversus sententiam ac sententiam.

CONCLUSIO II. Duellum publica auctoritate iuste aliquando iniri potest; rarissime tamen.

Prob. 1. pars: 1. quia occurrere possunt causæ ei similes, quæ Davidem impulit ad ineundum contra Goliath singulare certamen. 2. quia satius est, ut Princeps de causæ suæ iustitia certissimus, sed copiis longe inferior, certam suorum ruinam in dubiam victoriæ spem commutat, duellum acceptando aut etiam offerendo; quam ut pene certo exercitus sui excidio, crudelis & infestis belli gravaminibus, ac Provinciarum suarum vastitati se, suosque exponat. Addunt aliqui idem dicendum esse, si publicæ rei inersit ut duellum acceptetur; puta si ex ejus recusatione futurum sit, ut hostis audaciores sumat animos, nostri vero milites cadant & atterantur animis, non sine grandi boni communis detrimento.

Prob. 2. pars, quia extra casus mox adductos, aliosve non dissimiles; duellum quacumque auctoritate fiat, non vacat a gravi peccato. Hinc lethaliter delinquit Princeps duellum indicendo ad solam virum aut dexteritatis ostentationem, ad spectaculum, ad vindictam, ad probandum crimen, quod quis alteri objicit, aut ad purgandum, quod ab altero obijciatur. Ratio est, quia in his omnibus vel tenditur ad pravum finem, vel ad bonum, sed medio illegitimo. Hinc vetuit olim Honorius III. ne Templarii eos, qui de aliquo crimine infamabantur, *ferri candentis judicium subire* compellerent; quia, ait Pontifex, hujusmodi iudicio *Deus tentari videtur*, cap. 3. *De purgat. vulgari*.

Quæres an duobus ultimo supplicio iuste addictis possit duellum a Iudicibus præcipi hac lege, ut vita fruatur, qui e pugna sospes evaserit.

R. negat. 1. quia sic facile fieret, ut reus plus patiatur, quam meruerit. Esto enim meritis sit suspendium, ut non meruit alium instar tortoris conficere; non meruit lentis extinguere doloribus, quos forsitan ex imperita

altit-

alterius manu perferent; non meruit toties mori, quoties alium viderit in se proruentem. 2. & hæc ratio præcedenti generalior est, quia sic uterque reus proximo peccandi periculo exponitur. Ita enim uterque concitabitur, nec se iustitiæ ministro, sed hostium insensibilissimo commissum censebit. Inde vero quale discrimen animæ; nihilo fere minus, quam quod in alio quocumque duello reperitur.

Obj. 1. Cum Azor, Reus mortis iuste damnari potest, ut fame pereat; ergo & ut cum altero pugnet.

R. Neg. conseq. qui enim necatur fame, solum patitur: at qui cum alio congreditur, agit, istum parat, & infert, acceptum imputat quasi inimico, sicque graviore animæ periculo obnoxius est.

Obj. 2. Potest Princeps e reis duobus unum deligere, qui alterius carnifex sit, carnifici spe vitæ oblata: ergo potest alium alterius manu occidere extra duellum: sed quidni etiam in duello?

R. Principem posse primum, non secundum: 1. quia utique unum faciendo carnificem alterius, nisi inique agat, reum magis minus reo subijciat: in duello autem fieri poterit, ut qui nequior est, sospes evadat. 2. qui alium extra duellum necabit, aget pro utilitate publica tanquam iustitiæ minister; in duello autem non nisi pro vita sua decertabit. 3. extra duellum reus salutis æternæ consilia inibit, flagitia sua detestabitur, eorumque veniam supplici prece a Deo impetrabit; in duello solam adversarii sui necem intendet, & in eum furibunde proruet; sicque vix poterit christiane mori. Ita Comitulus L. 6. q. 16. n. 11. & 12.

CONCLUSIO III. Graves duellatoribus, iisve qui ad duellum quoquomodo concurrunt, pœnæ sacris Canonibus inflicte sunt.

Prob. ex Concilio Tridentino sess. 25. c. 19. ubi sic: *Detestabilis duellorum usus, fabricante diabolo introductus, ut cruenta corporum morte animarum etiam perniciem lucratur, ex Christiano Orbe penitus exterminetur. Imperator, Reges, Ducis, Principes, Marchiones, Comites, quocumque alio nomine Domini temporales, qui locum ad monomachiam in terris suis inter Christianos concesserint, eo ipso sint excommunicati... Qui vero pugnam commiserint, & qui eorum Patrini vocantur, excommunicationis, ac omnium bonorum suorum proscriptionis, ac perpetuæ infamiae pœnam incurrant, & ut homicide juxta sacros Canones puniri debeant; & si in ipso consensu decesserint, perpetuo careant Ecclesiastica sepultura. Illi etiam, qui consilium in causa duelli tam in jure, quam in facto dederint, aut alia quacumque ratione ad id quempiam susserint, necnon spectatores, excommunicationis, ac perpetuæ maledictionis vinculo teneantur: non obstante quocumque privilegio, seu prava consuetudine, etiam immemorabili.*

Decretum hoc tam quoad personas, quam quoad pœnas ampliavit Clemens VIII. per Bullam suam 13. quæ incipit: *Illius vices*, & data est an. 1592. Et quidem 1. prædictas pœnas, prout jam fecerat Gregorius XIII. extendit adversus illos etiam omnes, qui non publice, sed privatim ex conditio, statuto tempore, & in loco convento monomachiam commiserint, etiam patris, sociisque non vocatis, & loci securitate non habita, & procuratoris litteris minime præcedentibus, etiam contra locorum Dominos, si id, quantum in se fuerit, non prohibuerint, ceterosque criminis socios, & ex composito spectatores; etiam si pugnam ob aliquod impedimentum non commississent, si ad locum accessissent pugnaturi, & per eos non stetisset, quominus pugnarent.

2. Auctoritate Apostolica declarant prædecessorum suorum Pii IV. & Gre-

gorii XIII. Constitutiones, & Tridentini Concilii Decretum, locum habere ubique gentium & terrarum, inter quascunque personas etiam armatas, & in castris seu propugnaculis militantes, etiam ubi... Catholicae fidei hostium furor impune grassatur, & in dominis per eos occupatis, & detentis. Idem quoque juris censendum esse si publico, & forsan bello iusto indito miles aliquis alterum in adversariorum exercitu militantem, siue alias in hostium castris, praesidiis, aut terris degentem privatas similitudines atque inimicitias publica causa intermiscendo, etiam Ducum permisso, ex conditio ad singulare certamen descendat, aut illum provocet. Necnon iisdem poenis... teneri eos inter quos passionibus inita sint de dirimendo certamine, cum primum alteruter vulneratus fuerit, sanguinem fuderit, aut certus ictuum numerus utrinque illatus fuerit: vel si convenerint ut non singuli, sed bini, terni, aut plures bini, & inde pugnent. Et non solum locorum Dominos, sed etiam Magistratus, Praefides, locum tenentes, aut etiam militum Duces, & Capitaneos in castris vel extra ea, in alieno vel hostili solo, vel cum militibus exercitus adversariorum monomachiam in quocumque casu iure jam prohibito permittentes, vel quantum in ipsis est non prohibentes, aut post commissum crimen veniam, & impunitatem concedentes.

Pergit Pontifex: Praeterea pari ratione prohibemus omnia, & singula ejus generis scripta, Manifesta, seu fides vulgo appellata, quae etiam sine expressa provocacione ad certamen, tamen quasi preparatoria quaedam ad chartulas, seu libellos provocatorios, & ad duellum, illorumque veluti radices, aut semina, ut plurimum laceffendi aliquem ad pugnam, & suscitanda similitudo, atque inimicitia materiam praebent...

Quinimo de novo etiam per praesentes ex parte omnipotentis Dei, Patris, Filii &c. excommunicamus, & anathematizamus, maledicimus, & exco-  
ramur omnes, & quoscunque, publice vel privatim, palam vel occulte, in quibuscunque locis, modis, & formis, ac casibus sub praesenti nostra, vel alii Constitutionibus, ac Decreta comprehensis duellum ex compositione ineuntes, necnon id scelus suadentes, aut provocantes, opem, consilium, vel favorem praestantes, equos, arma, & commeatus praebentes, & comitantes, vel circa chartulas, seu libellos, litteras, nuntios, aut quaecumque alia scripta hujusmodi quomodolibet peccantes, hujusque delicti socios, de industria spectatores, patrinos, fautores, defensores &c.

Constitutio haec dubiis pluribus locum fecit, quorum ut aliqua solvantur, Quaes 1. an praedictis poenis subiaceant viri duo, qui vel ob injuriam actualem subita ira correpti, vel ob veterem causam commoti & exardescientes in occurru, alio alium ad pugnam provocante, correptis armis statim congregiuntur.

R. Negat. haec enim congregiendi ratio, ad rixam pertinet, non ad duellum; quia duellum fieri debet ex conditio, locoque & tempore designatis, quod in praesenti locum non habet. Eadem de causa si quis morantem in certo loco inimicum conspicatur, domum convolet, enssem accingat, adversarium suo se gladio itueri jubeat, deiecit veri duelli ratio; quamvis non desit grande piaculum. Ita Pignatelli, extraneique Canonistae plures, quos consule in tit. De Clericis pugnant. &c.

Quaes 2. quid juris, si duo in Ecclesia, aut Principis domo rixari coeperint, & dicat alter alteri: Non est idoneus is locus definienda querela; eamus foras, vel egrediamur in vicinum pratum? Eritne id veri nominis duellum?

R. Divisos hic esse Doctores: alii negant hoc esse duellum; sed id pro rixae simplici canonicis poenis minime obnoxia habent: quia cum provocatio, & pugna

pugna in continuo fiant, & ex subito iræ calore, non sunt nisi una moraliter actio, sicque deest pugna ex condito, & statuto tempore.

Alii secundo casu ubi designatus est prælii campus, duellum agnoscunt, non in primo, ubi simpliciter dictum est, *Excamus foras*; quia tunc non fiat iniri prælium in loco designato.

Mihi quidem, seculæ locorum consuetudine, quæ vim habet leges interpretandi, uterque casus totam duelli rationem habere videtur; est enim pugna singularis, est pugna ex condito, est demum pugna in loco sufficienter determinato. An enim deerit duelli ratio, quia ambo dixerint: *Disgladiemur in primo*, qui ad pugnam commodior occurret loco? Neutiquam sane nisi Ecclesiæ decreta nescio, quæ subtilitate eludantur. Pari de causa duelli suspicarer reos, qui convenissent de prælio ubicumque solus solis occurreret ineundo. Saltem enim in hoc casu multo tutius esset absolvi, ad cautelam, nisi ut dictum est, obstitat locorum consuetudo; quæ ne in ipsa quidem Germania obstitit, cum Pickler Canonista Germanus, doceat verum inesse duellum, si quis alteri dixerit: *Expecta hic dum afferam arma*; vel: *Vade & asser gladium, hic te expecto*; vel: *Excamus ad illum locum, & ibi congregiemur*; vel: *In hoc loco non decet pugnare, veni mecum in publicam plateam*.

Quæres 3. quid dicendum de duobus, qui non animo lædendi, sed honoris defendendi se se provocant, & provocati comparent constituto tempore, & loco, certi moraliter neutrum, quid passurum esse mali, quia sic inter se convenerint.

Resp. idem Pignatelli, prædictos homines in exteriori foro pro excommunicatis habitum iri; reipsa vero, & in foro conscientiæ, a quibuslibet pœnis immunes esse futuros; quia nempe actio hæc non est duellum, sed duelli simulatio. Et certe sicubi actio hæc sub canonicis pœnis prohibita foret, maxime his Clem. VIII. verbis: *Declaramus iisdem pœnis... teneri eos, inter quos pœniones inita sunt de dirimendo certamine, cum primum alteruter vulneratus fuerit, &c.* atqui perperam verba hæc contra præcedentem decisionem a quibusdam obijciuntur. Aliud enim est pacisci re nihil alteri illaturum esse mali, aliud pacisci te ad primam sanguinis effusionem recessurum esse a prælio. Primum vacat ab omni periculo; secundum vitæ ipsius discrimen iniecit, cum fieri possit, ut errante manu, aut crescente ira eum lædas graviter, cui leviozem plagam præparaveras.

Sententiam hanc, si forte vera sit, Ducibus perinde ac militibus commodam esse dicit Anacletus Reiffenstuel; ut qui, inquit, pluries duello congrederi teneantur, ne ignaviæ notam incurrant. Verum cum jubeat Apostolus Christianum virum ab omni specie mala abstinere, palam est graviter peccare eos etiam, qui duellum simulant, sicut & ii peccarent graviter, qui fornicationem fingerent, aut a se commissam etiam falso gloriarentur.

Quæres 4. an quisquis duelli spectator fuerit, canonicis pœnis subjaceat.

R. Eos dumtaxat ad effectum contrahendæ censuræ reputari communiter duellatorum spectatores, qui ex proposito, seu ex composito ad locum duelli conveniunt, seque adeo exhibent quasi duelli approbatores: unde a censuris eximi solent non ii tantum, qui eo conveniunt, ut duellum, si fieri poterit, impendant, sed & ii quoque, qui in transitu fortuito paulisper subsistunt etiam ex curiositate, aut, qui e fenestra duelli loco vicina rem intuentur. Multo tamen satius fuerit, si malum cohiberi non potest, relictæ, aversisque oculis transire: cum adstantium corona animos addat, & majorem ex impia victoria gloriam quasi polliceatur.

Quæ-

Quæres 5. an qui alium occidit in duello, ad restituendum teneatur sicut alius quilibet homicida.

Respondent aliqui non esse restituendi obligationem, cum duo æque libere ad duellum descenderunt. Quia, inquit, hujusmodi duellatores ea conditione saltem implicita decertant, ut qui alium occiderit, ad nihil teneatur: aliunde vero volent non fit injuria. Quod si alter quasi invitus certamen inierit, tantumque ne a fama sua excideret; censent eum, qui provocavit, & occidit, ad restituendum teneri. Ita Molina Tract. 3. disp. 82. pag. mihi 1007.

Alii vero, & melius docent occisorem, etiamsi provocatus fuerit, non provocator, teneri ad restituendum tum creditoribus occisi, tum ejusdem uxori & filiis in quantum eorum intererat non auferri vitam ejus, qui occisus est. Ratio est 1. quia idem occisor vera est, & iniqua causa damnorum omnium, quæ patiuntur creditores, uxor, & proles defuncti, 2. quia ii jure suo non cesserunt, nec eo pro ipsis cedere potuit, qui occisus est; ergo eodem jure per vim iniquam spoliati sunt: porro cui jus suum vi iniqua ademptum est, is strictam ipsius reparationem. urgere potest. Vide Tractatum nostrum de Justitia.

## CAPUT TERTIUM.

### *De sexto Decalogi præcepto..*

**E**TSI solum adulterium his sexti Præcepti vocibus, *Non machaberis*, prohibuit esse videtur, longe tamen major est ejusdem mandati vis, atque extensio. Si enim, ait Augustinus q. 71. in Exod. furti nomine bene intelligitur omnis illicita usurpatio rei alienæ... profecto & nomine machabæ omnis illicitus concubitus, atque illorum membrorum non legitimus usus, prohibitus debet intelligi. Neque vero membrorum dumtaxat, sed oris etiam & mentis immunditia ibidem vetita censeri debet, prout edocuit nos Christus his verbis Matth. 5. *Audistis, quia dictum est antiquis: Non machaberis: Ego autem dico vobis, quia omnis, qui viderit mulierem ad concupiscendam eam, jam machatus est eam in corde suo.* Quod si aspectus turpis hic reprobatur, a fortiori reprobantur impudicæ voces, tactus, oscula, molles, fornicatio, & quidquid his deterius fingi potest. Hæc peccatorum monstra totius hujus Capitis materia erunt, lubrica quidem & difficilis, sed quam aspirante virginum sponso, prout fieri poterit, pudice tractabimus. Dicendum itaque de fornicatione, stupro, adulterio, incestu, sacrilegio, rapto, & peccatis contra naturam. His, quæ septem dicuntur species luxuriæ, quædam addemus circa inchoatam illam impudicitiam labem, quæ consistit in aspectibus, osculis, tactibus, choreis, spectaculis, lascivis ornatibus, &c.

## ARTICULUS PRIMUS.

### *De Fornicatione..*

**F**ornicatio sic dicta a fornicibus, seu obscuris locis, sub quibus olim Romæ prostabant meretrices, vel late sumitur, vel strictius. Fornicatio late

Iate sumpta est concubitus quilibet illicitus & extra matrimonium, Fornicatio stricte sumpta est concubitus naturalis soluti cum soluta jam deflorata.

Dicitur 1. concubitus seu congressus *naturalis*, ut excludatur peccatum contra naturam, seu perpetratum in vase ad hunc effectum a natura non ordinato.

Dicitur 2. *soluti cum soluta*, id est viri, & foeminae, qui liberi sint ab omni prorsus vinculo seu matrimonii, seu voti solemnitis, Ordinis sacri, consanguinitatis, aut affinitatis, & qui proinde habiles sint ad contrahendum inter se matrimonium.

Dicitur 3. *jam deflorata*, quia congressus cum virgine hactenus incorrupta reduci solet ad stuprum.

Fornicatio pro praesenti dividitur in simplicem & continuatam. Prima ea est, quae transitorie exercetur cum una, aut pluribus. Secunda ea est, quae crebris vicibus exercetur cum eadem, & vocatur concubinatus; unde & definitur continuata fornicatio cum eadem persona; sicque fornicationi addit habitum & perseverantiam, sive interim fornicaria retineatur domus, sive apud se aut alibi conveniatur. His praemissis tria inquiruntur, 1. quale sit peccatum fornicatio simplex aut continuata; 2. an solius fornicationis rea sit sponsa de futuro, quae alteri, quam desponsato vitandam se permittit; 3. quae fornicatoribus constitutae sint a canonibus poenae. Sit

CONCLUSIO I. Fornicatio quaelibet est peccatum mortale, jure tum divino, tum naturali graviter prohibitum.

Prob. 1. pars de jure divino, ex Scriptura. 1. Cor. 6. v. 9. *Neque fornicarii, neque adulteri, neque molles regnum Dei possidebunt, & v. 15. Nescitis quoniam corpora vestra, membra sunt Christi? tollens ergo membra Christi faciam membra meretricis? absit, &c. Galat. 5. Manifesta sunt opera carnis, quae sunt fornicatio, immunditia ... qui talia agunt, regnum Dei non consequentur. Ephes. 5. Hoc scitote intelligentes, quod omnis fornicator, aut immundus non habet hereditatem in regno Christi & Dei. Apocal. 21. Homicidiis & fornicatoribus .... pars illorum erit in stagno ardenti igne, & sulphure; ergo prima haec assertionis nostrae pars est de fide, cum diserte exprimitur in Scripturis. Hinc S. Fulgentius Epist. 1. c. 4. *Fornicatio, inquit, nunquam potest esse sine gravi crimine, in qua licet non dubitemus damnabiliter peccare hominem ab uxore disjunctum, damnabilius tamen fornicari existimo conjugatum: utrumque autem Scriptura sancta iudicandum, & a regno Dei pronuntiat alienum. Merito igitur proscripti sunt in Viennensi Concilio Beguardi, & Beguinae, qui ut patet ex Clementina 3. De haereticis, praefraete contendebant actum carnalem, cum ad hoc natura inclinet, peccatum non esse, maxime cum tentatur exercens.**

Prob. 2. pars de jure naturali, contra Caramuelem, qui fornicationem seclusa Dei lege peccatum futuram esse negat; & Durandum, qui in eadem praecise sumpta culpam agnoscit solum venialem. Prob. inquam: illud jure naturali graviter prohibitum est, quod omnibus concubitus legitimi bonis adversatur: atqui talis est fornicatio. Duplex enim a natura intenditur finis & legitimo concubitu, nempe bonum prolis ipsius, & commune Reipublicae bonum, ad quod singulis cives suo quique modo, & ordinate conferre debent: atqui fornicatio duplicem hunc scopum per se, & ex natura sua impugnat: 1. quidem impugnat bonum prolis. In eo quippe situm est bonum illud, ut proles debite educetur, instruatur, & ubi opus erit, defendatur: atqui quotidiana convincit experientia curam hanc prolis ex fornicario com-

plexa

plexu susceptæ, vel nullatenus, vel imperfecte admodum haberi: ita ut mille spuris vix unus a parentibus decenter informetur; unde ratio sanctæ, & piæ educationis communiter ex parte parentum deficit illegitimæ proli, quam pater sponte deserit, præsertim, cum per se loquendo, non sit certus eam esse suam; quam vicissim tandem deserit mater ab amasio deserta, præsertim cum ipse alios seu licite seu illicite amores capiat: ergo cum, id quod cadit sub legis determinatione, iudicetur secundum id,

1. 1. hom.

2. 2. qu.

134. ar. 2.

quod communiter accedit, & non secundum id, quod in aliquo casu non communi potest accedere; merito dicimus fornicationem de se graviter adversari bono proli. 2. nec minus nocet ea communi bono; cum de se scandala, querelas, ignorantiam, pravamque civium institutionem in Republicam invehit; quæ omnia commune bonum insigniter labefaciunt. Merito igitur damnata fuit ab Innocentio XI. hæc Caramuelistarum propositio: *Tam clarum videtur fornicationem secundum se nullam involvere malitiam, & solum esse malam, quia interdictam, ut contrarium omnino rationi dissonum videatur.*

Porro si tantum sit scelus fornicatio simplex, quantum esse debet concubinatus, qui fornicationi addit statum & perseverantiam: quique annexum habet continuum saltem virtuale peccandi propositum. Vere igitur monet Sylvius in eamd. q. 254. art. 2. quod etsi concubinatus maneat in specie simplicis fornicationis, regulariter exprimendum sit in confessione, non tantum quoties quis fornicationis crimen, aliasque turpitudines commiserit, sed etiam quanto tempore concubinam tenuerit; cum nec eam probabiliter tenere potuerit absque gravi aliorum scandalo, nec satis aperire possit statum suum, in quo pravis cogitationibus millies consensit. Quod autem addit idem Doctor; cavendum esse Directori ne ante concubinarium absolvat, quam is felicem amicam egerit; jam nos diximus Tom. 2. agendo de occasionibus peccati. Sed neque id cum eodem Sylvio prætermittendum est, illos nempe, qui concubinarij publice existimantur, etsi non sint, non antea debere absolvi, quam vel eas egerint, quæ pro concubinis suis habentur, vel sufficienter ostenderint iis, qui scandalizati fuere, quod illæ mulieres non sint vel concubinae vel fornicariæ; quia debent occasionem scandali tollere, si velint esse vere penitentes.

Hic non abs re fuerit laxiores, quæ ad hanc materiam pertinent, & ab Apostolica Sede damnatæ sunt, propositiones referre. Prima, quam proscriptit Alexander VII. sic habet: *Non est obligandus concubinaris ad ejiciendam concubinam, si hæc nimis utilis esset ad oblectamentum concubinarij, vulgo regalo, dum desiquate illa nimis egre ageret vitam, & aliæ epula tedio magno concubinarium afficerent, & alia famula nimis difficile inveniretur.* Ex alijs vero, quas reprobavit Innocentius XI. prima, quæ inter proscriptas est numero 58. sic expressa est: *Non tenemur Confessario interroganti fateri peccati alicujus consuetudinem.* Secunda, quæ est num. 60. *Penitenti habenti consuetudinem peccandi contra legem Dei, naturæ, aut Ecclesiæ, etsi emendationis spes nulla appareat, non est neganda nec differenda absolutio, dummodo ore proferat se dolere & proponere emendationem.* Tertia, quæ est numero 61. *Potest atquando absolvi, qui in proxima occasione peccandi versatur, quam potest & non vult omittere, quinimo directe & ex proposito querit, aut ei se ingerit.* Postrema tandem est num. 62. *Proxima occasio peccandi non est fugienda, quando causa aliqua utilis, aut honesta fugiendi occurrit.*

Obijciuntur sex: 1. & 2. quod fornicatio nullibi in antiqua lege prohibi-



hibita sit; imo permiffa veteribus Patriarchis, qui concubinas habuiffe leguntur; 3. quod a Deo præcepta fit Oſeæ, cui nequidem permitti potuiſſet, ſi fuiſſet intrinſece mala; 4. quod paciſci poſſint fornicarii ut proles digne inſtituatur; 5. quod eidem proli melius fit eſſe, quam non eſſe; 6. quod fornicatio Act. 15. in eodem ponitur ordine, ac elus ſanguinis, qui certe a natura prohibitus non eſt. Verum hæc nihil nocent. Unde

Ad 1. neg. ant. 1. enim fornicatio dici poteſt prohibita ipſo Decalogi præcepto, quod non modo adulterium, ſed & illicitum quemcumque viri cum muliere congreſſum prohibere merito cenſetur, ut jam diximus ex Auguſtino; 2. idem ſcelus aperte vetatur his 23. Deuteron. verbis: *Non erit meretrix de filiis Iſrael, nec ſcortator de filiis Iſrael*; Ubi, ait Auguſtinus q. 37. in Deuteron. *manifeſte prohibuit fornicari, & viros, & feminas etiam cum non alienis conjugibus*. Hoc autem peccatum pro gravi habitum fuiſſe indicant hæc, quæ ſequuntur verba: *Non offers mercedem poſtribuli, nec pretium carnis in domo Domini ..... quia abominatio eſt utrumque apud Dominum Deum tuum*. Et vero niſi fornicatio pro gravi crimine habita eſſet, cur lapidata fuiſſet puella, quæ exciderat a virginitatē; & tamen lapidibus obrui jubetur, *quoniam fecit nefas in Iſrael, ut fornicaretur in domo patris ſui*. Deuter. 22. v. 21.

Ad 2. Patriarcharum concubinæ erant veri nominis uxores, quibus indictum fuit concubinarum nomen, eo quod 1. ſine ſolemnitate ductæ eſſent & indotatæ; 2. quod jus haberent ad concubitus, non autem ad familiæ gubernationem: unde, quæ ſervilis conditionis erant, manebant ut antea ſervæ.

Ad 3. Præcepit quidem Deus Oſeæ, ut duceret mulierem, quæ ante fuerat fornicaria, non autem, ut ei fornicarie copularetur; de quo vide, quæ dixi in Tract. de Legibus.

Ad 4. neg. conſeq. Neque enim jure naturali prohibita eſt fornicatio; quaſi, quæ ſemper actu noceat proli, ſed quaſi, quæ nata ſit eidem nocere, ita ut non niſi per acciſens non noceat. Deinde ſi utrumque pareniem mori contingat prole adhuc infante, quis idoneam ejus curam geret? An conſanguinei, qui filium ex flagitio naturaliter oderunt? An domeſtici, qui ſervilem (æpius animum gerentes vix bene quidquam agunt, niſi proprius inſpiciantur)?

Ad 5. nego rurfus conſeq. Melius quidem eſt proli eſſe, quam non eſſe; ſed non eſt melius parentibus eam generare, quam non generare. Et vero ex hac ratione colligere erit licitum eſſe adulterium, quia quæ a marito pueros non ſuſcipit, plerumque ſuſciperet ab extraneo.

Ad 6. Neceſſe non eſt, ut quæ in eadem claſſe recententur, ejuſdem ſint rationis; neque enim eadem eſt Moyſis, quæ Dei dignitas, quia dicitur Exod. 14. Iſraelitas credidiſſe Deo & Moyſi. Neque ſtatim ira, & rixæ ejuſdem cenſentur gravitatis cum idololatria, quia hæc omnia Galat. 5. inter opera carnis indiſtincte reponuntur. Ideo autem fornicationem expreſſe vetuerunt Apoſtoli, quia hæc a Gentilibus non habebatur pro peccato.

An autem fornicationis nequitia invincibiliter ignorari poſſit, expendit Sylviuſ ubi ſupra, & affirmativam cum aliis pluribus tenet de iis gentibus, quæ aggreſſes ſunt, moralium veritatum imperitæ, & deſtitutæ magiſtris, a quibus erudiantur. Ut ut eſt de hac opinione, merito addit Theologus Duacenſis vix apud Chriſtianos quemquam reperiri poſſe, quem ſua hoc in puncto excuſet ignorantia; niſi hominem ſingas inopem ingenii, ſurdum, & mutum a natura, quemque ii, quibuſcum vixit, nedum dehortati ſint a malo, ad iſtud potius impulerint.

CONCLUSIO II. Fornicatio desponsatorum peculiarem habet malitiam, quæ in confessione aperiri debet.

Prob. Circumstantia, quæ efficit ut actio graviter adversetur iustitiæ, in confessione necessario aperiri debet: atqui desponsationis circumstantia efficit, ut fornicatio graviter adversetur iustitiæ. Magnam enim sponso injuriam facit sponsa, quæ totam ei se promittit, & debet, cum ab alio se cognosci permittit. Idemque, quidquid contradicat Sanch. Lib. 1. disp. 2. dicendum de sponso, qui cum alia peccat: quia sponsam, eamque inviram privat re notabili, jure scilicet, quod habet ad corpus suum integrum; ergo dispositionis circumstantia necessario aperiri debet; non quia adulterium verum faciat, sed quia aliquid facit reductibile ad adulterium, sicut imperfectum reducit ad perfectum sui generis.

Atque hinc, qui cum desponsata peccavit, eandem circumstantiam aperire debet: neque enim peccavit cum plene soluta & libera, sed cum ea, quæ corpus suum ei debet, cui solemniter idem corpus spondit. Ita Sylvius, alique passim contra Covarruviam.

Quæres 1. an simpliciter fornicari dicendus sit, qui peccat cum vidua; cum Judæa, aut Gentili, cum domina sua, ejusve consanguineis, cum ea, item, cujus tutor sit aut curator; posito quod ex omnes sint solutæ?

R. respondet idem Sylvius nullam hic subesse circumstantiam, quæ notabiliter aggravet, secluso legis contemptu, scandalove aut majoris perversionis periculo: unde, inquit, satis est hic simplicem fornicationem consisti; cum reipsa solum intersit soluti cum soluta commercium.

Crediderem ergo circumstantiam fornicationis, qua parte Judæam, Gentilemve respicit, semper aperiendam esse: 1. quia fieri nequit ut Christianus Judæa aut Gentili abutens gravem religionis nostræ despectum non pariat; 2. quia ut bene notat Sanch. Lib. 7. disp. 5. num. 12. cum ob disparitatem cultus prohibeatur matrimonium, censeri debet specialiter prohibita copula de se illicita; 3. quia subest periculum ne proles in infidelitate educetur; 4. quia in quibusdam regionibus Judæus, aut Maurus cum Christiana peccans, capite plectitur.

Quod spectat ad tutorem; is cum patris vices gerat, longe magis reus esse debet, cum puellam curæ suæ specialiter concreditam vitiat, quam cum aliam quancumque.

Quod ad viduam attinet, observat ex Navarro, & Sayro idem Sylvius, quod si vidua habens bona sibi a marito relicta ea conditione, ut vasse viveret, fornicaretur: non posset ea bona retinere tuta conscientia propter conditionem non servatam. Imo si exegisset testator, ut vidua, mente & corpore casta maneret, ut emitteret votum castitatis, ut servaret continentiam, perinde ac si eam vovisset, jam, ait Sylvius, non ex fornicatione sola, sed ex tactibus impudicis, imo ex morosis delectationibus ab hereditate excederet. Hæc tamen, quantum opinor, in praxi admodum difficilia forent, si de iis publice pactum esset: quia mulier, quæ furtim & latenter deliquisset, semetipsam prodere cogeretur.

Quæres 2. ex utroque quis gravius peccet, an vir, an mulier fornicando;

R. cum S. Thoma in 4. dist. 35. art. 4. virum cæteris paribus peccare magis graviter; quia *plus habet de bono rationis*, ideoque plus habet virium ut irruenti concupiscentiæ resistat. Aliud est in adulterio, ubi mulier, per se loquendo, causa est incertitudinis proles, & ut mariti bona ad extraneos deferantur. De cætero hominis adulterium, adulterio muliebri gravius facere.

cere videtur S. Augustinus L. 2. de adulterin. conjug. c. 8. *Iraſcuntur mariti; inquit, loquuntur, atque respondent; Sed nos viri ſumus. Quæſi non propterea magis debeant illicitas concupiſcentias viriliter frænare, quia viri ſunt. Quæſi non propterea debeant mulieribus ſuis ad virtutis hujus exemplum ſe præbere, quia viri ſunt, &c.*

Quæres 3. an meretricium gravius ſit, quam alia fornicatio.

R. affirmat. quia in hoc ſcelere non tantum impeditur bona educatio prolis, ſed etiam ejusdem prolis generatio. De coitu cum mortua muliere non loquor; eſt enim inſolita libido, nomine quidem carens, ſed in confeſſione ob nequitiam pluſquam beſtialem neceſſario exprimenda etiam obſective. Gravioris etiam impudicitiae reus eſſet copulam habens cum conjugata, vel Moniali, quam cum ſoluta.

Quæres 4. de quibus interrogandi ſint fornicarii, & fornicariae.

R. interrogandos eſſe, an peccaverint ex habitu, an cum ſcandalo, an compartem induxerint ad ſcelus, quod ſœminis aliquando, viris ſæpius contingit; 2. an nuptias promiſerint, an promiſſionem firmaverint jramento, an non eodem modo pluſibus promiſerint; 3. an nihil fecerint, quod ad ſodomiam tenderet; 4. an ne haberent prolem, ſemen ſuderint extra vas; an non conceptum ſœtum ſive inanimem, ſive jam animatum extinxerint; 6. quoties iteraverint crimen; 7. an eo conſummato devenerint ad tactus novæ copulæ præambulos; 8. an prolem ex turpi habitatu commercio neglexerint; eamve expoſuerint, cum alendæ ei pares eſſent. Hæc tamen interrogata, prudentiam, & caſtitatem comites habere debent. Si quando poenitens copulam ſolam exprimit, interrogandus eſt de ſuo, & compariſt ſtatu, an conjugatus ſit, & ea conjugata; an non ambo affines ſint, vel conſanguinei, &c.

Quæres 5. an poſſit & debeat fornicator inceptam copulam relinquere cum diſpendio ſeminis.

Aſſignat Henno, quia poſſet, & tenetur peccator quocumque inſtanti ab actione illicita deſiſtere. Tunc equidem nocetur generationi, ſed præter intentionem, quæ tota eſt, ut a complendo crimine abſtineatur. Aliud eſſet, ait idem, ſi eadem actio propter motivum humanum abrumperetur.

Quæres 6. an fornicatio poſſit in aliquo caſu non eſſe peccatum?

R. affirmat. Si enim mulier vim paſſa ſit, nec ullatenus conſenſerit libidini, erit a noxa immunis, quia *corpus mulieris non vis maculat, ſed voluntas*, ait Hieronymus. Aliud eſt de viro, quem, cum ſit agens, ne mortis quidem timor excuſare poſſet. Phreneticus tamen, aut amens in tali actu non peccaret, ſicut nec omnino ebrius, niſi antea illius peccati periculum prævidens, aut prævidere debens, ſibi cavere noluiſſet. *Aliquid enim poſſet eſſe voluntarium vel ſecundum ſe, ſicut quando voluntas in ipſum directè fertur; vel ſecundum ſuam cauſam, quando voluntas fertur in cauſam, & non in effectum, ut patet in eo, qui voluntarie inebriatur; ex hoc enim quæſi voluntarium ei imputatur, quod per ebrietatem committit.* S. Thomas 1. 2. q. 77. art. 7.

CONCLUSIO III. Graves ſacris Canonibus decernuntur poenæ adverſus concubinos, præſertim Clericos.

Prob. 1. pars ex Concilio Tridentino Seſſ. 24. c. 8. de reform. ubi ſic: *Grave peccatum eſt, homines ſolutos concubinas habere; graviſſimum vero, & in hujus magni Sacramenti ſingularem contemptum, admiſſum, uxoratos quoque in hoc damnationis ſtatu vivere, ac audere eas quandoque doni etiam cum uxori-*  
ribus

ribus alere, & retinere. Quare, ut huic tanto malo sancta Synodus opportunis remediis provideat, statuit hujusmodi concubenarios, tam solutos, quam uxoratos, cujuscumque status, dignitatis, & conditionis existant, si postquam ab Ordinario, etiam ex officio, ter ea de re admoniti fuerint, concubinas non ejecerint, sequae ab earum consuetudine non sejunxerint, excommunicatione feriendos esse, a qua non absolvantur, donec reipsa admonitioni factae paruerint. Quod si in concubinato per annum censuris neglectis permanserint, contra eos ab Ordinario severe, pro qualitate criminis procedatur. Mulieres, sive conjugatae, sive solutae, quae cum adulteris seu concubinariis publice vivunt, si ter admonitae non paruerint, ab Ordinariis locorum, nullo etiam requirente, ex officio graviter pro modo culpae puniantur; & extra oppidum, vel Diocesim, si id iisdem Ordinariis videbitur, invocato, si opus fuerit, brachio seculari, ejiciantur.

Hanc sacrae Synodi Constitutionem pleraque praesertim Galliarum Concilia, iidem fere verbis, suis Canonibus inievere, puta Concilium Rothomagi an. 1581. Bituricense an. 1584. Avenense an. 1585. Avenionense 1594. Burdigalense an. 1624. &c.

Prob. 2. pars de Clericis, qui eidem vitio inhærent, ejusve suspicionem inducunt; ex Canonibus multis, qui habentur tum dist. 32. & 81. tum passim in titulo *De cohabitatione Clericor. & mulier.* tum denique in Synodo Tridentina Sess. 25. c. 14. Porro poenae ibidem adversus praedictos decretæ, vel potius, saltem ut plurimum, decerni præceptæ, ad sequentes reducuntur.

1. Qui in sacris Ordinibus sunt positi, nisi mulieres abjecerint, & casto vixerint, excludendi sunt, seu deponendi ab omni eorumdem graduum dignitate. Ita Can. 11. dist. 32. Urbanus II. ubi addit se de manifestis solum concubinariis loqui.

2. Idem si ab Episcopo moniti acquiescere contempserint, a Beneficiis Ecclesiasticis usque ad congruam satisfactionem suspendi debent. Et si eisdem mulieres suspensi præsumpserint detinere, ab eisdem Beneficiis perpetuo sunt removendi. Ita Alexander III. cap. 4. *De cohabitatione Cleric. &c.* Poena hæc ad Clericos in inferioribus solum Ordinibus constitutos extenditur, ibid. cap. 6. Eadem poenas renovavit, atque etiam ampliavit Synodus Tridentina Sess. 25. cap. 14. de reform. ubi præmissa gravissima præfatione, sic loquuntur Patres: Si Clerici quicumque, qui concubinas, aut alias mulieres, de quibus haberi possit suspicio, in domo aut extra detinent, a superioribus moniti, ab iis se non abstinuerint, tertia parte fructuum, obventionum, ac proventuum Beneficiorum suorum quoruncumque, & pensionum ipso facto sint privati. Sin vero in delicto eodem cum eadem, vel alia femina perseverantes, secundæ ad huc monitioni non paruerint, non tantum fructus omnes, ac proventus suorum Beneficiorum, & pensiones eo ipso amittant. sed etiam a Beneficiorum ipsorum administratione, quoad Ordinarius, etiam ut Sedis Apostolicæ delegatus arbitrabitur, suspendantur: & si ita suspensi videntur eas non expellant, aut cum iis etiam versentur; tunc Beneficiis, portionibus, ac officiis, & pensionibus quibuscumque Ecclesiasticis perpetuo priventur, atque inhabiles, ac indigni quibuscumque honoribus, Beneficiis, ac officiis imposterum reddantur, donec post manifestam vitæ emendationem ab eorum Superioribus cum iis ex causa visum fuerit dispensandum. Sed si postquam eas semel dimiserint, intermissum consortium repetere, aut alias hujusmodi scandalosas mulieres sibi adjungere ausi fuerint, præter prædictas poenas, excommunicationis gladio pledantur. Clerici vero Beneficia Ecclesiastica aut

sunt pensiones non habentes, juxta delicti, & contumaciæ perseverantiam; & qualitatem ab ipso Episcopo carceris pœna, suspensione ab Ordine, ac inhabilitate ad Beneficia obtinenda, aliisque modis juxta sacros Canones puniantur.

Hæc Tridentini Concilii dispositio pene desumpta est ex Pragmatica Sanctione Caroli VII. tit. 19. & Concordato inter Leonem X. & Franciscum I. an. 1518. tit. 13. ex iis vero colliges Clericum notorie etiam notorietate facti concubinariam debite, & specialiter admonitum a Superioribus suis, contrahere irregularitatem, quæ licet videatur ex infamia, non cessat tamen per pœnitentiam, sed per solam Superiorem, seu Episcopi dispensationem: & hac quidem dispensatione semel concessa, si Clerici recidivo venitu ad hujusmodi publicum concubinatum redierint, sine spe alicujus dispensationis ad prædicta prorsus inhabiles manere debent, ac proinde nunquam denuo dispensari. Vide Concordatum ibid. §. 4. & 8. & Gibert in Ope- re inscripto: *Usages de l'Eglise Gallicane*, &c. p. 825.

Quæres, qua pœna plecti debeat Clericus in sacris, ob fornicationem minime concubinariam. Taceo de nefando sodomizæ crimine, contra quod terribiles decrevit pœnas S. Pius V. gemina Constitutione, quinta scilicet, an. 1566. quæ incipit: *Cum primum*; & 72. an. 1568. quæ incipit: *Horrendum illud scelus*.

R. 1. si Clericus committat fornicationem qualificatam; stupri v. gr. adulterii, sacrilegii, incestus cum filia spiritali, quam in sacro baptismatis fonte recepit; eave, cûs audiet confessionem, indubium est, quod depositionis pœna puniri possit; ita enim multis Canonibus sancitum est, puta Can. 6. xxvii. q. 1. Can. 9. & 10. xxi. q. 1. ubi sermo est de crimine, quod in conscientiam populi devenerit.

R. 2. si Clericus simplicem fornicationem admittat, puniri debet arbitrio Judicis, juxta qualitatem personæ, & circumstantiarum. Ratio est, quia varias varii Canones pro scelere isto pœnas sanxerunt, quandoque acerbis magis, quandoque mitiores; quod argumento est juxta Canonistas, crimen hoc aliter, & aliter puniri posse, puta aliquando suspensione, aliquando graviore pœna. Legatur Can. 5. dist. 82. qui his incipit verbis: *Præbiter*, si fornicationem fecerit, quamquam secundum Canones Apostolorum debeat deponi, tamen juxta auctoritatem B. Papæ Sylvestri, si in vitio non perduraverit, sed sua sponte confessus adjecit, ut resurgat, decem annis in hunc modum pœniteat: tribus quidem mensibus privato loco ac ceteris remotus, pœne, & aqua a vespere in vespeream utatur, &c.

## ARTICULUS SECUNDUS.

### *De Stupro, & Rapto.*

**S**uprum, est illicita defloratio virginis præsertim invitæ:

Dicitur 1. *defloratio*, seu virginalis claustrî per primam carnalem copulam illicita corruptio.

Dicitur 2. *virginis*, quo nomine intelligitur persona omnis, quæ necdum ullam cum altera copulam habuit; atque ea etiam, quæ jam se per molliem polluisset, aut turpibus desideriis consensisset. Et si enim aureola, & virtus virginitatis amittitur per molliem voluntariam, censetur tamen virginitas remanere, quoad integritatem carnis. Qua etiam de causa coitus extramatri-

*Tournely Theol. Moral. Tom. III.*

H h

mo:

monialis cum ea, quæ virginei signaculi integritatem casu, aut arte violasset, non desineret habere rationem stupri, prout subindicat Comitulus L. 4. q. 16. n. 7.

Dicitur 3. virginis *præsertim invita*, triplex enim a [quibusdam] distinguitur stuprum; simplex, qualificatum, & violentum. Simplex, quod sit consentiente virgine ad id blanditiis, promissis, dativæ mulieribus inducta. Qualificatum, cui accedit circumstantia malitiam criminis aggravans, ut si tutor pupillam defloret; aut qui unam data matrimonii fide corrupt, aliam sub eadem promissione corrumpat. Violentum, cum virgo per vim opprimatur: atque istud est stuprum magis proprie dictum, quod civili jure, & omnium fere locorum ulu plectitur pœna capitali. An autem id, quod vocavimus stuprum simplex, sit veri nominis stuprum; seu, an ad stuprum quodcumque requiratur violenta defloratio, adeoque, an ex allata stupri definitione tolli debeat vox *præsertim*, expendam statim, ut aliquot solve-ro difficultates.

Quæres itaque 1. an *virginis* nomine intelligantur etiam nostri sexus juvenes; adeo, ut stupri rea sit mulier, quæ a juvene copulam extorserit per vim, metum gravem, dolos, fraudes, preces admodum importunas, & familia, quibus vix obsisti possit.

R. vel esse stuprum, vel quid stupro affine; unde circumstantia vis illata in confessione aperiri debet. Etsi enim adolescens, nec signaculum naturale perdat, nec tanto coram hominibus dedecore afficiatur, quam puella; stat tamen suam ei virginitatem eripi, adeoque, & eum specialem coram Deo injuriam sustinere. Felix certe, si eos imitaretur juvenes, quos FF. Minorum historia inter crudeles scœminarum conatus occubuisse testatur, ne ab irreparabili virginitatis flore exciderent.

An autem mulier, quæ cum aliquo hætenus virgine rem habuit, sollicitata potius, quam sollicitans, circumstantiam hanc aperire teneatur; ambigi posset. Negat Theologorum vulgus cum Sylvio ibid. art. 7. partim, quia vir primam fornicationem committens, non perdit signaculum virginitatis, quo ad matrimonium reddatur inhabilior; partim, quia nihil amittit, quod paternæ custodiæ sit specialiter commendatum. Sed quidni filii pudicitia paternæ curæ commendata dicatur? Quidni gravius peccet, quæ libidini obsequens hominem facit audaciorem, & ardentiorem ad scelus? Quidni consequenter ea de re, ut subdubia interrogetur mulier peccatrix?

Quæres 2. quid sentiendum de perditis iis nebulonibus, qui condiscipulos adhuc nescios mali alliciunt ad mollem, quasi e. actum indifferenter?

R. eos quandatenus etiam stupri reos esse, ut qui virginitatis decus excutiant incautæ ætati. Adde, quod prima sint origo tot ejusdem naturæ scelerum, in quæ sponte prorunt, qui semel miseram nefariæ hujus actionis voluptatem experti fuere. His positis, sit

CONCLUSIO I. Stuprum est luxuriæ species distincta a fornicatione, 1. si puella opprimatur invita; etiamsi volens cedat stupratori.

Prob. 1. pars, quam nemo in dubium vocat; quia stuprum fornicationi simplici grandem superaddit injuriam; cum per eam violentie privetur puella sigilli virginalis integritate, quæ in ordine ad susceptionem status maxime apud homines est æstimationis.

Prob. 2. pars. Vel puella quicum peccatur, parentes habet, vel non: at qui in utroque casu defloratio ejus specialem habet malitiam. Si enim pa-  
ren-

ventes habet, gravis eis infertur injuria; quandoquidem illis invitis violentur integritas, cujus custodiam habent: sicut, ait Sylvius, injuria fieret horti custodibus, si iisdem invitis frangerentur ejus sepes, atque ita hortus depredationis periculo exponeretur; quamvis consentiret horti proprietarius, sub eorumdem custodum tutela existens: is enim utpote custodum curæ commissus, citra eorum injuriam consentire non posset. Si vero puella sit plene sui juris, crimen cum ea commissum non desinit specialem habere malitiam, 1. quia per illud impeditur a consecutione utilis, legitimæque matrimonii, quod aliqui fuisse consecutura; 2. & hæc ratio capitalis est, quia constituitur in periculo, & in via nova deinceps ejusdem generis perpetrandi crimina, & forte meretricandi. Quæ enim hoc in puncto semel, & ægre admodum pede lapsa est, paulo post toris pedibus currit; ut infelix docet experientia. Hæc ultima ratio probat deflorationem, cui & puella, & puellæ parentes consentirent, non carituram speciali malitia.

Obj. 1. cum Henno; Scienti, & volenti nulla fit injuria: atqui ex hypothesei puella est volens: ergo.

R. dist. min. Puella est volens de facto, C. de jure, N. Vult quidem puella de facto opprobrium suum; sed nec vult, nec velle potest de jure, quia jure divino velle prohibetur. Sic pupillus in sui præjudicium libere sine tutoris assensu contrahens, vult de facto; reipsa tamen vult ineffaciter, quia efficax ejus volitio jure præpeditur. Et vero fatente Henno, qui alterius volentis uxore etiam volente abutitur, verum committit adulterium; quia scilicet neuter conjux velle potest id, quod vult: ergo a pari verum infert stuprum, qui virginem de ipsius, ac parentum consensu extra matrimonium deflorat; quia non solum fornicatur, sed etiam virginæ integritati damnum infert contra legem a Deo constitutam, & cujus vis nulla humana voluntate elidi potest.

Obj. 2. cum eodem. Si quid puella patitur damni, hoc non patitur ex defloratione, sed ex diffamatione deflorationem consequenti; ergo defloratio præcise sumpta non habet malitiam a malitia fornicationis diversam.

R. neg. ant. Puella enim etiam præcisa sceleris sui divulgatione, duplex hoc patitur damnum, 1. quod non servet integritatem corporis, quam a natura servare jubebatur, seu ad mortem usque, seu usque ad matrimonium; 2. quod crimen experta frangat pudoris limites, quibus semel diruptis, jam crimen gratis aut saltem vilissime constat.

Obj. 3. Si coitus cum virgine volente sit vere stuprum, tenebitur stuprator ad restitutionem: atqui falsum consequens ex omnium Theologorum consensu; prout ipsi diximus Tom. 1. part. 3. alias 4. c. 2. art. 2. de restitutione: ergo.

R. dist. min. Stuprator non tenetur ad restitutionem, quoad consecutaria criminis, C. quoad crimen ipsum, N. Itaque, cum puella jure suo cedere possit, quoad reparationem damni temporalis, imo nullum forsan ex hac parte jus habere possit, non est mirum, quod, qui eam volentem constupravit, ad nullam ex eo capite restitutionem teneatur: at vero cum eadem jure suo cedere nequeat, seu quoad corporis integritatem, seu quoad novæ vulnæ spiritalis periculum, tenetur stuprator damna hæc, quantum poterit, compensare, & avertere, precibus scilicet ad Deum fufis, stipe pauperibus erogata, &c. Vide, quæ dixi in eodem Tract. de Restitut. ibid. c. 1. editionis tertiz Paris.

Hic obiter revocandum, quod alibi diximus, forminam scilicet teneri ad

resistendum omnibus, quibus potest modis, præsertim vicinorum opem clamoribus implorando, etiam si (modo tamen clamor speretur profuturus) stuprator districto in ejus peccato pugione mortem comminetur: quia certum usque ad gradum consentit, quæ non resistit quantum licite potest. Unde Deuter. 22. puella in civitate oppressa lapidari jubetur: *quia non clamavit*. Hinc S. Ambrosius L. de lapsu virginis consecratæ c. 3. *Sed dices*, inquit, *Nolui hoc malum, violentiam passa sum*. Respondet tibi fortissima illa Susanna ... *Ego inter duos Præbiteros posita, inter duos Judices populi .. vinci non potui, quia nec volui. Tu ab ineptissimo adolescente, & in media civitate, quemodo vim potuisti perferre, nisi quia ultro vitari voluisti? quis denique tuas voces audiuit? quis oblationes sensit?* Quapropter jure proscripta est a Clero Gallicano ann. 1700. hæc doctissimi cœteroqui Interpretis Cornelli a Lapide propositio in c. 13. Daniel. *Potuisse Susanna in tanto periculo infamiam, & mortis negative se habere, & permittere in se eorum libidinem, modo interno abusu in eam non consensisset, sed eam deestata, & execrata fuisset, tanquam temeraria, scandalosa, piarum aurium offensiva, erronea, & legi Dei contraria*.

CONCLUSIO II. Probabilius est puellam virginem, quæ turpe coitus illiciti desiderium habet, aut in ejus cogitatione morose oblectatur, virginitatis suæ circumstantiam confiteri debere: idem dicendum de eo, qui virginis copulam appetiit. Ita post Azor, & alios plures Sylvius art. 7. p. 835.

Prob. Circumstantia, quæ mutat speciem peccati, exprimi debet: atque circumstantia virginitatis, seu in ipsa virgine, quæ sui corruptionem expetit, seu in alio, qui expetit ejusdem virginis deflorationem, mutat speciem peccati. Efficit enim, ut pravus animi affectus sit stuprum spirituale; sicut actus, qui pro objecto habet conjugatam, est spirituale adulterium; ergo. Hæc conclusio est in praxi admodum dura: quis enim audito in confessione mali desiderii peccato, puellam jam grandævam, aut Monialem facile interroget, an sit virgo? Aliud tamen docere non asum.

Quæres, ad quid teneatur stuprator respectu virginis a se vitiatæ.

R. id a nobis fuisse expensum fuisse in Tractatu de Jure, & injuria, loco prius citato. Unum hæc, quæ ibidem dicta sunt, addere juvat, nimirum si in aliquo loco contingeret, ut puellæ sub promissione matrimonii facile seducerentur, melius futurum esse, ut hujusmodi promissiones, forte etiam juramento confirmatæ, nihil ducerentur ab Episcopis. Et vero in aliqua Regni hujus Parochia, ne una quidem ab uno, & amplius sæculo erat puella, quæ nuberet virgo: omnes ad unam nefariis futuri conjugii promissionibus cedebant. Ut crimini imponeretur finis, habita gravi ea de re cum Parocho, & Episcopo deliberatione, conventum est, ut nullius deinceps, quæ decipi voluisset, banna publicarentur, nisi de Episcopi consensu. Vociferatum est, inelamatum, aditi Magistratus sæculares, patres, matres, puellæ potissimum æstuerunt ira, & querelis: at ubi tandem animadversum est nihil, aut parum, aut ad summum lentissime procedi, refrænata est peccandi libido, & adeo refrænata, ut vix ulla ejus eodem in loco supersint vestigia.

Raptus, est violentia alicujus personæ abductio, causa libidinis explendæ, vel contrahendi cum ea matrimonii. Cum vero definitionem hanc, aut similem, variasque raptus species, ac effectus primarios exposuerim in Tract. de Dispensat. part. I. c. pauca admodum hæc dicenda supersunt; quæ tamen, ne omittantur.

Quæres I. quale peccatum sit raptus.

R. ra-



R. Raptus grave est luxuriæ crimen; & a cæteris luxuriæ speciebus distinctum. Ratio est, quia raptus opponitur castitati simul, & iustitiæ, quam etiam proprio modo impugnatur. Opponitur quidem castitati, quia raptor actum venereum exercere intendit, vel extra matrimonium, vel in matrimonio quidem, sed indebite contracto. Opponitur etiam iustitiæ, quia violatur jus vel personæ raptæ, vel eorum, sub quorum potestate, ac cura existit. Jus porro aliter læditur in raptu, quam in stupro, adulterio, &c.

Dices: Benjamitæ filias Silo rapuerunt; ut patet ex c. 21. L. Judic. atqui tamen non peccaverunt: ergo raptus non est peccatum.

R. 1. non desunt, qui cum Abulensi credant peccasse Benjamitas; tum quia prædictas virgines sine grandi parentum injuria auferre non potuerunt: tum quia Silonitas efficiebant perjuros, utpote, qui jurassent se filias suas Benjamitis non esse nuptui tradituros.

R. 2. Alii, & melius Benjamitas excusant a raptu. 1. quia egerunt auctoritate publica, & ad bonum commune unius Tribus Israel. 2. quia agebant ex præsumpto parentum consensu, quem hi sine perjurio præbere poterant, cum aliud sit dare nuptui filiam suam, aliud consentire, ut ea maneat penes maritum, cui jam fere sine graviore malo eripi non possit. 3. quia probabilissimum est raptas puellas, ante conjugio suo consensisse, quam ducerentur in uxores.

Quæres 2. an omnis raptus ejusdem sit gravitatis?

R. Negat. Sed is inter scæminarum raptus ordo esse videtur, ut gravissimum peccatum sit raptus Sanctimonialis, deinde ejus, quæ per simplex castitatis votum dicata est Deo postea consanguinæ\* vel affinis, conjugatæ demum, virginis, viduæ, & meretricis. Ita Sylvius, qui addit multo plus peccatum iri, si masculus masculum, scæminam scæmina nefariæ libidinis intuitu raparet.

Quæres 3. an raptor sit sponsum, qui uxorem suam primo bimestri de amplectenda religione deliberantem vi abducit, ad consumandum matrimonium.

R. Affirmat. quia vi abducere eam, quæ jure suo utitur, habet rationem raptus. Quæ tamen sic rapta est, poterit adhuc religionem amplecti invito marito, qui aliam, vivente ista, uxorem ducere non poterit.

Quæres 4. quæ constitutæ sint Jure canonico raptoribus pœnæ?

R. Eas haberi in Tridentino Sess. 24. c. 6. de reform. Matrimonii. Prima est, ut inter raptorem, & raptam quamdiu ipsa in potestate raptoris manserit, nullum possit consistere matrimonium. Secunda, ut raptor ipse, & omnes illi consilium, auxilium, & favorem præbentes, sint ipso jure excommunicati, ac perpetuo infames, omniumque dignitatum incapaces, & si Clerici fuerint, de proprio gradu decedant. Tertia, ut teneatur præterea raptor mulierem raptam, sive eam uxorem duxerit, sive non duxerit, decenter arbitrio Judicis dotare.

## ARTICULUS TERTIUS.

### De Adulterio.

**A**dulterium est alieni thori violatio, seu illicitus concubitus conjugatorum, utriusque, vel alterius. Hinc adulterium dividitur in simplex, & *Tournely Teol. Moral. Tom. III.* H b 3 du-

\* Expendent alii an gravius peccaret, qui sororem aut amitam raperet, quam qui puellam simplici castitatis voto ligatam.

duplex. Simplex, est carnalis copula conjugatæ cum soluto, vel solutæ cum conjugato. Duplex, est concubitus conjugati, cum conjugata alterius. Jam quaeritur quale sit adulterii peccatum; an ejusdem semper gravitatis, an adulterii nomen sortiri debeat concubitus cum uxore alterius consentientis, &c. Sit.

CONCLUSIO I. Adulterium est gravissimum luxuriæ crimen a cæteris specificè distinctum.

Prob. 1. pars ex Scriptura. Prov. 6. *Qui adulter est, propter cordis inopiam perdet animam suam, turpitudinem, & ignominiam congregat sibi, & opprobrium illius non delebitur.* Job. adulterium vocatur *nefas*, & *iniquitas maxima*, ignis usque ad perditionem devorans, & omnia eradicans *genimina*. Quod ergo mirum, si dixerit Apostolus I. Corint. 6. *Nolite errare: neque fornicarii, neque adulteri, neque molles regnum Dei possidebunt?*

Prob. 2. Gravitas pœnarum, delicti gravitatem arguit: atqui adulterium gravibus semper obnoxium fuit pœnis, morti scilicet; idque tum Dei, tum etiam hominum judicio: Dei quidem, ut liquet ex Levit. 20. & Deuter. 22. ubi jubentur occidi adulter, & adultera, seu lapidibus obrui, ut colligere est ex Joan. 8. & hominum vero etiam divina lege delictuorum; sic enim de Rebecca Ilaaci conjugæ ajebat Abimelech Genes. 26. *Qui tetigerit hominis hujus uxorem, morte morietur*: sic & Romani adhuc Gentiles capite plectebant adulteros; quæ lex necdum S. Hieronymi tempore desierat. Et vero quot, supreme Deus! Davidis adulterium subsecuta sunt flagella? *Non recedet gladius de domo tua usque in æternum, eo quod despexeris me, & tuleris uxorem Uriæ*, II. Reg. 12.

Suas etiam adulteris pœnas, easque gravissimas indixit Ecclesia; nempe annorum 25. Pœnitentiam, ut patet ex Can. 38. apud S. Basilium: & II. liberitana Synodus iis, qui sæpius istud flagitium admisissent, Sacramentorum usum interdicebat præterquam in ipso vitæ exitu.

Prob. 2. pars, quia adulter ultra fornicationis crimen Sacramento injuriam facit, lædit compartis jura, officit bono proli, nocet familiæ, scandala ciet, & querelas, malique innumeris se se objecit, ut docet omnium temporum experientia.

CONCLUSIO II. Datur adulterium aliud alio gravius.

Prob. tum quia gravius est adulterium duplex, quam simplex; cum istud jus unum illud jura duo violet: tum quia deterius est adulterium conjugatæ cum soluto, quam conjugati cum soluta. Vel enim copula conjugatæ cum soluto generationi nocet, prout non raro fit; & tunc graviter peccatur contra maritum, qui liberis scelesce orbatur: vel mulierem, tameris a duobus cognitam, parere contingit; & tunc sæpius incertum est utrius sit proles edita, an mariti, an alterius, unde dubia proles, & forte plus, quam dubia, hæreditatem, ad quam nullum habet jus, cum legitima prole dividit: hæc porro incommoda conjugati, cum soluta copulam non sequuntur. Hinc Deus pemisit quidem olim viro plures habere uxores, nunquam tamen foeminae duobus viri copulari.

Hinc pro praxi colliges adulterium, tam suam, quam illius, quicum peccavit conditionem in pœnitentiæ tribunali exprimere debere; ut intelligatur duplexne, an simplex adulterium perpetraverit; sicut, qui eodem actu duos occidit homines, utrumque homicidium confiteri tenetur.

CONCLUSIO III. Adulterium etiam consentiente marito commissum, non desinit veri adulterii rationem habere.

Prob.

Prob. 1. quia ex Apostolo Rom. 7. ad crimen adulterii nihil aliud requiritur, quam accessus ad non suam: *Mulier, inquit, vivente viro, vocabitur adultera, si fuerit cum alio viro*, cui contonat id D. Thomæ ibid: art. 8. *adulterium sicut ipsum nomen sonat, est accessus ad alienum iborum*: atqui posico etiam mariti consensu stat, eum qui peccat, accedere ad non suam, &c. ergo stat, eum vere adulterum esse.

Prob. 2. Ibi est veri nominis adulterium, ubi reperitur omne adulterii malum: atqui in eo, qui ad uxorem alterius consentiens accedit, reperiuntur omnia adulterii mala. Triplex enim est adulterii malum; quatenus nocet 1. generationi, aut congruæ educationi prolis. 2. quatenus violat Sacramenti sanctitatem. 3. demum quatenus lædit jus maritale: atqui triplex hoc mali genus habet adulterium de consensu mariti perpetratum. 1. enim nocet vel generationi, vel congruæ proli educationi. Quis enim per se, & generaliter loquendo, eandem spuriam, aut dubiam proli curam geret, quam certam? Nemo sane, nisi metaphysici supponant casus, qui esse possunt, nec sunt unquam. 2. violant dignitatem Sacramenti, cui maritus quantumcumque velit, renuntiare non potest. Velit enim, aut no- lit, vi sacramenti ad individuum vitæ societatem tenetur, consequenter, ad quam, ut ipse carnem suam dividere nequit in plures, si nec ratum habere, ut suam, uxor sua dividat. 3. demum lædit jus maritale. Ideo enim non læderet, quia maritus est volens, & volenti non fit injuria: atqui hæc ratio, quæ multos decepit Catuistas, nullius est momenti; quia reipsa maritus non est volens valide, nec nisi invalide jure suo cedere potest. Totum enim mariti jus in eo fundatur, quo ipse, & uxor sint caro una: ergo non aliud habet jus in uxorem, quam habeat in membra sua: atqui jus hominis in propria membra, eo totum reducit, ut iis uti possit, non ut de iis possit pro nutu disponere: sicut ergo vere injus- tus est, qui alii volenti membra abscindit, ita & qui alterius volentis uxo- re abutitur. Esto igitur maritus, volens, non lædatur; ut persona privata, at certe læditur, ut maritus est, tum uxori suæ, tum & proli consulere. Jure ergo propositionem istam n. 5. reprobavit Innocentius XI. *Copula cum conjugata, consentiente marito, non est adulterium; adeoque sufficit in confessione dicere se esse fornicatum.*

Neque melius est, quod docuit Caramuel, adulterium scilicet posse in confessione explicari dicendo prius: Commisi simplicem fornicationem; ac dein- de post interjecta alia quædam peccata, addendo: Intuli cuidam gravem injuriam tertiam personam mihi cooperante. Quasi vero sufficiat injuriam declarare modo generali, qui tam furto, & detractioni conveniat, quam adulterio.

Dices, Augustinus L. 1. de Serm. Dom. in monte, c. 17. dubitavit de peccato Antiochenæ mulieris, quæ ut marito cæteroqui occidendo vitam servaret, de ejusdem consensu alteri se copulaverat: ergo dubitavit, an fornicatio de mariti consensu, esset adulterium.

R. 1. haud licitum esse nunc dubitare de omnibus, quæ Augustinum habuere impediunt. 2. non dubiasse S. Doctorem de peccato, sed de facti veritate; & vero ante hujus historiæ relationem sic loquitur Augusti- ninus: *Certe non est ita existimandum, quod hoc femina, viro permitten- te, facere possit.* Idem loculentissime statuit L. de fide, & operibus c. 7. quin etiam S. Doctör dubitasset de peccato, non tam dubitasset, an actio hæc ex rei natura esset mala, quam an non mulier ex simplicitate im- munis fuerit a malitia formali adulterii.

Quæres 1. de quibus interrogandi sint adulteri?

R. Præter ea, quæ pro fornicariorum examine superius dicta sunt, interrogandos esse adulteros. 1. an adultera ex illicito coitu conceperit. 2. an proles ex mariti bonis nutriatur, ut legitima. 3. an eadem proles cum legitimis filiis successerit hæreditati sibi indebitæ. 4. an non adulter cum focia criminis substantiam suam, & familiæ bona dilapidet. 5. an non habeat, cum eadem consuetudinem peccandi.

Quæres 2. an ejusdem nequitiz sit adulterium cum Infideli, ac cum Christiana?

R. Esse minus, quatenus non læditur Sacramentum; posse vero esse gravius, deterrendo Infidelem a conversione sua.

Quæres 3. ad quid teneatur adulter ratione prolis, aut etiam adultera?

R. Id explicatum fuisse in Tractatu de Restitut. ubi supra. Quomodo autem in exteriori foro probetur adulterium, expendunt Canonistæ in tit. 16. L. 5. Decretal. qui est *De adulteriis*, & *supro*.

## ARTICULUS QUARTUS:

### *De Incestu.*

**I**ncestus, est peccatum luxuriæ, cum persona cognata, vel affine intra gradus prohibitos.

Dicitur 1. *peccatum luxuriæ*, quia non solus concubitus, sed tactus etiam impudici, oscula, & aspectus inter personas consanguineas, aut affines participant rationem incestus, quasi qui induant malitiam actus principalis, ad quem ordinantur. Quamquam incestus a multis definitur: Congressus cum persona cognata, &c.

Dicitur 2. *cum persona cognata*, sive cognata sit cognatione carnali, sive legali, sive demum spiritali; ex ista enim fit, ut crimen, & sacrilegium sit, & incestus dici valeat, ut patet ex c. 6. *De cognat. spirit. & Trident. Sess. 24. de reform. mat. c. 6.*

Dicitur 3. vel affine. Affines vero sunt ex, quæ quia consanguineæ sunt uni carnaliter cognoscenti alteram, cum ista quamdam propinquitatem contrahunt. Sed de his adeundus est Tractatus noster de Dispensationibus.

Dicitur 4. *intra gradus prohibitos*, seu a natura seu a legibus Ecclesiæ, quales sunt omnes gradus consanguinitatis, & affinitatis ex matrimonio contractæ usque ad quartum inclusive; affinitatis autem ex copula illicita usque ad secundum.

Quæres an etiam incestus sit copula Confessarii cum ea, cujus confessionem exceperit.

Affirmant aliqui, ob c. omnes 8. xxx. q. r. ubi ex Sylvestro sic loquitur Symmachus: *Omnes, quos in Penitentia suscipimus, ita nostri sunt spirituales filii, sicut illi, quos in Baptismo suscipimus*. Sed negant alii plures; nec immerito. 1. quia spiritalis hæc filiatio, prorsus ab iis differt, quæ impedimentum matrimonii pariunt; unde Bonifacius VIII. c. ult. *De cognat. spirit.* declarat, quod ex datione aliorum, quam Baptismi, & Confirmationis Sacramentorum, *cognatio spiritalis nequaquam oritur*. 2. quia poenitentes eo ferme modo sunt spirituales Confessariorum filii, quo eorundem filii sunt ii, quos prædicatione verbi, & exhortationibus parturiunt in Christo, & a pec-

peccato revocant ad gratiam: ii porro nonnisi latiori sensu appellari possunt filii spirituales: ergo copula hæc non est incestus, sed quædam sacrilegii species, eo gravior, quod fiat cum persona, quam Confessarius ex officio patris, medici, judicisquæ a peccato retrahere tenebatur, nedum ad illud allicere. Quapropter circumstantia hæc in confessione necessario aperiri debet, utpote cui scedior quædam, & horrenda magis deformitas inexistat.

Erit autem adhuc gravius peccatum. 1. si Episcopus aut Parochus ad crimen adducat; quia utrique specialior incumbit cura spirituales ovium suarum perniciem avertendi. Hinc Cælestinus c. 10. 30. q. 1. *Si forte contigerit, ut prædicti pœnitentibus suis abutantur, pœniteat Episcopus 15. annos, Præbyter 12. & deponatur: si tamen in conscientiam populi devenerit.* Quin & Symmachus cit. c. 8. sanxit, ut *si quis hoc scelus perpetraverit, non solum dignitatis honorem amittat, verum etiam usque ad exitum vitæ suæ, jugo pœnitentiæ se subdat.* Et vero ut ex Panormitano notat Fevret. Tract. de Abusu lib. 8. c. 2. n. 13. *Cum Ecclesiæ rector, illi matrimonio spirituali junctus sit, ipse maritus est, atque ideo dum mulieri quamvis liberæ miscetur, adulter est.* Quin, ut addit idem Fevret. ex Canonistarum sensu, Præbyteri, vel Clerici in sacris, plus peccant fornicando, quam uxoratus adulterando.

2. Si Confessarius, quisquis ille sit, sollicitet in ipsa confessione, aut occasione vel prætextu illius: puta, si ad turpia eam inducat, cujus fragilitatem ex ipsa confessione habet compertam; aut si eam crebro inviasat, specie quidem quasi spirituales ipsius animæ curam habiturus, reipsa autem, ut pudori ejus insidias struens. Ratio est, quia in his casibus, salubre Christi Sacramentum, aut saltem pietatis larva assumuntur instar medii ad peccatum.

Hic notand. 1. disciplinam Parisiensis Ecclesiæ circa peccata pœnitentem inter, & Confessarium, his nunc exprimi verbis: Reservatur D. Archiepisc. *concupiscit Confessarii cum pœnitente, & pœnitentis cum Confessario.* Item *Parochi cum parochiana, & parochiana cum Parocho.* Sacerdoti *confessio cujuscumque tactus impudici adimitur ipso facto omnimoda facultas audiendi unquam confessionem ejus, cum quo, aut qua crimen admisit, ipsum, aut ipsam absolvendi sub quovis prætextu, etiam tempore Jubilei.* Ubi nomine tactus impudici ille solum intelligitur, qui peccatum sit lethale; cum species quædam gravissimæ suspensionis leves ob causas non infligatur; & hoc indicat nomen *criminiis*, quo utitur Illustr. Archiepiscopus. In hac tamen materia quandoque pro levi habetur, quod grave est; unde vel ipsam mali speciem caute effugere debet Confessarius Deum timens, & famæ suæ studiosus. Hinc docent Lamet, & Fromageau V. *Baiser*, pœnitentem, quam Confessarius cum ab ea invisebatur, oculo salutabat, non debere deinceps sua apud eum peccata deponere; quia etsi erat vir bonæ frugis, quædam nihilominus sui susceptionem invehebat; seque, & pœnitentem pravi consensus periculo exponebat. Addunt iidem V. *Confesseur*, cas. 3. *seclusa* Diceleleon lege, Confessarium, qui pœnitentem tetigerit minus pudice, aut ab eadem pari modo tactus fuerit, nunquam extra calum magnæ necessitatis eandem audire posse in tribunali.

Not. 2. pœnitentem aliquando teneri, tum ex vi Constitutionis Gregorii XV. tum ex vi juris naturalis, ad denunciandum Ordinario infamem Confessarium, qui confessionis occasione utitur, ut suos, suasve pœnitentes ad turpia sollicitet. Verum hic multiplici opus est prudentia, præsertim in iis, qui denuntiationem recipiunt, aut consulunt, prout obi-

ter monui in Tract. de Charitate. Cæterum damnata est ab Alexandro VII. propositio sequens: *Confessarius, qui in Sacramentali confessione tribuit penitenti chartam postea legendam, qua ad venerem incitat, non censetur sollicitasse in confessione, ac proinde non est denuntiandus*. Vide Pontas v. *Confesseur* 2. cas. 17. ubi docet, & necessarium esse aliquando ut penitens Confessarium sollicitatorem denuntiet; & ei tamen, si denuntiare nolit, non esse negandam absolutionem; quæ duo secum invicem conciliari vix possunt.

Quæres 2. an crimen sodomix, contrahat malitiam incestus in iisdem gradibus, in quibus eam contrahit fornicatio.

R. Affirmat. contra Sanchez. Ratio est, quia in quolibet horumce graduum læditur reverentiæ cognatis, aut affinibus debita, vel jure naturæ, vel saltem Ecclesiæ præcepto. Et vero apud fideles omnes unanimi quodam sensu receptum est, ut non diversi solum, sed & ejusdem sexus personæ spectentur tanquam affines; ergo quidquid eæ inter se contra castitatem admittunt, participat naturam incestus.

Jam duo hic inquiruntur, quale peccatum sit incestus; 2. an incestus quilibet ejusdem sit speciei. Sit

CONCLUSIO I. Incestus gravissimum est crimen.

Prob. 1. ex Levit. 20. ubi diversis incestuosorum gradibus mortis pœnæ constituitur, quia *scelus, nefas, turpitudinem, rem nefariam* operari sunt. Accedit gravis pœna ab Apostolo lata in incestuosum Corinthium, qui sanctæ traditus est in *interitum carnis*. 1. Cor. 5.

Prob. 2. ex S. Augustino, qui Lib. de adulterii. conjug. ait: *Adulterii malum vincit fornicationem, vincitur autem ab incestu: pejus est enim cum matre, quam cum aliena uxore concumbere*.

Prob. 3. quia ut hic art. 9. diffinit S. Thomas, *naturaliter homo debet quandam honorificentiam parentibus, & per consequens aliis consanguineis, qui ex eisdem parentibus de propinquo trahunt originem; in tantum, quod apud antiquos, ut Valerius Maxim. refert, non erat fas filium cum patre balneari, ne se invicem conspicerent: atqui manifestum est, quod in affibus veneris maxime consistit quædam turpitudinis honorificentie contraria; unde de his homines verecundantur; ergo incongruum est, quod commixtio veneris fiat talium personarum*. Atque hoc, belluas quasdam, vel ipsa natura docuit: unde narrat Aristoteles Lib. 9. Hist. animal. cap. 47. camelum, qui ex stabularii fraude coierat cum matre sua, deceptorem suum interfecisse; equum vero pari arte delusum, ex alto jactasse se in præcipitium.

CONCLUSIO II. Datur incestus alio gravior; unde in confessione exprimendum est, quo in gradu peccatum fuerit.

Prob. quia incestus cum matre gravior est, quam cum filia; incestus cum filia, gravior, quam cum sorore; incestus cum sorore, gravior, quam cum consobrina, incestus cum noverca, gravior, quam cum uxore fratris: uno verbo gravior est incestus, quo propinquior est consanguinitatis vel affinitatis violatæ gradus. Quin etsi censent aliqui necessum non esse ut exprimaturs tertius, aut quartus gradus consanguinitatis, vel affinitatis, satis est tamen, quia multo tutius, eos gradus non reticeri; quia ad minus incertum est, an non ii gradus sint circumstantiæ notabiliter aggravantes.

Obj. Ideo necessum foret incestus gradum confiteri, quia diversi incestus diversæ essent speciei: atqui id falsum est, tum ex S. Thoma ibid. tum quia peccata ex eodem motivo, & sine prohibita, non differunt penes

penes speciem : atqui incestus omnes nonnisi ex iisdem motivo , & sine prohibentur , nempe ob reverentiam , quam certæ personæ sibi invicem debent , seu ex natura rei , seu ex Ecclesiæ præcepto : ergo .

R. 1. neg. maj. Sive enim incestus omnes ejusdem sint speciei , sive non , constat eorum aliquos tantam ex circumstantia propinquioris gradus habere deformitatem , ut inde peccatum insigniter aggravetur ; quod sufficit , ut ille gradus in confessione debeat aperiiri .

R. 2. neg. min. cum pluribus , qui a B. Thoma dissentiant . Et quidem 1. admodum probabile est , incestum cum consanguinea differre penes speciem ab incestu cum affine ; quia reverentia consanguineis debita , non est ejusdem rationis , quam quæ debita est affinibus . Hæc enim solum nitiur copula , quam quis consanguineorum meorum habuit cum aliqua ; illa vero fundatur in ejusdem sanguinis unitate , & pari descensu ab eodem stipite ; 2. specie etiam distingui videtur incestus cum hac consanguinea , v. g. cum matre , ab incestu cum sorore , imo & cum filia , sicut specie differt matris occisio , ab occisione sororis , vel filiæ . Et vero , qui ad matrem accedit , violat rationem principii , eamque inferioritatem , qua filius genitrici suæ subjacet &c.

Quæres , quas incurrat pœnas , qui cum uxoris suæ consanguinea incestum admisit .

R. Eum , si incestum in primo , aut secundo gradu consummaverit , non posse jam sine peccato mortali petere debitum , nisi antea dispensationem obtinuerit . Ratio est , quia gravem transgreditur Ecclesiæ legem , latam cap. 1. *De eo , qui cognovit* , &c. Ab hac pœna hodie dispensant Episcopi , forte ob calum frequentiam , forte ob periculum , quod pateret mora ad Romanum Pontificem recurrendi .

An autem dispensare hoc in puncto possint hodiedum Mendicantes , controversitur . Affirmat Henno ut probabilius , eos id etiamnum posse ; non quidem vi concessionis , vivæ vocis oraculo a Pio V. factæ , ( cum omnia vivæ vocis privilegia revocaverit Urbanus VIII. ) sed vi privilegii a Julio II. Benedictinis Congregationis Vallisoletanæ concessi , & per communicationem privilegiorum ad Mendicantes extensi . Ad id tamen requirit idem Scriptor , 1. ut Religiosi a Provinciali suo specialiter ad hoc deputentur ; 2. ut non alibi , quam in domibus , & Ecclesiis Ordinis , & quidem in ipso pœnitentiæ tribunali dispenfent . De his , penes eos , quorum interest , est judicium .

## ARTICULUS QUINTUS.

### *De Sacrilegio.*

**S**acrilegium sumptum , ut hic sumitur pro luxuria sacrilega , definitur peccatum venereum , quo res aut persona sacra violatur .

Quod spectat ad sacrilegium ratione rei sacræ , censetur istud committere quisquis in loco sacro actum quemlibet venereum exercet . Locus autem sacer hic intelligitur Ecclesia sive consecrata , sive simpliciter benedicta , & sacro cultui deputata ; item Cœmeteria , & Capellæ , Episcopi auctoritate ad cultum Dei deputatæ . Ecclesiæ vero constructæ , sed nondum benedictæ ; Monasteria quoque , dormitoria , vel cubacula Religiosorum , non sunt locus sacer ad effectum constituendi illius , de quo tunc loquimur , sacrilegii . Idem est , juxta Sanchez lib. 9. disp. 15. n. 26. & seq.

1. de

1. de spelunca constructa sub Ecclesia, nisi hæc destinata sit ad sepulcrum fidelium; 2. de turri ubi collocantur Ecclesiæ tintinnabula; 3. de oratorii sine Episcopi auctoritate erectis; ac etiam de locis illis, quæ neque sunt benedicta, neque divino cultui mancipata, tamen ex Episcopi licentia interdum ibi celebretur. Ita & Sylvius ead. q. 114. art. 10.

Ego quidem facile cum his aliisque passim auctoribus crediderim non polui Ecclesiam, si quis, vel supra tectum ejus, vel extra lineam, quam attingunt valvæ cum occluduntur, fornicationem, aut homicidium commiserit: sed difficile credam, crimen ipso templi limine, & quasi sub oculis Christi admissum, non esse deterius eo, quod alibi perpetraretur. Certe, qui sub ipsa Regis fenestra tale quid moliretur, gravius vapularet. Unde, si quis eos usque deliret, ut in tali loco delinquat, ad minus suadebo, ut circumstantiam hanc aperiat, eumque graviori multandum poenitentia censebo.

An circumstantia loci sacri explicanda sit in quocumque luxuriæ peccato, non convenit inter Theologos. Negat Sylvius ibid. si solum sermo sit de verbis, & aspectibus; modo, inquit, neque fuerit pollutio, neque ejus periculum. Aliter sentit de tactibus impudicis, quia hi proxime ad mollietatem disponunt. Diximus nos in Tractatu de Peccatis multo tutius esse, ut qui mortale quodcumque peccatum in loco sacro commiserit, circumstantiam hanc explicet. Sit jam de sacrilegio ratione personæ.

CONCLUSIO. Sacrilegium ratione personæ, est peccatum grave, & eo gravius, quo magis Deo dicata est persona, quæ castitatem lædit, & inhonestior actio, qua se inquinat.

Prob. 1. quia si fornicatio Christiani præcise, qua talis, sit crimen adeo scdum, ut *membra Christi faciat membra meretricis*; prout nerve loquitur Apostolus 1. Cor. 6. quanto deterior erit culpa illius, qui consecrationem suam irritam duxerit, & impie violaverit. Senserunt id vel Ethnici, qui Vestales suas, licet infamibus diis mancipatas, lenta, & crudeli morte, si quando pudicitiam temerassent, consciebant. Quod ergo ad fideles omnes dicit Apostolus Eph. 5. *Fornicatio, & omnis immunditia nec nominetur in vobis, sicut decet sanctos*, majorem in Clericis sacris locum habere debet.

— Prob. 2. ex gravibus poenis, quæ adversus Clericos sacrilegii reos olim, tum a summis Pontificibus, tum a Conciliis sancitæ sunt. *Qui post acceptum sacrum Ordinem lapsus in peccatum carnis fuerit*, ait S. Gregorius Lib. 3. Ep. 26. *sacro Ordine ita careat, ut ad altaris ministerium ulterius non accedat*. Consonat id Synodi III. Aurelianensis, c. 7. *Si quis Clericus adulterasse, aut confessus, aut convictus fuerit, depositus ab officio, communionem concessa, in Monasterio, toto vitæ suæ tempore detradatur*. Legatur ea de re eximia S. Gregorii Epistola ad Lucensem Episcopum, ubi præcipitur, ut Præbyter pro crimine lapsus sui, a Sacerdotii ordine dejectus, si ministerium suum exercere præsumplerit, sacra Communionem privatus in poenitentiam redigatur, *ita ut usque ad diem obitus sui in eadem excommunicatione permaneat, & viaticum tantummodo exitus sui tempore percipiat*. Vide Gratian. dist. 50. Canon. 9. 10. & 11. & dist. 81. passim.

Prob. 2. pars, quia eo gravior est injuria Deo illata, quo gravior est ejusdem injuriæ materia, & gravior prohibita: atqui sodomix v. g. materies, gravior est, quam adulterii, & hæc gravior est, quam fornicationis: aliunde hæc gravior prohibita est Sacerdoti, quam Diacono, Religioso professo, quam sæculari personæ, quæ se simplici tantum voto constrinxerit: ergo.

Hinc,



Hinc, ut rite detegatur sacrilegii culpa, & gradus, aperire debet prænitens voto ligatus, 1. an seipsum sœdaverit cogitationibus, desideriis, aspectibus, tactibusve impudicis; 2. an non idem fecerit in persona alterius, & an ea persona pari voto ligaretur, necne; 3. an simile quid passus sit ab alio, & quis ille sit. Unde etiam persona minime sacra aperire debet, an non relative ad personam sacram deliquerit. Imo, si quis solum permiserit se minus caste a persona sacra tangi, ad id exponendum tenetur; quia specialiozem Deo injuriam facit, qui manibus eadem specialiter consecratis sese tangi, ac sœdari patitur.

At sufficitne, ut qui castitatem solemniter professus est, dicat se fecisse contra votum? Non sufficit, ait Sylvius *ibid.* pag. 838. sed exprimenda est solemnitas voti circumstantia; cum hæc, vel peccati speciem mutet, vel peccatum aggravet notabiliter.

Si quis tamen peccet contra votum, quod pluries renovaverit, necessario non est ut hanc iterati pluries voti circumstantiam aperiat; cum hæc delictum non aggravet ex communi seniorum Theologorum sensu; quia, qui rem semel Deo deliberate promisit, non minus eam debet, quam qui millies: nec plus, qui millies, quam qui semel.

Ergo, inquires, qui Religiosus simul, & Sacerdos fornicatus est, non admittit duplex sacrilegium; unde ei proinde satis erit, si alterutram conditionem confiteatur.

R. id quidem ab aliquibus admitti; quia, inquiunt, nulla est specifica peccatorum diversitas, cum impugnatur eadem virtus, eodemque motivo præcepta: porro Religiosus, qui est in sacris, eandem solum virtutem impugnat fornicando, nempe castitatem; & hæc non alio præcipitur motivo Sacerdoti, quam Religioso: ergo perinde se habet, ac si idem votum bis emissum transgrediretur. Ita fere Sanchez lib. 7. disp. 27. n. 28.

Quia tamen idem Theologus fatetur probabile esse utriusque circumstantiæ declarationem requiri; & reipsa Sacerdos simul, & Monachus duplicem violat consecrationem ratione sui maxime diversam, duplicemque virtutis districtius amplectendæ titulum, ideo Sanchezii opinio non est præfate tenenda. Unde etiam ei, qui contra castitatem deliquerit, explicandum est, an sit Episcopus, an Sacerdos, an Diaconus. Immo, si quis post emissum simplex castitatis votum, solumne ejusdem virtutis votum emittat, utrumque declarari velit: quia licet solumne votum supponatur non differre essentialiter a voto simplici, addit tamen circumstantiam status religiosi notabilissime aggravantem, ut agnoscat idem Sanchez. Adde; quod in dubio ad Sacramenta pertinente pars tutior necessario sit amplectenda: & ita sentit Sylvius in eumd. art. 10. Favet Henno p. 385. etiam dum stat pro contraria opinione.

Quæres, an sacris initiatus, qui laicæ personæ consuluit ut in se, vel in alio impudici quidpiam exerceret, debeat confiteri se esse in sacris.

Negat Henno, quia, inquit, talis non vovit castitatem alienam, sed propriam. Verum ratio hæc mera est, & misera subtilitas. Propriam enim castitatem lædit, qui approbat aliquid impudici: sed, qui actionem veneream consulit, ad minus formaliter, & expresse approbat aliquid impudici; sicut, qui consulit homicidium, ad minus idem homicidium approbat; ergo actio illa non est quidem sacrilega ex parte laici, qui eandem in se, vel in alio laico exercet; est tamen sacrilega ex parte Ministri sacri, qui eandem consulit: vel, si majoris, actio est solum impudica; consilium vero

vero sacrilegium. Atque hinc sacrilegii reæ sunt Moniales, quæ pectoris venustatem laudantes in Pensionariis suis, easdem ad nuditatem scandalosam, in quam junior sexus de se satis propendet, accendunt.

Quæres iterum, an qui in sacris, & alba indutus impudici quidpiam perpetrat, duplex committat sacrilegium?

R. Affirmat. quia gravem ornamentis benedictis, & ad sacrificium, ejusve ministerium consecratis injuriam facit. Aliud est, juxta communionem, quam alibi amplexi sumus sententiam, si quis reliquias gerens peccet, nisi, quod rarum est, in earundem contemptum delinquat.

## ARTICULUS SEXTUS.

### *De peccatis contra naturam.*

**E**T si peccatum omne est contra naturam hoc sensu, quod rectæ rationis dictamini adversatur; ea tamen præcipue scelera contra naturam esse dicuntur, quæ repugnant ordini a natura præscripto ad humani generis propagationem. Is autem ordo exigit 1. ut duo commisceantur, contra quod facit pollutio; 2. ut iidem ejusdem sint naturæ, contra quod facit bestialitas; 3. ut sint diversi sexus, contra quod est sodomia; 4. ut in vase debito convenient, & cum virent coeundi modum, qui generationem impedire queat, contra quod rursus facit concubitus sodomiticus, & is, in quo maritus succumberet. De his omnibus dicenti, & legenti ea, adis, enixe precor, o Deus.

## SECTIO PRIMA.

### *De Mollitie.*

**M**ollities seu incontinentia secreta, quæ passim, & minus caste dicitur pollutio, est Voluntaria seminis ejaculatio extra concubitum.

Dicitur 1. *ejaculatio*, seu emissio cum impetu facta, & sic distinguitur a distillatione seminis, quæ sensim sine sensu contingit ratione sui, licet aliquando annexos habeat turpes motus.

Dicitur 2. *voluntaria*, scilicet in se vel causa; alioqui enim nec culpabilis esset, nec proprie pertineret ad actum venereum, de quo loquimur.

Dicitur 3. *seminis*, & sic rursus distinguitur a distillatione, in qua labitur, & excidit humor quidam, semen inter, & urinam medius, aquosior, & fluidior semine, aqua glutinosior. Ita Sanchez Lib. 9. disp. 45.

Dicitur 4. *extra concubitum*, non autem necessario extra vas generationi destinatum: quia muliebris pollutio in ipso vase absque externo fluxu perfici potest, nec consummatur extra, nisi raro, & per motus admodum violentos. Habet quidem sexus fluxum aliquem non ab similem distillationi, sed is ut plurimum est sine ullo delectationis sensu: & id advertere debent Confessarii, alias mollitiem suspicaturi ubi non sit, non suspicaturi autem ubi sit plenissime.

Jam tria quærentur, 1. an, & quale peccatum sit mollities; 2. an, & quando poni possit actio, ex qua eadem secutura prævideatur; 3. an licitum sit eandem desiderare, aut de ea sub aliquo respectu lætari. Sit.

CONCLUSIO I. Mollities est peccatum mortale ex natura rei.

Prob.

Prob. 1. pars ex Apostolo 1. Corinth. 6. ubi sic: *Neque adulteri, neque molles regnum Dei possidebunt.* Et vero actio Onam, qui semen fundebat in terram, dicitur res detestabilis, Genes. 38.

Prob. 2. pars: 1. ex censūra hujus propositionis, quæ inter damnatas ab Innocentio XI. est n. 49. *Mollities jure naturæ prohibita non est, unde si Deus eam non interdixisset, sepe esset bona, & aliquando obligatoria sub mortali.*

2. Ideo mendacium est contra naturam, quia est contra finem, ad quem instituta est loquela: atqui pariter mollities est contra finem, ad quem institutum est semen humanum; is enim finis non est alius, quam humanæ speciei conservatio: ergo, qui semen disperdit, eodem utitur contra finem a natura intentum; & sic de re, quæ Dei dominio subest, contra ipsius Dei voluntatem disponit. Ita sermo S. Th. q. 15. de malo, art. 1. Atque hinc sequitur, quod docet idem S. Doct. aliique passim, molliem esse, quid pejus fornicatione.

3. Actus, in quo ratio sensibus voluntarie, & turpiter subditur, repugnat naturæ, quæ animam sensibus imperare præcipit: atqui in mollietate ratio sensibus voluntarie subditur, & admodum turpiter; prout fuse probat Doct. Aug. 2. 2. q. 153. art. 7. ubi intellectum, & voluntatem luxuria insigniter debilitari, & deordinari ostendit. Atque id efficaciter ostendunt exempla, tum senum, qui *exarserunt in concupiscentiam ejus, Susannæ, & evertunt sensum suum, & declinaverunt oculos suos, ut non viderent cælum*, Dan. 13. tum Salomonis, *cujus, cum jam esset senex, depravatum est cor per mulieres*, in tantum, ut *sequeretur Deos alienos*. Ibi quidem sermo est de fornicatione; sed quis nesciat juvenes ad eam molliem deduci?

Confirm. Actio, quæ de se proximo peccandi periculo exponit, est de se peccatum: atqui mollietates de se exponit ... exponit enim periculo concupiscendi in vehementia delectatione, quæ molliem comitatur; unde exponit etiam periculo prodigendi seminis in fornicatione, adulterio, & similibus, prout docet experientia: ergo &c. Ita Sanchez L. 9. disp. 17. n. 16.

4. Si mollietates naturali jure prohibita non sit, Gentiles destituti positiva Dei lege hoc crimen vetante, nihil fecissent mali corpus suum polluentes atqui tam falsum, quam horribile consequens; ut patet ex hoc distichon, quo Martialis poeta cæteroqui minime scrupulosus, Ponticum quemdam ætri hujus sceleris mancipium perstringit:

*Ipsam credere tibi naturam dicere verum,*

*Illud, quod digitis, Pontice, perdis, homo est.*

At, inquires, ipsa conjugum copula rationem subdit sensibus, nec tamen peccatum est.

R. 1. conjugalem actum sæpius a culpa non esse immunem; ut supra diximus.

R. 2. evidentia compertum esse rationem non hebetari in iis, qui intra justos limites matrimonio utuntur; & vero Deus conjugii auctor debuit providentia sua efficere, ne ex eo orirentur pravi affectus; & id præstat conferendo, præsertim per matrimonii Sacramentum, auxilia quibus conjugalis amor intra virtutis metas facile possit contineri. Ita Dominicus Viva S. J. in Libro cui titulus: *Damnata theses*, &c.

Hinc colliges 1. ne mortuis quidem vitandæ causæ licitum esse vel minimam molliem sibi procurare. Unde, qui tali situ, v. g. supinus recubat, quive plura aut calidiora bibit vel manducat, eo fine ut etiam in somnis sequatur seminis effusio, reus est mollietati, etiamsi præcise intendat corporis levamen, ut anima ad obsequium Dei promptior sit, & expeditior.

Col.

Colliges 2. non licere importunos carnis pruritus sedare verenda deficiendo, si ex ea actione immineat periculum pollutionis: quia conficatio hæc esset directa mali hujus causa. Quapropter patienti animo toleranda est infirmitas illa, & revocandum in mentem momentaneum, & reipsa leve castitatis martyrium, æternum gloriæ pondus operari in nobis.

Colliges 3. non licere tactu, instrumento, aut fricationibus expellere semen corruptum; quia actiones eæ de se ad veri seminis expulsionem provocant. Unde quamvis licitum sit medicamentis, si quæ sint idonea, corruptum semen abigere, sicut foetum certo mortuum expellere licet; haud tamen unquam licitum est, semen illud expellere ope ejaculationis; quidquid dicant, aut dicere videantur Casuistæ plures, quos turgide citat Amadæus Guimenius p. 22. & ratio est, quia, ut etiam a Medicis didici, semen corruptum, cum sit pars mortua, de se est immobile; ac proinde nonnisi ad motum, & impulsus seminis vivi moveri potest; unde fit, ut ejectio corrupti incipiat ab ejectione vivi, ac proinde a vera mollitie.

Colliges 4. cum Sanchez ibid. n. 17. non licere cooperari ad seminis jam e lumbis decissi effusionem, quamvis ejus retentio grave corporis saluti detrimentum allatura sit. Ratio est, quia ad rem de se malam cooperari non licet. Et quamvis doceat Gerfo in speciali ea de re tractatu, licitum esse haud impedire mollitiem, quæ cœpit in somnis, & quæ cum expergitur homo, jam est in naturali fluxu: mihi tamen opinio hæc videtur absolute falsa; tum quia debet quis, quantum potest impedire ne malum hoc, quod involuntarie cœpit, de suo consensu perficiatur; tum quia vix fieri potest, ut qui in hoc eventu tranquillus manet, nonnihil delectationi carniæ indulgeat. Haud tamen tactu coerceri velim impetum carnis, sed ardenti ad Deum clamore, invocatione B. Virginis, crucis signo; item frigidiorum lecti partem inquirendo; aut e cubili media etiam hieme foras ad modicum tempus profiliendo.

Colliges 5. aliquando contingere, ut plus, vel minus peccet, qui fluentis seminis tempore evigilat, si nempe pollutio propter delibationem placeat. Quod quidem erit veniale peccatum, si fit ex subreptione talis placitis, aut lentiatur a semidormiente; mortale autem, si fit cum deliberato consensu, & præcipue cum appetitu futuri. Ita S. Thomas in 4. dist. 6. q. 1. art. 4. quæstiunc. 1. & S. Antoninus ubi infra.

Quæres an omnis pollutio ejusdem sit gravitatis.

R. negat. & id advertere debent Confessarii: 1. etenim gravior est, quæ aliena manu concitatur, quia tunc duplex intervenit noxa, tua scilicet, & alterius, quem ad idem scelus inducis, & forte ante nescium tantæ pravitatis; v. quia, quæ fit cum cogitatione personæ consanguineæ, sacræ, vel conjugatæ, &c. participat malitiam incestus, sacrilegii, adulterii, &c. 3. quia gravior est mollities conjugati, quam soluti, quia per primam violatur fides conjugalis, exigens, ut conjugum alter alteri corpus suum caste conservet. Censet tamen Ethica amoris mollitiem hominis alterius manu procuratam non distingui penes speciem ab ea, quæ vel propria, vel mulieris manu producitur, nisi prior ad sodomiam ordinetur, quod raro fit; posterior vero ad fornicationem, quod multo facilius evenire potest.

Quæres iterum, an mollitiei malitia invincibiliter ignorari possit.

R. vix id posse supponi, & multo minus apud Christianos: unde, qui peccata sua pluries confessus, crimen hoc reticisset, & causaretur se id  
ex

ex ignorantia fecisse, ad iterandas confessiones indubie teneretur: nisi fingantur hypotheses, quæ nusquam forte fuerunt a parte rei.

CONCLUSIO II. Mollities, quam quis patitur etiam invitatus, toties, & tunc dumtaxat est peccatum, quoties procedit ex causa, quæ vitari potuit, & debuit tanquam hujus effectus productiva.

Prob. 1. pars. Mollities, ut & alia quælibet actio de se mala, toties peccatum est, quoties voluntaria est in se, vel in causa: atqui toties, & tunc tantum voluntaria est in causa, quoties causa hæc vitari potuit, & debuit: ergo.

Hinc, qui vacat rei ex natura sua malæ, turpi, & quæ de se ad molliem notabiliter disponit, ut sunt tactus obsceni, aspectus turpes, amplexus, cogitationes morosæ, desideria, lectiones, locutiones, & alia, quæ graviter impudica sint, reus est mollietati subsequenti; quia hæc ex natura rei graviter, & directe tendunt ad excitandos venereos motus, & miseria, quæ inde sequi consueverunt, non quidem semper hic & nunc, sed aliquando post, & saltem in somno. Quin, & dici potest pollutionis, etiam si forte non sequatur, malitiam prædictis actibus semper annexam esse; quoties nimirum prævideri potuit, ut fere semper potest, molliem inde sequi posse.

Quod si causa etiam in genere luxuriæ mala, nonnisi venialiter mala sit, leviterque solum ac remote insuat in molliem, *verius videtur*, ait Sylvius ibid. art. 21. concl. 2. *quod quis non tenetur abstinere ab illa causa sub peccato mortali, quodque pollutio inde contra voluntatem proveniens, solum sit peccatum veniale; quia non est voluntaria, nisi leviter, & imperfecte.* Favet S. Antoninus 2. part. tit. 6. c. 5. pag. mihi 248. his verbis: *Si quis comedit nimis, vel nimis calida, ex quo dubitat sibi ex hoc sequi pollutionem in somnis, quia alias expertus est hujusmodi, non tamen propter hoc illa sumit, sed ut satisfaciat gula, non propter hoc est mortale.* Ubi pondera S. Doctorem loqui de pollutione non quacumque, sed in somnis; eaque non certo futura, sed utcumque dubia. Alioqui enim si hæc extra somnum contingeret, jam actio tamen de se levis, mortalem haberet culpam relative ad eum, in quo tam infelicem effectum pareret. Quin, si eadem illusio etiam extra vigiliam certo secutura esset ex causa venialiter mala, mihi dubium esset, an res vacaret a gravi peccato: quapropter serio juberem a tali causa abstinere, extra casum alicujus necessitatis: unde omnem casum prohibui cuidam personæ, quæ moraliter talem ex eo effectum expectabat. *Vide, quæ dixi in Tract. de Peccat. part. 1. cap. 4. & seq.*

Quod si, ait Sylvius eodem art. 21. *causam quidem præcognoscas, & possis vitare, sed non tenearis; pollutio inde subsequens non tibi imputabitur, modo nullum sit periculum consensus, quia per accidens, & præter voluntatem accidit ex miseria naturæ per peccatum corruptæ.* Non teneris autem causam vitare, quando est, aut necessaria, aut utilis, aut honesta, tuoque statui consentanea. Ita excusantur illi, qui præter voluntatem patiuntur pollutionem confessiones audiendo, turpia propter studium legendo, vel ea ad dandum consilium audiendo. Chirurghi nem, Medici, Infirmarii, qui ex officio impudica tangere tenentur, vel intueri; milites, iive qui negotiorum causa (addit Henno, & causa recreationis honestæ, quod non ita admiserim) ex equi motu ad molliem exciuntur, ii demum, qui in tali situ non inverecundo recubant; alias non dormituri.

Hæc communis Doctorum passim omnium doctrina est, ait Henricus a S. Ignat. L. 1. n. 40. *solutusque, quem viderim Ireneus a S. Jacobo ea in re præ cæteris servapulat, summam requirendo necessitatem non prætermittendi causam, ex qua certo moraliter secutura prævidetur pollutio.* Cur enim, inquit, alioqui con-

feſſiones ſaminarum audias, cum tanta ſit aliorum copia, qui abſque tanto audiant præjudicio; Cur æque non abſtineas, cum ire poſſis pedibus, &c.

Mihi quidem multipere placeret hæc citati Irenæi doctrina, quæ jam pridem animis meis ſe obtulerat: ſed ne, & ipſe quoque ſcrupulizem, adhærebo communi Doctôrum paſſim omnium doctrina, dicamque cum eis, quod licet effectus proximo diſti, pollutio ſcilicet, aut venerei motus, indirekte voluntarii cenſentur, abſque juſta neceſſitate, vel utilitate ponenti, vel poſtquam non auferenti cauſam eorum: ſecus tamen ſe res habeat, ſi eam ponat vel non auferat ex juſta cauſa, vel utilitate, dummodo periculum abſte conſenſus. Ita idem Henricus à S. Ignatio, quicum tamen animadverti velim diſcernendum eſſe inter motuum turpium, cauſas, & cauſas, videndumque an per ſe, & propinque eorum ſim excitativa, an per acci-dens, & remote dumtaxat.

Per ſe, & propinque excitativa cenſentur, quæ in hoc corruptæ naturæ ſtatu, eam habent turpitudinis ſpeciem, ut per ſe ad luxuriam ſpectarent, niſi propria vel aliene neceſſitatis titulo honeſtarentur, ut aſpectus, & tactus partium inhoneſtarum, præſertim alterius ſexus. Remote vero, & per acci-dens, quæ per ſe eam non habent turpitudinis ſpeciem, ſed vel per ſe honeſta ſunt, ut confeſſiones audire, vel indifferentes, ut cibus veſci calidioribus in communi uſu apponi ſolitis.

Quod ſi ſermo ſit de cauſis ſolum remote, & per acci-dens excitativis; Doctôres honeſtam ſufficere ajunt utilitatem, ad hoc ut homo non teneatur motuum illorum, ſeu etiam pollutionis cauſas remotas prætermittere ad effectus illos impediendos, dummodo effectus illi, nec queratur, antequam adſint, nec amentur, cum adſunt: tamen homines ſpirituales, perfectique amatores caſtitatis, conſulto cum aliquo incommodo ſuo ab iſis, ſum neceſſaria non ſunt, abſtineant, ut effectus illos deſerent. Si autem ſermo ſit de cauſis per ſe, & propinque natis illos excitare, tanto gravior eſſe debet neceſſitas non prætermittendi ejusmodi cauſas, quanto graviore motus natus ſunt excitare. Et ideo mortifero peccato Chirurgus abſque gravi neceſſitate tangens, vel aſpiciens ſecretiora ſæmine. Hactenus Ethica amoris.

Dices, qui vult cauſam, vult in ipſa effectum: atqui Confeſſarius, qui ex audita mulieris confeſſione, mollitem ſuam prævidet, vult ejuſdem cauſam: ergo.

R. diſt. maj. Qui vult cauſam culpabiliter, vult effectum, idque magis, aut minus culpabiliter, ut dicam infra, C. qui vult cauſam inculpabiliter, N. Itaque, qui vult culpabiliter cauſam, cenſetur & effectum velle; ſic qui ad iram celer, & arrectus vult ebrietatem, judicatur velle homicidium in ea forte perpetrandum: ſed qui legitimam habet rationem volendi cauſam de ſe honeſtam, non cenſetur velle, ſed ſolum permittere effectum ex ea ſequentem: ſic Princeps, qui turrim hoſtilem dejicit, aut urbem ſerventibus glandibus verberat, immunis eſt ab innocentium morte, tamen hæc actioni ſuæ, quaſi neceſſario annexa ſit. Atque id docuit S. Thomas 2. 2. q. 64. art. 7. his verbis: Quando cauſa duos habet effectus, unum bonum, & alterum malum, poni poteſt ex intentione ſolius effectus boni, non volendo, ſed ſolum permiſſive ſe habendo ad effectum malum. Modo tamen. 1. cauſa non ſit de ſe mala; unde non licet te, vel infantulum projicere in flumen, unde neuter emergere poſſit, ad conferendum ei baptiſmum, etſi alias ſine baptiſmo deceſſurus ſit. Modo item 2. pravi effectus malitia non ſuperet bonitatem boni effectus; neque enim hæcbit incendere ſilvam, ubi una cum lupo rapace exurendus ſit homo.

Hic

Hic obiter animadvertendum, quidquid de mollitiei causis diximus, ob paritatem rationis applicandum esse causis, quæ pariuntur vehementes motus in partibus veneris. Quod autem ad distillationem spectat, hæc, ait Gerſo, aliquando per se diffundit sine cogitatione, & sensu; quandoque vero fit cum delectatione, & pruritu. ex levioribus causis, ac majori facilitate movetur ad exitum, quam seminalis humor, præsertim in mulieribus, adeo quod ex levissimo motu corporis absque aliqua cogitatione, & absque sensu proveniat; ex effectu autem percipitur per sordidationem viscosam in carne, & pannis. Si distillationi annexa sit delectatio, & rebellio carnis, non licet in eo voluptatis sensu, utpote libidinoso, seu ex spirituum venereorum commotione exorto, sibi complacere, & multo minus eundem promovere. Si vero sine delectatione, carnisque rebellione contingat, mens timorata de eo anxiam non debet, ait post Cajetanum, alioſque Doctores Ethica amoris num. 173. cavendum tamen ne ei detur occasio per amiciora colloquia, aliaque id genus, quæ eam parere nata sunt: tunc enim non vacaret ab omni culpa. Imo juxta Sanctum Lib. 9. disp. 45. n. 32. & disp. 17. n. 18. quoties est peccatum mortale dare causam pollutioni præviſæ, non removendo causas notabiliter influentes; similiter est mortale dare causam notabili distillationi, notabilive commotioni spirituum generationi servientium, per similes causas etiam de se licitas: quia talis distillatio, & commotio spirituum est notabiliter turpis, & quasi inchoata quædam pollutio. Secus ubi levis quædam distillatio procuraretur, levisque spirituum commotio; excusaretur enim a mortali id procurans ratione parvitatæ materiæ, cessante omni pollutionis periculo. Hæc ille in terminis, quæ si de directe intentæ distillationis, aut commotionis spirituum procuracione intelligantur, prorsus rejicienda sunt, & ab ipso Sancto, deinceps retractata fuere, ut ex dicendis liquebit, ubi hæc plenius investigabuntur.

Quæres obiter, quæ pollutio virginitatem perimat.

R. 1. virginitatem, si pro speciali virtute morali accipiat, ea solum deleri pollutione, quæ lætally mala sit. Unde cum ex dictis talis sit mollities, qualis est ejus causa, adeo ut juxta Cajetanum, qui eam patitur, mereatur aliquando, aliquando autem vel levis, vel mortiferæ culpæ reus sit; consequens est virginitatem quandoque amitti pollutione, quandoque non: & ita docet S. Thomas 2. 2. q. 152. art. 1.

Atque hinc sequitur, quod quæ virgo manet, citra miraculum possit esse & mater; si nimirum plane invita constuprata sit, indeque concipiat, & pariat. Idemque de ea dicendum esset, quæ vino obruta, a lasciviente pari cognita esset, si neque id intendisset, neque providere potuisset.

An autem, qui priusquam cubitum iret, turpe desiderium nutrit animo, atque in somno pollutus est, excidat a virginitate: an item jacturam eandem ferat, qui vigilans operavit nocturnam illusionem, non convenit inter Doctores. Negat pro utraque parte Tostatus ille Abulensis, de quo scriptum est: *Hic super est mandis, qui seibile discutit omne*. Vide eundem Tom. 12. part. 1. pag. 26. seu in c. 25. Matth. q. 73. 74. & 75. ubi quæ ad virginitatem, & casus præcedentes spectant, eo discutit modo, quem approbat Comitulus L. 4. q. 18.

R. 2. si virginitas accipiat, prout consistit in integritate carnis, seu membrorum generationi servientium, non amittitur, quamdiu stat eadem carnis integritas. Quapropter, ait Sylvius 2. 2. q. 152. art. 1. quando agitur de consecratione virginum, illæ tanquam virgines consecrari possunt, quæ retinent integritatem carnis; etiam si aliquando per contactus, aut per volun-

tariam feminis effusionem fuerint pollutæ; quia etiam si non sint virgines coram Deo, cum non servaverint pudicitiam virginalem, ideoque non sint habituræ aureolam virginibus propriam, communi tamen usu sunt virgines, non quidem secundum virtutem, sed secundum statum. Favet aperte S. August. Lib. 4. contra Julian. cap. 8. his verbis: *Ut quid pudicitiam, & virginitatem, quasi ejusdem generis jungis? pudicitia est res animi; virginitas, corporis. Denique illa integra permanente, potest ista violenter auferri, & cum ista integra manet corpori, potest illa in animo lascivie voluntate corrumpi.* Unde liquet, ait Sylvius, virginitatem ex Augustini sensu, esse quoddam bonum corporis, non animi, & hoc in utroque sexu.

Cæterum, quod ad virginum consecrationem attinet, Sylvii decisio ad nihil in praxi inservire potest, nisi agatur de puella, cujus crimen cognitum sit: an enim quæ clam peccavit, infamare se tenebitur, & palam aperire se jam virginem non esse.

Quod spectat ad tertiam quæstionem jam ab initio proposita, an scilicet optare liceat pollutionem somni tempore, aut gaudere, quod ea sic eveniret. Constat 1. eam non posse desiderari ex affectu venereo; cum consentire libidini, sit res intrinsece mala; qua etiam de causa nefas fuerit de eadem gaudere ex affectu libidinoso. Constat 2. nec eandem appeti posse propter se, & præciso quocumque fine utili: sic enim amaretur propter annexam libidinem, quæ tunc unica esse posset ejusdem amandæ ratio. Tota igitur difficultas est, an eandem desiderare liceat ob finem bonum, puta intuitu sanitatis, aut vincendæ tentationis, quæ ex pleniori feminis abundantia quandoque exurgit. Sit

CONCLUSIO III. Nec ob prædictos fines mollitiem appetere licet, nec de ea pari intuitu gaudere.

Prob. 1. pars. 1. quia ut diximus in Tract. de peccatis, pollutio est intrinsece mala, sicut & homicidium: atqui non licet rem intrinsece, & ex natura sua malam desiderare: ergo.

2. Quia nemo id appetere potest, quod etiam inchoatum impedire tenetur si possit: atqui tenetur quis inchoatam mollitiem impedire, si possit; idque etiam cum gravi incommodo; (quam tamen restrictionem fatemur a pluribus rejici, potissimum autem a Gersone:) ergo.

Obj. Licitum est desiderare ob bonum finem, id, quod non est peccatum: atqui mollities prædicta non esset peccatum; quandoquidem supponitur contingere in somnis absque ulla præcedente causa: ergo.

Respondent aliqui dist. Licitum est desiderare id, quod non est peccatum, si inde non eveniat malum alteri, concedunt; secus, negant. Porro, inquirunt, ex mollitie etiam mere naturali provenit damnum grave generi humano, nempe privatio proles, ad quam ex natura sua semen ordinatur.

Verum ratio hæc parum videtur firma. 1. quia ex pollutione personæ Deo consecratæ, nulla fit injuria generi humano, cum ad ejus multiplicationem persona sacra sine crimine cooperari non possit. 2. qui semen habent nullatenus prolificum, nihil humano generi nocent suum qualecumque semen disperdendo; & tamen neque eis licitum est aut pollui, aut pollutionem desiderare. Dicendum igitur, rem quoties est intrinsece deformis, imo quoties quamdam habet inordinationem, nonnisi culpabiliter desiderari posse: unde nec licitum est desiderare turpes per somnum corporis motus, etiam ab omni feminis ejectione separatos.



Hinc sequitur neutiquam licitum esse lætari de pollutione in somnis habita: quia de eo gaudere non licet, quod non licet appetere. Licet tamen rem detestando, de felici, quem habuit, exitu gaudere: sic detestato Adæ peccato, licet de Christo reparatore lætari. Et sic intelligi potest id Angeli Scholæ in 4. dist. 9. art. 4. *Si placeat pollutio, ut natura exoneratio vel alleviatio, peccatum non creditur.*

## S E C T I O S E C U N D A.

*De cæteris contra naturam Peccatis.*

**E**tsi fœdissima est præsentis sectionis materia, haud tamen eam prætermittere possumus, præsertim, quia sodomia & bestialitas ubique fere sunt inter calus reservatos, & quandoque censuris plectuntur. Itaque

Sodomia ut sic, est Coitus libidinosus cum persona indebita, seu ejusdem sexus; vel debita quidem, sed in vase indebito. Hinc sodomia duplex, perfecta una, altera imperfecta. Prior, quæ sodomizæ nomine communius intelligitur, est concubitus masculi cum masculo, fœminæ cum fœmina. Nihil autem ad hanc sodomizæ speciem interest, an mares inter se coeant in vase præpostero, an, quod dictu infandum est, in ore: sicut ad idem scelus est indifferens an fœminæ anteriori aut posteriori vase utantur; quia tanti delicti enormitas potissimum petitur ex affectu ad sexum indebitum. Unde tunc scelus illud erit reservatum; modo tamen, ajunt plures semen intra vas quomodolibet infundatur. At nec postrema hæc conditio, imo nec simplex vasis penetratio ullibi requiri deberet ab iis, qui reservatos calus dirigunt; quia pene inutilis sit reservatio; cum rarum sit, ut masculi in masculos turpitudinem operantes, ad hanc penetrationem devenire queant. Unde sapienter Patribus, reservatur sodomiticum peccatum, non modo consummatum, sed etiam actu ad id per se ducente tentatum. Item etiam peccatum, quod illo gravius est, seu bestialitas.

Rom. 12

Posterior, seu sodomia imperfecta, est concubitus viri cum fœmina extra vas naturale; & hæc specie differt a perfecta; unde & in confessione specificari debet: cum perfecta ad sexum indebitum ordinetur; imperfecta vero sexum debitum respiciat, sed in vase indebito.

Etsi vero neutra sodomizæ species affinitatem matrimonii diremptivam inducit, ut bene docet Sanchez L. 7. disp. 64. n. 13. & 14. in id tamen propendeo, ut credam cum paucis contra multos, utramque, reservata simpliciter sodomiam, esse reservatam, nisi aliud constet de mente legislatoris. Sed, quia S. Thomas, a quo non est facile recedendum, ad sodomiam requirit concubitus ad non debitum sexum, (unde sequi videtur concubitus viri cum fœmina in vase præpostero non esse vere sodomiam, sicut a contrario concubitus fœminæ cum fœmina in vase debito ad sodomiam pertinet;) non ausim redarguere Confessarios, qui, seclusa speciali locorum lege, maritum, aut alium quemvis muliere hac in parte abutentem non remiserit ad majorem Pœnitentiarium; & ita post Azor & Bonacinam sentiant Sylvius art. 12. Leonardus Piombœuf in Catechismo morali casuum præsertim reservatorum Tract. 1. Catechesi 4. quibus consonat Ethica amoris part. 6. Decalogi n. 181. & 184.

Eccl. vii. 12

Bestialitas est coitus cum bruto: ad eam reducitur concubitus viri, aut mulieris cum dæmone succubo, vel incubo, sive interim appareat dæmon sub spe-

*Tournely Theol. Moral. Tom. III.*

1 i 3

cic

cie bruti, seu sub humana specie, quia stat tunc quæri voluptatem extra speciem humanam. In *Chronica Martiniana*, ait S. Antoninus 3. p. tit. 2. c. 1. §. 10. *legitur de Merlino, quod fuit filius diaboli; quia scilicet concupiscit per Monialem ex demone prius succubo viri, unde suscepit semen, & deinde incubo ipse Monialis. Sed hujus historiæ, aliarumque id genus penes lætorem fides esto. Sic*

CONCLUSIO. Immania sunt sodomizæ, & bestialitatis crimina, pejus tamen bestialitatis. Tres sunt partes.

Prob. 1. pars 1. ex Scriptura. Genes. 19. Deus civitates quinque nefandi hujus sceleris reas, ultricibus flammis abolet. Igitur, ait textus sacer: *Domini pluit super Sodomam, & Gomorrhæam sulphur, & ignem a Domino de celo: & subvertit civitates has, & omnem circa regionem, universos habitatores urbium, & cuncta terre virentia.*

Rom. 1. idem illud scelus exhibetur ab Apostolo, ut cæcitat, ac furoris apex, superbiæque, & idololatriæ par remuneratio. Propterea, inquit, *tradidit illos Deus in passionem ignominie: nam femine eorum immutaverunt naturalem usum, in eum, qui est contra naturam. Similiter autem, & masculi, relicto naturali usu femine, exarserunt in desideriis suis in invicem, masculi in masculos turpitudinem operantes, & mercedem, quam oportuit erroris sui in semetipsis recipientes. Et sic tradidit illos Deus in reprobum sensum.*

Prob. 2. ex Patribus, quorum instar in re evidentiâ evidentiore sit S. Chrysostomus Homil. 4. in Epist. ad Rom. hæc ille: *Quodcumque delictum (dempta bestialitate, forte Chrysostomi temporibus ignota) nominaveris, nullum huic peccato par dixeris: qui si facta sua sentirent, qui patiuntur, sexcentas utique mortes obirent, ut ne hoc paterentur, & infra: O vos brutis insipientiores, & canibus impudentiores! Nusquam enim hujusmodi congressus apud illos. Quam porro naturæ exolum esse oportet scelus, quod ipsamet animantia bruta perhorrescunt.*

Prob. 3. quia poenarum acerbitas delicti gravitatem arguit: atqui graves, & acerbæ poenæ, seu civili jure, seu canonico sodomitis constitutæ sunt. Civili, quidem poena ignis, secundum id Cod. Theod. L. 9. tit. 17. *hujusmodi scelus, spectante populo, flammæ vindices expiabant.* Jure autem canonico, præsertim Bulla 72. Pii V. privatio Clericalis privilegii, officii, & dignitatis cujuscumque: ergo.

Prob. 2. pars. 1. ex Levitici 20. v. 15. *Qui cum jumento, & pecore coierit, morte moriatur, pecus quoque occidite:* quod hodieque in Judiciis observatur apud nos, ubi bellua tametsi culpæ incapax in detestationem criminis cum reo comburitur.

2. Ex Canone xi. Pœnitentiali, ubi sic: *Qui coiret cum brutis, pœnitent plusquam septem annis.*

Prob. 3. pars, ex S. Thoma ibid. quæst. 154. art. xi. ad 4. ubi sic: *Gravitas in peccato magis attenditur ex abusu alienius rei, quam ex omissione debiti usus: & ideo inter vitia, quæ sunt contra naturam, infimum locum tenet peccatum immunditiæ, seu molliiæ, quod consistit in sola omissione concubitus ad alterum. Gravissimum autem est peccatum bestialitatis, quia non servatur dubita species. Unde super illud Genes. 37. c. Accusavit fratres suos crimine pessimo, dicit Glossa, quod cum pecoribus miscebantur. Post hoc autem est vitium sodomiticum, cum ibi non servetur debitus sexus.*

Circa hæc quædam a Confessariis sunt observanda, 1. si persona conjugata peccatum istud committat, debet conjugii sui statum aperire in sacro

tri-

tribunali, quia grandem injuriam & matrimonio, & alteri conjugii facit. Simili prope de causa exprimendum est, an personæ sint consanguineæ, vel affines, vel Deo sacræ; quia tunc sodomiz accedit incestus, & sacrilegium aliquando duplex, si nempe utraque persona sit Deo sacra. Si puellam a muliere turpiter tractari contingit, exprimenda erit circumstantia labefactatæ virginitatis.

2. Exprimi etiam debet juxta Lugo, & alios plerosque, a quibus maledixit Ethica amoris n. 187. quis agens fuerit, quis patiens; quia longe turpior est agentis conditio, quam patientis; & quasi ex se annexam habet molliem: equidem patiens in ipsam non raro prorumpit, sed & huic cooperatur, qui agentis partes sustinet, cum ad eam tetra sua actione excitet.

3. Qui coierit cum bestia, non tenetur exprimere, cujus ea speciei foret; nisi, ajunt aliqui, ea tamen sordida esset, & turpis, ut in ejus congressu immanior quædam se proderet libido.

4. Peccatum cum dæmone, si quod extet, præter bestialitatis horrorem id habet, 1. quod sit commercium cum insensibilissimo Dei, & hominum omnium hoste; 2. quod involvat malitiam ejusdem speciei, quam recogitat persona peccans, incestus v.g. si dæmoni tanquam cognatæ, aut affini misceatur, &c.

Ex dictis colliges, quam juste proscripta sit ab Alexandro VII. hæc n. 24. propositio, quæ est Caramuelis: *Mollities, sodomia, & bestialitas sunt peccata ejusdem speciei infimæ, ideoque sufficit dicere in confessione, se procurasse pollutionem.* Certe enim peccata hæc, etsi penes speciem subalternam conveniant, quatenus eandem castitatis virtutem lædunt, tam differunt specie infima, quam furtum, detractio, & homicidium, quæ eidem iustitiæ virtuti adversantur. Vide Dominicum Vivam in prædictam propositionem.

## ARTICULUS SEPTIMUS.

### *De peccatis Luxuriæ non consummatæ.*

**L**uxuries non consummata, quam alii simpliciter vocant impudicitiam, ea est, quæ ad molliem ulque non progreditur; eaque ut plurimum consistit in aspectibus, osculis, tactibus venereis, turpilocoquio, scriptura, pictura, indecenti mulierum ornatu, choreis, & spectaculis; de his omnibus dicendum.

## SECTIO PRIMA.

### *De Osculis.*

**I**n hac materia, quæ meo quidem judicio, cæteras pene omnes difficultates vincit, suppono 1. cum S. Tho. 2. 2. q. 154. art. 4. *osculum, amplexus, vel tactus, secundum suam rationem, id est ex natura rei non esse peccatum mortale*, imo nec veniale; quia possunt hæc absque libidine fieri, &c.

Suppono 2. oscula cupiam ob triplicem finem libari posse. 1. in signum amicitiz, pacis, urbanitatis, &c. 2. præciue ob sensum delectationis illius organicæ, quæ ex ipso osculo exurgit; 3. ob delectationem veneream.

Suppono igitur 3. duplicem osculo cuilibet delectationem annecti posse, unam præciue sensus, seu organi, cui vel quolibatur osculum; aliam vene-

ream, seu libidinosam. Prior, quamplures sensibilem vocant, non sensualem, consistit in quadam convenientia rei tactæ cum organo, quo eadem tangitur, absque ulla alia prorsus delectatione. Delectationis hujus organice sensum necessario experitur, seu mater, seu quilibet alius mollem, teneramque infantis venusti carnem deosculando. Posterior, quam magni interest cognovisse, varie a variis definitur, & inde præcipua capitis hujus difficultas, quam auget centura hujus propositionis, inter damnatas ab Alexandro VII. n. 40. *Est probabilis opinio, quæ dicit esse tantum veniale, osculum habitum ob delectationem carnalem, & sensibilem, quæ ex osculo oritur, secluso periculo consensus ulterioris, & pollutionis.* Hæc, ut quantum licebit, explanentur.

Not. 1. Delectatio prout ad rem pertinet, est deliberata seu voluntaria complacentia in bono sensibili. Igitur delectatio venerea, est complacentia in re venerea; res autem venerea, vel est fornicatio, aliisque quilibet actus exterior luxuriæ; vel deliberata ejusdem cogitatio, seu imaginatio. Neque enim solus consensus in actum, v. g. copulam est peccatum mortale; sed & consensus in ipsam delectationem, seu in jucundam ejus representationem, ut docet S. Thomas 1.2. q. 74. art. 7. & solide probat, quia, *quod aliquis consentiat in talem delectationem, hoc nubit aliud est, quam, quod ipse consentiat in hoc, quod affectus suus inclinatus sit in fornicationem, aut aliud obiectum de se mortale.*

Not. 2. ad peccandum letaliter in quacumque materia, non requiri positionem actus ultimi, sive exterioris, sive interioris; sed sufficere, ut ponatur proximum ejus periculum. Unde mortaliter peccat non tantum, qui fornicatur, aut actu complacet sibi in cogitatione fornicationis; sed, & qui proximo alterutrius periculo sese exponit; quia, ut toties diximus, *Qui amat periculum, peribit in illo.*

Jam ergo osculum libidinosum est illud omne, quod fit cum animo, aut saltem cum gravi periculo degustandi delectationem carnalem; eam nempe, quæ est cum voluntate copulæ, aut cujusvis alterius specie luxuriæ; aut cum voluntaria, & affectuosa ipsius imaginatione, quamvis nulla sit voluntas consummandi copulam, aliove luxuriæ actus. Ita quoad sensum Sylvius hic art. 4. licet utrumque differat in verbis.

Aliter, osculum libidinosum (idemque est de tactibus, & aspectibus) est illud, quod fit cum consensu tactu, vel expresso in habendum, vel nutriendum sensum delectationis, quæ oritur ex commotione carnea, quam hujusmodi actus provocare solent. Cum consensu, inquam, *expresso*, ut si quis osculum figat ex intentione prædictæ delectationis; *tacito*, ut si quis, etsi delectationem hanc non intendat, prævideat, aut prævidere possit, se gravi illius experiendæ, & consequenter non rejiciendæ periculo expositum iri. Hanc definitionem eruo ex Nat. Alexandro Reg. 9. & Ethica amoris part. 6. n. 88. qui tamen dum definitiones multiplicat, obscure satis loquuntur, forsitan ob materiæ difficultatem. Sit igitur cum probatoribus Theologis, a quibus nec latum unguem recedam.

CONCLUSIO I. Oscula honesta secundum patriæ consuetudinem facta, causa amicitiae, urbanitatis, & pacis, non sunt peccata.

Prob. 1. quia primævi fideles etiam diversi sexus, se invicem salutabant in osculo sancto.

Prob. 2. quia, ut bene Sylvius eodem art. 4. nulla ibi apparet turpitudine, cum oscula ejusmodi tantum sint signa & testificationes unionis animorum,

rum, amicitiae, benevolentiae, & honestatis. Unde S. Antoninus 2. part. tit. 5. cap. 1. §. 10. *In tantum, inquit, sunt peccata, amplexus, oscula, tabus, & fluitioquia, in quantum procedunt ex luxuria, quae in fornicatione, & immunditia notatur secundum Theologos: atqui honesta, de quibus loquimur oscula, non fiunt ex luxuria, nec cum ejus periculo; ergo concludit S. Antoninus, talia non sunt peccata de se, quamvis possit supervenire tentatio, & mala intentio; sed hoc erit per accidentem.*

In his tamen omnibus, ait Theologus Duacensis, servandum est decorum personae, & cavendum a scandalo. Nam quod Religiosi, aut Clerici saeculares, per oscula amicitiam, aut benevolentiam puellis, mulieribusve etiam consanguineis testentur, neque decens est, neque caret periculo scandali: idem est si Religiosae viros etiam cognatos deosculentur. Unde, ait S. Antoninus ubi statim, *cum quidam reprehenderet quemdam fratrem coram B. Jordano Magistro Ordinis Praedicatorum, ex eo, quod quaedam mulier, ex devotione tetigisset manum ejus, sed ille se excusans diceret, quia mulier bona, & sancta esset. Respondit B. Jordanus: Terra utique bona est, & aqua bona, & tamen ex utraque se contingente fit lutum.*

Duo hic moventur dubia, 1. quid juris, si dum oscula secundum se honesta, & licita dantur, aut recipiuntur, sentiantur motus sensualitatis, & delectationes venereae; 2. an femina, quae advertit eum, a quo tangitur, secundum loci consuetudinem, & sub honestatis specie, reipsa libidinose erga eam affectu moveri, contra niti teneatur.

R. ad 1. cum Sylvio, cum subest causa esse licitos, dummodo voluntas in ejusmodi motus, ac delectationem non consentiat.

R. ad 2. Vel tactus de se, est impudicus, ut sunt amplexus columbini; & tunc non est dubium, quin mulier teneatur se retrahere, & impedire tactum, sive palam arriteretur, sive in secreto; quia alioqui cooperaretur ad actum se malum, sibi que maxime periculosum: quin, & clamare deberet, si non alia posset evadere via. Si vero tactus de se nihil habeat impudici, fiatque juxta ritum patriae, tunc videndum, an aliqui praesentes sint, an non. Si primum, dissimulare potest; cum subest periculum ne pravam adstantium animis ingerat de proximo suspicionem. Si secundum, id est si nulli adsint, aut praesentes quidem sint aliqui, sed coram quibus citra incommodum, aut periculum scandali, possit mulier declinare contactum, seu retrahendo se, seu repellendo virum, tunc amplexum etsi de se honestum declinare debet; quia quisque proximi peccatum, quantum potest, arcere tenetur. Hæc post Cajetanum, Azorium, & alios Sylvius. Unum addidero, mulierem scrupulosam, quandoque tamen sui etiam amatricem, facile suspicari malum ubi non sit: ea enim est devoti etiam sexus ægritudo, ut se non difficulter credat ultra metas diligi.

CONCLUSIO II. Oscula, & tactus de se honesti, si ex mera levitate, joco, aliave simili causa fiant, juxta plures non excedunt peccatum veniale; modo ait P. Antoine Tom. 1. p. 296. absit affectus omnis libidinosus, & periculum gravis peccati tam in se, quam in alio, nec habita ratione constitutionis personarum veneream commotionem multum excitent: ab his tamen omnibus caute, & severe est abstinendum. Ita & Sylvius.

Prob. 1. pars, quia secluso, rum libidinis affectu, tum ejusdem periculo, praedicti amplexus non sunt mali secundum se, solamque habent malitiae suae causam; atqui levitas, jocus, & alia ejusdem generis, non possunt actui de

de se honesto communicare turpitudinem, quæ ad peccatum mortale peringat: ergo.

Prob. 2. pars. quia hujusmodi Iusus apud personas revera graves, & quæ Deo sincere adhærent, vix, ac ne vix quidem locum habent, sed passim apud juvenes ventosi, ac mobilis ingenii, parum Deo devotos, & virtutis ad summum tepidæ; quis porro non credat ex prædicta jocandi ratione multiplex imminere periculi hominibus sic constitutis, & quibus in re jam utcumque periculosa non aspirat speciale Dei auxilium? 2. quia nisi hic circumspiciant Confessarii, & arcto freno utantur, verendum est, ne pro levibus habeant multa, quæ re ipsa gravia sunt. Sic Navarrus cap. 14. n. 42. a mortali excusat eum, qui mulieris honestæ mamillas nugando, & absque prava intentione tetigerat; sic Dominicus Viva in examine propositionis 40. superius citatæ immune ab omni culpa pronuntiat *osculum fratris cum sorore, aut aliud quod sit more patrio in signum benevolentia, etiamsi commotionem magnam spirituum excitet, & delectationem carnalem inducat, cessante periculo consentiendi, eo quod a fine honesto cobonestetur*. Quæ quidem nimis generaliter dicta, non mihi soli, sed & aliis compluribus videbuntur.

CONCLUSIO III. Oscula propter delectationem organicam data obiter, & more solito, absque ulterioris consensus periculo, ejusdem sunt conditionis, ac ea, de quibus actum est in Conclusionem præcedenti. Ita Henno, S. Antoninus, Vviggerius, Comitulus, quem Vincentius Baronius tutissimum Jesuitarum appellat, idem Baronius, Sylvius, Boudart, alique complures.

Prob. 1. pars, 1. quia, ut discurrit Sylvius, eatenus osculum est mortale, quatenus est libidinosum; nec tale est in principiis S. Thomæ, nisi quatenus sit cum consensu saltem interpretativo *in delectationem peccati mortalis*: atqui oscula, de quibus agimus in præsentia, nec expressum, nec interpretativum involvunt consensum in delectationem peccati mortalis. Senim habent in genere tactus, sicut in genere visionis habet se aspectus pulchræ mulieris: atqui aspectus ille, si ob solam pulchritudinis delectationem fiat, ut fieri potest ab homine, qui & concubitus mulieris, & quæcumque de eo cogitationem, & ipsam forte mulierem detestetur, nec involvit, nec involvere potest consensum in delectationem peccati mortalis. Hinc Christus Matth. 5. non dixit simpliciter: *Omnis, qui videbit mulierem*, sed, *Omnis, qui viderit mulierem ad concupiscendum eam, jam mæchatus est eam in corde suo*. Porro, ut post Hesselium notat Sylvius, videre mulierem, quæ uxor tua non sit, ad concupiscendum eam, est illam ad hoc intueri, ut eam concupiscas, sive cupiens cum ea commisceri, sive animo volens, quam sit pulchra, atque adeo ad concubitum amabilis, & idonea, etiamsi tu nolis eum ea misceri: ergo.

2. Quia venialiter tantum peccat, qui comedit, aut bibit ob delectationem gustus: ergo, & qui propter organicam tactus suavitatem oscularur.

3. Quia amplexus non sunt de se libidinosi, alias nunquam licerent: ergo tantum sunt tales ex intentione aut periculo agentis: atqui, & malam intentionem, & verum ejus periculum abesse supponimus: ergo.

4. Non peccat graviter, qui consentit in delectationem mere organicam, quam parit amplexus urbanitatis, aut charitatis gratia factus; ergo nec mortaliter peccat, qui præcise agit propter eam.

5. Osculari affectuose teneras infantium carnes, absque turpi intentione, vel nullum est peccatum, vel tantum veniale: atqui, ait Henno, id non fit sine delectatione sensibili: ergo.

Verum

Verum probatum hæc non urget plurimum : quia aliud est agere , cum delectatione , quam necessario pariunt qualitates corporibus annexæ , aliud propter eandem operari .

At, inquires, quorum ergo damnata est propositio hæc : *Est probabilis opinio*, &c. sup. p. 304?

R. damnatam fuisse eam, quia per delectationem carnalem communiter intelligitur delectatio venerea : porro, juxta Sedem Apost. probabilis non est opinio, quæ in actu quocumque, propter intentam delectationem veneream etiam levem exercito, peccatum agnoscit solum veniale, etiamsi desit ulterioris consensus periculum ; quia ut suo loco dicemus, periculum illud re ipsa nunquam deest. Non ergo hac Alex. VII. censura perstringuntur, qui tenent conclusionem nostram, sive vera sit, sive falsa, cum hæc ubilibet & etiam Romæ doceatur ; sed qui cum Caramuele, Aravio, Martino de Magistris, Ledesma, Soto, & aliis apud Sanchez L. 9. disp. 36. n. 7. existimant in re venerea exiguum aliquam delectationem deliberate questam, propter levitatem materiam excusari a peccato mortali ; quam doctrinam, ne ullus e Societate Jesu publice, aut privatim, non modo ut veram, vel probabilem, sed nec ut tolerabilem, quidem ulla ratione doceat, aut sibi placere significet, aut secundum illam consilium cuiquam det prohibuit in virtute S. Obedientiæ & sub pœna excommunicationis Claudius Aquaviva Societ. Propos. Gener. ut refert Domin. Viva ibid.

Obijciuntur tria, 1. quod immunditia excludat a Regno Dei Ephes. 5. porro præfati amplexus ad immunditiam pertinent ; 2. quod oscula prout ad delectationem tendunt, ordinantur ad copulam ; nec proinde pro re levi haberi possunt ; 3. quod, moraliter loquendo, fieri nequeat, ut talibus osculis annexum non sit venereæ delectationis periculum. Unde enim, ait Franciscus Van Ranst, in Opere cui titulus : *Veritas in medio*, unde delectat carnaliter osculum, nisi quia occultius mentem stimulat, & rapit in id, ad quod istud suapte natura, & quasi suo pondere fertur. Sane, ait idem Scriptor, hujusmodi amplexus, nihil sunt aliud, quam repræsentatio, & præ gustatio ulterioris criminis. Profecto si SS. Patres jocos, natus, blandiora verba, & cœtera id genus in disparis sexus præsentia, passim appellent morituræ pudicitia initia ; quid non sentiendum de his carnalibus osculis ?

R. momenta hæc satis esse gravia, ut & poenitentibus, qui talia oscula facile libant, & eorum Confessariis, si rem istam dissimulent, contremiscendum sit. Neque vero dum tritam opinionem sequimur, mens fuit osculis utcumque sensualibus habenas laxare, sed qualemcumque tradere regulam, ut libidinosi amplexus a pure sensibilibus discernantur, ne statim letaliter peccasse judicetur, qui honestum aliquod osculum ex aliqua delectatione sensibili præbuerit, vel receperit. Unde

Ad 1. dici potest oscula solum libidinosa pertingere ad eam immunditiam, quæ per se excludit a Regno Dei.

Ad 2. falsum est absolute loquendo, quod oscula prædicta ordinentur ad copulam : alias enim amplexus ex teneriori animo inter ejusdem sexus personas, ordinarentur ad sodomiam, quod certe falsum est. Si tamen velit quis eadem oscula ordinari ad coitum, dicendum erit hæc eo tendere, sicut litigium tendit ad homicidium, ac proinde nimis remote ut ejus malitiam contrahant : alioquin mortalis culpæ semper reus esset, qui tangeret manum mulieris, vultum ejus intueretur, aut paulo familiaris, cum ipsa haberet colloquium.

Ad 3. dist. fieri nequit, ut annexum non sit grave periculum talibus osculis sit fiant morose, ac repetitis vicibus, aut modo inter probos insolito, C. si fiant *obiter*, & *solito more*, prout in Conclusionem diximus, & supponimus, N. Itaque oscula morosa, ea item, quæ sunt vicibus aliquoties repetitis, & multo plus, quæ sunt more columbarum, aut etiam ore ad os, semper sunt mortalia; tum quia per se non parum excitant spirituum genitalium commotionem, & delectationem veneream, quæ in hoc miserrimo rerum statu, physica quadam necessitate oritur ex delectatione sensibili diuturna, vel pluries repetita; tum quia saltem inducunt morale periculum consensus in delectationem morosam; adeoque sunt causaliter libidinosa, utpote quæ sint proxima causa libidinis, etiamsi hæc forte non sequatur. Sed non est, cur idem prorsus statuatur de quibuscunque generum osculis: quamquam, & ab iis sedulo temperare debent veræ castitatis amatores; tum quia in itinere tam lubrico facilis est descensus a sensibili delectatione ad veneream; tum quia, qui moraliter certus est se libidinose commotum non iri, de persona, cui osculum figit, respondere non potest. Ita Sylvius, Henno, P. Antoine &c.

CONCLUSIO IV. Oscula libidinosa, quocumque etiam charitatis, & amicitiae prætextu data vel recepta, inter personas ejusdem vel diversi sexus sunt peccata mortalia.

Prob. 1. tum ex S. Thoma hic q. 154. art. 4. & aliis communissime Theologis præsertim Societatis Jesu, quos Vincentius Baron. negat hoc in puncto rigidiores esse Dominicanis; tum quia, ut refert Sanchez lib. 5. Summæ cap. 6. n. 12. Clemens VIII. & Paulus V. præceperunt ut fidei Inquisitoribus denunciarentur, qui assererent in osculis ob meram delectationem veneream habitis non contineri culpam lethalem.

Prob. 2. quia delectatio, seu complacentia deliberata de objecto mortali, puta de homicidio, furto, & similibus, semper est mortalis: atqui osculum, cui annectitur delectatio venerea, importat complacentiam deliberatam de objecto mortali. Objectum enim delectationis hujus vel est representatio copulæ, aut actuum, qui eo tendunt; vel saltem commotio spirituum generationi subserviendum: atqui objecta hæc sunt graviter illicita. De copula, & actibus, qui ad eam proxime tendunt, nulla esse potest difficultas. Sed neque seria moveri potest quæstio de spirituum genitalium commotione. Magis enim peccat, qui eam per oscula inquit, aut exorbitare libere approbat, quam, qui cogitationi simpliciter morosæ indulget: atqui tamen is mortaliter peccat, ut probavimus in Tractatu de Peccatis, par. 1. cap. 4. art. 2. ergo & ille a fortiori peccabit mortaliter.

Prob. 3. delectatio quamvis modica de homicidio, sistit deliberata, ex omnium opinione lethalem culpam continet; ergo eam a fortiori continebit delectatio quantumlibet tenuis de turpitudinibus modo assignatis, nisi excuset inadvertentia. Dico a fortiori; quia communiter loquendo longe facilius est suam de alicujus occisione lætitiâ moderari, quam pessimam, de qua loquimur delectationem certos intra gradus sistere. Unde dato, quod aliquando credidit Sanchez, & re maturius considerata ejuravit, delectationem veneream ex levitate materiæ levem fieri posse, semper tamen præsumenda esset gravis, ob periculum ulterioris consensus. Nulla enim, ait in sua de tactibus impudicis disquisitione Bolæus Abbas sub e mentito Marcelli Ancyranî nomine, nulla est affectio, quæ magis animum fascines aut inebriet, adeoque ordinem a summo numine inter se ipsum, & creaturam rationalem constitu-

tum



*cum contumacius, ac morosus disturbet, ac dissipet. Nihil proinde quod vehementius in discrimen, & periculum proximum committendi peccati mortaliter adducat, teste frequentii, & minima fallaci experientia.*

Hic duo paucis observanda, quia per se patent: 1. quoties oscula veneram habent delectationem, exprimenda est circumstantia personæ etiam innocentis, cui datum est osculum: an voto ligata sit, an consanguinea; vel affinis, an alteri desponsata: quia actus turpis imbibit malitiam coitus; ad quem sua natura tendit. 2. id, quod de osculis dictum est, dictum censeri debere de tactibus, verbis amatoriis, & similibus, quæ ad eandem veneram delectationem proxime disponunt; idque verum est, ait ibidem Viva, etiam si tactus non fiant immediate supra carnem, sed supra vestem. Quoniam vero sua quoque est in explananda tactuum deformitate difficultas; hic, licet inviti, paulisper immorabimur.

## SECTIO SECUNDA.

### *De Tactibus, Aspectibus, & Picturis.*

**C**onstat 1. tactus quoscumque, seu in proprio; seu in alterius corpore libidinose exercitos, novum habere lethalem. Sequitur ex dictis.

Constat 2. tactus, qui ex necessitate a Chirurgis, Infirmariisve fiunt, ne venialem quidem habere noxam, quamvis motus aliquando graves pariant: modo tamen absit consensus, aut proximum ejus periculum. Tota igitur lis est de tactibus ex curiositate, joco, levitate, aut propter solam organi delectationem factis. Quæ de re sit.

CONCLUSIO I. Qui ex levitate, joco, aut intuitu delectationis mere organice, alterum cujuscumque sexus tangit in parte corporis honesta, potest esse reus peccati simpliciter venialis. Secus si tangat in partibus, quæ ad libidinem graviter provocent. Utrique pars est communiter recepta.

Prob. 1. pars, quia ut diximus Articulo præcedenti, Conclusionem 2. prædicti tactus, ut qui de se indifferentes sint, totum id, quod habent malitiæ recipiunt ex affectu tangentis: sed affectus personæ, quæ ex sola levitate agit, & quæ a venerea quacumque delectatione abhorret; non est nisi venialis: ergo.

Hinc non semper gravem admisisse culpam censendus est, qui amasiam vel alterius honestæ mulieris pedem pede suo pulsât, digitos premit, manum obiter torquet, faciem, quasi alapam simulando, tangit. Quamquam ab iis pro virili abstinendum est, ne rugiens adversarius, cujus ignita sunt jacula, exitiales sub honesti amoris larva insidias struat, & juvenile cor eo inflammet potentius, quo hætenus flammæ magis fuerat impervium. Et vero quot a primo urbanitatis passu ad ultimos effrænis amoris fines pleno quasi saltu devenere!

Prob. 2. pars, tum quia, qui certas alieni præsertim corporis partes tangit, non movetur nisi libidine proprie dicta; tum, quia ætali, dum tangere incipit, fingeretur expers libidinis, quæ profecto insolens est, & metaphysica hypothesis, proximum, ac præsentissimum delectationis venereæ periculum subiret.

Porro ad libidinem graviter provocant 1. partes pudendæ, aut iisdem vicinæ, quas idcirco, qui irans indusum, imo & vestes tetigerit, aut tangere simulaverit, graviter reus censeri debet. 2. mamillæ potissimum puellæ jam puberis:

beris: unde, quod contactum hunc si fiat leviter, *non obiter, non quidem in parte superiori fragilitati humane concedit* Henno, terio videtur redarguendum. Imo quo major est fragilitas humana, eo est coercenda levius: aliunde, quid potest hominis concessio, ubi ad minus dubium est, an accedat concessio Dei?

Neque solum peccat, qui præfatas partes tangit, sed & quæ se in iis tangi patitur; tum quia alieno delicto cooperatur; tum quia etsi per impossibile deesset affectio libidinosa, non deesset unquam periculum ejus; cum hæc non minus ex passivo tactu oriarur, quam ex activo.

An autem, & quousque peccent nutrices, & ancillæ quæ quos lavant, aut vestiunt infantes, tangunt in secretiori parte, definiendum est ex circumstantiis; unde, quæ ex libidine agant, graviter; quæ ex necessitate sola, ne venialiter quidem delinquant. An vero, quæ sola curiositate moverentur, a gravi culpa immunes essent ob infantilem ætatem, ambigi potest. Mihi quidem satis dubium videtur, an non curiositati huic semper inhæreat nescio, quis libidinis sensus. Quapropter multo satius fuerit hæc ad minus otiosa fugere constanter; & cum admissa fuerint, consueri, ut dubia mortalia. Aliud esse potest de matribus, quæ quidquid prolis suæ est stulto potius, quam obsequio amore tangunt, & deosculantur.

Quæres, quid dicendum de iis, qui propria verenda tangunt.

R. eos graviter peccare, si ut solent juvenes corrupti, tangant se cum delectatione venerea, aut ejus periculo. Si vero id egerint *ex curiositate, levitate, vel causa calefaciendi manus*, consensu satis communiter Doctores cum Sylvio, id a mortali noxa vacare: quia, inquit, *neque tanta est in hujusmodi contactu turpitudine, quanta in contactu partium alienarum; etiam non ex delectatione facta; neque est tantum periculum voluptatis venereæ*. Id tamen, & merito limitant aliqui, si prædicti tactus obiter fiant, nec pluries iterentur: quia morosi & repetiti contactus a delectatione curiosa ad veneream, aut saltem ejus periculum facile deducunt. Imo cum hic sermo sit de tactu sufficienter deliberato, semper exigere, ut is in confessione tanquam dubium mortale deponeretur: quamquam, qui hæc bona quadam fide suppressisset, non crederem absolute adigendum ad iterandas confessiones suas; nisi jam ea de re ab alio Confessario correptus fuisset; aut præ incuria salutis suæ, in eo se constituisset statu, ut neque hæc, neque alia multa parvi momenti ponderaret.

Nostro quoque judicio lethaliter peccant, & gravissime, qui pecorum gentilia sine vera necessitate contrectant. Inest enim contactui huic turpitudine gravis, adeoque maxime periculosa, & quamdam bestialitatis malitiam induens. Etsi vero non desunt, qui decisionem hanc ad grandiora peccata restringant, ita ut a mortali exculent eos, qui non ex libidine, sed ex curiositate, vel joco catulos, aut feles in iis partibus, præsertim si non morose, repetitis vicibus, tangerent; mihi tamen lentior hæc decisio, ut, & ejusdem generis pleræque præcedentes, incerta & dubia appareat. Interim nemo a mortali excusare potest eum, qui canem, aut fœlem agitare usque ad effusionem seminis, non quidem ob perniciem seminis belluæ, quam necare possit; sed ob grave propinæ depravationis periculum.

Quodsi quis ex vera necessitate animalia vitæ necessaria mere ad propagationem conjungeret, non esset reus, modo quidquid inde suboriretur commotionis, aut delectationis compescere niteretur.

**CONCLUSIO II.** Aspectus libidinosi, seu nostri, seu personarum utriusque sexus,

sexus, semper sunt mortales. Libidinosi vero sunt aspectus personarum diversis sexus, quoties sunt in partibus pudendis, aut, quæ pudendis vicinæ sint. Imo aspectus iidem inter personas ejusdem sexus debent reputari lethales. Idemque de paribus proprii corporis aspectibus dicendum, saltem si morose fiant, & studiose.

Prob. 1. pars, quia ex toties repetitis, æstus quicumque cum libidine sufficienter deliberata, aut gravi ejusdem periculo exercitus, nunquam vacat a peccato mortali; neque ab eo propter materię levitatem excusari potest, ut jam insinuavi, & infra fusius dicam.

Prob. 2. pars, quia libidinosi sunt aspectus, qui fœdæ libidinis imagines, animis ceteroqui purioribus potenter exprimere nati sunt: atqui tales sunt aspectus, seu viri fœminam, seu fœminæ virum in secretioribus partibus, aut quæ iidem vicinæ sint, intuentis; idque verum est etiamsi partes illæ e loco remoto conspiciantur: David enim *de longe vidit illam, in qua captus est; mulier longe, libido prope; alibi erat quod videret, in illo unde caderet... numquid tu fortior, quam David.* Ita Augustinus in Psalm. 50.

Confirma. quia prædicti aspectus eo usque naturali honestati adversantur, ut primi parentes licet conjugii erubuerint de nuditate sua, & fecerint sibi perisomata, quibus eam cooperirent. Nec dicatis, ait Augustinus Epist. 211. alias 109. *vos animos habere pudicos, si habeatis oculos impudicos? quia oculus impudicus impudici cordis est nuntius.*

Non me fugit præfatos aspectus judicari tantum veniales a Sanchez Lib. 9. disp. 46. n. 24. & Sylvio eod. art. 4. si ex sola curiositate fiant, & tam breviter, ut non deus occasio magna commotionis in corpore; vel si ratione ætatis puerilis, aut senilis, aut frigidissima complexionis esset id periculum commotionis magna in aspiciente. Verum doctrina hæc pro iis, qui pueri non sint, plena est periculi, ideoque proflus eliminanda. Ecquis nimirum certus sit se e conspectu libidinis supra modum incentive retracturum oculos, cum volet, aut se id, ut par est, voliturum? Quis sperare possit se leviter commotum iri ex causa, quæ gravissime commovere nata est, & quæ eo plus movet, quo rarius observatur oculis? &c.

Imo etsi non ægre assentior iis, qui cum Theologorum vulgo, culpæ solum venialis insimulant aspicientes mulieris faciem, & manus, seculo quocumque alterius delectationis periculo, haud tamen pateret brachia ad cubitum usque, ut solent, discooperta, multo minus ubera conspici. Mihi hæc unica probatio, sed coram Deo gravis: *Cornuferis ille, caveo, & fuge plusquam a facie colubri.* Ut ut est, nemo non fatetur aspectum concubitus viri cum fœmina esse lethalem. An idem sit relative ad belluas concumbentes, non ita convenit. Res ex aspectus mora, motivo, impressione, & periculo definienda videtur; ita ut tamen severe semper debeant redargui, qui his, ut mortis est, ex vana curiositate occupantur.

Prob. 3. pars, quia vir, qui viri in balneo, vel flumine natantis videntem intuetur, gravi se se periculo objectat: nisi jam gravi libidine ad aspectum hunc determinatur. Hinc, qui se in rivis lavant, debent oculos quærere recessus, ubi alienis, præsertim fœmineis intrinibus subducantur, propter evidens quod alioqui præbebunt periculum ruinæ. Unde, ait Henno, *non video, quo pacto a mortali excusari possint, qui de die in plena civitate, adde, & in loco omnibus potenti, se se nudos exponunt coram mulieribus, imo & coram masculis, natandi causa. Similes igitur nationes publicas interdicare debet Magistratus. Quin, & expulsi* direct,

*diret, nec expediret solum, sed & necessarium forer, ut nunquam adolescenter inter se natarent nisi coopertis secretioribus: tot peccata, tot lapsus, tot horribilia non evenirent.*

Prob. 4. pars, quia turpes proprii corporis aspectus, saltem cum morose fiunt, vel oriuntur ex libidine, vel ad eam graviter, & periculose præparant. Atque licet aspectus illi a mortali excultantur, quam obiter fiunt, & ex sola curiositate; si tamen magna deliberatione, & ex proposito fiant, multo turpius fuerit eosdem, ut dubia lethalia, ac proinde quoad numerum, & circumstantias consiteri.

Ex dictis facile colliges graviter peccare scēminas, quæ, ut investum a diabolo morem sequantur, prodeunt nudatis mammis, aut linteo coopertis tam exili, ut hac arte efficaciores castitati insidias struant. Et vero fieri nequit ut nudata mulier pluribus ruinam non afferat; cum etiam cooperta decenter, graves quandoque libidines excitet. Hinc innumeræ Synodi mulieres scandalose nudas absolutione, & Eucharistia donari vetuerunt. Hinc primævi Patres contra mulierum nuditatem, tunc sane minorem, quam nunc sit, constanter insurrexerunt. Tertullianus Lib. de velandis virginib. cap. 15. *Judicabunt vos, inquit, Arabiæ femina, quæ non caput, sed faciem quoque ita totam tegunt, ut uno oculo liberato contentæ sint dimidiam frui lucem, & Cloemens Alexandrinus Lib. 2. Pedagogi cap. 2. Nullo modo permittendum est mulieribus, ut nudam aliquam corporis partem offerant viris, ne ambo prolabantur: hi quidem, ut qui ad videndum incitentur; illæ vero, ut quæ in se viro- rum intuitum attrabant.* Unde licet Sylvius 2. 2. q. 169. art. 2. excuset a mortali eas, quæ juxta receptam loci consuetudinem (quam negat sine gravi peccato introduci posse, ubi non viget) pectus sine prava intentione denudant modice; eas tamen a gravi lascivia excusare non audet, *quæ ita denudant pectora, ut etiam ostentent ubera nuda.* Et vero S. Antoninus prudens moralium arbiter; hæc habet 2. part. tit. 4. cap. 1. §. 3. *Si de usu patriæ est, ut mulieres deferant vestes versus collum scissas, & operas usque ad ostentationem pectoris, & mamillarum... valde turpis, & impudicus est talis usus, & ideo non servandus: porro usus valde turpis, & impudicus a gravi peccato immunis esse nequit.* Quapropter mulieres quoto tempore in eo statu vixerunt, vixerunt in habitu lethalis peccati; unde nulla earum confessionibus præteritis habenda fides, quas idcirco iterare debent; cum, & deliquerint ipsæ ad minus ex vanitate intoleranda; & quod prævidere potuerant, innumeris hominibus, qui oculos habent plenos adulterii, & ineffabilis delicti, spirituales ruinam procreaverint. Quin & puellæ, quæ pietatem possident, habent sæpius, quod sibi hac in parte serio exprobrant; cum etsi mulieribus mundanis cautiore, non-nihil tamen indulgent consuetudini, & amor proprio, ne, inquit, ridiculæ videantur. Emendandæ etiam sunt, quæ brachia nimis aperta gerunt. Sane hi defectus aliquando tandem desinerent, si Confessarii facto agmine in eos conjurarent. Sed heu, quam plures, quæ sua sunt, quærunt, non quæ Jesu Christi! Quod si mulier in habitu vere immodesto ad sacram synaxim accedere ausit, erit hæc caute prætermittenda. *Mulieres quælibet, cujuscumque conditionis sint, aut status, ad communionem non accedant cum fuce, pigmentis, non pectore nudo, aut tenui velo oblecto, sed ita vestito, ut ne præter faciem quidquam cernatur;* ait S. Carolus Borrom. tit. de sacra Commun. quod si ex earum repulsa scandalum, & murmura suboriantur, ipsæ sibi imputent.

Colliges 2. graviter reos esse tot omnis ætatis homines, qui in via, plateis,

teis, ipsi etiam sacris ædibus sine attentione, ac dicam plerumque de industria, oculos quoquo versum intendunt.

Colliges 3. graviter quoque ab iis Deum offendi, qui picturas, imagines, statuasque obscenas faciunt, exponunt, s. aut intuentur, præsertim cum iis repræsentantur personæ grandiores. Ratio toties decantata est imminens veneræ delectationis periculum. Causantur quidem alii se hæc doctis oculis contemplari; alii se ea solius antiquitatis studio servare. Sed, quam pridem eruditorum oculis eo facilioribus captu, quo de se magis præsumunt, licitum erit, id quod cæteris omnibus prohibitum est? Ad quid amor profanæ antiquitatis, quæ ut olim Auctores suos damnavit, sic & nunc amatores suos in æternum perdere potest? Bene Chrysostomus in Psal. 113. *Dæmon nude figura assidet, ut throno suo. Et nunc quidem statua sunt imaginei fornicationis, nunc insani in masculos amoris. Quid enim sibi vult Aquila? quid vero Ganymedes? quid Apollo, qui virginem persequitur? quid aliæ enecanda figura? Ubique libido, ubique lascivia nefariorum concubituum, & insanientium amorum statua, ubique cernuntur. Statua enim... surpissimarum rerum indicia sunt, & monumenta ac documenta.*

Hinc prorsus neganda est absolutio iis omnibus, qui prædictas imagines, vel statuas fingunt, vendunt, aut retinent, nisi vel eas ad honestatem reconcinnaverint tam profunde, ut ad pristinum statum reduci non possint, vel eas penitus deleverint; prout expresse jubet S. Carolus Borromæus L. 1. Constit. & Decret. Synodal. tit. *De imaginibus sacris, & profanis, deque pictoribus, & sculptoribus*, n. 26. atque id teste Merbesio 2. p. q. 84. p. 451. pari ad pietatem constantia fecere *Parisijs levisissima quæpiam non infima conditionis semina, & unus ex ejus liberis materno perpulso exemplo, qui libidinosas imagines, & tabellas ingenti pretio redemptas, & crematas in cinerem redegere.* Et vero, qua ratione impendi possit absolutio iis, qui non unius tantum peccati, sed tot delictorum reos se faciunt, quot peccatis antiquitatum suarum spectatores exponunt.

Colliges 4. Episcopis, & Pastoribus enitendum esse, ut statuas, turpesque imagines non tantum a locis publicis, sed etiam ab hortis, a recessibus, domibusque auferri curent, vel saltem emendari; & multo plus ab Ecclesiis: cum, ut ibid. loquitur S. Carolus n. 27. *Christiana pietatis rationi alienum sit ad ornatum templorum adhiberi ea, quæ non modo religionem non excitant, sed intuentium mentes facile illiciunt in sedas turpesque cogitationes.* Porro Pastoribus opem terre debent Magistratus, quia agitur de re, quæ mores corrumpit, juventutem depravat, stragem infert cordibus, ideoque communi bono graviter adversatur.

Colliges 5. arcendos a Sacramentis pictores, qui ut artem suam edificent, mulierem oculis suis nude objectam sua quilibet ex parte depingunt. Ii enim, etsi ne verbum quidem mutire audent, corde pessima meditari possunt, & quæ summa est hominis fragilitas, quasi necessario meditantur.

Ne tamen hæcenus dicta, præsertim, quæ ad mulieris aspectum pertinent scrupulum pariant, addendum credo cum Ethica amor. n. 65. non illicitum esse personam sexus alterius intueri, nec teneri sæcularem quemque demissis oculis incedere per plateas, aut mulieres alloqui: *Imo tanta præcautio possit aliquando plus obesse, quam prodesse: quia timor excessivus facit cogitare de objecto timoris, facileque tentationes causantur, ad quas evitandas omittitur aspectus.* Non est ergo per se illicitum personas alterius sexus intueri; sed

*ex complacentia, vel curiositate intueri, vel etiam oculos figere in earum aspectu Unde Augustinus Epist. 211. alias 109. dicit: Oculi vestri etsi jactantur in aliquem, figantur in neminem.*

## S E C T I O T E R T I A.

## De Ornatu muliebri.

**P**Aucas hic proponam, & solvam quæstiones.

Quæres 1. an, & quo in gradu peccent mulieres, quæ fūco utuntur.  
R. Cum S. Thomas 2. 2. q. 169, art. 2. ad 2. *Quod mulierum fūcatio... est quedam species fictionis, quæ non potest esse sine peccato. Unde Augustinus dicit in Epistola ad Possidium: Fucari pigmentis, quo vel rubicundior, vel candidior appareat, adulterina fallacia est... Non semper talis fūcatio est cum peccato mortali, sed solum quando fit propter lasciviam, vel in Dei contemptum, in quibus casibus loquitur Cyprianus, cum in Lde habitu mulierum, ait: Manus Deo inferunt; quando illud, quod ille formavit, reformare contendunt.* Pergit S. Thomas: *Sciendum tamen, quod aliud est fingere pulchritudinem non habitam, & aliud occultare turpitudinem ex aliqua causa proveniente, puta aegritudine, vel aliquo hujusmodi, ut vulnere, vel incendio: Sicut enim, ait hic Sylvius, certis in casibus licet occultare veritatem, etsi nunquam liceat mentiri; ita non est peccatum adhibito artificio turpitudinem tegere, quamvis peccatum sit pulchritudinem simulare.*

Sed potestne mulier fūco uti, ut placeat marito, aut puella nobilis, ut placeat amasio? *Affirmant aliqui, ait Henno, sed negat S. Thomas, nisi certe mulier id crederet necessarium ad retrahendum ab adulterio maritum.* At nescio unde hanc S. Thomæ doctrinam eruerit prædictus Theologus: nam in responsione ad 2. dicit quidem Angelicus Præceptor non esse illicitum mulieribus conjugatis ornari, ut placeant viris, ne desur eis occasio cum aliis peccandi: at ibi ne verbum quidem habet de fūco; neque id exigit Articuli materia, quæ est generatim de ornatu mulierum; qui sane non omnis est in fūco.

Ex hac decisione sequi videtur fūci venditores, si eum obvio cuique distrahant, peccare lethaliter; cum eo indubie plures ad lasciviam utantur; venialiter, si vendant iis, quos constat eodem usuros non esse in finem mortaliter malum, ac demum nullatenus in principiis Sylvi, & ut videtur S. Thomæ, si iis solum vendant, qui eo usuri sint solum ad tegendam turpitudinem. Non desunt tamen, qui cum Pontasio v. Fard, cas. 2. quem alibi secuti sumus, pronuntiare non ausint prædictos venditores mortaliter peccare: sane, quia, ut & ego, excludunt primam hypothesein, circa quam si interrogentur mercatores, nescio, an quis inveniat, qui categorice respondeat; cum pauci admodum sint, qui lucri occasionem, quæcumque ea sit, permittant.

Quæres 2. an peccet, quæ seclusis scandalo, & prava intentione, capillis appositis utitur ad ornatum.

Respondet Sylvius ibi. his verbis: *Uti alienis capillis, vel nullum est peccatum, ut si quis utatur eis simpliciter ad ornatum, sicut ut mur lana, lino, & pellibus animalium; vel solum est veniale, ut si quis fingat esse proprios, nullamque aliam pravam apponat circumstantiam.* Quia tamen, ut docet ibid. S. Thomas ad 1. non solum inverecundus, & impudicus, sed etiam superfluous cultus fœminis interdicitur ab Apostolo 1. ad Timoth. 2.

ubi

ubi dicitur : *Mulieres ... cum verecundia, & sobrietate ornantes se, non in tortis erinibis, aut auro, aut margaritis, aut veste pretiosa, rarum est, ut quæ his nugis se dedunt, ab omni culpa immunes sint.*

Quæres 3. an mulieri licitum sit vestem induere virilem, & e converso.

R. Cum S. Thoma ibid. ad 3. *De se vitiosum est, quod mulier utatur veste virili aut converso; & præcipue, quia hoc potest esse causa lascivie, & specialiter prohibetur in lege; quia gentiles tali mutatione habitus utebantur ad idololatriæ superstitionem. Potest tamen quandoque hoc fieri sine peccato propter aliquam necessitatem, vel causa se occultandi ab hostibus, vel propter defectum alterius vestimenti, vel propter aliquid aliud huiusmodi.*

Pergit Sylvius : *Si autem absque simili causa fiat, solum ex levitate, & absque scandalum, quam intentio, periculumque libidinis, peccatum erit veniale; mortale vero, si sit intentio, vel periculum lascivie, aut aliqui notabile scandalum.* Unde, quod Deut. 22. *Abominabilis apud Deum esse dicitur, qui alieni sexus habitum induit, partim naturale est, & ut sic omnes obligat, sed diversimode secundum periculi, & malæ intentionis diversitatem, partim cæremoniale est, & sic gravius obligabat Judæos, qui habitum immutando, vel idololatriam profitebantur utcumque, vel suam in Gentilium ritus propensionem, utique non sine gravi scandalo, testificabantur.* Hæc Duacensis Theologi decisio satis æqua videtur; verum haud scio, num in multis casibus interfivire possit: cum ex iis, qui vestem immutant extra necessitatis casum, plerique, nisi omnes, ex alio, quam levitatis motivo agant, & si foras prodeant, ut consueverunt, scandalum exitiale præstent.

Multo gravior erit noxa, si vestium mutationi accedat larvæ assumptio, quæ communiter a gravi peccato excusari nequit, sicut nec ars eorum, qui huiusmodi larvas conficiunt; & quibus, nisi artificium hoc facitare desinant, absolutionis beneficium constanter denegandum est. Nec est, quod regerant, se, dempta sibi hac arte, quam solam didicerint, non habere unde vivant, & familiam sustentent. Ea enim excusatione rueri se posset idolorum artifex in Sinenſi regno, & tamen idola fabricare non licet, secundum id Tertulliani Lib. de Idololatria c. 4. *Quidquid idololatra committis, in artificem quemcumque, & cujuscumque idoli deputetur necesse est.* Vide Pontas v. *Masque*; ubi prænotat larvarum usum multis Regni Constitutionibus, præsertim autem ab Henrico III. an. 1579. tam severe prohibitum fuisse, ut, qui personarum quempiam occidisset, nullis remissionis, ac gratiæ litteris indigeret.

Circa scæminarum vestimenta notandum eas, quæ inordinate vestiuntur, seu contra morem patriæ, seu supra conditionem status, seu propter molliorem, & delicias, plus, vel minus peccare, prout plus, vel minus ab ordine recedunt. Et quidem indubium est, quod peccent in hoc triplici casu. In primo, quia singularitas vitium est; & ut ait Augustinus L. 3. Confess. c. 8. *Turpis est omnis pars, universo suo non congruens.* In secundo casu, quia, quæ supra conditionem suam vestiri amant, vanitatis, & superbiæ convincuntur. In tertio, quia insulsum est, ut vestes, quæ peccati pœna sunt, ejusque memoriam revocare, debent, non ad regendum corpus, sed ad delicias ordinentur.

Neque hic semper deest culpa lethalis, ut 1. cum vestium forma, idonea est, quæ libidinem accendat. 2. & a fortiori cum mulier ornat se hac intentione, ut viros alliciat in concupiscentiam sui. 3. cum, ut loquitur

Sylvius, tanta est vestimentorum sumptuositas, propter eam vel non solvantur debita, vel non restituantur ea, quæ debent restituere.

Sed, quid si mulier ab ornatu superfluo abstinere nolit?

Respondet Sylvius eod. art. 2. si clare constet de peccato mortali, negandam esse absolutionem: si vero clare constet de non mortali, esse concedendam. Quod si, ait, Confessarii non possunt clare percipere, utrum ibi sit mortale, an solum veniale, persuadeant, quoad possunt, ut penitens abstineat: si tamen nolit, non ei faciant conscientiam de mortali, ne deinceps mortaliter peccet, ubi aliqui non peccaret, neque absolutionem negent, quia ... melius est reddere Deo rationem de nimia misericordia, quam de nimia severitate.

Ego quidem gravis me peccati reum crederem, si hanc Doctoris de cœtero vere docti decisionem sequerem. Absit ut liquido mortale dicerem, id quod forsitan veniale fuerit; at pro dubio mortali haberem & darem, id, quod post examen ferium mihi tam mortale, quam veniale appareret. In hoc autem dubii casu malim mori, quam absolutionem vere dubiam impendere.

Quod de superfluis foeminarum, id de paribus virorum indumentis dictum censeatur: Sunt equidem nonnulli, ait S. Gregorius Homil. 40. in Evang. qui cultum subtilium pretiosarumque vestium non putant esse peccatum; quod si culpa non esset, nequaquam sermo Dei tam vigilanter exprimeret, quod dives, qui torquebatur apud inferos, bysso, & purpura indutus fuisset. Illi tamen, qui in dignitatibus constituuntur, vel etiam Ministræ altaris, pretiosioribus vestibus, quam cæteri induuntur, non propter sui gloriam, sed ad significandam excellentiam sui ministerii, vel cultus divini, ait S. Thomas ead. q. 169. art. 1. ad 2. quamquam Ecclesiasticis præsertim, etiam Præsulibus, caute vitanda est omnis superfluitas.

Quæres 4. quid sentiendum sit de calathis mulieribus? gallice *paniers*; non ita pridem adinvenitis?

R. Usum hunc non a Deo, sed a diabolo solo inventum esse, eique proin fortiter resistendum a Confessariis, donec vel totus e medio tollatur, vel, quod servata rei substantia difficillimum erit, ad limites adeo angustos revocetur, ut nihil inde timendum sit pudori. Certe, quæ cum tartareo hoc apparatu incedunt, in loco paulisper sublimi sedent, genu unum alteri superponunt, &c. eæ verecundiam minus delicatam conservant. Quia etsi minus rem sunt, quæ angustiores calathum gestant, cum crocata subtus posita, eo tamen redargui merentur, quod & parenti mori, cui crimen ortum fecit; & eas confirmant, quæ immensi voluminis cophinos deferunt. Hoc igitur in puncto parentibus resistere deberent puellæ, & quod pensionarias suas, sanctimoniales, quæ, si quid, ut morem hunc extirpent, patiantur damni, a Deo in sponas sibi fideles munifico, hac etiam in vita compensabuntur. Legatur ea de re decisio an. 1728. ab auctore precatonis publicæ tradita.

Liceat articulum hunc hac Tertulliani obtestatione concludere, Lib. de veland. virginib. c. 19. Oro te, siue mater, siue soror, siue filia virgo. vela caput, tege, quæ tegi debent, rejice consuetudines, quas ipsa conquereris introductas fuisse; si mater es, propter filios, si soror propter fratres, si filia propter patres, omnes in te atates periclitantur, indue armaturam pudoris, circumdus vallum verecundiæ, murum sexui tuo strue: qui nec tuos amittat oculos, nec admittat alienos.



## S E C T I O Q U A R T A.

*De turpibus Verbis, Cantilenis, Scriptionibus &c.*

**A**gendum 1. de his, qui turpia loquuntur, canunt, audiunt, aut legunt. 2. de iis, qui hæc componunt, & prælo mandant. Sit

**CONCLUSIO L** Qui turpia loquuntur, audiunt, vel legunt sine iusta necessitate, communiter rei sunt peccati mortalis.

Prob. ex Apostolo Ephes. 4. ubi sic: *Omnis sermo malus ex ore vestro non procedat; sed si quis bonus ad edificationem fidei, & cap. 5. Fornicatio, & omnis immunditia: nec nominetur in vobis, sicut decet Sanctos; aut turpitudinem, aut stultiloquium, aut scurrilitas, quæ ad rem non pertinet, & 1. Corint. 15. Nolite seduci, corrumpunt bonos mores colloquia mala.* Ex quibus constat turpiloquium, & his similia non vacare a peccato: atqui vix fieri potest ut peccatum illud, si de rebus vere obscænis sermo sit, non sit lethale. Peccatum enim lethale est, ubicumque reperitur libidinosa voluptas, aut ejusdem periculum: atqui hæc vix deest aliquando, cum quis spontanee turpia, vel loquitur, vel legit, vel audit. Quare enim saltem ut plurimum turpia loquitur, audire, vel legit, nisi quia hæc mentem jucunde titillant, rapiunt, & alliciunt.

Confirmatur, & tamen simul temperatur conclusio his S. Antonini verbis, quæ ex parte minori refert, & approbat Nat. Alexander ad 6. præceptum Reg. 5. sic S. Doctor part. 2. tit. 5. cap. 1. §. 8. fol. 206. *Quintus gradus luxuria est turpis confabulatio, de qua Cyprianus in Lib. de Virginitate ait: Ipse concubitus, ipse complexus, ipsa confabulatio, idest turpium, quantum dedecoris, & criminis afferat, consentitur: sed crimen importat mortale peccatum: ergo & confabulatio, idest locutio turpium est mortale.* Et de hoc nulli dubium est, quod, qui dicit verba turpia, & lasciva, hac intentione (adde & gravi periculo) ut se, vel alium provocet ad luxuriam, vel se mente delectandi in locutione, & cogitatione turpium extra matrimonium, mortaliter peccat. Sed ubi talia verba turpia dicuntur ex quadam levitate ad solatium seu jocum, quamvis de se non videantur mortalia, quia peccata oris secundum Thomam permaxime judicantur, quoad gravitatem peccati ex intentione proferentis, propter quod dicit Augustinus, quod ream linguam non facit nisi rea mens: tamen per accidens posset esse mortale ibi ratione scandali, seu ruina inde sequentis in mente alicujus, ut cum audientes sunt debiles, seu infirmi spiritu, aut non probatæ virtutis, & verba essent multum lasciva, & tunc tot committerentur peccata; quot erunt adstantes. Imo, (& hoc semel, & in perpetuum intelligatur in paribus materiis, ) si adstantium alii sint conjugati, alii ligati voto castitatis, tenebitur turpium narrator circumstantiam hanc aperire; quia aliud est soluto, aliud conjugato, aliud Ministro in sacris ruinæ hujus periculum propinare: cum primum fornicationis, secundum adulterii, tertium sacrilegii inchoati fuliginem habeat.

Pergit S. Antoninus: *Idem dicendum videtur de facientibus, vel cantantibus cantilenas plenas lasciviis, & multo magis quando ibi immiscentur etiam nomina Dei, & Sanctorum, quod pertinet ad notabilem irreverentiam Dei, & Sanctorum.* Sed audientes libenter talia, non tantum ex quadam levitate, & solatio vano; sed etiam delectationem deliberatam in tali materia audita querentes, non videntur posse excusari a mortali, sicut nec a delectatione

morosa turpis cogitationis, cum ex auditu sequantur talia præcipue mentibus infirmorum, nisi forte hæc foret inter conjuges. Si ergo contingat præter intentionem talia audiri, vitare debent, vel saltem displicentiam mentis habere.

Dixi: sine iusta necessitate, aut utilitate. Confessarii enim, Medici, Chirurgi, Theologi multa audire vel legere possunt, quæ non possent alii.

Hic quædam observanda. 1. allatam S. Antonini decisionem, quæ utcumque mitior videti queat, vix uni e sexcentis eorum, qui turpia loquuntur, aut sponte audiunt, favere posse: cum pauci admodum sint, qui turpibus verbis, vel dictis, vel lubenti animo auditis impure non moveantur, aut proxime moveri non possint.

2. Quod ubicumque ex verbis etiam non graviter turpibus, imo forte honestis imminet grave venerei consensus periculum, tunc ab illis illico recedendum est.

3. In misero esse statu, qui æquivocis dictionibus assuescunt, obvia quæque stectunt ad sensus impuros, canilenis immunditiam spirantibus occupant, & occupantur. *Prævis assuescere sermonibus*, ait S. Basilii hom. 24. *via quedam est ad rem ipsam*. Sic tamen, ait S. Cæsarius ser. 303. in App. Augustiniana, *quam multi rustici, & quam multe mulieres rusticanae*, sed heu quam plures urbium incolæ, *cantica diabolica, amatoria, & turpia memoriter retinent, & ore decantant!* *Ista possunt tenere, & parare, quæ diabolus docet; & non possunt tenere, quod Christus offendit!* *Quanto celerius, & melius quicumque rusticus, vel quæcumque mulier rusticana, quanto utilius poterat, & symbolum discere, & orationem Dominicam, & aliquas Antiphonas, & Psal. 50. vel 90. & parare, & tenere, unde animam suam, & Deo conjungere, & a diabolo liberare possent!* nam quomodo cantica turpia in tenebris diaboli mittant, sic cantica sancta Christi lumen offendunt.

4. Enitendum pro virili Pastoribus, Confessariis, Concionatoribus, patribusfamilias, iis demum omnibus, qui aliquid in alios potestatis habent, ut gravissimum turpiloquii horrorem incutiant; cum ex hoc pars hominum longe maxima triste subeat naufragium pudoris, & sensim, si non statim, in peccata, & habitus proruat, e quibus vix jam emergere possit. Unde, qui turpia coram se narrata non approbant interius, & tamen præbent alius occasione, vel ea incipiendi, vel cum incœpta sint, continuandi; & sic turpiloquiis auctoritatem præstant, mortaliter delinquant; quia exterior rei mortalis approbatio, est peccatum mortale.

CONCLUSIO II. Qui turpia componunt, puta comedias, poëses, cantilenas, aut citra necessitatem vel utilitatem tractatus edunt de rebus obscœnis, peccant gravissime; etiamsi, quod vix supponi potest, mentem habeant a turpi cogitatione liberam.

Prob. quia ii omnes sciunt, aut scire possunt, & debent, se eorum plenisque a quibus perlegentur, peccati, & ruinæ spiritualis occasionem futuros esse. Unde habentur a probis quibuslibet, ut publici animarum venefici, qui tot afficiunt morte, quot habuere lectores. Et ideo Pius IV. Sixtus V. & Clemens VIII. in edito Librorum prohibitorum Indice, Libros de rebus obscœnis, & lascivis tractantes a fidelibus legi, & retineri prohibuerunt. Idem veruerunt Synodi complures, e quibus sufficit citasse Burdigalensem anni 1483. quæ tit. 7. jubet a Confessariis, & Pastoribus sæpissime moneri Christianos, ut fugiant tanquam viri mortiferam *lædionem Librorum quorumcumque, qui vel ad artes magicas pertinent, vel obscœnas, & impias narrationes continent; eosque ut olim tempore Apostolorum factum legi-*

*legimus, comburant.* Sensit hoc sero, sed tandem profunde sensit Fontanius, qui positus in extremis commenta sua \* cum lachrymis detestatus est.

Sed quid de Romanensibus Libris?

R. eos nec scribi, nec legi posse ut plurimum, sine gravi culpa, si, ut moris est, profanos amores delineant, & amantium colloquia, litterulas, artes, milleque casus libidine, invidia, tremore, periculosa constantia, clandestinis doli consiliis intricatos referant. Docet enim frequens, & frequentior experientia, pares in teneris, & incautis adolescentum, & puellarum cordibus flammæ excitari. Hinc desit Aug. lib. 1. Confess. c. 13. se lachrymas impendisse Didoni, cum interim animæ suæ moriem, quæ fiebat non amando Deum, minime lugeret. Hinc Gerſo Romanicum *De Rosa* tam vivide exagitavit. Hinc S. Theresia tantam divini fervoris imminutionem ex equestrium fabularum lectione percipiam se confitetur cap. 4. vitæ suæ. Quid, quod nisi, quis apud Hebræos atatem Sacerdotalis ministerii, idest tricesimum annum impleverit, nec principia Geneseos, nec Canticum Canticorum, nec Ezechielis exordium, & finem legere permittitur, ait S. Hieronym. in Proœmio Comment. in Ezech. apud Merbesium 2. p. q. 84. Unde etiam, ut refert Natal. Alexand. ibid. Reg. 6. ex S. Leandro Hispalensi Episcopo Lib. de Instit. Virginum, c. 7. Veteres idem Canticum, Moysis, Josue, & Judicum Libros a carnalibus, & junioribus legi prohibebant; ne dum eos spiritaliter nesciunt, libidinis ac voluptatum incitamento solvantur. Merito proinde proscripſit Quenelli theſis, quæ Scripturæ sacræ lectionem omnibus indistincte necessariam facit. Qui plura circa Romanenses Libros volet, adeat specialem ea de re orationem Caroli Porée S. J. ubi Christianus orator, quem mihi amicum fuisse diu gloriabor, pari ad pietatem facundia demonstrat *Libros Romanenses multum nocere litteris, & rei litterariæ; sed multo magis nocere moribus, & Reipublicæ.* \* S. Leand.

Ex his colliges pro praxi, Sacramenti indignos esse, 1. Typographos, & Bibliopolas, qui hujusmodi Libros edunt, aut obvio cuique, ut solent, venales exponunt. Imo eorum quidam sunt, qui nemini vendi possunt, sed flammis immisericorditer debeant aboleri. 2. patresfamilias, qui ut bene dicendi artem filios, filiasve suas edoceant, lectiones amatorias, & similia, iisdem, & una venenum propinant. 3. etsi viris gravibus, & pudicis; qui dissolutionis lepores, gravitatem sententiarum, elegantem sermonis texturam solum, & unice inquirunt, plura, quam aliis licita esse possint, paucos tamen esse, qui in hoc ordine censeantur, sed multo plures, qui sibi temere blandiantur. Ut ut est, cavere hi debent, ne vel juvenibus, aut etiam viris maturioribus ætate, quam animo Libros suos commodent; aut ne ii, post mortem suam incident in manus eorum, quibus exiciales esse possint.

De litteris amatoriiis, quæ sub reverentiæ, & urbanitatis larva, amorem teneramque propensionis flammam spirant, & acunt, nihil est, quod dicam: quia quantum iis insit periculi, intelliget quisquis homo fuerit. His porro, qui tales receperint, injunget Confessarius ut statim comburant. Sunt enim idola quedam, quibus cor jam læsum facile denuo possit accendi. Idem de acceptis ab amasio vel amasia munusculis dicendum.

Kk 4

SE-

\* M. de la Fontaine... prêt à recevoir le S. Viatique détacha ses Contes, les larmes aux yeux; & fit amende honorable devant Messieurs de l'Académie, qu'il avoit priés de se rendre chez lui par députés, pour être témoins de ses dispositions présentes. *Histoire de l'Académie Française par M. l'Abbé d'Olivet, pag. 311.*

## S E C T I O Q U I N T A .

*De Saltationibus, & Spectaculis.*

**M**ateria hanc non minus practicam, quam præcedentes, paucis conclusionibus expedire conabor. Sit igitur

CONCLUSIO I. Saltatio non est de se mala.

Prob. 1. ex Scriptura. Eccles. 3. v. 1. & 4. *Omnia tempus habent. tempus plangendi, & tempus saltandi.* 2. Reg. 6. *David saltabat totis viribus ante Dominum, & saltando, Domino placebat, ut patet ex decursu capitis.*

Prob. 2. ex S. Thoma iu cap. 3. Itaque, ubi sic: *Quia impossibile est semper agere in vita activa, & contemplativa; ideo oportet interdum gaudia caris interponere, ne animus nimia severitate frangatur, & ut homo promptius vacet ad opera virtutum; & si tali fine fiat de ludis cum aliis circumstantiis, erit actus virtutis, & poterit esse meritorius, si gratia informetur. Iste autem circumstantia videntur in ludo choreali observanda; Ut non sit persona indecens, sicut Clericus, vel Religiosus; ut sit tempore levis, ut. in nuptiis, & huiusmodi; ut fiat cum honestis personis, & cum honesto cantu; & quod gestus non sint nimis lascivi, item, ut ablit periculum libidinis; ut choreæ, nec in loco sacro, nec tempore Officii divini, imo nec Festis diebus agantur; de quo infra.*

CONCLUSIO II. Choreæ inter personas ejusdem sexus, absque turpi gestu, aut affectu permitti possunt.

Sequitur ex dictis. Unde puellæ, quæ absoluto diei penso se paululum iis saltationibus recreant, peccati cujuslibet expertes esse possunt. Idem est de adolescentibus a puellarum consortio remotis. Et vero pares choreæ a superioribus permittuntur in tragædiis ad juvenum recreationem, & exercitium.

CONCLUSIO III. Choreæ inter personas diversæ sexus, possunt vacare a peccato, vix tamen unquam permitti possunt a Confessariis; quia vix unquam habent condiciones, quæ ab omni peccato excusent. Ita Pontas V. *Danse*, nec dissentiant, qui mitius sentire videntur; quia cum cuncti certas ad chorearum innocentiam requirant, & requirere debeant condiciones; & hæc pene semper desint, plus alii ab aliis verbo discrepant, quam sensu. Interim

Prob. 1. pars, quia cum choreæ de se sint absolute indifferentes, possunt bene vel male fieri, pro affectu personarum, quæ eisdem vacant; ergo, si vitiosus absit affectus, nec mala quædam intersit circumstantia; ut fieri potest inter eximie probitatis, & aliquando ejusdem familiæ personas, nihil hic suberit, quod mereatur redargui.

Prob. 2. pars, choreæ ut fieri consueverunt, sunt ludi quidam in frequentibus virorum, seminarumque concursu, quorum ne unus quidem eo ivit, ut Deo placeret, sed mulieres toto cultu, mundoque muliebri ornatae, ut leporibus, venustate, formæ, & saltandi gratia omnibus placerent; viri vero ut mulierum decore, elegantia, colloquiis, saltatione; omnibusque illecebris, oculos, aures, animosque pascere. Illic prælucentibus instrumentis, quæ levis numeris jam animos emolliunt, puellæ ex ipsa pectoris protensione solito immodestiores per intervalla saltant, manu apprehenduntur, oscula recipiunt, gratulatorii plausibus, amatoriis verbis afficiuntur &c. atqui fieri nequit, posita, quantâ est, hominis ad malum pronitate, ut tales ludi non importent multiplex multiplex peccati periculum. Major propositio, si cuiam hodie incerta videatur, nemini non, ut credo, videbitur in die judicii cla-

clarior meridiana luce. Et vero, quantum ibi periculum aspectus impudici, amplexus libidinosi, verbi, quo profundum vulnus infligitur? Quis de se præsumere possit se in circulo, \* *cujus centrum est diabolus, & cujus circumferentia sunt Angeli ejus circumstantes*, immotum iri? Quæ puella etiam vitium, & libidinem exosa, confidat se nulli futuram esse gravis peccati occasionem? quæ sperare possit eor, quod hæctenus amatoris voci gestit impervium, non cessurum tandem in loco, qui per se vigilantiam, orationis, pœnitentiæ, ac compunctionis spiritum excludit. Merito igitur Trullana Synodus vetuit *publicas mulierum saltationes, ut multam noxam, exitiumque afferentes*. Merito S. Carolus Borromæus, non solum in Tractatu singulari ex Patrum, & Conciliorum testimoniis contexto saltationes innocentis Christianæ pericolosas esse docet, sed & eas in Memoriali part. 2. cap. 6. his verbis impetit: *Valcant execranda illæ publicæque saltationes, Christianorum castitati adeo exitiosæ, rixarum, jurgiorum, inimicitiarum, impudentiarum, pugnarum, cædiumque radices, & occasiones, imo cujuscumque lascivie seminaria. Quid plura? ex ejusmodi saltantium consortiis oriuntur corporum fame, verum, & Christianæ denique posthac discipline detrimenta. Eliminentur ergo choreæ, & cum his tot aliorum corruptelæ, quibus hoc maxime tempore solet satanas hominum mentes suo imperio vindicare, prorsus abrogentur.*

Suffragatur belle S. Antoninus 2. part. tit. 6. cap. 6. ubi postquam præmittit, quod & nos prædocuimus, choreas posse aliquando bene fieri, si nempe, cum debitis fiant conditionibus, satis indicat in tripudiis, prout solent fieri, eas conditiones vix unquam adesse. Sic ille §. 3. *Amicus mundi fieri, qui amat pompas, lascivias, superbiam, vanam gloriam, & qui vult placere hominibus in peccatis, quæ omnia reperiuntur in choreis, & ideo per eas efficitur quis inimicus Dei. Per choreas, & saltus tripudiorum, quæ sunt in conviviiis aufertur caput Joanni. Augustinus dicit, quod Melius est diebus Dominicis arare, vel fodere, quam choreas ducere: sed certum est, quod arare vel fodere in diebus Festivis, ex hoc amitteretur gratia Dei. Mulier, ut dicit Origenes, est Arma diaboli, caput peccati, expulsio paradisi. Aliquando diabolus bellat cum homine per aspectum mulierum; aliquando per auditum vocis mulierum: aliquando per tactum; sed in choreis per omnes istos modos simul bellat cum hominibus. Nam ibi videntur totaliter cum suis ornatibus, ibi audiuntur in suis cantibus, & cacchinnis & locutionibus, & manu tanguntur, & ibi diabolus fortiter pugnat, & vincit. Non mirum si choriseantes sunt inimici Dei, cum faciant contra omnia mandata Dei & Sacramenta, quæ sunt medicine Dei. Nam contra Baptismum militant, quia cum in Baptismo per Patrinum. promissarint renuntiare diabolo, & pompis ejus, per choreas promissionem frangunt, sequentes diabolum, & pompas ejus, & opera. Contra Sacramentum Confirmationis, quia cum in ipso susceperunt signum crucis, in signoque sunt redempti sanguine Christi. ipsi sibi imponunt in capite signum diaboli, ornamentum scilicet varium diabolica insigilatione. Contra Sacramentum Matrimonii, quia multa desideria concipiuntur contra fidem datam ibidem, &c. Legantur cœtera apud S. Doctorem, & conferantur, cum experientia eorum, qui choreis desistantur; nullusque dubito, quin defecisse potius judicetur, quam excessisse.*

Dices: S. Franciscus Salesius Lib. 3. Introductionis ad vitam devotam, cap. 33. permittit Philotæ suæ, ut raro quidem, sed aliquando nihilominus,

\* Hanc chorearum descriptionem a Conrado Glingio Ordinis S. Francisci Theologo traditam approbat. Carolus Borrom. in suo adversus Choreas Tractatu.

nus, choreis interfit, si nimirum bene se ab iis excusare nequeat: ergo.

R. dist. ant. Permittit, & simul efficaciter probat, hac licentia vix, ac ne vix quidem unquam utendum esse, C. permittit, ut sem undequeque licitum, imo & prorsus indifferentem, N. Itaque consultus de choreis praeissimus Praeful, respondet æquivalenter id, quod respondemus, tripudia scilicet non esse rem de se adeo malam, uti ei nunquam cedi possit sine criminæ, etiam recreationis causa, & cum personis honestis. Verum attente totum caput legenti constabit, exercitium hoc Genevensi Episcopo visum fuisse plenum periculi, & stultitiæ, ac christiana anima prorsus indignum. Hinc de choreis dicit, quod de fungis Medici, horum optimos quosque esse insalubres. Hinc choreas exhibet, ut theatrum, in quo certatur de vanitate, a qua, inquit, ad pravos affectus, & periculosos amores facilis est transitus. Hinc a choreis, sicut & a fungis, venena quæcumque circum diffusa atrahi docet. Hinc, ne quid ex iis remaneat impressionis malæ; vult, ut quæ saltaverunt, statim sibi revocent, ea ipsa hora, qua saltarunt, plures in inferis cruciari animas ob peccata in tripudiis commissa; &c. Quæro autem, an ii sint actionis prorsus inculpatæ characteres; & an, qui choreis interesse amant, ea observent, quæ a sanctissimo Praefule observari jubentur; Ratum sit igitur, & fixum, choreas peccandi periculum præbere 1. antequam adeantur, ratione vanitatis, & ornatum, quibus ad eam actionem præluditur. 2. dum fiunt, ob liberioris intuitus oscula, blanditias. 3. postquam desierunt ob profunde animo inserta passionum omnium ælotypæ præsertim, & amoris vestigia.

CONCLUSIO IV. *Speſtaculorum, & Comædiarum frequentatio periculosa est caſitati, & multimodis animæ noxia. Unde vix abſque peccato intereſſe ſpeſtaculis, & comædiis Chriſtianus poteſt.* Ita Natalis Alexander, cujus reſolutio pro ſecunda parte pene laxior videtur.

Antequam probetur conclusio, pauca quædam prænotari decet; & quidem 1. comædiam esse vulgo Poeticum drama, quo civilis, & privata actio, cum læto, & ut plurimum nuptiali exitu repræsentatur. 2. repræsentationem comicam innocenter fieri posse, & de facto fieri pluribus in Collegiis, ubi comædiæ mores juvenum caſtigant ridendo, eosque instruunt ad publice dicendum, sine periculo, cum nulla scenam alioqui honestam conſcendat persona muliebris, aut muliebriter veſtita. 3. ut sane judicetur de comædia ſpectari eam debere non abſtracte, ſed ſecundum omnes loci, temporis, poematis ipſius, actorum ſcenicorum, auditorumque circumſtantias. His præmiſſis

Prob. Conclusio. Chriſtianus, qui ſpeſtaculis intereſt, vel habet mores jam corruptos, vel in corruptionem propendet, vel demum, quod rarum eſt, mentem hæcenus a paſſionibus ſædis liberam ſervavit, & incolumem: atqui nullus ex his ſpeſtacula adire poteſt ſine peccato; Probatur minor de tertio: ſic enim probabitur efficaciter de duobus primis; præterquam ſatis ex ſe patet, eum, qui jam mente depravatus ſit, nihil inquirere in theatro quam nova libidinum irritamenta: eum vero qui jam propendet in libidinem, hæc firmiter conſtitutum in via lubrica, & accipiti, in qua vix ſine prolapſione conſiſtere poſſint, qui pede ſunt firmiores. Itaque

Prob. nin. Nemo citra grave periculum poteſt iis intereſſe ludis, qui ſive ex parte argumenti, ſive ex parte circumſtantiarum ſaneſtos effectus parere ſunt: atqui tales ſunt ludii ſcenici. 1. quidem ex parte argumenti, ſeu materiæ, vix eorum ullus eſt, qui ad vitia potenter non inclinet. Theatralis enim fabulæ argumenta ſunt, ut plurimum amores, conjugia mille generum omnium artibus quæſita, rivalitates, odia ad ſurorem uſque protenſa, aliaque

que id genus, quæ in plerisque scenicarum Scriptorum Libris uno quoque passu deprehenduntur: quæro autem, an fieri queat, ut per hæc lepidè dicta, vivide insinuatæ, vocis, ac gestus adminiculo fulcita, animum non flectant, quæ voluerint auctores? Et verò, an menti hæcenus puræ *cornea fibra* est, ut non moveatur? An ei, in loco, qui diaboli est, ubi uberem hanc gratiam porrigit Deus, quæ sola præservat a lapsu? an sursum corda dirigit, ne inducatur in tentationem, qui tentationis occasionem sponte, & volens inquisit? an ac antea profanum amorem exhorrescet, qui eum laudibus extolli, ac tandem feliciter coronari vidit? an accedente, ut oculus vel serius accidere potest, libidinum flamma, non iis utetur artibus, quas e theatro didicerit? Certe ait Cyprianus Lib. de spect. *Discit facere, cum consuevit videre.*

2. Scenici ludi de se periculosi, ratione circumstantiarum fiant periculosiores. Quis enim, ait Cassiodorus Lib. 1. Epist. 27. *mores graves in spectaculis requirat? Ad circum seu theatrum nesciunt convenire Catones, sed eo passim confluunt adolescentes moribus perdit; scemine molles, & molliter vestitæ, quæ id unum ambiunt, ut videant, & videantur; Actrices non raro pudicitie venalis, diabolico ornatuum apparatu lasciviam spirantes, professione sua infame, forsitan infamiores moribus; & quæ dum mortuorum heroidum fabulæ amores declamant, declamant proprios: Ergo, ajebat Lactantius, Lib. 6. Institut. cap. 20. *Spectacula publica, quoniam maxima sunt irritamenta vitiorum, & ad corrumpendos animos potentissime valent, tollenda sunt nobis, quia non modo ad beatam vitam non conducunt, sed etiam nocent plurimum.* Merito igitur S. Carolus Borromeus Instruit. Ad Prædicatores verbi Dei, hæc Oratori sacro præcipit: *Spectacula, ludos, ludricasque res, id generis, quæ ab Ethnicorum moribus originem ducunt, discipulisne Christianæ adversantur, perpetuo detestabatur, execrabatur; demonstrabit incommoda, publicasque ærumnas inde in populum Christianum dimanare... in quam sententiam valde populum confirmabis per ea, quæ gravissimi viri Tertullianus, Cyprianus Martyr, Salvianus, & Chrysostomus afferunt.**

Nec est, quod regent putidi spectaculorum defensores, ea a S. Patribus prohibita fuisse, quia, & ad idololatriam trahebant, & erant verbis obscœnissimis referta; utrumque autem nunc exulare a comœdiis, hodie multo desecrationibus, quam ante fuerint; & in quibus multa reperire est; quæ mores vere emendent. Hæc enim responsio ipsa debilitate debitor est.

Falsum est enim, Patres antiquos non prohibuisse spectacula, nisi rationibus, quæ hodiernæ scenæ ludos non attingant. Hæc enim redarguit Tertullianus in Lib. de spectac. cap. 24. eo quod reprobenentur in iis Scripturæ locis, ubi *concupiscentia sæculi damnantur*; eo quod, qui *spectaculis modeste, & probe frui velit, non tamen immobilis animi sit*, ac proinde quasi invitatus corumpi possit præsertim, quia *nemo ad voluptatem venit sine affectu, nemo affectu sine suis casibus patitur*; eo quod demum scenici ludi sint res adeo malæ, ut auctores eorum, seu actores, cum acceptissimi sint, non sint sine nota infamie.

Neque minus hodierno theatro, quam Veteri conveniunt hæc S. Chrysostomi verba Homil. 42. in Ad. Apost. *In theatro risus, turpitud, pompa diabolica; effusio, insumptio temporis, concupiscentiæ absurde preparatio, adulterii meditatio, scortationis Gymnasium; & Homil. 3. de Saule, &c. Si mulier, inquit, sponte,*

\* Refert Tertullianus Lib. de spectaculis, mulierem, quæ theatrum a adierat, inde cum demonio reversam esse. Cumque in exorcismo increparetur demon, quod ulus esset fidelem egredi. *Constante, & iussu quidem fesi, inquit, in meo eam invenit.*

te, ac sorte in foro obvia, & neglectius culta, sepe numero curiosus lætuentem caput, ipso vultus aspectu, (imo & inspectu pedum, nam sandalia Judii rapuerunt oculos Holofernis;) isti, qui non simpliciter, neque fortuito, sed studio, & tanto studio, ut Ecclesiam quoque contemnant, & hac gratia pergunt illuc, ac totum ibi desidentes diem, vel, quod periculosius est, magnam noctis partem, in facies abjectarum mulierum illarum defixos habent oculos, qua fronte dicere poterunt, quod eas non videant ad concupiscendum? Ubi verba quoque accedunt facta, lascivaque, ubi cantiones meretriciæ, ubi voces vehementer ad voluptatem incitant.

Inst. juxta S. Thomam 2. 2. q. 168. art. 3. ad 3. *Officium histrionum; quod ordinatur ad solatium hominibus exhibendum, non est secundum se illicitum, nec histriones sunt in statu peccati: ergo.*

R. S. Doctorem loqui de histrionibus late sumptis, qui, ut puras semper fabulas agere possent, sic & ab omni peccato possent esse immunes: verum, nec ea est, nec ea erit unquam, spectatis temporibus, quæ in dies deteriora fiunt, theatrorum conditio, ubi luxus, ornatus indecori, æquivocæ voces, passionēs ad summum protensæ vigent: unde ii lusus sequentibus S. Thomæ verbis reprobantur: *Histriones non sunt in statu peccati, dummodo moderate ludo utantur, id est non utendo aliquibus illicitis verbis, vel factis; gestibusve, aut ornatibus ad ludum.* Magistri sui doctrinam, & mentem paucis expressit S. Antoninus 3. part. tit. 8. cap. 4. §. 12. ubi postquam dixit: *Histrionatus ars, quia deservit humanæ recreationi, quæ necessaria est vitæ hominis secundum Thomam, ubi statim, de se non est illicita, sic paulo infra pergit: Sed cum histriones utuntur indifferenter tali exercitio ad repræsentandum etiam turpia, vel vituperandum, & irridendum etiam personas spirituales... vel ibi est periculum vitæ, ut tendere arcum super funem, & hujusmodi, illicita est ars, & eam oportet dimittere... & peccatum est talia aspiciere, & talibus pro illo opere aliquid dari, ut dicit Augustinus.*

Hic obiter addam S. Ludovicum, qui B. Thomæ consiliis lubentissime utebatur, histriones & regno suo expulisse; quod argumento est Angelicum Doctorem non locutum esse de comœdia, ut fieri consuevit, sed ut absolute fieri posset.

Sed an non poterit vir eruditus, ut fabula judicet, assistere primæ ejus repræsentationi, ex qua certus sit se male affectum non iri? an nefas fuerit honestæ mulieri tragœdiam aliquando sanctam adire?

Affirmant aliqui, iisque assentiri videtur Nat. Alexander, cum Christianum non simpliciter, sed vix sine peccato spectaculis interesse posse dicit. In idem utcumque propendet S. Franciscus Salesius in Opere jam citato Lib. 1. cap. 23. qui tamen ad comœdiam eas requireret conditiones, quas ad choreas ab eo requiri vidimus, id est conditiones, de quibus nemo cogitavit in praxi: re sapientiorum judicio permissa haud credo a noxa immunes esse, qui vel semel comœdiæ volentes interfuerint. 1. quia eorum nemo, quicquid dicant, aut cogitent, *immobilis est animi*, ut supra aiebat Tertullianus; moveri ergo, & satis proxime possunt, idque in loco ubi gratiam Dei præstolari fidenter non possunt; 2. quia comœdorum actioni, quæ grave est peccatum, indubie cooperantur: tolle enim spectatores; sustuleris, & actores; 3. quia qui comœdiam frequentant, proborum, quos eidem interesse vident exemplo se se confirmant; & illud obijcere solent; sive iis, a quibus monentur, ut ab exercitio desistant; sive iis, quos ad illud trahere volunt pene invitos.

Quapropter censeo negandam absolutionem actoribus, qui scenicos ludos exhibent.



exhibent; 2. Auctoribus, qui fabulas componunt in theatro recitandas; 3. artificibus, qui ad theatrum proxime spectantia concinnant; nisi hi omnes sufficienter moniti respicere velint, & prædictis nuntium remittere perpetuum. Idem, & a fortiori de scenis misticis, gallice *Opera* dicendum. Ita anno 1694. resolverunt Doctores Sorbonici numero sex, quorum decisionem habes in Dictionario Lameti, v. *Comedie*. Legantur ea de re e multis tractatus duo, quorum alter Contiaci Principis, prodiit an. 1666. alter est Jacobi Benigni Bossuet Meldensium Episcopi. Indicem Operum, quæ adversus spectacula prælo mandata sunt labente sæculo XVII. habes p. 83. & seq. Libri cui titulus: *Extrait des Ouvrages de plusieurs Pères de l'Eglise... sur differens point de Morale*, Parisiis 1713.

## ARTICULUS OCTAVUS.

*An detur parvitas in materia impuritatis.*

**N**on minus arduum est, quam obvium, & commune argumentum; quod hic tractandum aggredimur: hinc illud, qua licebit cura, & attentione investigabimus.

Suppono 1. id omne, quod castimoniam lædit, sexto Decalogi præcepto prohibitum esse.

Suppono 2. duo esse actionum genera, quæ castitatem lædant, aliæ merè s. n. sensibiles, seu sensuales, ut alii dicunt, quales ex sunt, quæ, ut supra diximus, fiunt ex curiositate, joco, levitate, aut delectatione mere organica, secluso delectationis venereæ consensu, aut etiam periculo. Aliæ sunt libidinosæ, seu venereæ, vel strictus luxuriosæ, quæ nimirum involvunt complacentiam, seu periculum grave complacendi in rebus venereis; iis scilicet, quæ ex se aut ex communi sapientium judicio tendunt ad generationem, prout utique ad eam tendunt coitus, mollietates, commotio partium generationi inservientium. Tales sunt, ut supra dixi, amplexus turpes, tactus, turpiloquia, aliaque ejusdem generis.

Suppono 3. causas, quæ remote tantum tendunt ad mollietatem, v. gr. gravemve commotionem carnis, aut spirituum generationi inservientium, proxime aliquando, & per se concurrere ad commotionem levem. Ratio est, quia quæ nec ex se; nec ex ratione subjecti, carnem graviter commovere nata sunt, eandem possunt leviter commovere. Sic aspectus mulieris, aut etiam amici, paulo diuturnior, aut utriusque manuum compressio, aliquid inordinati in venereis partibus ciere facile potest, nec tamen graves usquam motus ibidem excitabit, nisi accedat nova voluntatis consensio, & nova ad malum gravius tendentia.

Suppono 4. eum, qui certas levium motuum causas ponit, vel eosdem motus intendere, vel non intendere, sed pati invitum, & renitentem; idque vel ex legitima ratione, vel non. His positis, sit

CONCLUSIO I. Datur materiæ parvitas in sensualitate.

Prob. quia ex dictis supra conformiter ad communissimam Theologorum etiam minime suspectorum opinionem, dantur aspectus, imo & amplexus ex quadam curiositate, vel levitate facti, qui a gravi noxa immunes sunt. Dantur & inter amicos teneriora quadam verba, quæ quidpiam sensualitatis habet, & quibus tamen, qui iusto suavius afficiuntur, mori malint, quam

sc.

foedari, aut in levi, quæ inde aliquando suboritur, commotione complacere; hæc tamen, ut toties diximus, sedulo vitanda sunt, ne paulatim trahant ad majora; ne mentem inquietent, & angant; ne exponant periculo ea, quæ statum gratiæ requirunt, operandi in dubio, an non a gratiæ statu excideris.

CONCLUSIO II. Non datur parvitas materiæ in re venerea in se voluta. Ita communior opinio, a qua tamen, ut notat Boudartus Tom. 4. p. 434. dissentiunt nonnulli boni Auctores.

Prob. 1. quia, ut diximus supra, Præpositus Generalis S. J. iussit a suis omnibus rejici, ut intolerabilem doctrinam, quæ dicit in re venerea exigam aliquam delectationem deliberate questam propter levitatem materiæ excusari a peccato mortali; neque in hoc puncto rigidior est Societas, quam Dominicanorum Ordo, ut testatur Vincentius Baron; 2. quia, ut etiam diximus, Clemens VIII. & Paulus V. osculum omne ob delectationem veneream datum, mortale habere culpam eo usque crediderunt generatim, & indistincte, ut voluerint eos, qui secus sentirent, Inquisitoribus denunciari; 3. quia Sanchez opinionem contrariam, quam aliquando tenuerat, re considerata maturius, sapienter, & diserte retractavit, ut notat, & approbat Dominicus Viva in hac propositionem: *Est probabilis opinio, quæ dicit esse tantum veniale osculum ob delectationem carnalem*, &c.

Prob. 2. quia, ut bene, & sapienter Henno, vel voluntas fertur in objectum venereum grave, ut est copula, mollities, vehemens, ac notabilis genitalium spirituum commotio, vel in objectum physice leve, ut est levis eorundem spirituum motus: atqui in utrumlibet feratur directe, peccat mortaliter. Et quidem 1. si feratur in objectum grave, gravem hic committi culpam fatentur omnes; quia consensus in objectum graviter malum a lethali culpa excusari nequit; 2. & is est cardo totius difficultatis, graviter quoque peccabit voluntas, si directe feratur in objectum venereum etiam physice leve. Ut enim ibi sit peccatum mortale, sufficit, ut subsit proximum ulterius progrediendi periculum; sed, qui delectationem veneream, etiam physice levem deliberate quærit, proximum, & evidens incurrit periculum progrediendi ulterius. Neque enim in materia tam lubrica, tam congrua inclinationi naturæ per peccatum immaniter corruptæ, tam de se libidinis incitativa, sistit, qui statim, ac sistere proposuit; sed iis similes, qui glaciatus flumen decurrunt, vel fertur extra metas, vel eas prætereundi periculum subiit; ego falsum est, aut saltem nimis dubium id, quod docent boni Auctores a Boudarto citati, nimirum modicam delectationem veneream non nisi remote ad aliquid graviter malum disponere, sicut v. gr. parvum litigium ad homicidium, vel modicus excessus in potu ad ebrietatem.

Confirm. 1. juxta plurimos, ait idem Theologus, qui puellæ manum tangit ob delectationem sensibilem, peccat mortaliter, quia facile a delectatione sensibili ad veneream descenditur: atqui infinite facilius, ut ita loquar, a parva delectatione venerea ad majorem ejusdem speciei declinat natura fragilis; tum quia primum est, ut, qui ex proposito parvam carnis commotionem inquirat, amet majorem; tum quia vel ipse in modicam commotionem consensus, de se graviore motus generat: ergo.

Confirm. 2. ideo ex communi Doctorum mente, propositio, quæ osculo ob veneream delectationem dato, malitiam adscribebat solum veniale, modo deesset ulterioris consensus periculum, ideo, inquam, propositio hæc damnata est, quia falsum supponit; nempe dari posse delectationem veneream

ream sine ulteriori periculo; ergo ex communi sapientum sensu, ubicumque est consensus in modicam delectationem veneream, ibi necessario est periculum proximum consensus ulterioris; ergo & grave peccatum.

Obj. 1. Gravitas peccati desumitur a gravitate objecti; atqui levis commotio non est objectum grave: ergo.

R. dist. min. Levis commotio non est objectum grave præcise ratione sui, esto: ratione periculi progrediendi ulterius, N. Porro complacentia in commotione levi, periculum hoc semper annexum habet.

Dixi esse. Sunt enim plures, qui censeant nullam delectationem veneream, ratione sui levem esse posse, sicut nec ullum Dei odium, blasphemiam item, vel simoniam, levitatem materiæ habere possunt. Quoties enim, inquit, integra objecti malitia, tam in re parva, quam in re magna occurrit, tunc peccatum eam malitiam imbibens, non potest esse veniale, ex parvitate materiæ, sed solum ex indeliberatione consensus, aut ex inadvertentia: atqui, pergunt, in delectatione venerea reperitur tota malitia impudicitiae, sive ea delectatio sit parva, sive magna; non secus ac in delectatione morosa, sive duret per instans, sive per horam: quia nimium delectatio modica, est inchoatio pollutionis modicæ, quæ totam pollutionis essentialiter sumptæ malitiam habet; sicut modicum Dei odium, modo deliberatum sit, totam odii hujus penes essentiam sumpti nequitiam habet: ergo. Sic Viva ibid. n. 21.

Huic probationi non immorabimur, ut quæ contra eos, a quibus profertur, militet, ut statim patebit.

Obj. 2. In aliis plerisque peccatis, ut furto, datur parvitas materiæ; ergo & in delectatione venerea.

R. Neg. conseq. disparitas est, quod in aliis peccatis periculum ulterius; si quod sit, ordinarie sit remotum, ut docet experientia. At in delectatione venerea proximum imminet, & grave consensus ulterioris periculum ob lubricitatem materiæ, & infinitam prope corruptæ naturæ ad graviora propulsionem. Hæc igitur sollicite semper cavenda sunt, nedum fovenda. Certe ait Innocentius III. cap. 13. *De Judæis*, &c. *Mus in pera, ignis in sinu, serpens in gremio, suis malam retributionem consueverunt hospitibus exhibere.*

CONCLUSIO III. Si res venerea sit tantum volita in causa, datur in ea parvitas materiæ; id est; si quis faciat actionem, ex qua ordinarie non sequatur nisi levis spirituum generationis subservientium commotio, absque periculo consensus, venialiter tantum peccabit. Imo ne quidem peccabit venialiter, si justam actionis hujus ponendæ causam habeat. Ita sentiunt Sylvius, Habert, P. Antoine, & alii, quos citavimus in Tract. de Peccatis part. 1. c. 4. art. 2.

Prob. 1. pars. Ideo in re venerea in se volita non datur parvitas materiæ, quia, qui in motus etiam leves actu consentit, exponit se periculo ulteriori: sed, qui leves tantum motus vult in causa, vel potius non tam vult, quam patitur occasione causæ, non exponit se tali periculo; cum supponatur, quod facile in iis, qui Deum timent, supponi potest, absesse periculum consentiendi in ipsos motus, qui insurgunt: ergo.

Confirm. Si motus leves in causa permitti, essent semper peccatum mortale, qui ex vanitate, & ut solertiam dexteritatemque suam ostendat, equum ascendit, eaque, ut evenit pluribus, occasione leves quosdam motus patitur, jam esset reus mortalis peccati, si vel id suspicatus esset, vel non statim desisteret ex equo. Idem dicendum de eo, qui curiosam lectionem, nihil ob-

scœni habentem, non statim dimitteret; aut qui, ut placeret amico vini scyphum, unde leviter commovebitur, hauriret præter consuetudinem: at qui hæc a nemine, quod sciam, admittuntur; nec si a quopiam admitterentur, ideo essent admittenda. Qui enim hæc ad molliem disponere dicerent, fateri deberent, dispositionem hanc nimis esse remotam, ut inducat peccatum lethale. Unde prædicti motus se habent ad molliem, sicut duo vel tria communis vini pocula se habent ad ebrietatem, aut ira levis ad homicidium: ergo.

Prob. 2. pars, quia si graves etiam motus ex honesta causa permitti possint a Confessario, vel Chirurgis, leves a fortiori permitti poterunt.

Porro, quo gravior oritura prævidetur corporis commotio, eo gravior ad eam cohonestandam requiretur causa; & a contrario. Hinc ne venialis quidem culpæ insimulare velim eum, qui ut animum recreet, laborique magis idoneum faciat, cum alicujus commotionis periculo aut sensu, equo vehitur ad iter, quod pede conficere possit: aut, qui ut afflictum amicum confoletur, tenera quædam adhibet verba, quibus ipse nonnihil commoveatur, prout meticulosis quibusdam contingit. Quin & negat Viva ubi supra n. 14. homini abstinendum esse ab equitatione, & cubatione supina, aut alia actione de se indifferenti, quamvis non raro Causaverint in ipso etiam pollutionem: quia esset grave onus abstinere ab omnibus actionibus de se indifferentibus. Verum id extra casum necessitatis magnæ, & periculum consensus nunquam admifero. Fatetur nihilominus idem Auctor, actiones, quæ de se, & ex natura sua, non per accidens inducunt hos effectus, ut sunt oscula, tactus, verba amatoria, ut corculum meum, lux mea, (non tamen ex sola vanitate prolata ibid. n. 16.) aspectus, comædia, pictura, & alia hujusmodi, in iis circumstantiis, in quibus de se, atque adeo fere semper in omnibus graviter, & proxime carnales delectationes excitant, non dici actiones indifferentes, sed intrinsece malas, nisi ex fine apto cohonestentur; eo modo, quo est intrinsece malum mederi verenda mulieris, nisi hujusmodi actio in Chirurgo cohonestetur a necessitate talis curationis, & simul absit periculum consensus.

Obj. contra Conclusionem, Quilibet etiam levissimus carnis motus, est pollutionis inchoatio, cum ut notat Rebellus ex Hippocrate, Galeno, & Aristotele, semper e lumbis ad partes obscenas decicat aliquid seminis: sed velle molliem etiam inchoatam lethale est peccatum; ergo & velle motus, quibus eadem annexa fuerit, grave erit peccatum.

R. Neg. maj. Etsi enim in quolibet carnis motu aliquid e lumbis decedat, re supponatur, id tamen non magis pro veræ pollutionis initio haberi potest, quam pro initio homicidii haberi possit rixa, aut pro ebrietate inchoata, in eo, qui nec ebrietatem amat, nec facile inebriatur, unus aut alter vini haustus præter consuetudinem: quod si hæc a nemine pro gravi ebrietatis, vel homicidii inchoatione habeantur, quia nimis remote ad utrumque disponunt: cur levis commotio habebitur pro mollietate inchoata, & adeo inchoata, ut ad mortale pertingat? Ea igitur dumtaxat spirituum commotio spectari potest, ut inchoata pollutio, quæ in homine sano, notabilis est, adeo, ut ejaculandi seminis periculum includat; quod in motu levi non in se, sed in causa tantum permissio minime contingit.

Possent etiam negari minor ad sensum objectionis intellecta: alioqui enim simplex distillatio seminis, quam aliqui, & sæpe timorati levissimis de causis patiuntur, etiam cum his de causis non absolute necessariis nascitur, esset grave peccatum; quod nemo dixerit, aut dicendo persuadebit. Quia tamen tene-

riq

rior quædam in amicos propensio, aut iocationes, *quæ ad rem non pertinent*, huiusmodi miseriae ciere solent, æquum est, ut earum causæ, cum sine incommodo, aut ridiculo fieri potest, omittantur. Sæpe enim his admoneat Deus, ut sibi soli adhæreatur, nulli autem creaturæ, nisi in ipso, & propter ipsum. *Diligamigitur te Domine, fortitudo mea*, & diligendo castior fiam. Ut, quid in homine inanes solatii guttasi inquiri, qui in ipso fonte plenos lactices haurire possum. *Mibi adhaerere Deo bonum est, ponere in Domino Deo spem meam.*

## ARTICULUS NONUS.

*Qui gerere se debeat homo circa motus in inferiori parte exortos.*

**Q**uæstionem hanc omittere possem, cum secundum potissimam sui partem in Tractatu de Peccatis discussa fuerit: hic tamen paucis eandem resumam, ut quæ ad hanc materiam spectant, uno quasi intuitu percipiantur. Itaque

Not. 1. non hic agi de motibus, quos quis in corpore suo sponte, & directe volens pareret: in his enim quantumlibet leves supponantur, graviter peccatum iri probavimus præcedenti Articulo; ubi ostensum est veneream commotionem directe intentam, saltem ob ulterioris consensus periculum, noxam habere semper lethalem. Tota igitur quæstio est de motibus, qui vel naturaliter suboriuntur, vel præter intentionem excitantur a causa indifferente, aut venialiter mala.

Not. 2. prædictos motus, vel esse leves, vel graves.

Not. 3. tripliciter potest quis se habere circa motus sic exortos: 1. in iisdem sibi complacendo; 2. eosdem reprobando; 3. habendo se negative, nec approbando, nec reprobando positive. Sit

CONCLUSIO I. Qui motus naturaliter, aut etiam invito se subortos approbat positive, peccat mortaliter.

Prob. quia approbatio hæc est formalis consensus in commotionem veneream: atqui ex dictis supra consensus huiusmodi, etsi veretur circa materiam physice levem, nunquam immunis est a gravi noxa: ergo.

CONCLUSIO II. Quoties ex perseverantia motus carnalis imminet periculum consensus, tenetur voluntas sub peccato lethali eidem positive, & efficaciter resistere, ac proinde peccat mortaliter, si se solum negative habeat. Ita uno ore fatentur omnes, ait post Azorium Sylvius 1.2.q.74.art.2. quæsit. 1. concl. 1.

Prob. Tenetur quilibet sub mortali, imminens mortalis peccati periculum avertere cum potest: atqui ubi imminens periculum consensus in motionem veneream, imminet consequenter peccati mortalis periculum. Immo statim, ac motus ipse, & annexum eidem periculum sufficienter animadvertuntur, aut animadverti possunt, jam peccat, qui non resistit quantum oportet: quia vult interpretative peccatum, cujus proximo se periculo exponit: ergo.

Hic duo annotanda, 1. non posse una quadam regula determinari, quando ex permissione motus inordinati immineat proximum consensus periculum. Quapropter, ait Theologus, quem pluries in hac materia citavi: *unusquisque se ipsum iudicat, suamque complexionem, dispositionem, passionem, & experientiam serio, & sine præventionibus examinet, nec facile sibi aduletur*, imo contra se statim sagaciter inclinet: *præsertim cum tanta sit voluntas cum appetitu sensitivo sympathia.*

*Tournely Theol. Moral. Tom. III.*

L I

2. Ubi

2. Ubi adest grave consensus periculum, non censeri efficaciter resistere; nisi qui formaliter actu subortos in corpore motus improbat, & rejicit. Unde non sufficeret alio mentem ad studium, v. g. aut laborem convertere: quia actiones hujusmodi disparatæ, haud satis communiter loquendo virium habent, ut a grassanti libidinis sensu retrahant animum, & jam quasi exurgentem voluntatis consensum potenter cohibeant: maxime cum veneri motus sensum, & velut proditorie a qualibet occupatione insui delectationem illiciant. Dispicentia quidem petulantes carnis motus non reprimet per se, sed tamen valebit, si sit sincera, ad arcendam procul voluntatis complacentiam; cum nihil placeat mitius, quam, quod actu displicet. Ita ferme idem: quamquam eum, qui, ut tentationem vinceret, statim advolaret ad Libros suos, quibus mirifice rapitur, graviter redarguere non auderem; præsertim cum in hac agendi ratione vera occurrat dispicentia, & improbatio carnis ebullientis: quare enim ad Libros confugit, nisi quia pati non vult motus, quos patitur. Hæc duo notata parum inservient iis, quibus placuerit sequens Conclusio.

CONCLUSIO III. Secluso etiam periculo consensus tenetur voluntas motibus, qui vel sua culpa, vel naturaliter exurgunt, positive refragari, quando eos satis advertit; unde peccat si se habeat negative, nisi iusta excuset causa.

Hæc Conclusio, quoad motus, qui in se ipsis intenduntur, admitti debet, & admittitur ab omnibus; quia tales motus vera sunt peccata; tenetur autem quisque verum peccatum statim cohibere. Verum eadem Conclusio, quoad motus naturaliter exortos, plus habet difficultatis. Sunt enim, qui putent necessum non esse, saltem sub gravi, ut seculo ulterioris consensus periculo, iisdem motibus positive resistatur. Ita Angelus v. *Cogitatio* n. 2. Cajetanus v. *Delectatio morosa*, ubi sic loquitur: *Si ex complacentia illius delectationis provenit, quod prohibere negligas illius continuationem; voluntaria fit delectatio, & vere morosa. Si autem non ex complacentia, sed ex non estimatione commota cogitationis, & delectationis, negligentia provenit, (puta, quia scit voluntatem suam constantem, & confidit, quod propter hujusmodi commotiones phantasia, & concupiscentia, non ruet in consensum malum) peccat quidem, non tamen mortaliter.* Opinionem hanc judicat Sylvius esse probabilem 1. 2. q. 74. quæstio 1. concl. 4. Haud tamen eam tenet, ut male dicit Henno, sed contrariam amplectitur, ut probabilior. Quamquam re plenius considerata satis incertum sit, an Theologi, qui adverso dimicant, alii aliorum mentem capiant. Ut ut est

Prob. Conclusio 1. quia ideo juxta Henno necesse est, ut prædicti motus positive reprimantur, quia utpote naturales nullo modo sunt in se peccata: atqui hæc ratio non valet. Ut enim ratio hæc non valeat, sufficit, ut idem motus, ex quo post sufficientem advertentiam non reprimuntur, incipiant esse peccata: atqui ii motus incipiunt esse peccata, ex quo post sufficientem advertentiam non reprimuntur. Ut enim tunc incipiant esse peccata, duo solum requiruntur: 1. ut sint in se ipsi turpes, & inordinati; 2. ut, qui motus turpes, & inordinatos non reprimunt, veri peccati consensum se faciat: atqui 1. constat prædictos motus in se turpes esse, & inordinatos; & id nemo negaverit; cum agatur de motibus, qui sunt a peccato, & ad peccatum inclinant, & quos nemo pro tunc sine gravi culpa approbare possit; 2. nec minus constat eum, qui cum potest, turpes, & inordinatos motus non reprimunt, vere peccare: quia non reprimere cum possis, est consentire interpretative: atqui consentire etiam interpretative objecto de se graviter tur-

pi,

pi, est peccatum grave. Consensus enim formalis, & interpretativus in moralibus reducuntur ad speciem expressi; ut in præsentī materia docet Lessius L. 4. c. 3. n. 117. & expresse S. Thomas 1.2.q. 74. art. 7. ad 2. his verbis: *Ex hoc ipso, quod ratio superior non dirigit actus humanos secundum legem divinam, impediens actum peccati, dicitur ipsa consentire: ergo.*

Prob. 2. ex S. Thoma ibid. art. 6. ubi sic: *Contingit peccatum esse in ratione dupliciter, uno modo, quando imperat illicitas passionēs .. alio modo, quando non reprimat illicitum passionis motum; sicut cum aliquis postquam deliberavit, seu sufficienter animadvertit, quod motus passionis insurgens est inordinatus, nihilominus circa ipsum immoratur, & ipsum non expellit: atqui in præsentī casu ratio non reprimat inordinatum passionis motum: ergo peccat.* Subsumo: atqui difficile est, ut peccet solum venialiter, cum agatur de motibus, qui licet physice leves sint, sunt tamen in genere moris graves, & ita graves, ut sine peccato mortali directe intendi non possint; prout probavimus Articulo præcedenti: ergo.

Confirm. Qui sine rationabili causa permitteret se ab alio, etiam non peccante, v. g. satuo, impudice tangi, etiam si non adverteret, sibi inde imminere periculum positive consentiendi in motum, vel delectationem inde exurgentem, sine dubio peccaret mortaliter: atqui non magis licet tranquillum, & inerte manere circa motus turpes, seu a dæmone, seu a natura suscitatos, quam circa motus ab alio quopiam prodeuntes: ergo tunc non sufficit sola negatio actus, sed requiritur vera, & formalis displicentia: imo non sufficit displicentia sola, sed agendum est, ut motus illi quamprimum expellantur; ne forte displicentia non sit satis sincera, sed potius fallacia concupiscentiæ sibi blandientis, & iisdem motibus frui volentis.

Duplici porro via turpes motus ejici possunt, 1. amovendo causam, ex qua oriuntur; si hanc amoveri oporteat, de quo statim; 2. orando eum, qui solus satanam conterit sub pedibus nostris, muniendo se signo Crucis, oculos ad Christi crucifixi imaginem convertendo, cogitando de ejus passione, de igne, quo in æternum cruciantur impudici; imo & de re indifferenti, ut quæ aliquando efficacius ab hisce objectis mentem avocet, quam alia quæcumque.

Dixi: *si causam hanc amoveri oporteat.* Non enim peccat secluso consensus periculo, qui non amovet causam honestam, ex qua sentitur delectatio, vel motus sensualitatis: veluti si sequatur ex audirione confessionum, ex lectione rerum turpium, disputandi, docendi, vel concionandi gratia, ex colloquio mulieris honesto, & utili ipsi, & nobis, ex equitatione, ex bene fundato timore, ne positiva residemia commotionem augeat, aut tandem animum quibuslibet impressionibus apertum faciat: unde in his occasionibus continuari potest actio, etsi cum ea continuentur turpes motus. Hi tamen improbandi erunt per formalem displicentiæ actum, si id sine magna difficultate fieri possit; præterquam in ultimo casu, in quo ex directa tentationis repulsa timetur ejus augmentum: & id, ait Sylvius ibid. concl. 2. præsertim verum est, cum qui his motibus afficitur, *timorata est conscientia, & non valde timet consensum in delectationem, vel in actum pravam animo representatum.*

Dices, præceptum negativum, quo aliquis actus prohibetur, vetat ne idem actus permittatur, quoties potest impediri: atqui præceptum: *Nō concupisces*, est negativum: ergo vetat, ne permittatur motus quilibet turpis, cum potest impediri.

R. conc. totum, & dico eum, qui quosdam motus permittit, ut gravius malum vitet, reipsa non posse impedire id, quod patitur; quia reipsa non potest, qui non potest sine graviore incommodo. Adde, quod qui in eo est statu, cum ad alia, ut debet, objecta se convertat, non permittit, sed potius quantum potest, prædictas turpitudines fugit.

CONCLUSIO IV. Quando causa motuum vel delectationum turpium non est bona, & rationabilis; si tamen secundum se non sit mortalis, neque sit magna, & velut propinqua dispositio ad aliquid mortale; & positive displiceant motus, aut delectationes inde exurgentes; non est mortale talem causam non amovere: est tamen sine dubio aliquod peccatum. Ita syllabatim Sylvius ibid. concl. 3. unde, inquit, motus, qui proveniunt ex verbis jocosis, ex curioso, non tamen turpi, vel libidinolo aspectu, ex lectione similiter curiosa, sunt peccata non tamen mortalia.

Hæc Conclusio a senioribus Theologis admittitur, ut patet ex iis, quæ diximus in Tract. de Peccatis. Unde licet aliquid habeat difficultatis, non est ab ea recedendum; quia probabile non est id, quod passim etiam a rigidioribus in tota Dei Ecclesia docetur, male doceri. Itaque utraque pars paucis hæc Sylvi ratiocinatione ostenditur.

Quod satis voluntarium est ad veniale peccatum, non autem ad mortale, illud veniale censeri debet, non letiferum: atqui motus ex causa venialiter mala prodeuntes, satis voluntarii sunt ad veniale; cum supponantur oriri ex causa, quæ potuit, & debuit omitti; non autem satis voluntarii sunt ad peccatum mortale, cum positive displiceant, & improbantur; 1. quia motus leves, de quibus loquimur, præsertim mali sunt ratione periculi ulterioris consensus: atqui patet experientia consensum hunc impediri; & arceri per interiorum animi displicentiam; 2. quia cum prædicti motus sint homini valde naturales, & facile, imo sæpe facilius in iustis, quam in aliis excitentur, plus habere debent voluntarii, quam sit in causa venialiter mala.

Ne tamen mentiatur iniquitas sibi, discedendum est quamprimum fieri moraliter potest, ab occasionibus plane otiosis, quæ huiusmodi motus ciere solent. Imo si inutilis lectio, vel confabulatio pariat motus vehementes, statim sub pœna noxæ mortalis abrumpenda erit; aliud esset de lectione necessaria, secluso tamen periculo consensus. Vide Tract. de Peccatis ubi supra.

## ARTICULUS DECIMUS.

### *De Officio Confessariorum in materia Luxuriæ.*

**T**Ria in qualibet materia, sed potissimum in materia luxuriæ præstanda sunt a Confessariis: 1. enim agere debent, ut sufficientem peccati cuiusvis notitiam habeant; 2. ut congrue moneant pœnitentes, si ve differant absolutionem; 3. ut idonea malo remedia præscribant. Remedia hæc exhibebimus Articulo ultimo.

Quod spectat ad examen pœnitentium, necessum est, ut illud pro personarum varietate varie instituatur. Hic porro triplex præcipue occurrit ordo pœnitentium: Alii sunt soluti, adhuc incerti, quem eligant statum, adeoque, ut plurimum juvenes; & hi vel soli, vel cum aliis peccant; alii vel cogitant de matrimonio, aut jam sunt desponsati; vel de amplectendo Clericali statu deliberant; alii demum jam sunt conjugati.

Antq



Ante omnia certum est, Confessarium nusquam majori indigere sapientia & Spiritus Sancti auxilio, quam cum agitur de discutienda circa impudicitiam Pœnitentium conscientia. Hic à duplici præsertim scopulo declinandum, nimirum ab imprudentia, quæ curiositatem, aut verborum intemperantiam sapit; & a conscientia quadam delicatiori, quæ ne plus dicat, non dicit satis. Si Confessarius plus æquo inquirat, verendum est, ne, ut pluries contigit, gravem ruinæ causam, & sibi, & pœnitenti suo præbeat. Certe non immerito dixit Angelus de Clavasio curiosiores id genus interrogatores, *potius contaminatores esse, quam Confessores, qui se pissime peccant mortaliter delestando se de hujusmodi interrogationibus, & propter delectationem faciendo eas*. Si e contrario vocem præcludat pudor quidam intempestivus, timendum sane, ne scædus cõfubet in intimo cordis recessu delitescens, foras prodire non auit; aut ne id, quod re ipsa grave est, pro levi malo habeatur: *Necesse igitur est*, ait Gersonius Tract. De arte audiendi confessiones, Considerat. 6. *ut Confessor habeat artem hanc obstericandi spirituales, ad educendum colubrum talem pestiferum tortuosum, & virulentum ab anima pœnitentis; aut ipsa sine dubio periclitabitur, & ut crebrius æterne morietur*. Nec reputo, inquit, audiendos in hac re eos, qui nihil interrogandum, aut inquirendum esse dicunt a confessis ... alioqui non satis consulti sunt verecundia, ignorantia, & fragilitati peccantium, & Considerat. 20. *Reprehendit forte aliquis audaciam hanc Confessoris, qui talia præsumit aperire, & sciscitari ... Sentiat alius, quod voluerit, ego coram Deo testor, me plures talibus remediis induxisse ad confessionem, qui fatebantur nunquam etiam in articulo mortis fuisse dicturos talia cuicumque*. Laudabant tamen postea Deum totis visceribus gratias agentes, quod ita se aperuerant, &c. Sit igitur, quoad solutos præsertim

Gerson.  
Tom. 2. p.  
448. edit.  
Dupin.

ib. p. 451.

Regula 1. *Præcaveat summo opere Confessor, ne sit austerus ab initio, tristis, & rigidus; mox enim per hujusmodi clauditur os obstinatis, imo & timidi cujuscumque peccatoris ... Applaudat Confessor dicentibus veritatem super delictis suis, quanto magis enormissima, & abominanda videbuntur. Collaudentur de veritate de religione, de timore Dei, de zelo propriæ salutis, de confidentia ad Sacerdotem & similibus. Quidquid horrendi audiat Sacerdos, dissimulet pœnam, nec os vultumque gerat hominis stupefacti in ipso confessionis decursu; sed, quoties opus erit, pœnitentis fiduciam adaugeat, quasi non curans, aut fere audient res sibi notas, & præcitas, quin & culpam, quam præsentit dictu turpem præveniat, dicendo sic: Ego bene video, tu fecisti sic & sic; consequenter dic ergo totum in nomine Domini; ego tibi indulgeo, si non alias feceris; & si diceres omnia mala mundi, non inde pejus haberes; dic ergo audacter. Imo & quæri poteris, si velis confitens, ut super omnibus diligenter interrogetur; & si sic*

Ibid. Con-  
sid. 9. 11.

Consid. 16.

Perget Confessor a generalibus ad specialiora, a minus turpibus ad turpiora. Et quidem 1. non ab exterioribus factis interrogationis exordium ducet, \* sed a cogitationibus, an non pœnitens in honestas quasdam volverit animo? an sponte, & advertenter? an non progressus sit ad desiderium usque? quale fuerit desiderium hujus objectum? ubi tunc haberet manum, an supra vel infra pectus? an diu se tetigerit? an nihil occasione tactus effluerit? \*\* an solus decumbat, an cum socio? an non fuerint turpia locuti? an non socius eum tetigerit, & qua in parte? an non par pari retulerit? an non in utroque sublecuta sit effusus feminis, & quam in partem ceciderit? an non insuper

Consid. 18.

Tournely Teol. Moral. Tom. III.

Lt 3

ta-

\* Confer. d'Angels sur le Decalogue Tom. 3. p. 324. & 325.

\*\* Et hoc peccatū bene committitur etiā ante pubertatis annos: Gerson. ib. Consid. 19.

*talem peccatorum erga alios causa, vel ruina occasio fuerit, verbis, oculis, amplexibus, aut aliis signis, vel forte picturis, & figurationibus inbonestis? an cum alia persona in carnalem commixtionem inciderit, & cujus gradus vel conditionis foret persona, an uxorata, aut virgo, an genere propinquo? in quo gradu? an Sacerdotalis, an in sacris Ordinibus constituta? hæc consensit, an non ei valentiam intulerit? an denique ejusdem se, aut alterius erat, & exprimitur modus.* Interrogari etiam poterit juvenes, an non in fluvio nataverint, cum sociis? an non natantes intuiti sint? an non inde deventum sit ad turpilogia, ad tactus, &c. cavendum tamen erit, ne ultra justæ interrogationis limites excurratur.

Quod ad puellas attinet, curabit etiam Confessarius, ne has dedecendo peccatum, illud edoceat. Ubi tamen conjicere erit eas non omnino castas esse, interrogandæ erunt, an non ornaverint se, ut in sui amorem quosdam allicerent? an non hunc in finem usæ sint fusco? an non brachia, scapulas, & pectus denudaverint, & quo fine? an non tali hora talem frequentaverint Ecclesiam, aut in limine, vel fenestra comparuerint, aut cecinerint, ut conficerentur? an non cum sociis, seu in eodem lecto, seu extra turpe quid dixerint? an non cuipiam adhæreant amore teneriori quid ei circa seipsas permiserint? quid ab eo optaverint? an, & quid hac occasione passæ sint? ubi denuo prudentiam, & circumspectionem commendare non piget.

Si forte ad extrema deventum est, interrogabitur puella, an non impedierit prolis conceptionem? an non sætum extinxerit? an obsecuta sit Regis Edictis, quæ sœram puellam statum suum aperire volunt, &c.

Regula II. Qui de matrimonio proxime inuendo cogitant, aut jam desponsati sunt, monitis pluribus indigent, ne cedant libidini, quæ tunc eo insidiatur efficacius, quo faciem gerit minus honestam. Itaque

Monebuntur 1. in electione conjugalis status, sicut & alterius cuiuscumque interrogandam esse Dei voluntatem in oratione, elemosynæ, & bonis operibus. Conjugem non ad dies aliquot, sed ad vitam totam duci. Frequentius nihil esse, quam exitus infelices nuptiarum, quæ ex amore insano, ambitione, aviditate terrestrium bonorum contracta sint. Matrimonii voluptates, quibus inhiant plerique juvenum, cito præterire; onera, & fastidia subsistere usque ad mortem.

2. Continentiam non haberi nisi ex Deo; eam proinde supplicibus votis ab eo postulandam esse, præsertim vero cum pudicitia gravius impendat discrimen; prout impendat cum crebro invilenda est, blandeque, & amice excipienda persona de cuius nuptiis deliberatur. Hic expendat Confessarius delectationem ex representatione actus conjugalis, si tanquam præsentis, esse mortiferam; si tanquam futuri, vix a culpa vacare, potissimum, quia vix vacat periculo: *Vide Tract. de Peccat. & infra ad novum Præceptum Concil. VII.*

3. Salutationes, seu visitationes, quæ tunc temporis in usu sunt, nec quotidianas esse debere, nec longiores; nusquam vero in tenebris, aut in solitudine, sed coram parentibus: si enim identidem labuntur, qui in ejusmodi ocursibus pariores sunt, & magis circumspecti; quid non vis timendum, qui moram trahunt longiorem, & quorum multi ex pusillanimitate quadam, aut ingenii defectu, nesciunt sermones castitati insensos alio convertere? Quod si data matrimonii promissio frangatur, aut nonnisi post diuturnum tempus impleri queat, abruptenda erit, aut raro, & breviter habenda con-

ver-

versatio inter amantes; ne alter alteri insidias, & peccandi occasionem nectat etiam invitus.

4. Matrimonia de parentum consensu, & ex sufficienti rerum examine propofita, quam cito fieri potest, ineunda esse; quia multiplex est periculum in mora.

5. Tempus sponsalia inter, & nuptias medium, consecrandum esse pietatē, ut Sacramentum rite suscipiatur, & cum eo singulares gratiæ, quibus destituti tot conjuges, jam a præfenti vita infernos cruciatūs, præstint.

6. Multipere cavendum esse puellæ, ne desponsatum aliis, quam ante oculos intueatur. Utrique post sponsalia prohibitum esse, quidquid ante prohibitum fuerit.

7. Deterrenda erit hæc a crimine, duplici præcipue motivo. 1. enim si cedat amasio, vix, antequam nubat, absolutionis sacramentalis beneficio donari poterit; & sic obnoxia erit periculo profanandi Sacramentum, quod teste Apostolo *magnum est*. 2. fieri poterit, ut qui eam nunc deperit postquam lenierit fragilem, detestetur, & exhorreat. Sic Amnon amore Thamar ad insaniam usque, & ægritudinem succensus, ubi eadem per vim etiam oppressa potius est, *emorsam eam habuit odio magno nimis: ita ut majus esset odium, quo oderat eam, amore, quo ante dilexerat*. II. Reg. 13. 17.

\* Vide supra p. 34.

8. Attendet Confessarius gravius esse peccatum venereum desponsatæ, quam ejus, quæ plene libera sit; prout diximus supra.

Regula III. Qui de amplectendo Clericali statu deliberant, multo severius probandi sunt, quam quibus in sæculo remanere propositum est. Res per se patet. 1. quia qui in sæculo manere volunt, habent, aut habere possunt matrimonii opem, unde concupiscentiam aliquatenus temperent; cui quidem qualicumque remedio renuntiant, qui sacris initiari contentunt. 2. quia ex D. Thoma in 4. *Qui divinis ministeriis applicantur, perfecti in virtute esse debent*; perfectio autem cum includat firmitatem, & constantem statum, utique firmam probationem præsupponit.

Quoto autem tempore probari debeat, quis ante Subdiaconatum, variè varie sentiunt. Mihi res ex omnibus circumstantiis dimerienda videtur. Inspiciendum ergo quamdiu, quis adhæserit vitio; an incontinentiæ soli servierit; an non progressus sit ad fornicationem; aut aliquid pejus; an ex quo Ecclesiastici status ingressum meditari cœpit præteritas lordes elucere oratione, lachrymis, mundi, mundanorumque fuga; an non, ut moris est, ad ipsum Seminarii tempus repide, segniter, ne dicam frigide, & forsan impudicè vixerit.

Si vi extraordinariæ tentationis raptus sit, & pene instar S. Petri repente conversus severit amare; ac constanti passu penitentiae, & sanctæ dilectionis stadium decurrerit, sublitque spes eum ita charitate, & castis moribus conspicuum fore, ut præclarum bonorum operum exemplum, & vitam monita ab eo possint expectari, poterit, ut videtur, post primos sex Seminarii menses ab Ordinem sacrum evehi; nisi forte publicum admisisset scelus, quod ex hominum memoria longiori tempore oblituerandum esset.

Trid. Sess. 23. c. 14.

Sin autem diu solus, aut cum aliis peccaverit; si ex tunc vitam adeo languidam degerit, ut vix sceleris sui horrorem sentire videatur; si per aliquot menses emendatus, denuo reversus sit ad vomitum; non sufficit, quidquid plures agant in praxi, quinque, aut sex mensium probatio, ut is ad sacros Ordines evehatur, sed opus est experimento longiori: Ne unquam, ait S. Gregorius Papa L. 4. alias 3. Epistola 26. ad Januarium,

ne unquam ii, qui ordinati sunt, pereant, provideri debet quales ordinentur, ut prius aspicitur, si vita eorum continens in annis plurimis fuit: ergo ne anni quidem totius probatio sufficit juxta S. Doctorem, virum aliqui minime austerum, cum probatio, quæ fit in Seminariis, non sit valentissimum castitatis argumentum; sicut nec valide constantiam suam hinc probaret miles, quod permanserit in urbe munita, a qua procul aberant hostes. Scio equidem doctrinam hanc a pluribus rigidiorum judicatum iri: sed precor, & deprecor, ut interrogent Sacerdotes antiquos, qui nonnisi ex experientia sua respondeant. Sciscitentur ab eis, an e juvenibus quinquaginta, qui per Seminarium utcumque sibi vim fecere, duo vel tres, tepidi aliunde, & in negotio salutis segnes, ad sæculum reversi diu steterint in vita suæ qualiscumque justitiæ. Sciscitentur, an non eorum plures relapsi sint, quandoque minus, sed tamen graviter, ante Diaconatum. Sciscitentur, an non saltem paucos post Sacerdotium tempore, innumeris se sacrilegiis polluerint: adeo, ut si, quod raro faciunt, ad eundem recurrant Confessarium a quo ad primos Ordines admissi sunt, is molliorem suam detestari cogatur. Ergo etsi illud S. Gregorii in annis plurimis, leniri, & utcumque temperari posse dicatur ad 18. aut 20. menses, haud tamen ad spatium brevius restringendum erit.

Hactenus de iis verba feci, qui segniter, & parum intense Deo adhærent; quia in hoc ordine posita est pars major hominum. Cæteri, qui ad Deum revertuntur in charitate non ficta, parum dant molestiæ, & impediunt; quia id unum veniunt, ne non satis parati ad Ordines accedant; tantumque eorum susceptionem verentur, quantum alii ambiunt.

Dum hæc scribo, commodum incido in duos magni nominis Doct. Facultatis Parisiensis, quorum alter Nat. Alexander Regulam hanc circa præsentem luxuriæ materiam constituit, n. 60. Clericis in sodomiam lapsis, vel, qui se diu ac frequenter ad pollutionem soli excitarunt; velcum aliis longo usu; velcum pluribus brevi licet tempore se contaminarunt, Confessarii in sacro Pœnitentiæ tribu-  
nali prohibere debent, ne suorum Ordinum functiones exerceant, & ad alio-  
res gradus ascendant: Laicis vero sacrorum Ordinum susceptio debet interdici;  
nec alia conditione concedenda est ipsi absolutio. Alter nimirum Habertus paulo  
leniorem adeo sapienter expendit, ut contra morem meum, totam ejus decisio-  
nem referre juvet, præsertim cum non tam suo, quam Sorbonæ nomine  
verba faciat: hæc ille in Tract. de Ordine, part. 3. cap. 3. sub finem.

Sed occurrit difficultas, propter quam ex diversis Provinciis identi-  
dem consilium quæritur in Sacra nostra Facultate, nimirum, quod tem-  
poris spatium requiratur ad idoneam eorum probationem, qui post Ba-  
ptismum in occultis præsertim carnis crimina prolapsi sunt, priusquam  
ad sacros Ordines legitime promoveantur.

Nostra, & Collegarum nostrorum fuit isthæc responsio, lapsis omni-  
bus idem non posse prædefiniri tempus, propter varias, tum criminum,  
tum personarum, tum ipsiusmet pœnitentiæ circumstantias. Alii quippe  
lapsi sunt ante ordinationem, cum adhuc essent Laici; alii post aliquem Or-  
dinem susceptum: rursusque omnes illi, vel semel, vel frequenter Baptis-  
mum, aut Ordinem maculaverunt; alii denique, vel acri cordis dolore per-  
culsi, laboriosis pœnitentiæ exercitationibus strenue incumbunt, carnem-  
que, cum vitiis ejus, & concupiscentiis crucifigunt; vel segniter hisce offi-  
ciis defunguntur: quid liceat, aut non liceat, nullatenus vòro quid sibi  
expediat, scrupulose expendunt, arbitrati satis esse si ab illicitis abstineant.

„ Qui

Qui semel, aut raro admodum prolapsi sunt, & eos pœnitentiæ fructus, quos jam exposuimus, proferunt, magnam spem injicientes futuros se Ecclesiæ utiles, non indigent probatione tam longa: pœnitentia quippe minus ex temporis diuturnitate æstimanda est, quam ex cordis dolore, & multiplici bonorum operum fructu.

Qui pravos mores imbuerunt, sive ex longa peccandi assuetudine sive ex natura prona ad libidines, ita ut repagula a Confessario eorum cupidinibus opposita interdum perfringant, ad urbes refugii, nempe conjugium, confugere suadebit Confessarius, auctore S. Bernardo Lib. de conversatione ad Clericos cap. 29. *Utinam, inquit, magis turrin inchoaturi sedentes computarent, ne forte sumptus non haberent ad perficiendum: utinam, qui continere non valent, perfectionem temerarie profiteri, aut celibatui dare nomina vererentur. Sumptuosa siquidem turris est, & verbum grande, quod non omnes capere possunt. Eset autem sine dubio melius nubere, quam uri; & salvari in humili gradu fidelis populi, quam in Clerici sublimitate, & deterius vivere, & districius judicari. Fratres, horrendum cavete periculum; ignem, qui paratus est, declinate.*

Idem esto judicium de his, qui non tam ex habitu peccant, quam ex innata ingenii levitate, ad omnem auram mobiles, eorumque mores induunt, sive bonos, sive malos, quorum consuetudine utuntur, in Seminario, v. g. per annum se continuerunt, lucentes non suo, sed sodalium lumine; & ad suos reversi prima occasione data in malum corruunt. Qui enim ita a natura sunt instituti, nullum singularis doni continentia, ac stabiliis propositi specimen dare possunt, nec proinde ad Ordines admitti debent. Quod si malo fato jam inveniantur initiati sacri Subdiaconatus, aut Diaconatus Ordine, ipsis auctor erit Confessarius, ut in Monasterium, tanquam ad unicum salutis portum se recipiant: hoc enim pœnitentiæ genus Concilium Toletanum IV. cap. 29. & alia præscribunt Clericis, qui propter flagitia a sacris ministeriis repellentur: æquum quippe est, ut qui se ipsos regere nequeunt, disciplinæ fræno coercentur.

Dicent fortassis, illud vitæ genus non debere assumi sine Dei vocatione, quam sibi deesse index est averfus animus ab ejusmodi instituto. At nonne divina vocatio æque, ne dicam magis necessaria est ad Sacerdotale Officium, ad quod tamen ipsos non vocari indubitata signa demonstrant? Præterea Deus vult omnes ad pœnitentiam converti, nolens aliquos perire 2. Petri 3. v. 9. ad Sacerdotium vero non omnes vocat, sed ex omnibus paucissimos eligit: atqui vera pœnitentia non agitur, nisi crimen deferatur: non delecent autem propter innatam infirmitatem, nisi a sæculo recedant; ergo, quod firmis est liberum, & meri consilii, ipsis utpote infirmis evasit remedium necessarium. Denique non spiritus Dei, sed cupiditas, & duritia cordis animam a disciplina regulari torquet ad dignitates Ecclesiasticas: si enim punguntur pœnitentiæ aculeis, ut oportet, indignos se sacris Ordinibus pronuntiabunt, nec acquiescent se ad eos promoveri, sed secessum sponte petent recogitaturi annos suos in amaritudine animæ suæ.

Qui præclara naturæ munera in injustitia detinuerunt, ac insuper Baptismum forte etiam sacrum Ordinem sæpius contaminaverunt, Deo exos, si prævaricationem prævaricationi addentes, magna, & longa indigent Confessarii cura. Namque 1. placandus est Deus lachrymis, jejniis, & aliis

aliis pœnitentiæ exercitationibus. 2. evellendi vitiosi habitus : 3. inferendæ, ac fovendæ virtutes, donec altis defixæ radicibus, nulla vila besectari queant, induanturque bonorum operum fructibus ; 4. mundandum cor ab omni terreno affectu, ut pœnitens ( si ad sacrum Ordinem promoveatur ) non sua, sed, quæ Jesu Christi solummodo quærat.

His conditionibus Urb. II. facultatem concedit Episcopo dispensandi cum ejusmodi lapsis. Cum autem juxta hodiernam disciplinam ista facultas ad Confessarios delata sit, nec recurratur ad Episcopum pro criminibus occultis, Confessarius, ut sit fidelis dispensator, præ oculis habeat verba hæc Summi Pontificis tanquam sibi dicta : *Tuæ providentiæ discretionique committimus, utrum eorum aliqui, qui tamen infamie notis non fuerunt aspersi, necessitate Ecclesiæ urgente, ET IPSORUM SANCTA CONVERSATIONE PROMERENTE, in suis gradibus recuperari debeant. Hoc autem secundum indulgentiam dico.* Porro ad accuratam hanc probationem aliquot menses, qui forte sufficerent ad impertiendam absolutionem, satis non sunt, nec etiam unus annus ad sacri Ordinis promotionem : quia ex S. Thom. Suppl. q. 36. art. 1. Sacramentum Pœnitentiæ pro infirmis est institutum ; Sacramentum vero Ordinis, utpote perfectionem conferens, illi tantum ministrari debet, qui secundum omnem suum habitum factus sit Deiformissimus, *Un Deo similis.*

Confessarius igitur pœnitentem reum sæpius violati Baptismi, & quod pejus est Ordinis sacri, non eo ipso judicabit promereri altiorem Ordinem, quo ab aliquot mensibus ræfrenavit libidines, & ab omni peccato lethali se continuit, nisi insuper eum probaverit expurgatum a terrenis affectibus, ferventem spiritu, & exhibentem membra servire justitiæ in sanctificationem, ut loquitur Apostolus Rom. 6. Absit enim, ut in templo Dei collocet idolum, quod nec bene nec male faciat ; cum ex iis, qui pereunt in Clero, longe plures damnentur peccatis omissionis, quam peccatis commissionis. Ordo quippe... non est ad salutem propriam suscipientis, sicut Sacramentum Pœnitentiæ ; sed est institutus ad salutem aliorum procurandam ; & figuratur per talentum, quod Dominus Matt. 25. servis suis distribuit, ut in illo negotientur, & cum usuris reddant ; alioquin experturi judicium servi inuiles ; qui ideo ejecti sunt in tenebras exteriores, quod acceptum talentum, integrum quidem, sed sine lucro retulerit. Vide eundem Theologum 1. p. c. 5. & 2. cap. 8. §. 2.

Regula IV. Graviter, & serio a Confessariis monebuntur conjuges ; multo periculosiorem, quam putent, esse matrimonii statum ; errare eos, qui omnia sibi in matrimonii usu permessa esse cogitent ; & hinc non raro peccari lethaliter. Quamquam vero, ut monuimus, cavendum est Sacerdoti, ne dum exactam perfectionem inspirare satagit, gravius culpas procuret ; sunt tamen multa, quæ si se det occasio, præterire nequit ; imo circa quæ pœnitentem, si dubiæ sit pietatis, etiamsi ad hæc viam non aperiat, examinare tenebitur. Sic interrogabit, an comparti debitum exigenti denegaverit, & quare ? an non, quid fecerit ne numerosiorem prolem haberet, aut ne ex conceptione uxor in aliquod vitæ periculum veniret ? an non extra actum conjugalem, sponfam tetigerit impudice, aut pares ejusdem tactus admiserit ? Sunt enim hæc peccata ad minus venialia, ut ajunt Resolutiones Pastorales Diœcesis Genedensis 2. p. tit. 6. n. 12. & juxta Comitolum peccata lethalia ; unde in praxi saltem pro dubiis mortalibus haberi debent ; & semper pro mortalibus ubi inest periculum pollutionis.

Addit

Addit Gersonius citato Opusc. tripart. par. 2. p. 445. interrogandos esse conjuges an diebus festis minoribus, aut minus solemnibus (1) talia peccata pertraverint, aut forsan in sacris locis. Tum uxoris examen his concludit verbis: Si abortum procurasti, aut fatum ex utero nasci impedisti (2), aut obstruam vestimentorum, aut per agitationem corporis immoderatam, vel choreis, vel aliis plurimis inusitatis modis. Si dissolutis, & inhonestis affectibus, & choreis, aut gestibus incompertis, vel innata pulchritudine; aut suo mendaciter colorata, vel denique vestimentis superfluis alies ad malum allicere voluisti, aut te concupisti ab eisdem affectari. Si tibi matrimonialiter conjuncta persone, carnalis copule debitum infirmitate aut alio legitimo impedimento cessante, denegasti. Vide, quæ dixi supra ad calcem Articuli 1. & 3.

## ARTICULUS UNDECIMUS:

## De Filiabus luxurie.

Octo luxuriæ filias recenset S. Gregorius Lib. 31. Moral. cap. 31. & ex eo S. Thomas 2. 2. q. 153. art. 5. earum vero quatuor se tenent ex parte intellectus, cæcitas nempe, præcipitatio, inconsideratio, & Inconstantia: quatuor ex parte voluntatis, scilicet amor sui, odium Dei, affectus sæculi præsentis, horror, & desperatio futuri sæculi.

Cæcitas est vitium, quo, quis eo usque ad malum intendit, ut in rebus agendis, vel rectum finem non apprehendat, vel ab eo cognito sciens, & volens deviet. Talis est conditio miseri juvenis, de quo loquitur Salomon Prov. 7. ille enim meretricis sermone irretitus, statim eam sequitur, quasi bos ductus ad victimam, & quasi agnus lascivientis, & ignorans, quod ad vincula stultus trahatur. Flebile cæcitatis exemplum exhibet Salomon imple, qui cum jam esset senex, tam ardenti amore copulatus est mulieribus, ut spreto Deo suo Deos earum sequeretur: exhibent; & impudici senes, qui declinaverunt oculos suos, ut non viderent cælum. Daniel. 13.

Præcipitatio est vitium, quo, quis insanæ libidinis impetu abreptus, temere in actum exteriorem profilit, nec deliberando de agendis, nec prudentiorum consilia explorando: unde antequam agat, nec recordatur præterita, nec præsentia attendit, nec prospicit futura; secundum id Comici: Amor neque consilium, neque modum habet ullum.

Inconsideratio est vitium, quo quis mancipatus libidini, adeo non omni, qua par est diligentia, quid ad finem factu optimum sit, expendit, & dijudicat, ut medium, quodcumque prius obvenerit, præcipi animo arripiat.

Inconstantia vitium est, quo, quis ab incœpto, vel nulla, vel levi de causa resilit. Eo defectu laborant maxime libidinosi, quorum animus, quia voluptate frangitur, & emollitur, facile ab inchoata via recedit, si se vel aliqua

(1) Non video cur Gersonius velit interrogari an conjuges, aut alii diebus festis minus solemnibus, turpia quædam exercuerint, nisi, quod crediderit neminem esse tam procacem, ut eo scelere deveniret diebus Dominicis, aut majoribus Festis; aut saltem, qui id tunc fecisset, circumstantiam hanc indubie aperturum esse.

(2) Conceptionem immoderato castæi, ac chocolati usu impediri posse docet Auctor Collat. Paris. Tom. 1. pag. 372. & addit se cognovisse, quæ vim remedii hujus expertæ, illud amicas suis docuerint. Certe, quæ hac intentione, aut cognito horum liquorum periculo, iis aut similibus ultra modum utuntur, gravissimo peccant; & pro se, & pro aliis, quas secretum hoc edocuerint, poenitentiam agere tenentur.

aliqua offerat difficultas deterrens, vel aliqua voluptas alio inviāns : Amor sui est vitium, quo quis ita sese deperit, ut seipsum sibi Deum faciat, omni, quo potest affectu, propriam carnem diligendo, eidem novās voluptates procurando, in his conquiescendo tanquam in ultimo fine. Tetrum id scelus luxuriosi hominis medullas misere inficit, unde ei nihil sapit, nisi quod carnale est, secundum id Sap. 2. *Venite ergo, & fruamur bonis, quæ sunt . . . nullum pratum sit, quod non pertransseat luxuria nostra: nemo nostrum exors fit luxuria nostra: ubique relinquamus signa lætitiæ nostræ, quoniam hæc est pars nostra, & hæc est fors*. Differt amor sui, de quo nunc, ab amore, quem proprium vocant; quia amor sui quatenus a luxuria dimanat, carnis voluptates unice inquiri; amor proprius, quia peccati omnis initium est, quælibet bona sibi utilia, honesta, & delectabilia inordinate appetit. Ita Merbæus ibid. q. 81.

Odium Dei, luxuriæ strictius, quam alii cuilibet peccato inhæret: cum enim peccata libidinosa præ cæteris maximam habeant delectationem, omnium maxime statum mentis, & iudicium rationis evertunt: atque ita per hæc sæpius, & citius, quam per alia videtur homo illic pervenire, ut velit nullam esse legem, & nullam pœnam, qua prædicta puniantur; utque ipsam Dei iustitiam sua peccatoribus gaudia interdicentis, condemnent, & odio prosequatur. Ita Sylvius.

Affectus sæculi præsentis, seu nimius hujus vitæ amor, licet ex fonte non uno derivatur, potissimum tamen ex propensione in oblectationes venereas prodit. His enim voluptatibus, quæ animum vehementer titillant, ita plures, & tam tenaciter adhærescunt, ut hujus sæculi vitam, fruendæ voluptatis causa in æternum propagari ardentius ex-petent. Et tamen, ait Navarrus Manual. c. 23. peccat mortaliter deliberate optans perpetuo vivere in hoc mundo, citra Dei visionem intuitivam.

Horror, vel ut alii vocant, desperatio fururi sæculi, est vitium, quo mors, ac divini iudicii severitas, tanto terrore impudici diu in omni libidinum cœno voluptati animos percellit, ut ei *una salus* esse videatur *nullam sperare salutem*. Scilicet enim conscientiæ stimuli tanto acrius viros libidinum excruciant, quanto majori impetu sese in infandas libidines divina lege apprime vetitas immerferunt. Hac autem desperatione posita, ait Sylvius, veluti quodam circulo in omne genus obscœnitatum prorunt homines desperabundi; ex quibus obscœnitatibus iterum nova salutis desperatio nascitur, & rursus ex desperatione novæ libidines: unde Apostolus Ephes. 4. *Desperantes semetipsos tradiderunt impudiciæ in operationem immunditiæ omnis*.

Extra has, quæ interiores sunt, luxuriæ filias, quædam recensentur a S. Thoma hic ad 4. quæ ad exteriora pertinent. Sunt autem istæ, *turpiloquium*, seu turpis, & obscœnus sermo; *scurrilitas*, quæ sacetiis, & jociis lasciva immisceat ad excitandos risus; *ludicritas*, qua quis quasi ludit, & oblectatur verbis ludicris, ea in carnalem delectationem ordinando; & *stultiloquium*, quo quis ineptas fabulas ad obscœnitatem pertinentes loquitur. Ita idem S. Thomæ interpret.

Cœcitas mentis, præcipitatio, inconsideratio, & inconstancia, totidem sunt lethales noxæ, cum causa sunt, cur grave aliquod Dei præceptum violetur, ut sæpius contingit in materia luxuriæ. Amor sui, Dei odium, affectus præsentis sæculi, & futuri horror, ex natura sua gravem deformitatem habent: turpiloquium vero scurrilitas, & similia, vix unquam a gravi excusari possunt.

AR-



## ARTICULUS DUODECIMUS.

*De remediis contra Luxuriam.*

**C**astitatis adipiscendæ motiva, & media sæliciter exhibuere Catholici complures, & e Protestantium grege J. F. Ostervald in speciali ea de re Tractatu. E multis, quæ hic congeri possent, pauca hæc selegimus, quæ cor jam ad malum vergens sibi facilius possit.

Primum est intima convictio possibilem esse castitatis praxim, & custodiam; cum æquior, & benignior sit Deus, quam ut jubeat impossibilia; mirumque est, ait citatus mox Calvinista p. 346. quod continentia possibilitatem in dubium vocaverint aliqui Christiani. Et vero cur non posset vir hæcenus incontinens, quod divina fretus ope potuit Augustinus? quod potuere tot summæ, & infimæ sortis virgines? quod tam egregie executus est Joseph, juvenis, & servus?

Secundum est oratio frequens, & vivida: *Miserere mei, Domine*, aiebat Rex Propheta, *quoniam infirmus sum*, &c. *Cor mundum crea in me, Deus. Mites fac, & castos*, &c. Et vero, quo pertinaciores sunt impuri hostis pugna, eo sollicitius apud Deum instare necesse est, ut ad adjuvandum nos festinet. Orationi accedat lectio piorum Librorum, quæ & mentem advocat a terrenis cogitationibus, & sancta in corde desideria parit. Utrique exercitio jungatur meditatio pia, tum Christi, qui pro impudicitis nostris maledictum factus, easdem sævissimis doloribus expiavit; tum poenarum, quæ libidinosis in æternum constitutæ sunt: *Memorare novissima tua, & in æternum non peccabis*, Eccli. 7. *Momentaneum, quod delectat, æternum, quod cruciat*. Hic prodesse poterit, quod refert S. Gregorius Lib. 4. Dialog. c. 38. de quodam Chriſtiano carnis voluntatibus impense dedito: *Is ad extremum veniens, eadem hora, qua de corpore erat exiturus, apertis oculis vidit tetros, & nigerrimos spiritus coram assistere, & vehementer imminere, ut ad inferni claustra eum raperent*. Ille tum caput tremere, pallescere, sudare, & magnis vocibus inducias petere, his verbis: *Inducias usque mane inducias usque mane; sed dum hæc clamaret, in ipsis vocibus de habitaculo suæ carnis evulsus est*.

Tertium est custodia sensuum, maxime visus. *Virginem ne conspicias, ne forte scandaliseris in decore illius.. Averte faciem tuam a muliere compta, & ne circumspicias speciem alienam*. Propter speciem mulieris multi perierunt: *ex hoc concupiscentia quasi ignis exardescit*, Eccli. 9. Quale, & quantum veritatis hujus exemplum in Davide, in Salomone, & aliis arena numerosioribus. Merito igitur Augustinus Epist. 109. *Oculi vestri etsi jaciuntur in aliquem, figantur in neminem.. Nec solo tactu, sed affectu quoque, & aspectu appetitur, & appetit fœmina*. Nec dicatis vos habere animos pudicos, si habeatis oculos impudicos. Concinit Gregorius Magn. Lib. 21. Moral. cap. 2. *Intueri non licet, quod non licet concupiscere*. Hinc Job cap. 31. *Pepigi fœdus cum oculis meis, ut ne cogitare quidem de virgine*.

Quartum est sobrietas, seu moderatus vini usus, quod non tantum modice, sed & aqua plurima dilutum bibi, præsertim a juvenibus omnino oportet. Est enim luxuriosa res vinum. Nec a potu solum, sed & ab im-

\* Traité contre l'impureté, par J. F. Ostervald, Pasteur de l'Eglise de Neuchâtel. Amsterd. m 1712,

immoderato ciborum usu abstinendum : nimia enim sanguinis, & humorum congeries, carnis tentationes, ac pruritus excitat : *Eecce hæc fuit iniquitas Sodomæ superbia, saturitas panis, & abundantia, & otium ipsius, & filiarum ejus ; & secuturæ abominationes coram me, Ezech. 16.*

Quintum fuga otii, quod, ut statim ajebat Ezechiel, perdidit Sodomam, & filias ejus ; quodque multam mercedem docuit, Eccli. 33. Certe raro, aut inefficaciter tentatur, quem diabolus semper invenerit occupatum.

Sextum fuga sedula occasionum, unde castitas labefactari queat. *Contra libidinis impetum apprehende fugam, si vis obtinere victoriam, ait Augustinus.* Porro exitiosæ castitati occasiones sunt juvenum depravatorum frequentatio, lectio Librorum amatoriorum, spectacula, choreæ, comœdiæ, longa cum personis alieni sexus colloquia. *Mulier, & caro duplex, & cumulata infirmitas, ait S. Gildbertus Cenomanensis. Brevis, & rigidus sermo cum mulieribus etiam devotis, habendus est, ait S. Ambrosius.* Cæterum sua sunt ipsi sanguinis propinquitati pericula : unde monendi sunt, imo cogendi parentes, ne fratribus etiam, & sororibus communem lectum permittant, statim ut eorum alter rationis usum attingit ; quin ubi jam puberes fieri incipiunt, & antea forte, sinendum non est, ut in eodem cubiculo noctu commorentur : hæc enim primas esse multiplicis mali radices docet experientia.

*Eccli. 10.* Septimum vera, & profunda humilitas ; *Initium enim omnis peccati, præsertim autem impuditiæ est superbia, quæ & exsiccat fontem gratiarum, quibus solis vincit possit leo rugiens ; & a Deo graviorum lapsum permissione punitur, secundum id Augustini Lib. 14. de Civit. Dei cap. 3. Audeo dicere superbis esse utile cadere in aliquod apertum manifestumque peccatum, unde sibi displiceant, qui jam sibi placendo ceciderant.*

Octavum est frequens confessio, & communio ad arbitrium prudentis Confessarii. Proderit utique confessio iis etiam, qui necdum sentiunt se a vinculis liberos. Certe si amicus sagax insipientem amicum quandoque retrahit a præcipitio ; quid non aget Deo juvante, director pius, qui habet verba vitæ æternæ, & monita salutis.

Nonum est mortificatio carnis, quæ ut cruciat semper, semper cruciari debet. *Mortificate igitur membra vestra, quæ sunt super terram.* Offerre corpora vestra in hostiam viventem, sanctam, Deo placentem. Ejicite per orationem, & jejunium, dæmonem pessimum, qui nisi in utroque ejici non potest. Etsi vero ad id inservire potest usus cilicii, flagellationis, catenæ ferreæ, & similibus, æquum tamen est, ut de his consularur director, tum quia Deus specialiter benedicit iis, qui nonnisi ex prævio sapientum consilio agunt ; tum quia, quæ in quibusdam passionibus immuniunt, hæc easdem nonnumquam in aliis inflammant.

Decimum est amor effusus in pauperes, elemosyna, aliique actus misericordiæ, quibus & præteritæ labe redimuntur, & ad præcavendos lapsus imperantur aberes Dei gratiæ.

Undecimum est pia ad Dei præsentiam attentio. Provideat igitur homo *Dominum in conspectu suo semper ;* recorderetur præsto adesse Angelum corporis sui custodem. Quis id coram Deo facere ausit, quod me præsentem non auderet. Ita alicubi S. Bernardus.

Duodecimum est gravis, & vivax repulsa tentationis, statim ac ea sese obtulerit. Allidendi sunt ad petram parvuli Babylonis, ne cum viresumpserint, sumunt autem facile, jam expugnari non possint. *Diabolus, verba sunt Hic-*

Hieronymi in c.9. Ecclef. *serpens, & lubricus, ejus si capiti, hoc est primæ suggestioni non resistitur, totus interna cordis... illabitur*. Cœterum resistere quis potest ad alia objecta animum convertendo: si tamen perduret tentatio, recurrendum erit ad orationem; cogitandum de morte; aut manu ad ignem admota, dicendum cum Solitario quodam: Qui umbratilem æstum ferre non potes, quomodo habitare poteris *cum igne devorante, cum ardoribus sempiternis*, qui indubia sunt luxuriæ remuneratio? Numquid potest atiquis gustare, quod gustatum affert mortem, nec mortem tantum, sed sterus, & stridorem Jentium? Vide Loarem in Enchiridio Confessorum c. 21. Job 6.

## CAPUT QUARTUM.

*De septimo Decalogi præcepto. Remissive.*

**S**ummum Dei erga homines amorem exhibet, & demonstrat tota Decalogi series, ut bene ponderat, & a Parochis ponderari vult Catechismus Romanus hic n. 4. scilicet enim supremum numen nihil creaturarum indigens, non modo vitæ, corporisque nostri, famæ, & existimationis patrocinium suscipit, cum homicidium, & mœchiam severe prohibet, sed & bona etiam nostra suam recipit in fidem, eaque contra invalores tuetur septima hac Decalogi lege: *Non furtum facies*; quæ cum generalis sit, ad omnes prorsus dirigitur; ita ut nec divitibus, quia potentes sint, liceat opprimere viduam, & orphanum, quibus Deus adjutor est; nec pauperibus, quia egeant, fas sit divitum bona deprædari, vel imminuere.

Hujus præcepti, sicut & cœterorum major est extensio, quam prima fronte videatur. Duas siquidem in partes dividitur, quarum altera, quæ furtum vetat, aperte est enuntiata: alterius sententia, & vis, quæ jubemur benigni, & liberales esse in proximos, in priore occulta est, & involuta. Catechismus idem ibid. n. 6.

Utramque partem fidelibus crebro inculcandam esse convincit praxis Apostolorum, tum vero præcipue S. Pauli, qui jam ab initio Epistol. ad Rom. furtum, furesque his increpat verbis: *Qui alium doces, te ipsum non doces; qui prædicas non furandum, furaris*. Multo magis commendavit sanctus Gentium Doctor liberalitatem in pauperes, eos præsertim, qui ob susceptam Christi fidem penuria conficiebantur: huc nempe collineant pleræque ejusdem Epistolæ. Non deerunt sane e Pastoribus, qui quoad primum caput Apostolum facile imitentur; cum pauci admodum sint indolis adeo perversæ, ut alienum rapiant: at deerunt, desuntque nunc multi, qui eundem in sanctæ erga pauperes profusionis exemplo efficaciter æmulentur. Nempe vero Sacerdotalis progenies sæpius tenax est, & avara, lucro inhians, avidè quærens, & requirens, quæ sua sunt, de obolo pene disceptare parata, lites minitans, nisi etiam inferat; adeoque ineffaciter exhortans ad misericordiam, quam ipsa non præstat.

Utraque delicti species, furti scilicet, & durioris erga pauperes animi, præsentis hujus Capituli materia esset, nisi de his alibi disserteretur foret: sed, quia de furto, & restitutione, de mutuo item gratis dando, ample diximus in primo Operis hujus Volumine; de eleemolyna autem, & Ecclesiasticorum bonorum usu in hoc tertio, & præsentī, eo Lectorem remittimus, quo satis de hac materia discussum fuit, ne altum agere videamur.

# TRACTATUS DE DECALOGO.

## CAPUT QUINTUM.

### De octavo Decalogi præcepto.

**O**ctavum præceptum his exprimitur verbis : *Non loqueris contra proximum tuum falsum testimonium*. Hic autem nomine proximi , intelligitur omnis , qui testimonio nostro eget , & opera , sive ille propinquus sit , sive alienus , sive civis , sive advena , sive amicus , sive inimicus . Neque enim adversus inimicos falsum loqui licet , cum eos Christus diligat , & sincere diligere præcipiat . Quin & proximi nomine unusquisque nostrum respectu sui intelligitur ; unde sicut contra alios inique loqui nefas est ; sic nec nobis contra nos mendacibus esse licet .

Præcepti hujus , sicut & præcedentium duæ sunt partes : altera prohibet ne falsum dicamus testimonium , sive extra judicium , sive intra , imo ne sinistre de proximo cogitemus : præcipit altera , ut simulatione , fallaciisque sublati , dicta , & facta nostra simplici veritate metiamur ; secundum id Apostoli Ephes. 4. *Deponentes mendacium , loquimini veritatem unusquisque cum proximo suo : quoniam sumus invicem membra*. Itaque , ut octavum præceptum explicetur quantum est , agendum 1. de mendacio ; 2. de diffamatione proximi apud nos interius facta , & confectariis ejus detractioe scilicet , contumelia , & similibus ; 3. de falso apud Judices testimonio . De detractioe , & præcipuis ejusdem speciebus jam dictum est Tomo 1. cætera hic prosequemur .

## ARTICULUS PRIMUS.

### De Mendacio.

**M**endacium definiri potest , Locutio , aut significatio contra mentem , cum intentione fallendi .

*Tom. 6. Dicitur 1. locutio , aut significatio ; quia potest quis mentiri non solum  
p. 410. verbis , sed etiam scripto , nutu , gestu , & similibus signis : unde Augustinus Lib. de mendacio cap. 3. Ille mentitur , qui aliud habet in animo , & aliud verbis , vel quibuslibet significationibus enuntiat .*

Dicitur 2. *contra mentem* ; mentiri enim est contra mentem ire : atque ideo ad mendacium necesse esse , ut homo id falsum esse putet , quod dicit . *Ex quo fit* , ait ibid. Augustinus , *ut possit quis falsum dicere non mentiens , si putat ita esse ut dicit , quamvis non ita fit ; & ut possit verum dicere mentiens , si putat falsum esse , & pro vero enuntiat , quamvis revera fit , ut enuntiat . Ex animi enim sui sententia , non ex ipsa rerum veritate , & falsitate , mentiens , aut non mentiens judicandus est* . Hinc liquet mendacium non tam opponi veritati , quam veracitati , quæ est virtus mentem inclinans ad efficiendum , ut signa , quibus animi cogitationes exprimimus , iisdem cogitationibus semper congruant .

Dicitur 3. *cum intentione fallendi* ; quæ additio licet Polmano , & pluribus videtur superflua , ab aliis tamen admittitur , ut consona his S. Augustini verbis , Enchir. c. 22. *Omnis , qui mentitur , contra id , quod animo sensit , loquitur voluntate fallendi* ; quod & repetit S. Doctor Lib. contra mendac.

dac. c. 12. n. 26. certe, qui diceret: *Hodie huc reversus sum e Constantinopoli*, nugari censeretur, non mentiri, quia non intenderet fallere. Unde Augustinus q. 145. in Genes. Cum, *quæ non sunt, tanquam joco dicuntur, non deputantur mendacio*; quia nimirum ait idem L. de mendacio c. 2. *habent evidentissimam ex pronuntiatione, atque ipso jocantis affectu significationem animi nequaquam fallentis, etsi non vera exsultantis*.

Obj. cum Sylvio a. 2. q. 110. art. 1. qui patri alioquin ex tristitia mortuorum nuntiat filium ejus licet mortuum recte valere, mentitur ex Augustino Lib. contra mendac. c. 18. atqui tamen non intendit fallere, sed solum non gravare patrem: ergo.

R. neg. min. Etsi enim is non intendat fallere patrem perniciose, sed econtra; intendit tamen, ut is verum putet, quod falsum est; & id non vacat a fallacia. Quamquam, si quis veram hic fraudem deesse putat, poterit se demere additionem nostram.

Mendacium triplex distinguitur, *perniciosum*, quod alteri nocet, ut cum quis falsum alio crimen impingit, eumve fallit in commercio; *jocosum*, quod fit animo oblectandi eos, quibus falsum quid narratur, perinde ut verum; & *officiosum*, quo bonum alicujus intenditur sine alterius injuria. Sic mentitæ sunt Hebræarum obstetrices, ut infantulos earum conservarent; sic & mentita est Rahab, cum exploratores liberatura dixit: *Cum porta clauderetur in tenebris, & illi pariter exierunt, persequimini cito, & comprehendetis eos*. Josue 2. v. 5. Jam quæritur, an mendacium omne sit peccatum, & quale. Sit

CONCLUSIO I. Mendacium omne est peccatum. Est 1. contra Platonem, Origenem, Cassianum, & alios quosdam, qui mendacium saltem jocosum ab omni culpa liberum esse crediderunt; 2. contra Priscillianistas, qui mendacio, necnon & perjurio hæresim suam occultabant; 3. contra Catholicos quosdam, qui Augustini tempore simulabant se esse Priscillianistas, ut nefariæ sectæ virus totum detegerent, detectumque patefacerent omnibus; quod diebus pene nostris renovavit Duacenzæ fraudis artifex, actione mala, bona effectione.

Prob. 1. ex Script. Levit. 23. *Mendacium fugies, utique, quia malum* Levit. 19. *Non mentiemini, nec decipiet unusquisque proximum suum*. Prov. 19. *Qui loquitur mendacia non effugiet pœnam*. *Qui loquitur mendacia peribit*. Ephes. 4. *Deponentes mendacium, &c. ut supra*, Coloss. 3. *Noli mentiri invicem*. 1. Jo. 2. *Omne mendacium ex veritate non est*; sed, quod non est ex veritate, malum est essentialiter, quia essentialiter repugnat Deo, qui est summa veritas, quique cum de omnibus necessario judicet, necessario pronuntiat falsum esse id, quod mendax affirmat esse verum. Hinc generaliter mendacium omne reprobatum his verbis Eccli. 7. *Noli velle mentiri omne mendacium*, idest ne velis ullum mendacium mentiri; sicut id Psalm. 147. *Non fecit taliter omni nationi*, idem est, ac nulli nationi taliter fecit.

Prob. 2. ex SS. Patribus, quorum alii, ut Justinus Martyr Apolog. 2. scribunt Christianos mori malle, quam mentiri; alii ut Eusebius L. 6. Præparat. Evang. derident Gentilium numina, eo quod mentirentur: cum econtra homo licet mortalis, modo virtutis studio aliquid tribuat, nulla vi ad mentendum adduci possit: quod semel veritatem omni conditione potiorum habere statuerit, & infra: *Ignem licet corpori, ferrumve admoveris, stabit ille contra, & libera constantique voce exclamabit: Occurrat ignis, gladius occurrat, seca, exure* Tournefy Theol. Morat. Tom. III. M m cor-

*corpus; sanguine ardentem sitim refingue nostro. Sidera in terram prius labentur .. ore, quam tibi nostro excidat vox ulla mendax;* alii cum Hieronymo c. 4. Apologiz contra Rufinum, Origenistas reprehenderunt, quod mendacio interdum veluti medicamine utendum docerent; alii cum Cypriano lib. 3. ad Quirin. c. 104. mendaces condemnant, eo quod abominatio sint Domino labia dolosa; alii cum Lactantio l. 6. c. 18. afferunt ut rem inconcussam hominem verum, & justum ne inimicum quidem, aut ignotum, mendacio decepturum esse; nec aliquando commissurum, ut lingua interpret animi, a sensu, & cogitatione discordes.

Verum cæteris Patribus in mendacii censura palmam præripuit Augustinus. Is enim ut Catholicos, (qui se Priscillianistas esse mentiebantur, quo nefariæ sectæ penetrarent latebras,) revinceret, Libro, quem jam de mendacio scriperat anno circiter 395. Librum alium anno circiter 420. addidit contra mendacium; & in utroque omne prorsus etiam officiosum mendacium condemnat, & eo usque condemnat, ut velit sine baptismo relinqui infantem, qui nonnisi post deceptos mendacio custodes baptizari possit. Si ergo, inquit c. 20. n. 40. Libri contra mendacium: si veritas doceat, nec propter hominem baptizandum facere, quod contrarium est castitati, quomodo nos docebit facere propter baptizandum hominem, quod ipsi est contrarium veritati? Augustinum porro secuta est tota Theologorum Schola: ipseque Pontifex Alexander III. cap. Super eo 4. De usuris, statuit, quod Scriptura sacra prohibet pro alterius vita mentiri.

Prob. 3. ratione: Quod multam includit deformitatem licitum esse non potest: atqui mendacium .. 1. enim nocet mentienti; cum, qui in levibus mendax deprehenditur, amittat fidem in majoribus; seque ipsum ad officia, tum Christiana, tum civilia inhabilem reddat. *Melior est pauper*, ait Scriptura Prov. 19. *quam vir mendax*; 2. nocet proximo, cujus animum imbuat falsitate: est enim falsitas malum mentis, sicut mentis bonum est veritas; 3. nocet & Reipublicæ: hujus enim bonum in mutuo hominum commercio situm est, & hoc utique tollitur, si frater fratrem mendaciter circumveniat.

Quin et si mendacium ab iis defectibus immune foret, saltem eo semper mereretur redargui, quod læderet veritatem divinam; quod Deo dicente, *Est, diceret, Non est*; quod demum verbis uteretur ad id, ad quod non sunt instituta. Utique enim verba propterea sunt instituta, non per quæ se invicem homines fallant, sed per quæ in alterius quisque notitiam cogitationes suas perferat. Verbis ergo uti ad fallaciam, non ad quod instituta sunt, peccatum est; ait S. Augustinus Enchir. c. 22.

CONCLUSIO II. Mendacium perniciosum est peccatum ex natura sua mortale; joculum autem, & officiosum sunt tantum venialia. Ita communiter Theologi.

Prob. 1. pars: Illud est mortale peccatum, quod non modo veritati, sed charitati etiam, & justitiæ adversatur: atqui tale est mendacium perniciosum, ut ex ipsius definitione liquet: ergo habendum est pro gravi peccato. Unde Sap. 1. *Os, quod mentitur, occidit animam*; & Psal. 5. *Perdes omnes, qui loquuntur mendacium*. Idem tamen peccatum ratione indeliberationis, aut propter illati nocementi levitatem, potest esse solum veniale.

Prob. 2. pars ex S. Augustino in mox citatum Psalmi 5. versum 7. ubi sic habet: *Duo sunt omnino genera mendaciorum, in quibus non magna culpa est, sed tamen non sunt sine culpa, cum aut jocamur, aut ut proximos proximo, mentimur*, & q. 68. in Levit. de Egyptianarum obstetricum mendacio dicit, quod propter misericordiam illud peccatum veniale sit fuisse, non tamen existimetur

non

non fuisse peccatum. Rulfus Enchir. c. 22. *Nec ideo ullum mendacium putandum est non esse peccatum, quia possumus aliquando alicui prodesse mentiendo: Possumus enim, & furando, si pauper cui palam detur, sentit commodum; & dives, cui clam tollitur, non sentit incommodum; nec ideo tale furtum quicumque dixerit non esse peccatum. Possumus, & adulterando, si aliqua, nisi ad hoc ei consentiatur, appareat amando moritura & si vixerit, penitendo purganda: nec ideo peccatum negabitur tale adulterium.* Consonat id S. Gregorii lib. 18. Moral. c. 2. *Summopere cavendum omne mendacium, quamvis nonnunquam sit aliquod mendacium culpa levioris.*

Confirmatur ratione: Quod veritati adversatur, sed ita ut nonnisi leviter adversetur charitati, necessario est peccatum, sed leve: atqui mendacia, jocosum, & officiosum veritati quidem repugnant, sed nonnisi leviter adversantur charitati: 1. veritati repugnant: *Nullum enim est mendacium, quod non sit contrarium veritati*, ait Aug. L. contra mendac. c. 3. 2. leviter tamen adversantur charitati; tum quia opinio, quam generant, nulli graviter est nociva, cum sit circa res de quibus parvi tua refert, an sic, vel aliter sentias; tum quia finis intentus, est solum levis aliqua delectatio, vel unius commodum sine alterius præjudicio saltem gravi: ergo.

Obijciuntur multa contra primam Conclusionem, 1. quod mentitæ sint obsterices Egyptiæ, & Deus ædificavit illis domos, Exod. 1. 2. mentita est Raab pro exploratoribus, & ideo liberata est; 3. David 1. Reg. c. 20. rogat Jonathan, ut patri dicat se protectum in Bethleem, quod falsum erat. Idem c. 21. narrat Abimelech Sacerdoti, se ad eum a Rege missum fuisse; 4. Elisæus Reg. 4. c. 6. militibus missis, ut eum comprehenderent, ait: *Non est hec via, neque ista est civitas: sequimini me*, &c. 5. Angelus, qui Tobia se objicit, dicit, se Azariam esse Ananiæ magni filium; 6. Judith quidquid pene loquitur Holopherni, mendaciter loquitur; & hac via de ipso triumphat; 7. negat Amos esse se Prophetam, & tamen Propheta erat; 8. ait Michæas c. 2. v. 11. *Utinam ... mendacium loquerer.* An autem vir sanctus optasset loqui mendacium, nisi hoc culpæ expers foret; 9. Paulus Act. 23. ait, se nescisse illum cui maledicebat, summum esse Pontificem, quem tamen, vel ex ipsis vestibus cognoscebat indubie; 10. huic sententiæ favent S. Chrysostomus L. 1. de Sacerdotio sub finem; & Hieronymus in c. 2. Epist. ad Galat. 11. suffragatur ratio ipsa. Numquid enim melius non est puellam, cui imminet stuprator, mentiri, fingendo v. g. se nuptam esse; quam incurrere dispendium vitæ, & forsan æternæ salutis? Sed hæc non nocent. Unde

R. 1. generaliter cum Aug. L. contra mendac. c. 9. n. 21. *Hæc quando in Scripturis sanctis legimus, non ideo, quia falsa credimus, etiam facienda credere debemus; ne violemus præcepta, dum passim sectamur exempla*, & n. 22. *Constat, quod non omnia, quæ a sanctis, vel justis viris legimus falsa, transferre debeamus in mores. Habent enim*, ait S. Doctor c. 14. n. 29. *Libri divini conscripta, & mala hominum, & bona; illa vitanda, ista sectanda, Quoniam vero solutio hæc omnibus, quæ objecta sunt exemplis accommodari nec debet, nec potest, singula singulatim perstringenda sunt.* Unde

Ad 1. & 2. nec obsterices Egyptiæ, nec Raab excusari a mendacio possunt: Quod ergo scriptum est bene Deum fecisse cum Hebræis obstericibus, & cum Raab .. non ideo falsum est, quia mentitæ sunt, sed, quia in homines Dei misericordes fuerunt. *Non est itaque in eis remunerata fallacia, sed benevolentia, benignitas mentis, non iniquitas mentientis*, ait Augustinus ibid. c. 15. n. 32. Adde, quod & Raab, & obsterices a peccato propter bonam fidem

forte immunes fuerint, quia *utrum sit aliquando, vel pro cuiusquam salute mentiendum, cum quæstio sit, in qua dissolvenda etiam doctissimi fatigantur, valde illarum muliercularum in illis populis constitutarum, & illis moribus affuefactarum excedebat modum.* Ibid. n. 33.

Ad 3. erat David, sicut & omnis alius homo mendax: unde absit, ut quidquid ab eo factum est, in mores, & exemplum transferre debeamus. Si tamen in Bethleem proficisci, ibique per aliquod tempus in agro lititare jam cogitaverat, nec mentitus est, nec Jonathæ auctor fuit mentienti, cum ab eo poposcit, ut se in Bethleem profectum diceret. Cæterum, ne Abimelech quidem ipsi perniciose mentitus fuit, etsi mendacium ejus secuta sit horrenda Sacerdotum strages: quia eventum hunc haud poterat suspicari: quamquam nonnihil forte peccaverat contra prudentiam, postulando coram Doeg, quæ sibi necessaria erant.

Ad 4. Sudent, ait hic Calmetus, Interpretes, ut Elisæum absolvant a mendacio: absolvetur sane, si supponatur cum patriæ hostibus stratagemate quodam bellico usus esse, juxta tritum id: *Delus, an virtus, quis in hoste requirit.* Adde, quod Elisæi verba ironiam manifeste sapiunt. Siquidem loquebatur ad milites ea percussis specie eccitatis, quam Græci vocant: *non vifionem*, & ex qua fiebat, non ut nihil viderent, sed ut objecta aliter perciperent, quam essent in se ipsis. Unde id: *Non est hæc via*, idem est, ac istud: Numquid hic agnoscitis viam, quæ ducit in civitatem? numquid agnoscitis Dothan in civitate oculis vestris præsentem? itaque: *sequimini me*, & ostendam vobis virum, quem queritis, &c.

Ad 5. Non desuere, qui Raphaelem Angelum insinulaverint mendacii: sed absit solutio hæc procul ab ore Christiano. Multo satius fuerit humiliter confiteri, sublimia hæc, & insolita, supra intellectus nostri vires posita esse, neque ex iis quidquam colligi posse pro vulgaribus gestis, seu pro communi hominum usu, prout an. 1709. docuit Clerus Gallicanus, cum hanc damnavit propositionem: *Patriarchæ, & Prophætæ, Angeli, ipse Christus, nedum viri iusti, & sancti, æquivocationibus, sive amphibologiis, & restrictionibus mentalibus usi sunt.* Interim conjici potest Raphaelem induisse personam Azariæ; quemadmodum censent multi unitum fuisse Dei Verbum Angelo, qui ad Moysen loquebatur. Paulo aliter extricant se alii ab ista difficultate. Adi, si vacat, Nai. Alexandrum ad 8. Decalogi præceptum, art. 2.

Ad 6. Laudatur Judith, ait S. Thomas 2.2.q. 110. art. 3. ad 3. *non quia mentita est Holoferni, sed propter affectum, quem habuit ad salutem populi, pro qua periculis se exposuit. Quamvis etiam dici possit, quod verba ejus veritatem habent secundum aliquem mysticum intellectum.* Ut ut est de mystico hoc intellectu, quem non reïerat S. Doctor, satis convenit inter eruditios Judith nonnisi venialiter peccasse mentiundo. Ait quidem, se a Domino missam esse: sed quidni præmissis oratione serventi, & jejunio, senserit se divinitus inspiratam ad opus, quod mulier sine speciali Dei ope aggredi non potuit, multo minus perficere? Ait rursus cogitasse Judæos impendere sancta Domini Dei sui, quæ præcepit Deus non contingi, in frumento, vino, & oleo, quæ nec manibus deberent contingere. Verum, ut monet hic Sylvius? bene credibile est, quod deliberationem præmaturam de comedendis illis, quæ alias erant illicita, vere insinuerant Beibulienfes, saltem aliqui, & plurimi forte, qui nimirum, aut majori necessitate premebantur, aut non tam patientes erant, quam ceteri.

Ad 7. Sensus Amos est, cum nec prophetafse usquam, nec a parentibus effor-



efformatum esse, & quasi præparatum ad Prophetici spiritus receptionem, cum eum ex improvviso tulit Deus e grege, & dixit ei: *Vade, Propheta, ad populum meum Israël.* Ibi autem quid, vel specietenus ad verum veritatem?

Ad 8. Loquitur Michæas humano more, & patrem imitatur, qui imminetia filio corrupto mala prospiciens, & prædicens, paterno amore commotus exclamat: *Utinam mendacium loquerer!* utinam non eveniant, quæ prædixi tibi!

Ad 9. Duplex est apud Catholicos, sicut & apud Protestantem expositio verborum Apostoli. Alii censent eum ironice locutum, ut sensus sit: *Nesciebam Pontificem esse*, sed potius pro tyranno habebam hominem, qui nedum jus mihi faciat, contra fas omne juber me ignominiose cædi. Ita inter alios Calvinus hic, ubi pro se citat Augustinum; ita, & nauseosus declamator \* Petrus Rival. Addunt aliqui Paulum ita loqui potuisse, quia jam extincto legali Sacerdotio, debuerant & Sacerdotes extingui.

Verum communior Interpretum opinio censet reipsa ignotum fuisse Pauli summum Sacerdotem; tum quia tunc temporis ob exiles admodum causas mutabantur Summi Sacerdotes; ita ut Ananiam, de quo agitur nonnisi tres menses Sacerdotium gessisse scribat Josephus L. 20. Antiquitat. cap. 8. tum quia Paulus a septem solum, aut octo diebus redierat Jerosolymam, ibique tot distentus erat negotiis, seu cum Apostolis conferendo, seu suæ, aliorumque quatuor Nazaræorum purificationi vacando, ut facile potuerit non videre summum Pontificem, cujus aliunde conspectum non ambiebat ardentem, sed potius reformidabat.

Quod autem objicitur fieri vix posse, ut eum non cognoverit, seu ex vestitu, seu ex loco, quem tenebat in concessu; nihil habet solidæ difficultatis; tum quia, ut post Cajetanum notat Fromondus, non gerebat Pontifex extra templum vestes ab aliorum vestibus distinctas; tum quia cum ageretur conventus non in Curia ordinaria, quo Sanhedrin convenire solebat, sed vel in domo castris vicina, vel forte in ædibus Tribuni, qui de Judæorum gradu, & ordine parum laborabat, probabilissimum est unumquemque primam, quæ sibi obtigit, sedem occupasse. Adde, quod, vel ex ipsa flagitiosa Ananiæ agendi ratione, quæ Principem Senatus enormiter dedecet, potuerit Paulus concludere, eum nequitiam esse supremum Sacerdotem. Atque id, & vix aliud indicat, tum responsio Pauli, tum sententia, qua eam confirmat, probatio: *Nesciebam, Fratres, quia Princeps est Sacerdotum. Scriptum est enim Exod. 22. Principem populi tui non maledices.*

Alias objectiones, quæ in æquivocationum mendaciis affinium gratiam ex Scriptura erui solent, excussimus T. 1. ubi de Juramento.

Ad 10. Chrysostomus, & Hieronymus circa eam quæstionis partem; in qua *doctissimi fatigantur*, errare potuerunt; neque eorum auctoritas auctoritati Pairum cæterorum, tot præsertim divinæ legis textibus munitæ præponi potest. Benigne tamen Hieronymum explicat S. Thomas 2. 2. q. 111. art. 1. ad 2. quem sequere, si potes.

Ad 11. una sufficit nobis Apostoli responsio: *non sunt facienda mala, ut eveniant bona.* Durum quidem est vitam amittere, sed durius offendere Deum. Interim, quæ pudicitiam mendacio redimere non vult, mirum, si dum ex tam puro Dei amore stuprum patitur invita, adeo desecratur, ut intus delectetur actione nefaria.

Tournely Theol. Moral. Tom. III.

M m 3

Obj.

\* Dissertations Historiques, & Critiques sur divers sujets par Pierre Rival, Châtelain de Sa Majesté Britannique, &c. A Amsterdam, & à Londres 1726. *Traité* p. 24.

Obj. contra secundam Conclusionem: 1. illud Psalm. 5. *Pordes omnes qui loquuntur mendacium*; quod August. Lib. de mendacio n. 6. negat *exceptis aliquibus mentientibus posse intelligi*, & quod proinde ad omnes prorsus, qui mentiuntur, extendi vult; 2. id quod idem S. Aug. docet Lib. contra mendac. cap. 5. num. 8. nimirum mortaliter delinquere, qui mentitur, *ut ab errore, ac furore hæreseos liberet homines*: si enim in hoc casu lethali peccatur, a fortiori in cæteris.

R. ad 1. Prophetam Regem de iis solum loqui, qui perniciose mentiuntur, aliqui juxta eum perderetur omnis homo, quia juxta eum *omnis homo mendax*, idest, vel a veritate, vel in aliquo pari genere deficiens. Quod autem perditionem hanc a Psalte prædictam extendit Augustinus ad quoslibet mentiens, nihil nobis officit: quia juxta S. Doctorem incurritur perditio hæc ab iis, qui seu grave, seu leve animæ suæ nocumentum inferunt: profecto autem quisquis mentitur, animæ suæ nocet: imo si assuecat mentiri, parat sibi perditionem omnimodam, quia levia peccata disponunt ad graviora, & sic ad æternam damnationem; juxta id Eccl. 7. *Noli velle mentiri, omne*, idest ullum mendacium: *assiduitas enim illius non est bona*.

R. ad 2. neg. ant. Non enim simpliciter docet Augustinus mortaliter peccari ab iis, qui mentiuntur, ut hæreticos liberet ab errore; sed, qui mentiuntur fingendo se præter esse hæreticos: quisquis autem sic agit, Augustino graviter reus videtur, nec immerito: quia *latens videt vera*, & *volens loquitur falsa* in materia fidei. Semper ergo, frater Consenti, ait S. Doctor ibid. n. 10. *in talibus causis cum timore recolendum est istud* Matt. 10. *Quicumque me negaverit coram hominibus, negabo eum coram Patre meo, qui in cælis est. An vero Christum coram hominibus non negat, qui coram Priscillianistis negat*, ut eos latentes blasphemum mendacium nudet, & capiat? *Quis dubitat, negari Christum, cum sicuti est verus, ita non esse dicitur*; & sicut eum Priscillianista credit, ita esse dicitur.

An, ut quibusdam placet, existimaverit Magister sententiarum, mendacium quodcumque in viris perfectis esse mortiferum, pœnes lectorem judicium esto: en verba ejus lib. 3. dist. 38. *Hæc duo genera mendaciorum, jocosum scilicet, & officiosum, non sunt sine culpa, sed non cum magna. Perfectis vero non convenit mentiri, nec etiam pro temporali vita aliquid, ne pro corpore alterius animam suam occidant*. Hæc utique non minus ad sensum verum flecti possunt, quam, quæ ex Augustino paulo ante objiciebantur.

#### Corollaria:

Ex his colliges 1. nullam esse occasionem, in qua liceat mentiri; unde peccat, qui mendacium confingit, ut detegat hæreticos; ut reparat detractionem veri criminis detectione commissam; ut castitatem, aut vitam suam servet; ut servet vitam, vel infantis sine baptismo morituri, vel innocentis ad mortem quæsitum. Dicat igitur in postremo hoc casu: *Nec prodam, quem quæritis, nec mentiar*. Ita Augustinus ibid. cap. 13. Vide pluribus de his differentem Nat. Alexandrum hic Reg. 6. 7. 8. 9. & 10.

Colliges 2. mendacium eo esse gravius, quò gravius non veritati solum, sed & charitati, aut justitiæ adversatur. Hinc graviter peccant. 1. Theologi, Casuistæ, Jurisperiti, Medici, & similes, qui seu in fide, seu in materia morum, seu in interpretandis legibus aliquid docent, unde grave immi-

imminent proximo nocumentum temporale, aut spirituale: nec ulla in fide, aut moribus exculare potest levitas materiæ.

2. Qui in Concionibus sacris, vel potius sacrilegis, annuntiant falsa miracula, fidas indulgentias, aut reliquias. Item, qui Sanctis, quorum præcones sunt, imaginarias dotes attribuunt: tum quia sic religionem, religionisque heroes exponunt ludibrio; tum quia graviter indecens est, ut qui funguntur legatione pro Christo, ejusque vices, & personam gerunt, non loquantur *quæcumque vera, quæcumque sancta*. Unde August. Lib. de mendacio c. 21. n. 42. *Non est mentiendum in doctrina pietatis: magnum enim scelus est, & primum genus detestabilis mendacii*. Vide, quæ dixi ubi de Fide pag. 187. & seq.

3. Qui in confessione, vel falsum sibi crimen imponunt, quod rarum est, vel res sic imminuunt, ut ex lethali peccato faciant veniale. Aliud esset, si ex quadam simplicitate dicant, se quid pluries fecisse, quam fecerint, quia verentur, ne non dicant satis. Item, ait Henno, si decipiant circa circumstantiam solum levem, & aliunde habeatur sufficiens materia confessionis. Sed de hoc alibi.

Colliges 3. simulationem, hypocrisim, adulationem, & jactantiam, totidem esse peccata; quia vel mendacia sunt, vel includunt mendacium. Haud tamen æqualis sunt deformitatis: cum non æqualiter offendant Deum; aut æqualiter proximo noceant, vel Reipublicæ. Quod, ut pateat magis, juvat hic paulisper immorari. Itaque

Simulatio est mendacium facti, seu fictio, qua quis per aliqua signa rerum, aut factorum exprimit, & significat contrarium ejus, quod habet in mente; ut dum, qui intus ardet odio, exterius amicitiam exhibet. Simulatio sic proprie sumpta semper est peccatum, & mortale, quoties proximus inique decipitur in re gravi. Sic lethaliter peccavit Abialon, cum patris sui ruinam, populi que rebellionem meditans, finxit ire se in Hebron, ut offerret sacrificium Domino. 2. Reg. 15.

Nec nocet, quod Josue habitatores urbis Hai deciperit inculpate, metum, & fugam simulando: quodque Christus ipse Luc. ult. *finxit se longius ire*. Josue enim nihil aliud fecit, quam, quod Ducibus licitum est in bello; Christus vero *finxit se longius ire*, idest composuit se, quasi ulterius perrecturus esset, partim ut provocaret alios ad exercendam erga se hospitalitatem, partim ut revera pergeret, si eum non retineret. Utrumque autem sine mendacio fieri potest. Ita Jansenius.

Hypocrisis est alienæ personæ assumptio, seu species simulationis, qua quis factis, verbisve, aut utrisque simul, exterius fingit sanctitatem, quam reipsa non habet. Grave est peccatum hypocrisis, cum quis sanctitatem contemnit, aut eam simulat: *ut falsam doctrinam disseminet, vel ut adipiscatur Ecclesiasticam dignitatem indignus, vel quæcumque alia temporalia bona, in quibus finem constituit*. Ita S. Thomas ibid. art. 4. Atque id indicat repetitum illud Christi: *Va vobis hypocritæ*; & lixæ 9. *Omnis hypocrita est, & nequam*. Unde Eccl. 1. v. 37. dicitur: *Ne fueris hypocrita in conspectu hominum*.

Non omnis tamen, ait Sylvius 2. 2. q. 111. art. 2. qui sanctitate caret, etiam si alium de peccatis reprehendat, nec omnis, qui sua peccata occultat, ne alios scandalizet, hypocrita est dicendus; sed is demum, qui eo sine sanctitatem simulat, ut quam non habet, habere videatur. Vide, quæ dixi in Traß. de Peccatis, part. 2. cap. 4. art. 1.

Adulatio, qua quis erga proximum excedit in laude, vel complacentia semper est peccatum; quia ut ait Hieronymus Epist. ad Celantiam, quam adscribunt aliqui S. Paulino Nolano Episcopo, *nihil est, quod tam facile corrumpat mentes hominum; nihil, quod tam dulci, & molli vulnere animum feriat: unde & quidam Sapiens ait: Verba adulatorum mollia, feriunt autem interiora ventris: & Dominus loquitur per Prophetam: Popule meus, qui beatificavit vos, seducunt vos, & semitas pedum vestrorum. In multis isto maxime tempore regnat hoc vitium, quodque est gravissimum, humilitatis, ac benevolentiae loco ducitur. Eo fit, ut qui adulari nescit, aut invidus, aut superbus putetur. Concinit Augustinus Enarrat. in Psal. 69. ubi sic: Duo sunt genera persecutorum, visuperantium, & adulantium. Plus persequitur lingua adulatoris, quam manus interfectoris. Unde palam agebat Job c. 27. Absit a me, ut iustus vos esse iudicem: donec deficiam non recedam ab innocentia mea. Siquidem, ait S. Greg. Lib. 18. Moral. cap. 4. Ad innocentia recederet, si bona de malis aestimaret.*

Haud tamen omnis adulatio peccatum est mortale, sed tunc solum ait S. Thomas 2. 2. q. 115. art. 2. cum charitati graviter contrariatur. Id autem fieri potest tripliciter: Uno modo ratione ipsius materiae; puta cum aliquis laudat alicujus peccatum mortale. Alio modo ratione intentionis, puta, cum alicui adulatur ad hoc, quod fraudulentè ei noceat, vel corporaliter, vel spiritualiter; & hoc etiam est peccatum mortale; & de hoc habetur Prov. 27. Meliora sunt vulnera diligentis, quam fraudulenta oscula odientis. Tercio modo per occasionem; sicut cum laus adulatoris sit alteri occasio peccandi, etiam præter adulatoris intentionem. Et in hoc considerare oportet, utrum sit occasio data, vel accepta, & qualis ruina subsequatur, aut sublecutura prævideri potuerit.

Quod si aliquis ex sola aviditate delectandi alios, vel etiam ad evitandum aliquid malum, vel consequendum aliquid in necessitate, alicui adulatus fuerit, non est contra charitatem, prout contra, dicit destruere charitatem. Unde non est peccatum mortale, sed veniale. Imo si aliquis aliquem vellet delectare laudando, ut ex hoc eum consoletur, ne in tribulationibus deficiat, vel etiam, ut in bono proficere studeat, aliis debilis circumstantiis observatis, pertinebit hoc ad virtutem amicitiae. Ita idem S. Thomas ibid. art. 1. Ea de re utiliter legeris Librum, cui titulus: *Deux traités l'un de la flaterie, & des louanges, l'autre de la médisance*, Paris. apud Robustel 1701. Vide & Nar. Alexandram hic Reg. 17.

Jactantia est species mendacii, quo quis exterius se effert supra id, quod in ipso est. Hæc utique peccatum est, non tamen semper lethale, prout jam dixi in Tractatu de Peccatis, ubi supra.

Ad simulationem reducitur ironia, quæ non sumitur hic pro figurata locutione, qua aliquid irrisorie exprimitur per contrarium; sed pro ea mendacii specie, qua quis vol de se affirmat aliquid mali, cujus sibi conscius non est, vel de se magni quid negat, quod in se recognoscit. Ironia, & jactantia circa idem mentiuntur, vel verbis, vel quibuscumque exterioribus signis, scilicet circa conditionem personæ: unde quantum ad hoc æqualia sunt. Sed ut plurimum jactantia ex turpiori motivo procedit .... & secundum hoc . . . . jactantia est gravius peccatum, quam ironia. Contingit tamen quandoque, quod aliquis minor de se fingit ex aliquo alio motivo, puta ad dolose decipiendum, & secundum id Eccli. 19. v. 23. Est, qui nequit se humiliat, & interiora ejus plena sunt dolo: & tunc ironia est gravior. Ita S. Thomas ibid. q. 113. art. 2.

Dices ex S. Gregorio in Epist. ad Augustinum Angliæ Apostolum, inter-

rog-

rog. 10. *Bonarum mentium est suas ibi culpas agnoscere, ubi culpa non est: ergo ironia non est peccatum.*

R. neg. conseq. Ut enim ait S. Thomas ibid. art. 1. ad 2. *equidem ad bonitatem mentis pertinet, ut homo ad iustitiæ perfectionem tendat; & ideo in culpam reputat non solum si deficiat a communi iustitia, quod vere culpa est; sed etiam si deficiat a iustitiæ perfectione, quod culpa non est: non autem culpam dicit, quod pro culpa non recognoscit, quod ad ironiæ mendacium pertineret, secundum id S. Augustini Serm. 182. alias 19. de verb. Domini: Cum humilitatis causa mentiris, si non eras peccator antequam mentireris, mentiendo efficeris. nam quomodo est humilitas, ubi regnat falsitas?*

Quæres, an veritatis amor exigit, ut homo homini patefaciat, quidquid habet in animo, vel quidquid cognoscit veri. Videtur, quod sic, quia veritas, seu veracitas, ex S. Thoma 2. 2. q. 109. art. 3. ad 3. est *Habitus quo aliquis in vita, & sermone talem se demonstrat, qualis est.* Nihilominus

R. negat. Aliud enim est *mentiiri*, ait S. Aug. in Psalm. 5. *aliud verum occultare: siquidem aliud est falsum dicere, aliud verum tacere.* Quin, & duo hæc eo usque differunt, ut vituperio dignus sit, qui falsum loquitur, ne amicum prodatur; contra vero dignus sit laude, qui ut amicum servet, veri quid suppressit. Hinc ait Scriptura Prov. 29. v. 11. *Totum spiritum suum proferit stultus; sapiens differt, & reservat imperium.* Quapropter, ut actus veritatis ad virtutem pertineant, oportet, ut & tunc, & sic manifestetur veritas, quando, & quomodo rectæ rationi est consentaneum: & eo sensu definitionem S. Thomæ intelligit Sylvius ibid. art. 1. Et vero præceptum veri dicendi affirmativum est; & proinde non obligat *semper, & pro semper*, sed tunc solum cum exigit ordo virtutis. Quoniam vero materia hæc non nullius est momenti, idcirco quibusdam regulis explicanda est. Sit ergo

Regula I. Homo veritatem sibi notam occultare debet, quoties ex ejus manifestatione gravior, quam ex ejusdem reticentia sequetur Dei, suive, aut proximi injuria. Ratio est, quia exigit naturalis æquitas, ut homo nec Deo, nec sibi, aut proximo gratis noceat; aut saltem, ut malum, quod prævidetur per accidens ex actione sua secuturum, majori bono compensetur. Unde S. Gregorius Mag. Pastor part. 3. c. xi. *Laudandi sunt, inquit, simplices, quod studeant nunquam falsa dicere; sed admonendi sunt, ut noverint nonnunquam vera reticere: sicut enim semper dicentem falsitas læsit, ita nonnunquam quibusdam audita vera nocuerunt.*

Hinc 1. occultanda est veritas cœlestis, seu cum prævidetur ab auditoribus deridenda, secundum id Christi apud Matth. 7. v. 6. *Nolite dare sanctum canibus, neque mittatis margaritas vestras ante porcos;* seu cum auditorum captum excedit; qua de causa ajebar Salvator Joan. 16. v. 12. *Multa habeo vobis dicere, sed non potestis portare modo;* seu demum cum ex aperta veritatis prædicatione prævidetur tumultus, divino honori, & saluti populorum perinde exitiosi. Hinc S. Thomas 2. 2. q. 3. art. 2. ad 3. *Si, inquit, turbatio infidelium oriatur de confessione fidei manifesta, absque aliqua utilitate fidei, vel fidelium, non est laudabile in tali casu fidem publice confiteri. Sed si utilitas fidei aliqua speretur, aut necessitas adsit, contempta perturbatione infidelium debet homo publice fidem confiteri.* Unde Matth. 15. dicitur, *quod cum discipuli dixissent Domino, quod Pharisei audito ejus verbo scandalizati sunt, Dominus respondit: Sinite illos, scilicet turbari: cæci sunt, ducer cæcorum.* Unde satis sequitur, Deum multo plus invenire boni in aliquot hominum

con-

conversione, quam inveniat mali in permissione iniqui aliorum scandali; imo permissionem hanc pro tunc nihil habere mali.

Hinc 2. occultare veritatem debet, qui eam detegendo, sibi gratis noceret: sic dicere potuit, & debuit Samuel senioribus Berthlem, se venisse ad immolandum Domino, & reticere se, & magis venisse ad ungendum David in Regem; quia secundæ hujus veritatis evulgatio boni nihil peperisset, mali plurimum. Pari de causa, qui initas contra hostem molitiones compertas habet, proditor est, & ut talis graviter delinquit, si easdem revelet.

Quod si non agitur de injuria proprie dicta, sed de damno, quod quis pati potest sine cujuspiam præjudicio, tunc potest is veritatem detegere, sed non tenetur. Sic mercator, qui novit brevi futuram mercium copiam, aut penuriam, potest suum sibi secretum servare; ut diximus Tom. 1. Sic medicus, aliisque quilibet, qui arcanam morbi propellendi, aut rei alterius efficiendæ rationem callet, haud tenetur illud spargere in vulgus, nisi id exigat bonum universale.

Hinc 3. veritatem suppressere debet, qui eandem sine iniqua tertii denigrationem pandere non potest, juxta id Prov. 4. *Remove a te os pravum, & detrahentia labia sunt procul a te.* Idem est de eo, qui loquendo proderet secretum, quod sine cujusquam præjudicio servare potest; contra id Prov. 25. *Secretum extrahere ne reveles, & cap. 11. Qui ambulat fraudulenter, revelat arcana; qui autem fidelis est animi, velat amici commissum.*

Regula II. Manifestanda est veritas, quoties id exigit rectus ordo. Exigit autem 1. cum ex veritatis manifestatione virtus crescit, & roboratur, aut ex ejusdem suppressione immutatio paritur; 2. cum eam pandi præcipiunt politici, aut Ecclesiastici Superiores absque ullo suæ potestatis abusu; 3. cum est e bono Ecclesiæ, aut Reipublice veritatem palam efferris; ut si aliqui imminet periculum hæresis, occulta contra Principem machinatio, nec contra Principem solum, sed & contra innocentes, quos a nefariorum artibus servari exigit commune bonum; unde si nova Susanna honoris, aut vitæ dispendium incurrit, novum ei Danielem præsto esse oportebit; 4. cum quis juridice interrogatur, seu intra, seu extra forum conscientie, de quo paulo post. In his porro casibus remoto procul æquivocationum, aut restrictionum mentalium usu, quisque ita sincerum se, & candidum exhibere debet, ut nec unguem recedat a veritate, secundum id Zachariæ 8. v. 19. *Veritatem tantum, & pacem diligite.*

## ARTICULUS SECUNDUS.

### *De interna proximi diffamatione.*

Constat apud omnes octavo præcepto non prohiberi solum externam contra proximum locutionem, sed & internam, quæ fit inique, & sinistre de eodem cogitando. Potest autem alius de alio sinistre cogitare per dubium, suspensionem, opinionem, & temerarium judicium. Quæ omnia, quoniam materia frequens est, & gravis, accurate evolvere conabimur.

Dubitatio est suspensio animi assensum inter, & dissensum; seu hæsitatio intellectus, non magis declinantis in unam partem, quam in aliam.

Suspicio est propensio; seu inclinatio mentis ad assentiendum uni parti potius, quam alteri, ita ut tamen mens nondum plene, & absolute assentiat; quia licet videat, aut videre credat aliquam veri speciem, in

una

una parte sublucentem, non in altera, nihil tamen percipit, quo ad plenum, & absolutum iudicium conducatur.

Opinio est verus assensus, sed non ita firmus, ut excludat formidinem errandi; seu est determinatum iudicium de veritate unius partis, cum-formidine de contrario.

Judicium est assensus fixus, & firmus, adeoque omnem errandi formidinem excludens. Omnia hæc uno eodemque patefient exemplo. Videt Titius Petrum, nescio quid insusurrare auribus Joannis, non magis iudicat eos de se fausta, quam infausa loqui; en dubitatio. Paulo post propendet; ut credat eos contra se mali quid effutire, necdum tamen id iudicat; en suspicio. Iudicat subinde eos de se male loqui, quamquam, & sentit se posse falli; en opinio. Denique certo pronuntiat intus, se totam colloqui materiam esse; en iudicium. Hæc autem omnia respective temeraria erunt, si nitantur indiciis, quæ non sufficiant ad fundandum dubium, suspensionem; &c. unde temerarie dubitat, qui voluntarie suspendit assensum de bona proximi actione; cum argumenta bonitatis hujus-fatis gravia habet, ut positive consentiat. Pari de causa temerarie suspicatur, aut iudicat, qui progreditur ultra, quam permittat gravitas motivorum, quibus ad suspicandum, vel iudicandum determinatur.

Si quæras, quæ indicia levia, quæ gravia censeri debeant: Respondet Sylvius 2. 2. q. 60. art. 3. quæsit. 3. levia esse indicia, quæ habita ratione facti, personæ, loci, temporis, cæterarumque circumstantiarum, non sufficiunt, ut vir prudens moveatur ad sic dubitandum, suspicandum, opinandumve, aut iudicandum de proximo. Unde econtra gravia reputari debent, quæ virum prudentem moverent ad sic, vel sic iudicandum. Sic, si videas hominem, qui nocte, & clanculum alienas ædes perforat, aut per fenestras ascendit, habes sufficienter, unde iudices eum furtum; aut mali quidpiam animo meditari: secus si hæc ab eo plena luce, & coram omnibus fieri videas. Pariter si videris juvenem, & adolescentulam, vel nocte, vel in obscuro loco petulanter se amplexantes, quos tamen nosti non esse sponfos; grave habes argumentum mali: secus, si eos videris secreto quidem, sed honeste, & in loco parenti colloquentes. Sic demum minora sufficiunt indicia, ut malum imputas, v. g. ebrietatem ei, quæ ebrietatis consuetudinem habet, quam, ut alteri: similiter si persona, quæ alterius actionem refert, sit proba, nec assueta detrahère de aliis, aut incerta pro certis spargere, aliunde vero nihil sit inter utramque odii, & simultatis; grave indicium est, commissum fuisse id, quod refertur, si referatur de vulgari quopiam, qui simile quid operari idoneus sit. Si vero alter ille, de quo delictum narratur, sit etiam persona probitate, & integris moribus commendata; jam viri etiam honesti testimonium non sufficit, ut iudices, imò nec, ut opineris; sed sufficere poterit, ut dubites, & intus dicas: Forte fecit, quia alioquin talis non assereret; forte non fecit, quia vir est bonæ frugis, & potest alter decipi. Ratio est, quia motiva, quæ ad iudicium non sufficiunt, satis esse possunt ad opinionem, sicut, quæ ad opinionem, aut suspensionem satis non sunt, sufficere possunt ad dubitationem. Eadem verbis paulo mutatis tradit Nat. Alexander hic Reg. 18.

Hinc colliges cum eodem Sylvio, famam de peccato alterius quandoque excusare a temeritate suspensionis, aut iudicii, quandoque non. Excusabit, si fama hæc auctorem habeat certum, dignum fide, & qui nihil nisi undecumque probabile retulerit: secus, si nullo certo nitatur auctore, aut certo quidem, sed levi, & qui fidem non mereatur.

Cæ.

Cœterum caute in hac materia notandum est, aliud esse iudicium de opere, aliud de persona. Audit, quis v. g. alios scurrilia loquentes, & ex inscitia credens actum hunc esse secundum se peccatum mortale, iudicat eos, qui hæc locuti sunt, peccasse mortaliter. *Non incurris is*, ait Cajetanus, *peccatum iudicii temerarii, de quo est communis sermo; quoniam non iudicat personam, sed opus, nec errat in iudicio personali, sed in iudicio rerum. Tunc autem temerarie iudicaret, quando esset iudicium personale, ita, quod ex parte intentionis, seu animi loquentium iudicaret eos peccare mortaliter; audeus definire in actibus dubiis, aut venialibus intentionem mortalem, id est huiusmodi collocutores pessime esse affectos, nihil salutem suam curare, &c. & tunc gravius adhuc peccatum erit, & detractionis malitia cumulatam, si iudicium ipse suum, aut pravam, quam animo concepit, suspicionem aliis aperiat. Itaque, ait Cajetanus v. iudicium temerarium, Tu director memento discernere inter iudicium operis, & iudicium personæ. Hanc Cajetani doctrinam, ut sapientem laudat, & probat Comitulus Lib. 4. q. 46. n. 9. eique suffragator Nat. Alexander ibid. His præmissis, ut a notioribus progrediamur ad minus nota, sit*

## S E C T I O P R I M A.

## De Iudicio temerario.

**C**ONCLUSIO I. Iudicium temerarium est peccatum mortale, idque contra iustitiam, quoties est notabiliter temerarium, vere voluntarium, & in materia gravi.

Prob. 1. ex Scriptura. Luc. 6. *Nolite iudicare, & non iudicabimini; nolite condemnare, & non condemnabimini*; ergo, qui grave contra proximos iudicium rulerint, graviter condemnabuntur. In qua enim mensura mensi fueritis, remetietur vobis.

Rom. 14. *Tu, quis es, qui iudicas alienum servum? Domino suo fiat, aut cadit.* I. Cor. 4. *Nolite ante tempus iudicare, quoadusque veniat Dominus, qui & illuminabit abscondita tenebrarum, & manifestabit consilia cordium.* Jacobi 4. *Qui iudicat fratrem suum, detrahit legi, & iudicat legem, seu damnat legem quasi injustam, & quæ inique spoliât hominem jure, quod sibi inesse credit, de fratre suo iudicandi.* Unde sic: Posita gravi materia grave est peccatum, quo usurpatur jus iudicandi servum alterius; quo prævenitur dies, seu iudicium Domini; quo denique lex Dei quasi iniqua redarguitur: atque per iudicium temerarium usurpatur jus, &c. ergo.

Prob. 2. Peccatum, quod gravem proximo injuriam infert, iustitiam mortaliter lædit: atque tale est iudicium temerarium: tum, quia lædit jus, quod quisque habet, ne reputetur malus, quamdiu non probatur sufficienter talis; tum quia sicut graviter nocet ei, quem apud aliam infamas, sic ei graviter nocet, cum eundem infamas apud te ipsum.

Idem docent SS. Patres, quorum de more longam adducit seriem Nat. Alexander ubi supra. Sufficiet nobis S. Cæsarius Arelatensis Serm. 26. in Augustiniana Appendice 66. hæc ille: *In his rebus periculose alios iudicamus, quæ dubium est, utrum bono, an malo animo fiant, id est jejunare, vigilare, elemosynas facere, a vino, & a carnibus abstinere, vel non abstinere, & reliqua huiusmodi similia, quæ pro Deo, & pro humana gloria fieri possunt. Et quia ignoramus, quo animo fiant, iudicare penitus non debemus in malum. Propterea dixit Dominus*

No:



Nolite judicare, &c. *Hæc si observare volumus, non de parvo peccato cum Dei adjutorio liberamur: maxima enim pars generis humani indiscretio judicio ad reprehendum prompta; & parata esse probatur; cum tamen non ita se velit ut aliis judicari, quomodo vult alios judicare; ergo judicium temerarium pro parvo peccato haberi non potest. Merito igitur S. Thomas 2. 2. q. 60. art. 3. Cum aliquis, inquit; pro certo malitiam alterius æstimat ex levibus indiciis .. hoc si sit de aliquo gravi, est peccatum mortale, in quantum non est sine contemptu proximi.*

Dixi 1. *quoties est notabiliter temerarium, id est quoties motiva, quibus innititur, notabiliter distant ab iis, quæ necessaria forent viro prudenti, ut is idem, quod tu fers, judicium ferret. Quod si motiva, ex quibus hoc, vel illud judicium tulisti, parum distant a sufficientibus, veniale erit peccatum, pro ut levis fuerit temeritas: imo poteris falsum judicare, nec tamen judicare temerarie, secundum id S. Thomæ quodlib. 12. art. 34. Judicium de personis licet quandoque sit falsum, non tamen semper est peccatum, nisi quando est omnino temerarium.* Sic judicare potes hominem ebriosum, sua hodie, ut semper culpa ebrium esse; tamen si fieri absolute potest, ut alterius dolo inebriatus fuerit.

Dixi 2. *quoties est vere voluntarium, seu, ut loquitur Nat. Alexander, omnino deliberatum, & perfectum. Unde si judices ex sola mentis promptitudine absque ullo deliberato voluntatis consensu, nullum erit peccatum: tunc enim non tam erit judicium, quam repentina cogitatio in mentem insiliens, quæ statim, ut propius considerari incipit, rejici solet; & circa quam interrogatus, quis, an certo credat de proximo; id quod statim de eodem cogitavit, sæpius responderet se, nec credere certo, nec credere velle. Unde Confessarius non statim mortalis peccati reos existimabit tot homines, qui verentur, ne temere judicaverint de proximo; verum, ut monent Sylvius Decoq, & alii passim, considerabit statum, & dispositionem poenitentis. Si poenitens curam habet propriæ salutis, si timoræ sit conscientiæ, & credit se non fuisse consensurum malæ cogitationi, si cum hæc irrui, advertisset ipsam esse temerariam, regulariter non erit metuendum de mortali, tamen si diu perduraverit cogitatio: & hæc regula habet etiam locum in timoratis, qui variis circa fidem, & castitatem cogitationibus, & tentationibus affliguntur. Si vero poenitens non ita sit de salute sua sollicitus, sed aliorum vitam carpere solet, & in eam inquirere, ut faciunt devotæ quædam speciem habentes pietatis, tunc indubio, an prævæ cogitationi consenserit, semper debet scrupulum de mortali, ideoque rem totam confiteri ad minus, ut dubium mortale. Quod si cuipiam suum de alio sensum maligne patefecerit, jam duplici peccavit nomine, 1. quia sic utcumque consensum suum firmavit: 2. quia plerumque imprudenti hac agendi ratione peiorem de proximo ideam iniecit in aliorum animo, quam haberet ipse.*

Dixi 3. *in materia gravi.* Gravis porro censetur materia, 1. peccatum mortale, quia quisquis hujus reus esse indicatur, judicatur esse apud Deum infamis, utpote Dei inimicus. Excusant tamen Sylvius, alique non ignobiles Theologi, a gravi peccato eos, qui ex parvis indiciis judicant hominem ebriosum, esse ebrium; juvenem lascivum, & perditum, qui cum puella loquitur procaci modo, eandem sollicitare ad malum, militem ad duellum provocasse, aut illud accepisse. Hæc tamen limitatio (quam, & prætermisit Nat. Alexander, etsi reliquam Sylvii decitionem, tacito nihilominus ejusdem nomine, adoptavit) mihi non uno ex capite difficilis videtur, ob rationes allatas in Tract. de Justitia, part. 3. alias 3. cap. 3. art. 1.

2. Peccatum etiam veniale; cum per iudicium mentis affingitur alicui, de cujus estimatione multum detrahatur, attentis personæ statu, & qualitate; ut si iudices Sacerdotem, vel Religiosum ex consuetudine mentiri, sacros ritus, aut Regulares observantias negligere, Horarum penso fungi perfunctorie, & leviter, ludo magis, quam studiis indulgere; Sanctionalem mundiciam vestium ad inanem gloriam affectare, vanos in locutorio, cum sæcularibus miscere sermones, Libros nugis, & vanitate refertos piis objectis perlegere, &c.

3. Quin, & gravis materia esse potest, id quod licet non sit in se peccatum, graviter tamen lædit honorem proximi, ejusque, si pervulgatum esset, famam deterreret notabiliter: ut si temere iudices virum honesti, ac catholici parentibus natum, spurium esse, vel a Judæis progenitum; & ob id ipsum contemnas, aut officiis, vel honoribus indignum existimes. Item si fatuum censeas illum, qui nulla dedit amentię signa, aut certe tam levia, ut sufficiens hujus iudicii motivum esse non possint. Et ratio est, tum quia dementes facile despiciamus; tum quia cum actus exterior mortale est peccatum, actus interior a quo ille procedit, est etiam peccatum mortale: atqui vocare aliquem fatuum, injuriose scilicet, & contempnibiliter, mortale est peccatum, juxta id Matth. 5. *Qui dixerit fratri suo, fatue, reus erit gehennę ignis*; ergo iudicium, a quo talis contumelia profuit, etiam est mortale. Ita Sylvius ibid. art. 3. quæst. 4. & ex parte Nat. Alexander.

Addit idem Sylvius mortaliter peccare eum, qui sciens grave aliquod crimen commissum fuisse, judicaret illud commissum esse ab aliquo hujus Monasterii, vel Communitatis, non determinando personam, sed corpus dumtaxat, cujus eam membrum esse judicet: Ita, ut ejusmodi iudicium redundet in contemptum, vel perversam estimationem Monasterii hujus, vel Communitatis.

Cum peccatum quodcumque justitię oppositum inducat obligationem restituendi, certum est, & eam ex iudicio temerario nasci debere: hanc autem adimplebit temerarie judicans, 1. quæ inique tulit iudicia interius retractando; 2. quæ sibi deinceps circa personam suborientur dubia, meliorem in partem interpretandó; de quo infra.

CONCLUSIO II. Qui temerarie de proximo opinatur in malum, licet minus peccet, quam qui temerarie judicat; mortaliter delinquit.

Prob. quia opinio licet minus firmum, verum tamen mentis iudicium includit; ergo cum quisquis de proximo temerarie judicat in materia gravi, lethaliter peccet; lethaliter peccare debet, qui male, & sine sufficienti causa de proximo opinatur.

Confirm. quia supra citati Scripturæ textus non modo firmum, & constans de proximo iudicium, sed & malum quodcumque iudicium generaliter, & indistincte proscriperunt; ergo, & illud proscriperunt genus iudicii, quod opinioni necessario inhæret. Neque enim ad grave peccatum requiritur certitudo iudicii, ut hinc patet, quod dubius in fide, mortaliter peccet, nisi excuset indeliberatio. Unde S. Thomas eadem qu. 60. art. 3. ad 2. *Ex hoc ipso, inquit, quod aliquis malam opinionem habet de alio sine causa sufficienti, indebite contemnit ipsum; & ideo injuriatur ei*; sicque committit peccatum mortale, prout docet idem S. Thomas in corp. artic.

Eo autem gravius est opinionis temerarię, sicut & temerarii iudicii peccatum, quo utrumque ex nequiori fonte procedit. Porro, ait ibid. S. Doctor, ex tribus contingit, quod male quis de proximo judicet, aut opinetur. Uno quidem modo ex hoc, quod aliquis in se malus est; & ex hoc ipso quæ-

consciis *sua* malitiæ facilius de aliis malum opinatur, secundum id *Eccles. 10.* In via stultus ambulans, cum ipse sit insipiens, omnes stultos æstimat. Alio modo provenit ex hoc, quod aliquis male afficitur ad alterum: cum enim aliquis contemnit, vel odit aliquem, aut irascitur, vel invidet ei, ex levibus signis opinatur malum de ipso; quia unusquisque facilius credit, quod appetit. Tercio modo procedit ex longa experientia: unde ... senes sunt maxime suspiciosi, quia multoties experti sunt aliorum defectus. Primæ autem duæ suspicionis causæ manifeste pertinent ad perversitatem affectus: tertia vero causa diminuit rationem, & vitium suspicionis.

## S E C T I O S E C U N D A.

De Suspicionē, &c.

**D**Uplex hic excutienda superest difficultas: prima, an criminofum sit ex levibus conjecturis de aliorum actionibus temere suspicari; secunda, an dubia proximi dicta, vel facta, quæ nimirum pro secreta ejus intentione proba esse possunt, vel improba, ita meliorem in partem interpretari necesse sit, ut qui secus fecerit, graviter delinquat.

Circa primam difficultatem varias in partes scinduntur Theologi. Alii, iuxta Comitolum \* præcipui Auctores, & omnes ferme, qui in hoc argumento versati sunt, culpam hic agnoscunt solum venialem. Ita apud eundem Theologum sentiunt SS. Augustinus, Thomas, Antoninus, Alex. Halensis, Astenfis, Joannes Tabienfis, Viguerius, Navarrus, & præcipue Cajetanus tum in 2. 2. q. 60. art. 3. tum in Summa v. *Judicium temerarium*. Hæc ille in S. Thomam: *Vide juvenem cum inhoneſta muliere euntem, & credo in mente mea illos velle peccare: atque hoc tanquam verum exiſtimans pertranſeo, vel admiror: ſumque in mente mea ita diſpoſitus, ut ſi egomet interrogarem me ipſum, an æſtimatio mea ſit apud me adeo vera, & certa, quin etiam credam, quod forte falſa eſt æſtimatio iſta: Reſponderem, quod forte falſa eſt: verum tamen mihi ſic videtur; tunc credulitas eſt firma, non ſimpliciter, ſed hæſitationi admixta. Si autem eſſem ſic diſpoſitus, ut reſponderem, quod mea æſtimatio eſt vera, & certa, ut nullus dubitationi locus ſit, tunc eſt æſſertiva determinatio; & in hoc ſolum caſu non in primo peccatum eſt mortale. Idem his verbis tradit Halenſis 2. part. Sum. q. 117. n. 4. Suspicio, inquit, cum non progreditur in ſententiam firmam, & definitivam, veniale poteſt eſſe peccatum: cum autem progreditur, eſt mortale. Cum enim homo movetur ex conjectura ad opinandum, & non plus extenditur, quam conjectura exigat, tunc dicitur humana tentatio: cum autem nimis amat ſententiam ſuam, & plus format ſibi ex malitia libidinofa voluntatis, diabolica videtur tentatio. Ubicumque igitur deest judicium firmum, & cui mens obſtinat adhæreat, ibi deest & noxa mortalis; unde hæc nec in opinione, nec in ſuſpicionē unquam reperietur. Idem tenet R. P. Boſembes Tom. 3. p. 451.*

Alii ex adverſo ſentiunt in ſuſpicionē, non ſolum prout importat opinionem, ſed etiam prout includit dubitationem mali de proximo, ſemper reperiri mortale peccatum, quoties eſt materia gravis, & deliberatio ſufficiens. Ita Sylviuſ eod. art. 3. concl. 2. & apud eum Bannes, Sayruſ, Medina, Sotuſ, alique plures, quos etiam ſequitur Henricuſ a S. Ignatio T. 2. part. 8. c. 20. aſſert. 2. his verbis: *Etiam opinio, ſuſpicio, & dubitatio temeraria, peccata ſunt ex genere ſuo mortalia (ſi notabili cum temeritate concipiuntur)*

\* Lib. 4.  
q. 46.

tur) *tametsi plerumque non sint nisi peccata venialia*. Quæ postrema limitatio pro solis timoratis apposita videtur.

Alii demum duplicem distinguunt suspensionem. Prima oritur ex errore intellectus, quo quis quædam in actioneprehendens mali signa, male de actione iudicat, quia signa hæc eidem videntur sufficientia ad ingerendam mali huius suspensionem; tametsi paratus sit suspensionem suam deponere, ubi rem melius per se, vel per alium consideraverit. Secunda non tam procedit ex errore intellectus, quam ex pravo affectu, & malevolentia erga eum, de quo quis suspicatur; ex quibus fit, ut etiamsi advertat, vel advertere possit signa hæc non esse sufficientia, velit nihilominus pergere in sua suspitione. Prima, inquit, suspitionis species, est peccatum veniale. Secunda vero mortiferum. Ita sere Lessius Lib. 2. cap. 29. dub. 3.

In hac opinio, & rerum caligine, indulgebit Deus, si quid profertur a nobis veritati minus consonum. Sit igitur

CONCLUSIO I. Suspiciari de proximo mali quidpiam, quando sunt causæ ad hoc sufficientes, nullum est peccatum. Ita Sylvius hic concl. 4.

Prob. quod licet in genere iudicii, hoc utique in genere suspitionis licitum esse debet: atqui unicuique licet iudicare malam esse proximi actionem, cum sufficientes id existimandi causas habet. Est enim iudicium istud consentaneum prudentiæ, quæ permittit; si non imperat, ut malum iudicetur quicquid sufficienter constat esse malum: ergo.

CONCLUSIO II. Qui ex malo erga proximum affectu grave de eo malum deliberat suspicatur ex levibus causis, peccat mortaliter.

Prob. 1. peccat mortaliter, qui sciens, & volens immoratur cogitationi proximo graviter injuriæ: sed, qui ex malo erga proximum affectu grave de eo malum deliberat suspicatur, is sciens, & volens immoratur cogitationi graviter injuriæ proximo. Idem enim de cæteris suspitionibus esto iudicium, ac de ea, qua virum Religiosum, qui bonum ubique nomen habet, suspicaris impudicum esse, quia jocosus quidpiam dixerit, & male in eum es affectus; atqui dum grave hoc peccatum de ipso suspicaris deliberat sciens, & volens immorari cogitationi, quæ eidem graviter est injuriæ: 1. quia agis contra jus, quod habet, ne probitas sua ob causam tam levem in dubium vocetur; & a fortiori, ne, ut in suspitione contingit, magis propendeas in condemnationem, quam in absolutionem ejus; 2. quia, si is cognosceret, quid de se cogites, haberet se graviter offensum: tuque in pari casu similia de te sentire ferres ægerime, & palam diceres, malle te non mediocri pecuniæ summa spoliari, quam tales adversum te cogitationes nutriri, ac foveri: ergo.

Prob. 2. exsupra dictis: talis est interior animi actus, qualis exterior, qui ab eo profluit: atqui actus exterior a prædicta suspitione procedens indubie mortalis esset. Si quis enim, ait Sylvius, rogaretur, an Episcopus, aut Parochus, quibus semper publica fama mores dedit integerrimos, catholicus sit aut pudicus; & propter leviam quædam iddicia responderet, se de eo dubitare, quin, & in id propendere, ut credat contrarium; is sane peccaret graviter, etiamsi rem quasi certam non traderet; ergo etiam mortaliter peccat, cum sciens, & volens talem in se suspitionem servat, aut tale dubium non ejicit.

Prob. 3. Nat. Alexander ex variis SS. Augustini, & Thomæ textibus. Prior quidem sic habet Serm. 306. alias de diversis 112. c. 9. *Pleraque mala generis humani non aliunde oriuntur, nisi de suspitionibus falsis, credis de homine, quod oderit te, qui forte amat te; & per pravam suspitionem his inimicus amicitium.*

Quid

*Quid faciat, cui non credis; & cor suum tibi demonstrare non valet? Loquitur tibi dicens: Amo te. Sed quia posses tibi hoc dicere, & mentiens (ea sunt enim verba mentientis, quæ vera dicentis,) non credendo adhuc odisti: ideo securum te facere voluit ab eo peccato, quo tibi dixit: Diligite inimicos vestros. Et tamen, ait idem Epist. 153. alias 54. omnes, aut pene omnes homines amamus suspiciones, vel vocare, vel existimare cognitiones, quando credibilibus verum signis movemur; cum credibilia nonnulla sint falsa, sicut incredibilia nonnulla sunt vera.*

Posterior vero, seu S. Thomas ibid. art. 3. ad 3. Tunc, inquit, iudicium suspiciosum directe ad iniustitiam pertinet, quando ad actum exteriorem procedit; & tunc est peccatum mortale. Iudicium autem interius pertinet ad iniustitiam, secundum quod comparatur ad exterius iudicium, ut actus interior ad exteriorem, sicut concupiscentia ad fornicationem, & ira ad homicidium: atqui actus directe oppositus iustitiæ in materia gravi, cum plene deliberatus sit, lethale est peccatum ex omnium confesso: ergo.

Hæc tamen, & alia id genus, quæ nullo labore congeri possent, testimonia prætermitto: veritus, ne in iis suspicio latius sumatur, & prout etiam opinioem, aut ipsum iudicium complectitur.

CONCLUSIO III. Qui ex errore intellectus grave quid ex levi causa de proximo sciens, & volens suspicatur, aut dubitat; reus videtur mortalis ad minus dubii.

Prob. 1. quia locum hic habent probationes mox adductæ. Etsi enim qui non movetur speciali adversus aliquem malevolentia, minus peccat, quam qui ex malo affectu malum proximi suspicatur, aut de probitate ejus dubitat sciens, & volens; certum tamen est, eum in corde fovere cogitationes proximo graviter injurias; quas postquam advertit, aut advertere potuit sufficienter, expellere tenebatur: atqui hæc ratio gravem videtur deformitatem importare: ergo multo tutius est, ut penitens id confiteatur ad minus tanquam dubium mortale.

Prob. 2. suspicio, quam Lessius docet esse tantum venialem, reperitur in eo, qui advertit se male suspicari de proximo, & etiam aliquo modo dubitat an causa sit sufficiens ad se suspicandum, & tamen neglecto ejus examine non excludit suspicionem, sed solum paratus est excludere, si adverteret causam non esse sufficientem: atqui hæc suspicionis species mihi quidem videtur plena gravis periculi: 1. quia quisquis deliberat hoc facit erga fratrem, indubie facit id, quod erga se fieri ægre, & ægerime patiretur. 2. quia negligere examen, quod quis potest, & debet facere, ne videat, ut trabem, quod mera est festuca, gravis est in re gravi somnolentia. 3. quia gratis supponitur vere dispositum esse ad abigendam suspicionem, qui non vult examinare, an suspicionis hujus causæ sufficiant, an non. Itane vero indifferens est, quod pergat, quis suspicari hominem probum, hæreticum esse, aut veneri deditum, ut in hac suspicione tranquillus maneat, quamdiu nolet examinare, quam levia sint nefariæ hujus suspicionis fundamenta. 4. quia si res coram Deo appendatur, facile apparebit, hujusmodi suspiciones, quoties in personam cadunt, non oriri quidem ex speciali malevolentia erga hominem forte ignotum, sed ex generali ea malignitate, qua omnes pene nativo quodam impetu aliorum mores inquirimus, & carpinus; ut si mali sumus, eos nobis esse pares gratulemur; si boni, pharisaice lætemur, quod non simus sicut ceteri, aut plerique hominum.

Obijciuntur plurima: 1. Augustinus, qui sic loquitur Tract. 92. in Joani. Cum de ipsis rebus, quod appetendum est appetimus, quod devitandum est devitamus, ignoscatur nobis, quod de occultis hominum aliquando, imo asidue non vera sentimus. Hoc enim ad humanam tentationem pertinere arbitror, sine qua duci ista non potest vita... Quid enim tam humanum, quam non posse inspicere cor humanum, & ideo non ejus latebras perscrutari, sed plerumque aliud, quam quod ibi agitur, suspicari. Quamquam, & in his rerum tenebris humanarum, hoc est cogitationum alienarum, etsi suspensiones intelligere non possumus, quia homines sumus; judicia tamen, id est definitas, firmasque sententias continere debemus, nec antetempus quidquam judicare, donec veniat Dominus, &c. quando ergo non erratur in rebus, ut recta sit improbatio vitiorum, virtutumque probatio; profecto servatur in hominibus, venialis est humana tentatio. Ergo, qui in ipsa suspensione sistit, nec progreditur ad definitum, firmumque judicium, non nisi venialiter peccat ex Augustino.

\* Alile-  
gunt vita-  
re.

2. Idipsum docet S. Thomas ibid. art. 3. his verbis: Est autem triplex gradus suspitionis. Primus gradus est, ut homo ex levibus indicibus de bonitate alicujus dubitare incipiat; & hoc est veniale, & leve peccatum; pertinet enim ad tentationem humanam, sine qua vita ista non ducitur. Secundus gradus est, cum aliquis pro certo malitiam alterius aestimat ex levibus indicibus; & hoc si sit de aliquo gravi, est peccatum mortale, in quantum non est sine contemptu proximi: ergo quoties quis pro certo seu definitive actionem proximi non dijudicat, expers est peccati mortalis; alioqui S. Thomas nihil pronuntiasset de suspensione vera, & in genere suspensionis completa, quod dici non potest.

3. Idem evidenter adstruit ratio, quam S. Doctor his proponit verbis Quodlib. 12. q. 22. art. 2. In illis, quæ sunt mortalia ex genere, motus imperfecti non sunt peccata mortalia, sed venialia: atqui suspicio est quid imperfectum in genere judicii, & ideo est imperfectus motus: ergo non est quid mortale ex genere, quamvis si fiat ex odio, erit aliquando mortale.

4. Si dubitatio, suspicio, & opinio essent peccata lethalia, socialis hominum conversatio plena esset scrupulis, ac periculis: quandoquidem, ut proxime aiebat S. Augustinus, in his rerum tenebris humanarum, suspensiones vitare non possumus: atqui consequens falsum est, & indignum bonitate Dei, qui novit segmentum nostrum, & quam nativo pondere feramur in suspensiones; quas ut aliis erga nos indulgemus, sic aliis nobis erga se indulgere debent. Verum momenta hæc haud videntur satis gravia, ut nos ab opinione longe tutiori ad minus tutam inclinent. Itaque

R. Ad 1. Augustinum, quando pravas suspensiones ad tentationem venialem pertinere vult, intelligi debere de suspensionibus indeliberatis, quæ nobis vix attendentibus irrepunt, & mentem nostram præoccupant: quod innuunt hæc verba: etsi suspensiones intelligere non possumus, id est matura consideratione pendere; quia aliæ aliis tam subito succedunt, mentemque invadunt adeo subtiliter, ut aliquando diu volvantur sine pleno voluntatis consensu, sicut & impuræ imaginationes. At nec dixit, nec dicere potuit Augustinus suspensiones, quæ deliberate foventur, & quibus mens volens adhæret, tentationes esse humanas, & leves: sunt enim vere diaboli sætus, quem viri sancti e corde suo, statim ut sufficienter advertunt, abigere solent.

Nec dicas humanam, ac proinde venialem esse ex Augustino tentationem omnem, quæ non includit definitam, firmamque sententiam; hanc autem non inclu-

includi in suspitione pura. Etsi enim suspicio pura non includit omnem iudicii compleri firmitatem; haud tamen excludit iudicium in genere suo perfectum, & graviter injuriosum. Dum enim sciens, & advertens dubitas, & dubitare pergis de probitate hominis, qui apud omnes bene audit; an non iudicas fieri optime posse, ut is bonum, quod habet nomen, minime mereatur, sed contrarium? quæro autem, an non indignareris tale de te iudicium ab alio fieri? Et vero si pressius urgeantur verba Augustini, ne ipsa quidem mala opinio, etsi levissimis innixa rationibus, grave erit peccatum; quandoquidem opinioni, ut sic deest definitæ, ac firmæ sententiæ certitudo: id autem rejiciunt plurimi eorum, qui suspiciones, & dubia excusant a mortali.

Ad 2. non ait S. Thomas homini a gravi peccato liberum esse, cum dubitat, sed cum *dubitare incipit*; ut significet eam solum dubii speciem esse suo iudicio venialem, quæ imperfecta est, indeliberata, & repentina. Eum enim, qui deliberate dubitat, nemo dixerit *incipere* dubitare, cum postquam advertit temerariam in mente sua suspicionem de alio exortam, illam approbat, ea delectatur, illi pertinaciter adhæret, vultque de proximi probitate sponte dubitare, vel prave opinari: quod certæ non humanæ, sed diabolicæ tentationis est; non fragilitatis, sed malitiæ. Unde ibid. ad 2. ait: *Ex hoc ipso, quod aliquis malam opinionem habet de alio sine causa sufficienti, indebite contemnit ipsum, & ideo injuriatur ei*; ac proinde, ut ex præmissis a S. Doctore colligere est, peccat moraliter. Ita, & pene syllabatim Nar. Alexander.

Ad 3. Fateor repentinam, nec vere deliberatam suspicionem esse, quid imperfectum in genere iudicii, imo, nec quamdiu manet in genere suspicionis, pertingere ad rationem iudicii pleni, & firmi: sed nego eandem non includere iudicium satis completum, ut gravis peccati materia esse possit. Quod autem dicunt eum, qui sic dubitat aut suspicatur, facile paratum esse ad deponendam suspicionem, si adverteret causas ejus non esse sufficientes; id inquam falsum est in praxi; si enim ita dispositus sit, debita uteretur diligentia ad comperendam veritatem; nec proinde in suspitione temere concepia sciens, & volens perseveraret.

Ad 4. neg. maj. Etsi enim perarduum est suspiciones repentinas, quibus frequenter lacessimur impedire; deliberatas tamen, ac præsertim graves excludere haud difficile est iis, qui proximum diligunt sincere, & aliis facere nolunt, quod sibi fieri indignarentur.

Hæc tamen nostra opinio scrupulum inijcere non debet iis, qui timoræ sunt conscientiæ, & de salute sua solliciti, unde cum ii non meminerunt se hujusmodi cogitationibus consensisse, regulariter non est metuentum de mortali, quamvis eæ cogitationes diu duraverint. Quia prudenter existimare possunt se, vel non dedisse consensum saltem perfectum, & sufficienter deliberatum; vel sufficientia dubii, aut suspitionis habuisse indicia; maxime si postquam dubium, aut suspicionem satis adverterunt, ea repellere nequiverint. Aliud est de iis, qui parum salutis suæ studiosi, aliorum mores, ut carpant scilicet, assidue explorant: hi enim, & de mortali scrupulum habere, & se, ut de dubio gravi accusare debent, ut jam supra dixi: quia cum in dubio tumantur conjecturæ ex communiter contingentibus, probabile est ipsos consensisse. Ita Henricus a S. Ignat. cap. 20. in fine.

## S E C T I O T E R T I A .

## De Dubio.

**I**Am superest examinandum, an sicut illicitum est de proximo dubitare in malum ob exiles causas; ita & illicitum sit causas vere dubias, ac proinde actiones, quæ inde profluunt; meliorem in sensum non interpretari. De quo antequam statuamus, quod nobis veri magis simile videbitur,

Not. 1. factum aliquod dupliciter bonam in partem explicari posse, negative scilicet, & positive. Tunc interpretatur quis factum *positive*, in meliorem partem, cum absolute iudicat illud esse bonum: tunc vero idem factum interpretatur *negative*, cum nec iudicat illud bonum esse, nec malum: sed iudicium suspendit. Utrumque enim benefacit proximo, qui non iudicat malam eam ejus actionem, quæ tantam mali speciem habet, quantam boni.

Not. 2. dubium quodlibet, vel esse de re, vel de persona; quod autem de persona est, vel esse de nobis, vel de proximo; denique quod de proximo est, vel ejus tantum honorem respicere, vel curam eorum, quæ ad nos pertinet. His breviter præmissis sequentes statuimus regulas.

Regula I. Dubia, quæ ad bona a nobis possessa pertinent, nec in meliorem, nec in deteriore sensum sunt interpretanda, sed dividenda lance pene æquali. Ratio est, quia si dubitem, an gemma hæc sit mea, an alterius, non possum totum ejus valorem servare, sed eum cum altero partiri teneor: Ita ut tamen quia possessor sum, melior sit conditio mea. Pariter si dubitem, an conjux hæc mea sit, an non, ratione impedimenti dirimentis; possum quidem, & teneor ei nihil dubitanti reddere debitum conjugale; sed simul abstinere teneor ab exigendo: *Vide, quæ dixi Tom. 1. ubi de Possessore dubie fidei.*

Regula II. Dubia, quæ cadunt in actus nostros relative ad conscientiam deteriorem in partem interpretati debemus, ubi vertitur animæ periculum. Ratio est, quia alioqui nulla esset necessitas confitendi dubium mortale; quod ne laxiores quidem Casuistæ admittere audent. Cavendum tamen, ne ut certum aperiatur, quod vere dubium fuerit.

Regula III. Dubia de rebus ut in se sunt, in benigniorem partem flecti non debent, sed suis ponderibus, & momentis æstimanda. Ratio est, quia ut ait hic S. Thom. a. 4. ad 2. *In iudicio, in quo de rebus iudicamus, v. g. an merx ista tanti valeat, an tres contractus sint usurarii; non attenditur bonum vel malum ex parte ipsius rei, cui nihil nocere potest quicquid iudicaverimus: sed attenditur solum bonum iudicantis, si vere iudicet; vel malum si falso; quia verum est bonum intellectus, falsum autem est malum ipsius.*

Regula IV. Quoties de præcavendo nostri, aliorumve damno agitur, licitum est dubia pejorem in partem interpretari non iudicando quidem, aut suspicando positive, sed, ut ait S. Thomas ib. ad 3. *per quamdam suppositionem*, id est exteriorita nos gerendo, quasi is quicum agimur, re ipsa improbus esset, tamen non credatur talis. Ratio est 1. quia talis est hæc agendi ratio, ut nec de ea conqueri possit proximus, qui nos in pari casu pari mensura metiretur; nec nobis ullam perniciem inferre possit; cum & omnibus prudentiæ regulis congruasit, & a sanctioribus viris usurpari solita. Sic Job qui nec de quopiam, nec de filiis suis malum suspicabatur, offerebat tamen holocausta pro singulis dicens: *ne forte peccaverint filii mei*. 2. quia sic nos omnem erga proximum decet implere iustitiam, ut non deficiamus a charitate, quam

nobis,



nobis, nostrisque debemus: ab ea autem deficeret, qui ignotæ, aut dubiæ fidei viro, se, sua, suosque sine prævio examine committeret; unde manavit tritum illud: Dissidentia mater est securitatis.

Hinc, ait Sylvius art. 4. si videas hominem, cujus exterior compositio indicet eum esse furem, *vel faciat timere, ne tali sit*, imo si eum minime cognovisti, potes nec eum in domum recipere, nec ejus custodiæ committere pecuniam tuam. Hinc si conjugatus videt juvenem, qui cum uxore, vel filia sua sermones miscere querit, haud equidem judicabit mores ejus esse corruptos, poterit tamen cavere, & impedire colloquium. Hinc patres, qui in filiis, domini, qui in servis, superiores, qui in inferioribus dubia nequitiae signa detegunt, etsi intus nihil debent suspicari mali, cum iis tamen ex quadam suppositione mali agere possunt, & debent, non puniendo quidem, sed monendo; obijciendo verisimilitudinem mali, quædam etiam interdicens. Hinc denique, qui suffragii jus habent, & de Novitii idoneitate dubitant, eundem possunt, & debent excludere. Neque sic eum judicabunt incapacem, sed judicabunt tantummodo se non invenisse in eo sufficientia idoneitatis argumenta, ut ipsum positivo suffragio tanquam capacem admittant. Quod si necdum finitum sit tempus probationis, non illico dimittendus est Novitius, sed diutius eum probari oportet, ut videatur, an non tandem sufficientia idoneitatis indicia daturus sit. Ita Ethica amoris parr. 8. n. 157. & 158.

Regula V. Ubi non agitur de præcavendo nostri, eorumve, qui ad nos quoquo modo pertinent, damno, dubia de proximis meliorem sunt in partem interpretanda. Ratio est 1. quia ita docuerunt Sancti, his verbis: Nolite judicare, ut non judicemini: *nihil aliud nobis præcipi existimo*, ait Augustinus L. 2. de Sermone Domini in monte, c. 18. *nisi ut facta, quæ dubium est, quo animo fiant, in meliorem partem interpretemur*, & in Psalm. 147. *Quid agit pax in hujus adhuc regionis incertis, in ista peregrinatione mortalitatis nostræ; cum adhuc nemo est alteri conspicuus, nemo videt cor alterius? quid agit pax? de incertis non judicat, incognita non confirmat; proclivior est ad bene credendum de homine, quam ad suspicandum. Non se multum dolet errare, cum bene credit etiam de malo: perniciose autem, cum male sentit forte de bono. Nescio qualis sit: quid perdo, si credo, quia bonus est? si incertum est, licet, ut caveas ne forte verum sit: non tamen damnes tanquam verum sit. Hoc pax jubet. Quibus verbis posteriores duæ nostræ regulæ evidenter continentur.*

2. Quia idem docent sequentes Juris regulæ. *Dubia in meliorem partem sunt interpretanda. In dubio nullus præsumitur nocens. Cum jura partium sunt obscura, reo favendum est potius, quam auctori. In pari delicto, vel causa potior est conditio possidentis*: atqui si dubia in deteriorem sensum liceat interpretari, jam quis præsumeretur nocens in dubio: jam non favebitur reo potius, quam auctori, sed e contra auctori potius, quam reo; dubia enim, quæ contra proximum agunt ut reum, benigne audiuntur, in ejusdem proximi præjudicium: jam demum non erit melior conditio possidentis; quandoquidem in dubio, & propter dubium proximus e boni, quod habet nominis possessione, deturbabitur; ergo merito dixit S. Bernardus Serm. 40. in Cant. *Cave aliena conversationis esse aut curiosus explorator, aut temerarius Judex: etiamsi perperam actum quid deprehendas, nec sic judices proximum, magis autem excusa. Excusa intentionem, si opus non potes, puta ignorantiam, puta subreptionem, puta casum. Quod si omnem omnino dissimulationem rei certitudo*

*recusat, suade nihilominus ipse tibi, & dicito apud teipsum: Vehemens fuit nimis tentatio. Quid de me illa fecisset, si accepisset in me similiter potestatem?*

3. Idem efficaciter probat hæc Christi, vel potius naturæ regula: *Omnia, quæ vultis rationabiliter, ut faciant vobis homines, & vos facite illis: atqui nemo unus est, qui malus haberi velit pro actione, quæ tam in bonam partem explicari potest, quam in malam: ergo.*

Regula VI. Non semper necessum est dubia de proximo suborta meliorem in partem interpretari positive, id tamen necesse est ex hypothesi, quod suspensio iudicii nostri sit proximo nocitura.

Ratio primæ partis, quam docent Cajetanus, Bannes, Valentia, Syvius hic art. 4. Henricus a S. Ignatio ibid. n. 161. est 1. quod præceptum bene judicandi de proximo est affirmativum; porro præcepta affirmativa non obligant *pro semper*, sed suo loco, & tempore; sicut ergo non tenemur quocumque instanti honorem impendere proximo, sed quando nobis cum eodem agendum est, ita, nec semper tenemur de eodem positivum ferre iudicium; ergo idem iudicium suspendere possumus; & sic dubias ejus actiones negative interpretatur in bonum. Unde non dixit Christus: Semper judicate in bonum, sed: *Nolite judicare in malum.* Consonat Apostolus Rom. 14. ubi solum exigit, ut, *qui non manducat, manducantem non judicet*; 2. quia in casu veri, ac rationabilis dubii objectum est neutrum: ergo, si quis tunc habeat se neutro modo, habet se prout patitur natura objecti; quod cum rectæ rationi congruat, non potest esse peccatum; sicut nec potest esse peccatum, quod quis ex indicis ad suspicandum vere sufficientibus, vere suspicetur; 3. quia plus non debemus ei, qui dubia mali dedit indicia, quam, qui nulla prorsus: atqui non tenemur semper actu positivo judicare, eum esse probum, qui nulla improbitatis argumenta dedit: ergo, ait Ethica amor. n. 163. *Non apparet, cur debeamus nobis caput frangere, ut prorumpamus in formalem actum opinionis, quo absolute judicemus talem hominem esse probum.*

Hic tamen duo notanda, 1. si quem gravis invadat tentatio male opinionandi de actione dubia, teneri eum positive judicare in bonum, cum tentationem, qua fatigatur, aliter superare nequit; 2. etsi necesse non sit, ut explicite, & formaliter dubia semper interpretemur in meliorem sensum, curandum tamen esse nobis, ut saltem in præparatione animi inclinemus in partem proximo favorabiliorem: quia alioqui immineret periculum excidendi a charitate eidem debita.

Ratio secundæ partis est, quod suspensio iudicii, quæ damnum inferret proximo, eidem necessario sit injuriosa, ut quæ ob causam insufficientem fiat. Hinc 1. quando ex suspensione iudicii futurum est, ut bonam, quam hactenus de eo habuisti opinionem imminuas, teneris dubium meliorem in partem interpretari: quia alioqui noces proximo, qui jus habet, ut alii de ipso bene judicent, donec de ejus malitia constet; de qua utique nec constet, nec constare potest, quamdiu solum est dubium. Hinc 2. extra cautelæ casum, de quo supra Reg. 4. oportet proximum in dubio perinde tractare, ac si bonus esset: unde ei consueta charitatis, & honoris officia exhiberi debent. *Hoc pax jubet*, hoc postulat justitia, quæ non sinunt, ut propter rem incertam spolietur homo solitis benevolentiae testimoniis.

Obj. 1. Male judicat, qui temere judicat: sed qui dubia meliorem in partem interpretatur, temere judicat. Qui enim actionem dubiam interpretatur, interpretatur actionem mali perindo, ac boni sensus capacem: sed quia actionem mali

mali, sicut & boni sensus capacem interpretatur in bonum, jam iudicat temere; quia ex hypothese plura non habet boni indicia, quam mali: ergo.

R. ad 1. & 2. neg. min. Qui enim secundum charitatis, prudentiæ, & juris regulas iudicat, temere iudicare non potest; neque enim charitas, prudentia, & Ecclesiæ leges temeritatem inspirant; atqui ex dictis, qui dubia benigne explicat, leges eas sequitur adamussim.

Inst. Ille iudicando in bonum non sequitur regulas prudentiæ, qui errandi periculo sese exponit; sed, qui actionem boni, & mali sensus capacem interpretatur benigne, exponit se errandi periculo: ergo.

R. r. eum, qui dubia interpretatur negative, nulli obnoxium esse erroris periculo; quia non tam iudicat, quam iudicium suspendit.

R. 2. dist. maj. Ille non sequitur regulas prudentiæ, qui exponit se periculo erroris practici, C. erroris pure speculativi, N. Sed qui actionem boni, & mali sensus capacem benigne interpretatur, exponit se periculo erroris, dist. min. periculo erroris speculativi, transeat, erroris practici, N. Esto itaque, quod homo favorabiliter de actione dubia iudicans, exponat se erroris speculativi periculo; quia fieri potest, ut quod ex pura intentione factum esse iudicat, expressissima factum sit: at certe non exponit se periculo erroris practici, quem fideles in appetitur, & moribus præsertim effugere debent. Est enim practice certius se in casu dubio debere formare iudicium, quod charitatis, prudentiæ, & sanctorum regulis conveniat; tale porro est illud, quo intentionem dubiam interpretatur in bonum. Convenit enim omnibus charitatis, & prudentiæ regulis, ut frater fratri injuriam non faciat sine causa urgente; atqui alium habere pro non bono pro actione dubia, est eidem inferre injuriam sine causa urgente, ut patet ex terminis: ergo.

Confirm. Ex duobus malis, quæ simul vitari non possunt, eligendum est minus: atqui multo minus est errare speculative, iudicando bonum id, quod forte malum est, quam errare practice, inhonorando ut malum, eum, qui forte nihil fecit mali. Sicut multo minus est malum stipem dare nebulonibus decem, qui extremam paupertatem fingunt, quam eandem negare pauperi ad extremas angustias vere redacto: ergo.

Dixi, transeat; quia & ipsum speculativi etiam erroris periculum vitari facile potest, si nempe dubium ita bonam in partem a nobis explicetur, ut iudicium speculativum de intrinseca actionis dubia bonitate uni Deo relinquentes, solum illud practicum iudicium efformemus, fratrem scilicet nostrum tamdiu a nobis habendum esse pro bono, donec constiterit eundem esse malum. Quidni enim pie, & sancte dicat vir vere Christianus? Tu Domine nostri corda omnium; tu scis, an hæc, vel illa proximi mei actio bono, vel malo intuitu peracta sit: interim quia mihi de mala ejus intentione non constat, non iudicabo eum, sed pergam iisdem, quibus antea, & forte majoribus benevolentia signis cumulare; quia, & id mihi fieri velim in pari casu, & tu jubes, ut qua mensura mihi remitteri volo, eadem metiar.

Obj. 2. In dubiis præsumendum est id, quod accidit frequentius, secundum hanc juris regulam 45. in 6. *Inspicimus in obscuris quod verisimilius est, & quod ut plurimum fieri consuevit*: atqui multo frequentius contingit malum esse hominum intentionem, quam bonam; *stultorum* enim seu malorum infinitus est numerus, Ecclesi. 1. v. 15. ergo.

R. dist. maj. Præsumendum id, quod accidit frequentius, si absque injuria, & contemptu proximi præsumi potest, C. secus, N. Porro in hypothesi

nostra malum præsumi nequit absque contemptu proximi : is enim a gradu, quem habebat apud nos excidit sine sufficienti causa. Merito igitur S. Thomas hic art. 4. ad 1. *Potest contingere, quod ille, qui in meliorem partem interpretatur, frequentius fallitur : sed melius est, quod aliquis frequenter fallatur, habens bonam opinionem de aliquo malo homine, quam quod rarius fallatur, habens malam opinionem de aliquo homine bono ; quia ex hoc fit injuria alicui, non autem ex primo.*

Obj. 3. ex Reg. 8. Juris in 6. *Semel malus semper præsumitur malus : ergo licebit saltem dubia eorum, qui mali deprehensi fuerint, interpretari in malum.*

R. 1. regulam hanc multas pati exceptiones : sic enim contumax contra primam monitionem, non præsumitur semper futurus contumax, unde iterum, & tertio monetur.

R. 2. eandem regulam procedere in ordine ad forum exterius, in quo v. g. a testimonio ferendo excluditur, qui semel perjurii convictus fuerit ; in quo item uxor feroci marito non restituitur, quia, *qui semel fuit sceleratus, semper nimium scelere præsumitur*, ex c. 3. *De restit. spoliat.* Potest & eadem regula assumi in ordine ad cautelam ; neque enim æquum est, ut pater in domum suam admittat juvenem, quem semel viderit puellæ cujusvis castitati insidiari. At eadem regula in ordine ad judicium, quod de dubiis proximi actionibus fertur, adhiberi nequit, nisi sanctiores aliæ Juris regulæ convellantur, ut patet ex iis, quæ supra diximus. Servetur ergo prædictæ doctrina Hugonis Victorini, qui L. 1. Miscell. c. 19. sic scribit : *De proximo tuo hoc modo judicare debes : vide quidquid facit, an certum bonum, an dubium bonum. Si certum bonum est, parvum, magnum, & magnum majus æstima : si dubium bonum est, verum puta : si certum malum est, magnum, parvum, & parvum minus judica : si dubium malum est, bonum puta : hoc est judicium verum, judicium bonum, judicium Deo placitum.*

## ARTICULUS TERTIUS.

### *De externa Diffamatione proximi.*

**B**isariam a nobis extra nos diffamari potest proximus, in judicio scilicet, & extra judicium. Diffamatur in judicio per eos omnes, qui malo judicio cooperantur ; extra judicium per detractionem, calumniam, & similia, quæ cum alibi expenderit, primam infamiæ speciem sufficiet hic indagare. Id porro, ut plenius fiat, atque, ut hic agitentur, quæ alibi minus commode pertractata fuissent, dicendum nobis est de iis omnibus, qui ad criminale judicium concurrunt, Judice nimirum, Accusatore, Denunciatore, Testibus, & Reo, qui singuli, suo quisque modo adversus octavum Dei præceptum delinquere possunt. Quoniam vero, quæ ad Judices spectant, satis colligi possunt ex iis, quæ diximus tum in 3. parte hujus voluminis, ubi de eorum obligationibus actum est ; tum etiam supra cap. 2. art. 2. sect. 1. De cæteris hic dixisse satis fuerit.

## S E C T I O P R I M A.

*De Accusatore, & Denunciatore.*

**D**ifferunt inter se accusatio, denunciatio, & testimonium. Accusatio, ajunt Canonistæ, est patrati criminis apud Judicem delatio scripto facta ad punitionem publicam, cum onere probandi sub pœna talionis.

Denunciatio est delatio minus solemnis, criminis, vel criminosi, vel utriusque apud Superiorem tanquam Judicem, vel patrem. Unde denunciatio dividitur in Evangelicam, & judicialem. Denunciatio Evangelica est ea, quæ fit Superiori tanquam patri, non ad vindictam publicam delicti, sed ad emendationem fontis denunciati. Ut denunciatio hæc rite fiat, & secundum id Matth. 18. *Si peccaverit in te frater tuus*, &c. gradatim procedendum est, ita ut moneatur reus 1. privatim; 2. coram uno duobusve testibus; 3. si eorrigi nolit, deferatur ad Superiorem ab eo corripiendus tanquam a patre. Denunciatio judicialis ea est, quæ fit Superiori tanquam Judici: & hæc subdividitur in canonicam, & civilem, privatam, & publicam.

Canonica, sic dicta, quia Canonicis legibus introducta, est delatio alicujus personæ, vel criminis ad Judicem Ecclesiasticum sine solemnitate, seu ut præcaveatur malum impendens, v. g. indigni alicujus electio, aut celebratio matrimonii cum impedimento dirimente; seu, ut compescatur malum jam factum, v. g. ut rescindatur matrimonium invalide contractum. Civilis, quam Canonistæ, & Legistæ plures cum judiciali confundunt, est minus solemnis delatio criminis ad Judicem laicum; eaque si fiat principaliter ad vindictam publicam, & satisfacti onem Reipublicæ per crimen lætæ, aliorumque terrorem, vocatur *publica*; si vero fiat simpliciter ad proprium interesse, seu ad reparationem damni, quod quis passus est, *privata* nuncupatur. Ita passim Doctores in tit. *De accusationib.* qui primus est Libri 3. Decretal.

Ex his multa sunt, quæ Galliæ usibus parum, aut nihil congruunt. Sic 1. nemo privatus alium in hoc Regno insequi potest, nisi pro interesse civili; unde sollicitatio vindictæ publicæ non nisi ad Procuratores, seu Reges, seu, ut ajunt, Fiscales pertinet. Unde 2. accusator non potest apud nos subire pœnam talionis; quandoquidem non ad hanc reum insequatur, sed solum ad reparationes, expensas, & id, quod interest. Imo talionis pœna gravior, ubique dudum obsolevit. 3. Denunciator, etsi non se gerit pro parte adversa, debet tamen nomen suum Regii Procuratoris registro inscribere; ut si denunciationem meram esse calumniam probeat eventus, possit is, qui denunciatus erat tanquam reus, insequi denunciatores, non modo ad repetenda damna, sed & ad pœnam afflictivam, si id exigit gravitas casus. Ita Ferriere v. *Denunciateur*. Vide & Gibert in c. 3. l. 3. Cabassutii.

Testimonium est assertio, qua quis testatur se rem talem vidisse, vel audisse; puta, se vidisse Titium districto gladio irruentem in Bertham.

His positis, multa hic inquirunt Theologi, quæ tametsi ad octavum Decalogi præceptum directe non pertinent, paucis tamen videntur expendenda, ne prætermittantur omnino. Quæritur itaque 1. an, & quis alium accusare possit aut teneatur de delicto; 2. an accusationem præcedere debeat monitio secreta, seu Evangelica; 3. an etiam ad accusandum teneatur, qui probare non potest; 4. an possit accusator ab accusatione inchoata desistere; 5. ad quid obligetur, qui injuste accusavit. Sit

CON.

CONCLUSIO I. Regulariter potest, & tenetur quilibet accusare de delicto publico:tecus de privato.

Prænotandum per publicum crimen illud hic intelligi, cujus punitio ad utilitatem publicam maxime pertinet. Tale est 1. ait Lessius, omne illud, quod directe fit contra Deum, res divinas, vel religionem: id enim in omnium injuriam fieri censetur; in hoc ordine sunt hæresis, blasphemia, templorum, & imaginum everſio, & similia; 2. illud quod fit contra dignitatem Principis, aut Reipublicæ, ut omnia crimina læsæ majestatis; 3. quod licet contra privatam personam commissum sit, ex dispositione tamen juris habetur pro publico: hujusmodi sunt homicidium, parricidium, adulterium, peculatus, crimen falsi, vis publicæ, vel privatæ, ambitus\*, repetundarum, annonæ, de quibus vide Leg. 1. ff. *De publicis Judiciis*.

Crimen privatum est illud, quod privatos ut tales specialiter afficit. Tale est crimen injuriarum, furti citra vim, stellionatus. Leg. final. ibid. Ita idem Lessius L. 2. c. 30. n. 19. paulo aliter loquitur Lugo disp. 38. n. 2. quem consule. Jam.

Prob. 1. pars Conclusionis. Pars tenetur etiam cum aliquo sui detrimento prospicere incolumitati totius: atque nisi accusaret de delicto publico, non prospiceret bono totius, cum delictum publicum sit illud, quod toti graviter nocet: ergo.

Imo si non aliter, quam accusando, aut denunciando impediri possit grave malum privato cuiuspiam impendens, puta mors, aut devastatio, quam quis aliter parat, necessum erit, ut si id citra grave incommodum fieri potest, denunciatur, vel accusetur, qui perniciem hanc moliri cõgitat; tum quia exigit lex charitatis, ut avertat unusquisque cum haud difficile potest malum proximi sui, secundum id Proverb. 24. *Erue eos, qui ducuntur ad mortem; & Eccli. 4. Liberam eum, qui injuriatur: petitur de manu superbi*; tum quia hic etiam concurrit ratio boni communis: cum postulet utilitas publica innocentes servari innoxios.

Ceterum obligatio denunciandi reum publici criminis, aliquando urget ex charitate sola, aliquando etiam ex justitia; ut cum crimen ab iis rescitur, quibus ex officio competit illud denunciare; prout competit Custodibus sylvarum, Gabellarum, & similibus, qui proinde si taceant, tenentur ad restituendum, ut dixi T. 1. alii vero, licet, ut qui charitatem solam violaverint, immunes sint a restituendo, gravis tamen culpæ confecti erunt, si fileant; quia ubi gravis est indigentia proximi, gravis est eidem succurrendi obligatio.

Dixi *regulariter*, quia ab accusando liberi sunt ii, quorum accusatio recipi prohibetur, quales sunt infames saltem infamia juris, excommunicati, suspecti calumniæ, ut Pagani, Hæretici, Judæi, inimici capitales, filii relative ad parres, & alii, quos latius expendit Reiffenstuel in cit. tit. a. num. 15. Hi tamen omnes ad accusandum admittuntur, quando agitur de crimine læsæ

ma-

\* Ambitus est persecutio honoris illicito modo, v. g. data pecunia. Crimen *repetundarum*, est crimen eorum, qui ut faciant id, ad quod ex officio tenentur, munera, donationes recipiunt. Crimen annonæ fraudatæ seu flagellatæ, ut ajunt, est cum aliquid fit, vel societas coitur, quo carior fiat annona: est autem annona quidquid annus suppediat ad homines alendos. Stellionatus, a stellione læceti genere fraudulentato dictus, definitur Dolus omnis, & impostura proprio nomine carens. Committitur ab iis, qui vendunt immobilia non sua, aut qui quasi libera dant in hypothecam, quæ libera non sunt; item ab usufructuariis, qui se pro proprietariis gerunt.

majestatis, aliisve atrocibus, vel exceptis, ut sunt simonia, magia, sacrilegium, falsa moneta, latrocinium, & paria. Porro, qui ab accusatione repelluntur, non prohibentur denunciare; neque etiam accusare, si suam, suorumque injuriam prosequantur. Imo ait post Azorium Sylvius 2. 2. q. 68. a. 1. a quocumque nunc porrigatur querela, Judices eam admittunt ex consuetudine: unde S. Thomas ibid. ad 2. *Licet*, inquit, *subditis ex caritate suos Praelatos accusare*. Judicis tamen est inspicere statum, motiva, & indolem accusatoris.

Prob. 2. pars; quia etsi unicuique licitum est recurrere ad Judicem pro obtinenda reparatione damni, quod in fama, membris, vel bonis fortunæ perpeffus est; modo procul absint odium, alique inordinati affectus, qui in similibus irrepunt facillime, potest tamen is & injuriam, & damnum inde proveniens condonare, ut efficacius dicat: *Dimitte nobis debita nostra, sicut & nos dimittimus debitoribus nostris*. Haud tamen licita esset condonatio exterior, si ex ea grave sequeretur incommodum tertii, ut si pater prolem suam præ egestate nimia enutrire jam non possit, si Superioris infamia in grave Communitatis, cui præest, detrimentum vergat.

An, qui sub juramento promisit se nec accusaturum, nec denunciaturum, possit non obstante promissione, accusare reum, aut denunciare, colligetur ex iis, quæ dixi in Tract. de Contractib. part. 1. c. ult. art. 2.

CONCLUSIO II. Regulariter loquendo necesse non est, ut denunciationem judicalem præcedat monitio privata. Ita Lugo disp. 37. n. 79. Sylvius qu. 68. art. 1. & alii multo quamplures.

Prob. Denunciatio judicialis ea est, qua, quis ad Judicem deferitur, ut ab eo puniatur in terrorem malorum, & Reipublicæ satisfaciatur patiendo: atqui communiter ab hanc delationem non requiritur prævia monitio secreta. Monitio enim secreta tunc solum præmitti debet, cum agitur de sola delinquentis emendatione: atqui non agitur de sola delinquentis emendatione, quando agitur de bono communi, de terrendis malis, & de pendenda Reipublicæ satisfactione.

Confirm. Si requireretur ante denunciationem prævia monitio, non liceret denunciare hominem jam emendatum: atqui tamen licet. Potest enim denunciator id procurare, quod potest Judex exequi: atqui potest Judex hominem jam emendatum debita plectere poena, ut exemplo ipsius homines a pari culpa deterreantur: ergo.

Confirm. 2. ideo præmittenda esset monitio, ut consuleretur famæ proximi: atqui quando Reipublicæ interest, ut nocens plectatur, postponenda est fama proximi nocentis, bono communi: ergo nec debet, nec aliquando potest præmitti secreta monitio.

Idem est, cum quis grande alteri damnum parat. In re enim tanti momenti eligi debet pars innocenti tutior, præsertim cum timere est, ne is, qui malum meditatur, privatim monitus poenitentiam simulet, & certiori istu deinceps exequatur id, quod statuerat.

Obj. 1. Debet quisque proximi bonum cum minori ejus dispendio procurare: atqui hoc non facit, qui etiam sperando correctionem fratris, eundem denunciat Judici: ergo denunciando male facit.

R. 1. conc. totum: Reipsa enim male facit, qui denunciat fratrem, ad obtinendam solam ejus emendationem, quam sola secreta monitione obtinere potest. De hoc non agimus in præsentī; solum inquirimus, an præmittenda sit monitio; cum Reipublicæ interest, ut quis ad aliorum terrorem puniatur. Hoc negamus cum majori Doctorum numero; nec contrarium probat obiectio.

R. 2.

R. 2. Debet quis bonum proximi, quod solum procurandum est, procurare cum minori ejus præjudicio, C. debet quis bonum proximi, quod procurandum est simul, cum bono publico, imo quod tunc minus intenditur, quam idem bonum publicum, cum minori proximi dispendio procurare, N.

Obj. 2. Christus Matth. 18. præcipit, ut peccator ante corripiatur privatim, quam deferatur ad Ecclesiam; & hunc ordinem sub gravi obligare nos ipsos, cum aliis docuimus agendo de Charitate.

R. neg. confeg. Loquitur enim Christus de denunciatione, quæ sit non ad commune, sed ad privatum proximi bonum, & qua, quis intendit lucrari fratrem, qui contra se peccavit; hic porro loquimur de denunciatione ad Reipublicæ bonum, & satisfactionem ordinata.

Haud tamen defunt casus, in quibus ante denunciationem tentanda sit secretæ monitionis via, cum utilis fore merito præsumitur. Et id locum habere debet non modo in injuriis personalibus, de quibus præcipue loquitur Salvator, sed & in pluribus, quas non admodum interest Reipublicæ judicialiter puniri. Idem dicendum, cum denuntiatio plus pareret scandalum, quam vindicta boni: ut si secreto grave admisisset crimen vir magni, & intemerati nominis, aut Religiosus quispiam magnæ famæ: tunc enim plus noceret multitudini infamatio utriusque, quæ viros probos adduceret in contemptum, disteriisque, & iniquis suspicionibus oblectaret, quam pœna forte mitior, qua afficeretur. Addit Lugo ibid. n. 80. in Jure Canonico non admitti denunciationem, nisi præcesserit monitio.

CONCLUSIO III. Qui sufficientem criminis probationem adhibere non potest, non tenetur ad intentandam accusationem.

Prob. quia ad hoc nullus tenetur, quod non potest debito modo perficere. Conclusio, ejusque probatio sunt S. Thomæ ead. q. 68. art. 1. concinit, id Augustini relatum c. 27. 11. q. 7. *Plerumque boni viri propterea sufferunt aliorum peccata, quia deferuntur a publicis documentis, quibus ea, quæ ipsi sciunt, Judicibus probare non possunt.*

Sed nonne, qui probationum defectu personam accusatoris gerere nequit, tenetur assumere viam denunciationis, quæ ad probandum non obligat?

Difficultatem hanc, quam fusc versat, & expendit Lugo disp. 37. a n. 17. breviter solvam, dicendo delicta, quæ vergunt in perniciem vel Reipublicæ totius, vel innocentis cuiuspiam, non posse denunciari *strictè judicialiter*, sed *quasi judicialiter*, seu ad cautelam. Non possunt quidem denunciari strictè judicialiter, seu ad vindictam publicam, & cum obligatione incurrendi notam, & pœnas calumniatoris; quia ex hypotesi probari juridice non possunt. At vero possunt, & debent denunciari ad cautelam; quia ad id satis est moneri Judicem, ut vigilet, attendat, & quo meliori fieri poterit modo, præcaveat grande detrimentum, quod Communitati, vel privati impendat. Et vero, quis nisi pessime affectus dicere auit, mutum, & elinguum posse manere eum, qui solus scit quempiam civitatis prodicionem, aut incendium meditari? Neque vero inutilis censeri debet ea denunciationis species; quia ejusdem ope sæpe fieri potest, ut reus detegatur, aut, ut animadvertens se solito attentius observari, a proposito suo discedat.

Atque hinc colliges præceptum, quo mandaverit Superior sub pœna censuræ, ut crimen etiam occultum denunciatur, non continere errorem intolerabilem. Unde ubi vigent Pontificiæ Constitutiones de denunciandis iis, qui ad turpia sollicitant, debent ii parere, tametsi res necessario sit occulta. Et vero

Supre-



Superior hodie ab una sollicitata monitus, postriedie ab alia moneri poterit, & subinde a tertia: unde crimen tot ex locis manifestatum, sat certitudinis habebit, ut miser sollicitator interdici, carcere concludi, aut expelli possit.

Cæterum Superiores ab uno moniti ponderare debent cum S. Bernardo nec omnibus credendum esse, nec decredendum; unde ita ex una parte rei totius seriem, & circumstantias expendent, ut nec denunciatum habeant pro convicto, nec inquirendo rei veritatem, imprudenter odio, vel ictibus denunciantem exponant. Interim, si malum averti possit, absque eo quod nominetur reus, non est indicandum ipsius nomen: quia neminem infamare licet sine gravi necessitate. Potest autem averti malum vigilantia majori, duplicato custodiarum ordine, &c.

CONCLUSIO IV. Potest, & aliquando debet accusator, ab accusatione inchoata desistere.

Prob. quia violat, aut violare pergit iustitiam, 1. cum omnibus rite ponderatis persequitur, ut certam accusationem, quæ sibi jam apparet dubia; 2. cum attribuit Petro, quod tandem comperit factum a Joanne. Quod si a testibus desertus, aut deceptus ab Advocato, sentiat probari non posse id, quod primo crediderat indubie probandum, æquum est, ut desistat, quia ad actum inutilem, & multo magis ad actum sibi nocivum nemo tenetur.

Sed licetne accepto pretio desistere ab accusatione iusta?

R. Non licere, seu pretio, seu etiam gratis desistere ab accusatione, quam qui intulit, seu ex officio, seu propter bonum publicum, seu denique propter bonum innocentis. An autem liceat exigere pretium ad desistendum ab accusatione extra hos casus intentæ, controversatur. Affirmat Lugo disp. 38. n. 9. negant alii, & melius; quia ob rem, quæ sine ullo labore fit, non videtur licitum dono quidpiam recipere.

CONCLUSIO V. Qui inique accusavit, damnum quodcumque injuste accusato refundere tenetur.

Prob. quia aliqui subsisteret inæqualitas, quam tamen auferri necesse est. Si quis tamen bona fide accusaverit, seu crimen inculpate credendo verum, seu rarus illud probari posse, non videtur in interiori foro ad restituendum obligatus; quia nec ditor factus est, nec actione formaliter injusta proximo nocuit.

## SECTIO SECUNDA.

### De Testibus.

MISSIS testium qualitatibus, quæ pro locorum diversitate, & pro natura criminis testimonio confirmandi, varix sunt; quatuor nobis hic veniunt discutienda; & quidem 1. an testis facti alicujus semper ad ferendum testimonium teneatur; 2. an qui testificari potest, restituere debeat, si testimonium non tulerit; 3. quando, quis falsum testimonium perhibere censetur; 4. an graviter peccet, & ad quid teneatur testis falsus. Sit

CONCLUSIO I. Testis legitime citatus, aut interrogatus testimonium ferre tenetur; imo seipsum aliquando in testimonium offere debet, etiam non vocatus.

Prob. 1. pars: quia tenetur unusquisque Superiori suo iusta præcipienti obedire: atqui Judex legitime citans, & interrogans, & Superior est, & iusta

juxta præcipit : ergo merito dixit S. Thomas q. 70. art. 3. ad 3. quod *testificari est de necessitate salutis, supposita testis idoneitate, & ordine juris.*

Porro non interrogatur legitime, qui vel interrogatur a Judice non legitimo, vel a legitimo quidem, sed non secundum formam juris, ut si interrogetur contra eos, contra quos testimonium ferre non tenetur; vel de re sibi per confessionem sacramentalem nota, aut sub secreto naturali commissæ: quamquam in rebus, *quæ pertinent ad corruptionem multitudinis spirituales, vel corporales, vel in grave damnum alicujus personæ, vel si quid aliud est hujusmodi*... nemo nisi Confessarius *contra hoc debitum obligari potest per secreti commissum*, ut docet ibid. S. Thomas art. 1. & jam docuimus ubi de Peccatis part. 2. cap. 4. art. 2.

Utrum autem juridice interrogatus censeatur, & proin veritatem aperire debeat testis unicus, gravis est quæstio, & admodum agitata: 1. enim censet Lessius ibid. n. 49. licere quidem unico testificari, ad id tamen non teneri hunc, nisi ubi ageretur de reiiciendo gravi damno injuste illato, aut de avertendo malo impendenti, seu Reipublicæ, seu privato: quibus sane in casibus nemo non consentit, unicum testem teneri revelare, etiam non interrogatum, aut citatum.

2. Existimant alii plures, etiam extra casus mox assignatos, teneri unicum testem ad revelandum. Ratio est, inquit, quia revelare tenetur, si Judex etiam in testem unicum jus habeat: atqui habet; alioqui præcipiendo, ut testis unus revelet, auctoritate sua abuteretur, & faceret aliquid adversum divinæ legi, quod dici, aut saltem probari non potest. Adde, quod ut notant Soto, Azor, &c. testis unus semiplenam probationem suppeditet, ex qua poterit reus juridice interrogari, carcere concludi, torqueri etiam, unde plena tandem criminum confessio elici solet.

3. Demum docere videntur alii, quos sequebar in Tract. de Censuris, testem unicum nec debere, nec posse revelare. Quia, inquit, revelatio hæc criminis auctorem infamaret, idque prorsus inutiliter. Ita Collat. Andeg. Tom. 1. de Censuris p. 538. & Resol. Passlor. Diœcesis Genev. Tom. 2. p. 545. Fateor hic mihi hærrere aquam; nec satis video, quos sequi, quos impugnare possim. Sane si mihi de Superioris voluntate constaret, censerem a peccato vacare, qui humiliter obsequeretur; stricte tamen in re, tam intricata ad revelandum adigere non auderem, extra casus a Lessio citatos; modo indubium foret rem, de qua agitur prorsus occultam esse.

Prob. 2. pars. Quia fieri potest, ut nisi quis se sponte offerat in testem, periclitetur, vel bonum commune, vel vita, aut bonum innocentis; ergo, cum quique mala hæc ex charitate avertere tenetur, ubi potest sine gravi incommodo; imo cum grave totius Communitatis malum quandoque teneatur homo propellere, etiam cum vitæ suæ periculo; consequens est, quod tunc se se, etiam non citatus, offerre teneatur. Et hæc obligatio in eos caderet, qui etiam de jure a testificando eximerentur, ut Episcopi, & similes, quia charitatis debitum omnes ligat, & afficit.

Sed tenerique te offerre, si conservando uni vitam, alii nempe nocenti mortem allaturus sis.

Negat Lugo disp. 39. n. 1. quia, inquit, sicut posset nocens se occultare, sic & ego eundem occultare possum permittendo malum alterius. Mihi quidem decisio hæc nescio, quid abscondi habere videatur: quia exigit ordo charitatis, ut qui duobus subvenire nequit, ei opem præstet, qui ex ipsa sua innocen-

nocentia alteri præferri meretur. Et vero, quis credat filere potuisse Danialem in causa Susannæ; tametsi hanc nonnisi cum duorum Sacerdotum dispendio liberare possit? Certe, qui tunc veritatem supprimit, non implet illud Prov. 24. *Erues eos, qui ducuntur ad mortem.*

Quod autem docet Lugo posse reum se occultare, ne pereat; si intelligatur de casu, in quo nullum hinc imminet periculum innocenti, verum est, & nihil concludit: si autem intelligatur de casu, in quo ex fuga, vel silentio nocentis, secutura sit mors innocentis, falsum videtur juxta probationem sententiam, in quam propendimus Tract. de Justitia.

Ex his contra eundem Lugo ibid. n. 2. colligere est cum Lessio hic n. 56. Sylvio, & aliis plerisque, teneri testem ad ferendum testimonium, quoties id necesse fuerit ad liberandum accusatorem, qui propter bonum publicum accusare tenebatur, & deficientibus alioqui probationibus incurreret calumniatoris labem, & pœnas. Iniquum enim, aut saltem charitati contrarium est, improbis annumerari seram, eum, qui præcise accusavit, ne officio suo deesset. Quod si *immineat periculum accusatori*, qui accusandi minus absque necessitate ulla suscepit, *non est curandum*, ait S. Thomas eod. art. 1. *quia ipse in hac periculum sponte se ingessit*: cum ex suppositione, neque Judex, neque boni publici ratio id exigeret. Si quis tamen reum accusasset, falso quidem, sed tamen bona fide ratus se ad id teneri, nollem eum deferi ab eo, qui accusationem ejus confirmare potest. Quin si accusatus adversus accusatorem insolescens, cum eo tanquam scetido calumniatore durius ageret, hortaretur ad minus, ut qui rei veritatem compertam habet, oppressæ innocentæ partes tueretur.

CONCLUSIO II. Qui a Judice ad testimonium ferendum citatus, non comparet; vel comparet quidem, sed dolose efficit, ne interrogetur, teneatur ad refarciendum quicquid ex silentio suo evenit damni. Idem est de eo, qui vel aufugit, vel abscondit se, ne citaretur.

Antequam probetur Conclusio quædam sunt prænotanda, & quidem 1. apud omnes receptum videtur, ut a restitutione liber sit, qui non ultro sese offert ad testimonium; quia etsi sæpissime teneatur ex charitate ad sese offerendum, non tamen tenetur ex justitia. Et hæc quidem decisio, saltem in criminibus læsæ majestatis nonnihil difficultatis habere potest. Si enim, ut diximus Tom. 1. restituere tenentur famuli, qui dominorum bona dilapidari fuerunt; quia virtuali hac conditione conducti sunt, ut ea servarent; quidni simile pactum subditos inter, & Regem intercedere dicatur, in his saltem rebus, quæ Principem gravissime tangunt, qualia sunt læsæ majestatis crimina?

2. Et id etiam satis certum est, eum, qui etiam citatus non comparet, quia videt sibi, vel suis imminere grave periculum ex revelatione, nec teneri ad restitutionem, nec qualitercumque peccare: quia non ea fuit, aut esse potuit intentio Superioris, ut quis alienum bonum cum proprii boni dispendio promoveret; nisi, vel boni publici necessitas, vel longe gravius proximi nocementum, aliud postulet. Damni enim, quod testis ex revelatione metu pensanda est gravitas, per comparisonem ad damnum, quod ex defectu revelationis impendet proximo, unde si proximus incurrat periculum vitæ, teneris ad testificandum, cum periculo etiam gravissimo bonorum temporalium, si est in periculo perdendi totam substantiam, testificari debes cum aliquali bonorum tuorum detrimento, non autem cum jactura vitæ, aut nobilis famæ. Ita Sylvius, cui alii suffragantur. His permissis

Prob.

Prob. 1. pars. In moralibus ea opinio præferenda est, quæ & tutior est, & æque probabilis, si non probabilior: atqui talis est opinio nostra. 1. quidem tutior est, quia magis ab omni peccandi periculo removet. 2. est etiam probabilior, tum ab extrinseco, cum communior sit, & a majori Doctorum numero propugnata: tum ab intrinseco; quia multo probabilius est testem citatum, ex officio sibi a Republica imposito, teneri ad revelandam veritatem; eumque silentium servando, dolose nocere parti, quæ legum adminiculo ejus auxilium implorat; prout jam docuimus Tom. 2. ubi de Monitoriis: ergo opinio hæc videtur tenenda in praxi.

Confirm. Justa Judicis sententia tribuit jus ad bona alterius: ergo justa Judicis lex tribuit auctori vel reo jus ad testimonium alterius.

Prob. 2. pars. Ideo Malderus, Lugo, & alii passim a restituendo eximunt eum, qui de industria laicitat, & fugit, ne compareat coram Judice, quia is ejusdem Judicis præcepto, utpote sibi haud intimato non ligatur: atqui hæc ratio nulla est. Quia lex censetur sufficienter intimata his omnibus, qui dolose impediunt, ne eadem sibi intimetur; alioqui malis sua fraud, & dolus patrocinaurentur, quod admitti non potest. Et vero sicut Canonicus in aliena Diocesi remanens, excommunicari potest ob defectum residentie; quia scilicet fictionis juris censetur in propria Diocesi præsens esse: sic & fictione juris censetur citatus fuisse is, qui culpabiliter impedit, ne citaretur.

Dico: qui *inculpabiliter, aut dolose impedit*. Sponte enim fatebor cum Sylvio, eum, qui bona fide, ac sine fraude ulla, e loco, ubi ferendum esset testimonium, alio proficiscitur ad negotia sua, nihil de ferendo testimonio cogitans, nec ad illud vocatus a Judice, ad nihil teneri propter omisam in iis circumstantiis testificationem. Ubi tamen reversus fuerit, tenebitur offerre se ultro, si id exigit charitas, vel debita superioribus obedientia; unde & incurreret excommunicationem monitorio decretam, si hæc necdum fulminata sit, prout dixi ubi de Censuris, ibid.

Obijciunt Molina disp. 83. & 700. Lugo disp. 39. n. 5. Sylvius ead. q. 70. a. 1. non teneri ad restituendum, qui iustitiam solum legalem violaverit; unde, inquit, immunis est a restituendo, qui post Judicis præceptum non mundat, aut ornat vias publicas; item qui tutoris munus non acceptat: atqui, pergunt, non nisi legalem iustitiam violat, qui etiam citatus ad testimonium non comparet. Is enim eo solum peccat, quod impositum sibi a Judice munus non acceptet: atqui in hoc sola læditur legalis iustitia.

Confirm. quia durum est, ut Respublica unum civem subijciat alteri quantum ad actiones personales, ita ut ille, nisi isti paruerit, eidem etiam restituendo satisfacere teneatur. Adde, quod etiam si id absolute posset Respublica, non tamen id facere præsumeretur, nisi satis clare exprimeret suam voluntatem obligandi tali modo; nullibi autem reperitur clara hæc voluntatis Reipublicæ expressio.

Hæc momenta, si cui satis ad dubium grævia videbuntur, poterit is restitutionem moderari; quod ego non ausim, quia hæc sufficienter solvi posse opinor. Unde

R. Ad 1. neg. min. ad 2. 1. neg. maj. Non enim solum peccat testis, quod impositum a Judice munus non acceptat; (sunt enim officia; quia saltem sine iniustitia repudiari possunt;) sed quod illud dolose repudiet; quatenus dolose impedit, ne innocens illari sibi damni compensationem obtineat; prout probavi ubi de Monitoriis sub finem.

2. Neg.

2. Neg. min. Non enim legalem solum iustitiam violat, qui violat pactum virtuale: atqui testis comparere nolit, violat pactum virtuale, & cui tacite subscribunt, quicunque sunt membra Reipublicæ. Sicut ergo Juxta ratione officii, quod sibi, etiam quandoque invito impositum est, tenetur ex iustitia partes muneris sui adimplere; sic & ad idem ex iustitia teneri videtur testis.

Nec nocet, quod Juxta, licet invito, officium suum acceptaverit, testis autem testandi officium recusasse supponatur: quia recusatio hæc est de facto, non autem de jure; unde æquivalere acceptationi. Sic qui dativam tutelam pupilli recusat, de omni damno, & interesse tenetur\*, donec ab ea juridice exoneratus sit. Unde apparet tutelæ exemplum allatum a Lugo n. 8. contra eundem militare.

Quod addit idem Theologus; cum, qui vias non mandat, nulli obnoxium esse restitutioni; verum est, & nihil concludit; tum quia hæc inobedientia reipsa nemini nocet, seu in vita, seu in bonis; tum quia hujusmodi inobedientes, tam gravibus identidem multis subiciuntur, ut Magistratum abunde præstent indemnem.

Ad confirmat. dico 1. durius esse, ut in Republica bene constituta periclitentur salus, & opes innocentium, quam, ut iis sub restitutionis pœna succurrere teneantur, qui succurrere possunt. Dico 2. durum non esse, ut quis sub certa pœna id pro concivibus suis facere debeat, quod iidem in gratiam ejus vicissim facere tenebuntur.

Quod autem hanc Reipublicæ legem non satis clare videat Lugo, ei quidem, sed non nobis imputari debet; cum hæc adeo parum ambigua sit, ut eam facile detexerint tot Doctores, quorum ipse aliquos citat, nos citavimus; recentiores multos, eosque magni nominis, cum de monitoriis disputavimus.

CONCLUSIO III. Falsi testimonii graviter reus est non is tantum, qui falsum pro vero, sed & qui incertum pro certo asserit.

Prob. quia prior contra juramenti, & probitatis leges æternam veritatem offendit: posterior gravi ejusdem offendendæ periculo se se exponit. Hinc d. Thomas ibid. art. 4. ad 1. In testimonio ferendo non debet homo pro certo asserere; quasi sciens id, de quo certus non est, sed dubium debet sub dubio proferre, & id, de quo certus est, pro certo asserere. Sed quia contingit ex fragilitate humana memoriæ, quod reputat se homo quandoque certum esse de eo, quod falsum est; si aliquis cum debita sollicitudine cogitavit, æstimet se certum esse de eo, quod falsum est, non peccat mortaliter hoc asserens, quia non dicit falsum testimonium per se, & ex intentione, sed per accidens contra id, quod intendit. Quid autem tunc factum opus sit, expendam paulo infra.

Quæres, an liceat quempiam inducere ad asserendum id, quod reipsa verum est, sed ab eodem nescitur.

R. id prorsus illicitum esse; nemo enim ab alio petere potest, quod ipse sine gravi culpa præstare nequit: porro non potest quis asserere ut verum id, cujus veritas sibi comperta non est. Qui tamen hac fraude causæ esset, ut alter debitum suum recuperaret, non teneretur ad restitutionem summæ, quæ debita supponitur: posset tamen teneri ad restitutionem impensarum, quas iniquus debitor hac occasione sustinisset; has quidem pati merebarur, sed servato, non violato juris ordine.

Quæres iterum, an induci possit quis ad asserendum, ut verum id, quod ipse verum credit, sed ex errore.

*Tournehy Theol. Moral. Tom. III.*

Oo.

R. I.

\* Vide Diction. J. Ferriere. V. Tutela.

R. 1. non posse id fieri, ut quis hac arte obtineat id, quod suum non est, aut quod sine aliorum præjudicio obtinere non potest. Unde, quidquid dicat bonus Diana, Scholasticus, qui magna anni parte Academicas lectiones omisit, non potest condiscipulos suos, qui enim moraliter præsentem fuisse censent, inducere ad testandum eum, ut decebat. Scholas frequentasse; quia sic gradus, aliaque Universitatum jura contra fas, & non sine aliorum dispendio consequeretur. Atque id utinam ponderent tot Academici nebulones, qui nihil agunt, nisi quod agere non debent; & qui ad Beneficia gradibus suis uti nequeunt, nisi tempus otiose perditum repa- raverint deinceps, posito tamen, quod Scholas accurate frequentaverint; prout nuper resolverunt Doctores Sorbonici complures.

R. 2. neque id licitum esse, ut quis rem tuam obtimeat: Quia est id inducere ad perjurium materiale, quod non magis licet; quam inducere liceat ad vescendum carnibus eum, qui invincibiliter oblitus est, aut ignorat prohibitionem Ecclesiæ; vel ad conculcandam Sancti alicujus imaginem, qui eam Pseudoapostoli esse existimat.

CONCLUSIO IV. Peccat mortaliter, qui falsum quodcumque testimonium juramento confirmat; qui autem seculo juramento falsum deponit, reus est peccati ex genere suo lethalis, indeque obnoxius restitutioni.

Prob. 1. pars: quia ex dictis in Tract. de Religione, gravem Deo injuriam facit, quisquis eum adducit in testem mendacii: sed qui falsum confirmat juramento, Deum in mendacii testem adducit quantum in se est: ergo.

Prob. 2. pars, simul & confirmatur prima. Prov. 6. *Sex sunt, quæ odit Dominus: . testem fallacem.* Ibid. c. 19. *Testis falsus non erit impunitus.* capit. 21. *Testis mendax peribit.* capit. 25. *Jaculum, & gladius, & sagitta acuta, homo, qui loquitur contra proximum falsum testimonium;* & c. 28. *Testis iniquus deridet judicium, & os impiorum devorat iniquitatem;* quæquidem omnia, totidem sunt gravis peccati characteres.

Prob. 2. ex variis juris textibus. Cap. 1. *De crimine falsi*, hæc habet: *Falsidicus testis tribus personis est obnoxius; primum Deo; cujus præsentiam contemnit: deinde Judici, quem mentiendo fallit, postremo innocenti, quem falso testimonio lædit.* Porro uterque reus est, & qui veritatem occultat, & qui mendacium dicit: quia & ille prodesse non vult, & iste nocere desiderat.

Cap. Eos 111. q. 10. desumptum ex Canone 25. Concilii Arelatensis II. *Nisi, inquit, digna satisfactione penituerint, qui falsa fratribus capitalia objecisse convicti fuerint, usque ad exitum vitæ non communicent, sicut magna Synodus ante constituit.* Plures id genus Canones videris apud Nat. Alexandrum hic Reg. 1.

Prob. 3. ex Patribus, quorum instar in re evidenti sit S. Augustinus; sic ille in Psalm. 79. *Omnia peccata due res faciunt in homine cupiditas, & timor.* *Corrumpere te vult aliquis, ut dicas, v. gr. falsum testimonium.* *Attendisti in Deum, & dixisti in animo tuo;* Quid prodest homini, si totum mundum lucratur, animæ vero suæ detrimentum patiat? *Non adducor præmio, ut perdam animam meam pro lucro pecuniæ.* *Convertit ille se ad incutiendum metum; qui præmio corrumpere non valuit, incipit minari: damnum, expulsionem, cædes fortassis, & mortem.* *Ibi jam si cupiditas non valuit, forte timor valebit ut pecces.* Quicumque te vult occidere, usque ad corpus ei licet, usque ad animam non licet. *Anima tua non morietur, nisi eam volueris occidere.* *Perimat aliena iniquitas carnem tuam, dum servet veritas animam tuam.* *Si autem a veritate reflexeris, quid tibi*

*tibi amplius facturus est inimicus, quam tu tibi ipse facis. Inimicus serviens carnem potest occidere: tu autem dicendo falsum testimonium, animam occidisti.*

Idipsum docet Angelus Scholæ hic art. 4. *Falsum testimonium*, inquit, habet triplicem deformitatem. Uno modo ex perjurio, quia testes non admittuntur nisi jurati; & ex hoc semper est peccatum mortale. Alio modo ex violatione iustitiæ; & hoc modo est peccatum mortale in suo genere, sicut & quilibet injustitia. Tertio modo ex ipsa falsitate, secundum quod omne mendacium est peccatum; & ex hoc non habet falsum testimonium, quod semper sit peccatum mortale. Quibus ex ultimis verbis colligit Sylvius, eum, qui falsum diceret testimonium, ut innocentem ab injusta sententia liberaret, non peccaturum mortaliter, nisi forte sic mentiretur, ut dum uni prodesse vult, noceat alteri, notabile crimen falsum ei obijciendo. Verum hæc viri docti annotatio satis inutilis videtur; quia, cum testes non admittantur nisi jurati, quisquis falsum in judicio testimonium perhibet, reus est perjurii: porro perjurium quacumque intentione fiat, semper, & in omni materia peccatum est lethale.

Hic obiter annotaverim cum Nat. Alexandro r. falsos testes, qui apud Romanos Tarpeio e monte præcipites agebantur, apud Gallós capitali supplicio plecti secundum Constitutionem Francisci I. editam ann. 1537. mense Martio; 2. eadem affici pœna, ut ejusdem criminis reos, qui falsa instrumenta fabricantur, aut vera adulterant, iisve sic compositis utuntur ad obtinendam causam. Ejusdem criminis rei sunt, parique pœnæ obnoxii Procuratores, Advocati, alique quilibet, qui celant, vel supprimunt instrumenta adversæ parti profutura. Et hi omnes ad restitutionem ejus, quod interest ratione omnium damnorum, & expensarum tenentur; ut qui totius hujus nocuamenti causa sint.

Sed nonne licet saltem ei, qui verum amisit instrumentum, aliud simile fabricari, si futurum est alioqui, ut causa gravissimi momenti cadat? Sane non licet, quia etsi nulla eo in casu irrogatur injuria proximo, irrogatur magna veritati. Qua etiam de causa Clericus, qui testimoniales, vel dimissoriales Episcopi sui litteras, aut Parochi de baptismo fidem facientes perdidit, non potest alias supponere, ut ad Ordines promoveatur. Idem esto judicium de viro Regulari, qui amissis obedientialibus litteris, alias fabricat. Et vero hæc agendi ratio fallit publicam fidem, fallariis decipiendi viam aperit, & Notarios, qui publicis instrumentis subscribunt ad perjurium inducit. Quapropter Sacra Facultas Parisiensis ann. 1665. die Februarii 3. duas istas Guimenii propositiones reprobavit, ut falsas, scandalosas, & Reipublicæ perniciosas. I. *Falsare non est, nec peccatum mortale, amissa scriptura de hereditate, aut nobilitate, aliam similem efficere: nulli enim fit injuria.* II. *Si quis privatam aliquam scripturam, aut syngrapham, aut apocrypham, qua constaret se certa quantitati pecuniæ mutuo acceptæ satisfecisse, falsificaret, quia aliam legitimam a conditore concessam amisset, nec alio modo probare posset solutionem, non damnavem peccati mortalis; quia falsificationes hæc privatarum scilicet scripturarum, non sunt ita Reipublicæ perniciose.*

Quæres, an testis, qui bona, & inculpata fide falsum testificatus est, teneatur testimonium suum retractare.

Respondent Molina Tom. 5. Tract. 4. disp. 40. Lugo disp. 39. n. 24. Sylvius hic art. 4. & alii pene omnes, eum ad retractionem hanc teneri non solum ex charitate, sed & ex iustitia, modo tamen, & retractatio profutura esse credatur, & sine gravi damno fieri possit. Ratio est 1. quia, qui alienum detinet invito domino, tenetur restituere cum primum adverit id, quod de-

Quod 2. tinet

tinet esse alienum : sed , qui alterum in iudicio infamavit , quasi detinere ejus famam : ergo statim , ut animadvertit errorem suum , tenetur se retractare ; 2. qui alienis verbis ignem applicuit inadvertenter , eundem , si sine gravi periculo possit , extinguere tenetur ; quia nimirum quisque agere debet , ne alteri , ex actione sua damnum contingat : ergo a pari ; 3. quia nota retractare est virtualiter perseverare in prima sua depositione , ac proinde se virtualiter , & scienter constituere alieni damni auctorem : atqui quisque hoc evitare debet , cum utiliter , & sine gravi damno potest : ergo .

Dices : Hæc ultima ratio probat retractionem , de qua loquimur , ita necessariam esse , ut fieri debeat etiam cum vitæ periculo , prout re ipsa docet aliquis apud Lugo ibid. n. 28.

R. neg. ant. Sicut enim , qui ex inadvertentia plane inculcata alienam domum incendit , non tenetur ignem , quo innocentem aliqui absorbendi sunt , extinguere cum certo vitæ periculo ; sic nec cum eodem , imo nec cum gravi fortunæ periculo tenetur quis testimonium , quo quempiam aspersit , retractare . Ratio est , quia etsi obligatio non inferendi scienter proximo damni , sit absoluta ; obligatio tamen damnum a nobis inculpate prorsus illatum reparandi ex communi hominum sensu est solum conditionalis ; & tunc tantum urget , cum sine gravi incommodo adimpleri potest . Sic si me turpe Petri factum citra culpam narrante , crederem adstantes me locutum esse de Paulo , tenebor quidem suum eis errorem avellere , si commodè potero : at si graves idcirco sumptus facienda essent , non tenerer ad eos præstandos , sed potius Paulus ipse ; cujus res ageretur .

Cæterum nemo non sentit exempla hæc non ita convenire inter se , ut plenam paritatem constituant . Enim vero ex communi hominum sensu ad aliquid minus tenetur , qui cum loqueretur de Petro , intellectus est de Joanne , quam , qui pestilentem domum incendere ratus , incendit non infectam ; minus debet , qui hanc incendit , quam , qui falsum materialiter testimonium tulit . Certe in hoc postremo casu , si periclitaretur innocentis vita , aut bona spectatissimi viri æstimatio , etsi exigere nolim , ut , qui contra eum inculpate deposuit , par incurrat periculum , censeo eundem teneri ad impensas respective graves , ut impendentem ictum avertat .

Sed , quid si damnum avertere nequeas ; puta quia , quem accusasti , sat aliunde contra se testimonium habet , ut condemnari debeat .

Respondent , aut respondere debent citati Theologi , te a retractionis onere immunem esse ; quia hæc ad nihil profutura sit . Extendit id Cabass. l. 4. c. 5. n. 2. ad testem formaliter calumniosum . Si contingat , inquit , ut anteriores testes admissi , neque a reo accusati , sufficienter eadem calumnia reum oneraverint , adeo ut iste additus , & supernumerarius condemnationem ab aliis dudum efficaciter causatam non avertit , non potest censeri condemnationis auctor , neque obligatus ad eam reparandam . Similis ratio , & decisa est in eo Judice , vel Consiliario , qui precedentium injusto iudicio suum addis suffragium , si nulla habita communi conspiratione suffragia precedentia erant in sufficiente ad validum iudicium numero , neque causam dedit anterioribus injusti suffragii ; & si reliquis insequentibus Consiliariis existentibus una cum eo in non sufficienti numero ad elidenda anteriorum suffragia , non fuerit auctor injusti suffragii .

Verum decisa hæc , etsi limitationibus stipata , non videtur tuta practice ; cum , ut bene notat in eum Cabassurii locum Gibertus , per additivas , & supernumerarias depositiones robur accrescat anterioribus . Decem quippe te-

rimo-



testimonia magis movent, & determinant, quam duo, etsi duo absolute sufficiant. Ubi enim duo tantum testificantur, eos magis Iudex liberat, & perpendit omnia, caveatque ne iniquum ferat Iudicium; ubi vero adfunt decem, tanta apparet facti certitudo, ut quasi in iudicium proruat absque ampliori examine, & errandi periculo. Idem de iis dicendum, qui in iudicio suffragantur. Certe multo plus habet ponderis sententia unanimi omnium calculo comprobata, quam quæ nisi suffragiis absolute necessariis munita est: inde fit scilicet, ut pars læsa non audeat appellare, aut cassandum impugnare iudicium, si sit supremum. Demum in materia famæ, qui inique damnatus fuerit, grande hinc solatium percipiet, quod duo tresve Consiliarii graves a partibus suis steterint, ejusque dedecori non consenserint cum aliis. Hæc igitur Giberti opinio alteri videtur anteponenda; eamque, ut saniores secuti sumus jam dudum in Tract. de Justitia, ubi de consentiente; Palpone, &c.

Hinc annotari velim, 1. difficile admodum esse, ut quis inculpate prorsus falsum testimonium ferat. 2. eum, qui in hoc casu versatus esset, teneri, ubi errorem suum comperisset, eum admonere, qui ex errore suo lucrum percipisset, ut restituere rem male partam. 3. eum, qui ex veniali negligentia falsum testatus esset, non quidem teneri ad damni totius restitutionem, sed tamen ad tantam partem teneri posse, ut nisi restituat, peccet lethaliter; prout colligere est ex iis, quæ dixi in Tract. de Justitia, part. 2. alias 3. cap. 3. art. 4.

### SECTIO TERTIA.

#### De Reo.

**D**E reo septem inquiruntur. 1. an semper teneatur respondere. 2. an verum fateri. 3. an socios, seu consortes detegere. 4. an possit occultos, aut falsos testibus vel accusatori defectus opponere. 5. an appellare. 6. an fugere. 7. an in fuga juvari. Sit

**CONCLUSIO** 1. Reus respondere debet, cum interrogatur juridice; secus si contra ordinem juris interrogetur. Ita S. Thomas 2. 2. q. 69. a. 2. & omnes cum eo.

Prob. 1. pars: quia quilibet Superiori legitime præcipienti obedire tenetur: atqui legitime præcipit Iudex, cum interrogat servato ordine juris: imo & tunc præcipit non solum id, quod potest, sed & id, quod præcipere tenetur ex officio: ergo.

Prob. 2. pars a contrario: siquidem Iudex nihil potest, nisi secundum ordinem juris: ergo cum ordinem hunc non servat, non magis eidem obtemperare tenetur reus, quam alii cuicumque privato.

Porro tunc demum juxta S. Thomam ibid. reus interrogatur juridice cum præcessit infamia super aliquo crimine, vel aliqua expressa indicia appaiverunt, vel etiam, cum præcessit probatio semiplena.

Infamia censetur interrogationem præcedere, cum quis in perpetrati criminis suspicionem vocatura multis, qui vici probi habentur, & graves, non malevoli, neque maledici: aut cum is populi totius voce, aut rumore publico talis delicti reus conclamatur; quod quidem in jure *clamosa infusatio* vocatur. Indicia sunt circumstantiæ, & signa, ex quibus prudenter de aliorum actionibus judicari solet. Semiplena probatio est assertio testis unius juratissimi exceptione majoris, qui rem, vel viderit, vel ab ipso reo audierit, et docet

Cabassut. *ibid.* c. 4. n. 2. Unde debet Judex reo aperire statum causæ ; probationes, indicia, & testes, ut sciat se juridice interrogari ; & sic quid habeat contra, possit illud opponere. Ita saltem colligitur ex cap. 21. & 24. *De accusat.* censent tamen multi accusationem sufficere ad interrogandos testes ab accusatore productos.

Sed, qua via extricabit se reus juridice non interrogatus ? si sileat, silentium ejus post unam, & alteram interrogationem continuatum pro confessione reputabitur ; & in eum feretur sententia tanquam in mutum voluntarium ; aut certe torturæ subicietur. Si respondeat, haud licet eidem mentiri ; quid ergo factu opus sit ? Potes, ait Cabassut. *ibid.* c. 6. ambigue respondere ; atque a Judice jurare imperatus, jurare quidem, sed non ad mentem Judicis injuste procedentis. Commoda quidem esset hæc agendi ratio, nisi amphibologias, & restrictiones mentales a nobis Tom. 1. damnatas inveheret : sed quia eæ sunt veri mendacii species, satius videtur, ut reus appellat a Judice, quasi qui ordinem legibus constitutum violet ; aut Judici dicat se non teneri ad respondendum ; aut saltem se negare proposita, sicut proponuntur : nempe vero proponuntur, ut publica, quæ publica nec sunt, nec esse possunt.

Sed, quid si dubitet reus, an interrogetur juridice, aut dubitet ipse Judex, an jus habeat interrogandi ?

R. Ad 1. Non tenetur reus ad respondendum ; quia in dubio rationabili, & ubi aguntur res tanti ponderis, & quæ dividi non possunt, æquum si unquam, ut melior sit conditio possidentis.

R. Ad 2. Si ex omiſſa rei interrogatione imminet publicæ rei malum, debet Judex dubium deponere, & meminisse se custodem esse publici boni, cui proinde plus consulere debeat, quam bono rei. Si vero res patitur moram, reo magis, quam alio cuilibet favendum est. Interim, ait Sylvius, in neutro casu tenebitur reus respondere ob rationem proxime allatam. Nec mirum est, quod ex ignorantia, aut dubio inculpato bellum utrinque justum moveatur.

CONCLUSIO II. Mortaliter peccat reus, qui juridice interrogatus, diffitetur crimen suum, etiam ut mortem evadat. Ita S. Thomas *ibid.* alii-que multo plures contra paucos, qui venialiter solum peccare putant eum, qui mentiendo evadere potest ; nisi forte, inquirunt, agatur de pœna spiritali, excommunicatione, v. g. aliave censura.

Prob. quia, ut bene S. Thomas *ibid.* *quicumque facit contra debitum justitiæ in re maximi momenti, mortaliter peccat* : atqui reus qui crimen suum negat, aut veritatem reticet, seu tacendo, seu aliud a proposito respondendo, facit contra debitum justitiæ, in re gravissima. Ut enim faciat contra debitum justitiæ, sufficit, ut Judex jus habeat eundem interrogandi ; huic enim juri ex parte Judicis, correspondet ex parte rei obligatio stricta respondendi ad rem : atqui Judex legitimus, & juris ordinem servans, jus habet interrogandi, ut manifestum est gentium omnium consensu ; & hinc etiam patet, quod illæsa justitia reum torturæ applicare possit, ut ab eo veritatem eliciat. Deinde materia præſens gravissimi est momenti : quia ex ea pendet civium salus, & commune bonum, quæ insigniter deperirent, si Reipublicæ perturbatores judicia eludere possent mendacio, aut fraudibus. 2. quia mendacium coram Judice legitime capitaliter repugnat gloriæ Dei, sicut & ad eam insigniter contribuit veritatis confessio ; unde Hebræi ad nudam hanc confessionem hortabuntur his verbis : *Da gloriam Domino Deo Israel, & confitere* ; Josue 7. 3. quia negatio

veti-

veritatis plerumque graviter noceret accusatori, qui punitur si in probatio-  
ne deficiat, unde & in Psalm. 140. dicitur: Ne decines cor meum in ver-  
ba malitiæ, ad excusandas excusationes in peccatis. S. Thom. ib. ad 3. ergo si  
præstito, ut in Gallia non in Italia ob grave periculum perjurii, præstari so-  
let, veritatis aperiendæ juramento, reus veritatem negat, peccat contra  
eamdem veritatem ratione mendacii; contra Justitiam ratione juris in Ju-  
dice, & aliquando in accusatore, & contra religionem ratione juramenti.

Obj. Nemo hominum tenetur obsequi mandato injusto: atqui manda-  
tum, quo Juxta cuiuspiam præcipit, ut ore proprio suæ sit condemnatio-  
nis artifex, est profusum injustum. Repugnat enim, tum nativæ propensio-  
ni, tum juri, quod quis a natura accepit tuendi vitam suam; juri, inquam,  
tam invicto, ut ne occidaris, alium occidere possis; ne pereas fame, alie-  
num invadere queas: ergo.

R. Ad 1. neg. min. ad 2. nego injustum esse præceptum, quod propen-  
sioni a natura inditæ repugnat: aliqui teneretur miles deserere stationem,  
in qua evidens vitæ discrimen incurrit; nego insuper reum jus habere  
tuendi vitam, seu mentiando, seu conticiscendo; quia a jure illo excidit  
partim ob crimen, cui leges capitæ pœnam indixere; partim ob iussa Su-  
perioris, cui natura ipsa parere jubet, quoties is munus suum debite exe-  
quitur. Aliter se res habent in casibus objectis; nemo enim privatus jus  
habet privatum alium interficiendi; nemo impedire potest, ne in extrema  
positus necessitate utatur bono, quod ipsa necessitas facit commune.

Obj. 2. Non potest cogi ad testificandum contra consanguineos;  
ergo multo minus eogi potest ad testificandum contra se. Quis enim ma-  
gis consanguineus, quam quisque sibi?

R. 1. antecedens falsum esse in plurimis casibus, ut cum agitur de pro-  
ditione regni, de criminibus læsæ majestatis, de hæresi, &c.

R. 2. neg. conseq. Deposito enim contra consanguineos capitalia in fa-  
miliis odia, jurgia, exprobrationes inveheret, & nutrirer; hæc autem in-  
commoda locum non habent in eo, qui contra seipsum testificatur. Et  
vero leges, quæ verant, ne parentes contra se invicem in materiis com-  
munibus testimonium ferant, præcipiunt, ut Juxta reum interroget, &  
is torqueatur, nisi respondeat: ergo longum stat inter hæc discrimen.

Ex his colliges reum, qui juridice interrogatur, non posse sacramenta-  
liter absolvi, nisi serio veritatem confiteri proponat: quia alioqui est, &  
esse perseverat in statu moralis peccati. Imo si videat Confessarius ho-  
minem satis convictum negare in sacro tribunali, se furri hujus, aut ho-  
micide auctorem esse, aut si ex iis, quæ etiam extra juridicam interroga-  
tionem respondet, sentiat futurum, ut recta via coram Judicibus non pro-  
cedat; impense cavebit ne absolutionem largiatur; alioqui enim Sacramen-  
tum manifestæ profanationi exponit.

Monet hic apposite Sylvius, Confessariis, antequam reorum confessio-  
nes extipere incipiant, sedulo curandum esse, ut inquirent, sintne omnia  
ita secundum ordinem juris, ut reus non nisi juridice interrogetur. Alias  
enim eos inducent, vel in jacturam corporis, temere jubendo, ut confite-  
antur; vel in jacturam animæ, non jubendo, ut confiteantur, quando  
debent. Sed & id cavendum, ne audita confessione aliquid verbo, gestu,  
aut vultus compositione prodant, quod suspicionem criminis perpetrati in-  
gerere, & sic sacramentale sigillum infringere possit.

Sed quid si Confessarius animadvertat violari juris ordinem? numquid

non tenebatur reum admonere? Utique teneri videtur; quia postulat charitas, ut malum inique paratum avertatur, quantum potest. Imo etsi generaliter præsumendum est in favorem Superiorum *in dubio vero, magis reo favendum esset, quam cuique contra eum aßori.*

Quæres, an prolata a Judicibus absolutionis, aut pænæ sententia reus veritatem aperire teneatur.

R. Consentiunt Doctores, ei qui e Judicis manibus evaserit, satis esse ut peccatum sacramentaliter confiteatur, non autem requiri, ut deinceps contra se revelet; quia jam est extra Judicis potestatem; neque Index ullam ejus confessionem exigit. Aliud esset, si necessarium foret aperiri crimen, ne innocens, cui imponi cœpit, grave hinc periculum subeat.

An autem post sententiam mortis teneatur reus revelare crimen suum, controvertitur; nec defunt graves pro utraque parte Theologi. Qui negant, his pugnant momentis. 1. quia a lata sententia jam finitum est & judicium, & Judicis officium; secundum id Leg. 55. ff. *De re judicata*. *Judex postquam semel dinit sententiam, Judex esse definit*: atqui finito judicio, Judicis officio, finitur tum interrogatio quælibet, quæ jam inutilis esset ad causam; tum consequenter quælibet rei obligatio ad respondendum: ergo cum desinente fine, desinat id omne, quod nonnisi ad finem est necessarium, desinit etiam quælibet rei obligatio. 2. quia hæc rei confessio reipsa non infervit ad securitatem conscientie Judicis. Si enim judicaverint secundum allegata, & probata, securi sunt absque ulla confessione: si secus, hæc nihil iis prodest ad solatium; cum non modo damnare crimen, sed & juridice damnare teneantur. Neque hinc Judici, aut testibus sequitur infamia; cum omnibus notum sit reos solitos esse crimina negare; neque etiam hinc sequitur in reo suspicio legitima impœnitentiae; cum supponi possit eum veritatem aperuisse confessario, postquam se morti destinatum vidit. 3. quia opinio contraria favet inique Judicis quorundam consuetudini, qua simulant se reum ad mortem damnare, ut in illo articulo constitutus suum fateatur crimen, quod si fateatur, plectitur morte; si neget, remittitur in carcerem: non ergo debet Confessarius reum adigere ad criminis sui confessionem cum tanto periculo. Et ita sentiunt Lugodisput. 40. n. 19. & apud eum Navarrus, Navarra, Sayr; iisque consentiunt Sylvius, & P. Antoine T. 2. p. 434. cum hac limitatione, quod reus delictum fateri teneatur, si id exigit bonum commune, vel amotio scandali, vel si esset periculum, ne quis postea innocens eodem crimine accusaretur, & damnaretur, quia exigit charitas, ut grave proximi damnum impediamus, cum possumus sine nostro gravi damno. Addit Lugodisput. hæreticum præsumi permanere, & mori talem, nisi crimen suum consentido Ecclesie satisfaciatur; quia non alia conditione a censuris absolvi potest.

Contrarium tenent Corduba, Medina, Ledesma, Cabass. L. 4. c. 6. n. 3. in fine; & id suaderi potest, 1. quia reus ad criminis confessionem tenetur, quando sub juridica potestate detentus est: detinetur autem sub ea, donec sententia executioni mandetur. 2. quia qui falsam, & publicam depositionem non retractat, judicatur in ea perseverare, ac proinde ad mortem usque mentiri, vel iniquo judicio perire. 3. etsi sciunt omnes reos crimina sua negare solitos esse, vix tamen quisquam suspicabitur hominem, qui crimen sibi imputatum constanter negavit, & tandem serio pœnitens videtur, idem commississe scelus, si illud ante mortem non fateatur. 4. quia hæc est praxis constans Sorbornicorum Doctorum, qui Parisiis capitali damnatos

suppli-

supplicio audiunt in tribunali, & ad patibulum comitantur; 5. quia ex eorum confessione pluries, & non pridem evenit, ut indebitam mortem evaserint innocentes, qui venerant in suspicionem criminis ab alio commissi. Hæc opinio prorsus in praxi tenenda.

Quæres, quid de eo sentiendum, qui ut immanes torturæ cruciatus fugeat, falsum sibi imponit crimen in iudicio, unde morti addicitur.

R. Eum peccare mortaliter: tum quia reum se facit mendacii perniciosi, quo scilicet fallit fidem iustitiamque publicam in re gravi; tum quia directe, & positive est causa moralis injusta mortis suæ; cum tetra hac sui infamatione non minus Iudicem moveat ad injustam sui occisionem, quam moveret ad mortem alterius, contra quem falsi quid deponeret. Confirmat id utcumque, quod scribit Hieronymus in Epist. *De muliere seclis illa*, nec tamen interempta; cum econtra adolescens, qui tormentis victus, sese cum eadem peccasse falso confessus erat, primo gladii ictu caput, & vitam amisit.

Dices: Eatenus peccaret quis falsum crimen confitendo, quia esset directe sibi causa mortis: atqui non est sibi causa mortis, nisi indirecte. Neque enim onerat se, ut moriatur, sed ut tormentis morte gravioribus se subtrahat; ergo se habet, sicut qui virgini consulit, ut potius se a milite jugulari, quam stuprari permittat, qui porro id consulit, non intendit virginis mortem, sed omissionem stupri.

R. Ad 1. neg. min. & dico eum, qui falsum sibi crimen imponit, facere aliquid, unde secundum iustitiæ regulas certo mori debeat; ergo re ipsa vult directe mortem, ut malum gravius vitet. Qui vero virgini suadet, ut se jugulari potius, quam tædari permittat, nihil eidem consulit, unde sibi mors iuste inferenda sit.

Dices iterum: Non magis tenetur quis cum tantis doloribus servare sibi vitam, quam eandem servare teneatur per acerbissimam tibie abscissionem: atqui &c.

R. Neg. maj. Aliud quippe est non conservare vitam, aliud positive moraliter destructionem ejus causare. Primum facit, qui acerbissimos seclis tibie dolores pati recusat; secundi autem reus est, qui iniqua sui diffamatione moraliter movet Iudices ad sibi, quasi reo, necem inferendam.

Sed teneaturne, qui falsum confessus est crimen, confessionem retractare? Fatentur teneri omnes 1. si speret se hac ratione mortem evasurum, 2. si ex ejus non retractatione notabilis in alio redundet infamia; quæ per retractationem, vel auferretur, vel minuetur notabiliter. Secus, inquiunt, si de sola ejus infamia agatur; quia unusquisque propriæ famæ dominus est. Mihi certe homo in casu tanti momenti, in quo iniquæ Judicis sententiæ quandatenus cooperatur, non videtur admodum famæ suæ dominus.

CONCLUSIO III. Reus, complices, seu sceleris socios quandoque patere facere tenetur, quandoque non.

Prob. quia ad id tenetur, quoties istud postulant charitas, & ordo juris. Postulat autem charitas, cum avertendum est malum communi bono, aut privato imminens; postulat autem juris ordo, quoties agitur de criminibus, ut ajunt, *exceptis*, qualia sunt hæresis, crimen læsæ majestatis, falsatio monetæ, proditio, veneficium, assassinatus, & sacrilegium, in quibus, & solis ex unius complicitis depositione potest ejusdem criminis confors tortura probari: cum econtra in aliis delictis, nemo tortura probeatur, seclusis indicis, aut infamia, vel unius testimonio, nisi duo ad minus dilecti

participes eundem accusaverint ; ut notat Ferrier v. *Complice* . Tunc ergo absolvi non potest reus a Confessario , si complices prodere renuat .

Limitat hoc raptim , & uno verbo P. Antoine , si reus sciat complices esse emendatos . Sed haud satis scio , an limitatio hæc sit accurata . An enim abutatur potestate sua Judex , qui exigit , ut reus complices quoscunque habuit , detegat ; an non eos etiam jam poenitentes in aliorum terrorem punire valet ; an non igitur reum ad eosdem detegendos adigere potest ; an si potest , potest reus non respondere ; Ut ut est ; si crimen tale sit , ut ab uno committi potuerit , & desit infamia , vel semprobatio , aut indicium sufficiens , jam Judex non interrogat judice de sociis extra casus exceptos , prout docet Lex 17. Cod. *De accusatione* . ubi sic : *Nemo de proprio crimine consistentem super conscientia scrutetur aliena* ; cui consonat cap. 1. *De Confessione* .

CONCLUSIO IV. Non licet reo falsum accusatori , aut testi crimen imponere , quo testimonium ejus infringat . Potest tamen occultos utriusque defectus propalare , si sic futurum est ut evadat ; alias non potest .

Prob. 1. pars 1. ex censura hujus propositionis , quæ inter proscriptas ab Innocentio XI. est n. 43. *Quidni nonnisi veniale sit detrahentis auctoritatem magnam sibi noxiam falso crimine elidere* ? Hujus item , quæ est ordine 44. *Probabile est non peccare mortaliter , qui imponit falsum crimen alteri , ut suam justitiam , & honorem defendat . Et si hoc non sit probabile , vix erit opinio probabilis in Theologia* ; de qua thesi sic an. 1700. censuit generalis Cleri Gallicani Conventus : *Hujus propositionis doctrina falsa est , temeraria , scandalosa , erronea , spatiosam calumniatoribus , & impossoribus portam aperit ; & clare detegit , quam nefaria placita probabilitatis nomine inducantur* .

2. Graviter peccat , qui mentiur in materia gravi , sicut leviter , qui in levi : sed qui falsum crimen imponit testi ( aut cuivis detractori ) mentiur in materia gravi ; cum grave crimen gravis sit materia , ut levis est materia delictum leve : ergo .

Confirm. 1. Ea culpa merito censetur gravis , quæ non veritati solum adversatur , sed & justitiæ , tum legali , tum etiam commutativæ : atqui talis est culpa , qua quis iniquo testi falsum crimen impingit : 1. quidem adversatur justitiæ legali ; cum eo mendacio decipiatur Judex in judicis , quæ ad rectam Reipublicæ administrationem pertinent , & quæ si semel falsorum criminum impositione labefactentur , *quid sunt regna , nisi magna latrocinia* , ait S. Augustinus de Civit. Dei lib. 4. c. eod. Adde , quod Judex hac arte exponatur periculo condemnandi testem , ut reum criminis ab eo non admissi ; quod est malum grave ; 2. adversatur justitiæ commutativæ , quia lædit jus strictum , quod quisque habet , ne ab aliis falso infametur : ergo .

Confirm. 2. non magis licitum est per calumniosam falsitatem tueri se in judicio , quam per falsos testes , falsive instrumenta : atqui ex dictis hæc graviter illicita sunt : ergo .

Prob. 2. pars. Non peccat , qui utitur jure suo : sed , qui ad labefactandam testis assertionem , occultum ejus crimen propalat , utitur jure suo . Quisque enim jus habet præferendi bonum suum majus , aut æquale bono proximi sui : atqui vita , cujus quis discrimen incurrit , bonum est proximis præstantius ; ergo potest , ut sibi consulat , eandem dispendere , se potius non custodire ; sicut potest non servare depositum sibi commissum , qui grave ex ipsius custodia periculum incurrit . Neque is cujus culpam deregis , conqueri potest , quod eum infames ; quia culpam admittendo , exposuit se peri-

periculo videndi eam detectam, si quando id exigeret grave alterius commo-  
dum. Unde censent plures eum, qui crimen alterius sub fide secreti naturalis  
commisus est, aut qui illud dolo extorsit, aut per fraudem expiscatus est,  
posse adhuc idem declarare, ut se tueatur: quomodo, si quis equum sura-  
tus esset, posset tamen eo uti in urgente necessitate etiam cum equi interitu.

Dixi, si futurum est, ut sic evadat, non enim potest quis obijcere testi  
crimen, quod ad sui defensionem impertinens sit; imo nec crimen, v. g.  
perjurium anterius, quod etsi sufficit labefactando ejus testimonio, reipsa  
tamen hic, & nunc sententiam Judicis avertere nequit, sive quia crimen  
satis probari non potest; sive quia non desunt alii testes idonei, quorum nu-  
mero, & pondere obrui debeat: qua etiam de causa, qui a decem homi-  
nibus impugnatur, ex iis unum occidere nequit; quia est id inutile ad de-  
fensionem vitæ suæ, quæ sibi certo ab aliis novem auferenda sit. Quorum  
omnium hæc est primitiva ratio, quod id tantum nobis liceat, quod de-  
fensionis puræ rationem habet, non autem vindictæ: atqui infamare, vel  
occidere inutiliter, mera est vindicta, non defensio inculcata: cum ea so-  
lum defensio inculcata sit, in qua quis non excedit, ac proinde assumit  
medium efficax, perinde & necessarium: quod, ut patet ex terminis, in  
præsenti casu non eveniret.

Atque hinc, si reus aliam habeat rationem minus noxiam, qua testis  
depositionem elevet, hanc arripere tenebitur: cum infamare nequeat, nisi  
quatenus ad justam sui defensionem est necessarium.

Obj. 1. contra primam partem. Qui vitam suam aliter servare nequit, is,  
si injustum ejus aggressorem spoliatur vita, injustus non est; ergo nec in-  
justus est, qui iniquum vitæ, vel honoris aggressorem spoliatur honore, & fama.

R. Neg. consequ. Posito, quod, ut in hypothese nostra, iniquus aggres-  
sor per calumniam fama, & honore spoliatur. Jura enim omnia, quæ  
iniquum vitæ invalorem occidi permittunt; nec permittunt, nec permit-  
tere poterunt, ut quis falsam alii calumniam impingat, quo famam suam,  
& honorem tueatur.

Inst. Saltem calumnia hæc nonnisi veniale mendacium erit, nihilque in-  
cludet justitiæ commutativæ adversum. Se enim habet, qui mendaciter fa-  
mam suam tuetur, sicut qui ope mendacii rem suam recuperat a fure; aut  
qui pari mendacio efficit, ut in soveam, vel in fluvium cadat; is, a quo  
jam jam lethali ictu feriendus est: atqui in his casibus solum argui potest  
veniale peccatum: ergo a pari in primo.

R. Ad 1. neg. ant. & dico calumniam hanc semper esse mendacium  
grave in judicio, ut patet ex allatis probationibus; & extra judicium etiam  
graviter adversari justitiæ commutativæ. Unde

Ad 2. neg. min. Præcipua enim, si non tota, deformitas mendacii, quo-  
quis vel rem suam recuperat, vel alienam mortem procurat, ne patri-  
tur propria, desumitur ex ejus oppositione cum veritate divina, non  
autem ex læsione juris alieni: alius enim non habet jus, aut retinendi rem  
meam, aut me spoliandi vita: neque rationabiliter conqueri potest, quod  
& bonis, & vitæ meæ consulam. Verum longe aliter se res habent in eo,  
qui, ut calumniam a se propulset, calumniatores falso crimine insinuat. Is  
enim jus strictum habet, ne oneretur crimine, quod non commisit; & li-  
cet non servet jus omnimodum ad famam suam; quia infamari potest,  
qua parte est calumniator; jus tamen habet, ne v. g. tradatur, ut adul-  
ter, aut perjurus, cum nec adulterio indulsit, nec pejeravit unquam.

Et

Et vero, etiam si in aliquo particulari casu liceret gravem, ac certam calumniam calumnia retundere, id tamen censori deberet universim prohiberi, ob funestos, qui inde prodirent effectus: sicut universim prohibita est fornicatio in quocumque casu, quamvis in aliquo casu rarissimo cessare videatur hujus prohibitionis finis, qui est, ne proles male educetur. Esto enim finis ille in casu particulari cesset, numquam tamen cessat proximum malæ educationis periculum; quia ea in re homines sibi facile blandiuntur, idque se semper volituros putant, quod in æstu libidinis volunt: atqui pariter numquam cessat periculum, ne alius alium perperam calumniatur, si semel slet calumniam calumnia propelli posse. Quisquis enim passionis æstro percitus, sibi finget se gravem passum esse calumniam, cum levem, aut nullam tulerit; se ab hoc, vel illo læsum esse, cum ab alio, & fortassis a nemine læsus fuerit. Interim sycophantabitur quantum volet, rursusque ab aliis eadem via impetetur. *Quid* tunc igitur erunt *regna*, nisi *magna latrocinia*: ergo universim ars, calumniam calumnia retundendi a natura prohiberi debuit. Obj. 2. contra secundam partem. Pars hæc secunda potissimum intelligitur de teste veridico: atqui non licet occultos testis veridici defectus aperire ad infringendum ejus testimonium. Non enim licet plectere eum, qui id solum facit, ad quod tenetur: sed testis veridicus id unum facit testificando, ad quod tenetur: ergo.

R. Ad 1. dist. min. Non licet dolose, & gratis aperire occultos testis veridici defectus, C. non licet in casu rarissimo, in quo viam ea defectuum revelatione servare possimus, N. Itaque non licet homini juste accusato mentiri se innocentem esse; quia esset id Judicem decipere in materia gravi. Rursus non licet occultos testis referare defectus, quoties referatio hæc ad nihil profutura sit; sed licitum videtur, cum quis hac via servare sibi vitam potest, ut in casu sequenti. Accusatur me Petrus homicidii, quod coram eo solo perpetravi. Ex hac ejus accusatione impendet mihi tortura, & ex tortura dispendium capitis. Regero, quod verum est, & probare possum, Petrum coram me, & aliis duobus perjurii convictum esse; quid in hoc peccati; non lædo Judicem. Non lædo Petrum cujus famam vitæ meæ anteponeere possum. Non dico eum mentiri me accusando. Hoc unum dico, eum ex anteriori perjurio excidisse a jure me accusandi. Quis id in pari casu constitutus improbet? si tamen improbandum sit, jam nunc pro revocato habeatur.

CONCLUSIO V. Reo, vel inique, vel contra juris ordinem condemnato licitum est ab inferiori Judice ad superiorem appellare; secus non licet.

Prob. 1. pars: Licet utri remedio, quod jura omnia offerunt: atqui appellatio remedium est, quod omnia jura offerunt ei, qui vel innocens damnatus est, vel tamen nocens, damnatus est ad poenam justo graviori, aut contra ordinem juris. Minor paret, tum ex tit. 28. lib. 2. Decretal. qui est *De appellationibus*, tum ex ipsa S. Pauli agendi ratione, qui Cæsarem appellavit; tum quia nihil juri naturali consentaneum est magis, quam ut quisque se, suaque tueatur, quoties inculpate poterit: ergo.

Prob. 2. pars 1. quia ex Concilio Eateranensi IV. quod refertur cap. 61. *De accusat. Appellationis remedium non est ad defensionem iniquitatis, sed ad præsidium innocentie institutum*; quia appellans a sententia, cujus justitiam prudenter impugnare non potest, facit injuriam tum Judici, tum adversario suo. Judici, quia hunc arguit imperitiæ, vel iniquitatis: adversario, quia rem ejus, & famam quantum est de se, perturbat. Unde,



de, ait Sylvius, damna ex appellatione prodeuntia utrique compensare te-  
netur. Hinc S. Bernardus L. 3. de Considerat. c. Iniqua est, ait, omnis ap-  
pellatio, ad quam justitiæ inopia non coegit.

Sed quid, si Judex inferioris sententiam probabilem secutus sit, & spe-  
retur futurum, ut superior Judex sententiam sequatur oppositam, haud  
minus probabilem?

Respondet idem Sylvius appellationem tunc temporis esse licitam: pro-  
fecto, quia sibi unusquisque in pari boni juris gradu consulere potest. Si  
tamen res viris vere gravibus, & peritis omnino dubia videbitur, arbitra-  
rer eam etiam post sententiam superioris Judicis dividendam esse, aut præ-  
standam indemnitatem in id, quod interest. Est tamen veri admodum  
simile, meam hanc existimationem paucis probatum iri.

CONCLUSIO VI. Potest reus ad mortem condemnatus, fugere, non ta-  
men ad id tenetur.

Prob. 1. pars, quam tenent communiter Theologi cum S. Thoma 2. 2.  
q. 69. art. 4. ad 2. quia non præsumitur Judex potestatem hanc auferre  
velle reo; neque eum conicere in carcerem, ut ibi sponte remaneat. Sic  
enim ob summam, quæ hominibus a natura inest propensionem ad remo-  
vandam destructionem sui, exponeretur reus gravi, & inutili inobedien-  
tiæ periculo: gravi quidem, quia nemo unus est, qui in pari casu data  
evadendi facultate non utatur, aut eam dari vehementer non exoptet:  
inutili vero, quia reus facile aliter detineri potest.

An autem possit Judex reo, quem morti addicit, fugam interdicare, non  
convenit inter Doctores. Negant multi, & hujusmodi sententiam censent  
invalidam fore, ut ipse evidenter iniquam; iniquam autem, ut quæ pri-  
vet hominem jure, quod, vel ex ipso naturæ instinctu recepit. Contra-  
rium tenent alii cum Sylvio; quia, quem Judex vita privare potest, po-  
test & privare aliquo actu, quo vita conservari possit. Ut ut est, faten-  
tur universi eum, qui voto, juramento, aut speciali promissione sibi-  
met fugiendi jus ademisset, fugere non posse sine peccato. Atque hinc colli-  
git Suarez, Religiosum perpetuo carceri mancipatum, peccare fugiendo;  
quia, quam Superiori vovit obedientiam, præstare debet in omnibus, quæ  
sunt secundum regulam.

Dixi, reus ad mortem condemnatus; qui enim juste damnatus esset ad car-  
cerem temporarium excommunicari sententia teneretur parere; sicut & is  
parere teneretur, qui mittitur in exilium, aut cui pecuniaria multa impo-  
nitur. Quod si carcer perpetuus esse deberet, simulque alper, docent ple-  
rique licitum esse sibi consulere fugiendo: id ipsum communiter extenditur  
ad eos, qui trirēibus addicti sunt; tum quia trirēmium labor, & habi-  
tatio res sunt durissimæ; tum quia non damnatur reus, ut ibi sponte ma-  
neat, sed ut detineatur. Si tamen ad preces rei iusta mortis poena in car-  
cerem perpetuum mutaretur: non videtur, ait Sylvius, quod liceret ei fu-  
gere: quia tacite videtur renuntiare juri, quod habere posset ad fugiendum,  
per hoc, quod peroptat penam carceris, loco supplicii mortis.

Duo hic moventur dubia: primum, an fugere possit is, ex cujus fuga  
sequitur grave damnum custodi carceris; secundum, an ad fugam possit  
quis rumpere vincula, & carcerem effringere.

R. ad 1. affirmat. Nemo enim, ut damnum alterius evitet, tenetur renun-  
tiare juri, ei præsertim, quo rem maximi momenti prosequitur: neque verò  
fugit reus, ut plectatur cultus carceris, sed ne plectatur iple. Hinc Angelus,  
qui

qui peccare non potuit, eduxit Petrum e carcere, tametsi probabiliter con-  
 noverit, custodes Petri, ob fugam ejus capitali sententia multatum iri.  
 Et certe si, ut nemo ambigit, liceat reo fugere ne capiatur, aut jam ca-  
 pto excutere se a justitiæ ministris, modo eis vim nullam inferat; quidni-  
 jam damnato licitum sit evadere si potest, modo nec percutiat, nec in-  
 ebriet carceris custodem?

R. ad 2. cum Lugo disp. 40. n. 44. regulariter frangi posse vincula, &  
 carcerem ab eo, cui fugere licitum est: quia cui licita est fuga, ei & li-  
 citum est remove obices ad fugam. Neque vero is Judici resistere dicen-  
 dus est, sicut nec diceretur ei resistere, qui damnatus ad bestias, eandem  
 occidere niteretur.

Dixi: *regulariter*; quia censet idem Lugo non licere reo evadere, si ex  
 fuga ejus longe gravius Reipublicæ, aut custodi. malum imminet, quam,  
 quod reus vitare intendit. An enim fugere tibi licitum erit, si eadem, quam  
 aperis via fugere debeat vir nequam, qui urbem totam strage, & luctu  
 oppleturus sit? an ut aliquot mensium detentionem evites, fugere poteris,  
 si inde custos subeat periculum capitis, vel totius fortunæ?

Obijciunt 1. graves legibus decerni pœnas contra eos, qui carcerem in-  
 fringunt; 2. neias esse justitiæ ministris obniti; 3. non magis licitum es-  
 se carceris muros, aut limina dirumpere, quam liceat reo, vel consule-  
 re, ut id faciat, vel præbere instrumenta, quibus id exequatur. At hæc  
 solvi possunt.

Ad 1. itaque 1. fieri potuit, ut Magistratus opinionem. opinioni nostræ con-  
 trariam crediderint probabiliorem; 2. ut hujusmodi pœnas decreverint non  
 ut vindictam veri delicti, sed ut principium terroris, quo coercerentur rei,  
 ne fugerent. Sic percutitur servus in bello captus, cum fugam tentavit,  
 ut dimittat animum fugiendi, licet ex communiori. opinione fugere pos-  
 sit; sic cæditur equus, qui cecidit, non ut vere puniatur, sed ne denuo  
 equitem dejiciat. Adde & habitam fuisse rationem malæ intentionis reo-  
 rum, qui plerumque sic affecti sunt, ut certo vim inferant custodibus, si  
 sic evadere queant: hinc constitutum est tit. *De effrañarib.* ff. ut, qui cu-  
 stodem negligentia usi fuerint, mitius puniantur.

Ad 2. Qui vincula, & carceris obices dirumpit, non infert vim justitiæ  
 ministris, quorum personam ne tangit quidem. Hinc nulla usquam hoc in  
 casu incurritur censure, etsi, qui vim infert Ecclesiastico Prælato excom-  
 municationem incurrat. Et vero, quis hominem vivicomburio condemna-  
 tum, judicibus vim inferre credat, si ignem extinguere possit? Cæterum,  
 ait Sylvius, sicut levitas materiæ in aliis peccatorum generibus excusat a  
 mortali, sic & in proposito: unde sireus vim exiguum inferat custodi, ut si  
 dormientis manus vinciat, si fugæ obstitentem in terram dejiciat citra læ-  
 sionis periculum, si inserto ori linteo præcludat vocem, non peccat morta-  
 liter. Aliud esset si oblata pecunia fidem ejus corrumpere, ut sibi per eum  
 liceret fugere; quia esset id gravi custodis peccato cooperari.

Sed, an non, qui ut fugeret, mœnia diruit, de damno sic illato tene-  
 tur? Negant aliqui, quia tunc immunis est reus a quacumque culpa theo-  
 logica. Affirmant alii, & melius cum Lugo ibid. n. 47. quia se habet reus.  
 carceris mœnia subvertens, sicut se habet, qui ut vitam a scario tueatur,  
 alienum equum rapit, quem insigniter fatigat: atqui is licet non pecca-  
 verit rapiendo equum alterius, tenetur tamen de damno equi, nisi forte  
 sit absolute pauper; ergo a pari in proposito.

Circa tertium, conveniunt Theologi. 1. iustitiæ ministros, nec reo fugam consulere, nec eidem, cum fugit, opitulari posse: quia ex officio Judicem adjuvare tenentur, eique, quantum possunt, subservire: unde si secus fecerint, imo si solum dissimulaverint, jam habentur, ut Reipublicæ proditores; 2. nemini licitum esse una cum reo operam dare frangentis compedibus, murive diruendis: tum quia si privatæ domus parietes effodere illicitum sit, quanto magis publicæ? tum quia quidquid potest reus in hoc casu, id solum potest ad conservationem vitæ: ergo non idem possunt ii, quibus id ad salutis suæ tutelam necessarium non fuerit; 3. & id etiam, ait Lugo n. 55. concedunt omnes, cæteris præterquam iustitiæ ministris, dicere reo consulere fugam, quoties is licite fugere possit; quia licitum est unicuique id consulere, quod ipse licite exequi potest. Pertinet autem ad consilium, ait idem Cardinalis, ostendere etiam, & instruere de modo, quo facile evadere possit. Hæc tamen difficilia sunt, ut proxime patebit.

An autem reo instrumenta dari possint ad fugam, ut lima, malleus, funes, magis controvertitur. Affirmant Cajetanus, Bannes, Ledesma, Medina, Sylvius, & alii plures, quos sequitur Lugo n. 56. Ratio præcipua eo reducitur: Licet præbere instrumentum ei, qui instrumento hoc uti potest: atqui reus, sive ante, sive post sententiam uti potest instrumento, quo sibi per fugam consulat: ergo. Et vero, si id illicitum esset, utique, quia esset id cooperari fugæ rei: sed, qui dat instrumenta reipsa fugæ rei non cooperatur, vel saltem non cooperatur modo illicito. Sicut, qui dat retia ei, qui solus in alieno stagno piscandi jus habet, etsi per seipsum piscari non potest, ejus tamen actioni, vel remote nimis cooperatur, vel non cooperatur modo illicito: ergo.

Hæc tamen decisio, sicut & præcedens, quæ consilium fugiendi spectat, mihi falsa admodum videtur. 1. quia tam is, qui fugæ consilium, quam qui instrumenta subministrat, facit contra disertam superiorum voluntatem, qui consilii perinde, & instrumentorum artificem poena proprie dicta plecterent, si certo comperirent. 2. quia falsum est semper consuli posse id, quod quis sine peccato facere potest. Potest enim, quis licite semel tantum in anno consistere; nec tamen licite potest quis consulere, ut semel tantum in anno consistatur. Potest latro, & viarum grassator effugere, imo & ad id uti clave adulterina, quam reperit, nec tamen, fatente Lugo n. 58. licet, vel adulterinam ei, aut alii cuilibet clavem præbere, vel ei consulere fugam; quia sic consuleretur aliquid communi bono multipere nocivum: ergo ruente decisionis fundamento, & ipsam decisionem convelli necessum est.

Prob. jam 2. pars sextæ Conclusionis, nimirum, quod reus, etsi fugere possit, haud tamen ad id teneatur. 1. quia ex S. Thoma 2. 2. q. 64. art. 5. ad 2. licet reo se Judici offerre puniendum: ergo a fortiori licet ei non fugere. 2. quia, qui non fugit, non sese necat, sed solum vitam suam non tuetur: atqui potest, quis non tueri vitam, quoties causam habet ad id sufficientem, qualis in præsentis casu multiplex reperitur, ut studium satisfaciendi pro peccatis, aut ædificandi proximos. Atque id an. 1737. summa cum laude fecit Parisiis puella assassinatus particeps, quæ, & ultro criminis confessæ est, tum posset inficiari; & hoc unum toto diurni carceris tempore verita est, ne non suspensio plecteretur.

An reus parere debeat, aut possit Judici præcipienti, ut venam sibi abscindat ad mortem, aut venenum hauriat, expendi supra pag. 426.

CA.

# TRACTATUS DE DECALOGO

## CAPUT SEXTUM.

De nono Decalogi præcepto.

**N**Onum; ac decimum præceptum his una serie verbis exprimentur ? *Non concupisces uxorem proximi tui: non domum, non agrum, non servum, non ancillam, non bovem, non asinum, & universa, quæ illius sunt.* Atque hinc triplex jam a limine sese offert difficultas: prima, an reipsa duplex hic proponatur præceptum, an unicum dumtaxat; secunda, an non, quod hic prohibetur, satis jam prohibitum esset sexto, ac septimo præcepto, quibus mæchia, & furtum interduntur; tertia, an ut hæc verba: *Non mæchaberis*, turpem quemcumque actum vetant, sic & ista: *Non concupisces*, omnem prorsus concupiscentiam vetent.

Quod ad primum attinet, una est pene omnium vox cum Augustino q. 71. in Exod. aliud nono, aliud decimo præcepto prohiberi: 1. enim id indicat Hebraica versio, quæ præcepta hæc distinguit c. 20. Exodi, ubi sic habet: *Non concupisces uxorem proximi tui: & non desiderabis domum proximi tui, non agrum, non servum, &c.* eique mise concinit versio 70. interpretum his verbis: *Non concupisces uxorem proximi tui. Non concupisces domum proximi tui, neque agrum ejus, &c.* 2. quia potest quis alterius uxorem, vel libidinis intuitu desiderare, vel solo lucri, & quæstus studio; ut si eam quasi familiæ suæ regendæ idoneam concupiscat, quo pacto desideratur famulus industrius. Prima desiderii species, quæ libidinem, & voluptates intendit, nonopæcepto; secunda autem, quæ lucro potius quam voluptati studet, decimo præcepto prohibetur: hæc, ut ad avaritiam pertinens, illa, ut pertinet ad impudicitiam.

Quod spectat ad secundam difficultatem, constat quidem, & solo naturæ lumine intelligitur, eum, qui pravum aliquod facinus prohibet, simul etiam malam ejus committendi voluntatem prohibere; adeoque *alienæ uxoris potiundæ cupiditatem prohiberi vetito adulterio*; quia, si concupiscere liceret, fas item esset potiri; quod a simili dicendum est de furto, & furti cupidine: conveniens nihilominus fuit postrema hæc duo præcepta explicite tradi, 1. quia plerique ex Judæis peccato obcæcati, in eam opinionem adduci non poterant, ut crederent id a Deo prohibitum esse, quod apud homines impunitum est. Imo vero lata, & cognita hac Dei lege, multi, qui se Legæ interpretes esse profitebantur, in eo errore versati sunt, ut nullius peccati reos esse censerent, qui solum peccandi desiderium habuissent; idque animadvertere licet ex his apud Matth. 5. Christi verbis: *Audistis, quia dictum est antiquis: Non mæchaberis: Ego autem dico vobis, quia omnis, qui viderit mulierem ad concupiscendum eam, jam mæchatus est eam in corde suo.*

2. Quia nonum, & decimum præceptum quædam distincte, & explicite teverant, quæ sexto, & septimo præcepto explicite non prohibebantur: nam sexto quidem præcepto vetitum est, uxorem proximi concupiscere animo cum ea mæchandi; sed nono præcepto id prohibetur explicatius, & insuper desiderium alienæ uxoris etiam post mariti mortem, aut post divortium Mosaica Lege permissum potiundæ. Judæi enim repudiandarum uxorum facultate abutentes, alii aliorum uxores sollicitabant, ut morositate, aut alia quavis ratione, causam divortii marito præstarent, sicque

Catechis.  
Roman.

Idem n. 4.

solutio matrimonio iisdem potirentur. Pariter quoque *septimum præceptum prohibuit, ne quis iniuste concupiscat aliena, aut eripere conetur; decimum autem vetat, ne ullo modo quis concupiscat, etsi jure, legeque assequi id possit, ex cujus adeptione proximo damnum importari videat: qui enim sic affectus est, proximum tanquam seipsum non diligit.* Idem n. 5.

3. Quia postrema hæc præcepta summam Dei majestatem impense commendant. Prohibet homo exteriores actus: Dei est solius etiam internos prohibere: *Non concupisces, non desiderabis*: is ille est Dei sermo illius, qui scrutatur corda, & renes, cujusque oculis multo lucidioribus super solem, omnia nuda sunt, & aperta.

Ut explanetur tertia difficultas, præmittendum imprimis, quid, & quod duplex sit concupiscentia.

Concupiscentia generatim sumpta definitur a Catechismo Romano hic n. 10. conimorio quædam, ac vis animi, qua impulsu homines, quas non habent, res jucundas appetunt.

Concupiscentia, alia est recta, alia inordinata. Concupiscentia recta, vel spiritualia appetit, vel sensibilia, spiritualia, ut cum *spiritus concupiscit adversus carnem*; sensibilia, ut cum intra rationis limites ea concupiscimus, quæ corpori necessaria sunt, cibum v. g. vel somnum, cum utroque indigemus. Concupiscentia inordinata ea est, quæ in appetitu modum rationis non servat, neque sinit intra fines a Deo constitutos. Gal. 5.

Certum est 1. non omnem sensibilibus concupiscentiam postremis duobus Decalogi præceptis prohiberi. Hæc enim non prohibent, nisi quod malum est: non est autem malum, si cibum, aut si potum appetimus, aut cum frigemus, si calefcere, aut contra cum calemus, si frigescere cupimus. Carech. Rom. n. 11.

Multo minus hic prohiberi dicenda est spiritualis illa rectæ mentis cupiditas, qua ferimur ad superna bona. Ad eam scilicet hortantur nos pluribus in locis Litteræ sacræ, ut Sap. 6. *Concupisce sermones meos*. Eccl. 34. *Transite ad me omnes, qui concupiscitis me*. Psalm. 83. *Concupiscit, & deficit anima mea in atria Domini*.

Certum est 2. involuntarios concupiscentiæ motus, quibus *caro concupiscit adversus spiritum*, non prohiberi hic, ut peccata proprie dicta: alioqui enim noceret concupiscentia non consentientibus, quod & Tridentino Concilio, & rationi perinde adversatur, prout dixi in Tract. de Peccatis par. 1. c. 2. art. 1. sect. 2. Hinc merito proscripta est hæc Baii propositio n. 50. *Præva desideria, quibus ratio non consentit, & quæ homo invito patitur, sunt prohibita præcepto: Non concupisces*. Hæc item n. 51. *Concupiscentia, sive lex membrorum, & præva ejus desideria, quæ invito sentiunt homines, sunt vera legis inobedientia*. Ea ergo hic reprobatur concupiscentia, cui homo libere consentit, sed non sola; cum simul damnetur carnalis quilibet affectus vere liber. Quod ut intelligatur,

Notand. duplicem fecerni carnalem affectum: efficacem alium, alium inefficacem. Affectus efficax, qui & desiderium dicitur, ille est, qui efficaciter quantum est de se, ordinatur ad operis executionem. Affectus inefficax, qui & morosa delectatio nuncupatur, est actus, quo quis sibi voluntarie complacet in malo, absque mali exequendi desiderio. Affectus iste inefficax differt a concupiscentia sumpta pro appetitu: sub ea tamen intelligi solet, ut causa sub effectu; quia morosi affectus desideria mala parere solent. Quoniam vero eorum, quæ ad hanc mat-

riam pertinent, multa jam pertractavimus agendo de Peccatis, hæc leviori calamo transcurreremus in præsentî. Sit itaque

CONCLUSIO I. Mortaliter peccat quisquis turpibus concupiscentiæ desideriis consentit.

Prob. Mortaliter peccat, qui Dei legem in materia gravi transgreditur: atqui Dei legem transgreditur in materia gravi, qui turpibus carnis desideriis consentit. Quod transgrediatur Dei legem patet, tum quia præcipit Apostolus Galat. 5. ut *abstineamus a carnalibus desideriis, quæ militant adversus animam*; tum quia vetat idem Rom. 6. ne regnet peccatum in nostro mortali corpore, ad obediendum desideriis ejus; tum quia ex c. 1. Epist. S. Jacobi: *concupiscentia, cum conceperit, parit peccatum*, lethale scilicet, quod per antonomasiam, & proprie vocatur peccatum, ajunt hic Fromondus, & alii non pauci. Jam vero, quod transgressio hæc sit in materia gravi, patet tum ex iis, quæ diximus supra c. 2. art. 8. concl. 2. tum a fortiori ex iis, quæ paulo post dicemus de delectatione morosa.

Idipsum strenue docet, & probat S. Augustinus Lib. de continentia, ubi hæc Christi verba: *De corde exeunt cogitationes malæ, homicidia, adulteria, fornicationes .. hæc sunt, quæ coinquant hominem*, sic interpretatur: *Nihil est istorum malorum, quæ perpetrari etiam membris corporis possunt, quod cogitatio non antecedit mala, & coinquant hominem, etiam si aliquid impedit, ne subsequantur opera flagitiosa, & facinorosa membrorum. Si enim, quia potestas non datur, vacat manus ab hominis interfecione, numquid ideo mundum est a scelere cor homicidæ .. aut si casta est, quam vult adulterare non castus, ideo eam non est in corde machatus? aut si meretrix non invenitur in fornicatione, ideo qui eam querit, non fornicatur in mente?*

Porro constat apud omnes desiderium speciem suam sumere ab actu exteriori, in quem tendit. Unde si desideres concubitum solutæ, actus tuus habet malitiam fornicationis; si conjugatæ, adulterii; si Deosacræ, sacrilegii; si personæ sexustui, sodomix; & sic de aliis. Si vero idem desiderium ordinetur ad species luxuriæ imperfectas, earum etiam iniquitatem imbibet, puta mollitiæ, tactus, aspectus impudici, &c. si mollitiem, tactusve, aut impudicos amplexus desideres. Unde, qui in Pœnitentiæ tribunali turpia desideria confitetur, statim interrogandus est, quo hæc tenderent, an ad tactus inhonestos, an ad ipsum carnis opus, an ad solutam, consanguineam, Deo sacram, &c. quæ ut magis, & magis explicentur, sit

CONCLUSIO II. Peccat lethaliter, tum is, qui concupiscit alterius uxorem, ut polluendam adulterio, tum, & is, qui eam legitimo intercedente matrimonio fruendam exoptat.

Prob. 1. pars, tum ex modo dictis in Conclusionè præcedenti; tum quia, qui concubium uxoris alienæ desiderat, directe transgreditur præceptum istud: *Non concupisces uxorem proximi tui.*

Prob. 2. pars: quia si Judæis vetitum fuerit, ne concupiscerent uxores alienas, quas facilius interveniente divortio ducere poterant; nunc gravius erit id peccatum, cum in lege Evangelica: *mulierem, etiam si a viro repudiata sit, alteri in matrimonium ducere non liceat, nisi marito mortuo. Itaque, qui alterius uxorem concupiscit, facile ex una in aliam incidet cupiditatem: aut enim illius virum mori, aut adulterium admittere cupiet. Ita Catechismus Romanus hic n. 30.*

Quod, si quis mulierem, quæ nupsq̃ est, cum eam innuptam esse opinetur, uxorem sibi dari concupiscit; neque si in matrimonium alii collocatam intelligeret,

ret, eam nuptiam sibi dari cuperet, ( id quod Pharaoni, & Abimelech contigisse legimus, qui Saram in matrimonio habere concupierunt, cum eam minime nuptam, Abrahæque sororem, non uxorem arbitrantur ) ille certe, qui eo animo est, ejusmodi legem violare non videtur. Idem ibid. n. 32.

Quod de viro alienam uxorem concupiscente dictum est, plus adhuc veri habet in muliere virum mulieris alterius concupiscente. Hæc enim, & fidem matrimonii violaret, & insuper naturæ legem, quæ licet aliquando uni viro permiserit plures diligere, & habere uxores, nusquam tamen permisit mulieri plures habere maritos. Quod si vir alienam uxorem sibi ambiens, nonnumquam eo usque progrediatur, ut ejus marito mortem optet, vel procuret; quanto periculosior erit libido mulieris infano alieni mariti amore captæ? Nihil non molietur, ut voti compos fiat: Notumque furens, quid fœmina possit.

CONCLUSIO III. Et ii quoque mortaliter in nonum præceptum delinquant, qui mulieres, aut aliis viris desponsatas, aut desponsatas virginum sponsas, seu susceptione Religiosi veli, seu emissionem simplicis voti continentæ, in uxores expetunt.

Prob. 1. pars; quia qui viro alteri desponsatam concupiscit, vel ea, qua tali frui peroptat, vel saltem pactum ejus cum alio rescindere studet: atque utrumque nefas est. Primum enim involvit cupidinem fornicationis simplicis cupidine graviolem: secundum vero rescindere studet *sanctissimum fidei fœdus*, ait Catechismus Trident. ibid. n. 31.

Prob. 2. pars; quia si viro alteri desponsatam concupiscere grave sit peccatum, gravius erit eam, quæ vel jam nupsit agno immortalis, vel nuptiis ejus se præparat, a thalamo virgines germinanti retrahere velle.

Prob. 3. pars; quia, qui virginem simplici castitatis voto obstrictam, sibi in uxorem concupiscit, vel peroptat ea quæ alienus tali perfrui, quod sine gemino scelere fieri nequit; vel intendit eandem sollicitare, ut remissionem voti a summo Pontifice, nulla existente causa legitima obtineat; & id quoque evidenter grave est peccatum.

Quod, si quis graves ob causas inducere aliquam velit, ut voti dispensationem inquirat, ejusque in hac hypothesi matrimonium exoptet; nullus ille peccati reus erit, nisi sperata voluptate tanquam præsentis animam & cor libidinose reficiat.

CONCLUSIO IV. Non modo desiderium rei lethaliter malæ, sed & voluntaria de eadem rei delectatio est peccatum mortale.

Prob. tum ex S. Gregorio L. 21. Moral. cap. 2. ubi sic legere est: *Per Moysen luxuria perpetrata, per auctorem vero munditiæ luxuria cogitata damnatur*: tum ex iis, quæ fusius diximus in Tract. de Peccatis par. 1. c. 4. art. 2.

CONCLUSIO V. Delectatio morosa speciem sumit, tum ab objecto proximo, circa quod versatur, tum ab ejusdem objecti conditionibus.

Prob. 1. pars. Per objectum proximum hic intelligitur illud genus criminis, quod quis libidinose in animo volvit, & revolvit: atque delectatio morosa hinc speciem necessario sumit; alioqui non plus peccaret, qui de coituum abominabilibus circumstantiis delectatur, quam, qui in simplici coitus cogitatione sibi complacet; non plus, qui copulam sibi repræsentat, quam, qui simplex osculum; quæ profecto absurda sunt: ergo delectatio ex hujusmodi objectis speciem sumit: & ut ab amplexu specie differt coitus, sic & a complacentia in uno differt complacentia in altero.

Hinc male peccata deponunt, qui accusant se generatim, quod tot habuerint cogitationes impuras: sicut enim exprimere tenentur, an ad desiderium ulque progressi sint, an autem in mera delectatione steterint; sic debent exprimere, an delectatio hæc pro objecto habuerit tactum, an copulam, an hanc simpliciter, vel cum pessimis circumstantiis. Et vero, qui tactus, oscula, copulamve exercuit, non satisfaceret Confessionis legibus dicendo simpliciter, se ter, aut quater luxuriæ peccatum commississe: ergo a pari.

Quapropter, quod dicit Henno: *ex praxi tam Confessariorum, quam penitentium auctorizatum esse modum aperiendi delectationes ordinarias in hac materia sine distinctione*; leque ideo non obligaturum ad repetendas confessiones penitentem, qui illas indiscriminatim fuisset confessus, prorsus reiciendum est. Neque enim praxis eorum, qui sanctioribus regulis desunt, efficere potest, ut iisdem regulis deesse licitum sit. Unde cum male instituta confessio, saltem, qua parte male instituta est, repeti debeat, tuto sibi, suisque penitentibus providebit Director, qui sataget, ut quod incaute omissum est, caute suppleatur.

Prob. 2. pars: Si delectatio morosa non fumeret speciem a conditionibus objecti, cui libidine immoratur, delectatio de copula soluti cum soluta non pertineret ad speciem fornicationis, de copula cum conjugato ad speciem adulterii, de copula cum Moniali, vel Religioso ad speciem sacrilegii, de copula cum jumento ad speciem bestialitatis; eæ enim sunt objecti conditiones, de quibus disputatur in præsentia: atqui falsum consequens. Prob. min. 1. ex S. Thoma q. 15. de verit. art. 4. ad 8. ubi sic: *Delectatio alicujus operationis, & ipsamet operatio ad idem genus pertinent, sicut & operatio virtutis, & delectatio de eadem ad eandem virtutem pertinent, & infra: Delectatio, quæ consequitur cogitationem ex parte rei cogitate .. secundum genus suum inordinata est inordinatione, quæ est inordinata delectatio exterior, & art. 6. Delectatio alicujus operationis, & ipsa operatio ad idem genus peccati reducuntur.* Rursusque in 4. dist. 31. q. 2. art. 3. *Secundum Philosophum in 10. Ethic. idem judicium est de delectatione, & opere.* Idem docet S. Antoninus 2. par. tit. 5. c. 1. inique suffragatur communissima Theologorum opinio, a qua in re tanti momenti, & in qua de valore Sacramenti agitur, sine periculo recedi non potest.

2. Ex eodem S. Thoma art. 8. supra: *Nullus delectatur in aliquo, nisi afficiatur ad illud*: ergo, qui volens delectatur de copula cum Sanctimoniali, afficitur ad illam; atqui hujusmodi affectus necessario habet malitiam sacrilegii. Affectus enim, qui suo modo tendit in objectum totum, totam habet malitiam, quam inducere potest idem objectum: atqui affectus prædictæ copulæ tendit suo modo in totum objectum; nempe in copulam cum tali aliunde vero objectum inducere potest malitiam sacrilegii: ergo.

Confir. ideo juxta Azor, Henno, & alios, hujusmodi affectus non tendet in objectum totum, quia, qui morosum hunc affectum habet, non delectatur de conditione personæ, quam econtra liberam esse vellet, non Deo sacram: atqui hæc ratio non valet: 1. quia, qui Monialem concupiscit, plerumque etiam de solo coitu cognat, non autem de statu personæ, quam liberam esse ardentem ex peteret: & is tamen ex Adversariorum confesso sacrilegii mentalis reus est; 2. quia, sicut sacrilegii reus est, qui concupiscendo præscindit a statu personæ, eo quod re ipsa concupiscat eam, quæ Deo sacra est, licet non concupiscat, qua talem; ita & sacrilegii reus esse debet, qui suaviter sibi representat, se cum ea misceri, licet abstrahat a statu ejusdem cogitationem.

Ratio



Ratio ulterior est, quod, qui directe amat unum cum alio necessario connexum, connexum istud interpretative, & indirecte amare censeatur.

Prob. 2. quod proximo sacrilegii periculo exponit, in ratione sacrilegii mortiferum esse debet; sicut, quod proximo simpliciter peccandi periculo exponit, mortiferum est in ratione peccati simplicis: atqui delectatio morosa de coitu cum Moniali, exponit proximo sacrilegii periculo. Exponit enim turpi ejusdem desiderio; cum uno tantum gradu desiderium, & cogitatio lubenter nutrita dividantur, ut quotidiana docet experientia: ergo ex hac saltem parte morosa cogitatio induet malitiam conditionis personæ.

Obj. 1. Quod non apprehenditur, ut objectum delectationis, non dat speciem delectationis: atqui conditio personæ non apprehenditur, ut objectum delectationis. Illud enim solummodo apprehenditur, ut objectum delectationis, quod delectationem excitat: atqui copula sola, non autem conditio personæ delectationem excitat: ergo.

R. ad 1. & 2. neg. maj. Actus enim speciem sumit ab eo omni, quod objecto intrinsece adhærere cognoscitur, sive illud ad delectationem excitandam concurrat, sive non. Et vero cogitatio morosa sese habet, ut aspectus interior mentis objectum malum blande contemplantis: ergo sicut, qui exterius turpiter contemplatur personam Deo sacram, sacrilegii reus est, etsi a statu ejus non moveatur, sed abhorreat sæpissime; ita a pari, qui interioribus animi oculis eandem scæde intuetur, non potest a sacrilegio immunis esse. Sane adversariorum ratiocinatio probaret, eum, qui uxorem alienam concupiscit, abstrahendo, vel etiam dolendo de ejus statu, non esse reum mæchiæ spiritualis: quandoquidem plures sunt, qui scæminam, qua elegantem concupiscant, pauci, qui ament, qua conjugatam.

Obj. 2. Ideo, qui conjugatam concupiscit, reus est adulterii interioris, quia vult executionem peccati; quod nonnisi cum conjugata committi potest: sed, qui sistit in delectatione, non vult executionem operis: ergo.

R. 1. neg. maj. Etsi enim magis reus est, qui ad desiderium usque progreditur, quam qui in sola delectatione hæret, neuter tamen præcise reus est relative ad executionem, quam ambo plerumque sciunt impleri non posse; sed quia uterque suo modo tendit in objectum sibi prohibitum non in genere dumtaxat, sed & in specie; & proinde sub ea omni ratione, quæ eidem objecto inesse cognoscitur.

R. 2. dist. min. Qui sistit in delectatione, non vult in se executionem operis, C. non vult in causa proxima, & graviter periculosa, N. Qui enim morosis cogitationibus cor pascit, mirum est, si diu in iis sistat, nec ad desiderium ulque progrediatur: sicut, qui desiderat ardentem id, quo frui facile possit, mirum est, si diu sistat in desideriis.

Hic tria observanda, quæ saltem iis inservire possint, quibus nostra hæc multo tutior conclusio non placuerit, nimirum insigniores ejusdem Adversarios fateri. 1. eum, qui de concubitu cum consanguinea, qua tali delectaretur, teneri necessario circumstantiam hanc conteri: sicut, inquirunt, necessario declaranda foret circumstantia copulæ sodomiticæ, cum delectatio etiam simplex ab illa non abstrahat. 2. conjugatum, qui delectaretur de cogitatione coitus cum uxore non sua, reum fore adulterii interioris, quatenus violaret fidem in matrimonio datam, qua promissit se mentem, & corpus custoditurum illibata: sicut, inquirunt. Religiosus gaudens de cogitatione copulæ cum Moniali, sacrilegus esset non

ratione objecti, (quod juxta nos falsum est) sed ratione voti, quod ipse emisit; 3. consultum esse exprimere in confessione conditionem personæ, quæ delectationis objectum fuit. Hoc quidem & nos dicimus, verum id ita credimus consultum esse, ut arbitremur necessarium.

CONCLUSIO VI. Peccat etiam mortaliter, tum in genere, tum in specie, qui delectatur de opere malo in se, sed inculpabiliter admissio. Unde, quæ delectaretur, quod per vim a Principe conjugato, aut a Ministro in lacris cognita esset, rea foret peccati mortalis. Idem de eo dicendum, qui aliam pro uxore sua inculpate a se cognitam esse gauderet ex post facto.

Prob. quia id solum delectationem excusare potest, quod ipsum opus excusat: ergo cum delectationi deest causa excusans, quæ adfuit actioni, delectatio non minus in genere suo peccaminosa est, quam fuisset actio sine eadem causa excusante: jam vero actio citra causam excusantem, vim scilicet, vel ignorantiam perpetrata, fuisset peccatum mortale: ergo, & delectatio de eadem, seclusis hujusmodi causis, quæ quantum ad consensum attinet, semper desunt, erit peccatum mortale. Et illud quidem peccatum ejusdem erit speciei, ac ipsum opus; quia ex dictis post S. Thomam, *Delectatio operationis, & ipsa operatio ad idem genus peccati reducuntur.*

Prob. 2. Si liceret de actione solum materialiter mala delectari, liceret filio lætari de parricidio a se in ebrietate perpetrato: atqui tamen id prorsus illicitum est. Damnata enim fuit ab Innocent. XI. hæc propositio n. 15. *Licetum est filio gaudere de parricidio a se in ebrietate perpetrato, propter ingentes divitias inde ex hereditate consecutas.*

Obj. Non magis delectatio de opere pravo cogitato est peccatum, quam delectatio de cogitatione operis pravi: atqui delectatio de cogitatione operis pravi non est peccatum; prout ipsi fatebamur in Tract. de Peccatis, part. 2. cap. 4. art. 2. ergo.

R. neg. maj. Delectatio enim de cogitatione fornicationis, quandoque est veniale tantum, puta cum aliquis inutiliter, non tamen libidinose cogitat de ea; quandoque autem sine peccato omnino, puta cum aliquis utiliter de ea cogitat, sicut cum vult de ea prædicare, vel disputare, prout docet S. Th. 1. 2. q. 74. art. 8. Verum longe aliter se res habet, cum delectatio est de ipso opere malo: tunc enim opus malum placet in se, & in se approbatur: gaudes quidem, quod inculpate feceris, sed tamen gaudes, quod feceris: ergo similis es filio, qui lætatur, quod inculpate patrem interfecerit; & is tamen lætando peccat, ut patet ex propositione modo relata.

Instab. Atqui re ipsa non peccat filius, qui lætatur de morte patris in casu proposito: ergo nulla solutio.

Prob. subsumptum. Tam potest filius de morte patris non quidem simpliciter, sed ut inculpata, & sibi bona gaudere, quam possit quilibet alius velle malum alteri, non ut illi malum, sed ut bonum sibi, vel aliis: atqui potest quilibet velle malum alteri, non ut ipsi malum, sed ut bonum sibi. Prob. min. quia potest quilibet Deum preari cum Ecclesia: Ut Gentes Paganorum, quæ in sua feritate confidunt, dextera ejus potentia conterantur. Potest & optare, ut Turcæ, Hæretici, & Reipublicæ hostes dispercant &c. Hinc S. Gregorius lib. 22. Moral. c. 11. *Evenire plerumque solet, ut non omnia charitate, & inimici nos ruina lætificet, & vultus ejus gloria, sine invidia culpa contristet; cum & ruente eo, quosdam bene erigi credimus, & proficiente illo, plerosque injuste opprimi formidamus: quæ verba refert, & approbat S. Thomas 2. 2. q. 57. art. 2.*

R. ad

R. ad r. neg. subf. ad 2. dist. min. Potest quis velle malum alteri, ut bonum sibi, vel aliis, ut bonum, inquam, ordinis superioris, & præponderans, quo sensu loquuntur textus objecti, C. secus, N. Itaque operari potest sub Dei beneplacito malum proximi, 1. propter ejus correctionem; 2. in quantum temporalis ejus prosperitas est in detrimentum alicujus multitudinis; 3. ad servandum ordinem divinæ justitiæ, juxta id Psalmi: *Latabitur justus, cum viderit vindictam*; ita S. Thomas, ex cujus principiis colligit Viva in Examine propositionis supra citatæ, licitum esse optare mortem Turcis, aliisque R. ipublicæ, aut Ecclesiæ hostibus, ne Respublica, aut Ecclesia opprimatur, & Dei cultus, ac sanctiora quæque concuscentur. Sic etiam, ait idem, si filia delectaretur de morte patris, quia jam non vocabitur ab eo, ut sese prosternat, excusari posset ob bonum finem, qui patris vitæ longe præponderat; demum sic excusantur a pluribus, qui de nocturna illusionē propter salutem spiritualem, aut temporalem gaudent: sed quidquid sit de iis, de quibus alibi passim diximus, constat pinguem, quam filius ex morte patris capit hæreditatem, non esse bonum vitæ paternæ præstantius. Constat iterum, eum qui de opere turpi inculpabiliter patrato gaudet, ex nulla pari circumstantia excusari posse: ergo, & constare debet eos gravis culpæ conscios fieri.

Quæres, qua ratione discerni possit, an quis delectatus sit de re ipsa mala, an solum de cognitione ejus.

R. id discerni facile non posse, quia frequenter mentitur hic iniquitas sibi. Ut plurimum tamen spectari debet occasio, quæ delectationem peperit. Si quis enim ex occasione studii, vel confessionum, quas exceptit, prava animo cogitet, & revolvat, in dubio præsumendum est delectationem ejus versatam esse circa cognitionem, non circa objectum cogitatum. Contra vero, si nata sit delectatio ex occasione prava, puta ex inanibus colloquiis, vanis lectionibus, liberiori aspectu objecti allicientis, timendum saltem iis, qui parum sibi invigilant, ne delectatio sit de objecto ipso.

Eadem methodus servari debet erga eos, qui non de rebus ipsis, sed de artificio, quo factæ sunt, aut compositæ, sese delectari contendunt. Et si enim potest, quis fortum non approbando delectari de industria, qua fur solers, & expeditus crumenam abicidit, plerumque tamen in luxuriæ materia contingit, ut quem res ipsæ tangunt, solo se artificio moveri existimet. Et id multo magis erit probabile in iis, qui res pias, pios v.g. verius, etsi & felici vena prodeuntes, & poeticis salibus aspersos fastidiet, tantumque, aut saltem multo lubentius iis immorabitur, qui obscœna tractant.

Cæterum non raro evenit, ut delectatio de cogitatione, viam præparet delectationi de re ipsa: & id præcipue locum habet in rebus veneris, quæ cor, nisi *omni custodia* serveretur, sensim inclinant, & alliciunt. Ubi primum ergo sentit quis se a delectatione licita ad illicitam quasi furtim avolare, necessum est, ut mentem erigat sursum; & eum supplex deprecetur, in quo solo ignea nequissimi tela extinguere datum est: quod opportune, & importune repetendum esse arbitramur.

Sed quid, si dubitet quis, an de objecto ipso, an de sola objecti cognitione delectatus sit.

R. si quid in ambiguis hujusmodi casibus discerni potest, expendendum 1. an reflexerit quis, se venera ipsa delectatione titillari. Si enim erraticæ imaginationis impetu mens ab objecto in objectum rapta sit per modum distractionis, deficiente libero consensu in objectum turpe, deficiet, & pec-

catum; tamenſi ſæpe diu perduraverit cogitatio, nec de ea monitus quis fuerit, niſi per rebellionem carnis; 2. ubi animadverſum eſt loco cogitationis utilis, aut neceſſariæ ingruere tentationem, videndum, an eam repellere niſus fuerit, & quo conatu. Si oraverit, piæ lectioni vacaverit, alio mentem converterit, ſeu cum aliis colloquendo, ſeu exterius, quid peragendo, ut cogitationem cogitatione propulſaret, haud præſumi debet conſenſiſſe. Sin autem ſegnius ſe geſerit, verendum, ne conſenſerit ſaltem imperfecte; eritque eo gravior ſuſpicio peccati, quo diutius poſt reflectionem permanſerit in huiusmodi cogitatione. Sibi utique provide conſulunt, qui id S. Hieronymi in Epistoſa ad Demeſtriadem ſequuntur: *Si in cogitationes tuas coluber aſcenderit, omni cuſtodia ſerva cor tuum. inſectis vitiorum in mente jugules, & parvulos Babylonis allide ad peſtram, in qua ſerpentis veſtigia non reperiuntur.*

Cæterum ex bono, vel inordinato ſtatu eorum, qui pravis cogitationibus quatuntur, dijudicari ſolet, an conſenſerint, necne, prout dixi agendo de Peccatis cit. art. ubi etiam probatum eſt conſenſum negative præſtitum pravis concupiſcentiæ motibus, ad gravem noxam ſufficere.

Quæres, an omnibus omnino illicita ſit delectatio de re venerea. Difficultas eſſe poteſt, tum de ſolutis, qui de amplectendo matrimonii ſtatu cogitant, tum de deſponſatis, qui propius ad idem ſeſe diſponunt, tum de conjugibus, ſive præſente, ſeu abſente comparte, tum de viduis. Pro reſponſione ſit

CONCLUSIO VII. Peccant lethaliſiter ſoluti, qui de copula poſt matrimonium habenda libidinose delectantur. Idem de ſponſis, & viduis diceandum.

Prob. 1. pars. Qui de objecto turpi ſimul, & prohibito delectantur, graviter peccant, prout toties diximus: ſed, qui de copula poſt matrimonium habenda libidinose hic, & nunc delectantur, delectantur de objecto non ſolum turpi, ſed, & hic, & nunc ſibi prohibito. Delectantur enim de objecto, quod apprehendunt ut præſens, & actu delectabile: atqui objectum illud, quod eſt ipſe coitus, iſdem actu ſevere prohibitum eſt: ergo cum de eodem delectantur, delectantur de re turpi ſimul, & graviter ſibi, hic, & nunc prohibita.

Dices: Huiusmodi perſonæ ſolum delectantur, quod copulam habituri ſint, cum hæc ſibi per matrimonium licita erit: atqui nulla eſt in delectatione hac inordinatio: ergo.

R. data maj. neg. min. Hæc enim delectatio duo neceſſario importat, 1. repræſentationem coitus ſuo tempore futuri; 2. gaudium actu ex huiusmodi repræſentatione profluens: atqui neutrum vacat a peccato; eſt enim & hæc repræſentatio turpiſſima, & maxime præſens, ſicut & delectatio venerea, quæ ex eadem percipitur.

Si quis tamen futuram copulam apprehenderet ſub ratione honeſta, puta ut medium, quo, juvante Deo a variis tentationibus liberabitur, delectatio ejus utpote ab honeſto motivo ſpecificata, redargui non poſſet: verum, ut bene notat Henno, ad vitandum peccati periculum, delectatio hæc eſſe debet quodammodo ſpiritualis, ſeu a carne, & materia ſenſibili quadantenus avulſa; ad quod neceſſum eſt, ut matrimonii bonum conſuſo admodum, & generali intuitu percipiat, non autem diſtincto, & diſtincte reflexo.

Prob. 2. pars; quia non plus licet ſponſis in hac materia, quam aliis quibſublibet: ergo non magis, quam alii delectari poſſunt de re, quam ſibi, hic, & nunc exercere neſas fuerit.

Prob.

Prob. 3. pars; quia se habent vidui ad actum matrimonii olim exercitum, sicut sponsi ad eundem, ut aliquando exercendum: ergo sicut his, sic & illis prohibita est venerea quæcumque delectatio.

Possunt tamen gaudere vidui, quod ex matrimonio prolem susceperint bene institutam, & senectutis suæ solatium: sicut & qui de matrimonio cogitant, in spe hujusmodi prolis exultare possunt. Verum ideo utrique tunc a peccato immunes sunt, quia non apprehendunt copulam prout sensibus delectabilem, imo vix de ea cogitant.

CONCLUSIO VIII. Conjugatus, qui in compartis absentia venereæ delectatur de copula habita, aut habenda, moraliter loquendo peccat mortaliter. Ita Sylvester, Navarrus, Azor, Vasquez, Layman, Henno, P. Antoine, alique vulgo graviores.

Prob. 1. Delectatio utpote gravem spirituum genitalium commotionem inducens, toties est mortale peccatum, quoties deest causa ab eodem peccato excusans: atqui semper deest causa a gravi peccato excusans, cum conjux in absentia compartis delectationi venereæ indulget. Sola enim, quæ hic excuset causa, est ordo, quem habet delectatio ad copulam, & quo sublato jam ea ad mollitiem ordinatur: atqui delectatio, quam quis in se excitat in absentia compartis, nec habet, nec habere potest, hic, & nunc ordinem ad copulam, cum hæc, hic, & nunc sit impossibilis: ergo non potest a gravi peccato excusari.

Confirm. ideo juxta Casuistas etiam indulgentiores, quales sunt Diana, Gobat, alique, qui contra Sanchez sentiunt, ideo, inquam, peccat mortaliter conjux, qui in absentia compartis veneream ex proprii corporis contactu delectationem percipit, quia hujusmodi contactus in homine, qui solus est, nonnisi ad mollitiem referri potest: atqui luce meridiana clarius est, delectationem, quæ in absentia compartis libidinose captatur, nonnisi ad mollitiem referri posse; cum neque referri valeat ad matrimonii finem, neque ad ejus usum: ergo.

Prob. 2. quia spectrum uxoris absentis, quod maritus animo gerit, non magis est uxor ejus, quam quodvis aliud ejusdem uxoris simulacrum ex marmore, aut ligno: ergo sicut in marmoreo simulacro turpem hanc voluptatem querere non posset, sic nec eam querere potest in idolo, seu spectro, quod in cogitationis suæ officina sibi fabricavit.

Prob. 3. quia funditus pervertere naturæ ordinem in iis rebus, quæ ad humanæ speciei propagationem institutæ sunt, gravis est deordinatio: sed qui veneream voluptatem extra ipsum matrimonii actum præsentem, aut proxime secuturum querit; pervertit ordinem naturæ in rebus ad humanæ speciei propagationem institutis; cum natura veneream voluptatem constituerit pro actu quatenus ad generationem refertur, non autem quatenus præteritus est, aut diu post futurus: ergo. Ita fere Comitulus lib. 1. q. 134.

Dixi: *moraliter loquendo*, ob varias, quæ hic fingi possunt hypotheser, & quas post Sylvium paucis retuli in Tract. de Peccatis, part. 1. c. 4. art. 2.

Obj. 1. Delectatio de actu licito non potest esse peccatum: atqui prædicta conjugari delectatio est de actu licito; est enim de copula, vel habita, vel habenda, quæ quatenus talis, est licita: ergo.

R. 1. sic excusari posse veneream commotionem, quam percipiunt soluti ex futuro coitu, vidui autem ex præterito; utrique enim delectantur de re pro tempore licita: & tamen delectatio hæc grave est peccatum ex tutiori, & multo probabiliori sententia.

R. 2.

R. 2. transeat major: delectatio enim de actu etiam licito, est peccatum levius, aut gravius, prout plus, vel minus sistit intra debitos fines. Interim neg. min. delectatio enim conjugati absentis oritur ex actuali representatione actus, quem etsi licite olim exercuit, aut exerciturus est: re ipsa tamen hic, & nunc exercere nequit: atqui delectatio a tali representatione orta, cum deliberata sit, & morosa, gravem importat culpam; quia gravem importat genitalium spirituum commotionem, quæ de se ad molitionem tendit in iis, in quibus ad matrimonii usum tendere non potest.

Inst. Commotio illa indifferens est ad pollutionem, & copulam: ergo potest a conjugato ad copulam referri, non ad pollutionem.

R. neg. ant. Non enim ad copulam indifferens est id, quod ad copulam determinari nequit: atqui prædicta commotio in absente non potest ad copulam determinari; sicut nec tactus, quos in se solo exerceret, cum distat a conjuge: ergo.

Obj. 2. Si res ita sit, graviter peccat maritus, qui uxore etiam præsentē venere delectatur, cum ea conjugaliter uti vel non vult, vel non potest, sive ob gravem ejus morbum, sive quia sororem ejus cognoverit: atqui falsum consequens ex communiori Theologorum sensu: ergo.

R. idem de venerea delectatione, quam in iis casibus percipiunt conjugēs, dicendum esse, quod supra diximus de tactibus, & osculis ad usum matrimonii non ordinatis; quæ, qui mortalia esse contendunt, dare quidem, sed non incongrue loquuntur. Quibus autem displicuerit hæc opinio, ii delectationem in præsentia compartis extra matrimonii usum, & desiderium capratam, iisdem excusabunt rationibus, quibus prædictos tactus excusant.

Juvat hic annotare, quod alibi exciderat, damnatam esse a Guidone de Seve Episcopo Atrebatensi hanc Tabernæ propositionem n. 9. *Si adhuc conjugaliter sit conjugibus illicitus ob aliquam circumstantiam extrinsecam, v.g. ob morbum, periculum abortus, &c. non ideo erunt illis illiciti alii actus veneri secluso semper periculo pollutionis; idemque dicendum in casu impotentie supervenientis matrimonio.* Quam ille thesim proscriptit, ut falsam, piarum aurium offensivam, & impudicitiae faventem.

## CAPUT SEPTIMUM.

### De ultimo Decalogi præcepto.

**T**Ria hic expendemus, 1. quid vetet Deus his verbis: *Non concupisces domum proximi tui, non servum, non ancillam, &c.* 2. quid sitilem verbis præcipiat; 3. an, qui rapide, & quasi momentanee peccat contra Decalogi præcepta, fiat illico damnationi æternæ obnoxius. Sit

CONCLUSIO I. Verat decimum præceptum, ne alienum bonum appetatur, seu, ut injuste possidendum, seu, ut possidendum cum damno, & incommodo proximi.

Prob. quia cum non prohibeat Deus, ne alienam rem, cum necessaria sit, appetamus, ut possidendam justo emptionis, aut donationis titulo, superest ut vetet, ne eam appetamus, ut possidendam, vel injuste, vel si non injuste prorsus, saltem cum proximi detrimento. Hinc toties reprobata in Scripturis alieni boni cupiditas. *Nemo vestrum*, ait S. Petrus Ep. 1. c. 4. *patriatur, ut homicida, aut fur, aut maledicus, aut alienorum appetitor.*

Et

Et Apostolus I. Thessal. 4. *Nullius, inquit, aliquid desideretis, rursusque Philipp. 2. Non quæ sua sunt singuli considerantes, sed quæ aliorum. Quare vero, quia, qui volunt divites fieri, incidunt in tentationem, & in laqueum diaboli, & desideria multa inutilia, & nociva, quæ mergunt bames in interitum, & perditionem.*

Hinc rei sunt contra decimum præceptum, 1. qui sic dispositi sunt, ut in venditionibus, emptionibus, ac permutationibus, ætate, vel simplicitate proximi abuti velint; 2. qui debita sua ad rigorem juris exigunt, aut exigere differunt, donec eo creverint, ut jam solvi nequeant, nisi vendita domo, cui inhiabat creditor; 3. qui lesionibus non honestis delectantur, aut qui ludis etiam licitis immoderate abutuntur lucris gratia; 4. qui rerum penuriam, annonæque caritatem expetunt, atque id ægre ferunt, ut alij præter ipsos sint, qui vendant, aut emant, quo carius vendere, aut vilius emere ipsi possint; 5. qui alios egere cupiunt, ut aut vendendo, aut emendo ipsi lucentur; 6. qui bellum expetunt, ut furari ipsi liceat; 7. qui morbos desiderant, ut medendo lucentur, aut ægrorum mortem, ut ex eorum sepultura quæstum faciant; 8. qui causarum, litiumque vim copiamque concupiscunt; 9. in hac etiam genere graviter ii peccant, qui aliena laudis, gloriæque avidi, atque appetentes sunt, non sine aliqua fame alterius obtredatione; 10. qui servos, ancillas, mercenarios, aliosve, qui, vel mercede conducti, vel amore observantiaque impulsu, aliis operam præstant, verbis, spe, pollicitationibus, aut promissis corrumpunt, ut eos deserant, quibus se addixerunt. Et tunc, ait Catechismus Trident. hic num. 25. *Si ante id tempus, qui se in illorum famulatu fore promiserant; ab illis recesserint, hujus præcepti auctoritate admonendi sunt, ut ad eos ipsos omnino revertantur.*

Catech. Tride. 37.

Hic quædam notanda, 1. eum, qui tantum alii subripere optat, quantum de facto oblatum sufficeret ad mortale, rem esse lethalis peccati. Idem de eo dicendum, qui alterius domum, aut vites demoliri vellet; 2. malæ hujus intentionis objectum, & motivum in confessione aperiendum esse; objectum quidem, quia qui bona Ecclesiæ inhiat, reus est sacrilegii; motivum vero, quia qui ex invidia, aut odio perniciem alterius appetit, peccatum peccatū cumulat.

CONCLUSIO II. Præcipit eodem mandato Deus, ut esse velimus, non quales esse suadet concupiscentia, sed quales non esse vult Deus.

Prob. quia singula Decalogi præcepta id commune habent, ut unum vetando, aliud præcipiant oppositum: atqui nihil est alieni boni concupiscentiæ oppositum magis, quam plena voluntatis nostræ cum divina consensio, vi cuius eum præ cæteris statum diligamus, & lubenter amplectamur, in quo nos Deus esse voluerit, adeo ut lubenter erumpamus in hæc verba S. Job: *Dominus dedit, Dominus abstulit: sicut Domino placuit, ita factum est: sit nomen Domini benedictum*; aut saltem exclamemus cum Sapiente Eccli. 23. *Domine Deus, & Pater vitæ meæ, extollentiam oculorum meorum ne dederis mihi, & omne desiderium averte a me. Aufer a me ventris concupiscentias, & concubitus concupiscentiæ, ne apprehendant me, & animæ irreverenti, & infrumitæ ne tradas me.*

His porro mediis pravam quamcumque concupiscentiam in cordibus fidelium sopire, & imminuere conabuntur Pastores. Ostendent 1. divitiarum cupidinem esse salutem admodum perniciosam, juxta citatum id supra Apostoli: *Qui volunt divites fieri, incidunt in tentationem, & in laqueum diaboli, &c.*

Et

Et vero *Si amaveris illas* (divitias) ait Augustinus Serm. 123. *peribis cum illis*. Hinc Psalter Psalms. 61. v. 12. *Divitiæ si affluant, nolite cor apponere*. Unde id vero? quia divitiarum vanitatis sensum inspirant, & sic spiritum Dei vel arcent, vel extinguunt penitus. *Alii sunt*, ait Marci 4. Salvator, *qui in spinis seminantur, hi sunt, qui verbum audiunt, & ærumna sæculi, & deceptio divitiarum, & circa reliqua concupiscentiæ introcuntes suffocant verbum, & sine fructu efficitur*. Hinc illud Scripturæ anathema adversus inexhaustam habendi sitim: *Væ, qui conjungitis domum ad domum, & agrum agro copulatis usque ad terminum loci: numquid habitabitis vos soli in medio terræ?*

2. Eo lugendam magis esse hanc bonorum cupidinem, quo inutilior sit, secundum idem Apostoli, *Incidunt in .i. desideria multa inutilia*: quia, ut in spiritualibus, sic & in temporaneis indubium est illud ejusdem S. Pauli: *Neque qui plantat est aliquid, neque qui rigat; sed qui incrementum dat Deus*, 1. Cor. 3. *Utrique Nisi Dominus ædificaverit domum, in vanum laboraverunt, qui ædificant eam*, Pl. 126. Hanc hominis terrena sitientis inanitatem graphice descripsit Rex Propheta Pl. 75. *Dormierunt somnum suum, & nihil invenerunt omnes viri divitiarum in manibus suis*.

3. Hinc consequenter fieri, ut re ipsa infelices sint, quos cruciat auri sacra fames; cum contra beati sint, qui ex Apostolo didicerunt alimentis, & quibus tegantur contenti esse. Nempe vero dives est, qui plura habet bona, quam quibus indigeat; inops vero, qui minus habet, quam velit; abundantia enim divitem, defectus pauperem facit. Porro, qui suis contentus, non cupit aliena, habet illud omne, quod cupit; qui vero appetit aliena, ei deest quicquid habere veller, & non habet.

4. Ex nimia terrestrium aviditate nasci sollicitudinem temporalium a Christo severe prohibitam his verbis Matth. 6. v. 25. *Dico vobis: Ne solliciti sitis animæ vestræ, quid manducetis, neque corpori vestro, quid induamini, & infra: Nolite ergo solliciti esse in crastinum. Crastinus enim dies sollicitus erit sibi ipsi, sufficit diei malitia sua*; id est anxietas eidem annexa, quæque ei in procurandis rebus necessariis debetur; & quam anticipatis futuræ diei molestiis augere durum est æque, ac superfluum. Etsi enim, qui iussit hominem in sudore vultus sui vesci pane, quique inutilem servum in tenebras exteriores projici voluit, nec laborem, nec diligentiam reprobare intenderit; at eam indubie proscripsit anxiam sollicitudinem, qua animus varias in partes distractus, vexat se, & angit, semperque formidat, ne sibi defint necessaria; & ita suæ fidit industriæ, ut totum a se, nihil a Deo expectet. Hæc autem inquieta sollicitudo pravæ temporalium concupiscentiæ nexu indivulso coheret. Huc refferri possunt media, quæ contra avaritiam proposuimus in Tractatu de peccatis.

Quod attinet ad tertiam quæstionem jam ab initio propositam, senserunt Elcesæi, seu Elchēsaitæ, eos, qui solo mortis metu, & cum repugnantia fidem abnegabant, nec mortaliter peccare, nec damnationem mereri æternam. Uterius progressi Calvinistæ negarunt habitualement gratiam deperdi a fidelibus; qui sanctissimas quasque Decalogi leges violarent per adulteria, homicidia, aliaque id genus. Utrumque errorem, sed ex parte solum renovavit ann. 1686. Bourdaillius Doctor Parisiensis in Libro cui titulus: *Theologie morale de S. Augustin*, ubi hæc scribit p. 582. I. *Pleraque peccata, de quibus ait Apostolus, quod qui talia agunt, regnum Dei non possidebunt, & quæ expresse adversantur præceptis Decalogi, mortalia dici possunt... quoniam... bonum faci*



facinorum rei, aut amiserit omnem charitatis sensum, aut exiguum retinent, ita ut ipsi omnino dominetur cupiditas. II. Id tamen intelligi posset adhibito eo temperamento, ut qui plane repugnant, ac velut iuviti ista perpetrassent, aut gravi mali impendentis metu, aut estu libidinis abrepti, ita, ut ab istis angustiis liberati acri dolore tangerentur ob commissum peccatum, tam certo affirmari non potest, illos excidisse gratia, aut incurrisse pœnam damnationis; quamquam enim hoc momento dominata sit cupiditas, brevis, & transitoria potuit esse ejusmodi dominatio, qua voluntatis intima dispositio non mutatur .... hoc temperamentum naturaliter consequitur ex doctrina Sancti Augustini. Hæc ille, qui, ut amici sui Janfenistæ, a quibus prædictus Liber non sine encomio approbatus est \*, in Augustino deteriora quæque invenire noverat. Sit jam

CONCL. III. Quisquis etiam transitorie, modo deliberate, aliquod Decalogi præceptum in materia gravi transgreditur, vel eorum quidpiam agit, de quibus dictum est, quod, *Qui talia agunt, regnum Dei non consequentur*, peccat mortaliter.

Prob. 1. ex censura, quam ann. 1700. adversus præcitatæ Bourdaillii propositiones tulit Clerus Gallicanus his verbis num. 28. *Hæc propositiones, quæ divine charitatis habitum docent, aut significant posse consistere eum peccatis adversus Decalogum, ac de quibus ait Apostolus, quod, qui talia agunt, regnum Dei non possidebunt, falsæ sunt, perniciose, erroneæ, verbo Dei contrariæ: Quæ enim participatio justitiæ cum iniquitate ... aut, quæ conventio Christi ad Behai? ad excusanda, & imminuenda ejusvis generis peccata viam aperiunt, & imponunt sancto Augustino.*

Prob. 2. ex Matth. 10. *Qui negaverit me coram hominibus, negabo & ego eum coram Patre meo*, nisi scilicet sincere resipuerit; quæ propositio, cum sit indefinita, æquivalere universali, eandemque habet extensionem, ac propositio versus præcedentis, sic generaliter expressa: *Omnis, qui confitebitur me coram hominibus, confitebor & ego eum coram Patre meo*: atqui stante Bourdaillii systemate, non omnis, qui Christum negasset, ab eodem negari mereretur. Eos enim solum negat Christus, qui a justitiæ gratia exciderunt: atqui non omnes, qui negarent Christum, exciderent a gratia; quandoquidem eam servarent, qui raptim, & ex metu idolis litarent: ergo.

Confirm. Mortaliter peccavit S. Petrus, quando Christum negavit: atqui tamen eum nonnisi ex metu, & ad modicissimum tempus negavit; cum pene statim egressus foras, crimen suum amare deservit: ergo.

Prob. 3. quia nemini mortalium licet ea, quæ in Scripturis generaliter, & indistincte prolata sunt, fictitiis interpretationibus, & glossis restringere: atqui tamen hujus le criminis reos faciunt, qui impium Bourdaillii systema sequuntur. Dicit enim simpliciter Scriptura: *Non habebis deos alienos coram me*. *Non assumes nomen Dei tui in vanum*. *Non mœchaberis*: nullibi vero dicit: *Non habebis deos alienos habitualiter*, non pejerabis habitualiter, non mœchaberis habitualiter, ut quid ergo suam hanc *habitus* glossam alligat hic Bourdaillius? Hanc utique ignorare S. Cyprianus, totque cum eo præmemoriæ Antistites, qui Christianos, etsi obiter, & ex gravi persecutionis metu idololatrias, gravissimos lapsum reos constanter judicarunt. Ita, & multo pluribus Arnaldus in gemina

ad

\* Moralem S. Augustini Theologiam apprehaverunt uterque LeFeron, Hideux SS. Innocentium Pastor, Blanpignon Parochus S. Mederici, & alii quidam quorum approbationes videris præfixas atri ejusdem Bourdaillii Libro, cui titulus: *Théologie morale de l'Evangile*. Extat inter Arnaldi Epistolæ T. 5. pag. 167. Epistola citati Hideux, in qua de Bourdaillio conqueritur, quasi qui contra datam fidem, prædictas propositiones non emendaverit. Erat D. Bourdaille Elemosynarius Rupellenfis, & Generalis Vicarius.

ad unum e Bourdaillii approbatoribus Epistola; quam tamen, mirum dictu, acer ille laxitatem moralium debellator, publici juris non fecit\*;

Obj. Ea solum cupiditas charitatem perimit, quæ fundum cordis, ut ita loquar, immutat: atqui cupiditas mere momentanea, & cui homo cedit quasi invitus, fundum cordis non immutat. Tunc enim manet fundus cordis idem, qui ante, quando, homo *in fundamento habet Christum*, eique omnia terrena dominanter postponit: atqui quando quis momentanee, & quasi invitus cedit cupiditati, non desinit Christum habere in fundamento, eique dominanter omnia terrena postponit. Major, & minor sunt S. Augustini Lib. 21. de Civ. Dei, cap. 26.

R. ad 1. & 2. neg. min. Ideo enim censet Bourdaillius, hominem, qui libidini violentæ, aut moris metui cedit, dominanter omnia postponere Christo, quia cum paulo post criminis sui poenitet: atqui poenitentia hæc, quæ vix ipsi Judæ proditori defuit, non est efficax indicium justitiæ dominantis. Cum horror, ac detestatio quædam perpetrati criminis statim oriri possint, & plerumque, vel in ipsis gentibus oriuntur ex causis mere naturalibus, aut quæ justitiæ dominantis præsentiam non indicant. Quotienim grande aliquod a se admissum facinus detestantur, ob infamiam, quam inde timent? quori solo æternæ poenæ metu? quoti sic delectando affecti sunt, ut recurrenente eadem causa, idem, quod actu odisse videntur, ceriissime repetituri sint? ergo ex repentina detestatione criminis, quæ idem e vestigio sequitur, colligi non potest habitualis justitiæ perseverantia.

Quod additur, Augustinum in his, qui rapide cadunt agnovisse dominantem justitiæ statum, rideri meretur, non confutari. Contrarium enim ubique tradit S. Doctor: sic, ut olim ostendimus agendo de delectatione morosa, pro certo statuit Augustinus, quod, qui tenet, & volvit cogitationes, *quæ statim (nota bene) ut attigerunt animum, respui debuerant .. totus damnabitur, nisi hæc per Mediatoris gratiam remittatur*, Lib. 12. de Trin. c. 12. Sic & in eo ipso loco, quem citavit Bourdaillius, hæc ipsissimis verbis habentur: *Quisquis sic habet in corde Christum, ut ei terrena, & temporalia non præponat, fundamentum habet Christum. Si autem præponit, etsi videatur habere fidem Christi, non est tamen in eo fundamentum Christus; & iterum: Si salutaria præcepta contemnendo, committat illicita, Christum postposuisse convincitur ... dum contra imperata .. suam per flagitia delegit explere libidinem .. & ideo non per ignem salvus erit, sed salvus non erit: quia esse cum Salvatore non poterit, qui de hac re apertissime loquens, ait: Qui amat patrem, aut matrem plusquam me, non est me dignus, &c. Unde sic: Quisquis pro fundamento Christum non habet, salvus non erit* ex S. Augustino: atqui ex eodem S. Doctore, quisquis salutaria præcepta contemnendo committit illicita, jam non habet Christum pro fundamento; idemque de eo est, qui contra imperata suam per flagitia libidinem explere mavult, quam Christum sequi: ergo quisquis illicita committit, & suam implet libidinem, salvus non erit. Jam vero, qui passione, vel tormentorum metu devictus, idolis immolat, aut fornicationi consensit, illicita committit, suamque per flagitia libidinem explet; vitamque plus amat, quam Christum; ergo impossibile est, ut in hoc statu salvus sit.

TRA-

\* Obiit Antonius Arnaldus die Augusti 8. ann. 1694. Scriptæ sunt binæ ejus Litteræ ad Ph. Feron sub finem ann. 1687. prodierunt demum accurrente Quenello ann. 1700. cum generalibus Cleri Comitibus denuntiatus est Bourdaillii Liber. Extant ex Litteræ Tom. 5. Epistolarum Arnaldi p. 135.

# TRACTATUS

## D E

### PRÆCEPTIS ECCLESIAE.



ONSTAT ex iis, quæ passim, præcipue vero in Tractatu de Legibus disputata sunt, esse in Ecclesia potestatem condendi leges, quæ conscientiam ligent. Et si porro potestatem hanc in multis exercuit eadem Ecclesia, quinque tamen aut sex ejusdem præcepta potissimum celebrantur, quia nimirum ad Fideles universos moraliter pertinent: ea porro versibus hisce comprehendi possunt.

*Festa coles, præsens sacro; Jejunia serves;  
Annua sit saltem scelerum confessio; Paschæ  
Tempore percipies Christi venerabile Corpus.  
Pastori decimas fide persolvere cura.*

De his seorsim dicendum; sic tamen, ut quæ, vel a Tournelyo, vel a nobis jam alibi discussa sunt, paucis revocare sufficiat.

## CAPUT PRIMUM.

*De primo Ecclesiæ præcepto.*

CIRCA Præceptum de colendis Festis, quatuor præsertim expendi solent, 1. an Ecclesia Festos dies instituere possit, etiam in honorem Sanctorum; 2. quæ præcipuæ sint in Ecclesia Catholica festivitates, & an ab antiquo institutæ; 3. an melius sit officia Ecclesiastica latino idiomate persolveri; 4. an positis rebus, ut misere se habent, satius sit numerum Festorum minui, quam augeri.

## ARTICULUS PRIMUS.

*An Ecclesiæ Festa instituere possit.*

QUONIAM ex potestate condendi leges, quam a Sponso suo recepit Ecclesia, non statim sequitur eidem esse licitum quascumque leges condere, merito inquirimus, an eidem Festos dies indicere concessum fuerit. Quæstioni huic aliam jungemus satis affinem, an scilicet possit Ecclesiæ quibuscumque pie defunctis solemnem cultum decernere. Sit

CONCLUSIO I. Potest Ecclesiæ dies Festos instituere.

Prob. 1. Non minor est Ecclesiæ circa Festorum institutionem potestas, quam Synagogæ: atqui potuit Synagoga Festos dies instituere, & de facto instituit. Instituit enim, longo post promulgatam Moysis legem tempore, Festum sortium, Esther. 9. v. 19. Festum in memoriam debellati unacum Holoferne Assyriorum exercitus, Judith 16. v. 31. Festum dedicationis

tionis templi, I. Machab. 4. v. 59. quod Christus ipse celebravit, ut videtur est Joann. 10. v. 22. ergo.

Prob. 2. Id hodieum potest Ecclesia, quod a primis incunabulis fecit; atqui Ecclesia jam a prioribus sæculis Festa instituit. Nam præter Pascha, & Pentecosten, quæ, ut loquitur Augustinus Epist. 53. c. 17. *de Scripturis firmissime tenentur*, plura agebantur diu ante Augustinum Festa, uti docet idem sanctus Pater Epist. 54. his verbis: *Illæ autem, quæ non scriptæ, sed traditæ custodimus, quæ quidem toto terrarum Orbe servantur, datur intelligi, vel ab ipsis Apostolis, vel plenariis, Conciliis, quorum est in Ecclesia saluberima auctoritas, commendata, atque statuta retineri, sicut quod Domini Passio, Resurrectio, & Ascensio in Cælum, Adventus de Cælo Spiritus sancti anniversaria solemnitate celebrabitur: & si quid aliud tale occurrit, quod servatur ab universa quacumque, se diffundit Ecclesia.*

Et vero Apostoli, & Martyres non alia, quam Ecclesiæ auctoritate certis diebus honorari potuerunt: atqui tamen vel a primis Ecclesiæ temporibus honorati fuere, ut patet ex sermonibus, quos habuit S. Leo in Festivitate, tum SS. Petri, & Pauli, tum S. Laurentii: ergo Ecclesia jam a primis temporibus credidit se Festa instituire posse. Ostendant porro adversarii labentibus recto sæculis deceptam fuisse Ecclesiæ auctoritatem, quæ eidem primum fuerat concessa.

Obj. 1. Ecclesia nihil potest contra expressum Dei verbum: atqui verbum Dei expresse prohibet Festa, saltem qualia in usu sunt apud Pontificios. Pontificia enim Festa opus quodcumque servile excludunt, in quacumque diem inciderint: atqui id expresse prohibitum est his Dei ipsius verbis Exod. 20. v. 9. *Sex diebus operaberis ... septimo autem die, Sabbatum Domini Dei tui est: non facies omne opus in eo, &c.*

R. 1. cæremonialia Legis præcepta ex Christianorum omnium consensu abrogata esse, iisque neminem fidelium obligari.

R. 2. ad 1. & 2. neg. min. & dico citata verba semper intellecta esse cum hac restrictione: operabimini sex diebus, nisi aliud exigat solemnitas quædam interveniens. Atqui id patet, tum quia temporum lapsu institutæ sunt a populo Dei varix Festivitates, in quarum decursu nemo erat qui serviliter operari posset; tum quia Moyses ipse in sequenti Levitici Libro, postquam eandem sex diebus operandi licentiam renovavit, varias recenset solemnitates, in quibus a servili quocumque opere feriandum erat. Vide, & confer Levit. 23. & Deuter. 16.

C. 4. v. 10. Obj. 2. Apostolus Galatas severe redarguit, quod observarent *dies, & menses, & tempora, & annos*: atqui Festorum institutio observantiam hanc temporum necessario involvit; ergo, ait Calvinus, *cum talis impietas hodie regnet in Papatu, qualis illis Christus, & quale Evangelium fuit?*

R. dist. redarguit Paulus Galatas, quod observarent *dies, & menses*, more Judaico, C. redarguit absolute, & simpliciter, N. Itaque increpat Apostolus Galatas, quod reversi *ad infirma, & egena* Mosaicæ legis *elementa*, Sabbata, Neomenias, mensem Nisan, & similia observarent, quasi hæc sanctitatis aliquid conferrent. Ostendat Calvinus simile quid regnare in Papatu; id potius conticeat pessimus sycophanta, qui furoris æstro percitus, id hodiernæ Ecclesiæ vertit in culpam, quod puriorum sæculorum docuit, & tenuit Ecclesia. Certe putidam ejus objectionem jam a sæculis plurquam undecim confutaverunt Gregorius Nazianzenus, & Hieronymus: qua de re consule Thomassinum in Gallico de Festis Tractatu, cap. 1. & 2. Inst.

Infl. Qui non permittit, ut Christiani discernant inter diem, & diem 3 quique vetat ne condemnetur quis *in parte diei Festis*, idest, qui Festam aliquam diem non servaverit, ille generatim, & indistincte quicumque Festivitates reprobant: atqui Apostolus 1. non permittit, ut Christiani discernant inter diem, & diem; ut patet ex his ejus verbis Rom. 14. v. 5. *Alius judicat diem inter diem; alius judicat omnem diem: unusquisque in suo sensu abundet*; quæ ultima verba non approbationem, sed tolerantiam mentem exprimunt, ut legem manifestum est. 2. vetat idem Apostolus, ne condemnetur, qui dies Festos non observaverit: *Nemo*, inquit Coloss. 2. *vos judicet in cibo, aut in potu, aut in parte diei Festi*: ergo.

R. Ad 1. neg. min. pro utraque parte, quæ ex objectis Apostoli textibus neutiquam colligitur. In utroque enim agitur de Christianis, qui jejunia, aut Festa Judæorum observabant, & quos aliquando patienter tulit Apostolus; cum in fide adhuc novelli erant, quando levare increpavit: etsi porro nec jejunia Judæorum, nec eorumdem Festivitates observari jam possint; non ideo tamen vel prohibitum est Ecclesiæ jejunia, vel Festos dies indicare, vel licitum fidelibus hæc omittere quoties canonice indixit fuerint. Et vero, an non Apostolus ipse diem inter, & diem distinguebat, cum tanta sollicitudine celebrabat Pentecosten, ut dicitur Act. 20. De his adi Bellarminum fusius differentem L. 3. de cultu Sanctorum cap. 10.

Obj. 3. Si obligent Fectorum leges, erit jugum Christianorum longe intolerabilius jugo Judæorum; cum plura nos habeamus Festa, quam illi habuerint: atqui falsum consequens: ergo.

R. Neg. maj. 1. quia Legis Judaicæ onus non ex solis Festivitatibus desumebatur, sed ex innumerabilibus fere cæremoniis, quæ vix retineri memoria, multo minus exacte observari poterant; & quas tamen, qui omitterent, gravissime aliquando pledebantur. 2. quia Festa Judæorum gravia erant pluribus de causis, quæ apud nos desunt. Sic tenebantur Sabbato non accendere ignem, non coquere cibos, non plus quam minimam Galliæ Leucam discedere e loco domicilli; non nisi azymis insipidis, & lactucis aggressibus vesci toto Paschatis tempore; Hierosolymam ascendere statis diebus, etsi hinc distarent longissime; &c. 3. quia aspera quæque lenit spiritus amoris, quo aguntur Christiani; non timoris, qui in Judæorum cordibus dominabatur.

CONCLUSIO II. Potest Ecclesia solemnem viris sanctitate eximia celebrare cultum decernere; neque unquam eandem hoc in puncto errare permittit Deus. Ita passim Catholici contra Vviclesum, qui docebat Papam nihilo plus posse in canonizandis Sanctis, quam Turcam, aut Præbyterum Joannem Regem Æthiopiarum.

Prob. 1. pars: quia ab actu ad posse valet consequentia, in his passim, quæ sinceræ pietati consentanea sunt: atqui Ecclesia jam ab initio pluribus Sanctis solemnem honorem indixit: neque id veræ pietati repugnat, sed potius congruit. 1. quia æquum est, ut honore donentur, qui honorem meruerunt, secundum id Eccli. 44. *Sapientiam ipsorum narrent populi, & laudem*

*Tournely Teol. Moral. Tom. III.*

Qq

eorum

\* Rationem computationis hujus dant duo novi Testamenti textus Act. 1. v. 12. Mons Oliveti ad cujus radices sita erat \* Bethania, distat a Hierosolyma itinere Sabbati: atqui ex Joan. c. 11. v. 18. distat Bethania ab urbe Jerusalem stadiis quindecim: ergo stadia quindecim sunt iter diei Sabbati. Jam vero stadia quindecim, duo faciunt Italice miliaria; & hæc minimam dant Galliæ Leucam, quales sunt Leucæ in agro Parisienſi: ergo.

*eorum nuntiet Ecclesia; 2. quia convenit, ut qui nobis virtutibus, præluxere, eorum virtutes identidem voluamus animo ad exemplum, & imitationem, juxta id Hebr. 13. Mementote Præpositorum vestrorum, qui vobis locuti sunt verbum Dei, quorum intuentes exitum conversationis, imitamini fidem: atqui ad hanc imitationem mire conducit quorundam hominum canonizatio, vi cujus discit Ecclesia tota, quid ii fecerint pro Christo, qualem, & qua de causa persecutionem passi sint, &c. 3. quia in id naturaliter propendit fidelium omnium sensus, qui pio quodam mentis impetu semper optarunt, ut suos exhiberetur honos Martyribus, Confessoribus, &c. ergo.*

Prob. 2. pars, 1. efficacissima ratione, quam proponit his paucis S. Thomas Quodlib. 9. art. 16. *In Ecclesia, quam ut sponfam suam diligit, semperque diligit Christum, non potest esse error damnabilis: sed hic esset error damnabilis, si veneretur tanquam Sanctus, qui fuit, & mortuus est peccator: sique supplicibus fidelium votis toto terrarum Orbe invocaretur, ut Dei amicus, qui tanquam ejusdem hostis sepultus esset in inferno: ergo.*

2. Si liceret dubitare, an qui Sanctorum festis adscriptus est, vere sit sanctus, liceret etiam dubitare, an sit colendus: atqui falsum consequens: 1. quia ex S. Augustino Epist. 54. n. 6. alias Epist. 118. *Si quid tota per Orbem frequentat Ecclesia... quin ita faciendum sit disputare insolentissimæ insanie est.* Cui consonat id S. Bernardi Epist. 174. ad Canonicos Lugdun. *Ego quæ accepi ab Ecclesia, securus & teneo, & trado.* 2. quia veteres quicumque, Sanctos ab Ecclesia venerationi publicæ propositos, & coluerunt indubie, & indubie asseruerunt esse colendos. 3. quia Ecclesiæ Sancti alicujus Festum præcipienti morem gerere tenentur fideles omnes; nec tamen contra conscientiam agere tenentur: ergo firme tenent iidem fideles vere sanctos esse, qui ut Sancti proponuntur.

3. Quia vix, ac ne vix quidem credi potest, Deum in materia graviter ad religionem spectante deferere Ecclesiam suam, omni qua potest ope enitentem ne deferatur: atqui si permitteret Deus, ut pro Sancto coleretur, qui, diaboli mancipium, torquetur in inferis, jam Ecclesiam suam defereret, & in materia, quæ graviter ad religionem spectat, & in casu, in quo, omni qua potest via, conatur non deferi. Neminem enim Sanctorum Alveo inscribit Pontifex Romanus nisi claruerit miraculis adeo insignibus, ut vel ipsi Ecclesiæ hostes quædam pro miraculis agnoverint, quæ Roma admittenda non sunt. Aliunde vero indicit idem Pontifex jejunia, & preces publicas, ut Dei voluntatem habeat compertam. Demum res tota tam maturò subijcitur examini, tandemque secundum omnes sui partes discutitur, ut nihil amplius a Christiana sapientia exigi possit: ergo.

Obijciuntur quædam, 1. quod ex Augustino *multorum corpora honorantur in terris, quorum animæ torquentur in gehenna.* 2. quod si homo de statu animæ suæ certus esse non potest, multo minus certus erit Papa de salute alterius. 3. quod Ecclesia in Canonizatione Sanctorum innititur fallibili medio, nimirum testimonio hominum, qui & decipi possunt, & decipere. 4. quod Baronius & Martyrologio Romano plures demerit, qui habebantur pro Sanctis, nec tamen omnes demerit, qui auferri debuerant; ut post Bailletum animadvertit Joachim Colbert Episcopus Montispeffulli. Epist. 141.

R. ad 1. verba hæc, si sint Augustini, in cujus Operibus a Bellarmino repertiri non potuerunt, intelligi posse vel de impiis, quibus, ut olim Jovi, Marti, Cæsaribus, &c. honos sacrilegus impenditur, quorumve cineres superbis in mausoleis quiescunt, & honorantur, dum interim animæ eorum cru-

cruciantur in inferis, ubi in æternum erunt; vel de corporibus eorum, quos delusa plebs privato errore veneratur, ut contigit temporibus S. Martini; vel de Pseudomartyribus, aut Confessoribus hæreticorum, qui, prout Donatistarum ævo frequens erat, a suis inter veros Christi Martyres recententur.

Ad 2. neg. conseq. & dico cum S. Thoma ibid. ad 1. *Quod Pontifex, ejus est canonizare Sanctos, potest certificari de statu alicujus per inquisitionem vite, & attestationem miraculorum, & præcipue per instinctum Spiritus Sancti, qui omnia scrutatur etiam profunda Dei.*

Ad 3. Dicendum cum eodem S. Doctore, quod divina Providentia præservat Ecclesiam, ne in talibus per fallibile testimonium hominum fallatur. Et vero ait Bellarminus L. 3. de SS. Beatitudine c. 9. in aliis rebus, in quibus Pontifices errare possunt, aliquando reipsa reprehenduntur errores: at in præsentî puncto nullus ulquam error deprehensus est.

Ad 4. Non inquirimus, an falsâ condî possint Martyrologia, eaque ad tempus ab Ecclesia aliis intenta non redargui; quemadmodum ad tempus non est animadversum in corruptissimas eas Bibliorum editiones, quæ ut loquitur Sixtus V. impietatem sub pietatis figura, ac populis scoriâ pro argento, *vel draconum pro vino, pro lacte saniem obtrudebant*: id unum quaerimus, an Ecclesia hunc, vel illum expresso, ac formali judicio Sanctis annumerans, Christi hostem exemplo, & cultui fideiolum proponere possit: & hoc negamus, ut quo error *damnabilis* invehatur. Cæterum, quæ jam Martyrologi emendationem incœpit Ecclesia, satis ostendit nolle se, ut hinc dubie judicetur, an is, vel ille pro sancto colendus sit.

Queres cujus sit indicare Festa.

R. Cum Thomassino in Tract. de festis L. 1. c. 10. potestatem instituendi Festa pertinere ad Concilia, Papam, & Episcopos, sed non eodem prorsus modo; Papa enim, ut notat idem Scriptor post Fagnan. c. *Consequitur, De Feriis*, in Ecclesia universalî, quilibet vero Episcopus in sua tantum Diœcesi Festos dies indicare potest. Aliunde Papa præcipere potest, ut celebrentur viri pii, qui hæctenus nullo in Ecclesia cultu donati erant: Episcopus vero iis dumtaxat, qui jam in Sanctorum Canonem a Papæ relati sînt, solemnem cultum assignare potest.

Cæterum duo hic notanda, 1. etsi fusc probat Fagnan. in cir. c. n. 53. & seq. Laicos non habere potestatem instituendi Festa, expedire tamen ad vitandas multitudinis oblocutiones, ut nihil hac in parte tentet Episcopus, quod grave futurum sit populis; quod & suadent hæc Gregorii IX. verba eodem c. *De Feriis: Debet judicialis strepitus diebus conquiescere feriatis, cæterisque solemnitatibus, quas singulis Episcopi in suis Diœcesibus cum Clero, & populo duxerint solemniter celebrandas*. 2. in Gallia non posse novas institui Festivitates absque Regio diplomate in tabulis supremæ loci Curie inserto: quia Festa exercitium juris, & populi laborem impediunt; quæ materia, ut mere temporalis Principem respicit.

## ARTICULUS SECUNDUS.

*De præcipuis Christianorum Festivitatibus.*

**A** Rticulum hunc tres in Sectiones partiemur, quarum prima de Festis in honorem Dei, & Christi directè institutis; secunda de iis, quæ in honorem Virginis Deiparæ; tertia denique de aliorum inferioris ordinis Sanctorum solemnitatibus disputabit.

## S E C T I O P R I M A.

*De Fests in honorem Dei directe institutis.*

**Q**uamquam universa sanctæ Ecclesiæ Festa, ideoque & ea etiam quibus coluntur Sancti, instituta sint in honorem Dei, qui electos suos ante mundum vocavit de mundo, justificavit in mundo, & post mundum glorificavit; habet tamen plebs Catholica Festivitates quasdam, ita uni Deo specialiter addictas, ut eæ Dei ipsius Festa peculiari ratione nuncupari possint. Harum solemnitarum præcipuas, quoniam omnes indagare non licet, breviter evolvemus; sunt autem eæ, dies Dominica; Natale Domini, cui præit Adventus; Pascha, præviaque ejus appendix Quadragesima; Pentecostes, Festum Trinitatis sacrosanctæ, & Corporis Christi. Quæ omnia, ut generali quodam intuitu percipiantur,

Quæres 1. quando instituta sit Dominica dies, quo fine, & qualiter celebranda.

R. Ad 1. Dominicam diem a primis Ecclesiæ temporibus servatam fuisse, ut fatentur vel ipsi Protestantæ, & ex primæva traditione constat. Ita quippe docent Ignatius in Epist. ad Magnesianos, Justinus Apologia 2. Tertullianus L. de corona militis, alique plures, quos citat Bellarminus L. 3. de cultu SS. c. 11. Extant hujus celebritatis indicia in Scripturis, sic Act. 20. dicitur: *una Sabbati cum convenissemus ad frangendum panem*, & 1. Cor. 16. *Per unam Sabbati unusquisque apud se reponat*, &c. Unde sic: Dies una, de qua loquitur Apostolus, jam tum celebris erat; quandoquidem frequentiores in ea conveniebant Christiani, ut patet ex utroque textu: atque dies illa erat ipsa Domini dies. Est enim dies una Sabbati, idem ac prima hebdomadæ dies; ut hinc patet quod Christus, qui die Dominica resurrexit, dicitur Marc. 16. *resurrexisse una Sabbatorum*: atqui prima hebdomadæ dies, ex omnium confesso est dies Dominica: ergo.

Et vero, adeo distincta erat dies Dominica a cæteris ipso Apostolorum tempore, ut hanc diei Dominicæ vocabulo designet S. Joannes Apocal. 1. his verbis: *Ego Joannes fui in spiritu in Dominica die*.

R. Ad 2. institutam fuisse Dominicam diem, quia, cum diem aliquam divino cultui deputari conveniat, nec conveniat, ut serventur abrogatæ Mosaicæ Legis Sabbata, aliam Sabbato diem substitui oportuit. Primo autem hebdomadæ dies cæteris fuit anteponenda, 1. quia hac ipsa die orsus est Deus creationem mundi. 2. quia eadem die roxavit mannam in deserto, nobilissimam Eucharistiæ figuram, uti animadvertit Theodulphus Aurelianensis; 3. & præcipue, quia hac eadem die surrexit. Christus; Apostolorum mentes inebriavit Spiritu Sancto, Ecclesiam suam efformare cæpit; &c. unde liquet Domini diem peculiari cultu a fidelibus celebranda esse, ut quæ iisdem tam multiplici titulo sacra esse debeat. Hinc

R. Ad 3. Cum Bellarmino ibid. Quadruplex sub initium Ecclesiæ erat in Dominica ritus. 1. enim vacabant Fideles ab opere servili. 2. conveniebant in Ecclesiam ad lectionem, concionem, sacrificium, & sacram synaxim. 3. non jejunabant. 4. stantes deprecabantur non flexis publicitibus, secundum id Tertulliani L. de corona militis: *Die Dominico jejunare nefas ducimus, & de geniculis adorare*. Posterior hic ritus lex circiter abhinc sæculis desit, priores hæcenus sunt in usu. Circa secundum, qui majoris est momenti audien-

das



das est Justinus Mariyr in Apologia 2. ubi hæc habet: *Die Solis Urbanorum, ac Rusticorum cæsus sunt, ubi Apostolorum, ac Prophetarum Litteræ quoad fieri potest, præleguntur; deinde cessante Lectore, Præpositus verba facit adhortatoria ad imitationem bonæstarum rerum invitans: post hæc confurgimus omnes, præcesque offerimus, quibus finitis profertur panis, vinum, & aqua. Tunc Præpositus, quantum potest, preces offert, & gratiarum actiones, plebs vero Amen accinit: inde consecrata distribuuntur singulis, & absentibus mittuntur per Diaconos. Ditiore, si libeat, pro sua quisque voluntate conferunt; Collecta deponuntur apud Præpositum: is subvenit pupillis, viduis, peregrinis. &c.*

His Dominicæ diei exercitiis adeo intenti erant, & assidui priorum temporum fideles, ut ab iis ne ipso quidem mortis metu ab Ethnicis Imperatoribus indicæ detererentur. Hinc interrogati a Magistratibus fodales S. Saturnini in Africa Sacerdotis, cur contra Principis iustum convenirent, id unum responderunt: *Intermitti Dominicum non potest: lex sic jubet, lexque sic docet. Collectam religiosissime celebravimus ad Scripturas Dominicas legendas: in Dominicum semper convenimus: En norma, quam sequi debeant fideles, quibus nihil hodie pietas sua offert periculi.*

Hic obiter annotandum in pluribus Orientalis Ecclesiæ locis, pari pene cultu celebratum esse Sabbatum, quo Dominica dies celebrabatur: ita ut Sabbatum haberetur pro solemnī quadam Dominicæ dici vigilia. Vide Thomassinum ibid. L. 2. cap. 2.

Quæres 2. quid circa Adventum sciri oporteat.

R. 1. Annum Ecclesiasticum quatuor in partes dividi, quarum prima Adventum, & subsequentes Christi infantis solemnitates complectitur; secunda Quadragesimam; tertia tempus Paschale, quod ab ipso Paschatis Festo, usque ad Octavam Pentecostes elabatur; quarta denique tempus quod ab Octava Pentecostes usque ad Adventum succedit.

R. 2. Institutionem Adventus non esse novam in Ecclesia, cum de sancto hoc tempore mentionem faciant plura septimi sæculi Concilia; ex quibus insuper colligere est, Adventum habitum fuisse, ut Quadragesimam Dominicæ Nativitati præviā. Neque vero hæc multopere distabat a Quadragesima Paschali. Adventus enim pluribus saltem in locis incipiebat a postera S. Marini die, & perdurabat dies 40. quod etiamnum Mediolani viget. Hinc illud Amalarii L. 4. de Officio Eccles. c. 37. *Nos observamus tres Quadragesimas, ante Pascha Domini, ante Festivitatē S. Joannis, & ante Nativitatē Domini;* cui consonat istud Nicolai I. ad Bulgaros; *Servamus jejunia ante Natalis Domini solemnitatē; quæ jejunia sancta Romana Ecclesia suscepit antiquitus.* Atque hinc hodie dum Clerici Officio mancipati, eisdem flexis genibus fundunt per Adventum preces, quæ esurialibus feriis additæ sunt. Deum in adventu lugubribus, violaceis nimirum vestimentis passim utebatur Ecclesia, & etiamnum utitur. Unde & Hymnos lætitiæ indices *Gloria in excelsis* ac *Te Deum* supprimit, servato tamen *Alleluja*, ut si hinc gemit de peccatis, quæ Dei iram succenderunt, inde exultet de futuro Reparatore. Nullam tamen ubique locorum invaluit consuetudo jejunandi in Adventu.

R. 3. Ex dictis liquido patere enitendum esse fidelibus, ut Adventus stadium singulari pietate decurrant. Quod ut assequantur operæ prætium est, 1. ut Ecclesiæ spiritum induiti, vulnus nobis primigenio peccatum inustum sincerissime desceant; 2. ut proprius plangant infirmitates; 3. ut Mediatorem repositis suspensis invocent, exclamando, cum Iſaja, cujus per Adventum Pro-

pheniam legit Ecclesia: *Rorate cæli desuper, & nubes pluant iustum: aperiat* terra, & *germinet Salvatorem*, & rursus: *Emitte agnum, Domine, dominatorem terræ, de petra deserti ad montem filia Sion*; 4. ut venturi Messie gratiam sibi promereantur prece magis sedula, elemosynalargiori, mundi, mundanorumque fuga. 5. ut primi, ultimique Adventus ideam: consociando, meminerint in eadem Christi persona occurrere & infantem, qui vagiat in cunis, & Judicem, qui fulget in cælis. Nimirum duo hæc indefinenter præ oculis habet Ecclesia; unde jam a prima Adventus Dominica legit Evangelium, quo viva iudicii generalis imago exhibetur, &c.

Quæres 3. an primævæ sit antiquitatis Festum Nativitatis Christi. 2. quid singulare habeat ejusdem ritus. 3. quo præcipue animi sensu debeat celebrari.

R. Ad 1. cum S. Chrysostomo Serm. 51. *Hic dies Natalis Domini, ab exordio iis, qui in Occidente habitant, cognitus fuit, nunc ad nos Orientales non ante multos annos transmissus est, & repente ita increvit, talemque tulit fructum, qualem nunc cernere licet.* Unde colligere est Christi Nativitatem jam ab initio in Ecclesia Occidentali, & multo serius apud Græcos celebratam esse. Neque tamen apud Græcos honoris cujuscumque expertus erat beata hæc Nativitas; sed hæc simul cum Epiphania, & Baptismo Christi celebrabatur die 6. Januarii. Occidentalis tamen Ecclesiæ sententiam, quæ Natale Christi diei Decembris vigesimæ quintæ affixit, eo lubentius amplexus est S. Chrysostomus, quod existimavit præcisam Natalis hujus diem, a Fidelibus, qui Romam incolebant, facile potuisse cognoscere ex publicis Commentariis, quibus recensio sub Augusto facta continebatur.

R. ad 2. Id speciale habet Natale Christi, 1. quod ejus solemnitas non a primis tantum Vespers incipit, ut moris est, sed a Laudibus Vigilæ, quæ duplici, aut semiduplici ritu persolvuntur; singulisque Antiphonis partem ex proximo nascituri Parvuli adventu exultationem præferunt. 2. quod Christiana plebs, partem noctis maximam divinis Officiis incumbat. 3. quod Ministri altaris Missarum solemnitas ter celebrent, quod triplex indicetur Christi Nativitas, prima quidem ex utero Patris ante luciferum; secunda ex utero matris in ipsa temporum plenitudine; tertia per gratiam, & pacem in hominibus bonæ voluntatis.

Hic nota 1. Ecclesiæ præcepto satisfieri ab iis, qui Missam unam audiunt: tamen optandum est, ut tres audiant, qui tres audire possunt. 2. esse qui velint, ut Sacerdos, qui Missas tres facere nequit, mediæ noctis Missam recitet etiam de die; quia hæc plus congruat mysterio Festi. Aliud præscribit Rubrica Parisiensis, sic illa: *Qui unicam Missam celebrat, Nocturnam dicit, cum ante auroram celebrat, tertiam vero cum post auroram; qui vero duplicem, duas priores cum ante auroram, duas posteriores cum post auroram.*

R. Ad 3. opus esse 1. vivida fide, cui solidatum est penetrare nubila quibus regitur Deus infans, & in præsepi, sæno, & fasciis eum revereri, quem *proci vident, tremunt, adorant Angeli.* 2. spe firma, quæ Dei misericordiam suscipiat in medio templi ejus. 3. ardenti charitate, quæ nihil non ausit in gratiam illius, qui in charitate perpetua dilexit nos, & pro nobis cum inimici essemus, ea fecit, & passus est, quæ nemo nostrum pro amicis suis facere velit aut pati. 4. singulari animi bene memoris sensu, quo facile perfundetur, qui serio perpenderit, quis veniat, ad quem veniat, quo fine veniat, 5. constanti voluptatum aspernatione. Invitatus a Davide Urias

Urias ad lenociniam carnis; ea se responsione tuebatur: *Arca Dei, & Isra-  
el, & Juda habitant in papilionibus, & dominus meus Joab, & servi  
domini mei super faciem terræ manent, & ego ingrediar domum meam,  
ut comedam, & bibam, & dormiam cum uxore mea: per salutem tuam.*  
Et per salutem animæ tuæ, non faciam rem hanc. Simili clypeo ignita  
hostis tela retundat Christianus: En, dicit, Deus quem adoro, jacet in  
præsepi nudus, austeri cœli inclementiam patitur, ei præsidium totum pa-  
rens inops; egenique pecudum Pastores: & ego delicatior, deserviam cor-  
pori, membra moliter tegam, inique id negabo unum, cujus penes me  
copia non fuerit: absit hoc a me: pudeat sub Capite spinis coronando,  
membrum esse delicatum; sub duce, qui in laboribus est a juventute sua,  
militem otio dissuere, &c.

De Circumcisione, Epiphania, quam & Theophaniam, seu Domini  
apparitionem nuncupant Græci, demum de Purificatione, cui ab iisdem  
Græcis inditum est nomen Hypapantæ, legi possunt Thomassinus, Lib. 2.  
de Festis, cap. 6: & 7: & Continuator Collationum Diocetis Lucionensis  
Tom. 13: qui cum duodecimo ventis extat apud Viduam Mazieres; &  
ambo cognoscuntur a paucis.

Quæres 4. quid circa tempus Paschæ præambulum animadverti oporteat.

R. Tempus illud tres in partes dividi posse, quarum prima Quadragesi-  
mam præcedit; secunda eandem Quadragesimam complectitur dempta  
majori hebdomada; tertia majori hac hebdomada continetur.

Prima pars temporis Paschæ prævii, quod Quadragesimam præcedit, con-  
stat Dominicis tribus, Septuagesimæ nimirum, Sexagesimæ, & Quinquage-  
simæ. Quorum autem eas Dominicas instituerit Ecclesia, non constat inter  
eruditos. Difficultatem hanc versarunt inter se Carolus magnus, pius æque,  
ac eruditus Princeps, & Alcuinus: credideruntque ambo jam a Septuagesima  
inchoatum fuisse jejunium ab his, qui feria quinta, & Sabbato non jejunabant,  
ut sic cum aliis dies 40. jejunii haberent completos; alios vero, qui singulis  
tantum hebdomadis unam omitebant jejunii diem, a Dominica sequentis je-  
junium inchoasse, unde præcedens Dominica Sexagesimæ nomen sortita sit.

Opinionem hanc improbabilem vocat Bellarminus cit. L. 3. c. 14. censet-  
que cum Ruperto Septuagesimæ, Sexagesimæ, & Quinquagesimæ nomina,  
non a numero dierum, ut etiam Alcuino placet, sed numero Dominicarum  
desumpta esse; quia voluit Ecclesia ante Dominicam Passionis præmittere ce-  
lebras septem Dominicas, quibus revocaret nobis in memoriam, spiritualem  
nostram captivitatem, sicut per Dominicam Passionis, & sequentem commemo-  
ratur redemptio a captivitate. Cur autem septem potius, quam octo, vel sex  
Dominicas in hunc finem instituerit Ecclesia, non explicat Bellarminus.

Sunt, qui simpliciter velint Ecclesiam, ut bacchanalia, quæ grassari  
cœperant, compelleret, aut saltem publice detestaretur; tribus ante Qua-  
dragesimam septimanis pœnitentiæ ritum incepisse. Jam tunc enim lugu-  
bres induit amictus, suppressit Alleluja, & in sacris Officiis fideles revocat  
ad memoriam eorum, quæ Deus contra Adamum, contra Terræ incolas  
reprobos Noe, ac demum contra Sodomitas gessit. Hæc autem Officio-  
rum immutatio, cum extraordinariam celebritatem prædictis Dominicis  
tribuerit, potuit & iisdem tribuere nomina, quæ Quadragesimam præ-  
nuntiarent, & ab ea ordine retrogrado denominarentur.

Secunda pars temporis Paschæ prævii vocatur Quadragesima, eaque vel  
traditionis est Apostolicæ, ut docet Hieronymus Epist. 54. ad Marcellum;

vel paucissimo post Apostolos tempore instituta. Instituendi ratio e veteri, potissimum autem e novo Testamento desumpta est. Moyses enim Exod. 34. 28. Elias 3. Reg. 19. 8. Christus vero Matth. 17. dies 40. jejunavere. Adde quod deceret, ut fideles temporaneis sæpe rebus immerfi, decimam anni partem pœnitentiæ consecrarent: quo autem tempore posset id fieri congruentius, quam quæ Ecclesia passionem, & mortem Sponsi sui recolere intendit.

Is porro Quadragesimam sancte transiget, 1. qui sanctam jejunii legem sedulo servabit, de quo vide, quæ T. 1. diximus ubi de jejunio; 2. qui, ut ait Joel c. 2. sanctificabit jejunium, oratione scilicet, eleemosyna, crebra divini verbi auditione; 3. qui adamussim exequetur id, quod canit Ecclesia: *Utamur ergo parvis, verbis, cibis, & potibus, somno, jocis, & artibus perstemus in custodia*. Qui stupenda jejunii exempla reperire volet, adeat historiam Quadragesimæ Auctore A. Baillet, n. 42. & seq.

Tertia demum pars ejusdem temporis Paschæ prævii, complectitur hebdomadam majorem, quæ etiam hebdomada sancta, hebdomada pœnosa nuncupatur, ut vel his nominibus moneantur fideles sibi nihil non eo tempore tentandum esse, ut *Christo passo, & ipsi eadem cogitatione* armentur.

Hebdomadam majorem pie, & salubriter agent, 1. qui jejunio, si fieri poterit, arctiori incumbunt; 2. qui ab hominum consortio recedent accuratius, sibi que intus, & in domicilio cogitationis ædificabunt solitudines; 3. qui plus solito vacabunt orationi; 4. qui Christi dolores meditantur profundius, 5. qui ad recipienda Pœnitentiæ, & Eucharistiæ Sacramenta se se majori studio disponunt; 6. qui, quam frequenter licebit, aderunt solemnibus officiis; 7. qui satagent, ut mente assequantur, quidquid tunc mysterii celebrat Ecclesia.

Porro in Dominica, quæ Palmarum dicitur, celebratur mysterium ingressus triumphalis Jesu Christi in Jerusalem; cui Hebræa plebs cum palmis obvia, fausta quæcumque acclamabat his verbis: *Hosanna filio David*, sex postea diebus miserabiliter clamatura: *Tolle, tolle; crucifige eum*. Unde sanctam hanc diem ex mente Ecclesiæ agat, qui Christum de dæmonibus triumphante adorabit, qui ejusdem triumpho, & imperio se suæque omnia submittet, qui mundi judicia, mobileque ejusdem plausus detestabitur.

Feria quinta renovatur memoria eorum, quæ fecit Salvator pridie, quam pateretur: tunc autem lavit pedes Apostolorum, Eucharistiam instituit, traditus est a proditore in manus Judæorum, & ab his duriora quæque sustinuit.

Feria sexta exhibentur præludia mortis Christi, mors ipsa, & ejus appendices ex Evangelio satis notæ.

*Hi sunt dies*, ait S. Bernardus Serm. in Cœna Domini num. 1. *quos ob servare debemus, dies pleni pietate, & gratia, quibus etiam sceleratorum hominum mentes ad pœnitentiam provocantur. Tanta siquidem est vis Sacramentorum eorum, quæ diebus istis recoluntur, ut possint ipsa quoque lapidea scindere corda, & pectus omne licet ferreum emollire ... denique videmus usque hodie ad passionem Christi non modo caelestia compati, sed terram moveri, & petras scindi, & in confessione peccatorum aperiri monumenta*. Legatur idem Doctor Serm. 4. de Pass. Dom.

Ut major his diebus percipiatur gratia, operæ pretium est, ut feria quinta animo revolvatur, tum singularis humilitas Christi ad Apostolorum, & Judæ ipsius pedes amanter prostrari; tum impena ea charitas, qua se suis, in potum & cibum dedit; tum nox illa plena amaritudinis, qua sanguineo jam sudore exhau-

exhaustus, ac protervæ cohortis ludibrium factus, vere languores nostros tulit, & ea specie visus est, cui non erat decor; ita ut, vel non reputaretur, vel reputaretur novissimus virorum. His considerationibus pie inhaerebit fidelis anima in variis stationibus, quæ eadem die decurri solent.

Quod ad seriam sextam attinet, id in eadem agendum. 1. meditatione sedula verlanda animo historia passionis, & redemptionis Christi; 2. Christo compatiendum, & commoriendum, addendumque aliquid hæc die, si fieri potest, ad rigorem jejunii; 3. orandum cum Ecclesia pro omnibus omnino hominibus, etiam pro Judæis, & infidelibus; 4. adoranda reverenter crux, in qua salus mundi pendit. Ita sere Catechismus Montispeffulani.

Quæres 5. cur institutum Pascha Christianorum; cur idem tanta cum lætitiâ agatur, de qua die, & quo animi sensu celebrandum.

R. Ad 1. Quod, sicut apud Judæos institutum est Pascha, (id est transitus) ut ea die ageretur memoria, tum transitus Angeli, qui Ægyptiorum primogenitos percussit, Hebræos autem pertransiit intactos; tum exitus Israël de Ægypto, ubi sub barbara Pharaonis servitute tot annos ingemuerat; sic & ad normam institutum sit apud Christianos Festum Paschæ, ut celebretur memoria Resurrectionis, per quam Salvator de morte transiit ad vitam; eoque transitu solvit nos a dura dæmonum servitute, & vitæ æternæ nobis aditum de viâ morte reseravit.

R. Ad 2. Pascha ideo cum tanto lætitiæ sensu peragi, 1. quia tunc absolutum est opus nostræ cum Deo reconciliationis: *Traditus est enim Christus propter delicta nostra, & resurrexit propter justificationem nostram*; 2. quia triumphante Christo post passionem suam, æquum est, ut qui eidem compassi sunt fideles, levant capita sua, suumque ei triumphum exultando gratulentur; 3. quia resurrectio Christi futuræ nostræ resurrectionis argumentum est: si enim Christus non resurrexit, inanis est spes nostra, si autem resurrexit Christus, *primitiæ dormientium*, & nos cum eo vivificabimur, *si tamen compatimur*. Porro surrexisse Christum invictè demonstrat brevis hæc ratiocinatio S. Augustini L. 22. de Civ. Dei, c. 5. *Tria sunt incredibilia, quæ tamen facta sunt. Incredibile est Christum resurrexisse in carne, & in cælum ascendisse cum carne. Incredibile est mundum rem tam incredibilem credidisse. Incredibile est homines ignobiles, infirmos, paucissimos, imperitos rem tam incredibilem, tam efficaciter mundo, & in illo etiam deâs persuadere potuisse. Horum trium incredibilium primum notunt isti, Gentiles, cum quibus agimus credere: secundum coguntur & cernere; quod non inveniunt, unde sit factum, si non credunt tertium.*

Merito igitur Christianis Pascha est *festivitas festivitatum, solemnitas solemnitatum*, dies, quam fecit Dominus, & in qua exultare debent, & lætari. Hinc olim totam per octavam a quocumque servili opere cessabant. Hinc dempta, ut notat Tertullianus, eo tempore jejunia, & preces flexo genu, quæ tristitiam spirant, hic toties repetitum lætitiæ canticum *Alleluja*, quod olim apud Latinos extra Paschale tempus non erat in usu, donec ad Dominicas omnes, ut quæ in honorem Resurrectionis celebrentur, extensum est a S. Gregorio.

R. Ad 3. veteribus quibusdam Christianis placuisse, ut celebraretur Pascha, qua die a Judæis celebrabatur, id est decima-quarta luna mensis Martii, sive hæc incideret in Dominicam, sive non. Verum hunc Quarto-decimano- rum errorem proscrispsit Nicæna Synodus habita an. 325. statuitque Pascha deinceps ubique celebrandum Dominica proxima post decimam-quartam lu-

nam ab æquinoxio verno, quod eadem Synodus affixit diei vigesimæ primæ mensis Martii. Et hæc quidem ratio est cur Festum Paschatis, cœteraque omnia, quæ ex eo pendunt, dicantur mobilia, quia tuncocius nunc serius celebrantur, prout decima-quarta luna mensis Martii, & quæ eam subsequitur Dominica, plus, vel minus distant ab æquinoxio verno. De aliis circa celebrationem Paschæ erroribus vide Bellarminum eodem L. 3. c. 12.

R. Ad 4. Pascha ab iis ex Ecclesiæ animo & sensu celebrari, 1. qui omnem impendunt operam, ut cum Christo, & ab normam Christi resurgant; & qui proinde sic moriuntur peccato, ut perpetuo in novitate vitæ incendant: *Christus enim resurgens ex mortuis jam non moritur; mors illi ultra non dominabitur. Ita ergo & nos existimare debemus, nos mortuos quidem esse peccato, viventes autem Deo.* Hi porro Deo vivunt, qui spretis mundi honoribus, divitiis, cœterisque, quæ cupiditatem incendunt, *quæ sursum sunt*, sapiunt indefinenter, *non quæ super terram.* Rom. 6. v. 9. & 11. & Coloss. 3. 2.

2. Id quoque agendum est in Resurrectione Christi, ut & Baptismum, vi cuius eidem Christo conspalti sumus, & contractas in eo obligationes revocemus ad memoriam. Hunc sane in scopum tanto sœdere, & Baptismum nostrum, & Christi Resurrectionem sociavit Ecclesia. Hinc olim remissum Catechumenorum Baptisma ad solemnitatem Resurrectionis; hinc ite eadem solemnitate consecrati Fontes regenerationis; hinc Ministros suos singulis Octavæ diebus ad eosdem Fontes deducit Ecclesia: & exhibendo petram cuius salutaribus aquis abluti sunt, tacite ait cum Isaja c. 51. *Attendite ad petram, unde excisi estis.* Ita pie, & ut solet facunde, exhortatur Illust. Senonensium Archipræsul in sua, ut ajunt, hebdomada sancta.

Quæres 6. quid sibi velit nomen Pentecostes; 2. quæ ejus apud Judæos tam solemniter peragenda ratio; 3. quæ ratio apud Christianos; 4. quomentis, & cordis ritu celebranda sit ea festivitas.

R. Ad 1. & 2. Dies Pentecostes idem est, ac dies quinquagesima; hæc autem ideo tantæ apud Judæos erat solemnitatis, quia Lex die quinquagesima post egressionem ex Ægypto data est Hebræis ad radicem montis Sinai: *quo sumante, & fulgore, tonitruo, caligine, voce, tuba, mortalium corda terrentibus, Moyses loquebatur, & Dominus respondebat ei*, ait Hieronymus ad Fabiolam die 42. mansionib. mansionem 12. Vide & c. 19. & 20. Exodi. Hæceadem die offerebant Judæi Domino panes ex primitiis novæ messis, Levit. 23.

R. Ad 3. Pentecosten Judaicam fuisse typum Christianæ Pentecostes, quæ scircò multo plus a nobis exigit reverentiæ, 1. quia hæc eadem die Spiritus Sanctus in Apostolos, cœterosque Discipulos descendit, ut Regem Dei non tabulis lapideis, sed in eorum cordibus scriberet, juxta id Jeremiæ 31. *Dabo legem meam in visceribus eorum, & in corde eorum scribam eam: & ero eis in Deum, & ipsi erunt mihi in populum*; 2. quia hac quoque die primitiæ frugum messis Apostolicæ Domino consecratæ sunt; cum ad primam Petri Christum redivivum annunciantis vocem, tria Judæorum millia Evangelio nomen dederint; 3. quia Apostoli hæcenus vinci faciles invicto eo animi robore donati sunt, cui tandem cedere oportuit Orbem universum.

R. Ad 4. imprimis opus esse, ut fideles justam donorum Sancti Spiritus, quæ hac die plenius conferuntur, ideam sibi effortment; 2. ut ab eodem Spiritu in se impleri flagitent, quo ille olim in Apostolis operatus est; quodque his expressit verbis Ezech. c. 11. v. 19. *Dabo eis cor unum, & spiritum novum tribuam in visceribus eorum: & auferam cor lapideum de carne eorum, & dabo eis*

vis cor carneum; ut in præceptis meis ambulent, & iudicia mea custodiant; faciantque ea; & sint mihi in populum, & ego sim eis in Deum; 3. ut maxime cogitent consummata esse hac ipsa die Christi mysteria, absolutumque opus, ad quod ille missus erat. Hinc agendæ Christo grates, tanquam capiti, quod membra sua diligit, fovet, & jogi tuetur auxilio.

Quæres 7. quid sentiendum de Festo sanctissimæ Trinitatis.

R. Festum illud recens esse, & vetus sub diverso respectu. Nempe vero Alexander III. qui vixit post medium sæculi duodecimi, de eo sic scribit c. Quoniam 2. De Feriis: *Festivitas SS. Trinitatis secundum consuetudinem diversarum Regionum a quibusdam consuevit in Octavis Pentecostes; ab aliis in Dominica prima ante Adventum Domini celebrari. Ecclesia siquidem Romana in usu non habet, quod in aliquo tempore hujusmodi celebret specialiter festivitatem: cum singulis diebus, Gloria Patri, & Filio, & Spiritui sancto, & cætera similia dicantur ad laudem pertinentia Trinitatis. Ex quibus colligere est speciale Festum sanctæ, & individue Trinitatis quoad Ecclesiam Romanam recens esse, nec forte in eam inductum ante tempora*\*\*. Joannis XVII. ut ex Gersonio notat Thomassinus. L. 2. de Festis c. 18. n. 13. 2. idem festum in variis Regionibus ante celebratum esse, quam Romæ celebraretur; idque ab antiquo cum Alcuinus Officium composuerit in honorem Trinitatis; 3. haud tamen eidem Trinitati honorem unquam deduisse, cum ad eam terminetur omnis Ecclesiæ cultus; imo cum Dominicæ omnes in ejus gloriam institutæ sint: unde ut ex Micrologo observat Bellarminus c. 15. singulis Dominicis cantari solebat Præfatio de Trinitate, quæ una erat ex novem, quas tanquam antiquissimas servari voluit Pelagius II. Addit Auctor Continuationis Collat. Lucion. Festum adorandæ Trinitatis ab ipso mundi exordio celebratum esse; cum indubie Angeli statim ut Deum intuiti sunt, clamare cœperint id, quod temporum lapsu audiit Isaias c. 6. *Sanctus, Sanctus, Sanctus Dominus exercituum, plena est omnis terra gloria ejus.*

Quæres 8. quæ Festum inter Trinitatis, & Corporis Christi sit affinitas; a quo item postremum istud fuerit institutum, & cur tam sero.

R. Ad 1. multam esse cognationem inter utrumque Festum. Quemadmodum enim Festa quæcumque ad Trinitatis cultum referuntur, sic Eucharistia jure est sacrificium, quo tanquam præstantiori medio colitur eadem sanctissima Trinitas. Sicut ergo in Festis omnibus honoratur Trinitas, quæ nobis Verbum incarnatum, ejusque mysteria, & Verbi matrem, sanctosque omnes largita fuit; sic Festa omnia Eucharistici sacrificii actione potissimum celebrantur.

R. Ad 2. Festum Corporis Christi, seu Eucharistiæ in Ecclesia Leodiensi jam ab an. 1246. celebratum, ad totam Ecclesiam extensum fuisse ab Urbano IV. an. 1264. Agnoscit porro in Bulla sua summus ille Pontifex, 1. Festum Eucharistiæ præcipua quadam ratione pertinere ad Feriam V. in Cœna Domini, qua quidem die institutum est Eucharistiæ Sacramentum; 2. idem Festum singulis diebus celebrari, quia singulis diebus immolatur, & colitur salutis nostræ viaticum; 3. merito tamen sanciri, ut vivificum Sacramentum corporis, & sanguinis Jesu Christi, qui est Sanctorum omnium gloria, & corona, Festivitate, ac celebritate præfulgeat speciali, quatenus in eo, quod in aliis Missarum officiis circa solemnitatem est forsitan prætermissum, devota diligentia suppleatur; & fide-

\* Decretalem Quoniam Alexandro II. tribuit Thomassinus Lib. 2. de Festis c. 18 n. 11. eandem Alexandro III. tribuunt P. t. cœi fratres.

\*\* Joannes XXII. electus est an. 1316.

Et fideles Festivitate ipsa instante, intra se præterita memorantes, id quod ipsi Missarum solemnibus ex negligentia, vel fragilitate minus plene gesserunt, tunc attente in humilitate spiritus, & animi puritate restaurent. His adde æquum fuisse, ut, quo tempore Eucharistia majori nisu à Berengario, & Albigenfibus impetita jam fuerat, ei plus honoris à fidelibus impenderetur.

## SECTIO SECUNDA.

### *De Festis in honorem Virginis Deiparæ.*

**S**uppono in primis merito institui Festa in honorem B. Virginis, & Sanctorum: 1. quia ea fuit Ecclesiæ primitivæ praxis, ut liquet tum ex Smyrnenfis Ecclesiæ Epistolæ sæculo secundo scripta, quam refert Eusebius Lib. 4. Histor. c. 15. tum ex his S. Cypriani verbis Lib. 4. Epist. 5. *Martyrum passionibus, & dies anniversaria commemoratione celebramus*; tum ex pluribus prioris sævi Conciliis, quæ laudat Bellarminus ibid. c. 16. 2. quia Festi dies recte instituantur ad recolenda Dei beneficia, ut patet de festo forarium apud Judæos, & docet Augustinus Lib. 10. de Civ. Dei, cap. 4. atqui quod Christiani quidam sancte consumuntur, præsertim per martyrium, singulare est beneficium Dei. Inde enim novum sibi civem accedere gestit, & exultat Ecclesia triumphans. Inde novum sibi apud Deum adesse intercessorem gaudet Ecclesia militans. Inde utrobique novus de re lata in diabolum victoria triumphus.

At, inquit Pseudoreformati, cultus Sanctorum 1. idololatriam sapit; 2. plerumque falso innititur fundamento, ut patet in Conceptione B. Virginis, quam Pontificii ab originali labe immunem fuisse fingunt; 3. multa sunt Festa à laicis instituta; cum certo constet Purificationem institutam esse ab Imperatore Justiniano &c.

R. Ad 1. tam immunem esse ab idololatria cultum, qui Sanctis exhibetur post mortem, quam qui iisdem exhibetur adhuc viventibus. Neque enim Sanctos colimus latræ cultu ut deitates quasdam, sed ut amicos Dei, quos idem Deus, qua tales honorari jubet: unde nec vota, nec altaria dicamus Sanctis, sed ipsi Deo in honorem Sanctorum; id est, tum ut eidem gratias agamus ob beneficia, quibus Sanctos plenissime cumulavit; tum ut ab eo ad ipsorum preces, si non paria, saltem sufficientia consequamur.

R. Ad 2. 1. Non soli Catholici Doctores Mariam ab omni labe immunem fuisse sentiunt, sed Lutherus in ea ipsa fuit opinione. Idem etiam credidit Erasmus, qui licet e nostris fuerit, non male audit apud Protestantés; 2. non ideo prorsus Festum Conceptionis celebrant fideles, quia hæc immaculata fuerit; sed quia eadem conceptio qualiscumque fingatur, annuntiando Matrem Dei futuram, certum præbet futuræ Redemptionis pignus; unde & idem Festum celebrant ii etiam, qui Virginem à peccato conceptam esse credunt. Fatendum tamen quadantenus exigere principia S. Thomæ, ut Conceptio, quæ Festo solemniter celebratur, sancta fuerit, & immaculata. *Vide quæ dixi in Tract. de Peccatis part. 2. cap. 1. sub finem.*

R. Ad 3. Imperatores non instituisse Festa, sed Legibus sui effecisse, ut quæ ab Ecclesia instituta erant, ea, qua par erat, veneratione celebrarentur. De his plura videris apud Bellarminum ibid. His obiter, utpote extra locum præmissis

Quæres,



Quæres, quæ præcipuæ sint Deiparæ Virginis Festivitates.

R. Sunt hæc, Conceptio, quæ die Decembris 8. Nativitas, quæ pari Septembris die; Præsentatio in Templo, quæ die 21. Novembris; Annuntiatio, quæ Martii die 25. Visitatio, quæ 2. Julii; Purificatio, quæ 2. Februarii; Compassio, quæ feria quinta post Dominicam Passionis; ac demum Assumptio, quæ decima-quinta Augusti celebratur.

Festum Conceptionis duodecimo sæculo in Ecclesia tum Orientali, tum Occidentali celebrari cœpit. Hujus solemnitate Decreto confirmavit Capitulum Lugdunense an. 1145. Piam hanc novitatem celebri Epistola 174. impetii S. Bernardus: at crescente in Deiparam fidelium affectu, invaluit tandem celebritatis hujus consuetudo, & a Synodo Basileensi an. 1439. confirmata est; eique indulgentias affixit Sixtus IV. an. 1476. De eadem solemnitate quasi jam ubique observata loquitur Henricus Gandavensis, qui an. 1293. diem clausit extremam: sed ambigit idem Doctor, quæ fuerit instituendi Festi hujus ratio, an Conceptio expers maculæ, an præmatura maculæ ablatio per gratiam.

Institutionem Festi Nativitatis consignat Baronius an. circiter 800. quæ epocha non omnibus probatur: certe Nativitatis Festivitate quasi novæ pietatis sæctum exhibet B. Fulbertus Carnutenfis, qui floruit circa an. 1000. eam tamen jam ab octavo sæculo inter magnas solemnitates recensebat S. Bonifacius Moguntinensis; forte quia prius alibi, quam in Gallia celebrata fuit. Ut ut est, quia Conceptionem celebrari nolebat S. Bernardus, Nativitatis Festum totus suffragabatur: *Nec fallitur*, ait citata Ep. 174. *sancta Ecclesia, sanctum reputans ipsam Nativitatis ejus, Virginis, diem, & omni anno cum exultatione universa terræ votiva celebritate suscipiens*. Festo huic suam adscripsisse octavam fertur Innocentius IV. ut voto ante Prædecessoris suam electionem ea de re facto satisfaceret. Cum Nativitatis solemnitas in pluribus Galliæ locis vocetur vernacule *L' Angevine*, sunt qui eam in Andegavensi territorio natam esse putent. *Vide Thomassin. eod. Lib. 2. c. 20. n. 5.* Festum Præsentationis diu ante in Orientali Ecclesia celebratum est, quam in Latina celebraretur. Primus ipsum in Gallias invexit Carolus Rex hujus nominis V. qui a Cancellario Cyprio monitus a Græcis pie recolli memoriam diei, qua Maria tres tantum annos nata, se se Domino in ministerium templi obtulit, idem Festum in sancta sua Capella celebrari jussit, præsentibus multis Galliæ Præsulibus, & Papæ Nuntio, qui facundissimam ea de re orationem habuit.

Festum Annunciationis, quod idem est ac Festum Conceptionis Verbi, uno eodemque cultu cum Christi Nativitate celebratum est a SS. Patribus, ut liquet ex Homiliis, quas pro Natali Christi die habuerunt ad populum. Sensim tamen sua fuit Annunciationi celebritas specialis: cum de ea expresse meminerint Synodus Trullana an. 692. habita; & Toletana Synodus anni 656. in qua Annuntiatio, *Festivitas gloriosæ Matris, Festum sanctæ Virginis, Festivitas Matris* nuncupatur; nam quod Festum est Matris, ajunt, & merito Toletani Patres, nisi *Incarnatio Verbi*. Alligata fuit passim Annunciationis solemnitas diei 25. Martii; quia, ut ait Augustinus Lib. 4. de Trin. cap. 1. *Sicut a Majoribus traditum, suscipiens Ecclesia custodit auctoritas, octavo Kalendas Aprilis conceptus creditur Christus, quo & passus*. Sed quia constitutum erat a Laodicensi synodo an. 310. ut nullæ per Quadragesimam celebrarentur Festivitates; hinc Annuntiationis Festum ab eadem Toletana Synodo transla-

rum est ad octavam diem ante Natale Domini; quod hodieum ex parte servat Ecclesia Mediolanensis, ubi Annunciatio in *Dominica ante Nativitatem Domini solemnissime agitur*, ait Radulphus Decanus Tungrensis.

Festum Visitationis, quo recolitur charitas Mariæ cognatam suam in montana Judææ invisitentis, institutum est ab Urbano VI. confirmatum primo a Bonifacio IX. an. 1389. deinde a Concilio Basileensi Sess. 45. ann. 1441. Ita Baronius, & Bellarminus eod. cap. 16. ubi tamen animadvertit Festum Visitationis ante Urbani VI. tempora jam fuisse in Calendario Græcorum.

Festum Purificationis, (Græcis hypapante, seu obviatio, quia Christo ad Templum delato occurrerunt Simeon, Anna, alique, ut probabile est, complures justi) circa an. 543. promulgatum est a Justiniano. Quamquam censet Baronius solemnitatem hanc jam utcumque institutam fuisse a Gelasio, cum Romæ abolevit Lupercalia, in quibus aræ Saturni, quam Thomassinus credit esse Idolum Moloch, non jam, *massando viros*, ut antea, sed *accensis luminibus* excolebantur, ut refert Macrobius I. Saturn. cap. 7.

Festum Compassionis institutum est in memoriam profundi doloris, quod ista fuit sacra Virgo, dolorum pendens e cruce Filii, conscia nempe vero, ut scite canit Habertus Vabrensis Antistes:

*Caput cruentum Filii,*

*Matris coronat verticem:*

*Clavis. iisdem figitur.*

*Christus cruci, Christo parens.*

Festum hoc instituit, vel saltem præscripsit Synodus Toloniensis ann. 1423. ut, qua meliori via poterat, facinora contra Virginem sanctissimam ab Hussitis commissa repararet.

Quod spectat ad Assumptionem B. Virginis, constat 1. rejiciendam esse ab omnibus opinionem Collyridianorum, qui Deiparam asserabant divinæ fuisse naturæ, prorsusque mortis expertem. Constat 2. aliquando dubitatum esse de ejusdem Virginis obitu: *Non dico*, ait S. Epiphanius hæresi 78: *quod immortalis mansit, sed neque affirmo, an mortua sit*. Utrumque hodie tota rejicit Ecclesia, quæ Mariam ex hoc sæculo, seu Jerosolymæ, seu potius Ephesi, *pro conditione carnis* migrasse profitetur; sed neque iis assentit, qui eamdem martyrio vitam finisse contendunt.

An autem Maria corpore simul, & anima in cælum assumpta sit, ut pie sentiant fideles, difficilis est controversia, quam hic expendere non vacat, quæque aliquando rationibus parum firmis, & defenditur, & oppugnatur. Sic male, quis assumptionem *nata* corpus, ex ipso assumptionis vocabulo tueatur; tum quia, quod hodie Assumptionis nomine exprimitur, hoc antiqua Adonis, & Usuardi Martyrologia *dormitionem* dicunt, alia vero *pausationem*, seu requiem Virginis; tum quia beata Sanctorum mors, aliquando nominibus transitus, depositionis, somni, atque etiam assumptionis designata est. Sic etiam male, quis eamdem plenam assumptionem neget, ex eo, quod non pauci Patres dixerint Christum solum resurrexisse deinceps non moriturum: cum existiment Hilarius, & Epiphanius, quos secuti sunt Jansenius Iprensis, alique plures, Sanctos quorum monumenta in Christi morte aperta sunt, ad immortalitatem resurrexisse.

Ut ut est, nemo fidelium refugiet modesta Petri Blesensis verba Serm. 28. *Hodie verisimile est, quod B. Virgo, in anima beatitudinem, in corporis glorificationem adeptæ est: quod ne cui prorsus veniat in dubium, auctoritatibus adstruimus*

*opinando tamen, non asserendo, &c.* Interim, ait Claudius Joly Ecclesiæ Parisiensis Canonicus in Dissertatione de verbis Ufuardi, &c. typis data an. 1669. *Sive sacratissima Virgo in corpore, sive extra corpus in celos assumpta fuerit, exaltata est super choros Angelorum, ab omnibus generationibus beata in æternum dicenda, omnimodis laudibus prædicanda, hymnis, ac canticis spiritualibus excolenda, &c.*

Quæres qua sanctiori ratione coli possint Mariæ festiuitates.

R. Quædam esse pietatis exercitia singuli, cuiusque festi propria, quædam generalia.

Propria cuiusque festi, relationem habere debent ad mysterium, quod in eodem festo colendum sibi proponit Ecclesia. Sic in Conceptione, & Natiuitate, petendum est a Deo, ut præueniat nos in benedictionibus suis; ut amoris ejus parem, & nos amoris vicem rependamus; ut si cogimur cum Augustino dicere: *Sero te amavi pulchritudo, tam antiqua, tam nova*; saltem dicere possimus: *Diligam te, Domine, fortitudo mea*, nec unquam ab amore tui cessabo. Sic in Præsentatione, una nos cum Maria Deo offerre debemus; diligere, ut & ipsa dubio procul dilexit, decorem domus Dei; & diem unam in atris Domini transactam, meliorem æstimare super millia. Sic in Annunciatione precari decet, ut quæ Dei mater facta est, fiat & mater nostra, ut quæ virginitate placuit, & humilitate concepit, singularem nobis castimoniam, & tutricem castimoniæ humilitatem promereatur. Sic in Purificatione optandum, ut exemplo Virginis, (quæ tamen lege hac non tenebatur) singulas Dei, & Ecclesiæ leges seruemus, & contra infractores tueamur pro virili, &c.

Quod spectat ad generalia pietatis exercitia, quæ Festivis Mariæ solemnitatibus adhiberi possunt; 1. æquum est, ut de collatis eidem a Deo beneficiis, singulares habeamus gratias bonorum omnium auctori; præsertim cum dona hæc non in solius Mariæ, sed & in nostri quoque gratiam concessa sint. 2. & hæc esse debet pars cultus nostri præcipua; omni studio intendendum est, ut Deiparæ virtutes, quantum licebit tenuitati nostræ, imitemur. Etsi porro juxta Damascenum Mariæ virtus omnem encomiorum laudem excedit, nec si omnes in toto Orbe dispersæ lingue in unum coeant, ejus laudes oratione consequi possent; æquum est tamen, ut pro modulo intueamur puritatem ejus, fidem intensam, obedientiam alacrem, amorem Filii tenerimum, solitudinis ac secessus studium, constantiam in adversis, silentium jube, & similia, quæ mentibus erga Deiparam pie affectis ultro se prodent. His, qui vocaverint, Mariam experientur matrem; cæteri nequaquam.

„ Sed Rosarium, inquires, desero: Scapulari induor, Cingulo Mariano præcingor. Bene est: an non homo pictus, verus homo censendus est, quia hominis simulacrum? Mariæ, faveor, externas tesseræ defers, labiis eam honoras; sed cor tuum longe est ab illa. Tu ne Mariæ similis; qui quotidie idolo impuritatæ litas & adoles? Tu ne cum Maria maritæ, qui molliis, & luxu diffusis, & in obscena quæque effusus in immunditiis volutaris? ... Ne ergo te periculose decipias, arrigans salutem tuam in tuto positam, si alicui Mariæ sodalitati nomen dederis, vel si aliquo externæ pietatis officio fungaris, tametsi de vita serio mutanda non cogites, sed in iisdem flagitiis perseveres. Dic, sodes, Rosarium, Scapulare, Cingulum, suntne aliquid Eucharistia sanctius, aut securius? Minime gentium, inquires, & recte dices. Et heu quot, & quantis cibis ille vitalis mortem affert! Sed inflabis: De fratribus Rosarii dictum est: *Nemo Mariæ*

„ *clients*

„*eliens in æternum peris*: de gestantibus Scapulare revelatum est, *In quò*  
 „*quis morians æternum non patietur incendium*. Sed amabo, nonne de Eu-  
 „charistia, & quidem Christo testante, & Auctore canonico scribente  
 „dictum est: *Qui manducat hunc panem, vivet in æternum*? Et ... quot myria-  
 „des, quot chiliades Christianorum ... gravius pro certo dammandi, quod ci-  
 „bum illum immortalitatis sacrilego ore accipere attentarint. Hæc conten-  
 „tion L. 10. Theologiæ; quæ propriis viis Dominicani terminis excribenda duxi.

### SECTIO TERTIA.

#### *De Festis Sanctorum.*

CUM de Sanctis speciatim differere non possimus; generalia quædam circa eorumdem cultum proponere, & solvere sufficiet.

Quæres itaque 1. an recens sit Sanctorum cultus in Ecclesia, & qui ante alios cultu publico honorari cœperint.

R. Apostolos, & Martyres, eosque solos primis Ecclesiæ sæculis honoratos fuisse. Res patet quia antiquiora Ecclesiæ monumenta de istorum cultu aperte loquuntur, & de cæteris silent. Sic Constitutiones Apostolicæ, quæ sæculo quarto prodiiisse censentur, *In diebus*, inquit Lib. 8. c. 35. *in diebus Apostolorum*, vacent ab operibus servilibus fideles... *In die Stephani Protomartyris iterum vacent, ac reliquis diebus sanctorum Martyrum, qui Christum vitam suam anteposuerunt*. Sic quoque referente Eusebio Lib. 4. de vita Constantini c. 23. *Missa est ab eodem pio Imperatore lex ad Præsides Provinciarum, ut diem Dominicam ipsi venerarentur. Idem Festos Martyrum dies jussu Principis observabant, & Ecclesiasticarum festivitatum, Paschæ v. g. & Pentecostes, tempora debito honore prosequerantur*. Idem erat Ecclesiæ Latinæ usus, ut patet ex his S. Cypriani verbis: *Martyrum passiones, & dies anniversaria commemoratione celebramus*. Cæterum juxta S. Doctorem pro Martyre habebatur, quisquis *in carcere, & vinculis mortuus esset*, ut patet ex Epist. 6. Lib. 3.

Quod ad Confessores attinet, air Lucionensis Collator Tom. 13. p. 281. difficile probari posse additum iis fuisse solemnem cultum ante quartum, & quintum sæculum: nec forte quis saltem in Occidente ante S. Martinum Turonensem eo cultu donatus est. Martini religiosam venerationem, si non comitata, proxime saltem subsecuta est par veneratio S. Hilarii Pictaviensis.

Quæres 2. qui fieri possit, ut prius in Martyrum, quam in Deiparæ honorem instituta sint Festa: hujus enim Festivitates non esse primævæ vetustatis, constat ex iis, quæ præcedenti Sectione disputata sum.

R. Duplex affectu potest hujusce discriminis ratio: 1. quod Mater una cum Filio coli censeretur, licet dispari modo. Et vero in Homiliis, quas de Nativitate, Passione, præcipuisque Verbi mysteriis ediderunt Patres, prodit sæ totus eorum affectus in sanctam Dei Genitricem, quæ tantam in iisdem mysteriis partem habuit; 2. quia periculum erat ne Gentiles, deorum matrem colere assueti, in Christianis redarguerent, quod in Ethnicis redarguebant Christiani; aut ne conversi ad fidem, filium, & matrem haberent pari in gradu, sicque idololatriam idololatria commutarent, prout scisse dicuntur Collatridiani. Verum ubi tandem pene ubique terrarum quievit Gentilitatis furor, ubi rursus Deiparæ titulum impugnarunt Nestoriani, jam ut impietas pietate convelleretur, sensim efflorescere cœpit Virginis honos, & reverentia.

Quæ-

Quæres 3. cur e tot veteris Testamenti Sanctis, soli publice in Ecclesia colantur Machabæi.

R. id factum, quia ii acerbam passi sunt mortem pro Lege, cujus finis est Christus: unde mors eorum, morti Martyrum nostrorum per omnia similis, speciali cultu digna iudicata est jam a quarto Ecclesiæ sæculo. *Gloriosos eorum triumphos Gregorius Nazianzenus, alique Patres eo potissimum nomine magnificentius efferunt, quod qui nondum proposito Christi exemplo tantam constantiam ostenderunt, multo fortiores fuissent, si post Passionem Christi illos in certamen descendere contigisset: quomodo omnibus Dei amatoribus semper fuisse persuasum tellentur neminem eorum, qui ante adventum Christi martyrio consummati sunt, id sine fide in Christum consequi potuisse.* Ita Officium Parisiense sub die 1. Augusti.

Quæres 4. cur, & a quo instituta sit Festivitas Sanctorum omnium.

R. huic Festo datam fuisse occasionem a Bonifacio IV. qui an. 1607. electus est in Papam. Is Pantheon, delubrum nobile, forma rotunda, a Marco Agrippa consule, Jovi, diisque omnibus dedicatum, impetravit a Phoca Imperatore; ejusque futilium numinum simulacris, viginti & octo plaustra sacrorum ossium, quæ e diversis Romæ Cœmeteriis effodi jusserat, illuc transvehi voluit; sanumque Deo in honorem Mariæ, & Martyrum omnium consecravat die 13. Maji; ut qui præ multitudine per annum coli non possunt, ii, una saltem die, generali cultu concelebrentur. Sed Gregorius item IV. an. 827. electus, postmodum decrevit eandem Festivitatem, quæ variis modis jam in diversis Ecclesiis celebrabatur, in honorem omnium Sanctorum solemniter prima Novembris die ab universa Ecclesia perpetuo observari; ita habet Martyrologium Romanum. Eidem Festivitati suam adjunxit Octavam Sextus IV. an. 1480. Felli scopus est. 1. ut honoretur Sancti, qui ignoti fidelibus, toto anni curriculo honorari non fuerunt. 2. ut quidquid in eorum cultu negligentiam peccatum est, reparetur. 3. ut desideratam divinæ propitiationis abundantiam multiplicatis intercessoribus consequantur Christiani.

Quæres 5. an pridem instituta sit Fidelium defunctorum commemoratio, quæ die Novembris secunda fieri solet.

R. 1. apud veterem Ecclesiam, imo & ante Ecclesiæ incunabula moris fuisse, ut pro mortuis Deo preces humiliter porrigentur. Patet id ex cap. 72. Lib. 2. Machabæorum, quem etsi Canonicum negant Protestantæ, haud tamen negare possunt testem esse Judaicæ fidei luculentum. Sed etsi, ait Aug. Lib. de cura pro mortuis c. 1. *nusquam in Scripturis veteribus omnino legeretur, non parva est Ecclesia universa, quæ in hac consuetudine clares auctoritas, ubi in precibus Sacerdotis, quæ Domino Deo ad altare funduntur, locum suum habet etiam commendatio mortuorum.* Nempe vero; ait idem Serm. 172. alias 32. de verb. Apost. *boc a Patribus traditum universa observat Ecclesia, ut pro iis, qui in Corporis, In Sanguinis Christi communione defuncti sunt, cum ad ipsum Sacrificium loco suo commemorantur, oretur, ac pro illis quoque id offerri commemoretur.* Luc.

R. 2. Commemorationem non hujus, vel illius, sed Fidelium omnium defunctorum videri institutam fuisse a S. Odilone Abbate Cluniacensi, qui eam in omnibus Ordinis sui Monasteriis peragi voluit an. 988. Pietatem ejus æmulati Romani Pontifices, eandem sollemnitatem ad totam Ecclesiam extenderunt.

Is pro mortuis universim orandi situs, non Latine tantum Ecclesie proprius est, sed & Græcæ communis. Hæc enim, ut scribit Gennadius, C. P. Patriarcha, per omne Sabbatum memoriam facere solet animarum; prætereaque bis in anno pro iisdem orat magis solemni, nimirum Sabbato præcedente Dominicam carnisprivii, seu Quinquagesimæ, & Sabbato ante Pentecosten.

De Festis tum Angelorum, tum Dedicacionis Ecclesie ad Thomassinum, ad quem remittere cogimur; quia nostra hæc digressio, jam ultra fluxit, quam speraveramus; prout non semel contigit.

Qua ratione sanctificari debeant Festi dies, satis præmonuimus, ubi de tertio Decalogi præcepto. Sed quia Pseudoreformati, qui de industria rixas cient, contendunt officia nostra vel ex eo redarguenda esse, quod lingua populis ignota peragantur; idcirco paulisper hic immorandum.

### ARTICULUS TERTIUS.

*An Officia Ecclesie peregrina lingua fieri possint.*

**S**Uam circa hoc disciplinæ punctum mentem his aperiunt verbis Tridentini Patres Sess. 22. c. 8. de Sacrificio Missæ: *Esti Missam magnam contineat fidelis populi eruditionem, non tamen expedire visum est Patribus, ut vulgari passim lingua celebraretur. Quamobrem, rogato ubique cujusque Ecclesie antiquo, & a Sancta Romana Ecclesia, omnium Ecclesiarum matre, & magistra, probato ritu, ne oves Christi esuriant, neve parvuli panem petant, & non sit, qui frangat eis, mandat S. Synodus Pastoribus, & singulis curam animarum gerentibus, ut frequenter inter Missarum celebrationem, vel per se, vel per alios ex iis, quæ in Missa leguntur, aliquid exponant; atque inter cætera Sanctissimi hujus Sacrificii mysterium aliquod declarant diebus præsertim Dominicis, & Festis. Pugnant ex adverso Protestantes, & usum celebrandi Officia, lingua minime vulgari illusionem, superstitionem, & hypocrisim esse contendunt: quod, ut pateat, quam male, sit*

**CONCLUSIO.** Officiorum celebratio lingua minime vulgari, Ecclesie Romanæ in vitium verti non potest.

Prob. 1. quia etsi linguæ Hebraicæ usus jam a tempore Babylonicæ captivitatis deserit vulgaris esse apud Judæos, ita ut viri etiam eruditi linguam hanc non intelligerent, prout de Philone constat, ii tamen in sacris ritibus Hebraica lingua usi sunt semper, & hodieum utuntur: atqui tamen hæc praxis, nec a Christo, nec ab Apostolis culpata est unquam: ergo pro certo tenendum est eam in se, & præcisè nihil habere mali.

Prob. 2. quia redarguere id, quod tota per Orbem frequentat Ecclesia. insolentissime infantiæ est, ut ait Aug. Ep. 54. atqui cum a commotione nostra recesserint Protestantes, citius aliena utendi lingua in mysteriorum celebratione, tota frequentabatur in Ecclesia. Patet id 1. de Patriarchatu Occidentis, cui subsumt Italia, Germania, Gallia, Hispaniæ, Anglia, &c. nulla enim iis in Regionibus erat Ecclesia, ubi vulgaris esset latina lingua; nec ulla tamen erat præter Sclavoniam, ubi liturgia, cæteræque Officii partes, alia, quam latina lingua celebrarentur. Et id quidem, quod majoris est momenti a primis temporibus servatum erat. Cum enim Anglis, Hispanis, aliisque prædicata fuit Religio Christi, multi in variis earum Regionum partibus, latinæ linguæ expertes erant; neque tamen cognatum est de verenda

tenda pro iis in vulgarem linguam liturgia. Rursus, cum quæ aliquot sæculis in Gallia, & alibi viguerat latina lingua, tandem obolere cepit, & vulgo impervia esse; perrexit Ecclesia eadem, qua prius lingua uti. Idque adeo notorium erat sæculo nono, ut cum Methodius conversis Sclavis liturgiam Sclavonica lingua edidit, ægre id tulerit Joannes VIII.

Paret id 2. de quatuor Orientis Patriarchatibus: etsi enim in iis plurimæ sint Christianorum communiones, nulla tamen earum est, quæ mysteria celebret idiomate a populis intellecto. Utuntur quidem Armeni lingua Armena, Syrii Syriaca, Ethiopes Ethiopica, Cophitæ Cophitica; sed prout ab initio erant, non autem prout nunc in usu sunt apud populum; unde hodierni Græci non magis litteralem seu primitivam Græcam linguam intelligunt, quam Romani Romanam, seu Latinam linguam intelligunt, cum eadem speciali studio non incubuere. Illudit ergo, & turpiter nugatur Jacobus Usserius Armachanus Archiepiscopus, cum in præsentī controversiæ puncto Latine Ecclesiæ praxi, Græcæ, aut Armenæ Ecclesiæ opponit. Ut enim Latina Ecclesia Latina utitur lingua, quam tamen soli eruditi callent; sic Græca Ecclesia Græco utitur idiomate; Syriaca Syriaco, quæ soli norunt, qui iidem enixe studuerint.

Prob. 3. quia cum incommoda omnia vitari non possunt, ea indubie pars tenenda est, quæ multo plura, & graviora tollit: atqui Mysteriorum celebratio in lingua, quæ fixa sit, ideoque & experts mutationum, quibus obnoxie sunt lingue vulgares, multo plura, & graviora tollit incommoda. Multa enim, & gravia sunt incommoda, quod deteratur majestas Religionis; quod fideles erroris periculo exponantur; quod demum Episcopi vix, ac ne vix quidem conciliariter convenire possint. Atqui incommoda hæc tollit, solusque tollere potest usus lingue fixæ, ideoque non vulgaris. 1. enim multum deperit majestati Religionis ex eo, quod Officia ejus vulgari lingua peragantur. Hinc Psalmi Davidis gallicam in linguam translati a Theodoro Beza, & Clemente Marot, elegantissimis ævi sui Scriptoribus, unamini sæculo eo usque deridiculi evaserunt, ut risum moveant, nedum pietatis sensum instillent. Ecquis patienter ferat versionem hanc Psalmi 50. quo tamen vix alius commovendis animis aptior est in tota Scriptura.

*Lave moy, Sire, & relave bien fort  
De ma commise iniquité mauvaise,  
Et du péché, qui m'a rendu si ord,  
Me nettoyer d'eau de grace te plaise  
Car de regret mon cœur vit en émoi,  
Connoissant, las! une grande faute présente.  
Et qui pis est mon péché se présente  
Incessamment noir, & laid devant moy  
D'hyssope donc par toi purgé serai;  
Lors me verrai plus net que chose nulle;  
Tu laveras ma trop noire macule.  
Lors en blancheur la neige passerai..*

Quis Psalmum quartum in hac agnoscat interpretatione..

*Quand je t'invoque hélas! écoute  
O Dieu de ma cause, & raison:  
Mon cœur ferre au large bout,  
De ta pitié ne me reboute..*

Quis tandem risum cohibeat, cum veterem Ministrum versum hunc audierit serio canentem:

*Et moi je suis un gros butor.*

Senferunt infideles ipsi, quam parum deceat Religionem vicissitudinibus linguarum obnoxiam esse. Sic referente Quintiliano Lib. 1. Instit. c. 6. *Carmina Sallorum*, quibus Etnicæ Romæ sacra fiebant, etsi *vix Sacerdotibus suis satis intellecta* mutari vetabat Religio. Sic hodie Turcæ, & Persæ Arabica lingua Grammaticali, quæ plebi peregrina est, publico in ministerio utuntur, &c.

2. Celebratio Officiorum lingua vulgari populos erroris periculo exponit. Certe enim, vel unius litteræ additio errorem invehere potest, ut patet in *omoiouso*, & *omouso*: unde multi refert, ut Scripturæ, sacrorumque rituum versiones ab Episcopis approbentur; porro qui fieri potest, ut ab Episcopia approbentur versiones editæ linguis, quas ne unus quidem forte Episcopus capit, ut est Vascorum lingua? Et licet identidem approbari possint, an approbari poterunt quoties novas proferri exiget mutatio linguæ? Scio equidem erroris periculum ex idiomatum diversitate ortum tolli omnino non posse; cum populus Catechismum saltem vernacula lingua scriptum habere debeat: at æquum est, ut si quævis incommoda auferri non possint, tollantur saltem, quantum possunt. Aliunde id ad minus solatii habent fideles, ut cum a Patocho suo fieri, & recitari vident, quidquid in aliis Catholicis Regionibus fieri, & dici conspiciant, eundem merito existiment idem cum ceteris sentire. Contra vero si sua quique lingua sacra faciar, & Officia persolvat, non poterit discernere viator, siue in Ecclesia Catholica, an in communiione schismatica.

3. Si feret in Occidente exulet a sacris usus linguæ Latinæ, ibit hæc paulatim in desuetudinem; nec jam ab eruditis ediscetur, nisi ut nunc ediscuntur linguæ Orientales; quarum potissima, Hebraica nimirum, fortassis hodie a nemine intelligeretur; nisi perpetuo a Judæis in Synagogis conservata esset. Sublato autem Latinæ linguæ usu, quomodo jam in Synodis convenient Episcopi, alii aliis quoad linguam penitus extranei? Qui fieri poterit, ut adstruant fidem, aut errores abigant, qui se se invicem non audient? Haud difficile erat primis Ecclesiæ sæculis, post discussas in Occidente quæstiones, quæ Nicææ v. g. aut Ephesi agitandæ erant, aliquot in Orientem mittere Episcopos, Latinæ simul, & Græcæ linguæ gnaros, qui Occidentis fidem exhiberent: verum quo pacto constitisset de fide omnium Occidentis Episcoporum, nisi ratione Latini idiomatis unum quasi Populum constituissem? Hæc, & alia id genus multa videris in Libro cui titulus: *De l'usage de célébrer le Service divin dans l'Eglise en langue non vulgaire*. Paris 1687. Vide & Controversias E. Veron, ubi scite redarguit infidelitates in versionibus Lutherana, & Genevensi commissas.

Obj. 1. Praxis Deum ignota lingua publice laudandi expresse redarguitur ab Apostolo 1. Cor. 14. ubi sic: *Nunc autem, Fratres, si venero ad vos linguis loquens, quid vobis prodero, nisi vobis loquar, aut in revelatione, aut in scientia. etenim si incertam vocem det tuba, quis parabit se ad bellum? Ita & vos nisi manifestum sermonem dederitis, quomodo scietur id, quod dicitur? Eritis enim in aera loquentes. si ergo nesciero virtutem vocis, eraci, cui loquor, barbarus, & qui loquitur mihi barbarus &c.* Unde sic: Ille non patiarur, ut sacra fiant alia, quam vulgari lingua, qui hominem ignota lingua loquentem comparat tubæ incertam, ideoque & inutilem vocem danti; qui eundem in aera lo-



loqui contendit; qui denique eum pro barbaro habet: atqui S. Paulus hæc docet in verbis citatis: ergo merito hæc habet Anglicana fidei confessio an. 1562. art. 24. *C'est une chose entierement repugnante à la parole de Dieu, ou à l'usage de l'Eglise primitive, de faire des prières publiques en l'Eglise, ou d'administrer les Sacrements, en une langue non entendue du peuple.* Confessio Anglic. ad calcem Liturgiæ, edit. Londin. 1661.

R. ad 1. neg. ant. 1. quia redarguere non potuit Apostolus id, quod ipse propria praxi comprobabat: atqui Apostolus quoties legalia observabat in templo, propria praxi confirmabat ulum linguæ minime vulgaris; prout eum comprobaverat ipse Christus, ut diximus supra; 2. quia si praxis ignota lingua utendi Scripturæ adversatur, Scripturæ hostis fuit Lutherus, qui Missam suam Latinam \* aliquando, aliquando vernacula lingua celebrari volebat, ejusdem quoque hostes erunt Lutherani, qui Missam magna ex parte faciunt \*\* Latina lingua: ut quid ergo, & Lutherum Beati nomine dignantur Calvinistæ; & publico decreto Synodi Nationalis apud Carentonium habitæ an. 1631. sanxerunt, ut Lutherani ad Matrimonia, & Cœnam in Calvinianis templis admitterentur. \*\*\*

R. ad 2. neg. maj. aliud est enim improbare, ut privatus quis in publico fidelium cœtu peregrina lingua loquatur, aliud improbare, ut publica Officia lingua minime vulgari persolvantur. Primum, & merito redarguit Apostolus, prout redargueremus in Gallia Italum, aut Anglum, qui e suggestio Italice, vel Anglice concionaretur; at de secundo ne verbum quidem habet in citato textu. Totus enim in eo est Apostolus, ut emendet Corinthios, qui ex aliquo vanæ gloriæ sensu, donum linguarum his temporibus frequens, præferebant donis cœteris, iis etiam, quibus alii instrui potuissent, & edificari. Certe, inquit v. 19. *in Ecclesia, volo, seu malle quinque verba sensu meo, id est quorum sensum intelligam loqui, ut & alios instruum, quam decem milia verborum in lingua*, cujus vim, & energiam non sic assequar, ut possim alios instruere. En Apostoli intentum, ad quod necesse non fuit, ut expendere, an Ecclesiæ Officia vulgari idiomate fieri deberent, an non.

Confirm. 1. quia idem S. Gentium Doctor constituit v. 29. ut in his fidelium congregationibus *Prophete duo, aut tres dicant, & ceteri dijudicent*; & v. 34. *ut mulieres in Ecclesiis taceant*: atqui hæc, aliaque ejusdem generis multa, quæ ibid. tradit Apostolus, solum referri possunt ad exhortationes lingua vulgari faciendas, non autem ad publicam Scripturæ, & Officiorum lectionem. Ut enim scite annotat Bellarminus L. 2. de verbo Dei c. 16. lectio Scripturarum, & divina Officia non debent a fidelibus dijudicari; nec tunc inspirantur cum leguntur, sed jam olim inspirata recitantur; nec unquam mulieres in Ecclesia Dei sacra mysteria celebraverunt: ergo.

Confirm. 2. quia locum hunc Pauli non de publicis Officiis, sed de exhortationibus nota lingua faciendis intellexere Cyprianus, Augustinus, Basilus, Ambrosius, Theodoretus, alique, quos citat idem Bellarminus.

*Tournely Theol. Moral. Tom. III.*

Rr 3

Inf.

\* Vide P. Le Brun T. 4. Operis cui titulus: *Explication Littérale*, &c. p. 23

\*\* Falso accusantur Ecclesiæ nostræ, quod Missam aboleant: rectioer enim Missa apud nos, & summa reverentia celebratur. Servantur, & usitate cœremoniæ ferè omnes, præterquam, quod Latinis cantionibus admiscetur alicubi Germanicæ, quæ additæ sunt ad docendum populum, *Confessio Augustiana Carolo V. obdormit* an. 1530. juxta edit. Viti Pichler S. J. distat hæc non parum ab eadem Confessione prout extat in syntagma Confessionum: &c.

\*\*\* Vide Decretum hoc in Gallica Epitome Controversiarum, Audonæ Francisco Veron, p. 54. edit. 1649.

Inst. pergit Apostolus v. 14. *Si orem lingua, spiritus meus orat, mens autem mea sine fructu est. Quid ergo est, orabo spiritu, id est, ore orabo, & mente: psallam spiritu, psallam & mente. Ceterum si benedixeris spiritu, qui supplet locum idiotæ, quomodo dicet, Amen super tuam benedictionem, quoniam, quid dicat, nescit?* Unde sic: S. Paulus eo loci manifeste loquitur de precibus, & psalmis: atqui vult idem S. Paulus, ut hæc lingua vulgari fiant aut psallantur. Vult enim, ut qui supplet locum idiotæ, seu, ut qui imperitus est, dicat, Amen super ea, quæ dicta sunt: atqui non potest dici illud, Amen, nisi ab iis, qui intelligant id, quod dictum est; & hoc utique non intelligit si lingua extranea expressum fuerit: ergo.

R. dist. maj. Loquitur de precibus, & Psalmis, quæ privati quidam fideles componebant, C. de precibus, & Psalmis, in quibus sita erat liturgia, aut quæ ex ipsius Ecclesiæ instituto fiebant, N. Itaque in fidelium conventibus fiebat sacra synaxis, legebantur Scripturæ, & canebantur Cantica a fidelibus composita, ut docent antiqui Scriptores, Tertullianus Apologet. c. 39. Eusebius L. 2. Hist. c. 17. & qui ad hæc Cantica hortatur Apostolus ipse Ephel. 5. & Coloss. 3. hæc Cantica, aliaque privatorum orationes vult Apostolus fieri lingua, quæ saltem a quibusdam intelligatur, tum ut iudicari possit, an a Deo procedant, tum ut ea exponi possint, si exponi merentur: at nihil fancit idem Apostolus, quoad preces publicas; nec erat, quidquam etiam juxta Protestantem, hac in parte faciendum: certe enim Corinthi, & Scripturæ legebantur, & sacra fiebant Græca Corinthiorum lingua: ergo totus ille Pauli locus est omnino extra rem.

R. 2. neg. min. Non enim exigit Paulus, ut Cantica spiritualia vulgari lingua concinantur, sed ut non concinantur lingua prorsus ignota, & quæ proinde a nemine possit explicari. *Si lingua quis loquitur, ait v. 27. unus interpretetur. Si autem non fuerit interpret, taceat in Ecclesia.* Quæro autem, an in Ecclesia Romana celebretur Officium lingua prorsus ignota: quæro, an desint docti, & pii Interpretes eorum, quæ in Ecclesia canantur?

His addo. Latine linguæ usum efficere, ut fideles facilius, & communius respondeant, Amen, aliaque, quæ a populo responderi solent. Iter faciant simul Catholicis, & Calvinistis Polonus. Is in Suecia, Germanica, Batavia, Anglia, Scotia, &c. qualibuscumque horum locorum Liturgiis interfuit, nullibi respondere poterit. Contra vero Catholicus ubique respondebit id, quod in patria respondebat: ergo communis linguæ usus Christianam communionem fovet, cui econtra adversatur usus linguæ vulgaris.

Inst. 2. Ideo voluit Apostolus, ut Cantica prædicta vulgari idiomate fierent, ut populus subjeceretur, Amen: atqui eadem ratio probat Officia publica idiomate vulgari celebranda esse; alioqui enim populus subungere non potest Amen: ergo.

R. 1. falsum esse, quod voluerit Apostolus, ut spiritualia fidelium Cantica fierent lingua vulgari; hoc enim præcepit unum, ut non fierent lingua omnibus omnino ignota; quia tunc nemo ea potuisset interpretari.

R. 2. neg. min. decebat enim, ut prædicta Cantica saltem a quibusdam intelligerentur, ut vernacule reddita intelligerentur a cæteris; quia præcipuus eorumdem Canticorum finis erat instructio, & consolatio fidelium; & aliunde dijudicandum erat, an non Cantica hæc prodirent ab eo, qui transfigurat se in Angelum lucis, ut vel seducat, vel saltem temporis melius impendendi iacturam procuret. Verum utraque hæc ratio locum non habet in divinis Officiis, quæ nec indigent fidelium approbatione, nec primario

trario instituta sunt in solatium, & instructionem populi, sed in cultum supremi numinis.

Inft. 3. Ex Matth. 15. & I. Cor. 14. sic debet Deus coli, ut non honoretur labiis solis, & ut colentis *mens* non sit *sine fructu*: sed, qui publicas preces lingua sibi ignota persolvit, nonnisi labiis Deum honorat; & *mens* ejus *sine fructu est*: ergo.

R. 1. hinc sequi pessime actum tuma Judæis, qui Christi tempore Psal- mos Hebraica lingua recitabant, tum a Pseudoreformatis nationis ejus- cumque, qui ante Mannerensis Edicti revocationem Carentonium templum una cum Gallis hæreticis frequentabant; hic enim, alii aliis, quoad lin- guam Barbari erant.

R. 2. necessum non esse, ut plebs sacris assistens id dicat Latina lingua; quod eadem persolvunt Clerici divino ministerio deputati. Sane, qui le- gere norunt, habent patria lingua id omne, quod canunt, aut recitant Sacerdotes: cæteris vero satis est, ut Deum, quo meliori possunt modo, deprecantur; suamque Ministrorum intentioni intentionem consciant. Et vero quomodo in multitudine vocum necessario confusa id intelligereant dis- tincte, quod ab aliis etiam vernacula lingua concinitur? Quomodo Ec- clesiam fructuose divini Officii temporibus ingrederentur surdi; quomodo constitutum a Deo, ut Sacerdote apud Judæos in interiori templo orante, plebs foris manens, & nec audiens, nec videns Sacerdotem, ejus tamen precum particeps esset, & esse deberet?

R. 3. neg. min. Etsi enim, ait Origenes Hom. 10. in Josue: *non intelligi- mus, quæ de ore proferimus, illæ tamen virtutes, quæ nobis adsunt, intelli- gunt*; & velut carmine quodam invitata, *adesse nobis, & ferre auxilium delectantur*. Quibus consonant hæc Augustini L. 6. de Bapt. c. 25. *Multum ir- ruunt in preces, non solum ab imperitis loquacibus, sed etiam ab hæreticis compositas, & per ignorantie simplicitatem non eas valentes discernere, utun- tur eis, arbitantes, quod bonæ sint; nec tamen, quod in eis perversum est, evacuât illa, quæ in eis bona sunt, sed ab eis potius evacuatur*. Ex quibus me- rito, & naturaliter colligit Bellarminus: *Deum non tam respicere, quod dica- mus, quam quid dicere cupiamus. Si ergo preces non intelligat, & make non sunt instructæ, quando accuntur bona fide: quanto magis preces optimæ ab Ecclesia institutæ, etiam non intelligantur, proderunt?*

Confirm. 1. quia Juæi variis Deum cæremoniis, ac figuris colebant, quarum significationem multi eorum minus intelligebant, quam verba lati- na rustici nostri; atqui amen neque sic Deum colebant inutiliter, ut docet S. Augustinus L. 3. de Doctr. Christ. c. 9. 2. quia ex duobus quorum alter Psalms, & Prophetas multo perfectus intelligit, aliter vix in iis quidpiam capï, plerumque acceptioni apud Deum modo-orat ille, quam ille: ergo non tam intelligentiæ, quam affectus rationem habet Deus: ergo nihil minus si exaudiat rusticum, qui *etsi non intelligit, quæ de ore profert*, id tamen postulat, quod scit ab Ecclesia postulari. Et vero si res aliter esset, haud satis consilium esset æternæ salutis tot puerorum, totque pin- guis ingenii hominum, qui quacumque lingua recitent Ecclesiæ preces, vix earum quidpiam satis intelligunt.

Obj. 2. Innocentius III. seu potius Lateranense Concilium IV. confi- tuit, ut Episcopi civitatum, in quibus *permixti sunt populi diversarum linguarum habentes sub una fide varios ritus, & mores, iidem provideant viros idoneos, qui secundum diversitates rituum, & linguarum, divina il-*

*lis Officia celebrent: ergo credidit publica Officia, non alio, quam vulgari idiomate esse celebranda.*

R. neg. conseq. Objecti Canonis sensus ex circumstantia temporis, quo is conditus fuit, eruendus est. Capta a Gallis, & Venetis Constantinopoli, quaesitum est a Concilio Lateranensi, cui una cum Latinis interfuere Græci, ut quibus in locis Græci Latinis permixti erant, hic duos ordinari Episcopos permetteret. Sensit Synodus quantas moverent turbas duo in eadem Diocesi Antistites; unde ne quid tale fieret, prohibuit districte: at simul sanxit, ut Episcopus loci, seu Græcus foret, seu Latinus, provideret, ut Græci Græcos, Latini Latinos haberent Sacerdotes, qui Græce Græcis, & Latine Latinis sacra facerent: ergo non permisit sacra fieri vulgari lingua, sed lingua, quæ jam, seu in Latio, seu in Græcia desierat esse vulgaris. Certe si mens Innocentii fuisset, ut Officia lingua vulgari peragerentur, indubie egisset idem Pontifex, ut Italia, cui jura dabat, vernacula lingua uteretur in sacris: hoc autem ne tentatum quidem est, nedum observatum fuerit: unde sanctus Thomas, qui paulo post citatum Lateranensis Concilii Decretum floruit, Corporis Christi Officium composuit Latina lingua, quam tamen in c. 14. Epist. I. ad Corint. negat fuisse tunc taliorum vulgarem.

Obj. 3. Eadem hodie lingua liturgia celebrari debet, quæ ab Apostolis instituta est: atqui liturgia lingua vulgari instituta est ab Apostolis: ergo.

R. 1. pari ratione probari posse liturgiam fieri debere lingua non vulgari, quandoquidem eam instituerint Apostoli linguis scilicet, Græca, Syriaca, Latina, &c. quæ jam a pluribus sæculis nullibi sunt vulgares.

R. 2. neg. maj. Ut enim lingua vulgari celebrari debeat liturgia, non sufficit, ut eam lingua vulgari instituerint Ecclesiæ Principes, sed requiritur, ut immutabili Decreto constituerint eam, quidquid tandem incommodi evenire posset, nulla unquam nisi vulgari lingua celebrandam esse: atqui Protestantes, qui nonnisi ex Scriptura argumentari efficaciter possunt, nusquam ex ea, aut aliunde probabunt, Apostolos, vel irrevocabiliter, vel simpliciter decrevisse, ut liturgia nonnisi vulgari lingua fieret: ergo ruit argumentum istud, quod olim contra Cardinalem Perronium urgebat Jacobus Angliæ Rex.

R. 3. neg. min. non quod cum eodem Perronio existimem liturgiam Latinam solum, & Græca lingua institutam esse; sed quia nec probatur, nec probari potest, tot ab initio conditas esse liturgias, quot erant vulgares linguæ. Esi enim utraque lingua toto imperio celebris erat, haud tamen verisimile est eas ita in omnibus non urbibus solum, sed & pagis invaluisse, ut ab omnibus omnino usurparentur. Certe quamvis Augustini tempore jam a pluribus sæculis vigeret in Africa latinæ linguæ usus, non deerant tamen rustici, qui veteri solum Punica lingua uterentur; quemadmodum etsi Gallica lingua in Gallis vigeat, sunt tamen, seu in Armorica inferiori, seu in Provincia, aliisque locis pluribus rustici, quibus ferme barbarum sit, quidquid a populari suo idiotismo discrepat. Quæro autem, an qui ex iis locis ad fidem conversi sunt, debuerint a sacris abstinere, quia eorum sensum capiebant: aut quod in idem recidit, an probabile sit, suam unicuique pagam affixam esse liturgiam. Res profecto fidem superat: quo posito se ipsis corruunt argumenta Protestantium, quæ nisi generaliter probent, nihil proant. De his, si plura voles, adi Bellarminum citato L. 2. de verbo Dei cap. 16. vidumque ejus vindicem Jacobum Grotserum in idem caput.

AR:

## ARTICULUS QUARTUS.

*An expediat Festorum numerum augeri.*

**Q**uatuor hic inquiri possunt, 1. an major olim fuerit, quam nunc sit, Festorum numerus; 2. an numerum Festorum, quæ hodie aguntur satius sit imminui, 3. quas Festivitates tolli conveniat; 4. cujus sit imminuere Festa. Hæc omnia paucis expendemus, Thomassinum secuti, quæ de Festis, ut & de cæteris pari ad pietatem soliditate scripsit. Sit itaque

CONCLUSIO I. Major fuit olim, quam sit hodie, feriatarum dierum numerus.

Prob. ex Constitutionibus Apostolicis lib. 8. cap. 33. ubi sic: *Servi quinque diebus opus faciant; Sabbato autem, & Dominico die vacent in Ecclesia propter doctrinam religionis. Diximus enim habere quidem Sabbatum rationem creationis mundi, Dominicum vero Resurrectionis.* En ergo juxta auctorem hunc, qui cum a S. Epiphanio citetur, ad minus est quartus sæculi, en unaquaque hebdomada, festivitatem Sabbati, Dominicæ festivitati superadditam. Potuit quidem is Sabbato honos non ubique exhiberi; sed non ideo deerat duplex singulis hebdomadis festivitas; quia Constantinus cunctis sub Imperio Romano degentibus præcepit, ut Dominico die feriarentur; utque diem, qui est pridie Sabbati, honorarent in memoriam passionis Christi, prout refert Eusebius Lib. 4. de vita Constant. cap. 18.

Sanciunt quoque Constitutiones Apostolicæ, ut tota magna hebdomada, & proxima sequenti vacent servi, quia illa passionis est, hæc resurrectionis. (Et hanc præxim forte collapsam confirmarunt Theodosius, & Arcadius Lege, quæ extat Cod. Theod. lib. 2. tit. 8.) Vacabant quoque servi diebus Assumptionis, seu Ascensionis, Pentecostes, Natalis Domini, Epiphaniæ, Apostolorum, (qui omnes verisimiliter una eademque die colebantur) Stephani Protomartyris, ac reliquis diebus sanctorum Martyrum, qui Christum vitæ suæ anteposuerunt; quique juxta Thomassinum Lib. 1. de Festis cap. 4. iis solum in locis celebrantur, ubi martyrium perpeffi fuerant.

CONCLUSIO II. Festorum numerus augeri non debet, sed forte potius imminui.

Prob. & utinam minus efficaciter, rationibus, quas in Remensi ann. 1408. Concilio proposuit Gertonius his verbis: *Quid insuper de multitudi- ne præceptiva tot Festorum; quæ non observantur, & ita peccatur; vel egestati subditorum mechanicorum non sufficienter consulitur; vel pissima otiositati, qua nesciunt rurales bene uti, janua grandis aperitur. Subintroeunt consequenter magno agmine ebrietates, lites, lusus improbi, expensæ sumptuosissimæ, choreæ plenæ peccatis, & insaniis, & carminibus blasphemis, imo & per Inquisitorem damnandis, dissolutiones quoque luxuriosæ; & ad breve verbum subingreditur malum omne; ita ut, quod pro honore Dei, & pro salute animarum fuit sapienter institutum, vertatur in contumeliam ejus, & salutis detrimentum.*

Contra eosdem, nisi peiores, abusus acriter exarsit eodem tempore Nicolaus Clemangius Archidiaconus Bajocensis, in Oratione De novis celebratibus non instituendis, in qua & laudatur Sanctæ memoriæ Michael Antiochodrensis Episcopus, qui propter detestabiles insolentias, quas in diebus Festis feri videbat, majorem longe partem dierum Festorum Synodalibus in illa Diocesi

Edi-

*Edictis coli confectorum, a coarctatione observantiae, pia motus consideratione relaxavit, salutaris existimans, Deoque acceptius, vineam amputare aut propagines ducere, quam inertis torpendo otio, crapulae, & ingurgitationis, ceterisque maleficiis insistere.*

Aliud urget idem Theologus incommodum, quod patit Fectorum multiplicitas. *Noluerunt*, inquit, Majores nostri, ita Sanctorum coli, ut Deus negligetur; nec justum putaverunt tot Sanctorum in Ecclesia gesta recenseri, ut non possint in ea legi veteris, & novi Testamenti sacra volumina. Equidem Beatorum cultus in cultum Dei cedit, constatque in Actis Sanctorum multa esse, quæ virtutem inspirent. Verum timendum est, ne plebs paulo rudior sic adhæreat mediis, ut negligat finem. Aliunde vero quidquid magni contineant Sanctorum gesta, quanto a sacris Scripturis distante intervallo? non est ergo, quod redarguantur, quibus, ut Patribus Concilii Trevirensis an. 1594. *opera pretium visum est, Fectorum numerum contrahere; quo, & effrenes coercentur, & aliquid deus necessitati pauperum.* Et hoc non sine laude moliti sunt multi Galliarum Antistites, quorum tamen aliqui Festivitates in hebdomadis decursu occurrentes, satis in Dominicam transferendas esse rati sunt; alii dimidia quædam instituerunt Festa, ita ut plebs matutinum tempus Deo dare teneatur, post-meridianis vero horis sibi providere possit. Dolendum tamen, ait ibid. Thomassinus lib. 1. cap. 11. n. 12. quod dimidiæ ex celebritatibus lapsu temporum vaneant, & negligantur; ut hinc patet, quod ultimi tres hebdomadæ sanctæ dies, quamquam plus amoris inspirare debent, viz jam pro Festis, aut Semifestis habeantur.

Cæterum, qui Festa auferunt, cavere debent, ne aut ea tangant, quæ a primis Ecclesiæ sæculis observata sunt; aut, quæ licet recentius instituta, auferri non possent, quin turbaretur Ecclesiæ harmonia, & concentus.

CONCLUSIO III. Possunt Episcopi Festa quædam per se solos tollere: non raro tamen, Apostolicam Sedem ea de causa consuluntur.

Prob. 1. pars, 1. quia per quas causas res nascitur, per eas potest & dissolvi: porro possunt Episcopi Sanctis, qui jam tales ab Ecclesia agnoscuntur, solemnem cultum indicere: ergo & ejusdem cultus solemnitatem recidere possunt; 2. quia potestatem hanc in Episcopis agnoscunt Concilia Trevirensis jam citatum, & Cameracense an. 1565. ubi sic c. 11. *Cum vulgus diebus Festis, ut plurimum ad laxiorem, & dissolutiorem vitam se ipsum effundat, quam aliis diebus; quo majori reverentia queant observari ab omnibus, videant Episcopi, sintne aliqui Festi dies, quos præstet esse profectos, idest operarios; 3. quia plerumque sua hac potestate, nemine reclamante usi sunt piissimi quique Galliarum Antistites. Quin & illud eorum jus discrete confirmat Tridentinum Sess. 25. cap. 12. his verbis: *Dies autem Festi, quos in Diocesi sua servandos Episcopus præceperit, ab exemptis omnibus, etiam Regularibus serventur.**

Prob. 2. pars, quia Henricus IV. utique ad preces Episcoporum Regni sui, pluries, & vivide apud Clementem VIII. egit, ut plura Festa reciderentur: atqui id egit an. 1642. Urbanus VIII. quia, ut ait Bulla, quæ incipit *Universa: Plurimorum*, „ *Episcoporum per varias regiones constitutorum relatione didicerat, Fectorum multitudinem, plus nocere, quam prodesse.* Et vero Festivitates, quæ hactenus unanimi Ecclesiarum omnium conceatu observatæ sunt, decentius a Capite cum membris, quam a membris tolli auferuntur. Aliud est de solemnitatibus unicuique Diocesi propriis: nihil quippe mirum est illas eadem tolli auctoritate, qua constitutæ sunt.

CA-

## CAPUT SECUNDUM.

*De secundo Ecclesiæ præcepto.*

**S**ecundo Ecclesiæ præcepto jubentur fideles jejunare præscriptis ab Ecclesiâ diebus: priusquam vero præceptum illud exponamus, revocandum est in mentem 1. quadruplex distingui jejunium, metaphoricum scilicet, seu spirituale, naturale, morale, & Ecclesiasticum, quæ satis a nobis expensa sunt Tom. 1. secundæ, & tertiæ editionis ubi de Temperantia; 2. jejunium Ecclesiasticum, de quo solo agimus in præsentî, duo excludere, qualitatem scilicet, & quantitatem alimentorum, ita ut, qui jejunant, nec iisdem cibus, nec eadem alimentorum quantitate uti possint, quæ in usu sunt extra jejunii tempus. Jam ergo quatuor hic investiganda essent. 1. an Ecclesiâ possit jejunia instituere, prout nunc servantur; 2. quæ præcipue instituerent, & quando; 3. quæ requirantur conditiones, ut jejunii lex rite, & salubriter adimpleatur; 4. qui eadem lege teneantur. Sed, quia ex his nonnulla jam attigimus, ubi de Temperantia, cætera hic delibare sufficiet.

## ARTICULUS PRIMUS.

*An Ecclesiâ possit Jejunia instituere.*

**N**egant ex æquo Pseudoreformati, & Protestantes Ecclesiam indicare posse jejunia, quæ conscientiam obligent. *Sciendum est*, ait Confessio Augustana \* tit. de discrimine ciborum &c. *tales observationes*, jejunii, feriarum, & similes, *nec mereri remissionem peccatorum, nec justitiam, nec perfectionem esse: sed esse res ædiaphoras, quæ extra scandalum casum omitti possunt.* Concinit, si tamen vere concinit, Confessio Argentinensis Carolo V. in Comitibus Augustæ exhibita an. 1730. ubi sic c. 8. *Locum, tempus, modum, tum præcandi, tum jejunandi, malumus sancto Spiritui .. arbitranda relinquere, quam certis præscribere legibus, maxime quas sine piaculo transgredi non liceat.*

Calvinus, etsi lib. 4. Instit. §. 14. observationem jejunii, & utilem esse, & ab ipsis Apostolis usque, necnon in Lege, & Prophetis usitaram agnoscit, graviter tamen invehitur contra jejunium quadragesimale; & carniem etiam impiis legibus prohibitum esse contendit; nec, qui ab iis abstinent, vult quidquam habere meriti: unde ei ad jejunium satis est, ut parcius, ac levius, villioribusque cibus vescamur, §. 18. 20. & 21. Sic

**CONCLUSIO.** Potuit Ecclesiâ jejunia instituere, qualia servantur a fidelibus.

Prob. 1. Jejunium prout in usu est apud Catholicos, duo importat, nimirum abstinentiam a carnibus, & alimentorum mensuram solita parciorum: atqui utrumque instituere potuit Ecclesiâ: 1. quia non minor est potestas Ecclesiæ in Lege nova, quam in antiqua fuerit potestas, vel Synagoga erga totam Judæorum gentem, vel Jonadab patris Rechabitarum erga universam domum suam: atqui potuit Synagoga constituere jejunia a Deo minime præcepta, ut patet, tum ex Esther 9. ubi indicitur jejunium in memoriam liberationis a persecutione Aman; tum ex c. 8. Zachariæ, ubi sermo est de jejuniiis quarti, quinti, septimi, & decimi mensis, quæ a

Rei-

\* Vide Synagoga Confessionum part. 2. pag. 33.

Reipublicæ Præpositis, variis occasionibus, non autem a Moyse constituta erant. Potuit etiam Jonadab filius Rechab filius, & nepotibus suis usum vini prohibere usque in sempiternum; & obedientiam legi tam severe ab ipsis præstitam laudavit, & remuneravit Deus, ut patet ex Jerem. c. 35. v. 18. ubi Domui Rechabitarum dixit Jeremias: *Hæc dicit Dominus .. Pro eo; quod obedistis præcepto Jonadab patris vestri, & custodistis omnia mandata ejus, & fecistis universa, quæ præcepit vobis .. non deficiet vir de stirpe Jonadab filii Rechab stans in conspectu meo cunctis diebus.*

2. Quia si licitum fuit Apostolis quorundam ciborum, sanguinis scilicet, & suffocati usum prohibere ad bonum finem, nimirum ut facilius Gentiles in unum cum Judæis corpus coalescerent; quidni Apostolorum successoribus licitum sit certa prohibere alimenta, in finem perinde honestum, videlicet ut coerceatur lascivientis carnis petulantia, mens sursum relevetur, virtutemque, & virtutis præmia obtineat?

Nec est, quod dicat quis, sanguinis, & suffocati usum, rem fuisse, posita etiam Apostolorum constitutione, adiaphoram. Id enim, si generaliter intelligatur, falsum esse evincunt hæc verba Act. 15. *Perambulabat Paulus Syriam, & Ciliciam præcipiens custodire præcepta Apostolorum, & Seniorum.* Non enim est indifferens id, quod sub præceptum cadit. Et vero ea lex tam severe per aliquod tempus servata fuit, ut mallent mori fideles, quam sanguinem degustare, prout docet Tertullianus Apolog. cap. 9.

Prob. 2. Quod Ecclesia prioribus, ideoque & purioribus sæculis exegit inculcate, id hodieum exigere potest: atqui Ecclesia jejuniis inculpate exegit .. Prob. min. 1. ex Can. 68. inter Apostolicos, ubi sic: *Si quis Episcopus vel Præbyter, vel Diaconus, vel Lector, vel Cantor sanctam Pasche Quadragesimam non jejunat .. præterquam si propter imbecillitatem corporalem impediatur, deponatur; si laicus sit, segregetur;* 2. ex Concilio Gangrensi\* an. 324. ubi sic Can. 19. *Si quis eorum, qui continentia student, absque necessitate corporea, tradita in commune jejunia, & ab Ecclesia custodita superbienda dissolvit .. anathema sit;* 3. ex Concilio Laodicensi an. 320. quod his refertur verbis dist. 3. de Consecr. c. 8. *Non oportet in Quadragesima quinta feria ultima hebdomadæ jejunium dissolvere, & totam Quadragesimam in bonorari: sed per totos hos dies jejunare, & escis abstinentia convenientibus, idest aridioribus uti.* Idem faciunt Canones alii plures, quos videris apud Gratianum dist. 3. de Consecr. Ex his patet jejunii legem jam a primis Ecclesiæ sæculis esse constitutam: atqui lex ea inculcate constituta est. Lex enim, quam summa cum veneratione susceperant innumeri pariter ad pietatem doctrinæ Pontifices, innumeri Martyres, Confessores innumeri, non inculcate solum, sed & laudabiliter constituta fuit; neque enim tot hominibus, qui Deum quærebant in spiritu, & veritate, divinum lumen profusus desuasse credimus, ut in Calvini, & Lutheri tempora reservaretur: atqui jejunii legem summa cum veneratione susceperunt innumeri Pontifices &c. eamque ita susceperunt, ut inter Ecclesiæ hostes Aerium jejunii contemptorem, cœterosque Pseudoreformatorum prædecessores recensuerint, ut patet ex S. Epiphonio hæresi 75. & Augustino de hæresib. cap. 53. ubi sic Lutherum sub-

no-

\* Citatur a me hic Canon, prout eum habet Codex Canonum vetus Ecclesiæ Romanae, impressus Moguntiae an. 1525. & novis typis editus Lutetiae an. 1609. ubi Gangrense Concilium consignatur an. 323. idem consignat Pithouan. 324. dist. 30. Can. 8. & seq. idem Pithœus Laodicensis Concilium consignat an. 320. dist. 3. de Consecr. cap. 8. quod in Codice differtur ad an. 368.



nomine Aerii verberat : *Aerius in Arianam hæresim lapsus, propria dogmata affinxit nonnulla, non esse solemniter celebranda statuta Ecclesiæ jejunia ; sed cum quisque voluerit jejunandum, ne videamur sub lege : ergo.*

Prob. 3. ex Patribus, quorum instar in re clara sint Tertullianus, juxta quem in Lib. de Jejunio, bene est quod *Episcopi universæ plebi mandare jejunia assentent*. Hieronymus, qui in Epist. ad Marcellam adversus errores Montani : Nos, inquit, unam *Quadragesimam secundum traditionem Apostolorum, tempore nobis congruo, jejunamus* : non quo, & per totum annum, excepta Pentecoste, jejunare non liceat ; sed quia aliud sit necessitate, aliud voluntate munus offerre ; ubi S. Doctor jejunium Quadragesimæ necessarium vocat, & a voluntariis Novatorum jejuniiis discernit. Chrysostomus Hom. 6. ad populum Antiochenum, *Adveniente jejunio, inquit, etsi milites quis exhortetur, & cogat vinum delibare, vel aliud quid jejunii lege non concessum gustare, omnia quis mallet pati, quam prohibitum tangere nutrimentum*. Neque id gratis dictum est a S. Doctore ; cum eam ob ingentem cibarium penuriam jussisset Imperator Justinianus in secunda Quadragesimæ hebdomada carnes publice veno exponi in gratiam Constantinopolitanorum ; nemo unus in tanta populi multitudine fuit, qui carnes emere, aut degustare voluerit. Certe, ait Bellarminus, iis, qui sic agebant, persuasum erat Quadragesimæ legem obligare in conscientia. Væ populo huic, quod suus ei tunc defuerit Calvinus. Vah ! quam solerter sacrilegam superstitionem abegisset. De cæteris adi eundem Bellarminum Lib. 2. de bonis operib. in particul. c. 7. & melius Thomassinum part. 1. de Jejuniiis c. 5.

Prob. 4. ratione : Ut Ecclesiæ jejunium præcipere possit, sufficit, ut possit condere leges de rebus, quæ bonæ sint, & utiles ad salutem, & aliunde homini possibiles : atqui Ecclesiæ hæc omnia potest, ut alibi probavimus. Jam vero jejunium est, fatente Calvino, res bona, & utilis, & qua talis in utroque Testamento usitata : ergo illud præcipere potest Ecclesiæ. Atque hinc in Anglicana Ecclesiæ moris est jejunia identidem constituere ; quia cum reformatæ est, vel potius insigniter depravata hujus Ecclesiæ Liturgia sub Eduardo VI. Henrici VIII. filio, & successore, vetitum est, ne quis feria sexta, & Sabbato carnibus vesceretur ; sancitumque est a Curia Londinensis Senatus an. 1548. ut exceptis ægris, debilibus, iisque, qui a Rege dispensationem obtinuissent, servarent omnes abstinentiam Quadragesima, Quatuor temporibus, aliisque diebus, quibus carnum comestio prohibita esset. Additum insuper redarguendos esse eos, qui præ sensualitate abstinentiam, & jejunia per Ecclesiam indicta vituperarent. Legem hanc confirmavit an. 1559. Regina Elisabeth, quæ insuper abstinentiam feria quarta servari voluit, in gratiam Piscatorum, qui multi sunt in Anglia. His legibus hucusque obsecuti sunt Episcopales ; non autem Præbyteriani, seu Puritani. Merito igitur Liturgia Suecanæ Ecclesiæ an. 1576. Stokolmiæ edita, & promulgata ab Archiepiscopo Upsalensi Lutheranæ hæc habet in Præfatione : *Constat Apostolos, eorumque discipulos consuetudinem certis diebus jejunandi, certisque horis precandi a Majoribus acceptam observasse, quam summe necessariam esse, & utilissimam, tum præcepto, tum exemplo Christi, propriaque edocti experientia testati sint. Quæ ergo fronte ejusmodi Christianæ vitæ regulas ab Ecclesiâ nobis traditas, & commendatas repudiavimus ?* Adi Opus R. P. Le Brun Tom. 4. pag. 70. & 150. & Gregorium Berhælet in Tractatu historico, & morali de abstinentia, pag. 71.

Obj.

Obj.<sup>o</sup> 1. Abſtinentia, & jejunium Evangelicæ libertati adverſantur, ut patet ex his verbis, cum Chriſti apud Luc. 10. *Manducate quæ apponuntur vobis*, tum Apoſtoli 1. Cor. 10. 25. *Omne quod in macello venit manducate, nihil interrogantes propter conſcientiam*; ergo.

R. ad 1. neg. ant. ad textum Chriſti, dico hunc eſſe ſenſum ejus, ut cum hoſpiti recipiuntur divini verbi præcones, non quærant deliciores cibos, ſed his, qui apponuntur, etianiſi forte vilioribus contenti ſint. Et vero an præcipiebat Chriſtus, ut Apoſtoli, vel toxicum comederent ſi appoſitum fuiſſet, vel carnes ſuillas, quamdiu vigeat lex Moyſis.

Ad textum Pauli, dico Apoſtolum voluiſſe ut fideles non inquirerent curioſius, an carnes in macello propoſitæ, immolatæ eſſent; non autem ut emerent indiſcriminatim quidquid expoſitum erat. Nec uſquam contrarium probatur Evangelici, ex Scriptura, ex qua tamen quicquid aſſerunt, probare tenetur. Et vero non potuit Apoſtolus id præcipere, quod ſine ſcandalo fieri non poterat: atqui Proteſtantium conſeſſo emere carnes prohibitis diebus eſſet ſaltem peccatum ſcandali, ut patet ex citato. Conſeſſionis Auguſtanæ textu: ergo non potuit id Apoſtolus præcipere; præſertim cum in ejus principiis, ſatius ſit non manducare carnes in æternum, quam fratrem ſuum ſcandalizare.

Inſt. 1. Ille præcipit, ut fideles ſine diſcrimine quibuſlibet cibis utantur, qui expreſſe vetat, ne iidem fideles redarguantur *in cibo, aut potu*, id eſt, quod hoc, vel illo cibo veſcantur: atqui Apoſtolus Coloff. 2. 21. *Nemo*, inquit, *vos judicet in cibo, aut potu, aut parte diei Feſti, &c.* ergo.

R. diſt. min. Vetat Apoſtolus, ne fideles judicentur in cibo, aut potu, id eſt ne damnentur, eo quod cibis a Moyſe prohibitis utantur, C. vetat, ne damnentur, ſi utantur cibis ab Eccleſia prohibitis, N. Mirum ſane, quod in hujusmodi textibus vim faciant Pſeudoreformati; cum evidens ſit Apoſtolum ea ſolum Chriſtianis alimenta permittere, quæ, ut caro ſuilla, leporina & ſimiles, Judæis Levitica lege interdicta erant. Hæc enim maniſeſte eſt S. Pauli ratiocinatio: hi dumtaxat tenentur ad abſtinendum cibis per Moyſem interdictis, qui ſuſcepta circumciſione carnali, debitores ſunt *univerſæ legis* faciendæ: atqui vos Coloffienſes *circumciſi eſtis circumciſione non carnali, & manuſacta*, ſed *in circumciſione Chriſti*, v. 11. ergo non tenemini Lege Moſaica; nemo ergo vos judicet quali tranſgreſſores *in cibo, aut in potu, aut in parte diei Feſti, aut Neomenia, aut Sabbatorum*. Verum non ideo Apoſtolus; aut vetat ne certis temporibus cibi quidam ab Eccleſia prohibeantur, aut permittit, ut contra hanc Eccleſiæ prohibitionem iidem cibis utantur fideles: cum ipſe legem Jeruſolymitanam, qua ſanguis, & ſuffocata prohibebantur, ſi non Corinthi, ut aſiqui volunt, ſaltem aliis pluribus in locis tanquam præceptum ſervari inſtanter mandaverit.

Inſt. 2. atqui Apoſtoli definitio non ſolum in cibos legales, ſed & in alios quoſcumque cadit: ergo nulla ſolutio.

Prob. ſubſ. Cibi, quos Apoſtolus prohibendos eſſe negat, ii erant, qui humano mandato prohibiti erant: atqui cibi legales, leu a Moyſe prohibiti, non humano, ſed divino præcepto prohibiti erant: ergo cibi, quos Apoſtolus prohibendos eſſe negat, non ſunt cibi ſolum legales. Minor patet: prob. maj. ex v. 20. ibid. *Si ergo mortui eſtis cum Chriſto*, ideoque liberi ab elementis hujus mundi, quid adhuc decernitis dicentes: *Ne teſteſtis, neque guſtaveritis, neque contraxeritis ſecundum præcepta, & doctrinas hominum*: ergo. Ita Kemnitius.

R. ad 1. neg. subf. ad 2. neg. min. lex enim Mosaica, utpote jam a Christo abrogata, non obligabat amplius: ergo judaizantes, qui a carne porcina, aut similibus abstinere volebant, *præcepta & doctrinas hominum* tradebant, & nihil ultra: quemadmodum, qui hodie circumcissionem renovare conaretur, non exhiberet Dei legem, sed hominum, nec dicam diaboli. Cæterum nostra hæc solutio est Chrysostomi, quem Kemnitio, siquidem Kemnitius permiserit, diu præferemus: sic S. Doctor in Ep. ad Coloss. Hom. 7. *Etiamsi legem obicias, ea tamen ipsa jam deinceps humanæ doctrina est, elapso videlicet temporis sui præscripto.*

Adde cum Bellarmino ibid. c. 8. quod si Apostolus doctrinas hominum redarguat, prout fecit Christus Matth. 13. eas solum redarguit, quæ Scripturæ repugnant; alioqui enim increpandus esset Apostolus ipse, qui de præceptis suis agebat 1. Thessal. 4. *Qui hæc spernit, non hominem spernit, sed Deum:* atqui præcepta Ecclesiæ de jeuniis, & delectu ciborum, nedum repugnent, congruunt prorsus cum Scripturæ doctrina, & exemplis; cum Libri sacri passim hortentur ad jejunia; eosque plurimum commendent, qui ut David, Daniel, Mardocheus, Esther, Judith, Anna Prophetissa, Joannes Domini præcursor, ea se in palæstra pie exercuerunt: ergo.

Inst. 3. Apostolus 1. ad Timoth. 4. *In novissimis diebus, inquit, discedent quidam a fide, prohibentes nubere, & abstinere a cibis, quos Deus creavit:* atqui hæc belle quadrant in Pontificios, omnesque, qui cibi cujuscumque usu interdiciunt: ergo.

R. neg. min. hæc enim Apostoli verba iis solum conveniunt, qui, ut Encratitæ, Marcionitæ, & Manichæi, cibos quosdam prohibent quasi natura sua immundos, ideoque & in injuriam Dei *visibilium omnium, & invisibilium* Creatoris: porro delirium hoc nescit Ecclesia Romana. Minor iis omnibus constat, qui oculis suis credere, quam impudentibus Kemnitii calumniis fidem habere malunt. Prob. itaque major. 1. quia contrarium ex Scriptura ostendi non potest, quod tamen Kemnitio, ejusque affectis necessum foret. 2. quia textum hunc eo, quo nos modo interpretati sunt primævi Patres. Sic Tertullianus Lib. de Jejunio c. 15. prædamnat Apostolos jam hæreticos, *abstinentiam perpetuam præcepturos, ad destruenda, & despicienda opera Creatoris: quales inveniam apud Marcionem, apud Tatianum, &c.* Sic Hieronymus Lib. 2. adversus Jovinianum: *Marcionem, inquit, designat, & Tatianum, & cæteros hæreticos, qui abstinentiam indicant perpetuam, ad destruenda, & contemnenda, & abominanda opera Creatoris.* Idem dicunt Augustinus, & Theodoretus, quos, si vacat, videris apud Bellarminum ibid. 3. quia si Apostolus quemcumque cibi delectum, & jejunia omnia prohibuisset, nusquam potuisset fieri, ut vel ipsa ejus ætate, vel ætate proxime admodum secuta, (qua, ut ita loquar, adhuc calebat Sanguis Christi, & quot Christianos, tot ferme numerabat heroes Ecclesia,) contraria jejunii consuetudo in toto terrarum Orbe dominata esset: dominata est tamen, dominatur etiamnum, & invitis iis, qui, sub libertatis prætextu, ventri suo student, *usque ad consummationem sæculi* dominabitur.

Neque obstat illud: *In novissimis diebus.* Ea enim vox in Scripturæ phrasi, res etiam parum tempore diutius exprimit. Sic Jacob annuntians filiis, quæ iisdem eventura erant *novissimis diebus*, multa præsertim quoad Simeonem, & Levi, ac Zabulon annuntiat, quæ contigerunt quo tempore duodecim tribus terram Chanaan sortitione divisam possederunt, ut notat Pererius in c. 49. Genes. Sic Daniel his, quibus Regem Nabuchodonosor com-

compellat, verbis c. 2. v. 25. *Judicavit Deus tibi Rex, quæ ventura sunt in novissimis temporibus*, idem exprimit, quod ibidem v. 45. iis verbis: *Deus magnus ostendit Regi, quæ ventura sunt postea*. Et vero Danielis Prophetia post annos pauciores, quam sexaginta impleri cœpit. Quid quod prædictio Pauli jam adimplebatur, cum Epistolam tuam scripsit B. Judas, ut patet ex v. 17. & 18. qui sic habent: *Memores estote verborum, quæ prædicta sunt ab Apostolis: qui dicebant vobis, quoniam in novissimo tempore venient illusores, &c. hi sunt, qui segregant semetipsos, animales, spiritum non habentes*.

Inst. 4. Apostolus citatis verbis eos omnes redarguit, qui sub prætextu pietatis, & cultus cibos quosdam prohibent: atqui Ecclesia Romana sub prætextu pietatis, & cultus carnes prohibet certis diebus: ergo. Ita rursum Kemnitius.

R. 1. neg. maj. etsi enim indubie non approbavit Apostolus jejunium, orationem, eleemosynam, aut alium quemlibet virtutis actum, qui sub ficta sanctitatis imagine, & in hypocrisis eliceretur; hic tamen ait Aug. L. contra Adimantum Manichæum c. 14. *Proprie designat Manichæos, qui non propterea temperant a cibis talibus, ut concupiscentiam suam refrenent: sed quia ipsas carnes immundas putant, & earum creatorem Deum esse negant*.

R. 2. neg. min. Equidem prohibet Ecclesia ciborum qualitatem, sed melius, quam eorum quantitatem prohibeant Reformatores, nimirum non, ut sanctitatem simulet, sed ut eandem acquirat, qua via ad ipsam pervenire tot in utroque Testamento homines, qui in memoria æterna erunt iusti.

Ob. 2. juxta Christum Matth. 15. *Quod intrat per os, non coinquinat hominem: sed si obligaret jejunii lex, id, quod per os intrat, hominem coinquinaret: ergo*.

R. dist. Quod intrat per os risu, & secundum ordinem legis, non coinquinat hominem, C. quod intrat per os contra legitimam prohibitionem, N. Refellit eo loci Christus Pharisaicam superstitionem, quæ lomiabat cibos illotis manibus sumptos; nescio quid contrahere sordium unde anima ipsa inficeretur: at non ideo cujusvis cibi quovis tempore usum approbat quasi nihil habentem coinquinationis: alioqui nullam in crapula, & ebrietate, quæ per os intrant, maculam agnovisset; quod cogitare nefas est, blasphemia loqui. Quid quod pro esu pomi tanta Adæ ejusque posteris incubuit malorum nubes? Et vero si jejunia redarguisset Christus, ut quid jejunandi exemplum dedit? ut quid præscripsit modum his verbis: *Tu autem, cum jejunas, unge caput tuum, & faciem tuam lava*.

Ob. 3. Jejunii non quidem exercitium, sed obligatio repugnat primævæ antiquitati. 1. enim S. Irenæus in Epist. ad Victorem scribit suam Ecclesiis circa Quadragesimale jejunium libertatem esse relinquendam, ut videre est apud Eusebium lib. 5. Histor. c. 24. 2. primus omnium Montanus legem jejunii indixit, ut ex Apollonio refert idem Eusebius ibid. c. 18. eique obstiterunt Catholici, ut testator Tertullianus insignis Montani defensor. 3. Spiridion hospiti carnes in Quadragesima comedendas apposuit; non appositurus profecto, si jejunii lex obligasset in conscientia.

R. neg. ant. cujus falsitas ex probationibus nostris manifeste patet.

Ad 1. non magis volebat Irenæus observationem jejunii liberam esse quam celebrationem Paschatis; sed existimabat necessum non esse, ut utrumque eodem prorsus modo in omnibus Ecclesiis perageretur: quod quantum ad Pascha rejectum est a Nicæna Synodo, quæ, probata Victoris opinione, sanxit Pascha

Pascha ubique simul celebrandum esse. Quoad jejunium autem, nescit nemo unicuique Ecclesiae licitum esse morem apud se constitutum sequi.

R. ad 2. vocem illam, *primus*, ab hæreticis mendaciter additam esse; unde deest, tum in Græco Eusebii textu, tum in editionibus Latinis excepta Basileensi. Et vero Tertullianus, qui in Lib. de Jejunio Montanum ram acriter tuetur, eum hinc dumtaxat reprehensum esse dicit, quod Paschali jejunio nova jejunia addiderit; quam novitatem a privato homine inductam merito rejecerunt Catholici. Hinc Eusebii non dicit simpliciter Montanum jejuni, sed *jejuniorum leges* imposuisse.

Ad 3. Potuit Spiridion, cui, utpote multos *dies absque ullo cibo* traducendi, panis, & farina deerant, carnem, quam, ut ad Pascha servaretur, sale condierat, homini ex itinere *admodum fesso* ministrare; cum Ecclesiae præcepta in hoc necessitatis casu non obligent, ut docet Innocentius III. c. 2. *De observat. jejuniorum*. Verum ipsa hæc Historia, prout refertur a Sozomeno L. 1. Histor. c. 11. egregie probat, quam stricta esset jejunii obligatio: 1. enim Spiridion orationem præmisit, & veniam petiit a Deo; quorsum autem hæc veniæ petitio in re absolute libera? 2. cum viatorem hortatus est, ut carnem comederet, detrectavit iste, causatus se Christianum esse. Itane vero fuisset reluctatus, si tunc temporis persuasum erat, observationem jejunii adiaphoram esse, & quæ pro uniuscujusque nutu impleri posset, vel omitti?

Edit. Val.  
les.

## ARTICULUS SECUNDUS.

### De præcipuis Ecclesie Jejuniis.

**P**Ræcipua, ut norunt omnes, Ecclesiae jejunia sunt, Quadragesimale; Quatuor temporum, & quæ pridie majorum quarundam festivitatum observari solent. Unde

Quæres 1. an Quadragesimale, seu Paschale jejunium magnæ sit antiquitatis; cur fuerit institutum, & an ubique pari forma servatum sit.

R. ad 1. nihil esse in Evangelio, aut traditione Apostolorum scripta, unde colligatur jejunium hoc, vel illud a Christo Domino fuisse institutum. Hunc & eo sensu ait Augustinus Epist. 36. *Quibus diebus non oporteat jejunare; & quibus oporteat, præcepto Domini, vel Apostolorum non invenio definitum*. Prædixit tamen Salvator futurum post mortem suam, ut jejunio vacarent discipuli sui. *Veniet dies*, ait Matth. 9. *cum auferretur ab eis Sponsus, & tunc jejunabunt*. Atque hanc ejus prædictionem litteraliter impletam fuisse indicat Actuum Liber pluribus in locis. Sic cap. 13. *Ministrantibus illis Domino, & jejunantibus, dixit Spiritus sanctus, &c. & infra: Tunc jejunantes, & orantes ... dimiserunt illos*. Act. 14. *Cum constituisset illis ... Præbiteros, & orassent cum jejunationibus*: at in his ne verbum quidem est, quod jejunium Paschale designet. Quod autem ibid. c. 27. v. 9. dicitur: *Cum jam non esset tuta navigatio, eo quod & jejunium iam præterisset, de jejunio Festi Expiationis, quod circa æquinoctium autumnale peragebatur*, intelligi solet.

Recurrendum itaque ad Traditionem: ex ea porro indubie constat Quadragesimale jejunium institutionis esse Apostolicæ, licet nullibi in sacra Scriptura expressæ. Et quidem 1. docet id Tertullianus in Lib. de Jejunio, ubi contra Catholicos, qui nova duo Montani jejunia rejiciebant, ita invehitur, ut Quadragesimale jejunium iam ubique vim legis pridem habere signi-

Baron. ad  
an. 173.

Tournely Theol. Moral. Tom. III.

Si

ficer.

ficeret. Certe, inquit, in Evangelio dies illos jejuniis determinatos esse putant Catholici, scilicet, Montani hostes, in quibus ablati, seu crucifixus est Sponsus; & hos esse jam solos legitimos jejuniorum Christianorum aboliti legibus, & Propheticos vetustatibus. Itaque de cætero indifferenter jejunandum ex arbitrio, non ex imperio novæ disciplinæ ... sic & Apostolos observasse, nullum aliud imponentes jugum cætorum, & in commune omnibus obcuendorum jejuniorum: ergo juxta Tertullianum Christianis omnibus persuasum erat jejunium Paschale, ut vocat, ab Apostolis observatum esse, ejusque legem ex imperio impositam fuisse; tamen aliis temporibus posset quisquis pro arbitrio, & nutu jejunare.

Idem docet S. Hieronymus in Epistola 54. ad Marcellam superius adducta, & consonant, nullo reclamante, plerique Patres, ut S. Leo, qui Serm. 6. de Quadragesima admonet: ut Apostolica institutio quadraginta dierum jejuniis impleatur. Atque his faver nota hæc regula, quam tradit Augustinus Epist. 54. alias 218. ad Januar. & L. 4. de Baptismo, nimirum illa omnia sine dubio ex Apostolica traditione descendere, quæ in universa Ecclesia observantur, & in nullo Ecclesiæ Concilio instituta inveniuntur: tale enim esse Quadragesimæ jejunium hinc patet, quod ejus mentio fiat in Auctoribus, qui Concilia omnia præcessere. Quin & ex tot Conciliis, quæ Quadragesimam commendarunt, nullum est, quod de ea tanquam nuper instituta loquatur.

R. ad 2. multas fuisse instituendi jejunii rationes. Prima, ut Christiani omnes quasi communem, & publicam pro culpis reliquo anno commissis pœnitentiam agant, & Deum conjunctis precibus, & lachrymis placare nitantur. Magna, ait S. Leo Serm. 4. de Quadrag. divine institutionis salubritate provisum est, ut ad reparandam mentium puritatem 40. nobis dierum exercitatio maderetur, in quibus aliorum temporum culpas, & pia opera redimerent, & jejunia casta decoquerent.

Secunda, ut impleatur id, quod ait Dominus Matth. 9. Cum auferetur ab eis Sponsus, tunc jejunabunt. Quæ verba de passione Domini semper intellexit Ecclesia contra Montanistas. Unde

Tertia, ut ad celebrandam Christi Passionem, ejusque Resurrectionem, ac susceptionem sacræ Communionis, quæ in Paschate a Christiano nullo prætermitti debet, præparemur. Rationes has exhibent Chrysostomus, Hieronymus, & Leo apud Bellarminum ibid. c. 16.

Quarta, ut sicut Elias 40. dierum curriculo continuato jejuniis, totius mundi longam, ac nimiam siccitatem meruit imbrium rore restinguere, & ardentem serrarum sitim cælestis pluvie largitate persundere; sic nos quoque horum 40. circulo dierum jejunantes, spirituales baptismatis pluviam Catechumenis mereamur; nostramque jamdiu aridam terram cælestis desuper imber infundat, & longam Gentilium siccitatem lavacro inundatio salutaris irroret. Ita S. Ambrosius Serm. 17.

Quinta, ut quasi decimas vitæ nostræ per Quadragesimalem abstinentiam Domino consecremus. Nam dierum totius anni pars decima sunt dies 36. totidem autem diebus constat jejunium Quadragesimale proprie dictum: cum Quadragesima proprie incipiat Dominica ejusdem nominis prima, ut ex Officio Ecclesiastico patet. Rationem hanc exhibent S. Gregorius Homil. 16. aliique nonnulli, quos appellat Bellarminus ibid.

Sexta, ut Christum, qui caput nostrum est, pro modulo imitemur. Imitemur porro tum jejunium ejus, tum præcipue passionem, quam nostricaula subire dignatus est. Equidem rationem hanc ridet hæretici; sed simul ridet

sunt quidquid sacrum est in antiquitate. Scribit enim ad Philippenses S. Ignatius, *jejunandum esse a fidelibus per Quadragesimam, quia id imitationem continet conversationis Domini*. Eodem sentu locuti sunt alii Patres, quorum verba refert Bellarminus ibid.

R. ad 3. nulla aut pene nulla fuit varietas in numero dierum, quibus perdurabat jejunium Quadragesimale, sive apud Græcos, sive apud Latinos. Patet id 1. quia Concilia, & Patres quorum aliquot passim citavimus, Quadragesimæ nomine utuntur, quoties Paschale jejunium commendant: porro per Quadragesimam non potest intelligi nisi numerus aut quadragenarius, aut qui ad quadragenarium accedat, qualis est numerus dierum triginta sex; 2. quia multi Patres, ut Basiliius, Hieronymus, & Augustinus, dicunt Quadragesima jejunari ad exemplum Moysis, Eliæ, & Christi: porro Christus, Moyses, & Elias dies 40. jejunavere.

Contra obijciuntur duo præsertim textus; prior qui est S. Irenæi his ab Eusebio refertur verbis L. 5. cap. 24. *Histor. Neque enim de die solum controversa est, sed de forma jejunii. Quidam enim existimant unico die sibi esse jejunandum: alii duobus; alii pluribus: nonnulli etiam quadraginta horis diurnis, ac nocturnis computatis diem suum metiuntur, &c.* Posterior est Socratis Libro pariter 5. *Historiæ* c. 22. alias 21. ubi sic: *Jejania illa, quæ ante Pascha fiunt, aliter apud alios observari reperias. Nam qui Romæ sunt, tres continuas hebdomadas ante Pascha, exceptis Sabbato, & Dominico die, jejunant. Qui vero in Illyrico, & per universam Achaïam, & qui Alexandria degunt, sex ante Pascha septimanas jejunant, idque jejunium Quadragesimam vocant. Alii rursus diversum ab illis morem secuti, septima hebdomade ante Pascha jejunium ordiuntur, ac tres dumtaxat septimanas, quinque dierum singulas per intervalla jejunantes, nihilominus hoc tempus ipsi quoque Quadragesimam appellant. Locum hunc Calvinus L. 4. Institut. c. 12. observari jubet: observetur ergo. Itaque*

Dico Irenæum non loqui de varietate dierum Quadragesimæ, sed de varietate continuandi jejunium sine omni cibo in Quadragesima: ita ut sensus sit e fidelibus quosdam fuisse, qui ut hodie moris est, singulis diebus cœnarent; quosdam, qui biduo toto, aut etiam triduo crederent abstinendum esse a quibuslibet alimentis; alios qui arbitrarentur singulis diebus corpus refici posse; sed qui simul unamquamque diem horis 40. constare debere existimarent. Et vero quis, præter Calvinum, contra omnia temporis monumenta autumat, fideles jejunio, ac pœnitentiæ laboribus tam addictos, una tantum die Quadragesimale jejunium absolvisse?

Ab hac solutione, quam tradit Bellarminus L. 2. de bonis operib. in partic. c. 9. & 15. hoc uno discrepat solutio Thomassini ibid. cap. 8. n. 2. quod is Irenæum interpretatur de jejunio Paschali stricte sumpto, quod hodie dicemus jejunium hebdomadæ Sanctæ; quodque Quadragesimali jejunio, cui succedebat, multo erat austerius; ita ut licet Christianorum aliqui singulis diebus semel ad vespæram cœnarent, alii toto biduo, alii triduo, alii tota etiam hebdomade ab omni prorsus cibo abstinerent. Et id est, quod belle docet S. Epiphanius in Expositione Fidei n. 29. ubi obscuriorem Irenæi textum interpretari videtur. Cæterum, inquit, *ante septem Paschæ, seu majoris hebdomadæ dies Quadragesimam observare, atque in jejuniis perseverare consuevit Ecclesia; Dominicis vero nullis omnino, adeoque nec ipsius Quadragesimæ jejunare solet. Præterea sex illos Paschæ dies xiropagiis, hoc est arido visu transire omnis populus solet; hoc est panem dumtaxat cum aqua sub ves-*

peram adhibere. Imo vero nonnulli ad biduum, vel triduum, vel quadriduum usque jejunia prorogant; alii totam hebdomadam ad usque Dominicæ sequentis Gallicinium sine cibo transmittunt. Ad hæc quid Calvinus, Jam, ait L. 4. Inst. c. 12. §. 20. Invaluerat superstitiosa Quadragesimæ observatio. Sed faxit Deus, ut invaleseat etiamnum superstitio, quæ tot Sanctos peperit, quamque nunquam pietas, sed una ventris ingluvies propulavit.

Quod ad Socratem spectat, nihil is meretur fidei, ut qui Novatiana, & Aeriana lue infectus, cuperet Festa perinde, ac jejunia penes cujunque arbitrium fieri. Et vero mensitur imprudenter, aut crasse fallitur Socrates, cum scribit Romanos tribus tantum hebdomadibus, idque detractis Sabbatis, sicut & Dominicis, ante Pascha jejunare. Constat enim Romanos toto anno Sabbatum jejunasse, ut docet Augustinus Epist. 36. alias 86. ad Casulanum; quod & Romanis exprobrarunt Græci in Canone 55. eorum, qui tribuuntur sextæ Synodo. Jam quis concipiat Ecclesiam, quæ cunctis anni Sabbatis jejunium servabat, illud solvisse tempore Quadragesimali, quo vel ipsa ratio idem strictius servandum esse demonstrat?

Nec minus aberrat Socrates, cum Romanos tribus tantum hebdomadis jejunasse refert. Cassianus enim, & S. Leo Socrati supplex, & quibus plenior inerat Romanæ disciplinæ notitia, contrarium expresse testantur, hic Serm. 7. de Quadragesima, ille Collat. 21. c. 24. 25. 27.

Atque hinc obiter colliges clausulam hanc, quæ extat Serm. 4. S. Leonis de Quadragesima: *Ignitur feria secunda, feria quarta, & feria sexta jejunemus: Sabbato autem apud S. Petrum vigilias celebremus*, assutam esse textui S. Leonis, ut hinc probat Quenellus, tum quod desit in quinque MSS. Codicibus optimæ notæ; tum quod non reperitur in aliis undecim S. Leonis Sermonibus de Quadragesima, ubi tamen non secus, ac in Serm. 4. tollendi scrupuli causa inferenda fuisset; tum quod iidem Sermonibus repugnet, cum in iis Quadragesima expressissime dicatur, & pluries, 40. dierum continentia, 40. dierum jejunium, 40. dierum exercitatio. Quamquam existimat Bellarminus S. Leonem loqui de jejunio quatuor dierum, qui adduntur ante primam Dominicam Quadragesimæ, ut numerus quadragenarius compleatur; & qui aliquando initium ducebant a feria secunda, omissa tertia, &c. aliquando, ut nunc est, a feria quarta, quæ idcirco dicitur in capite jejunii. Vide Quenellum in S. Leonem dissert. 6. Thomassin. ibid. c. 7. Bellarmin. c. 16.

Quod de jejunii in Illyrico, Achaja, & alibi frequentatis, dicit Socrates, haud magis congruit vero: etsi enim privati quidam cæteris intemperantiores jejunium minus protraxerint, nusquam tamen approbata fuit, eisi forte tolerata, his in Regionibus tanta disciplinæ laxitas: atque id facile colligitur ex Sozomeno, qui Socrate scripsit paulo accuratius, eodemque sæculo; sic ille Lib. 7. cap. 19. edit. Valef. *Quadragesimam, quæ hoc Paschatis festum proxime antecedit .... Alii quidem sex dierum septimanis computant, ut Illyrii, & Occidentales, totaque Africa, & Egyptus, & Palestina. Alii vero septem hebdomadas computant; ut Constantinopoli, & per cunctas in circuitu Provincias usque ad Phœnicem. Nonnulli e sex, aut septem hebdomadis illis, tres per intervalla jejunant. Alii tres simul hebdomadas Paschale festum proxime antecedentes continent: quidam duas tantum, ut Montanistæ. Ubi clare videris in tota Ecclesia nullam fuisse Provinciam, in qua non vigeret quadraginta jejunii dierum observatio, quam alii una ante alios hebdomada inchoabant, quia*



quia necesse id erat ad complendum n. 40. dierum, iis, qui ut Græci Sabbato non jejunabant: unde non Ecclesiæ ipsæ, sed nonnulli solum laxiores, & quandoque hæretici, ut Monianistæ, a trita via recedebant. His addit Bellarminus corruptum sibi videri textum Socratis, in eoque pro tribus septimanis, legendum esse *quinque*, ut numeri, quos ipse ponit gradatim se subsequantur, videlicet quinque, sex, septem, &c.

De varietate quoad gradum abstinentiæ, & naturam alimentorum dicam paulo post q. 4.

Quæres 2. quando, & quo fine institutum sit jejunium Quatuor temporum.

R. Ad 1. Jejunium Quatuor temporum ab Apostolis ipsis dimanare, juxta S. Leonem Serm. 2. de Pentecoste, & Serm. 8. de Jejunio septimi mensis, ubi jejunium Pentecostes ex *Apostolica traditione*, jejunium vero septimi mensis ex *Apostolicis*, & *legalibus* institutis profectum dicitur. Et vero, ait Bellarminus ubi supra cap. 19. cum jejunia hæc in nullo Oecumenico Concilio instituta reperiantur, ad Apostolicam traditionem congrue referri possunt, juxta solemnem S. Augustini regulam, quam paulo ante adduximus.

Res tamen non caret difficultate: 1. enim S. Leo nonnisi jejunium Pentecostes, & jejunium decimi mensis refert ad traditionem Apostolicam; 2. non videntur jejunia Quatuor temporum in Gallia vim habuisse legis ante tempus Caroli Magni, qui uno ante mortem suam anno, anno nimirum 813. praxim hanc a Concilio Moguntino decerni curavit: hanc autem quasi recentem exhibent Patres his verbis Can. 34. *Constituimus, ut Quatuor tempora anni ab omnibus cum jejunio observentur ... sicut est in Romana Ecclesia traditum*. Quamquam dici forte potest, prædicti jejunii legem pro Galliis non tam conditam Moguntia, quam renovatam, quia collapsa erat. Unde, eam jam ab an. 769. firmare conatus fuerat idem piissimus Princeps, ut patet ex Capitulari anni ejusdem, ubi statuit: *Ut jejunium Quatuor temporum, & ipsi Sacerdotes observent, & plebi denuntient observandum*. De his ad Thomassin. p. 2. c. 18. ubi & probat uniformem non fuisse Ecclesiæ disciplinam circa Quatuor tempora, nisi post Gregorium VII. & Urbanum II.

Cøterum tribus diebus per quatuor anni tempora jejunatum fuisse in Ecclesia Romana indicant hæc S. Leonis verba Serm. 88. qui est quintus de jejunio septimi mensis: *Quarta, & sexta feria jejunemus; Sabbato autem apud Beatissimum Petrum Apostolum vigiliis celebremus*. Ubi S. D. jejunium Sabbati expresse non meminit; quia singulis Sabbatis jejunabant Romani, ut diximus.

R. Ad 2. instituta fuisse quatuor temporum jejunia, 1. ut unaquæque anni tempestas, Deo per specialia pœnitentiæ exercitia consecraretur; 2. ut a Deo postuletur fructuum terræ conservatio, aut pro iis jam collectis agantur gratiæ; 3. ut Deus sanctos Ecclesiæ suæ Pastores providere dignetur: etsi enim sacri Ordines primis temporibus mense solum Decembris conferrentur, crescente tamen Ministrorum necessitate, & numero, institutum est, ut quater in anno conferrentur Ordines. Addit Bellarminus Judæos, qui quatuor anni temporibus jejunabant, ut patet ex Zachariæ 8. non debuisse Christianis esse perfectiores; iisque proin, sicut & illis sua quatuor jejunii tempora assignari debuisse.

Rationem hanc ex Judæorum imitatione petitam duplici ex capite impugnat Kemnitius, 1. quod Judæi sua Quatuor temporum jejunia non ex Instituto Dei, sed proprio ex capite instituerint; unde, inquit, a Domino reprehensa sunt Zachar. 8. 2. quod vetet Apostolus Galat. 4. ne Christiani Judaicos ritus æmulentur.

*Tournely Teol. Moral. Tom. III.*

Sf 3 Verum

Edir.  
Quenel.

Verum hæc frivola sunt: 1. enim nedum Deus jejunia hæc redarguerit laudavit e contrario, cum ea utique religiosè observentur, dicat aliquando commutatum iri in *solemnitates* præclaras; est enim hæc mercedis, ac præmii promissio, quæ opera mala non subsequitur; 2. docet Augustinus in Epist. bonum esse jejunare bis Sabbato, prout faciebat Phariseus Luc. 18. modo vitetur, quo is tumebat superbiæ spiritu. Addit insuper optandum esse, ut Judæorum exemplo Christiani omnes fructuum decimas tribuant. Ergo non sensit S. Doctornihil eorum fieri posse, quæ a Judæis laudabiliter fiebant. Et vero, an statis diebus precari nefas fuerit, quia statis precabantur Judæi? Hic paucis cum Bellarmino mirari subit, quam apte Catholicorum cum antiquis Patribus; Protestantum item cum veteribus Hæreticis concordet dialectica. Hebræi fixa habuere jejunia: ergo fixa habere non possunt Christiani; in Arianorum ratiocinationem apud Epiphanium, eamque totis ulnis amplectuntur Pseudoreformati. Hebræi sua Quatuor temporum jejunia habuerunt: ergo æquum est, ut, qui iis præstare debent Christiani, hæc in parte iisdem non cedant; en ratiocinatio SS. Augustini, & Leonis; eamque, etsi naturæ duram tenent Catholici; servet quisque logicam suam: ducet Lutherana ad finem Arianorum; Catholica ad finem sanctorum Patrum.

Quæres 3. quæ insuper jejunia in Ecclesia observata fuerint.

R. Non pauca fuisse in usu: 1. enim sancitum est L. 6. Capitul. c. 184. *Us legitima tria jejunia in anno agantur, id est 40. dies ante Nativitatem Domini, & 40. dies ante Pascha... & post Pentecostem 40. dies.* Quamquam enim nonnulla ex his canonice privantur auctoritate, nobis tamen omnibus simul propter consuetudinem plebis, & parentum nostrorum morem, hæc observare convenit. Simile quid habet Amalar. L. 4. de div. Offic. c. 37. & L. 1. c. 36. Nos, inquit, observamus tres Quadragesimas, id est ante Pascha Domini, circa Festivitatem S. Joannis, & ante Nativitatem Domini. Sic a piis mentibus frequentatur apud nos: quæ postremæ voces, cæteras præter Paschalem Quadragesimam consilii solum, & devotionis fuisse subindicant. Atque hoc utcumque insinuat Innocentius III. qui a Bracharensi Archiepiscopo consultus, an in Adventu jejunandum esset, quod Hispani quidam contra plures asseriebant, respondet simpliciter: *Jejunium apud nos in Adventu Domini agitur.* Ubi formam proponit potius quam legem indicat. Fuit & alia Romæ Quadragesima ante Assumpt. B. V. quam si non jubet, saltem suadet Nicolaus 1. in Epist. ad Bulgaros.

2. Triduanum etiam servatur jejunium in vigilia Ascensionis, ut notat Amalar. ib. L. 4. c. 37. & hoc quidem jejunium post Ascensionem Domini ex veteri instituto in Mediolanensi Ecclesia, renovavit S. Carolus Borromæus, ut liquet ex Actis Eccles. Mediol. p. 12. An autem Rogationum jejunium ubique viguerit, & quandiu, non est facile, ut definiatur; Adi Thomassin. 1. part. c. 24. & 2. part. c. 21. ubi Litanias majores, Rogationes cum jejunio a S. Mamerto Viennensi Episcopo institutas fuisse probat ex Sidonio Apollinari, qui cum Mamerto vixit sæculo quinto.

3. Haud dubium est, quin pluribus in locis viguerint jejunia, non modo ante præcipuas anni Festivitates, sed & ante Apostolorum complurium Festa, de quoad tit. 3. *De observ. jejun. ubi c. 1. docet Innocentius III. quod si Nativitatem Domini, vel Assumptionem B. Mariæ, vel Festivitatem alicujus Apostolorum, etiam sancti Matthiæ, in secunda feria contigerit venire, die Sabbati præcedentis vigilia debeat jejunari, c. 2. decernit, quod omnium Apostolorum vigilia sit observatio jejunii celebranda, præter vigiliis Apostolorum*

rum

rum Philippi, & Jacobi; & Joannis Evangelistæ, quoniam istorum solemnitas intra solemnitatem Paschalem, istius autem intra Natalem Domini celebratur, c. 3. & ult. constituit Honorius III. ut illi, qui nec voto, nec regulari observantiæ sunt adstricti, in sexta feria, si Festum Nativitatis Dominicæ die ipso venire contigerit, carnibus propter Festi excellentiam vesci possint, secundum consuetudinem Ecclesiæ generalis. Quo ex textu communiter inserunt Doctores, quod Minoritæ, qui ex voto ac regulæ præcepto sub mortali tenentur unaquaque feria sexta jejunare, privilegio hoc frui non valeant, sed etiam in Natali Domini, cum in feriam sextam incidit, jejuniu obstricti sint: secus, si in Sabbatum cadat eadem Domini Nativitas.

Cæterum non jejuniu solo, sed vigilia etiam, & statione præveniebantur certæ quædam Festivitates: Jejunium, ait Bellarminus ib. c. 22. fieri poterat nocturnu, & interdium, vigilia solum de nocte, statio solum de die. Unde statio proprie nihil aliud erat, quam vigilia diurna tempore solemnis jejunii. Eo nimirum tempore *stabant*, seu perseverabant fideles in orationibus a summo mane usque ad nonam, aut vespas. Hodie sunt etiam stationes, sed a jejuniu, ut plurimum divulsæ. Stationibus certæ quædam loca Romæ attribuit S. Gregorius Magnus, quæ hinc dicuntur Stationales Ecclesiæ, sicut & Stationarii Ministri, qui iisdem Ecclesiis inserviunt; prout notat Jacobus Eveillon in Libro de Processionibus Ecclesiasticis c. 19.

Quæres 4: quæ fuerit veterum jejuniorum forma quoad abstinentiæ gradum, qualitatem, &c.

R. 1. extare magna jejunii, & abstinentiæ exempla, tum apud Hebræos, tum apud ipsos Gentiles, tum denique apud veteres Christianos.

1. quidem Hebræi jejunium aliquando ad multum tempus protrahabant. Sic Moyses, & Elias jejunavere diebus 40. Sic Daniel de se ipso ait c. 1. *In diebus illis ego Daniel lugebam trius hebdomadarum diebus; panem desiderabilem non comedi; & caro, & vinum non introierunt in os meum.* Judæorum vulgo una quidem dumtaxat jejunii dies, in ipsa Exnationis celebritate a Deo constituta fuit, Levit. 16. v. 31. his verbis: *Affligetis animas vestras religione perpetua.* Verum non ideo alterius cujuscunque jejunii expertes erant. Alii enim jejunabant sponte sua, seu tempore afflictionis, seu pietatis motivo. Cæteri jejunia labentibus annis imposita adimplebant. Sic 1. Reg. 7. jejunavit populus una die in Malphar. Sic ibid. 31. *Habitatores Jabes Galaad ablato, & sepulto corpore Saul jejunaverunt septem diebus.* Sic Judith c. 8. v. 6. *Habens super lumbos suos cilicium, jejunabat omnibus diebus vite sue, præter sabbata, & neomenias, & festa domus Israel.*

Creverunt apud Judæos quosdam jejunia ante Christi ortum. Pharisei jejunabant *his in Sabbato*, Luc. 18. Esæi, seu Eseni juxta eruditos complures ab omni carne abstinebant, leguminibus solis aut polenta contenti; ita ut, teste Hieronymo ubi infra, *quoridianum jejunium venterint in naturam.* Horum discipuli, ( nisi tamen, ut multis \* \* visum est, Christiani fuerint )

St 4

Thera-

\* Vide Josephum de bello Judaico Lib. 2. c. 12. Continuationem Josephi T. 1. Lib. 6. p. 425. Berthelet. p. 13.

\*\* Ceteri Christianissimi Therapeutarum dissentiant inter se Bernardus de Montfaucon, & N. Boudier de Savignac in suprema Burgundici Senatus Curia Præses insulatus Proclerunt utriusque Epistolæ an. 1715 Cæterum Therapeutas post Eusebium, Hieronymum, aliosque Patres non paucos Christianis annumeraverant pene cuncti Scriptores, donec contrarium tuiti sunt Scaliger, & Blondellus.

Therapeutæ, vitam profitebantur multo rigidiorē: Nonnulli eorum, ait post Philonem Eusebius L. 2. Histor. c. 17. toto triduo cibum capere omittunt ... quidam vero ... duplo diutius famem perferunt, ita ut vix sexta die necessarium cibum degustent. Omnes vero pane, sale, & aqua vesciebantur, quibus hyssopum admiscebant quidam paulo delicatioris, ut habet Philo Lib. de vita contemplat. pag. 897. Cæterum non apparet Judæorum plebem de diebus jejunii a carnibus abstinuisse: unde quomodo nunc Turcæ per Ramadan saum, quod diebus 30. constat ab omni per totam diem alimento abstinent, sed ubi nox venit, iisdem, quibus semper alimentis utuntur, sic & Judæi fecisse videntur, & forte etiamnum faciunt in jejuniis viginti novem, quorum meminit eorumdem Calendarium.

2. Neque sua gentilibus plerisque defuerunt jejunia, eaque miræ austeritatis: Cberamon Stoicus, ait Hieronymus Lib. 2. adversus Jovinianum, narrat de vita antiquorum Egypti Sacerdotum, quod omnibus mundi negotiis curisque postpositis, semper in templo fuerint ... nunquam mulieribus se miscuerint; nunquam cognatos, & propinquos, ne liberos quidem viderint; ex eo tempore, quo cepissent divino cultui deservire, carnibus, & vino se semper abstinuerint ... maxime propter appetitus libidinis, qui ex his cibis, & ex hac potione nascuntur. Pane raro vesciebantur, ne onerarent stomachum, & si quando comedeant, tufum pariter hyssopum sumebant in cibo, ut escam graviores illius calore decoquerent. Oleum tantum in oleribus noverant, verum, & ipsum parum, propter nauseam, & asperitatem gustus leniendam. Quid loquar, inquit, de volatilibus, cum ovum quoque pro carnibus vitaverunt, & lac? quorum alterum carnes liquidas, alterum sanguinem esse dicebant, colore mutato. De abstinentia plurimum id genus Gentilium, quales erant apud Persas Magi, Mithræ Sacerdotes; apud Indos Bragmanæ; in Creta Prophetæ Jovis, plura, & mira videris ibid. Adi & Berthelet 1. part. cap. 2. & 3.

3. Habuit certe Christiana Religio abstinentes suos, qui cæteris facile palam præripiant, seu numerum species, seu rectitudinem intentionis, seu austeritatis modum. Ut enim missos faciam Therapeutas, quorum non indubia est conditio, eo usque jejuniis addicti erant secundo Ecclesiæ sæculo Christiani, ut non pauci dies totos decem ab omni alimento temperarent, prout colligere est Dialogo Philopatris, quem alii contra alios Luciani sortum esse volunt. Sæculo tertio frequens erat jejunii per dies multos continuatio, quæ superpositio vocabatur. Hæc biduo, triduo, aut etiam hebdomada rota præsertim antepascalii perdurabat. Frequens eo tempore erat numerus Alcezarum, qui nedum aperto desertorum itinere, abstinentiam hanc privatim servabant domi, ex qua nonnisi ad martyrium exire consueverant.

Conversis ad Christi fidem Imperatoribus, emicuit numerosa Sanctorum phalanx, qui tyrannorum martyrio, famis & inedia martyrium substituere. Tales habuerunt Palestina, Arabia, Egyptus, Thebais, Libya, & quod mirum magis, frigida Ponti, & Cappadociæ Regionēs. Duxerat S. Antonius consuetudinem altero quoque die manducandi. Macarius Alexandrinus semel in hebdomade per Quadragesimam vesciebatur, herbis solum, pane nusquam; & is tamen vixit annos 100. Narrat Gregorius Nazian. fuisse temporibus suis in Ponto; qui dies 20. noctesque totidem inedia sustinebant. Simeon ille Stylites adhuc juvenis semel comedeat in hebdomada; roboratus deinde jejuniis, & ad jejuniū, Quadragesima tota abstinebat ab omni potu, & cibo; jamque Quadragesimas 30. supra viginti transegerat hoc modo

modo, cum historiam suam scripsit Theodoretus, eidem æqualis, & vicinus. Eadem fuit SS. Gerasimi, & Sabæ cum aliis non paucis abstinentia per Quadragesimam; quibus alimenti cuiuscumque vice erat Eucharistia susceptio.

Cæterum plerisque Solitariis familiare erat Quadragenarium tempus non nisi Sabbato, & Dominicis diebus cibum sumere. Cibum dico palmæ poma, ut plurimum, quibus Paulus Eremitarum princeps; cruda legumina quibus Macarius, & Apollonius, ac plerique montis Sina, & Arabiæ Solitarii; ficus quibus numero quindecim unaquaque die Hilario per sex annos; hordeaceum panem, quo pene solo per annos 35. Genovesa Parisiensis, vita sustentavit. Eædem prope fuerunt dapes, tum S. Euphrasæ Theodosii senioris consanguineæ, quæ licet junior, & obnoxie valetudinis, semel manducabat in hebdomada olera cum secundario pane; tum sanctarum Muranæ, & Cypricæ puellarum illustri prosapla, quæ tres tribus annis Quadragesimas sine omni prorsus cibo egerunt; & pedites sacram Jerosolymæ peregrinationem per dies 20. eodem prorsus modo obierunt. De abstinentia sanctæ Asellæ legi potest Hieronymus in Epist. ad Marcellum.

Eadem fuit plerorumque temperantia in potu, quæ in cibo. Persuasi scilicet veteres, & jejunium frangi liquido, & carnem siti macerari insigniter, sitim quandoque moderabantur, numquam restinguebant. Rem efficacius suadebunt exempla. Antonius, ut videre est in vitis Patrum Lib. 2. c. 31. *cibum in vespemam Paulo cognomine Simplici sumere præcepit, sed observare, ne unquam ad saturitatem usque perveniret, & præcipue in potu; confirmans non minus per aquæ abundantiam phariseas feri animi, quam per vinum calorem corporis crescere.* Moyses Abbas ibid. c. 58. 66. 117. suis ad exemplum proponebat exercituum Duces, qui ut hostes suos debellent, iisdem *escam & aquam* auferunt. Habuit Eusebius Syrus discipulos, qui per annos triginta & octo ab omni prorsus potu abstinerunt. S. Abraham Carrensis in Mesopotamia Episcopus, numquam bibebat, idque non habitu corporis, sed mortificationis animo. Palæmon Pæcomii institutor, e duabus cibi, potusve necessitatibus unam si levabat, servabat alteram, abstinens ab aqua, quoties non abstinere ab esca, & vicissim. Quod autem quavis anni tempestate faciebant Monachi, aliive eximie virtutis hoc saltem diebus jejunii præstabant fideles.

Nec sua parvis penitentia exempla posterioribus sæculis defuere, ut constat de S. Romualdo, S. Bernardo, S. Petro Cœlestino, S. Petro de Alcantara, S. Ignatio a Loyola, Carmelitis a Theresia Reformatis, quos inter eminentio habitu emicuit Catharina Curdonensis, quæ eo devenit, ut gramen in campis, & sylvis depalceret cum pecoribus, & tamen tribus, quatuor, & sex aliquando diebus satium hoc, seu nullius saporis alimentum sibi subtraheret. De his adi Bailetum in Historia Quadragesimæ s. 8. quem, quia plus apud plures habebit fidei, libenter appello.

R. 2. per plura sæcula semel tantum in die comestum fuisse, idque hora nona, seu post meridiem tertiam in minoribus jejunii, & ad vespemam in Quadragesima. Patet id ex vita Caroli Magni, qui cum *hanc consuetudinem haberet, ut in Quadragesima diebus octava hora diei*, id est hora post meridiem secunda, *Missarum celebritate pariter cum vespertinis laudibus peracta*, adeoque hora circiter quarta cibum sumeret, quasi infra hæc jejuniorum legis reprehensus est ab Episcopo quodam; nec suam agendi rationem aliter tuitus est, quam necessitate. Allegavit nimirum sibi cœnanti ministrare Reges, & Duces

his postea ministrare Comites, quibus deinceps ex ordine interservirent alii, ita ut ultimi ante nobis medium non manducarent.

- \* Obiit Serm. 3. in Quadrag. *Hactenus usque ad Nonam jejunavimus, nunc usque ad Vesperam jejunabunt nobiscum universi Reges, & Principes, Clerus, & populus, nobiles, & ignobiles, simul in unum dives, & pauper.* Consonat id Petri Blesensis \* Serm. 11. *Temporibus jejuniorum differtur Missæ officium post Sextam, ut usque post Nonam protrahatur abstinentia ciborum. In Quadagesima vero etiam, usque post Nonam differtur Missale officium, ut etiam usque post Vesperas refectio differatur.*

Quomodo autem e Monasteriis, ubi non in Quadagesima quidem, sed minoribus Regulæ jejniis, quæ hora nona solvebantur, licitum fuit circa sæculum septimum, modicum vini aqua diluti haurire sub vespere, quomodo, inquam, hinc sensum germinaverit consuetudo cœnulæ ejus, cui inditum nomen collationis, fufius expendit Auctor supra citatus. f. 6. & 7. Vide & modestiorem Thomassinum par. 2. c. 10. & 11.

### ARTICULUS TERTIUS.

*De conditionibus, & utilitate Jejunii.*

**Q**UÆ fuerint antiqui jejunii conditiones paucis indicabimus, rati scilicet salubrius nîhi fieri posse, quam ut primævam praxim sequantur fideles saltem a longe.

Et quidem solemne erat fidelibus per Quadagesimam 1. longum orationi, sancti quæ Ecclesiæ Officiis tempus diebus singulis consecrare. *Illud præceptum est primum*, ait S. Ambrosius Serm. 27. *ut his 40. diebus jejniis, orationibus, vigiliis operam commodemus.* & Serm. 33. *Surgentes primo diluculo ad Ecclesiam festinemus, roseramus Deo gratias, peccatis veniam posulemus, rogantes præteritis delictis indulgentiam, cautelam futuris... tota die sit nobis oratio, vel lectio... nulli actus sæculi aBUS divinitatis impediunt.* Quidquid enim aliud præter mandatum Dei feceris, quamvis abstineas, non jejunas.

2. Frequens erat Eucharistiæ susceptio. *Inditum est jejunium*, ait idem S. Doctor in Pl. 118. octon. 8. *cave ne negligas; & si te famer quotidianum cogis ad prandium, ut intemperantia declinet jejunium, tamen celesti magis te servato convivio. Non epula parata extorqueant, ut celestibus sit vacuus Sacramentis, & iterum: Non potes oblivisci, cum lectum ascendes ejus Domini, cui in occasum diei precem fuderis, qui esurentem te sui corporis epulis expleverit.*

- Can. 49. An æque frequens fuerit sacra Communio apud Orientales non constat. Si certe jam a temporibus saltem Concilii Laodicæni Missam non celebrant in Quadagesima, nisi Sabbato, & solis Dominicis, quibus non jejunant. Habent quidem quandam Missæ speciem, quam vocant de *prosanfificatis*, quæque ad eam accedit, quæ a tempore sacrae adversus Sarcenos expeditionis, id est a fine undecimi sæculi utitur Ecclesia Latina die Paralceves; verum censet Thomassinus Missam hanc posteriorem esse ætate SS. Basilii, & Chrysostomi, qui ejus nullibi meminere. Ut ut est ex Missæ defectu non omnino probatur defectus Communionis; tum quia fidelibus apud se Eucharistiam servare, eaque refici diulicitum fuit; tum quia, etsi nulla ne imperfecta quidem Missa pluribus

læca-

saeculis facta fuerit apud Latinos in die Parasceves, moris tamen erat hac die Eucharistiæ Sacramentum suscipere, prout præscribunt hæc Theodulphi\* Aurelianensis Episcopi verba: *Singulis diebus Dominicis in Quadragesima, præter hos, qui excommunicati sunt, Sacramenta Corporis, & Sanguinis Christi sumenda sunt; & in Cæna Domini, & in Parasceve, & in vigilia Paschæ, & in die Resurrectionis Domini penitus ab omnibus communicandum; & ipsi dies Paschalis hebdomada omnes æquali religione colendi sunt.* Verum, an alibi tam generaliter præscriptum fuerit, quod hic præscribit Theodulphus, nobis incertum est, & multo minus ex Ecclesiæ Latine usu Orientalis Ecclesiæ usus colligi valet; præsertim cum S. Chrysostomus non obscure indicet laicorum omnium communionem ad Pascha dilata fuisse. De his lege, & confer Thomassinum 1. par. c. 16. & 17. & 2. par. c. 23.

3. Et illud principii loco erat per Quadragesimam utendum esse parcius, joco, lulsibus, ille, quæ animam a Deo distrahant. An putatis, ait Ambrosius Serm. 33. *illum jejunare, qui prima diluculo non ad Ecclesiam vigilat, non beatorum Martyrum loca sancta perquirat, sed surgens congregat ferulos, disponit rotas, canes producit, salus, istasque perlustrat? Qui ejusmodi est, quamvis declinante jam sole manduces, potes videri tardius to refecisse, non tamen Domino jejunasse.* Et id usque adeo servabat Ludovicus cognomento Pius, ut in Quadragesima vir uno, aut duobus diebus propter exercitationem equitationis indulgeret.

4. Exulabant lites, & vacabant tribunalia, ut patet, tum ex Theodulpho Aurelian. tum ex Concilio Meldensi an. 846. Can. 76.

5. Servabatur pro virili toto eo tempore conjugalis continentia; & hanc esse Ecclesiæ intentionem, ita persuasum erat Bulgaris ad fidem recenter conversis, ut Nicolaum I. consuluerint: *quid de eo, qui Quadragesimali tempore cum uxore sua coierit, sit judicandum.* Quod ille Pontifex, Episcopi & Sacerdotes ab eo constituti arbitrio considerandum, ac definiendum commisit, libris personis, ac temporibus. Verum, etsi optabat Ecclesia, ut conjugati castitatem præsertim tempore jejunii assidue culerent, quod de uxoris suæ consensu fecit S. Ludovicus, id tamen nulla generali lege præcepit, nec forte ob periculum majoris lapsus præcipere debuit. Dixi, nulla generali lege: non enim delunt privatarum Ecclesiarum leges, quæ continentiam aîde præcipiant; idque magis certum est de Orientalibus. Vide Thomassin. 2. par. c. 24.

6. Præcipiebantur eo tempore elemosinæ largiores; nec dubium est, quin multi circa hanc legem sibi nimium blandiantur. Male jejunant, ait RATHERIUS Veranensis Ser. 1. de Quadrag. *qui quod corpori suo subtrahunt, non pauperibus tribunt, sed aut suo ventri, aut quod est nequis, mammonæ, id est cupiditatis demoni abstinendo reservant; & iterum: Fac elemosinam, jejunat, & ora.* His enim nisi duabus aliis jejunia nostra debeantur, scilicet non valent conficere; & orationum videlicet, & elemosinarum juvamine. Concilium Triburiense an. 895. Can. 35. *Diebus, inquit, Quadragesimæ jejuniorum summa devotione jejunandum; & omni intentione est orandum, atque unicuique pro facultatibus suis elemosyna tribuenda.* Perpetuam hanc Ecclesiæ traditionem innovavit S. Carolus in Concilio V. Mediolan. *Elemosynas, cum per facultates potest, uberiores pauperibus egentibusque conferat; in aliisque pietatis officia, atque opera liberali charitate erogat.* Et vero, ait S. Cæsarius Arelat. Homil. 2. *Si possibilitas non fuerit jejunandi, elemosyna sufficit sine jejunio; jejunium sine elemosyna omnino non sufficit.*

\* Florus  
VII. sec.  
Cap. 41.

Arctiori porro jure ad eleemosynam tenentur, qui præscriptam jejunii legem præ imbecilla valetudine exequi non possunt. Ratio est, quia dispensatio omnis a bono opere, boni alterius operis exercitio compensari debet; ergo cum Ecclesia per jejunii tempus, & jejunium ipsum, & orationem, & eleemosynam injungat, qui horum primum præstare non potest, tertium duplicare debet, juxta id ejusdem S. Cæsarii ibid. *Pro eo, quod non potest quis jejunare, amplius debet erogare pauperibus, ut peccata, quæ non potest jejunando curare, possit eleemosynas dando redimere*. Scilicet enim, qui a jejunii lege eximitur, a pœnitentiæ debito eximi non potest: ergo cum hanc tali modo implere nequit, alio modo implere tenetur.

2. part.  
cap. 27.

Atque hinc pie simul, & solide colligit Thomassinus, eos etiam, qui jejunant, plus tempore jejunii, quam alio quocumque debere pauperibus. Nimirum vero jejunium, ut hodie decrevit, multas importat dispensationum species, quia in multis relaxata est severitas primæva: olim quippe abstinerebatur a vino, a piscibus, a lacticiis, a butyro; quibus nunc non abstinetur. Olim una erat cœna, eaque brevis, & sub noctem, ita ut prandium, & jejunium se se invicem excluderent; nunc sumitur cibus meridie, & ante meridiem; nec definit sub noctem levare fames cœnula, &c.

Quod spectat ad jejunii fructus, quos paucis iis exprimit Ecclesia, *Qui corporali jejunio vitia comprimis, mentem elevas, virtutem largiris, & præmia*; ii quinque præcipue recensentur a Bellarmino eod. 2. L. c. 1x. 1. enim jejunium domandæ carnis libidini plurimum inservit, & eo nomine placet Deo, cui gratum est, ut carnem vitiis, & ejus concupiscentiis crucifigamus, exemplo Apostoli de se dicentis 1. Corint. 9. *Castigo corpus meum, & in servitutem redigo*; quod de jejunio interpretantur Chrysostomus, Theophilactus, & Ambrosius. Hanc jejunii utilitatem non negant Protestantæ, nisi in praxi: est enim christiana eorum libertas in hoc præsertim posita, ut parum jejunent.

Exod. 34.

3. Reg. 19.

2. Jejunium animam ad orationem, rerumque cœlestium contemplationem erigit. Jejunium, ait Chrysostomus Hom. 1. in Genes. *animæ nostræ alimentum est, leves ei pennas producit, ut in sublime feratur, & summa contemplari queat*. Hinc Moyses præparavit se ad colloquium Dei jejunio dierum 40. Hinc totidem jejunavit dies Elias, ut Deum sub specie auræ tenuis in monte Horeb conspiceret. Hinc Danieli post ternæ hebdomadæ jejunium apertæ sunt Dei revelationes. Hinc demum Pauli Eremitæ, Antonii, Symeon uterque Stylites, alique, qui jejunii dono emicuere, ita divinis intenti, ac velut immersi erant, ut in iis dies noctibus pene continuarent.

3. Utile est jejunium ad cultum Dei, non quidem ex opere operato, ut Catholicos sentire calumniatur Kemnitius, sed ex opere operantis, si nimirum accedant debitæ conditiones. Cœterum per cultum Dei hic intelligimus actionem omnem, quæ Deo placet, & ab eo acceptatur: porro jejunium rite factum Deo probari patet, vel ex eo, quod tantis viris, maraculorumque donis veteres eremorum incolæ perpetuo jejunio mancipatos cumulaverit, ut facti sint spectaculum mundo, Angelis, & hominibus. Et vero Anna vidua in Græco Lucæ textu Deum jejunio, & orationibus coluisse perhibetur.

4. Jejunium divinam justiciam placat, eique Christi meritis admixtum satisfacit. Hinc Tertullianus Lib. de jejunio: *Sicut, ait, primum usus cibi perdidit, ita jejunium Deo satisfaciat*. Hinc S. Basilus Orat. 1. de jejun. *In morbum incidimus per peccatum, sanemur per pœnitentiam. Sed pœnitentia sine jejunio*



*jejunio otiosa, & infrugifera est, per jejunium satisfacio Deo.* Hinc deum Ambrosius Lib. de jejunio & Elia c. 3. *Jejunium est culpa mors, excidium delictorum, remedium salutis; adeoque reconciliationis sacrificium* ibid. c. 9. Idem luculente probant exempla Scripturæ: I. Reg. 7. jejunant filii Israel cum Samuele, & placant Deum, ac de hostibus suis triumphant, III. Reg. 21. Achab Principum nequissimus, & qui venundatur erat, ut faceret malum in conspectu Domini cum audisset, & expavisset minas Eliæ, operuit cilicio carnem suam, jejunavitque & dormiit in sacco, & ambulavit demisso capite, & his pietatis facinoribus celestem iram mitigavit ex parte. Ninivitæ indicto solemnī jejunio Deum placare studuerunt, & reipia placaverunt. Idem feliciter præstiterunt Judæi temporibus Esther, & Judith c. 4.

3. Prodest jejunium ad impetranda, & merenda beneficia Dei temporalia, & æterna. Sic 1. Anna Heleanæ conjux Samuelem jejuniis impetravit, & inanem cibo ventrem filio meruit implere; ut ait contra Jovinianum Hieronymus. Sic 2. Sara per jejunium a demonio liberatur Tob. 3. Sic Judæi ad inimicis suis liberantur c. 4. Judith & Esther.

Confirm. ex Matth. 6. *Tu autem cum jejunas, unge caput tuum, & faciem tuam lava, ne videaris hominibus jejunare: & Pater tuus, qui videt in abscondito, reddet tibi.* Quid porro reddet, nisi mercedem, ei scilicet oppositam, quam jam recepere, qui exterminant facies suas, ut appareant hominibus jejunantes. Qui ergo sunt, sicut S. Ambrosius Epist. 82. *bi præceptores novi, qui meritum excludunt jejunii?* eant, & interrogent majores suos, sibi superiores pietate, nec dispares scientia. Respondebunt alii cum Augustino Ser. 142. in Append. alias 62. *Jejunium remedium esse, aut præmium. Hoc est indulgentiam peccatorum, aut præmium regni celestis acquirere.* Alii cum S. Leone Ser. 1. de Jejun. septimi mensis, jejunandum esse: *ut per humilitatem jejunii contra hostes nostros divinum mereamur auxilium.* Nemo idem cum Pseudo-reformatis loquitur nisi Jovinianus, nemo cum Joviniano nisi Ecclesiæ hostes.

Objicit Kemnitius 1. id Epistolæ S. Ignatii ad Heronem: *Jejuniis, & orationibus vacato, sed non immodice, ne te ipsum destruas: a vino, & carnibus non penitus abstineto, neque enim abominabilia sunt;* 2. historiam Alcibiadis, qui cum in carcere solo pane, & aqua pro more suo vesci vellet, Attalo, qui in eodem carcere pro fide Christi detinebatur, revelatum est non velle, neque ordine facere Alcibiadem, qui & creaturis Dei minime uteretur, & aliis scandalis exemplum fieret. Parvis itaque Alcibiades, & cunctis deinde cibis uti cepit; prout refert Eusebius Lib. 5. Histor. c. 3. 3. argumenta, quibus contra Montanistas utebantur Catholici. Hi nempe urgebant 1. illud Isaiæ 58. *Numquid tale est jejunium, quod elegi; per diem affligere hominem animam suam, &c. Nonne hoc est magis jejunium, quod elegi: dissolvere colligationes impietatis, &c.* 2. id Christi: *Quod intrat in os, non coinquinat hominem, &c.* ergo, ait Kemnitius, sententia Catholicorum de merito jejunii, congruit cum sententia Montanistarum, quæ ab Ecclesiâ scripta est. Verum caduca sunt hæc desperatæ causæ sulcimenta.

Ad 1. dico 1. epistolam ad Heronem non esse S. Ignatii, ut passim faterentur eruditi; 2. eam cujuscumque sit, eos tantum ferire, qui ut Ebiunitæ teste S. Epiphanio, a vino, & carnibus tanquam suapte natura immundis abstinabant; non eos, qui ut placerent Deo, & propter continentię virtutem ab iis temperabant. Et vero si res aliter esset, reprehendisset auctor Epist. hujus S. Jacobus Domini fratrem, qui, ut refert Hegesippus apud Euseb.

Lib. 2. c. 23. *Ab ipso matris utero sanctus fuit : Nec vinum unquam bibit, nec fœceram; ab animalium carnibus penitus abstinuit, &c.*

Ad 2. Non caruit Alcibiadis agendi ratio vitio cujusdam inconsiderantiæ. Exigebat enim charitas, & prudentia, ut homines variis quotidie tormentis debilitati, vires suas paulo plus reficerent, & iis uterentur dapibus, quæ etiam solito delicatiores Martyribus præbebantur a Christianis, ut narrat Tertullianus : unde cum id facere nollet, affixit socios suos ; ique probabiliter suspicati sunt eum infici errore illorum, qui cibos quosdam habebant ut immundos ; quam cogitationem ut ab eis averteret, cœlesti Attali revelatione monitus, cœpit iisdem vesci cibus, quibus cœteri vescerantur. Ex iis vero quid contra meritum jejunii.

Ad 3. facit hic Tertullianus contra Catholicos scribens id, quod faciunt Protestantes, id est iisdem imponit. Non arguebant Catholici Montanistas, quod jejunium, & Deogratum, & meritorium esse contenderent. Id enim sentiebant ipsi, cum non alio animo præscriptam Quadragesimæ legem fervarent tam austeræ : verum ægre ferebant, quod iidem Montanistæ, non modo tres inducerent Quadragesimas, sed & in iis perpetuam xirophagiam servari vellent, idque non sine specie superstitionis, ut vel hæc Tertulliani verba indicant : *Nos xirophagias observamus, sicantes cibum ab omni carne, & omni virulentia, & vividioribus quibusque domis, ne quid vinositatis vel edamus, vel potemus.* Hæc certe generaliter pro omnibus constituta supersticiosam diligentiam demonstrant ; & merito, ut in his non esse religionis summam ostenderent Catholici, allebant hæc Scripturæ loca : *Non est hoc jejunium, quod elegi, &c.* at non ideo jejunii meritum expungebant Catholici ; cum jejunium, ut actionem multo-  
pere meritum tota commendaverit, & exercuerit antiquitas.

Lib. de  
Jejuna.

## CAPUT TERTIUM.

### De Præcepto Abstinentiæ a carnibus.

**S**Upponimus ex dictis potuisse Ecclesiam sancita, ut fideles aliquando abstinerent a carnibus : hic ergo solum inquirendum est 1. quo tempore urgeat abstinentiæ lex extra casum jejunii, 2. an pridem obliget ; 3. cum quibus obliget ; his potius, quam aliis diebus obliget. Et hæc quidem moræ parum injicient. Itaque

R. ad 1. abstinentiæ solius legem obligare singulis hebdomadis feria sexta, & Sabbato, in die D. Marco sacra, ac denique irriduo Rogationum. Quamquam postrema hæc non ubique recepta est, unde non servatur in Diœcesi Nemausensi.

R. ad 2. abstinentiæ legem pro singulis hebdomadis admodum esse antiquam, ut statim patebit : verum hæc, nec eadem die ubique servata est, nec eodem gradu. Olim quippe abstinentia hæc jejuniis conjuncta erat ; alicubi non solum feria sexta, & Sabbato, sed & feria quarta jejunabatur ; alibi jejunabatur feria quarta, & sexta, non autem Sabbato ; quod præcipue locum habuit, & hodieum habet apud Græcos.

R. ad 3. abstinentiam feriæ sextæ, & Sabbati institutam fuisse tum in honorem mortis, & sepulturæ Christi, tum ut præparationem ad diem Domini-  
cam,

cam, quæ Christi resurrectionis memoriam renovat. Abſtinentia vero, ſeu etiam ſeriæ quartæ jejunium in uſu fuit, quia ſeria quarta cœperunt Judæi conſilium occidendi Salvatoris, & hac ipſa die paſtus eſt cum iis Judas Iſcariotes de eo tradendo. Docet id Auguſtinus Epist. 36. n. 30. Cum autem, inquit, quarta, & ſexta ſeria maxime jejunet Eccleſia, illa ratio reddi videtur, quod conſiderato Evangelio, ipſa quarta ſeria conſilium reperiuntur ad occidendum Dominum feciſſe Judei .. paſſus eſt autem Dominus, quod nullus ambigit, ſexta Sabbati; quapropter & ipſa ſexta reſte jejunio deputatur. Quod ad jejunium Sabbati ſpectat, hoc in Eccleſia Romana jam pridem obſervari teſtatur tota eadem Auguſtini Epistola. Unde Iſidorus Hiſpalenſis L. 2. de Offic. Eccleſ. c. 42. Sed &, inquit, Sabbati dies a plerisque jejunio celebratur, propter quod in eo Chriſtus jacuit in ſepulchro: præſertim cum Apoſtolica Sedes hanc regulam teneat. Idem teſtatur Iſidoro antiquior Innocentius I. hæc iſta Epist. 1. c. 4. Non ergo nos negamus ſeria ſexta jejunandum, ſed dicimus, & Sabbato hoc agendum; quia ambo dies triftitiam Apoſtoliſ, vel hiſ, qui Chriſtum ſecuti ſunt, induxerunt.

Quod ſpectat ad abſtinentiam, quæ fit pluribus in locis in Feſto S. Marci, & in diebus Rogationum, hæc decenter ſupat Litanias, ſeu ſolemnes ſupplicationes, quæ hiſ diebus ſunt; maxime, ut Deus fructus terræ, qui grave ea tempeſtate periculum ſubeunt, dare, & conſervare dignetur. Conſidit enim Eccleſia, ſe, accedente ad orationem abſtinentia, facilius id, quod eſſagit, impetraturam eſſe. Ideo autem hiſ diebus ſervatur abſtinentia ſine jejunio, quia ex veteri Eccleſiæ lege tempore Paſchali non viget jejunium: unde & ipſa harum dierum abſtinentia multis in Diœceſibus dehinc abiogata eſt, ut notat Auctor Catechiſmi Montipeſſul. Non deſunt tamen Diœceſes, in quibus, non obſtante Paſchalis temporis Feſtivitàte, ſervatur jejunium; quod & pro Mediolanenſi territorio, renovata antiqua loci conſuetudine, ſanxit S. Carolus Borromæus in prima ſua Synodo Provinciali.

Quæres, cur Litaniz, quæ ſunt die S. Marci vocentur *maiores*; quæ vero triduo ſunt ante Aſcenſionem *minores* vocentur.

R. id factum, quia Litanias S. Marci inſtituit Romanus Pontifex S. Gregorius Magnus, eaſque primum obſervavit Urbs Roma: minores contra inſtitutæ ſunt a S. Mamerto Viennæ in Gallia Epifcopo. Ita Burius in Onomaſtico v. *Litania*, & utcumque Auctor Collat. Lucienſis. T. 13. p. 244.

## CAPUT QUARTUM.

### De Præcepto annuæ Confeſſionis.

**P**Ræceptum illud continetur Canone 21. Concilii IV. Lateranenſis ſub Innocentio III. habitum an. 1215. en ejus verba: *Omniſ utriuſque ſexus fidelis, poſtquam ad annos diſcretionis pervenerit, omnia ſua ſolaſ peccata conſiteatur fideliter ſaltem ſemel in anno proprio Sacerdoti, & injunctam ſibi pœnitentiam ſtudeat pro viribus adimplere; ſuſcipiens ad minus in Paſcha Euchariftiæ Sacramentum: niſi forte de conſilio proprii Sacerdotis, ob aliquam rationabilem cauſam, ad tempus ab ejus perceptione duxerit abſtinendum, alioquin, & vivens ab ingreſſu Eccleſiæ arceatur, & moriens chriſtiana careat ſepultura.* Unde hoc ſalutare ſtatutum frequenter in Eccleſiis publicatur, ne quiſquam ignorantia cœci-

caecitate velamen excusationis assumat. Si quis autem alieno Sacerdoti voluerit iussa de causa sua confiteri peccata, licentiam priuspostulet, & obtineat a proprio Sacerdote; cum aliter ille ipsum non possit solvere, vel ligare. Decretum hoc laudat, & confirmat Tridentina Synodus Sess. 14. c. 5. Unde, inquit, jam in universa Ecclesia cum ingenti animarum fructu observatur mos ille salutaris confitendi sacro illo, & maxime acceptabili tempore Quadragesimæ, quem morem hæc sancta Synodus maxime probat, & amplectitur tanquam pium, & merito retinendum. Variæ circa Constitutionem hanc agitantur quæstiones, quarum præcipuam, quia a doctissimo Tournelyo fusc ventilata est, uno verbo solvemus. Sequemur autem singulas Lateranensis Decreti voces. Itaque

Quæres 1. an heretici, aliique infideles baptizati Lateranensi lege teneantur. Videtur, quod non; quia ea lex cadit tantum in fideles, & quorum gremio non sunt hæretici. Nihilominus

R. affirm. 1. quia aliqui quis grave contra fidem admisisset peccatum, ab ea lege immunis foret, quod nemo dixit hactenus; 2. quia hæretici cæteris Ecclesiæ legibus tenentur, nisi cum iis dispenset Ecclesia, (prout an. 1741. statuit Innocentius XIV. *matrimonium* in Batavia, Flandria, & arcibus conterminis, vulgo dictis di Barriera, inter hæreticos usque modo contralla, quæque impostum contrahuntur, etiam si forma a Tridentino præscripta, non fuerit in iis celebrandis servata, dummodo aliud non obstitit impedimentum canonicum pro validis habenda esse.) Atqui nulla legitur dispensatio Lateranensis Decreti relaxativa quoad hæreticos: ergo non minus hujus Decreti lege tenentur, quam aliis Ecclesiæ legibus: imo magis, quia lex semel in anno confitendi, solum determinat legem ab ipso latam.

Nec nocet vox, *Fidelis*, qua utitur Decretum Lateranense: quia idem est sæpe fidelis, ac baptizatus; & plerumque infidelis dicitur, qui ne ratione quidem Baptismi ad Ecclesiam pertinet. Sic cum matrimonium fidelis cum infideli irritum esse dicitur, per infidelem, is solum intelligitur, qui baptizatus non fuerit.

Quæres 2. quis discretionis annos censeatur attingisse.

R. Omnis, & solus, qui capax est peccati saltem mortalis. Quando autem capax sit puer peccati mortalis, non est dijudicandum ex sola ætate, sed & multo plus ex ingenii gradu, educatione, discretionem boni, & mali; quæ in aliis major est anno sexto, quam in quibuldam anno octavo. Unde refert S. Gregorius Lib. 4. Dialog. c. 18. puerum quinquennem mortuum, & damnatum esse propter blasphemias, in quibusdiu vixerat. Plus forte stupendum, quod experientiale didicisse ait Gerfo hujus scilicet ætatis pueros carnalibus peccatis inquinatos fuisse. Porro spiritus discretionis iis communiter inesse creditur, qui apprehendunt, v. g. quid sit mendacium, qui de impuris quibusdam hujus ætatis actionibus erubescunt, &c.

Dices: Citatus Canon non præcipit confessionem, nisi relative ad Communionem: ergo cum pueri ad hanc non teneantur, nec ad illam teneri possunt.

R. neg. ant. Confessio enim absolute præcipitur in Canone, Communio cum hac solum limitatione: *Nisi forte de proprio Sacerdotis consilio ob aliquam rationabilem causam ad tempus ab ea Communionem duxeris abstinendum*. Porro puerilis ætas, qua tanti Sacramenti dignitas haud satis cognosci potest, rationabilis est ab eo abstinendi causa. Adde, quod consuetudo legitima Canonum interpres Lateranense Decretum nostro sensu semper exposuerit.

Hic quædam notanda, & quidem 1. iis, qui puerorum confessiones excipiunt,

cipiunt, pensandum esse hanc S. Caroli regulam c. 9. Instruct. Confessar. *Consuetudo honesta, in puerulos, etiam si quintum, aut sextum ætatis annum necdum exceßerint, ante Confessarium adducere, ut sic incipiant paulatim instrui, ac manu quasi in cognitionem, atque usum hujus Sacramenti transferri. Caveant tamen accurate Sacerdotes, ne absolutionem iis præbeant, in quibus nec idonea materia, nec ea rationis plenitudo reperitur, ut citra controversiam judicare possint eos hujus Sacramenti capaces esse.* Unde explorandum est Confessario, an pueri ætus fidei, spei, & charitatis noverint, an ea quæ necessitate medii necessaria sunt sciant non pſittacorum more, sed cum aliqua specie judicii, an inier confitendum vagentur oculis: & præcipue, an dum differuntur, ut differri debent, quo plenius exploretur eorum intelligentia, an inquam salutaria Confessarii monita secum pro modulo revolverint, & observaverint saltem ex parte. Si sic, judicari potest eos non solo sensu moveri, sed & ratione, adeoque & obstrictos esse lege confessionis, ad cujus gratiam sensim præparandi sint; 2. iis, qui puerorum curam habentes, animadvertunt ipsos dubii saltem mortalis peccati conscios evasisse, satagendum esse, ut peccatum hoc intra annum deponant, idque vi Concilii Lateranensis; nisi jam mortaliter rei eodem anno confessi fuerint, de quo infra; 3. non omnes amentes ab hac confessionis lege eximi: stat enim quoddam in aliqua, imo in omnibus fere materiis rationis esse expertes, qui tamen in materia confessionis ratione utantur; de quo videris exemplum apud Lugo disp. 15. de Pœnitent. n. 153. an pueri subiaceant censuris, quas aliquando decernunt Diœcesanæ leges contra eos, qui annuæ confessionis officio minime defunguntur, definiri potest ex iis, quæ diximus in Tractatu de Censuris.

Quæres 3. quomodo computetur annus, intra quem semel obligat Præceptum Confessionis.

R. omisissis variis ea de re opinionibus, quas refert Lugo, annum videri computandum, ut solet a prima die Januarii ad ultimam usque Decembris inclusive: ita ut quisquis intra hoc spatium sua deposuit peccata, is Lateranensi Edicto satisfecerit. Et vero Decretum Lateranense ita Paschale tempus pro annua Communionem determinat, ut nullum pro annua Confessione tempus determinet. Equidem Tridentina Synodus morem Quadragesimæ tempore confitendi maxime probat, & amplectitur, sed *tanquam pium*, non tanquam stricte obligatorium. Si quis tamen jam confessus, denuo labatur in peccatum grave, is non quidem ob legem confessionis, propter annuæ Communionis præceptum denuo confiteri tenebitur. Quod scilicet speciali Diœceseon lege sancitum sit, ut annua Confessio fiat sub tempus Paschale, huic utique legi obsequendum erit. Porro in Gallia Rituales Libri assignant tempus Paschale a Dominica Palmarum, ad Dominicam in Albis inclusive; idemque tempus determinavit Clerus Gallicanus in Comitibus an. 1625. 1635. 1646.

Ergo, inquires, poterit quis biennio toto non accedere ad pœnitentiæ tribunal; eique si die prima an. 1745. confiteantur, sufficiet, ut ultima die an. 1746. deponat peccata.

Respondet Lugo n. 161. non esse id absurdum magis, quam absurdum sit, ut quis totum feriæ secundæ Officium recitet statim post mediam noctem, totum vero feriæ tertię Officium persolvat proxime ante mediam ejusdem diei noctem, siquæ biduo fere toto nihil recitet. Hæc tamen ratio bene inspecta probat opinionem Lugo non esse in praxi sequendam sine rationabili

causa: cum aliqui ab omni peccato immunis non sit, qui geminæ diet Officia quadraginta sex horarum spatio separat & se invicem. Et vero dum Ecclesia saltem semel in anno confitetur præcipit, prima fronte exigere videtur, ut priorem inier, & posteriorem confessionem non plus moraliter loquendo decurrat temporis, quam anni circulus.

Dixi: *moraliter loquendo*; quia qui solitum in Paschate confitendi morem sequuntur, bis aliquando intra menses decem, aliquando semel tantum intra menses plusquam tredecim confitentur, prout Pascha serius, vel ocius celebrari contingit.

Quæres 4. an qui venialia solum habet peccata, Confessionis annuæ præcepto teneatur.

R. partem affirmativam esse tutiorem, nec probabilem minus, adeoque sequendam in praxi: 1. quia eam docent non solum D. Bonaventura in 4. dist. 17. part. 2. art. 1. q. 2. sed & S. Thomas eadem dist. q. 3. art. 1. quæstiunc. 3. ad 3. ubi sic: *Ex vi Sacramenti non tenetur aliquis venialia confiteri, sed ex institutione Ecclesie, quando non habet alia, quæ confiteatur*; 2. quia Canon Lateranensis omnes utriusque sexus generaliter, & indistincte afficit: ergo & eos etiam, qui solum habent venialia; cum ubi lex non distinguit, nec nos saltem sine gravi causa distinguere oporteat; 3. quia idem Canon excommunicationem, & Ecclesiasticæ sepulture privationem iis comminatur, qui Paschali desuerint Officio: atqui ex poenæ nonnisi contra notorios quosdam peccatores executioni mandari possent, nisi etiam venialiter rei peccata sua deponere tenerentur. Ceteri enim statim responderent se, propitio Deo, in nullum grave peccatum lapsos esse; neque id una tantum vice, sed annis singulis, imo ut notat Habent, in toto vitæ decursu respondere possent: ergo.

Obi. 1. Præceptum Ecclesiæ solum determinare potest præceptum confessionis a Christo impositum: atqui fatentur omnes præceptum confitendi peccata a Christo impositum, solum cadere in mortalia: ergo.

R. 1. hinc sequi nequidem posse Ecclesiam præcipere venialium confessionem; & hoc tamen negant Sylvius in Suppl. q. 6. art. 3. quæst. 2. Henno de Poenitent. pag. 143. alique ex adversariis: tum propter auctoritatem S. Thomæ, tum quia venialium confessio est actus non utilis minus, quam ieiunium, quod ab Ecclesia præcipi potest; tum quia Clemens V. cap. 1. *De statu Monach.* sic loquitur: *Sane singulis mensibus, tam in Monasteriis, quam sublata occasione quacumque, ad confessionem saltem semel accedant omnes, in singuli Monachi.* Hi porro utique singulis mensibus haud erant lethaliū noxarum rei. Quod autem voluit aliqui verba hæc non habere vim propriæ legis, sed Constitutionis Monasticæ, ad minus dubium videtur, cum verba hæc sane, & sublata quacumque occasione præceptum sonent. Adde quod Monasticæ leges efficiant indirecte conscientiam, quatenus obligant ad acceptationem poenæ, quoties hæc contra transgressores decernitur.

R. 2. dist. maj. Præceptum Ecclesiæ solum determinare potest præceptum Christi quoad substantiam, C. solum determinare potest quoad modum, N. Itaque Ecclesia nihil potest circa substantiam præceptorum Christi: unde si non præcepisset Christus, ut homo homini peccata sua, vel mortalia confiteretur, vel venialia confiteri posset, non posset id Ecclesia præcipere. At vero potest Ecclesia determinare præceptum Christi quoad modum, efficiendo, ut quod juxta Christum est materia confessionis sufficiens, fiat aliquando

maie-

materia necessaria, seu quæ certis in occasionibus debeat adhiberi. Sic licet azimus panis non sit necessaria Eucharistiæ materia, efficere potest, & de facto effecit Ecclesia, ut Latini nonnisi in azimo pane consecrarent: unde materia, quæ non est necessaria necessitate Sacramenti, sit per Ecclesiæ legem necessaria necessitate præcepti.

Inst. Non potest Ecclesia mutare materiam Sacramentorum: atqui mutaret, si posset efficere, ut peccata venialia necessario clavibus subjicienda essent: quia efficeret, ut quod est materia libera, fieret materia necessaria: ergo.

R. neg. min. & dico præceptum materiam alioqui vere sufficientis non cadere in substantiam, sed in modum dumtaxat. Quapropter si præcipiat Ecclesia, ut Sacerdotes vino solum albo utantur in Missa, nihil utique circa substantiam materis sacrificii immutabit, secus si præciperet, quod nusquam præceptura est, ut consecratio fieret in aqua.

Obj. 2. Peccata venialia quocumque tempore, aliter quam per confessionem remitti possunt: atqui si necessario Paschali, v. g. tempore confitenda essent, non aliter possent quam per confessionem remitti: ergo.

R. neg. min. Peccata enim venialia Paschali, sicut & alio quocumque tempore remitti possunt per solam contritionem: sed non remittuntur actu, quia veram contritionem non habet, qui Ecclesiæ præceptum, & quidem facile impleri, implere non vult. Quapropter Ecclesia venialium confessionem non imperat præcise, ut ea dimittantur, sed ut fideles majus gratiæ augmentum percipiant ex Sacramenti usu, & semel saltem in anno proprio Pastori innoscescant, *ne lupus intra gregem lateat*. Ita S. Thomas Suppl. q. 6. art. 3. in corp. qui tamen in resp. ad 3. hæret. & vacillat.

Obj. 3. Tam gravis est pœna, quam legis suæ transgressoribus comminatur Concilium Lateranense, ut verisimile non sit eidem obnoxios fieri, qui venialia sola confiteri neglexerint: ergo.

R. 1. rem de se levem, accedente Dei, aut Ecclesiæ præcepto gravem fieri posse. Sic leve quid, vel potius nihil in se erat comestio pomi, quæ tamen Adam, ejusque posteros perdidit. Sic leve quid est, quod Clericus in sacris, ut sicim leniat, popinam rapide ingrediatur, & tamen id Ambiani, Novioduni, aliique pluribus in locis sub pœna suspensionis ipso facto incurrendæ prohibitum est.

R. 2. neg. ant. omisio enim confessionis Paschalis scandalum præbet, eludendæ Ecclesiæ legi inservit, quamdam proprii Pastoris despiciationem denotat: ergo graviter puniri potest.

Ceterum, qui opinionem nostræ oppositam cum pluribus tenebunt, saltem ad præceptum Ecclesiæ implendum agere debent, ut se Sacerdoti representent, & se ostendant absque conscientia mortalis esse, & hoc eis pro confessione reputabitur. Ita S. Thomas ubi supra ad 3. fuit enim hic impeditus S. Doctor.

Quæres 5. an qui venialia dumtaxat totum per annum confessus est, teneatur confiteri die anni ultima, si ea peccet mortaliter.

Affirmat Lugo n. 162. quia, inquit, præceptum annuæ confessionis est præceptum de confessione ab ipso Christo imperata, cui Ecclesia semel in anno satisfieri voluit: atqui præceptum Christi cadit in mortalia sola & ergo cum ab eo, qui venialia, licet pluries, confessus fuit, implerum non fuit, necessum est, ut impleatur per confessionem peccati mortalis nuper commissi.

Aliter censemus, quia nobis persuasum est Ecclesiæ, atque ipsius Christi legem ab eo impleri, qui nonnisi venialia habens, venialia solum confitetur.

Præcepit equidem Christus, ut mortalia clavibus Ecclesiæ subicerentur; ac nec per se, nec per Ecclesiam præcepit, ut, qui jam hoc anno confessus est, ea statim, & illico confiteatur, aut aliqui reus sit legis Ecclesiasticæ; quod addo, quia disputant Theologi, an qui mortaliter deliquit, quam primum ad confessionem, aut contritionem recurrere teneatur.

Quæres 6. an qui post confessionem recordatur mortalis peccati, quod sibi alia sua peccata confitenti excideret e memoria, illud hoc anno confiteri teneatur.

R. negat. quia jam vere satisfecit præcepto Christi, & Ecclesiæ, quo jubetur solum, ut quis ea, quæ post sufficiens examen meminit, peccata confiteatur. Aliud esset, si quis ex negligentia graviter culpabili, vel peccati oblitus esset, vel debita caruisset contritione; quia per confessionem voluntarie nullam non satisfecit præcepto Ecclesiæ, prout definiunt adversus laxiores casuum arbitros Alexander VII. & Clerus Gallicanus an. 1700. Et vero Ecclesia præcipit confessionem piam, hominisque cum Deo reconciliativam, qualis esse nequit confessio voluntarie sacrilega. An autem qui inculpate oblitus est peccati, idem ante Eucharistiæ sumptionem deponere teneatur; an non eidem sufficiat *pro tunc* absolutio, qua idem peccatum indirecte remissum est, prout sentiebat D. Gibert, non est hoc loco discutiendum. Ut ut est, constat eum, qui peccati alicujus oblitus est, non debere diu confessionem ejus differre.

Quæres 7. an reus peccati, quod hic & nunc declarare non tenetur; (puta; quia declarando frangeret sigillum confessionis, aut se vel alium gravi damno, vel corporali, vel spirituali exponeret) debet alia confiteri peccata, ut præcepto satisfaciatur.

Negat Henno ibid. modo is prævideat sibi paulo post elapsum annum confessionis tempus, ad futuram occasionem peccatum illud declarandi: nisi tamen immineat periculum scandali, vel sumenda sit Eucharistia. Ratio est, inquit, quia prudenter præsumi potest dilationem hanc ab Ecclesia concedi, propter omnimodam confessionis integritatem. Mihi tamen multo tutius visum fuerit, ea confiteri peccata, quæ actu confiteri possum, quia certissima est Ecclesiæ lex confessionem urgens, certa vero non est dilatio, quam ab ea concedi supponit adversarius.

Quod dicit idem eum, qui venialia sola haberet cum mortali, quod hic & nunc confiteri nequit, a confitendo immunem esse; ejus quidem principii congruit, sed repugnat nostris. Supra enim probavimus eum, qui venialia solum habet, ad eorum confessionem teneri.

Quæres 8. an sub initium anni sequentis confiteri debeat, qui intra annum confessus non est, & an unica hac confessione pro anno præsentis, & præterito satisfaciatur.

R. ad 1. affirmat. quia annus non assignatur ut terminus, quo elapso, cesset obligatio legis, sed ut spatium, ultra quod eadem obligatio differenda non sit; sicut ergo, qui summam, quam in Paschateolvere debuit, & non solvit, eandem, quam primum potest,olvere tenetur; sic & a pari. Aliud est de præcepto jejunii, vel recitationis Horarum: hæcenim ita certis diebus affixa sunt, ut cum iis extinguantur, eisdem omisso seria poenitentia expungi debeat. Cæterum, qui quam primum potest, non confitetur, peccat deinceps, & continenter donec confiteatur; tamdiu enim transgreditur legem, qua superiori anno ad confessionem obligabatur, & cujus obligatio crecit, & augeatur in dies, quamdiu differtur eadem confessio. Ita P. Simonnet T. 9. p. 239.

R. ad



R. Ad 2. etiam affirmat. Ratio est, quia quoties eadem materia eodem tempore, duplici præcepto imperata est, toties utrumque præceptum uno actu adimpletur; ut patet in præcepto jejunii vigiliæ in aliquam quatuor temporum feriam incidentis: porro eadem est in præsentī casu materia; quæ anni superioris, & currentis præcepto imperatur, nimirum confessio. Et vero si res aliter se haberet, qui per annos 20. confessus non fuit, eodem anno vicies confiteri deberet; quod totius Ecclesiæ praxi repugnat.

Si tamen ex speciali locorum lege annua confessio certo tempori annexa sit, ut in Gallia quinquagesimæ Paschali, haud dubie, qui antea confessus esset, denuo confiteri teneretur, prout docet Suarez disp. 36. sect. 4. n. 5. teneretur etiam ex probatori opinione prævenire confessionis tempus, quæ prævideret futurum, ut debito tempore confiteri non possit, sicut die Festâ tenetur Missam diluculo audire, qui videt se alioqui eidem hac die non esse interfuturum.

Quæres 9. quis intelligatur nomine proprii Sacerdotis, cui annuam confessionem fieri vult Synodus Lateranensis.

R. Quæstionem hanc fufe, & erudite pertractatam esse a clariss. Tourne-ly, quem consule, & a quo ediscas per proprium Sacerdotem eum intelligi, cujus jurisdictioni subjacet quis immediate; (qualis est in Parochia Rector, Superior in Monasterio, Sacerdotes Nosocomiis quibusdam præfati; & ideo ajunt aliqui, non dixit Concilium Parocho, sed Sacerdoti) salvo tamen Superiorum, Episcopi scilicet, & Romani Pontificis jure.

Ergo, inquires, poterunt Regulares sola Papæ auctoritate freti, Sæcularium confessiones invitis locorum Episcopis excipere.

R. Si potest Papa ubique terrarum confessiones excipere, potest & committere, qui excipiant; sed potestasejus ad Canonum normam exerceri debet; unde quia violarentur Episcoporum jura, quia quandoque parum peritæ excipiendis confessionibus præcicerentur, quia serius interdicerentur ministerio, quos quandoque ab eo statim retrahi vel decet, vel necesse est; merito constitutum fuit, ut Regularis, sicut & Sæcularis nemo, tanti momenti ministerio, nisi a proprio loci Episcopo applicaretur, prout dixi p. 98. Aliud esset, si Episcopus nonnisi hæreticos, aut qui Calvinisticam cœnam agerent, excipiendis fidelium confessionibus deputaret; aut novus quis exurgeret Odo Castilloneus; tunc enim si suo deesset officio Comprovinciales Episcopi, teneretur, qui omnium Ecclesiarum sollicitudinem habere debet, Romanus Pontifex, huic universi gregis parti idoneos Sacerdotes subministrare, prout facit in Anglia, &c.

Quære 10. an valida sit confessio Paschalis facta sine Parochi consensu seu Regulari, quem approbaverit Episcopus, seu alterius Parochiæ Sacerdoti regulariter tantum approbato.

R. Ad 1. affirmat. quia si proprii Sacerdotis officium, & jus in proprii Episcopi dignitate nobilius, & excellentius continetur, prout declaravit an. 1657. Clerus Gallicanus, possunt Episcopi, eos, quos aptiores judicaverint, excipiendis fidelium confessionibus præficere, Parocho etiam contradicente. Unde idem Clerus contra Librum N. Bouffe, cui titulus: *De l'obligation des fideles de se confesser a leur Curé*, statuit fideles, qui Paschalis Communionis gratia confitentur non solum suis Episcopis, eorum Vicariis Generalibus, & Pœnitentiariis, verum etiam quibuslibet Sacerdotibus Sæcularibus, vel Regularibus ab Episcopis ad hanc functionem approbatis, Lateranensis Concilii præceptum de annua confessione implere; eamque clausulam: De consensu Parochorum, quæ ab

Tournely Theol. Moral. Tom. III.

Tt 3

Episco:

*Episcopis apponi solet in Litteris approbatoriis eorum, quos excipiendis suorum Diœcesanorum confessionibus deputant, ex consensu non ex necessitate apponi.* Præverat jam ab an. 1484. Facultas Parisiensis, cum hanc Joannis Lallerii thesini proscripta. *Confessi Religiosi Mendicantibus presentatis, & acceptatis secundum formam Decretalis, dudum, non sunt abfoluti, & tenentur eadem peccata confiteri Curato.* Vide Gallicani Instrumenta Tom. 1. p. 672. 679. & seq.

R. Ad 2. cum Haberto, vel Episcopus consentit saltem tacite, ut Diœcesani sui cuilibet approbato Sacerdoti confiteatur, vel stricte urget executionem Decreti Lateranensis. Si primum valet confessio. Si secundum non valet; & ideo in Diœcesibus Remensi, Sueffoniensi, Catalaunensi, & Virdunensi statuitur confessionem hanc esse iterandam. Hinc si Regularis nonnisi sub Parochi beneplacito approbatus esset, deficiente istius consensu non posset facultatibus suis uti; quia penderent a conditione non impleta.

Quæres 11. an Parochi facile Parochianis concedere debeant licentiam extra Parochiam confitendi.

R. Cum S. Thoma in Suppl. qu. 8. art. 4. ad 8. *Peccaret Sacerdos, si non esset facilis ad præbendum licentiam alteri confitendi, quia multi sunt adeo infirmi, quod potius sine confessione morerentur, quam tali Sacerdoti confiterentur.* Unde illi, qui sunt nimis solliciti, ut conscientias subditorum per confessionem sciant, multis laqueum damnationis injiciunt, & per consequens sibi ipsis. Non est ergo, ut notat Haberet, unde sibi blandiatur aliqui, quod Parochianos omnes adduxerint, ut sibi confiteantur, Inde enim sæpe oriuntur sacrilegia usque ad mortem pravo Sacramentorum usu continuata. Quin ubi solus laborat Sacerdos, expedit, ut aliquoties Sacerdotes extraneos advocet, horteturque, & urgeat Parochianos, ut iisdem se fiant: si enim levamen istud Monialibus his, aut ter in anno offerre debeat Episcopus ex Trid. Sess. 24. de Regul. c. 10. quantominus erit id denegandum rudioribus, & rusticis, qui cum serviliter magis a Parocho pendeant, & ingenii sint imbecillioris, plus etiam malæ verecundiæ fortiti sunt a natura.

Quæres 12. an tanta esse debeat hæc Parochi facilitas, ut quibuscumque concedere debeat licentiam adeundi, quos voluerint ex Sacerdotibus ab Episcopo approbatis.

R. Negat. quia fieri potest, ut ex Sacerdotibus approbatis alii obreptitie approbati sint; alii sint quidem indubie periti, sed, vel in praxi laxiores, aut æquo rigidiores, alii demum nullatenus noverint poenitentem, qui nisi adeat hominem, a quo sit fama notus, celabit ufuras, iniquos contratus, & gravem in officii sui exercitio negligentiam. Itaque potest aliquid quando Parochus generalem plebi suæ licentiam largiri, quemcumque in tota vicinia volet Confessarium eligendi ex approbatis: aliquando certum assignare debet Confessarium, aut potius unum e tribus, aut quatuor. Quod si de personis bene moratis sermo sit, quæque Parocho, quem quotidie vident, & quicum familiariter vivunt, interiora sua detegere erubescunt, non est, quod ad hunc, vel illum ardentur; nisi forte ad improbum Ministrum sibi non satis notum recurrere velint.

Quæres 13. an Parochus parochiani sui confessionem audire possit extra Diœcesim propriam.

R. Poffe, modo id fiat sine scandalo, aut Parochi alterius offensione. Ratio est, quia jurisdictio sine strepitu exercenda extra proprium territorium exer-

exerceri potest. Aliud est de Regularibus: hi enim ex Bulla *Superna Clementis X.* data an. 1670. *non possunt in alia Diœcesi absque Episcopi diœcesani approbatione audire confessiones eorum etiam, qui subditi sint ejus Episcopi, a quo ipsi Religiosi jam fuerunt approbati.*

## CAPUT QUINTUM.

*De præcepto annuæ Communionis.*

Certum est 1. Eucharistiæ perceptionem adultis sufficienti ad hoc ratione ventibus necessariam esse necessitate præcepti divini; idque expresse docent hæc Christi verba Joan. 6. *Nisi manducaveritis carnem filii hominis, & biberitis ejus sanguinem, non habebitis vitam in vobis.*

Certum est 2. ejusdem Sacramenti receptionem semel in anno, & quidem in Pascha necessariam esse necessitate præcepti Ecclesiastici. Pater id ex supra citato Concilii Lateranensis textu. Superest igitur, ut quædam solvantur difficultates, quæ hic proponi solent.

Quæres itaque 1. quinam Ecclesiastico Communionis præcepto teneantur.

R. Teneri eos omnes, qui sat rationis habent, ut juxta Apostoli præceptum Corpus Domini dijudicent. Is autem rationis gradus aliis ocus putat circa an. 10. aliis serius nempe circa an. 14. contingit. Si tamen puer aliquam Eucharistiæ discretionem habeat, etsi non tantam, quanta merito desideraretur, si liceret per tempus, debet is in periculo mortis sacro Viatico refici, ut præcepto divino satisficiat, prout docent Suarez, Palao, Haberq pag. 614. P. Antoine, & alii, quorum sententiam, ait Ethica amoris n. 743. *utpote magis piam censeo practicandam, maxime dum puer cum aliqua devotione petis, vel desiderat.*

Ex dictis colliges peccare parentes, & Parochos nisi curent, ut, crescente in pueris rationis lumine, crescant & dispositiones ad dignam tanti Sacramenti perceptionem necessariæ.

Quæres 2. quid per Paschæ tempus a Lateranensi Concilio IV. Communioni assignatum intelligi debeat.

R. Ex Eugenio IV. Bulla *Fide digna*, data an. 1440. & ex communi fidelium praxi intelligi quindenam, quæ a Dominica Palmarum usque ad Dominicam in Albis effluit. Alicubi tamen, seu ex consuetudine, seu ex necessitate, vel privilegio plus conceditur temporis: unde si invaluerit legitima, & præscripta consuetudo huic legi satisfaciendi quolibet Quadragesimæ die, cujusmodi est Conimbrica, multisque aliis locis, sufficeret se conformare illi: ait Navarrus Manual. c. 21. n. 44. *Hortamur tamen, addit idem Doctor, ne quis protinus a prima confessione in annum integrum dilata communicet, sed expectet aliquandiu ad arbitrium prudentis Confessarii; & postea denuo confessus ea, quæ memoria occurrerint, & interea perpetravit, mundius ad illam purissimam, sanctissimamque Cœnam accedat.*

Quæres 3. an qui Communionis præceptum statò tempore non implevit; eidem quam primum satisfacere teneatur. Negat non solum S. Antoninus, sed eorum etiam aliqui, qui confessionem suo tempore omissem, quam primum fieri debere existimant: sic Medina. Nihilominus

R. Affirmant cum S. Thoma, Azor, Suarez, Sylvio in 3. q. 80. a. 11.

T t 4

& alii

& aliis multo communis: 1. quia ex dictis supra in Resp. ad 8. q. quæ confessionem suo tempore neglexit, quam cito potest, culpam hanc reparare tenetur: atqui nulla est solida ratio, quæ obstat, ne ad idem teneatur respectu Communionis. 2. quia, ut bene Navarrus ibid. n. 45. Ecclesia præcipiendo Communionem in Concilio Lateranensi duo reipsa præcipit, nimirum, & ut communicetur semel *ad minus in anno*, & ut si semel solum communicetur, id fiat *in Pascha*: ergo præceptum Ecclesiæ directe, & primario cadit in ipsam Communionem; & secundario tantum in hoc vel illud tempus: ergo iterum licet elapso tempore Paschali præceptum quoad circumstantiam temporis impleri jam nec possit, nec debeat, potest tamen, & debet impleri quoad ipsam rei substantiam. Unde falsum est, quod dicunt Toletus, aliique adversarii, præceptum Communionis se habere ad Pascha, sicut habet se præceptum audiendæ Missæ ad diem Festum; ne proinde utrumque transire cum tempore, cui affixum est. Melius sane dixerint rem ab Ecclesia præceptam habere se, ut debitum, cui solvendo æquum præscribitur tempus, non ut eo elapso finiatur debitum, sed ne ultra protrahatur ejusdem solutio. Quapropter in praxi tenendum est cum Suarez, Azor, aliisque pluribus, cum qui Paschali Officio defuit, novam semper admittere culpam, quoties data opportunitate legem Ecclesiæ non implet. Est enim ea lex, & affirmativa quatenus Communionem imperat, & implicite negativa, quatenus Communionis dilationem ultra Pascham prohibet: porro præceptum negativum semper, & pro semper obligat.

Quæres 4. an qui prævidet futurum, ut in Paschate communicare non possit, teneatur prævenire.

R. 1. si prævidet futurum, ut reliquo anno communicare non possit, tenetur ad præveniendum. Ratio est, quia se habet sicut is, cui præceptum est, ut aureos centum solvat ad minus semel in anno, idque in Paschate: atqui is, si prævideat se toto post Pascha tempore, futurum solvendo imparem, prævenire tenetur: ergo a pari. Et vero currit annua Communionis obligatio sicut obligatio audiendæ Missæ in Dominica; vel juxta adversarios obligatio ejusdem Communionis in tota Paschali quindena: ergo sicut Missam ante solitum tempus audire debet, qui videt se alioqui eam auditurum non esse; sicut die Resurrectionis ad sacram synaxim accedere debet, qui ipsa nocte navim Sacerdotibus destitutam conscensurus est; sic a pari in proposito. Aliud esset, ait Auctor Collat. Andeg. de Euchar. p. 282. si quis ab ultima Paschali Communione denuo communicasset: hæc enim, inquit, nova Communio vicem haberet anticipatæ Communionis. Id ego facile admiserim, si secunda Communio eodem facta esset anno, quo anticipandum est; secus si præcedenti. Quamquam, ut monet Pontas v. *Communio*, cas. 24. satius est, ut qui hoc etiam anno Eucharistiam recepisset, eandem adhuc ante Paschale tempus reciperet.

R. 2. Si prævideat, quis se non nisi diu post Pascha, eodem tamen anno communicaturum esse, melius est, ut præveniat, sicut melius est, ut Horarum tempus anticipet, qui alioqui multum ab eo recedere tenebitur: quia, ut ait S. Antoninus, prævenire diligentia est, tardare vero negligentia. Imo cum exigit Ecclesia, ut ad minus semel in anno communicent fideles, quod non facit, qui vix intra 15. vel 18. menses semel eo officio defungitur, operæ pretium est, ut qui eo in casu versantur, nihil agent in consilio Confessario. Ita Sylvius ibid. quæst. n. 3. a quo caute minus recedere videtur Henricus a S. Ignat. p. 759.

Quæres

Quæres 5. an qui prævenit Paschale tempus, qui timebat obicem, qui defuit, rursus in Paschate communicare teneatur, si possit.

Affirmant plures; quia, inquit, non satisfacit alteri obligationis parti, quæ est, ut quisque in ipso Paschate communice. Hæc tamen ratio non omnino urget; quia sicut tempus, in quod Communio iusta de causa prorogatur, æquivalet Paschali, sic & eidem æquivalere videtur tempus, quo iusta itidem de causa ex pii Confessarii opinione anticipata fuit Communio. Quoniam vero neque hæc ista ratio major est omni exceptione, stricte monendum est quisquis Communionem anticipavit, ut denuo cum potest, in Paschate sacro Christi Corpore reficiatur. *Vide Lugo de Eucharistia disp. 16. a n. 74. ad 82.* Indubie porro qui extra casum anticipationis prædicto modo factæ, vel ipso Passionis Sabbato communicasset, ad novam in quindena Paschali Communionem teneretur.

Quæres 6. quid de eo sentiendum sit, qui in Paschate non communicat, quia censura ligatus est.

R. Non peccare eum, quod in sensu composito censuræ a sacra mensa recedit, sed quod forte censuram, qua irretitus est sibi per absolutionem relaxari non curat. Sic reus est, qui debitam Communionem omittit ex odio, aut voluntate non ignoscendi, aut non restituendi, vel non faciendi aliud quidpiam, ad quod sub mortali reatu tenetur; is enim nove peccat; nemini namque malitia sua debet prodesse. Navar. *ibid.* n. mihi 50.

An autem injusto percussus anathemate, possit clanculum aut in extranea Regione ad Eucharistiam accedere, prout docet idem Navarrus, expendi in Tract. de Censuris part. 1. c. 1. sub finem.

Quæres 7. ubi Communio annua debeat fieri.

R. Sumendam esse Eucharistiam in propria Parochia, de manu proprii Pastoris, alteriutve ab eo deputati. Constat id, tum ex Libris Ritualibus, variisque Synodis, tum ex consuetudine, quæ vim legis habet, & ita Lateranense Decretum interpretata est. Non ergo satisfaceret præcepto, qui in Ecclesiis Regularium communicaret, uti declaravit sacra Congregatio an. 1638. & 1682. ex consuetudine tamen receptum est, ut Sacerdotes satisfaciant huic præcepto, ubicumque celebrent; prout animadvertunt Ethica amor. n. 753. Simonnet, & alii. Vidi tamen & Episcopos, qui in Paschali quindena saltem semel sacrum facerent in Parochia, cujus intra limites ad tempus commorabantur; idque consulendum est, nisi quid obstat.

Cæterum censent Barbosa de offic. Parochi part. 1. cap. 1. & post eum Boudartius Tract. 3. §. 6. q. 1. Ethica *ibid.* n. 754. Parochiæ nomine non venire Ecclesiam Cathedralē, nisi respectu eorum, qui sunt de Parochia Cathedralis. Unde, ait Lugo Respons. Moral. dub. 15. Cathedralis non est generalis omnium Dioecesanorum Parochia, ut hinc constat, quod nullum sit matrimonium coram Parocho illius sine proprii Parochi licentia contractum. Imo, nec qui ab incio loci Episcopo Eucharistiam suscepisset, præcepto satisfacisse videretur: quia non intendit Episcopus a communi lege citra causam dispensare: unde qui extra Parochiam Paschali Officio fungi cogitat, is, vel proprii Parochi, vel Episcopi licentiam obtinere debet. Quod de annua Communione, hoc de prima dicendum: unde & hæc ex usu communi in propria Parochia fieri solet, imo vetat Rituale Paris. ne quis *ad primam Communionem, etiam extra tempus Paschale, nisi in sua Parochia admittatur, utique sine Parochi proprii, vel Episcopi licentia.*

Quæ.

Quæres 8. an, qui alias intra quindenam communicavit, aut communicaturus est in propria Parochia, possit ipsa Resurrectionis die ad sacram Cœnam accedere in Ecclesia Regularium.

Ratio dubitandi desumitur ex Bullis Pauli III. & Pii IV. qui dum fidelibus liberam faciunt Communionem apud Regulares, diem Paschalis excipiunt. Consent tamen Suarez, Barbosa, Henricus a S. Ignatio, & alii communissime diem illum non materialiter accipi in prædictorum Pontificum Constitutionibus, sed formaliter, nimirum pro die, quam quis elegit, ut annuæ Communionis præcepto satisfaceret.

Hanc tamen opinionem in praxi teneri nolum, 1. quia, ut refert Joannes Viggers q. 80. art. 31. dub. unic. Sacra Congregatio Tridentini Concilii interpret censuit die 22. Maii an. 1610, quod si quis intra tempus Paschale de manu Parochi Eucharistiam acceperit, vel intendat, priusquam Octava Paschalis labatur, de manu illius ad satisfactionem Ecclesie accipere, non tali tamen licitum esse ipso die Resurrectionis de Religiosorum manibus communicare. Negat quidem Henricus a S. Ignat. nu. 755. declarationem hanc in Belgio usu receptam esse: at eam tamen, ut disciplinæ regulam citat Boudartius Canonicus Insulensis; 2. quia id præscriptum videtur Can. 9. Concilii Burdigalensis, ubi sic habetur: *Nemo ad diem Paschæ Eucharistiam ab alio, quam a proprio Parocho, seu Curato sumere presumat*. Imo in quibusdam Diocæsi-bus puta Lingonensi, & Parisiensi vetitum est omnibus *Presbyteris, tam Secularibus, quam Religiosis etiam mendicantibus, ne quibusvis personis quantumcumque illis notis, nec etiam cujusvis confraternitatis, aut societatis prætextu sacram Eucharistiam tempore Paschali absque Parochi consensu administrent*. Atque adeo ita docet præter jam citatos: Auctor Theor. & Prax. Sacram. Tom. 1. pag. 312.

Cœterum præscribit idem Rituale Paris. ut qui ex debita licentia in aliis Ecclesiis communicaverint, proprio Parocho fidem ejus rei faciant in scriptis. intra mensem. post reditum suum: secus, pro non communicatis censentur quoad præceptum Ecclesia.

Quæres 9. qua ratione gerere se debeat Parochus erga infirmos, qui ante quindecim Paschalis dies communicavere.

R. Iis intra quindenam deferendum esse sacrum Christi Corpus, prout præscribit Rituale Paris. ibid. si tamen moribundus, qui paulo ante Palmarum Dominicam Viaticum receperit, non posset hac die, aut proxime sequentibus jejunus communicare, haud teneretur iisdem diebus communicare; imo nec id posset sine Episcopi licentia; quia Parisiis v.g. Burdigalæ, &c. secunda Viatici receptio a prima saltem dies decem distare debet; quia lege solus Ordinarius dispensare potest. Ita Fromageau v. *Communione*, cas. 2. quod vero tradit idem Doctor voculam decem intelligi posse inclusivè, ita ut, qui Viaticum recepit Dominica die, idem rursus recipere possit die Martis sequentis hebdomadæ, quia in casu favorabili lex benignè interpretanda est; id, inquam, dubium videri potest ob annexam vocem saltem: unde nisi accedat constans locorum praxis, satius fuerit ad Episcopum recurrere: præsertim cum inter unam, & alteram Viatici receptionem assignent communiter Summistæ trium hebdomadarum, aut unius mensis intervallum, ut quis pluries eodem lecto detentus, communicet non jejunus; prout observatum est a Cabassutio Lib. 3. c. 5. n. 10.

Quæres 10. an advenæ, & peregrini Paschali Officio satisfacere possint per Communionem apud Mendicantes factam, Quæstio, ut patet, movetur solum.

solum de viatore, qui ratione itineris sui non potest tota quindena Paschali propriam adire Parochiam, alioqui enim ad proprium Parochum remittendus esset.

R. Negat. contra Cajetanum, Navarrum, Azor, Lugo, aliosque non minimi nominis Doctores non paucos. Ratio est 1. quia transitoria peregrinorum in hoc, vel illo loco mora eosdem vere facit huic, vel illi Parocho subditos; quatenus præbet ipsis domicilium, eo modo, quo sunt capaces: unde si hic lethali morbo corripiantur, nonnisi a Parocho Viaticum recipere debent; si hic decedant, ibidem non alibi, nisi id exegerint speciatim, tumulandi sunt; si peste infecti fuerint, non possunt ad Mendicantes remitti, sed visitari debent a Parocho; 2. quia in dubio gravi pars tutior minus tutæ, præsertim cum agitur de Sacramentis, præferri debet: porro tutius est, ut advena communicet in Parochia in loco, ubi obiter commoratur; sic enim ne ipsi quidem Regulares præcepto satisfieri diffidentur; contra vero, ne ipsi quidem Regulares Communionem in Ecclesia sua factam indubie habebunt, ut impletivam præcepti: ergo. Ita ferme Suarez, quem citat, & sequitur P. Antoine Tom. 4. p. 91.

Quod spectat ad Sæculares, qui sunt de Monasteriorum exemptorum familia, licet tam a Parochia, quam ab Ordinario exempti sint per Tridentinum Sess. 25. de Regular. c. xi. in ipso Monasterio Eucharistiam in Pascha recipere possunt. Ita multi, quos citat, & sequitur Henricus a S. Ignat. n. 757.

Quæres 11. an qui mediam anni partem in una Parochia transigit, mediam in altera, possit quam volet ad annum Communionem eligere.

R. *Possit aliquem duobus locis habere domicilium*, ut patet ex Leg. 6. ff. *Ad municipalem*, &c. & c. 3. *De sepultur.* in 6. cum ergo possit quis, ubi-  
cumque domicilium habet, Paschaliibus Officiis fungi, palam est in hoc casu liberum esse hic, vel illic communicare. Si quis tamen multo plus in uno, quam in alio loco commoraretur, præferendum esset ad Communionem domicilium majoris moræ. Etsi vero, qui Parisiis actu degit, possit se recipere in villam ibidem communicaturus, satius tamen est generaliter loquendo, ut ubi actu manet, hic recipiat Sacramenta. Ita Pontas v. *Communion*, cas. 25.

Quæres 12. an Confessarius rationabili de causa Communionem Paschalem pœnitentis differre possit.

R. Non posse modo, sed & sæpius debere; ut si iudicet necessariam esse pœnitenti confessionem generalem; item si probare velit, an concubinam ejecturus sit, an cum inimico rediturus in concordiam, &c. Et vero quoties alioqui teneretur Director Sanctum dare canibus; quin & potest Confessarius confessionis auditionem differre, non quidem, ut pœnitentis molliorem foveat, sed ut ei sufficientis examinis, aut inchoandæ pœnitentiæ tempus concedat: hæc enim dispensationis species haud reservata est Superioribus. Atque ita docet idem Pontas v. *Confession*, cas. 38. Cæterum, qui Communionem differt, cum differre debet, non peccat; at peccavit tamen, cum negligentia sua in eo se constituit statu, ut differre deberet.

Quæres 13. an pœnitens proprio nutu, atque sui humiliandi causa possit annuam Communionem differre.

R. Cum S. Thoma 3. p. q. 80. art. 11. ad 1. *quod sicut Gregorius dicit in Pastorali, illa vera est humilitas, cum ad respondendum, quod utiliter præcipitur, pertinax non est*; porro, quis e pertinacia excuset eos, qui contra sanctissimas, & centies repetitas Ecclesiæ leges pro phantasia sua a Communionem recedunt? Male ergo Diaconus Parisus semel, & iterum absunt a Paschali men-

mensa. Male in hoc, ut in aliis pluribus Affectuum suorum laudes meruit. Male objecta sunt in ejus gratiam quorundam Solitariorum exempla; qui sane nihil inconsultis Præsulibus fecere, & aliunde vixerunt ante Concilium Lateranense, quo Cœna Paschalis tam stricte imperata est. Idem sentit Pontas v. *Communio*, cap. 22.

Quæres 14. an, qui mane Eucharistiam recepit Officio Paschali facturus satis, eadem die, si forte ad interitum vergat, Viaticum Domini recipere teneatur.

Constat imprimis generatim loquendo hominibus sanis illicitum esse pluries eadem die accedere ad sacram Synaxim; atque id liquet ex omnium consensu, & ex consuetudine vim legis habente, cui multum saven Innocentius III. c. 3. *De celebr. Missar.* quæstio igitur procedit de homine jam morituro.

R. Triplex est ea de re opinio: prima docet Viaticum hoc in casu recipi posse, & debere; secunda censet recipi posse, sed necessarium non esse, ut recipiatur; tertia nequidem recipi posse contendit.

Prima nititur 1. praxi timoratorum. Nempe vero *Patres societatis domus Professæ Panormitanae id praticarunt in persona P. Bescone, qui cum mane celebrasset, & in lethalem morbum post prandium incidisset, iterum eodem die communicavit per modum Viatici. Idem factum in morbo lethali R. P. Aquavivæ Generalis S. J. refert Amicus*: sed minus accurate; Aquaviva enim mane communicaverat non per modum Viatici; an autem ante mediam ejusdem diei noctem communicaverit, an paulo post, incertum est: quamquam Lugo ubi infra n. 60. agnoscere videtur geminam hanc ejus una die Communionem.

2. Quia extat divinum sumendi Viatici præceptum: atqui præceptum hoc non implevit, qui ante periculum mortis recepit Corpus Domini; quia præceptum illud ipsi mortis articulo alligatum est. Unde sicut, qui mane amoris actum elicit, novum imminente moris periculo elicere teneatur: sic & a pari. Ita Ethica amoris, Ylambert, Hurtadus, & aliquidam. Accedere potest auctoritas Ritualis Metensis, apud P. Antoine, qui tamen ex adverso pugnat.

Tertiam opinionem tam communiter amplectuntur Doctores, ut asserat Lugo disp. 16. n. 15. se nullum legisse Auctorem, qui contrariam typis mandaverit. Valquez enim solum docet, quod concedunt omnes, eum, qui pridie bene valens communicavit jejenum, iuste posse die sequenti urgente morbo communicare non jejenum. Hæc secunda opinio tamdiu in praxi tenenda videtur, donec contraria consuetudo contrariam legitime introduxerit. Ratio est 1. quia saniores Theologi pene omnes oppositam sententiam tenent, vel in specie cum casum hunc expendunt, vel saltem generaliter, cum indistincte pronuntiant licitum non esse bis die eadem communicare extra Missam, nisi forte ob Sacramenti reverentiam necesse sit, ut Eucharistia ab aliquo consumatur; quæ unica exceptio firmat regulam in contrarium.

2. Quia aliqui fieri posset, ut homo bis intra mediam horam communicare teneretur, puta si statim post Communionem vulnere, vel morbo oppressus incurreret mortis proximæ periculum. Porro consequens in praxi numquam visum est; nec fieri sine scandalo posset, ut si aliquis ægrotus ex devotione communicaret, statim revocaretur Parochus, dum ad Ecclesiam redderet, ut iterum eidem ægroto jam morienti Communionem daret; quia, vel prius periculose non ægrotabat, vel non acceperat Communionem cum intentione accipiendi Viaticum: ergo signum est, quod juxta sensum fidelium in eo casu nec sit obligatio id faciendi, nec possit licite fieri. Ita Lugo n. 56.

3. Ideo



3. Ideo censent Adversarii bis In hoc casu una eademque die communicandum esse, quia Communio in exitu vitæ præcepta sit jure divino: atqui hæc ratio non est cogens. Prob. min. quia dici potest, vel hominem hunc divino jam satisfecisse præcepto, vel in hoc casu non urgere præceptum divinum. Et quidem 1. dici potest eum, qui mane communicavit, jam satisfecisse præcepto divino. Scilicet enim id unum exigit divina lex, ut homo in exitu vitæ communicet: atqui stat hominem hunc reipsa communicasse in exitu vitæ; neque necessum erat, ut sciret se uno tantum passu a morte dividi, ideoque explicitam haberet intentionem communicandi per modum Viatici; sicut necesse non est, ut quis festa die Missam audiendo, sciat diem hanc esse festam; quia solum exigit Deus, ut ponat quis rem ab Ecclesia præceptam, cum generali intentione implendi præceptum quodcumque occurrerit. Et an vero, an non satisfaceret divinæ legi de ultima Communionem, qui hodie sanus, & bene valens Eucharistiam reciperet, quia seu a Deo per revelationem, seu aliunde didicisset, se cras occisum iri?

2. Dici potest non urgere hoc in casu præceptum Dei; prout in Gallia non censetur urgere quoad reos capitali supplicio afficiendos; nec ullibi urget, si, ut ægroto deur Viaticum, Missa sine Altari, & vestibus sacris celebranda sit. Et vero, ut scite notat Cabassutius loco jam citato n. 11. Deus non ita absolute pleraque præcepit, quin præceptorum suorum modificationem in iis, quæ sunt positivi juris reliquerit prudentiæ Ecclesiæ; cum aliqui gravia ex rigidiore præcepti observatione nascerentur incommoda, præsertim si talium incommodorum evitatio spectet quoque ad jus divinum in materia diversa. Sic licet panes Propositionis comedere stricte prohibitum esset Laicis omnibus Levit. 24: 9. hujus tamen prohibitionis modificationem a summo Sacerdote admittam approbavit Christus Matth. 12. sic abolita jam lege licuit Paulo iusta de causa circumcidere Timotheum Act. 16.

Dices: Tam potest quis ipsa Communionis die denuo communicare per modum Viatici, quam possit non communicare jejunos; primum enim non magis prohibetur, quam secundum; imo minus; cum clara sit lex, quæ Communionem interdicit non jejuno; ambigua vero, quæ binam eadem die Communionem vetat: atqui potest æger non communicare jejunos, ut norunt omnes.

Confirm. Potest Sacerdos, si jejunos sit, bis die eadem celebrare, ut det Viaticum moribundo: ergo a fortiori infirmus, cujus solius causa gemina hæc celebratio permittitur, poterit bis communicare, ut Viaticum recipiat.

R. neg. maj. imo vero agumentatio hæc novam nobis probationem subministrat; quia sicut expressa opus fuit Ecclesiæ licentia, ut posset æger communicare non jejunos, sic & expressa opus esset licentia, ut posset idem bis die una communicare: porro expressa hæc licentia nullibi generaliter concessa legitur; sicut nec concessum est, ut quis sine sacris vestibus celebret, etiamsi futurum sit, ut celebrationis hujus defectu, æger sine Viatico decessurus sit.

Ad confirmat. nego rursus Sacerdotem etiam jejunum bis celebrare posse, ut ægro Viaticum deferat. Id quidem aliquando licitum fuit, non in hoc tantum casu, sed etiam cum dicenda erat Missa pro defuncto, aut in gratiam Episcopi, alteriusve Magnatis, qui aliqui sacrum omisurus fuisset: verum his contraria, & universalis consuetudine, quæ legi æquivalet, derogatum est: unde nunc ab eo solum, qui duas regit Parochias, binæ Missæ die una celebrari possunt, idque Festis solum, & Dominicis diebus, ut notat Burdigenense Concilium an. 1583. Ita Pontas v. *Messe*, cas. 15. post Sambovium.

Quod

Quod spectat ad proximum timoratorum, quæ nititur Henricus a S. Ignatio, hæc parum probat per se solam; quia, ut notat ibid. Lugo num. 51. *quod semel, aut iterum fit in repentinis casibus, non æquivaleret auctoritati eorum, qui de re cogitantes scribunt; facile enim fieri potest, ut in subita illa turbatione non occurrant rationes omnes, & ideo eligatur id, quod tutius, & utilius existimatur animæ aegrotæ.*

Quæres 15. an præcepto annuæ Communionis satisfiat per Communionem sacrilegam.

Affirmarunt quidam primi subseclii Doctores his nixi principiis: 1. quod Ecclesia actus mere internos, ut punire nequit, sic nec præcipere potest; 2. quod finis præcepti non cadat sub præcepto, sed sola rei præceptæ substantia; unde, qui sacrilege confirmationem recipit, ejusdem recipiendæ præceptum implet: atqui rei præceptæ substantiam ponit, qui peccata confitetur; etiam si non attingat finem, qui est reconciliatio sua cum Deo, vel uberior justificationis gradus: ergo. His tamen non obstantibus,

R. negat. cum omnibus hodie Theologis: 1. quia non magis implet quis legem Ecclesiæ per Communionem sacrilegam, quam impleat naturæ legem de alendo corpore omnibus impositam, per comestitionem venenosi cibi; atqui hanc dubio procul non implet hoc modo: ergo nec illam, &c. 2. quia præcipit Ecclesia, ut *omnis utriusque sexus fidelis suscipiat reverenter Eucharistiæ Sacramentum*: atqui non suscipit reverenter, qui suscipit impie, & sacrilege; 3. quia hæc propositio inier damnatas ab Innocentio XI. n. 55. *Præcepto Communionis annuæ satisfiat per sacrilegam Corporis Domini manducationem*, damnata est a Clero Gallicano an. 1700. n. 16. ut *temeraria, scandalosa, erronea, impietati, & sacrilegio favens, & illudens præceptis Ecclesiæ*. Iisdemque pene notis confixa est n. 18. hæc, quæ jam reprobata erat ab Alexandro VII. *Qui facit confessionem voluntarie nullam, satisfacit præcepto Ecclesiæ*.

Nec nocent miseræ cavillationes, quibus decepti sunt tot præstantis famæ Theologi. Unde

Ad 1. Pater ex iis, quæ dicta sunt in Tract. de legib. c. 5. art. 1. sect. 2. actus internos etiam directe præcipi posse ab Ecclesia. Et id præcipue locum habere debet, cum Ecclesiæ præceptum quædam est divini præcepti determinatio, ut in præsentī: tunc enim Ecclesia idem necessario præcipit, quod Christus: porro Christus piam, & sanctam Corporis sui manducationem imperavit; unde sicut non satisfacit Ecclesiam legi, qui recipit hostiam, quam scit non esse consecratam; sic nec qui indigne communicando; judicium sibi manducat, & bibit. Adde, quod etsi Ecclesia non posset directe præcipere mere internam; hanc tamen præcipere possit, cum alioqui actus exterior, quem imperat, non fieret utiliter in ordine ad finem intentum.

Ad 2. Pia Eucharistiæ receptio est intrinsecus Communionis ab Ecclesia præceptæ finis: porro quidquid sit de fine extrinseco, constat finem intrinsecum necessario cadere sub præcepto.

Confirm. Substantia Communionis non consistit præcisè in manducatione quasi materiali Corporis Christi, sed in manducatione ejus tanquam cibi, quo *alantur, & confortentur animæ viventes vita illius*, uti docet Tridentinum Sess. 13. cap. 2. atqui non est animæ cibus, sed vera mors Communio sacrilega: ergo.

Quod addunt per sacrilegam Confirmationis receptionem impleri Ecclesiæ præceptum, nullius est momenti: 1. quia id ad minus eque probaret præ-

ceptum divinum Communionem sacrilegæ adimpleri : cum Deus magis principaliter hujus Sacramenti receptionem præcipiat , quam Ecclesia ; 2. quia Confirmatio etiam male recepta magnum habet effectum , characteris scilicet impressionem ; secus Eucharistia ore sacrilego recepta ; 3. quia cum character ille iterari non possit , necesse est , ut qui male Sacramentum hoc recepit , in sua hac qualicumque receptione sistat ; in id tamen enitens , ut seria pœnitentia revocet Spiritum roboris , quo sua culpa caruit.

Hinc colliges 1. eum , qui sacrilegæ Communionis in Pascha reum se fecit , teneri & crimen hoc aperire , & quamprimum poterit Ecclesiæ legem nova Communionem exequi ; 2. ægrum , qui indigne Viaticum receperit , idem quoque denuo recipere debere , & hoc ipsa eadem die , si eadem die credatur moriturus : modo tamen id sine scandalo fieri possit , quod in praxi difficile videtur.

Quæres 16. quid agendum Parocho erga eos & suis , quos Paschali Communioni defuisse novit.

R. Qui Paschali Officio defuere , vel vivunt , vel supremum diem obierunt. Si primum , corripiendi sunt secreto , & instanter monendi , ne hoc Christianæ pietatis munus differant. Si renuunt ob duritiam cordis , comminabitur Parochus & suggesto , generalibus terminis scilicet , se eos Episcopo denuntiaturum esse : si necdum cedant minis , denuntiandi erunt ; & tunc res tota penes Episcopum erit , cui a Parocho parendum.

Si secundum , vel Episcopus necdum contra eos sententiam tulit , vel jam tulit , ut potest , & forte raro debet . Si tulit sententiam , non potest Parochus hominem impœnitentem Ecclesiasticæ donare sepultura . Si non tulit , bene consulit sibi Parochus , si Episcopum interroget quid factum sit , ejusque mandata exequantur . Si vero ad Episcopum , ejusve Vicarios Generales recurrere nequit , sive ob locorum distantiam , sive quia turbas tumultumque metuit , non potest auctoritate propriæ Ecclesiasticam sepulturam negare Párochiano suo : est enim negatio hæc effectus censuræ , quam comminatur quidem , sed non infert Concilium Lateranense , & quam Parochus per se decernere nequit . Idque in Gallia certius est , quam alibicumque ; quia in rebus disciplinæ notorietas facti apud Gallos locum non habet . Ita ferme Auctor Theor. & Prax. Sacram. Pontas v. *Communio* , cas. 25. ubi id locum habere vult , etiam si jam Parochus juxta Episcopi Mandatum palam , & ex cathedra nominasset eos , qui in Paschate non communicaverunt , eorumque nomina declarasset Promotori , ut contra eos ageretur .

## CAPUT SEXTUM.

### *De Præcepto solvendi Decimas.*

UT materiam hanc non solum ex parte Ecclesiastici præcepti , sed *Ad tit. 30.* paulo fusius pertractem , explicandum 1. quid , & quoruplicis sint *tit. 3.* generis decimæ ; 2. an , & quibus , ac quo titulo debeantur ; 3. qua ex re *tit. 1.* debeantur , a quibus , quo tempore , & modo ; 4. quatenus , & quo pacto præstentur ; 5. paucula dicenda erunt de decimis feudalibus .

A R -

## ARTICULUS PRIMUS.

*Quid sint Decima, & quomodo dividantur.*

**D**ecima juxta vim nominis est, Portio ex decem una; juxta communem nominis usum definiri solet: Decima pars omnium fructuum, & proventuum iuste acquisite, Deo, ejusque Ministris quotannis solvenda.

Dicitur 1. *decima pars*, quæ vox locum habet generis, ut, quæ conveniat decimis quibuscumque etiam ad profanum finem ordinatis, & de quibus sæpe mentio fit in civili jure, ut Leg. 3. Cod. *De metall.* ubi privati sorsore decimas de metallisolvere jubentur.

Dicitur 2. *omnium fructuum, & proventuum*; quia ex c. 23. *De decimis*, &c. *Fidelis homo de omnibus, quæ licite potest acquirere, decimas erogare tenetur*: quæ an hodiernæ disciplinæ congruant, expendemus.

*Prov. 22.*

Dicitur 3. *iuste acquisite*, secundum id c. 27. 1. q. 1. *Hostia impiorum abominabiles, quæ offeruntur ex scelere. Quidquid enim in Dei sacrificio ex scelere offertur, omnipotentis Dei non placat iracundiam, sed irritat. Hinc rursus scriptum est Prov. 3. Honora Dominum de tuis iustis laboribus.*

Hæc tamen multipliciter limitantur a Canonistis: 1. enim, inquit, decimæ prædiales etiam ex rebus iniuste, & illicite acquisite debentur; quia sunt onus ipsi terræ inhærens, transiensque ad quemvis possessorem; quapropter, ait S. Thomas art. 2. q. 87. art. 2. ad 2. *Si aliquis ager sit emptus de usura, de fructu ejus tenetur usurarius decimas dare; quia fructus illi non sunt ex usura, sed ex Dei munere.*

2. Limitantur etiam in decimis personalibus, quæ licet ex rebus illicite simul, & invalide acquisite non debeantur, ex eis tamen debentur, quæ illicite acquisite sunt; & nihilominus valde retinentur; qualia sunt bona, quæ prodeunt ex *meretricio, biffronato, & aliis hujusmodi*. Hæc secunda limitatio, nec omnino congruit cum iis, quæ diximus in Tract. de Justitia part. 3. cap. 1. art. 4. nec ullius est usus in Gallia, prout paulo post patebit.

Dicitur 4. *Deo, ejusque Ministris solvenda*. Nam Deus decimas in signum universalis domini sibi reddi præcepit, suas esse decimas, & primitias asseverans, ex Innocentio III. cap. 26. h. 1. cui consonat Tridentinum Sess. 25. de Reform. cap. 13. cum autem Deus hominum dona per se non recipiat, quid æquius, quam ea conferri iis, qui Dei vices agunt, & a negotiis sæcularibus avulsi pro eo legatione funguntur.

Decimæ dividuntur 1. in prædiales, personales, & mixtas.

Prædiales, quæ etiam reales, æ sunt, quæ solvuntur de omnibus terræ fructibus, agrorum v. g. pratorum, vinearum, arborum, hortorum, sylvarum; item de proveniibus perceptis ex prædio rustico, vel urbano, puta domus elocatione, molendina, piscina, agro. Huc referunt multi decimas, quæ percipiuntur ex animalium foetu, aut fructu, puta ex agnis, ex butyro, caseo, melle, &c. & ii decimas mixtas rejiciunt, de quo statim.

Personales sunt pars decima lucris personalis, ejus nimirum, quod provenit ex negotiatione, artificio, militia, scientia, mercatura, secundum illud c. 66. xvi. q. 1. quod ex Augustino, & Anselmo desumptum est: *De militia, de negotio, de artificio redde decimas*. Porro reales inter, & personales decimas illud est discriminis, quod reales debentur, non deductis expensis, personales vero iisdem deductis, prout docent Barbosa, Gonzalez, alique com-

communiter. Verum hæc nihil ad nos, cum nullæ sint in Gallia decimæ personales: neque id Galliæ solius proprium est, sed & viget in Germania, ut notat Pickler h. t. n. 6.

Decimæ mixtæ eæ dicuntur, quæ partim proveniunt a natura, partim ab industria hominis; quales sunt eæ, quæ percipiuntur ex animantibus brutis, v. g. ex eorum fœtibus, lacte, lana, &c. Hi enim proventus, ait Polman, mixtim oriuntur ex prædiis, in quibus pascunt pecudes, & industria humana. Tertia hæc decimarum species a Canonistis pluribus rejicitur; quia aliqui prædiales omnes decimæ pro mixtis habendæ forent, cum frumentum, vinum, oleum, ac ipsa sœna plus, aut minus humanæ exigant industriæ: porro nemo hæctenus decimas prædiales mixtarum nomine donavit.

2. Decimæ prædiales subdividuntur in majores, seu grossas, & minores, quæ etiam minutæ, & virides dicuntur. Majores eæ sunt, quæ percipiuntur ex majoribus fructibus, ut frumento, siligine, hordeo, avena, vino, & oleo. Minores, quæ ex rebus minoribus percipiuntur, puta fâbis, pis, lentibus, milio, ciceribus, lino, cannabe, rapis, cepis, lana, caseo, buryro, &c. ad minores revocantur, quæ prodeunt ex animalium partu, agellis videlicet, vitulis, fuculis, pullis, &c. eaque decimarum species vocatur carnætica, *de charnage*. Sunt, qui velint decimas dici majores, aut minores non habita ratione rei, sed quantitatis, quæ pro soli varietate varia est. Certe sœni perceptio, quæ inter minutas decimas censi solet, majores inter censetur quibusdam in locis, ubi sœna præcipuè sunt Parochiæ opes: atque idem est de decimis lignorum. Ita Hericourt part. 4. c. 1. n. 2. & Bouchel v. *Dimes* c. 4. n. 3. ex quo colligere est quæstionem hanc, quæ de nomine esse videtur, magni in re esse momenti; quia si olerum decimæ in locis, quæ sola habent olera, ad grossas decimas revocentur, eæ non ad Parochum pertinebunt, sed ad primarios, si qui sint, decimatores.

Subdividuntur 2. in veteres, seu antiquas, & novales. Antiquæ petuntur ex terris jam antiquitus cultis: novales ex terris noviter cœptis coli, secundum id Innoc. III. c. 21. *De verbor. significat.* Eam credimus Prædecessorum nostrorum intentionem fuisse: ut novales intellexerint agrum de novo ad cultum redactum, de quo non extat memoria, quod aliquando cultus fuisset. Est & alia novalium acceptio minus propria, de qua inferius Artic. 3.

3. Dividuntur decimæ in stricte Ecclesiasticas, & temporales. Stricte Ecclesiasticæ sunt eæ, quæ juxta primævam suam institutionem Clericis hodieum intuitu spiritualis eorum ministerii solvuntur. Temporales, quæ etiam Laicæ, feudales, vel infeudatæ dicuntur, eæ sunt, quæ ad dictum finem primitus institutæ, vel usurpatæ sunt a Laicis, vel in eos ab Ecclesia justis de causis translata, nimirum, ut Ecclesiam tuerentur. Eæ decimæ dicuntur feudales, quia *jur utile* decimandi in feudum datum est Laicis, *jure directo*, & quasi radicali penes Ecclesiam remanente. Quod si spiritualis titulus omnino extinctus sit, ita ut ipsum proprietatis jus in Laicos translatum fuerit, quod quidem a solo Papa fieri potest, tunc eæ decimæ sunt mere laicales, & ut ajunt, secularizatæ.

4. Dividuntur in ordinarias, & extraordinarias, Ordinariæ eæ sunt, de quibus hæctenus dictum est; extraordinariæ, quæ apud nos vocantur *decimes*, eæ sunt, quæ olim de Paparum consensu Beneficii pro quantitate redditus impositæ sunt in gratiam Principum, idque ad tempus determinatum. Verum hujus subsidii concessio a Francisci I. temporibus perpetua evasit, prout prælagierat Petrus Blesensis Episc. 2. Bouchel *ibid.* cap. 1. n. 1.

5. Dividuntur insolitas, & insolitas. Solitæ eæ sunt, quæ in loco præstari consueverunt; insolitæ, quæ pendì non solent. Illas exigere possunt decimatores, istas non possunt. Unde cum Canonici Briocenses decimas lini petissent; aliunde vero probassent incolæ loci, se nec plus solito sevisse lini, nec usquam ejusdem lini decimas pensasse, in horum favorem judicavit Consilium Regium die Febr. 17. an. 1694. prout refert Du Perrai Tract. de Decimis p. 242. idque conformiter ad celebrem hunc Constitutionis Philippinæ textum: *Senescaillus defendat singulos a nova exactione decimarum*. Aliquando tamen concessæ sunt decimæ fructuum quorundam, ex quibus hætenus eadem decimæ perceptæ non fuerant: & ad id duo requiri videntur, 1. ut iidem fructus percipi non potuerint, sive, quia ignoti erant, sive, quia erant rariores, quam ut decenter exigi possent. 2. ut iidem fructus fructibus decimabilibus subsistuantur in tanta quantitate, ut nisi percipiantur a decimatore, is grave damnum passurus sit. Sic pars decima Iesamæ\*

\* *nt de  
Turquis.*

quam necdum experti erant Vefuntini agri, a supremo Provinciæ hujus Senatu addicta est plerisque decimatoribus, prout refert J. Dunod Regius in Universitate Vefuntina Antecessor in Gallico Tractatu de Decimis, pag. 68. His decimarum speciebus additur una quædam, quæ sequelæ dicitur, gallice *dime de suite*, ou *de sequele*; eaque locum habet, cum Parochus unus in alterius Parochi territorio decimas capit, quia pars hujus territorii a parochiano suo incolitur, præsertim ope animalium, quæ in Parochia non cultura, sed domiciliis pascunt, & pernoctant.

## ARTICULUS SECUNDUS.

*An, quibus, quo jure, & titulo debeantur Decimæ.*

**D**ecimæ spectari possunt, vel quoad substantiam, & materialiter; quatenus nempe sunt stipendium Ecclesiæ Ministris ad decentem eorum sustentationem concessum; vel formaliter, prout constant certa, & determinata quantitate, decima scilicet parte, tum fructuum, tum hujusmodi fructuum. Sic jam

CONCLUSIO I. Decimæ quoad substantiam sumptæ debentur jure naturali, divino, canonico, & civili.

Prob. 1. pars: quia jus naturale, naturalisque æquitas postulant, ut, qui nobis obsequium præstant, his congruum stipendium rependamus; ergo cum Ecclesiæ Ministri fidelibus obsequium præstent, sive ea, quæ salutis sunt edocendo, aut diu, nocturneque Sacramenta deferendo, seu pias preces, gemitusque suos pro iis effundendo; exigit vox ipsa naturæ, ut hi illis congruum præbeant stipendium; quod secundum dicta, idem est cum decimis materialiter spectatis. Quin & ea justitiæ lex ita gentium omnium cordibus insita est, ut Ethnici ipsi Sacerdotibus suis necessariis quæcumque semper suppeditaverint; uti constat ex Gen. 47. v. 22. aliisque pluribus exemplis, quæ videris apud Forgetum, vel, quod idem est apud Bonchel ibid. c. 1. n. 6. Equidem ignota est apud Orientales decimarum pensatio, forte ob Legem 39. Cod. *De Episcop.* Verum ibi decimarum vices habet solutio tributi Imperatoriis legibus constituti, quod generaliter expressum est in Novell. 3. & 43. Justiniani, & tandem taxatum Aurea Bulla Isaacii Comneni *Van-Espen cap. 1. n. 14. 15. & 16.*

Prob. 2. pars: quia ex Christo apud Matth. 10. *Dignus est operarius Evan-*

Evangelicus mercede sua: unde Apostolus 1. Cor. 9. *Dominus ordinavit iis, qui Evangelium annuntiant, de Evangelio vivere.* Et vero, ait idem ibid. *Quis milites suis stipendiis unquam? .: Quis pascit gregem, & de lacte gregis non manducat?* Merito igitur *Decima non ab homine, sed ab ipso Domino dicuntur instituta*, c. 14. *De decimis*, cui concinunt c. 24. & 26. eod. & capita plura 16. q. 2. & 7.

Prob. 3. pars, 1. ex toto tit. *De decimis*, qui etiam in 6. Clementinis; & Extravag. reperitur. 2. ex Tridentino Sess. 25. de Reformat. cap. 12. ubi sic: *Non sunt ferendi, qui variis artibus decimas Ecclesiis obvenientes subtrahere moluntur. cum decimarum solutio debita sit Deo, & qui eas dare voluerint, aut dantes impediunt, res alienas invadant.*

Prob. 4. pars ex Capitularibus Regum Francorum, ubi sic lib. 2. c. 39. edit. Baluz. *Qui decimas post exhereditas admonitiones, & predicationes Sacerdotum solvere neglexerint, excommunicentur.* Juramento vero eos *constringi notamus propter perjurii periculum.* Simile quid sanxit an. 829. Ludovicus Pius, ibid. lib. 5. c. 101. In idem annis labentibus conspirarunt Reges Christianissimi, atque inter alios S. Ludovicus an. 1269. Philippus Pulcher an. 1303. & præ cæteris Carolus IX. Edicto 8. Martii an. 1560. Hæc porro de decimis formaliter sumptis dicta, pro iisdem penes substantiam acceptis concludunt a fortiori.

An autem decimæ etiam formaliter sumptæ Juris sint divini controversatur. Veteres quidam Canonistæ, ut Abbas, Hostiensis, Innocentius, &c. decimas saltem prædiales etiam in nova Lege a Deo præceptas esse contendunt. Nituntur ii 1. variis Juris Canonici textibus, qui decimas præcipiente Domino, divina constitutione, juxta divinæ legis auctoritatem, &c. solvendas esse perhibent; 2. Matth. 23. ubi Christus de solutione decimarum loquens, ait: *Hæc oportuit facere, & illa non omittere*; 3. Matth. 5. ubi idem Salvator: *Nisi, inquit, abundaverit justitia vestra plusquam Scribarum, & Phariseorum, non intrabitis in regnum Cælorum*: ergo ad minus solvendæ sunt decimæ, prout a Pharisæis pendebantur. Verum hæc solvi possunt. Unde

Ad 1. Patres, & Pontifices decimas divino jure deberi dixerunt, non quia exet lex divina, quæ decimam fructuum partem pendi præcipiat; sed partim, quia Clericis divino jure debetur sustentatio, quæ decimarum nomine non male exprimitur; partim, quia lex de solvendis decimis ab Ecclesia condita est ad normam legis a Deo Judæis olim traditæ; partim, quia quandoque jus divinum dicitur, quod divinæ legi consentaneum est. Ita Sylvius congruenter D. Thomæ 2. 2. q. 87. art. 1.

Ad 2. verba ista: *Hæc oportuit facere*, pro eo tempore dicta sunt, quo vigebar lex Mosaica. Imo nec vox, *oportuit*, strictam necessitatem denotat, cum ex probabiliori Interpretum sententia non deberentur decimæ mentæ, anethi, & cymini, sed solum de area, & torculari, ut dicitur num. 18. v. 27. & 30. idest de frumento, vino, & oleo.

Ad 3. Argumentatio hæc nimis probat, scilicet Christianos ultra decimam partem debere Sacerdotibus; cum decimam hanc tam exacte solverent Pharisei. Sensus ergo Christi est fidelibus agendum esse, ut Phariseos

Vu 2 jugi

\* Præcipit etiam Tridentinum Sess. 24. cap. 12. ut qui decimas subtrahunt, aut impediunt, excommunicentur; verum hæc hodiernæ Regni disciplinae adversatur; quia quæ civili via obtineri possunt, per censuras obtineri non debent.

jugi perfectionis interioris studio superent, caveantque, ne ut illi virtutem totam in exteriori apparatu constituent, futuri aliqui *similes sepulchris dealbatis, quæ a foris parent hominibus speciosa, intus vero plena sunt. omni spurcitia.* Ibid. 23. 26.

Quo autem tempore decimæ prout fere nunc solvuntur, pensari cœperint, non constat omnino. Id sat pluribus receptum est sæviente ethnico- rum Principum æstu decimas necdum Ecclesiasticos inter proventus nume- ratas fuisse. Indicat id satis aperte Cyprianus Lib. de unit. Ecclesiæ, cum ait: *Nunc de patrimonio nec decimas damus.* Idem S. Doctor testatur Ep. 66. sportulas decimarum vicem subisse, prout eam in Epist. notat Rigaltius.

Extincta persecutione, & refrigercente simul, ut moris est, fidelium erga Pastores suos munificentia, aucta etiam Christianorum multitudine, cujus inopiæ subveniendum erat, senserunt piissimi quique Ecclesiæ Doctores e re esse, ut Præpositi Christiani gregis certos statolque redditus haberent. Hinc decimas ad imitationem Judæorum suadere cœperunt Hieronymus in cap. 3. Malach. Chrysostomus Hom. 5. in Epist. ad Ephes. Aug. *Enarrat.* in Psal. 146. atque ea lex æquitati aliunde tantopere consona, ita brevè crevit, ut S. Cæsarius Arelatenfis, qui exeunte sæculo quinto vixit, in Sermone de reddendis decimis hæc esset: *Decima ex debito requiruntur; & qui eas dare noluerit, res alienas invast.* Obligationem hanc sequenti sæculo certius expressit Synodus Matisconensis II. Can. 3. ubi decimarum solutionem quasi rem ratam præcipit his verbis: *Statuimus, ac decernimus, ut mos antiquus a fidelibus reparetur; & decimas Ecclesiasticis famulantibus cœremoniis populus omnis inferat: quas Sacerdotes in usum pauperum, aut in captivorum redemptionem præroganter, suis orationibus pacem populo, ac salutem impetrent. Si quis autem contumax nostris statutis saluberrimis fuerit, a membris Ecclesiæ omni tempore separetur.*

Hanc legem, quam omnium ea de re legum antiquissimam esse censent non pauci, confirmaverunt leges aliæ complures, seu a Conciliis, seu etiam a Principibus editæ. Omnium instar erit Sanctio Caroli Magni in Capitulari ejus an. 801. his expressa verbis, quæ decimarum necessitatem, & scopum mire declarant: *Unusquisque Sacerdos cunctos sibi pertinentes erudiat, ut sciant qualiter decimas totius facultatis Ecclesiæ divinis debite offerant, & cap. 7. Sacerdotes populi suscipiant decimas, & nomina eorum quicumque dederint scripta habeant, & secundum auctoritatem canonicam coram testibus dividant, & ad ornamentum Ecclesiæ primam eligant par- tem; secundam autem ad usum pauperum, vel peregrinorum. misericor- diter cum omni humilitate dispensent; tertiam vero sibi imes partem ipsi soli Sacerdotes reservent.*

Ut autem pateat, quid per Sacerdotes, de quibus loquuntur prædicta Decretâ, intelligi debeat juxta veterem, & novam Ecclesiæ disciplinam, sic CONCLUSIO II. Decimæ omnes olim Episcopo loci solvebantur, ab eo cæteris Ministris pro merito, & exigentia distribuendæ: verum hodiernò jure decimæ Parochis solvuntur, nisi obset contraria consuetudo.

Prob. 1. pars ex Can. 1. 16. q. 7. ubi sic loquitur S. Greg. VII. *Decimas sub manu Episcopi esse censemus, ut ille, qui cæteris præest, omnibus justo distribuât: quia inhonestum videtur, ut alii Sacerdotes habeant, & alii detrimentum patiantur.* Consonat c. 3. ead. caus. & qu. ubi Episcopus, qui decimas laicis, vel, quod gravius est, etiam consanguineis, distribuit, non autem Sacerdotibus propterea Diacesis, divini præcepti transgressor, & inter ma- ximas



*ximos hereticos, & antichristos non minimus esse declaratur ab eodem Pontifice. An vero disciplina hæc ubique fuerit in usu, ad minus dubium faciunt Canones mox citandi.*

Prob. 2. pars, 1. ex vita Joannis VIII. qui ante Gregorium VII. floruit. Ibi sic: *Decimas unumquemque fidelem illi Sacerdoti dare consuevimus, in cuius Parochia cum procul dubio constat ... manere.* Idem adstruunt plura ejusdem ætatis decreta, quæ refert Gratianus t. 6. q. 1. Can. 42. & seq. sed luculente Innocentius III. qui consultus, utrum in Paroeciis, quarum decimæ non a Pastore, sed ab aliis antiquitus colliguntur, novalium decimæ ab ipso Pastore, an ab iis, qui cæteras decimas colligunt, percipiendæ sint, respondet: *quod cum perceptio decimarum ad Parochiales Ecclesias de jure communi pertineat, decima novalium, quæ sunt in Parochiis earumdem, ad ipsas procul dubio pertinere noscuntur, nisi ab his, qui alias percipiunt decimas, rationabilis causa ostendatur, per quam appareat novalium ad eos decimas pertinere.* Atque hinc manavit illud Canonistarum axioma, Campanile esse solum Parocho titulum ad decimas.

2. Ex Concilio Cabilonensi II. an. 813. quod, ut sua Parochis assereret jura contra Episcopos, & Abbates quosdam, qui non sinebant dari decimas Ecclesiis, ubi coloni eorum audiebant Missam, decernit ut *Episcopi, & Abbates de agris, & vineis, quæ ad suum, & fratrum stipendium habent, decimas ad Ecclesias deferri faciant: familiæ vero ibi dent decimas, ubi infantes eorum baptizantur, & ubi per totum anni circulum Missas audiunt.* Atque ea lex, ait Van-Espen ibid. c. 3. n. 10. tam stricte observatur jamdum, ut nullam hodie in Parochialium Ecclesiarum decimis portionem habeat Episcopus; nisi forsan ex particulari conventionem, vel titulo aliqua earum pars ipsi reservata fuerit.

Dixi: *nisi contraria obstat consuetudo*: 1. enim communis omnium fere Doctorum sententia contra Glossam tenet, *quartam* singularum decimarum partem de jure communi debitam esse Episcopis; prout colligere est ex cap. 13. & 16. *De officio judic. ordin.* item & ex cap. 4. *De præscript.* ubi definit Alexander III. quod *Clericus præsertim Parochus* (ab hoc enim de decimis jam collectis *quartam* accipit Episcopus, prout observat Barbosa de offic. & potest. Paroch. p. 3. cap. 28.) *ab impetitione ejusdem Episcopi, quadragenali præscriptione temporis se posse tueri videtur.* Unde colligit Fagnan. in c. *Cum contingat*, 29. h. t. n. 13. *quartam decimæ Parochianæ partem Episcopus debitam esse; & idipsum cum aliis docet Reiffenstuel hic n. 107.* Addit is quidem *quartam* hanc contraria consuetudine multis in locis esse sublatam; verum, quod multis in locis sublatum est, non ubique sublatum est.

2. Cum decimæ olim penes Episcopos forent, hi aliquam eorum partem quarta majorem sibi quandoque, & Cathedralis Ecclesiæ Canonicis reservaverunt: & id citra injustitiæ labem fieri potuit, tum quoad Episcopos, verum aliquando breves erant redditus, & onera gravia, tum quoad Canonicos, qui genuini sunt, & ut ajunt, nati Antistitum consilarii.

3. Quia ad erigenda, vel dotanda Monasteria concessæ sunt Parochiales decimæ Monachis, qui Parochorum primitivorum nomine fructus percipiunt, & congruas Vicariis portionem ad victum suppeditarunt.

4. Quia infensatæ decimæ laicis concessæ, vel penes eos hædenus remanserunt, vel ab iis ad alias, quam Parochiales Ecclesias in quarum territorio percipiebantur, translatæ sunt. His de causis factum est, ut Parochi complures

non capiant decimam, sibi laboris, & operarum titulo cæteroque competentem. In his tamen standum est consuetudini legitime præscriptæ; tum quia is demum abusus cæteris gravior est, qui abusus omnes emendare tentat; tum quia viris paulo avidioribus lucri multa abusus olere videntur, quæ primævis regulis consentiunt: sic enim antiquitus non Parochis solis, sed & Canonicis, (quos, si suo recte officio defunguntur, utilem Ecclesiæ operam navare nemo negaverit) constitutæ erant decimæ, ut patet ex c. 21. & 26. h. t.

CONCLUSIO III. Decimæ pensitari debent titulo religionis, & iustitiæ.

Prob. 1. pars, ex cit. c. 26. ubi docet Innocentius III. quod *Deus decimas in signum universalis domini sibi reddi præcepit, suas esse decimas, & primitias asseverans*: atqui, quod debetur in testificationem universalis domini Dei, illud indubie debitum est titulo religionis: ergo.

Prob. 2. pars; quia decimæ debentur, ut pars stipendii, quo se, egenosque sustentare debent Clerici decimatores: *Decimæ namque tributa sunt egentium animarum*, Can. 66. 16. q. 1. jam vero debitum est ex iustitia, quod debitum est titulo stipendii: ergo.

Hinc peccant graviter, qui decimas vel subtrahunt, vel ex iis componunt, quæ in area, vel torculari deteriora sunt; aut non solvunt ubi iuxta locorum consuetudinem solvi debent. Hinc c. 66. 16. q. 1. *Si tardius dare decimas peccatum est, quanto pejus est non dedisse, & iterum: Hæc est Dei iustissima consuetudo, ut si illi decimam non dederis, tu ad decimam venoceris. Dabis impio militi, quod non vis dare Sacerdoti, & c. 8. ead. causa q. 7. Majores nostri ideo copiis omnibus abundabant, quia Deo decimas dabant, & Cesari censum reddebant: modo autem, quia discessit devotio Dei, accessit inditio fisci. Nolimus partiri cum Deo decimas; modo autem totum tollitur: hoc tollit fiscus, quod non accipit Christus. Vide c. 3. Malachiæ.*

Saltem, inquit, non sunt pensandæ decimæ Clericis, qui aliunde abundantes habent redditus; aut qui eas malos in usus impendunt.

R. ad 1. decimas Clericis etiam ditibus solvi debere; quia decimæ non penduntur Clericis præcise, ut egenis, sed 1. quia præcepit Deus saltem mediante Ecclesia, ut hac ratione supremum ejus in omnem terram dominium agnoscant homines, prout docet Innocentius III. c. 26. h. t. 2. quia, qui decimas percipiunt, ministrant spiritualia; nemo autem nisi dives propriis stipendiis militat; nec debet quis, quia pauper non sit, jure suo privari. Adde, quod Clerici quidquid e decimis superfluum est honestæ sustentationi, in egenos, aut pias causas impendere debent.

R. ad 2. cum eodem Innocentio III. ibid. quod fideles prætextu nequitie Clericorum nequeunt decimas aliis, quam quibus ex mandato divino debentur, pro suo arbitrio erogare: cum nulli sit licitum aliena cuiquam concedere præter domini voluntatem. Hæc tamen aliquando in praxi limitari posse judicant Doctores, quos citavimus in Tract. de Iustitia part. 2. alias 3. c. 2. art. 6. sect. 3. Ne quis tamen restrictione ibid. apposita abutatur, revocandum est in mentem, damnatam esse a Concilio Constantiensi assertionem hanc: *Decimæ sunt pura elemosina, & Parochiani possunt propter peccata suorum Prælatorum ad libitum suum auferre eas.*

Quæres, quid sentiendum de Parocho, qui quia dives est, decimas non exigit.

R. Parochum hunc peccare graviter, 1. quia hac sua agendi ratione cau-

causa esse potest cur contra decimarum pensitationem præscribant Parochiani, ut infra dicemus: hinc autem grave subiret detrimentum Parochia sua, cujus bono utpote non suo, sed Dei, consulere tenetur; 2. quia, ut alibi diximus, Beneficarii reddituum suorum domini non sunt, sed dispensatores vinculati, qui proinde eos nonnisi in pias causas erogare possunt: ergo cum quis decimas omnes omnibus dimittit, ac consequenter tam divitibus, quam egenis, Ecclesiae bonis pessime abutitur. Imo si Parochus eos solum, qui vere egeni sint, a decimarum onere eximat, necessum est, ut ab iis impetret scriptum, quo vel ipse, vel successores sui adversus præscriptionem tueri se possint. Ita Pontas v. *Dime*, cas. 6.

Quæres rursus, an Parochus possit homini decimas injuste neganti vim inferre, elve Sacramenta, aut divina negare.

R. negat. cum Navar. L. 3. Consil. 2. de Decimis, Rebuffo, & aliis communiter: 1. quoad vim res est manifesta, tum quia Parochus in gregem suum externi fidei jurisdictionem non habet; tum quia si haberet, non posset, sicut nec alius quivis, Index esse in propria causa, Leg. 10. ff. *De Jurisdic.* Quoad Sacramenta vero, esset quoque culpandus, qui ea ob negatas sibi decimas subtraheret; quia forte, qui eas negat, ab iis immunem se credit iusta de causa. Unde res ad legitimum Judicem deferri debet, cui si non obsequatur debitor, poterit aliquando arceri a Sacramentis tanquam iniquus, & notorius alieni boni detentor.

### ARTICULUS TERTIUS.

*Quæ ex re Decima solvi debeant.*

Circa res ex quibus præstandæ sunt decimæ, Quæres r. an ex universis fructibus, qui in loco crescunt, solvi debeant.

R. Stando in jure communi, decimæ de vino, grano, fructibus arborum, pecoribus, negotiatione, de ipsa etiam militia, de venatione, de negotio & artificio, de universis legitimis, de proventibus molendinarum, piscinarum, feno, uno verbo de omnibus omnino proventibus decima sunt Ministris Ecclesie tribuendæ. Ita habetur c. 3. §. 22. 23. 26. hoc tit. juncto c. 66. 16. q. 1. quæ tamen pro negotiatione, & artificio limitantur ad res juste acquisitas, prout dictum est supra.

Dixi: *stando in jure communi*: quia ejus dispositio, nec quoad decimas personales ubique servatur, nec quoad universalitatem prædialium; cum quibusdam in locis ejusdem etiam Diocesis alii percipiant decimas solum majores; alii etiam minutas, alii hanc vel illam minutarum partem.

Utrum autem minorum fructuum decimæ debeantur, cum hi cum majoribus granis mixtum ferantur, & colliguntur, gravis est controversia, & parenslitum, quæ non semper eodem modo a Judicibus diremptæ sunt. Quandoque enim additæ non sunt Parochis decimæ, nisi major esset grani decimabilis quantitas; quandoque ad abigendas colonorum fraudes, etiam ob minutam rei decimabilis quantitatem adjudicatæ sunt rei totius decimæ; quandoque etiam, (hæc tandem invaluisse videtur Jurisprudencia) æstimata est rei decimabilis quantitas, & hinc decimæ proportionally additæ sunt. Vide Dunod. p. 92.

Quæres 2. an non aliquando solvi possint decimæ ex fructibus, qui in aliena Parochia nascuntur.

R. geminam sub quæstione proposita latitare difficultatem. Prima est, an qui in una Parochia domicilium habet, de prædiis, quæ in aliena possidet Parochia, decimas dare teneatur ei, a quo recipit Sacramenta. Secunda est, an cum Parochia in plures subdividitur Ecclesias, possit matrix Ecclesia solitis decimis privari, quæ Ecclesiis recens constructis accrescant.

Quod ad primum attinet, decimæ prædiales solvi debent Parocho, cujus intra limites existunt prædia, nisi in contrarium sit loci consuetudo. Patet id ex c. 13. h. t. ubi universaliter, & indistincte statuitur, ut si terra .. *intra certam alicujus Ecclesiæ Parochiam fuerint, decimas earum eidem Ecclesiæ assignari faciat Episcopus*. Hujus autem Sanctionis ratio affectus duplex: 1. quod decimæ prædiales sint onus rebus ipsi inhærens: porro in oneribus reabilibus non inspicitur colonus, sed locus ubi res sita est; secundum id Leg. 4. ff. *De censibus*. Qui agrum in alia civitate habet, in ea civitate proferri debet, in qua ager est: agri enim tributum in eam civitatem debet levari; in cujus territorio possidetur; 2. quia difficile nimis videtur, ut una Ecclesia in territorio, imo & quandoque in Episcopatu alterius recipiat decimas; cum ex hoc locorum, & Episcopatum fines confundi non immerito viderentur, cap. 18. eod. tit.

Dixi: nisi extet in contrarium loci consuetudo; huic enim, utpote quæ in decimarum materia sicut in aliis pluribus vim habeat legis, incunctanter ad hærendum erit, prout statuitur eod. cap. 18. Cui consonat id capitis 20. ibid. *Æquum est, ut illi Ecclesiæ decimæ personales reddantur a fidelibus, in qua Ecclesiastica percipiunt Sacramenta. Decimas vero messium, vel fructuum arborum, si coluerint in alia Parochia, quam in ea, in qua habitantur; tu eligas in hoc casu, quod per consuetudinem diu obtentam ibidem noveris observatum*.

Neque, ajunt Canonistæ, consuetudo hæc prorsus iniqua est; tum quia si Parochus vicinus in Parochia tua e Parochiani sui prædio decimas legat, tu pari jure erga Parochianum tuum uti poteris; tum quia si tibi necessaria desint, jus habes ad decimas materialiter sumptas, seu ad honestam sustentationem, ad quam ii etiam concurrere tenentur, qui, vi consuetudinis, alieno Parocho decimas de prædiis intra limites tuos positis pensitant.

Sed quid, si terra hæctenus dumis horrida, incolæ cæperit, fructusque pariat decimis obnoxios, & nesciatur cui Parocho subiaceat.

Sunt qui, decimas loci hujus ab Episcopo, ut universali Diocesis Parocho percipi velint; alii easdem ab ipso assignari volunt cui Parochiæ volent: & utrumque permittit Alexander III. c. 13. h. t. alii demum eas vicinos inter Parochos dividendas esse censent. Ita, qui rem relinquit dubiam, F. J. Dunod. p. 43. Nulla est ex his opinionibus, quæ in praxi non possit intervenire. Quidni enim si Episcopus pauper hujusmodi decimas sibi assumat? quidni si vicinorum Parochorum alter sit dives, inops alter, eas huic, non illi adjudicet? quidni si dives sit Episcopus, & Parochi in bonis æquales, decimæ ex æquo dividantur inter utrumque?

Quod spectat ad alterum difficultatis caput, censent Layman, Pirhing, & alii quidam, erecta noviter per divisionem Parochia, jus percipiendi decimas ipso facto transire ad novum Parochum in limitibus sibi assignatis: verum doctrina hæc, etsi rationi admodum consentanea videtur, ab aliis impugnatur ut parum congrua Tridentino, quod Sess. 21. cap. 4. statuit, ut *Sacerdotibus, qui de novo erunt Ecclesiis noviter erectis præficiendi, competens assignetur portio, arbitrio Episcopi ex fructibus ad Ecclesiam matricem quomodocumque pertinentibus*: porro si nova Ecclesia ex ipsa sui erectione, & ipso

facto jus haberet percipiendi decimas in limitibus suis, necessum non esset, ut ei ab Episcopo assignaretur portio competens, neque hæc Episcopi arbitrio, sed ipso jure assignaretur. Unde S. Congregatio Concilii interpret, ad preces Roæ an. 1617. declaravit, prædiales decimas, etiam de limitibus Parochiæ noviter erectæ, remanere, ut antea, penes Ecclesiam matricem, nisi Episcopus certos assignando limites, eorundem decimas simul assignaverit. Ita refert Fagnan in c. *Cum contingat*, 29. h. t. n. 42. & seq. eique, upote tunc Congregationis Secretario habenda fides. Idem docet cum communi aliorum Reiffenstuel eod. tit. n. 104.

Hæc duæ opiniones facile satis conciliari possent, si, ut aliquibus placet, Tridentinum, & interpret ejus Congregatio per Ecclesiam matricem, intelligeret Ecclesiam *baptismalem*, sic dictam, quod ad eam adhuc deferri debeant Baptismi recipiendi gratia infantes intra limites Parochiæ noviter erectæ nati: hoc enim posito, nova Parochia non esset Ecclesia vere, & perfecte Parochialis, sed quasi ex earum numero, quæ in Gallia vocantur *succursales*; porro nihil mirum, quod erectæ succursalis decimas non capiat, nisi eæ sibi speciali titulo assignentur. Aliud esset, ut plurimum, si plena fieret, & integra dismembratio; quamquam, ut notat Dunod ibid. p. 51. possit aliquando *matrix* Parochia in Parochia *filiali* decimas percipere, si ita conventum sit in facto dismembrationis. Cæterum plenas eas dismembrationes odit Ecclesia, nec nisi gravibus de causis patitur, prout observat Cardinalis de Luca discursu 16. in Trident. n. 3.

Quæres 3. an novalia Parochis omnibus debita sint. Pro solutione quæstionis

Not. 1. novalia dupliciter sumi posse, proprie, & improprie. Novalia proprie sunt fundi, qui cum, vel nunquam, vel nonnisi ultra memoriam hominum culti fuerint, nunc novissime colicœperunt, ut cum paludes in vineas, aut loca vepribus hirsuta, gallice *Landes*, in agros frugiferos vertuntur: novalia hoc sensu sumuntur cap. 1. & 21. *De verb. signif.* Novalia minus proprie sumpta, sunt fundi, qui cum olim fructus a decimis immunes ferrent, nunc novam experti culturæ speciem, fructus decimabiles pariunt.

Not. 2. extra dubium esse novalium decimas pertinere ad Parochos, qui cæteras loci decimas percipiunt. Unde quæstionis sensus est, an Parochi, qui decimateores non sunt, novalium decimas percipere debeant. His præmissis

R. decimas novalium hætenus incultorum Parochis deberi, 1. quia ita expresse definiit Innocentius III. cit. cap. 29. hoc tit. ubi sic: *Cum perceptio decimarum ad Parochiales Ecclesias de jure communi pertineat, decime novalium, quæ fiunt in Patæciis earundem, ad ipsas procul dubio pertinere noscuntur; nisi ab iis, qui alias percipiunt decimas, rationabilis causa ostendatur, per quam appareat novalium ad eos decimas pertinere.* Idem decernit Alexander IV. c. 2. ibid. 2. quia ita serunt hujus Regni leges, ut patet ex Declaratione Ludovici XIV. data die Januarii 29. an. 1686. ubi sic: *Poulons que les portions congrues, que les decimateurs sont obligés de payer aux Curés ou aux Vicaires perpétuels, demeurent à l'avenir fixées dans toute l'étendue de notre Royaume, &c. à la somme de trois cents livres par chacun an, &c. outre les offrandes, les honoraires, & droits casuels, qui s'ont payés, tant pour les fondations, que pour d'autres causes; ensemble les dîmes noyales sur les terres, qui seront desfrichées depuis que lesdits Curés ou Vicaires perpétuels auront fait l'option de la portion congrue, au lieu du revenu de leurs Cure ou Vicairerie, en conséquence de notre présente Declaration.* Quibus ex verbis colliges novalia dimissa a Parochis, qui con-

congruam portionem optaverunt, ab iisdem jam repertum non posse, sed ea tantum, quæ a prædictæ optionis temporibus surrexerunt: imo nec ista efficaciter peterent contra decimatores, qui privilegium habent fruendi novalibus quibuscumque. Hinc etiam post citatam mox Declarationem anni 1686. decimæ recentium novalium pluries contra Parochos assignatæ sunt Monachis Cluniacensibus; utpote, qui speciale habeant privilegium, quo Parochorum juri derogatur. Vide Héricourt de Decimis n. 9. pag. 589. & animadvertite cum eodem n. 8. præxim alicubi observatam, puta in districtu Tholosano, & Attibatensi, ut Parochi, novalium quæ hactenus inculta fuerant, decimas nonnisi per aliquot annos, quinque v. g. aut decem percipiant, principiis juris contrarium esse: quia nihil concessum est antiquo Decimatori juris in fundum minime frugiferum; nec potuit idem Decimator præscribere, quod nunquam possedit.

Suas etiam Episcopi in decimis quorundam novalium partes attribuit Ludovicus idem XIV. Edicto mensis Februarii an. 1657. ubi hæc habentur articuli. 7. *Pouvoirs, & ordonnans, qu'aux Paroisses où les Evêques jouissent d'une portion de la grosse dime, ils soient maint maintenus en la possession, & jouissance d'une portion égale, en la dime des Novales; comme les Cures en la possession de la quatrième partie des novales, aux lieux où les Evêques jouissent de toute la grosse dime.* Verum notat Héricourt ibid. n. 7. Edictum illud, utpote ne in una quidem suprema Regni Curia verificatum, vim legis non habere: unde etiamnum divisi sunt circa punctum istud Jurisconsulti, aliis contententibus Episcopos jure sibi per Edictum concessio fuisse debere, aliis negantibus.

An primitivi Parochi jus habeant ad decimas novalium præ Vicariis perpetuis, nova est controversia. Negat idem Héricourt, 1. quia stat aliquem Parochi primitivi titulo gaudere, nec tamen decimis ullis frui; ergo; ut ex sola Parochi primitivi conditione nullum exurgit jus ad decimas, sic nec ad perceptionem novalium; 2. quia Episcopi, qui Monachis concessere *altaria*, id est Parochiarum proventus, non alios, quam qui tunc temporis percipiebantur redditus, concessisse censendi sunt, cum bonorum omnium donatio præsentia solum complectatur, non futura. Aliud esset si primitivus Parochus speciale haberet privilegium ad omnes prorsus etiam futurorum novalium decimas; quale habent Cluniacenses, quale & habet Regia S. Dionysii Abbatia, utrumque a Majori Consilio recognitum, & conservatum. Huic autem privilegio æquivaleret, vel titulus, vel immemorialis possessio, ex qua idem titulus legitime præsumeretur.

Quod attinet ad cætera novalia, triplex eorum occasione proponi potest quæstio. Prima, an si fundus rei decimabilis ferax, versus sit in fundum non decimabilem, v. g. ager frumentarius in sylvam, ex eo, ut antea decimæ solvi debeant; 2. an contra debeantur decimæ ex fundo, qui ex minime decimabili factus est ratione fructuum decimabilis; 3. an posito, quod inde debeantur decimæ, eæ debeantur Parochi, qui cæterorum fructuum decimas non percipiat.

Quod spectat ad primam quæstionem fatentur omnes 1. cum qui agros suos non colit, non teneri ad decimas in specie. Dico. in specie; quia si mutua inter fundi proprietatium, & decimatiorem facta esset conventio de tali summa singulis annis solvenda, ad eam teneretur proprietarius, sive agrum coleret, sive non; nisi ager chafvate, aut aquis perisset. Ita Grimauder in Gallico Tractatu de Decimis Lib. 3. cap. 3.

2. Unicuique licitum esse fundi sui culturam immutare, quia rei suæ quisque moderator est, & arbiter.

An autem facta hac fructuum fundi conversione, debeat quis decimas e fructibus novis, qui in loco non sunt decimis obnoxii, seriodisputatum est. Afferunt multi, imo omnes Tempore Fevreti, ut patet, ex Tract. de Abusu L. 6. c. 1. n. 4. qui plura hanc in rem citat Tholosani, & Parisiensis Senatus Consulta. Ratio est 1. quia decimæ sunt onus rei, seu fundi; porro onus cum ipsa retransit; 2. quia alioqui penes proprietarium esset decimatores fraudare jure suo; cum ad id sufficeret soli superficiem immutare.

Opposita tamen opinio tuta est practice, nisi subit dolus; 1. quia sicut qui fundum minime decimabilem vertit in decimabilem, eo ipso debet decimas, quas non debebat antea; sic a contrario in proposito casu: neque enim æquum est, ut decimator in hypothesebus oppositis commodum semper sentiat, & nunquam onus; 2. quia si proprietarius decimas non debeat, cum fundi sui culturam negligit; non est cur debeat, cum fundi superficiem immutat; 3. quia decimæ cum sint *quarta pars fructuum*, debentur ratione fructuum, non ratione fundi. Atque ita judicatum est tum a Senatu Vesuntino, tum a Majori Consilio.\*

Ab hac tamen regula excipiendi essent casus doli, & excessus; ne scilicet tot jugera verterentur in culturam a decimis immunem, ut inde notabile damnum perciperent decimatores; quem in sensum judicaverit Senatus Aquilexientis, Tholosanus, &c. De quo vide citatum Dunod pag. 75.

Nec est, quod objicias proprietarium posse ex dictis totius fundi sui culturam negligere; nec tamen ob id venire posse in suspicionem doli.

Nam 1. rarum est, ut qui non desipit, agros suos omnes relinquat incultus; 2. si forte id contigerit, potest Parochus a Magistratu obtinere licentiam eodem agros excolendi pro rata portionis sibi debite, & tunc deductis impensis omnibus decimas capiet, sicque sibi providebit. In hoc tamen casu si Parochus v. g. jugera duo Henrici incolenda tradat, vel eidem Henrico, vel alii cuiquam, non poterit decimas in iis præripere; quia, quos percipiet fructus, æquivalent decimis, ad quas solas jus habet. Ita Pontas v. *Dimes*, cas. 3.

Quod attinet ad secundam questionem, an scilicet fundus, qui olim, vel nullo ferebat fructus, vel ferebat fructus a decimis liberos, nunc autem decimabiles parturit, possit decimari, hæc inquam questio soluta manet ex dictis unde tota, quæ superest difficultas, in eo consistit, an idem fructus novalium instar pertineant ad Parochum, an ad decimatorem, quia si sit a Parocho. Qua de re

Dico 1. si fundus nullos unquam tulerit fructus, & nunc incipiat parere decimabiles, ii communi jure pertinent ad Parochum: quia hic tota, & plena occurrit ratio novalium, quorum fructus ad Parochum pertinent, ex quo etiam congruam portionem elegit, ut supra dictum est: quamquam alicubi horumce fructuum decimæ, ut jam observavi, non nisi ad aliquot annos assignentur Parochis, eo prætextu, quod novalia post quinquennium, aut decennium desinant esse novalia; quæ ratio seipsa corrumpit; quandoquidem juxta vetus effatum: *Semel novale, semper est novale*.

Dico

\* Non desunt Arresta, quæ adjudicent decimas fructuum quos, quis perciperit e fundo antea decimabili; & hæc facilius obtinentur ab iis, qui probare possunt, scilicet e tali fructu decimas non percipiant, eas tamen ex eodem fructu percipere, quoties is nascitur in fundo olim decimabili Vide, & concipe, si potes, Duperrai L. 2. c. 12. Vide, & Papon. L. 1. Arrest. tit. 12. c. 9. ubi refert Senatusconsultum, quo a petitione sua excludit Parochus, qui decimas piscium stagni ex arabili fundo procreati requirebat.

Dico 2. si vel ex sulcis, vel ex titulis, aut seniorum testimonio constet tellurem aliquam olim cultam fuisse, fructus ex ea nunc prodeunt, ad decimatorem non ad Parochum pertinere videntur: 1. quia terræ eæ veteram novarum rationem non habent; cum ex probabilibus indicis constet, eas olim cultas fuisse; 2. quia cum olim cultæ sunt, decimator suum in eas jus habuit; quod quidem cum defectu culturæ suspendi potuit, nec tamen debuit extingui; 3. quia varia supremorum Senatuum Placita definirunt non esse novalem fundum, qui olim etiam ultra memoriam hominum cultus fuerat, imo in quo creverant arbores centum annis majores. Vide Hericourt ibid. n. 8. & Danod. p. 33. & 34. unde allata supra ab Innocentio III. novalis definitio explicatur per hanc S. Hieronymi, quæ habetur cap. 1. *De verb. significat. Novale est ager nunc primum præcisus*; seu, ut loquitur Cujacius, *primum aratrum expertus*.

Si tamen probabile foret terram, quæ olim exculta est, tunc temporis novalem fuisse, aut versam eam fuisse aratro non ad culturam, sed ad venustatem loci, decimæ ejus Parocho, non alii decimatori adscribendæ forent. Interim hinc colligent Parochi, invigilandum sibi esse circa terras, quæ aliquando vertuntur aratro, absque eo, quod iis mandentur semina. Indubie enim lapsu temporum, vel ipsis ex sulcis præsumuntur novalia non esse, quæ vere novalia erunt.

Quæres 1. quid Juris circa decimas sequelæ.

R. sequendum id Lucii III. cap. 20. *De decimis. Decimas messium, vel fructuum arborum, si qui coluerint in alia Parochia, quam in ea, in qua habitant, quoniam a diversis diversa consuetudo tenetur, tu eligas in hoc casu; quod per consuetudinem diu obtentam ibidem noveris observatum*. De ea insolita decimarum specie vide Hericourt n. 20. & animadvertite eas non deberi, cum alterius Parochiæ incola, licet terram bobus suis exerceat, non pro se, sed pro alio laborat.

Quæres 2. an e fructibus horticum, aut loci septi decimæ solvidebeant.

R. decimæ ex hortis communibus non solvuntur nisi quibusdam in locis. Si tamen fundus arabilis, aut vinea muro circumcluderetur, ex utroque decimas pendere necesse foret. Quia & ex septo leguminum dumtaxat feraci deberentur decimæ, si in eo conclusa esset pars magna terrarum, quæ prius decimis obnoxia fuisset. Cæterum si in frumentaria terra extent arbores frugiferæ, moris est, ut decimator ex iis decimas non percipiat, etsi aliunde decimas capiat ex arboribus. Alicubi tamen contraria invaluit consuetudo; & id est, quod gallice dicimus: *Dimer sur le haut, & sur le bas*. Hericourt ibid. n. 26. & 27.

Quæres 3. qui solvendæ sint lanæ, & agnorum decimæ.

R. ei solvi solent, cujus in territorio pernoctant potissimum hyemali tempore; non ei, cujus intra limites pascuntur, nisi aliter consuetudine receptum sit. In dubio res hujusmodi ex vicinarum Parochiarum usibus designantur. Si animalia ex æquo duobus in locis habitent, æquum est, ut decimæ eorum dividantur: si plus in uno, quam in alio loco, testatur Forgeet c. 4. n. 6. moris esse in Gallia, ut adhuc fiat divisio inter Parochos servata proportionem temporis, quo animalia in Parochia manserint, & pabula receperint. Quamquam, ut notat Rebuffus q. 6. n. 27. sæpius observatur, ut is decimas capiat, cujus intra limites frequentius pascuntur animalia. Unde in his omnibus standum est consuetudini, quæ sola pene circa minores decimas legem facit, ut notat Duperrai Lib. 2. cap. 7. p. 338.

A R-



## ARTICULUS QUARTUS.

*Qui ad Decimas teneantur.*

**Q**uestio est, an ad decimas teneantur pauperes ipsi, Episcopi, Religiosi, Parochi, qui sua in alienæ Parochiæ limitibus prædia habent. Qua de re

Dico 1. ne ipsi quidem pauperes, a decimarum præstatione liberi sunt. Ratio est, quia decimæ quocumque tandem titulo debeantur, vere debitæ sunt. Porro pauperes sua sicut alii debita pensitare tenentur, nisi, vel in extrema sint necessitate, vel eandem ex debitorum solutione sint experturi; de quo vide, quæ dixi Tom. 1. ubi de causis a restitutione excusantibus.

Exigit tamen Pastoralis charitas, ut si ad asserenda sua Ecclesiæ jura percipiantur decimæ ex miserorum bonis, eæ iisdem in æquivalenti restituantur: præsertim, cum decimæ sint *tributa egentium animarum*, ex Can. 66. xvt. q. 1. quod si ob urgentem inopiam aliquando decimas ipsas remitti contingat, lequendum est id, quod inuimus sub finem Articuli 1. Non raro tamen partitur substantiam suam Parochus inops cum inope colono; dum decimator alter luxurians bonis, miserabilem rusticum suffocat, dicens: *Redde, quod debes*. Nempe impletur omni ævo id Prov. 12. *Piscera impiorum crudelia*.

Cæterum non hæretici tantum, sed & infideles, ac Judei compellendi sunt ad dandas decimas de domibus, & possessionibus aliis, de quibus, antequam ad Judeos quocumque titulo pervenissent, Christiani dare consueverant, nimirum, ut sic Ecclesiæ conseruentur indemnes. Ita Innoc. III. cap. 18. *De usuris*. An autem ii decimas debeant ex bonis, quæ penes Judæos semper fuerint, controvertunt Canonistæ: sed hæc passim inutilia sunt, quia Judæi realia bona tenere passim prohibentur.

Dico 2. receptum est, ut Episcopi, ex Episcopalis mensæ redditibus decimas non præstent. Habentur enim, & sunt Episcopi. Diœcesis suæ totius primarii Parochi. M. n. e

Idem pari jure dicendum de Parochis, qui fundos Parochiæ suæ annexos in alterius Parochia possident. Imo communis Canonistarum opinio tenet Clericos simplices non teneri ad decimas fructuum, quos e Beneficio suo percipiunt, nisi in casu paulo post assignando. Assertionis hujus ratio desumitur ex cap. 2. *De decimis*, ubi sic: *Novum genus exactionis est, ut Clerici a Clericis decimas exigant, cum nusquam in lege Domini hoc legamus: non enim Levitæ a Levitis decimas accepisse leguntur*; qui textus etiam varias patitur interpretationes, nostro tamen sensu a Barbosa, Rebuffo, & aliis communiter post Glossam intelligitur.

Aliud est 1. cum Clerici, quicumque ii sint, secularia possident bona: tum quia, quoad hæc ejusdem sunt cum cæteris fidelibus conditionibus; tum quia res transit cum onere suo. Unde etiam si Episcopi rem decimarum oneri subjectam acquirant titulo temporali, ex iis decimas pendere tenebuntur: secus, si quid Ecclesiæ suæ uniendum comparent; istud enim jam fiet bonum Ecclesiasticum. Si tamen res a Parocho acquisitæ, jam antea alii Ecclesiæ decimas deberent, ad eas Parochus teneretur; cum decimator jure sibi jam acquisito spoliari non debeat. Et ita judicatum est ann. 1699. & confirmabitur ex modo dicendis.

Aliud est 2. juxta majorem Doctorum partem, cum Beneficia dotata sunt ex prædiis, ex quibus antequam in dotem assignarentur, solvebantur de-

*Hericon 1  
num. 31.*

decimæ; hæc enim prædia, licet jam sint Ecclesiastica, debent decima parochi, cujus intra limites sita sunt, sive is proprius sit Beneficiarii Parochus, sive non. Ita Fagnan in cap. *Nuper* 34. h. t. n. 10. Barbosa, & alii communiter contra Pirhing. hic n. 42. Ratio autem est, 1. quia prædia hæc, ut & aliæ quævis res transeunt cum onere suo. 2. quia aliqui privaretur Ecclesia prior jure jam acquisito; quod admittendum non est, quandoquidem uni consulendum sit cum alterius jactura, ex c. 13. xi. q. 3. 3. quia citato cap. *Nuper*, statuitur, ut Cistercienses, alique regulares, de prædiis ad fundanda nova Monasteria acquisitis, etiam si ea propriis manibus, aut sumptibus excolunt, decimas persolvant Ecclesiis, quibus ratione prædiorum antea solvebantur; idque, ne occasione privilegiorum suorum, Ecclesiæ, seu Parochiæ ulterius prægraventur.

Dico 3. Religiosi, tam exempti, quam non exempti, de terris, & possessionibus acquisitis hactenus, & amodo acquirendis decimas integre solvere tenentur illis Ecclesiis, quibus eadem possessiones, & terræ prius fuerant decimales, nisi super hoc speciali jure, vel privilegio sint muniti; ita statuebat circa ann. 1298. Alexander IV. cap. 2. *De decim.* in 6. Ratio est, tum quia huc redeunt rationes mox allatæ ubi de Clericis; tum quia abstrahendo a privilegiis, & inspecto jure communi Regulares Parochiis erant subiecti, & ab iis percipiebant Sacramenta, ut patet ex Can. 6. 7. 40. & 46. xvi. qu. 1.

Hodie tamen, uti notat Reiffenstuel. Minorita h. t. n. 53. Religiosi omnes aliquo saltem modo a solvendis decimis immunes sunt per privilegia partim communi juri inserta, partim specialiter concessa.

Circa hæc porro privilegia multa docent exteri Canonistæ, ut r. quod nullius sint momenti, nisi dentur cum clausula derogatoria Conc. Lateranensis, ex quo desumptum est cap. *Nuper*, supra citatum; unde privilegium, ut hac in parte valeat, hanc, ut parem habere debet clausulam: *Non obstante aliqua Constitutione, etiam in Concilio generali habita.* 2. quod in generali privilegiorum communicatione quantumvis ampla, non communicetur privilegium immunitatis a decimis; (idque etiam si expressa fiat mentio de decimis; quia aliqui concessa immunitas ad decimas extraordinarias restringetur, neque de solitis, & prædialibus intelligenda erit.) Ratio est, quia communicatio privilegiorum non se extendit ad ea, quæ nonnisi cum magna difficultate conceduntur; porro difficile admodum conceditur immunitas a decimis. Atque ita pluries definierunt Rota, & S. Congregatio teste Fagnan ibid. n. 33.

Nobis vero circa immunitatem a decimis privilegio Pontificio concessam, pauca hæc observare sufficiet, nimirum r. privilegia hæc, non valere in Galliis, nisi confirmata sint regio diplomate debite verificata. Sic confirmata sunt privilegia Ordinum Cisterciensis, Militensis, & Præmonstratensis.

Cap. xi.  
De decim.

2. Eadem privilegia ad ea tantum prædia extendi, quæ propriis manibus, vel sumptibus colunt Regulares, non ad ea, quæ elocant; quæ tamen limitatio fallit in Præmonstratensibus, quamdiu non locant ultra novenium.

3. Regulares etiam exemptos a decimis, decimas debere ex alienis prædiis, quæ ipsi conducunt, & recipiunt ad firmam, cap. 8. h. t.

4. Si quæ Monachos inter, & decimatores inita sit conventio, debere eam servari, etsi deinceps obtentum sit immunitatis privilegium, c. 3. eod.

5. Cessare privilegium, cum eo non obstante decimas per 40. annos continuo, & sine lite solverunt Regulares; quia: *cum talio tempore contra*

in-

indulta privilegia decimas solverint, eis renuntiassè tacite præsumuntur: porro liberum est unicuique suo juri renuntiare, cap. 6. & 15. De privil. & excessib.

6. Privilegia quibuscumque concessa, personis inhærere non rebus; unde, qui fundos decimarum expertes acquirunt a privilegiatis, ad decimas tenentur, & has quidemolvere debent quandoque Parocho, quandoque universalis decimatori. Parocho quidem, si prædium a privilegiatis venditum, ante a decimis liberum fuerit, quam decimandi jus concessum fuisset decimatori; eidem vero decimatori, si ante privilegium decimas perceperit ex prædicto prædio; quia postulat æquitas, ut cessante causa, per quam quis a jure suo excidit, is jus idem suum recuperet. Ita Hericourt ibid. a. n. 32. ad 41. neque hiuc multum differt J. Dunod, nisi quod privilegia etiam a Rege confirmata negat prodesse, si magnum decimatori præjudicium inferant; quia regula de non tollendo jure quaesito, in decimis, sicut in Beneficiis valere debet. Addit idem nullum valere privilegium contra decimas oneroso, fundationis v.gr. titulo debitas. Vid. pag. 60. & seq.

Quæres utrum decimarum reliquationes locum habeant in Gallia.

Negat Hericourt n. 29. ubi ait ratum, & constans esse illud Gallicani Juris pronuntiatum: *Les dîmes ne s'arrragent point*; ita ut elapso semel fructuum perceptorum anno, jam decimæ exigi non possint; unde anno 1633. cecidit causa Parochi, qui decimarum restitutionem judicio persequabatur. Hæc tamen exterioris fori dispositio nihil juvat forum conscientiarum; cum iniquus quilibet damnificator, qualis indubie est, qui Pastorem decimis fraudat, ad restituendum jure naturali obligetur.

Nota in Gallicanis Tribunalibus ad restituendum plus, aut minus cogi eos, qui decimas perceperint sine jure percipiendi. Extat ea de re apud Duperrai celebre Parisiensis Senatus Placitum, quo nobilis quædam familia excidit a jure petendarum decimarum, quas per annos 140. perceperat. Neque tamen huic imposuitur est totius restitutionis, sed earum dumtaxat decimarum, quas posterioribus annis perceperat.

## ARTICULUS QUINTUS.

*Quo tempore, & modo Decimæ præstari debeant:*

Circa percipiendarum decimarum tempus nulla est, quæ moram injicere possit, difficultas. Fructuum enim decimæ debentur tempore, quo idem fructus colliguntur; qua quidem de collectione decimatorum moneri oportet, seu per promulgationem temporis vindictæ, & messium, ut apud nos sancitum est Edicto Melodun. ann. 1379. art. 29. seu aliter: tuncque quidquid peribit decimarum, peribit decimatori. Quod si quis obnoxius pensitationi decimarum, eisdem extra Parochiam transferat, licitum est decimatori in eas regiam manum injicere. Imo manipuli omnes ante decimarum solutionem sublati, una cum carris, & æquis in lucrum decimatoris confiscari debent, ex citato citati Edicti articulo. Neque etiam messes relictis in agro decimis de nocte transferre licet. Hericourt ibid. n. 15. Vide & Dunod p. 80. & 81.

Non licet pecudes ad pastum ducere in agros, nisi sublata sint decimæ: sed quia juvandum non est decimator cum onere nimio debitoris; erit is a detrimento per gregem suum decimis illato liber, nisi intra triduum a sublati frugibus efferantur decimæ. Ita Boloniensis Consuetudo art. 36. apud Hericourt n. 16.

Si

Si plures jus habeant individuum ex eodem fundo decimas percipiendi; penes Parochum erit electio. Ita sæpius judicatum est. Vide Duperrai part. 2. c. 14. si ex eodem fundo semel, & iterum in anno prodeant fructus, debent utrique decimas. Contrarium tamen quoad legumina judicatum est die 14. Aug. ann. 1666. contra Ambianensis Ecclesiæ Capitulum, uti refert Simon apud Marechal de Juribus honorificis, Tom. 2. pag. 137. edit. 1735.

Quod pertinet ad decimas pecorum, servanda est loci cujusque consuetudo, quoad tempus, quoad numerum, & quoad lanas, quæ aliquando ex ovibus etiam oriolis penduntur, aliquando solum ex iis, quæ ferendo partui idoneæ sunt.

Ex consuetudine etiam definiendum, quo anni tempore solvendæ sint eadem carnariæ decimæ. Aliubi sancitum est, ut intra Paschalem quindenam, alibi, ut die Junii prima, alibi, ut feria quinta in Cœna Domini pendantur, alioqui vero jam Parochi sumptibus enutrientur animalia. Interim non tenetur Parochus lactentes adhuc pullos recipere, sibi ceteroqui inutiles futuros, ut notat Forgerus c. 4. n. 5. Porro, ut pinguiores gregis agnos, aut vitulos exigere nequit decimator, sic nec macilentiores, aut morbosos offerre debet colonus: unde media via, quæ ab extremis pari gradu declinat, incedendum. Vereatur Parochus, ne aliter exactor avaritiæ notam sustineat: vereatur Parochianus, ne dona sua Caini donis similia despiciantur a Deo. *Intulisti de rapinis claudum, & languidum: numquid suscipiam illud de manu vestra, dicit Dominus: Maledictus dolosus, qui immolat debile Domino.* Malach. 1.

Si, ut aliquibi sapienter observatur, moris sit, seu præsentis, seu, si adesse recuset, absente Parocho, agno decimales signare, jam hi si pereunt, peribunt damno decimatoris; tantumque de pelle tenebitur colonus, præstato tamen juramento decimale animal sua nequaquam culpa periisse. Ita censuit, ac per modum *Regulamenti* definiit Curia Parisiensis die Maii 27. ut ex Forgeto tradit Van-Eipen ead. part. 2. tit. 33. c. 8. n. 25.

Sed quid, si dominus gregis gregem vendiderit paulo ante tempus constitutionis, & scietum, an in decimatoris fraudem egisse censendus erit? Erit, & non erit pro circumstantiarum diversitate. Veniet utique, nec immerenter in suspensionem fraudis, si eas solum vendiderit oves, quæ partui vicinæ erant; si clanculum, & in loco parum distanti a Parochia, si proximis consanguineis, aut affinibus, si modico pretio venenum dederit. Sin autem palam, & in frequenti rei pascuariæ foro, ac quanti æquum, erat distraxerit, deerit suspicio doli; nec redarguendus erit, qui decimas debet ex fœtibus, sed fœtas oves servare non tenetur. Læsx tamen charitatis; aut religionis reus esset qui ex Pastor odio, aut sordidi quæstus fugiligne, hanc agendi rationem sectaretur. Vide Forger. cap. 4. num. 7.

Circa modum solvendi decimas quædam expediendæ sunt difficultates. Unde Quæres 1. an decimæ solvi debeant ante campi partem, vel partum, ut alii dicunt, gallice *champart*.

R. affirmar. secundum id Lateranensis Concilii anno 1215. habiti: *Statuimus ut. exactiones tributorum, & censuum præcedat solutio decimarum, vel saltem hi, ad quos census, vel tributa indecimata pervenerint, quoniam res cum onere suo transit, ea per censuras Ecclesiasticas decimare cogantur Ecclesiis, quibus de jure debentur.* Cap. 33. *De decimis*, &c. atque id toties confirmavere Senatum Regni omnium Consulta, ut res jam nihil in Galliis habeat dubii.

Et

Et vero decimæ antiquiores sunt censuali quocumque jure, & nobiliori titulo præstantur. Ita Hericourt n. 18. Forget, aliique passim citati; quibus adde Pontas hic cas. 8.

Quæres 2. an nullam expensarum rationem habere debeat decimator.

R. Decimas prædiales deberi ante omnem expensarum deductionem; prout cum cæteris docet Cabassut. L. 2. cap. 29. nu. 3. unde fit, ut ne feminis quidem licet jam decimati ratio habeatur. Solent tamen, ut notat Zipoeus Consult. 1. ex æquo, & bono ad animandos agricolas ad steriles myricas aratro subjiçendas, glebas a vepribus, & sentibus occupatas purgandas, sylvas inutiles excidendas, &c. solent inquam, quibus jus est decimarum, cultoribus ad aliquot annos immunitatem decimarum, ex toto, vel in partem tribuere, pro gravitate sumptuum.

Quinimo, ait Van-Eipen ibid. cap. 8. n. 17. si publice expediat terras aliquas aquis prævias ageribus cingi; idque sine magnis, & notabilibus expensis fieri nequeat, interdum æquitas exigere potest, ut etiam auctoritate publica decimatores pro portione decimarum in aliquam partem expensarum vocentur; uti loco citato monet Zipoeus.

Quæres 3. an in materia decimarum valeat transactio (gallice *abonnement*) vi cujus decimæ non in specie solvantur, sed in ceria granorum, aut pecuniæ quantitate, de qua conventum sit.

R. 1. hujusmodi transactiones speciem alienationis continere; adeoque in iis exigi formalitates ad alienationem Ecclesiastici boni necessarias; quas fuisse legeris apud Dunod in speciali ea de re Tractatu.

R. 2. prædictas passionis, si fiant servatis servandis, nihil habere mali; quin & aliquando prodesse posse, cum de minutis decimis agitur: hæc enim propter rei exilitatem, & incertitudinem, plerumque parturiunt dubia, & difficultates, quæ semel determinata summa relinuntur. Hinc Rebuffus apud Fagnan ibid. n. 24. *Valida videtur consuetudo, quod loco animalium solvatur certa pecuniarum summa nomine decimæ*. Et vero Alexander III. cap. 2. *De transact.* hæc habet: *Statuimus; ut si super decimis inter vos, & aliquam personam Ecclesiasticam de assensu Episcopi, vel Archiepiscopi sui compositio facta fuerit, rata, & inconcussa persistat.*

R. 3. Transactiones prædictas adeo minimi ponderis esse apud nos, ut Duperrai in Tract. de Portione congrua part. 2. cap. 30. inter principia apud Gallos in materie decimali recepta, istud reponat: Decimas in specie solvendas esse, non obstantibus quibuscumque pactis, aut transactionibus inter Curati prædecessores, & Parochiæ incolas. Atque ita pluries judicatum fuit a Curia Parisiensi, non obstante possessione, aut consuetudine, quæ hominum memoriam excederet. Ratio hujus juris multiplex exhibetur, 1. quod Beneficiario, qui merum Beneficii usufructum habeat, bona ejusdem alienare interdictum sit; 2. quod vir pecuniæ avidus grande successori suo damnum crearet; 3. quod plerumque ad hujusmodi transactiones pene inviti trahantur Parochi, seu magnatum formidine, seu morosis incolarum difficultatibus, qui debitum pensum solvere detestantur. Ubi notabis cum Duperrai Tract. de Decim. p. 405. a Beneficiario, qui sibi decimas in specie a Judicibus addici requirit, non impugnandam esse possessionem facti, qua ut plurimum tuetur se adversarius, & quam non raro probaret efficacissime, sed possessionem juris; ita ut unice contendat abusivam esse possessionem, quæ sibi objicitur.

Si tamen transactiones decimatorem inter, & eos, qui decimas debent initæ, cunctis vestitæ essent formalitatibus ad alienationem Ecclesiastici boni requisitis, existimat Hericourt n. 13. easdem a supremis Curiiis confirmatum iri; & sic varia, quæ hanc in rem prodierunt Senatum Consultum secum invicem conciliari posse opinatur. Certe in hac hypothefi nequaquam militarent rationes, ex quibus transactiones istas in irritum ducere solent Magistratus.

Circa formam decimarum sequendi sunt locorum usus. Alicubi decimus rerum fascis, alicubi undecimus, aut minor tribuitur decimatori. Idem est de decimis pecudum. Quod si postremi fasses ad numerum lege constitutum non assurgant, orunt ii jungendi cum fascibus alterius campi, qui ad eundem dominum pertinent. Sin autem, etiam ex his postremis tribuenda erit pars decima. Idem servari debet quoad pecudes; ita ut, vel fiat æstimatio numeri excidentis, vel jungatur partus anni primi cum partu anni subsequenteris. Ita Duperrai 2. p. c. 10. cui titulus: *Des la dimes des sur numéraires.* Fatetur tamen idem is Scriptor extare contraria ea de re Senatum judicia.

## ARTICULUS SEXTUS.

### *De Præscriptione Decimali.*

**D**uplex in præsentî materia haberi potest præscriptio; activa, quæ jus tribuat decimas ante non perceptas; & passiva, quæ eximat a decimis antea pensatis. De utraque dicendum. Sit itaque

## SECTIO PRIMÆ.

### *De Præscriptione activa.*

**N**on præscriptionem tantum, sed & alias obtinendi decimarum juris vias expendam in præsentî, quod ut fiat,  
Quæres 1. an, & a quibus jus percipiendi decimas præscriptione acquiri possit.

R. Ad 1. Affirmat. atque ita definiit tum praxis universalis, tum Alexander III. in textu statim citando.

R. Ad 2. decimas laicales, seu in feudatas præscribi posse, tum ab Ecclesia, tum a Laicis; decimas vero Ecclesiasticas ab Ecclesia contra Ecclesiam posse præscribi, non item a Laicis, quantacumque sit istorum possessio.

Prob. 1. pars. Si Laici contra Laicos decimas feudales præscribere possint, a fortiori poterit id Ecclesia, ad quam decimæ nativo jure pertinent: atqui Laici contra Laicos præscribere possunt decimas feudales; prout satis communiter docent Jurisconsulti: 1. quia passim receptum est, ut, *quæ sunt quæstibilia privilegio, sint quæstibilia præscriptione, data capacitate persone*: porro Laici capaces sunt decimarum ab alio Laico possessorum; 2. quia decimæ Laicales naturam, & conditiones habent boni patrimonialis, & æque sub commercium civile cadunt, unde ut donari, sic & vendi possant: ergo, & cæterorum bonorum legibus, ac proinde præscriptioni obnoxie sunt; 3. quia si Ecclesiastici contra Ecclesiasticos decimas præscribere queant; quidni easdem Laici contra Laicos præscribant? Atque ita post Felinum, Pontanum, Henricum docent, aut docere videntur.

tur Duperrai part. 2. c. 6. p. 334. Dunod p. 119. Hericourt ibid. n. 46. \*

Fatendum tamen, quod & parebit ex dicendis Sect. 2. neutram hujus nostræ assertionis partem certis in Tribunalibus receptam videri.

Prob. 2. pars. Ex c. 6. De præscript. ubi in hæc verba rescribit Alexander III. *Ad aures nostras pervenit, duas Ecclesias litigasse super decimis, quarum una earum in alterius Parochia annis 40. possedit, sua fraternitati tenore presentium innotescat, quod de jure divino, & humano melior est conditio possidentis: quia quadragenalis præscriptio omnem prorsus actionem excludit.*

Prob. 3. pars. Quia non est capax præscribendi, nisi, qui prius est capax possidendi: atqui Laici nullam ad decimas pure Ecclesiasticas capacitatem habent; sicut nec ad Ecclesiastica Beneficia, quarum decimæ sunt appendices: ergo cum Laici decimas detinere non possunt, eas nulla valent præscribere ratione. Cap. 7. De præscript.

Confirm. ex celebri judicio, quo die 11. Martii an. 1711. decimarum percipiendarum jure spoliata est Comitissa de Neuchese, cujus predecessores eadem decimas per annos plusquam 140. perceperant. Probabat hæc quidem se suosque auctores decimas possedisse, imo & hanc possessionem a prioribus Parochis Parochiæ de Louverne agnitam fuisse, sed quia, nec probabat decimas suas esse feudales, nec probare poterat vitium primitivum continuata possessione tegi, & aliunde frustra probatur, quod probatum non relevat, juxta cecidit causa. Vide Arrestum hoc apud Duperrai Traët. de Decimis, p. 308. Idem docet Dunod p. 119. his verbis, quæ transcribendi duxi: *S'il consistoit, que depuis le Concile de Latran une dime a été Ecclesiastique, le Laïque, qui la tiendrait, pourroit être condamné à la rendre, quelque long tems qu'il en eût joui, à moins qu'il ne fût censé d'un privilège, ou qu'il ne put le faire presumer; ce qui est rare, & difficile.*

Quæres 2. quoto opus sit tempore ad præscriptionem activam decimarum.

R. 1. Ecclesiam a Parochiali diversam, contra Ecclesiam Parochialem non præscribere, nisi cum possessione 40. annorum concurrat titulus, vel defectum tituli suppleat possessio immemorialis. Ita Bonifacius VIII. c. 1. De præscript. in 6. juncto c. 6. supra citato. Ratio est, quia licet ei, qui rem præscribit Ecclesiasticam, si sibi non est contrarium jus commune, vel contra eum præsumptio non habeatur, sufficiat bona fides, ubi tamen est ei jus commune contrarium, vel habetur præsumptio contra ipsum, bona fides non sufficit; sed est necessarius titulus, qui possessori causam tribuat præscribendi; nisi tanti temporis allegetur præscriptio, cujus contrarii memoria non existat. Ita idem Bonifacius ib. atqui ex eodem Pontifice ib. & ex ratione, jus commune contrarium est ei, qui contra Ecclesiam Parochialem præscriptisse contendit; cum decimæ primario in favorem Pastorum institutæ sint: ergo.

XX 2 Sed

\* L' Eglise ayant perçu la dime d'une Paroisse pendant 30. années, à acquies une prescription légitime contre le Seigneur Laïque, qui tenoit auparavant cette dime comme inféodée. Un Laïque, peut aussi prescrire la dime inféodée contre un autre Laïque par l'espace de 30. ans. Ceux, qui sont sujets à cette dime en prescrivirent aussi la quotité par le même tems. Mais un particulier ne peut obj. à un Décimateur Laïque qu'il est en possession immémoriale de ne point payer la dime de siurs qu'il recueille sur son héritage. *Ensuite* Les habitans ne peuvent opposer de leur chef. la prescription au propriétaire de la dime inféodée. *Ex his, si quid scio, sequitur decimas laicæ & regni non a quocunque Laico, sed ab his solum, qui & ipsi decimas feudales habent, præscribi: unde Imperatorii quæstionem hic proponit verbis pag. 333.* Une autre espèce est de savoir, si un Seigneur laïque, qui a des dimes inféodées, en peut prescrire contre un autre Laïque,

Sed quid, si Parochiam, contra Parochiam præscriptione uti velit?

Scinduntur hic Canonistæ; alii decennium inter præsentēs, & vicennium inter abentes sufficere purant. Ita Covarruvias L. 1. Var. resol. c. 17. n. 8. Pirhing. h. t. n. 117. & alii non pauci. Rationem dant, quod in tali casu non resistat, sed assilat potius, cum expresse delectaret in controversia, an decimæ ad hanc, vel illam Parochiam pertineant, standum esse consuetudini diu obtentæ, c. 18. & 20. h. t. atqui tempus decem annorum habetur pro diuturno, ex Lege Cod. *De præscript. longi temporis*, &c. ergo.

Alii tamen, & probabilis in hoc etiam calu requirunt 40. annos, cum bona fide, licet non cum titulo. Ratio est, quia licet non resistat jus præscribenti in hōc casu, unde fit, ut sola cum annis 40. sufficiat bona fides sine titulo; haud tamen cessat alia juris dispositio, quæ generaliter requirit, ut immobilia Ecclesiæ bona nonnisi annorum 40. spatio præscribantur.

Confirm. Ecclesiæ Parochialis non est in decimarum materia peioris conditionis, quam alia quæcumque Ecclesiæ non Parochialis, vel pia causa, ut Monasterium, Capitulum, Hospitale, & similia: atqui, nec Clericus quis privatus, nec Parochus, Capitulumve, aut alia causa pia, præscribere potest contra Ecclesiam non Parochialem, &c. quoad immobilia bona, nisi an. 40. spatio cum bona fide; secundum illud Alexandri III. c. 7. *De præscript. Illud autem te scire volumus, & tenere quod adversus Ecclesias minorem præscriptionem, quam annorum 40. Romana Ecclesiæ non admittit, licet quidam Canonēs*, quibus derogatum est posteriori jure, *comprobent tricennale*, &c. ergo. Vide, si vacet, ea, quæ T. 1. diximus de Præscriptione, ubi & animadvertum est quasdam esse Ecclesias, contra quas non valet 40. annorum præscriptio.

R. 2. ad id, ut Ecclesiæ decimas in feudatas præscribat, sufficere, & requiri possessionem 30. annorum sine titulo: cum titulo autem possessionem annorum 20. inter abentes, & annorum decem inter præsentēs. Ita Hericourt n. 6. ubi has præscriptiones non ubique admitti subindicat; quod & patebit ex Majoris Concilii Decreto sub finem Sectionis 2. citando.

Quæres 3. an non alia, quam præscriptionis via comparari possit jus decimandi.

R. Jus illud juxta Decretales multis insuper modis acquiri: & quidem 1. Privilegio Rom. Pontificis, quo fit, ut Regulares multi, ac etiam Beneficarii simplices pluribus in locis decimas percipiant.

2. Per transactionem, ut cum exorta lite, an Parocho, an Regularibus, aliive Clericis debeantur hujus, vel illius loci decimæ, convenit inter litigantes, ut una pars Parocho, alia aliis cedat. Hic porro cavenda simoniæ labes, quæ in has conventiones facile irrepit. Cæterum, etsi juxta Fagnan in c. *Veniens* 8. *De transact.* alioque complures nisi omnes, etsi, inquam, transactiones hujusmodi privata etiam auctoritate factæ, ipsos transactores ligant; haud tamen ligant successores eorum, si factæ sint absque auctoritate legitima Superioris, quia tunc *inter personas factæ potius, quam inter Ecclesias videntur*, eod. c. 8. *De transact.* unde tantum suos obligant auctores, non etiam successores, prout in simili ait Trident. Sess. 6. c. 4.

3. Per compromissum in unum, vel plures arbitros, quorum sententiæ stare debent, qui in decimarum causa litigantes, suam eis causam committunt, ex c. 1. *De arbitris*. Quia tamen non decet, ut Laicus in talibus arbitretur, c. 8. eod. & Decretum est, ut *Laici negotia Ecclesiastica tractare non præsumant*, cap. 2. *De judiciis*, compromissarii et Clericorum grege eligendi sunt, nisi secularis una cum Clericis in arbitros eligi permiserit Superior



rior Ecclesiasticus, c. 9. *De arbitris*. Ideo autem Superioris Ecclesiastici consensu requiritur, quia ex compromisso huiusmodi sequi debet quædam Ecclesiastici boni alienatio, quæ ne indirecte quidem fieri potest absque consilio Ecclesiastici Superioris juxta id Reg. 39. in 6. *Cum quid prohibetur, prohibentur omnia, quæ ex illo sequuntur*.

4. Permutatione, quæ Ecclesia hæc cum illa decimas pro decimis, vel alio jure spirituali commutat. Arg. c. 6. & c. final. *De rerum permut.* Hic porro requiruntur etiam ordinariæ solemnitates ad alienationem rerum Ecclesiarum necessariæ; quia permutatio inter alienationis species expresse numeratur, c. Nulli 5. *De reb. Ecclesia alienand.* &c.

## SECTIO SECUNDA.

### *De Præscriptione passiva.*

**T**Ria hic præcipue veniunt discutienda, 1. an, & quousque, qui decimis obnoxii sunt, contra decimarum Ecclesiasticarum pensationem præscribere valeant; 2. an idem possint contra decimas infeudatas, quod possunt adversus Ecclesiasticas; 3. quo tempore præscribat immunitas ab onere decimarum, posito quod præscribi possit. Circa quæ

Dico 1. si decimarum spectentur materialiter, præscribi non possunt; si formaliter possunt quidem præscribi stando in jure naturali; at positivo regni jure præscribi, ut plurimum prohibentur, nisi quoad quotam, & id raro.

Prob. 1. pars. Decimarum materialiter sumptæ, sunt ex dictis stipendium Ecclesiæ Ministris ad legitimam eorum sustentationem debitum: atqui contra stipendii hujus debitum præscribi non potest; quia contra onus jure naturali impositum præscribi nequit: ergo.

Prob. 2. pars. Decimarum formaliter acceptæ, sunt certa certorum fructuum portio: atqui contra portionis hujus solutionem præscribi potest stando in jure naturali. Ad id enim satis est, ut portio illa neque naturali lege, neque divina præcepta sit: atqui rem ita se habere probabilior est multorum contra paucos opinio. Unde, nec prioribus Ecclesiæ sæculis pendebantur decimarum formales, nec hodie in Orientali Ecclesia pensantur. Porro durum esset dicere, quod omnes homines Italiae, & Orientalium partium damnentur, qui decimas non solvunt, ait S. Thomas Quodlib. 2. art. 2. Consonat id Lateranensis Concilii, c. 32. *De decimis*. In aliquibus Regionibus quædam permixtæ sunt Gentes, quæ secundum suos ritus decimas de more non solvunt, quamvis censeantur nomine Christiano, & infra: Illa decima necessario solvenda sunt, quæ debentur ex lege divina, vel loci consuetudine approbata. Ergo sic ubi obtineat consuetudo, ut decimarum non solvantur, nulla erit eas solvendi obligatio, nisi ex earum defectu necessaria sustentatione careant Ecclesiæ Ministri, quia tunc debentur ex lege divina: porro, si consuetudo a decimis eximat, eximet a fortiori præscriptio, nisi obstitit lex positiva; cum consuetudo locum totum, præscriptio nonnisi privatos quosdam eximat. Atque hinc colliges Senatorum Vestuntinum, qui decimas ex toto præscribi judicat; licet a consuetis Regni legibus recedat, haud tamen recedere a jure naturali. *Vid. Dunod. p. 102. & seq. 122. & seq.*

Obj. 1. Laici decimas active præscribere non possunt: ergo nec immunitatem ab eis. Prob. consequ. Ideo Laici jus decimarum præscribere non pos-

sunt, quia juris hujus sunt incapaces: atqui si præscriberent immunitatem a decimis, jam capaces essent juris decimandi. Reipsa enim decimas perciperent ex agris suis; cum decimas non solvere, idem sit, ac eas retinere, & sic ex prædiis suis percipere: ergo.

R. ad 1. neg. conseq. ad 2. neg. min. Sicut etiam non dicitur Parochus decimare agros suos, quia ex iis decimas non solvit, sic nec villicus a decimis liber, decimas e fundo suo percipere dici potest. Ratio est, quia nulli fructus decimarum rationem habent, quamdiu decima eorum pars non est separata, aut pro decimis designata.

Obj. 2. Si immunitas a decimis præscriptione acquiri potest, dicendum erit immunitatem hanc nihil habere spiritualis: atqui id falsum est; alioqui enim eadem immunitas vendi posset, & emi; quod admitti nequit.

R. non deesse, qui immunitatem a decimis vendi, & emi posse credant; ita inter alios, Moneta in materiis decimalibus celebr. Rationem dant, quod exemptio a decimis mera sit recuperatio libertatis a natura concessa; vel, si mavis, emptio futurorum fructuum, quos quis e fundo suo præstare teneretur: porro, inquiunt, licet pretio recuperare libertatem suam, & fructus futuros emere.

Alii tamen plures ex adverso pugnant, & in hac venditione, nisi spirituale a temporali per auctoritatem Pontificiam separaretur, simoniacam labem deprehendunt; quia venditor jure spirituali cedit pro temporali pretio; unde tam simoniæ reus est, quam qui jus patronatus venderet alteri. In hac tutiori sententia dicendum est ad objectionem propositam, 1. immunitatem a decimis legitima præscriptione comparatam nihil in se, vel in causa habere spiritualis; quia ex parte præscribentis, mera est recuperatio libertatis pristinae; ex parte vero Parochi, merus est non usus, illeque admodum gratuitus juris activi ad decimas; 2. eandem immunitatem, si pecunia comparetur, pendere a causa spirituali; quia conceditur per remunerationem positivam, nec sane gratuitam juri spirituali; unde cum emptio sit simoniaca, quoties simoniaca est venditio, neutra hic immunis esse potest a culpa. Secus ubi est sola præscriptio.

Prob. 3. pars, ex Regni hujus disciplina, secundum quam nemo in territorio decimis obnoxio sese ab eis immunem prætereundum potest, allegata etiam immemoriali consuetudine. Hericourt n. 24. Fevret. L. 6. c. 2. n. 2.

Dixi 1. *ut plurimum*, quia in tractu Sequanorum, seu Burgundiæ Comitatu viget præscriptio decimarum etiam quoad substantiam, ut paulo ante annotavi.

Dixi 2. *nisi quoad quotam*. In utroque enim Senatu Divionensi, & Vesuntino, quisquis sufficienti tempore minorem, quam alii ejusdem loci incolæ quotam pensavit, a graviore cæterorum portione liber judicatur. Quamquam existimat Dunod. p. 126. necessum esse, ut præsumi probabiliter possit, possessionem solvendi minorem quotam a titulo incepisse.

In cæteris Galliis, ait idem Dunod. ibid. difficile posset privatus, immemoriali etiam adjutus possessione, suam a communi aliorum quota immunitatem tueri; quia viget apud nos estatum istud: *Una eademque res non debet diverso jure censeri*. Plura eam in rem Arresta refert Duperrai part. 2. c. 8. advertit privatos, qui ad solvendam communem loci quotam adacti fuere. Hæc regula fallere potest in decimis insolitis, juxta eundem ibid. p. 360. & in minutis decimis juxta alios. Addit Simon apud Marechal Tom. 2. p. 109. Dominos Parochiarum admitti ad probandum, se minori, quam alios quo-

ta decimas solvisse. Quin & censet, eos, si partem decimarum possideant, præscribere posse immunitatem pro *dominio* suo; quia decimatur, inquit, contra decimatorem præscribere potest. Hæc tamen ratio non est admodum efficax: quia in rebus diversi plane generis non valet illatio ab uno ad aliud: porro decimæ a Laicis possessæ prorsus differunt ab iis, quas percipiunt Clerici, quæ tales. Hæc enim spirituales sunt; aliæ non item, unde sub commercium cadunt.

Dico 2. Si res in se spectentur, statuendum erit valere præscriptionem etiam ex parte Laicorum contra decimas laicales. Et quidem 1. debet id esse indubium in locis, ubi valet eadem præscriptio contra decimas Ecclesiasticas; 2. idem ubicumque admittendum videtur; quia decimæ eæ cum omnes secularium bonorum qualitates habeant, ita ut etiam vendi possint, debent eorundem bonorum oneribus subiacere, ac proinde esse præscriptibiles. Quod enim ajunt in decimis feudalibus inspicere primævam originem, quæ Ecclesiastica est, nihil habet solidi: cur enim ad removendam præscriptionem attendatur primæva rerum origo, & hæc eadem in cæteris flocci fiet.

Majoris forte est momenti, quod addit Duperrai, nimirum decimas feudales constituere partem census Dominicalis; hunc porro in Consuetudine Parisiensi, aliisque pluribus impræscriptibilem esse. Verum ratio hæc ad summum probaret pro locis ubi rejicitur quæcumque Dominicalium jurium præscriptio. Ut ut est, duo hic certa sunt, 1. paucos esse, qui contra Dominum feudalem decimas præscribere curent; quia quod non solverent Domino, hoc solvere tenerentur Parocho; juxta tritum id apud nos: *Nullam in Gallia solum sine decimis*; 2. judicatum esse, tum a Parisiensi Curia, tum a Majori Consilio immunitatem a decimis feudalibus præscribi non posse. Vide Duperrai 2. part. c. 6. p. 335. & c. 17. p. 478. & ex Arresto Majoris Consilii collige, ne a Monasteriis quidem privilegiatis contra decimas infeudatas præscribi; quia, inquit, Romanus Pontifex nullum cuiquam jus tribuere potuit in bona secularium, aut si tribuit, tribuit abusive.

Dunod p.  
121.

Dico 3. Ubi moris est, ut decimæ contra Ecclesiam ex toto, vel quoad quoriam præscribantur a Laicis, opus est possessione immemoriali. Ita docet qui plenioris consuetudinis hujus notitiam habere debuit J. Dunod p. 125. ubi & censet necessum esse, ut in utroque casu præsumi possit titulus.

At vero in cæteris Regni partibus ubi decima, non quidem quoad quoriam præscribi solet a privatis contra Parochos, vix, ac ne vix quidem sufficeret etiam Regularibus minime privilegiatis possessio ultra memoriam hominum inchoata. Ita an. 1660. judicavit Majus Consilium contra Monachos quosdam. Par fuit an. 1684. judicium Parisiensis Senatus contra privatum, qui Abbati cuiusdam decimas reculabat, immemoriali nixus possessione; unde colligere est nihilo facilius præscribi per Laicos immunitatem a decimis contra Clericos quoslibet, quam contra Parochos.

Dunod p.  
121.

Quod si de Clericis contra Clericos sermo sit, & neutri Parochiale Officium habeant, extra dubium videtur, nisi aliter locali lege constitutum sit, posse ab iis præscribi decimarum exemptionem: si enim activum jus decimarum præscribere possint, quidni immunitatem a decimis? Tunc autem eodem temporis spatio ad utramque præscriptionis speciem opus esse videbitur.

## ARTICULUS SEPTIMUS.

*De Decimis infeudatis.*

**Q**Uæ fuerit prima feudalium decimarum origo, non omnino convenit inter eruditos. Alii decimas feudales censent primitus fuisse Jura regia, quæ a Principibus concessa fuerint iis, quorum obsequia remunerare voverunt. Alii & melius, decimas eas existimant fuisse primo Ecclesiæ bona, quæ, vel a Principibus parum scrupulosis usurpata, vel iisdem, ut Ecclesiam tuerentur ad tempus concessa, ab iisdem servata aliquamdiu, tandem, & præcipue paulo post initium sæculi octavi a Carolo Martello secularibus tradita sunt. Et hæc opinio, ut Auctorum cujuscumque conditionis numero, sic & rationum pondere priorem vincit: 1. quia decimæ in Ministrorum sustentationem jam a Chrysostomi, Ambrosii, & Augustini tempore commendabantur, ut aliquid non ex mera prorsus decencia pendendum: quis vero fideles, necdum omnes ea ætate beneficiendi pertæsos, his exhortationibus aures cordis, & corporis præclusisse putet? 2. quia jam ante Carolum Martellum, qui circa ann. 741. factus sanctus est, decimæ Clericis ex præcepto reddebantur, ut patet ex Conciliis Turonensi, & Matisconensi II. sæculo sexto habitis; idemque ante Carolum Martellum pro ditionibus suis imperaverat Ina Angliæ Rex; 3. quia ubi animadversum est de decimis, perinde ac Laicis bonis disponi, seu, ut loquitur Paulus Emilius, *sacrum jus decimale viris militiaribus* tribui a C. Martello, undique reclamarunt omnium Ordinum Ecclesiastici, furtum, & injustitiam sedarguentes: itane vero totius Ecclesiæ animos invaserat stupor, & vertigo, ut audacter diceret suum esse, quod constanti usu suum non erat, sed regium? Plura id genus videris apud Duperrai 1. p. c. 3. His præmissis,

Quæres 1. an decimæ feudales tuta conscientia retineri possint.

R. ex vulgari regula hodie ubique recepta decimas infeudatas licite retineri posse a Laicis, qui eas possederint ante Concilium Lateranense III. sub Alexandro III. habitum an. 1179. supponit, id Alexander IV. cum c. *De decim.* in 6. ait: *Illas decimas intelligimus posse a Religiosis de manibus Laicorum recipi, vel acquiri, quæ ante Lateranense Concilium ipsi Laicis in feudum perpetuo fuisse concessæ.* Res quidem stricte expensæ non minimum habet difficultatis: sed quid factio melius, quam tritam a cunctis penes sapientibus viam ingredi. Accedit, quod decimæ olim alienari iustis de causis potuerint, ut etiamnum possunt; unde cum veteres tituli, ut plurimum, sive incendio, sive Anglorum depredatione perierint, non raro fietet, ut bonæ fidei possessor, tanquam invalor alieni boni ad restitutionem cogereetur.

Quæres 2. quomodo probetur decimarum infeudatio.

R. id probari, vel ex ipso infeudationis titulo, qui Concilium Lateranense præcesserit; vel, quod ob veterum titulorum excidia merito admittitur, ex possessione immemoriali, non quacumque, sed quæ, nec vi, nec clam, nec precario, nec quopiam contradicente habita sit, & feudalis esse constet ex veteribus investituris. Unde viget id apud nos: *L'infeudation se prouve par des aveux, foi, & hommages, reprises en denombrement, avec une possession centenaire.* Duperrai p. 455. Dunod p. 24.

Quæres 3. an decimæ ad Ecclesiam reversæ ad primigeniam suam institutionem revertantur.

R. af-

R. affirm. si quidem sermo sit de decimis, quæ pure, & simpliciter ad Ecclesiam redeant: eæ enim ex tunc, & deinceps censentur res mere Ecclesiasticæ, etiamsi certo constet eas jure infeudationis pertinuisse ad Laicos. Ita declaravit S. Ludovicus apud Molinæum in Consuetud. Paris. §. 68. n. 21. hinc, teste eodem Molinæo, decima hujusmodi jam est a jurisdictione Sæculari immunis; siue remittatur Ecclesiæ Parochiali, ad quam de jure communi spectat, siue alii Ecclesiæ, vel Collegio Ecclesiastico. Neque tunc requiritur licentia Regis, nec debentur ulla *amortisationis* jura, ut ex Loveto notat Van-Espen c. 4. n. 44. addit idem n. 45. ex Chopino pluries judicatum fuisse decimas feudales, si Ecclesiæ vendantur, non subijci retractui Gentilitio.

Quod si Laicus decimam suam Ecclesiæ tradat in feudum, & cum onere feudali erga tradentem: item si decimale feudum ad Ecclesiam transeat non per se, sed cum prædio temporali, cui annexum est, tunc decima, etsi siue per se, siue cum universitate prædii amortisata, semper remanet feudalis, & profana; quia non possidetur ecclesiastice, sed seculariter.

Quæres 4. an, si qua hodie fiat decimarum Ecclesiasticarum alienatio, vel infeudatio cum requisitis conditionibus, hæc licita sit.

Negat Van-Espen ibid. n. 48. sed citat Hericourt n. 47. Senatus Consulta duo; quibus, qui etiam post Lateranense Concilium decimas oneroso titulo, & cum debitis solemnitatibus comparaverant, in earum possessione confirmati sunt.

Quæres 5. quis sit verum decimalium Judex.

R. Ecclesiasticum Judicem de petitorio jus dicere, Sæcularem vero de possessorio. Verum pene semper in hisce partibus absorberetur petitorium a possessorio; quia cum possessorium jam judicatum est, non licet Ecclesiastico Judici Sæcularis judicium reformare. *Vide Brunetum Tract. de Procurat. Officialis, p. 522.*

Cur autem possessorii cognitio ad Judicem Sæcularem deferatur, rationes has reddit Fevretus in Tract. de Abusu Lib. 6. c. 2. n. 7. 1. quia possessio est quid facti, ad ea autem, quæ sunt facti, Judicis sacri potestas non extenditur; 2. quia Regis est, ejusve Judicum eos, qui bonis suis spoliati sunt, restituere; 3. quia Ecclesia ne indirecte quidem ad damna, & interesse condemnare potest. Nihilominus judicium de petitorio non ubique est idæa chimerica, ut videre est apud Dunod pag. 145.

# APPENDIX

De Propositionibus ad moralem disciplinam spectantibus

*Ab Apostolica Sede, & Clero Gallicano condemnatis.*

CUM præsens Volumen paucula quedam adhuc complecti possit; existavi merem Lectori, nec injucundam, nec certe inutilem præstaturum esse, si Propositiones, quæ, vel nimia laxitate, vel severitate nimia censuram promeruerunt, hic eo fere ordine recenserem, quo a Romanis Pontificibus proscriptæ fuerunt. Ne vero censuræ gradus, & motiva, ab omnibus facile non perciperentur; notas, seu ut ajunt, *qualifications* pluribus earum a Gallicano Clero in generalibus anni 1700. Comitibus inultas, ad uniuscujusque Propositioniscalcem retuli, & adjunctis quibusdam, præsertim D. Thomæ testimoniis demonstravi vix ullam earum esse, quæ a Doctore Angelico, cujus est, & esse debet summa in moralibus auctoritas, jam pridem non fuerit reprobata. Quod antequam exequar, brevem qualificationum, quæ ab Ecclesia adhiberi solent, notitiam præmittere placuit, itaque

Propositio hæretica est ea, quæ directe, & immediate adversatur veritati a Deo revelatæ, & per Ecclesiam propositæ.

Propositio erronea ea est, quæ opponitur veritati, quæ licet in se immediate revelata non sit, certo tamen eruitur ex Propositionibus, quarum alia est de fide, alia evidenter constat ex lumine naturali.

Propositio hæresi proxima est ea, quam major, & sanior Theologorum pars ex Scriptura, aut Traditione judicat esse hæreticam; etsi absolute, & simpliciter non audeat pronuntiare eam esse hæreticam, eo quod graves quidam Theologi contendant censuram hanc eidem inuri non debere.

Propositio hæresim sapiens ea est, quæ licet sensus sani, & pravi capax sit, tamen sensum pravum, sive ratione sui, sive ratione circumstantiarum loci, temporis, & personarum, prævalentem involvit, vi cujus nata est grandem suspicionem, & probabile judicium de hæresi ingerere.

Propositio de hæresi suspecta, est ea, quæ licet catholici, & heterodoxi sensus capax sit, præbet tamen, sive ratione sui, sive ratione circumstantiarum, fundamentum sufficiens, non quidem ad judicandum probabiliter, quod auctor sit hæreticus, sed solum ad id prudenter, & sine temeritate suspicandum.

Ex his intelligi potest, quid sit Propositio proxima errori, vel sapiens errorem, vel suspecta de errore. *Sicut ergo*, ait Lugo disp. 20. de Fide, sect. 3. n. 90. *si quis neget propositionem, quæ plerisque, vel fere omnibus, videtur esse de fide, nec posse sine hæresi negari, propositio ejus dicitur hæresi proxima: sic quando negatur propositio, quæ plerisque videtur esse conclusio theologica, nec posse sine errore negari, propositio negans erit proxima, cum eadem omnino sit cum proportionem ratio, &c.*

Propositio male sonans, juxta Polmanum, est Propositio opposita circumspecto sermoni, in argumento cum hæreticis controverso.

Propositio piarum aurium offensiva, juxta eundem, est ea, quæ cultui Dei, vel Sanctorum adversatur.

Alii tamen, ut Melchior Canus, Card. Laureta, Turrecremata, & Panormo,

mo, Propositionem male sonantem cum Propositione piarum aurium offensiva confundunt; juxta eos autem Propositio male sonans, aut piarum aurium offensiva est ea, quæ quævis bonum in sensum flecti queat, prævum tamen habet sensum sano, & catholico prævalentem; vel circa agenda; vel si circa credenda, non sic ut sensus prævalens sit omnino hæreticus, sed aliqua infra hæresim pravitate infectus. Hæc postrema divisio necessaria est, ut Propositio male sonans ab ea distinguatur, quæ hæresim sapit.

Propositio temeraria ea est, ait Illust. Bossuetus in Defensione declarat. Cleri Gallic. par. 1. lib. 3. cap. 3. quæ nove, insolenter, & audacter nulla Doctorum auctoritate dicitur. Seu, ut ajunt alii, quæ in materiis Theologicis, vel communi SS. Patrum doctrinæ, vel constanti Theologorum sententiæ contradicit absque gravi rationis, vel auctoritatis fundamento.

Propositio scandalosa est ea, quæ dat occasionem ruinæ spiritualis, sive inclinando ad peccatum, sive avertendo ab exercitio virtutis.

Propositio schismatica est ea, quæ viam scissioni unitatis Ecclesiasticæ aperit, retrahendo scilicet fideles ab obedientia debita Superioribus Ecclesiasticis, ac præcipue Romano Pontifici totius Ecclesiasticæ unitatis centro; sive negando eum esse Ecclesiæ caput, & tunc Propositio est schismaticæ hæretica; sive simpliciter ipsi, ejusque legibus obedientiam denegando, non ex deceptione mentis, quæ ab eo auctoritatem excludat, sed ex aliquo passionis, odii imperu, & motivo; & tunc Propositio est simpliciter schismatica.

Propositio seditiosa est ea, quæ ab obedientia Principibus sæcularibus debita retrahit, & ad excitandos in Republica tumultus conducit. Propositiones hujusmodi, qua parte Principes respiciunt, a quibusdam vocantur *rebelleres*: qua vero parte respiciunt cives, eorumque scissuram important, vocantur *seditiosæ*.

Propositio blasphemica ea est, quæ continet convicium, & irreverentiam contra Deum, vel in se ipso, vel in Sanctis ejus. Sicut enim Deus in Sanctis suis laudatur, in quantum laudantur opera, quæ Deus in Sanctis efficit; ita *blasphemica*, quæ fit in Sanctos, ex consequenti redundat in Deum, ait S. Thomas 2. 2. q. 13. art. 1. Propositio blasphema aliquando hæreticalis est, ut si quis videns malos bonis affluere, diceret Deum injustum esse; aliquando non, ut si quis falsi aliquid dicat contra Deum, sed quod expresse, & immediate fidei non repugnet.

Propositio divinæ pietati derogans non distinguitur specie a Propositione blasphema.

Propositio impia est ea, quæ aufert, vel imminuit pietatem, & gratitudinem debitam, sive Deo, ut supremo nostrum omnium Patri, sive parentibus, consanguineis, Superioribus, & benefactoribus.

Propositio injuriola, seu contumeliosa in hoc differt a blasphema, quod hæc Deo; illa autem alicui, vel statui, vel personæ extra Deum injuriam inferat.

Propositio captiosa est ea, quæ sub specie veritatis, aut pietatis in errorem inducit. Talis erat hæc Arianorum Propositio in Concilio Ariminensi: *Si quis dixerit Filium Dei esse creaturam, ut sunt cætera creatura, anathema sit.*

Propositio Dei verbo contraria est ea, quæ opponitur veritati revelatæ quidem, sed quæ nondum ut talis supremo Ecclesiæ judicio definita est.

Propositio falsa juxta quosdam ea est, quæ objecto suo dissensit dissensione fidei nociva; juxta alios vero, & melius, ea est, quæ connexionem neces-

necessariam habet cum Propositione expresse damnata, quæcumque tandem sit censura, quæ huic Propositioni iniusta est: & in hoc differt a Propositione erronea, quæ necessariam habet connexionem cum Propositione, non quomodocumque damnata, sed damnata expresse, ut hæretica. His præmissis, quæ solide, sed late prosequitur Auctor *Prædilectum contrarium*, jam sigillatim recensendæ sunt variz Propositiones laxiorum, vel rigidiorum Caluissiarum, quæ a variis Pontificibus damnatæ fuerunt.

*Propositiones viginti octo ab Alexandro VII. damnata, die 14. Septembris, annis 1665, ut minimum tanquam scandalosæ.*

I. **H**omo nullo unquam vite sue tempore tenetur elicere actum fidei, spei, & charitatis, ex vi præceptorum divinarum ad eas virtutes pertinentium.

De eadem sic Clerus Gallicanus in sua censura an. 1700. quarta Septembris. *Hæc Propositio est scandalosa, in praxi perniciofa, erronea, fidei, & Evangelii oblivionem inducit.*

Repugnat D. Thomæ 2. 2. q. 44. art. 2. ad 1. ubi sic: *Dantur præcepta de actibus virtutum: atqui præcepta hæc specialia sunt, & specialiter obligant. Eadem enim est omnium virtutum Theologicarum ratio: atqui ex eodem S. Thoma 1. 2. q. 100. art. 10. Actus charitatis cadit sub præceptum legis, quod de hoc specialiter datur: ergo.*

Et vero fides specialiter præcipitur Hebr. 11. his verbis: *Accedentem ad Deum credere oportet, quia est; & Joan. 1. Hoc est mandatum ejus, ut credamus in nomine Filii ejus.* Spes præcipitur Psal. 4. *Sperare in Domino.*

Charitas Matt. 22. *Dilige Dominum Deum tuum; & alibi toties, ut lex tota ad præceptum charitatis quadantenus revocari videatur; ergo tenetur fidelis ad actus virtutum Theologicarum, non solum per accedens, puta cum eos elici necesse est, ut vitetur grave aliquod peccatum, quod nemo unus negavit; sed per se, & ex vi specialis præcepti. Vide, quæ diximus, ubi de primo Decalogi præcepto.*

II. *Vir equestris ad duellum provocatus, potest illud acceptare, ne timiditatis notam apud alios incurrat.*

Censura Cleri Gallicani: *Doctrina hæc Propositione contenta falsa est, scandalosa, contraria juri divino, & humano, tam ecclesiastico, quam civili, imo & naturali.*

Repugnat Concilio Tridentino, quod *detestabilem duellorum usum fabricante diabolo introductum esse declarat* Sess. 25. cap. 19. quæ sane declaratio vix quidquam prodesse potest, si duellum ad evitandam timiditatis notam acceptare liceat, quia semper notam hanc verebuntur homines mundani. Vide dicta ad quintum Decalogi præceptum.

III. *Sententia asserens Bullam Cœnæ salum prohibere absolutionem hæresis, & aliorum criminum, quando publica sunt, & id non derogare facultati Tridentini, in qua de occultis criminibus sermo est, anno 1629. 18. Julii in Consistorio Sacre Congregationis Eminentiſſimorum Cardinalium visa, & tolerata est.*

Patet ex hujus Propositionis censura, quid faciendum in praxi. In hac enim materia, aliisque similibus mere positivis, sufficit pro omni expositione declaratio S. Sedis explicantis Constitutiones suas.

IV. *Prælati Regulares possunt in foro conscientie absolvere quoscumque Sæculares ab hæresi occulta, & ab excommunicatione propter eam incurſa.*

Re:



Repugnat D. Thomæ in Suppl. q. 20. art. 2. *Potestas Ordinis*, ait, *quantum est de se, extendit se ad omnia peccata remittenda: sed, quia ad usum hujusmodi potestatis requiritur jurisdictio, quæ a majoribus in inferiores descendit, ideo potest superior aliqua sibi reservare, in quibus inferiori iudicium non committat, &c iterum: Quandoque est consuetudo in aliquo Episcopatu, quod enormia crimina ad terrorem reserventur Episcopo: ergo Prælati Regulares, abique Superiorum Ecclesiasticorum consensu, a censuris reservatis abolvere non possunt. Porro potestas absolvendi ab hæresi etiam occulta nedum Sæculares, sed etiam subditos suos, jam non competit Regularibus, prout declaravit Sacra Congregatio an. 1628. de quo consule Dominicum Vivam in examine hujus propositionis. Vide etiam, quæ dixi, ubi de præcipuis Regularium obligationibus.*

V. *Quamvis evidenter tibi confites Petrum esse hæreticum, non teneris denuntiare, si probare non possis.*

Repugnat D. Thomæ 2. 2. q. 37. art. 7. in corp. *Quedam peccata*, ait S. Doct. *occulta sunt in nocumentum proximorum, vel corporale, vel spirituale, puta si aliquis occulte trahat, quomodo civitas tradatur hostibus, vel si hæreticus privatim homines a fide avertat, ut avertere solet id hominum genus, quorum sermo, ut cancer serpit: & quia ille, qui sic occulte peccat, non solum in se peccat, sed etiam in alios, oportet statim procedere ad denuntiationem, ut hujusmodi nocumentum impediatur. Tunc autem non requirit discretus Judex, ut probes, sed ut criminis indicia declares, & exponas. Vide, quæ dixi in Tract. de Chr. ubi de Correct. fraterna, & ad octavum Decalogi præceptum.*

VI. *Confessarius, qui in Sacramentali confessione tribuit penitenti chartam postea legendam, in qua ad venerem incitas, non censetur sollicitasse in confessione, ac proinde non est denuntiandus.*

Hæc Propositioni puerili distinctione denunciandi necessitatem eludit; quia vero hæc necessitas fundatur præsertim in Bulla *Universi* a Gregorio XV. emissâ die 30. Augusti an. 1622. quæ in Gallia promulgata non est, idcirco non est, quod fufius hic immoremur. Vide pauca quædam in nostro de Charitate Tractatu, loco mox laudato.

VII. *Modus evadendi obligationem denunciandæ sollicitationis est, si sollicitatus confiteatur eum sollicitante, hic potest ipsum absolvere absque onere denunciandi.*

Eadem est ratio Propositionis hujus, quæ præcedentis; an enim sollicitans, qui sollicitati confessionem excipit, potest eum eximere a lege eidem per Superiores legitimis imposta. Mera igitur sunt hæc subterfugia ad eludendas Superiorum leges.

VIII. *Duplicatum stipendium potest Sacerdos pro eadem Missa licite accipere, applicando petenti partem etiam specialissimam fructus ipsimet Celebrantis correspondentem, idque post Decretum Urbani VIII.*

In hac Propositione regnat auri sacra fames omnibus Christianis, præcipue vero Sacerdotibus severe interdicta. Veritas censuræ hinc patet, quod Ecclesia, quæ ut continuo, & indefesse loquitur Doctor Angelicus errare non potest, non patiarur, ut Sacerdos de specialissima Sacrificii parte proutu disponere, eamque a se pro nummis ablegare possit: cum ex ejusdem Ecclesiæ præcepto pro se Missam offerre debeat, ut patet ex his Offensorii verbis: *Pro innumerabilibus peccatis, & offensionibus, & negligentis meis.* Præverat Apostolus Hebr. 7. ubi docet, Sacerdos necessitatem habere, prius pro suis delictis hostias offerre, deinde pro populi.

IX. *Post*

IX. *Post Decretum Urbani potest Sacerdos, cui Missa celebranda traduntur, per alium satisfacere, collato illi minori stipendio, alia parte stipendii sibi recenta.*

Hæc Propositio titulo duplici reprobanda, 1. quia iustitiam lædit. Quo enim titulo Sacerdos collato alteri minori stipendio alteram stipendii partem sibi retinet? 2. quia negotiationem importat Clericis in materia etiam profana, & a fortiori in materia sacra prohibitam, prout docet S. Thom. 2. 2. q. 77. art. 4. ad 3. Hinc colligunt Viva, & alii accuratiores, eum, qui per alium celebrat, tegeri ex iustitia ad conferendum eidem stipendii excessum, quem penes se, & nullo ex titulo servaverat.

X. *Non est contra iustitiam pro pluribus Sacrificiis stipendium accipere, & Sacrificium unum offerre; neque etiam est contra fidelitatem; etiam si promittam, promissione etiam iuramento firmata, Aanti stipendium, quod pro nullo alio offeram.*

Hæc Propositio repugnat his D. Thomæ verbis in Supplem. q. 71. art. 14. ad 2. *Suffragium Missæ distributum in multis minus prodest singulis, quam prodesset, si fieret pro uno tantum.* Repugnat etiam rationi, quia quid sit de participatione unius, ejusdemque Sacrificii in plures distributi, certo stipendium non datur Sacerdoti tanquam pretium fructus Sacrificii, sed tanquam aliquid a lege, vel consuetudine statutum ad Ministri sustentationem: porro nulla lex permittit unquam plura pro uno Sacrificio recipi stipendia, sed id omni, & quocumque tempore in Ecclesia Christi inviolate prohibitum est; & multo magis cum intervenit promissio contraria, iuramento confirmata.

XI. *Peccata in confessione omissa, seu oblita, ob instans periculum vite, aut ob aliam causam, non tenemur in sequenti confessione exprimere.*

Censura Cleri Gallic. Hæc Propositio est temeraria, erronea, & confessionis integritati derogat.

Repugnat expressissimis D. Thomæ verbis in Suppl. q. 10. art. 5. ad 3. *Aliquis tenetur iterum confiteri, cum ad memoriam peccatorum venerit. Sicut pauper (q. 2. art. 3. ad 2.) qui non potest solvere, quod debet, tenetur, cum primo potest.* Quid efficacius ad perimendum hujus Propositionis errorem? Et vero, ait Viva, se habet secundum quid ad secundum quid, sicut se habet simpliciter ad simpliciter; ergo sicut, qui nullatenus peccata deposuit, eadem licet per sinceram contritionem sibi dimissa deponere tenetur, quam primum potest; ita & ea, quis deponere tenetur, quæ sibi e memoria exciderant, & deinceps animo occurrunt.

XII. *Mendicantes possunt absolvere a casibus Episcopis reservatis, non obtemperando id Episcoporum facultate.*

Censura Cleri Gallicani: *Doctrina hæc Propositione contenta falsa est, temeraria, scandalosa, erronea, in hæresim, & schisma inducens, Concilio Tridentino contraria, Ecclesiastica Hierarchia destrudiva, invalidis confessionibus viam aperit, jam olim a summis Pontificibus, & a Clero Gallicano damnata.*

Vide, quæ dixi supra contra Propositionem quartam. Vide & locum, ad quem remisi.

XIII. *Satisfacit præcepto annuæ confessionis, qui confitetur Regulari Episcopo presentato, sed ab eo injuste probato.*

Censura Cleri Gallic. eadem, quæ Propositionis præcedentis. Vide, quæ dixi, ubi de obligationibus Regularium.

Hæc Propositio id habet insuper mali, quod Mendicantes scientiam suam Ju-

Judices constituat, ac proinde Judices in propria causa, quo semel posito jurisdictionis omnis, & subordinatio penitus subvertitur.

XIV. *Qui facit confessionem voluntarie nullam, satisfacit præcepto Ecclesiæ.* Censura Cleri Gallic. *Hæc Propositio temeraria est, erronea, sacrilegio fauet, & præceptis Ecclesiæ illudit.*

Repugnat rationi, quæ satis docet non magis impleri præceptum confessionis per confessionem voluntarie nullam, quam præceptum restitutionis per exhibitionem monetæ falsæ. Repugnat etiam S. Thomæ, secundum quem ad pœnitentiam requiritur ex parte ipsius, qui suscipit Sacramentum.... contritio, quæ est de essentia Sacramenti. Quæro autem, an contritio voluntarie nulla, & sacrilega sit de essentia Pœnitentiæ. Vide, quæ dixi, ubi de Præcepto quarto, & quinto Ecclesiæ.

XV. *Pœnitens propria auctoritate substituere sibi alium potest, qui loco ipsius pœnitentiam adimpleat.*

Repugnat D. Thomæ 3. par. q. 90. art. 2. *Requiritur ex parte pœnitentis, ait S. Doctor, quod recompenset secundum arbitrium ministri Dei, quod sit in satisfatione.* Sane ex Concilio Tridentino Sess. 14. c. 8. *Pœna satisfactioe magnopere a peccato revocant, & quasi freno quodam pœnitentes coercent... mudentur peccatorum reliquiis, & vitiosos habitus male vivendo comparatos, contrariis virtutum actibus tollunt; atque ii effectus saltem ex præcipua sui parte haberi non possent, si sufficeret pœnitentiam uni impositionem, per alium impleri.* Quanta inde iis præsertim, qui opum divites sunt, peccandi, & numquam satisfaciendi facilitas!

XVI. *Qui Beneficium curatum habent, possunt sibi eligere in Confessarium simplicem Sacerdotem non approbatum ab Ordinario.*

Censura Cleri Gallic. *Hæc Propositio est falsa, temeraria, Concilio Tridentino contraria.* Quod proinde consulendum est præsertim Sess. 23. c. 13. ubi decernitur, nullum etiam Regularem posse confessiones Sæcularium etiam Sacerdotum, ac proinde etiam Parochorum audire, nec ad id idoneum reputari, nisi, aut Beneficium Parochiale habeat, aut ab Episcopis idoneus iudicetur, & approbationem obtineat. Et vero, ne ipsis quidem Episcopis extra propriam Diœcesim veritatis licet sibi in Confessarium eligere Sacerdotem, qui approbatus non sit, prout re diu graviter expensa definiit Gregorius XIII. apud Vivam hic n. 7.

XVII. *Est licitum Religioso, vel Clerico calumniatorem graviter criminare de se, vel de sua Religione spargere minantem occidere, quando alius modus defendendi non suppetit; uti suppetere non videtur, si calumniator sit paratus, vel ipse Religioso, vel ejus Religioni, publice, coram gravissimis viris prædicta impingere, nisi occidatur.*

Censura Cleri Gallic. *Hæc Propositio est scandalosa, erronea, Decalogo aperte repugnat, cadibus patrocinator, & Magistratibus, ipsique humane societati certam perniciem intentat.* Hæc ipsa Cleri censura suam secum probationem trahit. Vide, quæ dixi ad quintum, & octavum Decalogi præceptum.

XVIII. *Licet interficere falsum accusatorem, falsos testes, ac etiam Judicem, a quo iniqua certo imminet sententia, si alia via non potest innocens damnum evitare.*

Censura Cleri Gallic. eadem, quæ præcedentis. Et vero, ubi apud eos, qui homicidam hanc Propositionem evomuerunt, ubi, inquam, patientia Christiana? ubi illud Christi: *Beati estis cum maledixerint vobis homines, & persecuti vos fuerint, & dixerint omne malum adversum vos mentientes;* ubi moderamen inculpatæ tutelæ a Theologis omnibus requisitum?

XIX.

XIX. *Non peccat maritus occidens propria auctoritate uxorem in adultério deprehensam.*

Censura Cleri Gallic. *Hæc Propositio est erronea, crudelitatem, privatamque vindictam approbat.*

Repugnat & rationi, & auctoritati. D. Thomas 2. 2. q. 64. art. 3. *Principibus habentibus publicam auctoritatem solum licet malefactores* (quibus sane annumeranda est adultera, quæ juxta legem Moyfis lapidanda erat) *occidere, non autem privatis personis, qualis est maritus relative ad vitam uxoris. Vir enim non est Judex uxoris, & ideo non potest eam interficere, sed coram Judice accusare;* in Supplem. q. 60. art. 1. ad 1. ubi quæstionem hanc ex professo versat Doctor Angelicus. Præverat Augustinus L. 2. de Adult. conjug. ubi occisionem hanc vocat *rem nefariam*, & merito, tum quia non licet quemquam inauditum damnare, cum Deus ipse Adamum audire voluerit, dicens: *Adam ubi es?* Forte enim innoxia est uxor, & a stupratoris oppressa; tum quia si rea sit conjux, & sponte successerit libidini, in æternum damnabitur, quo malo nullum esse gravius potest.

XX. *Restitutio a Pio V. imposita Beneficiatis non recitantibus, non debetur in conscientia ante sententiam declaratoriam Judicis, eo quod sit pœna.*

Censura Cleri Gallic. *Hæc Propositio falsa est, temeraria, cavillatoria, ac præceptis Ecclesiasticis illudit.*

Et vero, quia pœnæ non arbitrarie, sed ipso naturali jure impositæ; obligant independentem a sententia Judicis: atqui restitutio ab iis facienda, qui horas omiserunt, non solum Ecclesiæ legibus, sed ipso naturali jure imposita est. Quia ipso naturæ jure constitutum est, ut qui ex pacto ad aliquid faciendum tenetur sub certis conditionibus, nihil acquirat, quando iisdem conditionibus deest. Vide, quæ dixi in Tract. de Religion. par. 2. cap. 2. n. 3. sect. ult. & in Tract. de Legibus cap. 5. ubi de Lege pœnali.

XXI. *Habens Capellaniam collativam, aut quodvis aliud Beneficium Ecclesiasticum, si studio litterarum vacet, satisfecit suæ obligationi, si Officium per alium recitet.*

Repugnat D. Thomæ quodlib. 1. quæst. 7. att. 1. *Præbendatus debitum, quod debet Deo, per se ipsum debet exsolvere;* si per se ipsum debet: ergo non sufficit, ut per alium. Nec nocet, quod Propositio loquatur de Beneficiario studiis vacante. Neque enim Officii sanctæ recitati pensum, studiorum fructus retardare potest; cum Dei benedictionem inducat. Certe si juniores Beneficarii non satis haberent intervalli, ut magnum Ecclesiæ Officium recitarent, non deberent ab eo propria auctoritate abstinere, sed recurrere ad Episcopum, qui in his casibus non dispensat absolute, sed solus B. Virginis Officii recitationem indulget; prout diximus eodem T. 1. ubi de recitatione Officii.

XXII. *Non est contra justitiam Beneficia Ecclesiastica non conferre gratis, quia Collator conferens illa Beneficia Ecclesiastica pecunia interveniente, non exigit illam pro collatione Beneficii, sed veluti pro emolumento temporali, quod tibi conferre non tenebatur.*

Censura Cleri Gallic. *Hæc Propositio temeraria est, scandalosa, perniciofa, erronea, hæresim simoniacam, sacra Scriptura, Canonibus, & Pontificis Constitutionibus reprobata, mutato tantum nomine, per fallacem mentis, sive intentionis directionem inducit.*

Repugnat primis Christianismi principiis. Certe si semel stet non vendi

Beneficiam, quia solum venduntur temporalia ejus emolumenta, jam ne ipse quidem Giezi simoniz reus judicari potest. Longe aliter S. Th. q. 100. art. 4. *Beneficia*, inquit, *Ecclesiastica*, quoad fructus temporales nullo modo vendere licet, quia eis fructibus venditis, intelliguntur etiam spiritualia venditioni subijci. Vide, quæ passim dixi in Tract. de Simonia cap. 3. concl. 2.

XXIII. *Frangens jejunium Ecclesie, ad quod tenetur, non peccat mortaliter, nisi ex contemptu, vel inobedientia hoc faciat, puta, quia non vult se subijcere præcepto.*

Censura Cleri Gallicani: *Doxtrina hac Propositione contenta, falsa est, temeraria, scandalosa, perniciofa, Ecclesiasticorum mandatorum incuriam inducit, jejunii leges pravis artibus eludit.*

Repugnat saniorum quotquot fuerunt Theologorum judicio. Apud eos enim omnes receptum est istud S. Th. l. 2. q. 96. art. 4. *leges non Ecclesiasticæ solum, sed & civiles, habent vim obligandi in foro conscientie*, ac proinde per se, & ex natura rei, & secluso contemptu: ergo peccat mortaliter, qui eas in materia gravi infringit. Vide, quæ dixi in Tract. de Legibus, cap. 5. art. 1. sect. 5. punct. 2. Vide, & Tom. I. ubi de Temperantia.

XXIV. *Molities, sodomia, & bestialitas sunt peccata ejusdem speciei infamæ; ideoque sufficit dicere in confessione, se procurasse pollutionem,*

Hæc adeo horrenda sunt, ut refutatione non indigeant: *Inter vitia, quæ sunt contra naturam*, ait S. Thomas 2. 2. q. 154. art. 12. ad 4. *infimum locum tenet peccatum immunditiæ, seu molliæ, quod consistit in sola omissione concubitus ad alterum: gravissimum autem est peccatum bestialitatis, quia non servatur debita species... post hoc autem est vitium sodomiticum, cum ibi non servetur debitus sexus.* Vide, quæ dicta sunt ad sextum Decalogi præceptum.

XXV. *Qui habuit copulam cum soluta, satisfacit confessionis præcepto; dicens: Commisi cum soluta grave peccatum contra castitatem, non explicando copulam.* Repugnat vel ipsi rationi. Quasi vero fornicatio non sit crimen majus simplici tactu etiam mortaliter malo; quasi quoque fornicatio non pariat effectus, circa quos poenitentem interrogari necesse est, puta, an ex ea subsecuta sit proles, an & cujus dispendio enutriatur, an virgo deflorata fuerit, &c. Vide, quæ dixi in loco mox citato.

XXVI. *Quando litigantes habent pro se opiniones æque probabiles, potest Judex pecuniam accipere pro ferenda sententia in favorem unius præ alio.*

Censura Cleri Gallic. *Hæc Propositio falsa est, perniciofa, verbo Dei contraria, & Judicium corruptelas inducit.*

Longe aliter D. Thomas 2. 2. q. 71. a. 4. ad 3. *Iustitia*, inquit, *non declinat in unam partem magis, quam in aliam: ergo ubi plena est utriusque æqualitas, plenum servare debet æquilibrium, absque eo, quod statera ejus in unam potius, quam in aliam partem, auri pondere inclinetur.* In hoc ergo casu id agere debet Judex, ut partes amice conveniant, aut, ut rem de qua litigatur, ex æquo dividant inter se. Vide in Tract. de Judicium obligationibus.

XXVII. *Si liber sit alicujus junioris, & moderni, debet opinio censeri probabilis, dum non consistit rejectam esse a Sede Apostolica tanquam improbabilem.*

Censura Cleri Gallic. *Hæc Propositio quatenus silentium, & tolerantiam pro Ecclesiæ, vel Sedis Apostolicæ approbatione statuit, falsa est, scandalosa, salutis animarum noxia, patrocinatur pessimis opinionibus, quæ identidem temere obtruduntur, atque ad Evangelicam veritatem iniquis præjudiciis opprimendam, viam parat.*

Hæc Propositio ex omni parte peccat, & quidem 1. quatenus juniorum Libros, veterum placitis præponere videtur, contra id S. Cœlestini I. Epist. 1. *definat novitas laceßere vetustatem*; 2. quatenus supponit Apostolicam Sedem tacito assensu probare quicquid solemnii iudicio non improbat. Quasi vero, vel omnia, quæ singulis diebus exurgunt opinionum portenta, singulis diebus configere possit, vel pudendas eas approbaverit, aut permiserit opiniones, quæ a Theologis primum, deinde ab Episcopis reprobatae, tandem ab ipsis Romanis Pontificibus crescente malo confusæ sunt. Et vero Innocentius XI. & Alexander VIII. in Decretis suis monent, non censendas esse approbatas alias Propositiones ibi non expressas, etiam si Sedi Apostolicæ exhibitæ sint, ut damnentur; 3. quia cum nulla pene sit Propositio tam horrenda, quæ approbatores suos non habuerit, nulla quoque erit laxitas, quam practice sequi illicitum sit.

XXVIII. *Populus non peccat etiam si absque ulla causa non recipiat legem a Principe promulgatam.*

Censura Cleri Gallic. Hæc Propositio seditiosa est, Apostolica doctrina; ac dictis Dominicis aperte contradicit.

Et vero Luc. 20. ait Christus: *Reddite, quæ sunt Cæsaris, Cæsari.* Et Rom. 13. ait Apostolus: *Omni animæ potestatibus sublimioribus subdita sit ... itaque, qui resistit potestati, Dei ordinationi resistit; qui autem resistunt, ipsi sibi damnationem acquirunt.* Vide, quæ dixi in Tractatu de Leg. c. 3. art. 1. sect. 1.

*Damnata ab eodem Pontifice Propositiones 17. laxiores, ut minimum tanquam scandalosæ, die 18. Martii 1666.*

XXIX. *In die jejunii, qui sæpius modicum quid comedit, est notabilem quantitatem in fine comederit, non frangit jejunium.*

Censura Cleri Gallic. eadem, quæ XXIII.

Idem etiam motivum, quia, qui sæpius modicum quid comedendo ad notabilem quantitatem devenit, se habet, ut, qui sæpius modicum quid furando, ad gravem summam pervenit; & is utique gravis tandem peccati reum se constituit. Vide quæ dixi Tom. I. sive de Temper. art. 2. sect. 4. sive de Justic. 4. a. 3.

XXX. *Omnes Officialis, qui in Republica corporaliter laborant, sunt excusati ab obligatione jejunii, nec debent se certificare, an labor sit compatibilis cum jejunio.*

Censura Cleri Gallic. eadem, quæ præcedentis. Vide, quæ dixi eodem Tom. I. ubi de Temperantia.

XXXI. *Excusantur absolute a præcepto jejunii omnes illi, qui iter agunt equitando, utcumque iter agant, etiam si iter necessarium non sit, & etiam si iter unius diei consistant.*

Censura Cleri Gallic. eadem, quæ XXIII.

Utramque hanc Propositionem prædamnavit Angelus Scholæ 2. 2. q. 147. a. 4. ad 3. his verbis: *Si imminet necessitas statim peregrinandi, & magnas dietas, pedestres nimirum, vel onerosas faciendi, vel etiam multum laborandi ... In sum cum hoc non possint Ecclesie jejunia observari; non obligatur homo ad jejunandum; ergo a jejunio non exculantur ii, de quibus agunt prædictæ Propositiones.* Vide, quæ dixi ubi de Temperantia art. 2. sect. 3.

XXXII. *Non est evidens, quod consuetudo non comedendi ova; & laetitia in Quadragesima, obliget.*

Repugnat D. Thomæ v. 2. q. 147. art. 8. ad 3. *In quolibet jejunio, ait S. Do-*

S. Doctor, *interdicitur esus carniū, in jejuniū autem Quadragesimali interdiciuntur ova, & lacticia: ergo evidens est ab ovis, & lacticiis per Quadragesimam esse abstinendum iis in locis, ubi huic consuetudini ex generali, vel speciali Superiorum dispensatione derogatum non est: sicut ei quoad lacticia in Gallia derogatum est. Quamquam & multa sunt in hoc Regno Dioceses, in quibus modica pecuniæ summa pro lacticianorum redemptione a singulis solvitur, ut in Diocesi Boloniensi.*

XXXIII. *Restitutio fructuum ob omissionem Horarum suppleri potest per quascumque elemosynas, quas antea Beneficiarius de fructibus sui Beneficii fecerit.*

Propositio plane absurda, non enim magis restituuntur fructus injuste percepti, per elemosynas præcedentes, quam bono pauperi ereptum eidem restitutum censetur per elemosynas eidem, vel alii cuilibet antea factas. Et vero elemosyna de se gratuita est, quod autem gratuito datur, iustitiae debitor non expungit.

XXXIV. *In die Palmarum recitans Officium Paschale satisfacit præcepto.*

Propositio falsa, quia sola Officii præscripti recitatio satisfacere potest, nisi quandoque excuset bona fides aliud pro alio recitantis; quo etiam in casu compensanda venit Officiorum inaequalitas. Vide, quæ dixi in Tract. de Religione, ubi de Officio divino.

XXXV. *Unico Officio potest quis satisfacere duplici præcepto, pro die præfati, & crastino.*

Eadem, quæ in præcedentibus absurditas; quasi nempe unius, & integri Officii recitatio, unicuique diei per Ecclesiam affixa non sit. Vide hic uberes, sed amarus probabilitatis fructus; certe stando in Propositione XXIII. superius relata, poterat unusquisque practice sequi opiniones mox adductas ante iudicium Sedis Apostolicæ; sunt enim omnes non in uno solum, sed & in pluribus Libris juniorum.

XXXVI. *Regulares possunt in foro conscientia uti privilegiis suis, quæ sunt expressè revocata per Concilium Tridentinum.*

Censura Cleri Gallic. eadem, quæ XII. idem, & censuræ motivam.

XXXVII. *Indulgentia concessa Regularibus, & revocata a Paulo V. bodie sunt revalidata.*

Fictitia erat hæc revalidatio, atque etiam si genuina fuisset; jam non esset in vigore post censuram huiusce Propositionis, quæ novam prædictarum Indulgentiarum revocationem importat.

XXXVIII. *Mandatum Tridentini factum Sacerdoti sacrificanti ex necessitate cum peccato mortali, confitendi quamprimum, est consilium, non præceptum.*

Censura Cleri Gallic. Hæc Propositio est falsa, perniciofa, apertum Concilii Tridentini Decretum intervertit.

XXXIX. *Illæ particula, quamprimum, intelligitur, cum Sacerdos suo tempore conspiciatur.*

Censura Cleri Gallic. eadem, quæ XXXVIII.

Æquitas censuræ utriusque Propositionis ex sola Tridentini Concilii lectione manifesta est, & aperta. Sane vero quis anquam id fieri quamprimum contendere, quod aliquando ad unum vel alterum mentem proraberetur.

XL. *Est probabilis opinio, quæ dicit esse tantum veniale, osculum habuit ob delectationem, carnalem, & sensibilem, quæ ex osculo oritur, secluso periculo consensūs ulterioris, & pollutionis.*

Repugnat D. Thomæ 2. 2. q. 154. art. 5. *Oscula, inquit, sunt peccata mortalia, secundum quod libidinosa sunt: atqui oscula ob delectationem carnalem,*

lem, vere sunt libidinosi; & falsum supponunt, qui ea a periculo consensus ulterioris secludi supponunt. Quare enim placet osculum, nisi quia stimulat, & rapit cor hominis in id, ad quod de se, & propriæ corruptionis pondere vergit, & inclinatur. Vide hæc late, & latius fortassis expensa, ubi de sexto Decalogi præcepto.

XLII. Non est obligandus concubinarium ad efficiendam concubinam, si hæc nimis utilis esset ab oblectamento concubinarium, vulgo Regalo, dum deficiente illa nimis ægre viveres, & alia epula radio magno concubinarium afficerent, & alia famula nimis difficile inveniretur.

Censura Cleri Gallic. Hæc Propositionio scandalosa est, perniciofa, heretica, aperte repugnans præcepto Christi iubentis manum, pedem, oculum quod dextrum scandalizatum abscindere, & projicere.

Hæc Cleri censura suam secum probationem habet omni majorem exceptione. Vide, quæ dixi in Tractatu de Peccatis, ubi de occasione proxima.

XLIII. Licitum est mutuari aliquid ultra sortem exigere, si se obliget ad non repetendam sortem usque ad certum tempus.

Censura Cleri Gallic. Hæc Propositionio, in qua mutato tantum mutui, & usuræ nomine licet res eodem recidat, per falsas venditiones, & alienationes, simulatasque societates, aliasque ejusmodi artes, & fraudes vis divine legis eluditur, doctrinam continet falsam, scandalosam, cavillatoriam, in praxi perniciosam, palliativam usurarum, verbo Dei scripto, ac non scripto contrariam, jam a Clero Gallicano reprobata, Conciliorum, ac Pontificum Decretis sæpe damnata.

Ratio Censuræ est, quia obligatio non repetendæ sortis ad certum tempus, est mutuo intrinseca. Vide, quæ fufe dixi Tom. I. in Tract. de Contractibus part. 2. cap. 3. art. 3. concl. 3.

XLIII. Annum legatum pro anima relictum, non durat plusquam per decem annos.

Existimarunt aliqui cum Soto, animas, ut ajunt, purgantes, ultra annos decem non torqueri, quæ cerebri seriantis imaginatio, Propositionis præcedentis fundamentum erat; verum hæc ab omnibus rejecta est: qui ergo legata in perpetuum habent, eadem in perpetuum implere tenentur ex iustitia, quia pacta legitime sancita proflus servari necesse est. De his breviter dixi Tom. I. de Relig.

XLIV. Quod forum conscientia, reo correcto, ejusque contumacia cessante cessant censura.

Hujus Propositionis falsitas aperte patet, tum ex constanti usu Ecclesiæ, quæ poenitentes in excommunicatione facto sanctos, etiam post mortem absolvit, tum ex aliis, quæ dixi in Tractatu de Censuris, p. t. c. 5. art. 2.

XLV. Libri prohibiti, donec expurgentur, possunt retineri, usque dum adhibita diligentia corrigantur.

Sua sunt Libris prohibitis pericula, & multi sunt; qui eos legendo etiam ut id, quod malum est, refecent, & corrigant, magno se seductionis discrimini obijciunt. Vide, quæ dixi sub finem Tractatus de Fide.

*Propositiones 65. ab Innocentio XI. die 2. Martii 1679. damnatae, ut minimum tanquam scandalosæ, & in praxi perniciosæ.*

**N**on est illicitum in Sacramentis conferendis sequi opinionem probabilem de valore sacramenti, relicta tutiore, nisi id vaset lex, conventio, aut periculum.



periculum gravis damni incurrendi. Hinc sententia probabili tantum utenda non est in collatione Baptismi, Ordinis Sacerdotalis, aut Episcopatus. Censura Cleri Gallic. Doctrina hac Propositione contenta est respectivo falsa, absurda, perniciofa, erronea, probabilitatis pessimus fructus.

Vide, quæ dixi in Tract. de Conscientia, ubi omni auctoritatum genere probavit nequidem probabiles esse opiniones illas, quas juniores Casuistæ docebant permissas, & licitas esse in concursu aliarum, quæ simul, & tutiores sunt, & probabiles. Sane Propositio, de qua agitur eo etiam titulo ridicula est, & absurda, quod non attendat in dubia collatione cujuscumque Sacramenti, grave semper reperiri periculum irreverentiæ. Immania probabilitatis consecraria, malæ arboris fructus pessimi, ex decursu magis, ac magis innotescunt.

II. Probabiliter existimo Judicem posse judicare juxta opinionem etiam minus probabilem.

Censura Cleri Gallic. eadem, quæ Propositionis præcedentis, idem & motivum, toties in Jure Canonico repetitum, quod nempe in dubiis, & a fortiori in iis, quæ sunt plus quam dubia, qualia sunt minus probabilia, viam debeamus eligere tutiorem. Vide insuper quæ super dixi, ubi de obligationibus Judicum.

III. Generatim dum probabilitate, sive intrinseca, sive extrinseca quantumvis tenui, modo a probabilitatis finibus non exeat, consisti aliquid agimus, semper prudenter agimus.

Censura Cleri Gallic. Hæc Propositio falsa est, temeraria, scandalosa, perniciofa, novam morum regulam, novumque prudentiæ genus, nullo Scripturarum, aut Traditionis fundamento, cum magno animarum periculo statuit.

Eandem in citato de Conscientia Tractatu a fundamentis subversam reperire est.

IV. Ab infidelitate excusabimur Infidelis non credens, ductus opinione minus probabili.

Censura Cleri Gallic. eadem, quæ primæ Innoc. XI. ut eadem Censuræ ratio.

V. An peccet mortaliter, qui actum dilectionis Dei semel tantum in vita eliceret, condemnare non audeamus.

Censura Cleri Gallic. Hæc Propositio est scandalosa, perniciofa, piarum aurium offensiva, erronea, impia, primum, & summum mandatum irritum facit; atque Evangelicæ legis spiritum extinguit.

VI. Probabile est, ne singulis quidem rigoroſe quinquenniis per se obligare præceptum charitatis erga Deum.

Censura Cleri Gallic. eadem, quæ præcedentis.

VII. Tunc solum obligat, quando tenemur justificari, & non habemus aliam viam, qua justificari possumus.

Censura Cleri Gallic. eadem, quæ præcedentium: Præcipitur, ait D. Th. 2. 2. q. 44. art. 5. ut tota fortitudine, vel virtute, vel viribus Deum diligamus. An ex tota virtute diligit, qui semel in vita, aut singulis quinquenniis diligit? an censeretur filius impositam sibi a Deo de honorandis parentibus legem adimplere, si semel in vita aut per quinquennium debitam patri reverentiam præstaret? Hæc quorum Turcas puderet, quomodo animis volvere; ac multo magis verbis exprimere ausi sunt viri Christiani? vide, quæ dixi in Tract. de Charitate.

VIII. Comedere, & bibere usque ad satietatem ob solam voluptatem, non est peccatum, modo non obſt valetudini, quia licite potest appetitus naturalis suis actibus frui.

Censura Cleri Gallic. *Hæc Propositio temeraria est, scandalosa, perniciofa, erronea, & ad Epicuri scholam ableganda.*

Repugnat D. Thomæ 1. 2. q. 18. art. 9. sic loquenti: *Cum rationis sit ordinare actus a ratione deliberativa procedentes, si non sit ad debitum finem ordinatus, ex hoc ipso repugnat rationi, & habet rationem mali.* Porro quis, nisi Epicuri alumnus, voluptatem dixerit finem esse cibi, & potus. Vide quæ dixi in Tractatu de Actibus humanis, ubi de necessitate omnes, & singulos actus ad Deum referendi.

IX. *Opus coniugii ob solam voluptatem exercitum omni penitus caret culpa, ac defectu veniali.*

Longe aliter D. Thomas in Suppl. q. 4. art. 5. *Duobus solum modis conjuges absque omni peccato conveniunt, scilicet causa procurandæ prolis, & debiti reddendi: alias autem ibi est peccatum ad minus veniale.* Vide dicta ad sextum Decalogi præceptum.

X. *Non tenemur proximum diligere actu interno, & formali.*

Censura Cleri Gallic. *Hujus Propositionis doctrina scandalosa, & perniciofa est, piarum aurum offensiva, & secundo charitatis præcepto contraria, respectivo hæretica, & omnem vel in ipsis parentibus, & liberis humanitatis sensum extinguens.*

XI. *Præcepto diligendi proximum satisfacere possumus per solos actus externos.*

Censura Cleri Gallic. eadem, quæ præcedentis.

Utraque Propositio præceptum fraternæ charitatis directe subvertit. Certe proximum sicut nos, & post Deum diligere jubemur. Deum autem, & nosmetipsos non exterius solum, sed & interiori, ac formali actu diligere præcipimur. Unde Angelus Scholæ, 2. 2. q. 25. art. 9. *Effectus*, inquit, *& signa charitatis ex interiori dilectione procedunt, & ei proportionantur.* Vide dicta ubi de Præcepto Charitatis.

XII. *Vix in Sæcularibus invenies, etiam in Regibus, superfluum statui. Et ita vix aliquis tenetur ad eleemosynam, quando tenetur tantum ex superfluo statui.*

Censura Cleri Gallic. *Hæc Propositio est temeraria, scandalosa, perniciofa, erronea, Evangelicum de eleemosyna præceptum pessumdat.*

Hujus Censuræ veritas, & æquitas per se patent, & amplius adhuc ex iis elucescent, quæ dixi agendo de eleemosyna in Tractatu de Charitate. Fundamentum erronæ hujus Propositionis hoc fuit, quod liceat ditissimis, ipsisque adeo Regibus servare sua ad suum, suorumque statum augendum; quo semel jacto principio, vix locupletissimi quique superfluum habebunt, cum ambitio, & æstænus cupiditas nunquam dicant, *Satis est.* Aliter sentit S. Thomas 2. 2. q. 32. art. 5. ad 3. ubi definit, mortaliter peccare eum, qui non dat eleemosynam ex iis, quæ sibi necessaria non sunt secundum præsentem statum. *Nec oportet*, inquit, *quod homo consideret omnes casus, qui possunt contingere in futurum, puta, sui, suorumve ad statum altiores promotiones: hoc enim esset de crastino cogitare.*

XIII. *Si cum debita moderatione facias, potes absque peccato mortali de vita alicujus tristari, & de illius morte naturali gaudere, illam inefficaci affectu petere, & desiderare; non quidem ex displicentia personæ; sed ob aliquod temporale emolumentum.*

Censura Cleri Gallic. eadem, quæ decimæ Innocentii XI.

Censuræ ratio est, quia ex D. Thoma 2. 2. q. 26. art. 9. *Id, quod habet majorem rationem boni, est magis diligendum, & quod Deo similis: ergo cum proximi vita majus sit bonum, quam ejusdem opes, & ex parte vitæ majore*

maiores cum Deo similitudinem habeat, magis vitam ejus, quam bona diligere debemus. Et vero proximum sicut nos diligere tenemur. Quis porro vellet, ut alius de sua vita tristeretur, & de morte sua naturali gauderet?

XIV. *Licet absolute desiderio cupere mortem patris, non quidem ut malum patris, sed ut bonum cupientis, quia nimirum ei obveniret ut pinguis hereditas.*

Censura Cleri Gallic. eadem, quæ præcedentis, eadem & ratio Censuræ.

XV. *Licet esse filio gaudere de parricidio parentis a se in ebrietate perpetrato, propter ingentes divitias inde ex hereditate consecutas.*

Censura Cleri Gallic. *Hæc Propositio est falsa, scandalosa, execranda, pietati erga parentes contraria, viam crudelitatis, & avaritiæ aperiens. Adde & ab ipsis Ethnicis procul amandata, cum inter ferrei sæculi calamitates hanc enumeraverint, quod*

*Filius ante diem, patrios inquirat in annos.*

Refellitur abunde ex iis, quæ ad præcedentes Propositiones dicta sunt. De his vide dicta ad quartum, & quintum Decalogi præceptum.

XVI. *Fides non censetur cadere sub præceptum speciale, & secundum se.* Repugnat his D. Thomæ verbis 2. 2. q. 62. a. 1. *De assensu fidei dantur præcepta in lege divina. Dicitur enim Eccli. 2. Qui timet Deum credite illi.* Et vero, si fides non cadat sub præceptum speciale, non peccat specialiter infidelis, qui fides sibi sufficienter propositam amplecti detrectat, quod repugnat & D. Thomæ 2. 2. q. 10. art. 1. & constanti saniorum Theologorum judicio.

XVII. *Satis est actum fidei semel in vita elicere.*

Censura Cleri Gallic. eadem, quæ primæ Alexandri VII. ad quam recurrit.

XVIII. *Si a potestate publica quis interrogetur, fidem ingenue confiteri, ut Deo, & fidei gloriosum consulo; tacere, ut peccaminosum per se non damno.*

Censura Cleri Gallic. *Hæc Propositio scandalosa est, præceptis Evangelicis, & Apostolicis aperte contraria, & heretica.*

Audiat S. Thomas 2. 2. q. 3. art. 2. *Apostolus dicit ad Rom. 10. Corde creditur ad justitiam, ore autem confessio fit ad salutem.* Et infra: *Si aliquis interrogatus de fide (auctoritate publica) taceat, & ex hoc crederetur, vel quod non haberet fidem, vel quod fides non esset vera, vel alii per ejus taciturnitatem averterentur a fide, peccaret mortaliter. In hujusmodi enim casibus confessio fidei est de necessitate salutis.* Vide Tractatum de Fide.

XIX. *Voluntas non potest efficere, ut assensus fidei in seipso sit magis firmus, quam mereatur pondus rationum ad assensum impellentium.*

XX. *Hinc potest quis prudenter repudiare assensum, quā habebat supernaturalem.* Utriusque hujus Propositionis doctrina, subtilis quidem, si Philosophice consideretur, sed Theologice magnopere erronea. Fidei enim certitudo, & firmitas non mensuratur ex motivis, & rationibus, quæ ad fidem tanquam præambula inducunt; sed ex operatione Dei, quo movente accipit humana mens verbum auditus Dei, non ut verbum hominum, sed sicut est vere verbum Dei; ideoque illud ea jam certitudine amplectitur, quæ omnem aliam, seu moralem, seu naturalem excedit: ergo, qui audito Christi Evangelio ab hominibus aliquando nulla miracula patrantibus, Alcorani deinceps prædicationem audit ab hominibus, qui, ut Joannes, & Mambres per præstigia illudunt, imprudenter prorsus assensum fidei sibi propositum datum rejicit, & repudiat. Ita ferme Martinus Steyartius Tom. 1. edit. 1736.

XXI. *Assensus fidei supernaturalis, & utilis ad salutem fiat cum notitia solum probabili revelationis, imo cum formidine, qua quis formidet, ne non sit loquutus Deus.*

Censura Cleri Gallic. *Hæc Propositio scandalosa est, pernicioſa, & Apostolicam fidei definitionem evertit.*

Si vera sit hæc Propositio, jam 1. æternam salutem consequi poterit quodam hominum genus in fide scepticum, nihil in Religione tenens certum, sed suam singulis Christianismi Sectis probabilitatem inesse existimans, desperansque de assequenda in tantis varietatibus certitudine. Longe aliter S. Th. 2. 2. q. 2. art. 4. *Adus, qui est credere, inquit, habet firmam adhesionem; 2. nemo fidelis tenebitur paratus esse vitam perdere potius, quam deserere fidem; quis enim vitam pro notitia solum probabili, & erroris periculo obnoxia profundere teneatur? 3. posset quis post intentos, & iteratos contritionis actus credere fide supernaturali se justificatum esse; cum ea justificatio probabiliter oriatur ex illa præmissa revelata universalī, quod contritus gratiam consequatur: atqui consequens repugnat Trid. Sess. 9. c. 9.*

XXII. *Nonnisi fides unius Dei necessaria videtur necessitate mediū, non autem explicita Remuneratoris.*

Censura Cleri Gallic. *Hæc Propositio in Deum Remuneratorem, & in Christi Mediatoris nomen contumeliosa est erronea, & heretica.*

Repugnat expresse Apost. ad Hebr. 11. *Credere oportet accedentem ad Deum, quia est, & inquirentibus se remunerator sit:* ubi non minus requiritur explicita fides Dei remuneratoris, quam explicita fides Dei unius; & hanc tamen nemo negat necessariam esse etiam necessitate mediū. Et vero fides est basis, ac fundamentum spei nostræ, cum sit *sperandarum substantia rerum ex eodem Apostolo: ergo fides non in Deum simpliciter, sed in Deum, ut a quo bona sperata expectantur, ferri debet; ac proinde habere pro objecto Deum quatenus remuneratorem.* Hinc S. Th. Lect. 2. hic: *Non solum, inquit, est necessarium credere, quod Deus sit, sed quod habeat providentiam de rebus; aliter nullus iret ad ipsum, si non speraret aliquam remunerationem ab ipso.*

XXIII. *Fides lætæ dicta ex testimonio creaturarum, similive motivo ad justificationem sufficit.*

Censura Cleri Gallicani eadem, quæ præcedentis.

Ratio Censuræ hæc est, quod *per cognitionem naturalem homo non convertitur in Deum, in quantum est justificationis causa, unde talis cognitio non sufficit ad justificationem:* Verba sunt Doctoris Angelici 1. 2. q. 113. art. 4. ad 2. Et vero inter principium justificationis, & justificationem ipsam aliqua intercedere debet proportio: ergo cum justificatio sit supernaturalis, necesse est, ut & supernaturalis sit fides, cui illa innitur. Hinc Trident. Sess. 6. Can. 3. *Si quis, inquit, dixerit, sine Spiritu sancti adjutorio hominem credere. posse sicut oportet, ut ei justificationis gratia conferatur, anathema sit.*

XXIX. *Vocare Deum in testem mendacii levis, non est, tanta irreverentia, propter quam velit, aut possit, damnare hominem.*

Repugnat D. Th. 2. 2. q. 98. art. 3. ad 2. *Ille, inquit, qui jocoſe, ac proinde in qualibet alia re levi, perjurat, non evitat divinam irreverentiam, sed quantum ad aliquid magis augeat; & ideo non excusatur a peccato mortali.* Confuetudo autem jurantes tunc demum excusabit, ait Steyartius ubi sup. pag. 23. cum de illa tollenda serio laborabunt. Vide quæ dixi ubi de Juram. c. 3. a. 4.

XXX. *Cum causa licitum est jurare sine animo jurandi, sive res sit levis, sive gravis.*

Censura Cleri Gallic. *Hæc Propositio est temeraria, scandalosa, pernicioſa, bonæ fidei illudens, & Decalogo contraria.*

Repu-

Repugnat D. Thomæ 2. 2. q. 100. art. 3. *Cum voces*, inquit, *sint naturaliter signa intellectuum*, innaturale est, & indebitum, quod aliquis voce significet id, quod non habet in mente: porro, qui jurat sine animo jurandi, exterius simulat id, quod reipsa, & intus non facit; ergo vere mentitur, & peccat. Vide ibidem dicta.

XXVI. Si quis, vel solus, vel coram aliis, sive interrogatur, sive propria sponte, sive recreationis causa, sive alio quocumque fine juret se non fecisse aliquid, quod revera fecit, intelligendo intra se aliquid aliud, quod non fecit, vel aliam viam ab ea, in qua fecit, vel quodvis aliud additum verum, revera non mentitur, nec est perjurus.

Censura Cleri Gallic. Hæc Propositio temeraria est, scandalosa, perniciofa, illusoria, erronea, mendaciis, fraudibus, & perjuriis viam aperit, & sacris Scripturis adversatur.

XXVII. Causa justa utendi his amphibologiis est, quoties id necessarium, aut utile est ad salutem corporis, honorem, res familiares tuendas, vel ad quemlibet alium virtutis actum, ita ut veritatis occultatio censatur tantum expediens, & studiosa.

Censura Cleri Gallic. eadem, quæ propositionis præcedentis.

Utraque repugnat his D.Th. verbis 2. 2. q. 89. a. 7. ad 4. *Debet juramentum servari secundum intellectum ejus, cui juramentum præstatur*. Unde Isidorus dicit: *Quacunque arte verborum, quis juret, Deus tamen, qui conscientie testis est, ita hoc accipit, sicut ille, cui juratur, intelligit*. Dupliciter autem vici sit, quia & Dei nomen in vanum assumit, & proximum dolo cupit.

Nec nocet quod aliquando grave proximi malum per amphibologias, & non aliter averti possit; nam ut bene S. Thomas ibid. q. 100. art. 4. *Non licet aliqua inordinatione uti ad impediendum nocumenta, & defectus aliorum*. Quis porro æquivocationes nihil habere inordinati contendere ausit? Vide quæ contra amphibologias, & mendacia diximus Tom. 1. ubi de Juramento, & ad octavum Decalogi præceptum.

XXVIII. Qui mediante commendatione, vel munere ad Magistratum, vel officium publicum promotus est, poterit cum restrictione mentali præstare juramentum, quod de mandato Regis a similibus solet exigi, non habito respectu ad intentionem exigentis, quia non tenetur fateri crimen occultum.

Censura Cleri Gallic. Hæc Propositio scandalosa est, perniciofa, patrociniatur humana ambitioni, perjuriam excusat, publicæ potestati contra Dei mandatum adversatur.

Nec obstat, quod si non jures, crimen occultum fatearis; quia impurare tibi debes, quod te eas in angustias conjeceris. Adde quod Lex non intendat, ut occultum tui crimen reveles, sed ut ab officio, quod male ambiisti, & quod in Reipublicæ detrimentum exercebis te te retrahas. Unde tunc non imponitur præceptum iusto rigidius, sed rationale, & quod ad bonum publicum valde conducit.

Confirm. quia quando Superior promovendos ad Ordines interrogat de natalibus; de censuris, de irregularitatibus, aut eos, qui matrimonium contrahere volunt, de impedimentis; etsi nulla tunc præcesserit infamia, aut semiprobatio, datur tamen obligatio candide respondendi, adeoque occultum dedecus manifestandi, nisi tamen velint, si a matrimonio, illi ab Ordinibus abstinere, ergo a pari in casu proposito.

XXIX. Urgens metus gravis, est causa justa Sacramentorum administrationem simulandi.

Audia-

Audiatur S. Thomas, qui pestilentem hanc doctrinam aperte damnat 2. 2. q. 93. art. 1. *Mendacium*, ait ex Augustino, *maxime perniciosum est, quod fit in his, quæ ad Christianam religionem, ac proinde, quæ ad Sacramenta, potissimam Christianæ religionis partem, pertinent. Est autem mendacium, cum aliquis exterius significat contrarium veritati. Sicut autem significatur aliquid verbo, ita etiam significatur aliquid facto; & ideo si per cultum exteriorum aliquid falsum significatur, ut revera significatur, cum simulatur administratio Sacramentorum, puta cum metu mortis datur indigno hostia non consecrata, erit cultus perniciosus. Hinc olim condemnati Libellatici, qui numerata pecunia a Magistratibus Ethnicis obtinebant libellos fidei facientes, ipsos Cæsarum edictis de cultu idolorum, quæ tamen non adoraverant, obsecutos fuisse. Hinc recentius damnati illi, qui intentionem ad Deum, aut crucem in sinu gestatam dirigentes, thus coram idolo adolebant. Probanda tamen, ait Steyaert, praxis Confessorum, qui pœnitenti, quem non absolvent, dant benedictionem; ne apud alios suspicionem incurrat.*

XXX. *Fas est viro honorato occidere invasorem, qui nititur calumniari inferre, si aliter hæc ignominia vitari nequit: idem quoque dicendum, si quis impingat alapam, vel fuisse percutiat, & post impactam alapam, vel idem fustis, fugiat.*

Censura Cleri Gallic. *Hæc Propositio est scandalosa, erronea, mundano honori servit, ultionem, & homicidia excusat.*

Permittit quidem D. Thomas, ut is, cui mors intentatur, vim vi repellat. Verum calumnia non est proprie vis, ut saniores quorquor fuisse Theologi advertunt: aliaque, quam percussiois via repelli potest, implorato scilicet Magistratus auxilio, quod si non juvet, dicendum cum Propheta Rege: *Propter verba laborum tuorum ego custodivi vias duras.* Et vero, quis nisi mundano spiritu refertus, existimet verum, solidumque honorem tam fragilem esse, ut a quocumque nebulone colaphum, aut fustem per injuriam infligente, viro honorato injuriam hanc pro Christo patienter sustinenti, auferri possit; Vide dicta ad quartum Decalogi præceptum.

XXXI. *Regulariter occidere possum furem pro conservatione unius auri.*

Censura Cleri Gallic. *Hæc Propositio legi Dei, & ordini charitatis divinitus instituta contraria est, perniciosa, & erronea.*

XXXII. *Non solum licitum est defendere defensione occisiva, quæ actu possidemus, sed etiam, ad quæ jus inchoatum habemus, & quæ nos possessuros speramus.*

XXXIII. *Licitum est tam heredi, quam legatario contra injuste impediendem, ne vel hereditas adeatur, vel legata solvantur, se taliter defendere, sicut & jus habenti in cathedra; vel præbendam contra eorū possessionem injuste impediendam.*

Censura Cleri Gallic. eadem quæ xxxi. præcedentis.

Horret animas eas audire Propositiones, quæ ipsis etiam Clericis tribuunt feralem licentiam ferro, veneno, aut alio mortis genere grassandi in eos, qui sibi quoad Beneficiorum possessionem adversantur. Bene hic Steyaert: *De viris sanguinum salva me Domine.*

XXXIV. *Licet procurare abortum ante animationem factus, ne puella deprehensa gravida occidatur, aut infamesur.*

Censura Cleri Gallic. *Hæc Propositio est scandalosa, erronea, infandis homicidiis, & parricidiis procurandi apta: Homicidii enim festinatio est prohibere nati; nec refert natam quis eripiat animam, an nascentem distinet.*

XXXV. *Videtur probabile omne factum, quamdiu in utero est, carere animæ ratione.*

*rationali, & quæ primum incipere eandem habere, cum paritur; ac consequenter dicendum erit in nullo abortu homicidium commissi.*

Censura Cleri Gallic. eadem, quæ præcedentis.

Jungatur hæc Propositio cum superiori, & manifestum erit scetum, quamdiu est in utero matris occidi posse a puella, mortem, vel infamiam, quæ semper imminet, pertimescente. O extremum absurditatis! De his quinque Propositionibus consule, quæ dicta sunt ad quintum Decalogi præceptum.

XXXVI. *Permissum est furari non solum in extrema necessitate, sed etiam in gravi.*

Censura Cleri Gallic. Hæc Propositio quatenus furtum permittit in gravi necessitate, falsa est, temeraria, & Republica perniciofa.

Vide, quæ dixi in Tractatu de Justitia; interim compara hanc doctrinam cum superiori doctrina de occidendo fure, & omnia stragibus plena habebis. Furabuntur pauperes ob necessitatem, quæ sæpe est, & sapius judicator gravis; occident divites ob boni sui dilapidationem, saltem quoties aureum sibi unum subripi videbunt, aut subripiendum pertimescent. Inde quæ, & quanta malorum strues!

XXXVII. *Famuli, & famule domesticæ possunt occulte veris suis surripere ad compensandam operam suam, quam majorem judicant salario, quod recipiunt.*

Censura Cleri Gallic. Hæc Propositio falsa est, furtis viam aperit. & famulorum fidem labefaciat.

Peccat hæc Propositio, quatenus quemlibet famulum in propria causa Judicem constituit. Quod si semel admittatur, nulla erit in familiis pax, nullus ordo, nulla securitas. Vide quæ dixi, tum in Tractatu de Justitia, tum ubi de quarto Decalogi præcepto.

XXXVIII. *Non tenetur quis sub pœna peccati mortalis restituere, quod ablatum est per pauca furtiva, quantumcumque sit magna summa totalis.*

Censura Cleri Gallic. Hæc Propositio est falsa, perniciofa, & furta etiam gravia approbat.

Repugnat rationi; qui enim grandem per modica furtiva summam deprædatum est, jam incipit esse detentor rei alienæ in magna quantitate, ac proinde peccati mortalis reus, nisi summam hac arte partam restituat.

XXXIX. *Qui alium movet, aut inducit ad inferendum grave damnum tertio, non tenetur restitutionem istius damni illati.*

Censura Cleri Gallic. Hæc Propositio falsa est, temeraria, fraudibus, & dolis patrocinatur; & justitiæ regulis repugnat.

Repugnat D. Thomæ 2.2. q. 62. art. 7. ubi ad restitutionem obligatur, quicumque est causa injustæ acceptionis, & id quidem, ait S. Doctor, contingit, movendo ad ipsam acceptionem, quod fit præcipiendo, consulendo, &c. Vide, quæ dixi in Tractatu de Justitia, parte 3. c. 2. art. 5. sect. 4.

XL. *Contractus mohatra licitus est, etiam respectu ejusdem personæ, & cum contractu retrovenditionis prævie initio, cum intentione lucri.*

Censura Cleri Gallic. eadem, quæ XLII. Alexandri VII.

Vide Tractatum nostrum de Contractibus 2. p. c. 1. in Appendice, ubi ex professo probatum est contractum mohatra, usuram esse non tam paliatam, quam apertam.

XLI. *Cum numerata pecunia pretiosior sit numeranda, & nullus sit, qui non majoris faciat pecuniam præsentem, quam futuram, potest Creditor aliquid ultra sortem a Mutuatario exigere, & eo titulo ab usura excusari.*

Cen-

Censura Cleri Gallic. eadem, quæ XLII. Alexandri VII. Vide eundem Tractatum c. 3. art. 3.

XLII. *Lusura non est, dum aliquid ultra sortem exigitur, tanquam ex benevolentia, & gratitudine debitum; sed solum, si exigitur tanquam ex iustitia debitum.*

Censura Cleri Gallic. eadem, quæ XLII. Alexandri VII. Censuræ hujus æquitas esse patebit ex eodem Tractatu.

XLIII. *Quidni nonnisi veniale sit detrabentis auctoritatem magnam sibi noxiam falso crimine elidere?*

Longe aliter S. Thomas 2. 2. q. 110. art. 3. ad 4. *Non est licitum mendacium officiosum dicere, ad hoc quod aliquis alium a quocumque periculo, etiam mortis, ut ex contextu evidens est, liberet. Si mendacium hujusmodi a peccato veniali non vacat, quomodo a mortali vacabit falsi criminis exprobratio. Vide dicta superius, ubi de octavo Dei præcepto.*

XLIV. *Probabile est non peccare mortaliter, qui imponit falsum crimen alicui, ut suam iustitiam, & honorem defendat: & si hoc non sit probabile, vix ulla erit opinio probabilis in Theologia.*

Censura Cleri Gallic. Hujus Propositionis doctrina falsa est, temeraria, scandalosa, erronea, spatiosam calumniatoribus, & impostoribus portam aperit: & clare detegit quam nefaria placita probabilistis nomine inducuntur.

Adde, quod istud Dei præceptum: *Non loqueris contra proximum tuum falsum testimonium*, sic semper intellectum fuerit, ut graviter in materia gravi obligaret. Porro gravis est materia quælibet accusatio de crimine, quod quis reipsa non perpetravit.

XLV. *Dare temporale pro spiritali non est simonia, quando temporale non datur tanquam pretium, sed dumtaxat tanquam motivum conferendi, vel efficiendi spiritalis, vel etiam quando temporale sit solum gratuita compensatio pro spiritali, aut e contra.*

Censura Cleri Gallic. eadem, quæ VXII. Alexandri VII.

XLVI. *Et id quoque locum habet, etiamsi temporale sit principale motivum dandi spiritalis; imo etiamsi sit finis ipse rei spiritalis, sic ut illud pluris æstimetur, quam res spiritalis.*

Censura Cleri Gallic. eadem, quæ ejusdem Propositionis XXII. Alex. VII. Hæc opinio in nostra in nostro de Simonia Tractatu, confurata reperies.

XLVII. *Cum dixit Concilium Tridentinum eos alienis peccatis communicantes mortaliter peccare, qui non quos digniores, & Ecclesiæ magis utiles ipsi iudicaverint, ad Ecclesias promoveant, Concilium, vel primo videtur per hoc digniores non aliud significare velle, nisi dignitatem eligendorum sumpto comparatione propositivo; vel secundo locutione minus propria ponit digniores, ut excludat indignos, non vero dignos; vel tandem loquitur tertio, quando sit concursus.*

Censura Cleri Gallic. Hæc Propositio Concilio Triad. contraria est, Ecclesiæ utilitati, ac saluti animarum, quæ a Pastorum delectu præcipue pendet, adversatur.

Hujus Propositionis errorem nervose, & breviter præfussocavit S. Thomas his verbis 2. 2. q. 63. art. 2. ad 3. *Necesse est eligere ad Beneficiæ, meliorem, vel simpliciter, vel in ordine ad bonum commune. Vide quæ fuscè discussi T. I. ubi de Beneficiis c. 2. art. 1. sect. 2.*

XLVIII. *Tam clarum videtur fornicationem secundum se nullam involvere malitiam, & solum esse mala, quia interdicta, ut contrarium omnino rationi dissonum videtur.*

Censura Cleri Gallic. Doctrina hæc Propositione contenta scandalosa est, perniciofa, castarum, & piarum aurium offensiva, & erronea.

Cen.



Censuræ veritas, & æquitas ex se patent. *Fornicatio*. ait S. Thom. 2. 2. q. 154. art. 2. *est contra naturam proles educandæ, & ideo est peccatum mortale*, ac proinde non ideo solum vitiosa, quia prohibita. Certe si fornicatio non nisi a positiva Dei lege habeat quod peccatum sit, Gentiles qui legem hanc nesciebant, inculpabiliter fornicati fuere; quod repugnat Apostolo 1. Cor. 6. & Ephes. 5. ubi fornicatio inter vitia per se mala, & quæ per Christi gratiam abluenda sunt, enumeratur. Sed de his prolixius ad 6. Decalogi præceptum.

XLIX. *Mollities jure naturæ prohibita non est. Unde si Deus eam non interdixisset; sæpe esset bona, & aliquando obligatoria sub mortali.*

Repugnat D. Thomæ q. 15. de Malo, artic. 1. Repugnat Apostolo mollium recensenti inter ea peccata, quæ Ethnicis solam naturæ legem cognoscentes in perpetuum damnare potuerunt. Repugnat vel ipsis Paganis; quos inter Martialis vir aliqui levissimus, a nobis adductus est ubi de sexto eodem Decalogi præcepto.

L. *Copula cum conjugata consentiente marito, non est adulterium, adeoque sufficit in confessione dicere se esse fornicatum.*

Censura Cleri Gallic. eadem, quæ XLVIII. Innocentii XI.

Repugnat Apostolo generatim, & indistincte pronuntianti, Rom. 7. quod mulier vivente viro vocabitur adultera, si fuerit cum alio viro. Repugnat & Augustino, quem tamen in fornicationis suæ patrocinium adducere conati sunt Pseudepistolæ. *Non est ita existimandum*, ait L. 1. de Sermone Dom. c. 17. quod hoc femina, viro permittente facere posse videatur, hoc enim omnium sensus excludit. Vide dicta ad idem sextum Decalogi præceptum, ubi de Adulterio.

LI. *Famulus, qui submissis humeris scienter adiuvat berum suum ascendere per fenestras ad stuprandam virginem, & muloties eidem subservit deferendo scalam, aperiendo januam, aut quid simile cooperando, non peccat mortaliter, si id faciat metu notabilis detrimenti, puta, ne a Domino male trahatur, ne torvis oculis aspiatur, ne domo expellatur.*

Censura Cleri Gallic. *Hæc Propositio scandalosa est, perniciofa, verbis Dominicis, & Apostolicis aperte contraria, & hæretica; quam enim dabit homo commutationem pro anima sua? & digni sunt morte non solum, qui ea faciunt, sed etiam, qui consentiunt facientibus.* Censura hæc suam secum probationem defert. Apposite S. Thomas 2. 2. q. 62. art. 7. ad t. *Non solum peccat ille, qui peccatum exequitur, sed etiam qui quocumque modo peccati causa est, vel cooperatur.* Vide quæ dixi in Tract. de Justitia, & quæ dicam in Tract. de Charitate, ubi de scandalo.

Nota cum Steyartio tenebrosam erroneæ Casuistarum Theologiæ profunditatem. Cum audis notabile detrimentum, magni aliquid concipis. Cum veneris ad rem ipsam, nihil detegis. Potest juxta eos occidi homo; utique pro re gravi. Sed quænam ea est? *regulariter aureus unus*, vel ad summum paulo plures, sed quibus, nec vitam bovis in macello emas. Potest & occidi, qui honorem alterius invadit. Sed invadere censetur, qui dat alapam, ictumve fustis, aut dicit: *Mentiris*. Potest famulus magistri libidinibus cooperari, si id faciat metu notabilis detrimenti. Cujusnam vero? an mortis. Non ita sane, sed ne torvis oculis aspiatur.

LII. *Præceptum servandi Fesla non obligat sub mortali, seposito scandalo, si absit contemptus.*

Censura Cleri Gallic. *Hæc Propositio est scandalosa, ad violandas leges, tum Civiles, tum Ecclesiasticas, & Apostolicas viam aperit, ac proinde superiorum auctoritate prohibenda.*

Vide

Vide, quæ dixi in Tract. de Legibus, ubi abunde probatum est, id quod docet S. Th. 1. 2. q. 96. art. 4. *leges etiam civiles, & a fortiori ecclesiasticas habere vim obligandi in foro conscientie*, & quidem graviter in materia gravi, & secluso quocumque contemptu. Vide etiam dicta, ubi de Ecclesiæ præceptis.

LIII. *Satisfacit præcepto Ecclesiæ de audiendo sacro, qui duas ejus partes, imo quatuor simul a diversis Celebrantibus audit.*

Censura Cleri Gallic. *Hæc Propositio absurda est, scandalosa, illusoria, communique Christianorum sensui repugnat.*

Ratio est, quia plures diversorum sacrorum partes non magis sacrum unum efficiunt, quam caput Joannis, pectus Petri, & pedes Pauli simul sint unus homo. Sane si quatuor diversarum Missarum partes audiens, Missam integram audivisse censetur, quidni & eam audivisse censetur; qui decem; aut viginti partes simul audierit. O miseros parentes nostros, qui hæc compendia nescierunt! Ex Propositionis hujus censura obiter colliges cum Steyartio, eum qui Missam audit a Consecratione ad finem, non satisfacere Ecclesiæ præcepto, si aliam posthac audiat a principio ad Consecrationem. Vide dicta ad 3. Decal. præcep.

LIV. *Qui non potest recitare Matutinum, & Laudes, potest autem reliquas Horas, ad nihil tenetur, quia major pars trahit ad se minorem.*

Censura Cleri Gallic. eadem, quæ XX. Alexandri VII.

Idem prorsus ac si dixeris, qui centum debet, & nonnisi decem solvere potest, non tenetur ad decem. Nec ridiculum minus est fundamentum assertionis, quam assertio ipsa; ex ea tamen inferebant noviores Casuistæ eum, qui totum vel jejunii, vel Missæ audiendæ præceptum implere nequit, ne ad eam quidem partem teneri, quam potest: quod si in restitutione sibi facienda non admisissent, cur in rebus Deo debitis tam facile ad miserunt? Vide dicta ubi de Officii divini recitatione.

LV. *Præcepto Communionis annue satisficit per sacrilegam Domini manducationem.*

Censura Cleri Gallic. *Doxtrina hæc Propositione contenta temeraria est, scandalosa, erronea, impietati, & sacrilegio favet, & præceptis Ecclesiæ illudit.*

Repugnat Concilio Lateranensi, secundum quod omnis utrinque sexus debet reverenter ad minus in Pascha Eucharistiæ Sacramentum suscipere; si reverenter ergo non sacrilege, sed cum debita animi præparatione. Fundamentum impie hujus assertionis hoc erat, & quod modus præcepti sub præceptum non cadat; & quod Ecclesia actus internos præcipere nequeat. Fallit utrumque; tum quia præceptum Ecclesiæ sic impleri debet, ut nihil fiat contra finem actus præcepti, qui in Communionem est unio cordis cum Christo; tum quia Ecclesia cum Communionem, aliaque ejusdem generis multa præcipit, non eam præceptum condit novum, quam determinet divinum; tum denique, quia non ineptè probatur actus interiores ab Ecclesia præcipi posse. Vide, quæ dixi in Tractatu de Legibus, & ubi de quarto, & quinto Ecclesiæ præcepto.

LVI. *Frequens Confessio, & Communio, etiam in his, qui gentiliter vivunt, est nota prædestinationis.*

Censura Cleri Gallic. *Hæc Propositio temeraria est, scandalosa, erronea, impia, & sacris litteris contraria.*

Audiat vel ipsa ratio, & rationi consonans S. Th. 3. part. 4. 80. art. 4. ad 5. *Apostolus dicit 1. ad Corint. 11. Qui manducat, & bibit indigne, judicium sibi manducat, & bibit, id est condemnationem. Dicit autem Glossa ibidem, quod indigne manducat, & bibit, qui in crimine est; ergo, qui est in peccato mortali, si hoc Sacramentum accipiat, damnationem acquirit: arguit est in crimine.*

crimine, & peccato, qui *gentiliter* vivit, seu qui instar ethnici; Dei, & Ecclesie leges nescit; suisque criminibus habenas laxat; ergo frequens ejus Communio nedum nota sit prædestinationis, est econtrario nota reprobationis, & quidam æternæ damnationis prodromus.

LVII. Probabile est sufficere nutritionem naturalem, modo honestam.

Censura Cleri Gallic. Hæc Propositio est hæretica.

Repugnat Concilio Tridentino sic definiti: *Si quis dixerit sine præveniente Spiritus sancti inspiratione, atque ejus adjutorio, hominem credere, sperare, diligere, aut pœnitere posse, sicut oportet, ut ei justificationis gratia conferatur; anathema sit.* Vide superius dicta ad Propositionem XXIII. Innocentii XI.

LVIII. Non tenemur Confessori interroganti fateri peccati alicujus consuetudinem.

Censura Cleri Gallic. Doctrina hæc Propositione contenta falsa est, remanens in errorem inducit, sacrilegiis favet, Christianæ simplicitati, Ministrorum Christi judiciaria potestati, confessionis integritati, atque ipsius Sacramenti institutioni, ac fini derogat.

Repugnat vel ipsi rationi, quæ aperte declarat medico spirituali non secus ac corporali jus esse, ut interrogando cognoscat, an inveteratum sit, necne, malum, quod sibi curandum proponitur. Solide S. Thomas in Supplement. q. 9. art. 2. ad 1. Unum peccatum per se consideratum non ita demonstrat malam dispositionem peccantis, quia in unum peccatum aliquis quandoque labitur ex ignorantia, vel infirmitate: sed multitudo peccatorum, seu eorum consuetudo, quod in id idem redit in præsentem, demonstrat malitiam peccantis, vel magnam corruptionem ejusdem. Quis porro dixerit indifferens esse confessioni, an pœnitens ex infirmitate, an ex magna, & inveterata corruptione peccaverit?

LIX. Licet sacramentaliter absolvere dimidiate tantum confessos ratione magni concursus pœnitentium, qualis, v. g. potest contingere in die magne alicujus Festivitatæ, aut Indulgentiæ.

Censura Cleri Gallic. eadem, quæ præcedentis.

Repugnat D. Thomæ, ubi supra, sic ille: *De necessitate confessionis est, quod homo omnia peccata confiteatur, quæ in memoria habet, quod si non faciat, non est confessionis simulatio: sed qui dimidiate tantum confitetur, non omnia, quæ in memoria habet, peccata deponit; ergo non vere sed simulate, & ideo invalide confitetur.* Nec obest magnus pœnitentium concursus; nemo enim ante recentiores etiam somniando cogitavit causam hanc sufficere, ut qui a confessione quantum fieri poterit perfecta, & integra excusetur. Jungatur hæc Propositio cum undecima ex iis, quæ ab Alexandro VII. proscriptæ sunt, & apparebit Casuistas invenisse artem, vi cujus, qui flagitiosissima quæque commiserat, liber erat ab iis confitendis.

LX. Pœnitenti habenti consuetudinem peccandi contra legem Dei, naturæ, aut Ecclesiæ, etsi emendationis spes nulla appareat, nec est neganda, nec differenda absolutio, dummodo ore proferat se dolere, & proponere emendationem.

Censura Cleri Gallic. Hæc Propositio est erronea, & ad finalem impœnitentiam ducit.

Repugnat naturæ pœnitentiæ, quæ vetat, ne Confessarius quemquam absolvat, nisi prudenter judicet eum vere de peccatis dolere, & serio dispositum esse ad emendam, ut loquitur S. Thomas. Quis autem id de eo judicet, in quo nullam emendationis spem deprehendit. Vide, quæ dixi Tom. II. ubi de peccati occasionibus, & ubi de obligationibus Confessariorum.

LXI.

LXI. Potest aliquando absolvi, qui in proxima occasione peccandi versatur, quam potest, & non vult omittere; quin imo directe, & ex proposito querit, aut ei se ingerit.

Censura Cleri Gallic. ead. quæ XLI. Alex. VII. idem & motivum Censuræ.

LXII. Proxima occasio peccandi non est fugienda, quand. causa aliqua utilis, aut honesta non fugiendi occurrit.

Censura Cleri Gallic. eadem quæ XLI. Alexandri VII.

LXIII. Licitum est quærere directe occasionem proximam peccandi pro bono spirituali, vel temporali, nostro, vel proximi.

Censura Cleri Gallic. eadem quæ XLI. Alexandri VII. Circa hæc recur-re ad citatum nostri de Peccatis Tractatus locum.

LXIV. Absolutionis capax est homo, quantumvis laboret ignorantia my-steriorum fidei, & etiam si per negligentiam, etiam culpabilem, nesciat my-sterium sanctissimæ Trinitatis, & Incarnationis Domini nostri Jesu Christi.

Censura Cleri Gallic. eadem quæ XXII. Innocentii XI.

Dicitur Hebr. 10. ait S. Thomas 2. 2. q. 2. art. 3. *Sine fide impossibile est placere Deo*: atqui inter mysteria, quorum fides ad placendum Deo est ne-cessaria, primas tenent mysterium SS. Trinitatis, & Incarnationis, ex eo-dem S. D. ibid. art. 7. & unanimi Theologorum suffragio. Vide, quæ di-xi agendo de Fide.

LXV. Sufficit illa mysteria semel credidisse.

Virulentum hoc dogma ex æquo confutavimus in loco mox allegato. Ec-quis in animum sibi inducat fidem desidem, otiosam, quæque ita non erumpit in actum, ut quasi in animo obliteretur, ad justificationem sufficere? Hinc colliges non modo beneficio absolutionis privandum esse pœnitentem, qui Re-ligionis mysteria primaria ignorat, sed etiam an ignoret, ex professo esse inter-rogandum, si probabilem hujus ignorantie suspicionem, sive ex modo confi-rendi, seu aliter præbeat. Quia cavendum Confessario, ne indignum absolvat.

*Propositiones duæ de omnipotentia donata, & subiecta creaturæ; quæ die 23. Novembris an. 1679. ab Innocentio XI. damnatae sunt ut temerariæ ad minimum, & novæ.*

I. **D** *Deus donat nobis omnipotentiam suam; ut ea utamur, sicut aliquis donat alteri villam, aut librum.*

II. *Deus subiecit nobis suam omnipotentiam.*

Si quibus probari possint prædictæ duæ theses, iis utique, qui concur-sum indifferentem in actu primo admittunt: & hi tamen fatentur iidem thesibus jure merito præfixam fuisse nigrum theta a Pontifice Romano. Scilicet enim concursus Dei, qualicumque fingatur, non est concursus sub-jectionis, sed dignationis, ac dominii; cum sit concursus Dei plenissime Domini voluntatis creatæ, & actuum liberorum. Et vero si omnipotentia voluntati creatæ subdita foret, non posset esse eadem creata libertas in ma-nu omnipotentis divinis: sicut non potest in manu subditorum esse volun-tas Principis: porro luce meridiana clarius est libertatem creatam esse in manu omnipotentis, juxta id Proverb. 21. *Cor Regis in manu Domini, quocumque voluerit, inclinabit illud*, & Jerem. 18. *Sicut lutum in manu figuli, ita & vos*. Sed de his, quæ incauto exciderunt mihi, & nihil ad Moralem spectant, adi Dominicum Viva pag. 533.

*Proposi-*

*Propositiones duæ de Confessione, diversis temporibus proscriptæ.*

I. **S**cientia ex confessione acquisita uti licet, modo fiat sine directa, aut indirecta revelatione, & gravamine pœnitentis, nisi aliud multo majus ex non usu sequatur, in cuius comparatione prius merito contemnatur.

Addita deinde explicatione, sive limitatione, quod (Propositio) sit intelligenda de usu scientiæ ex confessione acquisitæ cum gravamine pœnitentis, seclusa quacumque revelatione, atque in casu, quo multo majus gravamen ejusdem pœnitentis ex non usu sequeretur: Statuerunt (Consultores Romani die 18. Nov. 1682.) dictam Propositionem quatenus admittit usum dictæ scientiæ cum gravamine pœnitentis, omnino prohibendam esse, etiam cum dicta explicatione, sive limitatione .... mandantes etiam universis Sacramenti Pœnitentiæ Ministris, ut ab ea in praxim deducenda prorsus abstineant.

II. *Licet per literas, seu internuntium Confessario absenti peccata sacramentaliter confiteri, & ab eodem absente absolutionem obtinere.*

Hæc Propositio die 20. Junii an. 1602. damnata est a Clemente VIII. Bulla 87. ad minus uti falsa, temeraria, & scandalosa. Vetatque idem Papa (sub pœna excommunicationis ipso facto incurrendæ, & sibi reservatæ: ne deinceps ista Propositio publicis privatisve lectionibus, concionibus, & congressibus doceatur, neve unquam tanquam aliquo casu probabilis defendatur, imprimatur, aut ad praxim quovis modo deducatur.

Circa utramque hanc thesim plura proponi possunt scitu dignissima, ut legere est apud Vivam, sed quia hæc fuscè tractantur, ubi de Pœnitentia, ibidemque fortassis a nobis aliquando expendentur, ea omittimus in præsentem.

*Propositiones duæ ab Alexandro VIII. damnatæ 24. Augusti 1690.*

I. **B**onitas objectiva consistit in convenientia objecti cum natura rationali. Formalis vero in conformitate actus cum regula morum. Ad hoc sufficit, ut actus moralis tendat in finem ultimum interpretative, hunc homo non tenetur amare, neque in principio, neque in decursu vitæ suæ moralis.

Censura Summi Pontificis, & Cleri Gallicani. Hæc Propositio est heretica & talem vero esse patebit ex iis, quæ dixi agendo de necessitate charitatis. Primam hujus partem clare perimunt hæc S. Thomæ verba 1.2. q. 89. art. 3. ad 3. Cum homo usum rationis habere inciperit .. hoc est tempus, pro quo obligatur ex Dei præcepto affirmativo, ad ejusdem amorem. Vide etiam, quæ dixi in Tract. de Peccatis, præcipue vero in nova ejusdem editione. Reliqua Propositionis pars jam confutata est, ubi de aliis Propositionibus ad amorem Dei spectantibus.

II. Peccatum Philosophicum, seu morale est actus humanus disconveniens naturæ rationali, & rectæ rationi. Theologicum vero, & mortale est transgressio libera divinæ legis. Philosophicum quantumvis grave in illo, quæ Deum vel ignorat, vel de Deo actu non cogitat, est grave peccatum, sed non est offensa Dei, neque peccatum mortale dissolvens amicitiam Dei, neque æterna pœna dignum.

Censura Summi Pontificis, & Cleri Gallicani. Hæc Propositio scandalosa est, temeraria, plurum aurium offensiva, & erronea.

Breviter, sed nervose S. Thomas 1.2. q. 71. art. 2. ad 4. Ejusdem est rationis, quod peccatum sit contra ordinem rationis humanæ; & quod sit contra legem æternam: ergo dari nequit peccatum, quod rationi adversetur, id est Philosophi-

*Tournely Theol. Moral. Tom. III.*

*Z z cum,*

cum, quin eo ipso legi æternæ dissentiat, & quin consequenter sit Theologicum. Vide, quæ eam in rem scripsi in Tractatu de Peccatis.

Hactenus laxiorem doctrinam præeunte Sede Apostolica insectati sumus; rigidiorem nunc, & quæ in oppositum scopulum impingit, eadem præeunte Sede Apostolica impugnabimus: sic tamen ut nullam æstingamus notam iis Propositionibus, quæ ad dogma, non autem ad praxim pertinent, & circa quas utiliter consuluntur Tractatus de Gratia honorati Tournely.

*Propositiones 31. ab Alexandro VIII. 7. Decembris 1690. damnatæ tanquam temerariæ, scandalosæ, malesonantes, injuriosæ, hæresi proximæ, hæresim sapientes, erroneæ, schismaticæ, & hæreticæ respective, id est, ita ut nulla sit Propositio, in quam non cadat saltem aliqua ex prædictis censuris, & nulla quoque sit censura, quæ non conveniat alicui Propositioni.*

I. **I**N statu naturæ lapsæ ad peccatum mortale, & demeritum sufficit illa, libertas, qua voluntarium, ac liberum fuit in causa sua, peccato originali, & voluntate Adami peccantis.

Si res ita sit, prava desideria, quæ homo invitus patitur, & involuntarii concupiscentiæ motus totidem erunt peccata, quod a Tridentinis Patribus in Calvino & a Pontificibus Romanis in Baio damnatum est. Vide, quæ dixi, tum in Tractatu de Actibus humanis, tum & in Tractatu de Peccatis. Breviter S. Thomas in 2. dist. 30. q. 3. artic. 2. *Ad culpam personæ, requiritur voluntas personæ, ad culpam vero naturæ, non requiritur nisi voluntas in natura illa.*

II. *Tametsi detur ignorantia invincibilis juris naturæ, hæc in statu naturæ lapsæ operantem ex ipsa non excusat a peccato formali.*

Repugnat S. Thomæ 1.2. q. 76. art. 2. *Patet, quod nulla ignorantia invincibilis, est peccatum.* Vide, quæ dixi in Tract. de Actibus humanis.

III. *Non licet sequi opinionem vel inter probabiliter probabilissimam.*

Hanc confutavi Tom. I. in Tractatu de Conscientia, ubi mediam pro virili viam ingressus sum inter eos, qui vel probabilitatem quantumvis tenuem obtrudunt cum Probabilistis; vel opinionem etiam inter probabilissimam respuunt cum Rigidistis.

IV. *Dedit Christus semetipsum pro nobis oblationem Deo, non pro solis electis, sed pro omnibus, & solis fidelibus.*

De ista, & duabus sequentibus agunt Theologi, ubi de Gratia.

V. *Pagani, Judæi, Hæretici, alique ejus generis nullum omnino accipiunt a Jesu Christo influxum, adeoque hinc recte inferes in illis esse voluntatem nudam, & inermem, sine omni gratia sufficienti.*

VI. *Gratia sufficiens statui nostro non tam utilis, quam perniciosa est, sic ut proinde merito possimus petere, a gratia sufficienti libera nos, Domine.*

VII. *Omnis humana actio deliberata est Dei dilectio vel mundi: si Dei, charitas patris est; si mundi, concupiscentia carnis, hæc est, mala est.*

Falsa est hæc Propositio pro utraque parte. Scilicet datur actio supernaturalis, puta actus fidei, spei vel timoris, quæ non est charitas: datur & actio naturalis moraliter bona, quæ proinde non est mala carnis concupiscentia. Errorem hujus Propositionis jugulat Aug. Ser. 349. his verbis: *Charitas alia est divina, alia est humana; alia humana licita, alia illicita ... licita est humana charitas, quæ uxor diligitur, &c.* Vide Tract. nostrum de Act. hum. c. 4. art. 1. sect. 2.

VIII. *Necesse est infidelem in omni opere peccare.*

Falsa est hæc Propositio; neque magis necesse est infidelem in omni opere peccare, quam fidelem in omni opere sanctum esse. Vide Tournely de Gratia.

IX.

IX. *Revera peccat, qui odio habet peccatum mere ob ejus turpitudinem & inconvenientiam cum natura, sine ullo ad Deum offensum respectu.*

Falsa est hæc assertio, quia non peccat, qui ordinate agit; porro agit ordinate, qui peccatum etiam præcise, ut turpe est, & humanæ naturæ insensum detestatur: quia peccatum etiam ut turpe, & naturæ inconvenientis destructionem meretur. Ita Steyaert T. 1. p. 336. qui addit detestationem, seu odium peccati respicere posse meram ejus turpitudinem, sine respectu offensæ Dei, quæ eidem peccato inest; sic tamen, ut detestans, ad actum illum se excitat ex aliqua Dei dilectione, aut alio motivo, quod nullatenus possit redargui. Quamquam, ut notat Viva, inde etiam peccat ista hæc Propositio, quod supponat peccatum, ut naturæ contrarium, odio haberi posse sine ullo prorsus ad Deum respectu. Urique, qui peccatum odit ut contrarium naturæ, odit illud ut prohibitum a supremo Legislatore, & ut repugnans legi æternæ, quæ Deus est, ut cum aliis dixi in Tract. de Peccatis c. 1. art. 1. Interim nota eos, qui peccatum odio haberi volunt cum respectu ad Deum offensum, exigere, ut quisque oderit peccatum, quatenus est offensæ Dei summe boni, ac proinde eisdem arbitrari illud duntaxat peccati odium ab omni culpa vacare, quod ex charitatis motivo procedit. Patet id vel ex ipsa Prop. 7. quam paulo ante suo ordine retulimus.

X. *Intentio, qua quis detestatur malum, & prosequitur bonum, mere ut cælestem obtineat gloriam, non est recta, nec Deo placens.*

Confutata est a nobis in Tractatu de Spe, & Charitate.

XI. *Omne, quod non est ex fide Christiana supernaturali, quæ per dilectionem operatur, peccatum est.*

Si vera sit assertio hæc, nulla erant opera moraliter bona; malum erit id omne, quod sit ex notitia unius Dei; malus erit actus fidei, spei, & timoris ab homine, actu, vel habitu per charitatem non operante procedens: quæ omnia totidem sunt apud alios, quam Janßenii affectus, falsa, & absurda.

XII. *Quando in magnis peccatoribus deficit omnis amor, deficit etiam fides, & etiam videntur credere, non est fides divina, sed humana.*

Repugnat Concilio Trid. Sess. 6. Can. 28. Vide, quæ dixi T. I. c. præamb. de virtutibus moralibus art. 2. concl. 3. & in Tract. de Fide.

XIII. *Quisquis etiam æternæ mercedis intuitu Deo famulatur, charitate se caruerit, vitio non caret, quoties intuitu licet Beatitudinis operatur.*

Repugnat D. Thomæ. Cum, ait S. Doctor 2. 2. q. 17. art. 5. *spes habeat Deum pro objecto*, (in quantum scilicet est beatitudo æterna, ut ibidem docet S. Thomas art. 7.) *manifestum est, quod spes est virtus Theologica*: absit autem, ait Franciscus Van Raft Dominicanus, ut peccet quis virtutis Theologicæ actus exercendo. Vide citatos jam Tractatus de Spe, & Charitate.

XIV. *Timor gehennæ non est supernaturalis.*

XV. *Attritio, quæ gehennæ, & pœnarum metu communiter concipitur, sine dilectione benevolentia Dei propter se, non est bonus motus, ac supernaturalis.*

Utriusque Propositionis idem sensus, idem & error; breviterque retellitur nitida hac, & simplici S. Thomæ rationatione: *Nullum malum est a Spiritu sancto*: atqui timor etiam servilis est a Spiritu sancto. Unus enim spiritus est, qui facit duos timores, scilicet servilem, & castum; ergo timor servilis non est malus. Neque solum non est malus, sed etiam est supernaturalis, cum sit a Spiritu sancto, & procedat ex actu Dei convertentis cor dispositive, prout tradit S. Doctor. 3. p. q. 85. art. 5. ad 3.

XVI. *Ordinem præmittendi satisfactionem absolutioni induxit, non politia,*

Z z 2

aut

2. 2. q. 19.  
art. 4.

cum, quin eo ipso legi æternæ dissentiat, & quin consequenter sit Theologicum. Vide, quæ eam in rem scripsi in Tractatu de Peccatis.

Hactenus laxiorem doctrinam præeunte Sede Apostolica infectari sumus; rigidiorum nunc, & quæ in oppositum scopulum impingit, eadem præeunte Sede Apostolica impugnabimus: sic tamen ut nullam æstingamus notam iis Propositionibus, quæ ad dogma, non autem ad praxim pertinent, & circa quas utiliter consulentur Tractatus de Gratia honorati Tournely.

*Propositiones 31. ab Alexandro VIII. 7. Decembris 1690. damnatæ tanquam temerariæ, scandalosæ, malesonantes, injuriosæ, hæresi proximæ, hæresim sapientes, erroneæ, schismaticæ, & hæreticæ respectivæ, id est, ita ut nulla sit Propositio, in quam non cadat saltem aliqua ex prædictis censuris, & nulla quoque sit censura, quæ non conveniat alicui Propositioni.*

**I.** *In statu naturæ lapsæ ad peccatum mortale, & demeritum sufficit illa libertas, quæ voluntarium, ac liberum fuit in causa sua, peccato originali, & voluntate Adami peccantis.*

Si res ita sit, prava desideria, quæ homo invitus patitur, & involuntarii concupiscentiæ motus totidem erunt peccata, quod a Tridentinis Patribus in Calvino & a Pontificibus Romanis in Baio damnatum est. Vide, quæ dixi, tum in Tractatu de Actibus humanis, tum & in Tractatu de Peccatis. Breviter S. Thomas in 2. dist. 30. q. 3. artic. 2. *Ad culpam personæ, requiritur voluntas personæ, ad culpam vero naturæ, non requiritur nisi voluntas in natura illa.*

**II.** *Tametsi detur ignorantia invincibilis juris naturæ, hæc in statu naturæ lapsæ operantem ex ipsa non excusat a peccato formali.*

Repugnat S. Thomæ 1.2. q. 76. art. 2. *Patet, quod nulla ignorantia invincibilis, est peccatum.* Vide, quæ dixi in Tract. de Actibus humanis.

**III.** *Non licet sequi opinionem vel inter probabiles probabilissimam.*

Hanc confutavi Tom. I. in Tractatu de Conscientia, ubi mediam pro virili viam ingressus sum inter eos, qui vel probabilitatem quantumvis tenuem obtrudunt cum Probabilistis; vel opinionem etiam inter probabilissimam respuunt cum Rigoristis.

**IV.** *Dedit Christus semetipsum pro nobis oblationem Deo, non pro solis electis, sed pro omnibus, & solis fidelibus.*

De ista, & duabus sequentibus agunt Theologi, ubi de Gratia.

**V.** *Pagani, Judæi, Hæretici, alique hujus generis nullum omnino accipiunt a Jesu Christo influxum, adeoque hinc recte inferes in illis esse voluntatem nudam, & inermem, sine omni gratia sufficienti.*

**VI.** *Gratia sufficiens statui nostro non tam utilis, quam perniciosa est, sic ut proinde merito possimus petere, a gratia sufficienti libera nos, Domine.*

**VII.** *Omnis humana actio delibata est Dei dilectio vel mundi: si Dei, charitas patris est; si mundi, concupiscentia carnis, hoc est, mala est.*

Falsa est hæc Propositio pro utraque parte. Scilicet datur actio supernaturalis, puta actus fidei, spei vel timoris, quæ non est charitas: datur & actio naturalis moraliter bona, quæ proinde non est mala carnis concupiscentia. Errorem hujus Propositionis jugulat Aug. Ser. 349. his verbis: *Charitas alia est divina, alia est humana; alia humana licita, alia illicita: licita est humana charitas, quæ uxor diligitur, &c.* Vide Tract. nostrum de Act. hum. c. 4. art. 1. sect. 2.

**VIII.** *Necesse est infidelem in omni opere peccare.*

Falsa est hæc Propositio; neque magis necesse est infidelem in omni opere peccare, quam fidelem in omni opere sanctum esse. Vide Tournely de Gratia.



IX. *Revera peccat, qui odio habet peccatum mere ob ejus turpitudinem & inconvenientiam cum natura, sine ullo ad Deum offensum respectu.*

Falsa est hæc assertio, quia non peccat, qui ordinate agit; porro agit ordinate, qui peccatum etiam præcise, ut turpe est, & humanæ naturæ infensum detestatur: quia peccatum etiam ut turpe, & naturæ inconvenientis detestationem meretur. Ita Steyaert F. 1. p. 336. qui addit detestationem, seu odium peccati respicere posse meram ejus turpitudinem, sine respectu offensæ Dei, quæ eidem peccato inest; sic tamen, ut detestans, ad actum illum se excitat ex aliqua Dei dilectione, aut alio motivo, quod nullatenus possit redargui. Quamquam, ut notat Viva, inde etiam peccat ista hæc Propositio, quod supponat peccatum, ut naturæ contrarium, odio haberi posse sine ullo prorsus ad Deum respectu. Utrique, qui peccatum odit ut contrarium naturæ, odit illud ut prohibitum a supremo Legislatore, & ut repugnans legi æternæ, quæ Deus est, ut cum aliis dixi in Tract. de Peccatis c. r. art. 1. Interim nota eos, qui peccatum odio haberi volunt cum respectu ad Deum offensum, exigere, ut quisque oderit peccatum, quatenus est offensæ Dei summe boni, ac proinde eisdem arbitrari illud dumtaxat peccati odium ab omni culpa vacare, quod ex charitatis motivo procedit. Patet id vel ex ipsa Prop. 7. quam paulo ante suo ordine retulimus.

X. *Intentio, qua quis detestatur malum, & persequitur bonum, mere ut celestem obtineat gloriam, non est recta, nec Deo placens.*

Confurata est a nobis in Tractatu de Spe, & Charitate.

XI. *Omne, quod non est ex fide Christiana supernaturali, quæ per dilectionem operatur, peccatum est.*

Si vera sit assertio hæc, nulla erunt opera moraliter bona; malum erit id omne, quod fit ex notitia unius Dei; maluserit actus fidei, spei, & timoris ab homine, actu, vel habitu per charitatem non operante procedens: quæ omnia totidem sunt apud alios, quam Janfenii assecclas, falsa, & absurda.

XII. *Quando in magnis peccatoribus deficit omnis amor, deficit etiam fides, & etiam videntur credere, non est fides divina, sed humana.*

Repugnat Concilio Trid. Sess. 6. Can. 28. Vide, quæ dixi T. I. c. præamb. de virtutibus moralibus art. 2. concl. 3. & in Tract. de Fide.

XIII. *Quisquis etiam æternæ mercedis intuitu Deo famulatur, charitate se caruit, vitio non caret, quoties intuitu licet Beatitudinis operatur.*

Repugnat D. Thomæ. Cum, ait S. Doctor 2. 2. q. 17. art. 5. *Spes habeat Deum pro objecto*, (in quantum scilicet est beatitudo æterna, ut ibidem docet S. Thomas art. 7.) *manifestum est, quod spes est virtus Theologica*; absit autem, ait Franciscus Van Raft Dominicanus, ut peccet quis virtutis Theologicæ actus exercendo. Vide citatos jam Tractatus de Spe, & Charitate.

XIV. *Timor gehennæ non est supernaturalis.*

XV. *Attritio, quæ gehennæ, & panarum metu communiter concipitur, sine dilectione benevolentis Dei propter se, non est bonus motus, ac supernaturalis.*

Utriusque Propositionis idem sensus, idem & error; breviterque retellitur nitida hac, & simpliciter S. Thomæ ratiocinatione: *Nullum malum est a Spiritu sancto*; atqui timor etiam servilis est a Spiritu sancto. *Unus enim spiritus est, qui facit duos timores, scilicet servilem, & castum; ergo timor servilis non est malus.* Neque solum non est malus, sed etiam est supernaturalis, cum sit a Spiritu sancto, & procedat ex actu Dei convergentis cor dispositive, prout tradit S. Doctor. 3. p. q. 85. art. 5. ad 3.

XVI. *Ordinem præmittendi satisfactionem absolutioni induxit, non politia,*

Z z 2

aut

*aut institutio Ecclesie, sed ipsa Christi lex, & prescriptio, natura rei idipsum quodammodo dicente.*

Si vera sit hæc Propositio, nunquam concedi potest absolutio, nisi jam præmissa pœnitentis satisfactione, cum lex Christi ad hominibus tolli non possit: atqui hoc universæ Ecclesie, atque ipsi rigidiorum Casuistarum praxi repugnat, qui quotidie mutuas sibi absolutiones sub onere præstandæ deinceps satisfactionis impendunt: ergo merito reprobatæ est hæc Propositio. Et vero absolutio concedi potest, & de facto sæpe conceditur homini sensibus destituto, qui nullam proin satisfactionem ponere potest.

XVII. *Per illam praxim mox absolvendi, ordo pœnitentie est inversus.*

Idem, qui præcedentis assertionis error. Non invertit ordinem pœnitentie praxis mox absolvendi eos, qui legitimis instructi sunt dispositionibus; sed praxis absolvendi eos, qui peccato adhærent, qui Ecclesie consuetudinem carpunt; qui in legitimis Pastores debacchantur; qui tora diæ veritatem, & charitatem inclamant, & utramque in praxi respuunt.

XVIII. *Consuetudo moderna, quoad administrationem Sacramenti pœnitentie, etiam si eam plurimorum hominum sustentet auctoritas, & multi temporis diuturnitas confirmet, nihilominus ab Ecclesia non habetur pro usu, sed abusu.*

Indicat Apostolica Sedes in hujus Propositionis censura, quid habeat pro abusu, quid pro usu.

XIX. *Homo debet agere tota vita pœnitentiam pro peccato originali.*

Est plane falsa. *Contritio*, ait S. Th. in Supplem. q. 1. art. 2. *solum de illis peccatis potest esse, quæ ex duritia nostræ voluntatis in nos perveniunt, & quia peccatum originale nostræ voluntate non est inducendum .. ideo de ipso non potest esse contritio*, nec proinde a fortiori pro eo agenda est toto vitæ decursu pœnitentia.

XX. *Confessiones apud Religiosos sæpe, pleræque, vel sacrilege sunt, vel invalidæ.*

Injuriosa est Ecclesie, quæ alioqui male Religiones instituit, male etiam Religiosorum vitur ministerio. Injuriosa etiam est Religiosis, in quibus animam diabolo venditam, & pene omnimodam pietatis, ac scientiæ privationem supponit. Hujus Propositionis excessum jam pridem prædixit S. Thomas in Guelfmo de Sancto Amore, Religiosorum impugnatore.

XXI. *Parochianus potest suspicari de Mendicantibus, qui elemosinis communibus vivunt, de imponenda nimis levi, & incongrua pœnitentia, seu satisfactione, ob quæsum, seu lucrum subsidii temporalis.*

Continet judicium insigniter temerarium in materia gravi. Eadem de causa, eademque temeritate suspicabitur Parochianus, vel de Parochq, qui levissimam imponet pœnitentiam, ne pingui obligatione frustretur; vel de Vicariis, aliisque inferioribus Sacerdotibus, qui per rura vini, & frumenti quæsum faciunt, non nego quosdam utrinque esse, qui officio suo desint. *Illic intra muros peccatur, & extra*: sed quorumdam vitia; corpori toti ascribenda non sunt; nec si proditor Judas, alii continuo Apostoli omnes proditoris redarguendi.

XXII. *Sacrilegi sunt, qui jus ad Communionem percipiendam prætendunt, antequam condignam de delictis suis pœnitentiam egerint.*

Contra assumi potest id S. Thomæ 2.2. q. 10. art. 12. *Ecclesie consuetudo semper est in omnibus emulanda.* Est autem nunc Ecclesie consuetudo, quod Communionio non differatur, donec quis condignam de peccatis suis egerit pœnitentiam, seu satisfactionem; idque nedom pro sacrilegio habendum sit, consonat parabolæ filii prodigi, cui sincere ad patrem reversio occisus est in epu-

um vitulus saginatus. Nec puto, ait Steyaert; dilata Davidi fuisset Eucharistia, si jam instituta fuisset, donec pœnitentiam omnem sibi impositam subiisset.

XXIII. *Similiter arcenti sunt a Communione, quibus nondum inest amor purissimus, & omnis mixtionis experti.*

I nunc; & quære, qui sacra Eucharistia reficiantur; quære, inquam, in alio Orbe, qui novi figmenti homines habeat, in hac enim peccati terra in multis offendimus omnes, non est, qui sæpius non peccet, qui dixerit se peccatum non habere, ipse se seducit: ergo nullibi, aut fere nullibi est amor ille purissimus, & omnis mixtionis experti, quem ut præviam ad Eucharistiæ Sacramentum dispositionem requirit præcedens Propositio. Mundi erant Apostoli, cum Christi Corpus in ultima Cœna recipere. Quære, an iis adhuc tam infirmis inesset amor omnis mixtionis experti.

XXIV. *Oblatio in templo, quæ fiebat a B. Maria Virgine in die Purificationis suæ, per duos pullos columbarum, unum in holocaustum, & alterum pro peccatis, sufficiens testatur, quod indiguerit purificatione; & quod filius, qui offerebatur, etiam macula matris maculatus esset, secundum verba legis.*

Hæc assertio, si de macula peccati intelligatur, non noias meretur, sed flammæ; si vero de macula legali, falsa etiam est, & aurium piarum offensiva. Non erat partus ille purissimus, obnoxius legi; nec ex eo, quod Christus, & Maria hoc in puncto legem adimpleverint, colligi magis potest, eos legem adimplere debuisse, quam ex eo, quod Christus baptismum receperit, colligi queat, eum indiguisse baptismo. Errorem huius Propositionis breviter, & solide confutat Angelus Scholæ ex ipso Levitici textu c. 12. ubi ea solum mulier declaratur immunda, quæ suscepto semine prolem parit.

2. p. q. 47.  
a. 4. ad 1.

XXV. *Dei Patris simulacrum nefas est Christiano in templo collocare.*

Refellitur ex hodierna Ecclesiæ praxi, & consuetudine, quæ, teste Augustino ipso, cujus auctoritate præcipue innituntur Propositionis huius assertores, ea, quæ sunt contra rectam fidem, & bonos mores non approbat, nec tacet, nec facit. Sed de his fufius agunt Theologi in Tractatu de Incarnatione.

XXVI. *Laus, quæ æferitur Mariæ, ut Mariæ, vana est.*

Repugnat D. Thomæ 3. p. q. 25. a. 5. ad 3. *Beata Virgo*, inquit, secundum se ipsam est venerationis capax. Et vero B. Virgo in se ipsa, licet non a se ipsa, est Dei mater, virgo virginum mundissima, creatura omnium post sacram Christi humanitatem sanctissima: ergo laus, quæ ei deferitur, non relative solum, ut imaginibus, non ob mirum Christi contactum, ut vivificæ cruci, sed eidem secundum se ipsam non est vana, sed pia, & religiosa.

XXVII. *Valuit aliquando baptismus sub hac forma collatus: In nomine Patris, &c. prætermisissis illis: Ego te baptizo.*

Repugnat D. Thomæ 3. p. q. 66. art. 5. & cæteris ferme præter Morinum Theologis. Adi Tractatum de Baptismo a Tournelyo nostro editum.

XXVIII. *Valet baptismus collatus a ministro, qui omnem ritum externum, formamque baptizandi observat, intus vero in corde suo apud se resolvit: Non intendo, quod facit Ecclesia.*

Propositio hæc, ne ipsis quidem externæ, ut ajunt, intentionis defensoribus placet, cum juxta eos exterior omnis ritus, & forma Sacramentorum observari possit, absque eo, quod verum conficiatur Sacramentum, de quo legantur Contentio, Juenin, & P. Serry. Verum ea de re consulendus Tract. de Bapt.

XXIX. *Futilis, & toties convulsa est assertio de Pontificis Romani supra Concil. Oecumenicum auctoritate, atque id fidei questionibus decernendis infallibilitate.*

Tournely Theol. Moral. Tom. III.

Zz 3

XXX.

XXX. Ubi quis invenerit doctrinam in Augustino clare fundatam, illam absolute potest tenere, & docere, non respiciendo ad ullam Pontificis Bullam.

Repugnat hæc doctrina, tum D. Thomæ 2. 2. q. 10. art. 12. tum præcipue Augustino ipsi: Hæc, ait in sua ad Bonifacium Epist. c. 1. quæ duabus Epistolis Pelagianorum ista disputatione respondeo, ad tuam potissimum dirigere Sanitatem non tam discenda, quam examinanda, & ubi forsitan aliquid displicuerit, examinanda constitui. Qui Augustinianam se doctrinam sectari profitentur, hoc præclarum Augustini factum imitentur.

XXXI. Bulla Urbani VIII. In eminenti, est subreptitia.

Non alia de causa Bullam hanc subreptitiam esse judicarunt Propositionis auctores, quam quia Baii, & Jansenii doctrinam condemnat; quod posteriorum Pontificum Constitutionibus multo amplius peractum est. Has autem ad unam omnes subreptitias esse, vel etiam obreptitias credent Janseniani si volent, non credent quotquot sunt vere Catholici.

Hic quoque de amicorum sententia referendas duxi Propositiones, tum Michaelis de Molinos, tum Illust. quondam Cameracensis Archiepiscopi. His autem suam sigillatim apponere notam, nec vacat, neque necesse est, cum & errores illi prorsus obsolevisse videantur, & satis confutari maneant ex iis, quæ supra dixi in Tractatu de Spe.

Propositiones. 68. Michaelis de Molinos damnatæ ab Innocentio XL. die Novembris an. 1687. tanquam hæreticæ, suspectæ, erroneæ, scandalosæ, blasphemæ, piarum aurium offensivæ, Christianæ disciplinæ relaxativæ, & everisivæ, & seditiosæ respective.

I. **O**portet hominem suas potentias annihilare; Et hæc est via interna. II. Pelle operari a se, est Deum offendere, qui vult esse solus Agens; & ideo opus est, se ipsum in Deo totum, & totaliter derelinquere, & postea permanere velut corpus exanime.

III. Vita de aliquo faciendo sunt perfectionis impeditiva.

IV. Adivitas naturalis est gratiæ inimica, impeditque Dei operationes, & veram perfectionem, quia Deus operari vult in nobis sine nobis.

V. Nihil operando anima se annihilat, & ad ipsum principium reddit, & ad suam originem, quæ est essentia Dei, in qua transformata remanet, ac divinizzata, & Deus tunc in se ipso remanet; quia tunc non sunt amplius duæ res unitæ, sed una tantum: & hac ratione Deus vivit, & regnat in nobis, & anima se ipsam annihilat in esse operativo.

VI. Via interna est illa, qua non cognoscitur nec lumen, nec amor, nec resignatio; & non oportet Deum cognoscere; & hoc modo recte proceditur.

VII. Non debet anima cogitare, nec de præmio, nec de punitione; nec de paradiso, nec de inferno, nec de morte, nec de æternitate.

VIII. Non debet velle scire, an gradiatur cum voluntate Dei, an cum eadem voluntate resignata maneat necne, nec opus est, ut velit cognoscere suum statum, nec proprium nihil, sed debet, ut corpus exanime manere.

IX. Non debet anima reminisci nec sui, nec Dei, nec cuiuscumque rei; & in via interna omnis reflexio est nociva, etiam reflexio ad suas humanas actiones, & ad proprios defectus.

X. Si propriis defectibus alios scandalizet, non est necessarium reflexere, dummodo non adhi sit voluntas scandalizandi; & ad proprios defectus non posse reflexere, gratia Dei est.

XI. Ad dubia, quæ occurrunt, an recte procedatur, necne, non est opus reflectere.

XII. Qui suum liberum arbitrium Deo donavit, de nulla re debet curam habere, nec de inferno, nec de paradiso; nec debet desiderium habere propriæ perfectionis, nec virtutum, nec propriæ sanctitatis, nec propriæ salutis, cuius spem expurgare debet.

XIII. Resignato Deo libero arbitrio, eidem Deo relinquenda est cogitatio, & cura de omni re nostrâ, & relinquere, ut faciat in nobis sine nobis suam divinam voluntatem.

XIV. Qui divinæ voluntati resignatus est, non convenit, ut a Deo rem aliquam petat, quia petere est imperfectio, cum sit actus propriæ voluntatis, & electionis; & est velle, quod divina voluntas nostrâ conformetur, & non quod nostrâ divina. Et illud Evangelii: Petite, & accipietis, non est dictum a Christo pro animabus internis, quæ volunt habere voluntatem. Involuntati animæ eo perveniunt, ut non possint a Deo rem aliquam petere.

XV. Sicut non debent a Deo rem aliquam petere, ita nec illi ob rem aliquam gratias agere debent, quia utrumque est actus propriæ voluntatis.

XVI. Non convenit indulgentias querere pro peccatis peccatis debitis; quia melius est iustitiâ divinæ satisfacere, quam divinam misericordiam querere; quoniam illud ex puro Dei amore procedit, & istud ab amore nostri interestat, nec est rei Deo grata, nec meritoria, quia est velle crucem fugere.

XVII. Tradito Deo libero arbitrio, & eidem relicta cura, & cogitatione animæ nostræ, non est amplius habenda ratio: tentationum; nec eis alia resistētia fieri debet nisi negativa, nulla adhibita industria; & si natura commoveatur, oportet sinere ut commoveatur, quia est natura.

XVIII. Qui in oratione utitur imaginibus, figuris, speciebus, & propriis conceptibus, non adorat Deum in spiritu, & veritate.

XIX. Qui amat Deum eo modo, quo ratio argumentatur, aut intellectus comprehendit, non amat verum Deum.

XX. Afferre, quod in oratione opus est sibi per discursum auxilium ferre, & per cogitationes: quando Deus animam non alloquitur, ignorantia est. Deus numquam loquitur; ejus locutio est operatio; & semper in anima operatur, quando hæc suis discursibus, cogitationibus, & operationibus eum non impedit.

XXI. In oratione opus est manere in fide obscura, & universali, cum quicquid oblivione ejuscumque cogitationis particularis, ac distinctæ attributionum Dei, ac Trinitatis, & sic in Dei in præsentia manere ad illum adorandum, & amandum, ei que inferendum; sed absque productione actuum, quia Deus in his sibi non complacet.

XXII. Cognitio hæc per fidem non est actus a creatura productus, sed est cognitio a Deo creaturæ tradita, quam creatura se habere non cognoscit, nec postea cognoscit se illam habuisse; & idem dicitur de amore.

XXIII. Mystici cum S. Bernardo in Scala Claustralium distinguunt quatuor gradus: Lectionem, Meditationem, Orationem, & Contemplationem infusam. Qui semper in primo sistit, numquam ad secundum pertransit: Qui semper in secundo persistit, numquam ad tertium pervenit, qui est nostra contemplatio acquisita, in qua per totam vitam persistendum est, dummodo Deus animam non trahat absque eo, quod ipsa id expectet, ad contemplationem infusam; & hæc cessante animo regredi debet ad tertium gradum, & in ipso permanere, absque eo, quod amplius redeat ad secundum, aut primum.

XXIV. Qualescumque cogitationes in oratione occurrant, etiam impuræ, etiam contra Deum, Sanctos, fidem, & Sacramenta, si voluntarie non nutrantur, nec

voluntarie expellantur, sed cum indifferentia, & resignatione tolerentur, non impediunt orationem fidei: imo eam perfectiorem efficiunt, quia anima tunc magis divinae voluntati resignata remanet.

XXV. Etiam si superveniat somnus, & dormiatur, nihilominus fit oratio, & contemplatio actualis; quia oratio, & resignatio, & oratio idem sunt, & dum resignatio perdurat, perdurat & oratio.

XXVI. Tres illae viae, Purgativa, & Illuminativa, & Unitiva, sunt absurdum maximum, quod dictum fuerit in Mystica: cum non sit nisi unica via, scilicet via interna.

XXVII. Qui desiderat, & amplectitur devotionem sensibilem, non desiderat, nec querit Deum, sed se ipsum; & male agit cum ea desiderat, & eam habere conatur, qui per viam internam incedit, tam in locis sacris, quam in diebus solemnibus.

XXVIII. Tedium rerum spiritualium bonum est; siquidem per illud purgatur amor proprius.

XXIX. Dum anima interna fastidit discursus de Deo, & virtutes, & frigida remanet, nullum in se ipsa sentiens fervorem, signum bonum est.

XXX. Totum sensibile, quod experimur in vita spirituali, est abominabile, spurcum, & immundum.

XXXI. Nullus meditativus veras virtutes exercet internas, quae non debent a sensibus cognosci. Opus est amittere virtutes.

XXXII. Nec ante, nec post Communionem alia requiritur preparatio, aut gratiarum actio (pro istis animabus internis) quam permanentia in solita resignatione passiva, quia modo perfectiore supplet omnes actus virtutum, qui possunt, & sunt in via ordinaria. Et si hac occasione Communionis insurgant motus humilitationis, petitionis, aut gratiarum actionis, reprimendi sunt, quoties non dignoscatur, eos esse ex impulsu specialis Dei; alias sunt impulsus naturae nondum mortuae.

XXXIII. Male agit anima, quae procedit per hanc viam internam, si in diebus solemnibus vult aliquo conatu particulari excitare in se devotum aliquem sensum; quoniam animae internae omnes dies sunt aequales, omnes festivi. Et idem dicitur de locis sacris, quia huiusmodi animabus omnia loca sunt aequalia.

XXXIV. Verbis, & lingua gratias agere Deo non est pro animabus internis, quae in silentio manere debent, nullum Deo impedimentum apponendo, quod operetur in illis; & quo magis Deo se resignant, experiuntur se non posse orationem Dominicam, seu Pater noster recitare.

XXXV. Non convenit animabus huius viae internae, quod faciant operationes etiam virtuosas ex propria electione, & activitate, alias non essent mortuae: nec debent elicere actus amoris erga B. V. Sanctos, aut Humanitatem Christi, quia cum ista objecta sensibilia sint, talis est amor erga illa.

XXXVI. Nulla creatura, nec B. V. nec Sancti sedere debent in nostro corde, quia solus Deus vult illud occupare, & possidere.

XXXVII. In occasione tentationum etiam furiosarum, non debet anima elicere actus explicitos virtutum oppositarum, sed debet in supradicto amore & resignatione permanere.

XXXVIII. Crux voluntaria mortificationum, pondus grave est, & infructuosum, ideoque dimittenda.

XXXIX. Sanctiora opera, & poenitentiae, quas peregerunt Sancti, non sufficiunt ad removendam ab anima vel unicam adhesionem.

XL. B. Virgo nullum unquam opus exterius peregit, & tamen fuit Sanctius omnibus sanctior. Igitur ad sanctitatem perveniri potest absque ope exteriori.

**XLI.** Deus permittit, & vult ad nos humiliandos, & ad veram transformationem perducendos, quod in aliquibus animabus perfectis, etiam non arreptiis, dæmon violentiam inferat earum corporibus, easque actus carnales committere faciat, etiam in vigilia, & sine mentis offuscatione, movendo illarum manus, & alia membra contra earum voluntatem. Et idem dicitur quoad alios actus per se peccaminosos, in quo casu non sunt peccata; quia his non adest consensus.

**XLII.** Potest dari casus, quod huiusmodi violentiæ ad actus carnales contingant eodem tempore ex parte duarum personarum, scilicet maris, & femine, & ex parte utriusque sequatur actus.

**XLIII.** Deus præteritis sæculis Sanctos efficiebat tyrannorum ministerio, nunc vero eos efficit Sanctos ministerio dæmonum, qui causando in eis prædictas violentias, facit, ut illi se ipsos magis despiciant, atque annibilent, & se Deo resignent.

**XLIV.** Job blasphemavit, & tamen non peccavit labiis suis, quia fuit ex dæmonis violentia.

**XLV.** S. Paulus huiusmodi dæmonis violentias in suo corpore passus est, unde scripsit: Non quod volo bonum hoc ago; sed quod nolo malum hoc facio.

**XLVI.** Huiusmodi violentiæ sunt medium magis proportionatum ad annihilationem animam, & ad eam ad veram transformationem, & unionem perducendam, nec alia superest via: Et hæc est via facilior, & turior.

**XLVII.** Cum huiusmodi violentiæ occurrunt, finire oportet, ut satanas operetur, nullam addibendo industriam, nullumque proprium conatum, sed permanere debet homo in suo nihilo; & etiamsi sequantur pollutiones, & actus obsceni propriis manibus, & etiam pejora, non opus est, se ipsum inquietari: sed foras emittendi sunt scrupuli, dubia, & timores; quia anima fit magis illuminata, magis roborata, magisque candida, & acquiritur sancta libertas. Et præ omnibus non opus est hæc confiteri; & sanctissime fit non confitendo, quia hoc passo superatur dæmon, & acquiritur thesaurus pacis.

**XLVIII.** Satanas, qui huiusmodi violentias infert, suadet deinde gravia esse delicta, ut anima se inquietet, ne in via interna ulterius progrediatur; unde ad ejus vires enervandas melius est ea non confiteri, quia non sunt peccata, nec etiam venialia.

**XLIX.** Job ex violentia dæmonis se propriis manibus polluebat, eo tempore, quo mundas habebat ad Deum preces. (Sic interpretando locum ex c. 16. Job.)

**L.** David, Jeremias, multi ex sanctis Prophetis huiusmodi violentias patiebantur harum impurarum operationum externarum.

**LI.** In sacra Scriptura multa sunt exempla violentiarum ad actus externos peccaminosos: uti illud de Samfone, qui per violentiam se ipsum occidit cum Philistæis, conjugium iniit cum alienigena, & cum Dalila meretrice fornicatus est, quæ alias erant prohibita, & peccata fuissent. De Juditha, quæ Holoperni mentita fuit; de Eliseo, qui pueris maledixit; de Elia, qui combussit Duces, cum turmis Regis Achab. An vero fuerit violentia immediate a Deo peracta; vel dæmonum ministerio, ut in aliis animabus contingit, in dubio relinquatur.

**LII.** Cum huiusmodi violentiæ etiam impure absque mentis offuscatione accidunt, tunc anima Deo potest uniri, & de facto semper magis unitur.

**LIII.** Ad cognoscendum in praxi, an aliqua operatio in aliis personis fuerit violentia; regula, quam de hoc habeo, nedum sunt protestationes animarum illarum, quæ protestantur se dicti violentiis non consensisse, aut jurare non posse, quod in iis consenserint, & videre, quod sint anime, quæ proficiunt in via interna; sed regulam sumere a lumine quodam actuali, cognitione humana, ac Theologica

logica superiore, quod me certo cognoscere facit cum interna cōstitudine, quod talis operatio est violentia, & certus sum, quod hoc lumen a Deo procedit, quia ad me pervenit conjunctum cum cōstitudine, quod a Deo proveniat, & mihi nec umbram dubii relinquit in contrarium: eo modo, quo interitum contingit, quod Deus aliquid revelando, eodem tempore animam certam reddit, quod ipse sit, qui revelat, & animam in contrarium non potest dubitare.

LIV. Spirituales vitæ ordinariæ in hora mortis se delusos inveniunt, & confusos, & cum omnibus passionibus in alio mundo purgandis.

LV. Per hanc viam internam pervenitur, etsi multa cum sufferentia, ad purgandas, & extinguendas omnes passiones, ita quod nihil amplius sentitur, nihil, nihil; nec ulla sentitur inquietudo, sicut corpus mortuum, nec anima se amplius commoveri finit.

LVI. Duæ leges, duæ cupiditates, animæ una, & amoris proprii altera, tamdiu perdurant, quamdiu perdurat amor proprius; unde quando hic purgatus est, & mortuus, ut sit per viam internam, non adsunt amplius illæ duæ leges, & cupiditates, nec ulterius lapsus aliquis incurritur, nec aliquid sentitur amplius, nequidem veniale peccatum.

LVII. Per contemplationem acquisitam pervenitur ad statum non faciendi amplius peccata, nec mortalia, nec venialia.

LVIII. Ad hujusmodi statum pervenitur non reflectendo amplius ad proprias operationes; quia defectus ex reflexione oriuntur.

LIX. Via interna scijuncta est a confessione, a Confessariis, & a casibus conscientie, a Theologia, & Philosophia.

LX. Animabus prodest, quæ reflexionibus mori incipiunt; & eo etiam perveniunt, ut sint mortuæ, Deus confessionem aliquando efficit impossibilem; & supplet ipse tanta gratia præservante, quantum in Sacramento recipiunt; & ideo hujusmodi animabus non est bonum in tali casu ad Sacramentum Pœnitentiæ accedere, quia id est in illis impossibile.

LXI. Anima cum ad mortem mysticam pervenit, non potest amplius aliud velle, quam, quod Deus vult, quia non habet amplius voluntatem, & Deus illi eam absulit.

LXII. Per viam internam pervenitur ad continuum statum immobilem in pace imperturbabili.

LXIII. Per viam internam pervenitur etiam ad mortem sensuum, quinimo signum, quod quis in statu nihilitatis maneat, id est mortis mysticæ, est si sensus exteriores non repræsentent amplius res sensibiles,\* unde sint, ac si non essent, quia non perveniunt ad faciendum, quod intellectus se ad eas applicet.

LXIV. Theologus minorem dispositionem habet, quam homo rudis ad statum contemplativi: primo, quia non habet fidem adeo puram; secundo, quia non est adeo humilis; tertio, quia non adeo curat propriam salutem; quarto, quia caput reservatum habet phantasmatibus, speciebus, opinionibus, & speculationibus, & non potest in illum ingredi verum lumen.

LXV. Præpositis obediendum est in exteriori, & latitudo vocis obedientie Religiosorum tantummodo ad exteriori pertingit. In interiori vero aliter res se habet, quo solus Deus, & Director intrant.

LXVI. Rifu digna est nova quedam doctrina in Ecclesia Dei, quod anima, quoad internum gubernari debeat ab Episcopo; quod si Episcopus non sit capax, anima ipsum cum suo Directore adeat. Novam dico doctrinam, quia, nec sacra Scriptura, nec Concilia, nec Canones, nec Bullæ, nec Sancti, nec

audores  
eam

\* Deest in  
quibusdā  
impressis.



*eam unquam tradiderunt, nec tradere possunt; quia Ecclesia non judicat de occultis, & anima jus habet eligendi quemcumque sibi bene visum.*

LXVII. Dicere quod internum manifestandum est exteriori Tribunali Præpositorum, & quod peccatum sit id non facere, est manifesta deceptio, quia Ecclesia non judicat de occultis; & propriis animabus præjudicant his deceptionibus, & simulationibus.

LXVIII. In mundo non est facultas, nec jurisdictio ad præcipiendum, ut manifestentur Epistole Directoris quoad internum anima, & ideo opus est animadvertere, quod hoc est insulsum satana.

En nefaria Molinosi commenta, quæ dum in Ecclesia sanctæ Mariæ super Minervam legerentur coram confertissima populimultitudine, plebs effusissimis vocibus conclamabat: *Damnetur ad ignem, ad ignem.* Sed lenis Inquisitio Romana, miserum senem, (qui principiis suis adhærens per annos duodecim a Sacramentali confessione abstinuerat, & cujus in Scriniis reperta duodecim millia Epistolarum, satis judicabant, quam late errores duos (parisset) addixit carceri perpetuo, ubi pœnitens obiit die 28. Novembris ann. 1692.

Prædictorum errorum summa hæc est, 1. homini enitendum esse, ut facultatum suarum activitatem cohibeat, adeoque quantum ad ipsas maneat in quiete (unde commenti hujus sequacibus inditum est nomen Quietistarum) & sic de nulla re curam habeat, non de inferno, non de paradiso, non de propriis defectibus, &c. Proposit. I. II. IV. VI. VII. VIII. IX. &c.

2. Abjiciendam esse, tum orationem, qua quidpiam petatur; tum quamlibet corporis mortificationem. Proposit. XIV. XXXVIII. &c.

3. Id locum habere etiam, cum quis insolitis tentationibus quatitur, & impuras quascumque carnis rebelliones experitur; quia hæc meræ sint demonis violentiæ, quæ ad fornicationem usque progredi possunt, & de facto pluries progressæ sint absque ullo homini peccato, quia absque ullo ejus consensu. Proposit. XLI. XLII. LI. &c.

4. Oblectæna hæc, si quandoque in corpore exurgant, non esse Confessario aperienda, ut quæ nequidem sint veniales culpæ; imo, quæ animum in via interna progredientem magis uniant Deo. Proposit. XLVII. XLVIII. LII. &c.

Hæc porro eo usque fidei, communique Christianorum sensui adversantur, ut nulla indigeant confutatione. *Intelligendum est*, ait S. Thomas 1. par. q. 105. art. 5. sic Deum operari in rebus, quod tamen ipsa res propriam habeant operationem; & 2. 2. q. 180. art. 3. *Vita nostra hic dicitur operatio, cui homo principaliter intendit; non ergo gratia inimica est activitas naturalis; sed hæc cum illa concurrere debet.*

*Per jejunium, vigiliis, & alia hujusmodi retrahitur homo a peccatis luxurie, & a quibuscumque aliis peccatis*, ait idem S. Thomas 1. 2. qu. art. 1. Unde Apostolus 1. Cor. 9. *Castigo corpus meum, &c. & Rom. 8. Si facta carnis mortificaveritis, vivetis; non ergo crux voluntaria mortificationum pondus est infructuosum, &c.*

*Dominus*, ait idem Angelus Scholæ 2. 2. q. 83. art. 5. docuit discipulos, utique divinæ voluntati resignatos, determinate, quædam petere; ac ea præsertim, quæ continentur in petitionibus orationis Dominicæ, ac proinde ne non succumberent tentationi; ergo non convenit tantum, sed & proflus necesse est, ut is etiam, qui divinæ voluntati resignatus est, a Deo rem aliquam petat.

Cœ-

Cætera, quæ pudor pene prohibuit referre, prohibet confutare. Perpendat quis impium Molinosi systema, statimque gnosticum hominem deprehendet, qui suos, suasque ad nefaria quæque flagitia pellicere voluit, eisque omnem adimere scrupulum, veritus dumtaxat, ne, vel Confessario, vel Superiori, quisquis ille foret, infamia sua detegeretur.

*Propositiones tres, & viginti desumptæ ex Libro, cui titulus: Explication des Maximes des Saints ... par Messire Francois de Salignac de Fenelon Archeveque, Duc de Cambrai: & ab Innocentio XII. die 12. Martii ann. 1599. proscriptæ, ut temerariæ, scandalosæ, male sonantes, piarum aurium offensivæ, in praxi perniciosæ, ac etiam erroneæ.*

I. **D**atur habitualis status amoris Dei, qui est charitas pura, & sine ulla mixtione motivi proprii interesse. Neque timor pœnarum, neque desiderium remunerationum habent amplius in eo partem. Non amatur amplius Deus propter meritum, neque propter perfectionem, neque propter felicitatem in eo amando.

II. In statu vitæ contemplativæ, seu unitivæ omittitur omne motivum interestatum timoris, & spei.

III. Id quod est essentialis in directione animæ, est non aliud facere, quam sequi pedetentim gratiam cum infinita patientia, præcautione, & subtilitate: oportet se intra hos limites continere, ut finatur Deus agere, & nunquam ad purum amorem ducere, nisi quando Deus per unionem interiorem incipit aperire cor huic verbo; quod adeo durum est animabus adhuc sibiifixis, & adeo potest illas scandalizare, aut in perturbationem conficere.

IV. In statu sanctæ indifferentiæ anima non habet amplius desideria voluntaria, & desiderata propter suum interesse, exceptis iis occasionibus, in quibus toti suæ gratiæ fideliter non cooperatur.

V. In eodem statu sanctæ indifferentiæ, nihil nobis, omnia Deo volumus: Nihil volumus, ut simus perfecti, & beati propter interesse proprium, sed omnem perfectionem, ac beatitudinem volumus, in quantum Deo placet efficere, ut velimus res istas impressione suæ gratiæ.

VI. In hoc sanctæ indifferentiæ statu nolumus amplius salutem, ut salutem propriam, ut liberationem æternam, ut mercedem meritorum nostrorum, ut nostrum interesse omnium maximum; sed eam volumus voluntate plena, ut gloriam, & beneplacitum Dei, ut rem, quam ipse vult, quam nos vult velle propter ipsum.

VII. Derelictio non est nisi abnegatio, seu sui ipsius renuntiatio, quam Jesus Christus a nobis in Evangelio requirit, postquam omnia externa reliquerimus. Ista nostri ipsorum abnegatio non est, nisi quod interesse proprium. Extrême probationes, in quibus hæc abnegatio, seu sui ipsius derelictio exerceri debet, sunt tentationes, quibus Deus emulator vult purgare amorem, nullum ei offendendo perfugium, neque ullam spem quoad suum interesse proprium, etiam æternum.

VIII. Omnia sacrificia, quæ fieri solent ab animabus, quam maxime desideratis circa earum æternam beatitudinem, sunt conditionata. Sed hoc sacrificium non potest esse absolutum in statu ordinario. In uno extremarum probationum casu hoc sacrificium fit aliquo modo absolutum.

IX. In extremis probationibus potest animæ invincibiliter persuasum esse persuasione reflexa, quæ non est intimus conscientiæ fundus, se jussu reprobam esse a Deo.

X. Tunc anima divisa a semetipsa expirat cum Christo in cruce dicens: Deus, Deus

Deus meus, ut quid dereliquisti me? In hac involuntaria impressione desperationis conficit sacrificium absolutum sui interesse proprii, quoad eternitatem.

XI. In hoc statu anima amittit omnem spem sui proprii interesse, sed nunquam amittit in parte superiori, id est, in suis actibus directis, & intimis spem perfectam, quæ est desiderium desideriorum promissionum.

XII. Director tunc potest huic animæ permittere, ut simpliciter acquiescat iudicio sui proprii interesse, & iuste condemnationi, quam sibi a Deo indictam credit.

XIII. Inferior Christi pars in cruce non communicavit superiori suas involuntarias perturbaciones.

XIV. In extremis probationibus pro purificatione amoris fit quedam separatio partis superioris animæ ab inferiori. In ista separatione actus partis inferioris manant ex omnino cæca, & involuntaria perturbacione: nam totum, quod est voluntarium, & intellectuale, est partis superioris.

XV. Meditatio constat discursibus actibus, qui a se invicem facile distinguuntur... Ista compositio actuum discursivorum, & reflexorum est propria exercitio amoris interessati.

XVI. Datur status contemplationis adeo sublimis, adeoque perfectæ, ut fiat habitualis, ita ut quoties anima actu orat, in qua oratio fit contemplativa, non discursiva. Tunc non amplius indiget redire ad meditationem, ejusque actus methodicos.

XVII. Animæ contemplativæ privantur intuitu distincto, sensibili, & reflexo Jesu Christi duobus temporibus diversis. Primo in fervore nascente earum contemplationis. Secundo anima amittit intuitum Jesu Christi in extremis probationibus.

XVIII. In statu passivo exercentur omnes virtutes distinctæ, non cogitando quod sint virtutes. In quolibet momento non cogitur, quam facere id, quod Deus vult, & amor zelotypus simul efficit, ne quis amplius sibi virtutem velit, nec nunquam sit adeo virtute præditus, quamcumque virtuti amplius affixus non est.

XIX. Potest dici in hoc sensu, quod anima passiva, & disinteressata, nec ipsum amorem vult amplius, quatenus est sua perfectio, & sua felicitas, sed solum quatenus est id, quod Deus a nobis vult.

XX. In confitendo debent Animæ transformatæ sua peccata detestari, & condemnare se, & desiderare remissionem suorum peccatorum, non ut propriam purificationem, & liberationem, sed ut rem, quam Deus vult, & vult nos velle propter suam gloriam.

XXI. Sancti Mystici excluderunt a statu Animarum transformatarum exercitationes virtutum.

XXII. Quamvis hæc doctrina (de puro amore) esset pura, & simplex perfectio Evangelica in universa Traditione designata, antiqui Pastores non proponebant passim multitudini iustorum, nisi exercitia amoris interessati eorum gratia proportionata.

XXIII. Purus amor ipse solus constituit totam vitam interiorem, & tunc evadit unicum principium, & unicum motivum omnium actuum, qui deliberati, & meritorii sunt.

En totum systema Illustrissimi Archiepiscopi, qui accepta Romani Pontificis Constitutione, Cathedralam statim conscendit; populo suo, a quo tenera charitate diligebatur prohibuit, ne quis deinceps Librum suum vel legeret, vel retineret apud se, & coram multitudine in lacrymas, & singultus erumpente, Librum eundem eo prorsus modo reprobavit, quo ab Apostolica Sede reprobatus erat.

Systematis hujus errores sunt duo præcipui, alter quod non modo possibilis sit, sed & de facto existat habitualis status charitatis puræ, in quo nulla

PROP. 1.12.

III. XX. 11.

lana

Prop. IX  
N. XII.

Iam amplius partem habeant timor pœnarum, & desiderium remunerationis : adeo ut anima nihil sibi velit, ne quidem perfectionem, & beatitudinem suam. Alter, quod *animæ invincibiliter persuasum esse possit persuasione reflexa, se jussu reprobata esse a Deo* : unde ei tunc *permittere potest Director, ut simpliciter acquiescat justæ condemnationi, quam sibi a Deo infusam credit.*

Primum caput ex professo confutavimus, ubi de Spe, sect. 4. punct. 2. concl. 3. Secundi capitis error hinc patet, quod persuasio reprobationis adversatur spei : porro spes in statu viæ prorsus necessaria est ; eaque adveniente charitate perfectior redditur, quia de amicis maxime speramus, ait S. Thomas 2. 2. q. 17. art. 8. Hinc juxta S. Doctorem q. 23. de verit. art. 8. ad 2. *Si alicui talis revelatio de futura sui reprobatione ferret, deberet intelligi non secundum modum prophetiæ, prædestinationis, vel præscientiæ, sed per modum prophetiæ comminationis, quæ intelligitur supposita conditione meritum.* Non posset igitur Director animæ huic permittere, ut simpliciter acquiesceret *justura sui propriis interesse, & justæ condemnationis.* Er vero posita hac in propriam reprobationem consensione, anima jam pro æterna sua salute, nec deberet, nec posset orare : atqui id falsum esse liquet ex iis, quæ contra Mysticos diximus Tom. I. ubi de Oratione c. 2. art. 7.

Plus adhuc erroris habet, quod statuit Illustrissimus Auctor Prop. X. XIII. & XIV. male ibi desperatio nomine sacrificii commendatur. Male involuntariæ perturbationes attribuantur Christo, qui quantum voluit, & non ultra passus est, ut cum Scripturis docet S. Thomas 3. p. q. 47. art. 1. Male pars inferior a partis superioris regimine quasi avulsa exhibetur, ita ut actus pratis inferioris in anima probata prorsus cœci sint, & involuntarii. Certe si superior pars non invigilet actibus potentiarum inferiorum, ii in peccatum animæ imputabuntur, ut docet S. Th. 1. 2. q. 174. art. 3. ad 2. qui secus fenserit, viam sternet sibi ad periculosa quæque Molinosi commenta ; a quibus tamen procul absuit piissimus Archiepiscopus Cameracensis.

#### DECRETA DE INDULGENTIIS.

Die 17.  
Februarii.

**A** Nno 1687. prodierunt Romæ Decreta duo circa Indulgentias, quorum priori præscribitur Officium Immaculatæ Conceptionis, quod a Paulo V. approbatum dicebatur cum Indulgentia dierum centum ; quod quidem Officium ab his incipiebat verbis : *Eja mea labia nunc annuntiate* : & definebat cum Oratione : *Deus qui per immaculatam Virginis Conceptionem, posteriori vero reprobantur, ut partim confitea ; & plane falsa, partim ut apocrypha, vel alio ex capite nulla, & quæ nemini suffragari possint, ideoque jam non sint proponenda, Indulgentiæ complures.*

Tales, ait Decretum, sunt illæ in primis, uti asserunt, concessæ a Joanne II. & Sixto IV. recitantis Orationem charitatis J. C. D. N. *Precor te, piissime domine, &c.* Ab Urbano II. Ecclesiæ S. Mariæ, & vulg dici soler, Campagnolæ, & S. Victoriæ. Ab Eugenio III. revelationi de plaga in humero J. C. factæ S. Bernardo. Ab Innocentio III. Archiconfraternitati, & Ordini Redemptionis.

A Bonifacio IX. visitantibus Capellam S. Nicolai a Tolentino in ejus Fello. A Joanne XXII. osculantibus mensuram planæ pedis B. Mariæ Virginis. Ab Alexandro VI. imagini B. Mariæ, vulgo dictæ Laghetti ( seu parvi lacus. ) A Leone X. gestantibus funiculum S. Francisci .... ( suas tamen, & veras habent Confratres Archiconfraternitatis cordigerorum S. Francisci. )

Recitantis Orationem Angelicam ad pulsam horologii.

Et Imagini Conceptionis Mariæ Virginis immaculatæ, in circulo depictæ, cujus pedibus luna subjecta est.

A Pio

A Pio IV. vel Pio V. Principi Senarum.

A Clemente VIII. dicentibus Orationem : *O magnum mysterium.*

Ut Ecclesiæ S. Mariæ, quam vocant Montis-Serati, Avenione impressæ.

Tum aliæ pro animabus Christianifidelium defunctorum impressæ Matriti 20. Julii 1606.

A Paulo V. cantantibus Hymnum: *Te matrem Deilaudamus; Te Mariam virginem confitemur*, vel, si die Sabbati intererint, dum idem cantatur.

Et Coronis, Rosariis, Imaginibus, & Numismatibus, quæ Medalias appellant, ab eo (Paulo V.) benedictis, Frederico Cardinali Borromæo supplicante an. 1611. dum Ecclesia Romæ in honorem S. Caroli ædificaretur.

Et ab eodem Paulo, & Gregorio XV. dicentibus: *Laus sanctissimo Sacramento.* Ab Urbano VIII. in honorem ejusdem Sacramenti, precibus Cardinalis Magalotti.

Et Sacerdotibus celebrata Missa, dicentibus: *Ave filia Dei Patris, Ave mater Dei Filii.*

A Clemente X. recitantibus mane, meridie, ac vespere, consuetam Antiphonam: *Angelus Domini, &c.* & in fine, *Dei gratias, & Maria.*

Ac demum aliæ a nonnullis Romanis Pontificibus tributæ, ut ajunt, Coronis myfteriorum Passionis D. N. J. C. prece magni Ducis Etruriæ.

Talis Indulgentia Sodalitatis S. Nicolai, qua repetita quinquies Oratione Dominica, & Salutatione Angelica, unam liberari animam quolibet die a pœnis Purgatorii affirmant.

Tales aliæ Peruisii Confraternitatis SS. Sebastiani, & Rochi.

Et Romæ Societatis S. Bernardi ad Columnam Traiani.

Vales demum aliæ Cruce-Signatorum S. Eustorgii, Mediolani, Arimjni, & Bononiæ.

Ejus generis sunt & illæ concessæ, ut ajunt, Capellæ Rosarii in Ecclesiâ S. Antonii de Rovigo, seu Rodigii.

Vel Ecclesiæ Sanctissimæ Trinitatis Bergomi.

Aut S. Petri Montis Todoni die Festo Inventionis Sanctissimæ Crucis.

Vel gestantibus funiculum S. Francisci de Paula.

Vel celebrantibus Missas S. Augustini.

Aut alias V. in honorem V. Festivitatum B. Virginis.

Vel recitantibus Officium S. Franciscæ Romanæ.

Aut Antiphonam: *O passio magna, &c.* in memoria Passionis Jesu.

Aut Rosarium S. Annæ, (quod Congregatio Sacra non probat.)

Aut Orationem, quæ impressa cum Imagine S. Annæ circumferri solet: *Ave gratia plena, &c.* (quæ Oratio prohibetur.)

Aut Officium Conceptionis B. Virginis immaculatæ, quod afferunt a Paulo V. probatum fuisse.

Aut Orationem: *Deus, qui pro nobis in sancta Sindone, &c.* (excipitur Indulgentia centum dierum an. 1671. concessa precibus Ducissæ Sabaudie ad annos 25. cunctis in alius ditione degentibus.)

Aut aliam: *Ave filia Dei*, post Communionem recitandam.

Vel aliquo conspicuo signo venerantibus SS. Eucharistiæ Sacramenti nomen.

Indulgentiæ rursus octoginta millium annorum, veteri de Tabula exscriptæ, quam in Basilica Lateranensi asservari affirmant pro dicentibus Orationem illam vere piam: *Deus, qui pro Redemptione mundi.*

Tum, quæ impressæ fuerunt Paviæ an. 1670. sub hoc titulo: *Sommario delle Indulgenze concesse dalla Santità di N. S. Papa Leone X. all' Immagine della Concezione della Gloriosa Vergine Maria.*

Vel Pifauri \* sub nomine B. Joannæ an. 1606. evulgatæ.

Vel Barletæ, seu Baruli a recitantibus quasdam non sane malas Orationes lucrantæ. Vel Parmæ a visitantibus per Quadragesimæ dies Ecclesias tertii Ordinis Sancti Francisci.

Vel Pistorii, & Vastellæ \* a recitantibus Orationem: *Ave sanctissima, Maria, Mater Dei, Regina Cali.*

Et aliæ

\* Pistorio.

\* Pistorio, Gafale.

Et aliæ in pecniali impresso Libro descriptæ, quibus frui dicunt devotos Seraphicos benefactores.

His annumerandæ sunt, quæ Crucibus Caravanensibus tributæ dicuntur.

Vel Coronæ, sive Stellario Conceptionis Virginis immaculatæ, quod ex duodecim Globulis precariis constat.

Vel Granis, Crucibus, & Coronis Aloysiæ ab Ascensione Hispaniæ Motalis Ordinis sanctæ Claræ.

Vel mensuræ altitudinis J. C. Domini nostri.

Vel imagini, aut mensuræ vulneris lateri ejus inscriptæ.

Vel Orationi, ut ajunt, in sepulchro Domini nostri repertæ.

Et indulgentiæ, ut ajunt, innixæ revelationi factæ SS. Brigittæ, Mechildi, & Elizabeth, vel B. Joanni de Cruce.

Ei concessæ, ut asserunt, Granis, quæ aliquod ex tribus Granis tetigerint extantibus penes Romanum Pontificem, Hispaniarum Regem, & Ministrum Generalem Fratrum Minorum Observantiæ S. Francisci.

Omnes vero, & singulas jam dictas Indulgentias Sacra Congregatio partim esse confectas declarat, &c. Easque in futurum ullo in loco ut veras publicari, & lucrandas fidelibus proponi vetat: foliaque, & libros ubi sic proponuntur, seu asserunt, omnino præcipit aboleri, nisi prædictæ Indulgentiæ fuerint diligenter expunctæ. Nec ideo tamen vult alias, quas hoc Decretum non continet, pro veris, & legitimis, taciteque probatis haberi.

Ac demum omnes Indulgentias concessas ante Decretum Clementis VIII. latum die 9. Januarii 1597. Coronis, Rosariis, Granis, seu Calculis, Crucibus, & imaginibus: Vel ante Breve Pauli V. quod incipit: *Romanus Pontifex*, editum 23. Maji an. 1606. personis Regularibus quarumcumque Religionum, & Ordinum etiam Mendicantium: Vel ante Constitutionem 115. Clementis VIII. cujus initium: *Qua salubriter*, &c. habitas per aggregationem, vel Communicationem ab Archiconfraternitate ulla, Ordine, Congregatione, Societate etiam Jesu, Capitulo, vel cœtu quocumque; vel ab eorum Officialibus, Superioribus, aliisque personis, vel persona; etiam sacrum, vel ejus mentio specialis, & individua facienda esset; nisi fuerint deinde Romani Pontificis auctoritate innovatæ, aut confirmatæ, nullius esse roboris, & momenti pariter declarat.

Porro summaria Indulgentiarum pro Congregationibus Doctrinæ Christianæ Confraternitatibus Ss. Trinitatis, & Redemptionis Captivorum, Nominis Dei, Rosarii, Mariæ de Mercede, & Redemptionis Captivorum, B. Mariæ de Monte Carmelo, Cincturæ S. Augustini, & S. Monicæ, nisi ab eadem Congregatione recognita non permittuntur.

Indulgentias vero Stationibus urbis, quæ a Romanis Pontificibus singulari quodam beneficio, vel communicatæ sunt, vel communicabuntur interdum aliquibus locis, Ordinibus, aut personis, diebus tantum Stationum in Missali Romano descriptis suffragari posse declarat.

Semel autem dumtaxat in die Plenariam Indulgentiam in certos dies Ecclesiam visitantibus concessam, vel aliud pium opus peragentibus lucriferi.

De quibus Relatione facta per Secretarium ad Sanctissimum, cuncta Sanctitas sua probavit, & inviolate servari jussit. Datum Romæ die 7. Martii 1678. Aloysius Card. Homo-Deus, &c.

Hic obiter annotabo Indulgentias, quæ ad perpetuam memoriam conceduntur, re ipsa perpetuas esse, nec indigere renovari; quidquid in contrarium scripserint Pontas, Babin, alique plures Galli. Ita expresse ante aliquot annos respondit Card. Oliverius Congregationis Indulgentiarum Præfex, ea de re a Præposito Congregationis Missionis consultus.

F I N I S.



